



مَنْ يَتَّقِ اللَّهَ يَجْعَلْ لَهُ مَخْرَجًا

وَيَرْزُقْهُ مِنْ حَيْثُ لَا يَحْتَسِبُ

Rinverato del Vaticano Dileto Signore 1819

... ..

DISSERTATIONES,
COMMENTARII,
NOTÆ,

*In Concilia tum generalia,
tum particularia.*


*Authore LVDOVICO THOMASSINO Presby-
tero Congregationis Oratorij Domini IESV.*

Del Con^{te} de' Minori Osservanti di S. ~~Antonio~~ all'Isola



LVTETIÆ PARISIORVM,
Sumptibus SOCIETATIS TYPOGRAPHICÆ Librorum
Ecclesiasticorum iussu Regis constitutæ.

M. DC. LXVII.
CVM PRIVILEGIO REGIS.



ILLVSTRISSIMO ECCLESIAE PRINCIPI D. D.

HARDVINO DE PEREFIXE,

PARISIENSIVM ARCHIEPISCOPO

REGIORVM ORDINVM CANCELLARIO,

SORBONÆ PROVVISORI.



N tuum, velut in familiarem
sibi, & cognatum sinum sponte
conuolat, (ILLVSTRISSI-
ME ECCLESIAE PRINCEPS) hac an-
tiquorum Canonum, & Conciliorum in-
terpretatio. Vt enim Isidorus Cyrillo
Episcopo Alexandrino scribit : Sicut
Rex qui legibus paret, viua Lex
est : ita Sacerdos, qui regitur sacris
regulis, Canon mutus est. Mallet
fortè aliquis Sacerdotem elinguium alio-
qui Canonum linguam & vitam dicere.
Quod & de Basilio Magno dictum, Cu-
jus lex, lingua Ecclesiae : & verbo-

Lib. 3. ep. 306.

Iuris Orien. To.
1. p. 200.

ā iij

EPISTOLA.

Petrus Cell. l. 6.
epist. 25.

Mineratus Tom.
2. pag. 767. 389.

rum sonus, diuinitùs scriptæ tabulæ, Dei digito insculptæ. *Satius utrumque recipiabitur, ut Episcopi Canonibus, Canones Episcopis vicissim lumen, vocem, vitam affundant & refundant. Cùm enim Pontificibus sua tam familiariter Deus reuelauerit consilia, ut etiam ad supplementum Euangeliorum, Epistolarum, & Prophetarum, perpetuâ stabilitate, Canones & Decreta statuerint, pari penè obseruantia tenenda cum Euangelio: hanc quoque Canonum & Euangeliorum consanguinitatem sanxit, ut Apostolorum, Apostolicorumque Antistitum antè tabulis cordis carnalibus consignarentur, quàm libris circumferrentur. Ideò coram omnibus electoribus & ordinatoribus suis districtissimè profitebātur antè ordinationem suam Episcopi, & propriâ manu subscribebant, sacras re-*

E P I S T O L A.

gulas sanctorum Conciliorum, seu librum Canonum qui in manus eis dabatur, quantum scierint, & potuerint, seruatu-
ros. Qui sacri Canones, Spiritu Dei conditi, & totius mundi reuerentiâ consecrati, ita decernunt: Siquis contra suam professionem, vel suam scripturam venerit in aliquo; ipse se honore priuabit. *Ideò olim Augustinus* fategit, vt
Conciliis constitueretur Episcoporum, ab ordinantibus debere, Ordinandis vel Ordinatis omnium statuta Sacerdotum in notitiam deferri. *Ideò iubentur Clerici* à Pontificibus necessaria sibi statuta Canonum legenda percipere. *Nimirum*
Canones suos nec ignorare ququam, nec dissimulare permittitur. *Quippe* Ecclesiasticorum Canonum
norma nulli esse debet incognita Sacerdoti; quia nesciri hæc à Ponti-

*Posid. in vita
August. c. 8.*

*Conc. Aurel. IV.
c. 6.*

Aurel. III. c. ult.

*Innoc. in Decret.
c. 32.*

EPISTOLA.

fice satis est indecorum, maximè
cùm à Laïcis religiosis viris & scia-
tur, & custodienda esse ducatur.

*Conc. Ticin. an.
850. c. 6.*

*Ideò denique in omni ambigua specie per
Canones enucleanda, urgentur Presbyte-
ri Episcoporum suorum implorare
sententiam. Suppudet ergo iam me,
quòd Canones Synodosque interpretari,
hoc est, Episcopalis dignitatis & muneris
partes longe pulcherrimas inuadere occu-
pauerim: reus antè Canonum, quàm in-
terpres: vel eo reus ipso, quo interpretes.
Pudet & muneris tibi cupide destinati,
quo furti astringi periclitor. Sed rursus
cedit verecundia, cum recurrit animo, nec
Deo nisi sua refundi munera: alioqui in-
uidiosam fore eius opulentiam, si dum
nostram egestatem subleuat, oneraret pu-
dorem: insidiosam munificentiam, si dum
beneficiis ornat, reddenda vicis solatia
invideret. Ita nunc Episcopales tibi re-
gerimus diuitias; nec nostris, sed tuis te
muneribus*

EPISTOLA.

muneribus cumulamus; Pontificiis te cingimus ornamentis. Nostrum fuit has copias explicare, admirari, admiratoribus propinare, & tum denique vestras & Episcopalis censûs proprias profiteri.

Sed propria hæc tua, ARCHIPRÆSVL ILLVSTRISIME, & peculiaris supellex est, qui Regiæ institutioni præfuiſti. Custos enim, Executor, Defensor Canonum in sacris publicisque monumentis passim Princeps audit. Canonum ergo quoque prudentiâ imbuendus est, & charitate. Regi, ut Pontifici, uniuersales etiam Synodi fausta imprecatæ sunt. Pontificali igitur scientiâ aspergendus est. Regia potestas non solum ad mundi regimen, sed maximè ad Ecclesiæ præsidium est collata. Ecclesiæ ergo lacte, iam inde à cunabulis, & in Episcoporum maximè sinu Reges nutriendi sunt: ut ipsa vicissim postea mamillâ Regum lactetur; & Reges Nutritios, Reginasque Nutrices habitura, cælesti ubere Regina

*Chalced. Syn.
Leo epist. 41.
Hincmarus To. 2.
pag. 139.*

*Isaie 60. 16. &
49. 23.*

EPISTOLA.

*Cassiodorus l. 3. C. 11.
cap. 6. 7.*

*& Nutrix Ecclesia beneficentiae gloriam
anteuertat.* Omnis Rex & Imperator
habet officium publicum ad publi-
cam vtilitatem ordinatum. Publica
verò vtilitas est pax. Principium au-
tem pacis est, ad finem æternum di-
rigere subditos: & media illum per-
tingendi sunt sacra instituta religio-
num. Quare prima cura Imperialis in
iis obseruandis versatur. Ita legimus
Paganos Imperatores Pontifices Ma-
ximos nominari, propter curam,
quam impendebant religioni. *Cum*
Rex igitur & Pontifex idem, aut tan-
tantum non idem sit; Pontificum utique
lacte fouendus est, manu fingendus, ore,
linguâ, ingenio expoliendus: ut quo re-
cens imbutus fuerit, odorem seruet diu:
innouetque illud, quod de Ludouico IX.
sanctissimo Galliarum Rege scriptum est:
Non solùm in Regni regimine de
corporum aut rerum corporalium
custodiâ anxius erat, ut omnes quasi

*Guillel. Carnot.
in eius vita.*

EPISTOLA:

pupillam oculi conseruaret : sed de salute etiam animarum vltra quàm credi possit, piâ vsurpatione permotus, sic de ipsâ curabat attentè, quod etiam quodammodo Regale Sacerdotium, aut Sacerdotale Regimen videretur pariter exercere. *Itaque ut alios missos faciam, præstantissimi Pontifices, S. Remigius Clodouæo, & in eo Christianitatem dedicante, posteris omnibus: Hincmarus Carolo Caluo: Ionas Pipino: Gallicani omnes aded Antistites Synodi Parisiensis sextæ, & Aquisgranensis secundæ, Regibus nostris Regni Sacerdotaliter administrandi institutionem delinearunt. Eosdem hortata est ex vtroque ordine Consiliarios sibi asciscere Synodus apud S. Macram, exemplo Caroli Magni, qui sapientiâ tam in sanctis Scripturis, quàm & in legibus Ecclesiasticis & humanis Reges Francorum præcessit, nec vllò vnquam tempore sine tribus de sapientioribus*

An. 819.

An. 816.

An. 817.

EPISTOLA.

& eminentioribus Consiliariis suis esse patiebatur, &c. Et quæ siue in die, siue in nocte, de vtilitate sanctæ Ecclesiæ & de profectu ac soliditate Regni meditabatur, in tabulis adnotabat, & cum eisdem Consiliariis suis tractabat: & quando ad Placitum suum veniebat, omnia subtiliter tractanda plenitudini Consiliariorum suorum monstrabat, & communi consilio illa ad effectum perducere procurabat. *Horum tu uti patriis ingressus vestigiis, & crudam explicanti pueritiam, & pubescenti, & maturo demum animi corporisque robore, præmaturo autem sapientiæ senio quodam, & Consiliorum canitie Regnum nunc moderanti Augustissimo Principi, ea infudisti, ea irroras adhuc Cælestium, Ecclesiasticarum, Ciuiliū legum mandata, ea virtutum documenta animo, linguâ, stylo; quibus ornatus, auos vincendo magis illustret: euadatque non*

Ambros. de Valent. obi.

EPISTOLA.

Henrico tantum Maior, sed Carolo Augustior, Sanctior Ludouico. At præ cæteris id, quo cætera continentur, quàm præclare insinuasti: Præsenti & futura salutis profutura sectamini: quæ agenda sunt, prospicite diligenter, & tractate subtiliter, communicato consilio cum Dei, vestrisque perfectè fidelibus. Nec vos cuilibet ita subiiciatis, ut ad eius arbitrium omnia faciatis. Cur enim Regium nomen prætenditis, si regnare nescitis? Non expedit vobis & populo, ut aliquem vobis æquetis, nedum præponatis. Vicem vos gerere Dei, quis ignorat? At ipse dicit, Gloriam meam alteri non dabo. Non admittantur ergo à vobis, qui gloriam vestram inter se ipsi partiantur, & meliorum amorem alienent à vobis. Id vel unum documentum est, & abundè est, ut diuinas humanis, publicasque priuatis rationes anteposueris. Itaque ad rerum gubernationem

Lupus Ferrar. ad Carol. Reg. epist.

64.

EPISTOLA.

*cula sedere tum maxime meruisti, cum
ut nequis omnino sederet, cum ut impo-
sitam sibi diuinitus personam, regiamque
prouidentiam Rex unus impleret, perfe-
cisti. Regios illi animos, & tanto pon-
deri pares, natura praefinxerat, doctrina
confirmavit. Itaque quod Deo, quod sibi,
id tibi quoque Rex debet, regnare ut nul-
li debeat: quod Deo, quod Regi, id tibi
quoque debet, id gratulatur Gallia uni-
uersa, quod Regni fraena non torqueat
vicaria, sed Regia manus, mens Impe-
ratrix moderetur. Itaque si peruigil ex-
cubat Princeps, si pacis bellicae consilia
indefessus tractat, id tuae olim parturie-
bant vigiliae, haec tu sapientiae manda-
bas semina, cum bibulum & sequacem
animum per historica Maiorum monumen-
ta circumagebas. Lectitandi, meditandi-
que studio, omnem retro recensebas cum illo
auorum Regum ordinem, fataque, for-
tunasque virum, moresque, manus-
que: quae fortitudinis, quae ignaviae*

EPISTOLA.

*præmia : unde laudum , unde dedecoris
seges ; quæ pietati desponsa sit gloria ,
quæ regias etiam labes posthuma infamia
ulciscatur. Emicabat iam tum Principis
animus sui sibi conscius ; & tum
naturæ sponte , tum his doctrinæ incita-
mentis stimulatus , ardebat ire per auitæ
virtutis vestigia , haustosque ignes &
impetus explicare : sed hoc fortitudinis
& sapientiæ specimen edendum ante
fuit , ut se prius , quàm alios regeret : gu-
bernacula cùm vacua essent , tunc tran-
quilliùs occuparet : diu disceret regnare ,
nunquam postea docendus , nunquam de-
docendus : Regiarum virtutum torrentem
quendam eo inuictiùs postea , pleniusque
que effunderet , quo diutiùs cohibuisset.
Sed quamlibet vicem Dei Rex gerat , il-
lumque æmulari debeat , qui nullum in
gloriæ suæ societatem adsciscit : ex ista
tamen laude aliquam tibi partem decer-
pi non illubenter sinit. Refluit porro in
ipsum cum sænore , quod in te effluit : &*

EPISTOLA.

in tanta Regiarum virtutum luce splendidissime radiat inuictissimi, modestissimique Principis illa gloria, Regnare ut nulli debeat, tibi idipsum se debere inter familiares nonnunquam sermones gloriantis. Consentaneum fuit autem, ut qui prius Regem, idem postea Regiæ urbis Ecclesiam institueres, regeresque. Cognata sunt hæc munera, & conserta. Imbuitur illic Rex, Ecclesiæ defensor; hic Ecclesia Regina, Regum Parens & cura: illic Episcopus exterior & communis Ecclesiarum; hic Ecclesiæ disciplina interior, & anima ipsa fingitur: illic demum in Principe genus ipsum humanum ultro Principis exemplis & moribus coaptandum; hic omnes quodammodo informantur Regni Ecclesiæ in huius Regiæ urbis Ecclesiâ, ut quæ communis sit quædam Patria omnium: & Christianæ Theologiæ, Deificæque disciplinæ ac deæcationis sanctimonie magistra, & veluti scatebra, Galliam
in

EPISTOLA.

in omnem exundans & inexhausta.

*Postremò rationes etiam tibi referendæ
 fuere Archiepiscopalis huiusce Seminarij
 Clericorum nobis concrediti. Tuum enim hoc
 prædium est, quod excolimus: tua domus,
 ARCHIPRÆSVL ILLVSTRISIME, quam
 incolimus. Excoluere & incoluere iam
 olim non nostri tantum, sed tui etiam
 Maiores. Priusquam quis ad conse-
 crationem Presbyteratûs accederet,*
*manebat in Episcopio, discendi gra-
 tiâ suum officium tandiu, donec pos-
 sent & mores & actus eius animad-
 uerti: & tunc si dignus fuerat, ad Sa-
 cerdotium promouebatur. Episcopi*
*ingenuorum filios aggregabant, sibi-
 que sociabant; & vt Scholæ fierent
 per singula Monasteria, vel Episco-
 pia curabant. Episcopus quisque talem*
*iuxta se habere decertabat, qui iux-
 ta sincerissimum & purissimum sen-
 sum Catholicorum Patrum, Presby-
 teros assiduè instrueret & informa-*

*Capit. Car. Mag.
 Ad. l. 3. c. 46*

*Capit. Car. Mag.
 l. 1. c. 71.*

*Conc. Meld. an.
 845. c. 38.*

EPISTOLA.

70. 1. Conc. Gall.
788.

Alcuin. epist. 10.

Beda l. 4. c. 12.

Conc. Tolet. II. c.
1.

ret. *Edixerat enim Carolus Magnus, ut*
Episcopia & Monasteria etiam in li-
terarum meditationibus docendi stu-
dia impenderent. In Galliâ olim No-
uas Athenas, sed sacras molitus erat
Alcuinus, nimirum eruditionis schola-
sticæ & sapientiæ thesauris ab Egberto
Archiepiscopo Eboracensi, Magistro suo,
locupletatus. Et certe in eadem Angliâ
Theodorus Cantuariensis Archiepiscopus
congregauerat discipulorum cater-
uam, scientiæque salutaris quotidie
flumina in rigandis eorum cordibus
emanabant. In Hispania Lectores
ipsi in domo Ecclesiæ sub Episcopali
præsentia à Præposito sibi erudieban-
tur. Quid Augustinum in domestico Cleri-
corum Collegio, nisi Doctorem suspicabi-
mur? Quid Alexandrinam Scholam &
suo suggestu ad Marci Cathedram plures
prouehentem? Quid Gregorium Nazian-
zenum, Hieronymi Catechisten? Denique
ab his Episcopalibus Scholis scaturiere


EPISTOLA:

*in Orbem uniuersum quaecumque etiam-
nunc splendidissimæ florent Academiae;
& originis suæ haud immemores, Pon-
tificibus nexu & mancipio quodam ad-
dicuntur. Itaque patrius hic tibi ager
quodammodo est; quem triumphales, ut
ita dicam, agricolæ laureatis manibus
olim subegere Maiores tui, sanctissimi,
doctissimique Episcopi: quem Apostolici
oris, pectorisque irrigauere fontibus; quem
spiritalibus immortalibusque sibi conseue-
re plantis; quem primò Episcopalibus
ædibus adiacentem quotidianis exer-
cuere curis: postea ad negotiosi otij sui
delicias, & ad sacri silentij ac secessûs
amœnitatem, suburbanum habere malue-
runt. Hunc nos quasi vicariis operis &
sudoribus excolimus, sed ut tuum, tuâ
vice, tua prouidentia & lege. Nec ali-
ter fructus eius omnes, & hos nunc qui-
dem præcipue tibi repræsentamus, quàm
ut fouendos, coquendos, maturandosque
tuo illo lumine, & diuino quodam Sole,*

EPISTOLA.

*quo celeberrimam toto orbe Sorbonam, hoc est, Christianæ Theologiæ natale quoddam & diues solum illuminas, foues, ac Prouisoris nomine munereque amplissimo tueris. Facies munusculo huic pretium, ILLUSTRIS-
SIME ECCLESIAE PRINCEPS, si gratum esse monstrabis. Iudicij patrocini-
niue tui radio, & excussus fugiet, si-
quis undecumque ingruit, maleuolentiæ
nimbus : & frugis maturitatem tota
messis, cuius has tibi prælibamus primi-
tias, assequetur. Muneris tenuitatem ex-
cusare suadet modestia, pene vetat æqui-
tas. Te, tuaque enim tibi offerimus.
Vnum hoc non impar tibi donum est.
Quod aded extenuasse, liuoris iam ma-
gis sit, quàm pudoris. Spes illa quoque
non vana superat, fore ut seu dignitate
muneris, seu accipientis humanitate, offe-
rentis obscuritas obruatur & delite-
scat.*

Datum in Ædibus Sammaglorianis
Seminarij Parisiensis Presbytero-
rum Oratorij Domini IESV.



P R Æ F A T I O

AD LECTOREM.

CONCIONATORES, Confessarios, Oblatos, Diœceseon Vicarios generales, *sacrorum veterumque Canonum, constitutionum Pontificiarum, Conciliorum & Decretorum notitiâ ac scientiâ* priùs imbui debere, quàm sua obirent munia, sanxit primigeniæ Cleri sanctimonix nuperus, idemque ter maximus restaurator sanctus Carolus Borromæus. Vnum hîc promam Carolum à Basilica Petri, vitæ eius Scriptorem: *Vsitatam Iurisconsultorum scientiam, quâ fuerat occupatus adolescens, minimè ad se pertinere ratus, Theologica & Canonica tantùm novit, quantum Cardinali magnam Ecclesiam regenti efficere posse concessum est. Ex Theologiâ Scripturas divinas potissimum sequebatur, tum veteres Patres, &c. Canonum ea scientia per iucunda erat, quæ Patrum mores & acta representans, Ecclesiæ componenda atque ordinanda rationem continet: dolens eos communi*

I. Hanc lucubrationem in Concilia & Canones quæ lex, quæ necessitas extuderit, & extruserit in publicum.

Acta Eccl. Med. p. 476. 519. 837.

658.
Lib. 7. c. 11. 34.

PRÆFATIO.

consuetudine tantum Canones ad interpretandum seligi, qui ad lites iudiciaque valent. Iamdiu est, quod ut morem huic S. Caroli instituto & exemplo gereremus, in hocce Archiepiscopali Regiæ Urbis Seminario, præter Scripturæ Sacræ, & defæcatissimæ S. Thomæ Aquinatis Theologiæ iuges & quotidianas meditationes, tertium quemque annum veterum Canonum & Conciliorum interpretationi impendimus: biennium interiectum vendicante sibi ac partiente Annalium Ecclesiasticorum, & Antiquorum Patrum lectione, tum Canonum illuminationi pernecessariâ, tum ab eodem ipso legislatore nobis præfinitâ. Verum dum in domestico Clericorum Auditorio Canones admiramur; nec tam ipsos interpretamur, quàm sanctorum Patrum, ipsorummet qui Canones condiderunt, interpretationes depromimus: multa loquentis ab ore rapta, & volaticis furtim adnotata calamis, subitariis postea scriptitationibus commissa, ut quisque meminit aut sapit: sed præsertim Amanuensium postea aut oscitantia, aut inscitia credita, difficile dictu est, quantis mendis atque erroribus obforduerint. Nihil intentatum reliquimus,

P R Æ F A T I O.

vt huic malo occurreretur. Incassum cecidit conatus omnis. Huc tandem nos ipsa vitandorum, quæ hinc emergebant, discriminum necessitas, atque eorum, quibus liberam hanc deuouimus seruitutem, auctoritas adegit: vt typis ista potius mandaremus, etsi nondum satis castigata, sed ab illa subitariarum scriptitationum, & dormitantium exscriptorum labe intacta.

Vt autem ad Conciliorum, Canonumque studiosis facem accendendam, *Dissertationes, Commentarios, Notas* instruere-

II. Cur in Dissertationes, Commentarios, Notas partienda illa fuerit.

mus: iussit ipsa rerum pertractandarum natura, & varietas. Longè plurima sunt enim, quibus amica Notarum breuitas abundè erit. Sunt & multa tanti momenti, vt paulò operosiùs, prolixiusque Commentanda sint. Sunt denique non pauca, quæ quantacumque dissertationum vbertate, & vt ita dicam liberâ loquacitate, vix satis queant enucleari: tantis illa sunt ambagibus, tantis contentionum molestiis impedita. Rerum ingenio & modo ratio tractandi, methodusque famulari debuit, non dominari. Ex quo id quoque natum est, vt aliquam semel ingressi controuersiam, vni alicui, cui bellius concinebat, Synodo aptatam:

P R Æ F A T I O.

ibidem ex reliquis quoque Synodis si qua eiusdem erant argumenti, decerpta con-
xeremus: id breuitati, vtilitati, delectatio-
ni accommodatius rati, si capitalia non dis-
cerperentur, sed suis partibus, numerisque
constarent in vnum compacta disciplinæ Ec-
clesiasticæ argumenta. Vt verò Notis &
Commentarijs, tum earum quas hîc præli-
bamus, tum aliarum Synodorum Canones
& difficultates quasque explanaturis, præi-
rent Dissertationes & in lucem antè exi-
rent: in causâ fuit harum dignitas & mo-
mentum: cum his grauissimæ controuer-
siæ elucidentur, & præfigantur quasi regu-
læ, quibus reliqua breuius perstringenda
deinceps coaptentur. Opportunius etiam
erit, excitam Dissertationum prolixitate
nauseam, succinctâ Notarum breuitate re-
creare.

III. Car omnis
hæc Conciliorum
elucidatio, ex me-
diâ Patrum anti-
quorum Theolo-
giâ depromatur.

Porro Synodaliū controuerſiarum,
Canonumque elucidamenta à sanctis Patri-
bus maxime accersere, & ab iis potissimum,
qui cuique Synodo vel affuere, vel propè
abfuere: consultissimum visum est. Ecquis
enim Synodorum arcana certiùs promet,
ipsis earum authoribus, facibusque? Legum
omnium interpres optatissimus, & dignis-
simus.

PRÆFATIO.

simus est, legum ipse lator. Qui siue fidei, siue morum regulas in Synodo verborum summâ parcitate temperabant: illi ipsi postea eadem præclarissimis lucubrationibus, & tota Thologicæ eruditionis opulentiâ exornabant. Quin ipsæ Synodi veteris & mediævi tum œcumenicæ, tum locales complurimæ, corrogatis veterum Patrum, & nuperorum etiam quandoque Scriptorum testimoniis inferciri se & locupletari gaudebant. Quid æquius ergo, quàm earum genio in illis tractandis seruire? Quorum est autem magis Synodos versare, interpretari, illuminare, quàm Theologorum? Theologicum istud penu, Theologicum peculium est. Sua sunt Historicis, Chronologis, Geographicis, Grammaticis regna alibi latissima, in quibus se iactent: Theologo in Synodis patria regio, patria hæreditas est. Vertex Theologorum Petrus fuit. Theologicus Senatus Apostoli. Patres Ecclesiæ, iidemque Theologi: & ex illis artium floribus, vnâ maximè præfulgentes Theologiâ, Synodos agitauere, suam seu fidei, seu morum decretis Synodicis Theologiam consignauere. Denique & ad antiquissima, & ad media, & ad nuperri-

*Dionys. cap. 3. de
dia. Nom.*

PRÆFATIO.

ma Concilia conuolare iussi, oro te, quoniam ex illo Eruditorum grege? nisi Theologi? Canonici enim Iuris prudentiam nunquam à Theologiâ dissociabimus: nihilo plùs, quàm Canones, Patrumque scita à Sacris Literis; hoc est, vt tritissimè dicitur, Conclusiones à Principiis. Ergo suprà laudatæ artes, vt Theologiæ, ita Conciliorum doctrinæ ancillentur, nec prætereà quidquam audeant: non indigenas sc, non vernaculas, sed peregrinas hîc & hospites esse intelligant: atque ad secundarias tantùm pefunctoriasque operas acciri. Si quis autem inter laciniosas sanctorum Patrum, priscorumque Pontificum ac Theologorum dissertationes nausceat, & præ his Criticas, aut qualeslibet suprapositarum artium concupiscat delicias; næ ille delicatissimi & insolentis fastidij est, qui in Ecclesiastico hocce thesauro, aurum præterit, vt legat quicquillas. Quanto conducibilius erit, vt hæc omnia partes suas agere, & siue primo, siue extremo loco, citra inuidiam aut rixam, operam nauare præcipiantur? Etsi non paria, non poenitenda tamen ab his omnibus subsidia ad Conciliorum illustrationem possunt accedere. Vt alios porro silcam, vide-

P R Æ F A T I O.

sis, ut Zonaras, ut Balsamon apud Græcos in commentatione Canonum desudarint. Ex Scripturis, ex sanctis Patribus, ex ipsissimis Synodis, reciprocâ semet luce perfundentibus, ex Imperatoriis denique legibus, quos in hac etiam parte imitari non sumus grauari, suam omnem interpretationem consarcinarunt.

Dilucidius id fiet nimirum, si qui capiendus sit maximus ex Conciliorum meditatione fructus, excutiamus. Cælestium utique fidei dogmatum Sapientiam hinc haurire, disciplinæ Deificæ antiquitatem, administrandorum Sacramentorum, componendorum morum, vitæ tum Christianæ, tum Ecclesiasticæ ad primæuam castimoniam reformandæ leges certissimas exculpere, retundendis ac debellandis hæreticis tela vitricia hinc expedire votum est, spes est, certa fiducia est. Hos metere fructus, Theologicæ prorsus operæ, atque industriæ est. Ex reliquâ artium familiâ, Historia sæpiùs feret suppetias. Sed nos, ut in Theologicas potissimum effunderemur dissertationes, præter ipsam Conciliorum dignitatem, quæ extra Theologiæ sacrarium vilescit penè, & obscuratur: compulit loci, temporis, at-

IV. Ex Conciliorum lectione fructus longè uberimus ad Theologos, Clericosque informandos pertinet.

P R Æ F A T I O .

que Instituti necessitas. Clericorum enim seminaria, humanâ eruditione reliquâ sparsim irriganda fortassis illa quidem sunt: at Theologicis fontibus vbertim irrigari, & penè inundari, ab antiquis & recentioribus Patribus Synodisque mandantur.

V. Harum Diff.
fructus triplex:
hæreticorū sug-
gillatio, Concilij
& Pontificis, Sa-
cerdotij & Impe-
rij concordia.

Istarum in primis Dissertationum triplex fermè scopus ille est; vt nuperis occurratur hæreticis, & nouæ indies ab illis excogitatæ machinæ perfringantur: vt famosæ inter Orthodoxos lites de Concilij & Pontificis potestate sopiantur: vt Sacerdotij & Imperij concordia neutri contumeliosis superstruatur fundamentis. Siqua Imperij iura, siqua Priuilegia liberaliùs prosequenda fucere, ea Caroli Magni, & Francorum deinceps imperio adserenda suo loco erunt, vt verè Christiano Imperio, ad Christianæ legis ingenium à cunabulis suis concreto & temperato, nullâ prioris superstitionis, nullâ Gentilitiæ dominationis peregrinitate, aut quasi natiuâ feritate præoccupato. Consule, si vacuum est, sub Caroli Magni nomine publicatum à Gallicanis Antistitibus volumen, ex quo pauca hîc ista carptim delibo: *Priscæ gentilitatis obsoletus error, Christi aduentu repulsus, quoddam cernitur*

Lib. I. cap. 3. l. 3.
cap. 15.

P R Æ F A T I O.

in his reliquisse vestigium, qui se fidei & religionis Christianae iactant. retinere fastigium: qui & intra Ecclesiam novas & ineptas constitutiones audacter statuere affectant: & se Diuos, suaeque gesta Diuina gentiliter nuncupare non formidant. Quibus multo etiam acerbiora inferius improperebant.

Scintillabit quoque, ut reor, ex his aliqua lux, quâ hodiernis concertationibus offusa caligo diluatur. Errores enim, librosque errorum satores proscribi ab Ecclesiâ, defensoribus non destitui; nunc apertio Marte, nunc per cuniculos defensari; eadem factorum à iure cauillatorias distinctiones obtrudi; frustratorias has ludificationes vel vigore Canonum comprimi, vel etsi veniâ & remissione iuris abuti aliquandiu sinantur, sponte suâ diffluere & euanescere tandem; Authoritatem Ecclesiæ, & individuum eius comitem, vel ducem potius Veritatem, ubique & indiscriminatim regnare victricem, omnibus retro sæculis crebrum & familiare fuit. Arii, Priscilliani, Pelagij, Nestorij, Eutychetis, Theodorij, Theodoretij, Ibae & aliorum scripta, à Synodis confixa, tueri se quidam ita cauillabantur, ut affictos errores, & à se & ab

VI. Indidem elucebit, quàm non possint damnati semel ab Ecclesiâ libri defensari: & quàm inanes ac nugatoriae sint, in eâ certè re, iuris & facti distinctiones. Ne dispensatione quidem & silentio, vibratae damnationis vires languescere aut eludi possent.

PRÆFATIO.

illis abstergerent : sed has tergiuersiones nunc censuræ asperitate statim vltima est, nunc dispensatione dissimulauit aliquandiu Ecclesia, semper auersata est, semper aliquando tandem obtruit. Defensionem enim trium Capitulorum quamuis Gregorius, alique Pontifices non disertè eiurari expresserint, mirabili quodam veniæ temperamento : quam illam tamen execrati sint, argumento illud est, quod eam tandem omnes etiam Occidentales abiecerint ; idque per diu & constantissimè, nisi quod vni & alteri eadem licentia nuper obrepserit. Illa quoque nos spes adhuc delectat, qui nunc Iansenianam de gratiâ scriptionem ab hæreticâ infamiâ, & ab inflicta damnationis sententiâ purgare plus nimio student, casso & foedo conatu desituros aliquando ; & seu clementiâ, seu vigore iuris, cuius vtriusque prudentia arbitriumque penes Pontifices est, fractos, assensionem suam, quam nunc suspendunt fortasse magis, quàm negant, Magistræ & Reginæ Ecclesiæ accommodaturos.

VII. Frustra sunt, qui dissensu suum rem ampliari vel suspendi putant.

Frustra sunt enim cum olim nemine dissentiente damnatos libros gannunt, adeoque eorum damnationi subscribendum

P R Æ F A T I O.

fuisse: nunc multorum intercessione rem ampliari & suspendi. Contrà enim totum est. Olim dissentiebant plures, nimirum Episcopi: nunc nulli. Episcoporum est enim Synodicis vel Ecclesiasticis quibuscumque definitionibus consentire, vel dissentire. Reliquus Ecclesiæ grex in [pastore est: membrorum sensus & nutus omnis in Capite, & à Capite religatus est. Vt in Synodo Ecclesiam repræsentante, ita in Ecclesiâ ipsâ extra Synodum in aliquid conspirante, suffragij ius penes Episcopos est. Itaque qui nunc dissentiunt, nulli sunt, nullo loco, nullo numero sunt. Idque ipsi sentiunt, dum nomina premunt. An definitiones qualescumque Ecclesiæ, non dico, in irritum mittet, sed vel suspendet dissensus eorum, qui quanti, qualesve sint, & nescitur, & nesciri ipsi volunt? Circumferuntur paucorum Episcoporum nomina & epistolæ: sed hi consentaneos se Sedis Apostolicæ & vtrique eius Constitutioni, atque à nutu Pontificis pendulos se profitentur. Presbyteri verò, & multò magis his inferiores, audiant animoque mandent, quid ad Episcopos Galliarum rescripserit olim Cælestinus Papa, aduersus *nescio quos Presbyteros*, Epi. i.

PRÆFATIO.

qui diffensioni Ecclesiarum studebant, & in-
disciplinatas quæstiones vocabant in medium.
Vestra dilectioni iustius imputamus, quando
illi super vos habent copiam disputandi. Legi-
mus supra Magistrum non esse Discipu-
lum: hoc est, non sibi debere quenquam ad in-
iuriam Doctorum vindicare doctrinam. Nam
& hos ipsos nouimus à Deo nostro positos
ad docendum; cùm sit dicente Apostolo, eis
tertius locus intra Ecclesiam deputandus.
Quid illic spei est, ubi Magistris tacentibus
hi loquuntur? &c. Qui si ita est, eorum disci-
puli non fuerunt, &c. Ergo corripiantur hu-
iusmodi. Non sit his liberum, habere pro vo-
luntate sermonem. Sciant se, si tamen censen-
tur Presbyterij dignitate, vobis esse subiectos.
Nam quid in Ecclesiis vos agitis, si illi sum-
mam teneant predicandi? Ne doceant ergo
Presbyteri Episcopos, Discipuli constitutos
à Deo Magistros: ne suæ illis vel in defi-
niendo, vel in præcipiendo potestatis & of-
ficij limites statuunt: ne Ecclesiarum Prin-
cipibus principari & dictata dare audeant.
Meminerint post Arium latissimè in Eccle-
siâ, diutissimèque Presbyteris concionandi
etiam ad populum interdictam fuisse facul-
tatem; & absolutè nostra omnia Presbyte-
rorum,

PRÆFATIO.

rorum, præcaria & obnoxia pendere à nutu
Episcoporum: quorum est ἡ ἀρχιερωσύνη, Sa-
crorum omnium, ac proinde & doctrinæ
principatus.

Si qua iuris factique distinctio in libro-
rum damnatione vsurpanda fuisset, hanc
nobis Pontifices præissent, hanc utcunque
vsurpatam non explosissent. At inhærebat
eis, quod idem eorum prædecessoribus ibi-
dem inculcauerat Cælestinus; *Desinat in-
cessere nouitas vetustatem, desinat Ecclesia-
rum quietem inquietudo turbare.* Vetustas e-
nim illa est, quòd per tot retro iam lapsa
sæculorum volumina exulauit semper ab
Ecclesiasticis definitionibus, & Confessio-
nis formulis illa distinctio. Nouitas est au-
tem, quòd nouam quandam speciem ex
suâ dissensione emeruisse sperant; cùm eo-
rum vt paucitatem fileam, nec nomen, nec
momentum, nempe quia nec suffragij ius
sit vllum in Episcopalibus fidei sanctioni-
bus. Nouitas est, quòd Scholæ decretis,
non conciliare, sed vel renitentem subiu-
gare Episcopatum orbis vniuersi molun-
tur. Obsequuntur, non præeunt filij Patri-
bus, Presbyteri Episcopis, Scholæ Magistri,
Magistris Ecclesiarum. Nulla ideo vel su-

VIII. Exulauit
semper hætenus
à Confessionibus
formulisque fi-
dei illa iuris & fa-
cti distinctio,

PRÆFATIO.

spicanda pugna usquam est, inter Scholæ placita & decreta Pontificum: si qua foret unquam, illa his utique aptanda, inflectendaque forent. Alioqui non Episcopis tantum, sed ipsa sibi conflictaretur Schola, quæ non posse uniuersum Ecclesiæ Catholicæ Episcopatum hæresi ullâ vel implicari, vel greges sibi creditos implicare consentit. Ergo ubi Pontificum toto orbe nusquam à se dissentientium euidentia sunt decreta, his utique assentiendum; his accommodanda interpretando esse sua quælibet placita hortatur ipsamet Theologica Schola. Securi maiestatis suæ, gnari constantissimæ hætenus consuetudinis Antistites, errores librosque damnauêre prisco more, id est, indiscriminatim: Episcopatu Orbis Catholici consentiente, consensuram & iam consensisse Ecclesiam uniuersam, & Ecclesiæ veluti flores delibatos, Scholas Theologicas, neutiquam dubitauere. Episcopi enim, ceu Apostolorum successores, ipsa Christi Schola est, quos & sibi Discipulos Dominus adoptauit, omnia utique edocendos: & nobis Magistros ordinauit, omnia utique docturos. Episcopi, Ecclesia Catholica filij discendo, & Patres docendo. Episcopi, Eccle-

Tertull. in Scorpi.

*Aug. lib. 3. con.
Iul. n. 3.
Prosper con. Coll.
in fine.*

PRÆFATIO.

fiarum Principes & legitimi iudiciorum Domini ministri.

Denique causarum omnium Ecclesiasticarum, nisi susdeque vertamus omnia, Iudices non alij sedebunt quàm Episcopi. Ergo quid fidei formulis inscribendum sit, quæ facta à iure, & quæ discernenda: quibus humana, quibus diuina fides deuouenda; vbi promiscuè hæc & accommodatè priscae omnium hætenus Ecclesiæ ætatum ac Synodorum simplicitati inuoluenda, Episcoporum est iudicare ac definire: nostrum est Episcopali sententiæ subscribere. Esto vt nostrum quandoque sit litigare, sed litigatorum non est iudicare: sed nostrum non est de Iudicibus nostris iudicare: ne in nos illud Cypriani deflectatur: L. 6. l. 17. p.

Nec enim hæreses aliunde obortæ sunt, aut nata sunt schismata, quàm inde, quòd Sacerdoti Dei non obtemperatur: nec vnus in Ecclesiâ ad tempus Sacerdos, & ad tempus Iudex vice Christi cogitatur. Cui si secundum magisteria diuina obtemperaret fraternitas vniuersa, nemo aduersum Sacerdotum collegium quidquam moueret; nemo post diuinum iudicium, post populi suffragium, post Coëpiscoporum consensum, iudicem se non iam Epi-

IX Huiusmodi
causarum Eccle-
siasticarum Iudi-
ces sunt Episco-
pi, horumque
ad eam sententi-
am standum est.

PRÆFATIO.

scopi, sed Dei faceret. Quantuilibet ergo distinctionum, litiumque, seu nouarum, seu veterum strepitus obtundat Ecclesias: de his omnibus iudicabunt vice Christi Pontifices: quæ Ecclesiæ Patres, Magistri, Iudices: & horum sententia ibit in sæcula: quæ secus obstrepunt, velut fabulæ & insomnia vaneſcent. Quocirca iuuabit illud vsurpare Ferrandi Carthagin. Diaconi: Vtinam mihi fide simplici, quam Catholica per vniuersum mundum docet Ecclesia, sic donet Deus esse contentum: ut omni si fieri potest, huius vite miserabilis tempore, orationi & ieiuniis vacans, plangam cum pusillis fratribus meis delicta multa & graua. Et mox: Loquantur & predicent, quibus honor Sacerdotij docendi authoritatem tribuit: nos discere parati sumus, docere alios non presumimus. Interroga igitur si quid veritatis cupis audire, principaliter Apostolica Sedis Antistitem, cuius sana doctrina constat iudicio veritatis, & fulcitur munimine authoritatis. Interroga plurimos per diuersa terrarum loca Pontifices. Nec alios prætereà magistros adiri, vel audiri iubet.

*Ad Secretum Schol.
n. 1.*

X. Cur in antiquis Synodis & controuersis tractandis, ab hac

In antiquis. autem Synodis explanandis, ab hodiernâ hâc concertatione attingendâ

P R Æ F A T I O.

consultò abstinui; quòd illa non inanis me
 iuuet spes, fore vt ad meliora se consilia
 referant ij, qui cunctantur adhuc vt Eccle-
 siasticæ authoritati, quæ ad veritatem tam
 fida dux toties fuit, eritque etiam doctissi-
 mis, animum inclinent: vt denique tam
 præclara ingenia, tantam eruditionis co-
 piam, elegantiam scribendi, tuendæ Ec-
 clesiæ, & propagandæ paci, pietatique red-
 dant. Pontificiæ authoritatis equidem pe-
 dissequus, quos illa cumque & quandiu Ec-
 clesiæ Catholicæ gremio fouebit, his ma-
 culam inurere temperabo. Est & charitas
 sæuiens, scio: sed Paterna magis, Paterna
 antè, quàm Fraternalis. Postremò anathema-
 ta librare & moderari, Pontificum est. Ille
 nostro ordini modus consentaneus est, vt
 Episcopos sequamur, non antecamus: &
 tum maximè sequamur, cum aliis, quod
 morosius sequantur, vel omnino non se-
 quantur, vitio damus. Etenim quid nobis
 optatius esse queat, quàm quod Beatissimo
 Pontifici ex Apostolica Cathedra Aposto-
 licam clementiam explicanti: *vt omni re-*
rum præteritarum ex hominum animis euul-
sâ & abolitâ memoriâ, pristinum decus exi-
stimationi & laudi antiqua restituatur co-

*temperatum. Et
 cōcertatione ho-
 diernâ attingen-
 dâ.*

*Alex. VII. Pont.
 Max. in breui ad
 Louan.*

P R Æ F A T I O.

rum, qui *omnia obedientia documenta* exhibituri sperantur.

XI. Romanæ Ecclesie ut omnium prorsus librorum censura permittenda sit.

Vsq̃ue adeò autem certum mihi, fixumque est obsequi, nec manu tantùm, sed animo & pectore totò subscribere Ecclesiæ Catholicæ, & Magistræ Ecclesiarum omnium Romanæ, Pontificique, qui Petri & locum tenet, & fidem prædicat: Episcopisque omnibus, Catholicâ seu Romanâ communione, vnanimique consensione gaudentibus: vt si quid illi in hac scriptiunculâ meâ aliquando improbauerint; id ego met iam nunc eiurem, id in antecessum execrari me profitear: conscius id singulariter scribenti mihi propositum fuisse, vt aduersùs Apostolici verticis & Episcopalis Collegij sententiam, nulli vnquam doctrinæ, nulli scriptioni damnatæ fauere aut patrocinari quenquam posse constaret: atque ita schismatum, hæresumque retro & posthac omnium radices, stirpitus præciderentur. Manet altâ mente repositum nobis, quod Carolini voluminis consarcinatores olim testificati sunt: *Qualiter Romana Ecclesia ceteris Ecclesiis à Domino prælata, & à fidelibus consulenda sit, prosequamur. Præsertim cum non ab aliis Scripturis, nisi ab his,*

Lit. 1. c. 6.

PRÆFATIO.

*quas illa inter Canonicas recipit, testimonia
 sint sumenda: nec aliorum Doctorem, nisi eo-
 rum, qui à Gelasio vel aliis illius sanctæ Se-
 dis Pontificibus suscepti sunt, dogmata sint
 amplectenda. Et quod Hincmarus Rhemen-
 sis Episcopus in epistolâ præsultrice operis
 operosissimi; de prædest. Et si diuinis & au-
 thenticis Scripturis, & Catholica, atque Apo-
 stolica Ecclesia, sanctaque Romana Sedis fidei,
 & orthodoxorum Patrum sensibus, qui eidem
 sanctæ matri Ecclesie præfuderunt, & qui ab
 eadem Apostolicâ Sede Romanâ nobis in Ca-
 none recipiendi dati sunt: sensum nostrum in
 eisdem Capitulis expressum concordari, demon-
 strare potuerimus: agere veraciter, humiliter
 & deuotè studebimus. Quia aliorum ad sti-
 pulandum nostra Catholica intelligentie sen-
 sum, sententias recipere, nec proferre volui-
 mus. Cum constet illud esse verum atque Ca-
 tholicum, quod ipsa Mater omnium Eccle-
 siarum, & vniuersalis Ecclesia duxerit ad
 probandum. Subdit & illis assurgendum esse
 posterioribus Scriptoribus, vtpote Bedæ,
 Thodoro, Alcuino, Paulino, qui prioribus
 consonant, & quorum fidem ac doctrinam
 Apostolica Sedes Romana non solum benignis-
 simè acceptauit: verum & multis laudibus*

P R Æ F A T I O.

extulit. Quæ de Scripturarum libris, de antiquorum Patrum, de nuperorum Scriptorum commentariis dicta, non satis constant, imò ludificatoria sunt prorsus, nisi certum & inconcussum non de erroribus tantum, sed de libris ipsis iudicium Apostolicæ Sedis & vniuersalis Ecclesiæ esse statuatur.

XII. Maiorum
exemplo dicta
scriptaque omnia
Romani Antisti-
tis correctioni
subiiciuntur.
Lib. de locat. c. 1.

Complectimur ergo animo toto illa Anselmi verba ad Urbanum II. Papam: *Quoniam diuina prouidentia vestram elegit sanctitatem, cui vitam & fidem Christianam custodiendam, & Ecclesiam regendam committeret: ad nullum rectius refertur, siquid contra Catholicam fidem oritur in Ecclesiâ, ut eius autoritate corrigatur; nec ulli alij tutius, siquid contra errorem responderetur, ostenditur, ut eius prudentiâ examinetur. Quapropter sicut nulli dignius possum, ita nulli libentius presentem epistolam quam vestra destino sapientia: quatenus siquid in eâ corrigendum est, vestrâ censurâ castigetur: & quod regulam veritatis tenet, vestrâ autoritate roboretur.* Complectimur & illa Bernardi: *Quæ autem dixi, absque preiudicio sanè dicta sint sanius sapientis. Romana Ecclesia præsertim authoritati, atque examini totum hoc, sicut*

Epist. 174.

PRÆFATIO.

*Et cætera quæ eiusmodi sunt, uniuersa reser-
 uo; ipsius, siquid aliter sapio, paratus iudicio
 emendare. Amplectimur & illa Petri Da-
 miani: Nos siquid errauimus ad Petri Ma-
 gisterium corrigendi libenter accedimus: & re-
 tractationis opprobrium non veremur. Hac est
 enim illa, ut ita loquar, officina fabrilis; cui
 nimirum is, qui fabri dicebatur filius, presi-
 det: ad cuius regulam omnis meritò moneta
 recuditur: ad cuius rectitudinis lineam, quid-
 quid usquam deprauatum fuerit, reforma-
 tur. Nos non proprias allegationes pertinaci-
 ter astruentes, sed Synodalibus decretis humi-
 liter obtemperantes; Apostolica Sedis edictum,
 vel quod iam promulgatum est, sequimur:
 vel siquid adhuc elimatius atque salubrius in
 posterum statuendum est, obedientiam profi-
 temur. Amplectimur & illa, ut plures fa-
 ciam missos, Thomæ Braduuardini: Scio
 quid faciam, illi me naui committam, quæ
 perire non poterit, naui Petri. In ipsâ nam-
 que author & magister unicus noster Chri-
 stus tutissimè residens, de ipsâ legitur docuisse:
 mysticè nobis insinuans, quòd apud ipsam Pe-
 tri nauiculam, apud Romanam Ecclesiam,
 totius Christiane doctrinæ authoritas & ma-
 gisterium remaneret. Huius igitur tam an-*

*Tom. 3. Opusc. 5.
 & Gratiss. c. 39.*

*Præfat. lib. de
 Causa Dei.*

PRÆFATIO.

thentica, tantaque Magistra iudicio me totum, meaque omnia scripta, seu scribenda plenè subiicio, integreque submitto: cuius protectionem, ubi contra Dei hostes pugna- uero: correctionem, ubi erraui: approba- tionem, ubi rectè sensero, instantissimè po- stulo totis votis. Amplectimur illa sancti Thomæ Aquinatis: Multa docui, multa scripsi, in fide Iesu Christi, & sanctæ Ro- manæ Ecclesiæ, cuius correctioni cuncta subii- cio, cuncta suppono. Amplectimur & illa Vita- lis Cardinalis Albanensis Duo in protestatio- ne meâ volo includi. Primum est, quòd si in di- ctis meis fortè aliquid ponam, minus providè, incautè, vel indiscretè, omnia per Christi vicarium corrigantur. Secundum est, quòd quidquid per eundem Christi vicarium fue- rit determinatum de prædictâ quæstione, & de quibuscumque aliis, maximè ad fidem per- tinentibus: omnia volo simpliciter & indu- bitabili fide tenere, promptè & liberè confite- ri. Quæ eò sanè pertinent, ut animus etiam in dictis per ignorantiam non Catholicis, ip- sa sit correctionis præmeditatione, ac præpa- ratione Catholicus.

Accessura his quoque fuerat Dissertatio XXI. in Septimam Synodum, nisi me iam

Reinsld. an. Chr.
1323. num. 66.

Idem an. 1322.
n. 67.

Aug. l. 3. de Orig.
An. c. ult.


PRÆFATIO.


enormitas ipsa deterruisset voluminis, cui
à breuitate saltem laus & commendatio a-
liqua comparanda fuerat. Porro *quanquam* Aug. lib. 3. de
Trin. in proam.
fratribus non valeam resistere, iure quo eis ser-
uus factus sum, flagitantibus ut eorum in
Christo laudabilibus studiis, linguâ ac stylo
seruiam: egoque ipse multa qua nesciebam,
scribendo me didicisse confitear: sentio ta-
men, quàm grauem in sarcinam impa-
res successerint humeri. Non necessita-
tis enim illius, non priuatæ utilitatis ra-
tionem habebunt plerique, sed argumen-
ti quod tractando detero, dignitatis: &
in ius vocabunt audaculum homuncio-
nem, qui tantas res aggrediatur. Ego au-
tem ut qui meo me pede metiar, me-
cum habitem, & norim quàm sit mihi
curta supellex; gratias habebo multas,
siqui me hoc releuent onere, vnamque
mihi laudem hanc permittant, audendo
audaciam valentioribus addidisse, locum
cessisse. Interim autem dum meliores
meliora impartiantur, mecum his vtere,
Lector; & noli literas meas ex tuâ opinio- ibidem.
ne, vel contentione, sed ex diuinâ lectione,
vel inconcussâ ratione corrigere. Siquid in
eis veri comprehenderis, existendo non est

ãã y

PRÆFATIO.

*meum: at intelligendo & amando, & tuum
sit & meum. Siquid autem falsi conuiceris,
errando fuerit meum: sed iam cauendo, nec
tuum sit, nec meum.*





INDEX, ET ARGUMENTA Dissertationum Tomi I.

DISSERTATIO I. In Synodos sub Victore
Papa de Observatione Paschatis, Roma-
nam, Lugdunensem, Palæstinam, &c. circa
an Chr. 197. pag. 1.

*Aequitas & prudentia Victoris Papa in constituendo Pascha-
te, & anathemate Asiaticis intentando defenditur: rem disci-
plina ad causam hæreseos & anathematis nonnunquam trahi.
Vsq. ad num. XIV.*

*Eiusdem Victoris summa potestas à contemptu vindicatur, seu
comminatus, seu iaculatus etiam sit anathema: de Victore, ut
& de Nicænâ Synodo non ex paucorum tunc contumaciâ, sed ex
universæ post Ecclesia consensione censendum: denique ut non
Irenæo tantum, sed Polycratō, imò & longè posterioribus se-
quioris Paschatis cultoribus patrocinium temperandum sit ex Be-
da. Vsq. ad calcem.*

DISSERTATIO II. In Synodos sub Stephano
Papa in causa Baptismi hæreticorum, Roma-
nam, Carthaginensem, &c. An. Chr. 256. 257.
&c. P. 20.

*Refellitur putidissima Novatorum calumnia, tam errasse
Stephanum in omnium admittendo, quàm Cyprianum & Firmi-
anum*

INDEX.

lianum in omnium hæreticorum baptismo repudiando. Evincitur ex omnium Patrum consensu, eandem tunc fuisse Romanæ Ecclesiæ de baptismo hæreticorum, quæ postea fuit, & quæ etiam nunc superest disciplina. Usque ad num. XXII.

Deinceps usque ad finem multipliciter soluitur alia questio, ecquid Augustinus Cypriano hinc excusationem paret, quod necdum ea res plenario Concilio elucidata atque terminata fuisset & cum idem ipse Pelagianis plenarium Concilium flagitantibus, os obscuraverit, localibus Synodis & rescriptis Apostolica Sedis litteram finitam pronuncians. Ostenditur non usquequaque parum à culpa fuisse Cyprianum, qui Stephano precipienti, qui traditioni Ecclesiarum non paruerit: Stephanum non ultra minas sanisse, & dispensationi acquiescisse: denique rem istam tunc ita spectatam fuisse, ut quæ ad Consuetudines magis, quàm ad fidem attingeret: Concilia autem ab Augustino & sanctis Patribus sæpius flagitata ad disciplinam Consuetudinum figendam, ut quæ suâ sponte magis versatilis sit, cum fides una ubique sit & irreformabilis.

DISSERTATIO III. In Synodum Nicænam.

An. Chr. 325.

p. 61.

Ius primarium convocandarum Synodorum generalium Pontificibus vindicatur, etsi eas convocasse legantur Imperatores. Iura à factis secernuntur: & iura ipsa stricta à remissis. Ad num. XI.

Romanorum Pontificum ea ostenditur prerogativa esse, iure divino fulta. Ad num. XVI.

Ad Caroli Magni & posteriora tempora, Conciliaque descenditur: Hincmari, Gallorum sub Philippo Pulcro, Cusani, Gersonij, Almaini, Petri de Alliaco, iuniorum etiam Græcorum sententia profertur, ut Pontificia & Imperatoria potestatis fines delineentur in convocatione Conciliorum. Ad calcem usque.

INDEX.

DISSERTATIO IV. In Synodum Gangrensem. p. 92.

Vnanimi Patrum Latinorum, Græcorumque suffragatione euincitur, longè plurimas hæreses iam inde ab incunabulis Ecclesia confictas, obtritasque fuisse sine Synodis, solo Episcoporum consensu: vel Synodis localibus, firmatis consensione Episcoporum & Ecclesiarum totius orbis. Synodos æcumenicas nec ipsis hæreticis in mentem venisse: aut si venerint, & ad has pronocauerint, plerumque has velut tergiversationes explosas fuisse. Vsq̃ue ad num. XXIII. Idem efficitur ex recentioribus Theologis, ad num. XXIX.

Consensio ista vniuersalis Ecclesie, quâ authorantur Synodi particulares, vel Ecclesiarum sententia sine Synodis, ad nutum & consensionem Sedis Apostolica religata fuit: ea enim in definiendâ fide semper dux prauit, sin minus temporis, certè authoritatis principatu. Ad num. vsque XXXVII.

Deinceps declaratur qualescumque Episcoporum conuentus, vel sine conuentu concentus Synodicam authoritatem obtinuisse.

DISSERTATIO V. In Synodum Ariminensem.

An. 359. •

P. 135.

Illud Hieronymi, Ingemuit orbis, & se esse Arianum miratus est: nihil officere Ecclesie Catholice vniuersalitati: nec enim posteriorem etiam illam Ariminensem Synodum, vel Synodi partem hæresi consensisse, sed dispensationi seruisse, ex Athanasio, Hieronymo, aliisque Patribus palàm fit, aduersus hæreses antiquas & nuperas. Vsq̃ue ad num. XI.

Illo ipso tempore ostenditur mira fuisse paucitas Arianorum, præ multitudine Ecclesie Catholice. De Consubstantialis voce differitur, qua quandoque aberat à confessionibus Catholicis. Item de communione Ecclesie Catholice, cui per diu Ariani intermixti fuerunt. Vsq̃ue ad num. XXII.

Deinceps de Lucifero Calaritano Episcopo. Ecquid illum à Schismatis infamiâ absolueret fas sit. Regula dispensationis ex Leone

INDEX.

Carnotensi promuntur; iuxta quas eadem facta, vel easdem quandoque personas, puta Ariminenses Patres, nunc alij & alij, nunc iidem ipsi ex Patribus accusant, & excusant: vituperant, & laudant: citra rerum & sententiarum, etsi non citra verborum conflictum.

DISSERTATIO VI. In Synodum œcumenicam II. seu Constantinopolitanam I. p. 166.

Ius confirmandi Synodos œcumenicas est penes sedem Petri. Approbatio & confirmatio etiam aliqua à cæteris Episcopis, à sanctissimis monachis, à Catholicis plebibus exprimebatur. Sed hi omnes subscribebant confessionis magis sue, quàm confirmationis testimonium: quo firmitatem proderent suam, non adicerent Synodo. Id efficitur ad num. usque XIV.

Deinde prouinciales quoque & locales quælibet Synodos à prima sede confirmandas fuisse docetur, ut auctoritatem Certam, Irretractabilem, & Vniuersalem consequerentur.

DISSERTATIO VII. De Synodo ad Quercum, & de tota causa Chrysostomi. p. 194.

Pronocatio Chrysostomi ad Synodum œcumenicam demonstratur perinde interpretanda, ac si ad Romanum Pontificem pronocasset: cuius erat eam conuocare, qui ei conuocanda incubuit, qui eius non conuocata vices supplens, Chrysostomumque restituit. Item quid de illâ tunc sanctorum inter se virorum conflictatione sentiendum.

DISSERTATIO VIII. In Concilium Diospolitæ in causa Pelagij, An. Chr. 415. p. 212.

Vt leniter à quibusdam perstricta, ut ab aliis accuratè defensa sit hac Synodus: Summa Synodorum etiam localium dignitas: summa in rebus tum fidei, & iuris, tum factorum & personarum auctoritas.

DISSER-

INDEX.

DISSERTATIO IX. In Concilia Carthagenense
& Mileuitanum, anno 416. Aduersus Pelagia-
nos sub Innocentio, & Carthagenense posterius
annis 417. & 418. sub Zosimo. p. 221.

*Particulares Synodos à Romano Pontifice confirmari debere :
& tunc demum in summa authoritatis arcem eas innadere.*

DISSERTATIO X. In Concilium Ephesinum I.
seu œcumenicum III. anno Christi 431. p. 233.

*Romani Prasulis ius est, presidere Synodis œcumenicis. Per-
lustratis omnibus Synodis id ostenditur usque ad num. XLII.*

*Prasidebat etiam suo quodam modo & iure Imperator : sed ea
presidendi prerogativa longè dispar, & decolor à Pontificiâ : us-
que ad num. XLVII.*

*Excutitur alia potestas principis in numero, loco, tempore,
ordine Synodis prescribendo. Et ea probatur fuisse legitima po-
testas Ecclesia Defensoris & Custodis canonum : præter quos si
quid princeps moliretur, eam iniuriam vel non silebant Episcopi,
vel dispensatiue silebant. Usque ad num. XLV.*

*Ius aliud expenditur principum, confirmandi Synodos. Nihil
id officit Synodicis definitionibus, per sese valituris : imò pro-
dest mirum quantum. Hac principalis potestas ostenditur non
imminere, & dominari Ecclesia Sponsæ Christi, sed innigilare,
& obsequi. Ad num. usque XXXIX.*

*Summa damnati Nestorij potestas, & laus penes primam Se-
dem.*

*Quàm multi tum Cyrillo, Synodoque detraxerint. Ut in
quæstione facti diutius quidam altercati sunt : ideoque & in fide
claudicare suspecti fuerint, ac tandem coacti sint utrique Sy-
nodica definitioni consentire. Quantâ in his humanitate & dis-
pensatione usus sit Cyrillus, imò & vniuersa Ecclesia, ut illi
recolligerentur, qui suum Synodo assensum non tam negasse,
quàm suspendisse postea deprehensi sunt. Usque ad calcem.*

INDEX.

DISSERTATIO XI. In Concilium Constanti- nopolitanum sub Flauiano; & Concilium Ephesinum II. P. 294.

Ab Eutychete primum, post à Flauiano pronocatum esse ad Concilium œcumenicum: i. ad Leonem Papam: unam esse Pontificis, & Concilij authoritatem: ad utrumque indifferenter pronocari: penes Pontificem esse arbitrium, insque, ut ex re visum fuerit, Concilium tunc colligere, vel sine Concilio rem profligare. Si Imperator tunc præter Pontificis consilium Synodos colligeret, vel colligi vetaret: exitialia ea erant plerumque facta, nedum iura: nedum idonea sancienda disciplina exempla. Theodoretus similiter à Leone Papa restitutus fuisse ostenditur.

DISSERTATIO XII. In Concilium Chalcedo- nense siue œcumenicum IV. an. Chr. 451. p. 308.

Ante œcumenicas Synodos fidem prædefiniit Sedes maximè Romana, & quasi Synodis præiit, dictauitque, quod sequerentur. Ex Synodorum generalium enumeratione id perficitur usque ad num. XI.

Nec Synodorum œcumenicarum authoritas hinc extenuatur, nec ulla Pontificis & Synodi conflictatio olim vel in suspicionem venit: quin alteri ex alterò lucis & maiestatis fiebat accessio, siue decreta Pontificia rursus in Synodo examinarentur, siue citra nouum examen subscriberentur: quod in Pontificis erat potestate, priori examini acquiesceret, an plenius ipsemet in Synodo, & cum Synodo rem examinaret. Usque ad num. XXV.

Pontifici aliquando supplicatum, nunquam ab ipso ad Synodum pronocatum: ut cuius cum Synodo una & indiscreta potestas sit, itemque cum Ecclesiâ vniuersâ per Orbem effusâ, cuius ipse Caput, Cor, Os vnus est. Id antiquissimis, id nouissimis Pontificibus exploratissimum fuit: ita denique nupera hæreses à Pontifice simul, simul ab vniuersâ Ecclesiâ protrita sunt, etiam sine Synodis, vel ante Synodos. Usque ad num. XXXIV.

INDEX.

De Dioscori in Leonem Papam ausu nefario. De Theodoro per Leonem restituto. De eodem & aliis quibusdam fidei assentientibus, in facto & persona notabundis, plenissime Synodo assentiri compulsus. Vsq̃ue ad num. XXXIX.

Imperator idem Sacerdos dicitur: quo sensu? Synodis adest, dum de fide queritur, non ut fidei Dictator, sed ut Auditor & Custos. Vsq̃ue ad num. XLV.

Iudiciis canonicis abstinere Imperatores, multo magis à ferendis legibus ecclesiasticis. Quin leges Canonibus inimica, & irrita, & irritata sunt, tum à Principe, tum ab Ecclesiâ. Vsq̃ue ad n. LI.

In causis canonicis saepe indices ecclesiastici ab Imperatore petebantur, dabantur, eorum ab illo potestas saepe extra territorium prorogabatur: non semel Princeps ipse de iis cognoscebat. Hac omnia non iuris, sed dispensationis fuisse ostenduntur: ut inde elucescat, longè consultius, & iuri, libertatique ecclesiastica accommodatius fuisse, ut hac omnis ecclesiasticorum iudiciorum potestas ad legitimum iudicem, ad Episcopum Episcoporum renocaretur. Vsq̃ue ad n. LXII.

Appendix ad Synodum Chalcedonensem de subscriptionibus. p. 400.

Moris olim fuit, Romanorum Pontificum literis fidem praescribi. Quantum ea ceterorum Antistitum scriptis etiam de fide literis antecellerent. Duplici occurritur obiectioni, adversus Leonis epistolam gannienti, quasi illi, nonnisi ob suum cum Scripturis Synodisque prioribus concentum, subscriptum sit; & ob accumulata Patrum testimonia. Cyrilli quoque epistolis subscriptum, & cur? Num. I. II. III. Episcopalibus quoque definitionibus subscriptum est. Num. IV. V. VI. VII. Subscribere solos Episcopos, solennius fuit: quicumque tamen obliquis suspicionibus perstringebantur, subscribere & ipsi compulsi sunt, Clerici, Monachi, Laici. Num. VIII. IX. X. Quanta obsequendi necessitas immineret. Vbi & illud Chrysostomi elucidatur, Communicate quidem, sed nolite subscribere. Illud item Augustini, Viras quandoque

INDEX:

bonos ab Ecclesia communione eiici. Num. XI. Imperator sicubi Episcopis praecurreret, si aduersus fidem, restitum est: si pro fide, restitum quandoque tamen pro libertate, saepius ex dispensatione obtemperatum est. Num. XII. XIII. XV. Summa Romani Praeulis auctoritas in subscriptionum negotio. Num. XIV. Post subscriptiones, nihil amplius suspicionum penes quenquam residere debet. Num. XVI. Subscriptiones vel fidei confessiones plena, aperta, pura, & simplices esse debent, atque ita ut ex animo saltem Episcoporum, ceterum fidei Magistrorum suspicio infesta expungatur. Num. XVII.

DISSERTATIO XIII. In Concilium Arelaten- se & Lugdunense, an. 475. P. 435.

Quid de his Synodis sentiendum: & an illa Fausti Reiensis Episcopi doctrina suffragata sint? De Fausti doctrina & opusculis censura Pontificum, Patrumque. Usque ad num. X. An fuerint aliqui Praedestinatiani haeretici? Propius à vero abest, nullos fuisse: aut si qui fuerint, simpliciores illos, & incautos fuisse quosdam, nequaquam haereticos. Num. XI. XII. XIII. Quo animo esse debeamus in huiusmodi tardiores, & ad ardua contumaciter hebetes, ex Augustino, & aliis Patribus, ex Romanis Pontificibus & Synodis. Vbi & eidem nani imponendos ostenditur Faustum, Cassianum, & alios quibus Semipelagianorum additum est nomen: ita ut eorum quidam sanctitate praecipui fuerint, & alicubi religioso cultu decorentur. Usque ad num. XXX. Complura alia eiusdem rei exempla referuntur, numeris quatuor sequentibus. Denique Zosimus Papa eidem sententiae ex Augustino consonus ostenditur: ubi tria quaedam subnotantur ad occupandas difficultates opportunissima. Num. XXXV.

DISSERTATIO XIV. In Concilium Romanum vtrumque sub Felice II. Papa, Anno Christi 483. 484. P. 466.

Primae Sedis hoc privilegium adseritur, indicandi de ceteris

INDEX.

Patriarchis, cum generali, vel sine generali Synodo: ex epistolis Felicis & Gelasij, & expressis inde pluribus argumentis Oecumenica Synodi ubi non datur copia, eius vicem necessario suppleri à primâ Sede. Necesario constituendum in Ecclesia Caput: Primatum Romana Sedis antiquitati tribuere, perinde esse, ac divina institutioni. Vsq̃ue ad num. XIX.

Idem colligitur ex aliorum Pontificum epistolis, ex Historicis item Gracis, Latinisque. Vsq̃ue ad num. XXV.

Refellitur exceptio Nouatorum, Acacium retinuisse Sedem post damnationem. Vsq̃ue ad num. XXVIII.

Eadem primæ Sedis potestas in iudicandis Patriarcharum causis arguitur ex Gregorio Magno: quo sensu dicat Gregorius, æquales esse omnes Episcopos, ubi culpa non exigit. Vsq̃ue ad num. XXXI.

Anteriorum Patriarcharum, Cæciliani, Dionysij, Athanasij, Petri, Chrysostomi, Nestorij, Flauiani, Ioannis exempla obiter replicantur.

**DISSERTATIO XV. In Concilia Romana sub
Symmacho Papa, anno Christi 500. 501. 502.
503. p. 500.**

*Astruatur illud Primæ Sedis privilegium, ut à nemine indicetur: congestis argumentis ex his primùm Synodis, itemque ex Apologetico Ennodij. Num. I. II. III. IV. Ex Auito Viennensi Episcopo, & Ecclesiæ Gallicanæ consensu. Num. V. VI. In œcumenicâ Synodo parem vim habent ea argumenta. Num. VII. Divini iuris ex fontibus scaturit hæc prerogativa. Num. VIII. Idem evincitur exemplo aliorum Pontificum, Damasi, Sixti, Pelagij, Leonis, Paschalis, Hadriani, usque ad num. XIII. Alia argumenta ex Nicolao I. Hadriano II. Synodo octava. Num. XIV. XV. XVI. Cassa Synodus in Ioannem XII. num. XVII. Rursus Gallicanæ consensu Ecclesiæ & Germanicæ. Num. XVIII. XIX. In causâ Schismatis & Hæreseos paulo aliter sentiendum. Num. XX. XXI. Tenetur Pontifex suspensiones diluere, & se purgare. Num. XXII. XXIII. Sen-
tentiæ ij*

INDEX.

*sentia Gersonis & Nicolai de Cusa expenditur. Num. XXIV.
XXV. Antedictorum omnium confirmatio ex Gregorio Papa I.
Num. XXVI.*

DISSERTATIO XVI. In Synodos Constanti- nopolitanam & Romanam, anno Christi 518. §20. P. 526.

*Romanum Pontificem communionis Catholica cardinem esse
probat ex his Synodis, & toto schismate Acaciano. Ex epi-
stolis Romanorum Pontificum, Orientalium Episcoporum, & Ar-
chimanadritarum, usque ad num. XI. Ex gestis Constantino-
poli in reconciliatione Græcorum, ex epistolis Iustini & Iustinia-
ni, num. XII. XIII. XIV. Consensus Ecclesie Gallicanae,
Hispanicae, Africanae cum Romanâ in negotio isto schismatis Aca-
ciani, usque ad num. XIX. Alia ad idem argumenta ex legi-
bus Principum. XX. XXI. Eadem Romanae communionis ne-
cessitas ex Hieronymo, Augustino, Ambrosio, Prospero, Opta-
to, Gregorio, Alcuino, Ratramno, Hincmaro, Lanfranco, us-
que ad num. XXVII. Argumenta alia ex Nicolao de Cusâ.
XXVIII. De Meletio Antiocheno Episcopo, circa quem ma-
gis trlicantur aduersarij, inquiritur operosius: & conglobatim
quanti Orientales semper fecerint Romanae Ecclesiae communi-
onem ex Synodis œcumenicis, ex Irenæo, Cyrillo, &c. usque ad
num. XXXIII.*

DISSERTATIO XVII. In Concilium Arausica- num, anno Christi 529. P. 571.

*Sedis Apostolicae auctoritas in fidei disceptationibus apud
Gallos. Decreta huius Synodi ex Augustini sententiis & penè
verbis ipsis contexta, Patribus tamen promiscuè vendicantur.
Mira quoque in rebus fidei definiendis sobrietas. Quàm multa
Theologica opulencia supellex, etsi à fide defluat, etsi cum fide
cohereat, in fidei tamen formulas non est intrudenda. Hac de-
finiendi parcitas, hac Patrum prorsus omnium concordia, velu-*

INDEX.

ti gemina stabilienda inter Theologos pacis in questionibus de Gratiâ Christi fibula, prolixius pertractatur, illustraturque maximè ex Calestini Papa olim epistolâ ad Gallos, & ex Florentino nuper Concilio.

DISSERTATIO XVIII. In Synodum Romanam, anno Christi 532. p. 590.

In dubiis fidei questionibus, consulenda Sedes Petri, eique assentiendum est. Ostenditur id primum exemplo Orientalium, Romanos Pontifices percontantium, an Vnus de Trinitate passus: An Maria propriè & veraciter Dei mater dici deberet. Hormisdâ Papa in his dispensatio, & consensus cum Ioanne successore aduersus Heterodoxorum calumnias declaratur. Vsque ad num. XVII.

Tum vniuersim demonstratur ex sanctis Patribus, consulendam in fidei disceptationibus maximè Sedem Apostolicam, eiusque iudicio standum esse. Vsque ad num. XXIIX.

Longè plures hareses auctoritate Romani Pontificis principaliter contritas esse, prolixâ enumeratione euincitur, vsque ad num. XXXV.

Græcorum consensus in hoc primæ Sedis priuilegio constituendo, vsque ad num. XLIII.

Gallicanorum Conciliorum, Pontificum, Scriptorumque vniuersis ad idem consensus: tum antiquissimorum, tum mediæ æui, tum denique inniorum, vsque ad Constantiensis Synodi tempus: cum eorum pauci quidam secus sentire occæperunt; nec suam ipsi tamen dissimularunt, & nonitatem, & paucitatem. Vsque ad num. LXXVI.

Etiamnunc & iam olim unam apud Occidentales maximè omnes, & Gallos ipsos Antistites haberi, Romani Pontificis, atque Ecclesiæ vniuersæ, hoc est, Capitis & Corporis vim, sententiam, auctoritatem. Vsque ad num. CI.

Occursantes quidam scrupuli amouentur; tota hæc doctrina ad summa quadam religatur fastigia: denique ne defensoribus quidem ipsis seu priuilegiorum seu libertatum quarumcum-

INDEX.

que refugiendam esse hanc sententiam ostenditur. Vsq̃ue ad calcem.

DISSERTATIO XIX. In Synodum V. œcumenicam Constantinopolitanam II. anno Christi 553. P. 775.

In defensione trium Capitulorum nunc arripiendâ, nunc abiciendâ, ostenditur Vigilij Papæ non inconstantia, sed dispensatio, & pacis amor, vero nunquam iniuriosus. Vsq̃ue ad num. VII.

Etsi possit fontibus ignosci, non posse tamen insentibus vel scriptoribus, vel scriptis anathema illidi ex dispensatione: nec potuisse trium Capitulorum damnationi facta subscribi, nisi manifestatâ, vel utcumque creditâ veritate. Vsq̃ue ad num. XIII.

Quintæ Synodi memoriam alicubi aliquandiu silevi, indultum à Romanis Pontificibus, ex necessariâ tunc saltem dispensatione ubi regnorum & populorum strages anteuertenda erant. Vsq̃ue ad num. XXVI.

Proferuntur argumenta, quibus uniuersim in rebus facti & personarum errare posse Synodos œcumenicas probant aliqui. Contra euincitur damnationi synodice errorum authorumque accommodandam necessario consensionem, ubi Synodis subscribitur. Vsq̃ue ad num. XXXIX.

Sequestratis aliis factorum & personarum questionibus, ostenditur Synodorum œcumenicarum, siue Ecclesiæ uniuersalis iudicia in librorum damnationem spectantia, non posse deinceps retractari, aut in contrarium flecti, prolixè & ex hac ipsâ Synodo. A num. XXVII. ad XLV.

Idem rursus multis argumentis perficitur: & quàm infelicitè clementibus interpretationibus enitantur purgare libros ab Ecclesiâ damnatos. Percurruntur anteriorum & posteriorum temporum exempla complura: quibus liquet damnatorum librorum vindices, errorum infamiam non eis unquam effricuisse, sed ipsis sibi quandoque affricuisse. Vsq̃ue ad num. LXVII.

Quid

INDEX.

Quid de Agobardo, Baronio, Bellarmino sentiendum, qui damnatos ab ecclesia libros scriptoresque aliquos defensitarunt. Vsq. ad num. LXXX.

Ad eos qui rogitant, an de fide sit, haresin hoc libro contineri. Quam late quandoque pateat nomen fidei, & hareseos. Quam facile suspectos haresum habeat Ecclesia librorum defensores, quibus eam inesse ipsa iudicat. Hareseos suspicio vel accusatio, quam non temere ulli impingenda, quam anxie à quolibet propulsanda. Vsq. ad num. XC.

Decretis Pontificum quam accommodanda, & quam ultro sint accommodata placita Scholæ. Item quam non possint interminabiles ulla lites, & decretorii indicii insolentes confingi: sed omnino tandem iudicio Episcopali assentiendum sit. Vsq. ad num. XCIV.

Vigiliæ Papa & Romana Sedis principatus quantum resplenderit in hac Synodo, aduersus Nouatores. Vsq. ad num. CII.

Defensores Capitulorum eruditi, quam nullo privato studio, nulla acuminis sui fiducia, sed sola agerentur tuenda Chalcedonensis Synodi cupiditate. Scrupuli aliqui amouentur. Vsq. ad calcem.

DISSERTATIO XX. In Synodum VI. œcumenicam seu CP. III. anno Christi 680. 681.

Inquiritur in Honorii Papa damnationem. Refelluntur, qui Acta huius Synodi falsata causantur. Num. I. II. III.

Refelluntur iterum, qui Synodum, ut in re facti, errasse canillantur. Num. IV. V.

Refelluntur tertio, qui etsi immerentem, dispensative damnatum suspicantur. Num. VI. VII.

Respondetur Honorii Epistolas priuatas & familiares fuisse; nec pertinuisse ad Cathedram. Ideoque damnari potuisse, quia & errare. Quod multis coniecturis munitor. a num. VIII. ad XVII.

INDEX.

Respondetur iterum non tam heresi, quam dispensationi studuisse Honorium: Quæ quia improvida fuit, & inauspicata, proditio fidei habita est. Multa ad id argumenta, multa uicem congeruntur exempla consimilis in doctrina fidei dispensationis, sed feliciores plerumque exitus nata. A num. XVlll. ad XXXI.

Anastasio Bibliothecarii Apologia pro Honorio expenditur: & ad regulas à sanctis Patribus fixas renocatur. Usque ad calcem.

ERRATA.

Pag. 184. l. 20. recessit, c. recessu. Pag. 225. l. 18. Apostolica, c. Apostolice. Pag. 228. l. 28. L. 4. ad Bonif. c. 8. c. De verb. Ap. c. ult. Pag. 307. l. 29. incomitati, c. incolumitati. Pag. 307. l. 30. excubias, c. excubias agit. Pag. 420. l. 22. scomprehensam, c. comprehensam. Pag. 420. l. 23. cruato, c. servato. Pag. 564. l. 19. lib. c. Socrate lib. Pag. 567. l. 14. Epist. c. Epist. 349. Pag. 660. l. 18. Cadomensi, c. Beccensi. Pag. 810. l. 30. cap. 4. c. cap. 5. P. 839. l. Roma, c. Anagnia. P. 861. l. 19. c. 4. c. c. 40.



PERMISSIO R. P. GENERALIS.

IOANNES FRANCISCUS SENAULT Presbyter
præpositus Generalis Congregationis Oratorii IESV-
CHRISTI Domini nostri, iuxta Regium diploma da-
tum 14. Iulii 1642. quo Bibliopolis omnibus prohibe-
tur ne libros ejusdem Congregationis imprimant aut
venales exponant citra nostram licentiam; permittimus
DIONYSIO BECHET Parisiensi Bibliopolæ, cæteris-
que Bibliopolis in Societate Librorum Ecclesiasticorum
ad usum reformatum conjunctis, ut librum qui inscri-
bitur *Dissertationum in Concilia generalia & particularia To-
mus Primus; Authore LUDOVICO THOMAS-
SINO Congregationis Oratorii Domini nostri IESV CHRI-
STI Presbytero*, imprimere ac libere diuendere possit.
Datum Parisiis die quarta Iulii anno millesimo sexente-
simo sexagesimo septimo.

I. FRANCISCUS SENAULT.



Summa Privilegii Christianissimi Regis.

CAUTUM est autoritate regis, ne quis in regno eius
cuiusve locis ipsius ditioni subiectis intra decem
annos proximos librum inscriptum, *LVDOVICI THO-*
MASSINI Congregationis Oratori Presbyteri Dissertationes
& nota in Concilia generalia & particularia, absque eiusdem
LVDOVICI THOMASSINI consensu imprimat aut
diuendat à die publicationis horum exemplarium; qui
secus fecerit, multa indicta prout amplius continetur in
diplomate regio, coërcebitur. Datum Germani fano ad
Liliam sylvam die 19. Aprilis 1667. Sic signatum,
L O V I S.


Et infra,

DE GVENEGAUD.

Præsens cedit Privilegium DIONYSIO BECHET, cæ-
terisque Bibliopolis in Societate Librorum Ecclesiasti-
corum ad usum reformatum conjunctis, ad illius posses-
sionem per tempus notatum. Datum Parisiis die 22.
Aprilis 1667.

THOMASSINVS.

Sumptibus	{	SEBASTIANI CRAMOISY,	}	via Iacobæa.
		CLAVDII CRAMOISY,		
		GEORGII IOSSE,		
		DIONYSII BECHET,		
		GVILLELMI LE BE,		
		GABRIELIS & NICOLAI CLOPELAV,		
		SIMEONIS PIGET,		
		PETRI LE PETIT,		
		LVDOVICI BILLAINE,		
		GODEFRIDI MARCHER,		
IOANNIS DV PVIS,				
E T				
{	SEBASTIANI MABRE-CRAMOISY.	}		



DISSERTATIO PRIMA AD SYNODOS


SVB VICTORE PAPA
DE OBSERVATIONE PASCHATIS

Habitas circa an. 197.

Romanam, Lugdunensem, Palæstinam, Ponticam, Hierosolymitanam, Corinthiacam, Osroënam, Mesopotamicam, nec non Ephesinam sub Polycrate.

SYNOPSIS.

Æquitas & prudentia Victoris Papæ in constituendo Paschate, & anathemate Orientalibus intentando defenditur, ad num. XIV. Deinceps eiusdem potestatis summa à contemptu & infamia vindicatur.



M A R V M omnium Synodorum meminere Eusebius l. 3. Hist. Eccles. c. 23. 24. 25. & author Libelli Synodici num. 8. & octo sequentibus. Eusebij verba sunt: *Gravi controversia exorta, eo quod omnes per Asiam Ecclesia vetusta quadam traditione nixa, quartadecimâ Lunâ salutaris Pasche diem festum celebrandum esse censuebant, quo die præscriptum erat Iudeis,*

I. Summa hæc Synodorum ex Eusebio & Libello Synodico, ad Paschatis diem constituendum.

A

ut agnum immolarent: eaque omnino Lunâ, in quemcumque demum diem septimana incidisset. Cum tamen reliquæ totius orbis Ecclesia alio more uterentur, qui ex Apostolorum traditione prefectus etiam nunc seruatur, ut scilicet non alio quam resurrectionis dominica die ieiunia solui liceat. Synodi ob id, carusque Episcoporum conuenire. Atque omnes uno consensu Ecclesiasticam regulam uniuerfis fidelibus per epistolas tradidere, ne ullo alio quam dominico die mysterium Resurrectionis Domini unquam celebretur. Vnus cum Ephesina sua Synodo secus decreuit Polycrates, eius tum urbis antistes. Victor Romanæ urbis Episcopus illico omnes Asia vicinarumque provinciarum Ecclesias tanquam contraria rectæ fidei sentientes, à communione abscindere conatur: datisque literis, uniuersos qui illis erant fratres proscribit, & ab unitate Ecclesiæ prorsus alienos esse pronunciat. Verum hæc non omnibus placebant Episcopis. Proinde Victorem ex aduerso hortati sunt, ut ea potius sentire vellet, quæ paci & unitati, charitatisque erga proximum congruebant. Extant etiamnum eorum literæ, quibus Victorem acerbius perstringunt. Eadem propemodum Libellus Synodicus, singulas Synodos suo more summam delibans.

II. Victoris Patris æquitas & potestas aduersus Nouatorum calumnias propugnatur. Et primum æquitas ex Eusebio.

ὅτι ἀποστολικὴ δόξα τῆς ἐκκλησίας ἐκκαλεῖται αἱ ἐκκλησίαι. ὡς καὶ οὐκ ἐκκλησία ἐστὶν ἡ πόλις.

Hinc Victorem allatrando, & Apostolicæ Sedis principatum exagitandi ansam arripiunt Nouatores; quod præpropere pacem abruperit; quod id brutum fulmen vibrauerit; quod ut suæ potestatis limites præteruolanti non paruerint Orientales; quod denique ab eo excommunicati communionem Ecclesiæ Catholicæ frui nihilominus perstiterint. Aduersus has calumniarum nebulas elucidanda nobis est Victoris, Synodique sub eo Romanæ æquitas & potestas. Et ex Eusebio primum, Asiatica sola, hoc est, Ephesina prouincia cum finitimis Ecclesiis, cum Polycrate sentiebat; ac omnes aliæ per uniuersum orbem Ecclesiæ sentiebant Victori. Turpis ergo erat pars, quæ suo toti non concineret: atque non intemptius ad hunc concentum stimulis urgebatur. Ad hæc cum reliquo orbe collectæ Synodi uno consensu Ecclesiasticum dogma propalassent: his dissonare, intolerandæ cuiusdam erat pugna-

citatis. Adde quod Asiæ Ecclesiæ *vetusta veluti quadam* ἀπὸ τῆς ἀρχαίας
traditione nitebantur: at reliquæ Ecclesiæ mos indubitan-
 ter *ex Apostolica traditione* defluerat. Quæ alia vis enim
 Alexandrinos, Palæstinos, Osroënos, Ponticos, in can-
 dem cum Romana Ecclesia consonantiam adduxisset, ni-
 si altiùs repetita, & ab ipso Apostolicæ prædicationis fon-
 te hausta traditio? Tertullianus l. de Coron. militis: *Hanc*
observationem si nulla Scriptura determinavit, certè consuetudo
corroboravit, quæ sine dubio de traditione manavit. Quomodo
enim usurpari quid potest, si traditum prius non est? Et l. de
 Præscript. *Ecquid verisimile est, ut tot & tanta Ecclesia in*
unam fidem erraverint? Nullus inter multos euentus est unus
exitus. Variasse debuerat error doctrina Ecclesiarum. Caterùm
quod apud multos unum invenitur, non est erratum, sed tra-
ditum.

Et quanquam res ista suo ex genere media quodammo-
 do & in utramque partem versatilis videri posset, ut siue
 dominico semper, siue alio quandoque die Pascha cele-
 braretur, nec fides ideo, nec Ecclesia labasceret: longè
 alia tamen tunc Episcopos & Ecclesias totius orbis inces-
 serat sententia. Etenim Victor dissonas abrumperè Eccle-
 sias meditabatur *velut heterodoxas*. Eusebius non Apostoli-
 cam tantùm traditionem, sed *Ecclesiasticum dogma* vocat. ἐκκλησιαστικὸν δόγμα.
 Polycrates ex aduerso maiorum suorum diuersam con-
 suetudinem, obseruatam contendebat *iuxta Evangelium* κατὰ τὸ εὐαγγέλιον.
 & *secundùm fidei regulam*. κατὰ τὴν κανόνα τῆς πίστεως. Aduersùs hortamenta & minas
 quibus ad consensum cum cæteris Ecclesiis impellebatur,
 fidenter excipiebat, *Obediendum Deo potius quàm homini-*
bùs. Addebat se genuinum ac verum agere diem, *nec ad-*
didisse quidquam aut detraxisse. Ergo id nimirum supererat,
 ut reliquæ omnes orbis Ecclesiæ Polycrati & sectariis eius
 viderentur Evangelium interpolasse, temerasse fidei ca-
 nonem, diuinis institutis obniti. Neutris ergo persuasum
 erat, rem totam in medio relinqui posse. Inde est quod, ut
 obseruat Irenæus apud eundem Eusebium in epist. ad Vi-
 ctorem, hac de re iam antè incaluerat Romæ concertatio

inter Anicetum & Polycarpum, etsi tum quidem incolu-
mi pacis vinculo. *Neque enim Anicetus Polycarpo persuade-
re unquam poterat, ut observare desineret, &c. neque item Po-
lycarpus Aniceto pers. asit ut observaret, cum Anicetus eorum
qui ante se fuerant Presbyterorum morem sibi retinendum esse
diceret.*

IV Arbitraria &
inlusa Socratis
sententia.

Peruersum est igitur quod Nouatores Socrati potius
assentiuntur, l. 5. c. 21. aienti : *Neque Sernator, neque Apo-
stoli istud observandum lege aliqua preceperunt, neque multam
aut supplicium, sicut lex Mosaica Iudeis, vel Evangelia, vel
Apostoli nobis mnati sunt, &c. Apostolis propositum fuit, non ut
leges de festis diebus celebrandis sancirent, sed ut recte vivendi
rationis & pietatis nobis authores essent. Mihi quidem certè vide-
tur, sicut alia res multa in locis quibusque ex more quodam intro-
ducta fuerant, ita festum Paschatis ex quadam consuetudine apud
singulos populos observationem privatam habuisse : propterea quod
nemo ex Apostolis legem de eo, ut dixi, cuiquam edidit. Ultra
ingenioli modum exultavit Socrates, cum Theologi per-
sonam induit. Non Eusebio enim tantum, & Victori, &
Polycrati, & Aniceto, & Polycarpo refragatus est, qui
suum quisque morem, antiquiori traditioni, Apostolicæ
institutioni, legi Euangelicæ, fidei Canoni, Ecclesiasti-
co dogmati vindicabant : sed & Synodis omnibus hac
tempestate collectis, quæ, ut de Hierosolymitana author
est Eusebius c. 25. scripsere, de traditione diei Paschalis, quæ
iam inde ab Apostolis ad ipsos continua successione manauerat.*

Ὁ ὁμοῖος καὶ
παλαιὸς ὁ νόμος
ὅτι ἐν ἡρώδῃ
ἐστὶν ἀποστολὴ.

An licet post ducentos amplius annos ea somniare, quæ
& Synodorum, & Pontificum rebus ipsis pene suppa-
rium fidem prorsus labefactent ? An licet Polycrati ita
patrocinari, ut Polycratis ipsius sententiam omnem a-
dulteret ?

V. Ex libro Syno-
dico eadem re-
felliur indiffe-
rentia.
ἀπολλῶν, ἀντί-
στοιχ.

Author verò Libelli Synodici Eusebio consentaneus est.
Itaque apud eum Polycratis Ephesina Synodus dicitur
simplex ; neque exquisita : eius verò decretum, tanquam à
principio acceptum, à sanctis Apostolis Timotheo &
Philippo confirmatum. At reliquæ omnes pro Victoris par-

IN SYNODOS DE DIE PASCHÆ.

tibus Synodi, *diuina & sacra*: super mystico Pascha secundum Anicetum & Victorem pronunciantes. Denique c. 8. Victor sanctissimus Romanorum Ecclesia Papa excommunicationem mittit Polycrati; neque hoc solum, sed synodicè etiam ea quæ ad hoc festum pertinebant, persequitur; & cum ipso Synodi in plurimis provinciis & partibus terra congregata, idem unanimiter statuunt. Vides quàm hæc abhorreant ab indifferentia illa commentitia, & ab ignominia Victori aspergenda.

Ad hæc si in suspendio relinqui res poterat, eccur de ea ad Synodum vsque Nicænam certabatur? Eccur ad pacem conciliandam œcumenica Synodo opus fuit? Achanasius lib. de Syn. *Nicæna Synodus non temere habita est, ut quæ habeat grauissimos usus & legitimam rationem.* Syri enim, Cilices, Mesopotami, in causa festi claudicabant, atque unà cum Iudeis Pascha celebrabant; & iam tum Ariana hæresis propugnatores habebat, &c. Atque ea causa fuit, cur vniversus orbis in Synodum coiret, ut & eodem die ubique festum celebraretur, & hæresis quæ suppullulauerat, anathemate percuteretur. Quod & factum est. Eusebius l. 3. de vit. Const. c. 5. *Alius antiquior suberat morbus longè grauissimus, qui Ecclesias iam pridem infestabat, dissensio scilicet de salutari festo.* Itaque cum omnes ubique populi iandudum inter se dissiderent, & sacri religionis nostra ritus perturbarentur: quippe in uno eodemque festo temporis diuersitas maximum dissidium inter feriantes excitabat: cum hi ieiuniis & arumnis seipsos attererent, illi otio ac latitiæ indulgerent. Mortalium quidem nemo erat, qui huic malo remedium posset adhibere. Et c. 14. hoc egregium scilicet operæ pretium effert & Nicænz Synodi, & Constantini, ut non modò vnus fidei consonantia apud omnes obtineret, verum etiam vnum idemque tempus in salutari festi celebratione ab omnibus firmaretur. Sed & Constantinus in Epistola ad Ecclesias post Nicænam Synodum, ait vno consensu definitum eodem ab omnibus die celebrari Pascha, reii-cique turpissimam societatem Iudæorum, & rectiori ordine, quem à primo passionis die vsque ad hæc tempora seruauimus,

VI. Item ex historia & gestis Nicænz Synodi.

ad futura etiam sacula huius observantia ritum propagari. Ne-
fas est ut in tanti momenti negotio & in huiusmodi religionis
solennitate dissensio reperiat. Vnum enim libertatis nostra fe-
stum diem, hoc est diem sacratissima passionis, Servator noster no-
bis reliquit: unamque esse voluit catholicam Ecclesiam. Cujus
membra licet variis locis dispersa sint, vno tamen spiritu,
Dei scilicet voluntate foveantur. Addit in hanc consuetu-
dinem concinere omnes tam Occidentalium, quàm Meridia-
narum, & Septentrionalium orbis partium Ecclesias, nonnullas
etiam Orientalium. Suscipite caelestem gratiam, & divinum ve-
luti verè mandatum. Quidquid enim in sanctis Episcoporum
Conciliis geritur, id omne ad divinam referendum est volunta-
tem. Et ipsa Nicæna Synodus in Epistola ad Alexand. Ec-
cles. apud Theodoretum l. 1. c. 9. Quod autem ad omnium
consensum de sacratissimo festo Paschatis attinet, scitote quod ve-
stris precibus hac quoque pars prudenter constituta est, ita ut om-
nes fratres qui Iudeos prius imitabantur, secuturi iam sint Ro-
manos, & vos & omnes qui ab initio Pascha custodiunt. Vides
constanter affirmari, legem Paschatis ab Apostolis ipsis
iam inde ab initio consignatam fuisse vniuersæ Ecclesiæ.
2. Dissensionem inter Ecclesias in tanti momenti negotio
exitialem esse. 3. Consensionem cum Iudæis probro &
fuisse & fore. 4. Vnam esse Christi Ecclesiam, tametsi lo-
cis distracta sit, vno spiritu vegetari illam, vno Sacramen-
torum concentu necessario vincendam sibimet, ne dissi-
liat. Itaque non posse celebrationem Paschatis inter
αἰσχρογὰς computari.

VII. Eadem quæ
Victor, Nicæna
Synodus crimi-
natione impeti-
tur.

Vides rursus hæc omnia peræquè locum habuisse æuo
Victoris: ut necessum sit, si qua huic inuratur temeritatis
nota, ea Synodum quoque Nicænam afflari. Quid enim
Constantinus nomine Synodi in illa prolixiore ad Eccle-
sias Epistola peroravit, de Paschæ festo in dominicum
diem figendo, quod non & Victor potuerit? Æquè tunc
vna Ecclesia, æquè exosi Iudæi, æquè Apostolicæ tradi-
tiones cordi erant, æquè Ecclesiæ Ecclesiis iam tum col-
lidebantur, ut argumento est vel ista Synodorum frequen-

ria. Si compescenda erant illa dissidia, eccur vocatur in crimen Victor, qui in id incubuit? Si ferenda erant, & studio pacis donanda, an minùs ergo sapuit Nicæna Synodus? At vehementiùs, inquires, iam conflagrabat illud incendium. Ergo gratulandum Victori, qui grassantis mali contagium prævertere tentauerat: & illis succensendum, qui minùs tempestiua dispensatione iurgiorum flammæ aluerunt.

Quanquam Irenæo & aliis qui Victorem hortabantur, paci potiùs & Ecclesiarum vnitati indulgere, meritas laudes haud equidem inuidebo. Stricto iuri Victor studebat, illi temperato: hi charitati, ille veritati consultum cupiebat. Vtrumque in laude est. Asiaticæ disciplinæ vulnus patientiâ illi sanandum sperabant, ille exulcerandum præfagebat. Ex incerto euentu, ut mens hominum cæca futuri est, in diuersa rapiebantur consilia, certo tamen consulendi animo. Vel vtrisque ergo par honos assignandus est, vel illi cumulatius fauendum, qui maiore solertia exasperandum remissione morbum præuidit, & iam tum acriore cauterio gliscentem lucem adurere pro virili sua occupauit. Etsi ergo inter iuris vigorem & clementiam, inter Victorem & Irenæum dubij penderemus, ipse tamen rerum exitus ad Victoris anteponenda consilia nos potiùs inclinaret. Irenæum ipsum sui pœnituisse instituti, ut arbitror, si temporibus Nicænæ Synodi reuiuiscens, ex sua sui que similibus humanitate tam inopinatas vidisset ebullisse discordias, quibus comprimendis Constantini & Oecumenicæ Synodi potestas vix aut nec vix par fuit. Quæ Irenæus, quæ alij pari fiducia ad Victorem inhibendum scriptitarunt, ad Nicænæ Synodi patres scripta fingantur. Num palinodiam canet tanta Synodus? Num caritate defieri putabitur? Dispensatio sanè non minùs Nicænis temporibus quàm Victoris ætate videri potest opportuna; imò opportunior tantò, quantò morbus tum recruderat.

VIII. Nec Victori, nec Irenæo obloquendum, ille stricto iuri studebat, hic temperato.

Quòd autem diuinant, Nicænos patres nullum anathe- IX. Iuanites

sonniant, à Nicæna Synodo in Quartadecima. nos nullum à Nicæna anathema.

ma distinxisse in Iudaici posthac Paschatis sectatores, ideoque nec à Victore distringendum fuisse: præsumptæ semel opinioni pugnaciùs quàm par est, inhærescunt. Quorsum enim totius orbis fatigantur Ecclesiæ, quorsum tanto strepitu imperium sacerdotiumque colluctatur: si quod definierint, impunè, ut priùs, liceat transilire? An dissidia tam diuturna & atrocia pacatum iri sperarunt, citra ullius pœnæ interminationem? Leuioribus priuatorum culpis ultores statim imminet Canones: huic verò flagitio, quo Ecclesiæ compago concutitur, nihil pœnarum indigent? Nouellis in dies decretis adiiciuntur subinde Synodica anathemata: hæc verò quæ iactantur Apostolica statuta & vniuersæ Ecclesiæ consensu receptissima, impunè calcabuntur? Vide Ambrosium epist. 83.

X. Quartadecimani inter hæreticos recensiti.

Ad hæc, post Nicænam Synodum Quartadecimani inter hæreticos numerati sunt ab illis omnibus, qui de hæresibus scribere. Philastrius c. 11. & 39. disertè *hæresin* Ecclesiæ Catholicæ aduersam appellat. Augustinus similiter c. 29. Epiphanius hæresi 30. vel 50. *Ex iis duabus inter se commissis Cataphrygum & Quintillianorum, siue Priscillianorum sectis, noua quædam conflata est, & in orbem introducta Quartadecimanorum hæresis. Qui cæteris in rebus cum Ecclesia consentientes, hoc ipso ab omnibus aberrant, quod non illius institutis doctrinaque consentanea quædam amplexi sunt.* Hæresin, ex aliis hæresibus concretam esse docet, capite in vno duntaxat ab Ecclesia dissonantem, sed eo ipso nomine in omnibus aberrantem, quod fidei indiuisa sit compago: Cum autem & à Cataphrygibus progeneratam perhibet, & statim post Cataphryges recenset, ac quasi matri filiam subiungit Epiphanius Quartadecimanorum hæresin, eius ab Ecclesia secessionis non à Nicæno Concilio, sed à Victoris saltem tempore exordia utique reperit. Ut tantò æquius eam & Victor & Nicæna Synodus Ecclesiasticis diris addixerit. Eodem, quo Epiphanius, loco illam Augustinus post Montanistas numerauit, & ante eum Philastrius.

At

At idem Epiphanius hæresi 70. quæ est Audianorum, luculenter antedicta omnia confirmat: Constantino plurimum debere Ecclesiam, eo duplici maxime nomine, quòd Arii dogma profligarit, quòdque celebrandi Paschatis concordiam aduexerit, collectà Nicænâ Synodo: *Iampridem enim & à primis usque temporibus varia in Ecclesia de hac solennitate controuersia ac dissensiones extiterant, quæ quotannis risum ac ludibrium afferebant, &c. præsertim Polycratis ac Victoris ætate, &c. quod & aliis temporibus accidit, velut Alexandri Episcopi Alexandrini, & Crescentij, quemadmodum inter se mutuò scripserint, & acerrimè pugnaverint. Quæ postrema verba si cum testimonio Synodi Nicænæ ad Alexandrinos scribentis suprâ relato componas, facile emicabit, hac Alexandri Episcopi Alexandrini cum Crescentio concertatione adductam fuisse Synodum ad litem decretorio iudicio dirimendam. Quid mirum ergo, si annuas has & perniciales altercationes Victor primò, inde Nicæni patres vibrato anathemate opprimere moliti sunt? Nam si hi ab intorquendo anathemate abstinuere, quorsum deinceps hæc inter cæteras hæresis computata est? Quòd autem se Polycrates exemplo Apostolorum tuebatur, excipit eleganter Epiphanius, dispensationi & pelliciendis in Ecclesiam Iudæis id donasse Apostolos. Quòd si vel cum Christi hostibus; ut illi putant, Apostoli celebrandum esse Pascha censuerunt, quanto magis ad eandem retinendam consensionem cum Ecclesia celebrare conuenit, ne illius concordia laceretur?*

XI. Eadem rursus ex Epiphaniio confirmatur.

Sed video, quid à Victoris inclementia alienet homines, regulas Ecclesiasticas suo ingenio, non ingenium suum regulis Ecclesiasticis aptare & frangere meditantibus. Ægrè ferunt rem disciplinæ ad causam anathematis trahi, & secessionis. Ad palinodiam ergo vocent Epiphanium, Philastrium, Augustinum, & alios omnes hæresum elogia texentes. Nam qui error hæreticæ infamiæ, idem certè anathemati potuit, & debuit implicari. Sed hac illi fucata humanitate, & Synodorum antiquissima-

XII. Ostenditur rem disciplinæ ad causam hæreticos spectare posse.

rum, & Ecclesiæ primigeniæ fundamenta labefactant. Quid enim Apostoli in Hierosolymitana Synodo, nisi de disciplina sanxere? Quid Eliberitani patres can. 43. *Prænam institutionem emendari placuit, iuxta auctoritatem scripturarum, ut cuncti diem Pentecostes post Pascha celebremus, non Quadragesimam, sed Quinquagesimam. Quod qui non fecerit, nouam hæresin induxisse notetur.* Num ouum ouo similius? Si Pentecosten non suo die coluisse, hæresis noua est, quid Pascha? Quo autem nisi anathemate notatur, nouæ hærescos architectus? Scio nonnullos huic Synodo, ut duriori, genuinum infregisse, sed alia longè de causa, idque ex sua circa antiquiorem disciplinam indiligentia, ut suo loco declarabitur. Sed & Apostolici canones non semel in clericos laicosque depositionem & anathemata decernunt, solius disciplinæ contaminatæ reos. Etenim can. 62. si quis suffocatum vel morticinum comederit: can. 65. Si dominico vel sabbato ieiunarit, præterquam vno: can. 69. Si cum Iudæis festos dies agitaue- rit, vel ieiunauerit, vel ab eis xenia, aut azyma acceperit: sacro mucrone feritur. Nec his clementior Ignatius epist. ad Philipp. *Si quis dominicum diem aut sabbatum vno excepto ieiunat, hic Christi interfector est.*

XIII. Idem rursus
luculentè, ex
Tertulliano.

Sed ut ad istius Victoris tempora redeamus, quæ tum Catholicorum fuerit consensus de anathemate in quolibet quomodocumque nouantes iaculando, ex Tertulliano perdiscemus. Eius enim errores omnes ex hoc vno præsertim capite scaturierunt, quod cum in fide exorbitare non conuinceretur, in disciplinæ institutis temere quidlibet posse nouari citra hærescos suspensionem existimaret. Vnde l. de Monogam. *Aduersarius spiritus ex diuersitate predicationis apparet: primò regulam adulterans fidei, & ita ordinem adulterans disciplina. Quia cuius gradus prior est, eius corruptela antecedit: id est fidei, quæ prior est disciplina. Antè quis de Deo hereticus sit necesse est, quàm de instituto.* Et l. de ieiuniis, de Psychicis, id est, de Catholicis expostulat, qui ieiuniorum Montani nouitatem anathe-

mate explodebant: *Novitatem igitur obiectant, de cuius illicito prescribunt aut heresin iudicandam, si humana presumptio est, aut pseudopphetiam pronunciandam, si spiritalis indictio est: dum quaque ex parte anathema audiamus, qui aliter annunciamus.* Ea ergo erat Catholicorum conspiratio, siue in fide, siue in disciplina erraretur, hæreseos, pseudopphetiæ elogio id illico notandum, id anathemate obruendum. At contrà errori suo patrocinebatur Tertullianus. *Indubitatè enim & heresis & pseudopphetia Diuinitatis diuersitate iudicabuntur, apud nos omnes vnici Dei creatoris, & Christi eius antistites.* Denique suam Catholicis laxiorem opprobrans disciplinam, *Idco sobrietatis disciplinam qui prædicant, pseudoppheta: idco heretici qui obseruant.* Familiare ergo id tunc erat, & hæreseos elogium & anathema infigere illis, qui à peruagata & recepta vbique disciplina deuiarent, tametsi nihil circa fidem ipsam hallucinarentur. Ideo & Victor Asianas Ecclesias vt heterodoxas fulmine impetebat.

Vtque modum ponam huic parti, vnum id addo in Ephesina prima Synodo act. 6. referri subscriptiones complurium à Quartadecimanorum contumacia resipiscendum, pristinamque eiurantium insaniam in hæc verba: *Cognoscens veram orthodoxamque fidem, sanctissimæ Catholica Ecclesia me adiunxi: omnemque heresin, & præcipuè Quartadecimanorum, in qua antè errabam, anathematizo. Anathematizo etiam illos qui sanctum Paschatis diem aliter celebrant, quàm sancta Catholica & Apostolica Ecclesia.* Et hîc ergo heresin, atque anathema audis, in eorum discipulos, quos vt heterodoxos Victor ab Ecclesia abscindere meditabatur. Et diu antè can. 7. Conc. CP. primi Quartadecimani hæreticis aliis permixti, hæresinque suam eiurare coacti fuerant.

Potestatem iam Victoris aduersus eosdem defendere ingrediamur. Et primò arguunt illi, non potuisse, quia non debuit. Ex aduerso igitur potuit, quia iam diluxit debuisset. Concesso autem quòd non debuisset,

XIV. Idem denique euincitur ex Synodo secunda, & tertia œcumenica.

XV. Defenditur iam potestas summa Victoris.

perperam quidem illi elicerent, non potuisse. Quam multi enim legitima abutuntur potestate, quorum facinus non alienæ potestatis vsurpatio est, sed suæ corruptela? At verò si debuit, utique potuit. Nec enim Christus ea suam fraudauit Ecclesiam potestate, quæ inter discrimina publicæ saluti prospiceret.

XVI. Primum
ex Eusebij ver-
bis.

Sed vel ex vno Eusebio eminent vestigia summi principatus, quo Victorem vniuersæ Ecclesiæ antistare præsulibus tum non ambigebatur. In sui defensionem scribit Polycrates *ad Victorem & ad Romanam Ecclesiam*. Cur non ad alios, à quibus æquè dissonabat? Nihil moueri se ait iis *qua ad formidinem sibi intentantur*, utpote maiorum & Apostolorum traditione fultum. Ergo cessurum se innuit, nisi ineluctabili, ut rebatur, necessitate seruandæ Apostolicæ institutionis auocaretur ab obsequio. Obediendum ait *magis Deo quam hominibus*. At ea verba & ab Apostolis vsurpata sunt primò, & in ore sunt omnium, qui legitima quidem vrgentur potestate, sed cuius tunc imperia diuinis confluantur mandatis: eoque significant, sui & officij & voti esse morem gerere, nisi Deus secus tunc quidem iuberet. Denique vnica exceptione litem perimere poterat Polycrates, Victoris incompetens iudicium repudiando. At ex aduerso ille ut apud competentem iudicem se purgat, nec vel vno verbulo queritur de eius potestate ultra metas exspatiente.

XVII. Rursus
ex eodem.

Apud eundem Eusebium l. 5. & c. 24. eodem, multis displicuit Victoris austeritas, qui cum hortati sunt, ut quæ *pacis & charitatis erant, & unitatis*, potius sciret. At hæc hortamenta ad eos instruuntur, qui legitima potestate, vel austerius, vel humanius uti possunt; & eo loco ac tempore ad mansuetudinem ut tum quidem tempestiuorem inuitantur. Ad hæc Irenæus Victori ea scribit, quibus dispensatione tunc potius vtendum suadeat, non suæ vnquam potestatis modulum monet agnoscere. Quin imò obsecrat, *ne abscindat vniuersas Ecclesias*: nihil dubius, si abscidisset sua, reliquarum etiam

ἡ δὲ ἀποκοπή τοῦ ἑλίου
ἐκείνης.

Ecclesiarum communione abscindendas fore. Adde ex Synodico libro superiùs relato, reliquas Synodos de Paschatis die toto orbe pronunciasse *secundum Anicetum & Victorem*: utpote quos duces reliqui sequebantur orbis antistites. Cumque Synodum Polycratis simplicitatis & indiligentiæ notasset eius libri author, societatisque cum Iudæis, mox ait, *Victorem sanctissimum excommunicationem misisse Polycrati, qui huic Synodo præsuerat*. Quo potestas Victoris commendatur utique. Denique in Epistola utraque superiùs laudata tum Constantini ad Ecclesias, tum Nicænæ Synodi ad Alexandrinos, ubique Romanæ Ecclesiæ princeps locus adsignatur: in enumeratione omnium orbis provinciarum, quæ in Catholicum Pascha concinebant. Quod illa reliquis præluxisset.

Quod autem excommunicationem à Victore contor-
nam, flocci videntur fecisse; id primò expediendum esset, illam comminatus tantum, an etiam iaculatus fuerit. Hieronymus in Catal. Script. Eccles. in Irenæo, *Victor multos Asia & Orientis Episcopos, qui decimâ quartâ Lunâ cum Iudæis Pascha celebrabant, damnandos crediderat. In qua sententia hi qui discrepabant ab illis, Victori non dederunt manus*. Ad minas hæc trahi possunt. Et idem in Polycrate, hæc eius ad Victorem Epistolæ verba refert, *Non formidabo eos qui nobis minantur*. Priore sanè loco Græca interpretatio duriuscula est, & pro illis verbis *damnandos crediderat*, habet, *deposuit*. Videtur & Eusebius consentire, cum de Victore ait, *abscindere conatur*. Et ibidem Irenæus per Epistolas decenter admonet Victorem, *ne abscindat universas Ecclesias Dei*: nondum ergo absciderat, sed ictus adhuc librabatur. Nec ultra progressum Victorem exprimit Eusebius: quin Irenæo mox gratulatur, ut sui nominis augurium non fallenti, ut pacificatori, ut pacis Ecclesiarum legato. Socratis autem non inexplorata adeò supinitas est, ut nostrum statim extorqueat consensum, ubi antiquiorum lineas egreditur. Potuit ergo ille authori libelli Synodici imponere. Cautius Photius Biblioth. cod. 120. *Victor*

XVIII. Iaculatus, an comminatus tantam excommunicationem sit Victor.

ea tempestate Pontificium tenuit, quem crebris literis hortatus est Irenaeus, ne ob Paschatis dissensionem ab Ecclesia aliquos abdicaret. Exitum pendere dubium & ipse passus est. Sed aperte Sozomenus l. 7. c. 19. Sapientissime arbitror soluisse, subortam olim controuersiam Victorem tunc temporis Roma Episcopum, & Polycarpum Smyrnensem. Etenim cum Occidentis Sacerdotes traditionem Petri & Pauli non esse contemnendam arbitrarentur, & Asiani se Ioannem Euangelistam sequi affirmarent, decreto in commune sancito, singuli ut consueuerant, festum celebrantes, & mutua inter se communione non recesserunt. Friuolum enim & quidem merito indicarunt, consuetudinis gratia à se mutuo segregari eos, qui in praecipuis religionis capitibus consentirent. Excommunicationem ergo Victor vel non intorsit, vel statim suspensa eius executione reuocauit.

XIX. Esi vibratum anathema, non tamen spre- tum fuit.

gentes me à mi-
nor in idiorb.

Largiamur id autem, anathematis iaculum euibratum esse. Necdum de contemptu satis constat. Nam Asianos ipsos respuisse tradit Constantinus in saepe laudata Epistola, *Asianam diæcesin* inter eas enumerans prouincias, quæ cum Romana vrbe in Paschatis die conspirarent. Epiphanius verò hæresi 70. num. 9. de Paschæ die tumultuatum ait tum sæpius, tum maximè Polycarpi, malim legi, Polycratis & Victoris ætate, *Cum Orientales ab Occidentalibus diuulsi, pacificas à se inuicem literas nullas acciperent.* Occidentales ergo saltem Victori paruerant, iisque communicare desierant, quos Victor à communi vnitæ disciderat. Coniectura est autem Occidentalibus consensisse & Ægyptios, ut ex contextu Epiphaniij ibidem liquet: Orientales autem ab eo dici Asianæ prouinciæ & circumiacentes Episcopos, ut hac cæterarum in se Ecclesiarum asperitate ad resipiscentiam tandem inflexi sint: Romanæ autem maximè. Quanti enim Orientales facerent eo ipso æquo communionis cum Romano Antistite contesserationem, prodidit Tertullianus initio ferè libri aduersus Praxeam, in quem acriter stomachatur, quòd *tunc Episcopum Romanum agnoscentem iam prophetas Montani, Prisca, Ma-*

ximilla, & ex ea agnitione pacem Ecclesiis Asia & Phrygia inferentem, falsa de ipsis Prophetis & Ecclesiis eorum adseuerando, & praeceptorum eius auctoritates defendendo, coëgit & literas pacis reuocare iam emissas, & à proposito recipiendorum charismatum concessare. Author suprà fuit Epiphanius ex Cataphrygibus ortos Quartadecimanos. Cognata sunt ergo hæc argumenta. Et eam fortassis atque vna excommunicatio est, à Victore in Asianos & Phrygas contorta, quam Zephyrinus reuocare cogitauerat, non Montanistarum irretitus erroribus, qui nulli tunc aduersùs fidem adhuc stridebant, sed fucò pietatis simulatæ delusus: at fraude per Praxeam comperta, literas pacis iam emissas reuocauit, *praeceptorisque sui Victoris auctoritatem defendit.* His adiunge quæ refert Eusebius l. 5. c. 3. ab Ecclesia Lugdunensi Epistolas per Irenæum ad Eleutherium Papam missas, *pro pace Ecclesiarum legatione suscepta*, quod tunc Montani nempe fama in Phrygia percrebuisset, eiusque causâ *diffusio orta esset.* Id saltem hinc exprimitur, nunc enim ea omnis coniectura, etiam inter Orientales pacis & communionis Ecclesiasticæ arbitrum iam tunc habitum fuisse Romanum Antistitem, eiusque hac de re sententias nequaquam contemptui, sed summx venerationi fuisse. Qui sanè Tessarescaidecatitas longè ante Synodum Nicænam in hæreticorum albo describere, vt suprà monuimus, ij Victoris iudicium nequaquam aspernati sunt.

Demus etiam reluctatos fuisse Victori Orientales, hinc etiam præclarior eius victoria, quo diuturnior fuit contumacia repugnantium. Tantum enim momenti fuit in auctoritate Victoris, vt deinceps vniuersalis Ecclesia & œcumenica Synodus prima, secunda, tertia in eius sententiam concesserint. Nec enim expendendum modò quid tunc, sed quid tandem peruicerit Victor: nec quid de sententia & potestate eius pauci hallucinabundi senserint, sed quid deinceps omnes Ecclesiæ & vniuersales Synodi consenserint. Nam cum Victoris sententiam aspernati sint Asiani, cum eius importunam inhumanita-

XX. Etsi spre-
tum id tunc fuis-
set, sua tamen
Victori illa
auctoritas adse-
ritur.

tem reliqui complures ex Catholicis insimularint; exinde tamen ab Epiphanio, Augustino, Philastrio & aliis computari cœpit hæresis Quartadecimanorum; exinde Constantinus & Nicæna Synodus Romanam Ecclesiam cæteris præire in Paschæ obseruatione prædicauit: exinde CPolitana & Ephesina prima Synodus œcumenica, peræquè vt Nicæna, non Pascha Iudaïa Polycratis, non dispensationem Irenæi & aliorum eius collegarum, sed vnus approbavit Victoris consilium in Iudaïco damnando Paschate, & eius sectariis cum cætera hæreticorum caterua ressecandis à communione. Pluris esse debet in animo nostro Ecclesiæ vniuersalis posterior suffragatio, quàm aliquorum in ipso certaminis æstu vel apertè repugnantium, vel clanculum detrahentium licentia. Luculentè hoc argumentum prosequitur Nicolaus Papa I. epist. 9. ad Michaëlem Imp. *Quotquot in ipsa communione Sedes Apostolica tenuit, aut dum viuerent, ab Ecclesiâ sunt vniuersali recepti: aut postmodum ab ea summa celebritate retenti. Præterea illos, in quorum damnatione non consensit, singulari prærogatiua dissoluit. Cùm Asiani omnes inter cæteros Euangelista Ioanne auctore, quartadecimâ Lunâ cum Iudæis putarent Pascha celebrandum, hos Præsul meritis & nomine Victor à communione collegij separauit. At illi omnes cum nonnullis Ecclesiarum præsulibus, non solum huic manus minimè præbuerunt, verùm etiam pertinaciæ redarguerunt, &c. Quid mirum si nobis pro Ecclesiastica correptione laborantibus, manus non datis, sed & durius redarguitis? cùm videamus Victorem Papam & Martyrem, qui ideo verè victor est quia martyr, pro Ecclesiastica traditione pene à totius Ecclesiæ Præsulibus pertinaciæ redargutum. Quandoquidem Ecclesiâ tota nunc cum illo sapit: & quod fecit, laude prædicat dignum. In quo animaduertendum, quia si tunc ille pro iustitia tanta seueritate non vteretur, sicuti nonnulli hortabantur Episcopi, hætenus fortassis error ipse mansisset; præcipuè cùm etiam eo tanto zelo succenso, vsque ad Ephesinam priorem in aliquibus perdurasse Synodum legerimus. His ille alia accumulat exempla, putà Acacij à Romanis præsulibus de-*
positi,

positi, qui tamen imperatorio patrocínio sedem suam retentaui. Sed post diuturni contemptus iniuriam perfectum est tandem, ut Acacij nomen ab omnibus Ecclesiis proscriberetur. Ita & Photius à Nicolao abdicatus non cessit. Sed sub Hadriano huius successore Oecumenica octaua Synodus Nicolai iniurias Photio exturbato vltima est. Etenim ut idem tradit epist. 10. *Contra singulos errores in Ecclesia exortos prior Romana Ecclesia secundum primatus sui auctoritatem sententia terminum dedit. Et ita demum vniuersalis Ecclesia, licet aliquando per aliquantulum temporis in quibusdam reluctata sit, quæ illa tamen probauit, quandoque probauit: & quæ illa refutauit, ipsa refutauit.*

Si renitentium enim peruiacia principantem auctoritatem enervare potis esset, quæ usquam residua foret umbra legitimi imperij? Nicænæ etiam & CPolitanæ Synodo illusere Quartadecimani. An ideo cassâ & effecta œcumenicarum Synodorum maiestas blaterabitur? Apud Epiphanium hæc. 70. n. 9. calumniabantur Audiani in hunc modum: *A Constantini tempore ut Imperatoris rationem haberetis, paternam in celebrando Paschate consuetudinem reliquistis, diemque commutastis, ut vos ad Imperatoris nutum accommodaretis.* Sic illi conuitiabantur Nicænæ Synodo, quasi natalem Constantini in Paschæ diem optasset. Chrysostomus autem aduersus reliquias quasdam Quartadecimanorum manus conferens, tomo 5. hom. 52. *Quis porro illorum sermo est, cum hac illis obicimus? Vos, inquit, nonne hoc ieiunium antè obseruabatis? Hoc verò tuum non est mihi dicere: sed hoc ipse tibi iure dixerim, nos quoque sic antea ieiunasse, verumtamen temporum obseruationi præferendam concordiam censuisse. Quid autem de me loquor? Trecenti Patres, imò etiam plures, cum in regione Bithynia conuenissent, hac decreuerunt, & tu illos omnes probro afficis? Deinde cum Nicænorum Patrum sanctitatem, fortitudinem, martyria laudibus in cælum tulisset, addit: At tu non illos tantum, sed & orbem terrarum vniuersum condemnas, qui sententiam illorum comprobauit. Ex hac paucorum seu extorrium,*

XXI. Et Nicænâ enim Synodum multi ea in parte contempserunt.

C

seu vernaculorum Ecclesiæ contumacia, nec Victoris, nec Synodi œcumenicæ, nec orbis terrarum Catholici auctoritas infringitur.


XXII. Ex Beda ultra septimum sæculum spreuerunt multi Nicænam de Paschæ definitionem, nec de tantæ Synodi auctoritate quidquam tamen deditur,

Iuuabit hîc adscripsisse quæ Beda l. 3. hist. Eccl. c. 17. post enarratas & summis laudibus euectas sanctissimi Episcopi Aidani virtutum dotes, etiam miraculorum gratia illustres, addit demum: *Qui ut breuiter comprehendam multa, quantum ab eis qui illum nouere, didicimus, nihil ex illis quæ in Euangelicis siue Apostolicis siue Propheticis literis facienda cognouerat, pratermittere, sed cuncta pro suis viribus, operibus implere curabat. Hoc in præfato Antistite multum complector & amo: quia nimirum hac Deo placuisse non ambigo. Quod autem Pascha non suo tempore obseruabat, vel canonicum eius tempus ignorans, vel suæ gentis auctoritate, ne agnitum sequeretur, deuictus, non approbo, non laudo. Et infra c. 25. Hac dissonantia Paschalis obseruantia vivente Aidano patienter ab omnibus tolerabatur, qui patenter intellexerant, quia etsi Pascha contra morem eorum qui ipsam miserant, facere non potuit, opera tamen fidei, pietatis, & dilectionis, iuxta morem omnibus sanctis consuetum, diligenter exequi curauit. Unde ab omnibus etiam his qui de Pascha aliter sentiebant, merito diligebatur: nec solum à mediocribus, verum ab ipsis quoque Episcopis, Honorio Cantuariorum & Felice Orientalium Anglorum venerationi habitus est. Et infra multis disserit Vuilfridus, ad Catholicam Paschæ obseruantiam, omnes sancti Ioannis successores in Asia post obitum eius conuersos esse, & omnem per orbem Ecclesiam: & hoc solum fidelibus celebrandum, Nicæno Concilio non statutum nouiter, sed confirmatum est, ut Ecclesiastica docet Historia. Si Columba autem, si qui alij sanctitate spectatissimi alium sectati sint ritum, ait: Quia iustus multo est de incognitis bonum credere, quàm malum, illos & Dei famulos & Deo dilectos esse non nego, qui simplicitate rustica, sed intentione pia Deum coluerunt. Concluditur denique sequenda esse decreta Apostolicæ sedis, immo vniuersalis Ecclesiæ: & neminem præferendum Petro, cui principaliter dictum est, Super hanc Petram ædificabo Ecclesiam meam, & tibi dabo claves regni celorum.*

Minus hi quidem, sed nonnihil tamen à more Catholici & Romani Paschæ dissidebant. Perspice autem ut summa iudicii maturitate Beda errorem ab errantium sanctitate discriminet. Optatissimum esset, tam æquos iudices nacti essent & Polycrates & Victor & Irenæus. Ille dum heterodoxum Pascha colit, hic dum noxia dispensatione utendum consulit, in errore fuerunt. Victor dum Apostolicæ sedis, dum vniuersalis Ecclesiæ decreta, eo quo ubique moris erat, vigore, hoc est, sub mucronis sacri comminatione obseruari vrget, & Synodis posthac œcumenicis dicat *quod non constuant, seu confirmant*, in errore versari non potuit. Nec tamen vel Polycratis vel Irenæi laudes aliæ obliterandæ sunt. Ut in Aidano, ut in Columba: sunt in eis, quæ admiratione, quæ laude prosequamur: sunt quæ non laudemus, non approbemus. In eo autem quem ducem sequitur vniuersa Ecclesia, nihil est quod sine scelere possimus in hac parte vituperare. Ideo ne Græcorum quidem virulentia tametsi aduersus Apostolicæ sedis priuilegium exacerbata aduersus Victorem tot hætenus sæculis effutire quidquam ausa est. Vide Phorianos Episcopos, & magisterio & veneno Photij imbutos, in sexta actione Octauæ Synodi, aduersus primam sedem furentes, & exempla vndiq; aucupantes, conseruatæ communionis iis quos Romani Antistites excommunicassent, vel ademptæ iis quibus illi communicarent. Nusquam eorum animo occursum tanta insulitas, ut Victoris vel communionem vel excommunicationem ab Asianis Episcopis impunè spre- tam fuisse ineptirent. Occidentales autem constituti Catholici Paschatis gloriam vni præsertim Victori vindicasse, constat ex antè relatis Bedæ testimoniis, itemque ex eodem l. 7. c. 16. 19. 22. & l. de Æquin. vernali, denique in l. de sex ætatibus, *Victor datus latè libellis constituit Pascha die dominico celebrari, sicut & prædecessor eius Eleutherius, cuius decretis fruens Theophilus Casarea Palestina Episcopus, scripsit cum ceteris in eodem Concilio Episcopis Synodicam & valde utilem Epistolam.*

XXIII. Ex eodem ut æquum de Victore & Irenæo & Polycrate iudicium temperandum sit.

XXIV. Nemo etiam è Græcis ante Nonatores huius zui arro- dere famam Victoris tentarat, ut Nicæna Synodo abundè purgati.



DISSERTATIO II.

AD SYNODOS

SVB STEPHANO PAPA

IN CAUSA BAPTISMI

HÆRETICORVM


Collectas Carthagine, Romæ & alibi an. Christi
256. 257. &c.

SYNOPSIS.

Refellitur putidissima Nouatorum calumnia, tam errasse Stephanum in omnium admittendo, quàm Cyprianum & Firmilianum in omnium hæreticorum baptismo repudiando. Euincitur ex omnium patrum consensu, eandem tunc fuisse Ecclesiam Romanam de baptismo hæreticorum, quæ postea fuit, & quæ etiam nunc superest disciplina. Usque ad num. XXII.

Deinceps ad finem usque multipliciter soluitur alia quæstio, ecquid Augustinus Cypriano hinc excusationem & patrocinium peret, quod necdum ea res plenario Concilio elucidata atque terminata fuisset: cum idem ipse Pelagianis plenarium Concilium flagitantibus os obthurauerit, localibus Synodis & rescriptis Apostolica sedis litem finitam pronuncians.

I. Stephani Papæ
& Cypriani concertatio. Nouatorum calumnia in Stephanum.
Duplex aduersus eos controuersia hic dirimenda.



ILLVSTRIS & copiosa hæc se altera obiicit quæstio, & superiori gemella, de Stephani cum Cypriano concertatione circa baptismum ab hæreticis collatum. Et hic enim sanctitate conspicui colliduntur Pontifices; Romanus etsi loco maior & causa melior, à collega spernitur; contumaces aduersus primæ

sedis decretum, & auiti moris plus æquo retinentes, nihilofecius Ecclesiæ communione fruuntur; denique secundum Stephanum pronunciat Nicæna Synodus. Itaque permagnus & admirabilis utrobique personarum rerumque concentus. Ad cumulum denique ut Victorem, ita Stephanum per tot retro sæculorum volumina summæ admirationi habitum, omnium procacissimi Nouatores in hac extrema temporum fæce denigrare cœpere, quasi auersis quidem vestigiis errasset tamen ipse perinde ac Cyprianus. Ut hic enim omnes prorsus arcebat hæreticos à dandi baptismi potestate; ita ille, ut garriunt, omnes eâ donabat indiscriminatim, siue legitimâ, siue spurâ & prophanâ vterentur in tingendo verborum formulâ. Itaque propulsanda hæc primò à sanctissimo Papa & Martyre calumnia. Tum ingrediemur ad aliam quoque controuersiam, quâ Cyprianus ab Augustino culpa pene absolutus sit, quod ante Concilium plenarium necdum veritas satis eliquata fuisset; cum idem Augustinus vna primæ sedis autoritate & sententia alibi Pelagianos hæreticos abunde pronunciet confectos esse, nec plenatio iam opus esse Concilio.

Hallucinatum ergo & ipsum Stephanum fuisse in omnium hæreticorum baptismo probando, peræquè ut Cyprianum in omnium repudiando, hallucinabundi somniant, eliciuntque ex hoc eius decreto apud Cyprianum relato epist. 74. *Si quis ergo à quacumque heresi venerit ad nos, nihil innouetur, nisi quod traditum est, ut manus illi imponatur ad pœnitentiam: cum ipsi hæretici propriè alterutrum ad se venientes non baptizent, sed communicent tantum.* Nihil ergo discriminis, inquiunt, interponebat Stephanus, & quibuscumque demum verbis, etiam ab Euangelica veritate alienissimis consecrato subscribebat baptismo. At Stephano primùm patrocinari licet ex ipsa Firmiliani aduersus eum scripta ad Cyprianum Epistola. Ut inuidissimum sit quod ab ipso aduersario vis veri extorquet testimonium. Verba Firmiliani sunt: *Illud quoque absurdum,*

II. Non errasse Stephanum in omnium hæreticorum baptismo recipiendo, probatur ex Firmiliano.



quòd non putant querendum esse, quis sit ille qui baptizauerit, eò quòd qui baptizatus sit, gratiam consequi potuerit inuocata Trinitate nominum Patris, & Filij, & Spiritus sancti. At quis est in Ecclesia perfectus & sapiens, qui hoc aut defendat, aut credat, quòd inuocatio hac nominum nuda sufficiat ad remissionem peccatorum, & baptismi sanctificationem? Cum hac tunc utique proficiant, cum & qui baptizat, habet Spiritum sanctum, & baptisma quoque ipsum non sit sine Spiritu constitutum. Hinc palam est, illud demum probari Stephano baptisma, quod inuocata Trinitas sanctificet, ubi inuocatio nominum sufficiat ad remissionem peccatorum: à Firmiliano autem desiderari præterea, ut is qui baptizat, Spiritu sancto vegetetur. Et rursus ibidem Firmilianus Stephanum validissimè, ut sibi videtur, urget exemplo mulieris veneficæ hæreticæque, quæ multos solenni Ecclesiæ forma tinxerat. Cum baptizaret quoque multos, usitata & legitima verba interrogationis usurpans, ut nihil discrepare ab Ecclesiastica regula videretur. Quid igitur de huius baptismo dicemus, quo nequissimus demon per mulierem baptizauit? Non quid & hoc Stephanus & qui illi consentiunt, comprobant? Maximè cui nec symbolum Trinitatis, nec interrogatio legitima & Ecclesiastica defuit? Potest credi aut remissio peccatorum data, aut lauacri salutaris regeneratio ritè perfectà, ubi omnia quamuis ad imaginem veritatis, tamen per demonem gesta sunt? Nisi & demonem in nomine Patris, & Filij, & Spiritus sancti, gratiam baptismi dedisse contendunt, qui hæreticorum baptisma defendunt. Ne fingere quidem mihi possum quidquam his apertius.

III. Et idem ex eodem.

Et idem ibidem rursus, & sua & Stephani sensa prodero pergit, ex Christi inuocatione sanctificatum baptismum exagitans, nisi à viro Catholico exhiberetur. Sed in multum, inquit, proficit nomen Christi, ad fidem & baptismi sanctificationem: ut quicumque in nomine Christi baptizatus fuerit, consequatur statim gratiam Christi. Quando huic loco breuiter occurri posset, & dici, quoniam si in nomine Christi valuit foris baptisma, ad hominem purgandum; in eiusdem Chri-

*sti nomine valere illic potuit & manus impositio ad accipien-
dum Spiritum sanctum. Ergo id Stephanus baptisma ad-
mittebat, quod in nomine Trinitatis, quod in nomine
Christi consecraretur. Et rursus ibidem: Ad illud autem
quod pro hæreticis ponunt & aiunt, Apostolum dixisse, siue per
occasionem, siue per veritatem Christus annuncietur. An for-
mulis baptismi adulterinis, quibus Christi & Trinitatis
Ecclesiastica fides proscinderetur, iactitasset Stephanus
cum altipulatoribus suis Christum annunciar? ille sanè
Apostoli locus prædicantis vitio monet non infusari sa-
næ prædicationis veritatem.*

Si verò admissus à Romanis esset baptismus impia & IV. Alia ex eo-
dem argumenta.
hæretica aliqua verborum formula prophanatus, hanc
maximè hæreseos formulam prodidisset, hanc exagitasset
Firmilianus in tam proluxa Epistola, & ita prorsus victo-
riam aut ad se inclinasset, aut Stephano extorsisset. Sed
cùm fidem perfidissimam hæreticorum infectetur vir vs-
quequaque doctissimus, nusquam verba ipsa attingit ad
baptismum constuprandum ab eis effusa. Quorsum au-
tem suggillaret inuocatam ab hæretico ore Trinitatem
aut maiestatem Christi: sileret autem ab eodem in Tri-
nitatis, in Christi nominis contumeliam eructatas insanias?

Adde quòd totus est Firmilianus in baptizatore hære- V. Et rursus alia.
tico exhibilando, & ex eius vitio baptismum infirmat. E-
contra totus erat Stephanus, vt vel ex eius refutatione
liquet, in ipsius per sese Sacramenti, & verbi Christi
& inuocationis Trinitatis vi amplificanda, quam exhau-
rire nequaquam posset vel nequam, vel hæreticus quis-
quam, cuius ab ore ea resonarent. Cardo itaque contro-
uersiæ tunc in eo vertebatur, an sola verborum diuino-
rum maiestas & efficacia sanctificationem baptismi per-
ficere valeret, à quocumque demum ministro illa pro-
ferrentur; an ministri perfidia verborum virtutem cor-
rumpere & euacuare posset. Nec ad statum ergo quæ-
stionis animum adiecisse videntur, qui Stephanum ma-
ledictis incessunt.

VI. Idem euin-
citur ex Cypria-
no.

Eadem propemodum argumenta exculpi possunt ex opusculis Cypriani, hac in causa editis. Sic enim ille in epist. ad Pompei. *Usque baptisma, quod in eadem unitate consistit, esse apud hæreticos non potest, quia separari neque ab Ecclesia, neque à Spiritu sancto potest. Aut si effectum baptismi, maiestati nominis tribuunt, ut qui in nomine Christi Iesu ubicumque & quomodocumque baptizantur, innouati, & sanctificati iudicentur, &c.* Tribuebat ergo Stephanus effectum baptismi maiestati nominum & inuocationi nominis Christi. Et in epist. ad Iubaianum: *Non est autem quod aliquis ad circumueniendam veritatem Christianam, Christi nomen opponat: ut dicat, in nomine Iesu Christi ubicumque & quomodocumque baptizati, gratiam baptismi sunt consecuti. Cum ipse Christus loquatur & dicat, non omnis qui dicit mihi, Domine Domine, intrabit in regnum calorum. Quod autem contrà nitatur Cyprianus, vrgeatque non solum Christi nomen, sed totius Trinitatis imprecandum esse vtratus sit baptismus, nihil id quidem causæ Stephani officit. Nam multorum patrum, recentiumque scholæ Theologicæ magistrorum sententia est, etiam in solius Christi nominis inuocatione perfici baptisma posse, aut saltem aliquando potuisse. Et ut id habeat, Christi inuocatione Stephanus ut & complurimi veterum Theologorum, totius Trinitatis numen comprehendebat, idque patet ex verbis Firmiliani suprâ relatis.*

VII. Ex eodem.

Et si autem hæretici Patrem, & Filium, & Spiritum sanctum aut Christi nomen imprecarentur, non eundem illis Patrem Christumque ac Spiritum sanctum atque Catholicis esse interpretabatur Cyprianus, quia non eadem fides est, ideo non eundem esse baptismum. Epist. ad Iubaianum: *Nam si fides una est nobis & hæreticis, esse potest & gratia una. Si eundem Patrem, eundem Filium, eundem Spiritum sanctum, eandem Ecclesiam consentur; potest illic & baptisma vnum esse, si est & fides una, &c. Nunquid hanc Trinitatem Marcion tenet? Nunquid eundem asserit, quem & nos Deum Patrem creatorem? Nunquid eundem vnum Filium Christum*

Christum de Maria Virgine natum? &c. Longè alia est apud Marcionem, sed & apud ceteros fides; imò nihil est apud illos, nisi perfidia. Anxius rimatur Cyprianus, non quid inuocetur, sed quid credatur à baptizante: cum Stephanus non fidem baptizantis, sed potestatem verborum scrutaretur. Et infra: Quare baptisma nobis & hæreticis non potest esse, cum quibus nec Pater Deus, nec Christus Filius, nec Spiritus sanctus, nec fides ipsa in Ecclesia communis est. Quo decreto suo Cyprianus cum Nouatianos quoque completatur, quos constat Trinitatis & carnis Christi fidem intaminatam custodisse, palam est ab eo non eundem Deum, non eundem Christum nobis & hæreticis communem dici, etsi eadem nominum inuocatio sit.

Ex Concilio item Carthaginensi aperitur, in quo summa huius disputationis consisteret. *Hæreticis aut nihil licet, aut solum licet. Si baptizare possunt, & Spiritum sanctum dare possunt. Si autem Spiritum sanctum dare non possunt, quia non habent Spiritum sanctum, nec baptizare spiritaliter possunt. Ibidem & alius Cypriani assecla Episcopus ait: Hæretici Christiani sunt, an non? Si Christiani sunt, cur in Ecclesia Dei non sunt; quomodo Christianos faciunt? Solam ergo ministrorum personam Cyprianus, solam Stephanus verborum Christi efficaciam contemplantur. Nam si & minister hæreticus, & forma fuisset impia, eccur Stephanus hoc vel nomine tenus baptisma dici passus esset? Cur probasset in hæretico, quod vel in Catholico homine abominatus esset? Denique ipsæ voces rem indicant. Quæritur enim de baptismo hæreticorum, id est, de baptismo ab hæreticis dato: ubi ea nempe sola ambigendi ratio occurrit, quæ ex hæretici baptizantis persona trahitur. Nam si & hæreticus tingat, & tingendo prophanas inuocet Deitatis larvas, quis hæc promiscuè habeat? quis hoc baptisma vel nominet? quis hoc cum Nouatianorum baptismo permisceat, & æquè approbet?*

Idem efficitur ex Tertulliano. Nam lib. de pudicitia, ait in huius ipsius Cypriani sententiæ patrocinium; VIII. Ex Concilio Carthagio.

IX. Ex Tertulliano,

D

Vt Ethnico par, imò & super Ethnicum hareticus etiam per baptismum veritatis admittitur. Et l. de baptismo, Non idem Deus est nobis & illis: nec vnus Christus, id est, idem. Ideoque nec baptismus vnus, quia nec idem. Quæ ne ad solos Marcionistas spectare suspiceris, consule rursus Cyprianum l. 1. epist. 6. eadem prolixiùs de Nouatianis disputantem.

X. Item ex Concilio Arelatensi.

Venio ad Canonem 8. Concilij Arelatensis an. 314. *De Afriis quod propria lege sua vtuntur vt rebaptizent, placuit vt si ad Ecclesiam aliquis de heresi venerit, interrogent eum symbolum. Etsi peruiderint eum in Patre, & Filio, & Spiritu sancto esse baptizatum, manus eis tantùm imponatur, vt accipiat Spiritum sanctum. Quòd si interrogatus non responderit hanc Trinitatem, baptizetur.* Quare hoc canone soli vellicantur Afri, non etiam Romani, si etsi dissimili, iuxta tamen absurdo, vtrique versabantur in errore? aut si Romanis parcere animus erat, quin parcebatur & Afrorum nomini, ac sola baptismi regula præfigebatur? Quin imò configendi potius fuissent Romani, vt longè turpiùs errantes, si baptismum aliena, fideique inimica forma collatum pro rato habuissent. Id enim atrocius est, quàm quorumlibet hæreticorum baptismum rescindere. Hic enim detestabilis semper est baptizatoris impietas, ideo excusatur vtrumque zelus detestantis. At illic & baptismi & baptizatoris prophanitas in promptu est, vnde inexcusabilis prorsus foret approbantium inscitia.

XI. Ex Eusebio.

Patrocinator & Eusebius Stephano, omnemque ab eo amolitur erroris suspicionem, l. 7. c. 2. *Ad hunc Stephanum Dionysius primam earum, quæ de baptismo conscriptæ sunt, epistolam exarauit. Cùm per id tempus non mediocris controuersia exorta esset, vtrum eos qui ex qualibet heresi conuertuntur, baptismo purgari oporteret, quippe antiqua consuetudo inualuerat, vt in eiusmodi hominibus sola manuum impositio cum precationibus adhiberetur. Primus omnium Cyprianus, qui tunc temporis Carthaginensem regebat Ecclesiam, non nisi per baptismum ab errore prius emundatos, admittendos esse censuit. Verùm Stephanus*

nihil aduersus traditionem qua iam inde ab antiquis temporibus obtinuerat, innouandum ratus, gravissimè id tulit. Innouationis culpam omnem retorquet in Cyprianum, siue in Cypriani prædecessorem Agrippinum, Stephano autem non aliud ait, quàm antiquam consuetudinem retineri placuisse, qua in re errare haud sanè potuit.

Quod idipsum apertissimum fit ex ipsismet Stephani XII. Ex Stephani verbis à Cypriano & Firmiliano relatis; nihil innouari: ni ipsius verbis. quod traditum est, retineri debere. Quis non intelligit hanc aduersus omnes errores medicinam esse certissimam, nedum ut error aliquis propinari his vocibus queat? Ab initio enim prædicationis Euangelicæ inualuerat ista Romanæ Ecclesiæ disciplina, ut Eusebius innuit. Aut si quid secus quàm Apostoli Apostolicique viri fecissent, à Præsule quopiam Romano nouatum postea fuerat, non tam fidenter Stephanus traditioni & antiquitati incumberet. Romanæ traditionis seu corruptelæ initium aliquod, velut cunabula eius, Cyprianus aut Firmilianus aliquando indigitassent, quorum & eruditio & æstuatio in hoc negotio exploratissima est. Eusebius Africanæ disciplinæ exordia nupera notat, haudquaquam Romanæ. Denique Cyprianus ipse authorem se sequi Agrippinum profiteretur, quem verò ducem primùm sequatur Stephanus, non vsquam declarat, sed consuetudini & traditioni, cui derogare non poterat, veritatem identidem clamat anteponendam. Itaque epist. 71. ita habet.

Quod quidem & Agrippinus cum ceteris Coepiscopis suis, qui illo tempore in provincia Africa & Numidia, Ecclesiam Domini gubernabant, statuit, & librato Concilij communis examine firmavit. Quorum sententiam nos etiam secuti sumus. Et in epist. ad Iubaianum: Apud nos non noua, aut repentina res est, ut baptizandos censeamus eos qui ab hæreticis ad Ecclesiam perueniunt: cum multi iam anni sint, & longa ætas, ex quo sub Agrippino bonæ memoria viro conuenientes in unum Episcopi plurimi hoc statuerunt, atque exinde in hodiernum tot millia hæreticorum in provinciis nostris ad Ecclesiam conuersi, salutaris baptismi

gratiam consecuti sint. Sux consuetudinis nouitatem pro-
dit, dum venditat vetustatem. At Romanæ disciplinæ
antiquitatem detrectare non valens, vni veritati seruien-
dum clamat paulò post: *Proinde frustra quidam qui ratio-*
ne vincuntur, consuetudinem nobis opponunt, quasi consuetudo
maior sit veritate; aut non fuerit in spiritualibus sequendum, si
melius fuerit à sancto Spiritu reuelatum. Qui ergo Stephano
error, idem traditioni Ecclesiarum antiquissimæ, idem
Apostolis ipsis eius magistris impingitur.

XIII. Defendi-
tur argumentum
Stephani aduer-
sus Cyprianum.

Et Stephanum quidem ab exemplo hæreticorum ar-
gumentantem sannis & diæteriis infectatus est Cyprianus.
At pace sanctissimi martyris dixerim, hac Stephani argu-
mentatione nihil opportunius, nihil hac suggillatione in-
consideratius fieri potuit. Nam exploratissimum hinc
sebat hæreticos in solenni baptismi forma nihil nouasse,
nec propriarum hallucinationum vllam ei permiscuisse
labem, quandoquidem alij aliorum non respuebant ba-
ptisma. Errorem enim alij aliorum detestabantur, & de-
testati proinde fuissent baptismus, si peculiaribus singulo-
rum deliriis illud fuisset vitiatum. Quæ ergo hæreticis,
eadem Stephano aderat ratio, ne baptismus extra Eccle-
siam tributum iteraret.

XIV. Item ex
Hieronymo o-
stenditur non er-
rasse Stephanum
in questione
baptismi.

Porro Hieronymus Dial. aduersus Luciferianos ea
scribit, quæ nec frontis perfrectissimæ homines negare
ausint in Stephani patrociniū scripta esse. *Conatus est*
B. Cyprianus contritos lacus fugere, nec bibere de aqua aliena,
& idcirco hæreticorum baptismus reprobans, ad Stephanum tunc
Romana urbis Episcopum, qui a B. Petro vigesimus-sixtus
fuit, super hac re Africanam Synodum direxit. Sed conatus
eius frustra fuit. Denique illi ipsi Episcopi, qui rebaptizandos
hæreticos cum eo statuerant, ad antiquam consuetudinem renolu-
ti, nouum emisere decretum. Quid facimus? ita & nobis maio-
res nostri & illis sui tradidere maiores. Vides vt nouitatem
Cypriano, vetustatem traditionis Stephano adsignet, Cy-
priani denique collegas aliquando tandem sui pœnituisse
conatus, & ad antiquam Stephani, maiorumque ipsorum

suorum consuetudinem reuolutos fuisse dicat. Et idem mox Stephani sententiam & traditionem verè Apostolicam, verè ab Apostolis adhuc superstitionibus propagatam, exemplisque confirmatam fuisse adstruit, pernumeratis apostatarum & hæreticorum cateruis, quæ ipsa Ecclesiæ cunabula infestarunt, quorum tamen nullius iteratum legitur baptisma. *Sed quid de posterioribus loquar? Apostolis adhuc in seculo superstitionibus, adhuc apud Iudæam Christi sanguine recenti, phantasma Domini corpus afferebatur: Galatas ad observationem legis traductos Apostolus iterum percutit: Corinthios resurrectionem corporis non credentes pluribus argumentis ad verum iter trahere conatur. Tunc Simon magus & Menander discipulus eius, Dei se adseruere virtutes. Tunc Basilides, &c. Nicolaus quoque, &c. Saturninum, &c. Carpocratem, & Cherintum, & huius successorem Ebionem, & ceteras pestes, quorum plurimi viuentē adhuc Ioanne Apostolo eruperunt. Et tamen nullum eorum legimus rebaptizatum. Vides nulla partitione uti Hieronymum, ut alios hæreticorum tingendos in Ecclesia, alios non tingendos doceat. Sed vniuersim inficiari tingendos iterum vllos esse, vllos ab Apostolis vel eorum successoribus tinctos iterum fuisse, etiam eorum iam tum plerique portentosa quædam figmenta de Deo eructassent. Nec fallebat Hieronymum in tanta eius æui luce, maximè tandiu post Arelatensem Synodum, ratum non esse, nisi quod in Trinitatis nomine sanctificaretur baptisma. Ergo si Simon, Menander, Basilides, Carpocras, Cherintus, Ebion baptismi Ecclesiastici formam non adulterauerant, ut nec eorum baptismus in irritum mittendus esset: idem æquissimum est de cæteris usque ad Stephani tempora augurari.*

Idem ex Apocalypsi argumentari pergit Hieronymus xv. Rursus ex
ibidem, vbi complures memorantur hæretici imbuti in-
eodem.
ibidem, vbi complures memorantur hæretici imbuti infania; nec ipsis tamen vel eorum discipulis baptismus, sed pœnitentia ad abluendas sordes indicitur. *De Apocalypsi quoque approbemus hæreticis sine baptismo debere pœnitentiam concedi. In angelo Pergamene Ecclesiæ idolothe-*

rum esus & Nicolaitarum doctrina reprehenditur. Item apud angelum Thyatirorum Hiesabel prophetissa, & simulacrorum esca & fornicationes increpantur. Et tamen omnes hos ad pœnitentiam Dominus hortatur, &c. Nunquid dixit, Rebaptizentur qui in Nicolaitarum fide baptizati sunt? Quin potius, Age, inquit, pœnitentiam, &c. Sic ille inueteratam, quam Stephanus mordicus defensabat, consuetudinem ab ipsis usque Apostolis derivatam, & ipsis Scripturæ diuinæ paginis consignatam fuisse demonstrat. Porro ut Stephanus, ita Hieronymus nullo discrimine hæreticos dispescit, omnes una in naui locat, omnes pœnitentia non baptismo iubet ablui.

XVI. Ex eodem
iterum.

Verùm luculenta præ cæteris sunt, quæ infrà disputat idem Hieronymus, aduersus Hilarium Diaconum, Luciferiani schismatis præconem, inde nouum orbis Decalionem factum, quod venientes ab Arianis denuo tingendos insaniret. *Si hæretici baptisma non habent, & ideo rebaptizandi ab Ecclesia sunt, quia in Ecclesia non fuerunt: ipse quoque Hilarius non est Christianus. In ea quippe Ecclesia baptizatus est, qua semper ab hæreticis baptismum recepit. Antequam Ariminensis Synodus fieret, antequam Lucifer exularet, Hilarius Romana Ecclesia Diaconus ab hæreticis venientes, in eo quod prius acceperant, baptismo recipiebat. Nisi forte tantum Ariani hæretici sunt, & ab ipsis solis baptizatum recipere non licet, ab aliis licet. Diaconus eras, ô Hilari, & à Manichæis baptizatos recipiebas. Diaconus eras, & Hebionis baptisma comprobabas. Repente postquam exortus est Arius, totus tibi displicere cæpisti. Et pauld post Ecclesiam Romanam inducit, ad Hilarium verba facientem: Si in sinu meo natus, si uberrum meorum lacte nutritus, aduersum me gladium lenas, redde quod dedi, & esto si potes, aliter Christianus. Meretrix sum, sed tamen mater tua sum. Non seruo unius thori castitatem? Talis eram quando conceptus es. Cum Ario adulteria committo? Feci & antea cum Praxeas, cum Hebione, cum Cerintho, Nauato. Vides ut & hîc omnes prorsus hæreticos sine nouo baptismo per solam pœnitentiam ab Ecclesia Romana re-*

ceptos defendat, idque iure & Apostolico instituto, atque inconcusso Scripturarum diuinarum præcepto factum tueatur. Adeoque & Arianos sine baptismo admittendos concludat. Porro hæc Hieronymus post Arelatensem Synodum, post Nicænum de baptismo decretum scribebat.

Denique idem consequenter validius id quoque mun- XVII. Ex eo-
nit. *Quod si negandum quispiam putauerit, hæreticos à maiori-
bus nostris semper fuisse susceptos, legat B. Cypriani epistolas, decq.*
*in quibus Stephanum Romanæ urbis Episcopum, & inueteratæ
consuetudinis lacerat errorem. Legat & ipsius Hilarij libellos,
quos aduersum nos de rebaptizandis hæreticis edidit, & ibi re-
periet ipsum Hilarium confiteri à Iulia, Marco, Syluestro & ca-
teris veteribus Episcopis similiter in pœnitentiam omnes hæreti-
cos susceptos, nec tamen sibi met veritatis consuetudinem præiu-
dicare debere. Synodus quoque Nicæna omnes hæreticos suscepit,
exceptis Pauli Samosatani discipulis. Vides & hic hæreticos,
omnes hæreticos sine baptismi iteratione susceptos ab Ec-
clesia Romana, peræquè post Arelatensem Nicænamq;
Synodum atque prius. Ergo si qua culpa affingatur Ste-
phano, eadem post Arelatensem Synodum & Nicænam,
quibus assuerat per legatos Romana sedes, quarumque
vindex primaria semper ipsa extitit, Romanis omnibus
Episcopis & ipsi Hieronymo horum præconi illinenda
est. Vides rursum quàm Stephano propitia & consenta-
nea fuerit Nicæna Synodus, quæ omnes hæreticos suscepit
exceptis Pauli Samosatani discipulis: qui Stephani æuo nec-
dum infauftum caput orco extulerant. Ut nihil possit vel
petulantiùs vel imperitiùs fingi Nouatoribus huius æui,
qui Nicænam Synodum garriunt, nec Stephano omnes,
nec Cypriano nullos sine baptismo recipienti suffraga-
ram: sed distinctione ea usam, qua vterque error casti-
garetur. Stephano enim prorsus astipulati sunt Patres
Nicæni, qui omnes quos ille, sine baptismo hæreticos
suscipi iussere: eos tingi sanxere, quos ille erupturos re-
scire non potuit. Denique nusquam Hieronymus vel lo-*

uissimè conquestus est de errore vel Stephani, vel eorum qui baptisma heterodoxis verbis collatum non iterarent.

XVIII. Idem efficitur ex Basilio

Accedat Basilius epist. ad Amphil. c. 1. Ille enim etsi consuetudinem Romanorum Antistitum in baptismo minùs probet, non errori tamen, sed œconomix eam adsignat. Eique quanquam minùs ipse subscribat, œconomix tamen ergo assentitur, ut qui volent, adhærescant. Et Dionysio quidem Alexandrino, quod Pepuzenorum baptismum approbarit à fide immaniter abhorrentem, nonnihil succenset, Cypriani & Firmiliani non sine elogio meminit, à Stephano perstringendo prorsus abstinet, qui tamen si qua fides esset Sycophantis nuperis, longè fœdiùs Dionysio cespitalset. *Pepuzenorum baptismus nullam mihi habere rationem videtur, & miratus sum, quomodo hoc magnum Dionysium qui fuit canonicus, prateriit. Et infra: Pepuzeni in sanctum Spiritum blasphemarunt, Montano & Priscilla Paracleti appellationem nefarie tribuentes. Quam ergo rationem habet, verum eorum baptisma indicari, qui in Patrem, & Filium, & Montanum, Priscillamque baptizant? Non enim baptizati sunt, qui non in nobis tradita baptizati sunt. Quare etsi hoc magnum Dionysium latuit, nobis tamen non est seruanda erroris imitatio. Vbi facile subolet, quo non um Dionysius, quàm Basilius laboretur errore. Nam si non, non verba baptismi interpolauerant Pepuzeni, sed in Montani & Priscillæ nomina, sed in nomen Spiritus sancti baptizabant, quo cum Montanum & Priscillam intelligerent, in Montani & Priscillæ nomen eos tinxisse parum commodus interpres Basilius commentatur: mentem eorum potiùs quàm verba pensitans. Ideo ergo nec à Romanis Montanistæ rebaptizabantur.*

XIX. Ex Siricio, Innocentio, Leone R. PP.

Innocentius autem primus epist. 22. c. 4. distinctionum similiter incuriosus, ait: *Nostre verò lex est Ecclesia, venientibus ab hæreticis, qui tamen illic baptizati sint, per manus impositionem, laicam tantùm tribuere communionem, &c.* Dum ait, *qui tamen illic baptizati sint, verum baptismum* &c.

& à se & à maioribus suis desideratum significat, Evangelicis verbis dedicatum: alioqui nec baptismum dicendum. Vnde c. 5. ibidem, rationem indagans cur Nicæna Synodus Nouatianis tam secunda, tam aduersa autem Paulianistis fuerit, ut illos nec a Clero dimoueret, horum vel baptisma irritaret; *Quod idcirco distinctum esse istis duabus hæresibus ratio manifesta declarat, quia Paulianista in nomine Patris, & Filij, & Spiritus sancti minimè baptizabant, & Nouatiani iisdem tremendis verendisq; nominibus baptizant.* Igitur etsi sancti Patres indiscretè pronuncient omnes ab hæreticis tinctos, sola pœnitentia expiandos esse, conscij tamen iidem sunt, nec baptismum dici, nisi nomine Trinitatis consignatum. Et rursus cum Paulianistæ quòd in nomine Trinitatis non tingerent, ad Ecclesiam venientes rursus ablui iubeantur; nulli ergo alij hæretici tempore Nicænæ Synodi hæretica forma verborum contaminauerant baptismi mysterium. Cui argumento robur accedet à Siricij epist. 1. c. 1. qui præterito etiam prædecessoris sui Liberij decreto pugnat: *Nos cum Nouatians, aliisque hæreticis, sicut est in Synodo constitutum, per inuocationem solam septiformis Spiritus, Episcopali manûs impositione, Catholicorum coruentui sociamus Arianos. Quod etiam totus Oriens, Occidensque custodit.* Vides quàm non satagat de discrimine significando. Item Leo I. epist. 37. c. 2. *Quòd si ab hæreticis baptizatum quempiam fuisse constituerit, erga hunc nullatenus Sacramentum regenerationis iteretur.* Nempe baptismum non sinit vocari, nisi debita obseruatione tributum. Et epist. 79. c. 7. *Nam hi qui baptismum ab hæreticis acceperunt, cum baptizati antea non fuissent, sola inuocatione Spiritus sancti per impositionem manuum confirmandi sunt: quia formam tantum baptismi sine sanctificationis virtute sumpserunt.* Et epist. 92. c. 16. *Hi autem qui se baptizatos sciunt, sed cuius fides fuerint qui eos baptizauere, nescire se profitentur: quolibet modo formam baptismatis acceperint, rebaptizandi non sunt.* Vides quam non in sententiam, sed in verba ipsa Stephani conspirent, & omnes quidem hære-

ticos promiscuè habeant, & ab ipsis baptizatos non rebaptizent; sed id nimirum innuant, baptizatos non dici, nisi qui formam baptismatis, hoc est, inuocationem Trinitatis susceperunt.

XX. Item ex Augustino.

His succedat, qui præcedere, & vnus instar omnium esse potuerat Augustinus. Ex eo autem quid primum, quid deinde carpemus ad Stephani patrocinium? Omnia enim eius de baptismo contra Donatistas scripta, omnia capita, omnes propè versus, hanc Stephani cum Cypriano concertationem ita exequuntur, vt disciplinæ sanioris & veritatis maiestas tota penes Stephanum resideat. Paucissima decerpam ex immenso pene cumulo innumerabilium testimoniorum. Igitur l. 1. de bapt. con. Donat. c. 18. *Cum enim tanti meriti Episcopus Cyprianus aliud de baptismo arbitraretur, quam erat inquisita diligentius veritas firmatura: multique eius collega, quamvis liquido nondum manifestatum, id tamen tenerent quod & præterita Ecclesiæ consuetudo, & postea totus Catholicus orbis amplexus est, non se ille tamen à cæteris diuersa sentientibus separata communione disiunxit. Audin Stephanum & cæteros eius collegas, à quibus dissentiebat Cyprianus, id tenuisse, quod & præterita Ecclesiæ consuetudo, & postea totus Catholicus orbis amplexus est? Et l. 2. c. 7. Nondum erat diligenter illa baptismi questio pertractata. Sed tamen saluberrimam consuetudinem tenebat Ecclesiæ: quam credo ex Apostolica traditione venientem, sicut multa non inueniuntur in literis eorum, neque in Conciliis posteriorum: & tamen quia per vniuersam custodiuntur Ecclesiæ, nonnisi ab ipsis tradita & commendata creduntur. Ergo Stephanus, & vniuersa cum eo Ecclesiæ, si Cyprianum cum fautoribus demas, non errabundam & postea emendandam, sed Apostolicam, & plenario post Arelatensi Nicænoque Concilio corroborandam retinebat consuetudinem. Et ibidem c. 9. Concilium vniuersale nondum factum erat, quia consuetudinis robore tenebatur orbis terrarum, & hac sola opponebatur inducere volentibus nouitatem. Et l. 4. c. 6. Nec inuenio, cur istam consuetudinem improbent, quæ post*

Cyprianum etiam plenario totius orbis Concilio confirmata est, &c. cum eius consuetudinis mutanda causâ authoritatem Cyprianus quæretet, nonnisi in Africa sola factum paucis ante se annis Agrippini Concilium repetiret. Quod cum sibi aduersum totius orbis morem non sufficere cerneret, &c. Et l. 5. c. 23. Donec per plenarium Concilium quid esset rectius eluceret, non aliqua nouitate instituta, sed vetustate roborata. Vides quò pertinuerit quid perfecerit plenarium Concilium, seu Arelate, seu Nicææ collectum? non vt nouam hæreticorum faceret distributionem, sed vt vetustam consuetudinem à Stephano propugnatam accensa veritatis face illustratam confirmaret. Et l. 7. c. 20. Nam veritate postea liquidius reuelata cessit error veritati, cum illa saluberrima consuetudo etiam plenarij Concilij authoritate firmata est. Et l. de vnico baptismo con. Petil. c. 14. Ecce duo erant vno tempore, vt de alijs taceam, qui diuersa sentiebant: duo erant eminentissimarum Ecclesiarum, Romana scilicet & Carthagenensis Episcopi, Stephanus & Cyprianus, ambo in unitate Catholica constituti. Multi cum illo, quidam etiam cum isto sentiebant, &c. Quis porro Augustino exercitator in hac disceptatione? Quis altius ingressus in huius quæstionis, quæ adhuc cum Donatistis feruebat, indagationem? Cui exploratiora & Stephani & Cypriani verba atque sensa? Non illum præterierant illa Stephani verba, de quacumque heresi. Nec tamen ille errasse Stephanum inde elicuit, sed ex aduerso, Apostolicæ traditioni inexpugnabiliter adhæsisse. Canonis autem Arelatensis ac Concilij plenarij sensum, fructumque, non in emendanda, sed in confirmanda priore consuetudine, quis ipso dilucidius potuit peruiderere?

In hac enim parte vniuersam aliquando caligasse Ecclesiam, & mendacij retibus implicatam fuisse, cupidè quidem amplectuntur hæretici, quibus sponsa Christi prostibulum est. Apage autem vt assentiantur vnquam viri Catholici. Subscribant potius Augustino, vt cætera taceam, rei recentissimæ testi, quam nouellis hæreticis,

XXI. Quàm dictu nefas, totam aliquando errasse in hoc etiam negotio Ecclesiam.

post mille quadringentos pene annos noua subinde mendaciorum & calumniarum monstra parturientibus. Tam malè de Ecclesia Christi suspicari dedoceat illos Augustinus l. 2. contra Cresconium Grammat. c. 33. *Proinde quamuis huius rei certè de Scripturis canonicis non proferatur exemplum, earundem tamen Scripturarum etiam in hac re à nobis tenetur veritas, cum hoc facimus quod vniuersa placuit Ecclesie, quam ipsarum Scripturarum commendat authoritas. Vt quoniam sancta Scriptura fallere non potest, quisquis falli metuit huius obscuritate questionis, eandem Ecclesiam de illa consulat, quam sine ulla ambiguitate Scriptura sacra demonstrat.* Non fidei igitur tantum, sed & disciplinæ castigationis regula, sicubi sileat Scriptura, ipsa tamen est Ecclesia, de qua non silet Scriptura. Si vniuersa autem aliquando Ecclesia, etsi dissimili, in errore tamen iacuisset, ecquid illam consuli attineret? Si errasset extra Synodum vniuersa, quin errasset & in Synodo plenaria? Num tutior ab errore est, repræsentatio Ecclesiæ, quàm Ecclesia? Num collecta in vnum locum, quàm effusa in omnem? An vbi ipsa effunditur vbique terrarum, effunditur & euanescit Spiritus sanctus, pectoris hospes intimus? Cui Catholico hæc bilem non moueant?

XXII. Item ex
Vincentio Liri-
acensi.

Vincentius quoque Lirinensis omnem cauillandi facultatem refecat Common. 1. c. 9. *Quondam igitur venem. Agrippinus Carthaginensis Episcopus primus omnium mortalium, contra diuinum Canonem, contra vniuersalis Ecclesiæ regulam, contra sensum omnium confacerdotum, contra morem atque instituta maiorum rebaptizandum esse censebat. Quæ præsumptio tantum mali inuexit, ut non solum hæreticis omnibus formam sacrilegij, sed etiam quibusdam Catholicis occasionem praberet erroris. Cum ergo undique ad nouitatem rei cuncti reclamarent, atque omnes quaquauersum sacerdotes pro suo quisque studio reniterentur: tunc beata memoria Papa Stephanus Apostolica sedis Antistes, cum ceteris quidem collegis suis, sed tamen præ ceteris restitit; dignum, ut opinor, existimans, si reliquos omnes tantum fidei deuotione vinceret, quantum loci ar-*

thoritate superabat. Denique in Epistola qua tunc ad Africam missa est, his verbis sanxit, nihil novandum, nisi quod traditum est. Vbi perspicis quàm omnia ad Stephani defensionem sint instructa. Et hæc quidem scribebat Vincen-
tius post Arelatense, post Nicænum, post CPolitanum generale Concilium. Non his ergo Conciliis æquè repu-
diatam Stephani ac Cypriani sententiam suspicabatur.

His adde Facundum Hermianensem Episcopum l. 10. Cum Cyprianus non solum priuatim ut ei visum est, verum etiam congregato Concilio definierit, ut omnis hæreticus ab Ec-
clesia rediens baptizetur, & propter hoc culpatus à Stephano An-
tistite Romano restiterit, iniuriosè tractans eundem B. Stephe-
num, à quo fuerat iure culpatus, &c. Et l. con. Mocianum: Idcirco B. quoque Stephanus Prasul Apostolica sedis cum sanctum
Cyprianum atque alios Afros Episcopos de baptizandis omnibus
hæreticis decreuisse cognosceret, continuo ei denunciavit, quod si
qui hæc auderent, ab Ecclesia pellerentur. Et Stephani potius
quàm Cypriani sententiam tenet Ecclesia, non solum de non re-
baptizandis hæreticis, verum etiam de rebaptizantibus non fi-
rendis. Quid his apertius optari potest?

Hincmarus denique, ne longius progrediar, in opuscu-
lo 55. capp. c. 19. Et quia Concilium Nicænum Paulianistas
hæreticos ad Ecclesiam venientes baptizari præcepit, quidam e-
tiam alios hæreticos baptizandos, esse dixerunt, quod Apostolica
sedes & plenaria Concilia, sicut decreta Romanorum Pontificum,
& sanctus Augustinus verbis & sensibus copiosè ostendit, peni-
tus abdicarunt. Paulianistæ enim, ut suprà tradidit Inno-
centius, in nomine Trinitatis non tinguebant, tingue-
bant alij ferè hæretici, etsi iis nominibus non eam, quam
Ecclesia Catholica, fidem complecterentur. Vnde Augu-
stinus l. 3. de bapt. con. Donat. c. 15. Quamobrem si Euax-
gelicis verbis in nomine Patris, & Filij, & Spiritus sancti
Marcion baptismum consecrabat, integrum erat Sacramen-
tum, quamvis eius fides sub eisdem verbis aliud opinantis quàm
Catholica veritas docet, non esset integra, sed fabulosis falsita-
tibus inquinata. Nam sub eisdem verbis, id est, in nominibus

XXIII. Ex Hinc-
maro Rhemenfi,
& Augustino rur-
sus.

Patris, & Filij, & Spiritus sancti non solum Marcion, aut Valentinus, aut Arius, aut Eunomius, sed ipsi carnales paruuli Ecclesie, de quibus dicebat Apostolus, Non potui loqui vobis quasi spiritualibus, sed quasi carnalibus, si possent singuli diligenter interrogari, tot diuersitates opinionum fortassis, quot homines, numerarentur. Consule Epiphanium, & alios, qui de hæresibus scripsere, et si minutias ferè confectati sint omnes, euerfam tamen ab ullis formam baptismi vix reperiēs, nisi ab vno & altero. Vnde scitè Augustinus l. 6. de bapt. con. Donat. Caterum quis nesciat non esse baptismum Christi, si verba Evangelica quibus Symbolum constat, illic defuerint? Sed facilius inueniuntur hæretici, qui omnino non baptizent, quàm qui non illis verbis baptizent.

XXIV. Altera attingitur controuersia, an post decretum Stephani plenario adhuc esset opus Concilio, ut innuere videtur Augustinus.

Iam satis, ut opinor, superque diluxit, quantilla fides habenda sit Nouatoribus, quando in re tam aperta facere, & omnium Patrum conspiratissimæ sententiæ obluatari conati sunt. Ad alteram iam accingamur huius controuersie partem expediendam. Et ex suprapositis Augustini testimoniis illud quidem emicabat, excusatos illum vtrumque habuisse Stephani aduersarios, quod necdum res plenario Ecclesiæ Concilio diffinita atque elucidata fuisset. An ergo ante Concilij plenarij definitionem, nullius culpæ affines sunt, qui scdis Apostolicæ constituta despiciantur? An ea erat inter Cyprianum & Stephanum æqualitas, ut pari iure, in tantæ rei dissonantia suo vterque iudicio frueretur?

XXV. Contrà ex eodem Augustino, etiam ante Concilium & summa fuit Stephani potestas, & Cypriani error expiandus, non excusandus.

Nequaquam ita habere, vel Augustinus ipse fideiussor est. Nam l. 5. c. 23. contra Donat. de bapt. scribit *Cyprianus Stephanum, quem Romana Ecclesia Episcopum tunc fuisse didicimus, non solum sibi ad ista non consensisse, verum etiam contra scripsisse, atque præcepisse.* Sic ergo alibi supra dixit duos fuisse eminentissimarum Ecclesiarum Præsules diuersa sentientes, ut hic agnoscat alterum alteri præcepisse. Et l. 1. de bapt. con. Donat. c. 18. *In quâ Ecclesiâ, si aliud alij adhuc de ista quæstione saluâ pace sentirent, donec vniuersali Concilio vnum aliquid eliquatum sincerumque*

placuisse, humana infirmitatis errorem cooperiret charitas unitatis: sicut scriptum est, quia charitas operit multitudinem peccatorum. Quæ enim absente cetera inaniter habentur, eadem præsentem quædam venialiter non habentur. Peccasse Cyprianum non dissimulat: quem mox ait ad palmam martyrii peruenisse, ut si qua in eius lucidam mentem ex humanâ conditione nebula irrepserat, gloriosâ serenitate fulgentis sanguinis fugaretur. Et mox addit, quod de baptismo aliter senserat quàm se res habebat, id charitatis ubertate pensatum, & passionis falce purgatum esse. Et l. 5. c. 25. Iam illa, quæ in Stephanum irritatus effudit Cyprianus, retractare nolo, quia & non opus est. Ea præterire melius est, quæ periculum perniciosæ dissensionis habuerunt. Stephanus autem & abstinendos putauerat, qui de suscipiendis hæreticis priscam consuetudinem conuellere conarentur. Iste autem quæstior & istius difficultate permotus, & sanctæ charitatis visceribus largissimè præditus, in unitate cum eis manendum, qui diuersa sentirent. Ita quamuis commotius, sed tamen fraternè indignetur: vicit tamen pax Christi in cordibus eorum, ut in tali disceptatione nullum inter eos malum schismatis oriretur. Vides ut Cypriani efferuescentiam perstringat, Stephano eadem placuisse astruat, quæ vniuersali post Ecclesiæ, ut ne baptisma hæreticorum iteraretur, & iterantes abstinerentur: denique dispensationi, quæ errori suo blandiebatur Cyprianus, ad auerendum schisma acquieuisse tandem Stephanum. Et si enim nullo decreto, ipsâ tamen patientiâ suâ, quæ intentum fulmen inhibuit, consensit Stephanus in hanc œconomiam. Itaque Stephano in illam œconomiam consentiente, eius auctoritatem iam non spernebant, qui Concilium plenarium opperiebantur.

Quid quod sexcenties idem Cyprianum Petro comparat, Episcopum Apostolo, errantem erranti, martyrem martyri? Cum tamen Petrus Paulo corripienti acquieuerit, eius erroris sectatores ab Ecclesiâ præcisi sunt. Ita & Cypriani martyris imitatores ab unitate se abruperunt. Lib. 7. c. 1. Hæretici nati sunt ex errore, in quem Petrus deuians a

XXVI. Ex eodem, Cyprianus Petro comparatur erranti, sed corripienti tolerantem audienti.

Paulo renocatus est, in hoc usque persistunt. Sicut ergo illi, Petro in primatu Apostolorum martyrij gloriâ coronato, in sua peruersitate præcisi ab Ecclesia remanserunt; sic isti Cypriano per abundantiam charitatis in sortem sanctorum passionis claritate suscepto, seipsos exules unitatis agnoscunt. Ita Cyprianus Stephano, ut Petrus Paulo saltem obtemperaret. Id ergo præterea sanguine eluit. Et l. 3. c. 8. Monet nos non fuisse impossibile, ut de baptismo Cyprianus aliquid aliter saperet, quam veritas postulabat, quæ ab Ecclesia & ante illum & post illum retenta est, sicut potuit aliquid etiam, Petrus aliter sapere, quod veritas non habebat, quam Paulo Apostolo doctore didicimus.

XXVII. Quam non possit excusari Cyprianus ex eodem, traditioni Apostolicæ & Ecclesiæ vniuersali immoriger.

Quam non posset etiam Augustinus Cyprianum absolvere, apertum est præterea ex l. 2. con. Donat. de bapt. c. 7. vbi ait, etsi res nondum diligentius pertractata fuisset, saluberrimam tamen consuetudinem tenebas Ecclesia, &c. quam consuetudinem credo ex Apostolicâ traditione venientem, sicut multa non inveniuntur in literis eorum, neque in Conciliis posteriorum, & tamen quia per vniuersam custodiuntur Ecclesiam, nonnisi ab ipsis tradita & commendata creduntur. Hanc ergo saluberrimam consuetudinem per Agrippinum prædecessorem suum dicit sanctus Cyprianus quasi cæpisse corrigi. Sed sicut diligentius inquisita veritas docuit, verius creditur per Agrippinum corrumpi cæpisse, non corrigi. Idem alibi pluries inculcat, eam non iterandi baptismi consuetudinem ab vniuersali Ecclesiâ hætenus obseruatam fuisse. Culpa liberari ergo non poterat Cyprianus, qui consuetudinem vniuersalis Ecclesiæ, & traditionem ab Apostolis usque ipsis deriuatam contemnebat, posthabebatque nuperæ per Agrippinum inuictæ corruptelæ. Minus admodum est mirum, si Apostolicæ sedis statuta minoris faceret, qui Apostolicas traditiones & vniuersalis Ecclesiæ leges flocci faciebat. Ab hoc Cypriani contemptu, quem martyrio expiauit, nihil aduersus vel primæ sedis, vel Ecclesiæ vniuersalis, vel Apostolicæ traditionum authoritatem rite excipi potest.

Ita

Ita Hieronymus Dial. adu. Lucifer. frustra à Cypria-
no impetitam vtramque copulat authoritatem & sedis
Apostolicæ & vniuersalis Ecclesiæ. *Legat B. Cypriani Epi-
stolas, in quibus Stephanum Romana urbis Episcopum, & in-
ueterata consuetudinis lacerat errorem.* Ita & Vincentius Li-
rinensis loco suprâ laudato: Cypriano Stephanus Apostolica
sedis Antistes, cum cæteris quidem collegiis suis, sed tamen præ
cæteris restitit: dignum, ut opinor, existimans, si reliquos om-
nes tantum fidei deuotione vinceret, quantum loci dignitate su-
perabat. Æquum erat vtrique morem ut ei gereret Cy-
prianus, qui cæteros collegas & fidei deuotione, & loci
dignitate superabat. Quid mirum autem si ei non cessit, qui
Agrippino potius se addixit, primo omnium mortalium con-
tra diuinum canonem, contra vniuersalis Ecclesiæ regulam, con-
tra sensum omnium consacerdotum, contra morem atque institu-
ta maiorum, rebaptizandum esse censenti? Ita & Facundus su-
prâ aiebat iure culpatum à Stephano Cyprianum, & Ste-
phani sententiæ, non tum quidem Cyprianum, sed Ec-
clesiam, & tum & postea accessisse.

XXVIII. Eadem
ex Hieronymo
confirmantur,
Vincentio Lir. &
Facundo Her.

Et rursus Augustinus octoginta Episcopos cum Cy-
prianus, quinquaginta cum Firmiliano consensisse non
nescius, nihilo tamen secius orbem Christianum vni-
uersum à Stephani partibus stetisse fidenter affirmat. Ut
hinc rursus pateat, tam non posse aduersus Stephani,
quàm nec aduersus Ecclesiæ vniuersalis authoritatem vel
decreta quidquam hinc obiectari. Sed & Stephani & Ec-
clesiæ potestas quidem inuicta, sed permodesta, & mul-
tis œconomix & veniæ blandimentis temperata intelli-
gatur. Lib. 3. con. Cresconium c. 3. *Proinde si omnino iam
credendum sit quinquaginta Episcopis Orientalium id esse visum,
quod septuaginta Afris, vel aliquanto etiam pluribus, contra
tot millia Episcoporum, quibus hic error in toto orbe displicuit:
cur non potius etiam ipsos paucos Orientales suum iudicium cor-
rexisse dicamus? Et l. 2. c. 9. de bapt. con. Donat. Non-
dum factum erat vniuersale Concilium, quia consuetudinis robo-
re tenebatur orbis terrarum. Vide & l. 4. c. 6. ut suprâ retu-*

XXIX. Rursus
ex Augustino.

limus. Eusebius quoque suprâ relatus l. 7. c. 2. & 3. antiquam consuetudinem, cui Stephanus tuendæ incumbebat, in omni Ecclesiâ inualuisse insinuat ab initio. Ut necesse sit Firmilianum partium suarum studio raptum extra veri semitam fuisse, cùm de copiâ suorum affectatorum licentiùs gloriatur.

XXX. Non ultra minas sævit Stephanus, & tandem dispensationi acquieuit, neque ita decreti sui executionem suspendit ipsemet.

Quòd autem Stephanus ultra minas & terrorem non eruperit, cohibitoque mucrone sacro, indulgentiæ tacitus saltem acquieuerit, ut ne eâ de causâ unitas Ecclesiæ scinderetur, multis assequimur coniecturis. Eusebius nouum & insolens Cypriani decretum & Synodi Carthaginiensis, *gravissimè tulisse* ait Stephanum, nec ultra indignationem æstuasse, aut tentasse quid narrat. Hieronymus suprâ laudatus, aiebat Cyprianum Concilij sui decretum ad Stephanum misisse, sed *conatum eius frustra fuisse*: denique illos ipsos Episcopos ad vetustiore consuetudinem sese recollegisse. Vincentius Lirinensis feruorem Stephani magnificentissimis verbis prosecutus est, de anathemate prorsus silet. Augustinus l. 5. c. 23. *Cyprianus ad Pompeium scribens, indicat Stephanum non solum sibi ad ista non consensisse, verum etiam contra scripsisse atque præcepisse*. Hucusque sævitum est. Et l. de unico bapt. con. Petil. c. 14. *Cùm Stephanus non solum non rebaptizaret hæreticos, verum etiam facientes, vel ut fieret, decernentes, excommunicandos esse censeret, sicut aliorum Episcoporum & ipsius Cypriani literæ ostendunt, tamen cum eo Cyprianus in unitatis pace permansit*. Excommunicandos censebat, non excommunicabat: minitabatur Stephanus, non iaculabatur. Ideo & Cyprianus permansit in pace unitatis, etiam cum Stephano, unde ibidem mox: *Ecce duo erant uno tempore, ut de aliis taceam, qui diuersa sentiebant. Duo erant eminentissimarum Ecclesiarum, Romana scilicet & Carthaginiensis Episcopi, Stephanus & Cyprianus ambo in unitate Catholica constituti. Multi cum illo, quidam cum isto etiam sentiebant, utrique cum eis in unitate consistentes*. Nihil his apertius fieri potest. Atque adeò mitiganda sunt nonnihil Firmiliani ad Cyprianum verba,

aduersus Stephanum stridentia in hunc modum: *Pacem cum singulis vario discordia genere rumpentem, modò cum Orientalibus, quod nec vos latere confidimus; modò vobiscum, qui in meridie estis: à quibus legatos Episcopos patienter satis & leniter suscepit, ut eos nec ad sermonem saltem colloquij communis admitteret; adhuc insuper præciperet fraternitati uniuersæ, ne quis eos in domum suam reciperet: ut venientibus non solum pax & communio, sed tectum & hospitium negaretur.* Rhetoricabatur Firmilianus, & causæ suæ æstu effusiùs incandescebat. Ut asperius primò acceperit legatos Cypriani Stephanus, quo ad officium illum reuocaret, nihil moror: at pacem ab eo non esse ruptam, id superiora argumenta peruincunt. Et ipse denique Cyprianus in epist. ad Pompeium, qua asperiores ad se Stephani literas asperrimè exagitat, fratrem tamen ipsum appellat, ruptæ communionis nusquam meminit. Et ad cumulum Augustinus l. 5. con. Donat. c. 25. *Stephanus abstinendos putauerat, qui de suscipiendis hæreticis priscam consuetudinem conuellere conarentur. Cyprianus in unitate cum eis manendum, qui diuersa sentirent. Ita quanuis commotius, sed tamen fraternè indignetur, vicit tamen pax Christi in cordibus eorum, ut in tali disceptatione nullum inter eos malum schismatis oriretur. Vt cumque igitur conuenerit Stephanus, qui diuersa sentirent, ab unitate non præcidi: & vniuersale Concilium expectari.*

Quocirca ut eius authoritati à multis resisteretur, charitas eius in causa fuit, quæ ad veniam tandem ipsum & œconomiam inclinauit. Alioqui quantalibet potestate & scientiæ vbertate afflueret Cyprianus, inflecti tamen ipsum debuisse *grauiori authoritate* author est ipse Augustinus l. 2. de bapt. con. Donat. c. 3. *Certè nobis obicere soletis Cypriani literas, Cypriani sententiam, Cypriani Concilium, &c. Quis nesciat sanctam Scripturam canonicam omnibus posterioribus Episcoporum literis ita præponi, ut de illâ omnino dubitari & disceptari non possit, utrum verum, vel verum rectum sit, quidquid in eâ scriptum esse constiterit. Episcoporum*

XXXI. Grauiori authoritati cedere debuisse Cyprianum ex Augustino.

autem literas, quæ post confirmatum Canonem vel scriptæ sunt, vel scribuntur: & per sermonem fortè sapientiore cuiuslibet in eâ re peritioris, & per aliorum Episcoporum grauiorem auctoritatem, doctioremque prudentiam, & per Concilia licere reprehendi, si quid in eis fortè à veritate deuiatum est. Quorumlibet, ut vides, Episcoporum, atque adeò Cypriani literæ, reprehendi poterant, non sapientiore tantum cuiuslibet priuati sermone, non Concilij tantum congregatione, sed aliorum etiam Episcoporum, atque adeò præ cæteris Romani Præfulis grauiore auctoritate doctioreque prudentia. Hæc enim tria perspicuè discriminat Augustinus.

XXXII. Et Cyprianus & alij eius consentanei forsitan resipuerunt.

Quid si & ipse Cyprianus ante obitum resipuit? Nolim equidem vel illius, vel Firmiliani sanctitatis famam ab hoc religare ambiguo. Sed & rem dubiam nolim indubiè explodi. Sobrie & sapienter suo more Augustinus l. 2. de bapt. con. Don. *Si Petrum laudas & prædicat Cyprianus, ab uno posteriore collegâ patienter concorditerque correctum; quanto citius ipse cum Concilio provincie sue, vniuersæ orbis auctoritate, veritate patefactâ, cessisset? Quia profectò & uni verum dicenti, & demonstranti posset facillimè consentire tam sancta anima, tam pacata. Et fortasse factum est, sed nescimus. Neque enim omnia, quæ in illo tempore inter Episcopos gesta sunt, memoriæ literisque mandari potuerunt: aut omnia quæ mandata sunt, nouimus.* Vides ut has coniecturas nec leuiter astruat, nec fidenter aspernetur sanctus Pater. Et epist. 48. *Cyprianus aut non sensit omnino, quod eum sensisse recitatus, aut hoc postea correxit in regula veritatis, aut hunc quasi nauum cooperuit ubere charitatis.*

Dionysium Alexandrinum docet Hieronymus lib. de Script. Eccl. in Cypriani & Africana Synodi dogma consensisse; Et tamen ut eius Epistolas ad Romanos Pontifices ex Eusebio datas sileam: Basilii in epist. ad Amph. semel iterumque conqueritur de Dionysio, quòd Peperzenorum baptismum approbaret. Hinc coniectura est, ad Romanorum sententiam tandem accessisse. Hieronymus autem adu. Lucif. *illi ipsi Episcopi qui rebaptizandos here-*

*ticos cum Cypriano statuerant, ad antiquam consuetudinem re-
noluit, nouum emisere decretum, &c. Augustinus l. 3. contra
Crescon. c. 2. innuit, Orientales suum iudicium correxisse.
Incaſſum ergo Baronio indignantur, eiufmodi quid o-
minanti de Firmiliano. Si tamen fides eius rei adhuc nu-
tat, nec plus æquo indulgendum est ſuſpicionibus animi
noſtri, conſultius erit Auguſtinum ruruſum audire, l. de
vnico bapt. con. Petil. c. 13. Nec nos qui baptiſmi verita-
tem etiam in hæreticorum iniquitate agnoſcimus potiùs, quàm
negamus, ideo meliores Cypriano ſumus, ſicut nec Petro, quia
gentes iudaizare non cogimus. Hoc de Agrippino aliſque Epi-
ſcopis qui illa Concilia feciſſe perhibentur, reſponderim, qui ſic
diuerſa ſenſerunt, ut cum eis contra quos de hac quæſtione ſen-
tiebant, in vnitatem perſiſterent, ubi charitas cooperit multitu-
dinem peccatorum. Et Bedam ruruſum audire ſuperiùs rela-
tum: qui Aidani vitam Euangelicæ amuſſi coaptatam
laudabat, non laudabat autem quod canonicum Paſchæ
tempus, vel ignorans, vel ſuæ gentis authoritate, ne agnitum
ſequeretur, deuictus, non obſervaret.*

Et hinc ruruſus alia ſe pandit ratio ſedandæ inter varia
Auguſtinianæ doctrinæ capita conflictationis: cum idem
ipſe & Concilij plenarij ſpem amputarit Pelagianis, in-
exorabilem indicens neceſſitatem Africanis Conciliis &
Apoſtolicæ maximè ſedis definitionibus ſubſcribendi: &
Cypriano eiufque collegis copiam fecerit, aut patroci-
nium adornauerit, ut ante Concilium plenarium non ac-
quieſcerent. Ingenti enim proruſus hæ quæſtiones diſtant
intervallo. Illa ad fidem, hæc ad conſuetudines magis
Eccleſiæ pertinet. In vnitatem fidei concinere neceſſum
eſt fideles omnes, in vnitatem conſuetudinum non eſt
ſemper neceſſe: A fide deuiantibus nil veniæ ſuper eſt,
niſi rectæ orbitæ ſe reddant: à conſuetudinum recto tra-
mite declinantes ex veniâ perſæpe tolerantur. Hic ha-
bet, illic non habet locum diſpenſatio. Definix ſemel
fidei derogari deinceps nunquam & nuſquam poteſt:
conſtitutæ quomodolibet conſuetudinum diſciplinæ non.

XXXIII. Altera
aperitur via ſol-
vendæ huius con-
trouerſiæ, ex diſ-
crimine quæ-
ſtionum de fide
& de conſuetudi-
nibus.

rard posterior ætas derogat, ipsa saltem defuetudine. Conciliis etiam œcumenicis consuetudines aliquas sancientibus, aut non statim obtemperatur, aut obtemperari definitur postea, ut non citra culpam, ac citra vnitatis Ecclesiasticæ labem: ac fidei semel constitutæ irreuocabiliter obaudiendum est. Tertullianus l. de Virgin. veland. *Regula*, inquit, *fidei omnino vna est, sola immobilis, & irreformabilis.*

XXXIV. Varia
huius discriminis
documenta.

Ideo forsitan in vnitatis & pacis gremio retenti sunt ad Concilium vsque Nicænum, qui de Paschæ die à Catholicâ Ecclesiâ dissonabant: cum ceteræ hæreses etiam ante Nicænam Synodum à corpore Ecclesiæ detruncatæ fuerint. Ideo de quæstione Paschatis dirimendâ laborarunt vehementer Nicæni Patres; de priscis hæresibus innumeris per prouincialia tantum Concilia antehac proscriptis, rursus proscribendis, & ex œcumenicæ auctoritate Synodi fulminandis nihil fuere solliciti. Ideo & concertationem de baptismo iidem sopire studuerunt, vnos rebaptizari iubendo Paulianistas. Quia ut liberior & versatilior sua sponte est disciplina; ita vniuersali magis consensu opus est, sicubi restringatur. Ideo & Cyprianus vehementer contendebat, & Stephanus tandem condonauit, ut diuersa quamlibet sentientes, ab vnitatis tamen indiuiduo nexu ne discederent: sicut & in negotio Paschatis Irenæus aliique sentiebant, sequioris obseruantix tenaciores quosque à compage Ecclesiæ non scindendos. Denique disciplinæ varietatem alicubi etiam ornamento esse & Augustinus & Gregorius infrâ suo loco nos docebunt. Gregorius autem non assensus modò, sed hortatus etiam est, diuersos ab Ecclesiâ Romanâ ritus, sicubi tempestiuiores occurrerent, in Ecclesiam Anglicanam transplantari. In fide autem nemo hanc licentiam concesserit.

XXXV. Quæ-
stionem hanc ci-
uilitate tractatam
esse, ut ad con-

Nec me fallit quodam posse modo ad fidei negotium reuocari istas de baptismo hæreticorum quæstiones; multò etiam magis, quàm de Paschatis die, in quo aberran-

res Ecclesias, Victor heterodoxas appellabat. Sed vnum id existimo ex priscorum Patrum scriptis scintillare, hanc rem illos non aliter, quàm vt consuetudinis Ecclesiasticæ & disciplinæ partem spectasse, nec ad fidei substantiam & necessitatem reuocasse. Ita sentiebat Firmilianus in epist. ad Cypr. saluo vnitatis vinculo in his dissentiri posse: *Circa celebrandos dies Pascha, & circa multa alia diuina rei Sacramenta, videat quis esse apud Romanos aliquas diuersitates, nec observari illic omnia equaliter, quæ Hierosolymis observantur. Secundùm quod in cæteris quoque plurimis prouinciis multa pro locorum & nominum diuersitate variantur, nec tamen propter hoc ab Ecclesia Catholica pace atque unitate aliquando discessum est. Quod nunc facere Stephanus ausus est, rumpens aduersum vos pacem, quam semper antecessores eius vobiscum amore & honore mutuo custodierunt. Et toto passim epistolæ contextu bacchatur eo ferè nomine in Stephanum, quòd non potius suis quemque moribus frui sinceret, quàm fœdus pacis dissolueret.*

consuetudines spectantem, non ad fidem, probatur primum ex Firmiliano.

Ita sentiebat & Cyprianus epist. ad Iubaianum. Cùm enim sententiam suam multis sepsisset argumentis, ait tandem: *Hac tibi breuiter pro nostrâ mediocritate rescripsimus, nemini prescribentes aut praiudicantes, quominus unusquisque Episcoporum, quod putauerit, faciat, habens arbitrij sui liberam facultatem. Nos quantum in nobis est, propter hæreticos cum collegis & Coepiscopis nostris non contendimus, cum quibus diuinam & dominicam pacem tenemus. Seruatur à nobis patienter & firmiter charitas animi, collegij honor, dilectionis vinculum, concordia Sacerdotij. Et in exordio Conc. Carthag. Superest vt de hac ipsâ re singuli quid sentiamus, proferamus, neminem iudicantes, aut à iure communionis aliquem, si diuersum senserit, amouentes. Neque enim quisquam nostrum Episcopum se Episcoporum constituit, aut tyrannico terrore ad obsequendi necessitatem collegas suos adigit. Quando habeat omnis Episcopus pro licentiâ libertatis & potestatis suæ arbitrium proprium, &c. In disciplinæ negotio cum aliquo colore hæc disseruntur, in capite fidei Catholicæ alienissima essent omnia.*

XXXVI. Item ex Cypriano.

Verba autem illa, *Quod putaverit, faciat, habens arbitrij facultatem liberam, &c. obsequendi necessitas, &c. de actu nostro indicandi Christus unus habet potestatem*: perspicuè ad disciplinam, non ad fidem referuntur. De fide enim à collegis dissentire, nulli fas est: si quis dissenserit contumax, à pace eiiciendus est & communione. At antiquas Ecclesiæ suæ consuetudines à quolibet Episcopo retentari, etsi ab aliis dissonas, utcumque usque ad Concilium plenarium aliquando & ultra toleratur.

XXXVII. Item
ex Stephano, ex
Arelat. & Nicæ-
na Synodo. Ex
Optato.

Ita sentiebat & Stephanus, cum quid fieri, non quid credi deberet, præciperet: traditionem antiquæ consuetudinis ostentaret. Ita & Eusebius supra descriptus, meræ consuetudinis memor. Ita & Hieronymus, cuius prolixa disputatio, non aliud quam antiquam & inueteratam consuetudinem venditat. Ita sensit & Arelatensis Synodus canone 8. ubi habet: *De Afris, qui propriâ suâ lege utuntur ut rebaptizent*, nec contumeliosius quidquam in eos iactatur, vel in eorum errorem. Si enim aduersum fidei id visum esset, ut quid vocaretur ista non insania, non hæresis, sed propria lex rebaptizandi? Denique canones hîc non complectuntur nisi regulam disciplinæ, fidei autem definitio ferè in antiquis Conciliis seorsim digerebatur. Ita sensit & Nicæna Synodus, totam illam de baptismo controuersiam dirimere molita, non Symbolo aut confessione fidei, sed canone vnico, & hoc vno decreto, vnos deinceps Paulianistas iterum tingendos. De Apostolicis canonibus ad hoc idem attinentibus suo loco differemus. Vnum insuper addo Optatum l. i. *Apud quos non sunt Sacramenta*. In quæ verba Albaspinæus hæc adnotat: *Ergo ex hoc & ex multis aliis locis quantum conicio, Optatus non existimabat hæreticos posse baptizare.*

XXXVIII. Item
ex Basilio.

Ita dubio procul sentiebat & Basilius, qui epist. ad Amphil. cum hæreticos, qui ipsam fidei summam labefactare moluntur, discreuisset à schismaticis, qui ob sanabiles quæstiones se absciderunt, ait: *Visum est ergo ab initio hæreticos quidem omnino reicere; eos autem qui se absciderunt,*

derunt, seu schismaticorum baptismum admittere, ut qui adhuc sint Ecclesie. Firmiliano tamen & Cypriano mox ait visum esse, schismaticorum quoque baptismum iterare: Sed quoniam nonnullis Asiaticis omnino visum est propter multorum œconomiam & dispensationem, eorum baptismum suscipi, suscipiatur. Hæc ille de Catharis, mox verò de Encratitis, Quoniam nihil est de his aperte dictum, oportet nos eorum baptismum abrogare. Quod si hoc vniuersali œconomia sit impedimento futurum, rursus consuetudine utendum est, & sequi oportet Patres, qui quæ ad nos pertinent, prouiderunt. Et infra can. 47. omnes illos schismaticos à se rebaptizari ait, idemque suadet Amphilochio: quanquam expeditius dicat Episcopali Synodo has omnes controuersias dirimi. Multa hinc ebulliunt argumenta ad nostrum institutum. Primum antiquiorem traditionem commemorat, partitione utentem, tum se ab eâ dissentire confitetur. In fidei negotio non id sibi sumeret Basilius. Catharos & Encratitas in eadem schismaticorum nauis collocat, tum illorum recipi permittit baptismum, horum vetat. Non ita in fidei questione alternaret. Catharorum baptismum suscipi ex dispensatione censet. At in negotio fidei non ita dispensationi locus datur. Encratitas rebaptizari suadet, si tamen vniuersali Ecclesie paci & dispensationi id obstitet, admitrendum censet eorum baptismum: nonne hæc ipsa est disciplinæ versatilitas? Ad nouam Synodum suspirat, quæ dubia illa omnia enubilet: vix ergo decantato illo apud Augustinum plenario Concilio sopita erat omnis controuersia. Ita de baptismo disceptatio, post Arelatensem, post Nicænam Synodum vix satis elucidata videbatur Basilio, noua illi in votis erat Synodus, rursus eâ de re secundum œcumenicum Concilium sanxit, quid sequendum esset. Frustra sunt ergo, cum hinc prouocationes sibi fingunt à rescriptis sedis Apostolicæ ad œcumenicas Synodos: cum peræquè ergo liceret ab œcumenicis Synodis ad alias prouocare, & ad alias etiam non œcumenicas. Et si enim œcumenica fuerit Synodus Constanti-

XXXIX. Ex
Amphilochio.

nopolitana, Synodum tamen duntaxat expetierat Basilius.

Ita sentiebat & Amphilochius, qui in Nouatianorum baptismo iterando vel non iterando, suæ cuique moribus Ecclesiæ seruiendum esse censebat; ut testatur Basilius c. 1. epist. ad eundem scriptæ: *Quæ itaque ad Catharos pertinent, rectè admonuisti, quod oportet uniuscuiusque regionis morem sequi. Quæ ita interpretatur Balsamon: An oporteat baptizari Nouatianos, diuersa sententia processerunt quemadmodum tu admonuisti, & placuit sequi morem uniuscuiusque regionis.*

XL. Ex Athana-
no.

Ita sentiebat & Athanasius, cuius orat. 3. adu. Arianos hæc sunt verba: *Si in nomine Patris & Filij datur perfectitudo baptismi, plenaque initiatio: Patrem autem verum Ariani non pronunciant, eò quod negent aliquid ex ipso existere & simile esse illius substantia: negant quoque verum Filium, aliumque ex non entibus conditum sibi comminiscentes in baptismo preferunt; quæ, quæso, igitur non planè vanum ac inutile fuerit baptismus quod ab illis datur, cum id nonnisi species sit & inano simulacrum? Non enim in Patre & Filio tribuunt baptismum Ariani, sed in creatore & creatura, in factore & facturâ. Sicut igitur creatura diuersum quid est à Filio, ita diuersum quid à vero baptismo est, quod ab illis existimatur dari; tamen si nomen Patris & Filij, quoniam illa in Scripturis vident, simulant se nominare. Et infra: Certè alia etiam hæreses, eaque numero non pauca, nomine tenus ritum istum pronunciant, sed non rectè sentientes, neque sanam fidem retinentes, inutilem possident aquam, nimirum lumine & religione destitutam. Adeò ut, qui ab illis asperguntur, sordescant potius prauâ religione, quam redimantur. Hæc vir intaminatissimæ fidei de baptismo hæreticorum & cæterarum hæresum, tamen si inuocatione Trinitatis conferretur: Audi & quid mox subiiciat: *Itidem quoque & Manichæi, ac Phryges, ac discipuli Samosatensis, nomina ipsa pronunciantes, nihil ob id sunt minùs hæretici. Itaque quoque deinceps & reliqui, & qui cum Ariis sentiunt, etiam si recitent scripta, proloquanturque ipsa nomina, frustrantur, illuduntque eis qui ab ipsis baptismum accipiunt. Hic obiter ad-**

uerte nomina ipsa personarum diuinatum, quia sacris in paginis consignata verbis conceptis sunt, inter tingendum ab omnibus pene hæreticis pronunciata fuisse, ideoque nullius culpæ fuisse affinem vel Stephanum vel Ecclesiam Romanam, eorum baptisma iterari vetantem. Porro Athanasius Basilio apertè suffragatur, cassum ratus baptisma, quod tametsi verbis Euangelicis conferatur, eorum tamen qui conferunt, alienus sensus ab Euangelio, aliena fides est.

Ita sentiebat & Epiphanius, cuius adscribendus hic XLI. Ex Epiphanio. est locus illustris in exposit. fid. Cath. n. 13. *Alij qui audaciores videntur ex Catholicorum partibus, priuatâ sibi factione conflata præter Ecclesie consuetudinem, ac citra Concilij generalis decretum, eos qui ab Arianis ad suas partes transcunt, iterum baptizare nihil verentur: cum nondum ea res, ut dixi, vniuersalis Synodi iudicio decisa sit: quod adhuc populi promiscuè ad hodiernum usque diem habeantur. Inter quos multi quidem sunt Catholici, sed fictè ac per simulationem, sacerdotum auctoritatem sequuntur, donec execranda illa secta ab Ecclesie communione segregetur, ut tunc aliquid de illa statuatur. Ex iis qui suapte auctoritate iterum hoc modo baptizant, audio quendam in Lycia presbyterum esse. Nemini posthac, ut arbitror, mirum accidet, si fluctuauerit Athanasius, si Basilius, si Amphilocheus, & hæreticorum baptisma in nomine, sed non in fide Trinitatis collatum iterari optauerit; cum Epiphanius Romanæ Ecclesie & Occidentalis morum scientissimus, æquè alternauerit, & eos qui ab Arianis ablutos iteratò abluebant, non hæreseos sed audaciæ insimularit, vnumque illud iterum atque iterum deprecatus sit, ne ante Concilij vniuersalis definitionem rebaptizare eos perseverarent, maximè cum illi necdum aut secessissent, aut execti essent ab Ecclesie Catholicæ communione.*

Ita sentiebat & Cyrillus Hierosolymitanus, qui præfat. in Catech. de omnibus hæreticis promiscuè hæc habet. *Soli hæretici rebaptizantur. Siquidem prius illud non erat* XLII. Ex Cyrillo Hierosol.

baptisma. Quæ autem vel leuissima illius ab Augustino decantatissimi plenarij ex toto Christiano orbe Concilij fama euaserat ad Basilium, ad Amphilochoium, ad Cyrillum Hierosol. ad Epiphanium denique? vbi illa orbis consensio post plenarium Concilium ad non iterandum hæreticorum baptisma? Cùm Arelatensis vtique illa sit Synodus ab Augustino indigitata, paulò ante eius natalis celebrata, vt alibi ostendemus: ecqua huius apud Græcos vsquam vestigia vel ab emundissimæ naris hominibus olferri possunt? Non Zonaras, non Balsamon, non alij eius meminere Græci. Sed & in Arelatensi Synodo, vbi illa tam copiosa elucidatio veritatis, qua Cypriani doctrina refelleretur, traditionis Catholicæ & vetustissimæ ratio & sapientia splendidissimè elucesceret? An temporum iniquitas interceptit tam egregia doctrinæ Catholicæ monumenta? An diu ante Synodum inter orthodoxos Episcopos res agitata & eliquata fuerat, & ita ad Synodum ventum est? Id forsan innuit Augustinus l. 2. de bapt. con. Donat. c. 4. *Quomodo potuit ista res tantis altercationum nebulis inuoluta, ad plenarij Concilij luculentam illustrationem confirmationemque perducì, nisi primò diutius per orbis terrarum regiones, multis hinc atque hinc disputationibus & collationibus Episcoporum pertractata constaret?* Illud certè ex antedictis constat, Arelatensis Synodi vix rumore aliquo aspersos esse Græcos, ideoque plenariam illam fortè ab Augustino dici, non quasi œcumenicam, sed vt ipsi moris est, quasi vniuersalem, hoc est, pluribus ex prouinciis congregatam, velut Regionalem, aut Nationalem. Vnde idem paulò infrà enodandis aliis quibusdam de baptismo dubitationibus, optabit *authoritatem Concilij tanti, quantum tanta rei sufficiat*: Optabit item *regionali cæpta Concilio, plenario Concilio terminari.* Idem alibi transmarina Concilia magni facere visus est. Vnde autem Augustino de œcumenicis Conciliis hæc sententia obrepisset, qui solum pene Nicænum audiuit, CPolitænum vix sciuit, Ephesinum morte anteuertit? Et ille ta-

men frequens plenaria Concilia crepat, aliaque aliis commendari autumat. Nec Basilius suprà de œcumenico Concilio satagebat, sed de Concilio tantum, ut lis ista dirimeretur. Epiphanius œcumenicæ Synodi operam desiderat, peritior fortasse dissidij, quo Orientales nonnulli ab Occidentalibus adhuc dissidebant.

Ita sentiebant Patres centum quinquaginta in Synodo XLIII. Ex secunda Synodo œcumenica. secunda œcumenica. Nam can. 7. ita edicunt: *Eos qui recte fidei adiciuntur, & parti eorum qui ex hæreticis servantur, recipimus secundum subiectam hîc consequentiam & consuetudinem, Arianos quidem, &c. Eunomianos verò, &c.* Illos nempe vñctione chrismatis, hos baptismo. Suum simplicissimè morem enarrant, consuetudinem hanc esse perhibent, nihil amarulentius in secus vel sentientes, vel facientes stomachantur. Cæterum Montanistas, seu Cataphrygas, Eunomianos, aliosque nonnullos baptizari iterum iubent, quos Romana in Ecclesia rebaptizatos non fuisse elicitur ex suprà positis Hieronymi aliorumque testimoniis. Solos Paulianistas Nicæna Synodus iusserat iterum tingi, non Montanistas. In Ecclesiæ Romanæ Codice canonum deest canon iste.

Ita sentiebant & Trullani Patres, qui can. 2. recipiunt XLIV. Ex Synodo Trullana. cum aliis receptissimis Synodis, etiam à Cypriano, qui Afrorum regionis fuit Archiepiscopus & Martyr, & Synodo quæ sub eo fuit, emissum canonem; qui in prædictorum præsulum locis, & solum secundum traditam eis consuetudinem servatus est. Etsi à Cypriano dissentirent tunc Græci, hanc tamen eius consuetudinem suo loco & tempore viguisse censent.

Ita sentiebant Græci olim omnes, quibus summo semper in honore fuit illa Basilij Epistola canonica ad Amphilo- XLV. Ex consensu Græcorum, maxime Theodori Studitæ. chium, in codice Canonum Græco præ cæteris radiant. Specialiter autem Timotheus Presbyter, cuius fragmentum refertur à Balsamone, ubi tres ordines recenset Pag. 1098. accedentium ad Ecclesiam, qui baptismo, qui chrismate, qui sola erroris eiuratione recipiuntur. *Et qui baptizantur quidem, sunt hi, Tascodrogi, Marcionista, Ariotyrite,*

Saccophori, Apotaſtita, Valentini, qui etiam Baſilidij & Hermai appellantur, Nicolaïta, Montaniſta, Pepuzeni, Manichæi, Eunomiæni, Raulianïſta, Photinianïſta, Sabelliani, Cerinthiani, Menandriani, Ebionæi, Simoniani, Carpocratiani, Saturniani, & qui ab impio Marco, qui ab Apelle, qui à Theodoro Coriario, Helceſaita, qui à Nepote, qui à Pelagio & Caleſtio, & Melchiſedecita. Qui autem ſancto chriſmate unguntur, ſunt hi, Tetradiſta ſeu Teſſareſdecatita, Novatiani ſeu Sabbadiani, Ariani, Macedoniani, Apollinarïſta. Et paulò poſt ibidem ſubiicitur & iſtud ex epistolâ 4. Theodori Studitæ ad Naucratiũ excerptum, Quæ à me petiſti, ut ſigillatim reſponderem de ſectis, & baptiſmũ, &c. Accede ad ſacrum librum Epiphani, &c. Contemplatio tripliciter diuiditur. Baptizantur autem Marcioniſta, Taſcodrugi, Manichæi, & qui ſunt eiſdem ordinis, uſque ad Melchiſedechitas, viginti quinque hæreſes. Inunguntur autem ſacro chriſmate Tetradiſta, Novatiani, Ariani, Macedoniani, Apollinarïſta, ſimul quinque. Qui verò nec baptizantur, nec unguntur, ſed ſolam propriam & omnem aliam hæreſin anathematizant, Meletiani, Neſtoriani, Eutychiæniſta, &c. Quæ prolixior ferè eſt Canonis ſeptimi Synodi CPolitanæ interpretatio. Vides autem quàm immaniter hæc diſſideant à conſuetudine Romanæ Eccleſiæ, quæ nunquam deinceps tamen eâ de re litem mouit Græcis, Canonem illum CPolitanum ſuo ex codice reieciſſe contenta. Vides quàm rudes fuerint Græci, aut incurioſi illius plenarij Concilij, & Canonis Arelatepſis de baptiſmo ab Auguſtino celebrati. Vides quàm iure meritòque Canon Arelatenſis ad Afroſ deſtinetur, quorum propria lex erat, ut rebaptizarent.

XLVI. Ex Gen-
nadio.

Ita ſentiebat, ut ad Latinos ruruſ me referam Gennadiuſ de dogmat. Eccleſ. c. 52. Illoſ qui non ſanctæ Trinitatiſ inuocatione apud hæreticoſ baptizati ſunt, & veniunt ad noſ, baptizari debere pronunciamuſ, non rebaptizari. Neque enim credendum eſt eoſ fuiſſe baptizatoſ, qui non in nomine Patriſ, & Filij, & Spirituſ ſancti iuxta regulam à Domino poſitam tincti ſunt. Ut ſunt Paulini, Procliani, Borborita, Si-

phori, qui nunc vocantur Bonosiani, Photiniani, Montani, & Manichæi, variaque impietatis germina, vel cetera istorum originis siue ordinis pestes, qua duo principia sibi ignota introducunt, ut Cerdon & Marcion; vel contraria, ut Manichæus; vel tria & barbara, ut Sethianus, & Theodosius; vel multa ut Valentinus; vel Christum hominem fuisse absque Deo, ut Cerinthus, Ebion, Artemon & Photinus. Ex ipsis, inquam, si quis ad nos venerint, non requirendum ab eis utrum baptizati sint, an non; sed hoc tantum, si credant Ecclesiæ fidem, & baptizentur Ecclesiastico baptismo. Minus stupebis iam Græcos ab Arelatensi Canone, & ab Ecclesiæ Romanæ ritu deuiasse, cum videas ciuitati & Arelatensi & Romanæ adiacentes Ecclesias ab eis æquè deflexisse. Multos enim horum, quos Gennadius tingi rursus imperat, in Ecclesia Romana sine nouo baptismo receptos fuisse suprà expressè nos admonuit Hieronymus. Silco nostro hoc æuo nouellos hæreticos à multis Catholicis sub conditione rebaptizatos fuisse, idque vetandum fuisse Conc. Rotom. an. 1581. Remensi an. 1583. Aquienensi an. 1585. Tolosano an. 1590. Narbon. an. 1609. Ita enim definierat Pius V. ut fertur in Synodo Ebroicensi an. 1576. apud Bochellum pag. 171.

Ita sentiebat denique Augustinus ipsemet, sexcenties XLVII. Ex Augustino. hanc consuetudinem appellitans, locis tum suprà allegatis, tum aliis innumeris, quibus huc congerendis superse-
deo. Addo hunc vnum locum, l. de vnico bapt. con. Petil. c. 13. *Ego autem ut quod de hac re sentio, breuiter dicam: rebaptizare hæreticos, quod illi fecisse dicuntur, tunc fuit humani erroris; rebaptizare autem Catholicos, quod adhuc isti faciunt, semper est diabolica præsumptionis.* Itaque ea fuit propria & hæretica Donatistarum peruersitas, ut rebaptizarent eos, qui in Ecclesiâ Catholicâ iam abluti sacro fonte fuerant.

Plenarij autem Concilij authoritatem ab Augustino XLVIII. Concilia plenaria Augustinus frequenter ad consuetudinem

Augustinus frequenter ad consuetudinem

dines ordinandas
requirit.

quia consuetudo suâ sponte libera & indifferens, ita commodiùs astringitur ad vnum vbique ritum: liquet ex epist. 118. *Illâ autem quæ non scripta, sed tradita custodimus, quæ quidem toto terrarum orbe observantur, dantur intelligi, vel ab ipsis Apostolis, vel plenariis Conciliis, quorum est in Ecclesia saluberrima authoritas, commendata atque statuta retineri, sicuti quod Domini passio, & resurrectio, & ascensio in cælum, & aduentus de cælo Spiritûs sancti anniuersariâ solennitate celebrantur. Et si quid aliud tale occurrerit, quod seruetur ab vniuersâ, quacumque se diffundit, Ecclesiâ. Alia verò, quæ per loca terrarum regionesque variantur, sicuti est quod alij ieiunant Sabbato, alij verò non, &c. totum hoc genus rerum liberas habet observationes. Nec disciplina vlla est in his melior gravi prudentisque Christiano, quàm ut eo modo agat, quò agere viderit Ecclesiam, ad quancumque fortè deuenierit. Vbi perspicuum est, non vti fidem, ita disciplinam & consuetudines ad vnâ formulam in omni Ecclesiâ restringi & adunari necessariò debere: sed in illa omnes conuenire, in hac alias ab aliis inculpatissimè Ecclesias discrepare. Sicubi attem etiam consuetudo aliqua vel obtineat, vel obtinere debeat in omni Ecclesia, hanc legem vel à Scripturis, vel ab Apostolica traditione, vel à plenariis Conciliis proficisci. Et l. 4. de bapt. cont. Donat. c. 24. *Quod vniuersa tenet Ecclesia, nec Conciliis institutum, sed semper retentum est, non nisi authoritate Apostolicâ traditum rectissimè creditur.* Et l. 2. c. 7. *Quam consuetudinem non rebaptizandi hæreticos, credo ex Apostolicâ traditione venientem, sicut multa non inueniuntur in literis eorum, neque in Conciliis posteriorum, & tamen quia per vniuersam custodiuntur Ecclesiam, non nisi ab ipsis tradita & commendata creduntur.* Et rursus idem Augustinus l. 2. con. epist. Parmen. c. 13. *Et hæc quidem alia questio est, vtrum & ab illis qui nunquam fuerunt Christiani, possit baptismus dari. Nec aliquid temerè inde affirmandum est, sine authoritate tanti Concilij, quantum tanta rei sufficiat.* Et l. 7. de bapt. con. Donat. c. 53. inquirens, an baptismus à pagano collatus, vel ioco, vel mimicè, ratus sit: *Nobis, inquit,**

inquit, tutum est, in ea non progredi aliquâ temeritate sententia, quæ nullo in Catholico regionali Concilio capta, nullo plenario Concilio terminata sunt. Et epist. 119. c. 15. Ad agendum Pascha ex Evangelio quia iam manifestum est, quo die Dominus resurrexit, adiuncta est etiam ipsorum dierum observatio per Patrum Concilia: & orbi uniuerso Christiano persuasum est, eo modo Pascha celebrari oportere. In fidei autem dogmatis vix vnquam ita pendere animi dubium inuenies Augustinum à Conciliorum definitione. Adde Epiphanium supra laudatum, an iterum lustrali fonte piandi essent, quos tinxissent Ariani, ab œcumenico Concilio statuendum esse opinantem. Adde Basilium similiter Concilij desiderio æstuantem, in ista de baptismo hæreticorum fluctuatione. Cùm aduersus Origenistas & tot alias tunc grassantes hæreses, nec Epiphanius, nec Basilius tanta flagrarint Concilij cupiditate. Denique œcumenicam suam illam constitutionem; vt à Cyrillo Hierosolymitano vocatur catech. 18. synodicè ediderunt Apostoli, non de fidei, sed de disciplinæ capitibus: & provinciales Synodi semel & iterum quotannis cogendæ olim erant, non tam vt de fide quid sciscerent, quàm vt disciplinæ castimoniam tutarentur. Etiam nunc sanè de Confirmatione, de Ordine, de Absolutione, de Matrimonio non pauca controuertuntur inter scholæ optimates, aliqua inter Ecclesias ipsas discrepant: quæ his rata, his videntur irrita: sed ciuilibus & ad disciplinæ ingenium temperata hæc conflictatio est: tamen de his, vt de complusculis aliis possent cudi definitiones, & ad fidei necessitatem trahi. Nec tamen quandiu & sententiis & moribus certatur hinc & hinc diuersis, vtrisque ex æquo applaudere integrum est. Longè anteferenda est enim altera sententia, verbi gratiâ baptisma hæreticorum non iterantium, vt pòte & sacramenti dignitati, & traditioni Ecclesiasticæ, & Pontificum definitioni consentanea. Sed ex Ecclesiæ & Pontificum ante Synodum vniuersalem conuiuentiæ dispensatione, qui secus sentiunt ac faciunt, videri

58 DISSERTATIO SECVNDA

interim illi possunt, errore quidem aliquo, sed materiali tantum, ut aiunt, laborare. Hac autem veniâ prolixius uti Ecclesiam & Pontificem non improbat Bellarm. l. 1. de Conc. c. 10. *Probabile est autoritate sedis Apostolica quæstionem illam apud omnes Catholicos fuisse finitam. Sed etiamsi quæstio finita non fuisset, usque ad Concilij plenarij determinationem, ut Augustinus dicit: non tamen inde colligere oporteret, non potuisse finiri. Nam licet Apostolica sedi cooperantibus provincialibus Conciliis controversiam illam finiendi auctoritas non deesset: maluerunt tamen sancti illi Pontifices differre in tempus aliud magis opportunum absolutam determinationem eius quæstionis, quam ut magnos viros ab Ecclesia separare. Certè act. 1. septimæ Synodi laudatur Eustochius Patriarcha Hierosolymitanus, qui monachis Origenis deliria osculantibus, octo induciarum menses indulserat ad resipiscendum, & quintæ œcumenicæ Synodo subscribendum.*

XLIX. Nequaquam ad quæstiones fidei.

In quæstionibus autem fidei nequaquam opus esse congregari, nequaquam fas esse appellari œcumenicas vel plenarias Synodos, vide ut idem Augustinus nos doceat. Etenim l. 1. con. Iul. c. 4. cum Latinorum Patrum auctoritates deprompsisset, ait: *An ideo contempnendor putas, quia Occidentalis Ecclesie sunt omnes, nec ullus est in eis commemoratus à nobis Orientis Episcopus? Quid ergo faciemus, cum illi Graci sint, nos Latini? Puto tibi eam partem orbis sufficere debere, in qua primum Apostolorum suorum voluit Dominus gloriosissimo martyrio coronare. Cui Ecclesie presidentem B. Innocentium si audire voluisses, iam tunc periculosam iuventutem tuam Pelagianis laqueis exuisses. Quid enim potuit vir ille sanctus Africanis respondere Conciliis, nisi quod antiquitus Apostolica sedes & Romana cum cæteris tenet perserveranter Ecclesia? Et infra: Non est ergo cur prouoces ad Orientis Antistites, quia & ipsi utique Christiani sunt, & utriusque partis terrarum fides ista una est; quia & fides ista Christiana est: & te certè Occidentalis terra generavit: Occidentalis regeneravit Ecclesia. Quia ergo fides non alia alibi, sicut con-*

ſuetudinum diſciplina, ſed vna vbique terrarum eſt, adeoque in Oriente eadem atque in Occidente eſt, nempe vna Chriſtiana fides, non licet ad Orientis Antiftites ſeu ad œcumenicam Synodum prouocare; ſed auſcultandum eſt ſuæ cuique Eccleſiæ Epifcopi, auſcultandum eſt maximè Romano Pontifici antiquam Eccleſiæ ſuæ fidem diſtanti. Et l. 4. ad Bonifacium Papam c. ult. *Ant verò congregatione Synodi opus erat, ut aperta pernicies damnaretur. Quasi nulla hæreſis aliquando niſi Synodi congregatione damnata ſit. Cum potius rariffima inueniantur, propter quas damnandas neceſſitas talis extiterit: multoque ſint atque incomparabiliter plures, quæ ubi exſtiterunt, illic improbari, damnarique meruerunt, atque inde per cæteras terras deuſitanda innotefcere potuerunt. Verùm iſtorum ſuperbia hanc etiam gloriam captare intelligitur, ut propter illos Orientis & Occidentis Synodus congregetur. Orbem quippe Catholicum, quoniam Domino eiſ reſiſtente peruertere nequeunt, ſaltem commouere conantur. Non hic conſuetudines, ſed hæreſes reſonant, fides ingeminatur, ideo œcumenicæ Synodi negatur imminere neceſſitas, cum longè plurimæ hæreſes offocatz ſint ſine iſtiusmodi Synodis.*

Inaniter ergo gannunt, exemplo Firmiliani, Dionyſij, Cypriani, non neceſſariò ſtandum eſſe definitionibus ſedis Apoſtolicæ. Contra enim, ut ex ſuperioribus conſtat, 1. erraſſe demonſtrati ſunt, qui illis non ceſſere, & hunc errorem eluendum vel cruento, vel incruento quopiam martyrio habuiſſe. 2. Ceſſiſſe Cyprianum, veri non diſſimile duxit Auguſtinus. 3. Qui Sæphano non obaudiere, nec traditioni Apoſtolicæ, nec vniuerſalis Eccleſiæ authoritati & conſuetudini morem gesserunt; ex eorum ergo ſententia non licet quidquam in ius trahere. 4. Nec Arelatenſi vel Nicæno poſtea Concilio illi ipſi, vel eorum poſteri auſcyltarunt. Arelatenſe fortaſſe neſcierunt: Nicænum accommodatè priſtinæ ſuæ ſententiæ interpretati ſunt: ut Baſilium ſuprà experti ſumus. Nec contra generales tamen Synodos hinc licet inſurgere.

H ij

L. Summa con-
trouerſiæ huius
poſterioris.

5. Ultra minas euectus non est Stephanus, & acquieuit ipse, dispensationis & vnitatis tuendæ ergo, cum diuersa & sentientibus & facientibus communicare. Quâ in re non paulo Cyprianum antecessit intervallo. Hic enim errorem suum charitatis copiâ & sanguinis impendio absterfit: ille à recti semita nec transuersum vnguem deflexit: stricto iuri primùm, vt par est, studuit: vbi sensit schismatis imminere periculum, vsus est temperato. 6. Etsi quæstio hæc ad fidem trahi posset, vt pleraque alia consuetudinum capita; tunc ea tamen ciuilitè, vt disciplinæ portio, agitabatur. Nec à Cypriano, nec à Stephano primùm, nec postea à Nicæno vel CPolitano Concilio, nec à Basilio, vel à posterioribus Græcis vel Romanis, tametsi nonnihil dissonantibus anathema in aduersarios vibratum est. In huiusmodi ergo rebus cum profiteantur Romani Præsules diuersas Ecclesiarum consuetudines à se vel laudari, vel non culpari, vel tolerari: quid mirum si cæteri Antistites hac vtantur libertate, vel abutantur? Gregorius in epist. ad August. Angl. Episc. *Mihi placet ut siue in Romana, siue in Gallicana, siue in qualibet Ecclesia inuenisti quod plus omnipotenti Deo placere possit, sollicitè eligas.* Et vt ad sacramenta vtcumque hæc etiam spectare ne dubites, Alexander III. in append. Conc. Later. c. 2. de frigidis: *Licet Ecclesia Romana propter maleficia, legitimè coniunctos diuidere non consueuerit; si tamen consuetudo generalis Ecclesie Gallicana habet, vt huiusmodi matrimonium dissoluatur, nos patienter tolerabimus.* Sexcenta alia inferius suis locis adnotabuntur exempla, vt Romani Pontifices ad consuetudinum etiam consonantiam omnes cohortentur, interim tolerant dissonantiam. Denique is ipse Augustinus qui Concilio generali opus fuisse inculcarat, ad consuetudines, non ad hæreses damnandas restrinxit Synodorum hanc necessitatem.



DISSERTATIO III.

IN

SYNODVM NICÆNAM

Anno Christi 325.

SYNOPSIS.

Ius primarium conuocandarum Synodorum generalium Pontificibus vendicatur, etsi eas conuocasse legantur Imperatores. Iura à factis secernuntur; & iura ipsa stricta à remissis. Ad num. usque XI. Romanorum Pontificum ea ostenditur esse prerogativa, iure diuino fulta: ad num. usque XVI. Deinceps de pontificiâ & imperatoriâ potestate mixtum agitur, utriusque fines delineantur: adhibitâ etiam recentiorum Scripturum, Latinorum Græcorumque suffragatione.

NON Nicænam tantum, sed & complures alias Synodos à Constantino Imperatore indictas, conuocatasque fuisse; eandemque potestatem à reliquis deinceps Imperatoribus per diu usurpata, passim loquuntur Ecclesiastica Patrum & Conciliorum monumenta. Eusebius l. 10. c. 5. literas refert Constantini ad Miltiadem vrbis Romæ Episcopum: *Placuit mihi ut Cæcilianus Romam nauiget, &c. & ibi coram vobis & coram, &c. quos eâ causâ Romam properare iussi, possit audiri, &c.* Refert & mox Epistolam eiusdem alteram ad Christum Syracus. Episc. quâ alteram Episcoporum Synodum fieri iubet, &c. Et verba ipsa Constantini, *Quoniam plurimos ex diuersis ac propè infinitis locis Episcopos in urbem Arelatensem intra Kalendas Augusti iussimus conuenire, tibi quoque, &c.* Et l. 3. de vitâ eius c. 4. *Quomodo Niceæ Synodum fieri iussit.*

I. Quas Synodos conuocauit Constantinus Imperator.

H iij

fit, &c. Synodum œcumenicam conuocauit, honorificis literis Episcopos undique inuitans, ut quantocius adessent. Nec verò simplex ac nuda erat inſio, sed benignitas, &c. Et quo animo hæc ageret, idem declarat l. 1. de vitâ eius c. 44. Ecclesia Dei præcipue curam gerens, cum per diuersas provincias quidam inter se dissentirent, ipse velut communis omnium Episcopus à Deo constitutus, ministrorum Dei Concilia congregauit. Nec dedignatus adesse, & considerare in medio illorum conuentu, cognitionis particeps fuit, ea qua ad pacem Dei pertinent, cunctis procurans. Porro sedebat in medio, tanquam unus è multis, &c. Ac denique l. 4. c. 42. Constantinus ad Synodum Tyri scribens, Idcirco vos sponte, ut aunt, currentes adhortor, ut absque ullâ dilatione in unum coeuntes, Synodum constituatis, &c. Si quis verò, quod minimè arbitramur, præceptum nostrum etiamnum violare præsumens, adesse renuerit, mittetur quamprimum à nobis aliquis, qui imperiali auctoritate hominem in exilium pellens, docebit Imperatoris sanctionibus pro veritate editis minimè esse repugnandum. His adde ex Apologia secunda Athanasij epistolam Constantini, Ingressi mihi Constantinopolim subito Athanasius occurrit, &c. Cum audiri se postularet, & ego recusarem, & propemodum eum summoneri iuberem; magnâ libertate nihil aliud postulauit, quàm ut vos huc euocari iuberem; quò vobis præsentibus, quæ per vim passus esset, conqueri posset, &c. Scripto igitur vobis id denunciatum volui, ut quotquot Synodum Tyri absoluiſtis, sine tergiversatione ad prætoriam meam clementiam conueniatis. Ergo Romanam, Arelatensem, Nicænam, Tyriam, Constantinopolitanam Synodum conuocauit Constantinus.

II. Inquiritur in
ius ipsum Syno-
dos generales
conuocandi. Et
aperitur primò
ut tribus priori-
bus sæculis sint
coactæ.

Sed viris cordatis curæ est trutinari, non tantum quid factum, sed quo iure factum quidque sit. Nam ante Constantini tempora vel suâ sponte, vel maiorum sedium hortatu congregabantur Episcopi. Idque Christus ipse præmonuerat, ubi duo vel tres congregati fuerint in nomine meo. Id Apostoli prælineauerant, Act. 15. ortâ dubitatione, an circumcidi, & legis iugo grauari oporteret conuersos ex gentibus, Conuenerunt Apostoli & seniores videre

de verbo hoc. Et cap. 6. ad eligendos Diaconos, *Conuocantes duodecim multitudinem discipulorum, &c.* Et c. 1. de electione Matthiæ in locum Iudæ, *In diebus illis exurgens Petrus in medio fratrum, dixit, &c.* Eundem disciplinæ tramitem deinceps Ecclesia triuit. Nam apud Eusebium l. 5. c. 16. aduersus Montanistas, *Cum fideles qui in Asiâ erant, sæpius & in plurimis Asia locis eius rei causâ conuenissent, nonnullique illam doctrinam examinassent, & prophanam atque impiam iudicassent, damnatâ hæresi, isti ab Ecclesiâ & fidelium communione expulsi sunt.* Et apud eundem l. eodem c. 23. de controuersiâ Paschæ, *Synodi ob id cætusque Episcoporum conuenerunt, nempe ut subdit, in Palæstinâ, Romæ, in Ponto, in Galliis, in Osroënâ, Corinthi.* Et c. 24. Polycrates Ephesi Episcopus ad Victorem Papam scribit, *Possent Episcoporum qui mecum sunt, facere mentionem, quos petiistis ut conuocarem, sicut & feci. Quorum nomina si adscripsero, ingens numerus videbitur. Hi cum me pusillum hominem inuississent, epistolam nostram assensu suo improbarunt.* Et l. 6. c. 43. aduersus Nouatum, *Cum Roma Synodus congregata esset, in quâ sexaginta quidem Episcopi, &c. Cumque in prouinciis seorsum Antistites quid agendum esset, consultassent, huiusmodi decretum cunctis promulgatum est.* Et c. 46. Scribit Dionysius ad Cornelium Romanæ urbis Episcopum, &c. se ab Heleno Tarso Ciliciæ Episcopo, & à cæteris qui cum illo conuenerant, Firmiliano scilicet Cappadociæ, & Theoctisto Palæstina prouincia Episcopis inuitatum fuisse, *ut ad Synodum Antiochenam occurreret, in quâ quidam Nouati schisma confirmare tentabant.* Et l. 7. c. 7. meminit idem Dionysius plurium Synodorum in causâ baptismi hæreticorum, Iconij, Synnadæ & alibi habitatum, ut sileam Concilium Cypriani in eadem re Episcoporum octoginta. Et l. eodem c. 27. aduersus Paulum Samosatenum, *Dionysius Alexandrinæ Ecclesiæ Episcopus, rogatus, ut ad Concilium veniret, aduentum quidem suum distulit, &c. quid sentiret, per epistolas indicauit, &c. at reliqui Ecclesiarum Pastores undique excitati simul omnes Antiochiam conuenerunt, tanquam aduersus gregis Domini vastatorem.*

Parco ex Cypriano uno non pauciora his colligere, quibus liqueat, sua sponte, vel mutua inuitatione identidem conuenisse Episcopos.

III. Ex antedictis regulis finguntur de iure conuocandi Synodos.

Hinc & inde ergo libratis disciplinæ rationibus, quæ ante & post Constantinum viguit, iam fas est, quæ facta, quæ iura sint, definire. Nam 1. penes Christi verba & exempla Apostolorum, satius est regulam iuris Ecclesiastici, quàm penes Imperatoris facta residere. 2. Et post Apostolos trecentorum pene annorum intervallo, quod antiquior & simplicior, eò venerabilior optatiorque forma conuocandarum Synodorum, quia Christo & Apostolis propior, quia simplicitatis fonti & veritati citimior: & merè Ecclesiastica. 3. Dignior, sanctior, liberiorque ratio ea est, vt sua sponte, vel mutua inuitatione, siue Metropolitanorum aut Primatum conuocatione, congregentur Episcopi, quàm vt imperialibus tantum iussis. 4. An iubendi, cogendique vel territandi sunt Episcopi, vt suo munere fungantur? vt lupos atceant? Imperatoris, an Christi iussio ipsos colliget? Minæ Regum, an Christi charitas? Nemo sanus non sentit, quid iuri, quid officio, quid instituto Ecclesiastico, quid maiestati Ecclesiæ sit accommodatius. 5. Sed cum recentis annis Ecclesiasticâ fuissent authoritate collectæ Synodi omnes, & iure vtique collectæ: occur nostris mysteriis initiato tandem sæculi principe, illud Ecclesiæ ius abrogatum Episcopis, in principem transcriptum est? An princeps temporalem contulit, spiritalem Ecclesiæ præsulibus sustulit libertatem? An temporalem libertatem spiritali seruitute inquinavit? Sed quo tandem commentitio prætextu fingi possunt, per nouam principis Christianitatem pristino iure suo excidisse Episcopi Ecclesiarum? 6. An anteriores Constantini imperio Episcopi successerant in vicem & in iura Apostolorum, posteriores autem nequaquam? Vnde enim priores Episcopi, vbi conducere videbatur Ecclesiæ, vtrò coibant in Synodos, & alios inuitabant, nisi ex eâ dignitate ac potestate, quæ à Christo

Christo & ab Apostolis, in ipsos vt Christi vicarios, vt Apostolorum successores propagata erat? An ergo traducem potestatis huius Apostolicæ abruptit Constantinus, aut abrumperet potuit? An Episcopi post Constantinum desiere Apostolorum successores esse, & regni cœlorum claues administrare? An bipartita posthac fuit potestatis Apostolicæ successio, & eius quasi ex semisse hæres Constantinus portionem occupauit? Quantæ absurditatis sunt hæc omnia? 7. Imperatores Ethnici Episcopos ferè patiebantur potestate suâ frui, & Synodos cogere numerosissimas, quamplurimas, vbique terrarum, nec nisi paucissimi, iique limphatissimi, ne quid à nostris conuentibus respub. caperet detrimenti, reformidabant. An ergo Christiano principi quadrabat, iura & libertatem Ecclesiæ artiùs premere & angustare, quàm ab Ethnicis principibus factum esset? An tot saltem annorum, tot sæculorum præscriptio contemni poterat? 8. Et quidem ante Constantinum non locales tantùm, sed generales etiam Synodi habitæ sunt, Carthagine de baptismo, Antiochiæ aduersùs Nouatum, & ibidem rursus aduersùs Samosatenum, & alibi plures, quò inuitabantur maiorum gentium Episcopi, Alexandrinus, Antiochenus, Cæsariensis, Hierosolymitanus. Et ex suprà relatis Eusebij testimoniis liquet, harum Synodorum decreta, maximè Antiochenæ vtriusque aduersùs Nouatum & Samosatenum, totius orbis consensu ita roborata fuisse: & aliarum denique Synodorum prouincialium consensu, ita totam sibi Ecclesiam conspirasse: vt hæc instar haberent Synodi œcumenicæ, & peræquè fidei aut disciplinæ periclitanti succurrerent.

Quin imò si vnâ demas Nicænam Synodum, longè auspiciatioribus fuerant pacatioribusque ante Constantinum Synodi, quàm quæ vel ab ipso postea, vel ab eius filiis conuocatae sunt, vel à compluribus postea Imperatoribus, quandiu & quoties eam potestatem ita vsurpauerunt, vt non ab imperio & nutu sacerdotum pendulam

IV. Quantæ clades è Synodis quas Imperatores suo, non sacerdotum consilio & nutu collegerunt.

& obnoxiam exerent. Nam in percensitis suprà antiquioribus Synodis, quàm sancta, quàm decora, quàm pacata omnia? Nusquam iurgati Episcopi, nusquam hæreses authoratæ, nusquam innocentes damnati. Nam etsi variatum quandoque sententiis est, in disciplina versatili certamen erat, non in fide, & sospite vnitatis & fidei nexu dissidebatur. At vbi Constantinus occupavit, & successoribus refudit cogendarum Synodorum potestatem: quis sub ipso & post ipsum maximè ortas inde clades Ecclesiæ, mente aut calamo valeat comprehendere? Quis Hierosolymitanæ, quis Tyriæ sub ipso Synodi labe? Quis sub Constantio Mediolanense, Syrmienſe, Ariminense flagitium? Quis fidei formulas toties & tam perfidiosè fixas & refixas? Quis Episcoporum infatigabiles discursationes, proscriptiones, exilia, cruces? Vbi ita Synodis illusum, & de Synodis illusum fidei & maiestati Ecclesiæ ante Constantinum? Et vnde hæ clades, nisi ex eo vno capite, quod Imperatores nutu & arbitrio suo Synodos cgebant Episcoporum, & pro sua libidine agebant? Non tam malè consuluit Christus Ecclesiæ suæ, vt eius salutem ad terreni imperij verticem religauerit. Quid enim si nullus aliquando extiterit Imperator? Quid si ab Ecclesia deficiat? Quid si in plures scindatur imperium? Quid si Reges vndique irruentes imperium dilanient, & in suo quisque tractu imperitent? Quid si qua imperij portio lacera, non regij, sed sequioris ac decoloris alicuius regiminis sortem experiri malit? Quid si hæc omnia? Nam & hæc omnia post Constantinum labentibus sæculis contrigere in variis imperij Romani tractibus. Ergo si horum quodlibet, si plura, sed si omnia eueniant, non poterit congregari à sæculari principe œcumenicum Concilium. An igitur Ecclesia interim de summâ rerum periclitabitur? Minimè verò. Nam vt fides, vt disciplina Ecclesiæ ad sæculi vsque finem perpetuanda ex Christi promissione non dubitatur, ita nec dubitatur ex eiusdem inexpugnabili sponſione & potestate,

æternandus in Ecclesia Episcopatus vnus, vnus in vnitate suæ vertice Petri successore, vnus in vniuersitate sua. Ita nunquam deerunt, à quibus Concilia & conuocentur, & frequententur. At si ad lubricum & procellosum imperij terreni sceptrum salutem Ecclesiæ & Conciliorum auctoritatem religes, malè consulis Ecclesiæ æternitati. Vni & æternæ Ecclesiæ, ne tam labile & ruinosum substruas fundamentum.

Ergo secernenda sunt facta & iura: & vbi sexcenties legis etiam in ipsa Conciliorum fronte, in Patrumque monumentis identidem audis, conuocatas ab Imperatore synodos, hæc facta quidem sed non statim iura interpretare: aut si iura, non stricta & primæua, sed indulgentiæ & œconomix plurimæ accommodata. Quanquam enim optimè meritis de Ecclesia fuerit Constantinus, nemo tamen inficias ire potest, *aliquando plus illum sibi in negotiis Ecclesiasticis vindicasse, quàm laïco principi conueniret, vt aduertit doctissimus Valesius in c. 51. l. 3. vitæ eius.* Donatistæ non aliter coërciti fuissent Episcopalibus Synodis, quàm tot ante hæreticorum cunei compressi fuerant, etsi nec Gallos ipse primùm Episcopos Romæ iudicaturos dedisset, nec damnatorum querelas audisset, aliudque cum *sam non esset necesse*, Arelatense iudicium dedisset, nec post Episcopos, ipse iudicare adgressus esset, idque ausus esset, *cuius venia ab Episcopis petenda erat*, teste Augustino. Quàm illud omne præter iuris regulas extiterit, alibi docuimus. Rursus autem in causâ Arii & circa Athanasium, eiusque præcessorem Alexandrum, ab Eusebio vtroque fasciatus, quàm multa cespitauit? Dum Alexandrum æquè inclementer primò habet, atque Arium: dum Arium semel damnatum purgari coram se posse sperat, ab eoque illusos, recipi eum iubet in Ecclesiam; & nisi cœlitus prospectum fuisset, tantum perfecisset scelus: dum Tyriam, aliasque Synodos aduersus Athanasium cogit, & sœuire finit; dum Athanasium exilio pellit, dum sub exilij interminatione Episcopos

V. Facta & iura
secernenda: nec
modò quid fa-
ctum, sed quo
iure perpenden-
dum est.

Epist. 161.

Synodis à se indictis adesse iubet, dum qui & quanti adesse debeant Synodis Episcopi, ipse præscribit. Dies me deficiet, si persequi singula aggrediar. Nemini autem obscurum esse potest, quid Apostolici & Episcopalis, quid sæcularis & imperatorij sit iuris. Et ut vno verbo rem absoluam, Episcopalis habeatur iuris, quidquid ante Constantinum sub imperio Gentilium perficiebant Episcopi. Neque enim tunc vel suspicio ipsos vlla afflare potest, quasi imperatoria iura inuaserint. Quod autem Constantino tanta audenti cederent, annuerentque Episcopi: vel vis illa erat, vel voluntas. Si vis, ut in multis circa Arium & Athanasium, nihil inde iuris ei accrescebat. Si voluntas, ut in longè pluribus aliis, nec sic quidem ius imperatorium condebatur, cum ex æconomiâ tum necessariâ id totum de iure Episcopali remitteretur. Conducebat enim vehementer multa condonari Imperatori, qui primus omnium Christo nomen dedisset, Ecclesiam tot persecutionibus tandiu iactatam liberasset, eius toto orbe propagandæ muniendæque, idololatriæ autem extinguendæ certam spem faceret. Tali Imperatori non sua tantum iura, iustaque tribuenda erant, sed aliena quoque tunc indulgenda. Sed iure suo non exuuntur Episcopi, cum ex necessariâ dispensatione aliquam eius partem remittunt. Nam etiam tum ius suum, ius proprium & summum penes ipsos est, cum eo sibi condonato ex dispensatione alius utitur, vel abutitur.

VI. Pontificum consilio & hortatu conuocatas ab Imper. Synodos multis exemplis demonstratur.

Et si autem conuocarint Concilia, maximè œcumenica Imperatores, consilio tamen, assensu, hortatu Episcoporum, & in primis Romani Pontificis, id factum esse, atque ita ius summum & regium penes Episcopos reapse fuisse, ut quod Ecclesiasticum per sese & Apostolicum sit; extrinsecam autem speciem & dignitatem penes Imperatores hæsisse, ut solet in istiusmodi rebus: multa sunt quæ reuincant. Atque imprimis in Prosphonetico sextæ Synodi ad Constantinum Imperatorem, act. 16. hæc Græci Patres clamant, *Arius diuisor Trinitatis insurgebat,*

& continuò Constantinus semper Augustus, & Sylvester laudabilis, magnam atque insignem in Nicæa Synodum congregabant, &c. Macedonius Spiritus denegabat deitatem, sed maximus Imperator Theodosius & Damasus fidei adamas protinus obstiterunt, &c. Gregorius & Nectarius in hac regia urbe conuentum congregabant, &c. Iterum Nestorius, & iterum Celestinus & Cyrillus: ille quidem Christum diuidebat, illi verò cum sceptrorum Domino diuisorem deiciebant, ut Ephesus & ibidem gestorum tabula loquuntur, &c. Deinde Eutychetis insania, &c. Leonis tuba tanquam leonis rugitus vehementer vociferans ex Roma archimandritam bestiam perterruit, &c. Marcianus Imperator & Anatolius Constantinopol. Antistes cum omni Chalcedonensi à Christo congregata collectione, &c. Sicut & Vigilius post hæc Iustiniano piissimo consonauit, & quintum Concilium constitutum est, &c. Hæc Græci Patres sextæ Synodi œcumenicæ ad Imperatorem ipsum, qui sextam Synodum ipse indixerat; vbi superiores Synodos generales non solo Imperatoris nutu, sed instinctu maximè sacerdotum collectas fuisse interpretantur. Idque iure meritisimo. Nam quamuis obscura in prioribus œcumenicarum Synodorum conuocationibus & rarâ existant vestigia sacerdotalis authoritatis; extant tamen aliqua, extabant tunc fortè plura; & ex paucis obscurisque licet tantæ Synodo interpretari, quid iuris sit: quid indulgentiâ conuiuentium Episcoporum moliti sint Imperatores. Etenim vel sola Episcoporum conuiuentia qui tunc silebant, prius non siluerant, nec postea siluerunt; satis argumenti habet, ut penes ipsos ius illud omne fuisse cogendarum Synodorum philosophemur. Sed de Nicæna specialiter Synodo, Damasus in vita Sylvestri: *Huius temporibus factum est Concilium cum eius consensu in Nicæa Bithynia, & congregati sunt Episcopi, &c. Et in urbe Roma congregauit ipse cum Concilio Augusti Episcopos, &c.* Ruffinus l. i. c. i. ait Synodum ab Imperatore, ex sententia sacerdotum conuocatam. Athanasius in Apolog. de fugâ suâ, *Quin & Eusebiani ad Iulium literas misere; & ut nos terrent,*

VII. Ex Athana-
sio idem prolixè.

petierunt ut Synodum congregaret. Et in epist. ad Solit. Scripsi Iulius oportere fieri Synodum, ubi voluissimus Et Iulius Papa apud Athanasium Apol. 2. ad Eusebianos scribens, Siquidem legati vestri, &c. rogarunt nos, Concilium ut congregaremus, scriberemusque ad Athanasium & Eusebianos, ut in præsentia omnium iusto iudicio de causâ cognoscere-tur. Quæ omnia ad Sardicenis Concilij conuocationem spectant, quæ tamen apud eundem in epist. Synod. se profitetur cooperante Dei gratiâ à religiosissimis principibus con-uocatam. Et Harmenopulus in præfat. Epitom. Canonum, Ex ipsorum Imperatorum & Romani Episcopi sententia, 341. Episcopi in hac Synodo Sardica conuenerunt. Et rursus Athana-sius epist. ad solitarios, de Synodo Romanâ agens, quam Iulius congregauerat, & ad eam Eusebianos conuocauit, Caterum, inquit, Eusebiani ubi semel audissent Ecclesiasti-cum confectum fore, ubi nec Comes affuturus esset, neque satellites pro foribus excubarent, nec ex Cæsaris præscriptis omnia fierent, quæ Synodi sunt: quibus rationibus & non aliis Episcopos vi-cerant, imò qui sine hoc præsidio ne loqui quidem auderent; ita inhorruerunt & metu contracti sunt, &c. Vbi vides & sine Imperatore collectas Synodos, & in eis omnia meliuscu-lè ordinata, & præ illis contemni ab Athanasio indictas gestasque nutu Regum Synodos. Et apud eundem Libe-rius Papa, Quod si Imperator curam suam pro Ecclesiasticâ pa-ce interponere querit, &c. fiat Ecclesiastica Synodus longè à pa-latio, ubi nec Imperator præsto est, nec Comes se ingerit, nec iudex minatur, & ubi solus Dei timor ad omnia sufficit. Et in-frà Osius ad Constantium, Ne te misceas Ecclesiasticis ne-gotiis, neque nobis in hoc genere præcipe, sed potius ea à nobis disce. Tibi Deus imperium commisit, nobis quæ sunt Ecclesia concedidit. Et quemadmodum qui tuum imperium carpit, con-tradicit ordinationi diuinæ; ita & tu caue, ne quæ sunt Ecclesia ad te trahens, magno crimini obnoxius fias. Date, scriptum est, quæ sunt Cæsaris, Cæsari: & quæ Dei, Deo. Neque igitur fas est nobis in terris imperium tenere, neque tu thymiamatum & sacrorum potestatem habes, Imperator. Et rursus Athanasius

infra: Obtendit in speciem Episcoporum iudicium: sed interim facit, quod illi uolupte est, &c. Si istud est iudicium Episcoporum, quid commune cum eo habet Imperator? Quando iudicium Ecclesie auctoritatem suam ab Imperatore accepit? &c. plurima antehac Synodi fuere, multa iudicia habita sunt. Sed neque Patres istiusmodi res principi persuadere conati sunt, nec princeps se in rebus Ecclesiasticis curiosum praeiuit. Paulus Apostolus habebat amicos in Caesaris domo, & per eos salutabat in literis Philippenses, non tamen eos in iudicio socios assumpsit. Nunc autem nouum quoddam spectaculum ab Arianâ heresi editur. Conuenerunt enim in unum haeretici & Constantinus Imperator; ut ille quidem sub prae-textu Episcoporum, sua potestate aduersus eos quos uelit, utatur, & tamen in persecutione mouenda persecutor non appelletur: illi uero succincti principis potestate, faciant insidias quibus uolunt, &c. Omnis hæc porro dissipandæ per Synodos Ecclesie potestas Constantio accesserat ex earum conuocandarum auctoritate, ut planum est. Adde ipsum Valentiniani Imperatoris iudicium apud Sozomenum l. 6. c. 7. ubi petentibus Episcopis facultatem cogendæ Synodi, respondit ille, *Sibi qui unus* VIII. Eter Valentiniani Imp. responso: & ex Romana Synodo sub Symmacho.
è Laicorum numero erat, non licere se eiusmodi negotiis interponere. Et ideo Sacerdotes & Episcopi, inquit, quibus hæc cura sunt, seorsum per se, ubicumque ipsis libitum fuerit, in unum conueniant. Vbi permittit quidem Synodum fieri, nec permittendi, sed conuocandi certè Synodos abrogat sibi potestatem. Nam id scientiæ, id charitatis, id muneris esse agnoscit, non Imperatorum, utpote laicorum, sed Episcoporum, scire & iudicare ubi & quando conuocandæ sint Synodi. Episcoporum est ergo indicere loca & tempora Synodorum, Imperatorum tum permittere, si modò respub. nil capiat detrimenti. Idem non minùs apertè testatus est Theodoricus Rex in Synodo 3. Romanâ in causâ Papæ Symmachi: Sancta Synodus apud urbem Romanam ex precepto glor. Regis Theodorici diuersis è regionibus congregata in Christi nomine, dixit: Cum ex diuersis prouinciis ad urbem Romanam conuenire sacerdotes regia precepisset au-

VIII. Eter Valentiniani Imp. responso: & ex Romana Synodo sub Symmacho.

thoritas, &c. Memorati Pontifices suggererunt, ipsum qui dicebatur impetratus, debuisse Synodum conuocare, scientes quia eius sedi primum Petri Apostoli meritum vel principatus, deinde secuta inuersionem Domini Conciliorum venerandorum auctoritas, singularem in Ecclesiis tradidit potestatem, &c. Sed potentissimus princeps ipsum quoque Papam in colligenda Synodo voluntatem suam literis demonstrasse significauit. Vnde & à mansuetudine eius pagina postulata sunt, quas ab eo directas constabat, &c. Animaduerte, quæso, ut ex ex præcepto Regis & auctoritate regiâ se congregatos pro more præsentur hi patres; & tamen mox astruant ab ipso Papa, licet impetrato, se conuocari debuisse: nec id Rex inficietur, quanquis ab Ecclesiâ alienus. Et infra, Rex taliter Deo aspirante respondit; in Synodali esse arbitrio, in tanto negotio sequenda præscribere, nec aliquid ad se præter reuerentiam de Ecclesiasticis negotiis pertinere.

IX. Ex antedictis
quædam regulæ
signatur.

Plura alibi in rem istam accruabuntur suffragia, ex his interim operæ pretium est aduertere i. hæc quæ à nobis relata sunt, non facta esse, sed iura. Nam quod Synodus Romana vociferetur, non Regis fuisse, sed Papæ Synodum conuocare; quod Rex acquiescat; quod voluntatem Papæ literis demonstratam ostendat; quod ad se nihil de rebus Ecclesiasticis præter reuerentiam pertinere confiteatur, hæc non facta sunt tantum, sed iura. Quod Valentinianus Imperator, se utpote laicum, negotiis Ecclesiasticis inseri non debere agnoscat, & copiam faciat Episcopis conuenire, ubi libuerit ipsis, quorum curæ causa fidei & Ecclesiæ demandata est: non facti tantum, sed iuris ista sunt. Quod Athanasius, Hosius, Liberius Imperatorem hortentur res imperij curare, negotiis Ecclesiæ abstinere; Imperium enim ipsi, Ecclesiam à Deo Episcopis commendatam: ad iura pertinent hæc, non ad facta. Quod iidem Synodos optent, sed verè Ecclesiasticas, ubi nec Comes affuturus sit, nec satellites pro foribus excubent, nec ex præscripto Imperatoris gerantur omnia, & ex Imperatoris in Synodos potestate

state labem omnem Ecclesiarum prorupisse ingemiscunt; non facta hinc, sed iura splendent. 2. Constantium per Synodos nutu suo, aut libidine potius suâ congregatas, fidei & Ecclesiæ Christianæ ea damna & dedecora importasse, quæ nemo nisi historiæ Ecclesiasticæ rudis omnino & hospes nescire potest, nemo non detestari potest. At prima mali huius tanti labes hinc manauit, quod Laicus cum esset, sacerdotum partes inuaderet, & temerè stolidèque pro usurpata potestate Synodos indiceret, cum intempestium, cum exitiale maximè erat Ecclesiis. Et hanc illi potestatem auspicatus erat, dedicaueratque Constantinus parens. 3. Vbi & quando salu- tiferum aut perniciole sit Synodos colligi, definire, id non Imperatoriæ, sed Ecclesiasticæ & Pontificiæ vel maximè scientiæ esse & potestatis. 4. Tametsi Imperator Synodos plerumque indiceret, nonnullas tamen à sacerdotibus solis indictas fuisse, vel ab ipsis maxmè: & has maximè Ecclesiasticas & fidei conducibiles extitisse. 5. Tametsi Imperator indiceret Synodos, plerumque tamen de consilio & assensu Episcoporum id factum esse, & semper fieri debuisse. Authores qui id asserant, suprâ audiuius; audiuius & Synodum Romanam, quæ Regis præcepto se collectam præfata, Pontificis tamen voluntate se colligendam, se collectam fuisse mox excipit. Audiuius sextam Synodum œcumenicam, quæ & ipsa perinde ut reliquæ ab Imperatore conuocata solenni more scribitur; quæ tamen & suæ & anteriorum Synodorum conuocationi, sacerdotalem etiam auctoritatem Imperatoriæ accessisse aut antecessisse potius testificatur. Nam in re Ecclesiastica & Apostolicæ propria potestatis, etsi verbo tenus primæ partes honoris videantur Imperatoribus concedi; reapse tamen principatus iuris & potestatis penes Episcopos esse interpretandus est, quorum est & modestia & auctoritas Apostolica. Itaque etsi Episcopi petant, Imperator iubeat; etsi Imperator ultro præcipiat, Episcopi assentiantur Synodum conuoca-

ri, vel tunc tamen conuocatio principalius reapse fit ab Episcopis, quia eorum ius & Apostolicum priuilegium est, Ecclesiae fideique consulere vel per Synodos, vel sine Synodis.

X. Exterior Episcopatus Constantini exponitur, & circumseribitur suis limitibus.

Quod autem apud Eusebium Constantinus l. 1. de vitâ eius, c. 44. *Ecclesia Dei præcipuè curam gerens, cum per diuersas pronincias quidam inter se dissentirent, ipse velut communis omnium Episcopus à Deo constitutus, ministrorum Dei Synodos congregauit. Et l. 4. c. 23. & 24. Missa lex est ad praesides proninciarum, ut diem dominicum etiam ipsi venerarentur. Idem festos dies martyrum iussu principis observabant, &c. Quocirca non absurde cum Episcopos aliquando conuiuio exciperet, se quoque Episcopum esse dixit: his ferè verbis usus nobis praesentibus. Vos quidem, inquit, in iis qua intra Ecclesiam, ego verò in iis qua extra geruntur, Episcopus à Deo sum constitutus. Itaque consilia capiens dictis congruentia, omnes imperio suo subiectos, Episcopali sollicitudine gubernabat; & quibuscumque modis poterat, ut veram confectarentur pietatem; incitabat. Tamen hæc inter epulas, adeoque pro loco & tempore ioculariter magis quàm seriò, & festiuè potius quàm dogmaticè dicta videri possent fastidioso interpreti; & ab ipso de seipso, non ab Episcopis de ipso dicta; non ij tamen nos sumus, qui tanti principis laudibus inuideamus. Subscribimus itaque & quidem lubentes laico Episcopatu, si modo tamen id caueatur, ne bono principi ultra limites ita amplificata tribuatur potestas, ut deterior in perniciem Ecclesiae illâ abutatur successior. Hæreat animo, successuros in Constantini locum Constantium, Iulianum, Valentem, & alios hæreticos, desertores, fidei hostes, pueros, foeminas, & scisso imperio quandoque nullos, aut pro vno plurimos. Talis ergo statuatur exterior hinc Episcopatus, ut laicâ & carnali successionem ad tales deuolutus, Ecclesiam ne pessumdet. 2. Ne excidat trecentis ferè ante Constantinum annis, fide & sanctimoniâ eximie præfulsisse Ecclesias, euerfas hæreses innumeras, Synodos complures vbique coisse pa-*

catissimas; cū necdum Episcopatus huius exterioris vltima vel vmbra extitisset. Item multis ab hinc sæculis postquam excussa est Imperatoribus & Episcopis reddita potestas Synodorum cogendarum, multas & oppressas hæreses & collectas Synodos exitu longè auspiciore & tranquilliore, quàm olim post Nicænam, post tertiam, quartam, quintamque Synodos œcumenicas ab Imperatoribus indictas. 3. Exterior, esto, Episcopus sit Imperator, sit Rex, ergo interiorum iura antiquiora, intimaque ne conuellat Episcoporum. Nam si intrudat se in ea priuilegia Apostolica quibus antè gaudebant Episcopi, non exterior tantum, sed interior erit Episcopus, & vnus in omnium cladem Episcoporum Episcopus. 4. Exterior vt sit Episcopus Imperator, ergo in laicos tantum & sæculares ius suum exerceat; non in Episcopos, non in Episcoporum senatum omnem. Nam si in Episcopos & in Synodos, quæ ipsa Ecclesiæ penetralia & quasi præcordia sunt, dominetur, non exterior, sed intimo interior erit Episcopus. 5. Si Exterior est Episcopus, ergo interioris velut animæ & cordis nutum instinctumque sequatur: & sequatur, non præeat: obsequatur, non imperitet: exequatur, non leges dicet. Id enim discriminis exteriorem & interiorem, velut corpus & animam interesse æstimatur: interior vt præeat & dicet, sequatur & exequatur exterior. At si Episcopis, si Synodis, si legibus imminet Imperator, cum hæc sint viscera ipsa Ecclesiæ, erit utique ille iam interior & spiritualis Episcopus. 6. Id apertè clamat textus Eusebij. Nam fores simulacrorum clausas, diem dominicum obseruari iussu præsidibus, itemque festos dies martyrum Imperatoris iussu cum præmonuisset, tum ait illum exteriorem sibi visum Episcopum. Ergo in exequendis legibus Ecclesiæ, & foras promulgandis authorandisque, in hostibus fidei subiugandis, in laicis ad Ecclesiæ pietatem colligendis Episcopatus ille exterior defungendus est. Altè enim mente repositum nobis est discrimen, quod omnes Ecclesiæ patres inter Episco-

pale & Regium imperium statuere : hoc in corpora, illud in animas ; hoc in sæcularia, illud in Ecclesiastica ; hoc extra, illud intra Ecclesiam ; hoc in ciues, illud in ipsos Reges statuere. Quæ omnia turbantur & pessum eunt, si rei maximè Ecclesiasticæ, & ad Ecclesiæ, ad fidei, ad salutis æternæ summam maximè spectantis, hoc est, Synodorum cogendarum potestas primaria, & primus authoritatis cardo Imperatoribus arrogetur.

XI. Conuocan-
darum Synodo-
rum œcumenic.
potestas summa
penes summum
primæ sedis Pon-
tificem.

Quod autem id vnum enixi sumus hætenus, vt principalem congregandæ Synodi authoritatem Regibus extorqueremus, Episcopis vendicarem quasi postliminij iure; nec Romani Pontificis eâ in re eximiam prærogatiuam nisi perfundtorie adseruimus, consultò id à nobis factum est. Propterea nimirum, quia cum hæreticis luctamur, qui Imperatori eam authoritatem affingunt: suo more Ecclesiæ illudentes, cum tam multa iamdiu fluxerint sæcula elumbati & ita secti imperij Romani frustillatim, vt œcumenicum Concilium ab Imperatore conuocari iam neutiquam possit. Deinde quia si ius cogendæ Synodi penes Episcopos sit, nemini obscurum est quis inter eos emineat, nec de eo vlla apud Episcopos controuersia. Denique etsi Episcoporum consensu colligerentur generalia Concilia, verticis tamen & summi capitis iudicium, arbitrium, imperiumque euidentissimè emeretur.

XII. Eiusdem
rei alia argumen-
ta.

Adde quod & superius apud Eusebium Polycrates Ephesiorum Episcopus authoritate Victoris Synodum à se congregatam testatus est. Et apud Bedam de Æquin. vern. *Tunc Papa Victor Romanæque urbis Episcopus direxit authoritatem ad Theophilum Cesariensis Palaestina Antistitem, vt quomodo Pascha recto iure à cunctis Catholicis celebraretur Ecclesiis, inibi fieret ordinatio, vbi Dominus & Saluator mundi in carne fuerat versatus. Perceptâ itaque authoritate prædictus Episcopus, non solum de suâ prouinciâ, sed etiam de diuersis regionibus omnes Episcopos conuocauit, vbi cum illa multitudo conuenit sacerdotum, tunc Theophilus Episcopus protulit autho-*

ritatem ad se missam Victoris Papa, & quid sibi operis fuisset iniunctum, ostendit. Sexta Synodus suprà relata potestatem omnem & prouinciam colligendæ Synodi œcumenicæ ad solum Pontificem Romanum & Imperatorem reuocauit. Apud Athanasium Eusebiani à Iulio petunt, vt Synodum congreget. Synodi Romanæ sub Symmacho Patres, non Romanas tantum, sed quascumque Synodos à Romano Pontifice conuocandas affirmauere, quia eius scilicet primùm Petri Apostoli meritum vel principatus, deinde secuta iussione Domini Conciliorum venerandorum auctoritas singularem in Ecclesiis tradidit potestatem. Ac si dicant, cum Episcopos ad Synodum euocare eius sit, qui inter Episcopos principetur: diuino iure seu diuina iussione, vt inter Apostolos solus Petrus, ita inter Apostolorum successores solus Petri successor principatur; reliqui autem Metropoliticæ seu Exarchicæ potestatis consortium aliquod Ecclesiastico iure assecuti quidem illi sunt, quo Episcopis præsent; sed ab eo defluum pendulumque, qui diuino iure id ipsum obtinet. Ennodius item in libel. Apolog. Venerando Concilio auctoritatem etiam contra se, si mereretur, indulsit Symmachus, &c. Hoccine ergo nullo constabas exemplo, vt sacerdotum Papa Concilium conuocaret, cuius arbitrium est collectio Synodalis?

De Nicænâ iam dictum est Synodo. Quis præter Damasum congregauit Romanam, quæ CPolitanae nomen & robur œcumenicum conciliauit? Ephesinam primam collegit Theodosius Iunior, sed & secundam. Quanquam vel primæ procellas quis non adhuc stupet? Post Ephesinam prædatoriam Synodum tunc œcumenicâ Synodo opus fuit, incontanter Leo eius colligendæ author fuit Theodosio, qui author fuerat eidem, ne Ephesi prius colligeretur. Epist. 12. Si pietas vestra suggestioni ac supplicationi nostræ dignetur annuere, vt intra Italiam habere iubeatis Episcopale Concilium, citò, auxiliante Deo, poterunt omnia scandala quæ in perturbationem totius Ecclesiæ sunt commota, rescari. Si non Ephesi, sed in Italiâ habita fuisset Syno-

XIII. Œcumenicas Synodos à Romano præfule conuocatas declaratur: & primùm de quatuor prioribus.

dus, indubium est, exitum eius longè auspiciorem fu-
 turum fuisse. Postea rursus eidem suator fuit Leo, ut in
 Italiâ Synodus conueniret, ad Ephesinum dedecus abs-
 tergendum, nec impetrauit. Epist. 33. *Concilium uniuersa-
 le intra Italiam, sicut Synodus quæ ob hanc causam Roma con-
 uenerat, mecum petit, clementia uestra concedat.* Præpostera
 ergo hîc omnia & exitialia Ecclesiæ principis consilia
 extitere, dum sacerdotalis chori principem non audit.
 Felicius cessit Chalcedonensis Synodus, quòd eam Leo-
 nis Papæ *authoritati* totam commiserit Marcianus, velut
principatum in Episcopatu diuina fidei possidentis, ut habetur
 in eius Sacrà. Vnde & Episcopi Mœsiæ secundæ in epist.
 ad Leonem Imp. Eutychianam vesaniam peremptam
 aiunt *in Chalcedonensium ciuitate multis sanctis Episcopis con-
 uenientibus per iussione[m] Leonis Romani Pontificis, qui verè
 caput est Episcoporum: & venerabilis sacerdotis & Patriarchæ
 Anatolij Concilio celebrato.* Vnde act. 1. Conc. Chalced. Lu-
 centius sedis Apost. legatus, reum agit Dioscorum Ale-
 xand. Episc. *Quia cum personam iudicandi non haberet, præ-
 sumpsit; & Synodum ausus est facere sine authoritate sedis A-
 postolica, quod nunquam factum est, nec fieri licet.* Et Vigilius
 Papa epist. 4. ad Iustinianum Imp. *Nobis pios direxistis
 affatus, in quibus beata recordationis Calistinum, atque Leo-
 nem Apostolica sedis Prasules, qui singulas hæreses pro diuinâ
 sibi dispensatione commissâ, cum Synodali congregatione dam-
 nantes, quid cuncti generaliter sequi debeant Christiani, man-
 surâ in auium lege sanxerunt: laudabili commemoratis affectu.*
 Et Liberatus in breuiario c. 13. *Marcianus imperij culmen
 adeptus, pro illâ Papæ & principum Romanorum petitione uni-
 uersale Concilium congregari iussit.*

Part. 3. Concil.
 Chalc. c. 32.

XIV. De quinta,
 septima, & aliis.

In quintæ Synodi conuocatione vix vllæ fuere partes
 Vigiliij. Sed sacræ & regiæ potestatis iura ut permiscue-
 rit Iustinianus, & ita vtræque temerauerit, omnibus ex-
 ploratum est. Nec nisi consensu demum accedente Ro-
 manorum Pontificum adiectam esse huic Synodo œcu-
 menicam authoritatem, æquè compertum. Ideo & sexta

Synodus Vigilio & Iustiniano gloriam adserit huius Concilij ad optatum exitum prouecti. Ideo & paulò pòst Pelagius II. epist. 8. *Cùm generalium Synodorum conuocandi auctoritas Apostolica Sedi B. Petri singulari privilegio sit tradita, & nulla unquam Synodus rata legatur, quæ Apostolicâ auctoritate non fuerit fulta.* Et mox: *Multis denuo Apostolicis & canonicis, atque Ecclesiasticis instruimur regulis non debere absque sententiâ Romani Pontificis Concilia celebrari.* Non nesciebat tantus Pontifex, quantum sibi sumpsisserent Imperatores in quinta, in tertia, in secunda Synodo conuocanda: sed æquis omnia lancibus pendebat, Synodicamque auctoritatem à Pontificali potius petitione, consensione, condescensione, quàm ab Imperatoria iussione dimanasse intelligebat. Quid de Lateranensi sub Martino, quid de Occidentali seu Romanâ Synodo sub Agathone? una hîc coruscat Romani Pontificis maiestas, & hinc generalis auctoritas Synodo sextæ apud Græcos pòst habitæ irradiata est. Audi quæ scribat Gregorius Papa ad Leonem Isaurum: *Concilium Christi amantium Imperatorum & piorum Pontificum virtus est una, quando cum pace atque charitate res administrantur.* Scripsisti ut Concilium uniuersale cogeretur. Et nobis inutilis ea res visa est. Tu persecutor es imaginum, & hostis contumeliosus, & euersor. Cessa. Nobis hoc largire, ut taceas; tam mundus pace perfruetur, & scandala tacebunt. Finge nos te audisse, & ex uniuerso terrarum orbe Pontifices congregatos esse, Senatunque ac Consiliū seditisse. Vbi est Christi amator ac pius Imperator, qui de more in Senatu sedere debet, &c. Et infra: *Testis est Deus, quascunque misisti ad nos Epistolas, auribus cordibusque Regum Occidentalium obulimus, pacem illorum tibi, ac beneuolentiam conciliantes, &c.* Scire debes ac pro certo habere, Pontifices qui pro tempore Roma extiterunt, concilianda pacis causâ, sedere tanquam parietem intergerinū, septumque medianū Orientis & Occidentis, ac pacis arbitras & moderatores esse, &c. Quod si vobis violenter insuldis, & manus intentes, non est nobis necesse tecum in certamen descendere. Ad quatuor & viginti stadia

In anteaſti
ſepta Synodi.
h omnia.
i omnes.

vilis

secedet Romanus Pontifex; tūc tu vade, ventos persequere, &c. Totus Occidens sancto Petro principi Apostolorum fide fructus offert?

XV. Multa ex
Gregorii Papæ
licetis argumen-
ta.

Vbi aliquam multa obseruanda se ingerunt. Primū expetitā à Leone Isauro œcumenicam Synodum fuisse, sed intercessisse Pontificem Romanum, ac prohibuisse. Intererat sanè ad Ecclesiæ & fidei Catholicæ incolumitatem, vt Pontificis potestas in eo certamine superior emereret. Ad hæc non poterat tūc Imperator nisi ex Oriente Episcopos conuocare: Occidens enim pene totus iugum eius excusserat. Ergo concedenda ei non est facultas Synodi œcumenicæ, cuius imperium ad tantas potest aliquando vel maiores angustias coarctari. At pontificia primæ sedis authoritas in omnem Ecclesiam & in omne æuum valebit. Præterea si memoriam reuoluere libeat superioris ætatis, imperij & sacerdotij eadem ferè erat conditio etiam tempore sextæ Synodi, imò & quintæ, quartæque, ac tertię. Vt enim ipsius imperij sectiones taceam, iam Hispania, iam Africa, iam Gallia, iam Britannicæ insulæ, iam longè maxima Italiæ pars in alienorum priorumque principum ditionem concesserant; vt his regnis Regibusque nulla prorsus, aut si qua residua esset Romani imperij reuerentia, ea, vt suprà Gregorius significabat, Romanis Pontificibus accepta referenda esset; quibus cum Occidens totus adhæresceret, per eos vtcumque etiam Orientis Imperatori adhuc compaginabatur. Id quoque ipsum centum viginti quinque Episcopi Romanâ in Synodo sub Agathone congregati insinuarant Imperatori Pogonato: *Nos licet humillimi summis viribus enitimur, vt Christiani vestri imperij respub. in qua B. Petri Apostolorum principis sedes fundata est, cuius auctoritatem omnes Christianæ nobiscum nationes venerantur & colunt, per ipsius B. Petri Apostoli reuerentiam, omnium gentium sublimior esse monstretur. Vides vt non aliter quam sequestre & conciliatore Romano Pontifice, Ecclesia omnis, vt ibidem mox subditur, Septentrio-*
nalis,

Act. 4. Synodi 6.

nalis, & Occidentalis in eandem cum Orientali Imperatore Synodum conspiraret. Quin imò cum Occidentalis hæc Synodus prior quæ fidei erant, definiret, non poterant ab ea postea dissentire Orientales, ut antè Augustinus innuebat, utque infra suis locis prolixius aperitur. Itaque magnificentia nominum Orientalibus & Synodis & principibus permittebatur, vis ipsa & potestas penes Romanam & sedem & Synodum residebat.

Quò referendum est & illud Leonis Papæ serm. 1. in XVI. Rursus ex natal. Apost. Petri & Pauli: *Isti sunt, Roma, qui te ad hanc gloriam prouexerunt, ut sis gens sancta, populus electus, ciuitas sacerdotalis & regia; per sacram B. Petri sedem caput orbis effecta, latius præsidens religione diuinâ, quàm dominatione terrenâ. Quamuis enim multis aucta victoriis, ius imperij tui terrâ marique protuleris; minus tamen est, quod tibi bellicus labor subdidit, quàm quod pax Christiana subiecit. Si Christiana ergo Ecclesia ultra Romani imperij pomœria fines suos protulit, non potuit Romani Imperatoris iussu Synodus œcumenica conuenire. At Petri sedis principatus cum Ecclesiâ ipsâ ubique gentium propagatur. Siue ergo distractas à Romani corpore imperij, siue ab eius potestate usque immunes regiones attendas, non secundam, non tertiam, non vllam deinceps aliam Synodum œcumenicam, qua œcumenicam conuocasse potuit Imperator Romanus: sed hanc cum illo gloriam Romanus Pontifex vltro communicauit. Quocirca scitè Gregorius suprâ monebat, mutuo Pontificum & Imperatorum consensu Synodos coalescere. Et idem rursus epist. 2. ibidem, *Constantinus Magnus, Theodosius Magnus, Valentinianus Magnus, & Constantinus Iustiniani pater, qui sexta Synodo interfuit, Imperatores isti religiosè imperarunt, & cum Pontificibus vno consilio ac sententiâ Synodos congregantes, atque veritatem dogmatum perquirentes, sanctas Ecclesias constituerunt, & ornarunt.**

Quâ de re Nicolaus Papa I. epist. 8. ad Michaël. Imp. illa quæ in actis Conciliorum leguntur conuocationis

XVII. Carolus Magnus Synodos conuocabat,

sed iussione &
authoritate sum-
mi Pontificis.

iussa imperatoria, preces & hortatus interpretatur. *Attendat clementia vestra, quanta fuerit erga sedis Apostolica reuerentiam antecessorum vestrorum amor & studium. Qualiter legibus suis pro adunandis ei Ecclesiis promulgauerint. Pro colligendis Conciliis ac proferendis sententiis non imperauerint, sed precati & hortati solum existerint; & qua illi decreuerunt, ipsi consenserint: & qua illi damnauerunt, ipsi respuerint.* Et idem epist. 38. *Generale Concilium sine Apostolica sedis praecepto nulli fas est vocandi.* Quæ ille ad Gallos scribit, apud quos Carolus Magnus, & reliqui eius in imperio successores eandem arripuerant conuocandarum Synodorum potestatem. Otiosum esset sigillatim omnes perlustrare Synodos, quæ à principe se conuocatas ipsæ præfuntur. At ipsæ eadem Pontificali, & maximè primæ sedis auctoritate se collectas testantur. Et tunc Galli vnanimiter epistolis Romanorum Præsulum inhærebant, quæ eis hanc reseruant facultatem. Et Capitular. l. 6. c. 287. *Auctoritas Ecclesiastica atque canonica docet, non debere absque sententiâ Romani Pontificis Concilia celebrari.* Et Addit. l. 4. c. 12. *Legitimâ Synodo suo tempore Apostolicâ auctoritate conuocata, cuius iussione Domini, & meritis B. Petri Apostoli, singularis congregandorum Conciliorum auctoritas, & sanctorum Canonum, ac venerandorum Patrum decretis multipliciter priuata tradita est potestas.* Sic igitur Galli Imperatores Synodum conuocabant, vt præ se ferrent hanc peculiarem esse potestatem sedis Apostolicæ, Domini iussione constitutam, sibi vt eius executoribus communicatam, & nec alio nomine siue à priscis vsurpatam, siue ab vllis vsurpandam Imperatoribus.

XVIII. Gallica-
næ Ecclesiæ con-
sensus ex Hinc-
maro.

Sed Gallicanæ Ecclesiæ; Gallicani quoque imperij quis locupletior interpretes Hincmaro Remensi? Ille ergo in Opusc. 55. cap. c. 20. *Septima apud Græcos vocata vniuersalis Pseudo-synodus de imaginibus, sine auctoritate Apostolica sedis Constantinopoli est habita, &c.* Vnde tempore Caroli Magni Imp. iussione Apostolica sedis generalis est Synodus in Francia conuocante præfato Imperatore celebrata, &c. Vides vt au-

thoritatem & iussione[m] sedis Apostolicæ præire iubeat, tum conuocationem seu executionem ab Imperatore expectari. *Claret vniuersales ac generales Synodos nominari, cum plures Episcopi fuerint congregati Apostolica sedis iussione & imperiali conuocatione, sicut Sardicensis Synodus, &c. & in Africanis Synodis cum legatis Apostolica sedis celebratis. Et rursus: Sic igitur vniuersales Synodi specialiter Apostolica sedis authoritate conuocantur, & aequè provinciales canonica Synodi, decreto sedis Apostolicæ à metropolitanis & prouinciarum primatibus conuocantur. Sicut de conlatis clauibus regni calorum, id est, ligandi & solvendi pontificio specialiter sancto Petro dato, & simul omnibus Apostolis, & in eis Catholicis Episcopis conlato, sancta & vniuersalis tenet Ecclesia. Quæ omnino appositè dicuntur ad nostrum hoc institutum. Nempe non solum iussione & authoritate Apostolicæ sedis conuocari generales Synodos, sed & prouinciales, & quascumque demum Synodos, congregari à præsidibus quidem suis, siue metropolitanis, siue primatibus, sed istas etiam decreto sedis Apostolicæ. Itaque vt metropolitanis prouinciales, ita summo Pontifici generales conuocare Synodos proprium & adnatum ius est. Sed præterea nec prouinciales possunt coire Synodi sine decreto sedis Apostolicæ, tacito nimirum vel expresso, quia portio hæc est priuilegij Petri. Omnis enim potestas clauium Apostolis, & per Apostolos Episcopis concessa, Petro tamen & Petri successoribus specialiter collata est, ideoque ab illis non est sine horum consensu administranda.*

Et idem rursus Hincmarus Opusc. 44. tom. 2. n. 28. *Si nos fraterna charitas inuitauerit, potiusque iussio Apostolica sedis & præceptio domni Caroli Imperatoris Augusti nos ad Synodum, sicut precipiunt regula, vocare decreuerit, pro talibus qua forte prouinciali nequiverint examine diffiniri, &c. Quoniam Imperatorum authoritate conuocatas generales Synodos & in historiis Ecclesiasticis, & in epistolis Apostolica sedis Pontificum reperimus. Et sanctus Gregorius Rêges Francorum Synodos in Gallicis & Belgicis prouinciis conuocare sæpe commonuit.*

XIX. Rursus ex
eodem.

Iussio sedis Apostolicæ primas semper tenet, tum sequitur præceptio & conuocatio Imperatoris, hoc est, executio. Itaque duplex hæc Pontificis & Imperatoris potestas nequaquam sibi collidi suspicanda est, cum altera alteri obsequatur.

XX. Quando hæc Imperatorum potestas arctius coercita,

At ubi postea principes in ipsam Ecclesiam arma strinxere, pro qua induerant, tum necessum fuit ad solos Pontifices omnem hanc reuolui potestatem. Accipe quæ disserrat Fridericus I. Imp. ad Concilium Papiense à se congregatum an. 1160. apud Radeuicum, l. 2. c. 64.

65. *Quamuis nouerim officio ac dignitate imperij penes nos esse potestatem congregandorum Conciliorum, præsertim in tantis Ecclesie periculis; hoc enim & Constantinus & Theodosius, necnon Iustinianus, seu recentioris memoria Carolus Magnus & Otto Imperatores fecisse memorantur: authoritatem tamen definiendi huius maximi & summi negotij vestra prudentia, vestraque potestati committo. Deus enim constituit vos sacerdotes, & potestatem vobis dedit de nobis quoque iudicandi. Vbi scernas velim, quid iactantia extundat, de potestate cogendæ Synodi; quid exculpat vel inuito veritas, de potestate Synodorum in Imperatores ipsos. Si enim sacerdotibus dedit Deus potestatem iudicandi: num potestatem non dedit iisdem conueniendi ad iudicium? Num mendicare hanc facultatem iussit ab iis, de quibus iudicaturi sunt? Quid dementius in mentem venire cuiquam potest, quam ut iudices à Deo constituti, non possint nisi conuocati ab iis quos iudicaturi sunt, conuenire? Cum præfatus ergo, cum alij complures deinceps principes abuterentur priore illa potestate, cœpere soli Pontifices & iubere & conuocare Synodos œcumenicas, consilio & consensu principum & optimatum vtriusque ordinis prius explorato. Quæ disciplina à veteri inspeciem plurimum, reapse perparum distat. Inuariatum id enim & constantissimis æternæ legis regulis coaptatum semper viguit: ut Ecclesiæ siue per orbem effusæ, siue synodaliter in vnum aliquem locum congregatæ præesset sum-*

mus Sacerdos, Christi Vicarius, Caput sacerdotum omnium, præflet inquam vt caput membris: membra colligaret, membra colligeret & adunaret. Ad id vbi opus foret, vteretur etiam ministerio principatus ciuilis, qui non aliter sacerdotio, quàm vt corpus animæ, vt membra capiti coaptatur. Id & olim valuit, & etiam nunc viget; id in medullâ ipsâ fixum & immutabile est, etsi extima rerum species & veluti cortex aliàs aliter se habere videatur. Gregorius X. in Conc. Lugdun. *Nos cum fratribus nostris, aliisque viris prudentibus, exacto & frequenter tractatu præhabito, de ipsorum consilio generale Concilium, sicut imitatione digna sanctorum Patrum consuetudo laudabilis, longæque observationis exemplum nos instruit, decreuimus congregandum.*

In Florentina Synodo diu altercatum est, cum Romanus Pontifex Ecclesiasticam libertatem suâ ipsius amplitudinis comitem indiuisam retentaret: Græcus Imperator veteres refricaret Synodos, Imperatorum, à quibus conuocata essent, nomina præferentes. Alibi de eâ Synodo copiosius. Vnum hic aduerto, in actis Synodi præceptum non Imperatoris, sed Patriarchæ extare, quo eius quasi nomine Synodus iterum indicitur, à Romano Pontifice iam indicta. Quod pacis, cui tunc laborabatur, studio dispensatum est. Nec tamen Imperatori ea potestas communicata. Inferiùs autem semel iterumque testificatur Marcus Ephesinus Metropolita, canonum inter Græcos scientissimus: *Secutum se æcumenicum Patriarcham, & diuinitus datum Imperatorem ad Synodum.* At act. 25. hæc aiunt Græci: *Admissimus priuilegia Papæ, præterquam duo: Ne conuocet Synodum æcumenicam absque Imperatore, & Patriarchis, si veniant: quod si aduocentur & non veniant, ne propterea impedimento sint, quâ minus Synodus fiat, &c.* At Pontifex respondit: *Authoritatem sibi esse ac facultatem conuocandi Synodum æcumenicam, cum opus fuerit, & omnes Patriarchas parere eius voluntati.* Quin ille ipse nuper editus scriptor historiæ huius Synodi Græcus Episcopus, ha-

XXI. Alia ad idem argumenta ex Florentina Synodo.

rum testis concertationum Imperatoris Græci, pro suo scilicet iure tuendo: sexcentis locis obrutam ab Imperatore lamentatur Ecclesiæ libertatem, obrutamque potestatem omnem Patriarchæ & Episcoporum, eaque de re frequentes Patriarchæ & Episcoporum querelas non filer. Quæ de re alias.

XXII. Iamdiu Imperatores, & Reges intelligunt non posse, nisi à Romano Pontifice Synodos congregari siue iure, siue facto.

Hist. du Differ.
entre Bon. &
Phil. pag. 126.

Vmbra aliquam rei eiusdem suspicari quis posset ad Carolum usque eius nominis quintum defluxisse, ex præfatione Synodi Augustanæ an. 1548. *Cæsarea maiestas hanc Synodorum congregandarum facultatem Germanorum Ecclesiæ veluti olim Constantino Imperatori totus ferè orbis acceptam ferunt.* Sed ad consensionem meram hæc spectare, & ad particulares Germaniæ Synodos, non ad totius Ecclesiæ vniuersales quis non videt? Tridentinam quippe Synodum solus conuocauit, tametsi de Imperatorum Regumque, maximè Christianissimorum Galliæ, consilio, Pontifex; solus conuocare potuit. Quota enim Christianæ reipub. portio à multis iam sæculis pareret istiusmodi imperatqriis iussionibus? Ideo cum Philippus Pulcher & vterque optimatum ordo ad Synodum œcumenicam prouocassent à Bonifacio Papâ, non suam, non Imperatoris potestatem conuocandæ Synodo parem auguratus est, sed ad Cardinales, vt Romanæ Ecclesiæ cardines confugiendum esse sensit, ad eosque scripsit: *Christus Ecclesiam in Petri vocabulo fundauit supra Petram, vosque ipsius columnas Ecclesiæ, fidei cardines, & Apostolorum constituit successores. Quapropter venerabilem cœtum vestrum attentè requirimus, & rogamus, quatenus ad conuocationem & congregationem prædicti Concilij generalis, prout ad vos pertinet, intendatis.* Multa hic præter ius commissa non nescio, vnum id aduerto, recurrentum fuisse ad ipsam Romanam Ecclesiam, & postea ad Clementem V. vt Synodus cogeretur, quam à sæculari principe quouis colligi posse desperabatur.

XXIII. Antedid.
Cua Nicol. Cu-

Cusanus autem l. 2. de Concor. c. 2. suprâ delibato idem astruit argumento. *Habet quisque præsidens in suo gradu*

sibi unitos conuocare, sine quo aut eius vices gerente Concilio nec plenum, nec ritè adunatum censetur. Vnde cum Romanus Pontifex supremus Capitaneus militantis huius Ecclesiae, & princeps in Episcopatu fidei existat; uniuersalia Concilia sine eo ritè, eiusve auctoritate regulariter non celebrantur: sicut nec sine metropolitano prouincialis, aut sine Patriarchâ uniuersalis patriarchalis, aut sine Episcopo diocesana. Et ne in ornamentis imperatorij apicis obmutescere posse putes Cusanum, rursus ille l. 3. c. 13. Ex superioribus habetur, Imperatores sanctos congregationes Synodales uniuersalium Conciliorum totius Ecclesiae semper fecisse. Ita ego perlustrans gesta omnium uniuersalium Conciliorum usque ad octauum, verum esse reperi. Refert mox Helix Presbyteri & Syncelli Throni Hierosolymitani verba in eadem octaua Synodo, hæc nempe: Scitote, quia in præteritis temporibus Imperatores erant, qui congregabant Synodos ex toto orbe terrarum. Addit Cusanus: Et legi in glossâ Anastasij Bibliothecarij Apostolicæ sedis, qui eandem Synodum de Græco transtulit, super eodem dicto, quod uniuersales Synodos de omni terrâ, Imperatores colligere soliti fuerant: locales verò nunquam eos legitur collegisse. Sedandæ denique huius inter Pontificem & Imperatorem conflictationis rationem idem ipse infra extricat c. 15. Ad illud discutiendum dicamus, quod hoc interest inter utriusque conuocationem, quoniam Papa ut primus & habens præceptiuam potestatem ex principatu sacerdotij sui in omnes alios Episcopos, quoad eam congregationem, respicientem uniuersalem Ecclesiam statum, in qua ipse primam curam gerit. Ex qua credita potestate, præcipere habet Christi fidelibus ut conueniant, maximè subiectis omnibus sacerdotibus: Imperator verò exhortatur, & suadet Episcopis, ac præcipit laicis.

In eandem sententiam concessit & Almainus, lib. de XXIV. Item ex
dominio nat. ciu. & Eccles. Dico primò quòd iure diuino Almaino,
summo Pontifici competit auctoritas ordinaria & regularis Concilium generale conuocandi, & nulli alteri. Summo enim Pontifici iure diuino obligatur quilibet fidelis obtemperare, & nulli alteri. Ergo iure diuino soli summo Pontifici regulariter & ordi-

sano multis confirmantur: à quo & pontificæ imperatoris que in hoc negotio potestatis distinctio, ac conciliatio promittitur.

nariè subiiciuntur ceteri Prælati, ut ad eius præceptum teneantur pro-utilitate Ecclesiæ ad certum convenire locum. Et idem denuo l. de autoritate Ecclesiæ c. ult. *Ad nullum auctoritatine spectat congregare Concilium, præterquam ad summum Pontificem ex iure diuino. Probatum sic. Auctoritatine congregare Concilium est, iis qui interesse habent, præcipere, ut ad certum locum conveniant. Sed nullus præter summum Pontificem singulis, qui habent interesse, auctoritatine præcipere potest, ut ad certum conveniant locum ex iure diuino. Ergo nullus præter ipsum auctoritatine congregare potest.*

XXV. Similiter
ex Ioanne Gersonio.

Similiter Ioannes Gerson libellò de Auferib. Papæ: *Fateantur prius, quòd regulariter Concilium generale non est celebrandum, de iure etiam diuino, non vocante vel approbante Papa, si est unicus, nec aduersus eum allegatio, legitima. Eòdem pertinent quæ ille differit tomo eodem primo pag. 179. 263. 264. 291. 371. Item tom. 4. pag. 105. 106. nempe regulariter iure diuino conuocandas à summo Pontifice Synodos vniuersales, etsi extraordinariè aliter quandoque congregatæ sint. Quo postremo loco hæc habentur cæteris intertexta: Post incrementa nascentis Ecclesiæ primitiua, præmissa auctoritas & potestas congregandi generalia Concilia, rationabiliter limitata fuit & restricta, sic scilicet quod sine auctoritate Papa nulli liceret huiusmodi Concilia congregare. Ratio fuit ut honoraretur sedes Apostolica, & ut obuiaretur hæreticis vel schismaticis, qui quandoque ad libitum pro potentia principum secularium Concilia vocari & congregari procurabant, ad suorum errorum fulcimentum. Extraordinariè verò posse coire Concilia œcumenica Romano Pontifice non conuocante, sæpicule quidem clamat Gersonius, nec nos dissimulamus, quin optimo viro acquiescimus Magistro Duallio, par. 4. q. 2. ubi ait: Quæ diximus, regulariter & per se sunt accipienda. Nam si contingeret Concilium œcumenicum Ecclesiæ esse prorsus necessarium, ita ut eius defectu omnia retro sublapsa ferrentur in Ecclesiâ, neque induci posset Pontifex ut illud indiceret: in hoc casu Cardinales posset illud indicare: qui si etiam nollent, primates diuersorum regnorum*

regnorum possent inter se conuenire, & Episcopos sibi subiectos in vnum locum conuocare: quibus etiam renuentibus Episcopi ipsi mutuo hortatu in vnum locum ad Ecclesie rebus prouidendum legitime inter se conuenire possent, &c. Hæc eadem locis suprâ citatis vrget Gersonius, eadem Almainus, ita tamen vt hanc conuocandæ Synodi extraordinariam potestatem neuter eorum adsignet tunc Imperatori, vt propriam & singularem, sed comunem esse iubeat vniuersæ Ecclesiæ, Episcopis, principibus, denique fidelibus omnibus, omnibus nempe in extremo discrimine suos fines exilientibus, & publicas curas induentibus, maxime autem Romanæ Ecclesiæ Cardinalibus.

Quibus consentaneus est Petrus de Alliaco l. de Ec- XXVI. Ex Petro
de Alliaco.
cles. author. c. 3. *Vbi necessitas aut utilitas emeretur, pro
conseruandâ fide, vel bono regimine Ecclesiæ, ad Papam vel in
eius defectu, ad Cardinales pertinet generale Concilium con-
uocare. Et hoc eis conuenit non tam humanâ, quàm diuinâ in-
stitutione, vice & nomine totius vniuersalis Ecclesiæ, quia ipsi
Cardinales succedentes Apostolis in ministerio generali verbi
Dei, &c.* Quæ hætenus & eo tantum consilio à me pro-
muntur, vt lique scat hinc lucidissime, quàm conspira-
re adimatur Imperatori præceptiua Episcopos ad œcu-
menicas Synodos conuocandi potestas: & quàm inserta
inuiscerataque ea sit sedis Apostolicæ Præfuli, quando
ab eo in eius optimates refunditur quodam modo.

Nec Græci recentiores ab hac sententia recesserant, XXVII. Ex re-
centioribus de-
nique Græcis,
itemque anti-
quioribus.
etsi pene obruti mole imperatoriæ potestatis, ipsa tantum
non altaria inuadentis. Congregandæ enim Synodi pote-
statem quantuncumque adeptus esset Imperator: preca-
riam, & obnoxiam tantum, atque ab Ecclesia indultam
fuisse, declarat Symeon Thessalonicensis de sacris Ordi-
nat. par. 2. c. 9. *Imperator eâ de causâ sacram Episcoporum Sy-
nodum conuocat, eâ viens authoritate, sibi antiquitus à diuinis
patribus, vt Ecclesiæ defensori, concessâ.* Patrum ergo atque
Episcoporum propria est hæc authoritas. Romani autem
Pontificis peculiarem esse, etsi iamdiu dissimulant Græci,


non dissimulabat tamen olim Chrysostomus, cum Innocentium; non Eutyches, cum Leonem; non Flavianus, cum eundem Leonem & œcumenicum Concilium appellabat. Vnâ enim atque eâdem operâ Romanos Pontifices & œcumenicas Synodos ab illis congregandas appellabant, vt infra accuratiùs suo loco demonstrabitur. Non dissimulabat Cyrillus, qui Concilium Ephelinum conuocauit illico, vt personam induit & vices Romani Antistitis, teste Liberato c. 5. *Porro Cyrillus cum suis, habens vices sedis Apostolica, Concilio euocato ducentorum Episcoporum, Nestorium vocauerunt.* Non dissimulabant Patres Synodi CP. primæ, cum ad Damasum scriberent, *Concilium voluntate ac nutu Dei Romæ conuocantes, nos velut propria membra perepistolas Deo amantissimi Imperatoris accersuistis.* Non dissimulabant Patres sextæ Synodi, cum, vt suprâ relatum est, Imperatori ad conuocandas Synodos Romanum præ cæteris omnibus Ecclesiæ principibus consociabant. Non dissimulabat denique Socrates l. 2. c. 13. cum ex Iulij Papæ sententia ait, *vetari Ecclesiastico canone, absque sententia Romani Antistitis, Ecclesiis canones sancire: siue vt Cassiodorus vertit hist. tripart. l. 4. c. 3. Concilia celebrare.*

xxviii.

XXVIII. Longè melior Ecclesiæ nunc quàm olim in hac parte conditio.

Finem dicendi facio, & reliqua, de Synodorum maxime particularium conuocatione, in proprias singularium Conciliorum obseruationes differo; vnum hoc antè professus, magnam nostris & superioris æui principibus gratiam habere eos omnes, quibus Ecclesiæ Christi sponsæ maiestas cordi est, & libertas. Conuocant enim illi etiamnum Synodos seu generales, seu particulares, sed tantâ pietatis & modestiæ luce, vt discreta sacerdotij atque imperij iura effulgeant. Vbi Synodum enim indixit, conuocauitque Pontifex, tum illi suæ quisque ditionis Episcopos eò conuolare urgent. Quod autem rarissimas hinc quidam mustant Synodos colligi, aut imperitè, aut inconsideratè faciunt. Veniat in mentem innumerabilium Synodorum, quas inconsultis & inuitis Pontificibus Imperatores olim coëgere in perniciem fidei Catholicæ.

Recurrat animo quàm multa olim maximi momenti sine Synodis profligata sint. Vbi maximè opus erat, tunc per sæpe negatas à principibus Synodos pensitent; vbi importunum erat, acceleratas. Augustinum meminerint Pelagianis œcumenicam Synodum petentibus, os obturasse, atque ostendisse complurimas hæreses sine congregatione Synodi oppressas. Gregorium Nazianzenum, & Martinum Turonensem recordentur, quàm alieni fuerint à frequentia Synodorum. Quanquam ergo saluberrima sit Conciliorum congregatio ex Augustino; si Pontifices tamen incumbentem quancumque difficultatem aliter & commodiùs & compendiosiùs explicari posse arbitrabuntur, sanctissimorum antiquissimorumque & prædecessorum & aliorum patrum iudicio moribusque accommodatè facient. Libertas autem si quibus minor sub Pontifice, quàm sub Imperatore fuisse videtur, næ illi nimium somniculosi in euoluendis priscarum Synodorum monumentis fuere, aut eas nec summis fortè digitis attigere. Principes gentium dominantur earum, Pontifices non dominantur in clero: & vt dominari fingantur, mitiùs vtique, quàm inermes. Postquam enim magnificentia etiam, & pompa conuocationis Synodorum penes Pontifices ferè solos fuit, num prædatoria vsquam grassata est Synodus in fidem Ecclesiæ, in vitam Pontificum? Numqua Tyriæ similis, aut Mediolanensi, aut Ariminensi, aut Ephesinæ secundæ, aut vt cæteras taceam innumeras, tot Constantinopolitanis aduersus duas Christi voluntates, aduersus sacras imagines? Nuncubi carceres aut vincula crepuere? num exilia aut neces? Num Cyrillus quispiam carceratus, num interemptus Flavianus, ne Martinos, ne Stephanos, ne Theodoros commemorem? Denique decreta ipsa Synodica improbè quidem, sed tamen imperatoria potestate extorqueri cauillabantur hæretici. Vide Epiphanium in Audianis, qui statutam de Paschæ die legem Nicænam, ab Imperatore, non à Synodo mentiebantur conscriptam. At decreta Synodica scribere, Pontificum est.



DISSERTATIO IV.

IN

SYNODVM GANGRENSEM.

SYNOPSIS.

Vnanimi Patrum Latinorum, Græcorumque suffragatione euincitur, longè plurimas hæreses iam inde ab incunabulis Ecclesie confectas, obtritasque fuisse sine Synodis solo Episcoporum consensu: vel Synodis localibus, firmatis consensione Episcoporum & Ecclesiarum totius orbis. Synodos œcumenicas nec ipsis hæreticis in mentem venisse: aut si venerint, & ad has prouocauerint, plerumque has velut tergiuersationes explosas fuisse. Ad num. vsque XXIII. Idem efficitur ex recentioribus Theologis ad num. vsque XXIX.

Consensio ista vniuersalis Ecclesie, qua authorantur Synodi particulares, vel Ecclesiarum sententia sine Synodis, ad nutum & consensionem sedis Apostolica religata fuisse ostenditur: eam enim in definienda fide semper ducem praïsse. Ad num. vsque XXXVII.

Deinceps declaratur qualescunque Episcoporum conuentus, vel sine conuentu concensus Synodicam authoritatem obtinuisse.

I. Ab exordio Ecclesie sine Synodis solo Ecclesiarum consensu oppressæ complures hæreses. Ex Eusebio prolixè id demonstratur.

COMPLURA secantur hæresum capita in hac Synodo, vt ex singulis eius liquebit canonibus, et si illa particularis tantum & paucorum fuerit Episcoporum. Nec vllò tamen postea maiore, aut œcumenico Concilio opus fuit, vt quasi decretorio iudicio res finiretur. Sexcentæ quippe hæreses ante Nicænam Synodum exortæ, oppressæque sunt, aut particularibus tantum Synodis, aut solâ Ecclesiarum sine Synodis consensione.

Consule Eusebium l. 3. cap. 26. 27. 28. 29. Menandrum, Ebionem, Cerinthum, Nicolaum cum gregalibus suis perspicies proscriptos citra Synodos, solâ Apostolicæ fidei in Ecclesiis conscientia. Et lib. 4. cap. 7. aduersus Saturnini, & Basilidis, aliorumque in dies pullulascantium impietatem, nullæ coalescunt Synodi, sed Ecclesia per uniuersum orbem instar clarissimorum siderum fulgent, & viget in omne genus humanum fides Christi, &c. Plurimi Ecclesiastici viri patrocinium veritatis suscipiunt, & pro Ecclesiastica, Apostolicaque doctrina disertissimè decertant, &c. Et aduersariorum quidem inuenta à semetipsis confutata, confestim extincta sunt, aliis super alias exorientibus sectis, cum priores assidue disfluerent, & in multiplices ac multiformes errorum species vario quoque modo euanescerent. Catholica autem Ecclesia, quæ sola vera est, semperque sui similis & constans, nouis quotidie incrementis augebatur, &c. omnium oculos non modò Græcorum, verum etiam Barbarorum perstringens, &c. Mansitque tandem disciplina nostra, sola omnium consensu superior & victrix. Et cap. 11. Valentini, Cerdonis, Marcionis, Marci præstigias & mendacia memorat; & solo Ecclesiæ sole dissipata fuisse innuit. Et c. 29. Tatianum ab Ecclesiâ defecisse monet. Eodem & sequente quinto libro complures hæreses, nullas Synodos memorat, donec ad Montanistas & Cataphrygas c. 16. perlapsus, *Hi perpanci*, inquit, *erant Pbryges, huiusmodi fraude decepti. Vniuersam* vero, *quæ per orbem terrarum sparsa est, Ecclesiam*, idem ille arrogantissimus spiritus maledictis appetere eos docebat, eà quòd nec honorem, nec aditum ullum ad ipsam pseudopropheticus spiritus reperiret. Nam cum fideles qui in Asia erant, sapius & in plurimis Asia locis conuenissent, nouamque illam doctrinam examinassent, & prophanam atque impiam iudicassent, damnatâ hæresi, isti ab Ecclesiâ, & fidelium communione expulsi sunt. Hæc ibi ex Apollinari Hierapolytano, vbi primum audis Synodos in Asiâ aduersus Montanum coactas, sed præ cæteris, *uniuersa per orbem omnem terrarum sparsa Ecclesia* aduersus illum conspirationem. Et c. 18. de

- Montani assecla, ex Apollonio, *ausus est in Dominum, in Apostolos, & in sanctam Ecclesiam impiè loqui.* Et cap. 20. Irenæus aduersus Florinum hæreseos nouæ signiferum scribens, *Hæc dogmata, inquit, dissentiunt ab Ecclesiâ, &c. Hæc dogmata, hi qui ante nos vixere presbyteri, qui etiam Apostolorum discipuli extiterunt, nequaquam tibi tradidere.* Et c. 19. Serapion Antiochenus Episcopus aduersus Cataphrygas scribens epistolam, *Atque ut sciatis, inquit, qualiter vniversa, quæ in terris est, fraternitas operationem illam simulata factionis, quæ noua prophetia nominatur, auersata atque abominata est.* Addit Eusebius: *Aliorum complurium Episcoporum idem sentientium propriis ipsorum manibus appositæ subscriptiones in illâ Serapionis epistolâ leguntur.* Synodi itaque instar habebat hæc subscribentium Episcoporum consensio. Et c. 21. l. eiusdem 5. Artemonis discipuli, Christum merum hominem blatterantes, *affirmant priuscos quidem omnes, & ipsos Apostolos ea quæ ab ipsis nunc dicuntur, & accepisse & docuisse, usque ad Victoris Papa tempora: Zephirini autem temporibus adulteratam esse veritatem: aduersus quæ statim excipitur à Victore ipso Theodotum Coriarium, qui nudum hominem Christum esse asseruit, ab Ecclesiâ eiectum esse.* Meminit idem l. 6. c. 33. Synodi aduersus Beryllum Bostrorum Episcopum: & cap. 37. aduersus Arabas in fide similiter aliquid nouantes. Et c. 43. aduersus Nouatum & Catharos, *Cùm Roma congregata esset Synodus, in quâ sexaginta quidem Episcopi, Presbyteri verò ac Diaconi multò plures conuenerunt. Cumque in prouinciis Antistites, quid agendum esset, singuli consultaissent, huiusmodi decretum cunctis promulgatum est, &c. Extant Epistola Cornelij Papa ad Fabium Antiochenum, in quibus & Romana Synodi gesta, & omnium per Italiam, & Africam, aliasque locorum illorum prouincias sententia declarantur.* Mox ait Cornelium epistolæ suæ subiunxisse, non eorum tantum Episcoporum nomina, qui in urbem Romam conuenientes, Nouati amentiam damnauerant; sed eorum etiam, qui Rome quidem minimè affuerant, superiorum tamen

Episcoporum sententiam literis approbauerant; vocabula simul & ciuitates unde singuli literas dederant, accuratè commemorantem.

Et l. 7. c. 24. Nepotis in Ægypto Episcopi Iudaica quædam somnia, Dionysius Alexandrinus convocatis Presbyteris & Doctoribus, qui fratribus per vicos præerant, examinat opprimitque. Et c. 27. 28. 29. aduersus Paulum Samosatenum conuenit Antiochiæ Synodus prior & postrema plurimorum valde Episcoporum.

Ex his autem dilucidum fit, rariora ac pene nulla, nisi senescente secundo sæculo, coacta memorari Episcoporum Concilia: exinde autem sensim cœlescere ea cœpisse, nulla tamen nisi prouincialia, vel localia ante Nicænum coisse. Et interim tamen emersere multò plures & atrociores, sopitæque & compressæ sunt hæreses nihilo difficilius, quàm postea. Igitur fidei regula non penes Synodos tantum est, sed penes Episcopos, & Ecclesias etiam singulas, sedesque maximè Apostolicas. Et cum regulæ fidei assertrices, hæresumque auerruncatrices laudantur, non vniuersales tantum, aut generales, sed prouinciales etiam & locales intelliguntur Ecclesiarum consensiones, & coitiones. 2. Sine Synodis instar quoddam Synodorum erat, ipsa Episcoporum inter sese per epistolas communio, dogmatumque communicatio, & vltro citroque disceptata deliberatio; & complurium Pontificum in vnius alicuius principis dogmaticam epistolam subscribentium coniuratio Ecclesiastica. 3. Sine Synodis instar habebat. Synodi consultatio tum vfitatissima singulis Episcopis, in Presbyterorum, Diaconorum, & Doctorum parœciæ suæ conuentu, de quolibet incurfante fidei, vel disciplinæ capite ambiguo. 4. Sine Synodis generalibus, instar quoddam Concilij œcumenici habebat, plurium per omnes orbis Christiani plagas particularium Synodorum pertractatio, & consiliorum communicatio, vltro citroque commeans, & in idem fidei vinculum conspiratio. 5. Denique sine Synodis generalibus instar erat Synodi œcumeni-

II. Vel sine Synodis, vel particularibus tantum Synodis obertas sufficienter hæreses, ex consensione omnium Ecclesiarum.

cæ, quælibet particularis Synodus, cum actis & decretis eius reliqua Ecclesiæ per orbem totum crescentis vniuersitas, vel per Synodos alias prouinciales, vel per epistolas, vel tacito consensu per indissociabile communionis vinculum suffragabatur. Vniuersim enim ex Scripturarum, Patrumque concentu liquidissimum est, Ecclesiæ ipsi desponsam oppigneratamque esse à Christo fidei veritatem inconcussam, siue illa in Synodos confluat, siue per epistolas consultet, siue silentio antiquitatis & traditionis retinentissimo nouitates diluat. Nec enim ante Synodos errat Ecclesia, & in Synodis capitulinodiam: neque si prohibeantur Synodi hostili vi aliqua, in errorem vnquam delabetur columna veritatis: nec Synodus tantum, sed Ecclesia ipsa ante Synodos & sine Synodis *in nomine Christi congregata est*, & in medio sui, habet Christum, & Spiritus sancti Oraculum. Ad hæc expende quæcumque supra ex Eusebio acruata sunt; hæreses enim primum nascentes conterebant, vel Episcopi vel Ecclesiæ singulares sine Synodis, vel Synodi particulares; & ita irreuocabiliter prorsus damnatæ, contritæque toto orbe habebantur. Adeo quorumlibet Episcoporum sigillatim, & quarumlibet Episcopalium synodorum particularium erat hæreses proscribere: & vbi vel expressus vel tacitus reliquarum Ecclesiarum consensus accessisset, iam prouocandi aut diutius tergiuersandi locus nullus supererat. Tacitus autem ille Ecclesiarum reliquarum consensus, non alio significabatur argumento, quàm ipso silentio, & continuato Ecclesiasticæ communionis fœdere cum Romano sedis Apostolicæ Præsule, vt infra dicetur.

III. Idem ex Irenæo prolixè ostenditur, Ecclesias ipsas & earum Præsules sine Synodis sufficere damnandis hæresibus.

Atque vt Eusebio ipso antiquiores accersamus fideiufsores, aderit primùm Irenæus l. 1. c. 2. & 3. *Ecclesia enim per vniuersum orbem vsque ad fines terra seminata, & ab Apostolis & à discipulis eorum, accepit eam fidem quæ est, &c. Hanc prædicationem cum acceperit & hanc fidem Ecclesia, & quidem in vniuersum orbem disseminata, diligenter custodit, quasi vnā domum*

domum inhabitans; & similiter credit his, videlicet quasi unam habens animam, & unum cor: & consonanter hac predicat, & docet, & tradit quasi unam possidens os. Nam etsi in mundo loquela dissimiles sunt, sed tamen virtus traditionis una & eadem est. Et neque ha qua in Germania sunt fundata Ecclesia aliter credunt aut aliter tradunt; neque ha qua in Hiberis sunt, neque ha qua in Celtis, neque ha qua in Oriente, &c. Sed sicut Sol creatura Dei in uniuerso mundo unus & idem est; sic & lumen, praedicatio veritatis ubique lucet & illuminat omnes homines qui volunt ad cognitionem veritatis venire. Hoc ille ariete euertit omnes hæreses; non Synodum allegat, sed vniuersalis Ecclesiæ; ubique terrarum consentientis doctrinam, quæ instar habet iugis & indefinentis & œcumenicæ Synodi; ita vt Nicæna Synodus nihil aliud possit edicere, quàm Ecclesia Catholica credit. Et l. 3. c. 40. Fidem, inquit, perceptam ab Ecclesia custodimus, & qua semper à Spiritu Dei, quasi in vase bono eximium quoddam depositum, inuenescens & inuenescere faciens ipsum vas, in quo est. Vbi Ecclesia, ibi Spiritus Dei. Et ubi spiritus Dei, illic Ecclesia; & omnis gratia. Spiritus autem veritas. Et idem l. 3. c. 2. ait oppugnari hæreticos bifariam, vel Scripturis, vel cùm ad eam iterum traditionem, qua est ab Apostolis, qua per successionem presbyterorum in Ecclesiis custoditur, pronocamus eos, &c. Et c. 3. Traditionem itaque Apostolorum, inquit, in toto mundo manifestatam, in Ecclesiâ adest perspicere omnibus, qui vera velint audire; & habemus numerare eos, qui ab Apostolis instituti sunt Episcopi in Ecclesiis, & successores eorum vsque ad nos, qui nihil tale docuerunt, neque cognouerunt, quale ab his deliratur. Successionem mox recenset Ecclesiæ Romanæ fundatæ à Petro & Paulo, & traditionem ibi seruata, in quâ semper ab his qui sunt undique, conseruata est ea, qua est ab Apostolis traditio: & cùm Episcopos omnes Romanos ad sua vsque tempora numerasset, Hac ordinatione, inquit, & successionem, ea qua est ab Apostolis in Ecclesia traditio & veritatis praconatio, pervenit vsque ad nos. Et infra: Sed & qua est Ephesi Ecclesia, à Paulo quidem fundata, Ioanne autem per-

manente apud eos usque ad Traiani tempora, testis est verus Apostolorum traditionis. Et c. 4. Non oportet apud alios quærere veritatem, quàm facile est ab Ecclesiâ sumere, cum Apostoli quasi in depositarium dines, plenissimè in eâ contulerint omnia, quæ sunt veritatis, ut omnis quicumque velit, sumat ex eâ potum vite. Et paulò post, Quid enim, & si qua de aliquâ modicâ questione disceptatio esset, nonne oporteret in antiquissimas recurrere Ecclesias, in quibus Apostoli conuersati sunt; & ab eis de præsentis questione sumere, quod certum, & re liquidum est? Quid autem si neque Apostoli quidem Scripturas reliquissent nobis, nonne oportebat ordinem sequi traditionis, quam reliquerunt iis quibus committebant Ecclesias; cui ordinationi assentiunt multe gentes Barbarorum, eorum, qui in Christum credunt, sine charactere & atramento scriptam habentes in cordibus suis salutem, & veterem traditionem diligenter custodientes, &c. Et l. 4. c. 43. Quapropter, inquit, eis qui in Ecclesiâ sunt presbyteris obaudire oportet, his qui successionem habent ab Apostolis, qui cum Episcopatus successionem charisma veritatis certum, secundum placitum Patris exceperunt. Et c. 63. Agnitio, inquit, vera est Apostolorum doctrina, & antiquus Ecclesia status in vniuerso mundo, & charactere corporis Christi, secundum successiones Episcoporum, quibus illi eam, qua in vnoquoque loco est, Ecclesiam tradiderunt, quæ peruenit usque ad nos. Et l. 5. c. 1. Perfecit Christus, inquit, Apostoli verò tradiderunt, à quibus Ecclesia accipiens, per vniuersum mundum sola bene custodiens, tradidit filiis suis. Et eodem l. infra c. 20. Eorum qui ab Ecclesiâ sunt, semita, circuiens mundum vniuersum, quippe firmam habens ab Apostolis traditionem, & videre nobis donans omnium unam & eandem esse fidem. Et mox, Qui ergo relinquunt Ecclesia præconium, imperitiam sanctorum presbyterorum arguunt, non contemplantur quantum pluris sit idiota religiosus, à blasphemo & impudente Sophistâ. Ex his, ut opinor, luminis & præsidij plus satis accedit iis quæ suprà præstruximus. Quibus concinit Clemens Alexandr. l. 6. Strom. Cognitio ipsa est, quæ per successionem ad paucos ex Apostolis absque scriptis tradita peruenit. Et l. 7. Homo Dei esse,

• & Domino fidelis esse perdidit, qui aduersus Ecclesiasticam recalcitranit traditionem: & in humanarum harescon desiluit opiniones. Et infra, Clarum est ex antiquissimâ & verissimâ Ecclesiâ has recentiores, & quæ his sunt adhuc inferiores, tempore fuisse innovatas adulterinae notæ hareses. Vna est vera Ecclesia, ea quæ est antiqua. Ecclesia eminentia sicut initium constructionis, est ex unitate, omnia alia superans, & nihil habens sibi simile, vel æquale. Ubique Ecclesiam, nusquam Synodos obiecit hæreticis. Summa capita annotabo, vbi & Tertullianum his adprimè consentaneum ostendero.

Tertullianus ergo concinit per omnia Irenæo lib. de præscript. Deinc in orbem, inquit, profecti Apostoli, eandem doctrinam eiusdem fidei nationibus promulgauerunt, & proinde Ecclesias apud unamquamque ciuitatem condiderunt, à quibus traducem fidei & semina doctrina, cetera exinde Ecclesia mutuata sunt, & quotidie mutantur, ut Ecclesia fiant. Ac per hoc & ipsa Apostolica deputantur, ut soboles Apostolicarum Ecclesiarum. Omne genus ad originem suam censeatur necesse est. Itaque tot & tanta Ecclesia, una est illa ab Apostolis prima, ex qua omnes. Sic omnes prima & omnes Apostolica, dum unam omnes probant unitatem. Communicatio pacis, & appellatio fraternitatis, & contesseratio hospitalitatis, quæ iura non alia ratio regit, quàm eiusdem Sacramenti una traditio. Et paucis interiectis: Quid prædicauerint, inquit, Apostoli, quid illis Christus reuelauerit, & hic præscribam, non aliter probari debere, nisi per easdem Ecclesias, quas ipsi Apostoli condiderunt, ipsi eis prædicando, tam viuâ voce, quàm per epistolas postea. Si hæc ita sunt, constat proinde omnem doctrinam, quæ cum illis Ecclesiis Apostolicis matricibus & originalibus fidei conspiceret, veritati deputandam, id sine dubio tenentem, quod Ecclesia ab Apostolis, Apostoli à Christo, Christus à Deo suscepit: reliquam verò omnem doctrinam de mendacio præiudicandam, quæ sapiat contra veritatem Ecclesiarum, & Apostolorum, & Christi, & Dei. Et infra: Age nunc, inquit, omnes errauerint Ecclesiæ, nullam respexerit Spiritus sanctus, ut eam in veritatem deduceres, ad hoc missus à Christo, ad hoc postulatus

IV. Idem ex Tertulliano aperitur.

de Patre, ut esset doctor veritatis: neglexerit officium Dei villicus, Christi vicarius, sinens Ecclesias aliter interim intelligere, aliter credere, quam ipsi per Apostolos predicabat. Ecquid verisimile est, ut tot & tanta in unam fidem errauerint, variaſſe debuerat error doctrina Ecclesiarum. Caterum quod apud multos unum innenitur, non est erratum, sed traditum. Et infra singulares recitat Ecclesias Apostolicas, de doctrina fidei percontandas, Corinthum, Philippos, Thessalonicam, Ephesum, Romam præ cæteris, Videamus quid didicerit, quid docuerit, cum Africanis quoque Ecclesiis contesserarit. Et l. 1. contra Marcionem, Non alia agnoscenda erit traditio Apostolorum, quam quæ hodie apud ipsorum Ecclesias editur. Et l. 4. aduersus eundem: Constabis id esse ab Apostolis traditum, quod apud Ecclesias Apostolicas fiderit sacrosanctum: Videamus quod lac à Paulo Corinthij hauserint, ad quam regulam Galata sint recorrekti, quid legant Thessalonicenses, Philippenses, Ephesij, quid etiam Romani, &c. Habemus & Ioannis alumnas Ecclesias. Nam etsi Apocalypsin eius Marcion respuit, ordo tamen Episcoporum ad originem recensius, in Ioannem stabit authorem. Sic & cæterarum generositas recognoscitur. Dico itaque apud illas, nec solas iam Apostolicas, sed apud universas, qua illis de societate Sacramenti confæderantur, &c. Et l. 5. aduersus Marcion. Hoc probabit Apostolus dicens, &c. veritatis Evangelij quod pervenit ad vos, sicut & in totum mundum. Nam si iam tunc traditio Evangelica ubique manauerat, quanto magis nunc? Porro si nostra est, qua ubique manavit, &c.

V. Summa doctrinæ Irenæi & Tertulliani.

Pluribus tempero. Ex his autem, in quibus tam bellè conuenit Irenæo & Tertulliano, aduerte 1. de Synodis ubique apud vtrumque altum in his esse silentium, præscribi aduersus hæreticos solâ autoritate Ecclesiæ, ad hanc illos conueniri, ad hanc prouocari, quod in eam quasi in depositarium diues plenissimè omnia contulerint Apostoli qua sunt veritatis; ut omnis quicumque velit, sumat ex ea potum vite. Quod doctrinam suam Ecclesia ab Apostolis, Apostoli à Christo, Christus à Deo suscepit. 2. Ecclesiam

porro istam, à quâ scitanda, hauriendaque sint oracula veritatis, esse illam vniuersalem, quæ totum orbem occupauerat iam inde ab Apostolorum æuo; *quantò magis nunc?* Cui Spiritus sanctus à Christo missus, de Patre postulatus doctor veritatis. Quam Spiritus sanctus Christi vicarius non potuit, nisi negligeret officium suum, sinere aliter credere, quàm ipse per Apostolos predicabat. Quæ tot & tantis Ecclesiis cùm constet, non potuit in unam fidem errare. Variasse enim debuerat error doctrina Ecclesiarum. Ceterum quod apud multos unum inuenitur, non est erratum, sed traditum. Quæ denique toto orbe unam animam habens & cor, unum os possidens, unam fidem & traditionem prædicans, instar habens Solis, qui vnus in vniuerso orbe lucet, & omnes illuminat, nullius potest hominis esse figmentum. 3. Sed & singulares quilibet Ecclesias, sedesque Episcopales consulendas in omni lubricâ questione, & audiendas esse, quia traditio quæ est ab Apostolis per successiones Presbyterorum in Ecclesiis custoditur, & ad hanc prouocantur omnes hæretici. Quia habemus numerare eos qui ab Apostolis instituti sunt Episcopi in Ecclesiis, & successores eorum vsque ad nos, qui nihil tale dormerunt. Quia ordinem traditionis reliquerunt Apostoli iis quibus committebant Ecclesias. Quia multe gentes Barbarorum sine Scripturis Christo credunt, sanamque fidem ex traditione Ecclesiæ suæ custodiunt. Quia Presbyteri Ecclesiæ, cum Episcopatus successione charisma veritatis certum exceperunt. Quia Ecclesiæ omnes Apostolicæ sunt, id est, vel ipsæ ab Apostolis progeneratæ primùm, vel ab Apostolicis Ecclesiis seminatæ: & ita originaliter Apostolicæ, sicut Episcopi omnes Apostolorum sunt successores. Quia denique omnes Ecclesiæ, fraternitate, communione, & contestatione vnus Sacramenti, vna Ecclesia est. 4. Sed præsertim tamen ad antiquissimas Ecclesias, ut ait Irenæus, ad Apostolicas matrices & originales, ut docet Tertullianus recurrendum esse: ad eas quas viuâ voce Apostoli, quas per literas, quæ leguntur illic etiam-

num, seminarunt. Et ante ceteras ad Ecclesiam Romanam, ut ait idem Irenæus, ob potentiorē eius principalitatem: & ut ait Tertullianus, cui *Euangelium Petrus & Paulus sanguine quoque suo signatum reliquerunt*. 5. Sed ita particulares Ecclesias sedesque Episcopales, vel percontandas, vel incontanter audiendas, quandiu suā cum aliis omnibus Ecclesiis communione, vnum fidei sacramentum contesserant. Hac enim communione, *tot & tanta Ecclesia, una est illa ab Apostolis prima, ex qua omnes. Sic omnes primæ, & omnes Apostolica, dum unam omnes probant unitatem*. Sic omnes vna, sic extremæ prima, sic singulæ & particulares tota & vniuersa. Omnes enim in singulis, & vniuersa in quibuscumque est, dum ubique in vnum corpus conspiratur, & in vnum spiritum. 6. Concilia autem laudantur à Tertulliano, *per quæ & altiora quæque in commune tractantur, & ipsa representatio totius nominis Christiani, magnā veneratione celebratur*. Illis ergo maiestas, veneratio, veracitas, & nescia erroris fides inde conciliatur, quod sint *representatio totius nominis Christiani*: hoc est, quod quæ ubique locorum & prius semperque in singulis Ecclesiis ab omnibus Episcopis catholicā communione fruētibz fides tenebatur: ea in Concilio retineatur, & pompaticè, vnoque veluti ex ore vniuersi generis humani promulgetur.

VI. Rursum ex
Cypriano.

His addes, si voles, Cyprianum, qui lib. 1. epist. 3. *Neque enim, inquit, aliunde hereses oborta sunt, aut nata sunt schismata, quam inde quod sacerdoti Dei non obtemperatur. Nec vnus in Ecclesiā ad tempus sacerdos, & ad tempus index vice Christi cogitatur: cui si secundum diuina magisteria obtemperaret fraternitas vniuersa, nemo aduersum sacerdotum collegium quidquam moueret, &c. nemo dissidio unitatis Christi Ecclesiam scinderet, nemo sibi placens & tumens seorsum foris nouam heresin conderet, &c.* Et lib. 3. epist. 13. *Quam vanum est, ut Nouatiano nuper retuso & refutato, & per totum orbem à sacerdotibus Dei abstituto, nunc adulatores adhuc nobis patiamur illudere, & de maiestate ac dignitate Ecclesia iudicare.* Et rur-

sum l. 1. epist. 3. ait, *Prinatum veterem hæreticum in Lambesitana prouincia, ante multos annos nonaginta Episcoporum sententiâ condemnatum.* Quibus si addas, quæ in præfatione Ancyranæ Synodi suprâ, ex eodem Cypriano decerpimus, manifestè perspicies 1. quæ Irenæi & Tertulliani æuo rariora erant Concilia, passim iam & numerosa temporibus Cypriani congregata fuisse. 2. Quæ ab vno, vel paucis Episcopis alicubi in hæreses nouas decreta fuerant, ea protinus cæteris communicata fuisse Ecclesiis, & approbata, & in auctoritatem vniuersalis Ecclesiæ recepta: quia vnus toto orbe Episcopatus indissociabili collegio, & fidei vinculo sibi cohærebat. 3. Vice Concilij œcumenici id fuisse tunc, quod nouellus quisque hæreticus *refutaretur & retunderetur, & abstineret per totum orbem à sacerdotibus Dei.* Quid enim oberrât locorum intercapedo, cum omnes vbique gentium Episcopi, velut vno spiritu, vnoque ore, ad hæresin, hæreticumque damnandum conuenirent, conspirarentque? 4. Nulli prouinciali Concilio nouellam hæresin damnanti obtrectari, vel derogari poterat, cui nimirum summa statim & ineluctabilis auctoritas vniuersæ Ecclesiæ conciliabatur, cæterarum omnium Ecclesiarum, & Episcopaliū sedium, vel tacitâ, vel expressâ consensione.

Atque vt cæteros quoque vnâ conglobem in vnum veluti cuneum, Pacianus epist. 1. ad Sympron. *Parua nobis de Apostolicis viris, parua de primis sacerdotibus, parua de beatissimo Cypriano martyre atque doctore currit auctoritas? An volumus docere doctorem? Quid tot earum partium sacerdotes, quos per totum orbem cum eodem Cypriano pax vna solidauit? Quid tot annosi Episcopi, tot martyres, tot confessores? Et* epist. 3. aduersus eosdem Nouatianos, *Age, inquires, cerremus exemplis, & ratione pugnemus. At ego huc vsque securus, ipsâ Ecclesiæ serie, congregationis antiquæ pace contentus, nulla discordia studia didici, nulla certaminum argumenta quasiui. Tu postquam à reliquo corpore segregatus es, &c.* Cumque Nouatianus obiectaret, Ecclesiam esse Virginem

VII Idem ostenditur ex Paciano & Oprato.

sanctam, castissimis sensibus, &c. reponit ipse esse etiam Ecclesiam, fecundam vitam in lateribus domus Domini, matrem adolescentularum quarum non est numerus, unam speciosam columbam, &c. Ecclesia plenum est corpus & solidum, & toto iam orbe diffusum, non ut vos estis Novatiani, quadam insolens portiuncula, tuberque collectum, à reliquo corpore separatum. Ecclesia est templum Dei, templum amplificum, domus magna, &c. Multus huic virgini parvus & proles innumera, quâ totus orbis impletur, &c. Quanquam in Novatianos collectæ fuerant Synodi particulares multæ, nullius earum meminit Pacianus, sed eos validissimè impetit conteritque vniuersali Episcopatus toto orbe sparsi, & sibi coherentis, vniuersali & ineluctabili authoritate Ecclesiæ Catholicæ orbem vniuersum occupantis, & paucitatem hæreseos cuiuslibet obruentis. Huic enim authoritati vniuersali particulares illæ Synodi implicabantur. Optatus Mileui.

l. 1. Videndum est quis in radice cum toto orbe manserit, quis foras exierit. Et l. 2. Ergo quia probamus eam esse Ecclesiam Catholicam, quæ sit in toto terrarum orbe diffusa, &c. Et mox, Cathedra unica sedit prior Petrus, cui successit Linus, &c. Damaso Siricius hodie, qui noster est socius, cum quo nobis totus orbis commercio formatarum, in unâ communionis societate concordat. Identidem inculcat, Catholicos esse qui communicant memoriis sanctorum Apostolorum, & Ecclesiis quas fundauerunt Apostoli: at hæreticos, unitatem cum toto orbe terrarum, & cum memoriis Apostolorum habere noluisse. Nusquam Concilia hæreticis intentat, semper unitatem, consensionem, communionem Episcoporum vniuersalis Ecclesiæ.

VIII. Item fusè
ex Hieronymo,

Hieronymus aduersus Vigilantium sic insurgit, *Malè facit ergo Romanus Episcopus, qui super mortuorum hominum Petri & Pauli, secundum nos, ossa veneranda: secundum te, vilem pulvisculum, offert Domino sacrificia: & tumulos eorum, Christi arbitratu altaria? Et non solum vnius urbis, sed totius orbis errant Episcopi, qui cauponem Vigilantium contemnentes, ingrediuntur basilicas mortuorum, &c. Viden ut Romani Episcopi*

Episcopi sententiam, & cæterorum orbis Episcoporum consensionem etiam sine Synodis, satis præsidij esse putet, ut nouitati hæreseos os obstruatur? Et adu. Lucifer. paulò ante finem, *Poteram, inquit, diem istiusmodi eloquio ducere, & omnes propositionum riuulos vno Ecclesiæ sole siccare. Verùm breuem tibi apertamque animi mei sententiam proferam, in illâ esse Ecclesiâ permanendum, quæ ab Apostolis fundata, usque ad diem hanc durat.* Et superiùs acriter exarserat in eos, qui Ecclesiam à sua vniuersitate in angulum contruderent: *Allocutio Patris impleta est, Postula à me, & dabo tibi gentes hereditatem tuam, & possessionem tuam terminos terra. In sole posuit tabernaculum suum, &c.* Et ubi isti sunt nimium prophani, qui plures Synagogas asserunt esse, quàm Ecclesias? &c. Si Ecclesiam non habet Christus, aut si in Sardinia tantum habet, nimium pauper factus est, &c. Quæ illo pertonat in Luciferianos Alexandrinæ Synodo & dispensationi ibi constitutæ non acquiescentes, ideoque ab Ecclesiæ vniuersæ vinculo desciscentes. Et in Epitaphio Paulæ, *Igitur iuxta Ecclesiarum traditiones & Apostolum Paulum, &c.* Et in epist. ad Demetriadem, *Vt sancti Innocenti qui Apostolica Cathedra & supradicti viri successor & filius est, teneas fidem, &c.* Et paulò antè, Anastasius vir dirissima paupertatis & Apostolica sollicitudinis statim noxium perculit caput, & sibilantia Hydra ora compescuit. Ita ille sine œcumenicis Synodi & Pelagianos ab Innocentio, & Origenistas ab Anastasio damnatos testatur. Et in Apologi aduer. Ruff. *Et tamen mædè quomodo probauerit Italia, quod Roma contempsit? Episcopi susceperint, quod fides Apostolica condemnavit?* Et in epist. ad Theophilum, *Scitis nihil nobis esse antiquius, quàm Christi iura seruare, nec patrum transire terminos, semperque meminisse Romanam fidem Apostolico ore laudatam, cuius se esse participem Alexandrina Ecclesia gloriatur.* Et in Apologia adu. Ruff. *Non valet, inquit, apud eos Origenis defensores, super Origenis damnatione, Episcoporum auctoritas. Quid facient epistola Theophili Episcopi? Quid Papa Anastasij in toto orbe hæreticorum persequentes?* Et idem infra

decerpit aliqua ex epistola Origenis, quâ totâ Demetrium Alexandrinæ urbis Pontificem lacerat, & in totius orbis Episcopos & clericos inuehitur, & frustra ab Ecclesiis excommunicatum esse se dicit. Et rursus in Apologia adu. Ruffinum, cum illum à Theophilo & Anastasio damnatum sæpius oggessisset, Si vel parnam, inquit, schedulam contra me Romani Episcopi, aut alterius Ecclesiæ protuleris, omnia quæ in te scripta sunt, mea crimina confitebor. Inserta est & eidem tomo epistola Theophili ad Epiphanium, hortantis, ut coactis ubique Synodis damnentur Origenistæ, ut omnes uno spiritu congregati cum virtute Domini nostri Iesu Christi tradamus eos Satana in interitum impietatis, quæ possidet eos. Et epist. ad Marcum presbyt. aduersus eos qui ei ut hæretico obtredebant, Aut si eis placet, hæreticum me cum Occidente, hæreticum cum Egypto, hoc est, cum Damasco, Petreque condemnent. Et infra: Pudet dicere de cauernis cellularum, damnamus orbem. In sacco & cinere volutati, de Episcopis sententiam ferimus. Quid facit sub tunica pœnitentis regius animus? Quibus quid inuictius, ut liqueat non semper allegandas Synodos, sed Catholicæ fidei indubiam testem esse consensionem communionemque cum Episcopis, cum Ecclesiis per orbem, maximè cum Apostolicis cathedris & inter istas maximè cum Romana? Et epist. ad Pammachium & Marcellam, Prædicationem quoque cathedra Marci Euangelistæ, cathedra Petri Apostoli sua prædicatione confirmet.

I X. Item prolixè ex Augustino suggillatos, qui Synodos œcumenicas peterent.

Augustinus l. 4. ad Bonifac. c. ult. cùm Cypriani & Ambrosij testimonia aduersus Pelagianorum deliramenta protulisset, Quid ergo, inquit, quod iactant rabiosa nunc mentis cecitate, toto penitus Occidente, non minùs stultum, quàm impium dogma susceptum? Quandoquidem Domino miserante, suamque Ecclesiam misericorditer gubernante, sic vigilauit Catholica fides: ut non minùs stultum, quàm impium dogma, quemadmodum Manicheorum, sic etiam non susciperetur istarum. En vnde authoritatem accersit vniuersalem & inconcussam Synodis localibus, vbi hæresis Pelagiana explosa

fuerat. Et infra : *Quid est ergo quod dicunt : De simplicibus Episcopis, sine congregatione Synodi in locis suis sedentibus, extorta subscriptio est? Nunquid beatissimis & in fide Catholica excellentissimis viris Cypriano & Ambrosio ante istos, aduersus istos extorta subscriptio est? &c.* Aut verò congregatione Synodi opus erat, ut aperta perniciēs damnaretur; quasi nulla hæresis aliquando sine Synodi congregatione damnata sit. Cum potius rarissima inueniantur propter quas damnandas necessitas talis extiterit: multoque sint atque incomparabiliter plures, quæ ubi extiterunt, illic improbari, damnarique meruerunt, atque inde per cæteras terras deuitanda innotescere potuerunt. Verum istorum superbia, quæ tantum se extollit aduersus Deum, ut non in illo velit, sed potius in libero arbitrio gloriari; hanc etiam gloriam captare intelligitur, ut propter illos Orientis & Occidentis Synodus congregetur. Orbem quippe catholicum, quoniam Domino eis resistente, pervertere nequeunt, saltem commouere conantur: cum potius vigilantia & diligentia pastoralis, post factum illis competens sufficiensque iudicium, ubicumque lupi isti apparuerint, contemendi sint. Perspicue patres isti, & ante cæteros Augustinus, non errandi prærogatiuam Ecclesiæ vendicant vniuersæ, & singulis Ecclesiis episcopalibus, quandiu vniuersæ consentiunt, sibi quoque ipsis consentienti. Perspicue nullas ut ea non errandi dos constet, flagitant Synodos. Perspicue complurimas hæreses sine Synodi congregatione illic improbatas, damnatasque docent fuisse, ubi eruperant; ut inde per cæteras terras deuitandæ innotescerent. Perspicue id Catholicæ Episcoporum inter se communioni tribuunt, ut quod alicubi, id ubique: quod ab aliquo eorum, id ab omnibus inuratur censura ecclesiastica. Perspicue particularibus Synodis sufficienter iudicari; damnarique hæreses definiunt, nec opus esse totam fatigari Ecclesiam, ut Synodus generalis habeatur. Perspicue nec ipsi hæretici ab episcopalibus Conciliis localibus prouocabant ad vniuersale Concilium, etsi de illis querebantur, quod solent mali litigatores, & quicumque causa cecide-

runt; & ad maiorem Synodum suspirabant, non prouocabant tunc quidem: aut si prouocabant, hæc non ut legitima prouocatio, sed ut frustratoria tergiuersatio contemnebatur. Et ne semel Augustino hæc placuisse quis sibi fingat, eadem pene leges lib. eodem 4. ad Bonificium c. 8. Et serm. 2. de verbis Apost. ubi de Pelagianis, *Prorsus ubi tales, inquit, inueniatis, occultare nolite. Redarguite contradicentes, & resistentes ad nos perducite. Iam enim de hac causâ duo Concilia missa sunt ad sedem Apostolicam, inde etiam rescripta venerunt. Causa finita est: utinam aliquando finiatur error.* Et l. 2. operis ult. aduers. Iulianum 103. *Quid adhuc, inquit, quaris examen, quod apud Apostolicam sedem iam factum est? Quod denique iam factum est in Episcopali iudicio Palestino. Ergo heresis ab Episcopis non adhuc examinanda, sed coercenda est potestatibus Christianis.* Et supr. num. 2. cauillans Iuliano, quia rerum est maxima confusio, & stolidorum maxima multitudo; eripiuntur Ecclesie gubernacula rationis, ut erecto cornu velificetur dogma popolare. Respondet Augustinus, *Tales populos non fecit, sed inuenit Ambrosius: non fecit, sed inuenit etiam ipse Cyprianus: tales populos in Ecclesiâ etiam pater tuus, quando baptizatus est, inuenit: postremo Catholicos populos inuenistis & vos: compescite vos, fateamur, quia dogma nostrum est popolare, quia populus Dei sumus, &c. Nunquid Manichæus pluribus placet? Nonne sicut parricide, & pauci, & pessimi sunt? Nolite ergo de paucitate gloriari, &c.*

X. Rursum ex
Augustino.

Et idem rursus Augustinus Pelagianos sin minus in Synodo, saltem in collatione aliquâ nouum examen peragitant, & exemplo Donatistarum se tuentes, quibus non ita pridem collatio esset indulta: ita retundit: *Absit à Christianis potestatibus terrena reipub. ut de antiquâ Catholicâ fide dubitent, & ob hoc oppugnantibus eius locum & tempus examinis præbeant; ac non potius in eâ certi atque fundati, talibus quales vos estis, inimicis eius disciplinam coercionis imponant. Quod enim propter Donatistas factum est, eorum violentissima uirga fieri cogerant, ignorantes quid ante sit ge-*

stum, quod eis fuerat ostendendum: quales vos turbas Deus auertat ut habeatis: Deo tamen propitio non habetis. Ita lib. 1. oper. ult. con. Iul. n. 9. Cui gemellus est locus alter ille ex l. 2. operis prioris adu. eundem c. 1. Iam vos ergo totius perireat huius erroris, ne argumento miserrimo utamini, quo vniuersi utuntur haeretici, quos à perniciosâ licentiâ leges Imperatorum Catholicorum premunt. Omnes quippe huiusmodi dicunt, laborate illam partem rationis inopiâ, qua in differendo, cum terrorem sarrogat, nullum à prudentibus impetrat, sed cecum à meticulosus extorquet assensum. Noui denique haeretici vos estis, sed istam pene omnium haeticorum veterem vocem cum ceteris agnouistis atque tenuistis. Nec vos & alios decipiat velut talem vocem habentes aduersus nos, qualem nos aduersus Donatistas, quos ad collationem nobiscum venire per imperialia iussa compulimus. Illorum enim furor occupauerat Africam totam, nec predicari à Catholicis veritatem contra suum patiebatur errorem, violentis aggressionibus, latrocinationibus, &c. Quod verò ante centum ferme annos, maiores nostri cum eis egerant, iam populorum memoria non tenebat. Hec igitur necessitas compulit, ut saltem gestis nostrâ collatione confectis, eorum contunderemus innerecandiam, & reprimereamus audaciam. Vestra verò apud competens iudicium communium Episcoporum modo causa finita est. Nec amplius vobiscum agendum est, quantum ad ius examinis pertinet, nisi ut prolatam de hac re sententiam cum pace sequamini. Quod si nolueritis, à turbulentiâ vel insidiosâ inquietudine cohibeamini. Confert eos mox Donatistarum surculo, Maximianistis, quibus enixè petentibus collationem, negarunt Catholici: Cupiebant enim exiguitatem suam nomine saltem certaminis consolari. Nec sperabant victoria gloriam, sed famam requirebant collationis, quia multitudinis non habebant. Post prouinciales ergo Synodos & Apostolica rescripta, semel damnatis haeticis, ad nouum examen ne collatio quidem, nedum Synodus debetur. Ex dispensatione concessa, aut inflicta potius est Donatistis collatio, necessitate id præter ordinem vsitatū extundente, ob eorum multitudinem & turbulentissimas infestationes.

XI. Ex eodem
rursus.

Et epist. 157. *Hæresis nova vel authores, vel certe acerrimi notissimique suafores cum Pelagius & Celestius extitissent, Conciliorum Episcopaliū vigilantia, in adiutorio Saluatoris qui suam tuctur Ecclesiam, etiam à duobus venerabilibus Antistitibus Apostolica sedis Papâ Innocentio & Papâ Zozymo, nisi correcti etiam egerint penitentiam, totò Christiano orbe damnati sint.* Et rursus l. 1. op. ult. in Iul. *Quasi verò in Concilio Episcoporum quod non salubriter, sed iactanter propter vestras quaestiones debere dicitis congregari, &c.* Nusquam, ut videt, vel tantisper in spem vltioris examinis, vel Synodi generalis respirare eos sinit.

XII. Siriciij Pa-
pæ & Ambrosij
suffragatio.

Præmittendæ his fuerant Ambrosij & Siriciij aduersus Iouinianum Synodi & epistolæ. Siricius enim ait: *Facto presbyterio constitit doctrina nostra, id est Christiana legi esse contraria.* Vnde ait Iouinianum cum sociis suâ & totius cleri sententiâ in perpetuum damnatos extra Ecclesiam remanere. *Quod custodituram sanctitatem vestram non ambigens, scripta direxi, &c.* Cui cum Synodo suâ rescribit Ambrosius, *Quos sanctitas tua damnauit, scias apud nos quoque secundum iudicium tuum esse damnatos.* Nec vltra progressa est ad alias Synodos illa disceptatio.

XIII. Item Leo-
nis Magni.

Leo Magnus epist. 17. damnato semel Eutychete in Synodo CPolitana à Flauiano, supersedendum putabat à conuocatione Synodi generalis, *Cum tam euidentis fidei causa sit, ut rationabilibus causis ab indicenda Synodo fuisset abstinendum.* Idem postea Chalcedonensem colligi Synodum laborauit, ut non tam damnandæ Eutychetis hæresi, quam proscribendæ Ephesinæ Pseudosynodo necessariam. Et epist. 86. aduersus Pelagianos scribens, qui, ut supra vidimus, œcumenicam Synodum flagitauerant, *Damnant apertis professionibus sui superbi erroris authores, & quidquid in doctrina eorum vniuersalis Ecclesia exhorruit, testentur: omniaque decreta Synodalia, quæ ad excisionem hæreseos Apostolica sedis confirmauit autoritas, amplecti se, & in omnibus approbare plenè & apartis, ac propria manu subscriptis protestationibus eloquantur.* Et epist. 93. aduersus Priscillia-

nistas, particularibus tantum Synodis & tacito Ecclesiarum omnium concentu damnatos, Merito patres nostri, sub quorum temporibus haeresis hac nefanda prorupit, per totum mundum instanter egere, ut impius furor ab uniuersa Ecclesia pelleretur. Quando etiam principes mundi ita hanc sacrilegam amentiam detestati sunt, ut authorem eius, ac plerosque discipulos legum publicarum ense prosternerent? Vide & ibidem cap. 16. 17.

Sulpitius Souerus Dialog. 1. c. 2. Alexandriam peruenimus, ubi facta inter Episcopos atque monachos certamina geriebantur; ex ea occasione, quia congregati in unum saepius sacerdotes, frequentibus decreuisse Synodis videbantur, ne quis Origenis libros legeret, aut haberet; qui tractator sacrarum Scripturarum peritissimus habebatur. Sed Episcopi quadam in libris ipsius insanius scripta memorabant: quae adsertores eius defendere non ausi, ab haeticis potius fraudulenter inserta dicebant, &c. Aduersum hac Episcopi obprobriatus venientes pro potestate cogebant, recta etiam uniuersa cum prauis, & cum ipso authore damnare; quia satis superque sufficerent libri, quos Ecclesia receperisset, &c. Et infra: Etsi fortasse videantur parere Episcopis debuisse, non ob hanc tamen causam, multitudinem tantam sub Christi confessione uiuentem, praesertim ab Episcopis oportuisset affligi. Ad proscriptiones enim monachorum ventum est. Vides autem ut tunc Origenes vir tantus & de Ecclesia tam bene meritus, iniustus sit censura episcopali, in particularibus tantum Synodis. Ex hoc eodem & ex Idacii Chronico adde, si voles, quae de Priscilliano narrantur, particularibus tantum Synodis damnato, ad Caesarem prouocante, & capite luente.

XIV. Item Sulpitij Seueri.

Adde Prosperum l. adu. Collat. c. 41. Quando b. memoria Innocentius nefandi erroris capita Apostolico mucrone percussit. Quando Pelagium, ad profcrendam in se suosque sententiam, Palaestinarum Episcoporum Synodus coarctauit. Quando Africanorum Conciliorum decretis b. recordationis Papa Zozy-mus sententiae suae robur adnexuit: & ad impiorum detruncationem, gladio Petri dexteram omnium armauit Antistitem, &c.

XV. Idem enuncitur ex Prospero.

Et ibidem: *Celestinus sciens damnatis non examen indicij, sed solum pœnitentiæ remedium esse præstandum, Celestinus quasi non disussu negotio audientiam postulanti, totius Italia finibus insit extrudi. Vides Synodis localibus & Apostolicis rescriptis etsi non acquiescant hæretici, acquiescere Ecclesiam vniuersam; & nouam audientiam postulantes in longinqua deportari exilia. Ex carm. de ingratis idem prosequitur,*

Pestem subeuntem prima recidit.

*Sedes Roma Petri. Non segnior inde Orientis
Rectorum cura enituit.*

Tu causam fidei flagrantius Africa nostram

Exequeris; tecumque suum iungente vigorem

Iuris Apostolice solio, fera viscera belli

Conficis, &c. Geminoque senum celeberrima cætu

Decernis, quod Roma prober, quod regna sequantur.

Et Ephesina quidem Synodo damnati rursus fuere Pelagiani, sed citra nouum examen, solâ prioris damnationis memoriâ renouatâ, vt infra dicetur.

XVI. Ex libro
de promiss. &
prædict.

Et l. 4. de prom. & præd. seu de dimidio temporis, c. 5. vniuersalem regulam figit, vt sine Synodis dignoscantur hæretici, sicubi non allubeat Ecclesiæ Synodos colligere, aut non expediat: *Ab Apostolorum consortio alieni inueniuntur omnes hæretici, qui relictâ pace communionis, & panis vnius Dei, & Apostolorum, in suis non Ecclesiis, sed plateis prædicant, & eorum memoriis non communicant: separati à toto Catholicum sibi pomen asciscunt. Cum in ipsâ Hierusalem Iacobus & Stephanus primus martyr, Ioannes apud Ephesum, Andreas & ceteri per totam Asiam, Petrus & Paulus Apostoli in Urbe Româ Gentium Ecclesiam, in quâ Christi Domini doctrinam erudierunt, pacatam, vnamque posteris tradentes, sanguine memoriisque suis ex dominicâ passione sacrarunt. Huic generali Ecclesiæ communicans Christianus Catholicus est: ab hac segregatus, hæreticus est, & Antichristus.*

XVII. Item ex
Cassiano.

Cassianus quoque l. 1. de Incarn. c. vlt. cum Leporij presbyteri confessionem fidei, seu libellum emendationis recitasset,

recitasset, addit, *Hanc eius confessionem, id est, Catholicorum omnium fidem, & omnes Africani Episcopi unde scribebat, & omnes Gallicani ad quos scribebat, comprobarunt. Sufficere ergo solus nunc ad confutandam heresim deberet consensus omnium. Quia indubitata veritatis manifestatio est, autoritas uniuersorum: & perfecta ratio facta est, ubi nemo dissensit. Ita ut qui contra hoc sentire nitatur, huius primâ statim fronte non tam sit audienda assertio, quàm damnanda perversitas: quia praiudicium secum damnationis exhibuit, qui iudicium uniuersitatis impugnat: & audientia locum non habet, qui à cunctis statuta conuellit. Confirmatâ enim semel ab omnibus veritate, quidquid contra hoc venit, hoc ipso statim falsitas esse noscendum est, quod à veritate dissentit. Consensisse præfatus Africanos & Gallicanos Episcopos, iactabundus illico uniuersitatem consensisse, & inconcussæ veritatis documentum id esse prædicat. Nec vlla ibi Synodorum mentio. Instar ergo habet Synodi illa Episcoporum spiritalis compaginatio, in vnum quid consentientium, & totius Ecclesiæ consensum præ se ferentium, quod nusquam sibi intercedatur, nusquam pax & communio abrogetur.* Et l. 6. c. 10. Nestorium ita obiurgat: *Videlicet pro arbitrio ac libidine tuâ, cum vis, discipulus es: & Ecclesiæ, cum vis, hostis. Cum vis, Catholicus: cum vis, Apostata. Dignus nimirum author, qui in quantilibet partem te contuleris, Ecclesias post te trahas. Cuius voluntas, lex vite nostra sit: qui mutabilitate tuâ humanum genus mutes: & quia tu esse nolis, quod omnes sunt; omnes sint, quod tu velis. Præclara videlicet autoritas: ut quia tu quod eras, non es: esse mundus desinat, quod fuit. Vide l. 7. c. 30.**

Vincentius Lirinensis commonitorio utroque fusissimè hoc vnum persequitur argumentum. *In ipsâ Catholicâ Ecclesiâ magnopere curandum est, ut id teneamus, quod ubique, quod semper, quod ab omnibus creditum est. Hoc est enim verè proprièque Catholicum, quod ipsa vis nominis, ratioque declarat: qua omnia ferè uniuersaliter defendit. Sequamur uniuersitatem, antiquitatem, consensionem. Ita com. 1. cap. 3. Et c. 32. vsum Coneiliorum describere ingressus ait: Christi*

XVIII. Ex Vincentio Lirinensi.

Ecclesia sedula & cuncta depositorum apud se dogmatum custos, nihil in his unquam permutat, nihil minuit, nihil addit, &c. Denique quid unquam aliud Conciliorum decretis enixa est, nisi ut quod antea simpliciter credebatur, hoc idem postea diligentius crederetur. Quod antea lentius predicabatur, hoc idem postea instantius predicaretur. Quod antea securius colebatur, hoc idem postea sollicitius excoleretur. Hoc, inquam, semper, neque quidquam præterea, hereticorum nouitatibus excitata, Conciliorum suorum decretis Catholica perfecit Ecclesia, nisi ut quod prius à maioribus solâ traditione susceperat, hoc idem posteris etiam per Scripturæ chirographum consignaret; magnam rerum summam paucis literis comprehendendo, & plerumque propter intelligentiæ lucem, non nouum fidei sensum, noua appellationis proprietate signando. Solo igitur Ecclesiasticæ fidei sole, sine Synodorum præsidio complurium discussæ sunt hæresum tenebræ; si quando accessere Synodi, non noua, sed eadem ac prius fides, ac doctrina sese explicuit.

XIX. Ex Ferrando Diacono, ex Petro Cluniacensi, ex Floro Magistro.

Ferrandus Diaconus epist. ad Seuerum Scholasticum: *Interroga, vir prudentissime, si quid veritatis cupis audire, principaliter Apostolicæ sedis Antistitem, cuius sana doctrina constat indicio veritatis, & fulcitur munimine auctoritatis. Interroga plurimos per diuersa terrarum loca Pontifices, quibus scientia calistium præceptorum diuinitus inspirata, famam grandem sui cum veneratione collegit. Istos sine dubio & ad disputandum idoneos, & ad suadendum frequenti exercitatione paratos, nec vituperaberis, si consulas, adhuc incertum; & laudaberis, si sequaris, veraciter doctus. A me autem sic expete debitum charitatis, ne incurrere suadeas culpam temeritatis. Aspice quos consuli iubeat, quos audiri. Nimirum Pontifices, maximè sedis Apostolicæ. Ut penes quos affluat, non doctrinæ tantum, sed & auctoritatis copia. Reliquos autem præter Episcopos, consuli quidem posse, & audiri, sed hæsitantiùs. De Synodo autem flagitandâ ibi non meminit. At in epist. ad Pelag. & Anatol. Conciliorum vniuersalium auctoritatem dominari ait, quibus sufficere iudicatur ad plenam confirmationem, si perducta in notitiam to-*

ius Ecclesia nullum offendiculum moueant vel scandalum fratribus, sed Apostolica fidei conuenire firmentur, Apostolica sedis roborata consensu. Vbi palam fit, orbis Christiani consensum tunc Synodis accessisse interpretandum esse, cum nemo intercedit, cum silentio omnes orbis Episcopi fauent, cum in notitiam totius Ecclesie perducta nullum offendiculum mouent vel scandalum fratribus. Et Florus Magister cum Ecclesia Lugdun. cap. 4. adu. Ioannem Scotum: Qui si aliquid tam periculosum contra fidem Catholicam docere presumpsit, ut necessario Synodali iudicio plecteretur: profecto dignum fuerat, iuxta antiquum Ecclesie morem ut tantus error propter cautela studium ne plures eo inficerentur, ceteris Ecclesiis in diuersis regni partibus constitutis per literas Synodicas & Ecclesiasticas ad omnium Coepiscoporum notitiam perferretur. Ex posterioribus, vnum addo Petrum Cluniacensem adu. Petrobrusian. Non debet credi testimoniis Ecclesie, cui indiuisibiliter Christus cohabitat, usque ad consummationem seculi? cum qua Spiritus sanctus inseparabiliter permanet, non hic tantum, sed in eternum? Quae vnum cum Patre, & Filio est, sicut Pater in Filio, & Filius in Patre? Cui eam claritatem Filius Dei dedit, quam accepit à Patre? Quomodo potuit falli, vel fallere Ecclesia, cum qua verax Pater, cum qua veritas Filius, cum qua veritatis Spiritus perpetuo mansit?

Atque ut ad Græcos iter reflectam denuo, ex Alexandri Alexandrini Episcopi aduersus Arium scriptâ epistolâ testimonium profero, ut videas ad hærescos condemnationem corrogata plurium Episcoporum per varias provincias sparsorum suffragia: & qui hac autoritate fracti non sunt, eos nec œcumenicis Conciliis si quando indulta sunt, postea cessisse. Ita ergo ille aduersus Arium apud Theodoretum l. 1. c. 4. *Primum epistolas collegarum qui sunt in Aegypto & Thebaide, deinde eorum qui Libyam, Pentapolin, Syriam, Lyciam, Pamphiliam, Asiam, Cappadociam, & alias regiones hisce finitimas incolunt, ad vos misi. Quorum exemplum vos imitantes, persuasum habeo ad nos item duros litteras. Et cum multa alia curationes ad eos sa-*

XX. Rursum ad Græcos venit, & primò ad Alexandrum Alex. Episcop. O igenem, Greg. Nysenum, Basilium.

nandos qui hoc errore vulnerati sunt, suppetebant: tum istud etiam remedium ad medicinam populo ab istis decepto faciendam, inuentum est, si modò obtemperare voluerint: & cum consensum collegarum nostrorum intelligant, eorum hortatu ad pœnitentiam se seriò recipere. Quorum peruicaciam non edomuit iste collegarum consensus, ij nec Nicænæ Synodo obaudiere. Et Origenes in proœm. l. periarch. Cum multi sint, qui se putent sentire quæ Christi sunt, & nonnulli eorum diuersa à prioribus sentiant; seruetur verò Ecclesiastica prædicatio per successionis ordinem ab Apostolis tradita, & usque ad præsens in Ecclesiis permanens; illa sola credenda est veritas, quæ in nulla ab Ecclesiasticâ discordat traditione. Et tract. 29. in Matth. Nos illis credere non debemus, nec exire à primâ & Ecclesiasticâ traditione: nec aliter credere, nisi quemadmodum per successionem, Ecclesia Dei tradiderunt nobis, &c. Quodcumque professi fuerint de scripturis, & de mysteriis quæ sunt in eis ad demonstrationem, nolite credere, quæ dicuntur. Veritas enim similis est fulguri egredienti ab Oriente, & apparenti usque ad Occidentem. Qualis est veritas Ecclesie Dei. Ab eâ enim solâ sonus in omnem terram exiit, & in fines orbis terra verba eorum. Et velociter currit sola verè veritas Dei. Et Cyrillus Hierosolym. catech. 18. hanc Symboli partem ita exponit: Et in vnâ Catholicam Ecclesiam. Catholica vocatur, quia in vniuersum sit orbem terrarum diffusa, à sinibus terra usque ad extrema. Et quia docet catholicè, ac sine vllò defectu omnia dogmata, quæ debent venire in cognitionem hominum. Antequam inolesceret mos fidei Synodorum generalium profitendæ, initiatus ab Apostolis, & ipso Apostolico Symbolo confirmatus fuerat ritus subscribendi fidei Ecclesiæ, vt quæ vtroque sensu indiscretè Catholica sit, hoc est, & orbe toto sparsa sit, & intaminatorum omnium dogmatum sit magistra. Idem apertè insinuabat suprâ Origenes, sacrorum librorum delectum, & à spuris supposititiisque discriminationem, ab vnâ repetens Ecclesiâ. Quem & Augustinus eâ in re secutus est l. 2. de doct. Christ. cap. 8. In canonicis Scripturis Ecclesiarum

ἀντιπρόσωπον

Catholicarum complurium auctoritatem sequatur, ut eas quæ ab omnibus accipiuntur Ecclesiis Catholicis, præponat eis quas quædam non accipiunt. In eis verò quæ non accipiuntur ab omnibus, præponat eas, quas plures grauiioresque accipiunt, &c. Vbi nulla Synodorum memoria. Atque ut ad Græcos me referam: Athanasius in disput. contra Arium: Ego incompositum nomen veneror, cum id didicerim ex sacris literis, & ab iis qui per successionem susceperunt Episcopatum. Gregorius Nyssenus orat. 3. contra Eunomium, Nullus, inquit, mihi subcrepet, quòd illud etiam, quod à nobis pro confessò habetur, rationibus & argumentis indigeat confirmari. Sufficit enim ad nostri sermonis demonstrationem, quòd habeamus à patribus venientem ad nos traditionem, veluti hereditatem quandam per successionem ex Apostolis per sanctos sequentes transmissam. Basiliius epist. 64. ad Neocæsarienses: Hoc, inquit, studiosè agitur apud vos, ut fides subuertatur, subuersione inimicâ Apostolicis & Euangelicis doctrinis; inimicâ quoque traditioni magni reuera Gregorij, & eorum, qui illum ex ordine subsecuti sunt ad beatum usque Musonium. Idem habet epist. 75. Et epist. 72. Ipsum orbem circumspectite, & videte quàm modica sit ea portio, quæ hoc morbo laborat: reliqua verò vniuersa Ecclesia, quæ ab orbis finibus usque ad fines Euangelium recipit, sanam hanc & incorruptam doctrinam scètetur. Vides, quas fidei regulas consuli iubeat, vel vniuersalem Ecclesiam, vel singulares etiam Episcopos vniuersali Ecclesiæ consentaneos. Et rursum denique Alexander idem Alex. Episc. epist. eadem, Arianos ita describit: Qui nec ullos secum ex antiquis comparari sinunt: nec eos quibus ab ineunte nos ætate magistris vti sumus, pares dici patiuntur. Quin imò nec vllum collegarum nostrorum, qui ubique gentium sunt, ad mediocrem scientiam peruenisse censent: solos se sapientes iactant, solos egestatem scètantes, solos dogmatum inuectores, sibi que solis ea esse patefacta, quæ in nullius vnquam sub Sole cogitationem venire potuerint. O impiam arrogantiam, &c. Non illis diuina veterum Scripturarum claritas pudorem incussit: non consentiens collegarum de Christo pia doctrina, horum aduersùs illum au-

daciam represit. Et Athanasius l. de Synodis : *Nicani Patres de fide ita scripserunt : Credit Ecclesia Catholica. Et statim confessio ipsa adiuncta est : ut ostenderent eam non esse nouam sententiam, sed Apostolicam : & quæ ipsi scripsissent, non esse sua inuenta, sed Apostolorum documenta.* Suggillat mox Eusebianos, qui nouas in dies Synodos postularent, quasi dicerent : *Nos qui maioribus nostris contradicimus, & prauaricamur patrum traditiones, postulamus Synodum congregari. Quæ pluribus deinceps vrget.*

XXI. Item ad Epiphanium.

Epiphanius aduersus omnes hæreses expositionem fidei non à Synodis repetit, sed ab Ecclesiâ Catholicâ : *Ad ipsam properemus sanctam Hierusalem, Christi virginem & sponsam, basim & petram solidissimam, venerandamque matrem nostram, & Christi sponsam, &c. Siquidem Ecclesia ab unâ fide genita, ac per Spiritum sanctum in lucem edita, unica est uni, genitricique suæ. Tum verò quotcumque post illam vel ante prodire, pellices nominantur. Tum ita ingressus, Ecclesiasticæ fidei & disciplinæ capita omnia perlustrat.*

XXII. Ad Chrysostomum.

Chrysostomus hom. 52. tom. 5. eos qui alieno tempore Pascha celebrarent, ita obiurgat : *Tu non Nicenos Patres tantum, sed & orbem terrarum uniuersum condemnas, qui sententiam illorum comprobauit.* Et in epist. 1. ad Corinth. hom. 43. *Sicut constitui Ecclesiæ Galatiæ, ita & vos facite. Non adducis unam, aut duas, aut tres ciuitates, sed totam gentem. Quod quidem facit etiam in dogmatibus, dicens, Sicut & in omnibus Ecclesiis sanctorum. Si hoc enim est validum ad fidem faciendam dogmatum, multò magis ad facta emulanda.*

XXIII. Ad Maximum Martyrem.

Maximus Martyr in disput. cum Pyrrho. Arguente Pyrrho : *Satis sint nobis ea, quæ à Synodis dicta sunt, & ne dicamus unam, neque duas voluntates.* Contrà ex aduerso dicit : *Si ea tantum confiteri oportet, quæ à Synodo dicta sunt, nec unam Verbi Dei naturam incarnatam, quæ totam pietatem mysterij complectitur, dicere oportebit, quia non est dicta synodicè.* Longè plura ergo sine Synodis definit Ecclesia. Et quanquam & tunc, & sæpè aliàs ad iugulanda hæresum monstra coierint postea Synodi vniuersales : vel tunc

nihilofecius hæreticæ infamiæ, & damnationis laqueo implicati fuere, qui ante Synodos prius animam, quàm errores exuerant.

Operæ pretium erit, si recentiores quoque è Catholicis astipulatores accersuerimus huius doctrinæ, quæ in omni Theologica re dominatur; atque vna sufficit, si animo penitus inhæserit, ad omnes nouellarum hæresum protelandos, nulloque vel minimo conatu, propulsandos assultus. Familiam ducent Sirmundus & Petrus Aurelius. Ille quidem: *Ea olim fuit Ecclesiarum inter se concordia & reuerentia, canonumque apud omnes tanta authoritas & religio, ut quod Synodo aliquâ constitutum respiciam esset, idem alii sibi pro re natâ imitandum, statuendumque esse ducerent, nec facile quicquam aspernandum censirent. Quæ non ad morum tantum, sed etiam ad fidei regulas ampliandum est. Quin imò canones priscos innouari à recentioribus Synodis, canones prouincialium Synodorum à Chalcedonensibus Patribus commendari, & in arcem œcumenicæ authoritatis recipi inuenies. At damnatas vel nullis vel particularibus Synodis hæreses vetustas, vel in Nicæna, vel in Constantinopolitana, Ephesina, Chalcedonensi, sexta septimave Synodo, rursus damnari, nusquam ferè reperire est. Otiosum id enim videbatur, cum Ecclesia toto orbe diffusa eam in dampnando vel probando dogmate authoritatem, quâ nulla maior Synodis adest, assecuta sit.*

XXIV. E recentioribus Theologis suffragatur Sirmundus.

Porro supraposita doctissimi viri verba admiratus Petrus Aurelius part. 3. pag. 304. addit: *Quod tamen tuum dictum, si ego non intra solos canones constrinxero, sed ad decreta de fide protendero, & tantum Episcopalibus definitionibus honoris habitum affirmaro, ut pleraque hæreses solâ ipsarum ope, patriarumque Synodorum authoritate percussa, per totum deinceps orbem, assensu omnium reprobata euenerint, quantumvis malis antea validisque propugnatoribus niterentur: reprehensionem quâ me particularibus Synodis detraxisse arguisti, abunde, ni fallor, obtriuero. Hoc autem & dictum & probatum ha-*

XXV. Petrus Aurelius quoque.

bes sanctissimis Patrum testimoniis non uno loco, nec paucis verbis. Et idem rursus part. 1. pag. 33. Etsi quantum inter generales Synodos & particulares intersit, nunquam nescierit Ecclesia, Superiorumque temporum Christiani; eas tamen summo semper indiffereto, tantumque non pari honore habitas fuisse, quandiu Ecclesia palam non intercederet, ex perpetua Ecclesie observatione manifestum est.

XXVI. Idem
rursus.

Quàm frustratoria sit illa alia quorundam cauillatio, non omnem Episcoporum cœtum Synodi nomine dignandum esse, nec eius decreta eo loco authoritatis & religionis habenda, quo Synodica: alibi operosius demonstrabitur. Interim idem ibidem Aurelius epistolam defendens conscriptam à conuentu Gallicanorum Episcoporum hæc habet: *Quis unquam hereticorum Concilia Episcopalia hoc solo nomine clusit, quòd diceret, non esse infallibilis authoritatis? Quando ita argumentati sunt Novatus, Pelagius, Arius, tot alij heretici, quos Episcopi in prouinciis primum damnarunt? Nemo hoc effugio usus est. Omnes vel obreptum Episcopis, vel sibi calumnias inflictas, vel aliam causationes, quibus non particulares solum, sed generales etiam Synodos ludificari solebant, protulerunt, vel exerto ore & hereticâ petulantia reclamauerunt. Non quærebatur illis temporibus, quænam Episcoporum Concilia errori obnoxia, quænam certa veritatis essent. Omnes omnia colebant, omnia venerabantur, ut pastorum vocem, ut magistrorum Ecclesie doctrinam, ut eorum quibus dictum esset, Qui nos audit, me audit. Itaque Priscillianam doctrinam, postquam à Synodo CasarAugustanâ damnata est; Origenisticam, postquam ab Alexandrinâ; Eutychianam, postquam à Constantinopolitanâ sub Flauiano habitâ; Arianam denique postquam ab Alexandrinâ, ut alias præteream, nemo Catholicus hæresis esse negauit, eorumve susceptores hereticos, etiamsi solis Episcoporum prouincialium iudiciis damnati essent. Quod egregiè confirmat Hieronymus in epist. ad Pamm. Origenis defensores aientes, Quomodo damnabimus, quos Synodus Nicæna non tetigit? Quæ enim damnauit Arium, damnasset utique & Origenem, si illius dogmata reprobasset: reper-*
cutiens

cutiens hoc responso: *Hoc argumento, nec Valentinus, nec Marcion, nec Cataphryges, nec Manichæus damnari debent, quia Synodus Nicæna eos non nominat, quos certè ante Synodum fuisse non dubium est.*

Et idem rursus parte eadem, pag. 127. vt particularibus Episcoporum prouincialium iudiciis subscribat silentio suo summus Pontifex, subscribat Episcoporum totius orbis seu Ecclesiæ Catholicæ vniuersitas, ita declarat: *Ad publicam veritatis proculcationem Ecclesia Catholica, atque in primis Apostolica sedes silere non posset. Non enim falsum esse unquam potest illud de Ecclesiâ Dei Augustini præconium: Ecclesia Dei quæ sunt contra fidem vel bonam vitam, nec approbat, nec tacet, nec facit. Nec verum esse non potest illud verbum Apostoli; Non solum qui ista faciunt, digni sunt morte, sed etiam qui consentiunt facientibus. Consentiant autem, dum publicè laboranti atque oppressæ veritati non succurrunt, qui debent, & qui ad hoc potissimum in Ecclesiæ tribunalibus collocati sunt. Ergo cum quiescunt, probant: cum patiuntur, decernunt: cum tacent, clamant. Nam heresum plerarumque damnationes non semper expressâ & perscriptâ Ecclesiæ totius consensione firmatas & authoratas fuisse supra ostendimus. Satis consensu tacito clamat Ecclesia, cum reclamare deberet, si dissentiret. Officio enim deesse, & veritatem prodere vniuersa non potest.*

XXVII. Idem denuo.

Ep. 119. c. 29.

Quibus concinit Melchior Canus de loc. Theol. l. 5. c. 4. *Nec expedit, nec tolerabile est, singulis hæreticis condemnandis singulas generales Synodos cogere. Cum ergo Ecclesia sua Deus prospexerit in necessariis, nimirum ad hæreses priuatas in prouinciis refutandas, Concilia prouincialia satis erunt, si erunt modò summi Pontificis authoritate roborata. Præterea quoscunque eiusmodi Concilia damnauere, Ecclesia eos semper explofit; errare igitur illa in fide nequeunt. Et infra: Atque certè nisi sint peculiariter reprobata, communi Ecclesiæ vel silentio vel etiam implicito consensu commendantur, si ad Ecclesiæ communem notitiam peruenerint. Non enim sit aliquo pacto verosimile, vt Concilij prouincialis toto orbe vulgati hæresin Ecclesia diu dissimulauerit. Error enim cui non resistitur, approbatur.*

XXVIII. Melchior Canus.

Q

XXIX. Duallius.
ius.

Accedat & doctissimus vir Duallius, splendidissimæ toto orbe Academiæ sidus eximium, part. 2. q. 2. *Plurimi Pontifices varios errores absque ullo generali Concilio condemnarunt, quorum condemnatio à totâ Ecclesiâ acceptata fuit, ut patet ex primis trecentis annis, quibus nulla unquam Concilia generalia propter ingruentes persecutiones coacta leguntur: cum tamen multe in fide quæstiones toto hoc tempore feliciter sopitæ & determinatæ fuerint per Pontificum definitiones. Nec dicant aduersarij hos errores pro hæresibus habitos non fuisse, donec his definitionibus Conciliorum generalium calculus accederet. Falsum enim est, omnibus quotquot fuerunt erroribus à sede Apostolicâ damnatis, & qui iam pro hæresibus in Ecclesiâ habentur, semper accessisse Concilij cuiusdam generalis condemnationem. Quod enim, quæso, Concilium generale Pelagianos damnauit, &c. Et paucis interiectis: Diligentissimè itaque obseruandum est, ut aliquod dogma tanquam hæreticum habeatur, non esse necessariam Concilij generalis celebrationem, sed sufficere summi Pontificis condemnationem, unâ cum acceptatione totius Ecclesiæ per orbem diffusa. Licet enim decretum Pontificis, quatenus ab eo solo promanat, de fide non sit: cum eius in decernendo infallibilitas fide Catholicâ minimè constet: nihilominus si hæc condemnatio ab vniuersali Ecclesiâ, licet diffusâ & non coactâ in Concilio approbetur, iam nemo citra fidei detrimentum ei potest contradicere. Est enim de fide, Ecclesiam non tantum ut congregatam in æcumenico Concilio, sed ut diffusam per orbem errare non posse. Multo similia veri hæc sunt, & antiquitati Ecclesiasticæ consonantiora, quàm quæ suadere nititur Ioannes Gersonius tom. 1. pag. 431. & seq. 585. & seq.*

XXX. Consensio
ista vniuersalis
Ecclesiæ, qua au-
thorantur Syno-
di particulares,
vel Ecclesiæ sine
Synodis, ad con-
sensionem sedis
Apostolicæ reli-
gata est, & inde
pendet.

Quod autem semel iterumque iuniores isti Theologi monuere, tum demum vniuersalem & infallibilem adsequi authoritatem prouinciales Episcoporum Synodos, synodicasque definitiones, cum Romani Pontificis calculo fuerint approbatæ; id perinde est, ac si dicerent, cum Ecclesiæ vniuersalis approbatio eis fuerit accumulata. A Romano enim Pontifice & ab Ecclesiâ vniuer-

fali authorari, vnum idemque est. Vnus corporis & capitis nutus, vnus assensus est. Annuente capite, annuisse vniuersa corporis compago existimatur. Quod ne leuiter & perfunctoriè dictum, videri queat, ad vetustiores rursus Theologos deuolui non pœnitebit, & Ecclesiæ adolescentis primæuam quasi iuuentutem explorare: vt tota hæc de rebus fidei definiendi authoritas iam tum intelligatur, ita vniuersis per orbem Episcopis communis fuisse, vt & in eos à vertice suo, seu à Romano Antistite deflueret, & in ipso suo fonte principaliter resideret.

Et suprà quidem abundè constitit, in Paschæ, Baptismi que quæstionibus summam potestatem statuendi & Ecclesias gubernandi, Victori & Stephano Romanis Pontificibus vendicatum esse. Illi Synodos toto orbe haberi iussere; illi antiquitatem & vniuersitatem in Ecclesiis tueri contra nouitatem & singularitatem præ cæteris enixi; illi vel territando, vel fulminando, vel dispensando vnitatem & veritatem inter vniuersos orbis Episcopos illæsam seruare studuerunt: illis vt veritatis & unitatis cardini, omnes & spectatissimi maximè orbis Episcopi, vel bene sentientes adhæserent, vel aberrantes errorem suum excusare conati sunt: illi denique vel tunc, vel postea, Ecclesiam vniuersam ad se pertraxere. Victori suffectus est Zephirinus. Is de mæchis pandendâ pœnitentiæ & reconciliationis ianuâ sanxit. Reclamatum est à Tertuliano & aliis delirantibus. Sed tandem omnis Ecclesia obsecuta est. Romano Antistiti, seu Zephirino, seu Victori, siue etiam Eleutherio, alternant enim eruditorum eâ in re sententiæ, vt vertici fidei se approbare præ cæteris studuerant Montanistæ, quasi vniuersæ Ecclesiæ ab eo indiuiduæ pace simul potituri. Idem Tertull. adu. Prax. de Praxea ipso conqueritur, quod *Episcopum Romanum agnoscentem iam prophetias Montani, & ex eâ agnitione pacem Ecclesiis Asia & Phrygia inferentem, coëgit literas pacis renouare iam emissas.* Et antè Marcion, vt ait Epiphan. hæret. 42. à patre suo Episcopo eiectus Ecclesiâ, vt communionem

XXXI. In fide definienda principem & ducem omnibus semper Synodis & Ecclesiis Romanam sedem præisse ostenditur exemplis priorum sæculorum ante Nicænam Synodum.

suffuraretur, Romam post Hygini Papa obitum se contulit, qui à Petro Panloque Apostolis nonus Ecclesie præsuerat. Eò statim atque Marcion peruenit, ad Seniores adiens, qui ab Apostolorum discipulis edocti adhuc supererant; ut in communionem admitteretur, ab eis frustra petiit. Origenes, ut author est Eusebius l. 6. c. 14. Zephirino Romanam Ecclesiam gubernante se in urbem Romam venisse scribit, cum sibi in votis fuisset, sicut ipsemet alicubi dicit, Romanam Ecclesiam videre omnium antiquissimam, vel principalissimam. Idem apud eundem l. 6. c. 36. Ad Fabianum Romanae urbis Episcopum, & ad complures alios Ecclesiarum Antistites scribit de recta fidei suae ratione, nempe cum obliquis suspicionibus suam fidem exagitari sentiret. Vnde Hieronymus in epist. ad Pamm. & Ocean. de error. Orig. Ipse Origenes in epistolâ quam scribit ad Fabianum Romanae urbis Episcopum, pœnitentiam agit, cur talia scripserit. Apud Athanasium in epistolâ de sententiâ Dionysij Alexandrini Episcopi, quem Sabellio insultantem in aduersum errorem titubasse quidam criminabantur: Cum Dionysius Episcopus contra Sabellij hæresin scripsisset, quidam ex Ecclesiâ rectè sentientes, sed ignari eius causæ, cur ab eo scriptum esset: Romam ascenderunt, ibique eum apud Dionysium eiusdem nominis Romanum Episcopum accusauerunt. Re compertâ Alexandrinus, postulauit à Romano præfule, ut obiecta sibi indicarent, quibus acceptis opus edidit sub nomine Elenchi, & Apologia. Et mox Athanasius, Porro ex Dionysij Romani Episcopi voluminibus contra eos, qui Filium Dei opus, vel creaturam assueverant, scriptis clarè ostenditur, hæresin Christo rebellium Arianorum non nunc primùm, sed olim iam ab omnibus damnatam fuisse. Et idem rursus Athanasius l. de Synodis, Duo Dionysij fuere, qui Samosatensem sustulerunt, quorum alter Roma, alter Alexandria præsul erat. Ibi cum quidam Alexandrinum Episcopum apud Romanum accusarent, quasi qui Filium opus & non consubstantialem Patri diceret: Synodus quidem Roma coacta indignè tulit, Romanus autem omnium sententiam scripsit ad cognominem suum. Ac iam inde ille se ad defensionem parans, libello suo titulum refutationis & apologia indidit.

Quis hîc non videt Romanum Præsulem in Episcopatu fidei principem sedere; quolibet vel Pontificiâ dignitate, vel eruditionis famâ præclariores apud illum accusari, apud illum defendi: in eius communionem adrepere, qui paci Ecclesiarum restitui se cupiunt: Romanam Ecclesiam ut in vertice & summa luce fidei radiantem, spectaculo esse & miraculo omnibus Christianis: denique prædamnatum à Dionysio Papa Arij dogma, iam tum detestationi fuisse orbi Christiano.

Synodi illius magnæ aduersus Paulum Samosatenum Synodica epistola apud Eusebium l. 7. c. 25. inscripta est Dionysio eidem Papæ, & Maximo, & aliis per orbem vniuersum Episcopis: & domus ipsa qua Samosatenus post depositionem suam decedere detrectabat, ab Aureliano Imperatore illis dari iussâ, quibus Italiæ & Romanæ vrbis Episcopi scriberent. Vbi rursus Orientales Synodos vides Romano Antistiti communicatas, & per eum Occidentalibus omnibus. Ratum est enim de omnibus Occidentis Episcopis, quod de Carthaginensi ait Augustinus l. 3. contra Crescon. c. 34. *Ad Carthaginis Episcopum Romano prætermisso, nunquam Orientalis Catholica scriberet.* Ita non communionis tantum, sed fidei communis & Synodicarum definitionum inter Orientis & Occidentis Episcopos arbiter erat Romanus Præsul; ut nulla decreta Synodica vniuersalem consequerentur Ecclesiæ consensionem, nisi eo authorante.

Sed quid Irenæo illustrius, homine Græco, & Latinam illustrante Ecclesiam, ut Orientis Occidentisque concentus intelligatur? Ille ergo l. 3. c. 3. quamquam illum fidei fontem in omnibus scatere putet non tantum Synodis, sed & Ecclesiis, vniuersali Ecclesiæ coherentibus: vberius tamen & magnificentius à Romanâ sede exundare eam ita prædicat. *Sed quoniam valde longum est, in hoc tali volumine omnium Ecclesiarum enumerare successiones, maxime & antiquissima & omnibus cognita à gloriosissimis duobus Apostolis Petro & Paulo Roma fundata, & con-*

XXXII. Alia ad idem argumenta.

XXXIII. Eiusdem prærogatiuæ suffragii primæ Sedis alia argumenta.

stituta Ecclesie, eam quam habet ab Apostolis traditionem, & annunciatam hominibus fidem, per successiones Episcoporum peruenientem usque ad nos, indicantes; confundimus omnes eos, qui quoquo modo vel per sui placentiam malam, vel vanam gloriam, vel per cecitatem, & malam sententiam, praterquam oportet, colligunt. Ad hanc enim Ecclesiam, propter potentiorē principalitatem, necesse est omnem conuenire Ecclesiam, hoc est, eos qui sunt undique fideles, in quā semper ab his qui sunt undique, conseruata est ea, quæ est ab Apostolis traditio. Vides Romanam Ecclesiam, ceu fidei Catholicæ solem ostentari omnibus toto Christiano orbe conspicabilem, & hanc eius prærogatiuam ex eo accersi, quod à principibus Apostolorum Petro & Paulo sit fundata. Ita & Tertullianus lib. de Præscrip. complures Ecclesias enumerat, à quibus sincera fides hauriatur, sed præ cæteris Romanam extollit. Si autem Italia adiaces, habes Romam, unde nobis quoque authoritas præsto est. Felix Ecclesia, cui totam doctrinam Apostoli cum sanguine suo profuderunt; ubi Petrus passioni dominica adequatur; ubi Paulus Ioannis exitu coronatur; ubi Apostolus Ioannes, posteaquam in oleum igneum demersus, nihil passus est, in insulam relegatur. Ab hac ergo principaliter Cathedra, non Synodo tantum fidei amissim mutuandam hortatur. Quibus ita accommodata sunt, quæ Augustinus lib. 1. oper. primi contra Iul. c. 2. habet, ut ab iis diuelli nec tanto temporis interstitio queant. Puto tibi eam partem orbis sufficere debere, in qua primum Apostolorum suorum voluit Dominus gloriosissimo martyrio coronare. Cui Ecclesia præidentem B. Innocentium si audire voluisses, iam tunc periculosam iuuentutem tuam Pelagianis laqueis exuisses. Quid enim potuit vir ille sanctus Africanis respondere Conciliis, nisi quod antiquitus Apostolica sedes, & Romana cum cæteris tenet persēueranter Ecclesia? Ita cæteris per orbem Ecclesiis, Synodisque sua adseritur elucidandæ fidei authoritas, ut omnibus Romana superponatur, ut ad quam cæteræ velut tum Carthaginenses, tanquam ad magistram fidei referantur.

Ita & Optatus fidem vnitatemque ab vniuersali Ecclesia repeti suadebat, sed omnibus tamen alijs Cathedram anteponebat Petri, eiusque successorum quos enumerabat vsque *ad Siricium hodie, cum quo nobis totus orbis, commercio formatarum, in vnâ communionis societate concordat.* Itaque consensio cum Romanâ cathedrâ, & consensio cum vniuersali Ecclesiâ, vna eademque est: sed quia omnes percurrere longum est, compendio res agitur, vbi vni, cui omnes inhærent, inhæretur. Ita & Hieronymus suprâ Vigilantio opprobabat consensum orbis totius Episcoporum, ante alios & instar omnium Romani. In epistola ad Demetr. ab Anastasio, ab Innocentio Apostolicam Cathedram tenentibus, fidem defensatam, fidem aiebat ediscendam. In Apolog. aduersus Ruff. non polle Episcopos orbis suscipere, quod Roma, quod fides Apostolica condemnasset. Et rursus alijs locis suprâ allatis, damnatum ab Episcopis cæteris Origenem, sed Anastasij Papæ literas hæreticum toto orbe persequi: de suo in fide contentu cum Cathedra Petri Alexandrinam Ecclesiam gloriari. Et Theophilus Episc. Alex. in serm. ad Monachos, vt refertur in Edicto fidei à Iustiniano Imp. *Quare, inquit, anthematizantes Origenem, ceterosque hæreticos, sicut nos, & Anastasius sanctæ Romanæ Ecclesiæ Episcopus, qui ex veteribus certaminibus clarus, nobilissimi populi dux creatus est: quem & vniuersa beatorum Occidentis Episcoporum sequitur Synodus, quæ accepit ac probauit Alexandrinæ Ecclesiæ sententiam in impium latam.* Ita Augustinus, ita Prosper in testimonijs suprâ aceruatis, Synodos quidem in Oriente & in Africa habitas non tacebant: sed summam victoriam, & gloriæ palmam de Pelagianis reportatam vni Apostolicæ Cathedræ adsignabant. Ambrosij & Fer-randi suffragia erant lucidissima pro Romanæ Ecclesiæ principatu in fide dictanda.

Rursum Augustinus epist. 157. laudat epistolas *sive quæ specialiter ad Afros, siue quæ vniuersaliter ad omnes Episcopos de memoratâ sede manarunt.* Ad omnes Episcopos enim fidem

XXXIV. Alia
rursus argumen-
ta.

XXXV. Alia
denuo.

dictare, non Africanarum erat quamuis vniuersalium Synodorum, sed sedis Apostolicæ. Itaque consensus ille, quo vniuersalis Ecclesia Synodis particularibus subscribit, aptus religatusque est ab assensu sedis Apostolicæ, ab eoque indiuiduus. Vnde Innocentius ad PP. Conc. Mileu. *Præsertim quoties fidei ratio ventilatur, arbitror omnes Coepiscopos nostros, nonnisi ad Petrum, i. sui nominis & honoris authorem referre debere, velut nunc retulit vestra dilectio: quod per totum mundum possit omnibus Ecclesiis in commune prodesse.* Cui subiunge Facundum vel Græcorum potius Antistitum ipsos apices, qui in dubio tum adhuc de tribus capitulis conflictu, hoc vno se patrocinio tutos putabant, ne Chalcedonensi Synodo fideique quid derogasse viderentur, quòd sedem Apostolicam, quòd Vigilium consulissent. Lib. 2. cap. 6. *Et adhuc dicunt, quòd de tantâ suâ presumptione Ecclesiam quoque Romanam consuluerunt, & nunc sententiam B. Vigili præsulis eius expectent.* Nec dubitat Facundus Vigilium prædecessoris sui Leonis decreta firmaturum, & ita fidei atque Ecclesiæ vniuersali consulturum. *Experientur quantum illos sua suspicio sefellerit. Quia ille non in destructionem paterna sententiæ, sed potius in defensionem atque vltionem, primam accepit & maximam potestatem: nec aliquid contra veritatem, sed pro veritate plus cæteris suis consacerdotibus potest.* Vide & l. 4. c. 3. Vbi perspicis primam, maximamque potestatem, & præ cæteris consacerdotibus in veritatis defensionem & vltionem, quâ in Oriente, quâ in Occidente, datam Romanæ sedis, & Græcos & Latinos tum consensisse. Similiter pene alibi suprâ Vincentius Lirinensis testabatur, Stephanum Papam errori cum cæteris, sed tamen præ cæteris restitisse; dignum enim existimasse, si reliquos omnes tantum fidei deuotione vinceret, quantum loci auctoritate superabat. Itaque ipsum sanxisse, ne quid nouaretur. Totam enim Ecclesiæ personam, utpote eius caput sustinebat: & velut os Ecclesiæ, sanciebat. Et rursus Sozomenus l. 6. c. 21. flagrante apud Orientales controuersia de Spiritûs sancti Deitate;

&

& in dies magis magisque adolescente: Athanasio, Basilio, Gregorio rectam fidem contra Macedonianos strenuè propugnantibus: *Episcopus Romanus de eâ contentione certior factus, scripsit ad Ecclesias Orientis literas, ut unâ cum sacerdotibus & Episcopis Occidentis Trinitatem & consubstantialem esse & gloriâ aequalem existimarent. Quo facto, singuli rebus ab Ecclesiâ Romanâ semel indicatis acquieuerunt, & hac controversia finem habere visa est. Et Euagrius lib. 3. c. 18. gesta Synodi Chalcedonensis breuissimo perstringens compendio, inter cætera hæc habet: In unum rursus congregati Episcopi primùm responderunt ad rogatum principum, de verâ rectâque fide doceri cupientium. Deinde dixerunt, non debere quidquam amplius de causâ Eutychis semel ab Episcopo Romano conclusâ definitâque statui. In quam sententiam omnes quasi pedibus ierunt. Et rursus Arnobius in conflictu cum Serapione: Apostolica recordationis vir sanctus Cyrillus Ecclesiæ Alexandrinæ Episcopus, cùm cognouisset Nestorianum dogma contrarium fidei pullulare, scripsit per totam Ægyptum: & ad sanctum Calestinum Apostolica recordationis Antistitem scripsit, dicens ad laudem suam pertinere, si ab eo qui Pontificatus arcem tenebat, fuisset aliquid emendatum. Sanctus verò Calustinus ita encomiastes eius extitit, ut in Nestorium damnationis dictaret sententiam. Et Synodi Mopsuestenæ patres testantur, Synodica gesta se Imperatori nota facturos, & in omnibus sanctissimo beatissimoque antiquioris Romæ Papa. Ut refertur Synodi 5. act. 5. Et in eorum suggest. ad Vigiliam Papam: Decebat, cùm primam inter sacerdotes dignitatem sortiti estis, sanctissime, ea quæ ad sanctarum Ecclesiarum statum respiciunt, manifesta vestra diuinitus honorata beatitudini fieri.*

Quibus hæc testium copia non satis est, nescio quid satis sit. Constat enim abundè tot testimoniis, Ecclesiis, Episcopisque omnibus siue synodicè, siue extra Synodos, solâ execratione nouitatis hæreses exorientes damnantibus, vel præisse, vel accessisse, vel successisse sedem Apostolicam, & summum authoritatis pondus &

R

XXXVI. Summa antedictorū de prerogatiua primæ sedis.

vim ineluctabilem atque vniuersalem adiecisse. Si quid alia Ecclesiæ Synodive perficere non poterant, ipsa efficiebat : si quid effecerant, perficiebat : si quid priuatim sanxerant, id ipsa toto orbe Catholico auctorabat. Nihil inuidiæ, nihil contentionis strepebat. Nunc quod cæteræ sequerentur, ipsa dictare occupabat, certa de membrorum suorum consensu & obsequio. Nunc reliquas in impietatis apud se exortæ damnationem præcurrentes, ipsa lubens sequebatur, confirmabat ; & sin minùs tempore, certè consensu, dignitate, auctoritate antecede-
 bat. Ita siue præfinirent alia Synodi, quod vt aiebat Prosper, *regna sequerentur* tum demum, cum *Roma probasset* ; siue præciperet Romana Ecclesia fidem omnibus amplectendam scribere ; plerumque temporis, semper auctoritatis ordine caput membris anteibat. Cumque fides commune sit Ecclesiarum omnium decus, non poterat illa à priuatis vel Ecclesiis, vel Conciliis sanciri, nisi præsumpto vel adhibito consensu suffragioque principis Ecclesiæ, cuius vnus ius erat confirmare & promulgare quod omnes Ecclesiæ sequerentur.

XXXVII. Quod in fide definienda nunc vnus omnibus eminet Romanus Pontifex, olim similiter habuit.

Quod ergo hodie quidam mirantur, inaniter mirantur, in definiendis fidei quæstionibus solam nunc ferè consuli, solam audiri Romanam Ecclesiam. Nihil noui, nihil inusitati est in re istâ. Etsi enim variatum aliquid sit in cortice, in recessu tamen simillima erat vetus disciplina. In causâ Paschatis solus emicat Victor. In causâ baptismi hæreticorum solus Stephanus. In causâ mœchorum, solus Zephirinus. In causa Dionysij Alexandri-
 ni solus Dionysius Romanus. In causa Donatistarum solus præ cæteris Miltiades. In causa Athanasij solus Iulius. In causa Arianæ hærescos, soli Romani Præsules Occidentem in fide retinent, Orientem ad fidem reuocant. In causa Macedonij solus ante cæteros Damasus coruscat. Iouinianum vnus Siricius confodit, eius iudicium sequitur cum aliis Ambrosius. Origenem primus Anastasius toto orbe hæreticum persequitur, Theophi-

lus aliique Petri cathedræ se hæere gestiunt. Pelagium præ Conciliis Africanis Pontifices Romani Innocentius, Zozyms, Bonifacius, Cælestinus, Sixtus confecerunt, teste Augustino & Prospero. Nestorium primus impetivit Cyrillus, sed ille ipse Cælestino prosternendum reserua-uit. Cælestino Nestorium, Leoni Eutychetem damnanti; Ephesina & Chalcedonensis Synodi, nihil aliud quàm subscribere se testificatæ sunt. Eodem ergo res redit, siue Romanam Ecclesiam aliæ præeuntem sequantur, siue eius secururæ & assensuræ fiduciâ præeant, nisi quod illud securius. Atque ut vno verbo absolvam, siue Ecclesia vniuersalis, siue Synodus œcumenica, cum hæc illius repræsentatio sit: afficiuntur & reguntur eodem prorsus modo; utrique fidem suam propinat, utriusque vel consensionem tacitam, vel confessionem expressam confirmat sedes Apostolica, utrobique ut caput membris anteire censenda.

In dubiis tamèn & implicationibus quibusque de nouo emergentibus causis Apostolicam primùm sedem consuli moris antiqui fuit. Innocentius I. epist. 4. *Mirari non possumus, dilectionem tuam sequi instituta maiorum; omniaque quæ possunt aliquam recipere dubitationem, ad nos, quasi ad caput, atque ad apicem Episcopatus, referre: ut consulta videlicet sedes Apostolica, ex ipsis rebus dubiis certum aliquid faciendum pronunciet.* Leo I. epist. 84. *Sed fortè inter ipsos qui præsunt, de maioribus, quod absit, peccatis, causa nascatur, quæ provinciali nequeat examine definiri, fraternitatem tuam de totius negotij qualitate Metropolitanus curabit instruere: & si certam positis partibus, nec tuo fuerit res sopita iudicio, ad nostram cognitionem quidquid illud est transferatur.* Hæc ille ad Anast. Episc. Thessal. Et Ioan. VIII. ep. 93. ad Episc. Arclat. *Si qua inquisitio de fide vel fortasse aliarum rerum inter Episcopos causa emerferit, quæ difficilius discerni possit, collectis duodecim Episcopis ventiletur atque decidatur. Sin autem decidi nequinerit, discussa veritate ad nostrum iudicium referatur.* Idem & alij sanxere Pontifices. Et illæ sanè Synodice consulta-

XXXVIII. In dubiis & intricatioribus primùm consulitur summus Pontifex.

tiones, quarum fidem facit Hieronymus, quæ ex Oriente & Occidente Romam missitabantur, argumento sunt, quam toto ex orbe non Episcopi singulares modò, sed Synodi amarent de rebus utique dubis sedem Apostolicam percontari. Consule Siricij & Innocentij, aliorumque deinceps Pontificum epistolas, istiusmodi percontatoribus rescriptas, & ex iis coniectura sit de anteriorum etiam literis Pontificum. Constantem ubique & inueteratum morem animaduertes, non in fidei modo, sed in disciplinæ ambiguis Cathedram Petri interrogari. Quod ex veteri quoque instrumento mendicatum videri potest. Deuteron. c. 17. *Si difficile & ambiguum apud te iudicium esse perspexeris, &c. & iudicium intra portas tuas videris verba variari: surge, & ascende ad locum, quem elegerit Dominus Deus tuus. Veniesque ad sacerdotes Leuitici generis, & ad Iudicem qui fuerit illo tempore. Quæresque ab eis, qui indicabunt tibi iudicij veritatem, &c. Qui autem superbierit, nolens obedire sacerdotis imperio, & decreto Iudicis, morietur homo ille, &c.*

XXXIX Qualescumque Episcoporum conuentus vel concensus Synodicam auctoritatem obtinuisse colligitur.

Postremò denique ex congectione tot suprà testium illud liquidò fulgebat, quàm esset maioribus nostris persuasissimum, quibuscumque Episcoporum cœtibus & decretis Synodicam & inuiolabilem inesse auctoritatem, quandiu prima sedes, siue Ecclesia vniuersa non intercederet. Quid enim attinet anxie rimari, an conuentus illi Episcopales synodaliter se gesserint, synodique nomine donandi sint, cum etiam Synodi nullæ ad complures hæreses proterendas sint coactæ? Num sine Synodis, non idem est Ecclesiarum & Episcoporum sensus & consensus, eadem cum ipsis collegarum omnium conspiratio? Cum apud Eusebium vnius Episcopi literis, vel paucorum Episcoporum Synodo longè plurimi subscribunt alij per orbem Antistites, num ibi aliud quàm Episcoporum sententiæ conspirantes spectabuntur? Item, apud eundem cum Dionysius Alex. Nepotis deliria refellebat, *conuocatis presbyteris & doctoribus, qui fratribus per vicos præ-*


erant? Vt cumque Episcopi conueniant, vel non conueniant nisi Spiritu, num Apostolorum successores, num Apostolicæ traditionis propagatores, num ipsorum Ecclesiæ Apostolicæ, vel ab Apostolicis matricibus deriuatæ, ac per hoc & ipsæ Apostolicæ non sunt, vt iure meritissimo illorum & illarum fidei incumbatur, iuxta Irenæum & Tertullianum? Apud Cyprianum Romanæ Ecclesiæ viduatæ Clerus Synodicis consultationibus responderet, & causas vniuersales Ecclesiarum administrat. Cyprianus ipse hinc auguratur labascere omnia, & retro sublapso referre quod sacerdoti Dei, quod collegio sacerdotum mos non geratur: hinc hæreses, hinc schismata. Pacianus, & Optatus similiter non Synodos crepant, non collectiones Episcoporum ad legum amussim accuratas, sed sacerdotes, sed annosos Episcopos, sed Ecclesiæ castitatem, sed concentum omnium inter se sacerdotum per orbem & cum radice vnitatis, cathedrâ Petri.

Hieronymus omnibus hæreticis, non Romanas, non alias Synodos obiecit, non Synodorum gesta rimatur, sed Præsulis Romani & aliorum Episcoporum mores imitandos suadet, qui martyrum reliquias venerantur: Innocentij fidem tenendam, qui Apostolicam cathedram tenet: Anastasium sequendum, qui Apostolica sollicitudine sibilantia Hydræ ora compescuit, qui literis suis hæreticum toto orbe persequitur: si vel Romani, vel alterius cuiuslibet Episcopi vel parua schedula aduersum se proferretur, omnia illicò à se recantatum iri: & id genus alia complura. Num Episcoporum sententias, nisi synodicè proferantur: num Synodos, nisi ad solennes regulas sint eliminatæ: num definitiones, nisi communibus votis conscriptas aspernaturum se, vel aspernari quenquam Catholicum posse innuit? Num examinerum & gesta, & vota singula examinaturum, ponderaturum, numeraturum, & subductis calculis huc vel illuc inclinaturum se vel quenquam alium sobrium virum significat? Quid Augustinus aduersus Pelagianos quasi non discusso negotio

XL. Idem rursus ostenditur, nec fideles illos de iudiciis suis iudicare aulos.

audientiam postulantes & œcumenicam Synodum? Respondet Synodis opus non esse, examen Episcopale sufficiens datum esse, cum quatuordecim Orientales Episcopi, & plures Africani sententiam dixissent: sedem Apostolicam rescripsisse, litem proinde finitam esse. Synodi Romanæ rarus aut nullus meminit, suffragiâ consultorum nusquam numerat, epistolas Pontificum Innocentij, Zozymi solas ostentat, etiam ad omnes orbis Episcopos datas. Quid Iovinianum Siricius? *Facto presbyterio illum damnatum ait, nam omnium nostrum tam presbyterorum, & diaconorum, quàm etiam totius Cleri, una sententia est, &c.* Et protinus rescribit Ambrosius, quos sanctitas eius damnasset, secundum eius iudicium à se quoque, suâque Synodo damnatos. Procul exulabant, ut vides, cauillationes, procul tricandi libido, procul morositas. Episcopali authoritati, & sententiæ incontanter à Catholicis subscribebatur, nec id sibi sumebant fideles, ut de iudiciis suis iudicarent. Ex superiori aggre authorum, plura huc referes & coaptabis, genus ipsum indigitalle sufficiet.





DISSERTATIO V.

IN

SYNODVM ARIMINENSEM

An. 359.

SYNOPSIS.

Illud Hieronymi, Ingemuit orbis, & se esse Arianum miratus est: nihil officere Ecclesiae Catholicae vniuersalitati: nec enim posteriorem etiam illam Ariminensem Synodum, vel Synodi partem haeresi consensisse, sed dispensationi seruasse, ex Athanasio, Hieronymo, aliisque Patribus palam fit aduersus haereses antiquas & nuperas. Vsq. ad num. XI.

Illo ipso tempore ostenditur mira fuisse paucitas Arianorum, pra multitudine Ecclesiae Catholicae. De consubstantialis voce disseritur, quae quandoque aberat à confessionibus Catholicis: item de communione Ecclesiae Catholicae, cui per diu Ariani intermixti fuere. Ad num. vsque XXI.

Deinceps de Lucifero Calaritano Episcopo pauca disceptantur. Ecqui illum à schismatis infamia absolueri fas sit. Regulae dispensationis ex Iuane Carnotensi promuntur: iuxta quas eadem quandoque facta, vel easdem personas, puta Ariminenses Patres, nunc alij & alij, nunc iidem ipsi ex Patribus accusant & excusant: vituperant & laudant: citra rerum & sententiarum, etsi non citra verborum conflictum.

DE eâ parte priore Ariminensis Concilij, quae strenuè Nicenam fidem, & consubstantiale propugnauit, quandiu incolumis ei libertas constitit: nec verbum vllum faciam, quòd nihil de eâ ambi-

I. Proponitur difficultas de facto Ariminensibus Patribus, & quod orbis mira-

ens est se esse
Arianum.

gatur. At posteriorem, de quâ Hieronymus Dial. adu. Lucifer. dixit, *Ingemuit totus orbis, & Arianum se esse miratus est*: paucis hîc perstringam, quod eo velut ariete soleant nouatores Ecclesiæ toto orbe diffusæ vniuersitatem impetere; nec omnibus Catholicis satis expeditæ sint rationes huius machinæ retundendæ. Atque vt ab Hieronymo ipso exordiar, sic ille rem ab ouo, vt ita dicam, orditur. *Sub Rege Constantio, Eusebio & Hippatio Consulibus, nomine unitatis & fidei infidelitas scripta est, vt nunc agnoscitur. Nam illo tempore, nihil tam pium, nihil tam conueniens seruo Dei videbatur, quàm unitatem sequi, & à totius mundi communione non scindi. Prasertim cum superficies expositionis nihil tam sacrilegum praeferret?* Itaque is erat scopus piorum omnium, unitatem sequi, & à totius mundi communione non scindi. Ideo amplexi sunt tandem Ariminenses Patres confessionem, cuius superficies nihil sacrilegum praeferbat, in cuius medullâ nihil veneni suspicabantur. Quid non hîc orthodoxum?

II. Ariminenses Patres nec in posteriore parte Synodi consenserunt hæresi. Probatur id primum ex Hieronymo Dial. aduers. Lucifer.

Pergit porro confessionem ipsam Ariminensem expendere. *Credimus, aiebant, in vnum verum Deum, Patrem omnipotentem. Hoc etiam nos confitemur. Credimus in unigenitum Dei Filium, qui ante omnia secula, & ante omne principium natus est ex Deo. Natum autem unigenitum solum ex solo Patre, Deum ex Deo, similem genitori suo secundum scripturas, &c. Nunquid hîc insertum est, Erat tempus, quando non erat? vel, De nullis extantibus creatura est Filius Dei? Perfecta fides est, Deum de Deo credere. Et natum aiebant unigenitum, solum ex solo Patre. Quid est natum? Certè non factum. Natiuitas suspicionem auferbat creatura. Addebant praterea, qui de calo descendit, &c. Sonabant verba pietatem, & inter tanta illa praeconia, nemo venenum insertum putabat. Sonabant hæc omnia pietatem, & Catholicum dogma sapiebant, Arianicum iugulabant.*

Et rursum ibidem Hieronymus: *De vsu verò nomine abiciendo, verisimilis ratio praebebat. Quia in Scripturis, aiebant, non inuenitur: & multos simpliciores nonitate suâ scandalizat.*

delizat. Placuit auferri. Non erat cura Episcopis de vocabulo, cum sensus esset in tuto. Quid apertius? Sola vox abiecta, probabili de causâ: nec curæ fuit de vocabulo, cum fides esset in tuto. Ergo Episcopi à fide Catholicâ non unquam delirarunt.

Sed cum fraudem fuisse in expositione rumor populi ventilaret, iterum iterumque Valens applaudente Synodo anathemata complurima ingeminavit in eos qui dicerent Filium non esse æternum, Patri similem, esse de nullis extantibus, esse creaturam ut sunt ceteræ creaturæ, & id genus alia: professusque est, *se Arianum non esse, & penitus ab eorum blasphemis abhorreere*: Hæc Hieronymus ex actis ipsius Concilij, qui & addit: *Supersunt homines, qui illi Synodo interfuere. Et tandem: His ita gestis Concilium soluitur. Latæ omnes ad provincias reuertuntur. Id enim Regi, & bonis omnibus cura fuerat, ut Oriens atque Occidens communionis sibi vinculo necerentur.* Pater nullam Synodo placuisse perfidiam. Si quid autem Valens fraudulenter recondideret, id Patribus minimè suspicantibus affingi non posse.

III. Non Catholica tantum erat confessio cui subscripserunt, sed & Ario anathema etiam ab adversariis dictum est.

Pergit rursus: *Sed diu scelera non latent. Et cicatrix male obducta, incocto pure dirumpitur. Cæperunt postea Valens & Ursacius, ceterique nequitie eorum socij, egregij videlicet Christi sacerdotes, palmas suas iactare, dicentes se Filium non creaturam negasse, sed similem ceteris creaturis. Tunc Vrsi nomen abolitum est. Tunc Nicæna fidei damnatio conclamata est. Ingemuit totus orbis, & Arianum se esse miratus est. Igitur alij intra suam communionem remanere. Alij ad eos confessores, qui sub nomine Athanasij exulabant, cæperunt literas mittere. Nonnulli initam societatem meliorum desperatione planxerunt. Pauci verò ut se natura hominum habet, errorem pro consilio defensare. Periclitabatur nauicula Apostolorum, &c.* Scelera plangit Hieronymus, sed Valentis & Ursacij, & sociorum, qui reconditâ fraudulentâ imposuerant Synodo. Non vulnus ait à Synodo inflictum Ecclesiæ, sed vulneri priori cicatricem male obductam, quod latentem sub innocuis

IV. Ex eodem Hieronymo alia argumenta.

vocibus fraudem non essent odorati. Ingemuisset orbem ait, & miratum se esse Arianum, nempe quod id novum, id præter mentem & voluntatem suam esset; imò quod impossibile id esset, & tamen ita esse specie tenus videretur, ob fascinationes Arianorum, quibus ita Synodum excantaueraut, non ut ipsa Arianae perfidiae assentiretur, sed ut cos ab Arianismo resipuisse existimaret. Ideo hac fraude periclitabatur Nauicula Apostolorum, non mergebatur; mergeretur autem, si quadringenti Occidentales Episcopi à fide descivissent, à qua permagna Orientis pars iam defecerat.

V. Ex eodem suspicio hæreseos ab eisdem propulsatur.

Et perspicuè Ariminenses Episcopos à Catholicâ fide nec transuersum vnguem deuiasse, idem mox docet. Post mortem enim Constantij, restituto in suam sedem sub Iuliano cum cæteris confessoribus Athanasio, *Concurrebant Episcopi, qui Ariminensibus dolis irretiti, sine conscientia, hæretici ferebantur: contemnentes corpus Domini, & quidquid in Ecclesiâ sanctum est, se nihil mali in suâ fide suspicatos. Putauimus, aiebant, sensum congruere cum verbis; nec in Ecclesiâ Dei, ubi simplicitas, ubi pura confessio est, aliud in corde clausum esse, aliud in labiis proferri timuimus. Decepit nos bona de malis existimatio. Non sumus arbitrati sacerdotes Christi aduersus Christum pugnare. Multaque alia, quæ breuitatis studio prætereo, flentes asserebant: parati & subscriptionem pristinam, & omnes Arianorum blasphemias condemnare. Quid his verbis eliquatius? Ubique elucet non Arianorum partibus suffragatos Episcopos, sed ab iis resilire Valentem cum sociis, arbitratos esse: eorumque verba confessionis, ut sonabant, ingenuè & simpliciter interpretatos esse, latitantes autem eorum erroris sinus, nec deprehendere potuisse, nedum approbare.*

VI. Ariani non erant, conscij erroris non erant, hæretici non fuerant, id Synodi sententia declaratum: id Orien-

Et rursus: *Quid à confessoribus agendum putauerint? Deponitis, inquit, veteribus Episcopis, novos ordinassent. Tentatum est. Sed quotusquisque bene sibi conscius patitur se deponi? Præsertim cum omnes populi, sacerdotes suos diligentes, pene ad lapides, & ad interemptionem deponentium eos conuolauerint.*

Mansissent, aiunt, intra suam communionem. Hoc est dicere, irrationabili crudelitate totum orbem Diabolo condonassent. Cur damnassent eos, qui Ariani non erant? Cur Ecclesiam scinderent, in concordia fidei permanentem? Cur denique credentes bene, obstinatione sua facerent Arianos? Et infra: Post reditum confessorum, in Alexandrinâ postea Synodo constitutum est, ut exceptis authoribus hæreseos, quos error excusare non poterat, pœnitentes Ecclesie sociarentur. Non quò Episcopi possent esse, qui hæretici fuerant: sed quò constaret eos qui reciperentur, hæreticos non fuisse. Assensus est huic sententiae Occidens: & per tam necessarium Concilium, Satana faucibus mundus ereptus est. En quàm inculcatè asserat, Episcopos Ariminensis Concilij hæreseos conscios non fuisse, bene credidisse, in concordia fidei permansisse, Arianos non fuisse, hæreticos non fuisse. Ergo cùm orbis miratus est se esse Arianum, rem inauditam & impossibilem miratus est, fuco & astu Arianorum illusam, quasi esset, cùm reapse non esset.

tis & Occidentis
consensu firma-
tum ex Hierony-
mo.

Non suam tantùm sententiam Hieronymus ibi profert, sed Athanasij, sed Alexandrinæ sub eo Synodi, sed Occidentis & Orientis vniuersi, qui Synodo illi suffragatus est, vbi Episcopi suis sedibus redditi sunt, quò constaret eos hæreticos non fuisse. Sed audiat Athanasius ipse ad Ruffinianum ita scribens: Scias quò in principio quidem, cùm vis qua facta est, cessasset, facta est Synodus, presentibus ex partibus externis Episcopis. Facta est autem & apud sacrorum comministros qui habitant in Græcia: nihilominus autem & apud eos qui habitant in Hispania & in Gallia. Et placuit hoc quòd hic & ubique: ut iis quidem qui lapsi sunt, impietati autem præsumt, venia quidem detur pœnitentibus ac resipiscentibus, locus autem cleri non detur. Illis autem qui impietatis authores non fuerunt, sed vi & necessitate tracti sunt, visum est dari veniam, habere autem etiam locum in clero: maxime quia probabilem defensionem attulerunt: & visum est hoc quodammodo, æconomico consilio factum esse. Affirmarunt enim se non fuisse ad impietatem traductos; ne autem quidam à pietate longè alienissimi Ecclesias corrumpere, maluerunt vi cedere,

VII. Ex Athana-
sio & Theodoro
to idem ostendi-
tur, quòd Arimi-
nenses Patres fe-
cerunt, dispensa-
tione rationabili
fecisse.

& onus ferre, quàm populos perdere. Hoc autem dicentes, visi sunt etiam nobis probabiliter dicere; quod ipsi in excusationem adducerent, Aaronem Moysis fratrem in deserto prauaricationi populi consensisse; se autem hac ratione defendisse, ne populus in Ægyptum reuersus in idololatria permaneat. Probabile enim videbatur, quòd in deserto manentes, possent ab impietate desistere: Ægyptum autem ingressi, perpetuarent & augerent impietatem. Hæc Athanasius, qui & ipse defectioni patrocinatur, qua se tuebantur Episcopi Ariminenses, prouidâ scilicet dispensatione Arianis se tum communicasse, ne si id pertinaciùs recusarent, exturbarentur suis Ecclesiis, & in eas Ariani irrumperent, virusque suum impunè deinceps & latissimè disseminarent. Porro Gallicanis, Hispaniensibus, & Græcanicis Synodis idem visum testatur. Ergo probabilis hæc fuit dispensatio, non Arianica perfidia, quâ orbis ingemuerit se esse Arianum. Vt enim notat Balsamon in hanc Epistolam, exterior tantum hæc fuit Catholicorum & œconomica cum Arianis communicatio, non consensio in eorum vesaniam. Extat & apud Theodoretum lib. 2. c. 22. epistola Damasi Papæ, Synodique Romanæ Episcoporum nonaginta, qua perhibetur contestatos esse Ariminenses Patres, se vim passos esse, nec se cogitasse suam fidei formulam sententia Nicani Concilij aduersari.

VIII. Multi tamen Patrum Ariminensem defectionem planxerunt.

Vbi ergo sancti Patres Ariminensibus Episcopis defectionem à fide videntur affingere, pingui loquuntur minerva; & communionem pro fide accipiunt, rei que non veritatem, sed speciem ab Arianis iactatam prosequuntur. Augustinus epist. 50. dispensationis Ecclesiasticæ præconia ingeminans, *Sic multitudinibus per schismata & hæreses pereuntibus subuenire consuevit. Hoc displicuit Lucifero, quia factum est in eis suscipiendis atque sanandis, qui veneno perierant Ariano.* Ambrosius in c. 6. Lucæ: *Nonne tibi videtur his dicere, qui dudum in Ariminensi Concilio perfida prauaricationis authores, dum Imperatoris gratiam sequuntur, Dei gratiam perdiderunt?* Liberius epist. 11. ad Orientales: *om-*

nes illi ferè Episcopi qui Arimini conuenerant, quique vel fallacibus inescati illecebris, vel vi compulsi, à fide tum quidem descuerant: nunc tamen ad sanam mentem reuersi, fidei formula ab Episcopis Arimini congregatis edita anathema denunciarunt, & fidei Catholica & Apostolica Nicea confirmata subscripserunt, & nobiscum iam vnà communicant. Facundus Herimian. lib. 9. cap. 3. Multo plures apud Ariminum in Arianum dogma fuerunt subacti, opprimente Constantio, & in Ariminensi Concilio multi Arianò dogmati cohibentes, tres diuersas eiusdem sanctæ Trinitatis mentiti sunt esse naturas. Et l. 12. c. 2. Nusquam eoactum Concilium nisi falsitati subscripsit, sicut in Arimino factum est, Constantio compellente: & apud Ephesum opprimente Dioscoro. Et Basiliius epist. 52. Omnia secum habentes quæ in Arimino gesta sunt, ad ea dissoluenda, quæ illis per vim facta sunt. Patres alios, Synodosque parco accumulare, à quibus anathema illisum est posterioribus Synodis Ariminensis gestis.

Hos tamen Patres, has Synodos haud equidem prioribus Patribus Synodisque conflictari existimari. Nam vnus sanè secum consentit saltem Athanasius. At is l. de Synodis Ariminensi & Seleuciensi, & in epistolis compluribus, posteriora Ariminensis Synodi vt Nicænæ Synodo aduersantia repudiat conspuitque. Et idem tamen probabilem dispensationem hanc fuisse suprà interpretatus est cum Synodo suâ Alexandrinâ. Ergo inter hæc nulla conflictatio imaginanda est. Etenim si sententiam animi, si fidei medullam, si sensum Episcoporum Ariminensium introspecias, omnia hæc Catholici dogmatis tenacissima semper fuere. Si speciem rerum extimam, si fucum ab Arianis factum, si rumores ab illis sparsos, si communionem exteriùs initam, Arianicum his omnibus venenum erat superfusum. Itaque Catholici Episcopi tam clementer excipiendi fuere, quàm qui à Nicæna fide nunquam descissent, & probabili vsi essent dispensatione. At decreta Ariminensia per fraudem & ludibrium Arianorum expressa, ita fulminanda fuere, vt quæ Aria-

IX. Horum cum superioribus conciliatio. Cùm eisdem idem Athanasius excuset & accuset.

nicæ perfidiæ virus clam alerent. Utque fides vel ab inuitis extorqueatur, audi rursus pauca ista ex epist. Parisiensis Synodi sub Hilario ad Orientales Episcopos scriptâ: *Nam plures numero, qui Arimini affuerunt, sub auctoritate vestri nominis, ad Vsiæ silentium sunt coacti: quod verbum à vobis quondam contra Ariomanitarum hæresin inuentum, nobis semper sanctè fideliterque susceptum est. Et infra: Itaque charissimi, cum ex literis vestris fraudem se passam in vsiæ silentio simplicitas nostra cognoscat, &c. nos quoque ab his omnibus quæ per ignorantiam perperam gesta sunt, referimus, &c. Itaque non hæresi se consensisse, sed fraudem se passos testantur; verba enim sibi data, quasi Orientales Catholici in Vsiæ vocabuli silentium, dispensationis ergo, assensi essent; ideoque & se per simplicitatem & ignorantiam in idem annuisse. Quin & ipse Hilarius ibidem in fragmentis paulò antè, suo more illud quod Valens Arimini confessus erat, & quo Catholicos Episcopos pettraxerat, Filium non esse creaturam ut cæteras creaturas, illud inquam Catholicè dici vendicat. Respondistis sanctis Ariminensibus non Christum creaturam negatum fuisse, sed dissimilem cæteris creaturis, &c. Quasi verò vlla creatura aliis sit similis, ut angelus homini, homo aui, auis pecudi, &c.*

X. Confirmantur
antedicta ex Sul-
pitio Seuero.

Audiendus rursus Sulpitius Seuerus l. 2. hist. Legatos Ariminensis Concilij ex parte nostrorum compellit Imperator uni-ri hæreticorum communioni: eisdemque conscriptam ab improbis fidem tradit, verbis fallentibus innolutam; qua Catholicam disciplinam, perfidiâ latente loqueretur. Namque Vsiæ verbum, tanquam ambiguum, & temere à Patribus usurpatum, neque ex auctoritate Scripturarum profectum, sub specie falsæ rationis abolebat, ne vnus cum Patre substantia Filius crederetur. Eadem fides similem Patri Filium fatebatur. Sed interiùs aderat fraus parata, ut esset similis, non esset aqualis. Fidei subscriptum vides, non hæreticæ, sed verbis fallentibus innolutæ, qua Catholicam disciplinam, perfidiâ latente, loqueretur. Itaque hæresi non consenserunt, quam nec suspicati sunt. Et mox: Valens & Ursatius affirmantes præsentem fidem Catholicâ ra-

tione conceptam, ab Orientalibus Imperatore authore prolatam, cum piaculo repudiari: Et quis discordiarum finis foret, si qua Orientalibus placuisset, Occidentalibus displiceret. Postremo si quid minus plenè præsentī fide editum videretur, ipsi adderent, quæ addenda putarent; præbituros se in his quæ essent adiecta, consensum. Favorabilis professio pronis omnium animis excepta: nec ultra nostri repugnare ausi, iam quoquo modo finem rebus imponere cupientes. Dein conceptæ à Fagadio & Scruatione professiones edi capere: in quæis primùm Arius, totaque eius perfidia damnatur: ceterum non etiam Patri aequalis, & sine initio, sine tempore Dei Filius pronunciatur. Tum Valens tanquam nostros adiuuans, subiecit sententiam cui inerat occultus dolus, Filium Dei non esse creaturam sicut ceteras creaturas, se fillitque audientes fraus professionis. Etenim his verbis, quibus similis esse ceteris creaturis Filius negabatur, creatura tamen, potior tantum ceteris pronunciabatur. Itaneutra pars vicisse se penitus, aut victam putare poterat: quia fides ipsa pro Arianis, professiones verò postea adiectæ pro nostris erant: præter illam quam Valens subiunxerat, quæ tum non intellecta, serò demum animaduersi est. Hoc verò modo Concilium dimissum, bono initio, fædo exitu est consummatum. Ubique elucet circumuentos fuisse Catholicos Episcopos, non ut hæresi annuerent, sed ut ab eâ Arianos resipuisse crederent: ut latentes in eorum professionibus insidias serò nimis animaduertèrent: denique non ut fidem, sed ut communionem cum versipellis confociarent. Tuncque ingemuit orbis se esse Arianum, non fide aut perfidia potius, sed ut ipse Nouatorum primipilus concinit, *linguæ à Communione.*

Blondel. de prim.
l. 153.

Quàm non inaniter autem defudatum à nobis sit in hac parte, tum intelliges, cum audieris, quantum sibi præsidij olim Pelagiani, Donatistæ, aliquæ hæretici collocatum esse putauerint in hac Ariminensi defectione, & germanorum tunc Catholicorum mira, ut ipsi somniant, paucitate: Huc enim sexcenties confugere, cum suam illis paucitatem exprobraret Ecclesiæ Catholicæ orbem vniuersum implens maiestas. Ideo Iulianus lib. 1.

XI. Donatistæ & Pelagiani olim ut ex defectione Ariminensi aduersus Ecclesiam insoluerent.

num. 7. apud August. in ult. opere aduersus eum edito, ait: *In Synodo Ariminensi vehementius claruisse, quid apud plures animos vel ambiguitas verbi, vel comminatio noui vocabuli possit sceleris obtinere. Nam cum sub Ariano principe vir magnæ constantia, fideique sanctissima Athanasius Alexandrinus Episcopus, dilapso à fide Apostolorum omni pene mundo, & impietatis temporibus obstitisset, atque ob hoc in exilia coactus esset: de sexcentis & quinquaginta, ut fertur, Episcopis, vix septem inuenti sunt, quibus chariora essent Dei præcepta, quam Regis: videlicet ut nec in Athanasij damnationem conuenirent, nec Trinitatis confessionem negarent. Illa verò omnis deiectorum pectorum multitudo, extra iniuriarum metum, hæc est potissimum vel nominis comminatione, ne Athanasiana vacaretur, vel interrogationis calliditate decepta. Quat in his verbis, & hinc suis partibus suppalpatur Iulianus, quod & olim dilapsus à fide Apostolorum esset omnis pene mundus, & de sexcentis & quinquaginta Episcopis vix septem defectionis immunes fuissent. Similiter & Donatistæ, ut docet Augustinus epist. 48. paucitati suæ hinc patrocina captabant, & Hilarij ipsius verba prætexebant sibi, qui in suorum temporum calamitatem ita destomachabatur, quasi fides & Ecclesia de terris perisset.*

XII. Vniuersalitas Ecclesiæ Catholicæ vindicatur ex Augustino etiam illo suo vigens: & obiecta hæreticorum diluuntur.

Ut ergo & antiquis & nuperis hæreticis ora obstruantur, præter superius de Concilio Ariminensi disceptata, quæ longè aliter sanè habent, atque illi ineptire solent: & abunde produnt, ne tunc quidem corruisse fidem multitudinis Episcoporum: operæ præmium est, vniuersalitatem Ecclesiæ Catholicæ illis ipsis temporibus demonstrare, & præ eâ Arianorum paucitatem. Imprimis autem Augustinus offusas popularibus præiudiciis nebulas diffabit epistola suprâ laudata, in hunc modum. *Si aliqua in his verbis diuinis distributio facienda est, fortasse non frustra dictum sit de semine Abrahe, sicut stella cali, & sicut arena qua est in litore maris: ut in stellis cali pauciores, firmiores clarioresque intelligantur: in arena autem maritimi litoris magna multitudo infirmorum atque carnalium. Quæ aliquando*
tranquillitate

tranquillitate temporis quieta & libera apparet: aliquando autem tribulationum & tentationum fluctibus operitur atque turbatur. Tale tunc erat tempus de quo scripsit Hilarius, unde putasti insidiandum contra testimonia tot diuina, tanquam perierit Ecclesia de orbe terrarum. Potes hoc modo dicere, nec tot Ecclesias Galatia tunc fuisse, quando dicebat Apostolus, O stulti Galata, &c. Quis enim nescit illo tempore obscuris verbis multos parui sensus fuisse delusos, ut putarent hoc credi ab Arianis, quod etiam ipsi credebant. Alios autem timore cecidisse, & simulatè consensisse, non rectè ingredientibus ad veritatem Euangelij, quibus tu postea correctis, sic quemadmodum ignotum est, nolles ignosci, &c. Quamquam & illi, qui tunc firmissimi fuerunt, & verba hereticorum insidiosa intelligere potuerunt, pauci quidem in comparatione ceterorum: sed tamen etiam ipsi quidam pro fide fortiter exulabant, quidam toto orbe latitabant. Ac sic Ecclesia quae per omnes gentes crescit, in frumentis dominicis conseruata est, & usque in finem, donec omnino gentes omnes etiam barbaras teneat, conseruabitur, &c. Hilarius ergo decem provinciarum Asianarum, aut zizania non triticum arguebat: aut ipsum etiam triticum quod defectu quodam periclitabatur, quanto vehementius, tanto utiliùs arguendum putabat. Habent enim etiam Scriptura canonica hunc arguendi morem, ut tanquam omnibus dicatur, & ad quosdam verbum perueniat. Quadrant hæc Augustini omnia in Ariminensia tempora: sed & in omnes Arianorum procellas. Obserua autem 1. etiamtum in semine Abrahamæ, seu in sinu Ecclesiæ Catholicæ fuisse non stellas tantum cæli, sed & arenam maris; id est, non paucos tantum fortes & lucidos, sed & innumeros carnales atque infirmos. Nam si à fide hi exorbitassent, non infirmi tantum & carnales, non in semine Abrahamæ, non in zizaniis computarentur. Et eos sanè ait tribulationum fluctibus operiri & turbari, non demergi. 2. Hieronymo, Seuerò, aliisque suprà laudatis assentiri Augustinum, & cladem Ariminensem imputare simplicitati eorum, qui parui sensus quòd essent, delusi sunt obscuris verbis, ut putarent hoc credi ab Arianis, quod etiam ipsi credebant, &c. verba ha-

reticorum insidiosa intelligere non potuisse. Quo quid euidentius? Alios addit timore cessisse, & simulatè consensisse, ac statim redisse. Non ergo vnquam à fide orthodoxâ, non ab Ecclesiâ vnquam desciuit multitudo Episcoporum, nunquam ad illam paucitatem Ecclesia perducta est. 3. Ab Hilario docet non omnes, sed Asianas tantùm prouincias increpitas esse, & ipsas quidem non quòd penitus defecissent, sed quòd *quidam* in eis: more in Scripturis vsitatissimo, vt obiurgatio ad omnes concrepet, quæ ad quorundam tamen duntaxat insaniam coërcendam pertinet.

XIII. Rursus ex eodem, & ex Hilario.

Quod autem de Episcopis post Hieronymum, & Athanasium, affirmauit Augustinus, id multò æquius est de populis arbitrari. Illos nempe etiam per Orientem totum fidei Catholicæ retinentissimos fuisse; & in dubiis Eusebianorum confessionibus, non fuerata eorum deliramenta, sed quam einentiebantur, Nicænam fidem cogitasse & collaudasse. Vnde scitissimè Hilarius l. con. Auxentium: *Et huius quidem vsque adhuc impietatis occasio per fraudem perficitur, vt iam sub Antichristi sacerdotibus Christi populus non occidat, dum hoc putant illi fidei esse, quod vocis est. Audiunt Deum Christum, putant esse quod dicunt. Audiunt Filium Dei, putant in Dei natiuitate inesse Dei veritatem. Audiunt ante tempora, putant idipsum ante tempora esse, quod semper est. Sanctiores aures plebis, quàm corda sunt sacerdotum.* His nihil absolutius, vt plebes Ecclesiarum toto tunc orbe Nicænam fidem retentasse constet: vt quæ sanctiores haberent aures cordibus Eusebianorum Antistitum: & in vocibus ambiguis eorum simplicitatem fidei antiquæ contineri interpretarentur. Similiter Hieronymus in alio argumento, nempe aduersùs errores Ioannis Hierosol. *Hæc autem indoctum vulgus nullam stropham, nullas insidias suspicatur. Credit esse quod dicitur. Sanctiores enim sunt aures populi, quàm sacerdotis animus.*

XIV. Quanta paucitas vel tunc

His consentiunt, quicumque illorum temporum historiam literis mandarunt. Socrates l. 2. c. 22. *Ciuitates*

autem Græciæ, Illyrij, & cæterarum orbis partium ad Occidentem vergentium, tumultu & perturbatione propterea caruere, quòd inter se ipsæ concordarunt, decisioque de fide in Concilio Nicæno tradita apud ipsas semper dominata sit. Et l. eodem c. 31. de Concilio Seleuciæ agens, quò soli conuenerant Orientales, quos in fide Nicæna magis titubasse indubium est: Postquam illa vicerat sententia, quæ primùm de fide quari voluit; qui à partibus Acacij stabant, fidem Nicænam abrogandam, aliam nouam describendam significarunt: qui autem parti alteri adhaerebant, qui & numero plures erant, alia omnia Nicæna Synodi placita receperunt: solam repudiarunt vocem *Consubstantialis*. Vides ergo inconcussam in toto Occidente vigere Nicænam fidem; vigere eandem in pluribus Orientis Episcopis; & eorum qui ab illa descuerant, Episcoporum plebes, harum argutiarum insolentes, plerasque simplicitatem antiquæ fidei retinuisse. Et lib. eodem c. 34. in vrbe Orientis principe, duo agmina Catholicorum describit, Eusthathianorum, & Meletianorum: quæ secum mutuò vix communicabant, Consubstantialitamen subscribebant. Et l. 3. c. 4. post mortem Constantij statim Athanasium Alexandrinæ sedi restitutum narrat, *Arianos ab Ecclesiis exturbatos, ades sacras Athanasij gubernationi redditas, Arianos in domibus obscuris conuenisse*. Ex vtraque hac vrbe principe, de toto Oriente coniicere fas est. Idem l. 4. c. 27. ait Gotthos à Vulphila Episcopo Christiana primùm fide imbutos, & Arianico simul perfusos veneno: aliquos ex ipsis strenuo perfunctos martyrio, quòd Arii argutarum rudes *Barbari animo simplici religionem Christianam amplexi, pro fide Christi vitam, qua hinc fruebantur, profundere non dubitarunt*. Quod eo tantum consilio retuli; vt monerem multò similis verè esse, populos à teneris vnguiculis innutritos fidei Nicænae, ab eâ per Episcoporum suorum cauillatorias disceptationes diuelli non potuisse. Et l. 5. c. 4. idem ostendit, Antiochiæ quàm Consubstantialis vindices præpollerent. Et cap. 10. Cùm Theodosius hæreticorum omnium conuentus exe-

Arianorum præ
Catholica mul-
titudine, ex So-
crate.

gisset Constantinopoli, de hæreticis ait, *Suos per literas consolari cæperunt, hortarique ut ne animos contraherent, quòd multi opinione ipsorum derelictâ ad fidem Consubstantialis transissent: nam multos esse vocatos, paucos verò electos. Quam quidem tum neutiquam protulere sententiam, cum maxima populi pars ex Imperatorum nutu pendens, ipsis adhaerebat. Quæ perspicuum est de solâ vrbe Constantinopoli intelligenda.*

XV. Ex Theodoro.

Accedat Theodoretus, qui lib. 2. hist. Eccl. cap. 3. ait presbyterum illum Arianici furoris fomitem, etli gratiâ aulicâ multùm floreret, *tamen cum videret Constantini Imperatoris animum in religionis doctrinâ confirmatum, morbum suum aperire ausum non esse.* Et c. 22. Romanæ Synodi sub Damaso post Concilium Ariminense habitæ epistolam refert, vbi dicitur: *Itaque vestra integritas manifestò vider, hanc fidem solam, quæ autoritate Apostolica Nicææ stabilita est, firmiter perpetuò tenendam esse: & de eâ tum Episcopos Orientis, qui se de Catholica Ecclesiâ esse profitentur, tum Occidentis etiam Episcopos gloriari nobiscum.* Et c. 24. de vrbe, & Ecclesiâ Antiochenâ, eiusque Episcopo Leontio Ariano hæc scribit, vel exscribit ex Athanasio; *Tametsi sordibus erat Ariana blasphemix inquinatus, tamen eas callidè admodum dissimulare studebat. Etenim cum Clerum & Laicam etiam multitudinem in duas partes diuisam cerneret: & alteram quo laudes Filij magis celebrarent, hanc coniunctionem (&) adhibere: alteram autem hanc præpositionem (per) ponere: & cum ad Spiritum sanctum ventum esset, præpositionem (in) addere: ipse totam glorificationem tacitus secum recitauit, ad id ut qui prope eum erant, solam hanc particulam audirent, in secula sæculorum.* Ergo in eâ ipsâ vrbe vbi maximè Ariana impietas principabatur, præter illa Catholicorum examina, quæ seorsim suos agitabant conuentus, conueniebant & complures orthodoxi promiscuè cum Arianis, & illi quidem tam numerosi, ut Arianus Episcopus morbum suum dissimulare cogeretur. Quo rursus exemplo constat, quàm multæ sub Arianis etiam Episcopis, sed virus suum prementibus, Nicænam fidem plebes retentarent. Et c. 31.

Antiochiæ electum Episcopum Meletium narrat non à Catholicis tantum, sed ab Arianis, qui suæ sectæ ducem quærentes non potuerunt non incidere in Catholicum hominem. Moxque cum duo alij Episcopi de Filio impiè concionati essent, *Tertius surrexit magnus ille Meletius, qui quæ sit recta Verbi Dei predicandi regula, ostendit: nam ad veritatem omnia, velut ad amussim, dirigens, nimium & parum facile deuitavit.* Quæ cum ei à multitudine tribueretur permagna laus, &c. Audin multitudinem Catholico dogmati adplaudentem? Sed euidentissimè l. 3. c. 3. sub Iuliano Apostata statim docet milites omnes non Christianam tantum, sed Catholicam fidem mordicus seruasse. Itaque Iulianus Christianum se primò simulare cogebatur. *Imperium nactus, diu suam occultauit impietatem. Nam milites disciplina vera pietatis imbutos, præter ceteros extimuit. Si quidem primùm nunquam satis laudatus Constantinus, & eorum animos vetere liberauerat errore, & doctrinâ veritatis accuratè erudierat. Deinde eius filij disciplinam, quam pater in eorum animis insenerat, multò magis confirmabant. Et enim tametsi Constantius quorundam suasu in fraudem inductus, verbum ὁμοούσιον non approbauit: tamen ipsam rem, quæ verbo significabatur, sincerè & ex animo confessus est. Quippe ingennè Filium ante secula à Patre genitum Deum Verbum nominauit: eosque honore potius abdicauit Ecclesiastico, qui auderent eum creaturam nuncupare.* Quod magno argumento vniuersim est, de solâ voce plerosque Consubstantialis digladiatos esse, Catholicæ alioqui veritatîs retinentes. Quod autem de militibus, idem sentiendum de plebibus, quarum milites portio quædam sunt. Vide & l. 4. c. 1. vbi Iouiniano Imperatori creato utique ex Catholicis, Catholicos se profitentur milites, nempe vel à Constantino, vel à Constantio imbuti. At infrà c. 32. de Vulphila Gothorum Episcopo ait, *Cum illum Eudoxius, & verborum lenociniis, & pecuniis inescasset, perfecit, ut Barbaros illos ad communionem Imperatoris amplectendam induceret. Adiecit præterea, quò facilius ei persuaderet, contentionem illam ex am-*

bitione solum ortam, nullamque omnino doctrina esse differentiam. Itaque ad hodiernum diem Gotthi Patrem maiorem esse Filio dicunt illi quidem: sed Filium creaturam appellari, licet cum his, qui illud dicunt, communicent, neutiquam ferre possunt. Quin imò ab auità doctrinā non penitus destiterunt. Etenim Vulpilas cum eis communionem Eudoxij & Valentis persuadere conaretur, dixit nullam esse doctrina discrepantiam, sed ex inani & leui contentione, eam in Ecclesiam inuectam esse discordiam. Consimiliter ergo & populorum turbæ complurium, communionem non fide fœderabantur Episcopis Arianis: nec se illorum adaptabant fidei, sed suæ & auitæ illos doctrinæ adhærescere opinabantur. Et l. 5. c. 3. de Apollinaristis: Qui postea cum suam ipsorum perspicerent tenuitatem & Ecclesiæ splendorem, omnes paucis exceptis ad Ecclesiæ communionem se contulerunt, &c. c. 6. inculcat in Occidente toto sanam fidem semper floruisse.

XVI. Ex Sozomeno.

At Sozomenus præclarissime l. 3. c. 12. post Concilium Antiochenum, & Sardicense, Ecclesiæ statum subiiciens oculis, & consequentium temporum: Ecclesia versus solem obeuntem sita, quoniam Patrum decretis rite gubernata erat, omnino à contentione & captiosis verborum argutiis, quæ inde nasci solent, libera & vacua fuit. Nam quamvis Auxentius Episcopus Mediolani, & Valens & Ursacius ex Pannoniâ oriundi, impensè laborarent, opinionem Arii in illam imperij partem traducere: tamen eorum conatus haudquaquam successit ex animi eorum sententiâ: quandoquidem sedis Romana Antistes, & alij Episcopi ac sacerdotes studiosè præcauerunt, & illius hæresis germina amputarunt. Pars verò imperij ad solem orientem porrecta, etsi post Concilium Antiochenum dissidere, & à fide Concilij Nicani palam iam dissentire cepit: tamen meo quidem iudicio, si complurium mentem spectes, in eandem reuerentiam sententiam, quasi pedibus itum est: concessumque Filium ex Patris essentiâ constare. At verò quidam contentionis studio adducti, contra vocem Consubstantialis depugnarunt. Subdit multos pudore retractandæ sententiæ prioris, aliquos aliis affectibus implicatos, circa eam vocem belligeratos esse:

Multi qui ridiculum putarent in eiusmodi contentionibus tempus terere, in sententiâ Concilij Nicani acquievere. Ac prater ceteros omnes qui in Oriente etatem degebant, visi sunt decretis Concilij Nicani mordicus adhærescere Paulus Episcopus Constantinopolitanus, Athanasius Alexandria, & tota monachorum multitudo. Quin etiam Antonius magnus, qui adhuc in vitâ manebat, & qui cum eo versabantur omnes: alij denique quamplurimi tum in Ægypto, tum in aliis Romanorum provinciis. Perspicuè in Oriente ipso vides longè plurimos fidem Nicænam irreuocabiliter amplexatos, & plerosque aduersantium, fidei ipsi consensisse, in solam vocis Consubstantialis insolentiam bacchatos esse. Et lib. 3. c. 29. declarat idem Antiochiæ, etsi Arianæ Ecclesias occupassent, magnam tamen Cleri populique partem Catholicæ fidei adhæsisse: Alexandria autem ne vnâ quidem Ecclesiâ Arianos, etsi suffragante Constantio, potiri potuisse. Et l. 6. c. 19. post obitum Athanasij, inuadente Alexandrinam Ecclesiam Lucio Ariano, Multi & diuini viri id temporis monasteriis illius regionis præerant, & omnes opinionem Arii detestabantur. Quorum testimoniis etiam populus obsecutus, eandem quàm illi doctrinam amplexatus est: quò de dogmatibus differere & garrere neque voluit, neque nouit: sed veritatem credidit penes illos esse, qui virtutem factis declarabant, quales tunc ex monachis Ægyptiis, &c. Et infra c. 27. cùm prouincias aliquas ab Eunomianis, & Apollinaristis peruasas dixisset, ait: Sed idem ferè istis, quod antè Arianis acciderat. Nam populus in hisce regionibus, monachos propter virtutem & rectè facta admiratus, eos verè de fide sentire credebatur: & qui aliter sentirent, illos vipere doctrinis adulterinis corruptos detestabatur: non aliter sanè atque Ægyptij, qui monachorum suorum doctrinam secuti, Arianis strenuè resistebant. Vbique terrarum ergo examina numerosissima populorum antiquam fidem constantissimè retinuerunt.

Sed expugnabit, vt spero, vel ab inuitis assensum A- XVII. Item ex
Athanasio.
thanasius, oculatus ipse omnium testis, & fidei signifer

primarius. Ille ergo apud Theodoretum lib. 4. c. 3. in epist. Synodicâ ad Iouianum Imperat. paucissimis post Ariminensem Synodum annis scriptâ: *Pro certo scias, velimus, Auguste Sanctissime, hanc ipsam fidem ab omni seculorum memoriâ predicatam fuisse: hanc confessi sunt qui in Nicæâ conuenerunt Patres, huic omnes ubique Ecclesia consentientes sunt, ut Hispania, Britannia, Gallia, Italia totius, Dalmatia, Mysia, Macedonia, & cuncta Græcia, & omnes Ecclesia Africa, Sardinia, Cypri, Creta, Pamphilia, Lycia, Isauria, & Ecclesia Egypti, Libya, Ponti, Cappadocia, & finitimarum regionum, Orientis denique Ecclesia, exceptis paucis quæ secta fauent Arianae. Istarum enim omnium Ecclesiarum sententiam experimento cognouimus, & literas accipimus, & certò scimus, quòd etsi pauci contradicant huic fidei, non possunt præiudicium facere orbi vniuerso. Quid his, quæso, expressius aut vehementius optari potuit? Nicænæ fidei omnes Orientis, Occidentisque Ecclesias consentaneas esse docet, omnes pernumerat, paucos contradicere iterum iterumque moñet, sed per eos non posse præiudicari πᾶσι τῇ οἰκουμένῃ. Et rursus Athanasius epistolâ ad Orthodoxos: *Indicamus vobis etsi longo iam tempore hæc pestis incubuit, nihilominus tamen in plerisque populis, & in plerisque Episcopis decus Apostolica fidei remanere. Quanquam nonnulli vi, verbisque fallacibus detineant populum, & multitudinem Episcoporum, partim formidine illustrium virorum in urbibus, partim gloriæ ambitu: at ij ea quæ sentiunt, dissimulant: & quæ non sentiunt, præ se ferunt. Et initio Apologiæ omnes pene orbis prouincias enumerat, in Sardicensi Synodo sibi suffragatas; cum in Antiocheno Concilio triginta sex tantum Ariani essent, vnde ad eos Iulius, *Audio paucos esse istorum malorum authores. Et Athanasius ipse infra subscripsisse absolutioni suæ ait Episcopos per orbem vniuersum trecentos quadraginta quatuor: & epist. ad Solitarios ex prouinciis triginta quinque conflata fuisse Sardicensem Synodum docet, in qua purgatus est. Et infra rursus: Cum viderent Ariani tantam cum Athanasio animorum consensum***

sum & pacem agitari, erant enim in hoc numero plures quàm quadringenti, tum è magnâ Româ, atque vniuersâ Italiâ; &c. Cretâ, Lyciâ, Palestinâ, Isauriâ, &c. hac videntes, metu inuidiâque ansiabantur. Inuidiâ quidem, propter tantorum conspirationem: metu autem, ne eorum hæresis traduceretur, & de eâ ubique gentium triumphus ageretur. Mox Arianos ad Constantium ita loquentes inducit: *Quidquid terrarum est, scriptis suis, quibus nos impetit, adimpleuit Athanasius: & plurimi quidem cum eo communionem habent: eorum autem qui videntur nobiscum esse, hi quidem adiunxerunt se illi: ceteri idem facturi sunt, nos autem remansimus soli, &c.* Et pauld post, minis & exiliis coactos ait à Constantio Episcopos eiurare Athanasij communionem, Idque ideo faciebat, quod animaduerteteret hæresin ab omnibus odio haberi. Quæ res in causâ fuit, cur tam multos compelleret, hæreticorum paucitati se ut adiungerent, &c. Et infrâ: *Omnia quidem illi pro hæresi suâ moliti sunt; at per Ecclesiam unamquamque seruantes quam didicerant fidem, magistros quidem expectant, Christi verò inimicam hæresin deprehenderunt, & non aliter quàm serpentem detestantur.* Et infrâ: *Sicubi pius & Christianus aliquis est, sunt enim ubique multi tales, sicut Propheta & Elias absconduntur, &c.* Et infrâ: *Iste verò quoniam omnes hæresin fugiunt, & sana fides in Christum confessionibus celebratur, Episcopos in exilium eiicit, populos verò dum prohibet conuentus celebrare, &c.* Et epistolâ ad Afros post Ariminense Concilium scriptâ: *Huic Nicænæ Synodo & olim vniuersus orbis assensus est, & nunc cum multa facta sint Synodi, omnes tamen eius memores sunt, tum per Dalmatiam, Dardaniam, Epirum, &c.* Et subscriptione approbarunt, adeò ut si quis relictus apud eos sit ex radice Arianorum, sursum germinans amaritudinem (loquimur autem de Ursatio, Valente, cæterisque qui idem sentiunt) per ista ipsa scripta abscinduntur & reiiciantur.

Postremò ut ad Hieronymum à quo exorsi sumus, reuoluamur, sic ille aduersus Luciferianos Ecclesiæ Catholicæ inexpugnabilem vniuersitatem ostentat: *Absit, ut frustra Deus mortuus sit. Allocutio Patris impleta est, Po-*

XVIII. Rursus
ex Hieronymo,
Ambrosio, Basilio.

stula à me, & dabo tibi gentes hereditatem tuam: & possessionem tuam terminos terra. In sole posuit tabernaculum suum, nec est qui se abscondat à calore eius. Et ubi, quaeso, isti sunt nimium religiosi, imò nimium prophani, qui plures synagogas asserunt esse, quàm Ecclesias? Si Ecclesiam non habet Christus, aut si in Sardinia tantum habet, nimium pauper factus est, &c. Ambrosius epist. 32. Maior numerus Arimini Nicani Concilij fidem probavit, Ariana decreta damnavit. Et Basilii epist. 72. Ipsum, inquit, orbem circumspicite, & videte quàm modica sit ea portio, quæ hoc morbo laborat: reliqua verò universa Ecclesia, quæ ab orbis finibus ad fines usque recipit Evangelium, sanam hanc & incorruptam doctrinam sectetur. Et epist. 75. ad Neocæs. Fuerat, inquit, iustius, res nostras aestimare, non ex uno, aut altero eorum qui ad veritatem haud recto pede ingrediuntur, sed ex multitudine totius orbis Episcoporum, qui gratia Christi coniuncti nobis sunt. Requirantur verò Pisida, Lycaones, Isauri, Phryges, & qui utriusque sunt Armenia, quotquot vicini vobis sunt Macedones, Achai, Illyrij, Galli, Hispani, tota simul Italia, Siculi, Afri, & qui in Ægypto adhuc sani sunt, & quæ reliqua est portio Syria. Qui quidem literas ad nos mittunt, & vicissim à nobis recipiunt.

XIX. Statim post Nicænam Synodum non semper exigebatur clara & expressa confessio Consubstantialis.

Utque minùs abhorreat animus ab hac Ariminensium Patrum defensione, conducet cum doctissimo Petauio observasse, recenti adhuc Nicæno Concilio, non semper in fidei Catholicæ confessionibus, tesseram illam fidei, ac τὴν ὁμολογίαν claram disertamque confessionem solitam fuisse exigi. Quod ille probat his documentis, & verbis in notis Epiphani. *Exemplo sit Ursacij & Valentis Ariana factionis principum libellus, quem Iulio Papa obtulerunt, quo & erroris sui veniam deprecati sunt, & Ario damnato Catholicam fidem professi. Extat apud Athanasium Apologia secunda. In eo verò de ὁμολογίᾳ verbum nullum. Nam & in Concilio Aquileiensi, in quo adnistente Ambrosio Palladius & Secundianus Episcopi damnati sunt, cum tam studiosè id ageret Ambrosius, ut ab iis indicium aliquod Ariana professionis eliceret, ideoque variis interrogationibus lacefferet, nullam Con-*

substantialis mentionem attigit: sed hac tantum communia, Ecquid Filius immortalis, bonus ac verus esset, & reliqua generis eiusdem. Quin etiam Athanasij symbolum cum sit quadam fidei expositio ab eo edita, qui τὸ ὁμολογῶν acerrimè propugnaret, eiusdem vocabuli mentionem omisit. His si subtexas quæ Marcus Ephesius in Synodo Florentina sess. 5. attigit, lux aliqua exorietur nostro huic instituto opportuna. Sic ergo ille: Post factam à prima Synodo fidei expositionem, transactis non paucis annis usque ad secundam, medio illo tempore diuersis in locis à prouincialibus Conciliis facta sunt supra triginta expositiones; in quibus sublata voce illà Consubstantialis, reliqua sunt valde similia primæ illi expositioni. Constat ratio non improbabilis sententiæ Marci, si de Semiarianorum agat formulis, quæ simile substantiâ retinebant. Nam Anomæorum impietas longiùs exorbitabat. Quid ex his porro nascatur in Ariminensis Synodi purgationem, satis lucet, si quid usquam lucet. His adde Theophanem in Chronogr. vbi eos quibus suspectus erat Arianæ opinionis Cyrillus Hierosol. Quòd Consubstantialis vocem in Catechesibus conticuerit, ita refellit: Oportebat Consubstantialis vocem silete, quæ plurimos offendeat, & aduersariorum controuersis à sacro baptismo multos deterritura erat: Consobstantialis autem notitiam, paræ significationis vocibus clariùs exprimere: quod à Cyrillo præstitum est.

His adde Theodoretum lib. 3. c. 3. & Sozomenum lib. 3. c. 12. suprà relatos, disertè affirmantes, Catholica ipsa dogmata animo complexos esse eos, qui solâ Consobstantialis voce abstinebant, aut eam duntaxat oppugnabant. Sed audiat præ cæteris Athanasius lib. de Synodis, vbi multa in Arianos itomachatus, addit: *Ceterum qui omnia Synodi scripta recipiunt, de solo autem Consobstantiali ambigunt, non ut aduersus inimicos affici nos decet. Neque enim veluti aduersus Ariomanitas, aut quasi aduersus bellantes cum Patribus contradicimus: sed veluti fratres cum fratribus disceptamus, ut cum quibus nobis eadem sit sententia, controuersia autem de verbis. Nam cum profiteantur Filium ex*

XX. Multi solam refugientes vocem Consobstantialis, ipsam dogma Catholicum tenebant.

stula à me, & dabo tibi gentes hereditatem tuam: & possessionem tuam terminos terræ. In sole posuit tabernaculum suum, nec est qui se abscondat à calore eius. Et ubi, quæso, isti sunt nimium religiosi, imò nimium prophani, qui plures synagogas asserunt esse, quàm Ecclesias? Si Ecclesiam non habet Christus, aut si in Sardinia tantum habet, nimium pauper factus est, &c. Ambrosius epist. 32. Maior numerus Arimini Nicani Concilij fidem probavit, Ariana decreta damnavit. Et Basilius epist. 72. Ipsum, inquit, orbem circumspicite, & videte quàm modica sit ea portio, quæ hoc morbo laborat: reliqua verò uniuersa Ecclesia, quæ ab orbis finibus ad fines usque recipit Euangelium, sanam hanc & incorruptam doctrinam sectetur. Et epist. 75. ad Neocæs. Fuerat, inquit, iustus, res nostras aestimare, non ex uno, aut altero eorum qui ad veritatem haud recto pede ingrediuntur, sed ex multitudine totius orbis Episcoporum, qui gratia Christi coniuncti nobis sunt. Requirantur verò Pisida, Lycaones, Isauri, Phryges, & qui utriusque sunt Armenia, quotquot vicini vobis sunt Macedones, Achai, Illyrij, Galli, Hispani, tota simul Italia, Siculi, Afri, & qui in Egypto adhuc sani sunt, & quæ reliqua est portio Syriæ. Qui quidem literas ad nos mittunt, & vicissim à nobis recipiunt.

XIX. Statim post Nicænam Synodum non semper exigebatur clara & expressa confessio Consubstantialis.

Utque minùs abhorreat animus ab hac Ariminensium Patrum defensione, conducet cum doctissimo Petauio obseruasse, recenti adhuc Nicæno Concilio, non semper in fidei Catholicæ confessionibus, tesseram illam fidei, ac τὴν ὁμολογίαν claram disertamque confessionem solitam fuisse exigi. Quod ille probat his documentis, & verbis in notis Epiphani. Exemplo sit Ursacij & Valentis Ariana factionis principum libellus, quem Iulio Papa obtulerunt, quo & erroris sui veniam deprecati sunt, & Ario damnato Catholicam fidem professi. Extat apud Athanasium Apologia secunda. In eo verò de ὁμολογίᾳ verbum nullum. Nam & in Concilio Aquileiensi, in quo adnitente Ambrosio Palladius & Secundianus Episcopi damnati sunt, cum tam studiosè id ageret Ambrosius, ut ab iis indicium aliquod Ariana professionis eliceret, ideoque variis interrogationibus laceggeret, nullam Con-

substantialis mentionem attigit: sed hac tantum communia, Ecquid Filius immortalis, bonus ac verus esset, & reliqua generis eiusdem. Quin etiam Athanasij symbolum cum sit quadam fidei expositio ab eo edita, qui τὸ ὁμολογῶν acerrimè propugnaret, eiusdem vocabuli mentionem omisit. His si subtexas quæ Marcus Ephesius in Synodo Florentina sess. 5. attigit, lux aliqua exorietur nostro huic instituto opportuna. Sic ergo ille: Post factam à prima Synodo fidei expositionem, transactis non paucis annis usque ad secundam, medio illo tempore diuersis in locis à provincialibus Conciliis facta sunt supra triginta expositiones; in quibus sublata voce illà Consubstantialis, reliqua sunt valde similia prima illi expositioni. Constat ratio non improbabilis sententiæ Marci, si de Semiarianorum agat formulis, quæ simile substantiâ retinebant. Nam Anomæorum impietas longiùs exorbitabat. Quid ex his porro nascatur in Ariminensis Synodi purgationem, satis lucet, si quid usquam lucet. His adde Theophanem in Chronogr. vbi eos quibus suspectus erat Arianæ opinionis Cyrillus Hierosol. Quod Consubstantialis vocem in Catechesibus conticuerit, ita refellit: Oportebat Consubstantialis vocem silete, quæ plurimos offendebat, & aduersariorum controuersis à sacro baptismo multos deterritura erat: Consobstantialis autem notitiam, paræ significationis vocibus clariùs exprimere: quod à Cyrillo præstitum est.

His adde Theodoretum lib. 3. c. 3. & Sozomenum lib. 3. c. 12. suprâ relatos, disertè affirmantes, Catholica ipsa dogmata animo complexos esse eos, qui solâ Consobstantialis voce abstinebant, aut eam duntaxat oppugnabant. Sed audiat præ cæteris Athanasius lib. de Synodis, vbi multa in Arianos stomachatus, addit: *Ceterum qui omnia Synodi scripta recipiunt, de solo autem Consobstantiali ambigunt, non ut aduersus inimicos affici nos decet. Neque enim veluti aduersus Ariomanitas, aut quasi aduersus bellantes cum Patribus contradicimus: sed veluti fratres cum fratribus disceptamus, ut cum quibus nobis eadem sit sententia, controuersia autem de verbis. Nam cum profiteantur Filium ex*

XX. Multis solam refugientes vocem Consobstantialis, ipsam dogma Catholicum tenebant.

*Patris substantiâ, & non ex aliâ subsistentiâ esse, &c. non longè absunt ab hac voce, Consubstantiali, recipiendâ. Talis est Basilus ex Ancyra, &c. Quinimò non Athanasius tantùm, sed Basilus, Nazianzenus, Theodoretus, Sozomenus, Hilarius laudibus prosequuntur, non Basilium tantùm Ancyranum, sed Dianœum Cæsariensem, Marcum A-rethusium, aliosque nonnullos, quos alij Semiarianorum choro solent includere. Denique illas ipsas, quas Semiarianorum vulgò appellitamus, fidei formulas, variis post Nicænam Synodis cufas & recusaf, vt ad Catholicum sensum traducere enixus sit Hilarius, neminem fallit. Istiusmodi saltem erat, quæ Arimini per fraudem subscripta est. Facundus Hermian. Episc. lib. 10. c. 6. in laudem Hilarij hæc disserit: *Illud est multo amplius quod idem sanctus Hilarius æquè defendit Syrmienfè Concilium, in cuius decretis dictum est: Si quis, &c.* Subiicit durissima Syrmienfis Concilij dicta, Christum obsecutum Patri in creatione omnium, non exæquari vel comparari Filium Patri, sed subiectum intelligi; & alia id genus: *Quæ omnia memoratum Syrmienfè Concilium sanctus Hilarius necessarîe contra Photinum & Orientales asserit decrenisse.* Quorum sufficientem excusationem faciens, quomodo sint accipienda demonstrat. Et lib. 11. c. 8. de eodem Hilario disserens excusante Syrmienfem Confessionem fidei: *Fas non est omnino de tante pietatis viris malè sentire, qui ex semetipsis alios æstimantes, excusare studuerunt dicta maiorum. Et qualiter à se dici possent, taliter ab illis prolata & ab Ecclesiâ suscepta crediderunt, ut in eâ permanerent Episcopi.* Igitur in Syrmienfi Synodo, etiam Ariminensi patrociniū parauit Hilarius, & multò quidem magis. Ariminenses enim Episcopi, non illis componendi veniunt, quos excusat Hilarius; sed ipsi propemodum Hilario, ex semetipsis alios æstimantes, & qualiter à se dici possent, taliter ab illis prolata credentes.*

XXI. Perdiu
post Nicænam
Synodum Ariani

Iam verò quod ad Communionem quoque spectat, quam Catholici Ariminenses Patres cum Arianis inic-

runt, hæc quoque eorum culpa extenuabitur, si in mentem veniat eorum, quæ ex Epiphanio suprâ retulimus. Nempe improbè à quibuldâ irritatum, iteratumque fuisse Arianorum baptismum, cùm necdum eâ de re Concilium œcumenicum coaluisset: *quod adhuc populi promiscuè ad hodiernum usque tempus habeantur; inter quos multi quidem sunt Catholici, sed fictè ac per simulationem sacerdotum auctoritatem sequuntur, donec execranda illa secta ab Ecclesiæ consortio segregetur, ut tunc aliquid de illâ statuatur.* Vbi vides eorum, qui Arianis Episcopis adglutinati erant, multos fuisse orthodoxos. Tunc quippe necdum corporali diuortio secesserant Ariani ab Ecclesiâ Catholicâ. Et Theodoretus epist. 112. *Nam & in magnâ Synodo Nicenâ suffragati quidem sunt orthodoxis illi, qui Arii partium erant, & Apostolica fidei expositioni manibus suis assensere. Perrexerunt tamen veritati bellum inferre, quoad Ecclesiæ corpus discerpere. Et triginta quidem per annos inter se communicantes perstiterunt, tum qui Apostolicis dogmatibus innerebant, tum qui Arii blasphemiam laborabant.* Hilarium compluribus Orientalium communicasse, quorum formulas fidei excusabat, indubium est. His perpensis etli non omnino aboletur, extenuatur tamen culpa communionis Ariminensium Patrum, eaque euincitur nihil imminutas fuisse partes Catholicæ multitudinis.

Catholicis communionem commixti fuere.

Id magis magisque eliquescet ex Luciferianorum querelis, suam paucitatem à multitudine Catholicorum opprimi exostulantium. Ita enim in libello precum Marcellini & Faustini ad Imperatores habetur. *Nec in exiguis hominibus despiciis veritatem, nec in multis vel potenti- bus roboratis mendacium. Siquidem ius sæculi ideo scriptum est, ne contra verum æquumve potentia vel multitudo proualeat, etiamsi ab exiguis vendicetur, &c. Quomodo in negotiis diuinis sanctæ fidei veritas impiorum cateruâ, & fraudulentissimis eorum circumventionibus offuscatur & premitur? Et infra: Sed, quia apud quosdam multitudo praponitur veritati, eò quòd paucos habeat scitatores: & ob hoc affligimur, quòd in paucis se-*

XXII. Catholica rursus tunc multitudo colligitur ex querelis Luciferianorum.

quimur inuiolabilem fidem, &c. Vna est pars, in qua sunt multi Episcopi. Sed ubi sunt multi, illic per prauaricationem sacra Christi fides violata est, semper antè defensa. Illic metu Regis, Arj suscepta impietas est, semper antè damnata. Vbi verò paucissimi sunt, illic per exilia, per cruciatus, per effusionem sanguinis, per ipsam mortem fides Christi vindicatur; & Arj impietas atque omnis hæresis, ut summum malum execrabiles sunt. Sed etsi non est dubitandum paucos Episcopos esse pretiosos de merito confessionis, & inuiolabilis fidei: multos verò nullificari merito hæreseos vel prauaricationis: quia in causâ veri, maxime in causâ religionis & sacra fidei, non numerus numero comparandus est, sed pura illa Apostolica fides, probata exiliis, probata cruciatibus, licet vnius, multorum infidelitatibus proponenda est. Igitur etiam post Ariminensem labem, cuius occasione Luciferiani ab Ecclesiâ Catholicâ diuulserunt sese, inuidiam faciebat Ecclesiæ paucitas schismaticorum, ut multitudinem & potentiam suam ostendenti, & eâ vnâ potius, quam veritatis præsidio vincenti.

XXIII. De Lucifero ipso inquitur. Varie Patrum de eo sententia.

Quoniam autem in Luciferianos incurrimus, mirari succurrit quæ Sulpitius Seuerus l. 2. hist. de Lucifero eorum principe scribit. *Ceterum Lucifer tum Antiochia longè diuersâ sententiâ fuit. Nam in tantum eos qui Arimini fuerant, condemnauit, ut se etiam ab eorum communione secreuerit, qui eos sub satisfactione vel pœnitentiâ receperant. Id rectè, an perperam constituerit, dicere non ausim. Itane verò dubium est, rectè an perperam secreuerit se à communione vniuersalis Ecclesiæ? Orientem enim atque Occidentem conspirasse in illam cum Ariminensibus Patribus dispensationem supra Hieronymus & Athanasius nos docuere. Paulò explicatior Hieronymus in Dialog. adu. Lucifer. Ventum est ad asperrimum locum, in quo aduersus voluntatem & propositum meum cogor de beato Lucifero secus quidquam, quàm & meritum illius & mea humanitas poscit, existimare. Sed quid faciam? Veritas os reseat, & innitum linguam consciunt ad eloquendum pectus impellit. In tali articulo Ecclesiæ, in tantâ rabie luporum, segregatis paucis quibus, reliquum gre-*

gem deseruit. Bonus quidem ipse Pastor, sed multam prædam bestiis relinquens. Prætereo illa quæ quidam ex maledicis, quasi satis firma defendunt: hoc illum amore gloria & nominis in posteros transmittendi fecisse: nec non & pro similitudine, quam aduersus Eusebium propter Antiochenam dissensionem susceperat. Nihil istorum de tali viro credo. Vnum est quod etiam in præsentem constanter loquar, verbis eum à nobis dissentire, non rebus, siquidem recipiat, qui ab Arianis baptismum consecuti sunt. Deinde prolixè exagitat Hilarium, qui ne baptizatos quidem ab Arianis recipiebat. Culpat Hieronymus Luciferum, sed leuiusculè, & inclementiæ tantum ergo, seu asperitatis, quod dispensationi & veniæ à reliquis Catholicis præsulibus authoratæ non acquieuerit. Denique verbis illum magis, quàm rebus à nobis discrepare confitetur. Paulò acerbius Innocentius I. epist. 13. ad Episcopos Hispaniæ, quorum aliqui, nempe Bætici & Carthaginenses, dissidebant à pace cõlegarum, ob receptos ab hæresi Priscillianorum conuersos. *Nam quæ alia causa & superioribus temporibus illius Luciferi præter pertinaciam fuit, quæ eum retraxit à concordia illorum, qui Arianorum hæresin prudenti conuersione damnauerant? Eodem studio post Priscilliani detestabilem sectam omnium meritò detestatione damnatam, receptos in Catholicam fidem eos qui saniore consilio conuersi sunt, agerrimè aliquos tulisse cognouimus. Quibus factum utile & ipsam Ecclesiarum pacem displicuisse detegitur.* Itaque pertinacia Lucifero crimini datur, non ita tamen vt Hispanis his Episcopis. Hos enim frangere debuerat prioris exempli, & in mores iam recepti autoritas. At Lucifer veterem, & hætenus nullà dispensatione perstrictum canonum rigorem retinebat, nouæque & antea inauditæ remissioni aduersabatur, eò utique excusator. Multò asperior Ambrosius in Luciferum, De obitu Satyri fratris, qui baptismi auidus, *Aduocauit ad se Episcopum, nec ullam veram putauit, nisi vera fidei gratiam; percontatusque ex eo est, utrumnam cum Episcopis Catholicis, hoc est, cum Romana Ecclesia conueniret. Et fortè ad id locorum in schismate*

regionis illius Ecclesia erat. Lucifer enim se à nostra tunc temporis communione diuiserat: & quanquam fide exulasset; & fidei suæ reliquisset heredes, non putauit tamen fidem esse ipsi schismate. Nam etsi fidem erga Deum tenerent, tamen erga Dei Ecclesiam non tenerent, &c. Asperrimè denique Augustinus l. de agone Christ. c. 30. Post persecutionem quæ per Arianos hæreticos facta est, Episcopi qui perfidia Arianorum in illâ perturbatione consenserant, multi correcti, redire in Catholicam delegerunt, damnantes siue quod crediderant, siue quod credidisse se simulauerant. Hos Ecclesia Catholica materno recepit sinu, tanquam Petrum, post fletum, negationis per Galli cantum admonitum: aut tanquam eundem, post prauam simulationem, Pauli voce correctum. Hanc illi matris charitatem superbè accipientes & impie reprehendentes, quia Petro post Galli cantum surgenti, non gratulati sunt; cum Lucifero qui manè oriebatur, cadere meruerunt. Et antea fusè inuehebatur in eos qui etsi non rebaptizarent, Luciferiani tamen, quàm Catholici dici, & præcidi voluerant à radice.

XXIV. Variæ
de eodem opi-
niones historico-
rum illius tem-
poris.

Adiiciamus nunc animum, atque aures ad eos qui historiam illorum temporum literis mandauerunt. Theodoretus l. 3. c. 5. Lucifer rediit Sardiniam, & alia quedam Ecclesiasticis dogmatibus addidit. Qui ea autem sunt amplexati, ex eius nomine nomen mutuati, Luciferiani perdis dicti sunt. Extinctum est autem & hoc dogma, obliuioniq; traditum. Pinguius hæc sanè dicta sunt, nisi dogma nouum capias ipsum schisma, quod & suprâ Ambrosius & antiqui Patres non ita valde satagebant ab hæresi discriminare, ut quod hæresis aduersus Ecclesiam, symbolo & ipsam quoque implicatam, sin minus contra Christum contineatur. Ruffinus aliquantò clementius l. 1. c. 30. Reuersus ad Sardinia partes, siue quia citâ morte præuentus, tempus sententia mutanda non habuit, etenim temere capta, spatio corrigi solent: siue hoc animo immobiliter fœderat, parum firmauerim. Ex ipso interim Luciferianorum schisma, quod licet per paucos, adhuc voluitur, sumpsit exordium. Multò etiam humanius Socrates lib. 3. c. 7. Recusauit Lucifer cum Eusebio communicare,

communicare, studioque contentione inductus, Concilij decreta reiecit. Ista quidem tristibus & afflictis Ecclesiae rebus obuenientia, multos ad deficiendum ab Ecclesiâ impulere, unde alia rursus nascitur Luciferianorum heresis. Sed Lucifer iram suam adimplere non potuit. Obstrictus enim tenebatur suis ipsius responsis, quibus per Diaconum missis pollicitus fuerat, se decretis Concilij consensurum. Quapropter ipse quidem, idem cum Ecclesiâ sapiens, ad propriam sedem in Sardiniam reuersus est: quorum autem animi non minus exulcerati erant, hi adhuc etiam ab Ecclesiâ segregati manent. Et verbum à verbo pene reddens Sozomenus l. 1. c. 12. Lucifer decreta Concilij Alexandrini insimulare aggreditur: quae causa fuit haereseos eorum, qui ab eo appellati sunt Luciferiani. Nam qui unâ cum illo his de rebus grauitur offendeantur, se ab Ecclesiâ separarunt. At ille ipse licet animo alienato & cum primis offenso esset, tamen cum per Diaconum, quem unâ cum Eusebio miserat, confessus fuisset se decretis Concilij Alexandrini statutum, Catholica Ecclesiae consentiens, Sardiniam reuertitur.

Ex hac farragine testimoniorum liquet, quàm scitè & sapienter dictum sit à Bellarmino, Luciferum ita zelo fidei arsisse, ut à sanctis Patribus etiam post schisma factum, & sectam Luciferianam post se relictam nonnisi timidè & dubitanter arguatur. Ex historicis Socrates & Sozomenus apertissimè illi patrocinantur, nec ab ipso sed ab eius sectatoribus schisma conflatum docent. Ex Patribus Hieronymus & Seuerus asperitatem eius & secessionem non dissimulant, sed hanc eius culpam reliquâ sanctitate redimi & compensari pene innuunt. Euidentiùs illum in crimen vocant Innocentius, Ambrosius & Augustinus; sed hæc criminatio ad nomen eius, vel ad sectam eius nomine palliatam magis pertinet fortasse, quàm ad personam. Vt Nicolaum enim infamarunt discipuli immerentem, prout nec pauci, nec obscuri censent scriptores: ita Luciferum Luciferiani. Nec Socrates tantum & Sozomenus, sed & Hieronymus causam Luciferi à Luciferianis longo intervallo dispescuit. Toto enim Dia-

XXV. In re tam ambigua quid familius veri sit. L. de Scrip. Eccl.

logo Hilarius Diaconum magis infectatur, & Luciferianus, Lucifero ipsi ferè parcat. In libro similiter de Scriptoribus Ecclesiasticis, nulla illum accusatione onerat. Sed illud validissimum, quòd idem Hieronymus in Chronico, Luciferi obitum his verbis cohonestat, & tantum non consecrat: *Lucifer Calaritanus Episcopus moritur, qui cum Gregorio Episcopo Hispaniarum, & Philone Libya, nunquam se Ariana miscuit prauitati.* Epiphanius & Philastrius nec Luciferum, nec Luciferianos in sua hæreseon enumeratione locauerunt, vt adnotat Augustinus l. de hæresibus, qui eos cæteris permiscet. Itaque siue non desciuit ab Ecclesia Lucifer, sed paulò effusius itæ indulgens, abruptèque in suam secedens Ecclesiam, scissionis speciem magis quàm rem exhibuit; siue desciuit, & resipiscens postea in matris Ecclesiæ sinum se recollegit: idem illi contigerit quod Cypriano, de quo Vincen-
tius Lirin. Common. l. i. c. ii. *Absoluuntur magistri, condemnantur discipuli.* Si desciuit autem nec resipuit, idque Sæterius & Hieronymus significant, tunc sanè timidè quidem ab illis arguitur, sed multò timidiùs debet defendi. Cyprianus errorem suum charitate vnitatis Catholicæ diluit: at error quo vnitas ipsa Ecclesiæ soluitur, quo, precor, alio medicamine diluetur? An idem Lucifero contigit, quod Paschasio? Hunc enim in schismate excessisse, & tamen ignorantia patrociniò excusari docebit nos infra Gregorius magnus. An idem quod de sanctis viris schismaticum Pascha sectantibus, testatus est Beda superius? An potius quod de seipsis testati sunt Confesso-
res apud Cyprianum epist. 46. qui Nouato schismatico aduersus Cornelium primò adhaeserant, mox se Ecclesiæ reddiderunt? *Nos errorem nostrum confitemur: nos imposturam passi sumus, circumuenti sumus perfidia & loquacitate captiosa. Nam etsi videbamur quasi quandam communicationem cum schismatico & heretico domine habuisse; sincera tamen mens nostra semper in Ecclesiâ fuit.* Ita ingenti populi suffragio recepti sunt, quos errantes & palabundos tandem, & vi-

XXVI. Quæ optima ratio purgandi Luciferi.

derat & dolebat Ecclesia: ex quo spes fiebat Cornelio Papæ, ut ipse ait, Ceteros quoque qui in errore hoc sunt constituti, in Ecclesiam breui reuersuros, cum authores suos viderint nobiscum agere. Vbi vides duces schismatis maturius, sequaces tardius resipuisse: & illorum non tam schisma, quàm repentinam eruptionem & efferuescentiam fuisse, illico castigatam; horum autem diuturnam pertinaciam in schisma degenerare potuisse. Ita propius à vero abest, & ea via est compugnantia Patrum & Historicorum in concordiam reuocanda: Luciferum impotentius primum & zelo veteris austeritatis, & iracundia excanduisse, ut quandam scissionis speciem præ se ferret; postea in suam Ecclesiam reuocatum detumuisse, & Catholicæ se reddidisse paci: etsi secessum eius, secessionem interpretati discipuli, irreuocabili pertinacia Catholicam ipsi quidem refugee-
runt deinceps communionem. Quocirca permagna illis habenda gratia est huius æui & Episcopis non paucis & aliis, qui Luciferi memoriam purgare studuerunt, Calatitanæ & Vercellensis Ecclesiæ vetustâ in eum religione, templorum dedicatione, miraculorum etiam nupera per-
petratione ad eius tumulum permoti. Huius autem ex Cypriano deprompti exempli aliud non multum dissimile suppeditat epistola 13. Innocentij Papæ ad Episcopos Synodi Tolétanæ, cum ob receptos in suis ordinibus sectarios quosdam Priscilliani, à communi vnitatem aliqui resili-
rent.

Atque ut ne frustra nos ad Luciferum ab Ariminensi Synodo deflexisse putes: quanquam, apta contextaque vtriusque causa est; illud quoque ab exemplo Luciferi perficimus, quam non temere statim profiliendum sit ad eorum condemnationem, quorum aliqua vel ignauè, vel imprudenter facta vituperantur. Si enim Luciferum penè absoluimus, quem timidè Patres arguerunt: quid Ariminenses Episcopos, quorum apologiam Hieronymus & Athanasius ex instituto conscripsere? Ut & alios suprâ relatos taceam, atque Augustinum ipsum, qui loco suprâ

XXVII. In eo
momenti aliquid
est ad Ariminen-
sum quoque Pa-
trum excusatio-
nem.

allegato; quo Luciferum acrius vellicat, satis innuit, non perfidiâ sed simulatione peccatum esse apud Ariminum. Ita enim & Petrum peccasse ait, cùm simulationem eius Paulus reprehendit. *Conuersationis fuit id vitium, non prædicationis*, ut ait Tertullianus l. de præscript.

XXVIII. Nunc alij & alij Patres, nunc iidem eadem facta, eademque personas, citra dissimulationem accusant & excusant.

Illud quoque ex superioribus colligemus, vsui futurum ad historię & disciplinę nodos complures extricandos. Non semper sibi pugnare, qui eadem vel eosdem damnant, & absoluunt: laudibus, & vituperio afficiunt. Ariminensis Synodi Præsules & ipsam eorum confessionem posteriorem, alij ex sanctis Patribus perfidiæ, alij simulationis tantum incusarunt. Athanasius alicubi insimulauit, alias rationabilis dispensationis ergo laudauit. Hieronymus apertè culpam suprâ vel extenuauit, vel eleuauit prorsus, & idem in Chronico, eandem atrociter exaggerat. *Synodus apud Ariminum & Seleuciam Isauria facta, in quâ antiqua Patrum fides, decem primùm Legatorum, dehinc omnium prodicione damnata est. Et infra: Omnes toto orbe pene Ecclesia sub nomine pacis & Regis, Arianorum consortio polluantur. Et rursus: Gallia per Hilarium Ariminensis perfidia dolos damnat. Quin Alexandrina ipsa Synodus lapsos Arimini exauthorare primùm meditabatur: vbi id ex animi sententia haud cessurum coniectura fuit, eosdem suis sedibus frui iussit, ut qui bene credentes, ut qui nunquam Ariani fuissent. Ita enim apertissimè Hieronymus aduers. Lucifer. Quid à confessoribus agendum putauerint? Depositis, inquit, veteribus Episcopis, novos ordinassent. Tentatum est. Sed quotusquisque bene sibi conscius patitur se deponi? Præsertim cùm omnes populi, sacerdotes suos diligentes, penè ad lapides & ad interemptionem deponentium eos conuolauerint. Cur damnassent eos, qui Ariani non erant? Cur credentes bene, obstinatione suâ facerent Arianos? Tam nulla est inter diuersos Patres, quàm nulla inter ipsos secum singulares Athanasium, Hieronymum, Alexandrinum Concilium conflictatio.*


XXIX. Ex

Similiter Aaronem alij accusant passim, excusabat suprâ

Athanasius prudenti dispensatione vsum. Ita Honorium Papam plerique Monotheleticæ vesaniæ contagio quodam perfusum, alij dispensatione fortassis minùs prouidâ, non tamen hæreticâ vsum differunt. Ita Paschalem Papam indultis Teutonico Principi inuestituris, alij hæreseos maculâ aspersum, alij salubri dispensationi obsecutum censuere. Ita, vt vno verbo absoluam, Iuo Carnutensis suadet epistolâ 162. pro suarum quemque virium modo, fortes rigido, infirmos temperato iuri se dedere. *In quâ disceptatione, cum ipsi & ratione, & authoritate sciatis, quid sit verius, quid honestius: tamen pro temporum opportunitate sequi vos oportebit, quod infirmitati vestræ erit tolerabilius. Si autem sciremus vos esse paratos, vt cum gaudio tolerare possitis ruinas domorum, exterminationes corporum, rapinas bonorum vestrorum: possemus vos exhortari, vt sequeremini consilium Susanna, quæ magis elegit in manus hominum incidere, quàm Dei legem derelinquere. Sed quia in donis spiritalibus consilium & fortitudo coniuncta sunt: consilium aliud, nisi quod patientia vestra tolerare possit, dare non audeamus: quia qualis vestra sit fortitudo, ignoramus. Et epist. 195. Quâ in re si adesset nobis spiritus fortitudinis, sicut adest spiritus consilij, seueritatem disciplinae esse seruandam censeremus. Sed quia in hoc rigore, grauium dissensionum periculum imminere sentitis, rem dispensatione egere intelligimus. Hinc igitur iisdem personis & factis, aliâ tamen & aliâ contemplatione criminatio & excusatio, laudes & vituperia citra inconstantiam ingeruntur. Fortitudine enim defieri, quæ ius strictum tueretur, in culpa est: consilij saltem spiritu non destitui, & viribus se suis metiri, id laudatur. Infirmari Episcopos, id crimini datur: At infirmitati suæ prudenter obsequi, & aliquo suo vulnere publicam stragem redimere, hoc verò approbatur.*

Iuone repetitur
regula sedanda
eius compu-
quantur.





DISSERTATIO VI.

IN

SYNODVM OECVMENICAM II.

SEV CONSTANTINOPOLITANAM I.

SYNOPSIS.

Ius confirmandi Synodos œcumenicas est penes sedem Petri. Approbatio & confirmatio etiam aliqua à cæteris Episcopis, à sanctissimis monachis, à Catholicis plebibus exprimebatur. Sed hi omnes subscribebant confessionis magis suæ, quàm confirmationis testimonium: quo firmitatem proderent suam, non adicerent Synodo. Id efficitur ad num. vsque XIV.

Deinde prouinciales quoque & locales quilibet Synodos à prima sede confirmandas fuisse docetur, ut authoritatem Ceteram, Irretractabilem, & Vniuersalem consequerentur.

I. Quatenus hanc Synodum receperit Romana Ecclesia, ex Gregorio Magno.

DE hac Synodo Gregorius Magnus l. 6. epist. 31. pauca hæc habet: *Et canones quidem Constantinopolitani Concilij Eudoxianos damnant, sed quis fuerit eorum author Eudoxius, minimè dicunt. Romana autem Ecclesia eosdem canones, vel gesta Synodi illius hætenus non habet, nec accipit. In hoc autem eandem Synodum accepit, quod est per eam contra Macedonium definitum. Reliquas verò hereses, quæ ibi memorata sunt, ab aliis iam Patribus damnatas reprobant. Et idem tamen Gregorius lib. 1. epist. 24. dixerat: Sicut sancti Euangelij quatuor libros, sic quatuor Concilia suscipere & venerari me fateor. Nicanum scilicet, in quo peruersum Arii dogma destruitur. Constantinopolitanum quoque, in quo Eudonij & Macedonij error conuincitur. Ephesinum, &c. Ergo*

instar Euangelij venerabatur secundam hanc etiam œcumenicam Synodum Gregorius, sed hætenus tamen, qua illam Romana Ecclesia receperat, in Macedoniani erroris damnatione.

Sexta autem Synodus act. 18. in prosphon. ad Imperatorem: *Macedonius Deitatem Spiritûs sancti denegabat, sed maximus Imperator Theodosius, & Damasus adamas fidei, cuius solida mens adgressionibus, atque conflictibus alienarum sectarum, nullatenus erat sauciabilis, Gregorius & Nectarius illam in hac regia urbe Synodum congregabant. Et sacrilegam quidem linguam à sacerdotio abscindebant, &c.* Quæ paulò explanatiùs Photius l. de Synodis: *Secunda Synodus &c. eò congregati sunt centum quinquaginta Episcopi, &c. Principes erant Timotheus Alexandrinus, Meletius Antiochensis, Cyrillus Hierosolymitanus, &c. Nectarius, &c.* Quibus non multo post tempore etiam Damasus Romanus Antistes, eadem confirmans agnoscebatur, consentaneus decretis factus. Reapse enim non ipse, non per legatos affuit Damasus, non Occidentalium quisquam Episcoporum: ut œcumenica dici non possit hæc Synodus, nisi ex posteriore Romani Pontificis & Occidentalium consensione, ut notat Photius. At Patres sextæ Synodi, spretâ ratione temporum, & ipsam in se se Synodum œcumenicam intuentes, omnium Episcoporum principem Damasum ante cæteros admirantur, ut fidei adamantem, ut Macedonij debellatorem.

II. Item ex sexta Synodo & Photio P. CP.

Hinc porro elucescit maximè prærogatiua Romanæ sedis, in confirmandis œcumenicis etiam Conciliis, ut non aliter œcumenica vel dici, vel esse queant. Ita Arc-laten-sis Synodus ad Sylvestrum, ita Sardicensis ad Iulium, idque ex officio retulerat, *Hoc enim optimum & valde congruentissimum esse videbitur, si ad caput, id est, ad Petri Apostoli sedem, de singulis quibusque provinciis Domini referant sacerdotes.* Ita Orientales Episcopi hi ipsi, qui secundam hanc œcumenicam Synodum conflarunt, de Apollinari à se damnato ad Damasum retulerant, quibus & Damasus rescribit, apud Theodoretum l. 5. c. 10. *Quod*

III. Ius confir-mandi Synodos generales penes sedem Petri, ut non aliter sint œcumenicz.

vestra charitas debitam sedi Apostolica reverentiam tribuit, vobis ipsis quoque maximo honori est. Et Synodus ipsa centum quinquaginta Patrum, in epistolâ Synodicâ ad Damasum & Occidentales omnes Episcopos missâ, cùm damnatum Macedonium, creatum Constantinopoli Nestarium, Antiochiæ Flavianum Episcopum narrassent, subdunt: *Quibus velut legitime à nobis & secundum canones constitutis, vestram pietatem hortamur, ut congratuletur: spiritali charitate nos mutuò devinciante, &c. Sic enim doctrinâ fidei concorditer stabilitâ, & Christianâ charitate in nobis confirmatâ, cessabimus illud dicere, quod ab Apostolis damnatum est, Ego quidem sum Pauli, Ego verò Apollo, Ego autem Cepha. Omnes autem cùm simus Christi, qui in nobis non est divisus, corpus Ecclesiæ, Dei largiente gratiâ, indivisum conservabimus.* Non ergo vniuersali auctoritate munita fuissent acta illius Synodi, nisi ad Occidentales Episcopos missa, & ab iis, à Damaso maximè eorum capite & Ecclesiæ totius principe confirmata fuissent. Omnia enim illo ævo synodicè fiebant, sed in Synodo penes eius præsidem erat τὸ κύριον καὶ ἀνδρῶν rerum omnium. Itaque Orientalis Synodi statuta communi & Synodica Occidentalium consensione firmabantur, ut in œcumenicæ Synodi auctoritatem inualescerent, sed huius confirmationis auctoritas, & vis potissima penes præsidem Synodi & totius Ecclesiæ residebat. Ideo suprâ aiebat Gregorius reliqua huius Synodi statuta non recipi à Romana Ecclesiâ: & sexta Synodus debellatum à Damaso Macedonium: & Photius Orientalium placita à Damaso postea fuisse roborata eadem decernente: & Sardicensis Synodus ad Petri sedem omnia referenda monuit: & Iulio ipsi adscribi solent, quæ synodicè ab ipso pro Athanasio decreta sunt. Non quo à rerum istarum laude eliminantur Episcopi Synodum conflantes, sed quòd à vertice suo non secernatur Synodus, & tota corporis maiestas & principatus gloria, non dematur membris, cùm capiti vendicatur.

IV. Ius illud con-

Et quidem non me fugit, omni quodammodo Ecclesiæ communicari

communicari posse ius illud Synodos confirmandi. Anti-
 quæ enim pleræque hæreses non aliter omni ex orbe
 Christiano explosæ sunt; quàm quòd Synodo proximæ
 quæ eam proscripserat, reliqua sine Synodis ferè assen-
 tiebatur Ecclesia vniuersa. Ea de re Concilij Gangrensis
 præfatione prolixè disputatum est. Vnde Petrus Aure-
 lius, *Id hæresibus non paucis similiter contigit, ut nimirum ab* Part. 1. pag. 98.
vnus prouincia, aut regni Episcopis damnata sint, ceteris con-
sensu solum tacito, non Synodaliū decretorum authoritate suf-
fragantibus. Sic enim Eustathianos, quos Synodus Gangrensis
damnauit, non legimus ab aliarum prouinciarum Conciliis aper-
tè deinde damnatos. Idem Aërianis, Collyridianis, aliisque ac-
cidit; quos præter locorum ubi exorti sunt, Episcopos, non con-
stat ab aliarum regionum Synodis reiectos esse; sed vniuersali
Ecclesia consensione, qua sensim sine sensu inoleuit, exauthora-
tos; quemadmodum singulorum postmodum Patrum scriptis de-
claratum est. Itaque vniuersali Ecclesie consensione, eaque sen-
sim sine sensu inolecente, vel damnationes hæresum, vel
Synodi particulares earum peremptrices ita confirman-
tur, ut in œcumenicæ Synodi authoritatem semper, etsi
non semper in eiusdem nominis gloriam consurgant. Ideo
ergo Chrysostomus vel ipsi Nicænæ Synodo robur ac-
cessisse ex consensione orbis vniuersi docet eo sensu, qui
infra exponetur: At tu non illos tantum condemnas Nicænos Tom. 1. hom. 51.
Patres, sed & orbem terrarum vniuersum, qui illorum senten- pag. 707.
tiam comprobauit. Ideo & Facundus Herm. l. 5. p. 216. de
prima, secunda, quarta, omnique penitus generali Sy-
nodo verba faciens, ait: Et ideo non idem modus esse debet
atque ordo querendi post definitionem Concilij, totius Ecclesie
consensione firmati, qui fuit ante definitionem. Et l. 7. p. 297.
Ephesinam Synodum recens habitam non tantæ fuisse
authoritatis ait, atque postea, Nam & ipsa multum roboris
ad authoritatem addit antiquitas. Quod & nos experimento
quotidiano probamus, reuerentiam antiquitati vtique
maiores, & lubentius impendi. Nec id frustra in Eccle-
siasticis saltem causis. Plures enim & noui subinde ex-

urgunt sanctitatis & doctrinæ copiâ locupletes, qui priora statuta versando priuatim, & retractando, admirandoque, nouum authoritatis pondus adiiciant.

V. Ab Episcopis omnibus quædâ etiam aliquando flagitata approbatio generalium Synodorum.

Nec inficias ibit quisquam tamen, hanc consensio- nem seu tacitam, seu loquacem Ecclesiæ vniuersæ, non plebibus, non clericis minoribus, sed Episcopis adscribendam. Episcoporum est enim, ceu Apostolis succeden- tium, & Ecclesiæ magistrorum præire discipulis suis, & Synodalia statuta condere, authorare, promulgare. Ita- que Chalcedonensem etiam Synodum numero Episco- porum, concordia & authoritate longè maximam, Leo tamen Imperator postea omnium Orientis Episcoporum subscriptionibus fecit roborari. Liberatus c. 14. *Direxit per totum Orientem, &c. rescribunt Chalcedonensem Synodum vs- que ad sanguinem vindicandam, &c. Et hæc epistola vel relatio- nes Episcoporum omnium, in vno codicis corpore vocantur En- cyclica.* Extant ad Chalcedonensis Concilij calcem epi- stolæ illæ metropolitanorum triginta septem, cum suis Synodis ad confirmationem Chalcedonensis Concilij con- spirantium. Sed audiendus hic est Facundus Hermian. l. 12. p. 541. *Volens hæreticos Leo Imperator, non sua tantum, sed communi Ecclesiæ voce confundere: hoc & ipse fecit quod Im- peratorem decuit Christianum, ut per metropolitanos Episcopos literas generales mitteret, consulens de Timotheo Alexandrino Episcopo parricidâ, vel de Concilio Chalcedonensi, ut conuenien- tibus secum Coëpiscopis suis & Clericis, sua responsione signa- rent, quid eis videretur. His ergo acceptis iidem metropolitani cum suis collegis, sicut erant commouiti de suâ quisque provin- ciâ responderunt; tam concordi atque constanti sententiâ, quàm solet multos vnire spiritus veritatis. Nam licet è diuersis longè- que distantibus locis data, nihil tamen habuerunt omnium re- sponsa diuersum; quibus decreuerunt irretractabiliter esse custo- dienda Chalcedonensis decreta Concilij: protestantes atque dicex- tes, Neque iota vel vnum apicem possumus aut commouere, aut commutare eorum quæ apud illam definita sunt. Et iterum: Quo- niam sicut Soli nihil minus est, ad demonstrandum quia Sol est:*

sic & magnâ, & sanctâ, & vniuersali Synodo Chalcedonensi minus quidem bonorum nihil omnino est; neque additamento aliquo eget, neque detractiōe; ab Spiritu sancto veluti diuino quodam Sole condita. Hæc tot. Episcoporum tam mirifica confirmatio instar habuit Synodi alterius, quam in confirmationem Synodi Chalcedonensis Leo antè meditatus fuerat, vt narrat Liberatus. Adde Rusticum disput. con. Acephal. Licet sufficeret tibi unica authoritas Synodi vniuersalis, quæ numero superat vniuersas: quæ toties cunctarum Ecclesiarum consona sententia, tam per encyclicas epistolas regnante Leone, quàm per libellos sacerdotum forsàn duorum millium & quingentorum imperante Iustino confirmata est. Idem & in quintæ Synodi negotio factitatum, si quid fidei sit epistolæ Pelagij Papæ, quam Cusanus ad Valerianum Patricium scriptam excripsit l. 2. Concord. c. 20. Quod celsitudo vestra dicit, vbi conuenire debeamus, & quasi Synodum facere, istud canones nulli permittunt, post vniuersalem Synodum, & post iudicium quod tanquam vno ore propè quatuor millia Episcoporum, tam in metropolitanis suis quàm singulares Constantinopoli protulerunt, iterum contentiōem ad medium reuocare. Sardicensi Synodo subscripsisse Episcopos saltem trecentos quadraginta, suprâ ab Athanasio didicimus; quorum videlicet plerique postea, & seorsim, non in ipsa Synodo consensionem suam adscripserunt. Sextæ Synodo vt authoritatem suam adiungerent, rogati à Leone Papa Hispaniarum Episcopi, in Concilio Toletano XIV. hæc definiunt can. 2. & 3. Per Romani Prasulis baiulum, gesta Synodalia societati nostra aduecta sunt, &c. Leonis quoque antiquæ Romæ Episcopi inuitatoria epistolæ gratia consulti suscepimus, &c. In cuius etiam gratioso epistolæ tractatu, ad hoc omnes Prasales Hispania inuitati sunt, vt prædicta Synodalia instituta quæ miserat, nostri etiam vigoris manerent authoritate suffulta: omnibusque per nos sub regno Hispania consistentibus patefcerent diuulgata, &c. Et mox: Licet in vnum generaliter colligi per idem tempus Hispanorum omnium Prasulum societas nequiuisset, sparsis tamen sedibus atque locis, præ-

fatas gestorum regulas pertractandas suscepimus, susceptas perlegimus, approbantes in his de utrarumque Iesu Christi Filij Dei differentia naturarum, quo gemina in eo voluntas & operatio pradicatur, recti dogmatis sensum, inculpanda disputationis edictum, Apostolica traditionis stylum. Vides gesta Synodi œcumenicæ ab Hispanis Episcopis perlecta, pertractata, approbata. Multo id expeditius esset in septima Synodo demonstrare. Sed quia prolixius id enucleari postulat, proprio seorsim loco expendetur.

VI. Sed nihil inde privilegio sedis Romanæ derogatur ad Synodos confirmandas.

Sed quanquam vniuersus orbis Christianus, quanquam prouinciales Synodi seiunctim, quanquam singulares seorsim Episcopi generalium Synodorum acta approbare & confirmare vtcumque perhibeantur, quando assentiuntur, & subscribunt: non infringitur tamen singulare Petri, & Apostolicæ sedis in confirmandis Synodis privilegium. Quinimo maiestas & prærogatiua capitis ex membrorum præcellentia exaggeratur. Nam quod ad minores Synodos attinet, cum ab iis ad Pontificem prouocari possit, sine eius consensu & autoritate, minus ratæ illæ sunt. Quod ad œcumenicas verò spectat, cum earum caput & præses sit Romanus Pontifex, illarum totò x̄e ego, & principalis autoritas penes ipsum est, non aliter quàm prouincialium Synodorum penes metropolitanum. Vnde Cusanus lib. 2. de Concordantia Catholica, cap. 15. *Et verum est nullum indicium cuiuscumque Synodi, ubi non est autoritas Apostolica sedis, firmum esse: quia semper appellari potest à iudicio illius Synodi ad Apostolicam sedem, &c. Propter appellationem quæ ab ea interponi potest ad Apostolicam sedem, absque confirmatione eiusdem sedis, rata non est. Hæc de Synodis minoribus. De œcumenicis verò paulò pòst: Fortè diceret, etiam hæc regula de vniuersali Concilio vniuersæ Ecclesiæ vera est, quoniam nec illius Synodi etiam constitutiones, absque Apostolica sedis, imò Romani Pontificis autoritate ratæ subsistant. Fateor de Constitutionibus fidem tangentibus verum esse, quòd si sedis Apostolicæ autoritas non interueniat, rata non sunt. Imò & ipsius Pontificis consensus*

interuenire debet, cum sit princeps in Episcopatu fidei. Sic & in aliis omnibus constitutionibus, quoniam ipsa robur à concordia Synodica recipiunt. Nam etiam minimus suffraganeus in prouinciali, aut Canonicus in Episcopali, aut metropolitans in patriarchali Synodo, est ideo de sua Synodi essentia, quia robur ex omni concordia dependet. Sicut Damasus Papa Concilium Ariminense ex hoc multum arguit, quia Vincentius qui longo tempore fuit Episcopus, & alij Episcopi consensum non dederunt. Ergo statutis œcumenicæ Synodi robur & firmitatem gradatim accumulunt singuli Episcopi, prouinciales aut regionales Synodi, sedes Apostolica, pro suo quique gradu. Ex communi enim omnium consensione roborantur decreta. Si minusculis ergo membris sua est tamen vis, suumque pondus in consentiendo: quanto maior, & longè maxima eius est authoritas, qui princeps in Episcopatu fidei est, qui caput, qui Occidentales omnes maximè Episcopos, strictius sibi deuinctos, suo nutu circumagebat, sibi semper consentaneos, & secum gestæ in Oriente Synodo, vel consentientes, vel dissidentes?

Et quidem si non cortici rerum inhæreas, sed in ipsam introspicias medullam, non latebit quo illæ pertinuerint subscriptiones Episcoporum, post quartam, quintam, sextamque Synodos corrogatæ. An Chalcedonensis enim Synodus à sexcentis amplius Episcopis habita, à Leone Papa confirmata, Occidenti, Orientique vniuerso approbata, in suspendio tamen adhuc per aliquot annos fuit, donec Leo Imperator Orientalium Episcoporum nouis seiunctim subscriptionibus confirmari curaret? Cui nisi vehementer insano tam delira in mentem venient? Quæ enim posthac Synodus œcumenica non nutabit, si retractari à posteris, si nouis semper suffragiorum corrogationibus confirmari indigeat? Idem de sexta Synodo & aliis id genus pronuntiandum. Ergo peracta semel Synodo cæteri per orbem Episcopi suæ magis confessionis, quàm approbationi vel confirmationis testimonium subscribebant. Id liquet ex verbis metropolitatorum Chal-

VII. Reliqui per orbem Episcopi subscribunt post ea Synodi decretis, confessionis magis suæ, quàm approbationis testimonium.

cedonensi postea Synodo succinentium, quæ suprà ex Facundo retulimus. Profitentur enim, quod vniuersaliter valet in omnes receptas semel in auctoritatem Synodos; nihil iis vel addi, vel demi posse; nihil ibi constitutorum retrahari debere. Idem patet ex epistola Martini Papæ I. ad Episc. Gall. post Monotheleticam hæresin Romania in Synodo *Apostolico mucrone, Patrumque definitionibus uno ore, unoque spiritu condemnatam*. Idcirco studeat fraternitas tua omnibus eadem innotescere, ut tam abominandam hæresin nobiscum execrentur, & Synodali conventionem, scripta unà cum subscriptionibus vestris, nobismet destinanda concelebrent, confirmantes atque consentientes eis, quæ pro orthodoxa fide statuta sunt. Subscribi & subscribendo confirmari hortatur Lateranensis Synodi statuta, sed citra nouum examen. Id magis liquebit ex Leonis secundi epistolâ secundâ ad Episcopos Hispaniæ, quos sextæ Synodo hortatur subscribere, ut sibi consulant, non Synodo: *Ab omnibus reuerendis Episcopis unà vobiscum subscriptiones in eadem definitione venerandi Concilij subnectantur, ac sit profectò in libro vite properans unusquisque Christi Ecclesiarum Antistes suum nomen adscribere; ut in vnius Evangelica atque Apostolica fidei consonantia, nobiscum & cum vniuersali sanctâ Synodo per sua subscriptionis confessionem, tanquam præsens spiritus conueniat: quatenus Christo cum ad indicandum veneris, cum titulo orthodoxa confessionis occurrens consortem se traditionis Apostolica per manus sua demonstret signaculum*. Quanquam ergo Hispaniarum Episcopi suprà dixerint, gesta sextæ Synodi nostri vigoris auctoritate suffulciri, & postea, approbari: sed Leo tamen iterum iterumque ab iis non postulat, nisi suæ subscriptionis confessionem, titulum orthodoxa confessionis, non ut nouo auctoritatis pondere Synodum quasi alioqui vacillantem confirmarent: sed ut ipsi in libro vite scribi, & consortes se traditionis Apostolica per manus sua signaculum demonstrare properarent. Et infra idem Leo: *Cum vestrarum subscriptionum paginas susceperimus, has apud B. Petri Apostolorum principis confessionem deponemus, ut eo*

mediante atque intercedente, à quo Christianæ fidei descendit vera traditio, offeratur Domino nostro Iesu Christo ad testimonium & gloriam, eius mysterium fideliter consentientium ac subscribentium. Audiri non approbantium, aut confirman- tium, sed consentientium ac subscribentium testimonium? Et e- pistolâ 4. Hortati sumus omnium Ecclesiarum reuerendissimos Praefules, ut subscriptiones suas eidem Apostolica Synodali defi- nitioni subnectant, & utpote pro filiis atque cum filiis Patres sua nomina in huiusmodi libro vitæ describant. Et rursus ut ad quartam Synodum redeam, accipe quæ Euagrius scri- bit lib. 2. c. 9. & 10. Leonem non ad Episcopos tantum, sed & ad monachos sanctitatis laude spectabiliore scrip- sisse; ac præ cæteris ad Symeonem Stylitam. Num etiam monachis ius suppetit confirmandæ Synodi? Sed quid rescribunt Episcopi? *Decretis Chalcedonensis Concilij inherere: ἐνέμειναι.* Quid Symeon? *Ego abiectus & vilis & abortivus monachorum, Imperatori significavi meum propositum circa fi- dem Chalcedonensium Patrum sexcentorum triginta, inherescens & confirmatus ab ea fide, &c.* Inherere se & confirmari, non confirmare proficitur. Consule & authorem vitæ sancti Auxentij Abbatis, à quo similiter Marcianus confirmationem petiit Synodi Chalcedonensis.

Vt cumque tamen hæc singulare etiam Episcopo- rum, imò & monachorum, adeoque & laicorum fide- lium confessio, & expressa ad confessionis non ad con- firmationis necessitatem subscriptio, confirmationis ali- quam non inanem præ se fert imaginem. Hæc enim est Ecclesia Catholica toto orbe diffusa, hoc semen Abra- hæ stellis cæli, & arenis pelagi numerosius, huic Chri- stus inconcussam stabilitatem, puramque ab errorum for- dibus fidem pollicitus est. Ergo consensus ille Ecclesie Catholice explicatissimus, & à monachis etiam, laicis- que velut ad redundantiam quandam veritatis elicitus, non aspernandæ confirmationis instar habet. Ita Chry- sostomus adversus Quartadecimanorum reliquias supra urgebat consensum orbis uniuersi. Ita Leo Imperator per

VIII. Et his tes- timoniis, sicut & populorum Catholicorum consensui, inest specimen non inane prorsus confirmationis.

sanctissimorum etiam monachorum subscriptiones sperabat suffundi posse Chalcedonensis Synodi allatratores. Ita Augustinus lib. contra epist. Fund. c. 4. ea enumerans, quibus in gremio Ecclesiæ Catholicæ contineretur, ita orditur, *Tenet consensus populorum, atque gentium.* Ita Vincentius Lirinensis Comm. 1. c. 33. *Quæ dogmatum novitates si recipiantur, necesse est, ut fides beatorum Patrum aut totâ, aut certè magnâ ex parte violetur. Necesse est ut omnes omnium ætatum fideles, omnes sancti, omnes casti, continentes Virgines, omnes Clerici, Levitæ & Sacerdotes, tanta Confessorum millia, tanti Martyrum exercitus, tanta urbiū, tanta populorum celebritas & multitudo, tot insulæ, provincie, reges, regna, nationes, totus postremò iam penè terrarum orbis, per Catholicam fidem Christo capiti incorporatus, tanto seculorum tractu ignorasse, errasse, blasphemasse, nescisse quid crederet, pronuncietur.* Ita Ferrandus Carthag. Diaconus epist. ad Seuerum, *Vtinam mihi fide simplici, quam Catholica per uniuersum mundum docet Ecclesia, sic donec Deus esse contentum, &c. Loquantur & prædicent, quibus honor sacerdotij docendi auctoritatem tribuit, &c. Interroga si quid veritatis cupis audire principaliter Apostolica sedis Antistitem, cuius sana doctrina constat iudicio veritatis, & fulcitur munimine auctoritatis. Interroga plurimos per diuersa terrarum loca Pontifices, quibus scientia cælestium præceptorum diuinitus inspirata, &c. Vbi primas Apostolicæ sedi, secundas partes tribuit reliquis Episcopis, compendio fidem tenendam monet, quam Catholica per uniuersum mundum docet Ecclesia.* Et infra ad calcem eius opusculi, ait, *Patienter hanc dubitationem ferendam, donec vniuersalis Ecclesia auctoritate vel pronuncietur suscipienda, vel prodatur abiicienda.* Ita Ioannes II. epist. ad Senatores, ait: *Postquam epistola, vel dogmatis tenorem, cuncta Ecclesia, hoc est, sacerdotum, senatus, & populi probauit adseruis.* Nimirum in ipsa populorum toto orbe disseminatorum obedientia vnanimi & consensione ad vnum fidei per Episcopos trutinatæ iugum subeundum, specimen diuinæ omnipotentiae, & pignus elucet luculentissimum

luculentissimum eius promissionis, qua Christo subiugandum orbem omnem prisca vaticinia cecinerunt. Ita ergo confirmatur & authoratur fides ab iis, qui auctoritatis expertes cum sint, contestantur tamen hanc esse auitam, & sibi à maioribus instillatam fidem. Basilii lib. de Spiritu sancto cap. 7. glorificandum Patrem non tantum *per Filium*, sed etiam *cum Filio* docens, ait: *Videas & à rusticis hodie hanc vocem more veterum pronuciari.*

Sed principalem & legitimam potestatem confirmandarum Synodorum, etiam generalium penes sedem Petri esse, multis argumentis euincitur. Ideo enim Iulius Papa apud Socratem lib. 2. cap. 13. ad Episcopos Concilij Antiocheni scribit, *eos contra canonem Ecclesia egisse, quia ipsum ad Concilium non vocauerunt, Ecclesiastico canone iubente, non oportere prater sententiam Episcopi Romani, canones condere Ecclesie.* Aut vt apud Sozomenum lib. 2. c. 9. *Contra leges Ecclesie esse, quod ipsum ad Synodum non vocassent. Esse enim legem sacerdotalem, quod irrita declarentur, quacumque sunt prater sententiam Romani Episcopi.* Ideo & apud Theodoretum lib. 2. c. 22. Synodica Episcoporum nonaginta Romæ congregatorum cum Damaso Papa epistola de Synodo Ariminensi, ait: *Siquidem numerus Episcoporum qui Arimini congregati fuerunt, praiudicij vim habere non debet. Quandoquidem factum illud est, neque Romanorum Episcopo, cuius ante alios oportebat sententiam expectare: neque Vincentio, qui tot annis Episcopatum integrè gesserat: neque aliis in res tales consentientibus.* Vbi vides ante alios omnes necessariam Romani Episcopi consensionem, & ex eius deliquio irritari Synodum. Vnde & Siricius epist. 1. c. 1. *Post cassum Ariminense Concilium, missa ad provincias à veneranda memoria Liberio generalia decreta, &c.* De confirmata secunda hac œcumenica Synodo à Damaso Papa, suprà dixi.

De quartæ Synodi confirmatione Facundus Hermianens. lib. 3. cap. 4. *Cum Leo dicat: Et fraterna vniversitas, & omnium fidelium corda cognoscant, me non solam per fratres,*

IX. Sed principalis Synodus confirmandi auctoritas, & iuridica potestas penes Pontificem Romanum est.

X. Euincitur id ex quarta maxime Synodo.

qui vicem meam executi sunt, sed etiam per approbationem *gestorum Synodaliū*, propriam vobiscum unisse sententiam. Non ergo solam fidei definitionem, sed ipsa gesta Synodalia se pronunciat approbasse. Vbi obserua primū, non per legatos tantū suos affuisse, & consensisse Synodo Chalcedonenſi Leonem, sed postea etiam gesta Synodalia approbasse: quod posterius propriam eius authoritatem continet, nulli præterea Episcoporum concessam. Item Facundum aduersus eos efferuescere, qui fidem tantū Concilij approbatam à Leone Papa iactabant, non reliqua omnia, non illa maximè famosa tria capitula: ideoque irretractabilem illam solam esse, de his verò redintegrari posse iudicium. Quibus validè resistitur à Facundo, ostenditurq; omnia prorsus Concilij Chalcedonenſis decreta à Leone confirmata, ideoque omnia perinde irretractabilia. Vtrisque ergo conueniebat, accessione vel decessione approbationis sedis Apostolicæ fieri, vt acta cecumenicæ alioqui Synodi retractari possint vel non possint; adeoque vt nomen & pondus cecumenicæ Synodi obtineant, vel non obtineant in hac parte. Allegat mox Facundus Gelasium quoque Papam in epistola ad Episcopos per Dardaniam constitutos, vbi ait: *Beatum Papam Leonem sedis Apostolicæ Prasulem, cuius Synodus Chalcedonenſis authoritate firmata est, quidquid vltra quàm ab eodem pro fide & communionē Catholica atque Apostolica illis agendum, constaret esse delegatum, per occasionem congregationis illius præter Nicænos canones nouā videretur actione tentatum, competenti refutatione vacasse.* Omnibus ergo id præsumptum animo, & præiudicatum erat tunc orthodoxis, ea demum rata & fixa, nec ad nouæ disputationis incudem reuocanda esse Synodi Chalcedonenſis decreta, quæ Leo Pontifex confirmasset. A quibus non abludit Ferrandus Eccl. Carthag. Diaconus ad Pelag. & Anatol. pro tribus similiter capitulis scribens, & maximè pro epistola Ibæ: *Si quis tunc accusator epistolæ, cuius catholica esse dictatio claruit, ad maiora iudicia provocaret, accusationi forsitan secundum consue-*

tudinem locus pateret. Sed quò iret? aut ubi maiores in Ecclesiâ reperiret iudices? Ante se habens in legatis suis Apostolicam sedem: quâ consentiente, quidquid illa definiuit Synodus, accepit robur inuictum. Et infrà: Si retractentur Chalcedonensis decreta Concilij, de Nicenâ Synodo cogitemus, ne simile periculum patiatur. Vniuersalia Concilia, præcipuè illa quibus Ecclesia Romana consensus accessit, secunda authoritatis locum post canonicos libros habent. Vtque Scripturas nemo ad examen, quasi emendandas, vocat: Sic omnino Concilia, quæ vetustas firmavit, & custodiuit deuota posteritas, obediensiam de nobis exigunt, &c. Et statim: Quæ finiuntur iudicantibus Episcopis sanctis, & ad B. Petri memoriam perducta, diligentius examinantur atque firmanur, sequenda sunt, tenenda sunt, amplectenda sunt: in retractione sub qualibet pietatis occasione teneri non debent. Vides quàm iuridica & authoritatis summæ insignibus ornata sit sententia Sedis Apostolicæ, decreta Conciliorum generalium confirmantis, quandoquidem ea diligentius examinat, & firmat: & illud adiicit momentum, ex quo id consequuntur, vt deinceps irretractabilia sint. Denique idem Ferrandus infrà: Audi, fili, legem Patris tui, & ne spernas consilium matris tue. Lex enim Patris fulget quantum mihi videtur in canonicis libris: consilium matris in vniuersalibus Conciliis continetur, &c. Sufficere iudicatur ad plenam confirmationem, si perducta ad notitiam totius Ecclesiæ, nullum offendiculum moueant, vel scandalum fratribus, sed Apostolica fidei conuenire firmentur, Apostolica sedis roborata consensu. Vbi consensu quidem totius Ecclesiæ roborari generalia Concilia annuit, sed eo vno; quòd nemo offendatur, nemo autem fidei ea obstrepere clamiter: sed singulariter & nouo examinis atque authoritatis pondere à sede Apostolica confirmari. Aduersus Facundi autem & Ferrandi sententiam prolixè disputat Pelagius II. Papa epist. 5. ad Episc. Istriæ, non nisi quæ ad fidem pertinent Chalcedonensis statuta Concilij, à Leone confirmata contendens; ideoque illis tantum, non aliis irretractabilem firmitatem assignans. Leonis

enim Papæ verba eadem quæ suprà Facundus cùm ex-
 cripfisset : subdit : *In sola scilicet fidei causa , propter quam
 generale Concilium , & ex praecepto Christianorum principum ,
 & ex consensu Apostolica sedis placuit congregari.* Et mox ex
 epistola Leonis ad Maximum Antiochenum hæc excer-
 pit : *Si quid sanè ab iis fratribus quos ad sanctam Synodum
 vice mea misi , præter id quod ad causam fidei pertinebat , ge-
 stum esse perhibetur , nullius erit firmitatis : quia ad hoc tantum
 ab Apostolica sede directi sunt , ut excisis hæresibus , Catholica
 essent fidei defensores.* Quidquid enim præter speciales causas Sy-
 nodalium Conciliorum ad examen Episcopale deferatur , potest diu-
 dicandi habere rationem , &c. Hæc Leo : tum Pelagius : *Priua-
 tas causas , quæ ibi post definitionem fidei actæ sunt , non solum
 minimè confirmavit , sed & retractari , atque diiudicari concessit.*
 Denique Leo ipse Papa pondus autoritatis suæ in con-
 firmando Chalcedonenſi Concilio non obscure declara-
 vit. Nam epist. 59. ad Marcianum Augustum , ait : *Cùm
 vestro præcipuè opere sis effectum , ut per Synodale Concilium ,
 damnatis impij dogmatis defensoribus , omnes vires sacrilegus
 error amitteret : ad eiusdem deuotionis pertinet palmam , si ma-
 lum quod in suis ducibus est oppressum , etiam in quibuscumque
 reliquiis deleatur.* Quod facilius clementia vestra arbitretur im-
 plendum , si per vniuersas Ecclesias , definitiones sanctæ Synodi
 Chalcedonenſis Apostolica sedi placuisse doceantur. Et epist. 60.
 ad Pulcheriam Augustam , *Quod verò piissimus Imperator
 ad omnes Episcopos qui Chalcedonenſi Synodo interfuere , voluit
 me scripta dirigere , quibus quæ illic sunt de fidei regulâ defini-
 ta , firmam , libenter impleri : ne fallax cuiusquam simulatio
 sententiam meam haberi vellet incertam.* Ingeis prorsus mo-
 mentum autoritatis habitura erat Leonis Papæ confir-
 matio , quam Imperator postulabat , quam pij omnes ex-
 spectabant , de qua fallaces erroris defensores dubitare se
 malè simulabant. Quanquam ergo Christiani orbis con-
 spiratione firmeretur plurimùm Concilij placitum , ut idem
 Leo docet epist. 52. *Non ultra iam excusationis refugium
 conceditur , cùm sexcentorum ferè fratrum & Coepiscoporum no-*

strorum Synodus congregata, &c. Non solum sacerdotibus Christi, sed etiam principibus & potestatibus Christianis, cunctisque clericis, plebibus, ordinibus plenè atque euidenter apparuit hanc esse verè Apostolicam fidem ex diuina pietatis fonte manantem, quam sinceram & ab omni face totius erroris alienam, sicut accepimus, predicamus, & vniuerso iam mundo consentiente defendimus. Consensu orbis auita hæc esse fides proditur. Nunquam enim in vnum vniuersi aberrant. Erroris enim plura semper diuerticula, simplex & vna veritas est. Quidquid ergo vnum est vbique, non erratum, sed traditum est. Sed confirmandæ Synodi ius tamen speciale Petri sedi vendicat idem Leo rursus epist. 86. ad Nicetam Aquil. Damnent apertis professionibus sui superbi erroris auctores, & quidquid in doctrina eorum vniuersal's Ecclesia exhorruit, detestentur: omniaque decreta Synodalia, quæ ad excisionem hærescos Apostolica sedis confirmant auctoritas, amplecti se & in omnibus approbare, plenè & apertis, ac propria manu subscriptis protestationibus eloquantur. Et epist. 77. ad Anatol. Ita vt Chalcedonensis Synodi definitionem de fide, cui etiam dilectio tua subscribendo consensit, & quam Apostolica sedis firmavit auctoritas, profiteatur se per omnia seruaturum. Sed euidentissimè idem Leo canonem Chalcedonensis Concilij. XXVIII. irritum esse decreuit, & peruicit, expungique fecit. Audi quid epist. ad Pulcheriam Aug. scribat: Consensiones verò Episcoporum, sanctorum canonum apud Nicaam conditorum regulis repugnantes, unità nobiscum vestra fidei pietate, in irritum mittimus, & per auctoritatem beati Petri Apostoli generali prorsus definitione cassamus: in omnibus, Ecclesiasticis his legibus obsequentes, quas ad pacificationem omnium sacerdotum per 318. Antistes Spiritus sanctus instituit: ita vt si multo plures aliud quàm illi statuere, decernerent, in nullà reuerentià sit habendum, quidquid fuerit à prædictorum constitutione diuersum. Tanquam vindex canonum Nicænorum, aduersantem illis canonem Chalcedonensem extremum non quomodocumque suggillat & respuit, sed in irritum mittit, & per auctoritatem B. Petri Apostoli generali

prorsus Definitione cassat. Et cessit tandem Imperator, cessit Anatolius, cuius dignitas vertebatur, & erasus ex albo est, ille rescissus canon à Leone, ut infra dicemus. Summa ergo & propria vni Romano Pontifici competit hæc authoritas.

XI. Idem ex
Pseudosynodo
Ephesinâ, & aliis
argumentis
efficitur.

Et hanc sanè Romani Pontificis, ut Synodorum generalium Custodis, Vindicis, Executoris potestatem ad easdem confirmandas, vel irritandas Synodos singularem, luculentè Gelasius Papa profitetur epist. 13. ad Episcopos Dardanix: *Confidimus quod nullus iam veraciter Christianus ignoret, uniuscuiusque Synodi constitutum, quod universalis Ecclesiæ probavit assensus, non aliam magis exequi sedem præ ceteris oportere, quàm primam; quæ & unamquamque Synodum sua auctoritate confirmat, & continuata moderatione custodit; pro suo scilicet principatu, quem B. Petrus Apostolus Domini voce perceptum, Ecclesiâ nihilominus subsequente & tenuit semper & retinet.* Si odiorum nebulas, si iurgiorum procellas vel ad momentum abigere, & veritatis serenum haurire Nouatores inducerent in animum: quid æquius, quid ad Ecclesiæ tranquillitatem, canonumque vim tutandam opportunius, quàm ut Petri tot priuilegiis à Christo decorati sedes perpetua, Synodorum Canonumque vindex & defensatrix sit? Et pro iure suo, quidquid nouæ in dies Synodi, priscis Synodis regulisque aduersum statuent, id rescindat: quidquid consonum, id confirmet? Ita Ephesinam secundam Synodum refutauit, Chalcedonensem approbavit Leo, eodem ibidem Gelasio authore. *Dioscorum secunda sedis Prasulem sua auctoritate damnauit sedes Apostolica: & impiam Synodum non consentiendo submonit: ac pro veritate ut Chalcedonensis Synodus fieret, sola decreuit, &c.* Sicut id quod prima sedes non præbuerat, stare non potuit: sic quod illa censuit indicandum, Ecclesiæ tota suscepit: Vbi etiam consequenter ostenditur, quia male gesta Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota merito Ecclesiæ non recepit, & præcipuè sedes Apostolica non probauit;

per bene gestam Synodum, id est, secundum Scripturas, secundum traditionem Patrum, secundum Ecclesiasticas regulas, pro fide Catholica & communione prolatam, quam cuncta recepit Ecclesia, quam maximè sedes Apostolica approbavit, ut debuerit & potuerit immutari. Inuidiosa videri non debent priuilegia primæ sedis, eo vno nomine impetrata, quod prima sit, cum primam aliquam esse iusserit schismatis præuertiendi necessitas. Est enim primæ sedis præ cæteris canones, Synodosque ut publicæ salutis propugnacula tueri, aduersa refellere, consentanea approbare.

Nec minùs perspicuè id efficitur ex quintæ Synodi exemplo, cui vix, aut nec vix quidem œcumenicum pondus authoritatis antè affuit, quàm à sede Apostolica reciperetur. Dissentiebat enim primò Occidentalis prorsus Ecclesia, & nisi Vigilij demum, aut certè Pelagij Gregorijque Romanorum Pontificum consensio & authoritas perfregisset reclamantium pertinaciam, nunquam illa Synodus in vniuersam Ecclesiam, sed in Orientalem dumtaxat conualuisset. Pelagius II. epist. 7. c. 7. ad Episcopos Istriæ adhuc bellaturientes aduersùs quintam Synodum: *Rursum per epistolam vestram dicitur, à sede Apostolica vos doctos, atque ab sirinio sanctæ Romanæ Ecclesiæ, cui Deo auctore præsumus, confirmatos: ne huic rei quæ sub piæ memoriæ Iustiniano principe gesta est, consentire debeatis. Atque hanc opitulationem excusationi vestræ adiungitis, dicentes, quòd in causa principis, & sedes Apostolica per Vigilium Papam, & omnes Latinarum provinciarum principes damnationis trium capitulorum fortiter restiterunt. In quibus verbis attendimus, quòd res quæ prouocare vos ad consensum debuit, à consensu vos ipsa diuellit. Latini quippe homines, & Gracitatis ignari, dum linguam nesciant, errorem tardè cognouerunt: & tantò eis celerius credi debuit, quanto eorum constantia, quousque verum cognoscerent, à certamine non quieuit. Quorum consensum ceriè fraternitas vestra despiceret, si ausu precipiti, priusquam verum cognoscerent, consensissent. Ergo postquam consensit exploratæ iam veritati sedes Apostolica, tunc ne-*

XII. Idem ex Synodi quintæ approbatione, & iectæ, & octauæ.

cesse fuit omnes quintæ Synodo assentiri : & ab hoc assensu Istriæ prius abhorrebant Episcopi, quodd & Vigiliū abhorruisse sentirent. Et c. 8. *Si in trium capitulorum negotio aliud, cū veritas quæreretur, aliud autem inuentā veritate dictum est; cur mutatio sententia huic sedi in crimine obicitur, &c.* Et epist. 5. ad eosdem, eos hortatur ut ad Ecclesiam redeant, quæ vna est, & Apostolicis sedibus superfula : *In his namque ait Augustinus esse Dei Ecclesiam constitutam, qui sedibus Apostolicis per successionem Prasulum præsidere noscuntur, &c.* Et Cyprianus : *Exordium ab unitate proficiscitur, & primatus Petro datur, ut una Christi Ecclesia, & Cathedra monstretur.* Sed lux plurima & his, & superioribus omnibus affundetur ex epistola Leonis II. qua sextam Synodum confirmavit, ex ea planè autoritate, quæ Petri sedem, quæ primam Ecclesiæ Cathedram, quæ fidei & disciplinæ paternæ defensorem, quæ Occidentalis maximè orbis patronum decet, cuius nutu & supercilio Occidentalis omnis agebatur Ecclesia, & suo assensu vel dissensu, vel addebat, vel demebat Synodis Orientalibus œcumenicum nomen & momentum. Igitur gestorum Synodaliū seriem recensentes, curiosæque diligentia, singula quæ gesta sunt, flagitantes, eadem quæ Apostolica sedis legati narrauerant, scriptis consonantibus conuenire reperi-mus. Cognouimus enim, quod sancta, & vniuersalis, & sexta Synodus, eadem quæ vniuersa Synodus sancta & Apostolica huic sedi adiacens, senserit atque decreuerit; sub orthodoxa fidei integritate, regulisque maiorum; atque concorditer nobis confessa est, vnum esse de Trinitate Christum, &c. Per quæ reuera probauimus hanc sanctam sextam Synodum, Apostolicam predicationem inoffenso pede fuisse secutam, sanctorumque & vniuersalium quinque Conciliorum definitionibus in omnibus consentientem, &c. Et infra : *Hanc recta & Apostolica traditionis normam prædecessor meus Agatho cum suâ Synodo predicauit : hanc scriptis percurrentibus in sua suggestionis paginâ vestra pietati per suos legatos misit, &c. quam sancta Synodus nunc suscepit, & nobiscum amplexa est, &c.* Idcirco & nos, & per nostrum officium,

officium, hac veneranda sedes Apostolica concorditer, & unanimiter, his quæ definita sunt ab ea, consentit, & B. Petri auctoritate confirmat. Confirmat & quidem ex auctoritate Petri sextam Synodum, post examinata eius decreta, ut consentaneam fidei regulis ab Agathone Papa prælineatis, prioribus Conciliis generalibus, Occidentalisque totius Ecclesiæ seu Synodi sententiæ.

Parco septimam hic Synodum excutere, quod prolixior operam & alibi ideo seponendam res ea desideret. Octavæ Synodo non subscribere legati Apostolici, nisi usque ad voluntatem Papæ. Et Synodus ipsa confirmari se petens ab Hadriano Papa, *Prædica hanc Synodum veluti propriam, & sollicitius confirma cœuangelicis præceptionibus, & admonitionibus vestris: ut per sapientissimum magisterium vestrum etiam aliis univ. Ecclesiis personet & suscipiatur veritatis verbum, & iustitia decretum.* Abunde ex superioribus patet id quod ait Gelasius Papa I. de anathemate, *Totum in sedis Apostolica possum est potestate. Ita quod firmanis in Synodo sedes Apostolica, hoc robur obtinuit: quod refutavit, habere non potuit firmitatem: & sola rescindit, quod præter ordinem congregatio Synodica putaverat usurpandum.* Nempe quia sedes Apostolica tum, *Non promulgatrix est iteratæ sententiæ, sed veteris executrix:* ut ibidem subditur. Et epist. 13. *Quod sedes Apostolica sicut decuit antiquam traditionem custodiens, non Synodum duxit iterandam: sed in eius prævaricatore pellendo, hanc eandem Synodum potius exequendam.* Et infra ait Leonem à Marciano Imperatore laudatum, quod improbando, irritandoque extrema Chalcedonensis Synodi statuta, canonum regulas violari nullâ fuerit ratione perpessus. Leonem enim quod præter Nicænos canones novâ videretur actione tentatum, competenti refutatione vacuasse. Et infra de Romana Synodo agens quæ cum ipso Acacium damnauerat, ait, *Non tanquam nova Synodus veterem primamque cognovit, sed potius secundum tenorem veteris constituti, particeps Apostolica executionis effecta est.* His adde Leonis primi & secundi verba superius relata, clarebit om-

XIII. Inde œcumenicæ Synodi exaggeratur auctoritas, quod eius custos & executrix sedes Apostolica non sinat illi per novas vias Synodos derogari.

nino non ambiosè in vniuersam Synodum inolescere Romanos Pontifices, sed Synodorum potiùs vindices, custodes & executores esse; ideoque intercedere necessariò, ne antiquis Synodis per nouas derogetur, id est, ipsos maximè Synodorum maiestatem defensare. Hallucinantur ergo mirum in modum, qui fœdam hinc Concilij œcumenici seruitutem augurantur. Quin ex aduerso inconcussam æternamque illius auctoritatem & gloriam inde certò ominamur, quod inuictissima eius custos sedes Apostolica, excubias actura sit, ne ullis posthac nouellis Synodis ei detrahatur.

XIV. Quod cum Italico, vel Occidentali Concilio, Synodos confirmaret vel refelleret sedes Apostolica, id eius maiestati nihil detrahit, sed addit plurimùm.

Et rursus quòd non sola, sed Italico, vel Occidentali Concilio succincta sedes Apostolica, Orientales confirmaret, vel refutaret Synodos, non eius inde infringitur eximia prærogatiua, sed roboratur. Nunquam enim sola, nunquam filiorum clientumque suorum numero agmine nuda, potest sedes Apostolica videri. Nunquam caput à membrorum compage, nunquam membrorum conspiratio à capite deficit: nec in iniuriam capitis, sed in eius gloriam redundat, quòd membrorum suorum venustate & ope semper valletur. Facessant impiarum rixarum commenta. Ne caput hinc, inde membra præter caput omnia & aduersùm caput velut in acie constituentur ac collidantur. Longè aliter Ecclesia Christi à Christo ipso imputa olim est: quæ capitis & membrorum omnium suorum opes viresque prorsus communes, & indiseretas semper habere sibi visa est, & indiuiduo vnitatis, charitatisque vinculo connexas; ita vt seu capitis, seu membrorum quorumlibet gloria in totum corpus refunderetur. Hincmarus l. 55. cap. c. 20. *Julius Roma Synodum celebravit, & eandem Nicenam Synodum Apostolica sedis auctoritate per se, sicut prædecessor illius Sylvester per legatos suos firmanit. Capitula quoque in eodem Concilio constituta, ipse omnibus validior antiquitatis vsus, & antiqua maiorum traditio, reuerendissimo vigore tenenda corroborauit. Confirmat Nicæna statuta omnibus validior antiquitatis vsus,*

hoc est, consensio & consuetudo Ecclesiarum, mores suos illis coaptantium. Sed confirmat eadem, confirmat Synodicam de fide definitionem Romanus Præsul Apostolicæ sedis autoritate: confirmat iste imperio, illi obsequio. Vide & eundem Hincmarum ibidem c. 23. & 24. ubi Concilij ipsius Chalcedonenfis can. 9. & 28. item canonem huius Constantinopolitanæ Synodi de priuilegiis sedis Constantinopolitanæ editum, à sede Apostolica receptum fuisse negat, ideoque missum esse in irritum ex Gelasio Papa contendit, cuius prolixè verba describit. Nempe procusi fuerant illi canones *in absentia legatorum sedis Apostolicæ, quibusdam non consentientibus; & post reclamantibus, de sacrorum canonum, & priuilegij Apostolicæ ac primæ sedis iniuriâ & præiudicio eisdem legatis.* Quæ ergo confirmata non sunt à sede Apostolica, ne statuta quidem fuerant ab œcumenica Synodo, sed tumultuariè aut fraudulenter obrepisse. Etenim is est capitis & membrorum, Pontificis Synodique concentus, ut quæ synodicè statuuntur, indubiè confirmentur: quæ non confirmantur, ea in Synodo magis, quàm à Synodo, & præter Synodicas leges subrepisse, aut extorta fuisse æstimentur. Vnde idem Hincmarus lib. de diuort. Loth. & Tetber. pag. 686. tom. 2. *Quibus omnibus demonstratur quia Synodus comprovincialium Episcoporum iudicia; generalis autem Synodus comprovincialium diiudicationes, siue dissensiones vel probet, vel corrigat. Apostolica verò sedes & comprovincialium & generalium retractet, refricet, vel confirmet iudicia; sicut Epistola Leonis, atque Gelasij cæterorumque Romanorum Pontificum, & Sardicensis Synodus euidenter ostendunt. Et Episcoporum rectè iudicantium confirmatur, & secus iudicantium corrigitur, & interim funditus non perit autoritas.*

Vbi & illud perspicitur, prouinciales quoque Synodos, siue regionales, non aliter quàm sedi Apostolicæ approbatas, inuictum robur assequi. Ratio ipsa Hincmarum id reuincebat. Ut singulorum Episcoporum iudicia à Synodis prouinciæ, ita harum à superioribus sedibus, &

XV. Prouinciales quoque Synodi à sede Petri confirmandæ fuerent, ut auctoritatem certam, irretactabilem, &

universalem con-
sequerentur.

omnium denique definitiones à summa & prima sede retractari, firmitate necesse esse. Vnde idem in epist. ad Carolum Regem operi de prædest. præfixa, *Synodus pro cognita infidelitate Felicis est habita, & ad Romanam Ecclesiam velut ad apicem Ecclesiarum transmissa.* Et idem tom. I. p. 266. Concilia quædam à se habita, à sede Apostolica firmitatem inexpugnabilem consecuta esse sic narrat, siue fingit: utcumque id habeat, elucebit tamen pontificiam confirmationem quantum ambierit, quanti fecerit: *Qua domini Apostolici Benedicti privilegio sub anathematis interpositione, ut inde questio nullis aliquando temporibus oriatur, sunt confirmata: & demum domini Nicolai Papa confirmatione, sicut sanctæ recordationis Benedictus Pontifex illam confirmavit: saluo Romano sedis in omnibus iussu atque iudicio, sub terribili anathemate, ut quacumque persona magna vel parva, temerario ausu contra hoc suum Apostolicum decretum agere præsumpsit, anathematis vinculo sit innodatus, sunt roborata. Et quia sedes Apostolica in hoc prorsus sua sibi magnopere iura conservat, & aliena custodit, imò sua propria facit, ut omnis questio ad eam relata, iudicio & sue confirmationis decisione finem accipiat.* Id affectabant ergo Episcopi, ut irretactabilem auctoritatem suis decretis confirmatio primæ sedis impartiretur. Æquitatem non rarò eadem conciliabat, si quid peccatum esset, ut in Synodo de Lotharij Regis coniugio habita. Ideo Nicolaus epist. 23. ad Episcopos Synodi Metensis, *Statuimus ut cuncta quæ fuerint definita, nostro Præsulatui significetis: ut si ea iustitia pulchritudine probabilique sanctione definita perspexerimus, Deo omnipotenti gratias referamus. Si autem iniustitia, quod nolumus, & contrarietatis fuerint acta intentione, ea renouare summopere iubeamus.* Ita & Gregorius Magnus lib. 7. epist. III. ad Episcopos Galliarum, Synodi acta sibi renunciari iubet, *ut subtiliter agnoscetes, quid & cum quâ cautelâ, vel qualiter sit decretum, omnipotenti Deo de vitâ vestrâ vel moribus gratias persoluamus.* Vide & epist. 112. Item epist. 70. *Quamvis sine Apostolica sedis auctoritate nullas quacumque acta fuerint vires habeant. Vbi de*

Constantinopolitanæ cuiusdam Synodi actis agit. Et l. 2. epist. 47. & 48. ad Episc. Numidiæ, *De unitate ac pace Concilij, quod Deo authore congregare disponitis, charitas tua animos nostros subtiliter omnia indicando letificet.* Hunc enim fructum vnum decerpit ex hac sua in Ecclesias omnes indefessa vigilantia sedes Apostolica, vt de unitate & san-
ctimoniâ ipsarum ipsis gratuletur, sibi gaudeat, Deo gra-
tias referat: hunc autem fructum longè vberimum illis
affundit, vt quod decreuerint, id ad æquitatis normam
expensum, id irrettractabile, id vniuersali quadam au-
thoritate ornatum sit. Ideo Posidius in vita August. c. 18.
post laudata Africana aduersus Pelagianos Concilia, *At illi tanta sedis Antistites Innocentius & Zozimus, suis diuersis temporibus eosdem notantes, atque à membris Ecclesiæ præciden-
tes, datis literis ad Africanas, Orientis, & Occidentis Eccle-
sias, eos anathematizandos & deuitandos ab omnibus Catholi-
cis censuerunt.* De Carthaginensibus Conciliis à sede Pe-
tri confirmatis & inde nactis indubitata, irreuocabilem,
vniuersalem definitionum suarum vim prolixius infrà suo
loco, sicut & de Synodo Arausicanâ. Penè suffugerat exi-
mius locus epistolæ Flauiani Episcopi Constantinopoli-
tani ad Leonem, suam qua Eutychetem damnarat, Sy-
nodum confirmari enixius petentis. *Propriam faciens com-
munem causam, & sanctarum Ecclesiarum disciplinam, simul
decernere damnationem aduersus eum regulariter factam, & per
propria scripta dignare: confortare autem & piissimi Imperatoris
fidem. Causa enim eget solummodo vestro solatio, atque defen-
sione, qua debeatis consensu proprio ad tranquillitatem, & pa-
cem cuncta perducere. Sic enim hæresis qua surrexit, & turba
qua propter eam facta sunt, facillimè destruentur, Deo coope-
rante per vestras sacratissimas literas. Remonebitur autem &
Concilium, quod fieri diuulgatur, quatenus nequaquam ubique
sanctissime turbentur Ecclesiæ. Vbi roboratam assensu sedis
Apostolicæ Synodum, toto in orbe Catholico ad illud
perspicis authoritatis fastigium euolaturam, vt iam otiosa
futura sit Synodus œcumenica.* Sine quod œcumenicæ

instar habeat Synodi sedes Apostolica sola ; siue quòd eius in omnes Ecclesias sententia promulgata , subscriptaque , œcumenicæ Synodi pondus obtineat illa omnium Ecclesiarum suffragatio ; siue vtrumque , quia vtrumque sibi coniunctum est , & indiuulsum. Victor Tununensis in Chronic. a Romano Antistite Apostolicâ auctoritate firmatam ait , Flauiani definitionem aduersus Eutychem.

XVI. Antiquiora eiusdem cœlestimoniam.

Et rursus Ennodius in Apologetico pro Romana Synodo , quâ prouinciales omnes Synodi à Petri successore singulari confirmantur , ita declarat : obiectionem secus sentientium proferens & exufflans : *Ergo Concilia sacerdotum Ecclesiasticis legibus quotannis decreta per prouincias , quia presentiam Papæ non habent , valetudinem perdiderunt ? Legite , insanissimi , aliquando in illis præter Apostolici apicis sanctionem aliquid constitutum , & non de maioribus negotiis ad collationem siquid occurrit , præfata sedis arbitrio fuisse seruatum . Sic enim habes : Si quis Episcoporum iudicio prouinciali depositus fuerit , Romanum Papam , si placet , rursus appellet ; & ipse , si videtur , reparet iudicia in opitulatione damnati . Ecce enode est , quod ad laqueum preparasti .* Adde his Synodicas consultationes , teste Hieronymo , ab Oriente & Occidente Romam destinari solitas . Adde Synodos toto orbe habitas de Paschæ die , & de baptismo hæreticorum : à nutu & consensu primæ sedis omnium definitionum robur , omnium infirmationem manasse , vbique perspicuum . Hieronymus aduersus Lucifer . *Cyprianus hæreticorum baptismum reprobans , ad Stephanum tunc Romanæ urbis Episcopum super hac re Africanam Synodum direxit ; sed conatus eius frustra fuit .* Et Vincentius Lirinensis supra laudatus , aiebat Cypriano nouanti & eius Synodo Stephanum tantò plus cæteris restitisse , quantò loci dignitate superabat . Denique in epistola quæ tunc ad Africam missa est , his verbis sanxit : *Nisi quod traditum est .* Et quanquam obcalluisse tunc visa sit contumacia , *Quis tunc vniuersi negotij exitus ? Quis utique nisi vstitatus & solutus ? Retenta est scilicet antiquitas , explosa*

novitas. Et mox: Quid postremo ipsius Africani Concilij sine decreti, quæ vires? Donante Deo nulla: sed uniuersa tanquam somnia, tanquam fabula, tanquam superflua, abolita, antiquata, calcata sunt. Ad Romanæ enim & Ecclesiæ authoritatem, & disciplinæ imitationem ipsi se Afri contulere, tametsi Græcos sequi possent à rebaptizandorum hæreticorum more nunquam satis, nunquam penitus expiatis. De Paschæ die autem superius Beda nos docuit missam à Victore Papa authoritatem & formam, quam omnes Orientis Ecclesiæ sequerentur. Valet ergo illud Ratherij Veronensis Episcopi in itineralio, Quia ignorantia quo melius exui, quo aptius possum quam Roma doceri? Quid enim de Ecclesiasticis dogmatibus alicubi scitur, quod Roma ignoretur? Illic summi illi totius orbis Doctores. Illic prestantiores Spicil. tom. 2. pag. 267. *enituerunt uniuersalis Ecclesiæ principes. Illic decreta Pontificum uniuersorum congregatio, examinatio Canonum, approbatio recipiendorum, reprobatio spernendorum. Postremo nusquam ratum, quod illic irritum: nusquam irritum, quod illic ratum fuerit visum. Vbinam ergo melius insipientie consulitur mea, quam ubi fons sapientia cernitur esse? Et Ratramnus lib. 4. aduers. opposita Græcorum: Si quidem omne Concilium vel* Ibidem pag. 147. *quod in Oriente, vel quod in Africa gestum esse dignoscitur: vel Romani Pontificis vicarios semper habuit presidentes, vel eius authoritate literarum, quæ fuerunt decreta, firmitudinem acceperunt. Et mox: Et reuera omnes Orientales Ecclesiæ, simul & Occidentales, Romana Ecclesiæ Prasulem semper quasi Caput Episcoporum venerati sunt, & ad eius sententiam respexerunt: & de rebus dubiis quacumque decreuit, eius iudicium sustinuerunt, ipsiusque decreto paruerunt. Quacumque Concilia eius sententiâ, roborata sunt, rata manserunt: quæ verò damnauit, pro nihilo reputata fuerunt, nec authoritatem ullam habere potuerunt.*

Vbique enim valebat quod suprâ Hieronymus de Ecclesiæ Alexandrinæ in Romanam veneratione, huius in illam magisterio effatus est. Scito me semper meminisse Romanam fidem Apostolico ore laudatam: cuius se esse partici-

XVII Et Synodi & Ecclesiæ Matricibus & Originalibus Ecclesiis necessario adhærescunt.


pem, Alexandrina Ecclesia gloriatur. Et idem rursus: Predicationem Cathedre Marci Evangeliste, Cathedra Petri Apostoli sua predicatione confirmet. Si Alexandrina & Synodus & Ecclesia, utique alia quaecumque multò magis, fidem & decreta Romanæ se sequi gloriabitur; Romana, eius statuta confirmabit. Hos enim officij numeros implere debet magistra & discipula, Petri & Marci Cathedra. Ut Ecclesias enim, ita Synodos, Ecclesiarum repræsentationes, regit, docet, confirmat quæ prima & princeps est. Vnde Tertullianus lib. de præscriptionibus: Constat omnem doctrinam, qua cum illis Ecclesiis Apostolicis, Matricibus, & Originalibus fidei conspiret, veritati deputandam. Et lib. 4. aduersus Marcionem: Constat id esse ab Apostolis iradium, quod apud Ecclesias Apostolicas fuerit sacrosanctum. Et quanquam tunc quidem multæ numerarentur Ecclesiæ Matrices, Originales, Apostolicæ, vna tamen cæteris Apostolicis Petri Cathedra eminebat, ut vnus Apostolis Petrus: cui quantò tutius quàm cæteris incumbetur, ut cætera nunc taceam, ipsa rerum euidencia, ipsa potius Numinis prouidentia perspicuum fecit: cæteras omnes à vinculo fidei & vnitatis diuelli passâ: hanc vnâ inexpugnabilem, in arce veritatis & in Ecclesiarum principatu conseruans.

XVIII. Ius confirmandarum Synodorum à Petri priuilegio ortum.

A Petri enim priuilegio deriuari hanc Synodorum confirmandarum dotem, insinuarunt suprâ relati testes. Leo II. *Sedes Apostolica consensit, & beati Petri auctoritate confirmat.* Synodus IV. Romana sub Symmacho: *Præsul Apostolica sedis prerogatiua & meritis beati Petri Apostoli, per vniuersum orbem primatum obtinens sacerdotij, statutis Synodalibus consuevit tribuere firmitatem.* Gelasius, *Synodum unamquamque sedes Apostolica confirmat, & custodit, pro suo scilicet principatu, quem beatus Petrus Domini voce perceptum tenuit semper & retinet.* Leo primus, *Per auctoritatem beati Petri Apostoli cassamus.* Hieronymus, *Cathedra Petri confirmet.* Verùm, ut aiebat suprâ Tertullianus:

Tertullianus : *Tot & tanta Ecclesia una est illa ab Apostolis prima , ex qua omnes ; sic omnes prima & omnes Apostolica , dum unam omnes probant unitatem.* Ita omnes Ecclesie , Synodique Romano inhærentes magisterio , eius priuilegio decorantur ; & indubiam veritatem , inconcussam firmitatem , vniuersalem ipsæ quoque authoritatem consequuntur. Ita quod iam præmonuimus , nihil inuidiæ , nihil rixæ inter caput & membra inferendum est. Caput enim non aliter præesse se gaudet , quàm vt prosit : membra non illibenter obsequuntur , quæ hoc suo obsequio , ipsam capitis priuilegiorum communionem consequi se intelligunt.





DISSERTATIO VII.

DE

SYNODO AD QVERCVM,

Et de tota causa Chrysoſtomi.

SYNOPSIS.

Prouocatio Chryſoſtomi ad Synodum œcumenicam demonstratur perinde interpretanda, ac si ad Romanum Pontificem prouocasset: cuius erat eam conuocare, qui ei conuocandæ incubuit, qui eius non conuocata vices suppluit, Chryſoſtomumque restituit. Item quid de illâ tunc sanctorum inter se virorum conflictatione sentiendum.

I. Scopus huius
disceputationis.

NON calamitosæ huius historiæ lacinias omnes confectari aggredior: sed pauca meo more carpere, ex quibus inuidiſſimè id efficiatur, quod ad illustrationem priscae disciplinæ conducat: nimirum cum ad Concilium œcumenicum prouocabatur, perinde esse, ac si ad eius Præsidentem seu Romanum Pontificem prouocaretur: eius muneris fuisse Concilium œcumenicum tunc congregare: interim dum in suspenso res erat, rectè aut temerè iudicata ab aliis, confirmare vel irritare.

II. Chryſoſtomi
causa, utpote ex
maiorum numero,
ad sedem Petri
necessariò re-
lata.

Palladium ergo primò excutiamus, qui vitam, causamque hanc maximè Chryſoſtomi, luculento Dialogo complexus est. *Primus omnium profectus est ad nos Alexandrinæ Ecclesiæ lector, cum Papa Theophili literis, quibus indicabas Ioannem à se fuisse depositum. Eas literas cum legisset*

B. Innocentius Romanae sedis Antistes, exhorruit temeritatem fastumque Theophili; agrè ferens, & quòd solus scripserat, & quòd rei totius seriem referre omiserat; cuius scilicet rei gratiâ, quibusve adiunctis sibi sociis illum deponere ausus fuisset. Inter hæc mansit admirans, nihilque rescribere voluit, rei indignitate commotus, &c. Post triduum aduenerunt Episcopi quatuor à Ioanne missi, tres Innocentio epistolas deferentes, unam quidem Ioannis Episcopi, secundam Episcoporum quadraginta de communione Ioannis, tertiam scripserat Ioannis clerus: omnes indisciplinatum tumultum & seditionem pariter significantes. Hic vides necesse fuisse, maiores causas ad primam sedem referri: & certatim ad Innocentium retulisse, tum Theophilum, tum Chrysostomum: sed illum præfractè & abruptè, vt facinoris totius architectum: hunc sup-
pliciter, vt canonum gnarum, & opis indigum.

Ibidem subiicitur epistola Chrysostomi, ex qua pau-
ca libabo. Ait se Episcopos hos misisse, qui ad charitatem
vestram currerent, omnibusque lucidè expositis, maturè tanta
cladi remedium dari salubre postularent. Mox ait se Theophili
iudicium recusasse, vt aduersarij, vt Ægyptum solam cu-
rare iussi: nobis asserentibus, paratos nos esse presentibus &
centum & mille Episcopis crimina obiecta refellere, &c. Vio-
lenter abductus, iniectusque in navim, noctu nauigabam, quia
Synodum ad iustum iudicium vocare volueram. Restitutum se
ait orasse Imperatorem vt ad ulciscenda facinora Synodum
cogeret, &c. Nos nihilo segnius institimus vt Imperator Conci-
cilium congregaret, &c. Rursum denique eiectum se in exi-
lium: Ne igitur immanis ista confusio cuncta percurrat, & ubi-
que dominetur; scribite, precor, & authoritate vestrà decernite,
huiusmodi iniquè gesta nobis absentibus, & iudicium non decli-
nantibus, nullius esse roboris, sicut per suam naturam sunt pro-
fectò irrita & nulla. Porro qui talia gessere, eos Ecclesiastica
censura subicite. Nos autem insontes, neque conuictos, neque
deprehensos, neque ullius criminis reos comprobatos, Ecclesiis
nostris iubete restitui; vt charitate frui ac pace cum fratribus
nostris consueta, possimus. Qui ergo ad Synodum prouo-

III. Prouocauit
Chrysostomus
ad Synodum œ-
cumenicam, i. ad
eius Præsidem,
Romanum Præ-
sulem.

carat Chrysostomus, eò tandem rem intelligit redire, ut per Papam Innocentium, & Occidentales Episcopos ei coherentes restituatur suæ sedi, rescissâ latrocinialis ad Quercum Synodi sententiâ.

IV. Dum expectatur Synodus œcumenica, Chrysostomi damnationem soluit sedes Apostolica: & Synodi locum supplet.

Subiungit Palladius: *Ad hac rescripsit beatus P. Innocentius, communioque utriusque partis admissa: Theophili iudicium cassum atque irritum esse decrevit, dicens oportere constari aliam irreprehensibilem Synodum Orientalium & Occidentalium sacerdotum, &c.* Subtexitur mox epistola Innocentij ad Theophilum, ubi hæc habentur: *Et te, & fratrem nostrum Ioannem communionis nostræ esse decrevimus, &c.* Possibile non est, nos à Ioannis communione discedere. Itaque si conscientia confidis, tu quoque iudicio accurre ad Synodum proximè in Christo celebrandæ. Et paulò post rursus Palladius narrat: *Post istos venit secundo Demetrius Episcopus Pisinuntis, qui peragrato Oriente, prædicauerat communionem Ecclesiæ Romanæ cum Episcopo Ioanne, testibus Innocentij Papæ literis, afferens epistolas ab Episcopis curiæ, in quibus Ioannis amplectuntur communionem.* Tum Innocentius scribit ad Honorium Imperatorem, quibus literis motus princeps, iubet Synodum Occidentalium Episcoporum congregari, & cum in unam sententiam concurrisset, ad se referre. Congregati Italia Episcopi Imperatorem orant, ut scriberet Arcadio fratri suo, ut inberet Thessalonica Concilium fieri, quo facilius possent utraque partes Orientis Occidentisque concurrere. Tum Episcopi mittuntur legati Constantinopolin, cum epistolis Honorij, Innocentij, & cæterorum Episcoporum, & hoc præ cæteris instructi commonitorio: *Non oportere Ioannem iudicium ingredi, nisi prius Ecclesiæ illi, communioque redderetur.* Sententia ergo cæterorum cum Theophilo Episcoporum, in Chrysostomum vibrata, ab Innocentio rescissa est, retenta eius communio, eius rei fama toto orbe didita, toto Oriente applausum Innocentio; interim ab eodem vocatur ad ampliorem Synodum Theophilus causam dicturus, Synodus œcumenica ab Imperatoribus postulatur, ea lege præscriptâ, ut Chrysostomus antè Ecclesiæ

suæ restitueretur iuxta sententiam Innocentij, quàm eius causa in œcumenica Synodo retractaretur. Est ergo sedes Romana unitatis & communionis Ecclesiasticæ summus vertex, maiorumque causarum iudex: quæ solo dissensu Synodos & conatus Theophili irritauit: solo communionis suæ beneficio Chrysostomum redintegrait: Synodi œcumenicæ interim vicem suppleuit, dum ea impetraretur ab Imperatore: & quia ab Arcadio expugnari ea non potuit, vim eius & auctoritatem sola impleuit. In eoque Ecclesiæ salus alioqui nutabunda, tum constitit.

Et infra rursus eadem fusiùs retexuntur, ex quibus hæc paucissima carptim stringam. Testabatur Chrysostomus se paratum venire *ad vniuersalem Synodum*. Cumque præualerent aduersarij Chrysostomi, *Theodorus Thyaneus Episcopus vir summa grauitatis, ne Theophili temeritatem sequeretur, relictis omnibus ad suam remeant Ecclesiam, valefaciens comitatui, suamque provinciam vallans pietatis muro, & ad finem usque in communionem persistens fidelium Romanorum: de quibus Paulus testatur, Fides vestra annuntiatur in vniuerso mundo*. Et infra post subrogatum Chrysostomo Arsacium, Arsacio Atticum: *Hic cum animaduerneret Orientalium sibi Episcoporum communicare neminem, neque ipsius ciuitatis populum, &c.* Et denique tandem, *Est autem hæc Romana Ecclesiæ sententia, non communicare in finem usque Orientalibus Episcopis, maximeque Theophilo, donec Dominus vniuersalis Synodi tribuat locum: ac per eam curet putrida membra eorum qui hac gessere. Etsi enim dormit B. Ioannes, vigilat tamen veritas, de qua est facienda discussio*. Apertum est sedem Petri communionis suæ vel concessione, vel inficiatione, momenta & inclinationem rebus indidisse: & quam tum non potuerit infringere imperatoriæ potestatis vim indomitam: in ipso tamen Oriente sanos quosque Episcopos, & fideles, in officio & amore Chrysostomi retinuisse: totum Occidentem ei adiunxisse, & tandem peruicisse, vt vel post mortem, & ab ipso Im-

V. Prima sedes inficiatione vel concessione communionis suæ, momenta causarum maiorum omnium moderabatur.

peratore, Chrysostomus reuocaretur.

VI. Episcopi primariarum Orientis sedium à Pontifice Romano pacis & communionis gratiam petere adiunguntur: nec nisi impletis conditionibus impetrant.

Innocentius ipse Papa epist. 16. negat se Attico communionem suam restitutum, nisi quæ Chrysostomum spectabant, impositas condiciones impleisset, ut impleuerat Alexander Antiochenus Episcopus, cui ea de re copiam fecerat suæ communionis. *Communio enim suspensa restituitur, demonstranti causas, quibus id acciderat, iam esse deterfas, & proficenti condiciones pacis impletas. Quod neque apud vos, neque apud nos Atticus missis aliquibus suorum, vel dicere voluit vel demonstrare completum: quemadmodum Antiochena Ecclesia frater & Coepiscopus noster Alexander, dignâ legatione & prosecutus est & probavit. Quibus omnibus utique interesse dignatus, cognouisti quemadmodum singulatim omnia scriptorum nostrorum antehac de causâ beatissimi Ioannis quondam Episcopi nostri discussim, &c.* Et epist. 17. Alexandro ipsi Antiocheno gratulatur, quod totâ virute pacis amator existens, eam inquisitam inueneris, & repertam summâ charitate retinueris, &c. Multum in gestis sollicitus inquisivi, utrum omnibus esset conditionibus satisfactum in causâ beati & verè Deo digni sacerdotis Ioannis, &c. Scripta autem Attici Episcopi, quoniam cum vestris sunt porrecta, suscepimus, &c. Communionis & litterarum gratiam Attico quoque se præstiturum concludit, si easdem impleat condiciones. In decretis eadem habentur. Et rursus idem epist. 14. *Antiochena Ecclesia velut germana Romana Ecclesia, diu ab eadem alienam se esse passa non est. Nam missis legatis ita pacem postulauit & meruit, ut Ioannis sancta memoria vel clericos, vel laicos, in unum colligeret, atque congregaret. Et epist. 19. ad Acacium Beroæ Episcopum: Vel serò recepta pacis gratiam te fouere, postpositâ omni contentione peruidimus. Vnde has ad prestantissimum fratrem & Coepiscopum nostrum Alexandrum reddendas tuæ transmisiimus unanimitati, videlicet ut si omnes inimicitia, omnis emulatio tam de nomine sancti Ioannis mirandi Episcopi, quàm de omnibus eiusdem communionis participibus, à tua animositate discessit; has nostræ societatis recipias literas, frater charissime: modò ut omnia,*

qua de his actis firmata sunt, apud mediatorem nostram amabilem Alexandrum, ore proprio, ut communicantem conuenit, fatearis. Ergo Innocentius, ut Chrysostomi restitutor, ut innocentiae eius, & suae in eius gratiam sententiae vindex, eo tandem adegit Constantinopolitanum, Antiochenum, Berœensem, aliosque Orientales Episcopos, Chrysostomi prius aduersarios, ut Romanae Ecclesiae communionem eâ de causâ abscissam peterent, nec impetrarent, nisi conditionibus omnibus satisfecissent, restituto & diptychis reddito Ioannis nomine; omnibusque eius communionis tenacibus in suam communionem recollectis. Ergo sine Synodo œcumenica, parem vim & auctoritatem obtinuit sola Innocentij sententia.

Iam verò Socrates lib. 6. c. 14. *Vbi verò Ioannes eos qui eum accersuerant, tanquam inimicos à sua causa disceptatione exceperat, & ad œcumenicum Concilium provocarat, illi absque mora quater illum accersuerunt. Et Sozomenus lib. 8. c. 17. Cum quater vocatus, ad œcumenicam Synodum provocasset, illi nihil aliud causati, quàm quòd vocatus non obtemperasset; eum deposuerunt. Et cap. 26. Certior factus Innocentius Romanorum Episcopus, eorum quae aduersus Ioannem acta erant, indignè tulit; atque ut ea damnavit, ita etiam œcumenicum Concilium conuocare studuit; scripsitque tum ad Ioannem, tum ad Clericos Constantinopolitanos. Refertur mox epistola Innocentij ad Clerum Constantinopolitanum: vbi solos vigere debere decernit Nicænos Canones; alios nempe Antiochenos, quibus impugnatus fuerat Chrysostomus, respuit; in Sardicensi Synodo repudiatos testatur, & tandem, cogendae Synodi œcumenicae curam sibi imminere agnoscit, si per Imperatores liceat: Sed quodnam remedium hisce rebus in presenti adferemus? Necessaria erit Synodalis cognitio, quam etiam multò iam antea congregandam diximus. Ea quippe sola est, quae huiusmodi procellarum impetus retundere possit, &c. At nos quidem multùm deliberamus, quomodo œcumenica Synodus congregetur, per quam divinâ voluntate turbulenti isti motus sopiantur. Narrat infra ab aduersariis*

VII. Supradictorum omnium confirmatio.

Chrysostomi prohibitam esse Synodum. Denique Theodoretus lib. 5. hist. c. 34. *Istud iniquum facinus contra Ioannem admissum, Episcopi Europa prater ceteros detestati sunt. Nam se à communione illorum qui illud consciuerant, separauere. Quibus totius Illyrici cuncti se adiunxere Episcopi. Porro autem quamplurimi Episcopi ciuitatum, versùs Orientem sitarum, à facinoris communione se sciunxerunt quidem, sed corpus Ecclesie minimè distraxerunt. Quinimo isto excellenti totius orbis terra doctore mortuo, Episcopi Occidentis non prius cum Episcopis Aegypti, & Orientis, & Bosphori, & Thraciae, communicare voluerunt, quàm nomen illius sanctissimi viri in tabulas retulissent, quibus nomina Episcoporum mortuorum continebantur. Vbi quanquam prouocasse dicatur Chrysostomus, liquidum tamen est, quod ad nauscam vsque iam inculcauimus, huiusmodi eam fuisse prouocationem, ut cum infestos sibi iudices recusasset, ad maiorem, seu ad œcumenicam Synodum causam ille suam reseruaret. Rursus utcunque ad Synodum œcumenicam prouocasse, perinde est ac ad eius prouocasse Præsidentem, Antistitem Romanum. Ideo enim & legati, & epistolæ Ioannis, & omnes eius partium patroni Romanam diriguntur. Ideo Innocentius suam Ioanni communionem impartire perfitit. Ideo acta Theophili, & canones quibus nitebatur, suggillat. Ideo in curam colligendæ œcumenicæ Synodi totus incumbit. Ideo desperata Synodi congregatione, eius vicem interim supplet, & tandem implet, conlaborante secum Occidente toto: tandemque Chrysostomum licet huius vitæ vinculis iam absolutum, omnesque eius communicatores, pristinis honoribus & Ecclesiis restituit.*

VIII. Solo dissensu prima sedes rescindit quorumlibet Synodorum nefaria decreta.

Quod autem capitale est rei totius momentum, nempe sine Synodo œcumenicâ, quando eius copia non facile datur, parem, id est, summam & ineluctabilem adesse primæ sedi auctoritatem; ut solo dissensu quascunque Synodos temerè grassatas rescindat, damnatos absoluat, eiectos restituat; & communionis suæ cum innocentibus

nocentibus continuatione, à grassatoribus dissociatione, in integrum omnia restituat; & quamvis aliquandiu contemni videatur, peruincat tandem, & omnes obices-virix perfringat: id tum aliis, tum hoc maxime Chrysostomi exemplo efficit Gelasius Papa epist. 13. ad Episc. Dardan. *Quod Apostolica sedes frequenter more maiorum etiam sine ullâ Synodo precedente, & absoluendi quos Synodus iniquè damnauerat; & damnandi, nullâ existente Synodo, quos oportuit, habuerit facultatem. Sancta memoria quippe Athanasium Synodus Orientalis addixerat; quem tamen exceptum sedes Apostolica, quia damnationi Græcorum non consensit, absoluit. Sancta memoria nihilominus Ioannem Constantinopolitanum Synodus etiam Catholicorum Præsulum certè damnarat; quem simili modo sedes Apostolica etiam sola, quia non consensit, absoluit. Cui succinit Vigilius Papa in Constituto: Hanc autem regulam & in sanctorum Ioannis Constantinopolitani Episcopi, quem Chrysostomum vocant, atque Flauiani eiusdem ciuitatis Episcopi venerandâ memoriâ constat esse seruata. Qui licet violenter exclusi sunt, non tamen pro damnatis sunt habiti, eò quod semper inuiolatam eorum communionem Romani Pontifices seruauerunt: nec abscindi ab Ecclesiâ dici potuerunt, quos sibi inconuulsè unitos Apostolica iudicauit auctoritas. Similiter & in Concilio Constantinopolitano sub Mena act. 5. Secundum quod sancta memoria Paulus, & Ioannes, & Flauianus, Patres huius regia urbis reuocati fuerunt: sic & ipsi Euphemius & Macedonius eiusdem honoris in sacris libris participes fiant. Et Iustinianus Imperator in edicto fidei pro quinta Synodo, Quantum autem ad insipientiam dicentium, non oportere anathematizari post mortem eos, qui in suâ impietate mortui sunt; Oportebat nec eos qui iniuste condemnati sunt Patres, post mortem reuocari: quale contigit in Ioanne sancta recordationis Episcopo Constantinopolitano, à Catholica Ecclesiâ post mortem reuocato: & in Flauiano sancta memorie Constantinopolitano Episcopo, iniuste quidem in vitâ damnato, iuste autem post mortem reuocato, tam à sancta memoria Leone Papâ, quàm à sanctâ Chalcedonensi Synodo. Siue ergo synodicè,*

sive ut plurimum sine Synodis generalibus, rescissæ sunt Synodi, Synodicaque Episcoporum innocentium damnationes, ab vna maxime Apostolica sede; dissensu eius solo, & communionis cum damnatis perpetuatione. Et perinde est siue superstites, siue post mortem reuocati sint: par enim emicat in reuocante autoritas, nisi si tantò maiorem illam iure interpretemur, quantò maiores & diuturniores aduersariorum conatus perfregerit. Vbi non facilè omittenda, quæ habet Prosper in Chronico. *Ioannes C. Politanus, & Theophilus Alex. illustres Episcopi habentur. Sed utrumque obscurantis discordia; quæ eò usque processit, ut Ioannes à Theophilo oppressus Pontum in exilium pergere cogeretur. Quum tamen communionem eius maxima pars Episcoporum, Romani Pontificis exemplum secuta, seruauerit.*

IX. Tota Chrysostomi spes & restitutio in sedis Apostolicæ defensione.

His accedat Facundus Hermianensis lib. 4. c. 1. breui summam huius negotij complexus. *Qui Ioannes Chrysostomus pro unitate seruandâ Ecclesiæ quam dilexit, maluit suæ causæ ferre iacturam. Nam si eam vellet assere sicut erat. vita probabilis, & facundia singularis; habens etiam magnam gratiam populi Christiani, cui pro maioribus suis meritis erat acceptus: & defensionem sedis Apostolicæ, sine cuius erat iudicio condemnatus, facile posset obtinere victoriam: quæ illum etiam fugientem est persecuta post mortem. Sed metuens, ne absolutus aliorum iudicio, per obstinationem aduersariorum suorum non reciperetur ab aliis: atque ita quibusdam ei communicantibus, quibusdam verò auersantibus eius communionem, Ecclesiæ scinderetur, pro cuius utilitate sciebat se Episcopum factum; elegit consultissimè & admodum mirabili pietate, cathedram Episcopatus sui relinquere, quàm ut per eius defensionem unica Christi diuideretur hereditas. Quibus nihil elegantius fieri potuit. Itaque Chrysostomo parata & ad manum erat victoria, tum ob alia præsidia, tum ob sedis Apostolicæ defensionem, sine cuius erat iudicio condemnatus. Nam approbanda semper fuero primæ sedis maiorum causarum iudicia, vbi-cumque & à quibuscumque, etiam à secundâ sede discussa: alioqui irrita futura. Illud prorsus cum Gelasio*

consentit, ingeminante sapius, talium Antistitum damnationes sedem Apostolicam quia non consensit, irritasse. Addit Facundus, *Victoria illum etiam post mortem persecuta est fugientem*. Peræquè enim vicit Chrysostomus, ac si superites sedem suam rursum insedisset. Vicit enim causa, vicit æquitas. Et ut suprà aiebat Palladius, *Et si dormis Ioannes, vigilat veritas*. Denique idem Facundus lib. 6. c. ult. apertissimè, *Theophili sui decessoris Cyrillus sententiam sequens, ipse etiam postea contra iudicium quoque sedis Apostolica, qua per beatissimum Papam Innocentium, prædicti sancti Ioannis in exilio constituti damnationem soluerat; nomen eius post mortem inter Dei sacerdotes, in sacrificio recitari prohibuit*. Quà in re non laudat, imò vehementer Cyrillum aberrasse affirmat Facundus: ut qui sedis Apostolicæ iudicio, potius quàm Theophili obtemperare debuerat.

Cæterum abundè ex antedictis refellitur vecordia Novatorum, qui nec à Chrysostomò appellatum Innocentium garrere solent: & nihil ab Innocentio gestum, quod non cum Occidentis Episcopis communicandum sit, & complurimis Orientalibus: denique non excommunicatos fuisse ab Innocentio Orientales Episcopos Chrysostomi insidiatores, sed ipsum se ab eorum communione disiunxisse, mutuumque fuisse illud diuortium. Perperam ab illis hæc omnia blatterantur. Nam frequentissimè iam euicimus, nequedum tritas adeò, & vsitatas in Ecclesia fuisse appellationum formulas forenses, sed eodem in loco fuisse, causæ ad maiorem Synodum reservationes: nec aliud esse ad Synodum, quàm ad Synodi præsidem recurri: nec enim Synodi sine præside, nec præsides tunc sine Synodo quidquam moliebantur: & cum ad Occidentales potissimum respectaret Chrysostomus, ut causæ suæ restauratores, non poterat non ad Occidentalium singulare caput intueri. Ideo & legati & defensores eius omnes Romam confluxere: epistolæ eius ad Innocentium maximè inscribuntur: solius Innocentij epistolæ ad Chrysostomum & ad clerum eius, à Latinis Græcisque

X. Appellatum esse à Chrysostomò, & illum restituisse, propria laus est sedis primæ, non æquè communicanda cum Episcopis Occidentis.

scriptoribus memorantur. Solus Innocentius curam induit Synodi cogendæ; solus legatos cum suis, & Honorij epistolis Constantinopolin mittit; solus Theophilum increpat per epistolas: solus ad Synodum vocat, solus urget & euincit in sacra diptycha referri nomen Chrysostomi; solus Attici Constantinopolitani, Alexandri Antiocheni, Acacij Berœensis aliorumque Episcoporum precibus & literis ambitur, ut pacem & communionis gratiam illis reddat: solus non antè assentitur, quàm omnibus ad Chrysostomi nomen, gregemque Ioannitarum redintegrandum, conditionibus fecerint satis; solus apud Palladium Photij ipsius suffragio laudatissimum scriptorem, utramque implet paginam. Non possunt hæc omnia peræquè aliis communicari Occidentalibus Episcopis vel omnibus, vel eminentioribus, quæ soli nominatim Innocentio vendicant omnia antiquitatis monumenta. Deinde primæ sedis singularis hæc erat gloria, non Mediolanensis, non Aquileiensis de Theophili seu de secundæ sedis iudicio cognoscere: Constantinopolitani Episcopi innocentiam tutari: eius damnationem cassare: Occidentis communione frustrare Orientales: citra œcumenicam Synodum id perficere, & expurgare, quod ab œcumenica Synodo expectandum fuisset. Ideo Gelasius, Vigilius, Facundus, non aliorum Occidentis Episcoporum, sed solius *Apostolicæ sedis dissensu*: solutas affirmant Orientalium machinationes.

XI. Non mutua fuit communionis intercessio, sed poena excommunicationis infligenda Orientalibus.

Quod verò ad abruptam communionem attinet, nihil pensi habent Nouatores, quid veritas, quid æquitas clamet: nil satagunt primæ secundis & anteriora posterioribus tempora connectere, & rationis iudicio temporum lapsibus superuolitare & dominari. Illic enim erat pax & gratia communionis Catholicæ, ubi defensabatur veritas, non ubi consculcabatur: ubi innocentia præsidium, non exitium. Nil dolebant coniuratores aliquandiu de Romanæ Ecclesiæ intercessâ societate, sed ea facta erant, non iura: latrocinia, non iuris documenta.

Itaque in pretio habendum, non quidquid gesserint, sed quidquid piè rectèque gesserint: & ad dogmatum regulas trahendum non quòd Ecclesiæ hostes, sed quòd vindices patrarint. Aut si & aliqua grassantium ratio habenda est; eorum non audacia, sed poenitentia est contemplanda. Itaque Romanæ Ecclesiæ communionem ambierunt postea saniores, qui per insaniam respuerant. Non ergo reciproca hæc sunt iura. Nam ubi Chrysostomum diptychis, sese æquitati reddidere Alexandrinus, Antiöchenus, Constantinopolitanus Episcopi; tunc non suam Innocentiò, & Romanæ Ecclesiæ reddiderunt: sed eius sibi communionem reddi postulauere, & impositis, impletisque conditionibus impetrauere. Et hinc rursus, quod alibi semper concurrit: ut maiestas primæ sedis, & eius potestatis amplificatio coniunctissima sit cum ea æquitatis luce, & Chrysostomi defensione, cui nec ipsi ausint aduersarij refragari.

Quò se vsque autem porrigeret illa communionis inter Orientem, Occidentemque dissociatio, seu potius excommunicatio, ab Innocentio & Occidentalibus Episcopis in Orientales vibrata, operosum est definire. Et quidem non iniurià videri potest, vel solam, vel maxime literarum seu formatarum, & legatorum missitationem desitam esse. Id colligitur ex epistolis Innocentij, & decretis antè relatis. Epist. 14. de Episcopo Antiöcheno ait, *Missis legatis ita pacem postulauit, &c.* Et epist. 15. ad eundem, *Quam necessaria legatio tua, &c. hanc amicitiarum nostrarum paginulam quasi primitias pacis nostra conscribi, &c.* Et epist. 17. *Scripta Attici Episcopi, quoniam cum vestris sunt porrecta suscepimus.* Et epist. 19. ad Acacium Beræens. Episc. *Unde has ad prestantissimum Alexandrinum Coepiscopum reddendas tuæ transmisimus unanimitati, ut si omnis amulatio à tua animositate discessit, has nostra societatis recipias literas, frater charissime.* Et apud Palladium in Dialog. Porphyrius Antiochiæ scelestissimus Episcopus Romanæ scripsit Ecclesiæ, neque rescripta accipere meruit. Et Theodoretus

XII. Quo se vsque porrigeret illa excommunicatio? Fraternalis saltem charitate & literarum gratia Orientales priuabat.

lib. 5. c. 34. cùm ut suprà exscripsimus, Occidentales dixisset Episcopos suam ab Orientalibus communionem abruptisse, addit: *Atque Arfacium eius successorem ne salutare quidem dignati sunt: Atticum autem qui succedebat Arfacio, quique sæpe legatos ad eos miserat, sæpeque pacem postulauerat, tandem cùm Ioannis nomen in tabulis inscripsisset, receperunt.* Et Hieronymus in Dial. aduers. Lucif. post Ariminense flagitium, ait, *alios intra suam communionem remansisse, alios ad eos confissores, qui sub nomine Athanasij exulabant, cepisse literas mittere:* communionem solâ ibi literarum missitatione describens. Ergo hæc erat externa saltem societatis, & legatorum, literarum, eulogiarum, & aliorum istiusmodi reciprocationis intercisiō; non anathematis forsan illisio, non extremarum imprecatio dirarum, non participandorum sacramentorum interdictio, non faciendarum ordinationum, non celebrandorum mysteriorum, non regendarum Ecclesiarum suspensio, aut execta potestas. Ideo enim ante pacem initam Episcopi & fratres habebantur. Ideo cum eorum communicatoribus communicabatur. Ideo Theophili, Arfacij, aliorumque ante pacem renouatam præmortuorum nomina sacris diptychis non sunt expungi iussa, ut postea Acacij & consortum. Ideo toti Ecclesiarum & Sacramentorum per eos factæ administrationi, nihil post eiectas animo simultates derogatum est. Ideo Theodoretus loco citato, ait: *Porro autem quamplurimi Episcopi ciuitatum versus Orientem sitarum à facinoris communione se sciunxerunt quidem, sed corpus Ecclesie minimè distraxerunt.* Et in hos nihil querelarum effudere Romani, vel Occidui Episcopi. Ideo & apud Palladium Chrysostomus ipse Episcopis suarum partium queritantibus in hunc modum, *Si Ecclesias tenuerimus, communicare cogemur, atque subscribere.* Respondit ipse, edixitque in hæc verba: *Communicate quidem, ne scindatis Ecclesiam: verum nolite subscribere: nihil enim mihi conscius sum, propter quod deponi, aut deiici mercar.* Et infra idem Chrysostomus ad Olympiadem, Pentadiam, aliasque pientis-

firmas feminas præcipit: *Venite huc, filia: quæ de me sunt, finem habent, ne qua ultra fortè videbitis faciem meam. Hoc unum rogo, hoc deprecor, ne qua ex vobis solitam ad Ecclesiam benevolentiam deserat; & quicumque non sponte fuerit ordinatus, neque id ullo quæsierit ambitu, sed de consensu omnium, ei caput vestrum inclinate ut Ioanni, per omnia. Non enim esse Ecclesia sine Episcopo potest. Ergo non scindendam funditus hac de causâ communionem idoneus fideiussor erat ipse Chrysostomus. Sic ergo illa forsan Occidentalium Episcoporum secessio interpretanda est, ut ne sententiæ obstrepat Chrysostomi.*

Nec sum nescius plures Chrysostomio non obtemperasse. Nam infra Palladius, *Substituitur Arsacio Atticus, qui cum animaduertit Orientalium sibi Episcoporum communicare neminem, neque ipsius ciuitatis populum; agit ut qui non communicarent, rescriptis conuenti cogerentur. Habebat autem rescriptam aduersus Episcopos huiusce minas; Si quis Episcopo Theophilo, & Porphyrio; & Attico non communicat, Ecclesia pellatur, & à suis facultatibus proticiatur. Continebat autem rescriptum contra laicos, qui in dignitatibus erant constituti, ut magistratu & dignitate omni priuarentur: milites ut balibem amitterent: populares & artifices reliqui, ut persoluto graui aurum pondere, subicerentur exilio. Et infra: Clerus Antiochena Ecclesie insignior occultè conueniens, ne ipsis quidem Ecclesia parietibus propinquat: una & illustrium matronarum multitudo clam conuenit: Quid verò de Constantinopoli dicam? Quanta illic multitudo desertâ Ecclesiâ sub dio congregatur ad preces. Facta ista sunt, & piæ imperitiæ facta, non iura. Absoluta est autem Chrysostomi sententia, & iterum iterumque inculcata, ut damnationi suæ ne subscriberent, damnatoribus communicarent Episcopi: laici verò omnino communicarent. Paruere non pauci Episcopi Orientales, ut testatus est suprâ Theodoretus. Ergo qui his, qui Chrysostomo non paruere: vereor, ut satis à contumaciæ, aut imperitiæ labe expiari eorum zelus possit. Si quâ sanè excusatione obumbrari possit eorum error, tota illa repe-*

XIII. Cum venia magis quam cum laude, aliqui in Oriente ab Episcoporum se suorum communi-
one subducebant.

tenda est ab Innocentij & Occidentalium secessione: quibus illi se adglutinabant animo toto, dum ab Episcopis & Ecclesiis suis resiliabant. Sed cautius alij intelligebant, damnatoribus Chrysostomi Episcopis, & suam cuique plebem communicare subiicque debere, ne scdâ labe vexarentur Ecclesiæ: & Occidentalium societatem debere interim denegari, ut hac suâ contumeliâ & iacturâ, ad resipiscentiam tandem aliquando inclinarentur. Et utriusque sanè author fuerat Chrysostomus. Quinimo à prioris sententiæ temperamento Chrysostomus ipse discessisse videtur postea, recrudescentibus in fautores suos grassationibus commotus. Vnde epist. 115. ad Cyriacum Episc. *Allatum est ad me de Arsacio illo deliro, quem Imperatrix in throno collocavit; cum fratres eos omnes, qui cum eo communicare recusabant, afflixisset: atque etiam permultos ex ipsis meâ causâ in vinculis diem extremum vita clausisset.* Et Photius in Bibl. num. 277. *In epist. ad Cyriacum Episcopum laudat eos, qui Arsacii communionem auersantur: ut qui propter Deum, & impietatem in Archiepiscopum admissam ab illo declinent. Quamvis in aliis videatur hortari, ne ab Ecclesiâ recedant. Id autem postea, ut apparet, voluit; cum illi, qui eum iniuste eiecerant, facto non acquieuerunt, sed moliti sunt etiam incursum & insidias, exiliumque, iis, qui illi erant addicti.*

XIV. Hæc fraternæ charitatis abruptio, authoribus culpæ inrebat grauem maculam.

Ne quis autem flocci faciat illam interruptæ societatis seu communionis iacturam. Nam eius cladis auctores etsi suarum communionem & regimine Ecclesiarum non orbarentur, ingentis tamen noxæ piaculo sese obstringebant, dum fraterna se charitate interdici patiebantur. Ideo Innocentius epist. 14. ait: *Cui rei nos non eris tradidisse manus: & eos in nostra viscera recepisse, ne diu membra quæ requisierant sanitatem, ab unitate corporis haberentur aliena. Illo ergo societatis dissidio, membra erant sanitatis inania, & à corporis unitate aliena.* Et Palladius: *Est autem hæc Romana Ecclesiæ sententia, non communicare in finem usque Orientalibus Episcopis, maximeque Theophilis*

philo; donec dominus vniuersalis Synodi tribuat locum, ac per eam curet putrida membra eorum, qui ista gessere. Putrida erant membra, etsi intra suas Ecclesias communicarent, quorum facinore vniuersalis Ecclesiæ communio dissecabatur. Eò pertinet illud Hieronymi in Dial. aduers. Lucifer. vbi patrocinator eorum clementiæ: qui Ariminensi defectioni ignouerant: Quid à confessoribus agendum putauerint? Mansissent, aiunt, intra suam communionem. Hoc est dicere, irrationabili crudelitate totum orbem Diabolo condonassent. Cur damnassent eos qui Ariani non erant? Cur Ecclesiam scinderent, in concordia fidei permanentem? Et infra de Lucifero, qui suæ se intra communionem Ecclesiæ recondiderat: Bonus quidem pastor, sed multam prædam bestiis relinquens. Vbi liquet, authores abruptæ quomodocumque vnitatis, & societatis Ecclesiasticæ, velut obiectæ Diabolo prædæ reos agi. Missitatam quandoque, in communionis pignus, ipsam Eucharistiam, ex Eusebio & aliis alibi trademus. Inde id elicitur: non otiosa, non ieiuna, non externæ tantum pompæ accommodata fuisse illa communionis monumenta, quæ vltro citroque per epistolas, legatos, eulogiasque commeabant: sed sub his inuolucris delituisse, vt in Ecclesia Christi assolet, ingentia quædam spiritalis vnitatis & charitatis beneficia: quibus suo vitio defraudari, perniciole esset. Optatus sanè l. 2. Commercio formatarum totum orbem in vna communionis societate concordare testatur. Et Epiphanius hæc. 70. docet Polycarpi & Victoris ætate Orientales ab Occidentalibus diuulsos fuisse, pacificasque à se inuicem literas nullas accepisse. Ad quod referri posset vtcumque forsitan illa excommunicationis species, in sacris Synodorum regulis passim obuia; quâ Episcopi pledebantur quandoque, cum fraterna charitate carere, suæque Ecclesiæ communionem contenti esse iuebantur aliquandiu, vel donec resipuissent. Quæ omnia de communionem & excommunicationem trepidanter & ambiguè à me dici profiteor, animoque ad canendam palinodiam paratissimo, sicunde di-

lucidius certiusque aliquid affulgeat.

XV. Summa potestas primæ sedis salutifera Ecclesiæ.


Hæc autem quæ ex Palladio postrema verba descripsimus, permultum habent momenti, & in illis hæc obiter adnotabo. 1. Occidentalis Synodi sententiam vno Romanæ Ecclesiæ oraculo explicari. 2. Ideo non per œcumenicam Synodum debilitari potestatem illam eximiam sedis Apostolicæ; ut ex aduerso Innocentius *in finem usque* perstiterit, omnemque lapidem mouerit, quo Synodus œcumenica cogeretur. 3. Quod citra Synodum perfecerit Romanus Pontifex, quidquid à Synodo expectandum fuerat: illud esse culmen authoritatis summæ, quod non ipse affectauit, non inuasit, sed Ecclesiæ ipsa pax, & causa æquitatis vltro obtulit. 4. Denique quia tunc vsurpauerat Imperator cogendæ Synodi potestatem œcumenicæ, ideo tunc cogi non potuit, etsi tum vel maximè Chrysostomus, Innocentius, Ecclesia, æquitas postularet. Erat ergo damnosa quandoque & inuisa Ecclesiis ea vsurpatio, sed necessariâ tunc dispensatione tolerabatur.

XVI. An & qui excommunicatus sit Arcadius Imperator.

Atque ut ad communionis scissionem redeam, Arcadius ipse Imperator ea saltem implicatus est excommunicatione, quâ Constantinopolitana & Orientalis penè omnis Ecclesia à primæ sedis & Occidentalium omnium pace abiecta constringebatur. Ita postea Symmachus Anastasium Imperatorem excommunicauit: epist. 7. ad Anastasium ipsum: *Dicis quod mecum conspirante senatu excommunicauerim te. Ita quidem ego, sed rationabiliter factum à decessoribus meis sine dubio subsequor. Nos non te excommunicauimus Imperator, sed Acacium. Tu recede ab Acacio, & ab illius excommunicatione recedis. Tu te noli miscere excommunicationi eius, & non es excommunicatus à nobis. Si te misces, non à nobis, sed à teipso excommunicatus es.* Et longè alia quidem erat excommunicationis species, qua Romani Pontifices Theophilum & Orientales, alia qua Acacium & consortes eius perfidiæ perculerunt. Sed ipsa ratio qua Imperator ei implicabatur, forsan vna & eadem est.

Postremò denique quia horret plerumque pietas tene-
rior non paucorum, cùm non Theophilum tantum, sed
Cyrillum, Hieronymum, Epiphanium, viros omni ex-
ceptione maiores & sanctitatis laude florentissimos, au-
diunt in Chrysostomum tam impotenter debacchatos:
pauca hîc assuam ex Facundo Hermianensi, in hanc rem
præclarissima, & solatio, vt reor, futura. Veniam ergo
præfatus l. 6. c. ult. cùm plaustra conuitiorum à Theo-
philo in Chrysostomum iactata retulisset, subdit: *Si quis
experiri voluerit, quod non sententias tantum, verum etiam
ipsa verba posuimus, & nosse quotiens hac ab illo replicata sunt:
legat innormen librum non solum contumeliis, sed ipsa quoque
sape repetita maledictorum recapitulatione nimis horribilem ab
Hieronymo presbytero translatus. De quo idem B. Theophilus
expectauit, vt per eius eloquium, qualis Ioannes fuerit Lati-
ni cognoscerent. Nos autem in illo libro, non qualis Ioannes,
qui nihil horum merebatur: nec qualis Theophilus, cuius virtus
in multis probata, non ex isto accedenti morbo indicanda est; sed
potius, qualis sit miserabilis humana vita, cognoscimus; de qua
scriptum est, Quia tentatio est super terram. Nam si talia tali-
bus acciderunt: quid nobis metuendum non sit, nostrique simili-
bus? Et infra: Hac autem scandala, vel qualibet merito nos
offendunt in Patribus, quos tanquam luminaria Deus in Eccle-
siâ suâ constituit, vt eorum desuper illuminemur excellenti scien-
tiâ atque doctrinâ: sic habenda mihi videntur, sicut ipsorum
quoque luminarium cæli defectus. Quæ licet nonnunquam splen-
doris sui detrimenta sustineant, non tamen amittunt luminaria
esse, quod sunt. Et crebrò quidem accidit, vt ista quoque Ec-
clesiæ luminaria, quoniam multa à nobis celsitudine separantur,
pro quodam nostræ ignorantie nubilo, cum in se splendentia ma-
neant, nobis videantur obscura. Habeatur itaque velut eclipsis
quodam luminarium Theophili & Cyrilli, quod tam horribilia de
magno luminari Ioanne Constantinopolitano locuti sunt. Adde
luculenta Theodoreti verba l. 5. hist. c. 34. in hunc eun-
dem sensum.*

XVII Quid sen-
tire pietas iubeat
de internecino
isto sanctissimo-
rum inter se Pa-
trum conflictu.



DISSERTATIO VIII.

IN

CONCILIVM DIOSPOLITANVM

IN CAUSA PELAGII,

Anno Christi 415.

SYNOPSIS.

Vt leuiter à quibusdam perstrieta, ut ab aliis accuratè defensa sit hac Synodus: Summa Synodorum etiam localium dignitas: summa in rebus tum fidei, & iuris, tum factorum & personarum auctoritas.

I. De hac Synodo sabiofestum Innocentij, Hieronymi, Augustini, Prosperi-que iudicium.

DE huius Synodi gestis ita Innocentius Papa I. epist. 26. *Cum sint aliqua in ipsis posita gestis, quae obiecta, partim ille vitando suppressit: partim multa in se verba retorquendo, totà obscuritate confudit: aliqua magis falsis argumentis, quàm verà ratione, ut ad tempus videri poterat, purgavit: alia negando, alia falsà interpretatione vertendo. Et mox: Vnde non possumus illorum nec approbare, nec culpae iudicium: cum nesciamus, utrùm verà sint gesta: aut si vera sunt, illum constet magis subterfugisse, quàm se totà veritate purgasse. Hieronymus autem epist. 79. Quidquid in illà miserabili Synodo Diospolitana dixisse se denegat Pelagius, in hoc opere confitetur. Augustinus denique lib. de peccato origin. tum supraposita laudat Innocentij verba, tum haec succinit cap. 8. 9. 10. Fefellit iudicium Palaestinum Pelagius, propterea ibi videtur esse purgatus. Romanam verò Ecclesiam, ubi eum esse notissimum scitis, fallere usquequaque non*

potuit ; quamvis & hoc fuerit utcumque conatus : sed ut dixi, minimè valuit. Et infra : Videtis qualem tulerit Papa Innocentius de illius purgatione sententiam, &c. Iam nunc diligenter attendite, unde monstretur, quod Palæstinos Pelagius sefclerit indices. Prosper denique carm. de Ingratis :

*Lene quidem hoc, nimiumque malos tolerasse videtur
Iudicium.*

Subinfesta hæc in speciem videntur esse de hoc Palæ-
stino iudicio iudicia magnorum virorum. Ab his ramen
ipsis fas est eiusdem accersere purgationem. Augustinus
enim lib. 1. aduersus Iulianum cap. 2. reliquis orthodo-
xis Patribus accenset hos *Orientales Episcopos quatuordecim,*
qui Pelagio indices præfecerunt, eumque ut homines, nullo ex
altera parte urgente aduersario, putantes Catholicum, tanquam
Catholicum pronunciarunt. Et mox : *Ac per hoc Orientales vos*
indices damnent, à quibus Pelagius damnari timens, eos qui
sentiunt ista, damnauit; cum eis quos damnauit, profectò dam-
nandus, quia id quod damnauit ore, corde seruauit. Et lib. 2.
Retract. c. 47. *Eis absentibus qui de illo libellum dederant,*
quoniam ad diem Synodi non potuerunt occurrere, ab Episcopis
quatuordecim auditus est Pelagius; ubi eum dogmata ipsa dam-
nantem, quæ inimica gratia Dei aduersus eum de libello legeba-
tur, catholicum pronunciarunt. Sed cum in manus nostras ea-
dem gesta venissent, scripsi de his librum: ne illo velut absoluto,
eadem quoque dogmata putarentur indices approbasse; quæ ille
nisi damnasset, nullo modo ab eis indemnus exisset. Atque adeò
totus huc pertinet, ut vides, Augustini liber de gestis
Palæstinis, ut Synodum Diospolitanam, Synodique au-
thores Episcopos ab obliquis absoluat seu criminationi-
bus seu suspicionibus. Cui suffragatur & Prosper carm.
de Ingratis :

*Non segnior inde Orientis
Rectorum cura enituit; caprumque nefandi
Dogmatis authorem constrinxit lege benigna
Commentum damnare suum, nisi corpore Christo
Abiungi, & sancto malleo grege dissociari.*

D d iij

I I. Eiusdem ex
iisdem purgatio.

III. Multiplici
ratione defen-
duntur gesta hu-
ius Synodi.

Nequaquam igitur à vero aberrarunt Palæstini iudices, 1. Quia hæresin ipsam Pelagianam confixere: Pelagium nonnisi eâ eiuratâ Catholicum pronunciauere. Id suprâ relatis testimoniis compertissimum est. 2. Quia Pelagij anteriora dicta, scriptaque venenata, nonnisi sub alio & orthodoxo sensu, quem tum præsens allegabat ipse, approbauere. Augustinus de gestis Pelagij cap. 1. *Responsiones eius non immerito approbauerunt, non curantes quomodo ea quæ obiciebantur, in opusculis suis posuerit; sed quid de his in præsentì examinatione responderit. Alia est enim causa fidei non sanæ, alia locutionis incantæ.* Et infrâ Synodus dixit: *Tu hoc edixisti, Pelagi? At ille respondit: Ego quidem dixi, Sed non sicut illi intelligunt, &c.* Et Photius in Bibl. num. 54. *Absolutus est, cum alia quidem obiectorum capitum, ut stulta omnino abnegasset, atque damnasset; alia verò à se quidem dicta confessus esset, non tamen eo sensu quo accusatores illa interpretarentur.* Idem significabat Innocentius suprâ laudatus. 3. Quia Cælestium quidem cum dogmate suo antè perculerant Africani Patres, at Palæstini Episcopi non Cælestium sed Pelagium: & Cælestij sententias, sed alio longè & Catholico prorsus sensu à Pelagio simulatas, & velut incrustatas approbauere. Augustinus lib. de gest. Pelag. cap. 35. *Cælestius talia sentiens, ad iudicium Carthagenensis Ecclesiæ perductus, Episcoporum sententiâ condemnatus est. Deinde post aliquot annos Pelagio, qui magister eius perhiberetur, cum ista hæresis fuisset obiecta; ad Episcopale iudicium etiam ipse peruenit, &c.* Quatuordecim Episcopi secundùm responsiones eius alienum à perversitate huius hæresis pronunciarunt; eam tamen hæresin sine ullâ dubitatione damnantes. Et infrâ: *Has ex nomine Cælestij quatuor sententias, non sic approbauerunt Episcopi indices, sicut eas Cælestius sensisse dicebatur, sed sicut de his respondit Pelagius.* 4. Denique quia diuinitus id agebatur, ut simulatio Pelagij non ad ipsum purgandum, sed ad eius hæresin proprio ipsius ore perimendam proficeret. Prosper molliùs hoc Episcopale iudicium, non tam excusans, quàm collaudans, ait:

*Lene quidem, nimiumque malos tolerasse videtur
Iudicium; sed sancta fides examine in illo
Vicit aborturam diro de semine prolem.
Prospectum namque est, divino & munere cautum,
Ut licet instantem declinans bestia pœnam,
Perfidia secum sensus tenuisset eosdem,
Ipsa tamen proprium germen damnando necaret,
Ore malam extinguens sobolem, quam protulit ore.*

Postremo tandem accepti in hac Synodo vulneris sensum Pelagiani plus satis sacrilego vlciscendi ausu testati sunt. Augustinus idem ibidem cap. ult. *De his autem quæ post hoc iudicium ibi nescio quo cuneo perditorum, qui valde in peruersum perhibentur Pelagio suffragari, incredibili audaciâ perpetrata dicuntur: ut Dei serui & ancilla ad curam sancti Hieronymi presbyteri pertinentes, sceleratissimâ eade afficerentur: Diaconus occideretur, ædificia monasteriorum incenderentur, &c.* Vide & de his epistolam Innocentij.

Liquet hinc porro quàm non temere profiliendum sit ad vllius Synodi etiam particularis suggillationem. Quamuis enim tergiuersatione sua Pelagius imposuisse Episcopis Palæstinis videretur, nec id Innocentius, Augustinus, Hieronymus, Prosper dissimularent: quamuis hæresin ipsam ex approbato Pelagio approbatam multi garrirent: non tamen continuo sancti Patres auctoritatem detrectant particularis Synodi, non errare illam potuisse regerunt, non saltem in re facti hallucinatam confitentur, sed eius statuta & rationes vsquequaque propugnant. In fide enim sanum sapuisse & desinisse constantissimè tuentur. In facto etiam, seu in personâ Pelagij absoluendâ obtendunt, abfuisse accusatores, per interpretem Græcos homines de Latino iudicasse, præsentis Pelagij responsiones non immerito approbasse; nec examinasse quid olim scripserit, sed quid in præsentî confiteretur; diuinitus actos denique, ut clementiùs cum eo agerent, ut hæresis ipso ore eius, ex quo ebullierat, extingueretur. Denique Augustinus lib. de gest. Pelag.

IV. Summa apud Patres auctoritas Synodorum etiam particularium, in rebus cum fidei, cum facti.

cap. 14. *Nunc certè post hoc iudicium, quando contra huiusmodi sententias disputamus, aduersus damnatam heresin disputamus. Summæ ergo authoritatis in arcem recipitur particularis hæc Synodus.*

V. Orientalium Patrum cum Occidentalibus consensio in negotio gratiæ, ab hæreticis illusa, à Catholicis vindicata.

Liquet rursus cum Romano, & Africano iudicio obstrepere Palæstinum iactaretur, non statim Occidentales Orientalium authoritatem repudiassent, in gratiæ præsertim negotio. Quin ex aduerso cum Pelagiani ab Occidentalibus se exagitari quiritarentur, Orientales autem Patres suo dogmati consentaneos esse venditarent: Augustinus, Prosper, aliique tunc orthodoxi Episcopi, perpetua & inexpugnabili Græcorum cum Latinis, & Orientalium Patrum cum Occidentalibus consensione, & vnanimi Catholicæ Ecclesiæ traditione fulciri Ecclesiasticam fidem excepere, & vel ex hac Synodo Palæstina approbauere. Augustinus lib. 1. contra Iulianum c. 2. *Ac per hoc Orientales vos iudices damnent, à quibus Pelagius damnari timens, eos qui sentiunt ista damnauit, &c. Tu interim habes in conspectu non solum Occidentis, verum etiam Orientis Episcopos. Nam qui nobis deesse videbantur, plures Orientis inuenimus. Omnes uno eodemque modo credunt, &c. Et lib. de gestis Pelagij cap. 11. Hæc sunt quæ nonnullis fratribus quidam talia sentientes ita persuadere conabantur, ut de Orientalibus comminarentur Ecclesis, quod qui hæc tenebant, earum possent iudicio condemnari. Ecco quatuordecim Antistites Orientalis Ecclesiæ, in eâ terrâ cui Dominus præsentiam suæ carnis exhibuit, Pelagium non absoluerent, nisi ea tanquam fidei Catholica aduersa damnares. Et Prosper paulò suprâ relatus: Non segnior inde Orientis Rectorum cura enituit, &c. Quod magis eliminanda nunc quorundam animis illa præpostere hausta opinatio, in gratiæ Christi doctrina Græcos à Latinis, Chrysostomum ab Augustino dissidere mussantium: qua de re prolixius aliàs. Sed rursus Prosper eandem ostentans Græcorum cum Latinis concordiam in Pelagianis explodendis, Attico Constantinopolitano Episcopo ita gratulatur;*

Quid

*Quid loquar & curam, magnâ quam gessit in urbe
Constantinopoli, docto bonus ore Sacerdos
Atticus, antiquâ legatos hæreticorum
Confutando fide: de qua tunc impia corda
Quamvis se obductâ tegerent velamine formâ,
Iudicij & tacita tulerunt tormenta repulsa.*

At Cælestinus Papa in epist. ad Nestorium, & Attico, & eius successori Sisinnio eâdem de causâ meritas laudes accumulât: Post impium illud, prophannumque, ac sepe numero condemnatum Pelagij ac Cælestij dogma, Catholica fides aliquot vitæ nostræ diebus pacem obtinuit. Etenim ut primum Oriens & Occidens concordî sententiâ, veluti telo quodam, illos, illorumque sectatores semel percussit: è vestigio sancta memoria Atticus, egregius sanè orthodoxæ fidei doctor, verusque eâ in re B. Ioannis successor: ita eos communis omnium Regis causâ est infectatus, ut ne consistendi quidem spatium eo in loco reliquum illis faceret. Post illius verò è vitâ discessum, non vulgaris cura nos tenuit, anxie spectantes, unumne, eundemque ille & muneris & fidei quoque successorem ex æquo sortiretur. Verum post illius obitum Sanctus Sisinnius nobis obtigit, vir profecto & vitæ sanctimoniâ & fidei simplicitate clarus, eiusque, quam compererat, religionis præco insignis. Et mox Nestorium longè à prædecessorum vestigiis deviantem & Pelagianis adhærescentem obiurgans: Cur iterum in ea inquiris, quæ iam olim contra illos acta, decretaque sunt? Ignoras forsân ab Attico, Catholico, per id tempus Episcopo, commentarios de illorum condemnatione inde ad nos fuisse transmissos. Cur sancta memoria Sisinnius eadem retractari non quæsiit? Ob id nimirum, quia iustè illos à Præcessore suo condemnatos intelligebat. Ad quæ alluisse videri potest Augustinus ipse lib. 3. adversus Iulianum cap. 1. Ego autem absit ut ad monomachiam vos pronocem, quos, ubicumque apparueritis, ubique diffusus debellat Christi exercitus: qui debellavit apud Carthaginem Cælestium, quando illic ipse non eram: & rursus Constantinopoli, tam longè à regionibus Africanis: qui debellavit in Palestina Pelagium. Quin & in Ephesinâ Occumenicâ Synodo in-

E c

contanter proscripti sunt Pelagiani & errores & authores. Vnde in Synodica ad Cœlestinum Papam: *Perlectis eis in sanctâ Synodo, quæ de impiorum Pelagianorum, Cælestij, Pelagij, Iuliani, &c. reliquorumque eadem cum illis sententiarum depositione à pietate tuâ istis decreta constitutaque sunt: indicavimus & nos quoque ea solida, firmaque permanere debere. Quare idem omnes vobiscum sentientes, & nos itidem eos pro depositis habemus.* Et Prosper in Chron. *Congregatâ apud Ephesum plus ducentorum Synodo Sacerdotum, Nestorius cum heresi nominis sui, & cum multis Pelagianis, qui cognatum sibi inuabant dogma, damnatur.* Et carm. de Ingratis:

*Prætereo, quanto fuerit bene mota tumultu
Clara Ephesus, non passa suis consistere sectis
Vasa ira, & morbi flatu, & semina mortis.*

Facebant ergo, qui nescio quæ dissidia sibi somniant Græcorum & Latinorum in doctrina de auxiliis gratiæ Christi. Vtriusque gentis Patres & Synodi summam semper concordiam præ se tulerunt.

VI. Quam non temerè errasse Synodi dicentem, etiam in factorum & personarum iudiciis.

Liquet tertio, cum Synodi orthodoxæ in factorum & personarum iudiciis aberrare posse dicantur; non temere effundendam esse extra lineas hanc opinandi licentiam. Disertè suprà Augustinus aiebat, *Fefellit iudicium Palaestinum Pelagius, &c.* Et tamen ex eodem ipso Palaestina Synodus *responsiones Pelagij non immerito approbavit:* Et lib. de gestis Pelag. cap. 1. *Synodus dixit, Non sunt aliena ab Ecclesiâ, quæ dicta sunt à Pelagio.* Planè aliena non sunt, quæ respondit. Illud verò quod de libro eius prolatum est, aliud sonat. Sed hoc Episcopi Græci homines, & ea verba per interpretem audientes, discutere non curarunt: hoc tantum intuentes, quid ille qui interrogabatur, sensisse se diceret: non quibus verbis eadem sententia in eius libro scripta diceretur. Ergo ne in facto quidem erravit hæc Synodus, quæ curavit discutere, non quid antè scriptitasset, sed quid tunc confiteretur Pelagius: & laudavit sonantem ex eius ore veritatem, non perfidiam in corde latitantem. Fefellit Pelagius, sed Synodus falli non potuit, quæ de his ubi falli

potuit, nil iudicavit. Hac viâ elui possunt & ab aliis forsan Synodis iniquæ suspiciones.


Liquet quarto, etsi scriptis dictisque suis prioribus alium longè & orthodoxum sensum affingeret Pelagius: nec vel sic tamen censorium cauterium declinari ab eo potuisse. Aliqua enim *falsa interpretatione vertit*, ut aiebat suprâ Innocentius: *Alia à se quidem dicta confessus est, non tamen eo sensu quo accusatores illa interpretarentur: ut narrabat Photius: Ego quidem dixi, sed non sicut illi intelligunt: aiebat ipse Pelagius apud Augustinum. Licuit tamen Innocentio, licuit Augustino, licuit Ecclesiæ Catholicæ aliter, & sincerius dicta scriptaque Pelagij, quàm ipse exponeret, exponere, & ita inuere. Vnde suprâ Augustinus: Fecellit iudicium Palaestinum Pelagius, propterea videtur ibi esse purgatus: Romanam vero Ecclesiam, ubi cum notissimum esse scitis, fallere usquequaque non potuit. Et lib. de gestis Palæst. cap. 21. Nos de ista eius purgatione, qua magis creditur, quam liquido demonstratur, gaudere temere non debemus. Neque hoc dicens, iudicium arguo, vel negligentiam, vel conniventiam, vel quod ab eis abhorre certissimum est, impiorum dogmatum conscientiam: sed eorum iudicio pro merito approbato, atque laudato, Pelagius tamen apud eos quibus amplius, certiusque notus est, non mihi videtur esse purgatus. Et infrâ cap. 29. Proinde Pelagius de quorumlibet sanctorum amicitia se iactaverit, quorumlibet de suis laudibus literas legerit, quolibet purgationis sua gesta protulerit: nisi ea qua contra Dei gratiam, quâ vocamur & iustificamur, posuisse in libris suis idoneorum testium fide probatur, confessus anathematizaverit; ac deinde contra hæc ipsa scripserit & disputaverit; nequaquam his quibus plenius notus est, videbitur esse correctus. Tametsi ergo sua ipse mentis conscius & interpres, verba sua in sanum raperet sensum, tametsi eius innocentie patrocinata videretur Synodus orthodoxa: Catholicis tamen Patribus consultissimum visum est, ut quæ in libris suis posuerat, confessus anathematizare adigeretur, ac deinde contra hæc ipsa scriberet ac disputaret: alioqui tota eius purgatio, nec flocci fieret.*


VII. Damnantur scripta hæretica, etsi suis illis auctor alium & catholicum sensum affingat.

E c ij

VIII. Ambigua
hæretici defini-
tio, ideo minus
quandoque cu-
ratur, ut hæreti-
cum, an ut stul-
tum aliquid
damnetur.

Nec illud effugiet, quod in ea quæstione, an aliquis reapse ab infantia ad exitum usque mortalis vitæ perstisset immunis & purus ab omni sorde peccati: *Synodus dixit, Quoniam negas te talia scripsisse, anathematizas illos qui sic tenent? Pelagius dixit, Anathematizo quasi stultos, non quasi hæreticos, siquidem non est dogma. Deinde indicauerunt Episcopi dicentes: Nunc quoniam anathematizavit Pelagius insertum stultiloquium, &c. Ad quæ hæc animaduertit Augustinus lib. de gest. Pelag. cap. 6. An & illud fortasse tractandum est, utrum rectè dictum sit, Non tanquam hæreticos, sed tanquam stultos anathematizandos, qui ita sentirent, quoniam dogma non esset? Sed ab hac quæstione non leui, ubi queritur, quatenus sit definiendus hæreticus, rectè se in præsen-
tiâ indices abstinnerunt. Et infra, cum stultiloquia biparti-
tus esset, in ea quæ ad fidem nihil attinent, & ea quæ fidei furtiuè & per cuniculos officiunt, subdit: Cum igitur omnis hæreticus, consequenter & stultus sit: non autem omnis stultus continuò sit appellandus hæreticus: rectè Indices insertum stultiloquium propriâ voce Pelagium anathematizasse dixerunt. Quia etsi hæresis esset, proculdubio stultiloquium est. Proinde quidquid illud sit, generalis vitij nomine appellauerunt. Quoniam ergo salebrosa implicataque illa quæstio est, quatenus sit definiendus hæreticus: non conducit plerumque pertinacius disceptari, quid hæresi, quid stultitiæ adscribendum sit: sed indiscriminatim utrique anathema illidendum, utrumque ex animo expuendum est.*





DISSERTATIO IX.

IN CONCILIA

CARTHAGIN. ET MILEVITANVM,

Anni 416.

Aduersus Pelagianos sub Innocentio & Carthagenense posterius anni 417. & 418.
sub Zozymo.

SYNOPSIS.

*Particulares Synodos à Romano Pontifice confirmari debere:
& tunc demum in summae auctoritatis arcem eas inuadere.*

DVO hinc quædam Catholicæ doctrinæ capita, & si dilucidè satis enitescant, paulò copiosius tamen illa elucidari operæ pretium erit. Nimirum prouinciales Synodos ab Apostolica sede confirmandas esse, & ubi confirmatæ fuerint, tunc in auctoritatis summum columnen eas recipi, nec posse ab eis citra hæreseos discrimen prouocari. Ac primum quidem Carthaginenses huius Synodi Patres, damnatum à se Cælestianum dogma præfati, ad Innocentium Papam ita scribere pergunt: *Hoc itaque gestum, Domine frater, sanctæ charitati tuæ intimandum duximus, ut statutis nostra mediocritatis etiam Apostolica sedis adhibeatur auctoritas, pro tuendâ salute multorum, & quorundam etiam peruersitate corrigendâ. Et post aliquantula de gratiâ Christi disputata: Et veremur ne apud te ista ipsa commemorando, qui maiore gratia de sede Apostolica prædicas, inconuenienter facere videamur. Sed*

I. Particulæ Synodos à Romano Pontifice confirmari debere: & tunc in summae auctoritatis arcem eas recipi, probatur primo ex epistola Carthagin. huius Concilij ad Innocentium.

Ec iiij

ideo facimus, quia in eo quod infirmiores sumus, crebrius eos patimur, & audacius insurgentes. Si ergo Pelagius Episcopali-
bus gestis quæ in Oriente confecta dicuntur, etiam tua venera-
tioni iuste visus fuerit absolutus; error tamen ipse & impietas,
quæ iam multos habet assertores per diversa dispersos, etiam Apo-
stolica sedis auctoritate anathematizanda est. Et post exuflatos
errores aliquot Cælestij, sic tandem concludunt: Qua-
cumque autem alia eis obiiciuntur, non dubium venerationem
tuam, cum gesta Episcopalia perspexerit, quæ in Oriente in eâ-
dem causâ confecta dicuntur, id iudicaturam; unde omnes in
Dei misericordiâ gaudeamus. Perpende ergo 1. ex Africanis
his Patribus, id iuris esse sedi Apostolicæ ut de Synodo
Diospolitana id iudicet, unde omnes gaudeant: iudicet, iu-
ste absolutus sit Pelagius, nec ne: iudicet ergo post Sy-
nodum, & de ipsâ Synodo, eiusque iudicium velut nu-
tabundum, aut figat, aut diffingat. 2. Id eos orare simi-
liter, ut statutis suæ mediocritatis, etiam Apostolica sedis adbi-
beatur auctoritas: etenim se infirmiores esse, ideoque in se
audaciùs inolescere hæreticos: at Innocentium maiore
gratiâ de sede Apostolicâ predicare: & quia error multos ha-
bet iam assertores, qui non facilè morem gerant Syno-
dis Episcopalibus, utpote per diversa dispersi; hæresin etiam
sedis Apostolica configendam auctoritate, quæ ubique pol-
let. 3. Et Diospolitanae ergo, & suæ Synodi statuta mi-
nus ponderis habitura consentientur, nisi accedat confir-
matio Innocentij, tum quod Apostolica sedis auctoritas &
gratia emineat, tum quod latissimè & ubique se expor-
rigat.

II. Idem rursus
probat ex epi-
stola Innocentij
ad eandem Sy-
nodum.

Nec minus id liquido patet ex epistola Innocentij ad
eandem Synodum Carthaginensem: Inquirendo de his re-
bus, quas omni cum sollicitudine decet à Sacerdotibus, maxi-
mè à vero, iustoque, & Catholico tractari Concilio; antiqua
traditionis exempla servantes, & Ecclesiastica memores discipli-
na, vestra religionis vigorem, non minus nunc in consulendo,
quam antea cum pronuntiaretis, verâ ratione firmatis: qui ad
nostrum referendum approbastis esse iudicium: scientes, quid

Apostolica sedi, cum omnes hoc loco positi, ipsam sequi desideremus Apostolum, debeat, à quo ipse Episcopatus & tota auctoritas nominis huius emerfit. Subdit, Patres non humana, sed diuina decreuisse sententia, ut quidquid quamvis de disjunctis remotisque ageretur provinciis, non prius ducerent finierum, nisi ad huius sedis notitiam perveniret: ut tota huius auctoritate, iuxta quæ fuerit, pronuntiatio firmaretur: indeque sumerent cætera Ecclesia; velut de natali suo fonte aqua cuncta procederent, & per diversas totius mundi regiones puri capitis incorrupta manarent, &c. Et mox: Per cunctas totius orbis terrarum Ecclesias, omnibus una quod profit, decernendum esse deposcitis. Perpende hinc primo decreta Synodorum provincialium ad sedem Apostolicam referenda esse, & de his eam consulendam: & quæ ad Episcopos alios decreta sunt, ad Episcoporum apicem relationes & consultationes Synodicas esse, ut ab hac Synodo, & ab Hieronymo aliisque Scriptoribus antiquis vocitantur: & hanc esse antiquam traditionem & Ecclesiasticam disciplinam; non aliquid nunc novatum. 2. Idque quia sedes Apostolica est, seu sedes Petri, à quo ipse Episcopatus & tota auctoritas huius nominis emerfit: quia caput istud est, & veluti fons natalis, à quo velut aquæ illimes, Ecclesiæ omnes promanant. 3. Cum Episcopi, synodique particulares vim suam in aliquo tantum terrarum tractu exerant, nec œcumenicas toties Synodos cogi fas sit, quoties insanire novatoribus alluuerit: id consultissimum, id compendiosissimum, id denique necessarium esse, ut accedente localibus Synodis vniuersali sedis summæ & capitis auctoritate, id decerneretur quod per cunctas totius orbis Ecclesias omnibus prodesset: atque ita in disjunctis provinciis agitari possent multa, non tamen finire antequam ad huius sedis notitiam pervenirent, & ab eâ firmarentur.

Idipsum rursus ex Concilij Mileuitani epistolâ ad eundem Innocentium patebit: *Quia te Dominus gratiæ suæ præcipuo munere in sede Apostolicâ collocavit; talemque nostris temporibus præstitit, ut nobis potius ad culpam negligentia va-*

III. Item ex epistola Concilii huius Mileuitani ad Innocentium.

leat; si apud tuam venerationem, qua pro Ecclesiâ suggerenda
 sunt, tacuerimus, quam ea tu possis vel fastidiosè, vel negligenter
 accipere: magnis periculis infirmorum membrorum Christi
 pastoralem diligentiam quasumus adhibere digneris. Et paucis
 commemorato errore pestifero: Hæc insinuantes Apostolico
 pectori tuo, non opus habemus multa dicere, & tantam impie-
 tatem verbis exaggerare; cum proculdubio te ita permoneant,
 ut ab eis corrigendis, ne latius serpent, multosque contaminent,
 omnino dissimulare non possis. In Asiâ mox & Hierosolymis
 grassari horum errorum satores dolent, subduntque: Sed
 arbitramur auctoritati sanctitatis tuæ de sanctarum Scriptura-
 rum auctoritate depromptæ, facilius eos qui tam peruersa & per-
 niciofa sentiunt, esse cessuros: ut de correctione potius eorum con-
 gratulemur, quam contristemur interitu. Quodlibet autem ipsi
 eligant; ceriè vel aliis, quos plurimos possunt, si ab eis dissi-
 muletur, suis laqueis implicare, cernit venerabilitas tua instan-
 ter & celeriter providendum. Perpendis & hic similiter 1. ad
 auctoritatem quæ toto orbe dominetur, necessariò refer-
 ri recurritque à Synodis particularibus, ne malum latius
 serpat multosque contaminet, ne plures his laqueis implicentur,
 ut in Asiâ, ut Hierosolymis sistatur virus, ubi parum aut
 nihil momenti habent Africana Concilia. 2. Id totum
 tribui Apostolicæ sedis, Apostolico pectori, auctoritati de sancta-
 rum Scripturarum auctoritate depromptæ. 3. Quod enim nu-
 perus Nouator auctoritatem, id est, lucubrationem in-
 terpretatur scripturarum testimoniis constipatam, nihil
 inficetius, nihil alienius in mentem venire possit. Nam
 1. Ecquid toties vtriusque Synodi Patres Apostolicam
 sedem, Apostolicum pectus ingeminant & extollunt, ni-
 si ut insinuent Apostoli Petri in ea sede perennantem
 principatum, Euangelicis literis consignatum? 2. Illa ver-
 ba, *Ut statutis nostræ mediocritatis etiam Apostolicæ sedis adhi-
 beatur auctoritas*, pro tuenda salute multorum, & quorundam
 etiam peruersitate corrigenda: his prorsus concinunt, arbi-
 tramur auctoritati sanctitatis tuæ de Scripturarum auctoritate
 depromptæ, facilius eos, qui tam peruersa & perniciofa sentiunt,
 esse

esse cessuros. Vtrobique potestas magis, quàm doctrina intentatur. 3. Vtraque Synodus profitetur suam *mediocritatem*; se *infirmiores* esse aiunt Episcopi, non indoctiores, *crebrius se pati hæreticos, & audacius insurgentes* queruntur; in tam multos ubique *dispersos*, etiam in Asia & Hierosolymis, nihil sibi esse virium, nihil potestatis, non autem nihil doctrinæ. At Innocentium *maiore gratia de sede Apostolica predicare*, & ab eo omnes ubique terrarum facilius comprimi posse sectarios. 4. Oraculis scripturarum per Innocentium, quàm per Augustinum prolatis eccur facilius cessuri coniiciuntur Pelagiani? Sed vbi Augustinus, vbi Alypius, vbi tot alia Episcoporum lumina confluxerant? quid opus erat ad Innocentij doctrinam confugere Scripturarum scatentem fluentis, & in ea salutis & fidei Catholicæ summam collocare? 5. Et in his, & in aliis Augustini scriptis, *authoritas* non scriptum aliquod, sed pondus potestatis sonat. Denique frequentissima sunt Augustini loca, vbi sedes Apostolica aliis longè anteposit, Ecclesias nempe illas, quarum in Scripturis sanctis memoria & maiestas commendatur. Horum ergo Ecclesiarum prærogatiua supra alias de Scripturis depro-mitur.

Sed huius infania veteratoris manifestissimè reuincetur ex responsione Innocentij ad Concilium Mileuitanum: *Inter ceteras Romana Ecclesia curas, & Apostolica sedis occupationes, quibus diuersorum consulta, fideli ac modicâ disceptatione tractamus, &c. Diligenter & congruè Apostolico consulitis honori, honori inquam illius, quem præter illa quæ sunt extrinsecus, sollicitudo manet omnium Ecclesiarum, super anxiiis rebus quæ sit tenenda sententia: antiqua scilicet regule formam secuti, quam toto semper ab orbe mecum nostris esse seruata, &c. Sciennes quod per omnes prouincias de Apostolico fonte petentibus responsa semper emanent. Præsertim quotiens fidei ratio ventilatur, arbitror omnes fratres & Coëpiscopos nostros, nonnisi ad Petrum, id est, sui nominis & honoris authorem referre debere, velut nunc retulit vestra dilectio, quod*

IV. Et ex responsione Innocentii.

- *per totum mundum possit omnibus Ecclesiis in commune prodesse.*
 Et infra: *Quare Pelagium, Calestiumque inuentores vocum novarum, Ecclesiasticâ communione privari, Apostolici vigoris auctoritate censemus.* Perpendis hîc 1. *Apostolici vigoris auctoritate*, non scripto, non doctrinâ scilicet solâ, sed potestate, *inuentores vocum novarum Ecclesiasticâ communione privari*: & ubique prætendi Apostolicam sedem, Apostolicum fontem, Petrum Episcopalis nominis & honoris authorem. Illa ergo est *authoritas de scripturis deprompta*. 2. *Quæ definitiones fuere Synodorum, eas ad Romanam sedem missitari, ut relationes, & consultationes.* 3. *Quod ab ea sede manarit, id valere iam per omnes provincias, id per totum mundum in commune prodesset.* 4. Antiquam illam esse formam, toto orbe servatam. 5. Non aliter constare potuisse Ecclesiæ Catholicæ salutem, cum Africanis Synodis damnati errores authoresque errorum, aliis in Ecclesiis impunè vel delitescerent, vel baccharentur, & Diospolitanae Synodi auctoritate simplicioribus illuderent. Necessum utique tum erat ad maiorem auctoritatis apicem recurri, & eas ubique conualescere Synodorum definitiones, quæ illi approbarentur.

V. Idem rursus
 conficitur ex ver-
 bis Augustini.

Nec prætermittenda Augustini epistola 95. ad eundem Innocentium, suo & aliorum quatuor Episcoporum nomine scripta: ubi post Synodum Diospolitana acciri Romam Pelagium, & diligentius interrogari suadetur: & si faciat satis, tunc *revera de eius purgatione gaudendum.* Et infra: *Si cognoverint eundem librum, quem illius vel putant esse, vel norunt, Episcoporum Catholicorum auctoritate, & maximè sanctitatis tuæ, quam apud eum esse maioris ponderis minimè dubitamus: ab eodem ipso anathematismum atque damnatum, non eos ulterius existimamus ausuros loquendo contra gratiam Dei, &c.* Ad ipsum scriptam ab uno nostrum epistolam, tue beatitudini potius credimus dirigendam; melius indicantes & petentes, ut eam ei mittere ipse digneris. Sic enim eam legere potius non dedignabitur, magis in illâ eum qui misit, quàm qui scripsit, attendens. Vbi claret, quæ illa sit de

scripturis deprompta authoritas Romani Antistitis, quæ maioris ponderis est, quàm aliorum Episcoporum, etiam synodicè congregatorum.

His planè astipulatur Prosper carmine de Ingratis,

Pestem subeuntem prima recidis,

Sedes Roma Petri, quæ pastoralis honoris

Facta caput mundo, quidquid non possidet armis,

Religione tenet. Non segnior inde Orientis

Rektorum cura enituit, &c.

In causam fidei flagrantius Africa nostra

Exequeris, tecumque suum iungente vigorem

Iuris Apostolici solio, fera viscera belli

Conficis, & lato prosternis limite victos.

Conuenere tui de cunctis urbibus almi

Pontifices, geminoque senum celeberrima cætu,

Decernis, quod Roma probet, quod regna sequantur.

Appositè prorsus utroque Africæ Concilio ait decreta fuisse, quæ Roma probaret: & approbatum Romæ dogma Synodicum, vniuersi orbis regna sequerentur. Nempe quia Roma sedes Petri est, & Pastoralis honoris caput mundo, & Iuris Apostolici solium. Nam quod ad scientiam scripturarum attinet, longè vberissimam illam scaturisse ab Africanis Synodis, & ab Augustino maximè, pereleganter ibidem Prosper persequitur: *Concilium cui Dux Aurelius, ingeniumque Augustinus erat, quem Christi gratia cornu uberiore rigans, nostro lumen dedit auro, accensum vero de lumine, &c. Et in sancto regnat sapientia templo, &c. Istius ore flumina librorum mundum effluxere per omnem.* Et infra rursus Prosper,

Ergo Petri solium Romam & Carthaginis alta

Concilium repetant humiles.

Et iterum Prosper contra Collat. cap. 41. Tunc istorum machina fracta sunt, quando beata memoria Innocentius nefandi erroris capita Apostolico mucrone percussit: quando Pelagium ad proferendam in se suosque sententiam, Palestinorum Episcoporum Synodus coarctauit: quando Africanorum Concilio-

F f ij

VI. Item apertissimè ex Prospero.

rum decretis beata recordationis Papa Zozymus sententia sua robur adnexuit: & ad impiorum detractionem gladio Petri dexterarum omnium armavit Antistitem. Constantissimè Prosper Romanam ceu Petri sedem ad profligandas hæreses & ductricem præire, & confirmatricem accedere Episcopalibus Synodis demonstrat; nec vlli deinceps Catholico fas esse, istiusmodi decretis oblucri.

VII. Ex ipsorum hæreticorum reverentia in sedē Apostolicā propensiore idem declaratur.

Quam non temerè autem coniecissent Africani Episcopi, Pelagianos lubentiùs Apostolicæ sedis, quam Episcopalium Conciliorum decretis cessuros: liquet ex ipsius Pelagij confessionis libello post superiores Synodos conscripto, & ad Innocentium Papam misso, cuius hæc sunt extrema penè verba. *Hæc est fides, Papa beatissime, quam in Ecclesia Catholica didicimus, quamque semper tenuimus & tenemus. In quâ si minùs peritè, aut parum cautè aliquid fortè positum est, emendari cupimus à te, qui Petri & fidem, & sedem tenes. Adde si voles & hæc ex Gennadio lib. de viris illustribus, cap. 43. Innocentius urbis Romana Episcopus scripsit decretum Occidentalium Ecclesiarum & Orientalium, aduersus Pelagianos datum: quod postea successor eius Papa Zozymus latius promulgavit. Quasi dicat Innocentium velut os, & oraculum Ecclesiæ, confirmasse atque edixisse per orbem vniuersum, quæ particulares Synodi in Palæstina & in Africa decreuerant. Quod paucissimis verbis tangitur in lib. de Romanis Pontificibus. Hic constitutum fecit de omni Ecclesia.*

VIII. Item ex decretorio Augustini testimonio.

Verùm nihil expressius illo Augustini testimonio, alibi iam descripto ex lib. 4. ad Bonifac. cap. 8. *Iam de hac causa duo Concilia missa sunt ad sedem Apostolicam: inde etiam rescripta venerunt. Causa finita est, utinam aliquando finiatur error.* Quid manifestius, ut pateat, & ad Apostolicam sedem mittendas Synodorum localium definitiones, & ab ea confirmandas; tumque eas ineluctabili demum autoritate pollere? Et rursus l. 2. operis extremi adu. Julian. num. 103. *Quid adhuc quaris examen, quod apud Apostolicam sedem iam factum est? Quod denique iam factum*

est in Episcopali iudicio Palestino. Ergo hæresis ab Episcopo non adhuc examinanda; sed coercenda est potestatibus Christianis. Et denique lib. 4. contra Bonifacium cap. ult. Pelagianos deridet, qui œcumenicam Synodum flagitabant, cum multo & incomparabiliter plures hæreses sine Synodi congregatione damnata sint: subditque, post factum illis competens sufficiensque iudicium, ubicumque lupi isti apparuerint, conterendi sunt.

Totam autem, eamque summam Synodorum particularium auctoritatem ab Apostolicæ sedis confirmatione derivatam fuisse, inde efficitur, quod utrumque istud quod tractamus, Carthaginense & Mileuitanum Concilium, solo Innocentij decreto, quo rata illa facta sunt, complexus est Prosper, & ante eum Augustinus. Prosper enim iis verbis: *Pestem subeuntem prima recidit sedes Roma Petri, quæ pastoralis honoris facta caput mundo, &c.* utramque hanc Synodum insinuavit, & ita ad Diospolitanam, ut alibi solet, & ad Africanas duas sub Zozyimo perrexit: quod apertissimum sit ex verbis suprâ relatis libri contra Collatorem, & ex eiusdem lib. c. 1. Id ipsum emicat in illis Augustini verbis suprâ allatis, *Quid adhuc quaris examen quod apud Apostolicam sedem iam factum est? Quod denique factum iam est in Episcopali iudicio Palestino?* Similiter & Gennadius dixit scriptum fuisse ab Innocentio decretum Occidentalium & Orientalium Ecclesiarum. Adde Possidium in vita August. cap. 18. *At illi tantæ sedis Antistites suis diversis temporibus eisdem Pelagianos notantes, atque à membris Ecclesiæ præcidentes, datis literis ad Africanas Orientis & Occidentis Ecclesias, eos anathematizandos & denitandos ab omnibus Catholicis censuerunt.*

Iam verò duobus quidem Africanis Conciliis sub Zozyimo Papa habitis, ut aiebat suprâ Prosper, *Papa Zozyimus sententia sua robur adnexuit, & ad impiorum detractionem gladio Petri dexteris omnium armavit Antistitum.* Tumque, ut idem canit, *Africa gemino senum celeberrima cætu, decrevit, quæ Roma probet, quæ regna sequantur.* Etc.

F f iij

IX. Tota & summa particularium Synodorum auctoritas ex confirmatione sedis Apostolicæ.

X. Ab his duobus Conciliis ad alia transitur, eisdem de gratia quæstiones ventilantia, & primum ad Africanam duo per Zozyimum confirmata.

nim vt ait Augustinus lib. de peccato originali cap. 7. *Papa Zozyms egit cum Cælestio, quem falsa doctrina ventus inflauerat, vt ea qua illi à Diacono Paulino fuerant obiecta, damnaret; atque vt sedis Apostolica literis, qua à sancta memorie predecessore suo manauerant, praberet assensum. At ille noluit quidem Diaconi obiecta damnare, sed beati Papa Innocentij literis non est ausus obsistere: immo se omnia qua sedes illa damnaret, damnaturum esse promissit. Vbi rursus perspicis, quàm inclinato animo ad sedis Apostolicæ decreta potius, quàm ad Synodos assurgerent vel Nouatores: quam confirmatis à sede Apostolica Synodis sigillatim subscribere iusserit Zozyms, vt idem ibidem testatur. Denique Zozyms promulgatione pondus accreuisse his posterioribus Africæ Synodis, & orbis terrarum vniuersi reuerentiam, perhibet Augustinus epist. 47. Quod enim scriptum est ad Papam Innocentium Romanæ urbis Episcopum, de Concilio prouincia Carthagenensis, & de Concilio Numidia: & aliquanto diligentius à quinque Episcopis, & qua ipse ad tria ista rescripsit: Item quod Papa Zozyms de Africano Concilio scriptum est, eiusque rescriptum ad vniuersos totius orbis Episcopos missum, &c. Vt Innocentius ergo, ita & Zozyms particularium Synodorum decreta toto orbe Christiano valere & dominari sanxit. Quibus addatur Prosper in Chronico: Concilio apud Carthaginem habito ducentorum decem & septem Episcoporum, ad Pontificem Zozyms Synodalia decreta perlata sunt: quibus probatis, per totum mundum hæresis Pelagiana damnata est.*

XI. Cælestius earundem particularium Synodorum vindex.

Atque vt ne dissuamus, quæ eiusdem materiæ contextu coalita sunt. Ita Cælestinus in decretis cap. 3. *Sequi & probare consentientur qua sacratissima B. Apostoli sedes Petri contra inimicos gratiæ Dei per ministerium præsulum suorum sanxit & docuit. Necessarium fuit diligenter inquirere, quid rectores Romana Ecclesiæ de hæresi quæ eorum temporibus exorta est, indicarint: ita vt etiam Africanorum Conciliorum quasdam sententias iungeremus, quas utique suas fecerunt Apostolici Antistites, cum probarent. Ita rursus Prosper de*

Cælestino Papa scribit contra Collat. cap. 41. 42. Cælestinus sciens damnatis non examen iudicij, sed solum pœnitentia remedium esse præstandum, Cælestinum quasi non discusso negotio audientiam postulantem, totius Italia finibus iussit extrudi: adeò & prædecessorum suorum statuta, & decreta Synodalia inuiolabiliter seruanda censebat, ut quod semel meruerat abscindi, nequaquam admitteret retraheri. Subiicit per hunc virum etiam Orientales Ecclesias gemina peste purgatas: & apostolico eius gladio confœderatos Pelagij & Nestorij errores prostratos fuisse. Iterum per hunc virum maleloquentiæ Gallorum quorundam in Augustini scripta læuienti libertatem ademptam: utpote quod Augustinus inter optimos magistros etiam ab eius prædecessoribus haberetur. Ut hinc intelligas Synodorum fideique defensionem ab Apostolicæ sedis arce semper profectam fuisse: ut rursus testatur Prosper his verbis contra Collat. sub finem: *Confidimus Domini protectione præstandum, ut quod operatus est in Innocentio, Zozyro, Bonifacio, Cælestino; operetur & in Sixto: & in custodia Domini gregis hæc sit pars gloria huic reservata Pastori, ut sicut illi lupos abegere manifestos, ita hic depellat occultos. Gloriam fidei vindicatæ, ut vides, Romanis præsulibus totam adserit.*


His denique artexatur Arausicana Synodus secunda, cuius luculentissimis de gratia & libero arbitrio placitis, Romana sedes & dux præiuit, & confirmatrix, vindexque post affuit. Præfatio ipsa Synodi sic habet: *Pervenit ad nos esse aliquos qui de gratia & libero arbitrio per simplicitatem minus cautè & non secundum fidei Catholica regulam sentire velint. Vnde id nobis secundum admonitionem, & auctoritatem sedis Apostolicæ, iustum ac rationabile visum est, ut pauca capitula ab Apostolicâ nobis sede transmissa: quæ ab antiquis Patribus de sanctarum Scripturarum voluminibus in hac præcipuè causâ collecta sunt; ad docendos eos qui aliter quàm oportet, sentiunt, ab omnibus observanda proferre, & manibus nostris*

XII. Arausicam de gratiâ Synodum confirmat Romanus Pontifex.

subscribere deberemus. Synodi huius decretorum confirmationem à Felice Papa postularat Cæsarius Arelatensis eius author & signifer primarius, quam eo præmortuo impetrauit à Bonifacio II. Ex huius epistolâ ad Cæsarium pauca hæc delibo: *Postulans ut pro ambiguitate tollenda confessionem vestram, &c. Autoritate sedis Apostolica firmaremus, &c. Quapropter affectu congrua salutantes, superscriptam confessionem vestram, consentaneam catholicis Patrum regulis approbamus.* Ergo sedes Apostolica Gallicanis Episcopis per transmissa capitula, quasi in verba præiuit: & eorum confessioni approbatione sua summum pondus adiecit, & omnem sustulit ambiguitatem.



DISSERTATIO



DISSERTATIO X.

IN

CONCILIVM EPHESINVM I.

SEV OECVMENICVM III.

Anno Christi 431.

SYNOPSIS.

*Romani Praefulis ius est, praesidere Synodis oecumenicis. Per-
lustratis omnibus Synodis id ostenditur usque ad num. XLIII.*

*Praesidebat etiam suo quodam modo & iure Imperator: sed
ea praesidendi prerogativa longè dispar, & decolor à Pontificiâ:
usque ad num. XLVIII.*

*Excutitur alia potestas principis in numero, loco, tempore,
ordine Synodis praescribendo. Et ea probatur fuisse legitima po-
testas Ecclesiae Defensoris & Custodis canonum: prater quos si
quid princeps moliretur, eam iniuriam vel non silebant Episco-
pi, vel dispensativè silebant. Usque ad num. XLV.*

*Ius aliud expenditur principum, confirmandi Synodos.
Nihil id officit Synodicis definitionibus, per sese valituris: imò
prodest mirum quantum. Hac principalis potestas ostenditur non
imminere, & dominari Ecclesiae Sponsae Christi, sed inuigilare,
& obsequi. Ad num. usque XLIX.*

*Summa damnati Nestorij potestas, & laus penes primam
Sedem.*

*Quàm multi tum Cyrillo, Synodoque detraxerint. Ut in
quaestione facti diutius quidam altercati sint: ideoque & in fide
claudicare suspecti fuerint, ac tandem coacti sint, utrique Sy-*

nodica definitioni consentire. Quantâ in his humanitate & dispensatione usus sit Cyrillus, imò & vniuersa Ecclesia, ut illi recolligerentur, qui suum Synodo assensum non tam negasse, quàm suspendisse postea deprehensi sunt. Vsq̃ue ad calcem.

I. Romani Præ-
sulis ius est, præ-
esse Synodis œ-
cumenicis. Id ex
hac Synodo pro-
batur primum.

PRÆFUISSE huic Synodo Cyrillum Alexan-
drinum Episcopum, non suo, sed Cælestini no-
mine Romani Præsulis: adeoque Cælestinum
ipsum per Cyrillum, eeu legatum, & vicarium
suum præfuisse: & inter primæ sedis eximia priuilegia
istud quoque numerari, ut Synodis generalibus seu per
se, seu per legatos suos præsit: id sanè hoc loco aduer-
sus insanas Nouatorum tergiuersationes astruere adgre-
dimur. Et quidem passim in hac Synodo dicitur Cyril-
lus qui primas tenet, Cælestini τὸν τόπον διέπειν, locum te-
nere, vices implere: dicitur Cælestinus Cyrillo commi-
sisse, ut locum suum impleret, ἐπιτρέψας τὸν αὐτὸν τόπον ἐπι-
χειν. Vbi ut Cyrillo longè anteponi, & antistare Cæ-
lestinum ne ambigas, audi quid lectis Cælestini episto-
lis Synodus tota succinat act. 2. *Hoc iustum iudicium. Nouo*
Paulo Cælestino. Nouo Paulo Cyrillo. Cælestino custodi fidei,
Cælestino cum Synodo concordia. Cælestino vniuersa Synodus
gratias agit. Vnus Cælestinus, vnus Cyrillus. Vna fides Sy-
nodi, vna fides orbis terrarum. Cumque eidem Synodo af-
fuerint legati alij sedis Apostolicæ, Romanâ ex vrbe E-
phesum ablegati, nihil aliud illi, quàm similiter dicun-
tur implere locum Cælestini Papæ.

II. Aliis testimo-
niis probatur Cy-
rillum Cælestini
Papæ nomine &
vice præfuisse.

Idem profitentur Apocrisarij Alexandrinæ Ecclesiæ in
libello, quem dederunt legatis ex vrbe Româ missis ab
Anastasio Papa II. vbi vtriusque Ecclesiæ, Romanæ &
Alexandrinæ, concordiam laudant, deriuantque ex eo
quod, *ab vno fuerit in vtrisque iactum fidei fundamentum.*
Petrum memoramus beatum Apostolum, cuius per omnia san-
ctus Euangelista Marcus extitit imitator. Ita ut si quando con-
tigerit in rebus ambiguis quadam Episcoporum Concilia celebra-
ri, sanctissimus is qui Romana præsideret Ecclesiæ reuerendissi-

mum Alexandrina ciuitatis Archiepiscopum deligeret, ut sui curam loci susciperet. Cyrillus ergo ad Cælestinum, Ecclesia Alexandrina ad Romanam eum induit animum, quem Marcus ad Petrum, hoc est ad fidei suæ authorem & magistrum. Similiter & sexta Synodus in Prosphnetico ad Constantinum Imperatorem, act. 18. Iterum Nestorius, & iterum Cælestinus & Cyrillus: ille quidem Christum diuidebat, hi verò diuisorem deiiciebant, ut Ephesius & ibidem gestorum tabula loquuntur. Et Nicolaus Papa I. epist. 9. Cyrillus idcirco in præfata Synodo ante omnes sedit, quia & ipse locum iam memorati Papa ibidem, sicut gesta eiusdem Synodi testantur, obtinuit. Et Synodi Florentinæ act. 5. dicitur Cyrillus, princeps fuisse huius Synodi, locumque obtinuisse & sensum, τὸν τόπον καὶ τὴν γνώμην Cælestini. Missos facio Euagrium, Photium, aliosque: vnum profero è Græcis Balsamonem, qui in Photij Nomocan. tit. 8. Habuit hanc facultatem sanctus Cyrillus Alexandrinus à Romano Papa Cælestino, quando facta est Ephesina Synodus contra Nestorium. Cum non posset Cælestinus adesse Ephesi, & iudicare Nestorium: visum est, ut sancto Cyrillo à Cælestino permetteretur, præsidere huic Synodo. Ut itaque constaret eum habere ius & auctoritatem Papa, sedit cum Phrygio & condemnauit Nestorium.

Coniuncta sunt enim hæc duo, quæ copulauit Balsamon, ut non in præsidendo tantum, sed & in iudicando Cyrillus, non tam suam, quàm vicariam Cælestini personam & potestatem exereret. Vnde Arnobius in conflictu cum Serapione: *Apostolica recordationis vir sanctus Cyrillus Alexandrinus Episcopus, cum cognouisset Nestorianum dogma contrarium fidei pullulare; scripsit per totam Ægyptum, & ad sanctum Cælestinum Apostolica recordationis Antistitem misit, dicens, ad laudem suam pertinere, si ab eo qui Pontificatus arcem tenebat, fuisset aliquid emendatum. Sanctus verò Cælestinus ita synecrasius eius extitit, ut in Nestorij damnationem dictasset sententiam, &c.* Vides ut summa iudicij huius potestas, vel ab ipso Cyrillo ad Cælestinum delata sit, tanquam ad Pontificatus arcem. Cui

III. Nec Synodo tantum, sed & ante iudicio in Nestorium toti præfuit Cyrillus, vices agens Cælestini.

consentit Marcellinus Comes in Chronico : *Cælestinus Romana arcis Pontifex Nestorio pravitatis Episcopo , per epistolam suam datis eidem decem dierum induciis , vel pœnitenti veniam , vel dissentienti damnationem denunciat. Idem Nestorius apud Ephesum ducentorum sanctorum Patrum Synodo condemnatus est , Cælestino Cyrillum Alexandrina civitatis Episcopum pro tempore vicarium denunciante. Vides quò spectaret Cælestini vices demandari Cyrillo.*

IV. Id ipsum efficacissimè colligitur ex epistolis Cyrilli & Cælestini ipsius.

Sed nusquam maior lux affulgebit quàm ex ipsis Cælestini & Cyrilli epistolis. Cyrillus ergo epist. 9. ad Cælestinum, ita habet: *Quoniam verò Deus hisce in rebus prudentiam à nobis exigit , longaue Ecclesiarum consuetudo suadet , ut eiusmodi res sanctitati tue communicentur: necessario rursum scribo , illud significans , quod Satanas etiam nunc omnia miscet, &c. Cumque mox Nestorij intemperias & effusitos errores memorasset , subdit: At quamvis res ita se habeat , non prius tamen illius communionem confidenter abiicimus , quàm hac ipsa pietati tue communicemus. Digneris proinde sententiam declarare ; & utrum communicare cum illo oporteat , an liberè eidem denunciare , neminem cum eo communicare , qui eiusmodi erroneam doctrinam foveat , ac predicat. Porro tua integritatis mens , & super hac re sententia , & piissimis Macedonia Episcopis , & omnibus Orientis Antistitibus perspicuè per literas exponi debet. Nam cupientibus illis ansam dabimus , ut omnes uno animo in unâ sententiâ persistant , recteque fidei , quæ iam impugnatur , opem ferant. Principatus sanè fidei & Episcopatus Cælestino hîc tribuitur , cui longa Ecclesiarum consuetudo communicari iubet maiora ubique terrarum momenta causarum : cuius primùm sententia de Nestorio , & in Nestorium vel à Cyrillo expectatur ; cuius est ut communionem Ecclesiæ toto orbe diffusæ Nestorio donet , vel interdicat : cuius est ad Episcopos etiam Orientis omnes perscribere , & regulam dictare fidei & communionis. Cælestinus verò hæc ad Cyrillum : Quamobrem nostra sedis auctoritate adscitâ , nostrâque vice , & loco cum potestate usus,*

συναφείσης σοι τοίνυν τῆς ἀνδρείας τῆς ἡμετέρας θρόνῳ, & τῇ ἡμετέρῃ τῷ τόπῳ δόξης, ἐπὶ ἧς οἱ αἰετὶς χροιάμενος, eiusmodi non absque exquisita severitate sententiam exequeris : nempe ut nisi decem dierum intervallo ab huius nostrae admonitionis die numerandorum, nefariam doctrinam suam conceptis verbis anathematizet : eamque de Christi Dei nostri generatione fidem in posterum confessurum se spondeat, quam & Romana, & tua sanctitatis Ecclesia, & uniuersa denique religio praedicat, illico sanctitas tua illi Ecclesiae prospiciat. Is verò modis omnibus se à nostro corpore segregatum esse intelligat. Audin ut prima sedes ad secundam fidenter scribat, & sententiam decretoriam ferat, eiusque executionem illi mandet, suamque ad id muneris auctoritatem & vicem concedat?

Et rursus idem Cyrillus ad Ioannem Antiochenum profecutus, ut se Nestorius, suumque dogma Cælestino insinuare molitus sit per epistolas, eoque adactus & ipse sit rem totam ut habebat, eidem Cælestino pandere : subdit : Porro expositionibus illius, epistolisque lectis, sancta Romana Synodus disertam statim in illum sententiam tulit : qua de re, & ad tuam quoque pietatem scripsit. Horum itaque decreto modis omnibus parendum est illis, qui à totius Occidentis communionem excidere noluerint. Scripserunt & ad Macedonia Episcopos, &c. & ad Aelia Episcopum Iuvenalem. Iam tua pietatis fuerit, quid in rem futurum sit, diligenter expendere, Nos enim quae illi iudicauerunt, sequi omnino constituimus ; veremur namque ne à tantorum virorum communionem excidamus. Et hinc patet, ut fidei communionisque Catholicae dux moderatorque summus sit Romanus Pontifex ; & ab Alexandrino ac Constantinopolitano ambiatur ; hunc cum suo errore damnet, illum sententiae executorem constituat : summam iudicii sui ad Antiochenum & Hierosolymitanum perscribat : omnibus teste Cyrillo parendi necessitatem imponat. Cyrillus ergo etiam ante Synodum iam vices & personam sustinens Cælestini, haec ad Nestorium scribit : Ecce igitur una cum sancta Synodo qua in magna Romanorum ciuitate, sanctissimo Cælestino pra-

V. Ut principatum fidei, & Episcopatus, & communionis tenens Papa, necessario praest.

fidente conuenit, iam tertio his te literis contestamur: &c. Quod sanè nisi iuxta tempus in literis sacratissimi comministri Cælestini præscriptum præstiteris, certò scias nullam tibi deinceps cum Episcopis & sacerdotibus Dei sortem, nullum sermonem, nullum denique inter eos locum futurum esse. Non suam ergo, sed Cælestini sententiam exequitur Cyrillus, & ante Synodum, iam Christiano orbi præerat, nomine & vice Cælestini. Assurgebat & Ioannes Antiochenus authoritati & sententiæ Cælestini, & ad obsequium inuitabat Nestorium, ei in hunc modum scribens: Licet Dominus meus Cælestinus decem tantum dierum interuallum, terminum usque responsioni præfinitum valde angustum literis suis interposuerit: tamen res ea eiusmodi est, ut non dico decem diebus, sed uno, imò verò paucis horis tota confici posse videatur. Nam quid facilius quam nomine comodo, multisque sanctis Patribus usitato uti, &c.

VI. Ideo Cyril-
lus præfuit Sy-
nodo, quia to-
ti prius negotio
præfuerat, vice
& nomine Cæle-
stini.

Quas enim ante Synodum Cælestini vices obierat, easdem in ipsa Synodo consequenter sustinuisse Cyril-
lum, ita tradit Liberatus in breuiario cap. 5. *Cælestinus Papa Romanus scripsit Nestorio increpationis epistolam, tribuens ei decem dierum spatium; ut si minimè Nestorius emendaret expositiones suas, cognosceret se ab eius collegio, & omnium sanctorum Episcoporum consortio esse separatum; insinuans, dedisset vicem suam in Concilio Cyrillo per epistolam suam, &c.*
Et mox Porro Cyrillus cum suis habens vices sedis Apostolica, &c. Quibus non discordat Prosper cap. 41. cont. Collat. *Per hunc virum, Cælestinum Papam, etiam Orientales Ecclesia gemina peste purgata sunt; quando Cyrillo Alexandrinæ urbis Antistiti, gloriosissimo fidei Catholica defensori, ad execrandam Nestorianam impietatem, Apostolico auxiliatus est gladio.*

VII. Primam lan-
dem & palmam
damnati Nesto-
rii Synodus ipsa
Cælestino ad-
scribit.

Primas denique authoritatis partes & principatum in hac Synodo obtinuisse Cælestinum, palam fit ex ipsa Synodi relatione ad Imperatores: *Huius rei causâ, Nestorium quidem à sacerdotio & pestilente doctrinâ cessare iussimus, canonicam in eum depositionis sententiam proferentes, & collau-*

dantes sanctissimum Episcopum magna Roma Cælestinum, qui ante nostram sententiam heretica Nestorij dogmata damnauit, & ante nos sententiam in ipsum tulit, prospiciens securitati Ecclesiarum & pia sanctæque fidei, &c. Ita continetur act. 1. Concil. Ephes. At act. 3. eadem œcumenica Synodus in aliâ ad Imperatores relat. Licet maximum itineris spatium uniuersam illam Episcoporum Occidentalium multitudinem ad nos peruenire prohibuerit: attamen illis in locis simul congregati, Cælestino sanctissimo Romæ Episcopo presente, & nunc nostram de fide sententiam magno consensu pradicarunt: eosque qui diuersa sentiunt, ab omni prorsus sacerdotij sorte, graduque alienos esse definierunt. Et hac quidam antequam etiam sanctissima hac Synodus conueniret, Cælestinus per literas suas indicauerat: Cyrilloque, ut suas vices subiret, commiserat. Sed & nunc denuo aliis etiam epistolis sanctæ Synodo hac significauit, &c. In hærescos profligationem præisse sibi Cælestinum gratulantur, nec potuisse se ab eius sententia deuiare, nisi si communionem Occidentalium abiicerent, & Ecclesiæ unitatem dilacerarent. Denique illa maximi sunt ponderis verba, quæ adnotauit Nicolaus I. epist. 9. nempe in sententia depositionis aduersus Nestorium, act. 1. *Neceßitate adaecti, ἀναγκῆς κατὰ τὴν θείαν, per sacros canones, & epistolam sanctissimi comministri Cælestini, Romana Ecclesiæ Episcopi, lacrymis subinde perfusi, ad lugubrem hanc contra eum sententiam venimus.*

Perinsulsum est autem quod excipit Nouatorum quidam, æquè Africanorum vices impleſſe Cyrillum, nec illis tamen subesse ideo augurandum. Etenim in relat. ad Imp. per Candidianum Kalend. Iuliis missa, Synodus omnes totius orbis Episcopos unum idemque sentientes habet. Nam & magna Roma Episcopus Synodo simul interest: adsunt & Africani per piissimum Archiepiscopum Cyrillum, cui & suam sententiam coniunxerunt, solâ locorum intercapedine coniuncti, &c. Et infra in aliâ relatione per Ioannem Comitem missâ, Œcumenica Synodus, quæ uniuersum Occidentem, cum magnâ vestrâ Româ, & Apostolico throno, totam item Africam, &

VIII. Exagitur
insulsa Nouato-
ris exceptio, A-
frorum quoque
vices impleſſe
Cyrillum.
Blond. de prim.
p. 305. 311.

totum Illyricum in confessu suo habet. Quibus simillima alia habentur in alia relatione per Iuvenalem & legatos Romanos missa. Nihil vecordius obiectari poterat. Nam 1. nusquam legitur Africanos Episcopos vices suas Cyrillo mandasse, centies legitur Cælestinum. 2. Expressè dicitur ideo per Cyrillum adesse Afros, quia suam illi sententiam coniunxerunt, non quia suas illi vices delegarunt. 3. Quis ferret Africanos Episcopos imponere Cyrillo τὸ ἀνθενήαν sui throni, hortarique exinde ut fidenter agat, & cum seueritate damnet Nestorium? 4. Aderant Africani per Diaconum ad id missum, cui vices suas iniunxerant. 5. Capreolus ipse ad Synodum per Besulam Diaconum scribens, nec verbum facit de legatione suæ Carthaginensis, vel Africanæ totius Ecclesiæ Cyrillo mandatâ. 6. Nusquam Cyrillus subscribitur ut vices Afrorum gerens, ubique ut Cælestini. 7. Quantum interstitij sit Africanam inter & Romanam Ecclesiam Capreolus ipse Carthag. Episcopus in epistola ad Ephesinam hanc Synodum testatum facit: *adhortans ne secundæ disputationis pretextu renouari videantur errores, quos pridem impugnauit Ecclesia; hisque temporibus repullulantes, Apostolica sedis auctoritas, sacerdotumque in unum consonans sententia oppressit.* Vbi vides quàm extollat τὸ ἀνθενήαν τῆς καθολικῆς καὶ ἐκκλησιαστικῆς. 8. Cæteræ quidem omnes Ecclesiæ laudantur, ut suo singulæ concentu momenti aliquid addentes ad Catholicæ Ecclesiæ consonantiam testificandam, sed ante omnes ubique *magna Roma, & Apostolicus thronus* prædicatur. Denique non ab Afris, sed à Cælestino damnari se exhorruit Nestorius, apud illum purgare se enixus est, apud illum à Cyrillo accusatus est, ille damnationis sententiam primus tulit, ille diem & litem recantandi erroris pestiferi præstituit, ille sententiæ suæ executionem Cyrillo mandauit, ille ipsius horratu Cyrilli excommunicationem Nestorij Antiocheno, Hierosolymitano, aliisque Orientis Episcopis significauit; illius nomine Cyrillus legem & necessitatem canendæ

dæ

dæ palinodix, vel incurrendi anathematis denunciavit, illius denique non Afrorum sententiam pridem in Nestorium intortam se contestata iterum iterumque est vniuersa Synodus sequi, & ex necessitate sequi. Denique quam in rem Cyrilli fuerit, vices & personam vnius maxime gestare Cælestini, clarebit ex Leontio de sect. act. 4. *Imperator Ephesi Synodum haberi iubet; iudicemque constitui tam Cyrillo, quam Nestorio Ioannem Antiochenum Episcopum. Quin Cyrillus ipse epistolâ 8. reformidauerat, ne Iudex sibi Nestorius designaretur: Ne miser ille speret, se rerum nostrarum iudicem fore. Nos eius iudicium recusabimus. Has ille minas & iniurias obtento Cælestini nomine facile propulsauit.*

Atque ut ad reliquas iam Synodos proficiscamur, in iisque præsidendi ius euincamus Apostolicæ sedis proprium & peculiare fuisse: à Pseudosynodo Ephesina ordiamur, quæ paucis post annis in Ecclesiæ excidium confluxit. Præfuit ergo huic quidem Dioscorus, sed quo iure & quo exitu, id verò indagandum impiæsentiarum est. Fascinatus à Dioscoro Theodosius Imperator, dedit illi per epistolam quæ lecta est in hac Synodo, & relecta Chalcedone, τὴν ἀντιπαραστῆσαι τῇ ἐκ δεξιῶν. Et infra rogant iudices in hunc modum: *Reuerendissimi Episcopi, quibus ἡ ἀντιπαραστῆσαι τὸν τῆς ἐκ δεξιῶν ἀρχιεπίσκοπον, ab Imperiali vertice data est, dicant, &c.* Non suo ergo vel sedis suæ iure, sed subreptitio Imperatoris rescripto præfuit Dioscorus. Audi Liberatum cap. 12. *Eutyches petit Dioscorum Alexandrinum Episcopum, ut quæreret quæ de illo acta sunt, & causam examinaret. Agebat apud principem, vniuersalem fieri Synodum, ut probaretur iudicium Flavianii. Scripsit ergo Dioscorus Theodosio Imperatori, quia aliam fieri Synodum generalem oportet; & ut fieret, persuasit Eutyches. Annuit Imperator, & dirigens sacram Dioscoro, &c.* Ex his auspiciis de re tota omninandum. Et infra: *Sedentibus in basilica Dei Genitricis Maria illis Episcopis, Ecclesia Romana Diaconi vices habentes Papæ Leonis assidere non passi sunt, eò quòd non fuerit data*

IX. Ad alias itur Synodos, & primò ad Ephesinam Pseudosynodum, ut idem euincatur.

Hh

præfessio sanctæ sedis eorum. Actione autem 1. Concil. Chalcedon. Apostolicæ sedis legati protinus conqueruntur de Dioscoro, *iudicij sui necesse est enim dare rationem, quia cum personam indicandi non haberet, præripuit: & Synodum ausus est facere sine permissione sedis Apostolicæ, quod nunquam factum est, nec fieri licet.* Vide & Euagrium lib. 2. cap. 4. & 18. Et idem l. 1. c. 10. *Huius Concilij præses fuit Dioscorus, quo odium in Flavianum incenderetur: Chrysaphius enim qui tunc præfectus palatij fuit, hanc rem callidè molitus est.* Quantam porro illa Dioscori audacia Ecclesiæ vniuersæ cladem importarit, nemini incompertum est: ut quia tunc non præfuit sedes Apostolica, hinc inuictissimè constet præesse debere Synodis: & quod præsit, Ecclesiis Synodisque præstari, non ipsi. Vnde Prosper in Chron. *In qua Concilio Dioscorus Alex. Episc. primatum sibi vendicans, absoluto Eutychæ, in Flavianum Episc. C.P. damnationis sententiam tulit.* Et Victor Tunun. in Chron. *Synodus generalis 11. congregatur in Epheso: in qua Dioscorus Alexandrinus principatum usurpans imperiali favore, Eutychen post legitimam damnationem absoluit.*

X. Chalcedonen-
si Leo Papa præ-
fuit per legatos,
suo iure, non im-
peratorio rescri-
pto.
Conc. Chalced.
part. 1.

Chalcedonensi Synodo præfuit utique Leo Papa per legatos. Id quoque Imperatores ei concessere, vel cælitus potius concessum agnouere. Valentinianus & Marcianus ad Leonem, *Tuam sanctitatem principatum in Episcopatu fidei possidentem sacris literis in principio credimus alloquendam, inuitantes atque rogantes, &c. quatenus sublato omni errore per Synodum celebrandam te anthore, οὐ ἀνδριανῶτος, &c.* Et Pulcheria ad eundem Leonem, prius professa, se & coniugem, & Anatolium Apostolica ipsius literarum confessioni adhærescere, eius ad Flavianum epistolæ subscripsisse etiam Anatolium, domum orat facto Concilio & de Catholica confessione, & de his Episcopis qui ante hoc segregati sunt, *sicut fides & Christiana pietas exigit, te anthore, οὐ ἀνδριανῶτος decernant.* Longo hæc intervallo distant ab illa Theodosij sacra in gratiam Dioscori: illic enim sola spirat Imperatoris gratia, & voluntas: hic autem non pri-

cipis beneficium, sed sedis ius & prærogatiua effulget. Præesse enim Synodo iubetur is *qui principatum in Episcopatu diuina fidei possidet, cuius Apostolica confessio, cuius epistola ad Flavianum, ceu fidei fax & communionis Catholicæ tessera, vniuersum iam orbem occuparat, & Pseudosynodi Ephesinæ vulneribus medebatur.* Et in ipso Synodi exordio Paschasius ita orditur: *Beatissimi atque Apostolici viri Papæ urbis Romæ, quæ est caput omnium Ecclesiarum, præcepta habemus præ manibus, &c.* Et Leo Papa in epist. ad Synodum Chalcedon. *In his fratribus Paschasiano, &c. qui ab Apostolica sede directi sunt, me Synodo fraternitas vestra existimet præsidere.* Et Synodus ipsa Chalcedonensis in epist. ad Leonem Papam, ipsum sibi præfuisse ita testatur, *Quibus tu quidem suus membriscaput præcras, ὡς κεφαλὴ μελῶν ἡγεμόνεις: in his qui tuas vices obibant.* Et Ferrandus Diaconus in epist. ad Pelag. & Anat. n. 5. *Ibi fuit in legatis suis sedes Apostolica, primum tenens vniuersalis Ecclesiæ.*

Quintæ Synodo non affuit, ideo nec præfuit; sed ut adesse, ita & præesse inuitatus est Vigilus ab Eutychio, *Ideo petimus presidente nobis vestrâ beatitudine, sub tranquillitate, & sacerdotali mansuetudine, propositis sanctis Euangelis, communi tractatu, eadem capitula in medio proponenda, &c.* Rescripsit Vigilus, *Poposcit vestra fraternitas, ut nobis presidentibus, de tribus capitulis, ex quibus questio nata est, conferatur, &c.* Si affuisset autem, fore ut præsideret, vel ex eo rursus liquebit quod ad eum inuitandum delegati sint tres Patriarchæ, Constantinopolitanus, Alexandrinus, Antiochenus cum septendecim metropolitibus. Liquebit & ex eo quod Collat. 5. agens hæc ipsa vniuersalis Synodus de Synodo Mopsuestena, ait: *Facta est verò suggestio ad sanctissimum Papam antiquioris Romæ Vigilium ab iisdem Episcopis, ita habens: Decebat verè, cum primam inter sacerdotes dignitatem sortiti estis, sanctissimi; ea qua ad sanctarum Ecclesiarum statum respiciunt, manifesta vestra diuinitus honorata beatitudini fieri.* Liquebit & ex eo, quod

XI. Quintæ Synodo præfuisse Vigilus si affuisset. Syn. 5. Coll. 2.

Iustinianus Nou. 131. ita statuit: *Prædictarum quatuor Synodorum dogmata, sicut sanctas Scripturas accipimus, & regulas sicut leges observamus. Ideoque sancimus secundum earum definitiones sanctissimum senioris Romæ Papam, primum esse omnium sacerdotum: beatissimum autem Archiepiscopum Constantinopolis nouæ Romæ, secundum habere locum post sanctam Apostolicam senioris Romæ sedem, aliis autem sedibus omnibus præponatur. Primatum ergo Romanæ sedis ex quatuor Conciliis generalibus iam conspicuum proficetur, non imperiali sanctioni obnoxium. Liquebit denique ex eo, quod iam antè cùm ad aliquid nefarium Anastasius Imperator Macedonium Episcopum C.P. urgeret vehementer, ille nihil se facturum dixit, sine æcumenica Synodo, præsidem habente magnæ Romæ Episcopum.*

Theodorus Lector
Coll. 1. 2.

XII. Sextæ Synodo præfuit Agatho.

Otiosum ferè iam est de sexta Synodo verba facere. Pauca libabo ex prosphonetico sermone ad Imp. a. 18. *Vestris diuinitatibus præceptis acquiescentes, tam ô τῆς πρῆτης ἐπισκοπῆς ῥώμης & ἀποστολικῆς ἀνεργόλης ἀρχιεπισκοπῆς ἀρχιεπίσκοπος, antiquæ Romæ & Apostolicæ summitatis summus Pontificum Antistes, quam nos humiles, Christi tamen sacerdotes atque ministri, &c. Et infra: Proinde inspiratione sancti Spiritus conspirantes, & ad inuicem omnes consonantes, atque consentientes, & Agathonis sanctissimi Patris nostri, & summi Papæ dogmaticis literis ad vestram fortitudinem missis, nec non & suggestioni sanctæ, quæ sub eo est Synodi 125. Patrum concordantes, prædicamus Christum, &c. Et infra rursus: Summus nobiscum concertabat Apostolorum princeps. Illius enim imitatore & sedis successorem habuimus fautorem, & diuini sacramenti mysterium illustrantem per literas, &c. Per Agathonem Petrus loquebatur, & cum omnipotenti coregnatore pius Imperator simul decernebas, &c. Principatum Synodi, fidei, & totius rei Christianæ Romano Pontifici, vt Petri successor adscribunt. Quin & paulò antè iidem Patres superiora Concilia æcumenica pernumerantes, primas ubique partes Synodi, fideique adsignauerant Romano Antistiti & Imperatori: quod vterque vniuersalis*

fit Episcopus, ille in ipsis Ecclesiæ visceribus, hic exte-
riùs excubias agens. Arius diuisor atque partitor Trinitatis
insurgebat, & continuo Constantinus semper Augustus, & lau-
dabilis Sylvester magnam in Nicea Synodum congregabant, &c.
Macedonius Spiritûs denegabat Deitatem, sed maximus Impe-
rator Theodosius, & Damasus fidei adamant protinus obstiterunt,
&c. alterum Nestorius, & iterum Celestinus & Cyrillus, ut Ephe-
sus loquitur, &c. Deinde Eutychetis insania delirante, Leonis
tuba tanquam leonis rugitus viriliter vociferans ex Roma ar-
chimandritam bestiam perterruit, &c. Sicut & Vigilins post hæc
Iustiniano piissimo consonuit, & quintum Concilium consti-
tum est, &c. Ubique ergo & congregandæ, & moderan-
dæ, & inclinandæ in sana fidei dogmata Synodi œcu-
menicæ potestatem primariam Romanis Præfulibus ven-
dicauit, quippe qui sint Petri Apostolorum principis sedis suc-
cessores & imitatores.

Atque ut retro flectamus vestigia, nec intactam elabi-
sinamus Nicænam Synodum: huic quoque Osium Cor-
dubensem Episcopum cum Vito & Vincentio præfuisse
nomine & vice Sylvestri, iam ut reor, sextæ Synodi au-
thoritas persuasit. Item ex aliarum generalium post Sy-
nodorum præiudicio idipsum astringitur, quæ Nicænam
Synodum ad vnguem exprimere enixæ sunt. Deinde quo
alio iure præfuisse Osium, supra secundam & tertiam se-
dem, nisi velut primæ sedis legatus? Adde Gelasium Cy-
sicenum qui lib. 2. cap. 5. *Ipse etiam Osius ex Hispaniis no-
minis & fame celebritate insignis, qui Sylvestri Episcopi maxi-
ma Roma locum obtinebat, unâ cum Romanis presbyteris Bito-
ne & Vincentio aderat. Quæ ille ex Eusebio refert, etsi
nunc aliter apud Eusebium legatur. Eadem repetit c. 12.
Eadem refert ex Gelasio Cyficeno Photius in Biblioth.
cod. 88. Quin & lib. de Synodis idem Photius Vito &
Vincentio Osium consociat, in vice Sylvestri obeundâ.
Hincmarus quoque lib. 55. cap. 20. Sylvestri tempore cele-
brata est sacra Nicæna Synodus, cui ad vicem Sylvestri præfede-
runt Osius Cordubensis Episcopus, Victor & Vincentius presby-*

XIII. Nicænz
primæ Synodo
per legatos præ-
fuerat Sylvester:
Et suo quodam
etiam modo se-
cundæ œcume-
nicæ Damasus.

teri urbis Romæ. Adde quod ea inoleuerit deinceps consuetudo, ut ad Synodos generales non presbyteros tantum, sed & Episcopos sua vice legaret Romanus Antistes, ut ex Sardicensi, Ephesina, aliisque œcumenicis Conciliis patebit. Denique nulla se tantum iactauere Synodo Romani Pontifices, quantum Nicæna, & quidem ij ipsi, qui eadem penè ætate rexerunt Ecclesiam, Iulius, Innocentius, Leo, &c. Maiestatem ergo suæ sedis in ea Synodo amplissimis honoribus cumulatam non ambigebant. De secunda Synodo œcumenica nihil attinet disputare, cum ei nullus affueret Occidentalium. Sed cum œcumenicæ authoritatis culmen non sit adepta, nisi consensione Damasi Papæ, & Occidentalis cum eo Synodi; ne hîc quidem primatus sui insignia Romanæ sedi decerpi potuere. Vnde & sexta Synodus non rerum corticem lambens, sed medullam inuadens, primariam laudem oppressi Macedonij peræquè Theodosio & Damaso tribuebat. Et Marcellinus Comes in Chronico: *Sanctis CL. Patribus urbe Augustâ congregatis, &c. Sancta Synodus confirmata est; Damaso videlicet sedem B. Petri tenente: Constantinopoli verò per Timotheum Alexandrinum, Melchium Antiochenum, & Cyrillum Hierosolymitanum Episcopos. Nestario, &c.* Scitè prorsus. Etsi enim non affuit, præfuit ramen œcumenicæ Synodo, quisquis Petri sedem tenuit. Præfuit nimirum authoritate, consensu, principatu.

XIV. Præfuit Synodis etiam suo quodam modo Imperator, ut pacis & ordinis conciliator.

Non abs re erit autem, imperatorium quoque Synodis præsidendi ius cuiusmodi sit, vna & eadem opera vestigare. In Ecclesiasticis ergo, & historiæ, & Synodorum monumentis legitur subinde Imperator & affuisse, & præfuisse Conciliis, nimirum velut exterior Episcopus; ut Ecclesiæ, ita & Synodi defensor; tumultuationum propulsator, pacis & ordinis vindex. Præfuit autem summus Pontifex, ut Episcopus interior, ut Episcopatus & fidei princeps, ut Apostolicæ cathedræ hæres, ut Petri successor. Id nos docent Chalcedonenses Patres in

relat. ad Leonem Papam, *Tu vocis beati Petri omnibus constitutus interpres, &c. Tu sicut membris caput praeeras, in his qui tuum locum tenebant, benivolentiam tuam praefrens: Imperatores verò fideles ad ornatum praeerant: sicut Zorobabel & Iesus, Ecclesiae tanquam Hierosolyma adificationem renouare circa dogmata enitentes. Ergo Synodo praeerat Leo, praeerat Marcianus; ille ut Iesus, hic ut Zorobabel: alter summi Pontificatus, Imperij alter apice praefulgens: uterque ad Ecclesiae instaurationem conspirans. Quod autem praesset Imperator ad εὐνομίαν, ut ait Synodus, vel potius adesset: ut seditiones praeuerteret, & ordinem, pacemque Synodo adsereret, ipsemet Marcianus testatur. In sacra enim ad Episcopos missa, ut Nicæam conuenirent, *Nostri pietas aderit in ipso Concilio, &c.* Et ad eosdem Nicææ congregatos, *Ut nostrâ pietate praesente decernantur, quae omnem discordiam, questionemque summoncant.* Nempe post Ephesinum latrocinium, ubi cædibus & vinculis grassatus erat Dioscorus, vix ac nec vix poterat pax Synodo, nisi praesentiâ Imperatoris conciliari: cum vel maximè Nicææ Monachi rursus cœpissent furari. Inde ergo Episcopos Chalcedonem euocans Marcianus, scribit: *Nam & Episcopi qui vice Leonis Archiepiscopi urbis Roma venerunt, à nostrâ tranquillitate petierunt, quatenus omnino nos adesse debeamus sancto Concilio; affirmantes quoniam non paterentur illic absente nostrâ pietate venire.* Denique act. 4. eiusdem Chalced. Synodi Marcianus Synodum alloquitur: *Nos enim ad fidem confirmandam, non ad potentiam ostendendam, exemplo religiosissimi principis Constantini, interesse Synodo valuimus.**

Explorandum ergo est, quo consilio & quo schemate affuerit Constantinus Synodo Nicææ. Id narrat Eusebius lib. 3. de vita eius cap. 10. *Postquam Imperator ad caput sanctissimum venit, primus medius stetit. Positaque ante eum humili sella, ex auro fabrefacta, non prius assedit, quam Episcopi ei innuissent. Idem omnes post Imperatorem fecere. Nihil hic iactantiae spirat, nusquam praesidere, sed sedere in*

XV. Rursum expenditur Imperatoria ratio praesidendi, longè dissimillima & degenera Pontificia.

καταμνηστικῶν
ἐκείνων.

καταμνηστικῶν.

humili sella describitur Imperator, idque annuentibus demum Episcopis. Et *praesidere* quidem sextæ Synodo scribitur Constantinus Pogonatus in ipso actorum vestibulo: & in epist. Leonis Papæ ad eundem: *Sancta universalis sexta Synodus, quam nutu Dei studiosè vestra clementia conuocauit, & cui pro Dei ministerio praefuit.* Quin actione 12. & sequentibus, cum abesset Imperator, habitæ tamen illæ sunt, *καταμνηστικῶν τῶν ἐκείνων* eius. Sed ne quis hinc offendatur, audi quid de ea re scribat Gregorius Papa Romanus in epist. 1. quæ prælegitur in anteaetis septimæ Synodi: *Interposito iureiurando scripsit ad nos, & nobiscum egit, ut ad uniuersalem Synodum congregandam viros utiles mitteremus. Neque cum illis, inquit, tanquam Imperator sedebam, aut imperiosè loquar: sed tanquam unus ex illis: & prout fatuerint Pontifices, ego exequar: & eos qui rectè loquuntur, admittimus: eos qui malè loquuntur, expellemus, & exiliis relegabimus. Si pater meus quidquam ex intemerata fide peruerterit, ego primus illum anathematizabo. Tum nos Deo benenolente misimus, & cum pace sexta Synodus celebrata est. En quo animo præfuerit Synodo sextæ cognominis imitator Constantini: En quo Constantinus ipse primæ. Nam ut ibidem illico Gregorius: *Scis, Imperator, sacra Ecclesiæ dogmata, non Imperatorum esse, sed Pontificum, quæ intò debent dogmatizari. Idcirco Ecclesiis prepositi sunt Pontifices, à reipub. negotiis abstinentes: ut Imperatores similiter ab Ecclesiasticis abstineant.* Multò magis ad eum sensum trahetur illud quod act. 8. Synodi 7. Græcæ legitur Irene Imperatrix cum filio præfuisse. Nec enim libet hic ea persequi, quæ Galli in hanc Irenes Synodo præsidentis licentiam bacchati sunt, libri Carolini part. 3. cap. 13. *Sicut caput viri Christus est, ita nimirum caput mulieris vir: ac per hoc si mulier viris præesse debet, iam eorum caput est: & si illa eorum caput est, illi necessario caput Christi erunt.* Parco pluribus. Inuidiam eleuauit Hadrianus in suâ ad illud caput responsione, exemplo Helenæ & Pulcheriæ in medium pro-
lato. Octauæ quoque Synodo *praesidere* dicitur Basilius
Imperator*

Imperator aët. 7. Sed refricanda eorum quoque memoria est, quæ ibidem referuntur aët. 10. *Sanctissimi vicarij senioris Roma dixerunt, volumus ut subscribant primitus Christi amatores Imperatores, & deinde secundum ordinem sancta hac Synodus. Basilus piissimus, & Christi amicus Imperator dixit: Tranquillissimum Imperium nostrum sequuntur præcedentes & iustissimos Imperatores, Constantinum videlicet magnum, & Theodosium, & Marcianum, ac ceteros, vult subscribere post subscriptionem omnium sanctissimorum vicariorum. Edocti enim sumus à Christo vero Deo nostro habere exaltantem humilitatem. Et reapse post vicarios Patriarchalium omnium sedium subscribere Imperatores. Quocirca ibidem infra Hadrianus Papa ad Imperatores hæc gratulabundus scribit, In quo illud mirabilis & laudabilis sublimitatis vestra prædicatur insigne, quod non iudicum vel assertorum, sed conscriptorum tantum & obsecundatorum personam usi fuisse dignoscimini: ita ut per humilitatis arcem ad culmen virtutum pervenire dilexeritis potius, quam per imperialis altitudinis fastum ad inanis gloria ima delabi consenseritis. Semel posthac præfuit Concilio Constantiensi Sigismundus Imperator sess. 14. sed extraordinariam prorsus, & inusitatissimam de causâ, & ad momentum pene temporis. Posterioribus Græcorum Synodis præfuere Imperatores cum Patriarchis. Vide Cantacusenum lib. 2. cap. 40. Nicetam Choniatem in Manuele Comneno. Sed & de fide sancire iidem præsumpsere, & Ecclesiam illam fœdissimam servitute affligere.*

Quoniam autem qui singulas Imperij Romani plagas XVI. Qua humiliter Hispa-
discerpere atque occupauere Reges, imperatorias quoque nienlibus Syno-
iure suo inuasere prærogativas: Synodis hi quoque, sed dis affuerint Re-
ad eundem etiam modum præfuere. Toletano 3. Recar- ges Gothi.
redus Rex affuisse scribitur. Toletano 4. Sisenandus cum
magnificentissimis viris ingressus, primum coram sacerdotibus
Dei humo prostratus, cum lacrymis & gemitibus pro se interue-
niendum Domino postulavit. Toletano 12. Eruigius affuit hu-
militatis gratia plenus, & claro pietatis cultu conspicuus, qui

protectorem regiâ potestate monstraret. Et ibidem act. 1. Pio rege multa humiliter & prudenter proponente, &c. Et infra: Iam Rex absque ulla ambitione Synodum ingressus, simpliciter cum Episcopis residebat. Consule si vacat & Synodi Tribu- rianensis sub Formoso Papa epistolam præluculentam, Arnul- phum regem spectabis pompaticè præidentem, sed in palatio: at interim Synodum in Ecclesia collectam: op- timates denique inter Regem & Synodum commeantes vltro citroque.

Vtque ne Britannia penitus obmutescat, audiamus XVIII. Suis item Reges Britanni. Bedam in vita sancti Cutberti cap. 24. *Congregata Synodo non parvâ sub præsentia piissimi ac Deo dilecti regis Egfridi, cui beata memoria Theodorus Archiepiscopus præsidebat, &c. Adest Rex, præest præsidetque tamen Episcopus.*

Atque ut paulò altius demergamur in has imperatorij regique iuris disceptationes, duo hîc alia quasi superio- ribus conferta, se potestatis in Synodos exertæ capita obtrudunt. Alterum in materiâ serieque rerum in Syno- do pertractandarum præscribendâ; alterum verò in con- firmandis regio diplomate Synodalibus statutis versatur. Quæ autem nos ratio adduxerit, ut has quæstiones ex Ephesina maximè Synodo illustrandas adgrederemur, obscurum esse non potest ei, qui huius Synodi gesta vo- lutauerit. Inde enim potissima earum effulgebunt elu- cidamenta.

Theodosius ergo in sacrâ ad Cyrillum & ad metro- politanos missâ, hæc habet: *Tua pietas operam dabit, ut sacrosancto Paschate proximo elapso, sub sacra Pentecostes diem ad Ephesiorum Asia civitatem accurrat; nonnullosque quos ni- mirum idoneos indicabit, suæ provincia Episcopos eodem secum adducat, &c. Caterum ante sanctissimam coactam Synodum, communemque eiusdem, qua de omnibus dabitur, sententiam, nihil quicquam in ullâ prorsus re à quoquam innonetur, &c. Nos nullum impunè abesse sinemus; nec ullam vel apud Deum, vel apud nos quaque habiturus est excusationem, qui statim im- pigrè secundum præfinitum tempus, ad destinatum locum præsto*

XIX. Duplex ius aliud principum, Synodis ordinem iudiciorum præscribere, & earum statuta confirmare.

XX. Potestas Principis in loco, tempore, & reli- quo ordine Synodis præscribendo, declara- tur ex Ephesina hac primùm Synodo.

non fuerit. Et in sacrâ ad Synodum per Candidianum Comitern missâ: *Candidianum, &c. ad vestram Synodum abire iussimus, &c. ut monachos & seculares, qui huius spectaculi causâ, eò nunc confluxerunt, vel confluent, ab illâ civitate summoneat, &c. Prospiciat, ne qua grauior dissensio ex mutuo repugnandi studio coorta, Synodi consultationem, & veritatis indagacionem obturbet, &c. Ante omnia seuerè eidem mandatum est, ne quem ex sanctissimâ vestrà Synodo, aut reditum molientem, aut iter ad exercitum nostrum affectantem, prius inde abire permittat, quàm ea omnia diligenter definita fuerint, quæ in disquisitionem venerant. Hinc ne ullam omnino, aut Ecclesiasticam, aut aliam quamcumque controuersiam, quæ ad sancti dogmatis propositam considerationem non pertinet, ante moueri sinat, quàm eorum omnium quæ nunc in questionem venerunt, ambiguitas soluta sit, &c. Itaque non turbas abigit tantùm, sed diem & locum Synodo indicit, edicit qui adesse debeant, comminatur ni adsint; vetat abire quenquam è Synodo prius, vel quancumque aliam ventilari controuersiam, quàm proposita fidei quæstio fidem lucemque Synodali consensione nacta sit. Iam verò act. 1. Synodi statim Iuuenalis Hierosol. Episc. ait: *Legatorum piissimorum Imperatorum edictum ad omnes metropolitānos destinatum, rebusque quas nunc tractare incipimus, veluti fax praluceat.* Cyrillus epist. ad Clerum Constant. post depositum à Synodo Nestorium, se præfinitum ab Imperatore Concilij diem anteuertisse, & Ephesi præsto fuisse ait, *neque enim contemnere fas erat dominica mandata.* Et Synodus ipsa in relatione ad Imperatores de Orientalibus act. 5. de aduersario Ioannis Antiocheni & Nestorij Conciliabulo ita conqueritur: *Quasi verò vestra pietas duas, & non unam Synodum, quæ & Euangelicam fidem confirmaret, & eos qui peruersa sentirent, ab Ecclesiasticis ministeriis amoveret, fieri iussisset.* Et mox in relat. ad Cælestinum: *Cum pia Imperatorum edicta per quæ fuimus euocati, tempus sanctæ Synodi confessui præscriberent, diem sanctæ Pentecostes, omnesq; concurrissent, ideo maximè, quod Imperatorum literis expref-**

sum erat, si quis ad præstitutum terminum non veniret, eum malâ conscientia deesse, & apud Deum hominesque esse inexcusabilem. Theodosius Orientalium epistolis delusus, per Palladium Magistranium rescripsit, utrimque gesta rescindens, Neque enim quæ de fide sunt, modo quo oportebat, vel prout continebatur sacris literis nostris, quas subinde misimus, examinarunt: proinde placuit sacra Maiestati nostræ, talem procedendi modum nullum habere locum, aut momentum: his verò quæ ineptè & citra ordinem gesta sunt, cessantibus, doctrinam de pietate prius, sicuti decretum fuit, discuti, eamque iuxta communem totius Synodi sententiam obtinere. Ergo quod præter diuina præcepta sua, nec omnes Episcopi cum Cyrillo affuissent, nec Candidianus Comes interfuisset Synodo; eius quoque aduersus Nestorium depositionis, aduersus Ioannem & asseclas suspensionis sententiam rescidit Imperator: rursusque eâ de re à plenariâ Synodo decerni statuit. Synodus in relatione per Palladium missâ Kalendis Iuliis, non expostulat cum Imperatore de usurpatâ iurisdictione, sed ei obreptum fuisse à Candidiano, Nestorianis partibus addicto conqueritur; secum & Romanum & Afros & totius orbis Episcopos consentire docet: orat cum Candidiano euocari quinque Episcopos, qui omnia canonicè gesta ei approbent: Etiam atque etiam maiestatem vestram rogamus, ut sanctæ Synodi studium erga Deum agnoscat, magnificentissimumque Candidianum accersat: & quinque è dictâ Synodo, qui ea quæ gesta sunt, coram vestra pietate exponant, ac defendant. Theodosius Ioannem sacrarum largitionum Comitem Ephesum mittit, qui rebus omnibus accuratè examinatis, Orientalium calumnias retexit; & Synodo, Orientalibusque concessit, ut septem hinc & inde Episcopos ad Comitatum delegarent. Denique ut refertur Ephes. syn. part. 3. c. 14. Cum septem & septem Episcopi ex utraque parte Constantinopolin venissent, Imperator certò comperis sanctam & æcumenicam Synodum omnia κανονικῶς καὶ ἀκολουθῶς, canonico legitimoque ordine fecisse, ac Nestorium deposuisse. Itaque lega-

torum Synodi sententiâ approbatâ, Orientales condemnauit. Vbi autem illa esset discutienda de ordine canonico seruato vel interuerso controuersia, indicauerant Orientales in mandato, quo legatos suos instruxerant: Siue coram sanctissimo Imperatore, siue in consistorio, siue coram sacro senatu, siue in Patrum Synodo. Ordinem ergo iudiciorum præfinit Synodo Imperator, cui religiosè obsequendum Episcopi sibi profitentur: tota de eo seruato aut conculcato ordine inter ipsos concertatio est: iudicem & arbitrum huius controuersia Imperatorem non detrectant, sed ambiunt: eius sententiæ omnes acquiescunt ultro, aut certè subiugantur.

XXI. Nec alia
tamen hæc pote-
stas quàm Exe-
cutoris & Defen-
soris Canonum.

Nec vlla hîc Imperatoris potestas in Episcopos aut Synodos alia subluet, quàm Executoris & Defensoris canonum, non authoris. Itaque cùm authores canonum sint Episcopi, ac velut legum latores Ecclesiæ, Imperator verò horum vindex & executor: regiar semper potestati in Synodis antistat Pontificia. Idque hac ipsâ in Synodo Theodosius testificatur in sacrâ ad Cyrillum & Metrop. part. 1. c. 32. *Reipub. nostra constitutio, eâ quæ in Deum est, pietate præcipuè nititur: multaue inter hanc & illam cognatio intercedere solet. Nam & ex se inuicem pendent, & utraque prosperis alterius successibus incrementa sumit: quandoquidem ut vera religio iustâ actione perficitur, ita respub. vtriusque ope nixa efflorescit. Cùm itaque Deus imperij habenas nobis tradiderit, iisque qui imperio nostro parent, pietatis & securitatis quoddam quasi vinculum nos esse voluerit; harum inter se societatem indiuulsam seruare perpetuò enixi sumus. Et infra: Ante omnia autem in id operam damus, ut Ecclesiasticus status, & eiusmodi sit, qui & Deum deceat, & temporibus nostris quammaximè congruat: isdemque ex omnium concordia & consensione suam tranquillitatem obtineat: tum per Ecclesiasticarum controuersiarum pacem, à turbis & seditionibus liber existat: tum demum ut pia religio ab omni reprehensione immunis existat: eorumque vita qui vel inter clericos censentur, vel magno quoque inter illos sacerdotio funguntur, omni prorsus nauo*

& culpa vacet. Imperio adnata & amplissima sanè est hæc potestas in Ecclesiam, sed sub Ecclesia: subdit enim ipsemet ibidem, id eniti sc, *Vt turba rite secundum Ecclesiasticos canones consopiantur.* Et idem ipse in sacra-priore ad Cyrillum: *Etenim religionem iam inde à primis usque temporibus, non imperantis cuiusquam, aut certè imperium usurpantis interminationes, vel protervia, sed sanctorum Patrum, sacrarumque Synodorum decreta nobis constituerunt.* Et idem ipse extremo quo suprà confirmavit Synodum iudicio, omnia peracta esse *κατανοήσας* iudicavit. Itaque non præest, sed subest Ecclesiæ: non imperat, sed obtemperat Episcopis Princeps, cum leges Ecclesiæ à Patribus dictatas defendat, cum Canones ab Episcopis conditos executioni mandari cogit. Et ubi ordinem iudiciorum dictat Synodis, ubi de eo servato vel everso iudicat, nihil aliud quàm Canones servari præcipit, servatos agnoscit, calcatos ulciscitur, legibus per Episcopos Synodosque constitutis & morem gerit ipse, & ab omnibus morem geri compellit.

Nam in ea potestate defungenda si quid Princeps Canonibus inimicum vel furti sibi, vel excidere, vel extorqueri sinat: tum verò infractos in ipsum animos exerant Episcopi, clerici & religiosi omnes. Cum obreptum Theodosio, Catholicos Ephesi detineri, vexarique, per epistolas à mendico in arundine perlatas Episcopis Constantinopoli versantibus innotuisset, statim, ut ipsi rescribunt, *omnes Archimandrita monachorum catervis stipati exurgunt, hymnosque & psalmos alternantes ad regiam contendunt.* Plebs uniuersa cum cœtu solitariorum cereos præferentium & psallentium, duce Delmatio, qui annos iam 48. reclusus, septis è suis excitus est, Imperatorem adit, Nestorij fautorum artes denudat, addit, *Sex millia ne Episcoporum audire mauis, an unum hominem, eumque impium?* Quo animo autem Cyrillus, quo Synodus fuerit, discimus ex Cyrilli epist. ad Theopemptum: *Postquam religiosissimorum Imperatorum litera, quibus trium depositiones confirmabantur, lecta fuerunt, custodia traditi sumus, & adhuc*

XXII. Ideo si quid præter Canones moliretur Princeps, in os illi obstitabatur.

Inter epist. Catholicæ.

custodimur, ignari prorsus, quò res hac sit euasura. Verumtamen gratias agimus Deo, quòd digni habeamur, non solum vinculis constringi, sed cetera quoque omnia perpeti: neque enim ista premiis suis carebunt. Non potuit autem sancta Synodus induci, ut cum Ioanne communicaret, sed resistit dicens, Ecce corpora, ecce Ecclesias, ecce cinitates, potestatem habetis. Nos autem ut prius cum Orientalibus communicemus, quàm ea dissoluantur, quæ per illorum calumniam contra comministros nostros comparata sunt, ac rectam fidem cõfiteantur, id fieri nullo modo potest. Dignoscuntur enim Nestorij dogmata loqui, sentire & confiteri. Et infrà Clerus Constantinopolitanus in supplicis libello ad Imperatorem sic contestatur: Nostra professionis scopus potestatibus obediendum esse suadet, dummodo tamen eiusmodi obedientia anima conferat. Quòd si illa utilitatis limites transgreditur, tunc etiam aduersus vestrum apicem cum libertate audendum esse diuinarum legum interpretes monent: loquebar in conspectu regum, & non confundebar. &c. Si pergat Imperator assentiri perperam tentatæ ab Orientalibus Cyrilli & Memnonis depositioni, Nos omnes prompti parique sumus ea animi alacritate, qua Christianos homines decet, quoduis periculum cum memoratis sanctissimis viris subire, &c. Quamobrem Christi amantes Imperatores sedulo curate, ne Ecclesia quæ more nutricis vos educauit, ac trophæa aduersus hostes citra difficultatem maiestati vestra erigit, in posterum dissipetur: neve regni vestri tempore martyrum saculum spectandum exhibeatis. Quin potius maiorum vestrorum erga Ecclesiam amorem ac studium memoriâ repetentes; & quemadmodum unusquisque eorum imperij sui tempore sanctorum Patrum Synodis celebratis paruerit, Patrumque sanctiones legibus suis muniendo, quam illis deferrent obseruantiam, satis ostenderunt: ita & vos quoque parem affectum erga sanctam Synodum quam modo conuenire iussistis, alacriter suscipite. Animosè aduersus ipsum Imperatorem insurgunt, obuia martyrio pectora obiectant, pristinos Imperatores Synodis suorum temporum obtemperasse, & ita eas confirmasse: ut planè tota hæc Imperatoris potestas, eius in canones Synodosque obseruantia

imitationem

obseruantia & obedientia specimen sit. Subinde & Synodus ipsa in mandato legatis Constantinopolin missis dato, *Siqua fortè necessitas ab Imperatore afferatur, (nam pia religiosaque Augusti sanctioni quantum fieri potest, obediendum est) siquidem predicti Nestorij, &c. leges præscribit ab Orientalibus subeundas antè, quàm pareatur Imperatori cum eis communicare iubenti: Non priùs autem illis communionem spondeatis, quàm præsides suos recipiat sancta Synodus.* His ex omnibus efficitur non dominari, sed subesse Ecclesiæ Principem: dum Canonibus non superuolitat iudicando de ipsis, sed subiicitur, secundùm ipsos vel iudicando, vel iudicare compellendo.

Consimili potestate vsus est idem Theodosius ad Ephesinam secundam Synodum cogendam. Nam & Dioscorum præesse iussit, vt suprà ostensum est: & in sacrâ ad Dioscorum scriptâ, iussit vt decem non ampliùs metropolitanos, aliosque item decem Episcopos ad Synodum secum adduceret Ephesum, Theodoretum vetuit Synodo adesse, nisi ab vniuerso Concilio accerferetur. Sacrà item aliâ Barsumam Archimandritam, suo & aliòrum Orientalium Archimandritarum nomine interesse sanxit Synodo: Flavianum Constantinopolitanum Episcopum, vt à quo appellatum esset, vetuit in Concilio Ephesino suffragium ferre, imò non iudicem sed iudicandum adesse præcepit, quasi, si præter Canones Eutychem deiecisset, simili pœna retaliandum: quod Elpidius grauitè urgebat, his verbis, *Imperator adimplens ipse primus ordinem legum, cuius est conditor & custos, iussit eos qui semel iudicauerunt, iudicandorum locum obtinere.*

Sed quanta hîc præter Canones ausus sit Theodosius, fari pudet. Nec præesse enim Dioscorus Concilio œcumenico poterat, nec Flavianus inter reos deiici, nec Archimandritarum cateruæ irrumpere in Synodum, nec damnatus Eutyches ouare. Ergo fœdissimus & exitialis fuit eius Synodi exitus, vt vel hinc ista Principum potestas in Synodos temperanda potiùs, quàm exaggeranda con-

XXIII. Eadem Principis potestas enituit in Ephesina secunda Synodo.

Conc. Chalced. act. 1.

XXIV. Cuius exitu constitit temperandâ potiùs, quàm amplificandâ esse hanc potestatem, ne officiat.

iciatur. Parciùs in Chalcedonensi Synodo celebrandâ Marcianus hanc suam potestatem exeruit : ideo & prior ibi labes refarta est, & ingens fidei propugnaculum excitatum. Quintâ in Synodo plura sibi licere voluit Iustinianus, inde calamitatum examina ebulliere. Sextam & septimam legati pontificij præpotentiùs moderati sunt, & deinceps in Occidente potissimum imperatoria in Synodos potestas elanguit, effloruit in dies magis magisque pontificia. Ex quo id quoque perfectum est, ut conticescerent turbæ illæ, & tumultuationes, quæ Tyriam, Antiochenam, Ariminensem, Ephesinam secundam, & si quæ sint aliæ, ubi potestas imperatoria latius sese effudit, sunt consecutæ.

XXV. Huius potestatis aui pex & dux Constantinus.

Vt enim paulò altiùs rem ab origine sua repetam, hanc posteris Imperatoribus potestatem auspicatus erat Constantinus ipse. Nam à Donatistis interpellatus, tres Gallos Episcopos iudices ipse delegauerat; ut cum Romano Antistite & certo Italorum Episcoporum numero, iudicaret, mandauerat; numerum item Donatistis Episcopis præscripserat: iisdem post conquerentibus aliud Arelatense iudicium dederat. Nicææ item Synodum indixit ipse, in Palatio Episcopos coëgit: Tyriam Synodum ut de Athanasio cognosceret, congregauit, tumultuatos ibi Episcopos ad se accersiu, ut rationem redderent iudicij. Effusiùs huic suæ potestati velificatus est Constantius, eo exitu, qui cordatis omnibus inhibendam, non effundendam hanc Principum authoritatem abunde comprobauit.

XXVI. Alterum confirmandi Synodos privilegiū regium declaratur ex Nicæna & Constantinopolitana prima Synodo.

Vt ad alteram denique & postremam regij priuilegij partem accedam, confirmantur etiam & à Principibus Synodi; nec enim aliter, vel defensari ab ipsis, vel executioni mandari possent. Itaque Constantinus ipse Nicænam confirmauit Synodum epist. ad omnes vbique Ecclesias scriptâ apud Euseb. l. de vitâ eius 3. c. 17. & seq. quam tandem ita claudit, *Planè diuinum mandatum libenter suscipite: quidquid enim in sanctis Episcoporum Conciliis ge-*

ritur, id omne ad diuinam referendum est voluntatem. Ad Episcopos autem Tyriæ Synodi hæc idem scribit apud Socratem lib. 1. c. 22. Opus est ut omnes vos ad me properè accedatis, quo ratio rerum à vobis gestarum per vos ipsos accuratè reddatur. Et infra: Athanasius vehementer à nobis postulabat, ut vos eò accederetis, ut nobis presentibus de iniuriâ quam passus fuerat, necessitate coactus posset exposulare, &c. Non inuitus ista ad vos perscribenda curavi, ut omnes qui ad Concilium Tyrium conuenistis, è vestigio ad castra nostra maturaretis, reque ipsâ vestrum iudicium æquum esse commonstraretis, me audiente, quem ingenuum Dei famulum esse, vos ipsi non inficias iueritis. Nam meâ religiosâ erga Deum obseruantia pax ubique viget. Suum esse itaque ducit, Synodi decreta vel firmare, vel infirmare, prout in ea Canones viguerint aut iacuerint. Nam in Tyria Synodo gesta erant omnia *κατὰ δαπάνη καὶ χρεώματα*. A quibus non abluunt hæc secundæ Synodi œcum. verba ad Theodosium, ubi à se gesta & ad eum referri, & ab eo confirmari debere profitentur. *Necessariò ad tuam pietatem referimus, quæ in Synodo sunt gesta, &c. Rogamus tuam clementiam, ut per literas quoque tuæ pietatis confirmetur Concilij decretum.*

Ita & Ephesinæ Synodi, ut suprâ ostendimus, utrimque gesta irritare vel firmare Theodosius integrum sibi esse duxit, pro spreto vel seruato Canonum ordine. Et quidem ab vtriusque partis Episcopis certatim ambiebatur, ut germana Synodus ea esset, cui Princeps suffragaretur. Sacra Synodus act. 1. in relat. de depositione Nestorij: *Vestram maiestatem iterum atque iterum rogatam cupimus, ut vniuersam illius doctrinam à sanctissimis Ecclesiis submoneri, eiusque libros flammis tradi iubeat, &c. Quod si quis vestras sanctiones spreuerit, ille vestra dominationis indignationem formidet.* Et act. 3. in relat. de Legatis Romanis, cum Romanam, cum vniuersas Ecclesias suis decretis consonare præfati essent, *Supplicamus ut caueatur, & ut comminatoria litera ad singulorum locorum præsides celeriter mittantur, ne aliqua rursum difficultas Ecclesiis ingeratur.* Et act. 5.

XXVII. Item ex Ephesina prima.

in relat. de Oriental. *Hac nostra decreta ad vestram pietatem necessario perscripsimus, quam obnixè rogamus, ne hominum criminisorum conuenticulum, Synodus esse indicetur. Nam & in sancto olim 318. apud Nicæam Concilio, nonnulli se à sanctâ & magnâ illâ Synodo separauerunt, nec tamen illi à magno & sancto Imperatore Constantino Synodi loco habiti sunt; quin meritas pœnas subire iussi sunt, &c. Et Imperator ipse in sacrâ per Ioannem Comitem missâ: Hoc fecimus, ut pius serenitatis nostræ, & sanctæ vestræ Synodi scopus expedite concurrat, & ad effectum perducatur. Quapropter Nestorij, & Cyrilli, & Memnonis exanthorisationem à sanctitate vestra nobis indicatam, approbauimus, ἐξέμαρξα. At Synodus in aliâ relatione per 7. Episcopos missâ: Porrectis manibus pietatis vestrae genua attingentes, supplicamus ut quæ per subreptionem contra Cyrillum & Memnonem acta sunt, cum nullam ex sacris Canonibus vim obtineant, omnino irrita declarentur, ne sacra nostra Synodus suo destituatur capite. Denique cum septem ex utrâque parte legati Constantinopolin venissent, & cognouisset Imperator Synodum omnia canonicè peregis- se, ipsam approbauit, Orientales condemnauit, Nestorium exilio multat: Catholicis iniungit, ut Nestorio successorem sufficerent.*

XXVIII. Item
ex Ephesina se-
cunda.
Chalced. Synod.
pars. I.

Nec minùs perspicua res in Ephesina secunda Synodo, quàm à Theodosio ipso irritari postulat Leo Papa: *Ecce ego, Christianissime Imperator, cum confacerdotibus meis, obsecramus coram vnius Trinitatis inseparabili Deitate, quæ tali factò leditur; ut omnia in eo statu esse iubeatis, in quo fuerunt ante omne iudicium; donec maior ex toto orbe sacerdotum numerus congregetur. Romanâ in Synodo cassauit illud latrocinale Conciliabulum ipse Leo, ut ipsemet declarat epist. 33. ad Theodos. Sin aliqui à puritate nostræ fidei, atque Patrum autoritate dissentiant, Concilium vniuersale intra Italiam, sicut Synodus quæ ob hanc causam Roma conuenerat, mecum petit, clementia vestra concedat: ut in vnum conuenientibus omnibus, his qui aut ignorantia aut timore prolapsi sunt, correctionis remediis consulatur. Et manifestius Hilarius Dia-*

conus in epist. ad Pulcheriam: *Vestra itaque veneranda clementia cognoscat, à prefato Papà Leone, cum omni Occidentali Concilio reprobari omnia, quæ in Epheso contra Canones per tumultus & odia secularia à Dioscoro Episcopo gesta sunt: & nullâ ratione hæc in his partibus suscipi posse, quia per potentiam prædicti, non sine læsione fidei, & præiudicio sanctissimi viri innoxique Flauiani commissa sunt.* Sed cum Theodosius confirmasset edicto suam hanc Pseudosynodum, & serò resipuisset, eius edicti retractationem à Marciano postulauit Leo epist. 43. *Sequens verò in prædicta ciuitate non potest vocari Concilium, quod in euerisionem fidei fuisse constat agitatum, quodque vestra clementia amore veritatis Catholicis affutura, aliud statuendo cassabit.* Similiter & act. 10. Concil. Chalced. Paschasinus alique Romanæ sedis legati fidenter pronunciant *Synodum dici non posse, in qua illa nefaria delicta, relecta sunt, &c. A beatissimo & Apostolico Romanæ sedis Episcopo omnia, quæ ibi gesta sunt, vana esse habita, &c. Rursus adeundum Christianissimum Principem, quatenus illud Concilium sacrâ & propriâ lege neque nominari præcipiat.* Et mox Anatolius excipit, tunc abunde destructa fuisse Ephesi sub Dioscoro gesta, cum emendata sunt: nihil illorum valere, nisi maximi Antiocheni ordinationem à Leone Papa approbatam: deprecandum Imperatorem, ut piâ lege sanciat, neque Synodum illam nominari, neque quidquam ibi gestorum valere. Denique rescidit edicto Marcianus edictum Theodosij: *Aboleatur illa constitutio, qua sceleratorum subreptione post obitum sanctæ memoriæ Flauiani aduersus eum lata cognoscitur, cessentque in totum ea, quorum initium fuit iniquum, &c. Quoniam non possunt sacerdotes constitutione damnari, quos Synodicum ornat decretum.* Ita ille Chalcedonensibus Patribus obsecundans. Vbi liquidò claret 1. à Leone Papa & Occidentali Synodo cassatam esse confestim Ephesinam secundam Synodum, idque fidenter ad Theodosium perscriptum esse, ut & ipse edicto suo eandem reuocaret. 2. Cum Theodosius è vitis antè abisset, quàm confirmatam à se Synodum dissolue-

Part. 3. n. 11.
C. n. Chalced.

ret ; nihilofecius Chalcedonenses Patres & illam detestatos esse , & Flavianum ibi damnatum absoluisse , & euexisse laudibus , & denique postulandum ab Imperatore decreuisse , vt eius Synodi memoriam edicto aboleret. 3. Marcianum Synodi precibus annuentem reuocasse non Synodum Ephesinam secundam, sed constitutionem Theodosij, quo ea firmabatur. 4. Ipsum profiteri Marcianum, in reuocandâ Synodo Ephesina, necessario sibi præire debuisse Synodum orthodoxam : *Non posse enim sacerdotes constitutione damnari , quos Synodicum ornat decretum.* 5. Rescinduntur ergo pseudosynodi prius ab Episcopis, tum à Principe Episcoporum decreta exequente : & tunc Princeps nouam authoritatem episcopalibus statutis accumulauit , quando iniuriosos obices à superiori Principe circumiectos propulsauit. Denique Prosper in Chronico : *Marciani edictis Apostolica sedis authoritatem secutis , Synodus Ephesina damnatur.*

XXIX Item ex Chalcedonensi.

Idque ipsum dilucidius fiet, ex Chalcedonensis Concilij act. 16. vbi Lucentius vicarius Apostolicæ sedis aduersus Canonem 28. Anatolij Constantinopolitani fraude adiectum, ita iudices compellat : *Sedes Apostolica præcepit nobis præsentibus omnia fieri. Et ideo quæcumque in præiudicium Canonum hesterrâ die gesta sunt nobis absentibus, sublimitatem vestram petimus, vt iubeatis circumduci. Sin aliàs, contradictio nostra his gestis inhæreat, vt nouerimus quid Apostolico & totius Ecclesiæ præcipuo Episcopo referre debeamus : vt ipse aut de sue sedis iniuria, aut de Canonum euersione possit ferre sententiam.* Suffragati erant iudices Canoni illi inuidioso, orant legati vt circumducant, & contumeliam sedi Apostolicæ, regulisque Nicænis illinere desinant. Sed etsi Iudicum Principisque potestate Canon ille defensetur, non defuturum sibi Apostolicum & totius Ecclesiæ præcipuum Episcopum, quin suam Canonumque iniuriam vlciscatur. Quo etsi sacerdotalis potestas imperatoriæ anteponitur, non huic tamen abrogatur ius Synodos confirmandi. Nam edicto suo Marcianus hanc ip-

sam confirmavit : *Sacro serenitatis nostra edicto venerandam Synodum confirmantes, ὁ ἡμετέριος : admonuimus universos, ut de religione disputare desinerent.* Sanè de Canone illo 28. & legatorum contradictione Liberatus hæc habet cap. 13. breuiar. *Licet sedes Apostolica nunc usque contradicat, quod à Synodo firmatum est, Imperatoris patrocinio permanet quodammodo.*

Cone. Chalc.
Par. 3. n. 4.

In quinta Synodo Iustinianus imperatoris potestatis limites plus æquo amplificauit. Nec nescius tamen ipse fuit regiam auctoritatem in rebus istiusmodi pedisse quam tantum pontificiæ esse, & exterius executricem. Nouella enim 42. plurium Pontificum synodicas deiectiones ita confirmare orditur : *Rem non insolitam imperio & nos facientes, ad præsentem venimus legem. Quotiens enim sacerdotum sententia quosdam indignos sacerdotio de sacris sedibus deposuit, quemadmodum Nestorium, Eutychen, Arrium, Macedonium & Ennomium, & quosdam non minores aliis ; toties imperium eiusdem sententiæ & ordinationis cum sacerdotum auctoritate fuit. Sicque diuina pariter & humana concurrentia, unam consonantiam rectis sententiis fecere.* Præire ergo pontificia, subsequi regia debent edicta : illa enim diuina, hæc humana sunt : & Pontificia regiis, ut diuina humanis ita confirmantur.

XXX. Item ex
quinta Synodo.

Sexta Synodus suis decretis subscriptione Principis robur præberi, τὸ αὐτοῦ ἡγεμῶνος, orat fell. 18. Et Leo II. Papa epist. 2. ad Pogonatum, confirmatam à se eam Synodum ut priori Occidentali Synodo consentaneam præfatus, quod regio quoque confirmata sit diplomate, gratulatur : *Synodali igitur sententiâ & imperialis edicti censurâ, tanquam ancipiti Spiritus gladio error expunctus est.* Et infra fontem huius officij regij aperiens, ait : *O sancta mater Ecclesia, exurge, depone pallium mæroris, Ecce filius tuus, defensor tuus, adiutor tuus, accinctus est gladium, verbum Dei, &c.* Trullanos Canones & confirmarunt Imperatores, & à Romanis Pontificibus confirmari etiam atque etiam flagitare. Sed his constanter abnuentibus, œcumenicæ au-

XXXI. Item ex
sexta, septima,
& octaua.

thoritatis gradu exturbati illi penitus sunt. Septimæ Synodi decreta, ipsâmet postulante, Irene & Constantinus subscriptione sua munuere. Octauam Basilius Imperator & subscriptione sua & edicto firmavit, sed his idem verbis act. 10. Christiani Principis officium delineauit: *De vobis autem laicis, tam qui in dignitatibus, quàm qui absolute conuersamini, quid amplius dicam, non habeo; quàm quia nullo modo vobis licet de Ecclesiasticis causis sermonem mouere, neque penitus resistere integritati Ecclesiæ, & vniuersali Synodo aduersari. Hoc enim inuestigare & querere, Patriarcharum, Pontificum & Sacerdotum est, qui regiminis officium sortiti sunt: qui sanctificandi, qui ligandi & soluendi potestatem habent: qui Ecclesiasticas & cælestes adepti sunt clauis: non nostrum qui pasci debemus, qui sanctificari, qui ligari, vel à ligamento solui egemus.* Ita ergo Synodorum decreta confirmat Princeps, dum & illis sese obtemperare, & reliquos ad idem obsequium, vel volentes inlicere, vel renitentes impellere debere intelligit.

XXXII. Qualis hæc Principum potestas interpretanda sit: quàmque per sese valitura sint Pontificum definitiones.

Cone. Gall. 19. 1.

Sic enim interpretandus est textus ille Iustiniani Nouellæ 131. *Sancimus vicem legum obtinere sanctos Ecclesiasticos Canones, qui à sanctis quatuor Conciliis expositi sunt, & confirmati: Ut regis amplitudinis nihil deterat pia seruitus, quam matri & dominæ suæ debent & dependunt Ecclesiæ. Quippe tametsi placita Ecclesiæ utpote diuina, & à Spiritu sancto dictata plus satis per sese virium habeant: conducit tamen humano generi & domandæ contumacium superbiæ, Principum terrenorum confirmatione illa fulciri; ut diuinis humana seruiant, ut cælestibus obsecundent terrena, ut reges regi Christo & reginæ Ecclesiæ se obnoxios agnoscant, ut corpus famuletur animæ, brachium capiti obaudiat: ut denique quos diuinæ legis charitas non illestat, eos humanæ potestatis terror frangat. Assentiantur principes Valentiniano III. & quod ille de Romani Præfulis, ipsi de Synodorum statutis à se confirmandis sentiant: Et erat quidem ipsa sententia per Gallias etiam sine imperiali sanctione valitura. Quid enim tanti Pontificis*

*Pontificis auctoritati in Ecclesias non liceret? Sed nostram quoque praeceptionem hac ratio prouocauit, ne rursus, &c. Ecclesiasticis rebus arma miscere, aut praeceptis Romani Antistitis liceat obuiare. Ariminensem, & tot alia Synodorum ludibria protulit sola Pontificum auctoritas, etsi illa Principes tuerentur. Antiochenum aduersus Samosatenum & tot alia Concilia citra Principum confirmationem conualuere. Antiochenae aduersus Samosatenum sententiae pene executor fuit ethnicus Imperator. Sicubi ergo prioribus Ecclesiae saeculis posteriora in eâ re consentiant, ut ecclesiasticae Synodorum auctoritati totum tribuant, nec Principum potestate, ad obsequium se expectent inflecti: gratulandum utique est, quod non Principum auctoritati decreuerit quid, sed accreuerit fidelium pietati: & sine imperiali sanctione ita valeant, ut valitura ipsis Imperatoribus visae fuerant, Pontificum Synodorumque sententiae. Adde, si voles, in eandem sententiam illud Ludouici Pij Imperatoris ratum habentis priuilegium ab Aldrico Senonensi Archiepiscopo concessum anno 835. *Verum licet ecclesiastica, atque pontificalis constitutio, sua, imoque diuina auctoritate esse praeuideat: tamen non indecens atque incongruum iudicauit, si imperiali nostra auctoritate sua constitutio firma esse perpetuo sanciretur.* Quod innuebat, ni fallor, Iustinianus cum Nouel. 131. cap. 1. dicebat ecclesiasticos Canones à sanctis Synodis non tantum expositos, sed etiam confirmatos: & Synodorum dogmata velut *sacras Scripturas à se suscipi: & Canones, tanquam leges obseruari.* Nec enim confirmari egent, quæ in loco & fastigio Scripturarum sunt.*

Spicil. tom. 2. p. 585.

atque firma

Imperatoriae huius potestatis collegium in sua quisque regione Reges deinceps catholici vendicauere. Itaque Recaredus in Concilio Tolet. 3. ita praefatur: *Non incognitum reor esse vobis, reuerendissimi Sacerdotes, quod propter instaurandam disciplinam Ecclesiasticam formam, ad nostram vos serenitatis praesentiam deuocauerim, &c. Quidquid verò verbis apud Sacerdotium vestrum nobis agendum erat de fide atque spe*

XXXIII. Christiani Hispaniarum Reges eadem potestate vti in Synodis.

nostra, quam gerimus, in hunc tomum conscripta atque alligata notescimus. Relegatur enim in medio vestri, & iudicio synodali examinatus, per omne successuum tempus gloria nostra eiusdem fidei testimonio decorata clarescat. Susceptus est ab omnibus Dei sacerdotibus offerente rege sacrosancta fidei tomus: eoque perlecto acclamatum est ab uniuerso clero, in laudes Dei, & in fauorem Principis, & inter cætera: *Ipse mereatur veraciter Apostolicum meritum, qui Apostolicum impleuit officium.* Tum Rex proponit Synodo, vt deinceps Symbolum clara voce cantandum à populo omni sacrificij tempore statuatur: *Omnibus capitulis qua per vestram sanctitatem adicienda sunt, hoc pro fidei sancta reuerentiâ & firmitate proponite, quod de proferendo Symbolo nostra, Deo docente, decreuit serenitas.* Toletano 5. sistit se cum optimatibus suis Cinthilla Rex, atque hanc institutionem, quam ex precepto eius & decreto nostro sancimus, diuina inspiratione pramissit: aiunt Patres. Tum Canones subtexuntur. Toletana 6. Synodus can. 2. *Sua assensione firmat Principis deuotionem & Episcoporum constitutionem de litaniiis.* Toletana 8. Synodo Reccesuinthes hæc effatus, *Quia regendorum membrorum causa salus est capitis: & felicitas populorum, nonnisi mansuetudo est Principum, votiuè decreni, vobis corampositis, & votorum meorum deliberationem sanctione patula referare, & studiorum acta sincerâ exhibitione deferre: tunc tomum obtulit, orans, vt quacumque illic detinentur ascripta, valido attendatis intuitu, sagaci perscrutemini studio; ac de his quacumque extiterint placita Deo, vestri oris ad nos sacro referantur oraculo.* Eo perlecto Patres glorificant Deum de fidei principalis auditu, & de bonæ voluntatis eius affectu. Toletanam 12. ita alloquitur Rex Erwigius: *Ecce in breui complexa vel exarata deuotionis mea negotia, in huius tomi compilatione agnoscenda perlegite, perlecta discutite, discussa climatis ac decretis titulorum sententiis definite: vt pura & placens Deo vestrarum definitionum valitura discretio, regni nostri primordia decoret exundatione iustitiæ.* Similiter idem Rex Erwigius Toletana 13. *Religiosa vota sua clementia, quibus*

subueniendum miseris definivit, synodali conuentui confirmanda commisit: offerens videlicet sacris Pontificibus tomum, obsecrans pariter & obtestans, ut quidquid illic vetustioris calami resperione congestum esset, synodalis potentia conderetur ordine titulorum. Toletanæ 15. Egica Rex innexa tomo sui culminis vota Dei sacerdotibus tradidit relegenda: aicens, & orans: Hac pertractate, his deliberationis ferte inconnulsibilem sanctionem. Toletanæ 16. idem Egica Rex vota sua tomo illic ligata offerens ait, Ea pertractate, & tam ea, quæ hîc sunt insita, quàm etiam quæque se reuerendissimo vestro cæui ingesserint audienda, æquissimis iudiciorum vestrorum definitiõibus terminare; & firmissimo sententiarum vestrarum stylo esse permanens decernite. Quibus gemina leguntur in fronte Synodi Toletanæ 17.

Quæ copiosius huc congeffi, ut ex his emineat, 1. non imperiosè Reges quidquam hîc aggressos, sed ut supra ostendi, *acclines, cernuos, humiles, & solo humilitatis fastigio gloriosos.* 2. Animi sui vota seu regie potestatis placita Reges obtulisse Synodis non subscribenda protinus, sed deliberanda, excutienda, & ita definienda. 3. Palam ipsos esse professos, ita hæc pertractanda offerri Episcopis, *ut & alia quæque se eorum cæui ingererent, pariter agitarent.* 4. Non tam ipsos Synodis legem ordinemque præfinire ausos esse Reges, quàm suis ipsorum votis & decretis optasse à Synodis addi firmitatem & inconnulsibilem sanctionem: denique quæ placita Deo essent, episcopalis oris sacro oraculo ad se referri postulasse. 5. Sed nihil religiosius hac Eruigij Regis in Tolet. 12. contestatione: Nam & hoc generaliter obsecro, ut quidquid in nostra glorie legibus absurdum, quidquid iustitia videtur esse contrarium, unanimi vestra iudicio corrigatur. De cæteris autem causis atque negotiis, quæ nouellâ competunt institutione formari, euentuum sententiarum titulis exaranda conscribite: ut quia præsto sunt religiosi prouinciarum rectores, & clarissimorum ordinum totius Hispania duces, promulgationis vestra sententias coram positi prænoscant, eo illas in commissas sibi terrarum lati-

XXXIV. Par & in his modestia; ut & synodica decreta summum pondus per se habere: & à Synodis vicissim regia edicta confirmari intelligant.

tudines inoffensibili exerant iudiciorum instantia ; quo praesentialiter ac sistentes perspicua oris vestri conceperunt instituta.

XXXV. De eodem.

Ergo & ubi confirmantur postea à Regibus statuta synodalia, ne id quidem tum effugiet animum, suis ipsos prius votis & decretis inconuulibilem firmitatem à Synodis exorasse. Toletanum 3. confirmat Recaredus Rex in hunc modum: *Nostra proinde auctoritas iubet, ut si quae definita sunt in hoc sancto Concilio, nulli contemnere liceat, nullus praeterire praesumat: tum transgressoribus poenas designat, excommunicationes à Concilio, multas pecuniarias, exilia. Nec aliter Toletanae 12. decreta Rex Ervigius, inconuulsibilis legis valido oraculo confirmat, legis suae edicto ab amulis defendit: violatoribus indicit excommunicationes, multas, verbera. Similiter & Toletanae 13. statuta sacrae legis oraculo idem Ervigius per omnes sui regni prouincias decernit obseruanda. Sed quàm inconuulsam per sese Synodorum auctoritatem admiretur & profiteatur idem Rex, ex ipsius edicti vestibulo perdisces: *Eximia synodalis auctoritas & veneranda est pariter & tremenda: quae in tantum per donum sancti Spiritus agit, ut ex diuersitate multorum animorum & cordium, unum cor, unamque animam fecisse monstretur: dum numerositas aggregata Pontificum non per sententiam discrepat, non per stimulum diuersa obiectat, nec per iudicium aliud unus, quàm uniuersitas format. Et ideo reuerendum mihi conuentum synodalis Concilij, in cuius medio praesentia sancti Spiritus se habitare promisit, deuotè venerans, instanterque honorans, illa quae eorum ore, nostraeque gloria hortatu digesta sunt, in notitiam deducimus singulorum. Diuinam Synodi auctoritatem, inde defluentem, Ibi sum in medio eorum, visum est Spiritui sancto & nobis: regia tametsi, humana tamen auctoritas deuotè veneratur, instanter honorat.: & ita confirmat, id est, eius contemptores aut deterret, aut punit.**

XXXVI. Idem de Christianissi-

Idem animi fuit & Christianissimis Galliae Regibus. In

confirmatione Concilij Matisconensis 2. Gunthramnus Rex ita concludit : *Cuncta ergo quae huius edicti tenore decreuimus , perpetualiter volumus custodiri , quia in sancta Synodo Matisconensi haec omnia , sicut nostis , studuimus definire , quae presenti auctoritate vulgamus . Et paulò antè indigitans rationem regiae confirmationis Synodorum , Conuenit , ut distingat legalis ultio iudicium , quos non corrigit canonica praedicatio sacerdotum . Summa est enim in Christianos omnes Synodorum auctoritas , sed inermis : illi ergo necellum est opituletur aduersùs contumaces ultrix Regum legumque potentia . Magnificentiora sunt haec verba Concilij Moguntini an. 813. ad Carolum M. in praefat. *De his omnibus valde indigemus vestro adiutorio atque sanà doctrinà , quae & nos iugiter admoneat , atque clementer erudiat , quatenus ea quae paucis subter perstrinximus capitulis , à vestrà auctoritate firmentur , si tamen vestra pietas ita dignum esse iudicauerit : & quidquid in eis emendatione dignum reperitur , vestra magnifica imperialis dignitas iubeat emendare : ut ita emendata , nobis omnibus & cunctae Christianae plebi , ac posteris nostris proficiant ad vitam , & salutem , & gloriam sempiternam .* Quibus finitima sunt ista Cabilonensis 2. an. eiusdem in praefat. ad eundem : *Quaedam capiula quae subter inserta sunt , eidem domino Imperatori praesentanda , & ad sacratissimum eius iudicium referenda adnotauimus : quatenus eius prudente examine , ea quae rationabiliter decreuimus , confirmentur : sicubi minus aliquid egimus , illius sapientià suppleatur .* Ultra metas , modumque regiae potestatis haec luxuriare viderentur , nisi recurreret animo , quid de Carolo Magno pronunciet Alcuinus l. 1. aduersùs Elipandum : *Impossibile est ut corrumpatur à quoquam , quia Catholicus est in fide , Rex in potestate , Pontifex in predicatione , Iudex in equitate , Philosophus in liberalibus studiis , &c. Et epist. 97. Beatus populus tali rectore exaltatus , & tali predicatione munitus . Et utrumque , & gladius triumphalis potentia vibrat in dextera : & Catholica praedicationis tuba resonat in lingua , &c. Istis temporibus Deus , eiusdem nominis , virtutis , & fidei David Regem populo suo**

mis Gallorum
Regibus demō-
stratur.

concessit Rectorem & Doctorem. Et epist. 106. ad Carolum ipsum: Patenter agnosci poterit, non tantum imperatoriam vestre prudentie potestatem à Deo ad mundi regimen, sed maxime ad Ecclesia presidium & sapientia decorem conlatam, &c. Siquidem præter imperiales & publicas curas, evangelicas quæstiones academicis vestris à nobis enucleandas inquiritis. Quanquam vestre prudentia easdem quæstiones notissimas esse sciamus, &c. Nam sapienter interrogare, docere est. Et epist. 15. libellum à se lucubratum, à Carolo M. castigatum ita adgaudet: Gratias agimus veneranda pietati vestre, quod libellum auribus sapientia vestra recitari fecistis, & quod notari fecistis errata illius, & remisistis ad corrigendum. Quanquam à vobis melius emendari potuisset, &c. Nullum magis idoneum meæ parvitatibus dicta habere possunt defensorem vel emendatorem, quam vosmet ipsos. Non ergo Regi, sed Doctori Carolo emendanda destinabantur Synodorum statuta: eoque privilegio Reges tam abstinere debent, quam à Caroli doctrina procul sunt, & vel Doctorum libros emendare minus idonei. Vnde nulli præterea Principi olim ea potestas à Synodis permessa est: nec nisi veterano iam & emerito in ecclesiasticis peræquè ac imperialibus muniis Carolo permessa: & à Synodis ei permessa, non ab ipso admissa, nedum usurpata.

XXXVII. Idem
de Regibus Anglorum.

Nec abhorreere ab his potuit Anglicanæ Ecclesiæ disciplina. Vnum profero exemplum Concilij Londoniensis 2. an. 1127. de quo prolixè Matthæus Paris: & tandem: *Rex auditis Concilij gestis consensum præbuit, auctoritate regiâ & potestate concessit, & confirmavit statuta Concilij, à Guillelmo Cantuariensi Archiepiscopo, & sanctæ Romanæ Ecclesiæ legato, apud Westmonasterium celebrati.*

XXXVIII. Duo
summa capita
concordiæ huius
inter regnum &
sacerdotium. 1.
Reges Christo &
indiscretæ ab eo
sponsæ eius ser-

Postremò ut funditus excidatur illa conflictatio regiæ & ecclesiasticæ potestatis, quæ res humanas, quæ peritorum ingenia sæpe vexavit: ut ne Regibus indecorum existimeretur si legum synodicarum non authores, sed Custodes, Executores, Defensores; si pedissequi Canonum, non duces: si Ecclesiæ administri, non domini vociten-

tur: ne Pontificibus ipsis sua videatur fuscari dignitas, si synodica ipsorum statuta à Regibus confirmantur: hæc duo paucis admoneo. Primum quidem seruire Reges Christo & indiscretæ quodammodo ab eo eius sponsæ Ecclesiæ, & indiscriminatim ab ipsis tam diuinas, quàm ecclesiasticas leges, vtrasque suo modo diuinas, quia Christi & Spiritus sancti vtrasque, confirmari regiis edictis, spretasque vindicari: & hanc seruitutem nequaquam ingloriam, sed summæ gloriæ fastigium obtinere. August. epist. 48. *Imò vero seruiant Reges terra Christo, etiam leges ferendo pro Christo.* Et epist. 50. *Et nunc Reges intelligite, &c. Seruite Domino in timore. Quomodo ergo Reges seruiunt Domino in timore, nisi ea quæ contra iussu Domini sunt, religiososâ sœueritate prohibendo, atque plectendo. Aliter enim seruit, quia homo est, aliter quia etiam & Rex est, &c. Sicut seruauit Ezechias, &c. Sicut seruauit Iosias, &c.* Et paucis interpositis: *Quis mente sobrius Regibus dicat, Nolite curare in regno vestro, à quo teneatur vel oppugnetur Ecclesia Domini vestri: non ad vos pertineat in regno vestro, quis velit esse siue religiosus, siue sacrilegus: quibus dici non potest, Non ad vos pertineat in regno vestro, quis velit pudicus esse, quis impudicus?* Ergo quàm indiscretæ sunt leges diuinæ atque ecclesiasticæ, quàm vtrarumque perinde Reges defensores sunt: quàm indiscreta vnaque est Christi & Ecclesiæ persona, tam indiscreta est seruitus omni regali apice sublimior, tam vna eademque seruitus est, qua Reges Christo & Ecclesiæ famulantur, dum vt leges à Deo inuariabiliter sancitas, ita regulas à Spiritu sancto ad variam temporum medicinam temperatas defendunt. Ex quo fit vt onus istud sit & officium magis regium, quàm priuilegium; illoque adeò non lasciuire, sed contremiscere debeant.

Alterum est, quàm animam & corpus, tam non debere Ecclesiam & Imperium, Antistites & Reges digladiari. Omnia enim in commune profunt vtrimque priuilegia. Vt homo enim, ita Episcopatus interior & exte-

uiunt: nec aliter ecclesiasticas quàm diuinas ipsas leges defendunt.

XXXIX. 2. Vna est Ecclesia, tota in animo iubens, tota corpore exequens, id

est, Sacerdotio &
Imperio.

rior, vnus idemque est, alia & alia sui parte, sibi dux & pedissequus, sibi imperans & seruiens, sibi iubens & exequens: animo rector, corpore executor: interiùs fanciens, exteriùs promulgans. Itaque & tota imperandi gloria penes exequentem est, & tota exequendi sedulitas imperanti incumbit; quia vnus idemque, & imperat executor, & exequitur imperator. Prosper con. Collat. c. 41.

Quando sancta memoria Papa Bonifacius piissimorum Imperatorum Catholica deuotione gaudibat: & contra inimicos gratia Dei, non solum apostolicis, sed etiam regis vtebatur edictis. Et infra: Celestinus Celestinum quasi non discusso negotio audientiam postulantem, totius Italia finibus iussit extrudi. Et Bernardus epist. 256. ad Eugenium Papam: Exerendus est nunc uterque gladius in passione Domini, &c. Per quem autem nisi per vos? Petri uterque est, alter suo nutu, alter sua manu, quoties necesse est, euaginandus. Et quidem de quo minus videbatur, de ipso ad Petrum dictum est: Conuerte gladium tuum in vaginam. Ergo suus erat, & ille; sed non sua manu utique educendus. Ne ergo discerpatur, ne secum ipsa committatur Ecclesia; ipsa vna est quæ apostolicis regisque vtitur edictis: ipsa est cuius est uterque gladius; ipsa est quæ temporalem etiam gladium, utpote suum quoque rotat, nutu pontificio, manu regia.

XL. Summa auctoritas iudicati damnatique Nestorij, ad primam sedem relata.

Vt vnde huc exieramus, illuc gradum referamus tandem, id postremo loco adnotabo ad primæ sedis decus eximium pertinere, quod cum in Oriente sedes Constantinopolitana, post œcumenicum secundum Concilium furtiuus, sed amplis suffarcinata priuilegiis, esset iudicanda, eius iudicij summa ad Præsulem Romanum refertur. Id suprâ iam commonstratum est, ut iterum iterumque Synodus, necessariò Cælestini sententiæ sibi subscribendum fuisse profiteatur. Adde quod act. 2. Philippus Apostolicæ sedis legatus dicit, *Dudum sanctissimus Celestinus Apostolica sedis Episcopus per suas epistolas ad Cyrillum, &c. de presenti hac causa ac negotio definivit.* Tum illas epistolas legi orat: itemque Arcadius, *ex quibus vestra beatitudo agnoscere*

scere poterit, qualem omnium Ecclesiarum curam gerat. Tum legitur Cælestini epistola ad Synodum, quæ ita definit: *Direximus pro nostra sollicitudine sanctos fratres, & consacerdotes nostros, &c. qui iis quæ aguntur, intersint: & quæ à nobis antea statuta sunt, exequantur. Quibus præstandum à sanctitate vestrâ non dubitamus assensum; quando id quod agitur, videatur pro universalis Ecclesiæ securitate decretum.* Tum in laudes Cælestini erumpit & exclamat Synodus. Excipit Proiectus legatus: scripsisse Cælestinum, ut ea quæ antè definiuit, & nunc in memoriam renocare dignatus est, iuxta communis fidei canonem & Ecclesiæ Catholice utilitatem, ad finem perfectum deduci iubeatis. Deinde Philippus gratias agit Synodo, quod recitatis Papæ literis, quasi sancta membra, τὴ ἀγαθή μίση vel sanctos cantus, sancto capiti sanctis etiam exclamationibus exhibuerit. Non enim ignorat vestra beatitudo totius fidei, vel etiam Apostolorum caput esse beatum Petrum. Et infrà idem Philippus: Nulli dubium, immò sæculis omnibus notum est, quod sanctus Petrus Apostolorum Princeps & Caput, fideique Columna, & Ecclesiæ Catholice Fundamentum, &c. Huius successor & locus tenens Cælestinus, &c. At act. 5. Synodus relatione suâ ad Cælestinum, Ioannis Antiocheni causam ad eum remittit: *Indignitate rei meritò commoti, eiusmodi in illum & in alios sententiam legitimè proferre deliberavimus, cuiusmodi ipse tulerat illegitimè contra eos, qui de nullo crimine condemnati fuerant. Verùm quo illius temeritatem longanimitate vinceremus, etiamsi illam legitimè iustissimèque subiuisset, pietatis tue iudicio hoc reservavimus: interim illos excommunicationi subiicientes, omnique sacerdotali potestate exuentes, ita ut nullum suis sententiis lādere queant.* Suspendit itaque Synodus Ioannem, deponendum reservat Cælestino. Et quidem his accommodatè, Iuuenalis Hierosol. Episcopus act. 4. ait, ad Apostolicam magnæ Romæ sedem, morem esse ex Apostolico ordine & traditione, ut ipsa sedes Antiochena dirigatur, & ab ea indicetur. Iam enim Pauli Samosatani causa in Concilio Romano olim recisa extremo iudicio fuerat: iam Innocentius decretis suis Antioche-

num Episcopum Orientali diœcesi adseruerat. Et aſt. eadem Cyrillus ſc à Ioanne, hoc eſt, Alexandrinum ab Antiocheno, maiorem videlicet à minore depositum ita expoſtulat: *Et quidem nec per leges eccleſiaſticas, nec per imperiale decretum poteſtatem habuit, qua ſulius vel quempiam ex nobis iudicare, vel omnino ſimile quidpiam attentare poſſet, pra-*

μαλιστα παρ' ἐμὴς
ζωνος θεοῦ.

οὐκ ἀρχὴν οὐκ
οὐκ τὴν ἀμείνω
λαχὺν τὰ ξί.

τὴς μὴ ζῶντος
ζωνος θεοῦ.

sertim verò contra maiorem ſedem. Et rursus idem Cyrillus in Apolog. ad Theod. Ad hac quomodo ſit ordine & ritè factum, maioribus pœnas irrogare, & in homines ſublimiorem ordinem ſortitos imprudenter inſilire, & eccleſiaſticarum legum diſciplinam pacis conciliatricem deſerere; & ne eorum quidem qui in ſeculo verſantur, prudentiam imitari? Et Synodus vniuerſa aſt. ſ. in relat. ad Cœleſt. omnia ſuldeque verti ait,

Si quibuſlibet poteſtas fiat, maioribus ſedibus conſumeliā inferendi. Ergo inter primarias Eccleſiarum ſedes ordo aliquis iam ratus fixuſque erat, vt maiores à minoribus citra ingens piaculum iudicari non poſſent: non tum, non nuper cœptus, ſed ante Conſtantinopolitanam primam Synodum, quæ Conſtantinopolitanum Episcopum non Alexandrino, ſed Romano æquare molita eſt: ante etiam Nicænam, quæ olitanæ conſuetudini illum ordinem adſignauit. Ergo omnium princeps Romana ſedes eſt, quæ Neſtorium Conſtantinopolitanum depoſuit, cuius eſt Antiochenam iudicare, quæ vices ſuas & ſententiæ ſuæ executionem Cyrillo Alexandrino demandauit: cui Hieroſolymitana quæ tum Antiochenæ ſedi ſuberat, Antiochenæ ipſius iudicandæ & dirigendæ poteſtatem vendicauit. Priuilegij autem huius author & origo eſt Petrus, Princeps Apoſtolorum, caput fidei & Episcopatus, cuius Cæleſtinus erat δὲ δόχος & πομπητής.

XLI. Quàm multi detraxerint illiſerintque Cyrillo & Synodo Epheliæ.

Iam verò nec vtilitatis, nec voluptatis inanem ponemus operam, ſi calumnias quoque vel ſuſpiciones hominum aliquas circa hanc Neſtorij damnationem proferamus in medium. Ordinem ducet Liberatus breuiarij c. ſ. Ioanne Antiocheno remorante, quæſtionem mouebant præſentes Episcopi de B. Mariâ Dei Genitrice. Cyrillus autem deſlorationes

quasdam librorum Nestorij faciebat, eum perturbare volens. Erat enim, ut dicitur, eius inimicus. Et c. 6. memoratâ Ioannis Antiocheni insaniâ & depositionis sententiâ in Cyrillum & Memnonem vibratâ: Igitur Cyrillus cum Memnone volentes se ulcisci, Ioannem damnauerunt, & omnes qui cum eo conuenerant, & multa alia pari fastu utrique Ephesi pertulerunt. Cumque septenis vtriusque Episcopis accitis, Imperator Catholicis palinam addixisset, Ioannes cum suis Antiochiam profectus est, ubi colligens plurimos Episcopos, damnauit iterum Cyrillum, cum iam esset Alexandria. Et sicut Socrates dicit, cognoscens Nestorius per contentionem ad quandam perniciem peruenisse partes, Dei Genitricem Mariam vocabat, dicens: Dicatur etiam Dei Genitrix: & ea qua fecerunt tristitiam, conquiescant. Sed nullus eum ex pœnitentia talia dicentem suscepit. Quapropter hætenus damnatus, & in exilium Oasin missus est. Post damnationem autem eius dura Constantinopoli turba contra Ecclesiam mota est, diuisusque est populus, propter tepidum eius, sicut dictum est, tractatum. Clerici verò communi decreto eum anathematizarunt. Audiendus nunc Socrates l. 7. hist. c. 32. Nestorius apud complures venit in opinionem, quòd Dominum hominem solum esse assereret; quòdque Pauli Samosatani & Photini opinionem in Ecclesiam introducere niteretur. Atque de hac re tanta certatio, & tumultus ciebatur, ut generali Concilio ad eum sedandum opus esse videretur. Ego verò dum libros à Nestorio editos lego, hominem reperio imperitum, & doctrinæ penitus expertem, hocque verè & ex animo dico. Nam neque odio in illum incensus, eius vitia recordatione renouare: neque ut quibusdam gratificer, pauciora quàm reperi commemorare decreui: Nestorius meo quidem iudicio, neque Paulum Samosatenum, neque Photinum imitatur, neque denique Dominum hominem solum esse dicit; sed vocem duntaxat, Deiparam, tanquam larnam reformidans, declinat. Hocque illi præ insigni ignorance contingit. Quod nempe veteres interpretes & Patres contemneret, apud quos crebrum Deiparæ vocabulum occurrere cùm docuisset, tum ita pergit Socrates: Itaque Nestorius videtur veterum lucubrationes penitus ignorare, & ob

eam causam, hanc vocem *Deiparam*, ut dixi, insculptur. Nam quod non dicit Christum hominem solum esse, sicut Photinus & Paulus Samosatenus: quodque non subsistentem Dei Verbi personam tollit, sed eum in Trinitate subsistere, & in eius essentia inesse confitetur: quod denique ei extantiam non adimit, sicut Photinus & Samosatenus, (idem etiam Manichæi & Montaniste asserere non dubitant) ex concionibus ab ipso editis satis constare poterit. Verum quamquam Nestorium, partim ex libris eius quos legerim, partim ex amicorum eius sermone ita sensisse comperio: non parum tamen uniuersum orbem perturbauit eius *ὑπερβολή*: i. tepidus sermo: ut vertit Liberatus. Capite sequenti idem Socrates: Cyrillus quo Nestorij animum perturbaret, infenso enim in eum erat animo, &c. Quibus reliqua subiungit, quæ suprà ex eo Liberatus excerpfit. His adde Isidorum Pelusiota, qui l. 1. epist. 310. Cyrillum quasi priuatas cum Nestorio inimicitias exercentem, & ad hoc Synodi maiestate abutentem increpat, *Multi eorum qui Ephesi coacti sunt, te traducunt, ut tuas inimicitias persequenter, & non ea quæ Iesu Christi sunt, orthodoxè querentem. Theophili, inquit, ex sorore nepos est, illiusque mentem & sententiam imitatur. Ut enim ille aduersus diuinum virum Ioannem furorem effudit, sic etiam iste, &c. Vide & epist. 370. l. eiusdem.*

XLII. Complures fidem à factis secernebant, & propter facti quæstiones Synodo conuictabantur, Nestorium purgabant. *Isid. Pelus. l. 1. ep. 314.*

Et has quidem obliquas postea Isidorus excussit animo: suspensiones de Cyrillo & Ephesina Synodo; sed ex his tamen eius, & Socratis, Liberatique verbis, abunde demonstratur, quàm multi ex Catholicis, & dum Synodus ipsa ferueret Ephesi, & per diu postea, in eam, in Cyrillum licentiosè & futiliter multa blatterarent, pro Nestorio plura effutirent, quæ temporum diuturnitate & Ecclesiæ Catholicæ autoritate oppressa atque obliterata sunt. Catholicos hos dixi homines, qui errorem ipsum Ephesi damnatum detestabantur, Synodumque eatenus suscipiebant, at Nestorium ita sensisse inficiabantur, tum sermonibus eius, tum scriptis sedulò peruolutatis persuasi. Itaque in iuris & fidei quæstione conueniebat eis, &

Ecclesiæ: in facti & personæ negotio dissidebant. Elucet hinc primò, nec Cyrillum Ecclesiæ lumen eximium, nec Ephesinam œcumenicam Synodum, euangelicæ veritati finitimam, declinare potuisse hominum non dico heterodoxorum, sed catholicorum innatæ temeritati & loquacitati plùs æquo indulgentium maledicentiam. Sed hæc nubila perrupit, & tandem aboleuit ecclesiasticæ auctoritatis & veritatis splendor. Itaque quandocumque ventilantur in Ecclesia nouæ quæstiones, non suspicionibus, non rumoribus ipsorum orthodoxorum auscultandum est; sed ecclesiasticæ auctoritatis pondus quò inclinet, obseruandum est, & eò indeclinabiliter incumbendum. Elucet secundò quamlibet Cyrillus priuatis affectibus obsecundasse in exagitando Nestorio: quamlibet Nestorius vocem magis ipsam, quàm doctrinam de Mariâ Deiparâ exhorruisse videretur, ne Deitati ipsi initium à partu virgineo ineptus quis affingeret: quamlibet denique vocem ipsam Deiparæ Nestorius approbasse tandem iactaretur: vt nihil amplius posset ad Nestorij personæ & doctrinæ purgationem desiderari: nihilo tamen secius inualuisse sententiam, & auctoritatem Synodi; & temerarios illos, aut si clementiùs interpretati voles; humaniores conatus pargandi Nestorij euauisse. Nusquam non enim deinceps pari cum cæteris hæreseon architectis, iacet ruinâ & infamiâ obrutus Nestorius. Nam huius Ephesinæ Synodi act. 1. *Omnes Episcopi simul exclamauerunt, Quicumque Nestorium non anathematizat, anathema sit. Omnes Nestorij epistolam & dogmata anathematizamus, impiam fidem Nestorij anathematizamus. Quicumque hunc non anathematizat, anathema sit.* Ibì indiscriminatim, & error, & author erroris Nestorius & anathematizatur, & ab orthodoxis omnibus anathematizari iubetur. Et Cælestinus in epist. ad Synodum Ephes. *Eisciantur è ciuitatibus suis, & se in nostro collegio nouerint non futuros, nisi secundum ecclesiasticum & Christianorum Principum constitutum, damnata cum authoribus sociisque damnantes, se profiteantur.*

Cont. Ephes. part.
3. n. 20.

M m iij.

Catholicos sacerdotes. Et in Synodo Chalcedonensi Theodoretus diu quidem tergiuersatus, sed non antè tamen plenissimè admissus est, quàm non errorem tantùm, sed Nestorium quoque ipsum detestatus est, vrgentibus quidem maximè Ægyptiis, sed silentibus, eoque consentientibus omnibus Episcopis cæteris. Intercedere enim debuerant cæteri, si iniqua Theodoro conditio à paucis quibusdam infligebatur.

XLIII. Rorsum
de orthodoxis
Synodo & Cyril-
lo obloquenti-
bus, Nestorium
absoluentibus.

Meliusculè de Cyrillo postea sensisse Isidorum Pelusiotam dubium facit, aut certè dissimulat Facundus Hermianensis, lib. 2. cap. 4. At ibidem Gennadium Constantinopolitanum Episcopum *beata memoria*, idem inducit multis debacchantem in Cyrilli non tantùm æstuantia aduersùs Nestorium odia, sed etiam dogmata anathematismis duodecim comprehensa. Vnde Facundus, *Talia Gennadius de Cyrillo non scriberet, nisi dicentis intentionem minùs intellexisset, &c. Potuit enim & ipse, de Christianâ religione quæ recta sunt, credens, non intellectum B. Cyrillum bonâ intentione culpâre.* Sed ut ut habeat de Cyrillo: quid de Synodo Ephesinâ Gennadius, quæ anathematismos & doctrinam Cyrilli consecrauit? Sed ut ne vni adhæream vel pauculis, quid Orientales? Ioannes enim Antiochenus, & Theodoretus, & Orientales Episcopi alij Ephesina Synodo absolutâ & dimissâ, deinceps aliquandiu Cyrillum concerpere, & anathematismis eius Apollinaris aliorumque hæreticorum errores asfingere perseuerarunt. Cyrillo ipsi impacta necessitas est suos retractandi anathematismos, eosque ad rectam fidem, quam & ipsi Orientales prædicabant, contorquendi: quasi minor œcumenicæ Synodi autoritas fuerit, quàm ut abstergere maledicorum calumnias possit. Vnde Facundus Hermian. lib. 7. cap. 6. *Si quis autem dicit, quòd Orientales & aliarum prouinciarum Episcopi, una quippe horum omnium causa est, etiam in his quæ non intelligebant, auctoritatem Ephesini Concilij sequi debuerint: ipse quoque primum considerare debet, quod etiam Synodus Chalcedonensis*

considerasse credenda est, quoniam tantis dissentientibus, qui moniti fuerant, simul in ipsum Concilium convenire: non tanta illo tempore, quanta nunc est, eius esse possit authoritas: cum necdum etiam iudicio magna Chalcedonensis Synodi firmaretur. Nam & ipsa multum roboris ad authoritatem addit antiquitas. Innuere videtur Facundus Pontificis Antiocheni, & tot aliorum Metropolitanorum, magna ex parte Orientalium, intercessione & dissensu, potuisse Ephesinæ Synodi œcumenicum nomen & robur suspendi: quod œcumenicum non esset Concilium, à quo permagna & vna ex præcipuis tribus Ecclesiæ portio & abfuisset, & dissentiret: donec & ab iisdem ipsis desitum est intercedi, & Chalcedonensis Synodus atque ipsa maximè antiquitas summum robur & pondus accumulavit. Et ipsa quidem Synodus Ephesina quâ Episcoporum suorum numero, quâ orbis Christiani consensu supremam suam ostentabat authoritatem, eamque cui Ioannis & apostolorum eius paucitas frustra obstreperet. Aët. 3. in relat. ad Imperatores: *Quia ergo viri isti qui venerunt, totius Occidentalis sanctæ Synodi sententiam nostra huic Synodo per literas exposuerunt, &c. ut pietati vestra constet iudicium, quod paulò antè à nobis exiit, esse unam communemque totius orbis terrarum sententiam, &c. Toto orbe terrarum consonam sententiam proferente, paucis exceptis, qui Nestorij amicitiam pietate potiorē ducunt. Et aët. 5. in alia relat. ad Imper. Rogamus ne hominum criminibus obnoxiorum conventiculum, Synodus iudicetur. Nam & olim in sancto Nicæno Concilio nonnulli reperti sunt, qui se ab eo separauerant, nec tamen illi à magno Imperatore Constantino pro Synodo habiti sunt, &c. Perabsurdum est enim ducentorum & decem Episcoporum Synodo, quibus & universa Occidentalium Episcoporum multitudo, & per ipsos reliquus totus terrarum orbis consentit, triginta tantum numero se opponere. Et Clerus Constantinopolitanus in libello supplice ad Imperatores: *Exposcimus ut apud vos illorum sententia confirmetur, qui & numero plures sunt, & sedium authoritate, &c. Neque pacis obtentu, aut ne parva quadam Orientalium portio separari vi-**

deatur, quæ tamen si Canonibus obsequi vellet, coniuncta maneret, uniuersum terrarum orbem simul misceri patiatur. Et supra relatus Delmatius inclusus: Sex milliane Episcoporum audire manus, an unum hominem, eumque impium? Et in relatu per septem Episcopos missa, Sancta proinde & œcumenica Synodus, cuius confessui adest & Celestinus, & uniuersa Occidentalis Synodus, totaque Africa & Illyricum, &c.

XLIV. Dispensatiue tolerata hæc Ioannis & aliorum contumacia.

Œcumenicam ergo Synodum Ephesinam Chalcedonensis Synodus, & ipsa post antiquitas, non fecit, sed agnouit. Cum Ioanne autem & Orientalibus frustra obnitentibus, dispensatum est, ut ne vi adhibitâ, in præceps forsan agerentur, sed pellicerentur indulgentia. Elucet hinc primò ne tantam quidem, quanta Antiochena seu Orientalis erat Diœcesis, Ecclesiæ Catholicæ portionem, & Episcoporum triginta, imò quadraginta & ampliùs multitudinem, dissensione suâ œcumenicum pondus & nomen Ephesinæ Synodo detrahare potuisse. Ut ubi in Ecclesiâ agitatur & definitur aliquid nouæ quæstionis, contemnatur semper paucitas dissonantium, sola superet numerositas Episcoporum & autoritas sedium, & consensus orbis terrarum. Elucet secundò tunc saltem locum esse utili & necessariæ dispensationi, cum portio Ecclesiæ & turba Episcoporum, quæ violento impetu ad obsequium Synodi non flecteretur, sed resiliret, exiliretque forsan è claustris Ecclesiæ; morâ temporis mansuescere sinitur, & remissione veniæque iuris plurimâ mitigatur. Quòd ergo Orientales in Cyrilli anathematismos & in Synodum Ephesinam moliti sunt, non iura, sed facta sunt; nec in exemplum trahenda, sed damnanda prorsus: etsi tunc ex indulgentia ea dissimulari ab Ecclesiâ Catholicâ necessum fuerit. Nemo ergo Ioannis, nemo Orientalium abutatur exemplo. Nam quod remisso tunc iure toleratum est, id aliàs forsan ex iuris rigore percelleretur. Dispensationis quippe non necessitas, sed potestas & arbitrium penes Ecclesiam est: aut non alia saltem, quàm ex suâ ipsius charitate profecta necessitas.

Atque

Atque ut ista erga Ioannem Cyrilli & Ecclesiae dispen- XLV. Hæc tum
 satio penitus pateat, audiat primò de his Liberatus Ecclesiae dispen-
 breuiarij cap. 8. *Videns Imperator Cyrilli & Ioannis perman-* satio ex Liberato
sisse discordiam, Maximianum & alios Constantinopoli reper- declaratur.
tos Episcopos vocans, quomodo tolleretur Ecclesiarum dissensio,
cogitabat. At illi dixerunt quia non aliter hoc fieri posset, nisi
prius iretur, & praeferretur unius fidei vinculum, & Ioannes
Antiochenus Episcopus anathematizaret Nestorium & impro-
bata dogmata eius. Et gaudio valde super hoc Imperatore, missus
est hoc ipsum agere Aristolaus Tribunus, sacram Principis defe-
rens Ioanni & Cyrillo, in qua comminatus est utrisque Nico-
mediam exilium, nisi pacem haberent ad inuicem. Scripserunt
autem & Episcopi à Constantinopoli Cyrillo, quia amicisiarum
modum & pacem Ecclesiarum sanctarum, non aliter fieri conue-
niret, nisi omnia quæ ab eo in causa scripta sunt, epistolis & to-
mis & libris euacuarentur. Cyrillo verò hoc facere, importabile
visum est. Verùm Ioannes Antiochenus Cyrillo mandauit, Pro-
pter illa ipsius capitula fidem meam Cyrillo dirigam, quam si
suscipiens subscripserit, communicabo ei: alioqui pacificus cum eo
esse non potero. Et congregans iterum Ioannes Antiochiam Con-
cilium, dictauit fidem, ita se habentem, &c. Quam tradidit
Paulo Episcopo Emeseno, & direxit Alexandriam Cyrillo. Cy-
rillus sine difficultate, vel contentione, ut à multis putabatur,
memoratam fidem Orientalium suscepit Episcoporum, &c. Post
hac Cyrillus satisfaciens aliquorum rumoribus, qui de illo ha-
biti sunt, quoniam non assereret, de cælo corpus Christum sum-
psisse, neque fermentationem, aut commixtionem senserit natu-
rarum eius, scripsit & subscripsit præfatam fidem, & Orientali-
bus direxit Episcopis. Tunc Orientales pacem fecerunt cum
Cyrillo & Concilio eius, damnantes Nestorium, & susci-
pientes Maximianum, qui p̄ illo factus fuerat Episcopus. Du-
bitantibus adhuc ex eis aliquibus Cyrillo communicare, putan-
tibus eum errasse, & postea veritatem agnouisse, & culpantes Ioan-
nem, Cur ab eo non expetierit capitulorum eius damnationem.
Ex alterâ autem parte quidam de palatio culpauerunt Cyrillum,
cur suscepit ab Orientalibus Episcopis duarum confessionem natu-

rarum, quod Nestorius dixit & docuit. Scripsit ergo Cyrillus in defensionem Orientalium pro duabus Christi naturis. Et cap. 9. cum Theodoretus aduersus 12. capitula Cyrilli scripsisset, Cyrillus fecit interpretationem capitulorum suorum, duodecim addens expositiones, quo videretur plenam pro eis reddere rationem. Itaque Cyrillo suscipiente & defendente fidem Orientalium Episcoporum, & sua capitula exponente, pax & unitas Ecclesiis reddita est. Vides quàm multa contumeliosè aduersus Cyrillum, imò aduersus Synodum œcumenicam Ephesinam machinatus sit cum Orientalibus Episcopis Ioannes. Nempe quòd Nestorium anathematizare contaretur, quòd anathematismos Cyrilli ab Ephesina Synodo cum epistola eius probatos reprobareret, & recantari iuberet; quòd non Cyrilli qui Synodo præfuerat, fidem ipse subscriberet, sed suam qui aduersatus fuerat Synodo, à Cyrillo subscribi extorqueret; quòd Cyrillum sua capitula retractare compulerit, & retractationes non aliter quàm eiurationes interpretatus sit. Et assensus his tamen omnibus est Cyrillus, his acquieuit Ecclesia, pacis compensatione inenarrabilis cuiusdam dispensationis documentum edens.

XLVI. Eadem dispensatio ex epistolis Ioannis & Cyrilli aperitur.

Nec pigebit pauca ex epistolis tunc vltro citroque scriptitatis delibare, in huius ipsius rei vberiorè elucidationem. Ioannes Antiochenus ad Sixtum Papam Cælestini successorem inter alia id quoque scribit: memorato vt se absente Ephesi damnatus sit Nestorius, cum ergo eà de causâ, non parua inter nos & Synodam controuersia intercessisset, multaque vtrimque & facta & dicta essent, ad nostras tandem Ecclesias & ciuitates reuersi sumus, neque quod ad Nestorij depositionem attinebat, Synodi sententiæ per id tempus subscripsimus. Ait mox mîrum ab Imperatore Aristolaum Tribunum, vt omnis contentio facesset, sanctaque sanctarum Dei Ecclesiarum pax ubique vigeret. Placuit & nobis quoque in sacrâ Synodi sententiâ, quæ Nestorium deposuit, acquiescere, ipsumque pro deposito habere, ac blasphemam illius doctrinam anathematizare: eò quòd & nostra quoque Ecclesia,

perinde ac vestra sanctitas, rectam semper inculpatamque fidem tenuerint, eandemque populo assidue commendarint. Assentimur & Maximiani ordinationi, &c. Denique cum omnibus terrarum orbis Episcopis, si modo rectam sinceramque fidem habuerint, eandemque seruauerint, communicamus. Vides ut factum à fide, & personam à iure secernat; & fidem se mordicus semper illibatam tenuisse, Nestorij depositioni se non consensisse etiam post Synodum fateatur: sed adigatur tandem imperatoria saltem potestate, & communionis cum totius orbis Episcopis ineunda necessitate, in facti quoque quæstione Synodo assentiri. Sed interim tamen dum in facto dissideret, vacillare quoque in fide, utpote tam contumax Synodi œcumenicæ aduersarius existimabatur. Ideo Cyrillus epist. 38. *Antiochiam Aristolans venit, afferens secum regias literas, quæ religiosissimo Antiochenæ Ecclesiæ Episcopo mandarunt, ut scelestæ Nestorij dogmata anathematizaret, & depositionem eius pro conformitate sanctæ Synodi decerneret: & ita communionem à nobis quæreret. Caterum quidam ex Orientalibus Episcopis qui fortè Nestorium nondum condemnarunt, & illis patrocinantur qui rectam nostram fidem sollicitant, &c. Et infra: Cum ergo Ioannes subscripsisset, & qui cum eo erant, Nestorij dogmata manifestius anathematizassent, confessi que essent, illum se pro deposito habere, communionem illis reddidimus. Hac namque illis & Ephesi à sancta Synodo proponebantur. Et Imperator ergo & Cyrillus, adeoque & alij assertores Synodi, Ioannem & Orientales non in facto tantum, sed & in fide claudicare suspicabantur, & utrique Synodi definitioni subscribere compellebant.*

Sed luculentissimè Sixtus Papa ad Cyrillum scribens, & Ioannis Orientaliumque vacillationem, & Ecclesiæ dispensationem in iis recolligendis prosequitur. *Non se exuli vestro Nestorio sanctus frater noster Ioannes addiderat. Non eius est blasphemiam prædicatione deceptus. Nam quantum rerum exitus docet, suspendit suam sententiam, non negavit, &c. Nunquam se à nostro numero separasset, in quem potuit & reuerti. Exulta, frater charissime, & ad nos recolletis fratribus*

XLVII. Eadem
ex epistola Sixti
Pape.
Conc. Ephes.
part. 1.

viCTOR exulta. Quarebat Ecclesia, quos recepit. Nam si neminem perire volumus de pusillis, quanto magis gaudendum nobis est de sanitate Rectorum. Legimus, una ovis quantum gaudij reportata prestitit. Et idcirco intelligendum est quid laudis habeat, tantos reuocasse pastores. Greges aspiciuntur in singulis: nec unius hic causa tractatur, quoties agitur de sanitate multorum. Sustinuimus fratres, certi eos non spinas, sed vnas esse facturos, &c. De reuersis ad nos fratribus conuenit dicere, quia non potuit à Diabolo eradicari plantatio quam plantauerat Pater, &c. Merito Ioannes Dominus à te vocatur, qui communem Dominum recognouit, qui incarnationis eius mysterium voce catholicâ nobiscum confitetur. Ergo Ioannes consensionem Synodo accommodandam, suspenderat etsi non negarat: sed suspendisse, non negasse, exitus docuit: ante enim & negare putabatur. A numero Episcoporum ille non se separauit, sed tamen reuersus est, non aberrauit, sed reuelatus est. Non usquequaque perierat, sed illum tamen Ecclesia recepit. Ita ab Ecclesia Catholica non defecerat, ut tamen reuocatus sit. A fratribus ita discesserat, ut ad eos reuersus sit. Ita non negauerat Christum, ut tamen illum recognouerit, & incarnationis mysterium voce catholica confessus sit. Ioannis autem ita sustinendi, & postquam resipuit, eius insanix tam clementer & tam diuino-mixtæ interpretandæ causa fuit, quia tanti reuocandi erant pastores. Et: Greges aspiciuntur in singulis: nec unius hic causa tractatur, quoties agitur de sanitate Rectorum. Et rursus idem Sixtus ad Ioannem ipsum scribens, tanquam reduci gratulatur: Non est certandi iam tempus, hoste prostrato transcundum nobis est ab his, quæ bella mouerunt. Importunum est victoria tempore de præliis disputare, &c. Hæc sanctitatem tuam volumus predicare, quæ scribis. Expertus es negotij presentis euentu, quid sit sentire nobiscum. Beatus Petrus Apostolus in successibus suis, quod accepit, hoc tradidit, &c. Ergo quia una fides est, quæ euidenter obtinuit, dicenda credamus, & tenenda dicamus. Nihil ultra liceat nouitati, quia nihil adiacere conuenit vetustati. Præsentis Ioannis confessioni pri-

stinas eius intemperias donat, dum ne simulata sit hæc eius conciliatio.

Sed huius concordie & temperatæ à Cyrillo dispensationis admirator præcipuus, Facundus Hermianensis lib. 6. cap. 5. ita disserit: *Vnde nec aliud credidit Chalcedonensis Synodus, nec credere debuit, nisi quia Patres Orientales, inter quos fuit etiam ipse Ibas, aliarumque prouinciarum Episcopi, intentionem capitulorum B. Cyrilli, minus animaduertant: ut ea etiam à Concilio Ephesino suscepta culparent. Sicut aliquando in diuina Trinitate Catholici quidam tres hypostases accipere noluerunt, quamuis tres personas acceperint: nec ideo sunt à viris sapientibus heretici iudicati, quoniam comperti sunt, non in re, quæ illo nomine significabatur; sed potius in ipso nomine, quo significabatur, offendi. Et paulò post: Hinc autem creditus est idem B. Cyrillus non rectam prius in suis capitulis tenuisse sententiam, sed admonitione Orientalium postea esse correptus: quoniam cum ipsa unitas Ecclesiarum fieret: non Orientales Patres eius capitulis subscribere compulsi sunt; sed ipse potius expetitus est, directa sibi ab eis confessioni subscribere, &c. Hinc ergo contigit ut conuersione B. Cyrilli facta unitas crederetur. Et reuera, cui non surriperet ista suspicio, (de humanis cordibus loquimur, & humana corda gestamus:) cum nihil Orientales Patres, qui hæc capitula corrigenda iudicauerunt, corrigere cogerentur: Beatus autem Cyrillus non solum fidei confessioni, quam sicut necessarium crediderunt, illi dictauerant, expetitus antè subscriberet: sed etiam ipsa sua capitula retractaret?* Et lib. eodem cap. 4. Hoc quoque Cyrillo laudi vertit, quod qua pacis cupiditate æstuabat, sua exponere & approbare Orientalibus capitula initio minus curarit; Sanè quoniam Cyrillus Orientalium legatione suscepta, magis quod à consacerdotibus suis expectabatur, festinauit implere, quam dictorum suorum in quibus offensi fuerant, sufficientem purgationem facere: ideo putatus est, veluti pristino errore damnato, Orientalium admonitione conuersus. Cum ille recuperande unitatis cupidus, in defensione dictorum suorum noluerit immorari; ne cum probare diu contendit, quod non ut putabatur, ab eo

XLVIII. Eadem dispensatio ex Facundo Hermianensi panditur.

fuerint dicta, de quibus minùs intelligentes, aliter sentiebant, controuersie hac diffensione terminus non daretur. Ita ille Cyrilli dispensationem extollit, simul quantum potest, Orientalium culpam eleuans, vt non postremis ex eorum grege, Theodoreto & Iba aduersùs Iustiniani & Quintæ Synodi minas patrocinetur. Et idem tamen inferius cap. 5. lib. 6. Orientalium Episcoporum, velut luminarium hos esse confitetur defectus, eius simillimos, quo Ægyptij ante Episcopi in proscribendo Chrysostomo caligauerunt. Habeatur itaque velut eclipsis quadam luminarium, Theophili, & Cyrilli, quod tam horribilia de magno luminari Ioanne Constantinopolitano locuti sunt. Habeatur etiam altera eclipsis, velut luminarium Orientalium, siue aliorum Patrum, qui cum eis ex diuersis prouincijs conuenerant, quod intelligentie defectu paululùm obscurati, aliter quàm res habuit de luminari Cyrillo aestimauerunt.

XLIX. Concordia hæc quàm prudenter à Cyrillo dispensata, ex Cyrillo ipso.

Sed ista tamen ad propositum sibi scopum paulisper inclinauit Facundus, vtque Cyrilli clementiam & dispensationem sui æui hominibus persuaderet, prudentiam eius pene oblitterauit. Rem gestam ergo ipsius ex Cyrilli calamo ediscamus. Ita ille epist. 38. ait missas per Aristolaum Ioanni regias literas, *vt scelerata Nestorij dogmata anathematizaret, depositionem Nestorij pro conformitate sanctæ Synodi decerneret, & ita communionem à nobis quæreretur.* Tum Orientales per Acacium Boërcæ Episcopum ad Cyrillum scripsisse & petisse, *vt qua contra Nestorium à nobis sunt scripta, deleantur: & tanquam irrita abisciantur omnia, & paciscamur in solo fidei Symbolo à sanctis Patribus Nicææ determinata. Nouit autem sanctitas tua, quod tales olim in Ephesinâ Synodo positiones ipsorum fuerint. Ego verò ad ista rescripsi petere eos impossibilia, eò quòd qua scripsimus, rectè scripserimus, &c. Oportere eos secundùm id, quod Imperatori & Synodo rectum videtur, Nestorij blasphemias anathematizare, & ordinationi Maximiani consentire. Cùm istas literas misissem: & considerarem fieri non posse, vt communionem reciperent, nisi ad finem perductis, qua ipsis facienda erant: miserunt Alexan-*

driam Paulum Emesenum Episcopum, afferentem quidem ad me communionem concernentia, verum talia, quae non admodum decentia quaedam narrarent. Nam & querimonias habere se simulabant, tanquam in sanctâ Synodo quaedam non sint rectè dicta & facta. Et huiusmodi quidem epistolas non acceptari, & respondi, Quomodo qui praeceptorum gestorum gratiâ veniam petere debeant, iam denuo iniuriam nobis inferunt? Cùm hæc excusaret Paulus, non ad communionem tamen admisus est, nisi ubi scripto Nestorij dogmata anathematizauit, illum pro deposito habuit, & Maximiani ordinationi consensit. Cùmque peteret Paulus, ut Orientalium Episcoporum nomine hæc scripsisse putaretur, nec ab illis quidquam amplius exigeretur: nequaquam acquiesci, sed Tribuno chartam exhibui, significans ei, si Ioannes illi subscripserit, tum demum communionem illis esse reddendam. Cunctationem autem eorum Aristolaus Tribunus molestè tulit. Cùm itaque piensissimus Episcopus Ioannes subscripsisset; & qui cum eo erant, Nestorij dogmata manifestius anathematizassent, confisique essent, illum se pro deposito habere, & ordinationi Maximiani consensissent, communionem illis reddidimus. Hæc namque illis & Ephesi à sancta Synodo proponebantur. Causæ suæ ingenio obsecundans Facundus, hanc ingentem Cyrilli sapientiam constantiamque penè dissimulauerat, ut vni clementiæ velificaretur. Hallucinantur ergo vehementer, qui Ioannis exemplo sibi blandiuntur, ut Catholicorum inter se hominum ciuiles disceptationes esse persuadeant, quas alij ad fidem attingere arbitrantur. Apertè enim Ioannes & Orientales Episcopi Synodo Ephesinæ aduersabantur, consecratos eius autoritate Cyrilli anathematismo impetebant, Nestorio fauebant, dogmati ipsi eius consentire non immeritò suspecti erant, tergiuersationibus tam tædiosis has alebant aduersum se suspensiones, ad communionem denique admissi non sunt, nisi anathema indixissent dogmati Nestotiano, & Synodo tam quoad facti, quàm quoad fidei definitionem subscripsissent. Rursum Cyrillus epist. ad Acacium eadem ferè omnia prosc-

quitur, & inter cætera: *Quia sanctissimi Orientales Episcopi à nobis dissidebant ob Ephesinam Synodum, eaque de causâ quasi blasphemiarum Nestorij laqueis irretiti essent, suspecti erant; ut eo se crimine liberarent, inculpatæque fidei amatoribus per omnia satisfacerent, ac Nestoriana impietatis expertes se esse ostenderent, apologiam composuerunt. Dispensationi denique totum hoc assignat Cyrillus epist. ad Maximum & Genadium: Quod si iam videas eos in rectâ fide, malorum te oportet præteritorum oblivionem inducere. Malumus enim eos videre negantes, quam inuerecundo animo laudantes Nestorij improbitatem. Igitur ne contentiones dicamur amare, religiosissimi Episcopi Ioannis familiaritatem amplectamur, hoc illi indulgentes & ecclesiastica æconomia causâ. Ne simus tam exacti exploratores in eos qui ad mentem rediere.*

L. Pacis conciliatrix fuit confessionis formula, quam Ioanni Cyrillus & Cyrillo Ioannes visus est sibi præscribere.

Conciliatrix autem pacis fuit illa confessionis formula, quam postremò Ioannes septis tergiuersationibus à Cyrillo conclusus scripsit, post Cyrillus subscripsit. Suppalpabatur enim sibi suisque Ioannes, quòd formulam fidei prior scriberet, & quasi præscriberet Cyrillo, cui post Cyrillus subscriberet, quasi palinodiam canens. Æquius autem Cyrillus videbatur sibi legem dixisse Ioanni, & imperasse, atque expugnasse, ut libellum fidei & quasi commendationis sibi porrigeret; & quod hætenus recusauerat, Ephesinæ Synodi utrique definitioni, ad dogma & ad personam Nestorij pertinenti assentiretur. Itaque diuersis utrimque rumoribus in vulgus sparsis, victoriam vnaquæque pars suam venditabat: & post fidei pacata prælia, adhuc de gloria certabatur. Sed palmam Cyrillo iam tum & causa fidei, & Synodi defensio, & Imperatoris suffragium, & Sixti Papæ conspiratio, & orbis Catholici consensus largiebatur, posteritas confirmavit. Orientalibus multa ob vnitatis compensationem condonari oportuit, & illud quoque postremò non silendum, quod in fidei dogmate profitendo non eliminatam usquequaque verborum formam sectari iussi sunt, vnde & iniuiores postea in Cyrillum suspensiones excitatæ ab iis sunt,

sunt, qui non satis pensitabant, quid stricto iure agendum, quid studio colligendæ fraternitatis dispensandum sit. Inde Cyrillus epist. ad Acacium, *Etiamsi dictionum Conc. Ephes. part. structura sententiarumque enuntiatio eiusmodi sit, ut à subtiliore illa diligentia nonnihil recedere quibusdam videri queat, non est valde mirum. Etenim non parum difficile est, hac aptè explicare.*

Quoniam autem Ioanni Antiocheno patrocinari plus æquo quidam affectarunt: aures rursus conuertere ad ea quæ Cælestinus intonat in epist. ad Synod. Ephes. Antiochenum verò si habet spem correctionis, epistolis à vestrà fraternitate volumus conueniri; ut nisi quæ sentimus, senserit, ne uellam blasphemiam eodem exemplo scriptâ suâ professione condemnans; intelligat de se quoque Ecclesiam, quod fidei nostra respectus imperat, ordinare. Et Cyrillus Monachus in vita S. Euthymij Abbatis cap. 39. Cum didicisset Euthymius quæ facta fuerant ab Episcopis Orientis; & quod Ioannes qui præerat Antiochia, cum esset orthodoxus; inductus esset, ut eadem sentiret quæ Nestorius: fuit grani tristitiâ cor eius sanciatum. Eodem modo affectus fuit etiam Dominus illius consobrinus. Rogauit itaque Euthymium, ut ei permitteret abire Antiochiam, ut auunculum suum, qui supplantatus fuerat, restitueret: & iam veluti iacentem erigeret. Ille autem, Nequaquam, inquit, ô fili. Sed etsi paululum à rectâ fide declinauit; Deus tamen, qui nouit cor illius rectè se habere, ipse ipsum conuertet: & reducet ad id, quod bene est. Quæ Euthymij quasi cælitus afflata sententia ipsissimæ rerum veritati adprimè præ cæteris concinit. Titubauit enim reuera Ioannes cum suis Orientalibus quasi fallente vestigio, etsi non penitus corruit: declinauit paululum à rectâ fide, etsi non prorsus defecit. Itaque non immeritò alij diu lapsantem dolore & lacrymis: alij non lapsum, gaudio & plausu profecuti sunt. Leontius lib. de sect. act. 4. Ioanni & Theodoreto apertè gratulatur, quòd Nestorium non admisserint: quòd tandem auersati sint. At idem act. 6. aduersariorum Chalcedonensis Synodi hanc soluit obiectionem, *Quòd homines si-*

LI. Iterum de Ioanne Antioch. & Orientalibus: quæ excusari eos fas, ac salve sit.

etarios receperit, Theodoretum & Ibam, &c. Nestorij dogmata probantes, &c. Nos verò Theodoreti dogma quod attinet, dicimus non prius à Synodo receptum fuisse, quàm Nestorium & eius sententiam anathemati subieciss. Idem de Ibà mox respondet. Vtriusque verò conscripta ideo non compulsos à Synodo esse damnare: quod ad id eos non compulisset antè Cyrillus, à Theodori ipsius damnatione supersedendum ex venià ratus. Itaque etsi Nestoriani medullitus non essent Orientales, commiserant tamen vel grassando, vel scriptitando, ut esse viderentur: & iure meritòque viderentur, nempe Cyrillo, Cælestino, Sixto, Ephesinæ, Chalcedonensi, Quintæ Synodo. Nam ut authores idonei sunt Patres Quintæ Synodi, collat. 6. in Concil. Chalcedonensi omnes coegerunt Ibam anathematizare Nestorium, quem vindicabat impia epistola, & insuper impia eius dogmata, &c. Ibam susceperunt, cum pœnitentiam egisset, & Nestorium anathematizasset, &c. Et collat. 8. Inuenimus quòd Patres Chalcedonenses non aliter passi sunt prædictum Ibam suscipere, priusquam exegissent eum, Nestorium & impia eius dogmata, quæ in epistolâ vindicantur, anathematizare. Et similiter de Theodoreto, collat. 5. Ex his quæ Theodoretus impiè conscripsit, miranda est subtilitas sancti Chalcedonensis Concilij. Sciens enim eius blasphemias, prius quidem multis sapius. vsa est contra eum exclamationibus. Postea verò non aliter eum suscepisset, nisi prius anathematizasset Nestorium & eius blasphemias, pro quibus antea scripsit defendens. Et Vigilius in Constituto, ait scripta Theodoreti in Cyrillum ab ipsomet fuisse sine dubitatione damnata, cum in Synodo Chalcedonensi, Nestorio & eius dogmati dixit anathema: & infra: *Quæcumque scripta vel dogmata eius, cuiuslibet nomine prolata, sceleratorum Nestorij & Eutychetis manifestantur erroribus confinare, anathematizamus atque damnamus.* His tot Pontificibus, Synodisque causam Ecclesiæ & totam circumgestantibus maiestatem, plusculum, ut arbitror, fidei adiiciendum est; quàm vel Liberato, vel Facundo, ob pertinacem, cui se deuouerant, trium capitulorum defensionem, ab Iba & Theo-


doreto, adeoque & ab Orientalibus omnibus, eorumque antesignano Ioanne, hærescos propugnatae dedecus amoliri certantibus. Denique totam & Cyrilli, & Romanorum Præsulum, & Chalcedonensis Synodi humanitatem erga Ioannem, Theodoretum, Ibam, aliosque Orientales, veniæ & dispensationi acceptoferendam supra ostensum: ut hinc quidem consimilis clementiæ erga eorum similes quoslibet exemplum pro arbitrio suo trahat Ecclesia: non ullam autem impingi sibi patiatur necessitatem. Ea est enim dispensationis conditio. Ei qui dispensat, laudem, non necessitatem inuehit. Eius quicum dispensatur, felicitatem magis prodit, quam innocentiam. Et ex Ioannis seu morositate, seu contumaciâ non sum nescius, emolumentum aliquid & elucidamenti accessisse dogmati catholico: sed ita forsan ut ex Thomæ hæsitacione. De eo enim sapienter Gregorius homil. 26. in Euang. *Plus nobis Thomæ infidelitas ad fidem, quam fides credentium discipulorum profuit. Quia dum ille ad fidem palpendo reducitur, nostra mens omni dubitatione postpositâ, in fide solidatur.* Quibus mirificè consonant hæc Facundi lib. 1. cap. 5. *Cum sanctus Ioannes Antiochenus & ceteri Orientales, licet probabili zelo fidei, tamen improbè iudicarent hæreticum: omnipotens Deus, cuius sapiens & mirabilis bonitas, humana ignorantia malum potest in usum doctrinæ convertere: talem dedit exitum causæ, ut illa Orientalium, aliarumque provinciarum Antistitum falsa de B. Cyrillo suspicio nihil nobis relinqueret suspicandum.* Itaque improbè faciebant Orientales; sed illud, ut & mala quælibet alia bene vertit Deus. Alioqui insanum est, œcumenicæ Synodo à Cælestino & rursus à Sixto Pontifice Romano confirmatæ reluctari Ioannem: sed infanitus penè est, eius rei ergo commendari: aut exempla hinc aliqua posteritati sanciri. Quod postremò Orientales in gratiam cum Cyrillo & Ecclesiâ redeuntes, nec anathematisinis Cyrilli subscribere, nec sua in eum scripta recantare adacti sunt: id quidem tum œconomiz gratiâ indultum est tertiæ sedis Antistiti, Orientalibus


seu diœceseos Orientalis Episcopis, & ut suprâ atque alibi sæpe ait Facundus, *altarum provinciarum* Antistitibus. Quid enim non horum dignitas & numerus dispensari extunderet? Testes dispensationis huius locupletissimos suprâ protulimus. Sed etsi cessare videatur aliquando, vigilat tamen æquitas; etenim dilapso œconomix tempore, ut aiunt Patres Quintæ Synodi, fulminantur Orientalium scriptiunculæ in Cyrillum, anathematismi Cyrilli in adyta ipsa fidei recipiuntur: & priuatâ licentiâ in angulis ad libitum suum garriente, æternum in monumentis ecclesiasticis aduersus Theodoretum & Ibascriptiones anathema personat: æternum, non quidem Ioanni, sed prioribus illis Ioannis & Theodoretum, & aliorum Orientalium machinationibus dedecus imprimitur.

LII. Nestorij fautores, dum antiquos scriptores ei consentaneos promunt, non illum absolui, sed hos unâ damnari faciunt. Cyrill. epist. ad Acacium.

Atque ut testis est Cyrillus, vanis tunc rumoribus confictum iactatumque est, ab occultis Nestorij fautoribus, eius depositionem à Sixto Papâ improbatam: conscriptamque à Cyrillo ipso epistolam, quâ Ephesinæ Synodi pudebat ipsum pœnitebatque. Denique ut ait Liberatus breu. cap. 10. *Nestorij sectatores, videntes libros eius blasphemos non posse proferri in publicum, eò quòd Synodo Ephesinâ anathematizante fuerant condemnati, & imperiali lege: tunc ceperunt Diodori Tarsensis & Theodori Mopsuesteni Episcopi, qui contra Eunomium & Apollinarem unius naturæ assertores, libros composuerant, duas in Christo ostendentes naturas in una persona; circumferre volumina: & simplicissimos quosque decipere cupientes, aiebant, non sapuisse nova Nestorium, sed antiquorum Patrum profecutum fuisse doctrinam.* Verum præter animi sui sententiam res cecidit. Non enim horum obtentu sese laqueis exuerunt anathematis, sed hos hætenus latitantes induerunt. Quo constet damnatos semel non errores tantum, sed authores librosque, anteriorum aliquot sibi consentaneorum & tamen indemnatorum patrocinio non expediri ab anathematis vinculo; sed magis magisque cum suis ipsis patronis implicari. Theodoro enim Mopsuesteno veniam hætenus Ecclesia fecerat, ne

cum Nestorio damnaretur; vbi ea dispensatio officere post visa est, illi ipsi anathema illisum. Cessante enim utilitate vel necessitate, reuocatur dispensatio. Monuerat iam Cyrillus epist. ad Ioannem: *Infames opiniones* Conc. Ephes. part. 1. 6. 44. *Diodori ac Theodori & aliorum quorundam, quos non laudare satius erat, ne quid grauius dicam, propterea quod plenis quodammodo velis aduersus Christi gloriam feruntur, nemo sanctis Patribus nostris Athanasio, Basilio, Gregorio, Theophilo & reliquis tribuat, ne res ista scandali fiat occasio, &c.* Si quæris autem, quinam illi essent Theodori nomine Nestorium prætexentes, declarat Cyrillus epist. ad Acacium: *Scripterunt ad me Orientales, quod non oportet, quæ Theodori sunt, accusari: ne sicut dicunt & B. Athanasij, & Theophili, & Gregorij, & Basilij dicta accusentur. Quæ enim locutus est Theodorus, eadem & illi.* Et idem epist. ad Proclum, Ecclesiarum necessariam declarat dispensationem in Theodori damnando errore, non nomine. *Sciat sanctitas tua, quod prolata apud Synodum expositione ab eo composita, sicut dicebant qui protulerunt, nihil sanum habente: reprobauit quidem eam sancta Synodus, utpote peruersis intellectibus plenam, & Nestorianam impietatem quasi effluentem. His verò condemnatis qui sic sapiunt, nullam viri memoriam fecit dispensatione: nec ipsum nominatim anathemati subiecit, propter dispensationem: ne quidam ad existimationem viri respicientes, seipsos ab Ecclesiis separarent. Dispensatio verò in his optima res est, & sapiens.* At vbi hanc non dispensationem, sed rei æquitatem interpretari perstiterunt vitilitigatores, id consecuti sunt videlicet, ut noxia iam dispensatio reuocaretur, & damnaretur in Quinta Synodo Theodorus, quod alibi. Ita enim usu venit, ut amicos vel errores, vel homines pertinaciùs defensitando, pluribus illos anathematum iaculis configendos obieceremus.






DISSERTATIO XI.

IN CONCILIVM CONSTANTINOPOLITANVM SVB FLAVIANO, ET CONCILIVM EPHESINVM II.

SYNOPSIS.

Ab Eutychete primùm, post à Flaviano prouocatum esse ad Concilium œcumenicum, i. ad Leonem Papam: vnã esse Pontificis, & Concilij authoritatem: ad vtrumque indifferenter prouocari: penes Pontificem esse arbitrium, insque, vt ex re visum fuerit, Concilium tunc colligere, vel sine Concilio rem profligare. Si Imperator tunc præter Pontificis consilium Synodos colligeret, vel colligi vetaret: exitialia ea erant plerumque facta, nedum iura: nedum idonea sancienda disciplina exempla. Theodoretus similiter à Leone Papa restitutus fuisse ostenditur.

I. Pontificis & Concilij maiestas vna eademque, vnde promiscuè ad vtrumque vel ad alterum appellatur.



HÆc duo copulari à nobis Concilia mirari desines, vbi rescieris, vnã hic illam pertractatum iri quæstionem, de appellatione primùm Eutychetis, deinde Flaviani ad Concilium, & ad Pontificem Romanum. Vna enim, vt vides, vtrobi- que causa vertitur, vnus nobis scopus ob oculos positus est, vt has promiscuè & ad Concilium œcumenicum, & ad Pontificem Romanum appellationes interpositas esse demonstremus; nec Concilij rationes à Pontifice, nec Pontificis maiestatem à Concilio dispescere aut seque-

strare tunc cuiquam in mentem venisse: sed Concilium Pontifici, Pontificem Concilio inesse, ut gregem pastori, pastorem gregi: capiti membra, membris caput, persuasissimum & ex fidei præiudiciis, quasi anticipatum omnibus fuisse.

Commodemus ergo primùm aures animosque nostros Leoni, qui epist. 7. ad Theodosium Augustum de Eutychetis appellatione sic disserit: *Quid Flavianum poteris commovere, ut Eutychen presbyterum communione priuaret, non dum potuimus euidenter cognoscere. Quamuis enim prædictus presbyter ad Sedem Apostolicam per libellum doloris sui querimoniam miserit; breuiter tamen aliqua prælibauit, asserens se Nicænæ Synodi constituta seruantem, frustra in fidei diuersitate culpata. Eusebii autem Episcopi accusatoris eius libellus, cuius exemplaria ad nos prædictus presbyter misit, de obiectionis euidentia nihil habebat, &c. Prius de quibus eum aestimat arguendum, instrui nos oportet, ut possit de bene cognitis, congruè iudicari. Ad prædictum autem Episcopum dedi literas, quibus mihi displicere cognosceret, quod ea qua in tantâ causâ gesta fuerant, etiam nunc silentio reticeret: cum studere debuerit primitus nobis cuncta referare. Quem credimus vel post admonitionem, omnia ad nostram notitiam relaturum; ut in lucem ductis, his qua adhuc videntur occulta, id quod Evangelicæ & Apostolicæ doctrinæ conuenit, indicetur. Quid his euidentius? Appellationis libellos dedit & misit Eutyches ad Leonem, pariterque libellum accusationis, quo illum Eusebius pulsauerat. Leo fidenter ad Imperatorem & ad Flavianum scribit, se de omnibus instrui, ad suam notitiam omnia perferri, sibi primitus cuncta referari oportere, ut possit de bene cognitis, congruè iudicari: quia nempe tanta causa & fidei ratio controuertebatur. Et idem Leo epist. 8. ad Flavianum ipsum: *Adcò ut in ipso iudicio Eutyches libellum appellationis suæ se asserat obtulisse, nec tamen fuisse susceptum, &c. Facti tui nescire volumus rationem, & resque ad nostram notitiam cuncta deferri. Quoniam nos qui sacerdotum Domini matura volumus esse iudicia, nihil possumus,**

II. Iactante Eutyches se appellasse ad Leonem, vel ad Conciliū, quod perinde est, primò ex epistolis Leonis id efficitur.

incognitis rebus, in cuiusquam partis praeiudicium definire, priusquam uniuersa, quae gesta sunt, veraciter audiamus. Et appellatum esse, & à se decretoriâ sententiâ rem definiendam esse profitetur.

III. Idem rursus euincitur ex epistolis Flauiani.

Nec minùs liquidò idem ex epistolis Flauiani ad Leonem clarescet. Ita enim ille prius ad Leonem scripsit: *Olim quidquid egerimus, misimus ad beatitudinem vestram literas, quibus literis docuimus & presbyterio illum esse nudatum, &c. ut sanctitas vestra cognoscens hoc, quod circa illum actum est, omnibus Episcopis sub beatitudine vestrâ degentibus manifestare dignetur illius impietatem; ne nescientes aliqui quid ille senserit, quasi ad orthodoxum vel per literas, vel per aliquam coniunctionem loquantur.* Gesta ergo sua & iudicia ad Leonem miserat Flauianus, etsi nondum Leoni reddita fuerant. Et planissimum hîc est, ut reuiceretur aliquorum communio in Occidente, necessum fuisse, ut eorum facta in Oriente excommunicatio ad Pontificem Romanum referretur, ab eoque comprobata vel refutata valeret, aut euanesceret. At rursus Flauianus acceptis Leonis epistolis ita rescribit: *Litterae nobis datae sunt vestrae sanctitatis, per quas edocti sumus, quia idem Eutyches libellos direxit vobis, plenos omni fallaciâ atque calliditate, dicens iudicij tempore libellos se dedisse appellationis, & nobis & hîc conuenienti sancto Concilio, & appellasse vestram sanctitatem. Quod nequaquam ab eo factum est. Sed etiam & in hac parte mentitus est, tanquam per fallaciam mendacij subrepere se sanctis vestris auribus putans.* Negat Flauianus appellasse Eutychetem, non negat appellare potuisse. Quin ex aduerso satis innuit, in culpa se futurum, si post appellationem damnatus fuisset Eutyches. Denique appellationis clypeo non malè defendi Eutychetem, si non mendaciter conficta, sed verè interposita fuisset. Denique quantum momenti esset in summi Pontificis iudicio ad confirmandam, vel infirmandam Flauiani sententiam, ipsemet mox testatum facit: *Propriam faciens communem causam & Ecclesiarum disciplinam, simul decernere damnationem aduersus eum regulariter*

lariter factam, & per propria scripta dignare: confortare autem & piissimi Imperatoris fidem. Causa enim eget solummodo vestro solatio atque defensione, qua debeatis consensu proprio ad tranquillitatem & pacem cuncta perducere. Sic enim hæresis qua surrexit, & turba qua propter eum facta sunt, facillimè destruentur, Deo cooperante per vestras sacratissimas literas. Remouebitur autem & Concilium, quod fieri diuulgatur, quatenus nequaquam ubique sanctissima turbentur Ecclesie. Sux Synodi sententiæque confirmationem Flavianus, & Imperatoris fidem, hærescos profligationem, pacem turbatæ Ecclesiæ, Concilij prorogationem à solius Leonis consensu, literisque suspendit.

Abstineri ab indicenda œcumenica Synodo debere censuit non tantum Flavianus, sed Leo ipse. Vnde epist. 17. ad Theodosium Aug. *Presertim cum tam euidentis fidei causa sit, ut rationabilibus de causis ab indicenda Synodo fuisset abstinendum: tamen ut clementia vestra statutis aliquatenus pareatur, &c.* Et epist. 12. ad eundem: *Licet Eutyches, quantum gestorum episcopaliū ordo patefecit, imperitè atque imprudenter errare detectus sit, debueritque à sua merito reproabili persuasione discedere: quoniam tamen pietas vestra apud Ephesum constituit synodale Concilium, &c.* Itaque ut Flavianus flagitauerat, Leo gesta Constantinopolitanæ Synodi aduersus Eutychetem ubi perlegit, ita ea confirmauit, ut Synodo supersedendum duceret. Quin & Eutyches ipse in id consensisse videbatur, ut idoneus fideiussor est idem Leo epist. 12. *Cum in libello suo quem ad nos misit, hoc saltem sibi ad promerendam veniam reseruaueris, ut correcturum se esse promitteret, quidquid nostra sententia de his, quæ malè senserat, improbasset.* Ad Leonem ergo ita prouocarat Eutyches, ut correcturum se promitteret, quidquid eius sententiâ foret improbatum, nullâ Concilij factâ mentione: quod canonicè in arbitrio esset prouocati Pontificis, vel conuocare Synodum, vel eo supersedere, prout rei ambiguitas aut perspicuitas suaderet. Sed cum conquestus esset de Flauiani sententiâ etiam ad Imperato-

IV. Ita ad Pontificem & ad Concilium prouocatur, ut in Pontificis potestate sit cogere Synodum, vel supersedere.

rem Eutyches: ultro profiliit ad conuocationem Concilij Imperator.

V. Gestiebat tamen Eutyches conuocari Synodum.

Nec abnuerim tamen optatissimam, imò & imploratam, appellatamque Eutycheti Synodum. Ita enim ipse in libello Confessionis suæ, qui Ephesi lectus, Chalcedone act. 1. relectus est: *Rogabam innotescere sancto vestro Concilio, ut his quæ à vobis approbarentur, acquiescerem, paratus in his manere. Et hæc dicenti subito contra me damnatio legebatur, &c. Nullum verbum faciente de appellatione mea ad vestram sanctitatem reu. Episcopo Flauiano, &c. Sicut potestatem habens, omnia de fide solus agere, & nihil vestra sanctitati de talis æquitate iudicij reservare, &c. In diuersis Orationibus fecit post appellationem in me prolatam legi sententiam, &c. Et in Actione Constantinopolitanâ, post Concilium Constantinopolitanum factâ, relectâ autem Chalced. act. 1. Constantius Diaconus dixit: Eutyches dum légeretur damnatio, appellauit sanctum Concilium sanctissimi Episcopi Romani, & Alexandrini, & Hierosolymitani, & Thessalonicensis: & hæc in gestis non sunt inserta. Magnificus Patritius dixit: Turbâ factâ & dissoluto conuentu dixit ad me silenter appellans Romanum, & Egyptium, & Hierosolymitanum Concilium, &c. Basilus Episcopus dixit: Iam in veritate dico, adhuc ipso conuentu sedente, & proponente hoc sanctâ Synodo, ut diceret duas naturas inseparabiles & inconfusas in vno Domino, idque post adunationem: scio quia dixit religiosissimus archimandrita Eutyches, si praeceperint mihi Patres Romanus & Alexandrinus, dico hoc ipsum. Hoc autem non quasi appellans dixit: sed dicens, Non sum ausus dicere, propter Patres. Denique in libello rursus suo Eutyches in Ephesina pseudosynodo præproperè se à Flauiano conqueritur damnatum, cum magis oportuerit ante omnia Pontificibus scribere, quos & appellaueram.*

VI. Etsi ad alios maiores Episcopos pariter appellasset, ad solum tamen quodammodo Ro-

Ex his omnibus patet altercarum fuisse, an appellasset Eutyches: appellare autem illum potuisse, & causam si appellasset, reservandam fuisse iudicio ad quod prouocasset, id verò à nemine tunc, & ne à Flauiano quidem

ipso in controuersiam vocatum fuisse. Patet 2. promiscuum quid, & indiscretum fuisse, ad Romanum Pontificem, vel ad Concilium vniuersale prouocare. Appellasse enim se iactabat Eutyches ad Concilium Romani, & Alexandrini, & Hierosolymitani, & Thessalonicensis Episcopi. Quod quid aliud est quàm ad Concilium prouocare cui præsint Romanus, adsint & cæteri saltem insigniores orbis Episcopi? Itaque Pontificis & Concilij vna & indiscreta autoritas est, ad hoc & illum pariter prouocatur. Patet 3. etsi Romano Præsuli alios quoque Eutyches Episcopos consociet, & ad omnes pariter prouocet: longo tamen cæteros interuallo à Romano superari. Nam Romanus cæteros semper antecedit. 2. Cùm quatuor primò appellasset nominatim, postea Thessalonicensem omisit, rursus Hierosolymitanum: denique supra audiuius libellos appellationis dantem ad Leonem, & Leonem rei incumbentem, & acta synodalia ad se discutienda mitti postulantem & impetrantem. 3. Flavianus ipse supra solo Leonis nutu & assensu turbas illas omnes citra Concilium componi posse sentiebat. 4. Imperator quoque Theodosius summam rei totius à Leonis maximè autoritate pendere confitebatur. Vnde Leo ad ipsum epist. *Quia causa meritum, & fidei ratio, & laudabilis sollicitudo vestra pietatis exegit, necesse est iam locum subreptionibus non patere, sed prius de quibus cum aestimat arguendum, instrui nos oportet, &c.* Et epist. 15. ad Synodum Ephes. 2. *Religiosissima clementissimi Principis fides hanc reuerentiam diuinis detulit institutis, ut ad sanctæ dispositionis effectum, auctoritatem Apostolica Sedis adhiberet: tanquam ab ipso B. Petro cuperet declarari, &c.* 5. Non iniuriâ ergo Leo totam ad se pertraxit causam ante Synodum vllam, Flaviani sententiam firmavit, Eutychetem damnauit; si errorem recantaret, restituendum censuit; Synodo nihil opus esse declarauit: dispensatiue tamen Principi Synodum conuocanti assensus est, non ut quasi res dubia ventilaretur, sed ut pleniore iudicio omnis posset error aboleri, &c.

manum Pontificem prouocatio spectabat, ut qui Synodo præsisset, vel cessando à Synodo, eius vicem sufficeret.

ut primitus pestifero errore damnato, etiam de ipsius qui imprudenter errauit, restitutione tractetur. Horum nihil à Thessalonicensi, nihil ab Hierosolymitano, nihil ante Synodum ab Alexandrino tentatum fuerat. Ergo non ex æquo ad hos prouocarat Eutyches. 6. Eutyches ipse, ut supra ex Leonis epistola retuli, imò ut ex ipsis eius verbis probaui, sententiæ Leonis se professus fuerat manus daturum. Et rursus Leo epist. 15. *Si sensus hæreticos damnaverit, quod etiam in libello quem ad nos miserat, est professus, spondens per omnia nostram secuturum se esse sententiam.* Denique Chalcedonensis ipsa Synodus in relat. ad Leonem, uni illi damnati & exauthorati Eutychetis palmam principemque authoritatem adscribit, dum ita Dioscorum incusat: *Eutychetem pro impietate damnatum sua tyrannidis decretis innoxium statuit: & dignitatem, quæ à vestrà illi ablata sanctitate fuerat, restituit.* At extra Synodum Leo abstulerat Eutycheti dignitatem, & post Flauiani sententiam. Vnde non Flauiani sententia in Eutychetem lata proferatur, sed Leonis. Nimirum ut tanto inuidiâ maior Dioscoro confletur, qui non post Flavianum, sed post Leonem & contrà iudicare sit ausus.

VII. Exemplo
Pelagianorum
idipsum confir-
matur.

Ita & Cælestius ab Africanis Conciliis ad Sedem Apostolicam appellarat antè, & coram Zosimo Papa causam rursus dixerat, si qua fides Facundo Hermian. cap. 3. l. 7. *Zosimus fidem ipsius Pelagii, eiusque complicitis Cælestii, quem in Ecclesia Carthaginensi conuictum, atque appellantem Apostolicam Sedem, & ipse gestis discusserat.* In Oriente & Occidente damnatis deliriis suis Pelagiani, Apostolicam Sedem appellarant. Et ibi rursus damnati, Synodum generalem ex Oriente & Occidente sui causâ conuocari gestiebant, ut supra ex Augustino didicimus: *quasi non discussa negotio audientiam postulabant,* ut ait Prosper adu. Collat. c. 41. sed non impetrarunt. Coactæ aliis de causis Ephesinæ Synodo se intruserunt, sed à Nestorianis absoluti, ab orthodoxis Episcopis non rursus cognitâ causâ, sed ex solo pontificiæ sententiæ præiudicio condemnati sunt.

Coniuncta est Eutychetis causæ appellatio Flauiani ipsius in Ephesinâ Pseudosynodo ad Leonem Papam. Ex hac enim apertius etiam fiet, cum ad Synodum œcumenicam prouocatur, nihil aliud quàm ad Papam prouocari, in cuius potestate est, vel rem totam sine Synodo redintegare, si qua possit fieri: vel ad eam redintegrandam, Synodum conuocare. Prodeat primùm Leo ep. 24. & 25. ad Theodosium scriptâ de appellatione Flauiani. *Omnes partium nostrarum Ecclesie, omnes supplicant sacerdotes, ut quia & nostri fideliter reclamant, & cismem libellum appellationis Flavianus Episcopus dedit, generalem Synodum in-beatis intra Italiam celebrari, &c. Quàm autem post appellationem interpositam, hoc necessario postuletur, Canonum Nicææ habitorem decreta testantur, quæ à totius mundi sunt sacerdotibus constituta. A Flauiano legatis suis datos appellationis libellos testatur, ideo Synodum congregari postulat. Ergo ad eum ut Synodi conuocandæ antesignanum, & congregatæ præsidem prouocabatur.*

VIII. Flavianus ad Leonem appellauit à Synodo Ephesina secunda. Ex epist. Leonis.

Idem patet ex literis Valentiniani, Placidix, & Eudoxix ad Theodosium Aug. *Debemus dignitatem propriæ venerationis B. Apostolo Petro intemeratam, & in nostris temporibus conseruare. Quatenus beatissimus Romanæ Ciuitatis Episcopus, cui principatum sacerdotij super omnes antiquitas contulit, locum habeat, ac facultatem de fide, & sacerdotibus iudicare. Huius enim rei gratiâ secundum solemnitatem Conciliorum, & Constantinopolitanus Episcopus eum per libellos appellauit, propter contentionem qua orta est de fide. Orant mox ut prædictus sacerdos congregatis mox ex omni orbe etiam reliquis sacerdotibus intra Italiam, omni præiudicio sublato, omnem causam, quæ vertitur, cognoscat, sententiam ferat, &c. Ergo Flavianus Leonem per libellos appellauit, idque secundum morem Conciliorum, nempe ut coactâ Synodo, Pontifex Romanus de totâ causâ rursus cognosceret, & sententiam ferret. Et in epist. Gallæ Placidix ad eundem Theodos. filium: Odium & contentiones narratur exercuisse Dioscorus, impetens CP. Ciuitatis Flavianum Episcopum, cō*

IX. Item ex literis Valentiniani Augusti & Augustarum, non aliud erat ad Synodum, quàm ad Pontificem prouocare.

Parr. I Conc. Chalced. p. 25.

quòd libellum ad Apostolicam Sedem miserit, & ad omnes Episcopos harum partium, &c. Precipiat tua mansuetudo, ut in statu sacerdotij illaso manente per omnia Flauiano, ad Concilium Apostolica Sedis iudicium transmittatur, in qua primus ille, qui celestes claves dignus fuit accipere, principatum Episcopatus ordinauit. Vides ut promiscuè hæc habeantur, dare libellos ad Sedem Apostolicam, dare libellos ad Sedem Apostolicam & ad omnes Occidentis Episcopos: itemque istam rem totam à Pontifice maximo iudicari de integro, & rei iudicium ad Concilium Sedis Apostolicæ transmitti: denique quanquam in Concilio Sedis Apostolicæ, seu in Synodo Episcoporum agitetur iudicium: tamen Romanus Sacerdos, omnem causam cognoscet, sententiam feret, intemerata veneratio conseruabitur Apostolo Petro. Etenim in redintegrando iudicio Flauiani, non Concilij authoritas Romanum Antistitem sustollet & illustrabit; sed Concilio ipsi ea authoritas defertur, quia *Petro Apostolo intemerata veneratio conseruanda est*: quia Romano Præfuli principatum antiquitas contulit sacerdotij super omnes: quia eius est de fide & sacerdotibus iudicare: quia in Romana Sede primus ille qui celestes claves dignus fuit accipere, principatum Episcopatus ordinauit. Cùm ergo causam Pontificis & Concilij indiuulsè conglutinamus, Concilio magis à Pontifice, quàm vicissim authoritatem aggeramus. Has epistolas olim in hanc rem laudauit Rattamnus cont. opposita Græc. lib. 4. cap. 8. vbi præfatus Leonem Chalcedonensi Synodo præisse, & præfuisse, dictasseque omnia, statuenda quæ essent de Eutychete & Flauiano, addit: *Quibus omnibus euidenter instruimur, non solum Constantino-politano, verùm cunctis Orientalibus Episcopis Romanum Pontificem honore prælatum, veluti qui cunctorum sollicitudinem plenam habere debeat Episcoporum, & cui specialiter incumbat pro cunctis Ecclesiis excubare.*

X. Item ex literis
Marciani.

Et his consentaneus Marcianus postea, *authoritate Leonis, authore Leone Synodum Chalcedonensem haberi consensit, quòd ille principatum in Episcopatu diuina fidei pos-*

sideret: ut alibi demonstratum. Vbi illud operæ pretium est animaduerti; Leonem in causa Eutychetis supersedendum in Concilio existimasse, in causa Flauiani Synodum postulasse ipsum etiam atque etiam, tandem expugnasse. Prouidentia ergo & iudicio Romani Pontificis appellati id permittebatur, tanti res esset, vel non esset, quæ Synodum postularet. Quàm prouida autem utrobique, quàmque salutaria Ecclesiæ essent Sedis Apostolicæ iudicia, ipso rerum exitu comprobatum est. Consultissimum enim fuisset abstinere ab illa Synodo prædatoria Ephesina; consultissimum fuit inflicta Ecclesiis illo latrocinio vulnera per Chalcedonensem Synodum obduci. Itaque cum supersedendum Synodis iudicat Sedes Apostolica, non sibi honoris cumulum, sed pacem Ecclesiæ parat: cum indici Synodos hortatur, non honori suo quidquam detrahit, sed adiicit plurimum. Eccunde enim plus accreuit honoris Sedi Apostolicæ, quàm ex Synodo Chalcedonensi?

Liberatus quoque in Breniario cap. 12. paululum prosequutus Dioscori grassationes in Ephesino latrocinio, addit: *Porro locum obtinentes Papa Leonis, omnibus quæ sunt gesta, contradixerant. Flavianus autem contra se protulâ sententiâ, per eius legatos Sedem Apostolicam appellauit libello. Et hunc terminum illa Synodus habuit. Quæ cum ita constent ex Leonis, ex Valentiniani Imperatoris, ex Reginarum, ex Liberati testimonio: nâ pudorem omnem decoxerint necesse est, qui appellatum à Flauiano esse ad Leonem, ambigere se fingunt. Nam quod in Ephesinæ Synodi actis non referatur aliud, quàm quòd cum in Flavianum & Eusebium depositionis sententiam protulisset Dioscorus, Flavianus Episcopus dixit, Apello à te. Ita enim antiquissimus interpres reddidit, cum Græcè scriptum sit, *παραιστέμαί σε*: id est, Recuso te. Hilarus Diaconus Ecclesiæ Romanæ dixit, contradicuntur: *νοτεγείμην*. Non hinc appellatam Sedem Romanam esse prohibetur: cum tam disertè id testificentur supradicti omni exceptione maiores; &*

XI. Item ex Liberato. Occurritur obiectioni Nouatorum.

A. I.

qui primùm recusauit Dioscorum, consequenter prouocare potuerit ad Leonem. Ideo & Chalcedonensis Synodus cùm hæc legerentur, exclamauit illico, *Leonis multos annos, Patriarchæ multos annos*. Et restituti Flauiani post mortem suam, Iustinianus Imperator in edicto fidei, primariam laudem Leoni tribuit: *Et in Flauiano Episcopo Constantinopolitana Ciuitatis, iniuste quidem in vita damnato, iuste autem post mortem reuocato, tam à sanctæ memoria Papa Leone, quàm à sanctæ Chalcedonensi Synodo.*

XII. Eadem esse Concilij & Pontificis authoritas ex Macedonio Episc. CP. rursus probatur.

Eadem Pontificis Romani & œcumenici Concilij authoritatis communio, & indiuidua societas liquebit rursus ex Theodori Lectoris synopsi lib. 2. *Cùm hæc gereretur, Imperator Anastasius Macedonium Episcopum CP. vehementer urisit, ut Chalcedonensem Synodum anathemate damnaverent. Ille verò sine vniuersali Synodo, cui magna Roma Episcopus præsidere, nihil se facturum dixit.* Vides non aliter ad Synodum œcumenicam, quàm ut præside suo infessam prouocari. Et huius porro potestatis esse, non tantum præsidere Synodo, sed & in totum abstinere à congregandâ œcumenicâ Synodo: manifestum ex eo est, quod cui potestas adnata est congregandæ, & regendæ Synodi, insit eidem prouidentia, quando cā vtendum sit, vel temperandum. Cùm vel maximè generales Synodos conuocari toties, in Ecclesiarum dispendium vergat. Denique id nos luculento & causæ Flauiani accommodatissimo docebit exemplo Theodorus Studita lib. 2. epist. 129. ad Leonem Sacellarium, vbi agit de restituendo Nicephoro Patriarcha Constantinopolitano. *Fieri nullâ ratione potest, ut seculari iudicio diuinum iudicium comparetur, aut ut coalescat hæc Ecclesia, non consentientibus quinque Patriarchis. Quod si roget quispiam quo pacto id fieri possit; Si excedant, inquam, Ecclesiis Dei heterodoxi, & propriam sedem recipiat Nicephorus sacer Patriarcha. Qui coacto eorum conuentu, cum quibus certamen sustinuit, si fieri non possit, ut ab aliis Patriarchis adsint vicarij: (quod certè fieri potest, si velit Imperator Occidentalem interesse, cui & potestas summa deferatur Synodi œcumenicæ)*

œcumenica) attamen pacem conficit & coniunctionem, synodicas suas ad primæ Sedis Præsulem mittendo. Quod si hoc minime probet Imperator, deflexitque, ut ipse ait, à veritate Nicephorus Antistes: mittenda est ad Romanum ex utràque parte legatio, & inde fidei accipienda certitudo. Etenim sic res se habet, ut si aberret unus ex Patriarchis, à ceteris eiusdem ordinis, quemadmodum diuinus Dionysius tradit, correctionem admittat, non ab Imperatoribus indicetur, licet omnes quotquot unquam fuerunt Imperatores orthodoxi. Causam Episcopi Constantinopolitani & omnium adeò Patriarcharum agendam esse docet in Synodo œcumenicâ, cuius summa potestas defertur Romano Præsuli. Si non possit conuocari Synodus œcumenica, eius vices implebit *prima Sedes*, fidei certitudinem mittet, Patriarcharum correptionem faciet.

Venio nunc ad Theodoretum quoque Cyrensis Episcopi appellationem. Restitutam illi sedem propriam à Leone Papâ in Chalcedonensi Synodo probatum est. Vnum addo ex Liberati breuiario testimonium, ut colligendæ Synodi authoritatem, quæ fauciatis mederetur Ecclesiis, penes Leonem vnum fuisse clareat, etsi tunc nisi consensio accederet Imperatoris, irriti vanescerent conatus. Sic ergo ille. cap. 12. narratâ prolixius strage Ephesinâ: *Quos sequutus Theodorus Episcopus Papa suggessit, quanta mala pertulerit ex insidiis Dioscori: rogans ut celerius tali causa subueniretur per alium conuentum Episcoporum, ne hæretica Eutychetis dogmata permanerent, à Dioscoro confirmata.* Vtrumque Ecclesiæ exitiale fuit, quod extundi omnino à Theodosio Imp. precibus Leonis non potuerit, ut ne conuocaretur Ephesina Synodus; & semel congregata, immaniterque grassata, per aliam Synodum emendaretur. Saluberrimum Ecclesiæ vtrumque fuit Leonis consilium, ut prius supersederetur, ut postea instaretur Synodo cogendæ.

Summam autem rei circa Theodoretum, narrat Facundus Hermian. lib. 5. cap. 3. vbi acerbè inuehitur in eos,

XIII. Theodoretus quoque ad Leonem appellauit.

XIV. Idem ex Facundo Herm,


qui nonnisi act. 8. Concilij Chalcedon. cum admissum cauillabantur. Quid ergo non sedit cum sanctâ Synodo Theodoretus Episcopus, nisi in actione 8. postquam factum est de Eutychæ & Dioscoro iudicium, & disposita sunt à sanctâ Synodo recta Patrum constituta? Et quomodo refertur in eiusdem Synodi gestis, quod in ipsâ primâ actione Theodoretus inter alios Episcopos sedit, consulatu Marciani Augusti, 8. Idus Octobris? Nonne ibi continentur hæc verba: Gloriosissimi Indices & amplissimus Senatus dixerunt: Ingrediator reuerendissimus Episcopus Theodoretus, ut sit particeps Synodi: quia & restituit ei Episcopatum sanctissimus Archiepiscopus Leo: & sacratissimus ac piissimus Imperator sanxit, eum adesse sanctæ Synodo. Theodoretus reu. Episcopus transiens in medium, dixit: Preces obtuli sacratissimæ & Christianissimæ Orbis dominis, & narraui quæ in me acta sunt vulnera, & precor hæc perlegi. Et post hanc eiusdem reuerendissimi Theodoreti prosecutionem, interloquentibus iterum gloriosissimis iudicibus & senatu, quod & à sanctissimo Episcopo inclytæ urbis Romæ proprium locum recepisset idem Theodoretus, & testimonium haberet Maximi Antiocheni Episcopi, quod Catholica fidei esset, sicut ibi scriptum est: sedit in medio, ipsoque presente, & inter alios Episcopos confidente, recitata sunt, quæ sub Dioscoro Ephesi fuerant gesta. Itaque & Imperatoris, & iudicum, & Synodi, si paucos demas, assensu Theodoretus Synodo interesse iussus est, quod illum sedi suæ Leo restituisset: quanquam pleniore iudicio ut sæpe alias, actione 8. idem admissus absolutissime fit.

XV. Refellitur
Novatorum ex-
ceptio, non iu-
dicialiter, sed so-
lo dissensu hæc à
Leone gesta.

Quod autem non synodice restitutum à Leone Theodoretum garrunt, sed sola communionis non interruptæ consociatione, & irritatis solo dissensu actis Ephesinis, hæreticæ vertiginis & imperitiæ id quidem argumentum est. Synodice enim, & iudicialiter proinde Leo rescide-
rat acta Ephesini latrocinij, ut alibi ostendimus, & ut li-
quet ex sæpius allegatis Valentiniani Augusti & Augu-
starum epistolis ad Theodosium. Accurrisse enim sibi Leo-
nem sacerdotum agmine, pro loci sui dignitate, cinctum

restantur. Synodicè ergo adcoque ex autoritate cassatis Ephesinis decretis, irritabatur & Theodoretì depositio. Sed esto, solo dissensu Sedis Romanæ soluta sint acta illa, ac præ cæteris exauthoratio Theodoretì; idipsum est, quo principatus illius Sedis illustratur. Hoc ipsum est enim quod Gelasius Papa contendit, à primâ Sede in irritum missas Pseudosynodorum complurium sententias, quia *non consensit*. Eòdem redit quod de communione iactatur. Nam & Cæcilianum, & Athanasium, & Chrysostomum, & Flavianum, adde & Theodoretum, & complures alios nefariis machinationibus damnatos, prima Sedes ideo restituit, quia communionis suæ sinu continuit: Synodos illis aduersaras cassauit, quia *non consensit*. Gelasius epist. 13. ad Ephes. Dardan. *Apostolica Sedes frequenter more maiorum etiam sine ullâ Synodo præcedente, & absolvendi quos Synodus iniquè damnauerat: & damnandi nullâ existente Synodo quos oportuit, habuit facultatem. Sanctæ memoria quippe Athanasium Synodus Orientalis addixerat, quem tamen exceptam Sedes Apostolica, quia damnationi Græcorum non consensit, absoluit. Sanctæ memoria nihilominus Ioannem Constantinopolitanum Synodus etiam catholicorum Præsulum cerè damnarat: quem simili modo Sedes Apostolica etiam sola, quia non consensit, absoluit. Itemque sanctæ memoria Flavianum Pontificam congregatione damnatum, pari tenore quoniam sola Sedes Apostolica non consensit, absoluit: potiusque qui illic receptus fuerat, Dioscorum, secunda Sedis Præsulem sua autoritate damnauit, & impiam Synodum non consentiendo, submonit. Ergo summum est autoritatis ecclesiasticæ pondus in primæ Sedis consensu vel dissensu, quo synodica gesta omnia vel irritantur, vel confirmantur. Et quis non videat, vel tantisper in annalibus Ecclesiæ exercitatus, inde suspensam à Deo omnibus sæculis fuisse & religatam fidei Ecclesiæque incolumitatem? Liquet exemplis à Gelasio congestis, & sexcentis aliis Episcoporum & Synodorum, quibus autoritatem, quia prima Sedes vel ademit, vel restituit, ita labefactatæ reipublicæ Christianæ consultum*

fuit. Et omnium quidem Episcoporum erat non consentire scelestis molitionibus, sed suo dissensu eas irritare, & omnibus sæculis irritasse, & solam irritasse plerumque sine œcumenica Synodo, & in omnibus Ecclesiarum monumentis hanc vni sibi laudem vendicasse, id proprium & singulare decus est primæ Sedis.



DISSERTATIO XII.

IN CONCILIVM

CHALCEDONENSE

SIVE OECVMENICVM IV.

Anno Christi 451.

SYNOPSIS.

Ante œcumenicas Synodos fidem prædefiniit Sedes maximè Romana, & quasi Synodis præiit, dictauitque, quod sequerentur. Ex Synodorum generalium enumeratione id perficitur vsque ad num. XI.

Nec Synodorum œcumenicarum authoritas hinc extenuatur, nec vlla Pontificis & Synodi conflictatio olim vel in suspicionem venit: quin alteri ex altero lucis & maiestatis fiebat accessio, siue decreta Pontificia rursus in Synodo examinarentur, siue citra nouum examen subscriberentur: quod in Pontificis erat potestate, priori examini acquiesceret, an plenius ipsemet in Synodo, & cum Synodo rem examinaret. Vsque ad num. XXV.

Pontifici aliquando supplicatum, nunquam ab ipso ad Synodum prouocatum: ut cuius cum Synodo vna & indiscreta potestas sit, itemque cum Ecclesiâ vniuersâ per Orbem effusâ, cuius

ipse Caput, Cor, Os vnus est. Id antiquissimis, id nouissimis Pontificibus exploratissimum fuit; ita denique nupera haereses à Pontifice simul, simul ab vniuersâ Ecclesiâ prostratae sunt, etiam sine Synodis, vel ante Synodos. Vsq̃ue ad num. XXXIV.

De Dioscori in Leonem Papam ausu nefario. De Theodoro per Leonem restituto. De eodem & aliis quibusdam fidei assensientibus, in facto & persona notabundis, plenissimè Synodo assentiri compulsis. Vsq̃ue ad num. XXXIX.

Imperator idem Sacerdos dicitur: quo sensu? Synodis adest, dum de fide quaeritur, non vt fidei Dictator, sed vt Auditor & Custos. Vsq̃ue ad num. XLV.

Iudiciis canonicis abstinere Imperatores, multò magis à ferendis legibus ecclesiasticis. Quin leges Canonibus inimicae, & irrita, & irritatae sunt, tum à Principe, tum ab Ecclesiâ. Vsq̃ue ad n. LI.

In causis canonicis saepe indices ecclesiastici ab Imperatore petebantur, dabantur, eorum ab illo potestas saepe extra territorium prorogabatur: non semel Princeps ipse de iis cognoscebat. Haec omnia non iuris, sed dispensationis fuisse ostenduntur: vt inde elucescat, longè consultius, & iuri, libertatique ecclesiastica accommodatius fuisse, vt haec omnis ecclesiasticorum iudiciorum potestas ad legitimum iudicem, ad Episcopum Episcoporum renocaretur. Vsq̃ue ad n. LXII.

EPISTOLÆ Leonis ad Flavianum, Catholicæ fidei summam quoad duas Christi naturas complectenti, iam episcopale collegium, iam Christianus orbis consenserat, cum ad idem Catholicum dogma corroborandum coacta est Synodus Chalcedonenſis. Itaque duo hîc illustris controuersiae capita elucidare adgredimur, fidei decretum præiſſe, ac dictaſſe quodammodo Synodis etiam generalibus Romanam Sedem: & illibato tamen illo primatus prærogatiuæ iure, cogi vniuersalem Synodum: & in ea, excitam controuersiam splendide & pompaticè definiri potuisse.

Atque vt ex ipsis generalibus Synodis initium faciam, I I. Probatuſ id

Qq iij

I. Ante œcumenicas Synodos, fidem prædefinit Sedes Romana, & quasi Synodis præiuit, & dictauit, quod sequeretur.

ex Ephesina I.
Synodo.

ita perspicuè Ephesinæ primæ Synodi Patres act. 1. testificantur se damnare, & exauthorare Nestorium, *coactas per sacros Canones, & epistolam sanctissimi Cælestini Romana Ecclesia Episcopi.* Et ibidem in relat. ad Imp. Nestorium à sacerdotio, *peruersâque doctrinâ cessare fecimus, Cælestinum magnæ Romæ Episcopum collaudantes, qui ante nostram sententiam heretica Nestorij dogmata condemnarat, nosque in ferendâ contra ipsum sententiâ anteuenterat, prospiciens securitati Ecclesiarum.* Et act. 2. legitur epistola Cælestini, quâ non velut rem controuersam, paribus hinc & inde momentis in Synodo trutinandam, sed vt indubiam & constantem de vnâ in Christo personâ doctrinam præscribit, & legatos à se missos ait, *qui iis quæ aguntur, intersint: & ea quæ à nobis antea statuta sunt, exequantur: quibus præstandum à sanctitate vestrâ non dubitamus assensum, quando id quod agitur, videatur pro vniuersalis Ecclesiæ securitate decretum.* Et mox Proiectus legatus ait, per literas suas Cælestinus *sanctitatem vestram hortatus est, non quasi ignoram docens, sed velut gnaram commonefaciens, vt ea quæ dudum antè definiit, & nunc in memoriam reuocare dignatus est, ad finem plenissimum iubeatis perducere, iuxta Canonem communis fidei, & Catholica Ecclesiæ utilitatem.* Philippus item legatus paulò post, gratias agit Synodo, quòd epistolis Cælestini succinuerit: *non enim ignorat vestra beatitudo, totius fidei, vel etiam Apostolorum caput esse. B. Apostolum Petrum.* Et act. 3. in relat. ad Imp. testantur Ephesini Patres Occidentalem Ecclesiam Romæ confluisse in Synodum, *sententiam de fide prædicasse, eos qui diuersa sentiunt, ab omni prorsus sacerdotij sorte graduque deiectisse.* Et hac quidem etiam antequam sanctissima hac Synodus conueniret, Cælestinus per literas indicauerat, *Cyrilloque suas vices commiserat, &c.* Quia ergo viri isti qui venerunt, totius Occidentalis sanctæ Synodi sententiam nostræ huic Synodo per literas exposuerunt, &c. Itaque vt alibi aiunt, nisi vellent ab Occidentalium communione sese dissociare, necessum erat, vt in Cælestini prælucentem sententiam Ephesini Episcopi conuenirent. Audi & Cyrillum

in epist. ad Ioan. Antioch^o *Misit Nestorius quosdam suarum Exegeſeon quaterniones Romam: quos cum piſſimi Episcopi, qui in magna Romanorum urbe inuenti sunt, legiſſent, multiſque conſeſſibus & conſultationibus habitis examinaſſent, illorum authorem non abſque indignatione exhiberunt: palam aſſerentes nouam illum, eamque pernicioſiſſimam, & à nullo veterum hereticorum antea vnquam excogitatam hereſin moliri. Addit à ſe quoque Romam miſſos alios Neſtorij commentarios, cum eius ſubſcriptione: Tunc ſancta Romana Synodus diſertam ſtatim in illum ſententiam tulit: quã de re & ad tuam quoque pietatem perſcripſit. Quibus parere neceſſitas, ἀνάγκη, illis incumbit, qui à totius Occidentis communionem excidere noluerint. Et idem Cyrillus, Synodusque Alexand. in epistolâ ad Neſtorium de excommunicatione: Niſi iuxta tempus in literis Caeleſtini Romani Episcopi expreſſum à ſtolidis dogmatibus deſiſtas; certò ſcias nullam tibi cum Episcopis & ſacerdotibus Dei ſortem, nullum ſermonem, nullum denique locum futurum. Itaque Sixtus Caeleſtini ſucceſſor ad Ioannem Antiochenum eccleſiaſticae paci redditum, ita ſcribit: Expertus es negotij præſentis euentu, quid ſit ſentire nobiſcum. Beatus Petrus Apoſtolus in ſucceſſoribus ſuis quod accepit, hoc tradit. Quis ab eius ſe velit ſeparare doctrina, quem ipſe inter Apoſtolos primum Magiſter edocuit. Denique audiendus Capreolus Carthagin. Episc. in epist. ad Synodum Ephesiſinam: Tantiã conſtantiã & virtute, quibuſcumque nonis erroribus reſiſtatis, ne hos quos pridem impugnanſ Eccleſia, hiſque temporibus repullulantes, Apoſtolica Sedis authoritas ſacerdotumque in vnum conſonans ſententia oppreſſit, ſecunda diſputationis prætextu vox iam dudum ablata renouare videatur, &c. Si quis ea, quæ iam olim diiudicata ſunt, denno in diſputationem vocari ſinat, is ſane nihil aliud facere cenſebitur, quàm de fide, quæ hæcenus valuit, ipſemet dubitare. Quæ ille, vel de Pelagianis, vel de Neſtorianis deliriis antè proſtigatis intelligere potuit. Nam & Pelagiani ſpe œcumenicæ Synodi criſtas erigebant, quaſi diſputationem reſtauraturi: & Neſtoriani olim in Paulo Samofateno præfocari fue-*

rant, & in Photino, Ebione, aliisque istiusmodi porten-
tis pridem iugulatis. Quoquo modo Capreolum inter-
pretemur, perinde est: nam nullâ adhuc cognati hi er-
rores œcumenicâ Synodo damnati fuerant: sed cum par-
ticularibus Synodis, vel Apostolicæ Sedis maximè au-
thoritate elisi fuissent, negat Capreolus in œcumenica
Synodo locum illis instaurandæ disputationis concedi
debere. Cuius rei ineluctabilem suggerit illico rationem.
Nam vetustus error veterum Patrum autoritate etiam
in Synodo œcumenica damnandus est. Quorum autem
nisi eorum qui olim superstites illum ebullientem com-
presserunt? Deinde ad posteritatis exemplum, ut ea quæ nunc
pro catholicâ fide definita sunt, perpetuam firmitatem obtinere
valeant, oportet ea omnia inconcussa immotaque conservare, quæ
superioribus temporibus à sanctis Patribus constituta sunt. Nam
qui illa perpetuam stabilitatem retinere voluerit, quæ de catho-
lica fidei ratione statuerit: is non propriâ autoritate, sed anti-
quorum Patrum iudicio sententiam suam corroborare debet: ita
ut eâ ratione, partim veterum, partim recentiorum decretis &
sententiis placita sua comprobans, unicam Ecclesiæ veritatem iam
inde ab initio ad præsens usque tempus simplici puritate, inui-
ctâque constantiâ, & autoritate decurrentem se asserere, docere,
& tenere ostendat. Hæc ille. Et quia dominari videtur qui-
busdam in damnatione Nestorij autoritas & doctrina
Cyrilli: vnde huic pondus accederet, docebit nos Ru-
sticus Ecclesiæ Romanæ Diaconus in disp. contra Aceph.
*Epistola Cyrilli ad Nestorium, quas & sanctissimus Cælestinus
Papa magna Roma ut proprias suscepit. Et infra: Ista epî-
stolas, id est, suas & Orientalium de pace, transmittens Cyril-
lus Romana Ecclesiæ sedi, à Sanctissimo Xisto confirmari satagit.
Et infra: Cyrillus in epistolâ, quam & Sedes Apostolica, &
sancta Ephesina Synodus confirmavit.*

III. Summa ca-
pita doctrinæ hu-
ius de Pontifice,
& Concilio: eius-
que confirmatio
ex Nilo Archiep.
Thessal.

Ergo id Capreolus, id Cælestinus, id Cælestini ad
Synodum legati profitentur, integrum iam non esse rem
veluti dubiam hinc & hinc versare, aut recidiuæ dispu-
tationis campum aperire fidei aduersariis, cum eorum
deliramenta

deliramenta iam protriuerit *Apostolica Sedis auctoritas, sacerdotumque in unum consonans sententia*. Vnde sententiæ à Cælestino latæ executionem Synodo iam incumbere promouendam, Cælestini ipsius & literæ & legati inculcant. 2. Synodus ipsa œcumenicâ confitetur se ad damnationem Nestorij *cogi* literis Cælestini, & præiudicio Romanæ sub Cælestino Synodi se coartari; nec ab Occidentalium sententiâ & communione posse Orientalem Ecclesiam citra sui excidium dissilire. 3. Ideo & prima statim actione Ephesinæ Synodi Nestorius cum suo errore percellitur. Damnatur & in hac Synodo Cælestianus seu Pelagianus error citra nouam eius ventilationem, ex solo Apostolicæ Sedis, sententiæque inde vibratæ præiudicio. 4. Vnitas ipsa Ecclesiæ, fideique indissociabile vinculum ita iubet. Nam cum Cælestinus Occidentalis Ecclesiæ suffragatione succinctus Nestorianam, Pelagianamque insaniam proscripsisset, iam Orientalibus & exitiale & scelestum fuisset ab illorum fide & communione diuelli. Cum item dudum in Occidente Apostolica maxime Sedes Pelagianos & errores & authores oppressisset, fas non erat postea Orientali etiam œcumenicæ Synodo, rem illam velut ancipitem iterato examine librare, nisi corpus Ecclesiæ catholicæ discerpere auderet. 5. Denique cum nec in Synodis œcumenicis fides astruatur, nisi ex auctoritate & consensione, tum eorum qui superiores ætates illustrauere, tum eorum etiam Patrum & Pastorum, qui diffusæ toto orbe Ecclesiæ tractus diuersos regunt: hinc patet vbi præfinitum quid est in Apostolicâ Sede, & Romanâ atque Occidentali Synodo, iam non vllum ambigendi locum aut disputandi superesse, nisi fortè ex redundantia iuris. 6. Et postremò, etsi œcumenicæ Synodi olim omnes in Oriente congregatæ sint, pondus tamen & momentum rebus addebat Romana Ecclesia, & præluces Occidentalium Synodus. Cui dogmati illustrando accommodatissima sunt, quæ disputat Nilus de primatu Papæ lib. 1. Causam enim Græcos in-

ter & Romanos exciti dissidij, hanc vnam esse ait: *quod quaestio controuersa communi aecumenica Synodi decreto non sit confirmata: quod eius solutio, explicatioque non fiat ex veteri Patrum in eiusmodi negotiis consuetudine. Sed quod Romani quidem magistrorum in hac quaestione partes sibi sumunt; alios verò instar discipulorum dicto audientes habere velint. Mox declarat, quo se scuto tueantur Latini: At Papa, inquiunt, summus est sacerdotum Princeps, & Pastor, ac Pater, cui & vniuersalem Synodum conuocare: & priuatim absque aliis de ecclesiasticis negotiis statuere licet. Contrà ipse excipit: Ceterum & Iulius Papa erat, & Damasus, & Celestinus, & Leo, & Agathon, neque tamen unquam hac dixerunt: sed unà cum aliis fratribus conuenientes, & dogmata stabiliebant, & pacem Ecclesiis conciliabant, &c. Et Agathonem, & Celestinum, & Leonem priuatim quidem de rebus controuersis Synodum conuocasse videmus: ita tamen, ut qua illic particulariter disceptata fuissent, ad vniuersalem Synodum referrentur, & communi sententiâ veritatem stabiliri postularent. Alioquin si Papâ priuatim Synodum cogente, reliquos eius decretis assentiri necesse esset, nemine contradicente, supernacaneum planè foret aecumenicum tribunal. Si verò multi, imò verò innumeri sunt, qui contradicant: quo pacto equum fuerit medicinam, quâ solâ salus obtineri potest, repudiare? Ad hac si è vulgo tantum hominum aliqui dissiderent: prae-textum aliquem haberet eorum oratio, atque adeò iniquum censeretur, tanti quosdam facere, ut ipsorum causâ totum orbem concutere velimus. Nunc verò cum capita orbis terrarum propemodum inter se dissentiant; annon valde absurdum fuerit, de vniuersali fide aliter, quàm cum vniuerso orbe simul statuere atque decernere. Et infra rursus exceptionem Latinorum constantissimam iterum inculcat, & diluere conatur: At, inquiunt, vniuersalibus Conciliis nequaquam proposita fuit inquisitio veritatis: sed conuenerunt, ut eam confirmarent: ideoque etiam nunc non in dubium vocari hoc dogma iustum esse, sed stabiliri. Quo verò pacto hoc ais? Si quidem nulla vniuersalium Ecclesiarum contradicat, aut aliqui una sola, aut pauci aliquot, assentior & ego. Si verò eam quin-*

que sint Ecclesie universales, una reliquis contradicit: annon iustum sit omnes convenire, & infinitis votis, summaque disquisitione habitâ, dogma stabiliri. Vbi adverte 1. quid Græculi alendo schismati, quid Latini opprimendo contendant: & quàm disertè isti nostram hanc sententiam profiteantur, ad Concilia œcumenica conuolare Patres, non quasi ad veritatem quæ latuerat, venandam: sed ad eandem Romanâ ex arce splendidius radiantem, maiore pompa ornandam. 2. Nilum ipsum plura ferè largiri, quàm è nostratibus aliquos, quorum adeò error perspicuus est. Nam si modò nulla patriarchalium Ecclesiarum contradicat, aut vna tantum, vel pauci aliquot: annuit & ipse, standum definitione Cathedræ Petri: nec œcumenicâ Synodo opus esse. 3. Qui contrà nobis hac in parte dicent, non aliis poterunt nos, quàm à Nilo, seu à schismatis officinâ depromptis laceßere telis: non poterunt non totam Latinæ Ecclesiæ causam aduersus Græcos in dogmate de processione Spiritûs sancti labefactare. Ibi enim Latini decretis Apostolicæ Sedis ita inhæserunt, ut ea veluti dubia deinceps in controuersiam vocari ne in œcumenicis quidem Conciliis passi sint. 4. Passim autem cæspitat Nilus in veteri Pontificum & Synodorum historia: nam ut Iulius, Cælestinus, Leo, Agatho, à Synodis œcumenicis haudquaquam abhorrere: sed quæ ipsi iam præfinierant, ea velut nutantia in disceptationem trahi, omnino vetuere: ut hîc propalabitur: ita & posteriores Romani Pontifices ad Synodos œcumenicas etiam prouocauere Græcos: auitum de processione Spiritûs sancti decretum velut anceps & dubium vexari intercessere.

Ad Ephesinam nunc venio secundam Synodum, cui IV. Idem euincitur, ex Ephesina secunda Synodo. œcumenicum quoque nomen & pondus accessisset, nisi consilia Ecclesiæ Dioscorus sæculari ausu interuertisset. Affirmat ergo Leo Papa epist. 12. ad Theod. Eutychem quidem *imperitè & imprudenter errare detectum, debuisse à suâ meritò reprobabili persuasione discedere:* sed quoniam

R r ij

Imperator Synodum Ephesi indixisset, legatos eò à se mitti, *ut quia dubitari non potest, quæ sit Christiana confessionis integritas, & totius erroris prauitas damnetur, & respiciens qui deniauerat, si pro veniâ supplicaret, sacerdotales ei beneuolentiâ subueniret, cum in libello suo, quem ad nos misit, hoc saltem sibi ad promerendam veniam reseruauerit, ut correcturum se esse promitteret, quidquid nostra sententia de his quæ male senserat, improbasset. Quid autem catholica Ecclesia uniuersaliter de sacramento dominicæ incarnationis credat & doceat, ad fratrem & Coepiscopum nostrum Flavianum plenius continent scripta, quæ misit.* Præcipit ergo Pontifex definire, & de dogmate, & de persona Eutychetis, nec rem veluti dubiam ad Synodum transmittit. Eiusdem tenoris est epist. 13. ad Pulcheriam: at epist. 15. ad ipsam Ephesinam Synodum, peræquè rem extra dubium collocat, legatosque à se mitti ait, *Qui communi vobiscum sententiâ, quæ Domino sint placitura, constituent: hoc est ut primitus persistero errore damnato, etiam de ipsius qui imprudenter errauit, restitutione tractetur, si tamen veritatis doctrinam complectens, sensus hereticos quibus imperitia eius fuerat irretita, damnaverit.* Et epist. 16. ad Flavianum, ait Imperatoris prolixiori sollicitudine congregari iussam Synodum, *quamuis euidenter appareat, rem de quâ agitur, nequaquam synodali indigere tractatu: missos tamen à se legatos cum scriptis, quibus de his quæ causæ conueniunt, plenius instruantur.* Et epist. 17. ad Theodosium Imp. *Cum tam euidentis fidei causa sit, ut rationabilibus causis ab indiscendâ Synodo fuisset abstinendum, &c. quia non talis quæstio orta est, unde aut possit, aut debeat dubitari.* Vides quàm non ancipitem patiatur haberi quæstionem, nec vllum ambigendi vel disputandi locum permittat Synodo, quin antè ipsemet omnia definita & inconuulsa fidei dogmata ostendat, & epistolæ suæ commendata ostendet. Denique quod à priori definitione Leonis dissensisset Ephesina pseudosynodus, à Leone ipso, & Romana Synodo protinus rescissa est ante aliam œcumenicam Synodum. Idem Leo

epist. ad Theodosium de Anatolio scribens, non antè assensurum se ait eius Episcopatu, quàm consentanea scripserit suæ epistolæ. At Pulcheria Augusta ad Leonem de Anatolio scribit: *Anatolius in eadem fide permansit atque religione: & suarum literarum Apostolicarum confessionem complectitur, &c. epistola similiter catholica fidei, quam ad sancta memoria Flavianum Episcopum tua beatitudo direxit, sine aliquâ dilatione subscripsit.*

Iam verò ad Chalcedonensem Synodum hæc scribit Leo, legatos à se mitti: unde *Nunc in vicariis meis adsum, qui dudum in fidei Catholica predicatione non desum; ut qui non potestis ignorare, quid ex antiquâ traditione credamus, non possitis dubitare quid cupiamus. Unde fratres charissimi, reiectâ penitus audaciâ disputandi contra fidem diuinitus inspiratam, vana errantium infidelitas conquiescat. Non liceat defendi, quod non licet credi. Cùm secundum euangelicas auctoritates, secundum propheticas voces, Apostolicamque doctrinam, plenissimè & lucidissimè per literas, quas ad beata memoria Flavianum Episcopum misimus, fuerit declaratum, quæ sit de sacramento incarnationis Domini nostri Iesu Christi pia & sincera confessio. En quàm expressè declaratâ per suam ad Flavianum epistolam fide, vetet deinceps etiam in Synodo œcumenicâ dubitari, aut disputari quidquam vel defendi. Et quidem in ipsâ statim act. 1. Concilij Chalcedon. erumpunt apertissima Episcoporum studia in Flavianum, odia in Eutychetem & Dioscorum. Act. 2. statim Cecropius Episcopus ait: *Emerferunt quæ ad Eutychetem pertinebant, & super iis forma data est à sanctissimo Archiepiscopo Romana urbis, & sequimur eum, & epistole omnes subscripsimus. Reuerendissimi Episcopi clamauerunt, Ista omnes dicimus. Et statim recitato Nicæno Symbolo inter alia quæpiam exclamant Episcopi omnes, Omnes ita credimus, Papa Leo sic credit, Cyrillus ita credidit, Papa Leo ita interpretatus est. Perlectâ deinde Leonis bracteatâ illâ ad Flavianum epistolâ, Episcopi clamauerunt, Hac Patrum fides, hæc Apostolorum fides. Omnes ita credimus. Petrus per Leonem ita lo-**

V Idem luculentissimè ex Chalcedonensi.

318 DISSERTATIO DVODECIMA

cutus est. Apostoli ita docuerunt, &c. Catholici ita sapimus. Hæc Patrum fides. Hæc in Epheso cur lecta non sunt? Hæc Dioscorus occultauit. Et hæc quidem ante vllam disputationem, ante nouum Eutychianæ insanix examen, ante accumulatas antiquorum Patrum pro catholico dogmate sententias. Denique latrocinij Ephesini labe inde indicatur profecta, quod artibus Dioscori euictum sit, ne Leonis epistola legeretur. Sed nihil in hanc rem vehementius epistolâ Synodi ipsius Chalced. ad Marcianum Imp. sub calceem act. 3. Nos igitur considerantes, & vniuerso orbi facta tempestatis causam inquirentes, huius rei authorem comperimus Dioscorum quondam Alexandr. Episcopum. Primum quidem quia epistolam à sanctissimo Archiepiscopo senioris Roma Leone directam ad Flavianum, recitari prohibuit reuerendissimis Episcopis Ephesi congregatis, & hoc post promissiones suas, & iuramenta plurima, &c. Secundo quia Eutychi agrotanti impietate Manichæi & legitime abdicato, tam sacerdotium, quàm monachorum principatum ante decretum synodale irregulariter reddidit: & hæc cum sanctissimus & beatissimus magna Roma Archiepiscopus Leo per easdem literas conuenientia decreuisset, & scelestam Eutychis in scriptis damnasset perfidiam. Et mox rursus in epist. ad Pulcheriam August. Qui dispergebat, extinctus est. Sopitus est persecutor. Princeps tempestatis Dioscorus explosus est. Ipsique naues suas in cursu repetiere rectores, Christo ad intelligentiam prosperè dirigente, qui ostendit in Leone mirabili veritatem; quia sicut sapiente Petro, ita & isto vltimæ assertore, &c. Dioscorum sacerdotij dignitate desinimus alienum. Fratribus enim scandala ponebat ut nequam, & in ore suo abundauit nequitia, fallaciâ suâ literarum Romani Pontificis abnuens lectionem. Act. autem 4. è vestigio Legati Leonis pronunciant, amplectendam omnibus fidem esse Nicænæ, Constantinopolitanæ, Ephesinæ Synodorum, & epistolæ Leonis aduersus Nestorium & Eutychetem. Tum illicò exclamant Episcopi, Omnes sic credimus, sic baptizati sumus, sic baptizamus. Tum sigillatim omnes huic Leonis epistolæ subscribunt, ut consentaneæ anteriori-

bus Synodis œcumenicis. Tum excandescit Synodus adversus Ægyptios, contantes & comperendinantes, etsi non respuentes omnino subscribere epistolæ Leonis: passimque inclamatur: *Qui non subscribit epistola, cui omnis sancta Synodus consensit, hæreticus est.* Actione 5. Iudices dixerunt: Dioscorus dicebat, Ex duabus naturis suscipio: duas non suscipio. Sanctissimus autem Archiepiscopus Leo duas naturas esse dicit in Christo, &c. Quem igitur sequimini, sanctissimum Leonem, an Dioscorum? Reuerendissimi clamauerunt, Vt Leo, sic & credimus. Qui contradicunt, Eutychianista sunt, Leo rectè exposuit. Denique eadem sacra Synodus in prospho-netico ad Marcianum ita de Leonis epist. Vnde nobis impenetrabilem in omni errore propugnatorem Deus prouidit, & ad victoriam præparauit Romana Ecclesia Papam, doctrinis eum per omnia veritatis accingens, ut quemadmodum feruens affectu Petrus, omnem ad Deum sensum intelligentiamque perducat. Tum prolixè tuetur epistolam hanc Leonis à circumlatrantibus hæreticis: & in relatione demum ad Leonem Papam, ita habet: *Tu vocis beati Petri omnibus constitutus interpres. Vnde & nos tanquam tanti boni duce & auctore ad communem utilitatem utentes, Ecclesie filiis hereditatem, sortemque veritatis ostendimus, &c. Et eramus in communi choreâ gaudij, quasi in imperialibus cœnis, deliciis spiritualibus epulantes, quas per tuas literas Christus præparauerat inuitatis, & supercaelestem sponsum inter nos conuersantem cernere putabamus.* Toto denique Synodi huius tractatu exploratissimum fit, non veluti lubricâ in quæstione aliquâ, disputandi, altercandique licentiam se effudisse: sed velut in re præiudicatâ, Leonis epistolæ subscribere compulso omnes, vel diris ecclesiasticis, si qui obluçtati sint, implicatos.

Pergo ad Quintam Synodum, illud vnum proloquutus, cum antè aliquandiu de trium capitulorum damnatione controuerteretur, in eam consensisse Menam Constantinopolitanum Episcopum, sed ita demum si Romanus Antistes consentiret. Facundus lib. 4. cap. 4.

VI. Idem ex
Quinta Synodo;

Conuentus Menas cur priori sententia sua contrarius, acquiescisset his quæ antè culpanerat, & de quibus se nihil acturum sine Apostolicâ Sede promiserat; sub eâ se conditione cessisse, & iuratum sibi fuisse respondit, quod chirographum suum reciperet, si hæc Romanus Episcopus non probaret. In vestibulo autem Synodi ipso, act. 1. Iustinianus in epistolâ ad Synodum, exemplum Vigilij Papæ ceu facem splendidissimam omnibus præfert: Ipse Vigilius non semel, nec bis, sed etiam sæpius in scriptis, & sine scriptis, anathematizauit impia tria capitula. Quod verò eiusdem voluntatis semper fuit, de condemnatione trium capitulorum, & per plurima alia demonstrauit, & per condemnationem Rustici, & Sebastiani, &c. Et rursus Collat. 7. Sæpius in scriptis Vigilius suam manifestauit voluntatem, condemnans tria capitula, &c. Vt igitur etiam ea, quæ sæpius ab ipso facta sunt ad condemnationem trium capitulorum vos audientes, alacriores efficiamini de his formam celeriter proferre, &c. Tum epistolæ Vigilij variæ subnectuntur, quibus tria inurit capitula. Idem inculcatur Collat. 8. & ita demum anathematum iacula in tria illa capitula euibrantur. Occidentalis sanè Ecclesia in Synodum ipsam, & damnationem trium capitulorum non consensit, vt exploratum est, nisi duce, & auspice Pontifice Romano, seu Vigilio, seu Pelagio.

VII. Ex sexta idem exprimitur.

Iam verò in sextâ Synodo meridianos etiam Solis radios vincit tanta rei euidencia. Actione 4. legitur Agathonis Papæ ad Imperatores epistola, *Quæ regulariter à sanctis, atque Apostolicis prædecessoribus, & venerabilibus quinque Conciliis definita sunt, cum simplicitate cordis, & sine ambiguitate à Patribus tradita fidei conseruamus, vnum ac precipuum bonum habere semper orantes, atque studentes, vt nihil de iis quæ regulariter definita sunt, minuatur, nihil mutetur, vel augeatur, sed eadem & verbis & sensibus illibata custodiantur. Tum legatos à se ad Synodum mitti ait, quibus Licentiam siue auctoritatem dedimus apud tranquillissimum eius imperium, dum iusserit eius clementia, similiter satisfaciendi, in quantum duntaxat eis iniunctum est, vt nihil profectò præsumant*

mant augere, minnere, vel mutare: sed traditionem huius Apostolica Sedis, ut à predecessoribus Apostolicis Pontificibus instituta est, simpliciter enarrare. Et infrà ne inusitatum quid arrogare sibi videatur, qui fidem Synodo dicet: Petrus spiritales oues Ecclesie ab ipso redemptore omnium ternâ commendatione pascendas suscepit. Cuius adnitente præsidio hac Apostolica eius Ecclesia, nunquam à via veritatis in qualibet erroris parte deflexa est: cuius auctoritatem, utpote Apostolorum omnium Principis, semper omnis catholica Christi Ecclesia, & vniuersales Synodi fideliter amplectentes, in cunctis secuta sunt. Verat ergo rem disputationum lubrico committi, auitam Apostolicæ Sedis traditionem & fidem Synodo indicit, illam Synodos vniuersales amplexas semper esse contestatur. Singulæ enim Ecclesiæ Catholicæ particulares traditam ab Apostolis fidem illibatam per sæculorum lapsus custodiunt, hanc Ecclesiarum Præsules Synodis inferunt, sed ante omnes minores Ecclesias & Præsules, Sedes Apostolica, ut earum matrix & origo, ut principalitatem nata & arcem fidei tenens, traditionis Apostolicæ faciem multo splendidiorē, & inextinctam præfert. Eiusdem sunt saluæ Agathonis, & Occidentalis Synodi aliæ literæ ad Synodum sextam. Lumen Apostolica fidei splendidissimum, quod ex veri luminis fonte, tanquam de radio viuifici fulgoris, per ministros beatum Petrum & Paulum Apostolorum Principes, eorumque discipulos, & Apostolicos successores, gradatim usque ad nostram paruitatem, Dei opitulatione seruatum est, nullâ hæretici erroris tetrâ caligine tenebratum, nec falsitatis nebulis confædatum. Tum negant eloquentiæ & dialecticæ copiam sibi vllam suppetere, sola nostra substantia fides nostra: cum quâ nobis viuere, summa est gloria: pro quâ mori, lucrum æternum est. Hac est perfectâ nostra scientia, ut terminos Catholica atque Apostolica fidei, quos usque adhuc Apostolica Sedes nobiscum & tenet & tradit, totâ mentis custodiâ conseruemas. Tum aiunt legatos à se ad Synodum missos, qui ei offerant Apostolicæ fidei suæ confessionem, non tamen tanquam de incertis contendere, sed ut certa atque immutabilia

Conuentus Menas cur priori sententia sua contrarius, acquiescet his qua antè culpauerat, & de quibus se nihil acturum sine Apostolicâ Sede promiserat; sub câ se conditione cessisse, & iuratum sibi fuisse respondit, quod chirographum suum reciperet, si hac Romanus Episcopus non probaret. In vestibulo autem Synodi ipso, act. 1. Iustinianus in epistolâ ad Synodum, exemplum Vigilij Papæ ceu facem splendidissimam omnibus præfert: ipse Vigilius non semel, nec bis, sed etiam sæpius in scriptis, & sine scriptis, anathematizauit impia tria capitula. Quod verò eiusdem voluntatis semper fuit, de condemnatione trium capitulorum, & per plurima alia demonstrauit, & per condemnationem Rustici, & Sebastiani, &c. Et rursus Collat. 7. Sæpius in scriptis Vigilius suam manifestauit voluntatem, condemnans tria capitula, &c. Vt igitur etiam ea, qua sæpius ab ipso facta sunt ad condemnationem trium capitulorum vos audientes, alacriores efficiamini de his formam celeriter proferre, &c. Tum epistolæ Vigilij variæ subnectuntur, quibus tria inurit capitula. Idem inculcatur Collat. 8. & ita demum anathematum iacula in tria illa capitula euibrantur. Occidentalis sanè Ecclesia in Synodum ipsam, & damnationem trium capitulorum non consensit, vt exploratum est, nisi duce, & auspice Pontifice Romano, seu Vigilio, seu Pelagio.

VII. Ex sexta
idem exprimitur.

Iam verò in sextâ Synodo meridianos etiam Solis radios vincit tanta rei euidentia. Actione 4. legitur Agathonis Papæ ad Imperatores epistola, *Qua regulariter à sanctis, atque Apostolicis prædecessoribus, & venerabilibus quinque Conciliis definita sunt, cum simplicitate cordis, & sine ambiguitate à Patribus tradita fidei conseruamus, vnum ac precipuum bonum habere semper orantes, atque studentes, vt nihil de iis qua regulariter definita sunt, minuatur, nihil mutetur, vel augeatur, sed eadem & verbis & sensibus illibata custodiantur. Tum legatos à se ad Synodum mitti ait, quibus Licentiam siue auctoritatem dedimus apud tranquillissimum eius imperium, dum iusserit eius clementia, similiter satisfaciendi, inquantum duntaxat eis iniunctum est, vt nihil profectò presumant*

mant augere, minnere, vel mutare: sed traditionem huius Apostolica Sedis, ut à prædecessoribus Apostolicis Pontificibus instituta est, simpliciter enarrare. Et infra ne inusitatum quid arrogare sibi videatur, qui fidem Synodo dicet: Petrus spiritales oves Ecclesie ab ipso redemptore omnium ternâ commendatione pascendas suscepit. Cuius adnitente præsidio hac Apostolica eius Ecclesia, nunquam à via veritatis in qualibet erroris parte deflexa est: cuius auctoritatem, utpote Apostolorum omnium Principis, semper omnis catholica Christi Ecclesia, & universales Synodi fideliter amplectentes, in cunctis secuta sunt. Verat ergo rem disputationum lubrico committi, auitam Apostolicæ Sedis traditionem & fidem Synodo indicit, illam Synodos vniuersales amplexas semper esse contestatur. Singulæ enim Ecclesiæ Catholicæ particulares traditam ab Apostolis fidem illibatam per sæculorum lapsus custodiunt, hanc Ecclesiarum Præfules Synodis inferunt; sed ante omnes minores Ecclesias & Præfules, Sedes Apostolica, ut earum matrix & origo, ut principalitatem nata & arcem fidei tenens, traditionis Apostolicæ faciem multo splendidiorum, & inextinctam præfert. Eiusdem sunt saluæ Agathonis, & Occidentalis Synodi aliæ literæ ad Synodum sextam. Lumen Apostolica fidei splendidissimum, quod ex veri luminis fonte, tanquam de radio viuifici fulgoris, per ministros beatum Petrum & Paulum Apostolorum Principes, eorumque discipulos, & Apostolicos successores, gradatim usque ad nostram paruitatem, Dei opitulatione seruatum est, nullâ hæresici erroris tetrâ caligine tenebratum, nec falsitatis nebulis confædatum. Tum negant eloquentiæ & dialecticæ copiam sibi vllam suppetere, Sola nostra substantia fides nostra: cum quâ nobis viuere, summa est gloria: pro quâ mori, lucrum æternum est. Hac est perfectâ nostra scientia, ut terminos Catholica atque Apostolica fidei, quos usque adhuc Apostolica Sedes nobiscum & tenet & tradit, totâ mentis custodiâ conseruamus. Tum aiunt legatos à se ad Synodum missos, qui ei offerant Apostolicæ fidei suæ confessionem, non tamen tanquam de incertis contendere, sed ut certa atque immutabilia

322 DISSERTATIO DVODECIMA

compendiosâ definitione proferre. Et ad calcem epistolæ abruptè ita edicunt: Quicumque proinde sacerdotum hac, quæ in hac nostra humilitatis confessione continentur, nobiscum sinceriter predicare desiderant, ut nostra Apostolica fidei concordet, ut consacerdotes & comministros eiusdem fidei, ut spirituales fratres & Coëpiscopos nostros suscipimus. Qui verò hac confiteri noluerint, ut infestos Catholica atque Apostolica confessioni, perpetua condemnationis reos esse censemus. Nec aliquando tales in nostra humilitatis collegio, nisi correctos suscipere patimur. Non incerto disceptationum se, vel Ecclesiam credunt, sed præfinitam fidei formulam Synodo œcumenicæ offerunt indeclinabiliter subscribendam ab omnibus, nisi si qui malint à sacerdotali collegio refecari. Et Synodus ipsa œcumenica in prosphon. ad Imper. act. 18. Proinde inspiratione sancti Spiritus conspirantes, & ad inuicem omnes consonantes atque consentientes, & Agathonis sanctissimi Patriarchæ, & summi Papæ dogmaticis literis ad vestram fortitudinem missis consentientes, nec non & suggestioni sancta, quæ sub eo est, Synodi centum viginti quinque Patrum concordantes, unum de sanctâ Trinitate Dominum nostrum Iesum Christum etiam incarnatum predicamus in duabus perfectis naturis, indiuisè, inconfusè laudandum.

VIII. Ex quâ idem de primâ, & secundâ, ac de cæteris comprobatur Synodis.

Sed in eodem prosphonetico ad Imperatorem sermone, Synodorum vniuersalium omnium summa auctoritas vni ferè Pontifici Romano & Imperatori vendicatur; quod hic velut externus, ille interior: alter executioni, alter definitioni præsit, vniuersalis vterque Episcopus. Itaque Arius insurgens, &c. Constantinus, & Syluester in Nicæa congregabant Synodum, per quam, &c. Macedonius Spiritus denegabat Deitatem, &c. Theodosius & Damasus fidei adamantini obstiterunt, &c. Iterum Nestorius: & iterum Celestinus & Cyrillus, &c. Deinde Eutychetis insania, &c. Leonis igitur tabula, tanquam Leonis rugitus viriliter vociferans ex Româ, interim Archimandritam bestiam perterrit, & à monachico grege proiecit, eiusque phantasiam reprobavit, & enanescere fecit. Hanc igitur diuinitus scriptam tabulam Marcianus,

& Anatolius cum omni Chalcedonensi Synodo amplexi sunt, atque manu & lingua consentiebant, & pariter subscribebant, & per eam, consonam Eutychetis & Dioscori intelligentiam euacuarent. Sicut & Vigilius post hæc Iustiniano piissimo consonuit, & quintum Concilium constitutum est. His exemplis maiorum, & documentis adprimè obsecuta sexta hæc Synodus, hæc paulò post de seipsa confitetur: Summus nobiscum concertabat Apostolorum Princeps. Illius enim imitatore, & Sedis successorem habuimus fautorem & diuini Sacramenti mysterium illustrantem per literas. Confessionem tibi à Deo scriptam, illa Romana antiqua ciuitas obtulit, & dogmatum diem ex vespertinis partibus extulit. Charta & atramentum videbatur, & per Agathonem Petrus loquebatur. Et infra eadem Synodus ad Agathonem scribens, Literas à vestra beatitudine ad piissimum Imperatorem missas, ut à summo Apostolorum vertice diuinè perscriptas agnoscimus; per quas exortam nuper multiplicis erroris hæreticam sectam depulimus. Et in epistolâ ad Leonem Agathonis successorem ab Imperatore scriptâ: Velut ipsum Principem Apostolici chori, primæque cathedra Antistitem Petrum contuiti sumus, mentium nostrarum oculis totius dispensationis mysterium diuinitus eloquentem, &c. Nam ipsum totum Christum nobis sacra eius littera differendo exprimebant, quas omnes libentibus animis, sincerèque accepimus; & velut ipsum Petrum vlnis animi suscepimus. Subditque mox, Solus Macarius à sacerdotali conuentu exiliit, renuit enim omnino sacratissimis Agathonis literis assentiri, velut in ipsum coryphaum Petrum insaniens.

In septima Synodo nihilo obscuriora edidit Pontifex Romanus sui in doctrinâ fidei principatus documenta. Sed prolixiùs id infra demonstrabitur dissertatione 21. Quoniam autem semel iterumque iam inuimus, vno Pontificis Romani nutu Occidentales omnes Ecclesias circumagi solitas fuisse: eoque Orientalibus quantiscumque Synodis particularem tantum, non œcumenicam affuisse authoritatem, donec istam Romana Sedes impartiretur assensu suo, quò Occidentalium quoque omnium

I X. Idem elucescit ex septima Synodo: & quam incuriosi hæreticarum calliditatum Occidentales omnes inhaerent simpliciter Sedi Apostolicæ.

consensio inclinabatur. Ne hinc tricandi ansam arripiat quis, quasi in Occidentalium conspiratione illa moles authoritatis, non in primæ Sedis principatu fuerit: paucis necessum est exemplis demonstrari, quàm securæ & salebrosiorum controuersiarum penè incuriosæ in vnius Petri Sedis authoritate & fide acquieuerint omnes Ecclesiæ Occidentis. Et de Paschæ die quidem, ac baptismo hæreticorum, exploratum est, quàm Romanæ consuetudini incontanter adhæserint, eique ipsi tandem cesserint Afri rebaptizatores, cùm vix satis Græcâ vllâ Synodo ad id adductos euinci queat. Nicænæ Synodi acta nunquam per Occidentem vulgata fuisse magis coniiicitur, quàm perisse fraude Arianorum, qui hoc in orbis tractu minùs grassati sunt. Nicænos Canones nec Augustinus, dum Episcopus crearetur, nouerat. Constantinopolitanæ Synodi Canones repudiabat, teste Gregorio, Romana Ecclesia: decretum de fide confirmauit Damasus, vt Græcorum defectioni mederetur, non vt Occiduïs consuleret, à Macedonianâ lue prorsus intactis, illiusque Synodi promulgatione vel nullâ, vel obscurissimâ perfusis. Ephesinæ & Chalcedonensis Synodi quàm tenuis Occidentales aura afflauerit, claret ex Aurel. Concil. 5. an. 549. can. 1. *Entychetis & Nestorij sectas, quas Sedes Apostolica sancta condemnat, similiter & nos easdem cum suis authoribus, & sectatoribus execrantes, &c.* Et ex epist. Auiti Vienn. Episc. ad Hormisdam Papam: *Entychetis igitur, Nestorii-que damnatio, quos iamdudum per beatissimos predecessores sanctæ Sedis vestra calcavit authoritas, ad notitiam iam pridem nostram, Apostolica ad nos diligentia prouisione perlata est.* Liquet & ex epistola Leonis 52. ad Episcopos Galliarum post Concilium Chalcedonense: *Optassemus fraternitatis vestrae literas eo tempore, quo promiseratis accipere: vt profecturis ad Orientem fratribus nostris, quos ad sanctam Synodum vice nostrâ direximus, etiam vestra sententia professio iungeretur.* Incumbebant, vt vides, omnino fidei & sententiæ Romani Præsulis, nec de Orientalibus Synodis, nisi leuiter,

& eius magisterio imbuebantur. De Hispaniensibus Ecclesiis compertissimum idem est ex Idatij Episcopi Chronico: vbi ait, *Germani presbyteri Arabica regionis ad Galliam venientis, & aliorum Gracorum relatione comperimus, contracto Episcoporum Concilio sub presentia Theodosij Augusti destructam Hebionitarum haresin, quam Nestorius resuscitabat. Et infra: Vno eodemque tempore Constantinopoli Nestorium Hebionem, Cyrilli ad eum epistola & haresin destruentis, & regulam fidei exponentis ostendit. Hac cum aliis habentur allata. Et infra rursus: De Gallis epistola deferuntur Flavianii Episcopi ad Leonem Episcopum missa, cum scriptis Cyrilli Episcopi Alexandrini ad Nestorium & P. de Eutychete Hebionita heretico, & Leonis Episcopi ad eundem responsa. Quae cum aliorum Episcoporum & gestis, & scriptis, per Ecclesias diriguntur. Quantam ista, oro, non Idatij, sed Hispanorum omnium ignorantem confitentur de tertia, quartaque Synodi gestis? De Acaciani schismatis exitu vide supra laudatam Auiti epistolam, & perspicies, quam incerti, quam suspensi, quam super statu fidei omnes Galliae Episcopi sententiam caperent Pontificis Romani. Quintam Synodum à Chalcedonensis notitiā aptam pendulamque, cum Romana Sede Occidentales omnes, repudiauerunt primum, ut *Graciatas ignari*, post receperunt. De ea Regino in chron. nihil aliud, quam Mariam Deiparam assertam ait. Sextam Synodum nescisse prorsus Hispanos facile coniicitur ex Leonis ad eos, & eorum ad ipsum vicissim Synodicis. Galli autem iam Martini Papae Concilio adhæserant: nec nisi ut ad rei iam definitæ promulgationem Occidentales omnes passi sunt sextam Synodum congregari. Monotheleticas autem calliditates quam feliciter Galli nostri nescirent, docet nos S. Audoenus in vita S. Eligij l. 1. c. 33. non aliter eorum dogma describens, quam quod asserant *Christum minimè habere formam serui: & neque eum ex Mariā veram assumpsisse carnem*. Septimam Synodum quam auersati fuerint diu longè plures Occidentis Episcopi, & soli se Apostolicæ Sedi deuouerint, pro-*

lixius infrà pandetur. Cùm ergo solius Romani Præfulis voto nutuque actos; impulsosque fuisse diximus Occidentis Episcopos; cùm horum & illius vnam semper indiuiduamque fuisse sententiam, fidem, communionem: cum hoc authoritatis pondere, œcumenicas in Oriente habitas Synodos necessariò ad fidem disciplinamque condendam adductas fuisse: amplitudini primæ Sedis nihil detraximus ex Occidentalium consociatione, sed addidimus plurimum.

X. Luculentissimè idem confirmat Nicolaus Papa I.

Suo hinc quasi loco & iure collocanda Nicolai I. epistola 9. ad Michaëlem Imp. ad hoc ipsum argumentum pene dedita operâ connitens: *In Synodus pristino tempore collectis, Apostolica Sedis scripta, non sub occultationis medio tegebantur: sed ut omnibus qui in domo Dei erant, lacerent, in propatulo ponebantur: & ut si qua turpitudine, vel macula in fidei pulcritudine à quolibet tentaretur induci, facile patesceret, ac si specula in omnibus habebantur: & quasi quadam rectitudinis formula, quâ imprimi ceteri possent, posita colebantur, &c. Sancta Synodus apud Ephesum congregata sanctæ memoriæ Cælestini Papa prius epistolam legit, &c. ut ex eius potissimum specialis iudicij tenore sit perfidus Nestorius expulsus, dum eadem Synodus in sententiâ contra eum prolata tali modo prosequitur: Necessariò coacti tam ex Canonibus, quàm ex epistolâ Cælestini, &c. Epistola quoque sancti Leonis Papa adeo apud omnes Orientales Episcopos extitit venerabilis, ut hanc columnam orthodoxia vocarent, & omnes in eâ Prasule Constantinopoleos Anatolio precedente subscriberent: ita ut Chalcedonensis magna Synodus nil diffinisse, nil respuisse, nil suscepisse, nisi quod illa, vel vices Apostolica Sedis ibi seruantes diffinierunt, proiecerunt, vel admiserunt, agnoscatur. Tum ex eiusdem Synodi actis probat, Dioscori labem non alio ex capite manasse, quam ex contemptu epistolæ Leonis, ut & nos suprâ ostendimus, inde Pseudosynodi Ephesinæ perfidiam effluxisse. Et epistola 10. rursus idem: *Hæc sunt quæ de his Sedes Apostolica statuit, Hæc sunt, quæ synodicè regulariterque decreuit. Hæc sunt, quæ nos tantò studiosius oportet amplecti,**

*tantò sollicitiùs observare, quantò certius nostis, quæ ab ea statuta fuerint, hac uniuersalem semper Ecclesiam tenuisse. Ita ut contra singulos errores in Ecclesiâ exortos, prior hac secundùm primatus sui auctoritatem sententia terminum dederit. Et ita idem uniuersalis Ecclesia, licet aliquando per aliquantulum temporis in quibusdam reluctata sit, quæ illa tamen probauit, quandoque probauerit: & quæ illa refutauit, ipsa refutauerit. Quibus nihil verius, nihil sapientius dici potuit. Etenim Nicænæ Synodo in condemnationem Quartadecimanorum centum amplius annis præiuit Ecclesia Romana. Vniuersali quoque illi de qua Augustinus, Synodo quæ iterum baptizari ab hæreticis semel tinctos vetuit, longo temporis interuallo Sedes Apostolica facem prætulit. Reluctati sunt aliquammulti aliquandiu, sed tandem capiti suo vniuersa acquieuit Ecclesia. Apollinarem certè Damascus, Macedonium ante secundam œcumenicam Synodum, ita Romana Ecclesia Occidentisque prædamnauerant, ut nulla sibi opus Synodo duxerint, & Constantinopolitano Concilio præluxerint potius quàm obsecuti sint. Quod autem legitur apud Gelasium Cyz. lib. 2. cap. 11. Nicænos Patres *multo tempore permulta inter se de fide communicasse, ratos nihil citò, aut temerè de re tanta statui debere, &c.* Caue, ne fidei dubios, vel ignaros pridem fuisse tantos Patres & Confessores suspiceris, ante generalis Synodi constitutionem. Certius enim est, quod alij testantur, cum primùm Arii fides cœpit legi, aures obturasse: auitæ scilicet fidei satis memores. Vnde & Theodoretus lib. 1. c. 7. de Eusebianis, *Fidei, inquit, formulam quam composuerant, Concilio proposuerunt: quæ ut primùm perlecta fuit, quoniam omnes eam adulterinam & commentitiâ esse vociferabantur, illicò discrupta est.* Illa ergo disceptandi sedulitas, non velut incerti dogmatis ambiguum diluere, sed certissimæ fidei caliginem & spinas detergere laborabat. Vide Athanasium orat. 1. contra Arianos.*

Otiosum penè est Octauæ Synodi meminisse, tum quòd in eâ contiguerint fidei disceptationes, tum quòd XI. Denique ex Octaua Synodo idem efficitur.

vel tyrunculis prima hystoriæ limina saltem ingressis, compertum sit, omnia ibi nutu & imperio Romanæ Sedis actitata fuisse. Actione 2. recitatur Epistola Basilij Imperatoris ad Nicolaum Papam, vbi omnia in Synodo pertractanda, ab eo antè definiri postulat, de medicinâ Ecclesiæ Constantinopolitanæ, diutinâ iam morbi tempestate iactatæ. Epistola item Ignatij Patriarchæ ad eundem, *Eorum vulnerum, atque linorum, qui in membris hominis consistunt, multos medicos protulit ars. Eorum verò qui in membris sunt Christi, omnium nostrum capitis & sponsæ Catholica atque Apostolica Ecclesiæ, vnum & singularem præcellentem, atque catholicissimum medicum, ipse princeps summus, & fortissimus sermo, & ordinator, & creator, & solus ex toto magister, Deus omnium produxit, videlicet tuam fraternam sanctitatem, & paternam almitatem. Propter quæ dixit Petro magno, & summo Apostolorum, Tu es Petrus, &c. Tales enim beatas voces, non secundum quandam utique sortem Apostolorum Principi solum circumscripsit, & definiuit, sed per eum ad omnes qui post illum secundum ipsam efficiendi erant summi Pastores & diuinissimi sacrique Pontifices senioris Roma, transmisit. Tum eius literis iam Ecclesiæ suæ pacem, & sanitatem cœptam restitui gratulatur: Sategisti atque scripsisti, utpotè Apostolica, & summa potestatis susceptor, dignè ac rationabiliter restituisisti, & fluctam, qui hic inerat, dissipasti: & tranquillitatem Ecclesiæ contulisti. Tum varia denudat uti medico vulnera Ecclesiæ suæ adhuc incurata, de huiusmodi imploramus dari dispositionem. Subnectuntur literæ Hadriani, qui in defuncti Nicolai vicem adscitus in Apostolicum thronum fuerat, quibus legem & medicinam temperat multiplici morbo, in Synodo œcumenica octaua exequendam. Et act. 4. cùm ageretur de Photianis Episcopis, in quos iam censura Nicolai Papæ sæuierat, contestantur Legati Apostolici: *Nobis non licet rescindere iudicium sanctorum Romanorum Pontificum. Hoc enim contrarium est canonicis institutis. Nec patiuntur Photianos ingredi, nisi ut quâ damnati fuerant, Beatissimi Papæ Nicolai**

colai epistolam audiant. Nec Photiani tunc Episcopi illi aliud contendebant, quàm se ut sacerdotes Nicolao Papa Roma comministrasse: quod legati vehementer inficiati sunt. Act. 7. erumpit Ignatius in laudes Imperatoris, qui Ecclesiam Constantinopolitanam restauravit, definitiones & regulas sequens beatissimi Papa Nicolai Senioris Romæ, quas ille synodicè promulgavit, & per proprias epistolas Constantinopolin destinavit. Tum exclamatur inter complura alia, Nicolai Papa Romani æterna memoria, &c. Hadriani multos annos. Interemptoris novi Simonis multos annos. Percutientis novum mendacem Ananiam, multos annos. Postremò referam, unde fortassis exordiundum fuerat, paucissima hæc ex epist. Hadriani ad Imp. quæ act. 1. recitata est: Intellexisti quibus vulneribus sauciata, quæ apud vos est, manebat Ecclesia: & quòd hæc Sedes eiusmodi mederi possit vulneribus, magistris fidei nostra scrutatis, liquido didicisti. Atque ideo hæc curare cupiens, Apostolica Sedis decreti remedium sanissimè requisisti, &c. Porro de sacerdotibus vel cæteris qui contra pacem Ecclesia facientes, unitatem eius scindere præsumpserunt; super quibus etiam decretum ab Apostolicâ Sede, clementia tua more præscorum Principum postulat; sciat dilectio tua, quia sicut diverso modo deliquisse referuntur, ita diversis eos definitionibus subiici non inconuenienter oportere perpendimus, &c. Insuper exhortamur, ut sententiarum capitula, quæ synodicè in Ecclesiâ Dei, ubi sanctum corpus Apostolorum Principis Petri requiescit, communi sententiâ promulganimus, apud vos in Synodo cunctorum subscriptione roorentur, &c. Ex quibus promptum exploratumque est, octauam hanc habitam Synodum œcumenicam, non ut anceps aliquis & implicatus extricaretur nodus, sed ut regula disciplinæ ab Apostolicâ Petri Sede per ipsos Imperatorem Basilium & Ignatium Patriarcham Constantinopolitanum flagitata, & per legatos directâ, in Synodo executioni mandaretur. Idque Nicetas in vita Ignatij non obscurè tradit his verbis: Non erat Ignatio autoritas agendi quæ vellet. Romanis enim pro ecclesiasticâ antiquâ consuetudine, indicandi potestatem permittebat.

XII. Nec Synodorum œcumenicarum auctoritas hinc extenuatur: nec vlla Pontificis & Synodi conflictatio olim vel in suspitionem venit, quin alteri ex altero lucis & maiestatis fiebat accessio. Id elucet primò ex Ephesina I. Synodo.

Posteriores his Synodos vniuersales non abs re intas prætereo, vt in quibus persuasissimum sit Romanæ Sedis Apostolicum apicem splendidius radiasse. Gradum facio ad posteriorem & non minùs luculentam huius controuersie partem, priori specie tenus infestam, reapse amicam & coniunctissimam. Nimirum etsi occupasset Apostolica Sedes definire seu fidei decreta, seu capita disciplinæ, consentaneum tamen fuisse confluere œcumenicas Synodos, ibique Christianæ Ecclesiæ vniuersitatem, Capitis sui oraculo concinere. Ita Cælestinus Papa epist. 14. *Nullâ suo vitio languenti medicâ arte defuimus. Scimus qualiter & quoties hos Scriptura inbeat conueniri, &c. Frater fratrem admonuit. Dehinc pertinax vno & altero, imò & multis testibus conuentus est. Consequenter ab vniuersali Ecclesiâ; nostro quoque sermone correptus. Nihil præcox cum eo, nihil in hoc egimus immaturum: quem diuturna constitutionis seruatus ordo damnauit.* Sic ibi de damnato Nestorio. Ita Philippus Apostolicæ Sedis legatus in Ephesina prima Synodo, act. 3. Petrum Caput & Columnam fidei esse prælocutus, & in successoribus suis viuere adhuc, & iudicium exercere: etsi iam in Nestorium sententiam tulisset Cælestinus, se tamen ad hanc Synodum ab eodem missum testatur legatum; & in ea canonicè citatum Nestorium, venire contempsisse, ideoque, *Firmum esse, quod in ipsum pronunciatum est, iuxta omnium Ecclesiarum decretum; omnes namque Orientalis & Occidentalis Ecclesiæ sacerdotes, vel per se, vel ceriè per suos legatos sacerdotali huic confessori interfuerunt.* Et paulò infrà Synodus ipsa in relat. ad Imp. de Romanâ aduersùs Nestorium Synodo, eiusque & Cælestini legatis, prælocuta, addit: *Quia ergo viri isti qui venerunt, totius Occidentalis sanctæ Synodi sententiam nostra huic Synodo per literas exposuerunt, sensumque de fide & pietate nobis consonum declarauerunt; necessario de consensu illorum nobiscum ad maiestatem vestram retulimus. Vt pietati vestra constet, iudicium quod paulò antè à nobis exiit, esse vnâ communem totius orbis terrarum sententiam.* Et in

relatione aliâ Kal. Iul. missâ : *Synodus omnes totius orbis Episcopos unum idemque sentientes habet. Nam & magna Roma Episcopus Synodo simul interest, neque desunt Africani per Cyrillum representati, &c.* Et in relat. alia per Ioannem missâ : *Synodus uniuersum Occidentem cum magna vestra Roma & Apostolica Sede, totam item Africam & totum Illyricum in confesso suo habet.* Et in relat. alia per septem Episcopos missâ : *Sancta & œcumenica Synodus, cuius confissus adest & Cælestinus, & uniuersa Occidentalis Synodus, totaque Africa, & Illyricum.* Et Cyrillus in Apolog. ad Theodos. *Fi-* Part. 2. Conc. Ephes. c. 13. *dei mea rectitudinis testimonium perhibui & Romana Ecclesia, & sancta quoque Synodus ex uniuerso orbe congregata.*

Obserua hic ergo, nequaquam prouocasse Nestorium à Papa ad Concilium, à Cælestino ad œcumenicam Ephesi Synodum : sed causam eius à Cælestino primum cognitam, in Ephesinâ Synodo retractatam fuisse, citra ullam appellationis vel leuissimam suspiciunculam. 2. Aduersa hic esse omnia prouocationum iudiciis. Nam Cælestinus qui Romæ iam iudicauerat, Ephesino quoque iudicio per legatos interfuit, præfuitque : & ad eum Synodus œcumenica totam iudicij authoritatem refundit. Nihil alienius autem, vel intempestivius foret, quam Cælestini in Synodo præsentiam, principalemque dominationem iactare passim, si ab eo prouocari ad Synodum, & lata ab eo sententia in Synodo examinari potuisset. 3. Nec dissociatur in his & huiusmodi aliis compluribus testimoniis Cælestini, & Occidentalis cum eo Synodi autoritas, atque sententia. Atqui ab Occidentalis Synodi decreto non poterat ad Ephesinam Synodum appellari. Nec enim œcumenica fuerit Ephesina Synodus, si Occidentalem Synodum ab eâ reuulseris, ut reuelli necessum est, si ab hac ad illam prouocari potuisses existimes. Particularis utraque Synodus est, si seponatur utraque : ideoque ab alterâ ad alteram ceu œcumenicam prouocari posse nec inter somniandum imaginaberis : nisi si æquius ducas esse, prout est, ab Ephesi-

XIII. Summa
fastigia huius
doctrinæ.

na & Orientali ad Occidentalem, vbi Capitis fidei & verticis Apostolici præsens dominatur authoritas, appellari, non vicissim. 4. Ergo vt vtraque Synodus vna est, sicut Ecclesia vna est, Occidentem Orientemque, præterita & futura sæcula inexplicabilibus diuini Spiritûs vinculis constringens: ita vna authoritas, vna cognitio, vna sententia est, quam Caput præcinit, succinit corpus; quam in Occidente Caput ipsum per-tonat, quam per legatos suos in Orientali Synodo ingeminat, cui totum Ecclesiæ corpus in œcumenica Synodo assonat. Ergo sicut ab vno & eodem ad ipsummet, ita à capite ad corpus, ab Occidentali Synodo ad œcumenicam provocari non potest, nisi vt causa à summo iudiciorum Principe cum paucioribus adfessoribus cognita & definita, ab eodem rursus in frequentiori iudicum senatu cognoscatur & terminetur. Quæ non provocatio est, sed supplicatio: nec in rei potestate, sed in libertate summi iudicis posita. 5. Ideo nulli suspicionum, aut inuidiæ stimuli, vel Cælestinum vel Synodum exagitabant. Neutri alterius detrimento authoritatis phusculum existimabatur accumulandum. Quin ex aduerso per vicarios suos regnabat & radiabat in Synodo Cælestinus; Cælestini maiestate & iudicio antegresso gloriabatur, seseque aduersus hostium latratus Synodus tuebatur.

XIV. Idem ex
Ephesina II.

Non ita Eutyches. A Flauiani enim sententia non supplicauit, sed prouocauit, vt alibi dictum. Cumque Romæ Leo confirmasset sententiam, Flauiani, & Eutychetis doctrinam proscripsisset: non recusauit tamen eandem causam in Ephesina secunda Synodo, quam Imperator conuocauerat, instaurari. Etenim epist. 15. ad hanc ipsam Synodum scripta, in Eutychetis deliria detonat; tum addit, *Verum quia etiam talium non est negligenda curatio, & pie ac religiosè Christianus Imperator haberi voluit Episcopale Concilium, vt pleniore iudicio omnis possit error aboleri; fratres nostros Iulianum, &c. misi, qui vice meâ sancto concuentui vestre fraternitatis interfint, & communi vobiscum*

sententiâ, quæ Domino sint placitura, constituent. Minimè necessariam fuisse Synodum in re tam dilucida, idem alibi scribit. Sed confitetur hic tamen *pleniore iudicio* Ecclesiam rursus uti posse; non quasi ancipitem consilij, & fidei incertam suæ, non quasi Flauiani, nedum Leonis sententiam fortassis recantatura sit; sed pleniore iudicio numero & pompa maiore, eandem suam fidem sententiamque inuariabilem & irretractabilem promulgatura.

At cum foedissima tempestate Dioscorus Synodum illam laniasset, dissipassetque, eius quidem nefaria decreta cassauit in Synodo Romana Leo Papa, sed œcumenicam tamen ad hoc ipsum colligendam esse Synodum idem sensit, flagitauit, peruenit. Scripsit ergo ad Theodosium in hæc verba: *Sin verò aliqui à puritate nostræ fidei, atque Patrum autoritate dissentiant, Concilium vniuersale intra Italiam, sicut Synodus quæ ob hanc causam Roma conuen-*

rat, mecum petit, clementia vestra concedat: ut in unum convenientibus omnibus, his qui aut ignorantia aut timore prelapsi sunt, correctionis remediis consulatur. Non prouocat Leo; & Romana Synodus à pseudosynodo Ephesina ad aliam germanam, & liberam & verè œcumenicam Synodum: sed illam suo iure cassat & euacuat. Nec rursus à Synodi Romanæ, & Leonis sententia hac ad vniuersalem Synodum quisquam appellat; sed Leo ipsemet cum sua Synodo pleniorē & œcumenicam efflagitat Synodum, non quasi rem ambiguam aliquam, & utrimque versatilem, trutinari oporteat, sed ut Leo ipsissimus & ipsissimi Romanæ illius Synodi Antistites cum numerosiore collegarum agmine plenius & magnificentius rem eandem conficiant. Nec dissimulat Leo celluros forsitan vniuersali Synodo, qui sibi & Romanæ Synodo adhuc reluctantur: sed illos demum qui à puritate fidei & Patrum autoritate dissentiant. Nec hinc seiungenda, sibi que collidenda Leonis, & Synodi vniuersalis autoritas. Nec enim insanientium palato seruiendum. Qui tamen ipsi nihilo magis v-

XV. Idem ex Chalcedonensi.

Conc. Chalced. Part. I. c. 32.

T t. iij.

niuersali pòst Synodo, quàm priùs Leonibaudiere. Nec
 vniuersalis fuerit Synodus, quæ à Leone & Romano
 Concilio dissenserit. Denique non aliter aliqui Leoni
 immorigeri, Synodo œcumenicæ obsequuntur, si qui
 obsequantur; quàm quia illorum contumacem surdita-
 tem, quam peruadere non potuit solitaria Capitis vox,
 perrumpet ingeminata, & vehementior totius Corporis
 connitentis, non alia tamen quàm Capitis vox. Et præ-
 stantissimè rursus idem Leo epist. 52. quid emolumenti
 ex Chalcedonensi Synodo accreuerit, post damnatas &
 Constantinopoli & Romæ, & vbique ferè terrarum per
 particularia Concilia, Eutychetis insanias, ita declarat:
*Non enim vlrà iam cuiquam excusationis refugium de igno-
 rantia, & inscientia, vel de intelligentia difficultate conceditur:
 cum hoc ipso sexcentorum ferè fratrum, Coepiscoporumque no-
 strorum Synodus congregata, nullam artem ratiocinandi, nullum
 eloquium differendi contra fundamentum fidei inspirare permise-
 rit. Quoniam adnitentibus per auxilium gratia Dei fratribus vi-
 cariis nostris, quorum plenissima extitit in omni actione deuotio,
 non solum sacerdotibus Christi, sed etiam Principibus & potesta-
 tibus Christianis, cunctisque clericis, plebibus, ordinibus, ple-
 nè atque euidenter apparuit hanc esse verè Apostolicam fidem,
 ex diuina pietatis fonte manantem, quam sinceram, & ab om-
 ni facie totius erroris alienam, sicut accepimus, predicamus: &
 vniuerso iam mundo consentiente defendimus. Non à suâ ergo
 sententiâ prouocatum esse ait ad Synodum Chalcedon.
 aut vel vllam eius rei vmbram somnari posse: quin imò
 Eutychianos ne hiscere quidem, nedum disputare per-
 missos, in Synodo Chalced. sed adnitentibus legatis Ro-
 manis dictata à Leone epistola, & fides vniuersæ Syno-
 do, Principi, populoque adprobata protinus est, & ci-
 tra noui examinis reciduas pugnas, ab omnibus subscri-
 pta. Ex quibus vanescunt appellationis ludibria, & iur-
 giorum inter Concilium & Pontificem inaudita tunc som-
 nia. Nec nulla intereà est Synodi œcumenicæ graria, &
 utilitas. Nam fide per illam semel promulgatâ, non sup-*

petit *ultra cuiquam excusationis refugium de ignorantia & inscientia, & intelligentia difficultate.* Non ergo omnibus in particulari Synodo, vel etiam ab Apostolicâ Sede damnatis, integrum rursus est vniuersales Synodos postulare. Nam vt omnibus compertum qui fastos Ecclesiæ vel à limine salutarunt, longè plurimæ hæresum pestes sine vniuersalis Synodi strepitu compressæ sunt: paucæ sunt, quibus Synodus œcumenica conficiendis affluerit: hoc ipso æuo Pelagiani longè famosissimi, vt ex Augustino & Prospero suprâ docui, quasi non satis discussio negotio, audientiam postulantes, & Orientis Occidentisque Synodum flagitantes, exhibiti sunt: Ephesinæ Synodo inferre se quidem illi, sed inauditi ex prioris damnationis præiudicio condemnati rursus sunt. Quibusdam tamen opprimendis Ecclesia in Synodos œcumenicas coaluit, non ipsorum hæreticorum arbitrio, sed suo: nec quia necesse erat, sed quia sibi expedire videbatur: nec iuris rigore constricta, sed dispensatione tunc vti volens: nec quasi in dubio doctrinæ anfractu alternatura, aut iteratæ dispensationis salum periclitatura; sed præiudicatam firmatura fidem, & eam totius corporis sui, & singulorum membrorum, quasi linguarum totidem vocibus personatura, vt iam longè inexcusabiliore sint, qui antea miserabile quidem, sed quaecumque tamen sibi de ignorantia patrocinium accersebant. Post Ephesinum certè latrocinium, œcumenica Synodus tempestiuior & propè necessaria erat, ne illius Synodi larua aliquibus imponeret.

Sed aduertamus rursus aures animosque ad eundem Leonem, qui epist. 63. & Sedis suæ & œcumenicæ Synodi maiestatem consocians, alteri ab alterâ præsidium & gloriam conciliat. *Qua nostro Dominus prius ministerio definierat, vniuersa fraternitatis irretractabili firmanit assensu: vt verè à se prodisse ostenderit, quod prius à prima omnium Sede firmatum, totius Christiani orbis iudicium recepisset; vt in hoc quoque Capiti membra concordent. In quo amplius nobis accre-*

XVI. Rursum ex Chalced. & Leone Papa I, idem illustratur.

334 DISSERTATIO DVODECIMA

niuersali pòst Synodo, quàm priùs Leonì obaudiere. Nec
 vniuersalis fuerit Synodus, quæ à Leone & Romano
 Concilio dissenferit. Denique non aliter aliqui Leoni
 immorigeri, Synodo œcumenicæ obsequuntur, si qui
 obsequantur; quàm quia illorum contumacem surdita-
 tem, quam peruadere non potuit solitaria Capitis vox,
 perrumpet ingeminata, & vehementior totius Corporis
 connitentis, non alia tamen quàm Capitis vox. Et præ-
 stantissimè rursus idem Leo epist. 52. quid emolumenti
 ex Chalcedonensi Synodo accreuerit, post damnatas &
 Constantinopoli & Romæ, & vbique ferè terrarum per
 particularia Concilia, Eutychetis insanias, ita declarat:
*Non enim ultra iam cuiquam excusationis refugium de igno-
 rantia, & inscientia, vel de intelligentia difficultate conceditur:
 cum hoc ipso sexcentorum ferè fratrum, Coepiscoporumque no-
 strorum Synodus congregata, nullam artem ratiocinandi, nullum
 eloquium differendi contra fundamentum fidei inspirare permise-
 rit. Quoniam adnitentibus per auxilium gratia Dei fratribus vi-
 cariis nostris, quorum plenissima extitit in omni actione deuotio,
 non solum sacerdotibus Christi, sed etiam Principibus & potesta-
 tibus Christianis, cunctisque clericis, plebibus, ordinibus, ple-
 nè atque euidenter apparuit hanc esse verè Apostolicam fidem,
 ex diuina pietatis fonte manantem, quam sinceram, & ab om-
 ni facie totius erroris alienam, sicut accepimus, predicamus: &
 vniuerso iam mundo consentiente defendimus.* Non à suâ ergo
 sententiâ prouocatum esse ait ad Synodum Chalcedon.
 aut vel vllam eius rei vmbram somnari posse: quin imò
 Eutychianos ne hiscere quidem, nedum disputare per-
 missos, in Synodo Chalced. sed adnitentibus legatis Ro-
 manis dictata à Leone epistola, & fides vniuersæ Syno-
 do, Principi, populoque adprobata protinus est, & ci-
 tra noui examinis reciduos pugnas, ab omnibus subscri-
 pta. Ex quibus vanescunt appellationis ludibria, & iur-
 giorum inter Concilium & Pontificem inaudita tunc som-
 nia. Nec nulla intereà est Synodi œcumenicæ gratia, &
 vtilitas. Nam fide per illam semel promulgatâ, non sup-

petit *ultra cuiquam excusationis refugium de ignorantia & inscientia, & intelligentia difficultate.* Non ergo omnibus in particulari Synodo, vel etiam ab Apostolica Sede damnatis, integrum rursus est vniuersales Synodos postulare. Nam vt omnibus compertum qui fastos Ecclesie vel à limine salutarunt, longè plurimæ hæresum pestes sine vniuersalis Synodi strepitu compressæ sunt: paucæ sunt, quibus Synodus œcumenica conficiendis affluerit: hoc ipso æuo Pelagiani longè famosissimi, vt ex Augustino & Prospero supra docui, quasi non satis discussio negotio, audientiam postulantes, & Orientis Occidentisque Synodum flagitantes, exhibiti sunt: Ephesine Synodo inferre se quidem illi, sed inauditi ex prioris damnationis præiudicio condemnati rursus sunt. Quibusdam tamen opprimendis Ecclesia in Synodos œcumenicas coaluit, non ipsorum hæreticorum arbitrio, sed suo: nec quia necesse erat, sed quia sibi expedire videbatur: nec iuris rigore constricta, sed dispensatione tunc vti volens: nec quasi in dubio doctrinæ anfractu alternatura, aut iteratæ dispensationis salum periclitatura; sed præiudicatam firmatura fidem, & eam totius corporis sui, & singulorum membrorum, quasi linguarum totidem vocibus personatura, vt iam longè inexcusabiliores sint, qui antea miserabile quidem, sed quaecumque tamen sibi de ignorantia patrocinium accersebant. Post Ephesinum certè latrocinium, œcumenica Synodus tempestiuior & propè necessaria erat, ne illius Synodi larua aliquibus imponeret.

Sed aduertamus rursus aures animosque ad eundem Leonem, qui epist. 63. & Sedis suæ & œcumenicæ Synodi maiestatem consocians, alteri ab alterâ præsidium & gloriam conciliat. *Qua nostro Dominus prius ministerio desinierat, vniuersa fraternitatis irretractabili firmanit assensu: vt verè à se prodisse ostenderit, quod prius à prima omnium Sede firmatum, totius Christiani orbis iudicium recepisset; vt in hoc quoque Capiti membra concordent. In quo amplius nobis accre-*

XVI. Rursum ex Chalced. & Leone Papa I. idem illustratur.

336 DISSERTATIO DVODECIMA

scit gaudendi materia, dum & tantò magis se perculit inimicus, quanto contra Christi ministros sauius insurrexit. Nam ne aliarum sedium ad eam, quam ceteris omnium Dominus instituit presidem, consensus assentatio videretur: aut ne alia qualibet subrepere posset aduersa suspicio: inuenti prius sunt, qui de iudiciis nostris ambigerent. Et dum nonnulli ad dissensiones incitati ab authore contradictionis, ad insana bella profiliunt: ad maius bonum, malum eius authore totius bonitatis dispensante, peruentum est. Dulcius siquidem munera gratia diuina proueniunt, quoties non sine magnis sudoribus acquiruntur. Et minus bonum videri solet pax continuata per otium, quàm reddita post laborem. Ipsa quoque veritas & clariùs renitescit, & forsius retinetur: dum qua fides prius docuerit, hac postea examinatio confirmarit. Multum denique sacerdotalis officij meritum splendet, ubi sic summorum seruetur authoritas, ut in nullo inferiorum patetur imminuta libertas. Et ad maiorem Dei gloriam proficit finis examinis, quando ad hoc se accipit exercendi fiducia, ut vincatur aduersitas: ne quod per se probatur reprobum, silentij preiudicio videatur oppressum. Quæ sunt oppidò quàm pulcherrima. Adgaudet enim post promulgatam toto orbe epistolâ suâ fidei definitionem, nihilò seciùs collectam fuisse Synodum œcumenicam; & hoc amplitudinis suæ non dispendium, sed augmentum interpretatur. Nec enim eò Synodus coit, ut quasi ignara hactenus, vel dubia rectæ fidei, Leonis ad Flavianum epistolam excuteret, & libratis ultra citraque rationum momentis vel absolueret, vel damnaret. Non id Leo, non id apex eius ullus innuit, sed ex aduerso indubitatissimum fidei decretum à se euulgatum, & à singulis sparsum orthodoxis antè Episcopis subscriptum fuisse, & tum postea ab vniuersis collectum in Synodo collaudatum. Profuit ergo Synodus 1. ut capiti membra concordarent & succinerent: utque fidei dogma, non à capite tantum promulgatum, sed ab vniuerso Ecclesiæ corpore palam approbatum, aduersariorum ora prorsus obturaret, imperus retunderet. 2. Ut ne assentationi magis, quàm veritatis conscientia adscriberetur

beretur illa consensio, quâ singuli prius seorsim Episcopi epistolam Leonis amplexati erant. Sparfos enim & singulares inceslere metus, aut adulatio utcumque poterat, non in vnum & tam numerosum agmen conglobatos. 3. Ut non summorum tantum authoritati, sed & inferiorum libertati consultum sit. Romanus enim Pontifex controuersiarum fidei iudex & arbiter est summus, non solus: & Catholici dogmatis magister primus ideo, quia non vnicus. Doctorum doctor, magistrorum Magister est & Parens. Nec Summus quippe ipse, nec Primus, nec Magister esset doctorum, & Parens, nisi & singuli Doctorum nomine & munere clarent Episcopi. Itaque postquam fidei dogma debuccinauit Primus & Summus Magister, id ad illius quoque gloriæ incrementum pertinet, ut idem ipsum in Synodo ab episcopalis collegij vniuersitate promulgetur.

Cæterum facessant hinc illæ contentionum varnæ, cernat & antistet Capiti Corpus, an Caput Corpori? Eminent enim Caput cum Corpore, Corpus cum Capite indissociabiliter copulatum. Laudi sibi vertebat & Synodus, quod Leo fidem occupasset definire: & Leo quod Synodus definitionem suam examinaret & approbaret. Exulabant hinc & inde tunc indecoræ illæ de gloriæ principatu concertationes. Vni certabatur charitati, claritati-que Capitis & Corporis indiuiduæ. Examen autem illud quo & Cyrilli in Ephesinâ primâ, & Leonis literæ in Chalcedonensi Synodo discussæ sunt: ne tibiingas inusitatum quid & alienum à moribus Ecclesiæ: non aliud fuit, quàm quod iis perlectis, omnes professi sunt, eam fidem se, & dum tingerentur, imbibisse; & dum tingerent, infudisse. Consule sis acta ipsa. Nec sanè poterant Episcopi qui ante Synodum applauserant epistolæ, illam in Synodo explodere, vel in dubium saltem vocare. Vide apud Leonem ipsum insertas Galliæ, itemque Mediolanensis prouinciæ Episcoporum geminas literas, quibus epistolæ eius ad Flavianum subscripsisse se testantur, quia

XVII. Exulabant tunc rixæ de principatu inter Caput & Corpus. Et qui examinauerit Synodas epistolam Leonis.

omnia maiorum fidei nobis antiquitus tradita, tota puritate conueniunt, &c. Exultantes recognouerunt fidei suæ sensum, & ita se semper ex traditione paternâ tenuisse, ut vester Apostolatus exposuit, iure letantur. Nec tamen hæc particulares Synodi, vel Leone, vel Romanâ Synodo maiorem obtinere se gradum potestatis nugabantur. Ita sextæ Synodi acta in Toletano Concilio probata sunt. Ita alibi ex Chrysostomo authoritatem Nicænæ Synodo ipsi ex consensu totius orbis accessisse monebamus. Ita ex Facundo & Ephesinæ & omnibus Synodis pondus & pretium amplificauit ipsa maximè antiquitas. Nec in his ulli somniandi gradus amplioris authoritatis. Sed vna occurfare animo debet Ecclesia, quæ vnicam suam & incorruptam fidem incorruptibiliter nunc solo capitis oraculo effatur, nunc toto corporis consensu, concentuque promulgat: nunc per dispersos suis in sedibus Episcopos, nunc per eosdem synodicè collectos, nunc per præsentis, nunc per posteritæui homines eandem ingeminat. Ubique par fidei constantia & incorruptibilitas, par & vna Ecclesiæ maiestas: sed hominum imbecillitati seruiendum quandoque, qui antiquitati lubentiùs assurgunt, etsi veritas, & maiestas fidei Ecclesiæque, semper cana sit: qui plùs mouentur Episcoporum adunatorum agmine, quàm suis è sedibus consentientium pari concentu: qui denique capitis effata, si accedat etiam corporis totius applausus & eloquentia, pronioribus auribus animisque bibunt, cùm non aliud corpus quàm capiti succinere, caput corpori præcinere possit.

XVIII. De illis, qui de epistolâ Leonis dubitarunt, de sensu nempe eius, non de fide.

Subdubitasse nonnullos tamen circa Leonis epistolam primò, nec nisi elucidatis ambiguis consensisse, docet nos apud ipsummet Leonem epistola Gallicanorum Præsulum. *Multi in eâ gaudentes pariter, & exultantes, recognouerunt fidei suæ sensum, & ita se semper ex traditione paternâ tenuisse, ut vester Apostolatus exposuit, iure letantur. Nonnulli sollicitiores facti, beatitudinis vestre admonitione perceptâ, modis omnibus se gratulantur instructos, datamque sibi occasionem*

gaudent, quâ liberè & fiducialiter, suffragante etiam Apostolica Sedis auctoritate, eloquantur, & asserat unusquisque quod credit. Ita & act. 4. Chalced. nonnulli Episcopi ingenuè fatentur se orthodoxum semper indubitatissimè habuisse Leonem, sed de eius epistola dubitasse, ne diuisionem quandam mysterio Christi inueheret: per vicarios eius Synodo præsidentes, ad expellendam omnem dubitationem paratissimos, sibi satisfactum esse, ideoque se subscripsisse. Verùm hi de orthodoxâ Pontificis fide, nec vel tantillum dubitant, de intelligentiâ & sensu eius epistolæ tantisper ambigunt, dum verborum vim minùs assecuntur. Non efficitur hinc ergo fas esse, circa Pontificia decreta ambigere, nisi quia fas est, seu veniale potius homuncionibus est, verba & sensa oraculi non statim capere. 2. Et hi siue in Oriente, siue in Occidente fluctuantes circa Leonis epistolam, non ab alio quàm ab ipso Leone vel eius vicariis instruuntur, admonentur, & ita acquiescunt. Non de eius inerrantiâ altercantur, non ab eo ad Synodum prouocant, non plus Synodo quàm ipsi assensuros se iactitant, sed ab ipsissimo se instrui petunt, instructi subscribunt. Cæteri autem hæsitatores, quorum causationibus elidendis Synodus indicta est, à Leone suprâ hoc elogio notabantur, ut inimici, ad dissensiones incitati ab autore contradictionis, ad insana bella profilientes: Et mali auctores, quod tamen Deus bene vertisset.

In Synodo rursus quinta, Collat. 7. eminent eiusdem rei vestigia. Iussit enim Imperator conuenire Synodum, non tanquam ignorans in dogmatibus rectitudinem vestre sanctitatis, & voluntatem quam de his qua mouentur, habetis: sed ut etiam synodicè de his tribus capitulis definitio constitueretur. Et elegantissimè Collat. 8. ita pronunciat Synodus. Ut definitio communiter ab omnibus prabeatur, fidei recta conueniens, piissimus Imperator, secundum quod inter nos placuit, tam ipsum Vigilium, quàm nos hortatus est communiter conuenire, eò quòd sacerdotes decet communibus questionibus finem communem imponere. Quodque recusasset Vigilium Synodo

XIX. Ex quinta rursus Synodo probatur examinatio Synodalis non obscurasse, sed illustrasse Pontificiam.

V u ij

interesse, sed suam priuatim sententiam mandare literis decreuisset, ait Synodus: *Pro his ad memoriam eius perdu- ximus magna illa Apostolorum exempla & Patrum traditiones. Licet enim sancti Spiritus gratia & circa singulos Apostolos abundaret, ut non indigerent alieno consilio, circa ea qua agen- da erant; non tamen aliter voluerunt de eo quod mouebatur, si oporteret gentes circumcidi, definire, priusquam communiter con- gregati, diuinarum Scripturarum testimoniis unusquisque dicta sua confirmauerunt. Vnde communiter de eo sententiam protule- runt, ad Gentes scribentes, Visum est Spiritui sancto & nobis, &c. Inerrantiae prerogatiuam aperte tribuunt Apostolis, circa quos abundabat gratia Spiritus sancti: & qui alieno non indigebant consilio, circa ea qua agenda erant. Et ipsi tamen iure conuolasse ad Synodum, ut communiter sententiam ferrent, nempe de communibus questionibus. Porro nec Vigi- lius, nec Synodus mutuo sibi insidiabantur, ut primas authoritatis inuaderent: non inerrantiam sibi seorsim tan- tum rapiebant; non prouocationum iura increpabant hinc illinc, sed caelestia fidei & disciplinae dogmata, ille solitariè scribere, ista in communi conuentu tractare ge- stiebat. Nec Apostolis singulis omnes, vel omnibus vnus aliquis anteponitur, ita ut vnum quemlibet labi seorsim potuisse, in fratrum Concilio non potuisse venditetur: sed simpliciter obtenditur, communes causas in commu- ni tractandas. Quod verò subditur, *Nec enim potest in com- muni de fide disceptationibus aliter veritas manifestari, cum unusquisque proximo adiutorio indiget, &c.* Clémenter inter- pretandum utique est, ne & superiori de Apostolis effa- to officiat, & Augustino, imò Ecclesiae obsit, tam exi- tiales & tam multiplices errorum insulitates, citra Sy- nodorum generalium congregationem, condemnanti fre- quentissime.*

XX Idem de-
monstratur ab e-
xemplo Petri, &
Synodi Aposto-
lorum.

Quoniam autem illud argumentum præbatur hic iam est, à Petro profectum, qui Apostolicâ Synodo ni- hil principatui suo decerpi sentiebat: audiendus in ean- dem rem Chrysostomus homil. 3. in act. Apost. *Surgens*

Petrus in medio discipulorum, &c. Quàm est fervidus? Quàm agnoscit creditum à Christo gregem? Quàm in hoc choro Princeps est? & ubique primus omnium incipit loqui, &c. Iam & illud considera, quàm Petrus agit omnia ex communi discipulorum sententiâ, nihil auctoritate suâ, nihil cum imperio. ὡς δὲ ἑκὼν, ὡς δὲ ἀπὸ πάντων. Cumque duo constituti essent, Non ipse eos statuit, sed omnes. Caterum sententiam ipse prout tulit, sed hanc quoque declarans suam non esse, sed è supernis profectam, iuxta Prophetiam, &c. Merito primus omnem auctoritatem usurpat in negotio, ὡς γὰρ τὸ πᾶσι λόγος ἀποδοτέον. Ut qui omnes habet in manu. Ad hunc enim dixit Christus, Et tu aliquando conversus, confirma fratres tuos. Et hom. 33. latè prosequitur Apostolicum de amolendo à gentilibus legis onere Concilium: non quòd post Petri de admit- tendis in Ecclesiam gentibus visionem & decretum hæ- sitarent Apostoli: non quòd singulis Apostolis ea esset Spiritûs penuria, quæ non sufficeret istiusmodi ambagi- bus extricandis: non denique quòd à sententia Apostoli cuiuspiam prouocari tunc posset ad Concilium: sed quòd cum hominum naturâ ita comparatum sit, ut causæ com- munes communibus suffragiis sint transigendæ, & istius- modi definitionibus inexcusabilius obsistatur. Quibus ad- de hæc perpauca ex lib. 2. Etherij & Beati adu. Elipani. Ut fides firma daretur Ecclesis, duodecim Apostoli sunt à Chri- sto electi. Quorum Petrus cum esset eorum primus, solus non est ausus componere Symbolum, sed duodenario numero Apostolo- rum cum magnâ est cautelâ collectum, & credentibus assigna- tum, &c. Qui cum omnes unum essent, unum etiam compe- suerunt communiter Symbolum. Itaque quod in commune consulere, & definire omnia Apostolos ipsos oportuerit, non inde vel singulorum, vel Petri inopiam gratiæ, aut lucis penuriam, aut labendi periculum augurabantur an- tiqui Scriptores, aut ambitiosè quis eorum videretur esse maior, disceptabant: sed solam inde communionis ne- cessitatem & charitatis confubulationem philosophaban- tur.

XXI. Item ex
damnatione Eli-
pandi per Syno-
dos varias, & Se-
dem Apostoli-
cam.

Ad eundem Elipandum Carolus Magnus scribit *ter-
quaterque se misisse ad beatissimum Apostolica Sedis Pontificem,
scire cupientes, quid sancta Romana Ecclesia Apostolicis edocta
traditionibus, de hac respondere voluisset inquisitione.* Subdit
se Britannos quoque, Italos, & Gallix, Aquitanix, Ger-
manix Episcopos percontatum esse, eorum eliciuisse de-
finitionem, his suam se quoque suffragationem adiun-
xisse, *post hanc verò correctionem sine admonitionem Apostolica
authoritatis & synodalis unanimis, si non resipiscitis ab er-
rore vestro, scitote omnino vos pro hereticis haberi.* Post Ro-
manæ Sedis definitionem, recurritur adhuc ad aliorum
Episcoporum particulares Synodos, non prouocando,
non harum supra Pontificem eminere fastigium iactitan-
do: quis enim ita desipiat? sed iura iuribus, sententias
sententiis accumulando, utque qui pondere iudicum non
patiuntur suam pertinaciam frangi, numero obruantur.
Hanc porro particularium toto Christiano orbe Synodo-
rum conspirationem quis non videat œcumenicæ Syno-
do æquiparari? Nec sanè ullâ generali Synodo Elipan-
dus obrutus est. Ergo hæc sententia Romanæ Sedis non
prouocando, non in integrum restituendo in aliis venti-
latur rursus Synodis, sed aliarum quoque Synodorum
consensione corroboratur. Eòdem collimat quod contra
eundem scribens Paulinus Aquilei. lib. 7. nihil admo-
dum laborat Romanam & vniuersalem Ecclesiam discrimi-
nare: cum nusquam tunc vniuersalis Ecclesia in œcu-
menicam Synodum affluxisset. *Nos Romanâ plûs authorita-
te, quàm Hispanâ veritate adsertionis & fidei nostra fulciri de-
sideramus. Licet nec illa reprobemus, in his tamen quæ catholicè
dicuntur. Vnusquisque in hoc se refutandum sciat, in quo ab
vniuersali dissentit Ecclesia. Romana igitur Ecclesia quæ à Ca-
tholicis & rectè credentibus sequenda esse probatur, &c.* Ita &
Albinus Flaccus aduersus Felicem Vrgel. disputans l. 1.
Ecclesiæ Romanæ & vniuersalis vnâ, indiscretamque
authoritatem, citra œcumenicæ Synodi conuocationem,
demonstrat: *Elegantissimè Felix precipuam sanctæ Dei Eccle-*

sua unitatem toto orbe diffusam adserit, sed minùs seipsum, suosque sequaces considerat, qui in uno terrarum angulo, &c. Porro nos intra terminos Apostolica doctrina & sancta Romana Ecclesia firmiter stamus; illorum probatissimam sequentes auctoritatem, &c. Cuiusmodi ariete Felicem subinde pulsant Albinus. Quin & apud eundem Felix ipse aliquando resipiscens tandem, in Synodo coram Leone Papa confessionem edit rectæ fidei, profiteturque se auctoritate veritatis, & totius Ecclesie vniuersalis consensu conuictum, ad vniuersalem Ecclesiam reuerti, &c. Se cum vniuersali Ecclesia qua toto mundo dilatata noscitur, similiter sentire, &c. Nec suam Leo Romanus Pontifex iniuriam interpretabatur, quod non Romanæ sed vniuersali Felix subscriberet Ecclesie, gnarus capitis & corporis, Romanæ & vniuersalis Ecclesie fidem, maiestatemque vnā & indiuiduam esse.

Sextam & Septimam Synodum consultò prætermisi, ut in quibus nemini non exploratissimum est, anteriora Romanæ Sedis iudicia, & de fidei questionibus decreta retractari haud sanè, quasi re integrâ, potuisse. Venio ad Octauam, vbi iudicium Nicolai Papæ I. contra Photium & eius asseclas instaurari pertinaciter flagitauere Proceres à Basilio delegati, alioqui subscribere se; ut moris erat, non posse interminantes. Quos suffragio etiam suo iuuit Metrophanes Smyrnæ metropolita, aiens: *Diuinus Apostolus ita inquit, Prophetias nolite spernere, omnia autem probantes, quod bonum est, retinete. Sanctissimos itaque vicarios senioris Romæ tanquam Prophetas nequaquam spernimus. Probantes autem verba magnificentissimorum Principum, inneminus ea iusta, & congruentia: & propterea etiam Episcopi omnes, & sancta hæc Synodus fanemus postulationi magnificorum Principum, &c. Et necquicquam oblustantibus legatis, renouata in Photium eiusque gregales damnationis & anathematis sententia. Verùm multa hinc pensiculanda se offerunt. Nam 1. iudices ipsi dispensationi magis, quàm iuri largiendam esse hanc Apostolici iudicij innouationem contestantur, ut in conspectu nostro obstruantur ora ip-*

XXII. Item ex
Sextâ, Septimâ,
& Octauâ Syno-
do.

XXIII. An in O-
ctava Synodo ad
examen renovata
sint iudicia Se-
dis Apostolicæ.

*forum, ex canonicis, & synodicis praeceptionibus, &c. Rogamus, ut hi qui languent, sanentur; & corrigamus, qui non habent certitudinem veritatis: ut erigamus, qui deorsum iacent. Se enim sententiæ Romanorum Pontificum prorsus acquieuisse, sed eorum qui se inauditos damnari, vel indemnatos eiecti quiritabantur, languori & ruinæ medendum esse. Et infra iidem Iudices: Duodecim discipulos habuit Dominus noster Iesus Christus. Thomas verò qui dubitavit, & incredulus & infidelis, damnatur? Non. Ad multorum enim certitudinem facta est incredulitas eius. Veniant & isti, si forte magis per infidelitatem impiorum, & verorum impugnationem, lacrum multum per duos multis efficiatur. Perspicuè remittendam iuris asperitatem, & ex indulgentiâ rursus audiendos postulant, quos incredulos, infideles, languentes, iacentes, impios, veri impugnatores confitentur. 2. A iudicio Nicolai, nec prouocauerant, nec supplicauerant Photiani isti, nec quomodocumque causam suam restitui in hac Synodo expetierant. Id ipsi hîc clamant: Nec volebamus hac venire, iussit Imperator, ut inueniremur in Palatio, & coram præsentiâ eius reperti sumus illic hoc modo. Ergo ex iuris veniâ, non rei, sed procures postulabant renouari iudicium. Nam & ex mera venia renouatum olim est petentibus Donatistis iudicium, seu post Romanam Synodum in Arelatensi, seu post Arelatense Concilium in consistorio Principis, ut alibi dictum. Sed si Donatistæ non cesserunt instaurato iudicio, quod flagitaue-
rant: multò minùs acquievere Photiani Synodo octauæ, à quâ petinde, ut à Nicolai sententia abhorruerant. 3. Finge-
bant illi de quibus agitur, se ignorare Nicolai Papæ sententiam, nedum ab ea prouocabant, aut supplica-
bant. Id ergo procures vnum orant, ut hæc eorum cau-
satio elidatur. Vicarij senioris Romæ dixerunt: Et quos dici-
tis introduci, ignorant quid iudicauit sancta Romana Ecclesia?
Babanes dixit: Ignorant. Cum enim non essent ibidem, nec au-
dissent opus vestrum in faciem, qualem certitudinem habere illos
ex auditu vultu ad suam ipsorum condemnationem? Et Vicarij
dixerunt:*

dixerunt: Excusationem querunt. Totus mundus, Oriens, Occidens, & Constantinopolitana Ecclesia novit: quia iudicium datum est adversus eos. Magn. & glor. Principes dixerunt, Quod per multam temporis per voces & sermones absolutos creatura omnis audivit, volunt per opus & ipsa gesta certificari. Fingebant duo aliqui se Romæ commisitrasse Papæ Nicolao, tantum abest ut censurâ eius ullâ afflato confiterentur se fuisse, ut ibidem habetur. 4. Assentiuntur Vicarij Apostolici, sed quid? id ipsi edicunt. Ingridantur, & stent illic deorsum in ultimo loco, & audiant epistolam, quam misit ad Imperatorem Nicolaus Papa, &c. Et rursus paulò post: Ingridantur, sed nos non propter contentionem advocamus eos, sed ut tantum B. Papa Nicolai epistolam audiant. 5. Tota concertatio exardescit ibidem, Photius & Photiani à Nicolao Papa admissi aliquando an essent? negantibus Vicariis, aientibus & mentientibus Photianis. Tum Nicolai literæ leguntur, & ita profligata quæstio est, exclamantque Proceres ad Vicarios: Ex his quæ nunc audimus, satisfacti sumus, quia veritatem dixistis. Epistola enim repellit illos, & innotuit nobis, quia Photium & manus impositionem eius sanctissimus Papa Nicolaus non recepit. 6. At act. 6. eiusdem Synodi, cauillantibus Photianis, Canones & Nicolaus & Patriarchis omnibus superiores esse: multos à Romano Antistite damnatos, alibi absolutos fuisse: excipit Basilius Imperator, neminem ab omnibus Patriarchis damnatum, restitui unquam potuisse: Vicarij Romani abruptius responsant, damnati ab Antistite Romano, non pati se, ut vel cum Imperatore vel secum amplius colloquantur: sed cum illi repudiant, quæ exposita sunt à sanctis Patriarchis, Nos nihil aliud facimus, neque subvertimus, neque reindicamus iudicium sanctæ Romanæ Ecclesiæ, factum contra Photium & sequaces eius. Et Metrophanes multò peritior, ut pat erat, arcanorum Ecclesiasticæ disciplinæ, quàm Basilius Imperator; respondet: Quod dixisti, multos Romanorum Ecclesiâ iustificante damnatos arbitramur: & rursus damnante, iustificatos habemus: fal-

sum est, & procul à veritate. Quod ibidem prolixè & validè demonstrat, per singula excurrens argumenta, quibus innixi aduersarij ferociebant. Et concluditur illa tandem Actio hâc legatorum contestatione, damnatum cum suis Photium à Nicolao, & ab Adriano, ab isto semissos ad manifestationem & certitudinem veri, & iusti iudicij ipsarum, in conspectu iusti imperij vestri, & huius sanctæ ac magnæ vniuersalis Synodi, ita ut non habeant vocem repetitionis, vel appellationis: sed quemadmodum iam indicati sunt & deiccti, in æternum maneant. Et Ecclesiæ Orientalium gratiâ Dei nobiscum sentiunt, stabiliunt, damnant, &c. Ex quibus videtur constare nequaquam id sibi sumpsisse hanc Synodum, ut de iudicio Romanorum Pontificum iudicaret, quasi supplicatum fuisset, sin minus appellatum ab ipsis, & res tota in integrum restituta esset. Sed ut dicitur infra, act. 10. in epist. Synod. cum damnatum Nicolai sententiâ Photium extrusisset Basilius, & Ignatium restituisset, vniuersalem tamen is ipse Synodum coëgit, ad manifestiorem veritatis satisfactionem & certitudinem. Nempe quia damnatos se Romæ Photiani quidam pernegabant. Quod ergo subditur, cum multo scrutinio & probatione, quæ acta sunt, examinantes, reperimus, &c. ad illum sensum retorquendum est. Aut si quid aliud sapiat, eo quoque referendum est, quod legati non subscripsere Synodo nisi usque ad voluntatem Romani Præsulis. Connixi erant enim ipsi summâ semper ope, ne semel iudicata Romæ, rursus hic iudicarentur.

XXIV. Sua in Synodis retractari iudicia, aliquando annuit, aliquando renuit Sedes Apostolica. Et quare?

Sed illud præ cæteris ratum, fixumque esse cupimus, Romanæ Sedis Antistites sua de fide vel de personis iudicia in œcumenicâ Synodô retractari, examinataque iterum causâ confirmari, non semper concessisse, non semper intercessisse: vbi intercesserunt, suo id iure fecisse, & nihilo sequius semel ab ipsis damnatos, irretractabili infamiae succubuisse: vbi concesserunt, suâ sponte & quâdam iuris veniâ factâ indulgenter concessisse, nec aliud vnquam, quàm confirmatas ipsorum senten-

tias: nec ex Concilij œcumenici autoritate mitigatam, aut fractam fuisse perduellium contumaciam: quin plerumque in abrupta desperationis præcipitatam. Ita Pelagianis & Cælestianis negata œcumenica Synodus. Ita Acacianis & Orientalibus restitui causam Acacij & in Synodo generali retractari postulantibus, strenuè restitit Gelasius: & *non putantes iure damnatum, quod non speciali Synodo videatur esse deiectus*, suggillauit. Nempe ut epist. 13. ait ipse, *Quorumlibet sententia ligata Pontificum, Sedes beati Petri Apostoli ius habet soluendi, utpotè quod de omni Ecclesiâ ius habeat iudicandi, neque cuiquam de eius liceat appellare iudicio. Siquidem ad illam de qualibet mundi parte Canones appellari voluerint; ab illâ autem nemo sit appellare permisus. Et mox: Sed nec illud præterimus, quod Apostolica Sedes frequenter more maiorum, etiam sine ullâ Synodo præcedente, & soluendi, quos Synodus iniquè damnauit: & damnandi, nullâ existente Synodo, quos oportuit, habuerit facultatem.* Itaque ille & Chalcedonensi Synodo abundè damnatum Acacium, ut Eutychianis adulantem, interpretabatur, & citra ullius Synodi, nempe generalis, operam daminari posse quolibet ab Apostolica Sede sperabat. Quod & peruicit tandem. Nam sola Romanæ Ecclesiæ, & Pontificiæ sententiæ autoritate fractus Oriens, & Iustinus in primis Imperator, in gratiam rediit cum Romana Ecclesia, expuncto sacris fastis Acacij nomine. Denique tot ferè huius rei sunt exempla, quot hæresum, quæ pleræque teste Augustino, particularibus Synodis, & consensu vniuersalis Ecclesiæ, ad sui capitis vnitatem religatæ & conspirantis, ita proscriptæ sunt, ut nulla vel petentibus œcumenica Synodus concessa sit. Annuere rursus quandoque Romani Pontifices post primæ Sedis iudicia, œcumenicas cōgi Synodos, sed ex quadam veniæ redundantia. Ita Leo negabat Eutychetis errori sopiendo opus esse Synodo generali, quam Theodosius Ephesi conuocarat, & suos tamen eò legatos misit. Denique si non est necesse, ex indulgentia ergo condonatur, ut erroris sui

348 DISSERTATIO DVODECIMA

tenaciores, per œcumenicam Synodum omni excusationis patrocínio spolientur. Et quanquam videri posset inuitis id expugnatum fuisse Pontificibus, vt post ipsorum iudicia Synodi coalescerent; nequaquam tamen ita habet.

XXV. De eodem.

Nam etsi Synodum œcumenicam aduersus Eutychetem coire dehortaretur primum Leo, assensus est tamen postea. Prius enim iuris rigorem, post indulgentiam sectabatur. Ita Cælestinus intra decem dies Nestorium, aut receptui canere, aut extrudi sacerdotio sanxerat, nec de generali Synodo tunc, vel ipse, vel Cyrillus cogitabat: sed Imperatori tamen ita cupienti vterque assensus est. Ita Quintæ Synodo Romani Pontifices oblati: primò fuerant, post acquieuerunt. Non id ergo nouum, sed antiquissimis & sanctissimis Pontificibus, tum Romanis, tum aliis Augustini sententiæ consentaneis solenne fuit, œcumenicas Synodos deprecari, tanta Ecclesiæ fatigatione, Episcoporum discursatione, Ecclesiarum spoliatio, supersedendum clamitare; hæreticos & in prouincia quemque sua & Romæ semel damnatos, comprimendos, nec tumultuationibus suis orbem vniuersum miscere permittendos vociferari; & tamen vbi æqua dispensandi necessitas, vel utilitas allucebat, acquiescere.

XXVI. Nusquam legitime à Pontifice ad Synodum prouocatum, sed supplicatum est.

Vbi ergo posteris sæculis, quod infra monebimus, & fusiùs elucidabimus, à Pontifice prouocatum est ad Concilium: vel iudicatoriæ, & peruersæ illæ fuere prouocationes: vel certè ad morem supplicationum interpretandæ sunt, & vel sic tamen nouitatem quandam inuidiosissimam præ se ferebant. Nusquam enim olim prouocatum à Pontifice ad Concilium: nusquam ferè etiam supplicatum: nusquam inuito Pontifici id extortum. Sed cum Concilium ratum illud sit tantummodo, quod à Pontifice colligatur, & cui ipse, vel per se, vel per legatos præsit; ab ipso utique ad ipsum prouocabatur, id est, ipsi supplicabatur. Et has ipsas prouocationes, vt

melioribus Ecclesiæ sæculis inauditas, ut ludificandis omnibus Ecclesiæ legibus opportunissimas vetuere iure merito Pontifices, non nescij præcessores suos inter aurea Ecclesiæ primordia, Synodis œcumenicis abstinendum, quantum fieri potest, censuisse: sæpius efficacissime obstitisse: ut fierent, nonnunquam, sed raro indulgisse.

Atque ut ex postremo hoc ævo nostro intelligas Ecclesiam à seipsa nil descivisse, tametsi confragosæ illæ non ita prudem infrenaverint, & adhuc inter scholarum pulpita crepitent concertationes, de Pontificis vel Concilij prærogatiua, & principatu potestatis; obiter referam ut Pontifices, ut Ecclesia adversus nuperrimæ hæreseos contagia consuluerint. Lutherum enim ita Leonis X. censura prostravit, ut Ecclesiæ vniuersalis authoritas Pontificiæ indiuiduis nexibus copulata ostenderetur: Ait enim Leo, *Exurgat denique omnis cætus sanctorum, ac reliqua vniuersalis Ecclesia, &c.* Ita ille cum Petrum & Paulum antea compellasset. Laudat mox Coloniensem & Louaniensem Vniuersitatem, quæ istiusmodi errores iam inurere præceperant. Nec omittam, quod inter Lutheri deliramenta Pontificio hoc diplomate contrita, istud quoque legitur: *Si Papa cum magnâ parte Ecclesiæ, sic vel sic sentiret, nec etiam erraret: adhuc non est peccatum, aut hæresis, contrarium sentire. Præsertim in re non necessariâ ad salutem: donec fuerit per Concilium vniuersale, alterum reprobatum, alterum approbatum.* Quod delirium vides quantis hîc argumentis exufflauerimus. Sed ut Pontifices, ita hæreticos præcessorum suorum fuisse imitatores, ex aliâ quæ statim ibi subiicitur & feritur, Lutheri vecordiâ patebit. *Via nobis facta est enarrandi auctoritatem Conciliorum, & libere contradicendi eorum gestis, & dicandi eorum decreta, & confidenter consistendi quidquid verum videtur, siue probatum fuerit, siue reprobatum à quocumque Concilio.* Inolitum ergo hæreticis est, Concilij obtentu decreta Pontificia ludificare: & ipsa mox Concilia deridiculo habere. Vsq̃ue adeo qui Ponti-

XXVII. Nouissima ætas Ecclesiæ, consentanea est primæ. Lutherus enim & sola Pontificis primûm, & statim indissociabili Ecclesiæ vniuersæ, & mox denique Concilij œcumenici auctoritate obrutus est.

Tom. 10 Conc. pag. 170.

350 DISSERTATIO DVODECIMA.

ficum anterioribus definitionibus illuserant, Concilia œcumenica flocci fecere semper. Vt inde magis eluceat, non necesse fuisse plerumque coire Concilia; & vbi coaluere, indulgenter id datum, vt vel sic causationibus aduersariorum occurreretur. Ibidem Leo Lutherum dolet *in vocem temeraria appellationis prorupisse ad futurum Concilium, contra Constitutionem Pij 11. ac Iulij 11. prædecessorum nostrorum, quâ cauetur, taliter appellantes, hæreticorum penâ plectendos. Frustra etiam Concilij authoritatem implorauit, qui illi se non credere profitetur.* Vides hinc quàm iure merito appellationes istiusmodi prohibitz sint, vt quæ patentissimam tergiuersationibus ianuam pandant, & plerumque ab iis vsurpentur, qui tempus lucrari student, Concilio nihilo plùs, quàm Pontifici morem gesturi. Denique summam errorum Lutheri hanc esse Leo concludit, quod inde sequeretur, *Ecclesiam, quæ Spiritu sancto regitur, errare, & semper errasse.* Suam ergo & Ecclesiæ authoritatem indiuulsè cohærere sentit. Adrianus VI. similiter in Breui ad Fred. Sax. Ducem, obiurgat acerrimè plus credentes vni homuncioni, quàm tot sanctissimis ab initio Patribus, tot vniuersalibus Conciliis, sancta denique Ecclesia Catholica, &c. quàm reliquo orbi vniuerso, &c. Vnus apostata tibi potuit persuadere, si fellisse priores vniuersis, errare posteros, & in seculum se, & quos decepit, peruenisse regnum Dei. Vniuersalis, vt patet, Ecclesiæ inexpugnabilem authoritatem vbique intentat Pontifex, vt cuius consensus vicem gerat Concilij generalis. Nec aliter Concilium Senonense an. 1528. cùm sola Pontificum diplomata hætenus detonuissent, fidenter Ecclesiæ vniuersæ consensionem, vt veritatis faciem inextinctam nouellis hæreticis obiebat. Nempe Pontificio decreto astante Ecclesiâ, stultum est præterea Concilium generale expetere hæreticos, qui in Ecclesiæ vniuersalis consensu inesse Concilij vim perspicere debuerant. *Voluit Deus tantam esse Ecclesiæ suæ stabilitatem & potestatem, vt per eam veluti per infallibilem quandam regulam, ad salutem mortales dirigerentur, &c. Nec gloriari possunt*

Ibid. pag. 176.

heretici, quasi apud illos resideat Ecclesia Catholica. Nam cum illa sit uniuersalis, omnesque fideles amplectatur, alioqui Catholica non esset, angulis aut latibus hereticorum nequit circumscribi. Et infra: Cum sciant heretici, sicut baculo canes, ita uniuersas suas haereses Ecclesia repelli auctoritate. Et inferius, ut non de fidei regulis configatur, sed regulæ regulis, & iura iuribus accumulentur, & tantò certius conficiantur heretici: Quasi verò magis sit paucis, iisdemque temerariis errorum satoribus credendum, quàm omnibus doctoribus, sanctis Martyribus, Academicis, Episcopis, summis Pontificibus, generalibus Conciliis, quo stultius dici nil potest, aut furiosius. Ita ibi in præfat. Et in generali decreto: Ecclesia quippe uniuersa errare non potest, utpotè qua regitur Spiritu veritatis secum manente in aeternum. Et infra in decreto I. Vna igitur sancta & infallibilis Ecclesia, qua nec à charitate decidere potest, nec ab orthodoxâ fide deuiare. Quæ in eo Concilio sexcenties ingeminantur contra serpentem Lutheri perfidiam, cum necdum de Concilio generali quidquam sonaret, cum sola Pontificum decreta irradiassent orbi, & Christianæ Ecclesiæ silentio, velut indubitato assensu confirmata, vicem Concilij œcumenici obtinerent in antecessum.

Sed audiendus ipse Paulus III. in bulla indictionis Concilij Trident. *Animo repetentes maiores nostros sapientiâ admirabili, & sanctitate præditos, sepe in summis Christianæ Reipub. periculis, remedium optimum, atque opportunissimum; œcumenica Concilia, & Episcoporum generales conuentus adhibuisse: ipsi quoque animum ad generale habendum Concilium adiecimus. Vides quàm suæ non infestam Concilij potestatem ducat? At infra quo fine Concilium post diplomata primæ Sedis, habendum sit, ita declarat. Cum peteretur à nobis, ut ab Ecclesia dissentientium quosdam articulos tolerandos declararem, quoad per œcumenicum Concilium illi excuterentur, & deciderentur: idque nobis, ut concederemus, neque Christiana, & Catholica veritas, neque nostra, & Sedis Apostolicæ dignitas permitteret, palam potius Concilium ut quamprimum fieret,*

XXVIII. Moderni Pontifices suam, & Concilij auctoritatem, coniunctissimam vnamque esse agnoscunt.

mandauimus. Et ante Concilium ergo dissentiebant ab Ecclesia Nouatores, nec eorum *toleranda* videbantur placita, solo nimirum Apostolicæ Sedis oraculo fulminata: nec ita in Concilio discuti, & decidi permessa sunt, quasi dubia antè, vel tolerabilia fuissent, sed vt pluribus fulminibus obruerentur. Ita sess. 14. Pius IV. ait: *cum intellexeremus ad hæc sananda mala aptissimum esse remedium quod sancta hæc Sedes adhibere consueuisset, æcumenici generalisque Concilij, eius congregandi, & Deo iuvante, celebrandi consilium cepimus.* Et tota illa tamen sessione claret, nouellos tunc Euangelij & Ecclesiæ desertores, etiam ante Concilium albo hæreticorum ascriptos fuisse, & per saluos conductus scrupulosissimè trutinatos tutum sibi ad Concilium iter munire quæsisse, & nec eâ ratione plerosque ipsorum in tantum discrimen coniicere se voluisse; aded suo ipsi iudicio implacatas cum Ecclesia simultates susceperant. Nec anteriori ergo Pontificum decreto & auctoritati Apostolicæ Sedis derogat quidquam æcumenicum Concilium: nec superuacanea sunt Concilia, quibus confecta iam hæresum portenta plenius conficiuntur, & irreparabili strage conteruntur.

XXIX. Elucidatur quid adiciat Synodus Pontificio decreto, & congregatio Episcoporum iisdem per suas Ecclesias dispersis.

Ad id pertinet illud Arnulphi Sagiensis Archidiaconi, post Episcopi Lexouiensis, tractatus in Girardum Engolism. Episc. cap. 2. *Ad hoc enim Concilia celebrari sanctorum Patrum sanxit auctoritas, vt inde virtutum doctrina, malorumque correctio proueniret; & velut exercitus sui facultate conspectâ, ipsam se plenius Ecclesia mater cognosceret; vt aduersum vitia seuerius insurgendo, instantium bellorum triumphos posset confidentius aspicari.* A quibus non abludunt verba Tertulliani l. de Ieiun. *Per Concilia, & altiora quæque in commune tractantur, & ipsa representatio totius nominis Christiani magnâ veneratione celebratur. Et hoc quàm dignum fide auspicante, congregari undique ad Christum.* Apage ergo putidas illas & inauditas beatioribus sæculis lites, à Christo ipso prædaminatas, quis earum videretur esse maior. Ne digladiemur, maior Synodo Pontifex, vel Pontifice Synodus æcumenica

œcumenicū sit. Sed agnoscamus succenturiatum Synodo Pontificem, seipso maiorem esse: truncatam Pontifice Synodum, seipsa esse minorem. Ita non exercitus maior est duce, sed succinctus exercitu suo dux, seipso maior est; diuulsus à duce exercitus, seipso minor, & nec exercitus est, sed palantium dissipatus grex, vel grassatorum cuneus. Ita Ecclesia velut castrorum acies ordinata in Synodo, exercitus sui facultate conspecta, ipsam se plenius cognoscit, quæ si se capiti suo abscindat, & collidat, utique minor, & capite minuta decrescet.

Nec obiter prætereundus est Cusanus l. 2. de Concord. cap. 17. ubi sic habet. *In plenariis Conciliis gesta & indicata per Romanos Pontifices, etiam synodicè inueniuntur repetita & examinata, ut in Chalcedonensi Concilio iudicium Leonis contra Dioscorum. Et in sexta Synodo iudicium synodicum Martini Papæ contra Pyrrhum & Sergium. Et in cœtana universali iudicium Nicolai & Hadriani contra Photium. Addit ex August. epist. 162. de iudicio Melchiadis aduersus Donatistas, Ecce, putemus illos Episcopos, qui Romæ indicauerunt, non bonos indices fuisse: restabat adhuc plenarium universa Ecclesiæ Concilium, ubi etiam cum ipsis iudicibus causa posset agitari, ut si malè indicasse convicte essent, eorum sententia soluerentur. De octauâ Synodo copiosè suprâ disseruimus. De Dioscoro infrâ dicetur. De sexta Synodo alibi suo loco. Quod ad iudicium Melchiadis de Donatistis, in idem validissimum arcessitur præsidium nostræ sententiæ. Nam refricanda hîc omnino sunt illa Augustini verba epist. 162. Dedit Constantinus aliud Arelatense iudicium, aliorum scilicet Episcoporum. Non quia iam necesse erat, sed eorum peruersitatibus cedens, & omnino cupiens tantam impudentiam cohibere. Neque enim ausus est Christianus Imperator, sic eorum tumultuosas & fallaces querelas suscipere, ut de iudicio Episcoporum, qui Romæ indicauerant, ipse indicaret. Sed alios, ut dixi, dedit Episcopos, à quibus tamen illi ad ipsum rursus Imperatorem provocare maluerunt. Vides post Miltiadis iudicium, restaurari aliud in Synodo Arelatensi iudicium, non*

XXX. Explicatur Augustinus, de plenario post Miltiadis sententiam Concilio.

neceſſe iam fuiſſe, & ex veniâ, ac remiſſione iuris id factum. Vides id relaxatum fuiſſe, quia Donatiſtarum peruerſitatibus cedeſſat Imperator, & omninò cupiebat tantam impudentiam cohibere. Vides quos Romani iudicij authoritas non inflexit, nullius poſt Synodi pondere frangi potuiſſe. Ergo quod dixerat Auguſtinus, poſt Romani Pontificis iudicium ſuperfuiſſe Concilium vniuerſale, id veniæ temperamentum erat, non iuris præſidium. Adde quod expreſſè monet Auguſtinus in vniuerſali Concilio intereſſe priores iudices debuiſſe. Ergo non appellationis, ſed ſupplicationis via panditur ab Auguſtino, quæ Principis maietàti nihil officiit. Principi enim ſupplicatur, qui ſuâ ſponte abnuit, vel annuit, iudicium ipſemet ſuum in frequentiori ſenatorum cœtu redintegrare.

XXXI. Pontifex
vt Concilii ca-
put & vox, ſo-
lus eloquitur, &
pronunciat.

Nec aliter Pontifex quàm vt totius Eccleſiæ caput, mens, vox, eloquitur, vel à fidelibus auditur, ſiue in Concilio ſiue extra Concilium fundat oracula. Et Synodi ergo voces, ac definitiones Pontifex ſuas eſſe interpretatur: & Pontificis decreta Synodus ad ſe pertinere exiſtimat. Luculentè prorſus in Conc. Baſil. reſponſione ſynodali de Romano Præſule: *Quidquid in ſacris ſtatuitur Conciliis, ſuâ etiam authoritate ſtatuitur: quæ ſemper ibi refulget, vt prima & præcipua omnibus, caput & directrix. Et cùm aut perſonaliter, aut authoritatine ſemper in Synodis vniuerſalibus interſit, ipſeque Eccleſiæ rector ſit & paſtor, decreta Conciliorum, etiam ſua & Sedis Apoſtolica non immeritò dici poſſunt. Nos enim vnam Eccleſiæ corpus ſumus, & ipſe huius corporis caput, ſub capite Chriſto. Quidquid igitur ſit ab hoc corpore Eccleſiaſtico, etiãſi omnia membra in idem concurrant, ſicut in corpore naturali accidit: magis tamen ac præcipuè operatio quauis capiti appropriatur & aſcribitur: ab ipſoque magis quàm ab alio corporis membro procedere cenſetur, &c. Dum ipſe præſens eſt, ipſe concludit, ipſe ſtatuit, & ſub nomine ſuo ac perſonâ eius decernuntur. Dum abeſt, ſui præſidentes, qui vice eius funguntur, per ſacrum Concilium deliberata concludunt. Ergo vt ibi efficitur, cum Conciliorum decretis morigeratur*

Pontifex, non maiori alicui potestati, sed sibi morem gerit. Ipsemet enim ea decrevit. Ita quæcumque seu primò, seu iterum re in integrum restituta, à Concilio iudicantur, ipse iudicat, ipse in integrum restituit, ipse sua iudicia retractat. Sicut & de Conciliorum decretis cum dispensat, de suis ipse dispensat, ut ibidem subiicitur: *Per Concilium statuta, in nullo derogant sua potestati, quin pro tempore, loco, causisque & personis, utilitate vel necessitate suadente, moderari, dispensareque possit, atque uti summi Principis ἐκείνου, quæ ab eo auferri nequit.* Auferri igitur non potest à Pontifice summi Principis potestas dispensandi, iudicandi, extra Synodum & in Synodo. Quia quidquid à corpore, seu Concilio geritur, Capiti præcipuè adscribitur.

Non pigebit, & illud obiter hîc advertere, quod confitetur Petrus de Alliaco lib. de authoritate Eccl. part. 3. c. 2. *Quætere apud errores contra fidem debeant in Concilio per summum Pontificem damnari sub hac formâ, Nos hoc sacro approbante Concilio damnamus, &c. aut damnari debeant sub istâ formâ, sacrosanctum Concilium damnat, &c. non est questio inutilis, quia utraque forma in decretis generalium Conciliorum reperitur.* Vtra tempestiuior sit, non litigo. Vtramque maxime opportunissimam profiteri, si utraque in Conciliis generalibus reperitur. Si instar enim habeant Euangeliorum Concilia: quid ibi minùs tempestivum suspicabimur? Sed quia antiquiorum Conciliorum morem posteritas sui fastidiosa, antiquitatis miratrix magis suspicit, ad Chalcedonensem Synodum recurramus. Eam *authoritate Leonis, authore Leone* celebrandam semel itemque rescribere Imperatores. Ei porrigitur act. 3. & recitatur libellus Theodori Alexandri Diaconi, inscriptus *sanctissimo ac Dei aman. & universali Archiepisc. & Patriarchæ magnæ Romæ Leoni, & sanctæ universali Chalcedonensi Synodo.* Alius item Ischyrionis Diaconi, item tertius Athanasij presbyteri, quartus item Sophronij eadem inscriptione insignes. Actione 3. Iulianus Episcopus ita fatur:

XXXII. Antiquissimum est, Pontificem solum assentiente Synodo defini-

Nunc vestra sanctitas auctoritatem habet sanctissimi Archiepiscopi Leonis, & omnis sancta Synodus cognouit singula, &c. Petimus ergo sanctitatem vestram, qui habetis locum sanctissimi Papæ Leonis, promulgare sententiam in Dioscorum, &c. Tunc Paschasinus, & cæteri Leonis Vicarij, sententiam proferunt depositionis in Dioscorum, quâ tum flagitia eius varia pernumerant, tum denique ita concludunt: Vnde sanctissimus, & beatissimus Archiepiscopus magna & senioris Romæ Leo, per nos & per præsentem sanctam Synodum, unâ cum ter beatissimo Petro Apostolo, qui est petra & crepido Catholica Ecclesiæ, & rectæ fidei fundamentum, nudauit eum tam Episcopatus dignitate, quàm, &c. Ubique perspicis primas tenere Leonem ante Concilium, non quo illa iam tum animos incessisset altercatio, emineat Papa Concilio, an ex aduerso. Sed quod vtriusque vna & indiscreta maiestas esse intelligeretur, dependeretur autem capiti is honor à membris, qui in membra ipsa illico redundaret. Nam & in relat. ad Leonem sacra Synodus ait, Illum sibi ut caput membris præfuisse. Et ipsum enixè orant, ut concessam à se ampliationem honoris Episcopo Constantinopolitano confirmet, lucente apud vos Apostolico radio, & usque ad Constantinopolitanam Ecclesiam illum spargentes, &c. Et infra: Rogamus, tuis decretis nostrum honora iudicium, & sicut nos capiti in bonis impendimus consonantiam, sic & summitas tua filiis, quod decet, adimpleat. Nulla recentissima Synodus pluribus, & illustrioribus documentis, suam in Apostolicum Pontificem venerationem insigniuit.

XXXIII. Nouo argumento efficitur, non statim superiorem Pontifice Synodum, si eius acta retractet.

Atque ut postremo hoc argumento rem conficiam, agnato materiæ, quam tractamus, Marciano succedens Leo Imperator, & quomodocumque mederi cupiens. sauciatæ Eutychianorum furoribus Ecclesiæ, prout narrat Facundus lib. 12. cap. 3. Per metropolitanos Episcopos litteras generales misit, consulens de Chalcedonensi Concilio, ut conuenientibus secum cœpiscopis suis & clericis sua responsione signarent, quid eis videretur. His acceptis iidem metropolitanæ

cam suis collegiis, sicut erant commoniti, de sua quisque provin-
cia responderunt, tam concordi atque constanti sententiâ, quàm
solet multos unire spiritus veritatis. Nam licet è diuersis, lon-
gèque distantibus locis data, nihil tamen habuerunt omnium
responsa diuersum, quibus decreuerunt irretractabiliter esse custo-
dienda Chalcedonensis decreta Concilij. Tum luculenta hæc
præ cæteris eorum verba hæc ascribit: Quoniam sicut Soli
nihil minus est, ad demonstrandum, quia Sol est; sic & magnâ,
sanctâ & vniuersali Synodo Chalcedonensi minus quidem bono-
rum nihil omnino est: neque additamento aliquo eget, neque
detractione, à Spiritu sancto velut diuino quodam Sole condita.
 Extraordinaria prorsus hæc fuit examinatio Concilij
 Chalcedonensis, aut fidei potius ibi definitæ, sed neces-
 sitati tamen, vel vtilitati compensationis ex dispensatio-
 ne donata; vt eorum calumniæ retunderentur, qui sola
 Imperatoris Marciani potestate, actam esse præcipitem
 Episcoporum turbam in errorum deuia blatterabant. Vt
 nemo autem metropolitanos istos, Synodosve prouincia-
 les, seu disiunctim, seu collectim, vniuersali Synodo
 maiores argutabitur, etsi per eas extraordinariè retracta-
 ta sit & confirmata Chalcedonensium decretorum ratio:
 Ita nec Pontificis dedecori vertet, aut maior illo Syno-
 dus efficietur, quod eius iudicia in Synodo rursus extra-
 ordinariè ad incudem reuocata sint. Vtrobique enim su-
 perfedetur protinus illa futili vitilitigatione, *Quis eorum*
videretur esse maior. Vtrobique nemo alterius adcremento
 sibi quid decrescere, imò vt in vnus compage corporis,
 alterius amplitudinem sibi accrescere nemo non retur.
 Vtrobique de humilitate magis, quàm de principatu cer-
 tatur. Vtrobique extraordinarias inire vias, & inusitatas
 adhibere medicinas cogit mali vis, & dispensandi neces-
 sitas, & sui immemor Christi charitas. Vtrobique iura
 iuribus non colliduntur, sed accumulantur: authoritas
 authoritati non insidiatur, sed conspirat. Vtrumque de-
 mum ideo rarum est, quia extraordinarium, quia sola vti-
 litatis compensatione præter commune ius dispensandum.

XXXIV. Quo-
modo irretacta-
bilia non nisi post
Synodum sint iu-
dicia Sedis Apo-
stolicæ.

Si autem vel ex Leone ipso oggeras, Pontificis decreta de fide irretactabilia tum demum esse post Synodum: respondebo, nec inde quidquam, quod nobis officiat, exprimi. Nam post Pontificem, extraordinariè Synodus causam eandem retractare potest. Post Synodum, ne extraordinariè quidem. Quanquam, ut modò referebamus, Leo Imperator extraordinariam quoque post Synodum effusiorē quadam dispensandi licentiā aut potius charitate, cognitionem concesserit. Tametsi videri non iniuriā possit, à Metropolitanis quos Leo consuluit, non tam retractatam esse Chalcedonensem Synodum, quàm retractari non posse pronunciatum. Vnde Victor Tunon. in Chron. *Leo Aug. supplicationibus Ægyptiorum permotus, ut Synodus fieret, quæ de gestis Synodi Chalcedonensis iudicium ferret: ad cognoscendam singulorum fidem, Ecclesiarum Prasulibus unicuique semotim scripsit: à singulis epistolas tanquam ex unā collatione consonas suscepit, id fieri nullatenus posse: sed magis ac magis in suā perpetuitate Synodi gesta Chalcedonensis manere.* Porro manifestissimè alibi commonstrauimus, nec Synodi decreta irretactabilem vim assequi, nisi postquam ea Pontifex primæ Sedis approbavit, & quatenus sui examinis trutina approbavit. Idque ex hoc ipso Chalcedonensi Concilio dilucidum est. Nam quæ de Anatolij Constantinopolitani Episcopi amplificandâ dignitate decreta fuerant, ea Leo irrita decreuit, & tunc perniciit. Quæ item de tribus capitulis ibi obiter perstricta fuerant, ea Pelagius postea, & Quinta Synodus, utpotè à Leone non confirmata, reuocauit ad examen. Denique Ferrandus epist. ad Pelag. n. 6. & 7. retractari non posse depugnabat, quæ Leo Papa confirmasset. *Vbi maiores reperires in Ecclesia iudices? ante se habens in legatis suis Apostolicam Sedem, qua consentiente, quidquid illa definiuit Synodus, accepit robur inuietum.* Et infra: *Vniuersalia Concilia, præcipuè illa, quibus Ecclesia Romana consensus accessit, secunda authoritatis locum post canonicos libros tenent, &c. Quæ fiuntur indicantibus Episcopis sanctis, & ad beati Petri memo-*

riam perducta, diligentius examinantur, atque firmantur, sequenda sunt, tenenda sunt, amplectenda sunt; in retractatione sub quâlibet pietatis occasione, teneri non debent. Ergo ut ex hoc nil decerpitur summæ Concilij potestati, ita nec Pontifici derogabitur quid, etsi eius iudicia, non prouocationis, sed reuisionis iudicio; non necessitate, sed ex venia; & ex ipsius Pontificis concessu, & cum ipso ac sub ipso Pontifice, Synodus œcumenica rursus cognoscat.

Pauca iam, & quasi perfunctoriè de Dioscoro dicenda sunt, utque fidem nostram liberemus. De eius ergo depositione, propter intortam maximè ab eo excommunicationem in Leonem Pontificem, ita Synodus differit in relat. ad Leonem ipsum. *Qui multa prius pessimè operatus, priora sequentibus superauit.* Tum depositos ab eo Flavianum & Eusebium, restitutum Eutychetem commemorant. *Et post hæc omnia, insuper & contra ipsum, cui vineæ custodia à Salvatore commissæ est, extendit insaniam, id est, contra tuam quoque Apostolicam sanctitatem: & excommunicationem meditatus est contra te, qui corpus Ecclesiæ unire festinas.* Non de iniusta, sed de qualicumque excommunicatione in primæ Sedis Antistitem lata conqueritur Synodus, nempe contra Apostolicam & primam Sedem, contra eum, cui iure diuino vineæ totius seu Ecclesiæ vniuersæ principatus competit, qui adeo pro Capitis officio, membra totius corporis sui lacera sibi recolligere laborabat. Ideo hoc eius facinore cætera obrui & obliterari ait Synodus. Et in epist. ad Marcianum Imp. post act. 3. depositionis iaculo confixum testatur Dioscorum, quod Leonis epistolam in Ephesina Synodo secunda legi vetuisset; quod Eutychetem à Leone damnatum restituisset; tertio denique *quoniam super alias suas nequitias, & aduersus ipsam Sedem Apostolicam latrauit, & excommunicationis literas aduersus sanct. & beat. Papam Leonem facere conatus est.* Et act. 3. in ipsa aduersus Dioscorum sententia, *Quoniam secundis excessibus priorem iniquitatem valdè*

XXXV. Dam-natus Dioscorus non propter fidem, sed propter excommunicationem vibratam in Leonem Papam.

transcendit, praesumpsit enim & excommunicationem dictare adversus sanct. & beat. Archiepiscopum magnae Romae Leonem. Et ibidem ex libello Theodori Diaconi: Excommunicationem faciens contra sanct. & beat. Apostolica Sedis magnae Romae Episcopum Leonem, suavit subscibere eis, qui cum ipso de Aegypto exierant sanctissimis Episcopis, plus minus numero decem: aliquoties comminans, aliquoties decipiens, &c. Anatholius denique ipsemet ibidem testis locupletissimus est, Act. 5. Propter fidem non est damnatus Dioscorus, sed quia excommunicationem fecit domino Archiepiscopo Leoni: & quia ter vocatus non accessit ad Synodum. Ergo haec summa flagitij fuit, constitutum diuino iure caput Ecclesiae impetere, & ideo Ecclesiam ipsam obtruncare voluisse. Nam si humano tantum ex instituto dominatur ceteris Romanus Pontifex, eccur haec Dioscori procacitas atrocior & inextinguibilior iactatur, quam Flauiani iniquissima depositio, & immanissima caedes? quam Eutychetis restitutio, quam Eutychianae perfidiae approbatio, quam Synodi Ephesinae grassatio & tyrannis, quam fidei Catholicae, quantum in ipso fuit, constupratio? Ad haec cum Apostolicam Sedem, tum vineae Custodem à Christo institutum loquitur Synodus, diuini iuris primatum sanè astringit. Cum toties legati Romanae Sedis, in ipsa etiam sententiae synodicae promulgatione, Petrum Petram & Crepidinem Ecclesiae, & rectae fidei Fundamentum crepant; cum relatio ipsa Synodi ad Leonem, semel iterumque ut Caput membrum, ita Pontificem Synodo praefesse, & Leonem Petri interpretem fuisse: cum Apostolico eius radio ceteras illuminari Ecclesias vociferatur, apertissime his omnibus diuina primatus Romani praedicatur institutio. Adde & illud ex epistolâ Valentiniani, & Placidiae ad Theodosium, ut iuberet in partibus Italiae celebrari Synodum: Beatissimus Romanae Sedis Episcopus, cui principatum sacerdotij super omnes antiquitas contulit. Et ne secus detorqueas hanc vocem antiquitatis, accipe pauca haec ex epistolâ Gallae Placidiae ad eundem: Ad Concilium

Concil. Chalced.
part. 1. num. 25.

Ibid. num. 16.

cilium Apostolica Sedis iudicium transmittatur, in quâ primus ille qui caelestes claves dignus fuit accipere, principatum Episcopatus ordinavit. Quando scilicet decet nos huic maxima civitati, quæ maxima est omnium, in omnibus reverentiam conservare. Non tacet urbis maiestatem, sed principatum sacerdotij à Petro repetit.

Porro ex his constat hallucinatum vehementer Cusanum, qui Dioscori à Leone iam damnati iudicium in hac Synodo innouatum fuisse existimabat. Nusquam enim vel apex existit ullus, quo liqueat Leonem in Dioscorum censuræ mucronem strinxisse. Nec id siluisset Synodus, quæ priora de Anatolio, de Maximo, de Theodoreto iudicia Leonis tam reverenter amplexata est. Cum enim Anatolius Dioscori antè in vrbe regia Apocrisarius, eiusdem Episcopus ordinatus fuisset in Ephesina illa latrociniali Synodo: eiecto per summum nefas Flauiano: cum Domino per eiusdem Pseudosynodi grassationes depulso, suffectus fuisset Maximus, & præter Canones ab Anatolio ordinatus: atque ita vtriusque claudicaret ordinatio: vtramque tamen ratam habuit Synodus, Leonis sententiam, & factam ab eo Canonum veniam amplexa, citra noui examinis scrutinium. De Anatolio audi Leonem scribentem ad Marcianum, *Nos vestra fidei & interuentionis habentes intuitum, cum secundum sua consecrationis authores, eius initia titubarent, benigniores circa ipsum, quàm iustiores esse volumus: quo perturbationes omnes, quæ operante Diabolo fuerant excitatæ, adhibitis remediis leniremus.* Nec alia in Chalced. Synodo occurrit vsquam vitiosæ Anatolij ordinationis expiatio, aut venia. Id enim post Synodum Leo scribebat, addebatque: *Satis sit prædicto, quod vestra pietatis auxilio & mei fauoris assensu, Episcopatum tanta urbis obtinuit.* De Maximo autem, idem Leo in eadem ad Marcianum epistolâ, ita testatur, Anatolium obiurgare pergens: *Neque sibi astimer licuisse, quod Antiochena Ecclesia sine ullo exemplo, contra statuta Canonum, Episcopum ordinare presumpsit. Quod nos amore reparanda fi-*

XXXVI. Priora de Anatolio, Maximo, Theodoreto iudicia Sedis Apostolicæ Synodus sine nouo examine approbavit.

Part. 3. Concil. Chalced. c. 6.

dei, & pacis studio retractare cessauimus. Et disertissimè Synodi Chaled. act. 10. legati Romanæ Sedis dicunt: *Si ergo & à beatissimo & Apostolico Romanæ urbis Episcopo, omnia quæ ibi, Ephesi, gesta sunt, vana sunt habita: claret, quia & sanctissimus Episcopus Antiochena ciuitatis extra hæc est, quem post hæc beatissimus Episcopus in propriâ communionem suscepit.* Quæ postrema verba etsi desint in Græco textu nunc quidem, olim non defuisse liquet tum ex fide vetustissimi interpretis, tum ex ipsa sententiæ consequentia, tum denique ex eo quod mox Anatolius succinit in eandem sententiam, irrita esse prostibuli Ephesini decreta, *Nisi illud circa Maximum, &c. Quoniam sanctissimus Romanæ urbis Archiepiscopus Leo in communionem illum recipiens, præesse eum Antiochenam Ecclesiam iudicauit: quam formam sequens, & ipse approbaui, & præsens omne sanctum Concilium. Quibus & reliqui Episcopi suffragati sunt.* De Theodoro denique apertè Iudices in act. 1. interloquuntur: *Ingre-diatur & reuerendissimus Theodoretus, ut sit particeps Synodi, quia & restituit ei Episcopatum sanctissimus Archiepiscopus Leo, & sacratissimus Imperator sanxit eum adesse sanctæ Synodo.* Cùmque Ægyptiorum aduersùs Theodoretum, Orientalium Episcoporum pro Theodoro pugnantium vociferatio ingens, & penè insana aliquandiu infremuisset, & hi illis Eutychianam, illi his Nestorianam perfidiam opprobassent, Iudices de tumultuosis & episcopali grauitati minimùm consentaneis acclamationibus conquesti, hanc pacis conciliatricem & quasi mediam iniere viam, *Theodoretus reuerendissimus Episcopus proprium recipiens locum à sanctissimo Episcopo inclyta urbis Romæ, in locum nunc accusatoris ingressus est.* At act. tandem 8. vehementius Episcopi omnes incalucere, & expressere tandem à Theodoro id vnum, ut apertè Nestorio diceret anathema. Quo perfectò Iudices dixere, *Omnis iam dubitatio de Theodoro est soluta, quippe & Nestorium coram nobis anathematizauit, & à sanctiss. Leone susceptus est, & epistola sanctiss. Leonis subscripsit.* Superest igitur ut sententia proferatur à Reuerentiâ ve-

strâ, ut Ecclesiam suam recipiat, sicut & sanct. Leo Archiepiscopus indicavit. Omnes reuerendissimi Episcopi clamauerunt, Theodoretus dignus est Sede. Ecclesie orthodoxum. Ecclesia Pastorem recipiat. Archiepiscopo Leoni multos annos. Cum Deo Leo indicavit. Ut in Anatolio & Maximo, ita & in Theodoro supersederi potuisset hac scrupulositate. Nec iniquum tamen fuit subdubitantibus de fide Theodoreti satisfieri. Porro hoc vnum verbum à Theodoro expugnatum, seu anathema Nestorio dici, non eam ego, non cordatus quisquam sententiæ Leonis reuisionem, non totius causæ retractationem dixerimus, sed restitutionis à Leone decretæ executionem. Executores enim Episcopi non iniuriâ flagitant, unicâ voculâ eximi sibi scrupulum dubitationis, tumque Leonis sententiæ applaudunt.

Atque ut ad Dioscorum redeam, eadem fermè nobiscum Synodi verba, & argumenta inculcauit Nicolaus Papa I. epist. 8. *Nunquid ibi legitur inquisitionem fuisse factam, utrum iussè, an iniussè ipsam iam fatus Dioscorus excommunicationem dictasset? Non planè, sed absque omni controversiâ hoc in eo vlti sunt, quia cum esset inferior, potiorum quibuslibet conatus est lacessere contumeliosus: teste Anatolio, &c. Et Hadrianus II. in epist. ad Ignatium quæ habetur in act. 3. Synodi 8. illa Patrum Chalcedonensium verba perpendens, ubi aiunt Dioscorum, secundis excessibus priorem iniquitatem transcendisse, hæc addit: Vnde nota, quod Dioscorus secundis excessibus, quos in excommunicatione Romani Papa dictatâ patrauit, etiam heresin Eutychianam valdè transcendisse referatur. Et act. 7. legitur allocutio eiusdem Pontificis, & suggestio Synodi Romanæ ad eundem in eandem omnino sententiam: Quarta magna & universalis Synodus adeo hanc temeritatem execrata est, ut Dioscorum Alexandrinum sine restitutione damnauerit. Presumpserat enim & ipse contra primæ Sedis privilegium, contraque iam memoratam regulam agens, cum esset posterior, se anteriori proferre. Quibus permirum est obstrepere & nebulas offundere aulos Nouatores, cum in Ephesina prima Synodo iam suprâ aduer-*

XXXVII. De Dioscori rursus facinore, & petulantia in maiorem Sedem.

terimus suo loco, Ioannem Antiochenum à Cyrillo & Synodo in crimen vocatum esse, quod *in maiorem Sedem*, videlicet Alexandrinam, ferre sententiam ausus esset. Quod & Hadrianus & Romana Synodus paulò antè citato loco aduerterunt: *Saltem Ioannem Antiochenum Episcopum in Ephesinâ Synodo recolere voluisset Photius, idcirco damnatum, quia Cyrillum anterioris, id est, Alexandrina Sedis Antistitem damnare non metuit, &c. Tertia generalis Synodus Antiochenum damnauit Ioannem, quoniam aduersus potioris Sedis, id est, Alexandrina Pontificem, primâ Sede non consentiente, ausus est proferre sententiam. Quod probant verbis ipsis Synodi ad Cælestinum scriptis. Quæ de Dioscuro disputata, & ipsa maxime de eo verba Anatolij relata superiùs, nequaquam pugnant Leontio, lib. de Sect. act. 6. qui Hæsitantibus obicientibus, Si non propter fidem hac Synodus Dioscorum depositum dixit, cur nos reiicit? sic enim credimus, ut ille credebat: respondet: Non propter fidem abdicatum esse Dioscorum, nec illam fuisse depositionis eius causam: quippe nec adiit propterea Synodum, ut hoc nomine de ipso indicaretur: sed quoniam reapse tertio vocatus venire recusauit. Si tamen venisset, etiam propter fidem fuisset abdicatus.*

XXXVIII.
Theodoretus in
facto & personâ,
non in fide tite-
bare visus, in v-
troque compul-
sus assentiri Sy-
nodo.

Perpensis iam Pontificis & Synodi œcumenicæ iuribus, ad imperatoriam etiam dignitatem proficisci, & eius prærogatiuas, si quæ ex hac Synodo radiant, ponderare animus est, & res ipsa iubet. Vnum hoc interferam, quod ad Theodoretum magis pertinet, de quo non ita pridem verba fecimus. Nutasse videlicet illum videri, non in fidei, sed in personæ & facti controuersia, & tandem extricare se coactum ab illis tergiversationum spiribus. Abruptè enim Episcopi hoc vnum flagitabant, *Modò anathematiza Nestorium*. At ille diuertacula alia, aliaque subinde comminiscabatur, fideique orthodoxæ palam confessionem edens, Nestorio anathema nominatim indicere & absolutè fugitabat. Preces nempe se obtulisse Imperatori, & vicariis Romanæ Se-

dis libellos, &c. Se ab orthodoxis genitum, orthodoxè prædicasse, &c. Se neque de Episcopatu retinendo cogitare, &c. Se non posse aliud, quàm fidem suam profiteri, &c. Has cavillationes toties iteratas, toties Episcopi protelaucere, & anathema Nestorio, Nestoriumque amantibus dici vrgentissimè præcepere. Acutiores etiam cauillos Theodoretus hos excogitavit, *Non solum Nestorium & Eutychen, sed & omnem hominem, qui rectè non sapit, auersor, & alienum existimo.* Cùmque non acquiesceret Synodus, rursus ille: *Veni satisfacere me esse orthodoxum, & quia Nestorium, & Eutychen, & omnem hominem dicentem vel opinantem duos filios, anathematizo.* At Episcopi subodorati latitantia forsan fraudum semina, nec his contenti vrgebant præterea, *Dic aperte, Anathema Nestorio, & his qui cum eo sapiunt.* Cùmque ille renueret, nisi fidem prius suam palam edissereret; nempe vt coniectura est, eâ spe fretus, quòd sanæ fidei confessione placaretur Synodus, nec vltèrius quidquam expeteret: Episcopi clamauerunt, *Iste hæreticus est, iste Nestorianus est. Hæreticum foras mitte.* Tunc demum aperte Theodoretus dixit, *Anathema Nestorio.* Quamuis subscripsisset epistolæ Leonis, quamuis orthodoxam de Deiparâ & vnâ Christi personâ fidem professus esset antè Theodoretus; hæreticus tamen à Synodo & Nestorianus proclamabatur, nisi Nestorio nominatim anathema diceret. Ergo & suis de rebus facti & personarum definitionibus subscribere iubent Synodi, iubet Ecclesia, vbi adlubescit sibi. 2. Et qui tergiuersatur, vrgetur: qui parere pernegat, quantumuis fidem Catholicam se sectari clamitet, hæreticus iudicatur, Synodoque expellitur. Nempe hæresin ipsam hac simulatione celari, & retineri interpretatur Ecclesia. 3. Nec pauci nunc Episcopi, aut Ægyptij solum, sed omnes prorsus Theodoro hanc necessitatem imposuere, vniuersi inquam, post fidem suam subscriptione Leonis epistolæ, & damnationis Dioscori, approbatam. 4. Theodoretum antè Leo Papa Ecclesiæ & Sedi suæ restituerat, nec no-

minatim ob eo expreſſerat Neſtorij damnationem, vt ſimile veri eſt. Nam ſi id antè ab eo impetraſſet Leo, non tam inſtanter Synodus hoc iterum flagitaſſet, non Theodoretus tam moroſè reniſus eſſet. Videlicet potuerat Leoni non obrepere ea ſuſpicio. Poterat Leo ſimpliciùs fidei acquieſcere confeſſioni, nec de perſonis negotium faceſcere. Poterat diſpenſatione hic quoque vtì, quam plurimam, poſt Ephelinæ graſſationis ſcandalum, à ſe adhibendam fuiſſe ſuprà ipſemet teſtabatur. 5. Et ſi id à Theodoro non extorſerat Leo, extorquere potuerunt Epiſcopi. Et quamuis non imperaſſet Pontifex primæ Sedis, imperantibus aliis Pontificibus obtemperandum ſanè fuit. 6. Denique nec cuiumque, ſed Epiſcopo impaſta hæc neceſſitas eſt à Synodo.

XXXIX. Idem de Anatolio & Ægyptiis Epiſcopis obſervatur.

Non diſſimilem verſutiam Anatolij videntur ſibi aliqui olfeciffe, cùm tam fidenter pronunciauit, non eſſe damnatum Dioſcorum ob fidem, ſed ob Apoſtolicæ Sedis irrogatam contumeliam. Patentiſſima enim erat Dioſcori in Eutychnianam hæreſin ruina. Sed de Anatolio iudicium eſto aliorum. Explicatio eſt Ægyptiorum Epiſcoporum moroſitas act. 4. Cùm enim clamaſſent, *Si quis præter iſta ſapit, Eutyches, ſive alter aliquis, anathema ſit.* Ne ſic quidem quieuit Synodus. *Epiſcopi clamauerunt: Maniſeſtè anathematizate dogma Eutychis.* Reſtitantibus adhuc Ægyptiis, Epiſcopi clamauerunt, *Qui non anathematizat Eutychen, hæreticus eſt.* Tunc denique paruerunt Ægyptij, clamaueruntque, *Anathema Eutychi & credentibus ei.* Vide inferiùs in eadem ſeſſione tergiuerſationes Caroſi Monachi: Eutycheti anathema dicere detrectabat, aut ita dicebat, *Si non credit Eutyches, ſicut credit vniuerſalis Eccleſia, anathema ſit.*

XL. Imperator, idem ipſe Sacerdos eſt.

¶ ipſe, ¶ ſacerdos.

Ad regias nunc expendendas in rebus eccleſiaſticis vires, concretaque Imperio ſacra priuilegia, & penè ſacerdotalia iura, animum, calamumque conuertamus. Marciano acclamatur act. 6. *Sacerdoti, Imperatori, multos annos. Eccleſias tu erexiſti hoſtinum victor, Doct̃or fidei.* Et ali-

quantò suprà, Marciano, nouo Constantino, nouo Paulo, nouo ἡ δὲ ἐκκλησία τῆς πί-
David, &c. Orthodoxam fidem tu roborasti. Sicut Apostoli, ita 5106.
creditis. Iam enim actione primâ eiusdem Chalced. Sy-
 nodi recitatum fuerat illud ex act. 7. Concilij Constan-
 tinopolitani sub Flauiano, vbi Theodosio similiter accla-
 mabatur, *Orthodoxo, pio Imperatori, Pontifici Imperatori.* πῶ ἀρχιεπὶ βασι-
 Parte quoque tertiâ huius Chalced. Synodi legitur epi- λῆ.
 stola Agapiti Rhodi Episcopi, ad Leonem Imperatorem,
 hæc habens, *Verè namque Sacerdos, & naturâ Imperator exi-*
stis. Actione 18. sextæ Synodi Leo Pontifex Constanti-
 no Imperatori gratulatur, quòd *regali fastigio deposito, v-*
num se de collegio Sacerdotum pro zelo Dei adnumerari concu-
pisceret. At in anteaetis septimæ Synodi Gregorius Papa
 Romanus Leonem Iconomachum epistolâ secundâ ita
 obiurgat: *Scripsisti, Imperator sum & Sacerdos.* Enimvero qui
 ante se fuerunt Imperatores, hoc opere & sermone demonstra-
 runt, qui curam gesserunt Ecclesiarum, vñd cum Pontificibus,
 cupiditate zeloque incensi, rectæque fidei veritatem peruestigan-
 tes, Constantinus magnus, Theodosius magnus, Valentinianus
 magnus, & Constantinus Iustiniani Pater, qui sexta Synodo in-
 terfuit. Imperatores isti religiosè imperarunt, & cum Pontifici-
 bus vno Concilio ac sententia Synodos congregantes, atque ve-
 ritatem dogmatum perquirentes, sanctas Ecclesias constituerunt
 & ornarunt. Hi sunt Sacerdotes & Imperatores, qui id opère
 demonstrarunt. Quibus nihil luculentius dici potuit.

Cuius Sacerdotij imperatorio nomini agnati coaliti-
 que origo, vt coniiicio, repetendâ est à Constantino, qui
 se quoque Episcopum, exteriorem se Ecclesiæ Episco-
 pum inter Episcopos gloriabatur. Cui alludens Carolus
 Magnus lib. 6. Capit. c. 306. *Quod & nos qui ministri Do-*
mini sumus, nec sine causâ Dei gladium portamus, episcopali
in vice omnium Episcoporum, atque regali authoritate pro viri-
bus cunctos agere iubemus. Vbi notandum quod cum inte-
 riores Ecclesiæ innumeri sint Episcopi, vnum se extero-
 rem Episcopum venditat, *vice omnium Episcoporum, exe-*
quentem videlicet incrimines alioqui leges spirituales. Leo

XLI. Rursum de
 sacerdotio Chri-
 stianis Principi-
 bus agnato, coa-
 litoque.

quoque l. epist. 59. ad Marcianum Augustum, sacerdotio imperium quasi consecrat. *Ineffabiliter Deo gratias ago, qui temporibus, quibus oboritura hæreticorum scandala præsciebat, vos in imperij fastigio collocavit, in quibus ad totius mundi salutem & regia potentia, & sacerdotalis vigeret industria.* Et epistolâ 75. ad Leonem Augustum: *Apud Christianissimum igitur Principem, & inter Christi predicatorum digno honore numerandum, utor Catholica fidei libertate, & ad consortium te Apostolorum & Prophetarum securus exhortor, ut constanter repellas eos qui se Christiano nomine primare, &c.* Et confestim ibidem, *Debes incunctanter advertere regiam potestatem tibi non solum ad mundi regimen, sed maxime ad Ecclesie præsidium esse collatam, &c.* Et infra: *Sacerdotalem namque, & Apostolicam tuæ pietatis animam, etiam hoc malum ad iustitiam ultionis debet accendere, &c.* Non multum ab his abluere Græci, qui ἰσοπόροισιν, æqualem Apostolis Constantinum magnum prædicauerunt. Iustinianus certe Nouel. 7. cap. 2. ait: *Cum nec multum differant ab alterutro Sacerdotium & Imperium; & res sacra à communibus & publicis.* Et Gregorius Turon. lib. 9. cap. 21. de Gunthranno rege: *Rex ac si bonus sacerdos, providens remedia, quibus cicatrices peccatoris vulgi mederentur, &c.* Ut iam tunc non Rex tantum, sed etiam Sacerdos Domini putaretur, &c. Et Fortunatus l. 2. Carm. 11. de Childeberto Francorum Rege:

*Melchisedec noster, merito Rex, atque sacerdos,
Complevit laicus religionis opus.*

Et Guillelmus Carnot. in vita S. Ludouici: *De salute etiam animarum ultra quam credi possit, piâ usurpatione, permotus, sic de ipsâ curabat attentè, quod etiam quodammodo regale sacerdotium, aut sacerdotale regimen videretur pariter exercere.*

XLII. Posteriorum Græcorum assentatio ulterius, & ad infamiam prouecta.

Magnifica, & penè inuidiosa hæc sunt, nec his tamen lineis cohiberi potuit posteriorum Græcorum assentatio. Accipe enim quæ scribat Demetrius Chomatenus Archiepiscopus Bulgaricæ ad Constantinum Cabasilam tom. 1. Iuris Orient. Respons. l. 1. p. 317. *Imperator ut communis Ecclesiarum ἐπισκοπάρχης existens & nominatus, synodalibus*

nodalibus præst sententiis, & robur tribuit, ecclesiasticos ordines componit, & legem dat vitæ, politiaque eorum, qui altari seruiunt: hoc amplius, iudiciis Episcoporum, Clericorumque & vacantium Ecclesiarum electionibus, &c. Et ut uno verbo dicam, solo sacrificandi excepto ministerio, reliqua pontificalia privilegia Imperator repræsentat, quando legitimè canonicèque facit. Tum ex Iosepho refert Tiberium, poterat & cæteros Imperatores Romanos dicere, & ipsos etiam per diu postquam Christiano nomine claruerunt, Pontificis maximi nomen & potestatem obtinuisse. Denique ut Christus in Sacerdotem simul & Regem inauguratus est, ita & Imperatores Christianos regiâ simul & sacerdotali gloriâ inungi ominatur. Quod igitur & Vnctus Domini sit, qui pro tempore est Imperator propter vntionem Imperij: Christus autem Deus noster, præ cæteris etiam Pontifex factus est & prædicatur. Merito ergo & ipse pontificalibus decoratur gratiis. His præluscrat Theodorus Balsamon ibid. l. 7. p. 444. Audiant hi, tam ad amplitudinem imperatoriam, quam patriarchalem officia docendi pertinere, propter vntionis sacre vim atque potestatem. Hinc enim vsuuenit, ut fideles Principes atque potestates catechetico more cum populo Christiano colloquantur: ausussum faciant more sacerdotum, & cum cerâ duplici obsignent. Addit non ob docendi tantum munus, faces argenteis aureisque veluti corollis cinctas præluere, & præferri Imperatoribus: cum Imperatrici, cui ut mulierculæ docere nefas, præferantur: Sed quod instar celestis illius gigantis, hoc centrum orthodoxa doctrina radiis collustrent; quodque luceat eorum egressio ab extremo calo: & occursum ipsorum ad alteram cali tendat extremitatem, cum interim nemo sit, qui ab eorum calore se possit abdere. Subiicit denique Imperatrici, quod sola curet corpora subditorum: Patriarchæ, quod solas ferè animas, vniciis: at Imperatoris faces, geminis decorari corollis; quod eius auxilium ad illuminationem & stabilimentum sese tam animi, quam corporis porrigat. Et ne extremas tantum Græciæ faces hâc adulandi inuerecundiâ laborasse putes, iam olim temporibus Maximi Mar-

tyris Monotheletarum debellatoris, sin minùs sacerdotes, certè Principes iam inceserat ea pectus. Nam in collatione eorum cum Maximo, urgente Maximo esse sacerdotum, *querere, ac definire de salutaribus Ecclesie dogmatibus*, insurgunt illi ex aduerso, vt Typum à Constante editum tucantur, *Ergo non est omnis Christianus Imperator, etiam sacerdos?* Ita & in epistolâ Gregorij Papæ secundâ ad Leonem Isauricum superiùs laudatâ, constabat Imperatorem sacerdotale & nomen & priuilegium sibi vendicantem, & vltra metas lasciuientem, sperasse suis decretis posse Christianam fidem moderari, ac suo nutu vertere sus deque. Prior ergo procerum adulatio, tum ipsorum de se Imperatorum amabilis insania, denique lapsu temporum, gliscens in Episcopos etiam & clericos assentandi libido, Chalcedonensium Patrum infucatâ simplicitate in perniciem ecclesiasticæ disciplinæ abutebatur. Castigatiùs è recentioribus Græcis Simeon Thessalonicensis Archiep. lib. de sacr. Ordin. cap. 7. *Imperator, quæ sunt sacerdotij, non habet: nequè Apostolorum, Prophetarum, aut Doctorem dena. Solum renunciatur Pontificæ unctiōe Chrismatis, &c. Christus solus Rex, & Episcopus est.*

XLIII. Imperator fidei Custos, ideo Synodis aderat quandiu de fide disceptabatur.

Nec enim œcumenica hæc Synodus *Pontifici Imperatori* gratulabunda, doctorem propriè fidei illum, sed Custodem & Defensorem prædicabat: nec disciplinæ viscera statim illi aperiebat, sed solis fidei tractatibus, non causarum, non iudiciorum interesse patiebatur. Quæ duo hîc cursim perlustranda: vt Græculorum palponum leuitas euidentiùs pateat. Nam affuisse Imperatorem Proceresve laicos œcumenicis Synodis, vbi fidei quæ ipsis etiam communis est, causa ventilabatur, planum est exorat. Marciani Imperatoris ad Synodum Chalced. act. 4. *Nos enim ad fidem confirmandam, non ad potentiam aliquam exercendam, exemplo religiosi Principis Constantini Synodo interesse volumus, ne vel vlteriùs populi prauis suasionibus separentur.* Et eiusdem Synodi act. 1. recitantur Constantino-politani sub Flauiano Concilij aduersùs Eutychen gesta,

cui interesse Theodosius Imperator Florentium Patricium iusserat rescripto suo, *Quoniam de fide sermo erat. Vnde & Nicolaus I. epist. 8. ad Michaëlem Imp. Dicite, quaso, ubinam legistis, Imperatores antecessores vestros synodalibus conuentibus interfuisse, nisi forsitan in quibus de fide tractatum est, quæ vniversalis est, quæ omnium communis est, quæ non solum ad clericos, verum etiam ad laicos, & ad omnes omnino pertinet Christianos?*

Sed Synodis fidei arcana disceptantibus aderant Imperatores & Imperatorij Optimates, non vt dicerent, sed vt discerent: non vt dictarent, sed vt dictatam ab Episcopis fidem confirmarent, defenderentque aduersus obrectatores & impacatos contentionum satores. Ita Constantinus etsi ad populum quandoque concionabatur de pietatis officiis, & præibat Principibus, de quibus suprâ Balsamon, catechetico more perorantibus; non tamen vel Donatistas, vel Arium vlllo suo diplomate aggressus est percellere, nisi postquam Episcopales Synodi in istiusmodi hæresum architectos detonuerant. Denique exteriorem se professus Episcopum, penetralia fidei sancienti sibi sepsit ipse, totumque ad episcopos retulit, de quibus ait ipse: *Quidquid in sanctis Episcoporum Conciliis geritur, id omne ad diuinam referendum est voluntatem. Ita* Valentinianus teste Sozomeno lib. 6. cap. 7. Orientalibus Episcopis fidem consubstantialis restaurare sollicitantibus, respondit: *Sibi qui vnus è laicorum numero erat, non licere se eiusmodi negotiis interponere. Et ideo Sacerdotes & Episcopi, inquit, quibus hac cura sunt, seorsum per se ubicumque ipsis libitum fuerit, in vnum conueniant.* Sed nihil vehementius Ambrosio, epist. 32. vbi de fide cum Auxentio disputare in Consistorio Principis recusabat: *Nec quisquam contumacem me iudicare debet, hoc cum asseram, quod angusta memoria pater tuus, non solum sermone respondit, sed etiam legibus suis sanxit: In causâ fidei vel ecclesiastici alicuius ordinis, eum iudicare debere, qui nec munere impar sit, nec iure dissimilis. Hac enim verba rescripti sunt; hoc est, sacerdotes de*

XLIV. Sed aderat Imperator Synodo, vt fidei auditor, non dictator.

Enf. b. lib. 3. de vita eius c. 20.

sacerdotibus voluit indicare. Vnde docemur Valentinianum responsum suum suprà relatum etiam lege latâ firmasse. Pergit autem Ambrosius animosè: *Quando audisti, Imperator clementissime, in causâ fidei laicos de Episcopis indicasse? Ita ergo quadam adulatione curuamur, ut sacerdotalis iuris simus immemores: & quod Deus donauit mihi, hoc ipse aliis putem esse credendum? Si docendus est Episcopus à laico, quid sequetur? Laicus ergo disputet, & Episcopus audiat, Episcopus discat à laico. At certè si vel Scripturarum seriem diuinarum, vel vetera tempora retractemus, quis est qui abnuat, in causâ fidei, in causâ, inquam, fidei Episcopos solere de Imperatoribus Christianis, non Imperatores de Episcopis indicare? Et infrà: Si conferendum est de fide, sacerdotum debet esse ista collatio, sicut factum est sub Constantino augustæ memoria Principe, qui nullas leges antè pramissit, sed liberum dedit iudicium sacerdotibus. Idem porro Ambrosius in Conc. Aquilei. aduersùs Palladium ad laicos iudices prouocantem in fidei negotio, hæc increpat: *In hoc ipso damnandus est, qui laicorum expectat sententiam, cum magis de laicis sacerdotes debeant indicare. Concinnens anteriorum Principum pietati Theodosius Iunior, ad Ephesinam Synodum hæc scribit:**

Canc. Ephes. p. 1. Candidianum Comitem ad sacram vestram Synodum abire iussimus: sed eâ lege & conditione, ut cum questionibus & contro-
c. 16. uersis, qua circa fidei dogmata incidunt, nihil quidquam commune habeat. Nefas est enim qui sanctissimorum Episcoporum catalogo ascriptus non est, illum ecclesiasticis negotiis, & consultationibus se immiscere. Et Agapetus Papa ad Iustinianum: Pietatis tua epistolam de fidei vestra expositione, à predecessore nostro Ianne roboratam, nostra quoque auctoritate firmamus, laudamus, amplectimur. Non quia laicis auctoritatem predicationis admittimus: sed quia studium fidei vestra Patrum nostrorum regulis conueniens confirmamus, atque roboramus. Et Gregorius Papa ad Leonem Isaurum nouæ hæreseos fabricatorem, epist. 1. Scis, Imperator, sancta Ecclesia dogmata non Imperatorum esse, sed Pontificum, qua tuto debent dogmatizari. Idcirco Ecclesiis prepositi sunt Pontifices, à reipub.

In anteaclis 7. Synodi.

negotiiis abstinere: ut Imperatores similiter ab ecclesiasticis abstineant, & quæ sibi commissa sunt, capeant. Et epist. 2. ferocius adhuc: Non sunt Imperatorum dogmata, sed Pontificum. Quoniam Christi sensum nos habemus. Alia est Ecclesiasticarum constitutionum institutio, alius sensus secularium. In administrationibus sæculi militarem & ineptum quem habes sensum & crassum, in spiritualibus dogmatum administrationibus habere non potes. In eandem sententiam præclara sunt & ista Damasceni orat. 2. de Imagin. Regum partes non sunt, ut Ecclesia leges præscribant. Considera enim, quid dicat Apostolus: Et quosdam quidem in Ecclesiâ posuit, primum Apostolos, deinde Prophetas, tum Pastores & Doctores. Ad Ecclesiæ constitutionem non adhibuit Reges. Et rursum, Mementote præpositorum vestrorum, qui vobis locuti sunt verbum Dei, &c. Verbum non locuti sunt vobis Reges, sed Apostoli, & Propheta, Pastores atque Doctores. Cum præcepisset Deus David, ut adificaret sibi domum, sic allocutus est eum: Non adificabis mihi domum tu, quoniam vir sanguinum es. Regum est civilis administratio, ecclesiastica verò constitutio, Pastorum atque Doctorum. Impetus iste Latronum est. Scidit Saül pallium Samuelis, & quid ei contigit? Totidem penè verbis Theodorus Studita, dux Studitarum: Ne tentes nunc, o Imperator, Ecclesiasticum statum dissolvere. Ait enim Apostolus, Quosdam quidem posuit Deus in Ecclesiâ, primum Apostolos, deinde Prophetas, tertio Doctores & Pastores ad perfectionem sanctorum. Non dixit Reges. Tibi quidem, o Imperator, civilis status & exercitus commissus est. Hac igitur cura. Ecclesiam autem Pastoribus & Doctoribus derelinque.

Apud Bironium,
an. 814. n. 12.

Hoc ergo primum temperamento, & Chalcedonensium Patrum acclamatio, & Imperatorum quorundam eâ ex occasione turgescens enormiter fastus, & adulatorum procerum infinita quædam infania mitiganda fuit. Quod enim obgannunt Græculi recentiores, inunctos ut regno, ita sacerdotio Reges, & ideo Christos dici: quia Christus Rex idem & Sacerdos est; contra totum est. Nam quia unius Christi id eximium fuit decus, ut

XLV. Christus solus idem Rex & Sacerdos. Ea exinde discreta fuere nomina & officia.

& regno & sacerdotio simul floreret : exinde nusquam Reges sacerdotio , nusquam Sacerdotes regno simul, nisi in speciem , & nomine tenus , aut perfunctoriè potiri potuerunt. Marciani exemplo hanc regulam sancit Facundus Hermian. lib. 12. cap. 3. *Cogitare & nosse facillimè potuit Marcianus , Christi solius esse regnum cum sacerdotio simul habere. Quoniam etsi quidam Reges in eius venturi figuram, sacerdotio sancti sunt : tamen cum manifesta lux veniret in mundum, umbras remouens, futurorum nulli alteri dedit, quod sibi singulare seruauit : sed in diuersos dona sua distribuens, sic, quæ propria sunt sacerdotij, regibus interdixit. Quocirca quemadmodum vir sapiens non prophanum iudicaret, hoc velle videri, quod solus est Christus? Quem imitatur Papa Nicolaus epist. 8. ad Michaël. Imp. Fuerunt hæc ante aduentum Christi, ut quidam typicè Reges simul & Sacerdotes existerent. Quod sanctum Melchisedec fuisse sacra prodit historia : quodque in membris suis Diabolus imitatus, utpotè qui semper quæ diuino cultui conueniunt, sibi met tyrannico spiritum vendicare contendit : ut pagani Imperatores iidem, & maximi Pontifices dicerentur. Sed cum ad verum ventum est eundem Regem atque Pontificem, ultra sibi nec Imperator infra Pontificatus arripuit, nec Pontifex nomen imperatorium usurpauit. Quoniam idem mediator Dei & hominum homo Christus Iesus, sic actibus propriis, & dignitatibus distinctis, officia potestatis utriusque discreuit, propria volens medicinali humilitate sursum efferri, non humanâ superbiâ rursus in inferna demergi : ut & Christiani Imperatores pro aternâ vitâ Pontificibus indigerent, & Pontifices pro cursu temporalium tantummodo rerum Imperialibus legibus vterentur. Quæ verbis totidem leguntur in Gelasij Papæ tomo de anathematis vinculo.*

XLVI. Iudiciis,
& causis cano-
nicis abstinere
Imperatores. E-
xempla Marcia-
ni & Constanti-
ni.

Haftenus de fide ab Imperatoribus non dictandâ, sed sancandâ à Pontificibus, & ita demum ab illis custodiendâ, & aduersus Nouatorum procacitatem vlciscendâ : Causis autem aliis ecclesiasticis ne adesse quidem fas erat Principi, dum inter Episcopos tractarentur, nedum se immiscere, Chalcedonensis huius Synodi act. 3. Dio-

scorum sistere se recusantem, nisi adessent cognitioni Iudices & Senatus, Cectropius Episcopus refutavit his verbis: *Quando canonica quæstiones examinantur, neque Iudices, neque alios laicos interesse oportet, nisi tantummodo tuam sanctitatem, quæ in propriâ accusatur persona.* Constantinus iam olim à canonicis iudiciis sibi temperandum duxerat, cum teste Rufino lib. 1. hist. in hunc modum Episcopos alloqueretur: *Deus vos constituit Sacerdotes, & nobis à Deo dati estis iudices; & conveniens non est ut homo iudicet Deos, sed ille solum, de quo scriptum est, Deus stetit in Synagogâ Deorum, in medio autem Deos diiudicat.* De Cæciliano, quem à traditoribus ordinatum criminabantur Donatistæ, non ipse cognovit, sed iudices dedit Episcopos Romæ cum Melchiade cognituros; & rursus de iudicio Episcoporum, qui Romæ sederant, non ipse cognovit, sed Arelatense indixit Concilium: denique de appellatione Donatistarum ab hac Synodo iudicavit ipse quidem, sed ut vel sic eorum indomitam frangeret contumaciam, & authore Augustino, veniam ab Episcopis petiturus. Athanasium in Concilio Tyrio causam dicere idem iussit, cui ipsi quod adesset Dionysius Comes satellitio militum cinctus, conquerebatur Athanasius, *Si istud iudicium Episcoporum, quid commune cum eo habet Imperator?* Antiocheno rursus Concilio damnatus, Sardicensi absolutus Athanasius est; cuius extorquendæ damnationi, cum se impotentius infereret Constantius, ita illum increpabat Liberius apud Theodoretum lib. 2. cap. 16. *Noli per Episcopos tuas ulcisci inimicitias. Nam virorum ecclesiasticorum manus sanctificationi vacare debent, &c.* Nec ipse Constantius enim alio, quàm Episcoporum iudicio, Athanasio exitium moliri se posse sperabat: sed cum se intemperantiùs infereret episcopalibus Synodis, libertati canonicæ vehementer officiebat. Et Athanasius Apol. 2. *Quis non excreetur sub externo iudice, &c. quæstionem de corpore & sanguine Christi haberi? Nam si omnino delictum aliquod perpetratum esset, oportebat de eo legitimè in Ecclesiâ inquiri à Clericis.* Et infra legitur epi-

stola Concilij Sardicensis, ex quâ decerpo hæc pauca: *Preces nostras ad Imperatores retulimus, ut illorum humanitas constituat, ne quis Iudicium quorum munus est publica curare, de clericis sententiam ferat, &c.* Et in Epist. ad solitarios, *Episcopis ad se vocatis iussit Imperator, ut contra Athanasium subscriberent, & cum hæreticis communionem inirent.* Quibus admirantibus novum eius studium, dicentibusque id non esse ecclesiastici Canonis; ille subiecit, *At quod ego volo, pro Canone sit, &c.* Denunciabant illi Episcopi diem iudicij, suadebantque, ne ecclesiastica corrumperet, neve Romanum Imperium ecclesiasticis constitutionibus immiseret. Intextitur inferiùs epistola Olij ad Constantium, ubi illum sic vrget: *Quid tale à Constante actum est? aut quando iudiciis ecclesiasticis interfuit? &c.* Ne te misceas ecclesiasticis, neque nobis in hoc genere præcipe, sed potiùs ea à nobis discere. Tibi Deus imperium commisit, nobis quæ sunt Ecclesiæ concredidit. Et quemadmodum qui tuum imperium malignis oculis carpit, contradicit ordinationi divinæ; ita & tu caue, ne quæ sunt Ecclesiæ, ad te trahens, magno crimini obnoxius fias. Date, scriptum est, quæ sunt Cæsaris, Cæsari: & quæ sunt Dei, Deo. Neque igitur fas est nobis imperium in terris tenere, neque tu thymiamatum, & sacrorum potestatem habere, Imperator. Et infrà Athanasius: *Obtendit Imperator in speciem, Episcoporum iudicium, sed interim facit, quod illi volupe est. Si istud est iudicium Episcoporum, quid commune cum eo habet Imperator? Sin contrà minis Cæsaris constantur, quid opus est hominibus titulo Episcopis? Quando à condito auro auditum est? Quando iudicium Ecclesiæ auctoritatem suam ab Imperatore accepit? Plurimæ antehac Synodi fuisse, multa iudicia Ecclesiæ habita sunt. Sed neque Patres istiusmodi res Principi persuadere conati sunt, nec Princeps se in rebus ecclesiasticis curiosum præbuit. Paulus Apostolus habebat amicos in Cæsaris familiâ, non tamen eos in iudicio socios assumpsit. Et denique inferiùs, Quis videns eum in decernendo Principem se facere Episcoporum, & præsidere iudiciis ecclesiasticis, non merito dicat illum etiam ipsam abominationem desolationis esse, quæ à Daniele prædicta? Et paulò suprâ, ne*

in Athanasium Constantinus ipse sævisse æstimaretur, & Constantio facem prætulisse: *Siquidem Pater ex calumniâ Eusebianorum Athanasium ad tempus in Gallias amandavit, quò liber esset ab eorum crudelitate, qui illi per insidias imminabant. Hoc enim à beato Constante post mortem Patris scriptum fuit; ut ex literis eius patet. Similiter Hilarius ad Constantium: Provideat, & decernat clementia tua, ut omnes ubique indices, quibus provinciarum administrationes credita sunt, ad quos sola cura & sollicitudo publicorum negotiorum pertinere debet, à religiosâ se observantiâ abstineant. Neque posthac præsumant atque usurpent, & putent se causas cognoscere clericorum.*

Theodosius Magnus quàm illibatam Episcopis constare concesserit canonicorum iudiciorum potestatem, si-
dem facit Constantinopolitanæ Synodi primæ Canon sextus. Honorius ad Arcadium fratrem de exilio Chrysostomi hæc scribit: *Cùm si quid de causâ religionis ageretur, episcopale oportuerit esse iudicium. Ad illos enim divinorum rerum interpretatio, ad nos religionis præstat obsequium. Sed esto, sibi de mysticis & catholicis questionibus amplius aliquid principalis cura præsumpserit: itane usque ad exilia sacerdotum, usque ad hominum cedes debuit indignatio concitata procedere? Octavæ Synodo, eiusque decretis de vitiosâ Photij ordinatione, & Ignatij Patriarchæ restitutione, subscripturus Basilius Imperator, hæc permodestè præfatus est: Laïco cuicumque nulla ratione de ecclesiasticis causis disputandi, aut universam Ecclesiam, œcumenicamque Synodum oppugnandi fas esse dico. Hæc enim excutiendi, & in utramque partem agitandi, Patriarcharum, Sacerdotum & Doctorem est officium, quibus à Deo ligandi & soluendi potestas est data. Nam laïcus etsi omni pietatis & sapientia laude præstet, tamen laïcus est, & ovis, non pastor. Assentitur denique Iustinianus, qui ecclesiasticæ iurisdictionis fines peruasisse omnium maximè infamatus est. Nouella enim 83. ita habet: Si ecclesiasticum sit delictum, egens castigatione ecclesiasticâ & mul-
tâ, Deo amabilis Episcopus hoc discernat: nihil communicanti-*

XLVII. Alia exempla Theodosii, Honorii, Basilii, &c.

bus clarissimis pronincia Iudicibus. Neque enim volumus talia negotia omnino scire civiles Iudices. Cum oporteat talia ecclesiasticè examinari, & emendari animas delinquentium per ecclesiasticam mulctam, secundum sacras & diuinas regulas, quas etiam nostra sequi non dedignantur leges.

XLVIII. Multo magis sibi temperarunt Principes à legibus ecclesiasticis ferendis.

Si à iudiciis autem canonicis abstinendum sibi duxerunt Imperatores, multo æquius sanè fuit, ut à legibus eadem de re ferendis sibi temperarent. Multo enim grauius est leges ferre iudiciorum moderatrices, quam consequenter & conuenienter legibus, ipsa exercere iudicia. Ideo & Marcianus in Chalcedonensi hac Synodo, sanciri aliqua percupiens, de monachorum in Episcopos obsequio, Monasteriorum exædificatione non sine assensu Episcopi, Clericorum à sæcularibus negotiis secessione, & iungi fidæque in propriis Ecclesiis residentia; non ipse id sibi sumpsit, ut ea statueret, sed statuenda Synodo detulit. Nam ita ipsemet Synodum alloquitur sess. 6. *Quadam capitula sunt; qua ad honorem vestra reuerentia, vobis seruauimus, decorum esse indicantes, à vobis hac canonicè potius formari per Synodum, quam nostrâ lege sanciri.* Ita Constantinus famosam illam de Paschæ die controuersiam, non suâ lege aliquâ præcepit finire, sed Canone Nicæno prius definitam, tum legibus suis promulgauit firmavitque. Sed hacce de re operosior alibi instituenda erit disputatio. Vbi de Iustiniano, & Carolo Magno inquiremus, quantum illi hoc in negotio sibi licere voluerint. Marciani sanè verbis superioribus modestiæ fucus solus affingitur, non vera species, si ita arrogarit Synodo, ut sibi non abrogauerit sancendarum istiusmodi regularum facultatem. Satius est, pristina Principum moderationis laudem illi quoque sinceram vindicare, qui ea potestate se utpotè laicos carere profitebantur, nec leges hætenus vllas Canonum duces, sed pedissequas & custodes rogauerant.

XLIX. Ideo antiquatæ leges, quæ Canonibus aduersarentur.

Ex his porro ita præstructis, consentaneum rursus est, ut si quæ leges obloquantur Canonibus, ex conticescant,

& tum regia , tum synodica autoritate expungantur. Minus æquum id quidem esset, si legitima Principi adnasceretur vis ferendi leges de rebus ecclesiasticis. Ecquid enim per aduersos Canones legibus iure perlatis aduersaretur Ecclesia, & Imperio Sacerdotium collideretur? Præclarissimum in hac Chalcedonensi Synodo eius rei documentum se offert. Phœniciam quæ Tyrio Metropolitæ prius tota suberat, Eustathius Beryti Episcopus à Theodosio diuidi impetrauerat, atque ita segmenti sui ipse arripuerat metropoliticum principatum. Rescriptum Principis ea de re Constantinopolitana sub Anatolio Synodus confirmarat. Photius Tyri Episcopus vi subscribere adactus, Marcianum adit, qui causam Synodo Chalcedonensi delegat, eiusque nomine Iudices Synodum ita alloquuntur act. 4. *Sacratissimo Domino orbis placuit, non iuxta sacras literas, aut pragmaticos typos res sanctissimorum Episcoporum procedere, sed iuxta regulas à sanctis Patribus latas. Omni igitur cessante è sacris pragmaticis definitione, Canones de hoc capitulo editi legantur.* Tum rogant Iudices, *Dicat sancta & vniuersalis Synodus, utrum ei placeat, ex Canonibus Patrum huius cause questionem examinari, an è sacris pragmaticis, de quibus quid sacro apici visum sit, iam omnibus apertum fecimus.* Sancta Synodus dixit, *Contra Canones nihil pragmaticum valebit.* Antè Imperator pragmatica sua reuocat, antè videtur copiam facere Synodo, Canones pragmaticis præhabendi. Sed id imperatoriæ magnificentiae utique donatur. Cui verecundum & amarum esset, suas à Synodo leges palam aboleri. Nihilò secius tamen conscia sibi Synodus suæ potestatis, & iustitiæ incommutabilis gnara, fidenter proclamat & absolute, *Contra regulas nihil pragmaticum valebit. Canones Patrum teneant.* Quod mox apertius fit ex ipsa Iudicum perconatione, *Nunc tempus est edoceri nos à sanctâ Synodo, an liceat ex sacro pragmatico alienæ Ecclesiæ iura ab aliis Episcopis auerti?* Quis non videat, non regio tantum assensu, sed suâ sponte inania esse, & irrita hæc rescripta, quibus

ulti, præter Canones, imò præter incommutabilem iustitiæ legem, alij in aliorum iura impetum faciunt? Unde absolutè respondet Synodus, *Non licet hoc, hoc est contra Canones.* Et infra rursus Synodus exclamat: *Supplicamus, ut etiam nunc virtus regularum in omnia, & in omnes provincias valeat: cessantibus omnibus pragmaticis, quæ ex concursatione & ambitione sunt: quæque euerterunt ea, quæ spiritaliter, & secundum Deum à sanctis Patribus sancita sunt.* Denique Cecropio Episcopo petente, *Petimus ut sine contradictione cessent ea pragmatica, quæ in detrimentum Canonum à quibusdam facta sunt in omni provinciâ. Canones autem per omnia teneant.* Et rogantibus Iudicibus, an Cecropio assentiretur Synodus, omnes tum Episcopi conclamarunt: *Omnes eadem dicimus, vniuersa pragmatica cessabunt, Canones teneant, & hoc à vobis fiat.* Tunc Iudices dixerunt, *Ex sententiâ sanctæ Synodi, in omnibus quoque aliis provinciis Canones teneant.* Laudatissimum id tunc quidem fuit, ut inexpugnabili pacis vinculo Sacerdotium & Imperium vinciente, inimica sacris regulis pragmatica, & in fidei ac disciplinæ ecclesiasticæ exitium instructa, concursatione & ambitione quorundam extorta, peruationem iniquissimam aliorum in alios fouentia, atque adeo vi suâ & per se se cassâ, quatenus iustitiæ aduersaria, non abrogaret tamen ipsa Synodus, sed à Principe abrogari exoraret, Princeps autem ipse Synodi preces penè anteueniret. Similiter act. 7. lite inter Antiochenum & Hierosolymitanum Episcopos per transactionem sopitâ, valere id Iudices sanciunt, communi suo & Synodi decreto, *vacantibus secundum iussuionem diuinissimi Principis omnibus pragmaticis, & quocumque modo sacris ab utraque parte literis impetratis: insuper & mulctatione, quæ in eis huius rei causâ noscitur contineri.*

L. Rursum ut
Imperator, ut
Ecclesia, leges
Canonibus infe-
llas abrogaret.

Utque omnis dubitationis nubecula abstergeatur à synodici iuris morosis exploratoribus, audiendus Leo Sapientis Constit. 2. *Cum sacrosancti, diuiniq. Canones, & quicunque alij de sacerdotio & Episcoporum creatione statuere, in-*

optimum numerisque omnibus plenum editi sint modum: & quidem quomodo illi non exactè perfectèque editi sint, cum diuina inspiratio in authoribus efficaciter operata sit: mirari subit, quomodo non veriti nonnulli sint, sacras, diuinasque leges, tanquam illæ absoluta non essent, promulgatis aliis legibus abrogare. Si sacræ, si diuinæ sunt leges ecclesiasticæ, si à Spiritu sancto dictatæ, si ita promulgatæ, Visum est Spiritui sancto & nobis: si Euangeliorum instar habent Synodi vniuersales: cui iam non dilucet, quàm cassæ, & inutiles suâ sponte sint, quæ Principibus surripiuntur pragmatice ad illarum perniciem sanctiones? Idem rursus Const. 16. *Vetus verbum, quod de rebus suis dicenti, aures esse aperiendas monet, cum in omnibus aliis perbellè sese habeat, tum hic longè esse pulcrius apparet.* Tum memoratâ compugnantiâ legum & Canonum circa Hypodiaconi ætatem: *dignum itaque sacram legem de rebus suis precipientem audire imperatoria nostra maiestas rata, in eandem cum illâ sententiam descendit.* Quo testimonio vox ipsa naturæ videtur exaudiri, iubens vt cuique suæ artis experto auris & fides adiciatur. Et rursus idem Const. 75. *Si sacrorum decretorum sanctio ad res civiles transiens, in illis sape plus authoritatis, quàm ipsæ civiles de iisdem rebus tractantes leges habeant: quanto magis sacra decreta in suis rebus, civilibus legibus praualebunt?* Absoluta hæc quoque ratio est. Ita enim natura comparatum est, vt cælestia mundanis, æterna temporalibus, carnalibus spiritalia, sacra prophanis inuigilent, & imperitent, non vicissim. Vnde præclarè Iuo Episcop. Carnot. ad Henricum Angl. Regem, epist. 51. *Quia res omnes non aliter bene administrantur, nisi cum Regnum & Sacerdotium in vnum conuenerint studium: celsitudinem vestram obsecrando monemus, quatenus in regno vobis commissio verbum Dei currere permittatis; & regnum terrenum cælesti regno, quod Ecclesiæ commissum est, subditum esse debere semper cogitetis. Sicut enim sensus animalis subditus debet esse rationi, ita potestas terrena subdita esse debet ecclesiastico regimini. Et quantum valeat corpus, nisi regatur ab animâ, tantum valeat terrena potestas,*

nisi informetur, & regatur ecclesiasticâ disciplinâ. Et sicut peccatum est regnum corporis, cum iam non resistit caro spiritui: sic in pace possidetur regnum mundi, cum iam resistere non molitur regno Dei. Hoc cogitando, seruum seruorum Dei vos esse intelligite, non dominum: protectorem, non possessorem. Quod ipsum Gregorius Magnus Mauritium Imperatorem monuerat, lib. 2. registri ind. 11. epist. 62. ei nempe potestatem celitus datam esse super omnes homines, ut calorum via largius pateat, ut terrestre regnum celesti regno famuletur. Et Gelasius epist. 8. ad Anastasium Imperatorem: Licet praesideas humano generi, rerum tamen Praefulis diuinarum deuotus colla submittis, atque ab eis causas tuae salutis expetis: inque sumendis celestibus sacramentis, eisque, ut competit, disponendis, subdi te debere cognoscis religionis ordine, potius quam praesse. Nosti itaque inter hac ex illorum te pendere iudicio, non illos ad tuam velle redigi voluntatem. Quibus luculentè conuenat Facundus Hermian. lib. 12. c. 3. Marcianum Imperatorem commendans, ut qui nosset, quibus in causis vteretur Principis potestate, & in quibus exhiberet obedientiam Christiani. Ideo enim abstinuit non tantum de fide sancire, sed etiam novos constituere Canones, quod nonnisi multis, & in unum congregatis primi ordinis Sacerdotibus licet. Ob hoc itaque vir temperans, & suo contentus officio, ecclesiasticorum Canonum Executor esse voluit, non Conditor, non Exactor. Quibus aliquanto vehementior Lucifer Calaritanus Episcopus lib. 1. ad Constantium Imp. Quia praeceptum sit tibi, non solum non dominari Episcopis, sed & illorum obedire statutis, ut si subvertere eorum decreta tentaueris, si fueris in superbiâ comprehensus, morte mori iussus sis. Quomodo dicere poteris, iudicare te posse de Episcopis, quibus nisi obedieris, iam quantum apud Deum mortis pœnâ fueris multatus? Sic ille Principibus spiritalem intentat gladium. Et rursus Cassiodorus lib. 11. epist. 2. ad Ioannem Papam: Monete me, quæ sunt gerenda sollicitè. Sum quidem Iudex Palatinus, sed vester non desinam esse discipulus. Nam tunc ista rectè gerimus, si à vestris regulis minimè discedamus.

Sedes illa toto orbe mirabilis, proprios tegat affectione cultores, &c. Et Isidorus Pelusiota lib. 3. epist. 249. Ex Sacerdotio & Regno rerum administratio conflata est. Quamvis permagna utrinque differentia sit. Illud enim velut anima est, hoc velut corpus. Ad unum tamen & eundem finem tendunt, hoc est, ad hominum salutem. Quapropter cum Iudaica res initium sumebant, sacerdotium, ut magis necessarium, institutum est, ac per diu duravit. Postquam autem carni additiores, atque crassiores essent, regnum poposcerunt. Illud ipsis concessum fuit, quippe quod utilissimum esset, atque eorum, qui sacerdotio minimè parebant, peccata coerceret, ac restringeret. Quem secutus videri possit Isidorus Hispalensis lib. 3. de summo bono c. 51. cuius verba Antistites Gallicani transtulere in c. 2. lib. 2. Concilij 6. Parisiensis: Sub religionis disciplinâ sæculi Potestates subiectæ sunt, &c. Principes sæculi nonnunquam intra Ecclesiam potestatis adeptæ culmina tenent, ut per eandem potestatem, disciplinam ecclesiasticam muniant. Ceterum intra Ecclesiam potestates necessaria non essent, nisi ut quod non prævaleret Sacerdos efficere per doctrinam sermonem, potestas hoc imperet per disciplina terrorem. Eadem adscripta leges in Capitul. Caroli M. Add. lib. 2. cap. 21. Et eiusdem Caroli Magni progenies Gallorum Rex apud Lupum Ferrariensem, epist. 81. testatur se fideliter tenere, quod Rex regum, idemque Sacerdos sacerdotum, qui solus potuit Ecclesiam regere, quam redemit, postquam humanitatem suam in calum euexit, semper cum suis futurus diuinitate, potestatem suam ad eandem gubernandam Ecclesiam, in Sacerdotes diuisit, & Reges: ut quod sancti docerent Pontifices, & ipsi implerent, & impleri facerent deuotissimi Reges. Quæ omnia luculentiora sunt, quàm ut interpretis operam desiderent. Ille ipse autem, qui à Leone carpitur, Iustinianus non aliâ in sententiâ fuit, cum lib. 1. Cod. Tit. 2. cap. 12. hanc Marciani retulit constitutionem: Omnes sanè pragmaticas sanctiones, quæ contra Canones ecclesiasticos interuentu gratiæ vel ambitionis elicitæ sunt, robore suo & firmitate vacuatas cessare præcipimus. Et ipsi ergo obreptum est, quidquid ab eo præter Canones

est constitutum. Quæ non eo consilio deprompta à nobis sunt, ut Ecclesiæ Synodique ad infringenda Principum diplomata ipsis inconsultis temerè proliliant; sed ut Patrum modestiæ tenaces, tantò maiori in admiratione sint.

LI. Causis mixtis clericorum, miscebant se Iudices Regij.

Nec illud omittendum, quod momenti plurimum habet in hoc negotio. Nempe à iudiciis merè ecclesiasticis, & à causis spiritalibus regios iudices in totum abstinuisse. At si quæ mixtæ fuere causæ, & temporalibus rebus aliquâ ex parte implicatæ, in iis diiudicandis suas aliquas esse partes voluisse. Perlustra animo, quæ suprà de Cœciliani, Athanasij, Chrysostomi, Dioscori, Photij causis perstricta sunt, merè ecclesiasticas illas fuisse liquebit. Rursus in hac Synodo cum de Episcopis ageretur à Phytio Tyri metropolitâ ordinatis in iis ciuitatibus, quæ à Tyrionum Ecclesiâ auulsæ, Ecclesiæ Beryti erant tributæ: & an valerent eorum ordinationes, inquireretur; quia merè canonica erat disceptatio, eâ sese abstinuere Iudices, aientes, *De his finaliter decernere ac definire, sancta est Synodi.* At ubi mixta iudicia fuere, illis se inferuere, ut cum de rescindendo Theodosij rescripto, & de restituenda Tyrio Metropolitæ pristina finium amplitudine actum est. Item cum de Patriarchatu Hierosolymitano constituendo, eique adiudicanda portione Antiocheni Exarchatus definitum est. Quanquam nec illud dissimulandum, in illis quæ merè ecclesiasticæ causæ dicuntur, Athanasij, Dioscori, Photij & aliis id genus, non pauca quoque de temporalium contagio adhæsisse, quæ illas in mixtarum classem reuoluerent, si tricarî & suos ampliare fines voluisset Princeps. Et rursus ubi in causis mixtis suas interposuere partes Iudices regij, tam parcè id fecisse, ut totum penè Episcopis permiserint. Adeo tunc & Princeps Ecclesiæ, & Ecclesia Principi, non detrudere quid, sed sua erogare certabat. At lex Iustiniani superiùs relata, ecclesiasticas & mixtas planè discriminat causas. Verùm ecclesiasticæ iurisdictionis pomœria vndeque

unde quaque ille coartauit. Illud pene effugerat nos, minime aspernandum, quod cum ordinationes Episcoporum à Photio factas iam pridem in iis ciuitatibus, quæ illi rescripto Theodosij ademptæ fuerant, ratas esse statuit Chalcedonensis Synodus; eo argumento plus satis demonstraui, rescriptum Theodosij non tunc demum, cum à Marciano reuocatum est, sed & prius atque ab exordio cassum atque inutile fuisse, utpote sacris regulis infestum. Si enim aliquando valuisset rescriptum, irritæ tunc Episcoporum ordinationes in alieno territorio fuissent. Et caducum sponte, atque ab initio fuisse illud rescriptum, liquet præterea ex eo, quod Constantinopolitanâ Synodo Berythenſis Episcopus easdem sibi ciuitates addici curarit. Vnde ait ipse act. 4. *Nec verò ego ciuitates diuisi, sed sancta diuisit Synodus.* Itemque Iudices: *Dicat sancta Synodus, licueritne Anatolio inbere, ut Photio certa Ecclesia in prouincia auferrentur.* Denique ita superius ostensum est, Ephesinam secundam Synodum à Leone & Occidentali Concilio cassatam; & ab eodem tamen interpellatum Marcianum, itemque à Chalcedonensi Synodo, ut eam vnâ cum confirmatorio Theodosij rescripto ipse rescinderet.

Quanquam autem causis ecclesiasticis temperaret Imperator, Iudices tamen ecclesiastici, qui eas dirimerent, ab illo & petebantur & delegabantur. Itaque Imperator, ut Canonum custos, ut ciuium omnium Defensor, ut Clericorum maximè Patronus, ab his utcumque præter Canones læsis adibatur, non iudex futurus, sed iudices consentaneos daturus. Concilij Chalcedon. act. 1. Eusebius Dorylæi Episc. apud Marcianum dato libello conqueritur de iis, quæ aduersum se à Dioscoro patrata erant in latrocinio Ephesino: *Intentio & propositum est maiestatis vestra, vniuersis quidem sibi subditis prouidere, & manum porrigere omnibus iniuste oppressis, præcipuè tamen fungentibus sacerdotio: in hoc diuinitati placentes, à quâ vobis imperare & dominari sub hoc Sole, donatum est. Ergo quoniam multa, &*

LII. Petebantur ab Imperatore Iudices ecclesiastici in causis Canonicis.

dira, & contra omnem consequentiam, fides, qua in Christum est, & nos sumus perpeſſi à reu. Dioſcuro Episcopo Alexandrina ciuitatis, adimus ueſtram pietatem, ſupplicantes iuſtitiam promereri. Baſſianus quoque Ephesi quondam Episcopus, aët. 11. preces offert Marciano, quibus iniquo ſe iudicio exturbatum Episcopatu expoſtulat: *Omnis ſalus violentiam patientium poſt Deum ueſtra tranquillitas eſt, præcipuè autem ſacerdotum Chriſti. Quapropter & ego ad has preces veni, prouoluit ueſtigis ueſtris, ut in his mei miſereamini.* Ita & aët. 13. regiam tuitionem implorat Eunomius Episcopus Nicomediensis aduerſus Anaſtaſium Nicænum. Et ab his Episcopis aduerſus Episcopos litigantibus, non ſubſidium tantum implorabatur imperatorij patrocini, ſed & iudices poſtulabantur. Eusebius enim Dorylæi Episcopus ait, *Prouoluit precamur ueſtram clementiam, ut præcipiatis reuerendiſſimum Episcopum reſpondere de his, qua ei à nobis ingeruntur.* Et infra: *Sacrum & venerabile ueſtrum mandatum dirigentes ſancta & uniuerſali Synodo relig. Episcoporum, quo poſſit inter nos & præſatum Dioſcorum audire, & perferre ad ſcientiam ueſtre pietatis, omnia qua geruntur.* Nec aliter Baſſianus: *Supplico ueſtra pietati, & prouoluit diuinis ueſtris ſacraſque ueſtigis, quatenus ſancire dignetur ueſtra celeſtis poteſtas, ſacra ueſtra ſubnotatione miſſa ad ſanctum Concilium, ut cognitio fiat inter me miſerrimum, & eos qui in me talia perpetrarunt, ac dicunt ſe aliquid aduerſum me habere.*

LIII. De eodem,
ab exemplo Con-
ſtanti.

Regiæ huius poteſtatis ſplendidiffimum & omnium antiquiſſimum emicat monumentum in cauſa Donatiſtarum, quibus poſtulantibus Iudices delegauit Conſtentinus tres è Gallia Episcopos, qui cum Melchiade Romano Pontifice hanc litem diiudicarent. Apud Eusebium ita ſcribit ad Melchiadem Conſtentinus: *Viſum eſt mihi, ut idem Cacilianus, cum decem Episcopis, qui illum reum facere videantur, & decem aliis, quos ipſe ſue litis diiudicationi neceſſarios exiſtimauerit, Romam nauigio traiciat. Ut ibi coram vobis, Rheticio etiam & Ataterno & Marino collegis ueſtris, quos eà de cauſa Romam maturare iuſſerim, poſſit audiri, ſicut*

sanctissima Dei lex, ut nostis, postulat. De hoc iudicio cùm murmurarent Donatistæ, quippe qui causâ ceciderant, alios illis iudices dedit Constantinus, nempe Arelatensi Synodo congregatâ. Cùmque sexcenties Augustinus de hac iudicium Constantinianâ delegatione differuerit, nec semel conquestus est de usurpatâ à Principe præter fas ecclesiasticâ iurisdictione. Quin imò temerè usurpatum à Melchiade iudicium de Afris quiritantes Donatistas, refellit epist. 162. in hunc modum: *Quid quod nec ipse usurpavit? Rogatus quippe Imperator indices misit Episcopos, qui cum eo viderent: & de totâ illâ causâ, quod iustum videretur, statuerent. Hoc probamus & Donatistarum precibus, & verbis ipsius Imperatoris.* Nec minùs insigne eiusdem rei specimen editum est in Athanasio, cui cùm Eusebiani & Meletiani fabulam illam fracti calicis, altaris euersi, & Arsenij occisi impingerent, Synodum Tyriam cogi ab Imperatore impetrarunt, quæ delatorum criminum cognitionem susciperet. Quin non omnes promiscuè, sed selecti ad arbitrium accusatorum Episcopi, Synodo adesse, & causam ventilare iussi sunt.

Ab his fontibus illa fluxit regia potestas, iuxta regulas alibi iam non semel indigitatas nobis interpretanda. Iudices enim dedit primùm Constantinus, sed, ut ait Augustinus, *Donatistarum precibus*: ut Socrates alii que passim testificantur, *Eusebianorum & Meletianorum* artibus delusus. Illic feliciter res cessit, hîc infeliciùs: ut solent quæ præter Canones usurpantur. Itaque perduellibus quomodocumque reuocandis indultum illud est primò, ut Iudices ecclesiasticos daret Imperator, idque quod non inauspicatum quandoque sortiretur exitum, ex eodem indulgentiæ tenore probavit aut toleravit Ecclesia. Nam Cæcilianus quidem, ut sæpius inculcat Augustinus, poterat causam suam transmarino iudicio Episcoporum integram seruare; ut iudices autem ab Imperatore peteret, nec ipsi, nec Augustino hæc toties narranti in mentem vnquam venit. Athanasius perinde à petendis ab Imperatore iudi-

LIII. Meræ dispensationis est hæc potestas regia.

cibus alienus fuit. Et si cui in mentem recurrant ea, quæ paulò antè ex ipso, ex Osio, ex Liberio, ex Hilario corrasimus, ne se Imperator causis ecclesiasticis inferat, iam ambigua esse non poterit horum hacce de re sententia. Quibus enim ab exordiis erupit insana illa Constantij licentia ac tempestas, iudiciorum canonicorum conculcatrice, nisi ab illâ, quam à Patre propagatam exceperat, potestate, Episcopos suo nutu ad Synodos, & iudicia congregandi? Si hæc enim ianua pateat Principi, iudices delegandi, iam non potest non irrumpere tota illa vis & procella, causas ecclesiasticas susdeque vertens ad Regum Procerumque libidinem. Posteræ ergo disciplinæ adplaudendum magis est, & Regum pietati, qui libertati ecclesiasticæ impensius suffragati sunt: & in causis episcopalibus, quales erant ferè superiores omnes, non ipsi dare iudices præsumunt, sed à Romano Pontifice delegari postulant. Et quidem cum non semper, cum rarò cogatur Synodus œcumenica, rerum ipsa necessitas sæpe adigebat interpellari Imperatorem in iis causis, quæ communes erant, vel summos Episcopos & œcumenicæ Synodo propius obnoxios attingebant. Quod vis imperatoria, ut ita dicam, œcumenica & ipsa sit, ac ubique terrarum polleat. Inde præstruebatur Romani Antistitis amplitudo. Multo æquius enim, sacris regulis, ac libertati ecclesiasticæ consonantius est, causas ecclesiasticas communes, maiores, episcopales, iudicibus à sede Apostolicâ delegatis concedi, quàm ab imperatoriâ maiestate. Orientales ergo qui ut semotiores, ita alieniores erant à Romani Pontificis vniuersali authoritate subeundâ, in eius vicem imperatoriâ premi & conteri conducebat; ut intelligerent, extundente intellectum vexatione, non posse Ecclesiæ libertatem sine summo aliquo vno iudice Episcopo constare. Nisi enim summus iudex sit Episcopus, erit Imperator. Denique nemo nescit, & in Florentina Synodo patentissimè eluxit, quàm fœda seruitute Græcam Ecclesiam suus Imperator dehonestasset.

Utque recurramus ad priora sæcula Ecclesiæ, id quoque sibi sumpserat Imperator; ut extra territorium iurisdictionem Episcopis prorogaret. Ideo Cyrillus & Memnon in Ephesina Synodo prima grauitèr expostulant se à Ioanne Antiocheno damnatos, cui nulla in se competere authoritas, neque ex legibus Ecclesiæ, neque ex Principis edicto. *Et quidem, nec per leges ecclesiasticas, nec per imperiale decretum potestatem habuit, quâ fulius, vel quempiam ex nobis iudicare, vel omnino simile quippiam attentare posset: præsertim verò contra maiorem Sedem.* Cui finitima est & illa potestas, iudicium ab vnâ prouinciâ vel diœcesi auocandi, & in aliam transferendi, si cui Episcopo suus vel Metropolitæ, vel Patriarcha suspectus foret, & recusandus videretur. Ita Ibas Edessæ Metropolitanus, Ioannes & Daniel Episcopi, de hæresi à Clericis accusati, coram Domno Patriarcha Antiocheno: etsi lis contestata fuisset in Synodo Antiochiæ: rescripto tamen & auctoritate Theodosij Imperatoris, ex sententiâ Flauiani Archiepiscopi Constantinopolitani, ab Osrhoëna prouinciâ ad prouinciam Phœniciæ translati sunt, ut à Photio Episcopo Tyri, Eusthatio Beryti, & Vranio Himeriorum Episcopis iudicibus datis, iudicium de accusatione ferretur. Iudices commonitorium Principis à Damascio Tribuno prolatum actis inseri iussere, ut constaret de collatâ sibi à Principe cognitione. *Pium commonitorium dignetur sua magnificentia demonstrare, ut per omnia intentionem piissimi & Christianissimi Imperatoris nostri sequamur. Præfulgere etenim debet his gestis.* Quod totum refertur act. 10. Concilij Chalcedonensis.

LIV. Etiam extra territorium Iudices Ecclesiasticos prorogabat Imperator.

Verum & hîc quoque non facta tantum, sed & iura pensitanda sunt. Nam si suo, & pleno iure Imperator iurisdictionem Episcoporum aliorum in alios prorogat, & propriis quolibet subducit, aliisque subiugat Iudicibus, quò euadent Canones? Quò leges synodicæ? Quò sedium prærogatiuæ? Quò prouinciarum & diœcescon fines? Quò Nicænis ipsis Patribus venerandæ antiqua

LV. Id quoque dispensationi vendicandum est.

consuetudines Ecclesiarum? Tota hæc regularum & ordinis pulcritudo, passim & promiscuè regionum diplomatum licentiâ deformabitur. Adde, quòd Cyrillo suus erat ecclesiasticus iudex, Romanus Præsul. Hoc est, ut secunda Sedes cæteris, ita secundæ prima, Alexandrinæ Romana imminebat. Quorsum ergo primam Sedem suo iure fraudaret, secundam tertiæ subiiceret, ordinem Canonum interuerteret Imperator? Ad hæc, refricanda est eorum memoria, quæ suprâ perstrinximus, de Pragmaticorum & Canonum conflictu. Si nihil enim pragmaticum tenet, quod canonicis obuiet institutis; inutilia ergo & cassâ erant illa rescripta Principum, quibus Sedium priuilegia perimebantur; etsi Principum maiestati ad tempus quandoque morigerari cogeret dispensationis necessitas, & pacis inter Regnum & Sacerdotium alendæ charitas. Quæ omnia operosum non est transferre ad alterum caput, translati videlicet ab vna prouincia in aliam iudicij. Nec sanè species istæ effugerant prouidentiam Synodorum & Canonum. Sæpiculè enim iusserant sacræ regulæ è vicina prouincia accersi Episcopos, vel ad Exarchum diæceseos recurri, vel Iudices eligi, vel ad primam Sedem prouocari. Nusquam autem copiam fecerant Canones adeundi ad postulandos iudices Principis. Quin imò viam sepsierant, quantâ maximâ fieri poterat diligentiam, Canones Antiocheni, Sardicenses, alii-que, ne Comitatum peterent, ne ad Principem cursitarent Episcopi. Amplitudini regię id tributum fuerat, ne pœnæ irrogarentur ei, qui ecclesiasticos iudices à Principe postulasset. *Si episcopale iudicium ab Imperatore petierit, nihil ei obsit:* ait Canon Africanus. Ex venia id toleratur. Nam huius rei copiam apertè nulli fecere Canones.

LVI. Illa plurimque necessitas adiri cogebat Principem, ut regionum Præsidum violentiæ moderetur.

Adde quòd Ibas ab Eutycheto clanculariis sæcularis potentie machinis exagitatus, & plures expertus carceres, & Synodo prohibitus se sistere, necessariò ad Imperatorem recurrit. Act. 10. Concilij Chalcedonensis, ita sortem suam dolet: *Eutyches aduersum me pro fide qua-*

*dam falsa confinxit, nec me in Synodum introire permisit, per quadraginta mansiones, per diversos ad invicem succedentes ordines direxit me, viginti & amplius carceres mutavi, &c. ob hoc adij sacrum & immortalem verticem, & iussit vestram magnificentiam Synodumque audire, quæ adversus me gesta sunt. Adversus istiusmodi nefaria sæcularis potentiae machinamenta necessario adeundus erat Imperator. Utque hoc exemplo, ita & superius delibatis, & compluribus aliis liquet, non alia magis de causa aditum à Clericis esse Principem, si quando à piis & religiosis adiri illum contigit, quàm ut quæ vel præcessores eius, vel Iudices Præsidesque imperatoria potestate abutentes, machinati nefarie fuerant, ab ipso reuocarentur. Ita Theodosij gesta & rescripta Marcianus rescindere pluries exoratus est. Ita Constantinus ab Athanasio compellatus magis, quàm appellatus, ut Synodi Tyriæ, & Dionysij Comitis flagitium, regiâ autoritate armatum, ipsemet rescinderet. Ita & Bassianus Ephesi Episcopus, ut Imperatoris tuitionem imploraret, compulsus est militari incursione in se factâ. Ait enim ipse: *Postquam mysteriorum sacrificium absolutum est, apprehendentes me, & abripientes de sanctâ Ecclesiâ, plagis afficiebant, ducentes & portantes in foro, aliquando verò & recludentes, gladiis me subiecerunt.**

Act. II. Concil.
Chalced.

Adde rursus, quòd Edessenî Presbyteri in suo ad Photium & reliquos Phœnicie Episcopos libello, Synodis & Episcopis hanc potius tribuunt iudicij translationem: *Consequenter & secundum Canones, advenies Concilium tam Orientale, quàm Occidentale, oportuit nos & piissimum, atque Christianissimum Principem nostrum pro his deprecari. Ex hoc ergo & sanctissimo nostro Archiepiscopo Flaviano pariter decernente, cum piissimo nostro Principe, & decernente nostrum à sanctitate vestra exerceri negotium, advenimus parati nobis adesse.* Transtulit ergo iudicium ab unâ provinciâ in aliam cum Imperatore Flavianus Episcopus Constantinopolitanus. Si roges, quo suo iure? Expedita responsio est, ut iudicia ecclesiastica à Clericis exerceantur, & secundum

LVII. Ex hac
Imperatoris potestate in causis ecclesiasticis, enormis illa excrevit Episcopi Constantinopolitani potestas.
Act. 10. Concil.
Chalced.

Canones; non à Principe, & secundùm leges. De fide quippe hîc agebatur. At vltra fines sibi defixos euagabatur hoc prætectu Episcopus Constantinopolitanus, quòd multa ad eum remitteret Imperator, vndequaque ad se querelis miserabilium quorumcumque relata. Ex quo vno capite potissimum erupit infinita tandem illa, & regulis antiquis Ecclesiarum infestissima potestas Patriarchæ Constantinopolitani, & reliquorum Orientis Patriarcharum iura absorbuit. Vt & hinc diluxerit, vnum vniuersalem Episcopum, & summum causarum ecclesiasticarum iudicem opus esse; alioqui fore, vt pleraque iudicia, & ea maximè quæ diuersis Patriarchatibus implicata sunt, ad sæcularem magistratum deuoluantur: vel in contumeliam & exitium antiquorum, & Apostolicis Nicænisque institutis commendatorum, nouus ebulliat Patriarcha, solo Principis patrocinio, & sæculari ambitu, omnia peruasurus. Quod in Oriente exitus comprobauit.

LVIII. In Occidente non Imperator aut Rex, sed Pontifex sæpius & conuenienter maiestati Ecclesiæ adibat.

In Occidente verò, vbi primæ Sedis priuilegio cælitus consignato lubentiùs subscriptum, longè rariora sunt huius rei exemplà. Nec nulla sunt tamen. Nam Concilium Toletanum 13. canon. 12. de iis agit, qui ab Episcopis ad Metropolitanum prouocant, itemque ab vno Metropolitano confugiunt ad alium, & denique ad Regem, si à duobus Metropolitanis abiiciantur inauditi. *Si pręgranatus quis à metropolitano proprio, ad alterius prouincia metropolitanam molestiam pressurę suę agnoscendam detulerit; aut si inauditus à duobus metropolitanis ad regios auditis negotia sua perlaturus accesserit.* Religiosior hæc disciplina. Nam ab Episcopi iudicio, ad metropolitanum confugitur. A metropolitano, non statim ad Regem, sed ad alium metropolitanum. Priscæ enim consuetudinis fuerat, ad vicinas recurrere Synodos. Si denique à duobus quis metropolitanis protelatus fuerat, adire Regem poterat, vt qui vel delegare iudices, vel Synodum generalem colligere moris habebat. Quantò pulcriùs alibi à metropolitani

politani vel sententiâ, vel repulsâ, ad Vicarium Sedis Apostolicæ, seu Primatem, aut ad ipsam Sedem Apostolicam concurrebatur, & intemerata seruabatur regula non conueniendi sæcularis magistratus in negotio ecclesiastico? Denique adiri Principem vsquequaque, & absolutissimè vetuere, & Principes & Episcopi, nisi de Episcoporum consensu. Nam capitul. Car. M. 197. c. 57. ita habetur: *Si quis adire Principem necessariâ causâ deposcit, hoc agatur cum consilio & tractatu Metropolitanæ, & ceterorum Episcoporum ipsius provincie.* Plures alibi eam in rem Canones conglobabuntur.

Nec aspernanda in istiusmodi illa etiam suspicio est, hæc omnia à Principibus, non iuris rigore, sed pietatis instinctu, usurpata fuisse; ideoque non exempla hinc aucupanda legitimæ potestatis, sed charitatis, leges & canones non rarò, nec sine laude prætergredientis. Vno & splendido id efficiam argumento, ab illis deprompto monachis, quos cùm Theophilus in Alexandrina Synodo velut Origenis errorum affines damnaasset, & per diu exagitasset, *regiam ad urbem peruenierunt, in qua diuinâ manu ad curam indigentium Ioannes ordinatus erat Episcopus, procumbentesque ad eius genna, orabant, ut opem ferret animabus calumniam passis, vastatisque hostium odio, &c.* ut ait Palladius in Dialogo de vita Chrysostomi, cap. 7. Vbi & hæc monachi quinquaginta ad Chrysostomum contestantur: *Sede, Pater, nosque non utcumque vulneratos Theophili Papa vesaniâ curare stude, si tamen valueris nostrorum tumoribus vulnerum obducere cicatrices. Nam si ipse quoque nos despicias, aut reuerentiâ aut metu Theophili, iuxta Episcopos reliquos, nihil iam superest nobis, nisi ut profecti ad Imperatorem, ipsius opera pessima ad iniuriam Ecclesie publicemus.* Denique ut subditur cap. 8. monachi iidem, *Augustis primùm congressi, Reginam deinde adueniunt in Ecclesiâ sancti Ioannis, orantes, ut Theophilus vel inuitus adductus, Ioannis iudicio subiceretur, &c.* Æqui bonique consulenda hæc omnia, non ad iuris climati amussim trahenda sunt. Nam quòd

LIX. Oeconomi-
micè hanc in-
dulcam Principi
potestatem nouo
probatum exem-
plo.

D d d

monachi à Theophilo damnati ad Palæstinos Episcopos confugiant, quòd rursus ad Ioannem Constantinopolitanum Episcopum, id totum præter Canones fit. Quòd ad Imperatorem denique se profecturos comminentur, eo apertum faciunt, solâ iudicij ecclesiastici desperatione, se ad regiam tuitionem implorandam compelli. Quòd denique Ioannis iudicio Theophilum subiici orant, id immane quantum, & Nicænis, & omnibus prorsus Canonibus aduersatur. Nusquam hîc ergo legitima, & Canonibus authorata potestas à miserabilibus monachis inuocatur, sed sola & vbicumque obuia charitas.

LX. Causas canonicas quandoque Princeps ipse cognoscebat, nempe ex dispensatione.

In append. Cod. Theod.

Eidem prorsus extraordinaria omnia adgredienti charitati, magis quàm ordinariæ & legitimæ potestati adscendum illud etiam est, quod causas ecclesiasticas Princeps ipse, non per vicarios vllos definiat. Perinsigne emicat eius rei documentum in epistolâ Concilij Romani ad Gratianum & Valentinianum Imp. vbi post grates Imperatori habitas, quòd statuisset, *ut de reliquis Ecclesiarum sacerdotibus Episcopus Romanus haberet examen. Ut & de religione religionis Pontifex cum consortibus iudicaret, nec vlla fieri videretur iniuria sacerdotio, si sacerdos nulli unquam prophani iudicis, quod plerumque contingere poterat, arbitrio facile subiaceret.* Postea gratantur, quòd Imperatoris iudicio probata sit innocentia Damasi Papæ, aduersus Vrsicini assecclarum criminationes: *Quia igitur vestra iudicio tranquillitatis probata est innocentia fratris nostri Damasi, &c.* Orant, ut tanto magis Damasus à forensium iudicum potestate immunis habeatur, à quâ absoluti sunt omnes Episcopi: *Quoniam Damasus in suâ causâ vestri tenet irsigne iudicij, non fiat inferior his, quibus etsi equalis est munere, prerogativâ tamen Apostolica Sedis excellit, ut iudiciis publicis videantur esse subiecti, quibus sacerdotale caput lex vestra submonit. In quo post sententiam non videtur declinare iudicium, sed delatam à vobis honorificentiam flagitare.* Denique istud præ cæteris memotandum & admirabile subiicitur: *Accipite aliud quoque, quod vir sanctus vestra magis conferre pie-*

tati, quàm sibi prestare desiderat; nec derogare cuquam, sed Principibus arrogare. Quoniam non novam aliquid petit, sed sequitur exempla maiorum; ut Episcopus Romanus si Concilio eius causa non creditur, apud Concilium se imperiale defendat. Nam & Sylvester Papa à sacrilegis accusatus, apud parentem vestrum Constantinum causam propriam prosecutus est. Et de Scripturis similia exempla suppeditant. Quod cum à Praside sanctus Apostolus vim pateretur, Casarem appellavit, & ad Casarem missus est. Certè prius examinet causam vestra clementia: & si emerferit quaestio, interroganda distinguat. Ut quemadmodum dudum estis censere dignati, factorum à indice ratio queratur, non Arbitrium sententia vendicetur. Quæ admirabiliora visum iri intelligo. Sed aduerte 1. ut Episcopus, & Episcoporum suminus apud imperiale Concilium se defendat, id non ab Imperatore usurpari, qui immunitatem potius omnium Episcoporum sanxerat: sed à Pontifice ipso deferri, sibi nempe derogante, ut Principibus arrogaret. 2. Apertè innui causas episcopales episcopali Concilio terminandas. Id enim Canones iubent. Si intervertatur ordo legitimus, id saltem postulatur, id dispensatiuè remittitur, ut coram solo Imperatore causam dicat Pontifex, non vlllo alio iudice sacram vicem fungente. 3. Sine figurâ iudicij plerumque Principem, ut nullis forensium legum anfractibus deuinctum, iudicare, & arbitrum magis agere, quàm iudicem.

Ut ut habeat de Sylvestri apud Constantinum purgatione, ut indubitatus, ita splendidius est exemplum Athanasij, qui à Tyriâ latrociniali Synodo ad ipsum Constantinum maturavit, postulavitque ea, quæ Constantinus ipsemet nos docebit in epist. ad eandem Synodum: Magnâ libertate nihil aliud postulavit, quàm ut vos huc evocari juberem, quò nobis presentibus, quæ per vim passus esset, conqueri posset. Quod cum mihi æquum, & temporibus meis congruum videretur, scripto vobis denunciatum volui, ut quotquot Synodum Tyri absolvistis, sine omni tergiversatione ad praetorium nostra clementia conveniatis. Reipsa quantum severitatis

LXI. Idem probatur exemplo Constantini, in causa Athanasij, & Donatistarum.

integritatisque sit in vestris sententiis, coram meipso declaraturi. Appellasse Athanasium velut ab Abusa, à Synodi iudicio ad Imperatorem, colligunt aliqui ex epistola synodica Orientalium Sardicæ Episcoporum apud Hilarium in fragmentis: *In præsentem Athanasium dignam pro criminibus sententiam dicunt. Propter quod Tyro fugiens, Imperatorem appellat. Audit etiam Imperator, quique interrogatione habitâ, omnia eius fligitia recognoscens, suâ illum sententiâ, in exilium deportavit.* Verùm mendaciter hæc omnia in Athanasium, & inuidiâ conficta sunt. Nam nec in præsentem Athanasium sententia dicta est, nec Athanasius appellavit. Sed præcipiens Synodo tumultuanti se subducere, recusatoque iudicio Episcoporum sibi suspectorum, causam suam integram Principi reservavit. Diceret enim in contestatorio libello quem Dionysio Comiti obtulit, *Cognitionem causarum nostrarum ipsi augustissimo Imperatori reserves. Equum est enim, te ab Imperatore missum, negotium hoc integrum retinere.* Nulla hîc appellationis vestigia. Appellationem Donatistarum nemo nescit, quibus diris prosecutus sit Constantinus. Quando ergo non dabatur copia, nec spes vlla supererat residua legitimi synodici iudicii, extraordinariam tentat hanc tandem Athanasius, ut & suprâ Damasus, viam, ut Princeps cognoscat. Nonne Constantinus idem post Arelatense Concilium appellatus à Donatistis, de re tota rursum cognovit, *ventam petiturus* ab Episcopis? Non ergo iurâ consentanea, sed dispensandi necessitati opportuna hæc fuit ratio, ut Princeps cognosceret, non vice sacra quisquam alius, de Cæciliano, de Athanasio, de Damaso. Valet enim in hæc omnia vniuersim, quod de causa Cæciliani tradit Augustinus epist. 48. *Illos magis hinc arguimus, quia cum apud Imperatorem ultro Cæcilianum accusassent, quem primò utique apud collegas transmarinos convincere debuerunt; ipso autem Imperatore longè ordinatius agente, ut Episcoporum causam ad se delatam ad Episcopos mitteret: nec victi pacem cum fratribus habere voluerunt.* Indi-

gnabundus addit, rursus à Donatistis *Episcopos iudices apud terrenum iudicem accusatos*. Et epist. 68. ab Arelaten- si Concilio, *pertinacissimi & ligitiosissimi ad eundem Impe- ratorem appellauerunt, postea & ipse coactus, episcopalem cau- sam inter partes cognitam terminauit, &c.*

Quod ergo qui appellationem Donatistarum recusa- bat primò Constantinus, cognitionem Athanasij postea admiserit non illud in causâ fuit, quòd iste de insidiis, & dolo Synodi Tyriæ conquereretur, illi verò de iniqui- tate iudicij. Nam 1. etiam de Romanæ Synodi insidiis, & dolo mussitabant Donatistæ, nempe *quòd omnis causa non fuisset audita, sed pauci quidam Episcopi quodam loco se clausissent, & prout ipsis aptum fuerat, iudicassent: à paucis di- ctas sententias; & hos ipsos, non omnibus quæ inquiri antè oportebat, diligenter examinatis, ad depromendum iudicium præ- properè, festinanterque processisse: vt author est Constantinus ipse in epist. ad Ablauium præf. Afric. & ad Chrestum Syracus. Episc.* Præter Canones iudiciorum moderatores hæc peræquè erant, si ita fuissent gesta. 2. Non ab hac Romanâ, sed ab Arelatensi post Synodo prouocarunt ad Imperatorem Donatistæ, qui protinùs illos execratus est, quòd quomodocumque ab Episcopis ab Regem, ab iis in- quam, *quorum iudicium ita debet haberi, ac si ipse Dominus resi- dens iudicet: ab iis, qui nihil aliud sentire, ac indicare possunt, nisi quòd Christi magisterio sunt edocti: quòd appellantes, iudi- cia perquirerent secularia, relinquentes celestia: quòd deni- que sicut in causis Gentium fieri solet, appellationem interposuis- sent.* Quæ latissimè patent, & omnes iudiciorum, atque appellationum species amplectuntur. 3. Id ergo exhorruit Constantinus in Donatistis quòd appellassent: id non a- uersatus est in Athanasio, vt qui minimè appellasset, sed causam suam integram Imperatoris cognitioni reseruaf- set: sicut Augustinus Cæcilianum ait, non appellare, sed causam suam integram transmarinis iudicibus ser- uare potuisse; etsi in eum absentem Donatistæ, sicut in absentem Athanasium Eusebiani, sententiam dixis-

LXII. Ad Con- stantinum non Athanasium, sed Donatistas solos appellasse.

sent. Inuidiam autem Athanasio conflabant Orientales Episcopi Sardicæ, cum appellasse eum nugabantur.

4. Nec ab Athanasij autem, nec abs Constantini factis, ius vllum condi legitimum potest, ut quæ extremæ & desperatæ necessitatis telo extorta sint. Nam ut docuit Augustinus, nonnisi à *contumacissimis & litigiosissimis coactis*, utque vel extraordinariam hanc viam frangendæ eorum pertinaciæ tentaret, & *veniam peturus ab Episcopis*, Constantinus de causâ Donatistarum & Cæciliani cognouit post Episcopos, qui ante Episcopos cognoscere se non posse *ordinatus agens* professus erat. Ita & necessitati obsecundans Athanasius, quando canonicæ cognitionis spes omnis amputabatur, ad Imperatorem recurrit.

5. Quid enim sibi iure liceret in causis ecclesiasticis, Constantinus ipse Nicænæ Synodi tempore declarauit, cum accusatorios complures libellos sibi ab Episcopis oblatos, comburi iussit, hæc effatus: *Iste criminationes tempus sibi præsinitum habent, diem magni iudicij: Iudicem autem, qui sit tum de omnibus sententiam pronuntiaturus. Mihi verò non est fas, cum homo sim, eiusmodi causarum cognitionem arrogare: præsertim cum & qui accusant, & qui accusantur, sacerdotes sint. Deus vos constituit sacerdotes, & potestatem dedit de nobis quoque iudicandi. Et ideo nos à vobis rectè iudicamur, vos autem non potestis ab hominibus iudicari. Vos nobis à Deo dati estis Dij, & conueniens non est, ut homo iudicet Deos: sed ille solus de quo scriptum est: Deus stetit in Synagoga Deorum, &c.* Horum meminere Rufinus, Socrates, Sozomenus, alii-que. In tantâ libellorum copiâ, consentaneum est omnis generis querimonias extitisse, quas indiscriminatim sum-mouit Princeps, & omnem istiusmodi potestatem à se ab-dicauit. Ergo cum de causis ecclesiasticis cognoscere re-cusauit, tum planum fecit, quid iuri concineret: cum cognouit, tunc patefecit, quid necessariæ dispensationi, & charitati omnium legum imperatrici indulgeret.

6. Et postremò obuiis vlnis amplectendus hic saltem Ioannes Maior, næ parcus alioqui ille imprimis, & illiberalior in

ecclesiasticâ, prodigus autem propemodum in sæculari potestate dimetienda. Ergo sic habet ille in lib. 4. sentent. d. 24. *Ex talibus factis singularibus, quæ ex deuotione ad Ecclesiam, & non debito iuris fiunt, non est trahendum aliquid in consequentiam, quemadmodum nec ex multis aliis. Vt ubi Imperatores elegerunt maximos Pontifices: similiter quod aliqui maximi Pontifices depositi sunt per Imperatores. Et sicut recitat historia ecclesiastica, multi sacerdotes apud Constantinum Magnum querelas suas deponebant. Ex quibus nullum sumi potest argumentum.*


Quocirca in hocce inter Christiana Christianissimo regno, Præuilegij nomine honestatur, quidquid in ecclesiasticis causis Iudex publicus audet. Qua de re alias. Adiri autem Principem ipsum, non quoslibet Iudices regios, in istiusmodi causis ad infultos Præsules attinentibus, monebat Hincmarus Rhemensis Episcopus, nec improbabat, in Rotula Carolo Regi porrecta, si modò *non in publico, sed in privato loco, & veluti de plano, vel à Rege, vel à regiis delegatis res disceptaretur: Regia igitur sollicitudo à Rege Regum, & æquissimo iudice Deo, ut in directione cordis iudicium indicetur, constituta, sollicitè provide-re debet, ut tales iudices cum Episcopis ad causam inter Ecclesiasticos & Sæculares dirimendam eligat, & constituat, qui religiosi sint, & Dominum timeant, &c. Et iudicent non in publico iudicij loco, sed in privato. Quia Episcopi non in Consistorio Regum, non in Prætorio Iudicum, nec nisi ab Episcopis, aut in Synodo, aut in privato loco à Primatibus Deputatorum, aut à se electorum Iudicum iudicio, debent aut possunt regulariter iudicari. Et in Quaternionibus: ad eundem. Si laïca* persona episcopale abnuerit iudicium eligere, quod Episcopo non licet refugere: ratio est, & non obsistit authoritati, ut cum Coëpiscopis Episcopi, contra quem ad vos quis reclamationem, quia indignum est vos ipsum inde laborare, missos vestros ab eo petitos, vel à vobis deputatos mittatis, qui utriusque partis rationem audiant; & secundum humanas & diuinas leges discernant, &c. Et hoc non in publico, sed in privato loco fiat. Et paulò

LXIII. In Galliâ quoque Principem adiri, & priuatim lites istas dirimi moris fuit.

Post Concil.
Duziac. I.

Ibid. pag. 407.

Pag. 408. antè : damni quidpiam passus ab Episcopo , Et à vicini Episcopi monitis & precibus , vel cuius alterius iustitiam obtinere si nequineris : non abhorret à ratione , si non accuset Episcopum ad publicos indices , quod non licet : sed ad vos se reclamet. Rei eiusdem exempla sub tertia Regum nostrorum Dynastia vide in Collect. Quercetana tom. 4. pag. 584. 634. &c.



APPENDIX

• AD

SYNODVM CHALCEDONENSEM

De Subscriptionibus.

SYNOPSIS.

Moris olim fuit , Romanorum Pontificum litteris fidem prescribi. Quantum ea ceterorum Antistitum scriptis etiam de fide litteris antecellerent. Duplici occurritur obiectioni , aduersus Leonis epistolam gannienti , quasi illi , nonnisi ob suum cum Scripturis Synodisque prioribus concentum , subscriptum sit , & ob accumulata Patrum testimonia. Cyrilli quoque epistolis subscriptum , & cur ? Num. I. II. III. Episcopalibus quoque definitionibus subscriptum est. Num. IV. V. VI. VII. Subscribere solos Episcopos , solennius fuit : quicumque tamen obliquis suspicionibus perstrigebantur , subscribere & ipsi compulsi sunt , Clerici , Monachi , Laici. Num. VIII. IX. X. Quanta obsequendi necessitas immineret. Vbi & illud Chrysostomi elucidatur , Communicate quidem , sed nolite subscribere. Illud item Augustini , Viros quandoque bonos ab Ecclesia communione eiici. Num. XI. Imperator sicubi
Episcopis

Episcopis praecurreret, si aduersus fidem, restitutum est: si pro fide, restitutum quandoque tamen pro libertate, sapius ex dispensatione obtemperatum est. Num. XII. XIII. XV. Summa Romani Praesulis auctoritas in subscriptionum negotio. Num. XIV. Post subscriptiones, nihil amplius suspicionum penes quoenquam residere debet. Num. XVI. Subscriptiones vel fidei confessiones plenae, aperta, pura, & simplices esse debent, atque ita ut ex animo saltem Episcoporum, seu fidei Magistrorum suspicio infesta expungatur. Num. XVII.

CANON 30. apud Balsamonem, non Canon est, sed decretum act. 4. Planum hinc est autem, in more positum fuisse, ut & fidem epistolis suis definirent Romani Antistites, & ei subscriberent reliqui per orbem Episcopi. Id vel ex hac maximè Leonis epistolâ patet ad Flavianum datâ, quæ exinde velut Catholicae fidei tessera Ecclesias omnes peruagata est. Id ante cætera Dioscoro crimini datum, quod in Ephesina secunda Synodo eam vetuerit legi: inde prædatoriae illius Synodi labem profectam esse omnes contestati sunt, ut suprâ ostensum: Chalcedonensis ipsa Synodus in id ante omnia incubuit, ut huic epistolæ omnes subscriberent. Tergiuersantibus Aegyptiis act. 4. iterum iterumque Episcopi omnes & ad raurim vsque intonuerunt, Epistola Leonis subscribant, Anathematizantes Eutychen & dogma eius. Consentiant epistola Leonis. Eludere nos volunt & discedere, &c. Subscribant epistola Leonis. Qui non ei subscribit, haeticus est, &c. Vniuersalis hac Synodus Aegyptiacâ maior est, & fide dignior. Non est iustum decem haeticos audiri, & prætermitti mille ducentos Episcopos. Denique fidei iussus dare vel iuramento se constringere coguntur, nec Constantinopoli discedere, donec creetur Episcopus Alexandrinus, & tunc subscribant. Sed & ante Synodum Chalced. ut refertur act. 4. Cum pauci Constantinopoli conuenissent, missa est epistola almi Archiepiscopi Leonis, iis qui ubique essent metropolitae, & subscripta est. Et Pulcheria Augusta ad Leonem scri-

I. Moris olim fuit, Romanorum Pontificum literis fidem inscribi, ubique postea subscribendis. Ex epistolâ Leonis maximè id probatur.

bens, purgansque apud illum alioqui meritò suspectam fidem Anatolij, ait: *Tuarum literarum Apostolicam confessionem complectitur, & epistola Catholica fidei, quam ad Flavianum tua beatitudo direxit, sine aliqua dilatione subscripsit.* Denique cum non pauci stomacharentur, quòd fidei confessio mandata esset, illigataque epistolæ: Synodus Chalced. in Prosphon. ad Marcianum, Leonem congestâ exemplorum serie tuetur: *Sic magnus ille Basilius minister gratiæ, subsistentiarum euentiam, ut in epistolâ mirè declarauit, & sancti Spiritus doctrinam diligentius tradidit, Confacerdotum suorum eliciens etiam subscriptione consensum.* Sic quoque Damasus Romana urbis decus ad iustitiam, literis ad Paulinum datis dispensationis sacramenta patefecit, admonens ut his quæ bene decreta sunt, si qui communionis suæ participes uelint esse, consentiant, &c. Sic Athanasij ad Epictetum amplectimur literas. Sic tanquam propriam, Gregorij ad Cledonium epistolam ubique proferimus. Et quid oportet plura dicere? Si enim per epistolas Ecclesiæ dogmata declarari, pro unaquaque questione, dignum culpâ indicant; ipsum in primis beatissimum Cyrillum quilibet potuerit denotare, qui literis suis quod sentiebat, Orientalibus expressit. Nec non & magnum Proclum, huic uituperationi subiiceret, qui eisdem Orientalibus volumen ad Armenios pro fidei congruentiâ destinauit. His etiam consociabitur ad culpam & sanctissimus Ioannes Antiochenus Episcopus, qui hæreticorum maledicta repellens, & Apostolica doctrina rectissimum dogma declarans, totius Orientis confessionem, velut ex uno ore sanctissimo Proclo, & ei qui per idem tempus mundi regebat gubernacula, destinauit. Non igitur nobis admirandi Roma urbis Prasulis epistolam, velut innouationis offendiculum crimentur, &c. Vbi vides coaceruata exempla exarata, multoties in epistolis fidei orthodoxæ. Suprà retuli Episcoporum Galliæ, itemque Mediolanensis prouinciæ testimonium, & subscriptionem in eandem Leonis ad Flavianum epistolam. Ut Orientem Occidenti succinuisse hîc quoque intelligas, & nos in fidei Apostolicæ, sedisque Petri venerationem semper præisse.

Quod autem Chalcedonenses Patres in suprarelatis Prosphonetici ad Marcianum verbis, non Leonis tantum & Damasi Pontificum Romanorum, sed Athanasij quoque & Cyrilli Alexandrinorum, Ioannis Antiocheni, Procli Constantinopolitani, Basilij Cæsariensis, imò & Gregorij Nazianzeni epistolàs commendant, vt fidei promulgatrices: non tamen communicare his omnibus singulare primæ Sedis priuilegium censendi sunt: aut primæ Sedi nihilo plus quàm his tribuere. Nam 1. quidem Damasi epistolam aiunt abrumpendæ communionis interminatione, velut summæ iurisdictionis indice munitam fuisse, quod de nullâ istiusmodi epistolarum aliâ dici potest. 2. Leonis epistola in Synodo œcumenica, & longe numerosissimâ ab omnibus subscripta, subscribique iussa est, quod nulli item alij competit: sicut nec vlli supradictorum Episcoporum congruit, quod de Leone testificata est eadem Synodus, Petri interpretem omnibus constitutum fuisse, vt Caput membris præfuisse. 3. Etiam ante Synodum subscribi cœperat Leonis epistola, sola Pontificis summi autoritate urgente, vtputa in Galliis, in Italia, imò Constantinopoli, & in Oriente toto, ad omnes nempe Metropolitas directâ, vt suprà didicimus. 4. Etiam si magnarum Sedium fastigia obtinerent supradicti Episcopi penè omnes, non tamen vniuersali Ecclesiæ legem dicere, aut fidem dictare poterant; sed in priuatis tantum suis diœcesibus aut prouinciis vel parœciis in obnoxios sibi quosque. Quin etiam scribebat Nazianzenus ad Cledonium, Proclus ad Orientales, vel ad Armenios, Ioannes ad Proclum, Athanasius ad Epictetum: nonnulli fidem, magis suam nudabant, quàm alienam informabant. At Damasus ad Paulinum Antiochenum, Leo ad Flavianum Constantinopolitanum, imò in Gallias, in Italiam, ad omnes vbique terrarum Metropolitas fidem sanciebant, renitentibus excommunicationis intentabant iaculum. Ergo & iurisdictionis hæc erat, & vniuersalis iurisdictionis. 5. Apertè in literis suis ad Leonem

Ecc ij

II. Epistolæ Romanorū Pontificū de fide quantum præcelleret aliorū literis Episcoporum quorumlibet. Soluitur autem duplex obiectio aduersus epistolam Leonis: quasi illi nonnisi, vt Scripturis, Synodisve consonæ, & Patrum testimoniis communiter subscriptam sit.

Gallicani Episcopi, confitentur fidem hanc se eloquenturos fiducialiter & liberè, *suffragante etiam Apostolica Sedis auctoritate*. Deoque grates acturos, *quod tanta sanctitatis, tanta fidei, tantaque doctrina, Apostolica Sedi, unde religionis nostra, propitio Christo, fons & origo manans, Antistitem dederit*. Et provinciarum Mediolanensis Episcopi in epist. ad eundem eadem de causâ, censent fidei hostes damnatione congrua persequendos, *auctoritatis vestra præcedente sententiâ*. 6. Crebrò iam ex Hieronymo monuimus, Damasum eius calamo, *Orientis, Occidentisque consultationibus synodicis respondisse*. Idem de antecessoribus eius ex ipso, & successoribus non immeritò coniectamus. De nullo præterea primarum etiam Sedium Episcopo idem constat. Non doctrinæ autem tantum, sed iurisdictionis, & summæ in Ecclesia auctoritatis testes fuisse, has literas inde indubium sit: quod doctrina magis Hieronymi, auctoritas mera Damasi coruscaret: quod Athanasium, Cyrillum, Basilium, Nazianzenum, Proclum doctrinæ vbertate inusitata floruisse exploratum omnibus sit, scripta ipsorum testentur; non item Damasum, Siricium, Innocentium: illos ergo cruditio, hos Sedis auctoritas consuli suadebat: quod in Occidente saltem iurisdictionem Romanorum Antistitum latissimè dominatam esse, nec aduersarij abnuant, at promiscuè Hieronymus consultationes synodicas commemorat Orientis & Occidentis: ergo ut istæ, ita & illæ ad principatum Petri Sedis referebantur: quod denique ipsæ, quæ à Syricio & reliquis deinceps Pontificibus indubitata supersunt nobis literæ decretales, singulis penè verbis, non copiam quandam singularem doctrinæ, sed exertissimam potestatem, & iurisdicendi principatum ostendent, atque adeo parendi necessitatem inferant. Frustratorius autem & merus ille caullus est, causantium epistolæ Leonis ad Flavianum subscriptum esse in Concilio Chalcedonensi, non ex Leonis auctoritate, quasi fidei Dictatoris, sed ex compertâ eius consensione cum

Nicæno, cum Constantinopolitano, cum Ephesino primo Concilio, ut fidem faciunt subscriptiones actionis quartæ Concilij Chalcedonensis. Cui iudificationi ita occurritur. Subscriptio & veritati exploratæ, & auctoritati indiscriminatim, perinde ut fides adhibetur. Illud vſitatiffimum est Sæctariis diuerticulum, ut obtentu veritatis auctoritatem detrectent: adeo Catholicis fugitandum: ne auctoritati dematur, quidquid arrogatur veritati. Nicænæ ipsi Synodo subscribitur, ut diuinis literis consentaneæ. An ideo Synodi œcumenicæ primæ vigor & auctoritas emarcuit? 2. Secundæ & Tertiæ Synodo subscribitur, ut cum Nicænâ consonantibus: an ideo rota credulitas in Nicænam exhausta est, eiusque nec pilus superest, quo reliquæ Synodi honestentur? Vide ut hac eadem act. 4. subscribat Sabbas Episcopus Palti Syriæ: *Trecenti decem & octo Patres edocti à Spiritu sancto rectam fidem nostram exposuerunt: & centum quinquaginta Constantinopoli collecti eam sequuti sunt: similiter etiam huic congruentia B. Cyrillus Ephesi docuit: consona quoque sanctissimus Archiepiscopus Romanorum Leo per suam epistolam docuit: & uniuersus orbis terrarum sic institutus est & edoctus, &c. & subscripsi ei, &c.* In eundem sensum subscribunt complures alij, & omnium penitus subscriptio, etsi verborum contextu discrepans, eodem tandem reuoluitur. An ideo solam Nicænam à Spiritu sancto edoctam argutaberis, reliquis Synodis subscribi non aliter, quàm ex illius primæ, quam sectantur, auctoritate? Apaga has ineptias. Reuiuiscat potiùs solertissima Patrum simplicitas, iura iuribus, lumina luminibus affectans non committere, sed conciliare: & fidei formulis gnara subscribere, tum quia Scripturæ concinerent, tum quia viuæ vocis traduce à maioribus essent in posteros propagatæ, tum quòd synodicè confirmatæ, tum quòd prioribus etiam aliquantis Synodis auctoratæ essent. Amica sibi sunt hæc omnia veritatis præsidia, non mutuò collidenda. 3. Paschasinus, Lucentiusque Episcopi, & Bonifacius Presby-

ter, Vicarij Sedis Apostolicæ in hac eadem actione, consentiunt similiter Leonis epistolæ, vt tribus æcutnienicis prioribus Synodis consonantissimæ. An ergo nec hos mouebat tantillum Leonis Papæ autoritas, sed totum dabant ponderi priorum Synodorum, vel puro, putoque veritatis lumini? Saltem Occidentales, saltem peculiare Episcopi, saltem Presbyteri, saltem Vicarij assurgerent authoritati Archiepiscopi sui. 4. Quin ipsi Chalcedonensi Synodo metropolitani variarum prouinciarum ad quos eâ de re postea scripserat Leo Imperator, iterato suffragati sunt per encyclicas suas, eò quod Nicænum, Constantinopolitanum, & Ephesinum, *Concilia firmaverit, nihilque quod illis bene videatur placuisse, commouerit; nec augmentum quoddam, vel detractionem fecerit, &c.* Cuiusmodi similia verba inculcantur in omnibus his encyclicis. Extremæ autem cuiusdam vècordiæ fuerit, his nugari abrogatam omnem Chalcedonensis Synodi authoritatem. 5. Quid quod & Patres Concilij Tolerani 14. Sextæ Synodi gestis subscribunt, *Prædicta gesta cum antiquis Conciliis conferentes, &c. iteratò ea ipsa gesta probauimus, decretis quidem illis synodalibus & præcipuis in omnibus consona: & Nicæna quidem, Constantinopolitana, vel Ephesine fidei concordantia, Chalcedonensi verò tam esse unita, &c. Et ideo supradicti acta Concilij in tantum à nobis veneranda sunt, & recipienda constabant, in quantum à præmissis Conciliis non discedunt. Vnde his Conciliis ea subnectenda decernimus, quorum & auctoritate fulta probamus.* An & hi exauthorasse videbuntur Sextam Synodum, reliquo iam Christiano orbe receptam, cum antecedentium Conciliorum authoritatem illi substernunt? 6. Sed cum Leonis epistola ante Chalcedonensis Synodi initia, toto Occidente & in magnâ Orientis parte subscripta iam, atque authorata esset: Num nihil hinc illi authoritatis accreuerat, & à nutu Chalcedonensium Patrum anceps & vacillabunda pendeat? Nonne idem Orientalibus tunc, quod antè Cyrillo post Cælestini Nestorium damnantis episto-

Part. 3. Concil.
Chalced. c. 17.

las susceptas dicendum nempe supererat, *necessitatem* incumbere sibi, in damnando & errore & erroris authore consentiendi Occidentalibus, vel communione eorum carendi? Certe act. 5. Chalc. Synodi, tergiversantibus plenam & enucleatam fidei definitionem edere, has Vicarij Romani minas intentant, *Si non consentimus epistola Apostolici & beatissimi viri Papæ Leonis, iubete nobis rescripta dari, ut reuertamur, & ibi Synodus perficiatur.* 7. Porro ut fidei Doctorem ac Magistrum sibi præluxisset Leonem, tota Synodus non dissimulat, sed exertissimè vociferatur, dum in fidei definitione vno contextu assentitur Nicæno & Constantinopolitano Symbolo, itemque Cyrilli epistolis Ephesi confirmatis, atque Leonis epistolæ, utpote quæ Magni illius Petri confessioni congruat, & communis quædam Columna existat, aduersus perversè sentientes. Dum act. 2. post eius epistolam recitatam exclamant, *Petrus per Leonem ita locutus est, hac Patrum fides. Hac in Epheso cur lecta non sunt? Hac Dioscorus occultavit.* In Ephesinâ enim Pseudosynodo aberratum est à vero, non anteriorum Synodorum ignorance, sed solius Apostolici magisterij penuriâ, ut hîc patet, & alibi ostensum. Dum in epistola ad Marcianum scribit: *Nobis impenetrabilem in omni errore propugnatorem Deus prouidit, & Romana Ecclesia Papam ad victoriam praparat, doctrinis eum per omnia veritatis accingens: ut quemadmodum feruens affectu Petrum, & hic affectu feruentiore decertans, omnem ad Deum seipsum, intelligentiamque perducatur.* Dum ad ipsum Leonem scribit: *Tu vocis B. Petri omnibus constitutus interpres, &c. Tu sicut membris Caput præeras, &c. Rogamus, tuis decretis nostrum bonorum iudicium: & sicut nos Capiti in bonis impendimus consensuantiam, sic & summitas tua filiis quod decet adimpleat.* Non præfertur his verbis supercilium eorum, qui epistolæ Leonis, eiusque cum priscis Synodis concentus iudices se esse iactent, sed discipulorum sobrietas; qui ut Apostolis Petrum, ut membris Caput, ut filiis Patrem, ita sibi Leonem in fide præluxisset gratulentur. Quid æquius autem,

quàm ut regat & moderetur, non explorata tantùm veritas, sed etiam à Deo & à veritate instituta authoritas Petri Apostolos, Capitis membra, Patris filios? An filij Patriam, an membra Capitalem minùs, aut pigriùs se-
 stabuntur, quàm Magistralē discipuli authoritatem? Denique idem de Synodo, quod de Ecclesiâ: imò idem de Ecclesia synodicè collectâ, & per orbem sparsâ: idem de repræsentante, ac de repræsentata iudicium esto, Romana quæ Caput, quæ Prima, quæ Magistra est, v-
 trobique principatum & authoritatis & magisterij habet, vtrobique cæteras ducit sponte sequaces, vtrobique & veritatis luce, & authoritatis mole cæteras antecellit, vtrobique enim valet illud Tertulliani, ad Matrices, ad Apostolicas, ad Originales Ecclesias reliquis esse recur-
 rendum, ut ab his fontibus illimiores hauriant fidei la-
 tices, hoc est, fontem veritatis in fonte authoritatis & originis inueniant. Leonis postremò authoritati quantum concederetur, pròditum postea est, cum per diu, & Leo-
 nis epistolæ, & Concilio Chalcedonensi subscribi mo-
 ris fuerit. Longè putidius est autem, quod alij trlicantur, testimoniis antiquorum Patrum Leonem suam muniuisse epistolam, tanquam horum potius, quàm suis vocibus fides addicenda esset. Quæ enim Synodus œcumenica non æquè suffragia priscorum Patrum aceruauit? Quæ Synodus œcumenica, non æquè ut Chalcedonensis, ad-
 rauim vsque exclamauit, Hæc Patrum fides? Quæ Synodus suæ decretum in authoritati suspicata est, si vel Scripturarum, vel antiquorum Patrum authoritas pro-
 ferretur? Nonne & ipsa Chalcedonensis Synodus post consecratam suis subscriptionibus Leonis epistolam, ad Imperatorem Marcianum eandem commendans in epi-
 stolâ synodicâ, Patrum testimonia ei rursus aggerat? Sed quis eorum qui Chalcedone subscripsere huic epi-
 stolæ, vel leuissimè attigit, aut tantilli fecit ea testimo-
 nia epistolæ Leonis succenturiata? An etiam cum passim Episcopi Synodis œcumenicis subscribentes contestantur,
 hanc

hanc esse fidem inter cunabula, inter lustrales vndas sibi irroratam, hanc quæ toto orbe Catholico hæcenus coruscauerit: tunc Synodi auctoritatem eleuant, eamque vni Ecclesiæ antiquæ, & per orbem sparsæ vindicatum eunt? Cruda hæc sunt insomnia, & vacua commentitiarum pugnarum ludibria, quibus illusi illusere, & falsi fefellere quidam, antiquæ pacis & ecclesiasticæ olim concordia ignari; calamitosa autem schismatum tempora, & incertas dubiorum Pontificum, ideoque cum Synodis collisorum procellas experti, & veluti tempestate quadam iactati; reliqua omnia quamuis pacata immotaque, iactari peræque & æstare imaginantur. Non pugnat, imò militat auctoritas veritati, veritas auctoritati, auctoritas auctoritati, ius iuri, Scriptura Synodis, Synodi Patrum dogmatibus, Pontifices Conciliis, Concilia Pontificibus, Caput membris, membra Capiti. Consentanea, amica, conferta sunt hæc omnia; mutuâ se ope, luceque recreant & augent: nullo vero, nullo intestino, sed imaginario fabulosoque conflictu, nec usquam nisi in scholis perstrepenste dissident. Vt enim post serenatos, ita & ante excitos illos plurium simul & dubiorum Pontificum turbines, nusquam membrorum omnium compago aduersus Caput, nusquam Ecclesia vniuersa aduersus Romanum Pontificem stetit; sed semper permagna & plerumque longè maior Ecclesiæ pars pro Capite suo certauit; utque post scissum Orientem citimior Romanæ Ecclesiæ atque Vrbi Christianitas, ita antè Occidentalis omnis Ecclesia Romano Pontifici ita cohæserat, & penè coaluerat, ut ab eius sententiâ & nutu nec latum vnguem usquam se abduci sineret.

Cyrilli epistolas in Ephesina prima Synodo subscriptas non detrecto. Sed vicariam in illo statim primæ Sedis auctoritatem suspicio: & hanc ab eo passim prætendi. Nec his epistolis subscribere, ita Ioannes Antiochenus, & Orientales adacti sunt, ut Ægyptij epistolæ Leonis, à qua, ut Dioscoro obnoxij, videbantur abhorruisse.

III. Cyrilli etiam
epistolis syno-
dicè subscriptis.
Et cur?

Nec Synodus Ephesina tantum se Cyrilli nomine tueretur, quantum Celestini, cuius epistolâ se cogi fatetur in Nestorij abdicationem. Nec ante ipsam Synodum ita Cyrilli, ut Leonis literæ ad omnes metropolitas destinabantur, vel in Oriente & Occidente circumferebantur subscribendæ. Nec Cyrillus ita poterat ad summarum Sedium Episcopos mittere literas, ut Leo ad Flavianum, ad Anatolium, ad Synodos œcumenicas.

IV. Episcopali-
bus quoque defi-
nitionibus sub-
scribi iussum.

Posse tamen ab Episcopis ut fidei magistris & Apostolorum successoribus conscribi formulas fidei, & ab iis quos regunt singuli, subscribendas publicari: in contro- uersiam vix trahi potest. In Episcopalibus enim quarumlibet regionum Conciliis sexcentæ cum proscriptæ olim fuerint hæreses, orthodoxæ eorum definitioni iussos subscribere quicumque suspecti habebantur, consentaneum est credere. Ad hæc Basilii, teste Synodo Chalcedonensi, *Consacerdotum suorum elicit subscriptione consensum.* Cum Ariani enim orbem vniuersum nefariis subscriptionibus exigendis fatigarent, Nicænamque fidem & Athanasium pessumdare machinarentur: necessum fuit orthodoxos Episcopos contrariis subscriptionibus communire veritatem ecclesiastici dogmatis. Arianos imitati Semiar- riani, eadem per diu subscriptionum vesaniâ baccha- bantur: adeo ut Gregorio etiam Nazianzeno Episcopo, Theologi Patri imposuerint, & complures ex Catholicis incautos vel inuitos irretiuerint. Vnde in vitâ Gregorij Theologi: *Quò factum est, ut alij metu percussi, alij verbe- rum illecebris deliniti, aut pecuniis subacti, alij morum simplici- tate decepti, hæresis escam susceperint: chirographo suo & com- munionem cum aduersariis coniuncti.* Quo in numero B. quoque viri huius Pater erat, animi simplicitate in hamum prolapsus. Sed parentem breuè Theologus his laqueis extricauit, monachosque & plebem ab eo hæc de causâ sedolentem recollegit, ut author ipse est orat. 17. *Cum à feruentiore Ecclesia parte ob eam causam seditio in nos excitata est, quòd scripta quodam, & artificiosis verbis circumscripti, in prauam*

societatem petraēti fuisset, solus ipse illasam mentem, minimeque simul cum atramento infectam animam habere creditus est: tametsi per animi simplicitatem abreptus fuisset, dolumque ob animi sinceritatem ab omni dolo alienam minime cauisset.

Quin etiam solus, aut, ut rectius dicam, primus, eos qui a nobis ob pietatis zelum dissidebant, & sibi & ceteris reconciliauit, &c. Qui rursus orat. 21. de grassatione ista extor-

quendorum chirographorum ita expostulat: Hinc alij ab Ecclesiarum thronis iniuste pellebantur, alij in eorum locum subrogabantur: sic tamen, ut ab iis impietatis chirographa non secus atque aliud quidpiam necessarium exigent. Atque in

promptu atramentum erat, & calumniator à tergo. Ea res permultos à nobis inuictos alioqui viros in fraudem impulit: qui quamuis mente haudquaquam prolapsi fuerint, subscriptione tamen transuersi acti sunt: atque cum illis utroque nomine improbis consenserunt: ac si non flamma, fumi certe participes fuerunt.

His quos utcumque excusat Gregorius, etsi non omnino culpā absoluit, accenseri fortassis potest, (quo de tamen aliās) Liberius, aliquandiu antè consimili fraude implicatus. At ibidem longè excusatiores plebeios ostendit Episcopis, si qua istiusmodi arte circumueniantur.

Nam plebeis hominibus, qui per errorem id admisserint, ignoscendum fortasse fuerit, quibus illud plerumque saluti est, quod animum à curiosâ exploratione alienum habent. At doctōri quo tandem modo id concedemus, &c. Episcopis ergo seu A-

rianis antè, seu post Macedonianis orthodoxos Episcopos, forsan & plebeios hac subscriptionum procella infestantibus, visum est Basilio catholicum dogma sanctioribus chirographis defendendum. Basilium imitatus est

Flavianus Episcopus Constantinopolitanus, de quo in Ephesina Pseudosynodo hæc conquestus est Eutyches:

Subscribere dictatam aduersum me sententiam monasteria com- AA. s. Concil.
pellebat: nunquam, sicut & vestra nouit reuerentia, tali habitu Chalced.

consuetudine, nec contra apertos hæreticos. Et per Orientem, & per alia diuersa loca destinauit chartas, ut etiam & ab aliis religiosissimis Episcopis, & Monachis, etiam qui hac non iudica-

merunt, subscriberentur, cum magis oportuerit ante omnia Pontificibus scribere, quos & appellaueram. Quin & ipse Eutyches in sui defensionem, volumen de fide per monasteria subscribendum direxit, ut euincitur in Synodo Constantinopolitana sub Flauiano: dehortans etiam à subscriptionibus quas exigebat Flavianus: *In his diebus totum ad te directurus est Archiepiscopus, ut subscribas; ne persuadearis ab eo.* Quianquam Eutychetis libello subscribere recusarent complures Archimandritæ, aientes: *Non est meum subscribere, sed Episcoporum tantum est:* itemque: *Nos Ecclesie filij sumus: & unum Patrem post Deum habemus, Archiepiscopum.* Et Liberatus in Breuiario, c. 11. *Eutyches direxit tomos per monasteria, cum suis dogmatibus ad Abbates, ut subscriberent ei.*

V. Exempla alia
subscriptionum
episcopalibus
definitionibus
additum.

Aduersus Origenis errores, episcopali per orbem imperio subscriptum etiam est, non sine mirâ & deridiculâ tergiuersantium ludificatione, ut narrat Hieronymus ad Pammach. & Ocean. aduers. error. Origen. *Hoc vel maxime cauent, ne quando contra authorem suum eorum scripta teneantur. Facile dicunt cum iuramento, quod postea alio soluant periurio. Ad subscriptionem tergiuersantur, quaruntque suffragia. Alijs, Non possum, inquit, damnare, quod nemo damnauit. Alius, Nihil super hoc à Patribus statutum est: ut dum totius orbis prouocatur auctoritas, subscribendi necessitas differatur. Quidam constantius, Quomodo, inquit, damnabimus, quos Nicæna Synodus non tetigit? &c. Quod si quando urgeri caperint, & aut scribendum eis fuerit, aut exeundum de Ecclesiâ, miras strophas videas. Sic verba temperant, sic ordinem vertunt, & ambigua quaque concinnant, ut & nostram & aduersariorum confessionem teneant, ut aliter hæreticus, aliter Catholicus audiat. Hæc de Origenis sectatoribus, nullâ vniuersali Synodo, sed particularibus tantum per orbem Conciliis, & dampnatis, & ad subscribendum adactis. Expertus erat & ipse Hieronymus orthodoxorum Episcoporum in hac parte, non potestatem tantum, sed scrupulositatem, cum ob trium hypostaseon causam, Sabel-*

lianismi suspicionibus in Oriente exagitaretur. Id nos ipse docet in epist. ad Presbyterum Celedensem: *Non mihi conceditur unus angulus Eremitæ. Quotidie exposcor fidem, quasi sine fide renatus sim. Confiteor ut volunt, non placet. Subscribo non credunt. Vnum tantum placet, ut hinc recedam. Iam iam cedo. Abruperunt partem à me animæ meæ, charissimos fratres, ecce discedere cupiunt, imò discedunt, melius esse dicentes, inter feras habitare, quàm cum talibus Christianis. Et ego ipse, nisi me & corporis imbecillitas, & hyemis retineret asperitas, iam modò fugerem. Vereor ut hæc nimia sanè, monachorum potius fuerit morositas, quàm Episcoporum in exigendis subscriptionibus. Non otiosum est animaduvertere Hieronymi tali etiam in re obsequium paratum, & expeditum, Confiteor ut volunt, subscribo, &c. Quanquam nec fortassis Episcopus, nedum Romanus Pontifex subscribi decreuisset.*

Manifestius est Augustini testimonium de episcopali-
bus aduersus Pelagiana deliria subscriptionibus. Has e-
nim ille querimonias istiusmodi hæreticorum refert l. 4.
ad Bonif. cap. 8. *Sed quoniam dicunt inimicos suos dicta ne-
stra in veritatis odium suscepisse, & toto penitus Occidente non
minus stultum quàm impium dogma esse susceptum: & simplici-
bus Episcopis sine congregatione Synodi in locis suis sedentibus
ad hoc confirmandum subscriptionem queruntur extortam: cum
potius eorum prophanas vocum novitates Ecclesia Christi & Oc-
cidentalibus & Orientalibus horruerit. Et c. ult. Quid ergo est quod
dicunt, De simplicibus Episcopis, sine congregatione Synodi, in
locis suis sedentibus, extorta subscriptio est, &c. Nusquam In-
nocentius & Zosimus in damnando Cælestianos errores,
subscribi ab Episcopis imperauerant: has ergo subscri-
ptiones sibi met Episcopi ipsi indicebant. Ita forsan & in
epistolam Leonis ad Flavianum sua sponte Episcopi Gal-
liæ & Italiæ subscribere, imò & ubique terrarum Epi-
scopi omnes, cum nusquam id ipse præcepisse comperia-
tur. Et ad calcem Concilij Toletani primi attexuntur
subscriptiones Symphosij & Dictynnij Episcoporum, &*

VI. Alia eorum-
dem exempla.

Comasij presbyteri, aduersus Priscilliani errores, ipsumque Priscillianum & eius libros, à quibus aliqui abstergere laborabant errorum istorum infamiam. Notanda scdula ibi verba Comasij presbyteri: *Non timeo frequenter dicere, quod semel dixissem, ut gaudeam. Sequor auctoritatem Episcopi mei Symphosij, sequor sapientiam senis. Sentio quod dixi. Si iubetis, ex chartulâ relegam.* Et in Concilio Bracharenfi I. aduersus eundem Priscillianum, non Leonis tantum Papæ primi decreta fidei, sed & Episcoporum veluti succinentium primæ Sedi capitula releguntur, *ut quisquis Clericus vel Monachus siue Laicus tale aliquod sentire adhuc, vel defendere fuerit deprehensus, tanquam verè putre membrum, continuo de corpore abscindatur Catholica Ecclesia.* Et paulò antè: *Eo tempore, quo in his regionibus nefandissima Priscilliana secta venena serpebant, beatissimus Papa urbis Romana Leo, qui quadragesimus ferè exiit B. Petri successor, per Turibium notarium Sedis suæ, ad Synodum Gallicia contra impiam Priscillianæ sectam scripta sua direxit. Cuius etiam precepto Tarraconenses & Carthaginenses Episcopi, Lusitani quoque & Bælici factò inter se Concilio, regulam fidei contra Priscillianam hæresin cum aliquibus capitulis conscribentes, ad Balearium tunc huius Bracharensis Ecclesiæ Prasulem direxerunt.* Vides rescripta Sedis Apostolicæ de fide ad Episcopos in prouincias mitti, synodicè ea recipi, ab ipsis Episcopis regulam fidei, & varia capitula in eandem sententiam conscribi: pœnas dare clericos, monachos, laicosque, si qui secus senserint, quod per subscriptiones facillimè potest resciri.

VII. Alia rursum exempla vicini-
ra.

Lib. 1. de Gestis
Frider. Imp., c. 56.
57.

Perillustre est in rem istam, quod de Episcopis Gallicanis narrat Otho Frising. contra Gilbertum Porretanum in Concilio Rhemenfi sub Eugenio III. de fide scribentibus. *Mox ad publicum progressus Bernardus Abbas, omnes quos poterat conuocauit. Ibi cum Archiepiscopis, virisque religiosis & eruditis, contra quatuor prædicta, quæ Piétanino Episcopo imponebantur capita, fidem suam in hunc modum, ipse cum aliis & alij cum eo exposuerunt. Credimus, &c. Descri-*

pta confessione, subdit: *Quod Gallicana Ecclesia factum tam grauitè facer Cardinalium Senatus accepit.* Tum eorum refert effusas indignanter apud Pontificem querelas, de Bernardo, & Ecclesiâ Gallicanâ. Quæ tamen eò reuoluuntur tandem, *Ecce Galli isti faciem nostram contemnentes, tanquam finitima sententia vltimam manum apponendo, nobis inconsultis fidem suam scribere præsumpserunt.* Omnia enim alibi terrarum disceptata, Romano seruari examini terminanda. Nec id consilij Gallis Episcopis fuerat, vt vltimam manum rei imponerent, *super capitulis, quæ assidentibus Cardinalibus agitata fuerant.* Duo tantum purpuratis Patribus certa erant, nec Galli dissentiebant; quæ agitari coram Pontifice & Romano Senatu sacro cœperant, non posse ab aliis definiri: item nec ab aliis Episcopis ita definiri quid posse, quin à Pontifice retractari id, & terminari possit. Sed Gallis Episcopis sua etiam constabat ratio & potestas edendæ fidei regulæ, etsi tunc purpuratorum Principum excandescentiam mitigandam censuerit Bernardus hac responsione molliori: *se vel Dominos Episcopos nihil de præfatis capitulis definisse, sed quia ab Episcopo Pictauino audierat, vt fides sua scriberetur: idcirco quia solus nollet, illorum authoritate, ac testimonio simpliciter se, quod sentiret, exposuisse.*

Qui autem adigerentur subscribere, ex superioribus dilucidum est. Episcoporum enim præ cæteris fuit & fidei decreta constituere, & iisdem subscribere. Ita Basilii consacerdotum subscriptiones eliciebat. Ita Patres Synodi Chalcedonensis reliquas Patrum de fide epistolas à se suscipi testabantur. Ita epistolæ Leonis non alij, quàm Galliarum & Mediolanensis prouinciæ Episcopi, Anatolius, Metropolitæ Orientales, Patres denique Chalcedonensis Synodi leguntur subscripsisse. Ita Archimandritæ sub Flauiano Constantinopolitano responderunt, *Episcoporum tantum est subscribere.* Ita Nazianzenus de solis pene Episcoporum subscriptionibus meminit. Ita apud Augustinum quiritabantur Pelagiani, à simplicibus Epi-

VIII. Subscribere solos Episcopos solennius fuit.

scopis sine congregatione Synodi in locis suis sedentibus extortas esse subscriptiones. Nimirum grex in Pastore, Ecclesia in Pontifice est: Laïci, & Clerici, & Monachi omnes *Ecclesia filij sunt. & unum Patrem, post Deum, habent Episcopum*: ideo, *sequuntur auctoritatem Episcopi*, & eo subscribente, censentur subscribere. Vt Synodus enim vniuersalem, ita Episcopus quilibet particularem suam Ecclesiam in Synodo repræsentat.

IX Si qui tamen obliquis de fide suspicionibus agitantur, subscribere cogebantur Clerici, Monachi, Laïci.

Sicubi tamen exagitati fuerant iniquioribus suspicionibus seu Clerici, seu Monachi, seu denique Laïci, horum quoque subscriptiones elicere in vſu fuit. Ita Hieronymus suprà ab Origenis defensoribus referebat chirographa exigì, quos exemplo Rufini, Melaniæ, Monachorumque Ægypti, facile coniicitur episcopalibus infulis non radiaſſe. Ita ipse Hieronymus, cum monastici instituti collegis, vrgebatur subscribere, & subscribebat, vt vellent. Ita superius Monachos, nempe Archimandritæ Eutycheti suffragari vt cumque suspectos, iubebat subscribere Flavianus. Ita in damnationem Chrysostomi, etſi præter ius damnati, subscribere paſſim cogebantur, quod ne fiat ab innocentia ſua conſciis quibuſlibet, deprecatur. Non pœnitebit adſcripſiſſe, quæ in rem iſtam diſputat Ferrandus Diaconus, ad calcem epiſt. ſuae ad Pelag. & Anàtol. perſtringens, vt opinor, Iuſtinianum, qui ſua ab omnibus paſſim placita ſubſcribi extorquebat: *Poteſt vnusquiſque rectam prædicans fidem, quod ſentit, ſcribere: non autem ad ſubſcribendum, quæ ipſe ſcripſerit, alios pronocare. Quantum laborauerunt in prædicatione verbi poſt Apoſtolos ſanctiſſimi illi præclarique doctores, quibus per ſpiritum ſapientia & ſcientia conceſſerat Dominus docere Catholicos, & hæreticos expugnare? Libros tamen ſuos à nemine ſubſcriptos poſteris reliquerunt. Conſideremus quid B. Apoſtolus moneat: Propheta duo, vel tres dicant, & cæteri examinent. Nunquid dixit, ſubſcribant, aut ſubſcribere compellantur? &c. Præcipit Scriptura, Audi, fili, legem patris tui, & ne ſpernas conſilium matris tuae. Lex enim patris fulget, quantum mihi videtur,*

detur, in canonicis libris : consilium matris in vniuersalibus Conciliis continetur : ubi propterà qui conueniunt, tales sacerdotes statuta sua subscribunt, ut dubium non relinquatur à quibus est habita disputatio. Caterùm præter illos qui statuunt, quæ statuenda sunt, nullus cogit ultra subscribere. Sufficere enim indicatur ad plenam confirmationem, si perducta in notitiam totius Ecclesiæ, nullum offendiculum moueant, vel scandalum fratribus : sed Apostolicæ fidei conuenire firmentur, Apostolica Sedis roborata consensu. Non intercedit Ferrandus, quin Sedis Apostolicæ decreta subscribantur, cum solo eius consensu, & reliquæ silentio Ecclesiæ, conualescere in authoritatem œcumenicam & ineluctabilem statuta particularium vel vniuersalium Synodorum existimet, quibus non abnuit subscribi debere. Itaque synodalibus decretis permiscuit Ferrandus constitutiones Sedis Apostolicæ. Sed synodice definitionibus negat subscribere solere, nisi Episcopos qui definierunt, dummodò nullum offendiculum, aut scandalum moueatur. Si qui enim aut clericorum aut laicorum resiliant à decretis quibus vniuersa acquiescit Ecclesiæ, & scandalo sine fratribus : haud dubiò amoliri hoc offendiculum, & chirographo suo suspectam fidem suam approbare compellentur.

Hac chirographorum effusissimâ licentiâ abuti ultra omnes pudoris limites visus est Photius CP. Episcopus, de quo hæc referuntur Synodi 8. act. 7. *Iubente Basilio Imperatore positum est in medio Synodi vas aneum, ad id aptum, plenum igne : & delati sunt in marsupium omnes tomii chirographorum, qui exacti sunt à Photio ab omni sacro catalogo, & ordine Clericorum, tam magnæ Ecclesiæ, quàm earum quæ foris sunt : quamque etiam à magnis, & parvis, & omnibus senatoria dignitatis, & cunctis aliis tam illustribus, quàm ignobilibus, atque iis, qui in omni arte, ac disciplinâ, & diuerso studio esse videbantur, usque ad pellarios, & pisces vendentes, & lignarios, & acus facientes, &c. Omnia igni cremata sunt, & redacta in nihilum. Ita homo frontis perfregistimæ. At Hadrianus II. Pontifex in hac ipsâ 8. Sy-*

X. Quàm effusè abusus Photius hæc chirographorum licentiâ : Effusissimè, sed perquàm sanctè usus est Hadrianus Papa in octaua Synodo.

nodo, a^{ct.} 1. libellum, seu formulam confessionis Constantinopolim missam, effecit ab omnibus Clericis scribi. Ita enim ibidem ad marginem adscriptus Anastasius Biblioth. Archiepiscopi, Metropolitan, & ceteri Episcopi Constantinopolitana diœcesos, nec non & omnes omnino Clerici, qui vel in honore, vel in communione essent, symgraphum Sedi Apostolica Græcè scriptum, & tam propria manu scripto, quàm testium à se rogatorum testimonio, & subscriptione roborauere, nomina & tempus signantes, quo singuli chirographum suum scribebant, & Sedis Apostolica vicariis porrigebant. Ita ut nullus Antistitem vel reliquorum Clericorum in synodalem fuerit conventum receptus, qui non secundum huius exemplar codicillis chirographum scripsit, &c. Suspiciata statim est Græcorum leuitas, hac chirographorum seruitute subiugari Constantinopolitanam Ecclesiam Romanæ. Itaque furtim eorum partem sustulere. At reddi sibi ab Imperatore expugnarunt Vicarij Romanæ Ecclesiæ, qui ad unum omnia restituens, dixit: Ego quidem, ut magistrum ecclesiasticorum negotiorum Sedem Apostolicam per meos legatos adi; & ideo vestram præsentiam præstolatus sum, ut vestro decreto & solertiâ, Ecclesia nostra remedia sanitatis reciperet, & nos non nostris motibus, sed vestra sententia pareremus. Ergo chirographa, quæ à nostris sacerdotibus, & cunctis Clericis salubriter exegistis, recipite; & spiritali nostro Patri sanctissimo Papa representate. Ita ut si quis eorum per abrupta visiorum vel deuia prauitatum solito incedere more tentauerit, his quoddammodo habenis ab eo refranetur: & talibus loris ad rectum instituta tramitem reuocetur. Chirographorum hîc perspicua utilitas, imò & necessitas est, quæ non ab Episcopis tantum, sed à Clericis etiam singulis eliciantur, ut his veluti habenis officij metas transilire inhibeantur. Néc causetur quis rariùs id antè, aut nunquam factitatum fuisse. Nam ut author est Augustinus, nouas temperare medicinas cogunt noua in dies morborum experimenta. Synodus denique ipsa octaua a^{ct.} 9. è nobilibus laicis Leonem consulem adegit anathema Photio dicere: & quanquam

exciperet ille se laicum esse, Photium orthodoxum esse, anathema non illidi, nisi in hæreticos, *Quis sum ego, ut anathematizem? Anathematismus in causâ fidei sit: at verò Photius orthodoxus est.* Urgentibus tamen legatis, opera eius omni hæresi peiora esse: morem gessit his verbis: *Cum vos iudicetis fieri & exceptâ hæresi anathematismum, anathematizo & ego cunctos, quos anathematizauit sancta hac & vniuersalis Synodus.* Denique act. 10. post subscriptiones omnium Episcoporum: *Interrogati Magistri & omnes Patricij, quid de sanctâ & vniuersali Synodo existimarent: vel quomodo eam subscriberent? Theodorus magnificentissimus Proconsul, & Magister dixit ita: Omnia, quæ facta sunt à Photio contra Ignatium, & Nicolaum, anathematizans: & hanc sanctam & vniuersalem Synodum recipiens: recipio, quos recipit: & anathematizo, quos anathematizat. Similiter Christophorus, &c. Et deinceps unusquisque prænominatorum in sessione Patriciorum secundum hæc edidit ore proprio per viam vocem sensum suum, velocibus Scriptoribus excipientibus quæ dicebantur ab unoquoque ipsorum, quæ etiam lecta sunt in audientiam omnium. Ita laici suo quodam ritu subscribere.*

Quanta denique obsequendi necessitas immineret, vbi hæc chirographa legitimus Præsul flagitabat, otiosum iam penè foret prosequi. Ex antedictis enim omnibus, id quoque refulgebat. Origenis deliramenta scâtos, aut eius suspensionis aurâ afflatos, contrario dogmati subscribere vt fugitarent, vt cogerentur; suprâ Hieronymus docuit. Prouocabant enim orbis auctoritatem, vt subscribendi necessitatem differrent: verbis rem transigere moliebantur, quæ etiam cum iuramento adhibita facile auolarent; sed ad subscriptionem tergiversabantur, querebantque suffugia. Denique ita à Catholicis Antistitibus urgebantur, vt aut scribendum esset, aut exeuendum de Ecclesiâ. Nimij quidem erant, & plus æquò morosi, qui Hieronymum cum consortibus in tres Hypostasas subscribere adigebant, subscribentibus non credebant eisdem: sed hinc quoque necessitas elucet subscribendi. Epistolæ

XI. Quanta obsequendi necessitas immineret. Vbi & duplex obiectio diluitur ab Augustino & Chrysostomo petita.

Leonis toto orbe subscriptum est, pronunciante Synodo Chalcedonensi, *hæreticum esse* qui non subscripserit. Ei etiam ut subscriberetur à Gallicanis Episcopis ipsum præcepisse, conicere fortè quis posset ab exemplo consimili Martini Papæ I, qui an. 650. ad Episcopos Galliarum acta Synodi Romanæ contra Monotheletas mittens, ait: *Studeat fraternitas tua eadem omnibus innotescere, ut tam abominandam hæresin nobiscum execrentur, atque synodali conventionem omnium fratrum, & Coëpiscoporum nostrorum partium illarum effectâ, secundum tenorem Encyclicæ à nobis directæ, scripta unâ cum subscriptionibus vestris nobismet destinanda concelebrent, confirmantes, atque consentientes ei, quæ pro orthodoxâ fide à nobis statuta sunt.* Ita & Leo II. postea ad Patres Concilij Toletani XIV. subscribenda misit acta sextæ Synodi œcumenicæ. Quibus exemplis in more positum id fuisse generatim non immeritò persuadetur. Denique cum Hieronymo supra, vel subscribendum, vel de Ecclesiâ exeundum, sentit Hincmarus Rhemensis Episcopus ex communibus & vulgatissimis ecclesiasticæ disciplinæ præiudiciis l. de prædest. cap. 38. seu Epilog. c. i. *Si quis secus sentiens, secundum formam in proximè distinctis capitulis, ex authoritate ecclesiasticâ comprehensam, episcopali consensu, vel synodali decreto, eructo per omnia privilegio sanctæ, Catholicæ & Apostolicæ Romanæ Ecclesiæ, & ipsius in toto orbe terrarum primæ Sedis Pontificis, consentire: & cum sanctâ, Catholicâ & Apostolicâ unitate suscipere, siue subscribere detrectauerit, ipse ab eius se compage, & unitatis secernet communione, cuius esse noluerit socius disciplinæ. Nam semper sic habuit Catholica omnis Ecclesiæ, ut qui in una communione consentiunt, uno dogmate & una charitate, uno teneantur assensu.* Nec moror, quâ hæc in causâ scripserit Hincmarus, regulam ipsam intueor ecclesiasticæ disciplinæ omnium Catholicorum animis infixam & præiudicatam. Nec his obstrepunt, quæ Chrysostomus exulaturus, ad Episcopos suarum partium dixit, ita quiritantes: *Necessariò, si Ecclesias tenuerimus, communicare cogemur, atque sub-*

scribere. Ad quos ipse: *Communicate quidem, ne scindatis Ecclesiam; verum nolite subscribere. Nihil enim mihi conscius sum, propter quod deponi, aut deiici merear.* Hæc refert Palladius, & totidem penè verbis Cedrenus. Hincmarus quippe subscriptione *unitatem dogmatis & communionis* significandam urgebat: at in causâ Chrysostomi nihil dogmatis controuertebatur. Ad hæc qui aduersus Chrysostomum sententiam dicebant Episcopi, & ab illo recusati fuerant: & non multò plures, vel pauciores etiam erant, quàm qui eius innocentia suffragabantur: & denique Occidentalium omnium Episcoporum multitudi-
ni, Romanæque Sedis principatui impares admodum erant, quorum beneuolentiam & suffragationem Chrysostomo aspiraturam nequaquam ambigebatur, vt amicorum eius omnium fuga in urbem Romam argumentò fuit. Denique præter ipsius Chrysostomi sententiam, imò secundum illam, sed postea in contrarium flexam, non negari tantum subscriptionem, sed communionem etiam scindi necessum fuit, vt supra demonstratum. Ergo tunc subscriptio negata, & neganda fuit, cum non de dogmate quærebatur: cum suspecti & meritò recusati iudices: cum pauciores; cum aduersam Occidentalibus omnibus & plerisque Orientalibus, & ipsi imprimis primæ Sedi sententiam præcipitarunt: cum denique commiserunt, vt etiam communio scinderetur. Nec nos præterit, quod scripsit Augustinus lib. de verâ religione cap. 6. *Sæpe etiam sunt diuina Proidentia per nonnullas nimium turbulentas carnalium hominum seditiones, expelli de congregatione Christianâ etiam bonos viros. Quam contumeliam, vel iniuriam suam cum patientissimè pro Ecclesia pace tulerint, neque ullas nouitates vel schismatis vel hæresis moliti fuerint: docebunt homines quàm vero affectu & quantâ sinceritate charitatis Deo seruendum sit. Talium ergo virorum propositum est, aut sedatis remare turbinibus; aut si id non sinantur, vel eâdem tempestate perseverante, vel ne reditu suo, talis aut sanior oriatur, tenent voluntatem consulendi etiam eis ipsis, quorum mo-*

tibus, perturbationibusque cesserunt; sine ullâ conventiculorum segregatione, usque ad mortem defendentes, & testimonio innantes eam fidem, quam in Ecclesiâ Catholicâ predicari sciunt. Hos coronat in occulto Pater, in occulto videns. Verùm neque in hac specie, de fide aut de dogmate controuersia est. Sed cùm non propriâ tantùm confessione, sed etiam testium aut quarumcumque probationum conuictione tunc temporis, vel publicæ manciparentur pœnitentiæ, vel ab Ecclesiâ funditus eiicerentur: contingebat non raro, vt falsis & coniuratis testibus productis, quos infirmare non posset, vel turbulentâ plebium seditione opprimeretur quis, & expelleretur ab Ecclesiâ, impactis sibi criminibus, à quibus purus esset. Si fidei enim causa verteretur, quàm facile tempestas illa carnalium hominum sedaretur & seditio, fidei Catholicâ coram Episcopo professione, quod non perinde expeditum est, vbi alia scelera affinguntur? Ad hæc, *carnalium hominum seditiones, turbines, tempestates, perturbationes*, vix ac nec vix quidem dicerentur, potissimùm ab Augustino, episcopales seu conuentus, seu definitiones, quibus subscribere quis auersabundus, ab Ecclesia execari mallet. Adde quod *viros bonos* ita eiici ait Augustinus, non viros orthodoxos, vt ad mores, non ad fidem spectare eam accusationem constet. Praterquàm ait eos postquàm eiekti sunt à limine Ecclesiæ, *nullas tum schismatis vel hæreseos nouitates moliri*: non ergo antequàm eliminarentur, nouabant quid, aut videbantur in fide nouare. Quod magis & hinc dilucet, quòd ait eos etiam extorres *testimonio suo innare eam fidem, quam in Ecclesiâ Catholicâ predicari sciunt*. Non ergo de fide rei agebantur: sed de aliis criminibus, quorum ergo non pauci olim ab Ecclesia abacti, tum demum ad hæreses parturiendas adgressi sunt. Ideo aduersus falsos testes crebra olim Canonum statuta, crebra de conuictis per aliena testimonia & ad excommunicationem subeundam adactis mentio. Hæreseos autem criminatio si cui illidebatur, quia ex maioribus hæc causis erat, ad

Synodos & ad summos demum Pontifices recurrere, & infestam à Sycophantis innocentiam tueri dabatur. Conspiratione autem Episcoporum, vel episcopalium conventuum, immerentem quem hærescos damnari, eique Ecclesiâ, conscio & silente, & ad innocentiae defensionem cessante reliquo per orbem episcopali collegio, inauditum id quidem prorsus est. Quare de eo non diceret, quod idem mox ibidem subiicit Augustinus, *Rarum hoc videtur genus, sed tamen exempla non desunt: imò plura sunt, quàm credi potest.* Plura certè erunt, quàm credi potest, si de cæteris facinoribus & falsis testibus sermo sit, non si de hæresibus aut dogmatum causis. Finimus est superiori & iste eiusdem locus in Psal. 75. *Si fortè contigerit aliquis tumultus aduersus montes in Ecclesiâ, aut per populares seditiones carnalium, aut per aliquas falsas suspensiones hominum, bonus mons repellit à se omnes, qui propter ipsum volunt ab unitate recedere.* Non fides, non Episcopi his verbis insinuantur, non episcopalis authoritatis manifesta detrectatio, sed hominum falsæ suspensiones, & populares seditiones carnalium.

Deditâ autem operâ admonui, tum inévitablem incumbere subscribendi necessitatem, si legitima iubeat potestas, vel fraterna, si fors ut Hieronymum, & socios, Basilij forsan etiam Coëpiscopos, charitas. At si in causa ecclesiastica Imperator, qui sequi debet ut ovis, anteire & ducere pastores occipiat, & subscriptiones extorqueat: tum enimverò alia ineunda ratio est, ut vel pro veritate contra mendacium decertetur: vel si veritati patrocinetur temeritas, nec dogma sanum, sed ordinem rectum intervertat: tum aut pro libertatis ecclesiasticæ tuitio- ne ineatur pugna; aut contemplatione pacis, & unitatis compensatione, dispensatoriè necessitati serviatur. Horum splendida sunt exempla in Sextæ & Quintæ Synodi monumentis. Nam Ethei suæ subscribi Heraclius cum iussisset, & consensisset Pyrrhus, ut refertur consult. 4. Lateran. Synodi sub Martino I. *Sicuti magnum Impera-*

XII. Sicuti Imperator præcur- reret Synodis, & subscriptiones exigeret: si contra fidem, resti- tum est: si pro fi- de, aliquando ex amore disciplinæ & libertatis, re- stitum: sæpius ex dispensatione & pacis charitate obtemperatum.

tor & adinuentor sublimium, &c. Competenter igitur & nos, sequentes eiusdem virtutem & constructionem eius dogmatica & à Deo inspirata doctrinae, &c. quatenus inconcessam permaneat eius regale imperium, &c. determinimus Episcopos qui necdum imperialis praedicationis insinuationi subscripsisse probantur, ut proprias subscriptiones post nostram subscriptionem actibus subiungere debeant. Imperatoria potestas praeire Episcopis, & veritatem adulterare moliebatur per nefarias subscriptiones; infractis animis Catholici reluctati sunt. At Iustinianus citra fidei dispendium, fortè etiam cum aliquo fidei compendio, in trium Capitulorum damnationem subscribere iussit, non expectatà eà quæ antecedere debuerat, pontificiâ authoritate: nefandâ ille quidem tempestate Christianum orbem quassauit: at Episcopi orthodoxi, & officij metas non præteruecti, partim resistere, ut libertati ecclesiasticæ semet impenderent: partim cedere, ut vnitati consulerent; & huic tandem omnes accessere dispensationi, vnitatis sospitatrici, nec peremptrici veritatis. Pauca describo ex edicto fidei contra Origenem, ut similia decreuisse circa tria Capitula Iustinianum ne ambigas: Ita ergo ille ad Menam: *Hanc epistolam ad tuam beatitudinem dedimus, quâ eam hortamur, ut omnium qui in hac regiâ urbe degunt, sanctissimorum Episcoporum conuentum habeat, ac praefectorum monasteriorum: faciatque, ut omnes in scriptis Origenem; & eius dogmata anathematizent: exemplaue dimittas eorum, quæ à beatitudine tuâ ob hanc causam gesta fuerint ad alios omnes sanctissimos Episcopos, Praefectosque monasteriorum, ut & ipsi subscriptione propriâ anathematizent. In posterum autem ne aliter ordinentur Episcopi, aut monasteriorum Praefecti, nisi prius, &c.*

XIII. Idem rursus probatur exemplo Quintæ Synodi.

Ægrè quidem, sed manus tamen dedere Orientales Episcopi subscribere iubenti in damnationem trium Capitulorum Imperatori, certi nullum fidei orthodoxæ creari periculum; dubij tantum & trepidi, ne saltem levis aliqua inureretur infamia Synodo Chalcedonensi, quæ ab eorum damnatione abstinuisset. Rem gestam

Iustinianus

Iustinianus ipse modicius narrat in sacra ad quintam Synodum data, quæ in eius collatione prima radiat: Nos sequentes sanctos Patres, & volentes sanctam fidem sine aliqua maculâ in Dei Ecclesiis predicari, & impiorum conatum refecare: primum quidem & in vestris vos degentes Ecclesiis interrogauimus de predictis impiis tribus capitulis: & vestram nobis voluntatem manifestam fecistis: pro quâ & comprobauimus, quod indubitanter & cum omni alacritate rectam fidem confissi estis, & impiam condemnastis. Quoniam verò & post condemnationem à vobis factam, in eisdem ipsis permanent quidam, &c. Non dissimulat ducem se fuisse, vbi Episcoporum vestigia premere debuerat: vim cuiquam à se factam ad extrudenda chirographa negat, quod sexcentis aliunde tamen testibus indubitatum est. Vnus in medium prodibit Facundus Hermian. Episc. lib. 4. cap. 4. Primus confirmator eorum Menas Constantinopolitanus Episcopus, cum adhuc contaretur scripto, sicut praeceptum fuerat, præbere consensum: contra Synodum Chalcedonensem fieri protestatus est. Sed & postea quàm consensus, à Stephano Ecclesie Romanae Diacono & Apocrisario conuentus, cur priori sententia sua contrarius acquiesceret his, quæ antè culparat, & de quibus se nihil acturum sine Apostolicâ Sede promiserat: sub eâ se conditione cessisse, & iuratum sibi fuisse respondit, quod Chirographum suum reciperet, si hæc Romanus Episcopus non probaret. Et infra: Zoilus quoque Alexandrinae urbis Antistes, cum Romanum Episcopum venire cognosceret, obuiam illi ad Siciliam misit, conquirens necessitate se ad ipsius decreti affirmationem fuisse compulsum: quod hic ei, postquam venit, idem Romanus Episcopus in facie palam, nobis quoque inter alios presentibus, exprobravit. Et infra: Iam verò de aliarum ciuitatum Episcopis quid loquamur, qui & cum scribere compellerentur, palam reclamauerunt contra magnam Synodum fieri; & post subscriptionem, memorato Stephano Romano Diacono libellos dederunt, Sedi Apostolicæ transmittendos; confitentes in eis, quod à Constantino-politano Episcopo coacti subscriberent.

Ex his 1. patet & præfestinato Imperatorem incon-

H h h

XIV. Summa
Romani Pontificis

cis auctoritas in
subscriptionibus
exigendis.

sultis, inò renitentibus Episcopis decreuisse, & ipsis pòst ad subscribendum vim intulisse. 2. Patet non persuasos, sed suspicatos fuisse Episcopos, Chalcedonenſi Synodo contumeliam fieri, eiusque non quidem fidem, sed auctoritatem conquassari. Nam factorum & personarum quæstionibus fidem non contineri gnari erant utique. Deinde si fidem certò scissent euerſi, non à consensu vel dissensu Romani Præſulis hæſſent ſuſpenſi. Denique exitu conſtitit nil derogatum fuiſſe Concilio Chalcedonenſi, nec his extortis ſubſcriptionibus quenkum in hæreſeos crimen vocatum eſſe. 3. Patet perſuaſos fidem nil periclitari, maiestatem Concilij Chalcedonenſis concurſu dubios, ita tunc Orientales Episcopos vrgentiſſimæ neceſſitati ex diſpenſatione obſecutos eſſe, vti poſtea Occidentales. Itaque quia diſpenſatione vti, vel non vti pro temporis, loci, rerum, personarumque contemplatione conſentaneum eſt: non abs re cenſebimus pari ferè laude cælendos tunc fuiſſe Episcopos, etſi longè diſparia, & aduerſa potiùs conſilia capeſſerent. In eadem enim re diſpenſationem illi ſectabantur, hi iuris vigorem, & aſperitatem Canonum. Quod ab illis nempe, vt periculo viciniſſimis, æquius eſſet formidari, ne vis & potestas imperatoria, ſeuerioris diſciplinæ obice, non tam cohibita, quàm offerata, impotentiùs efferueſceret, & in Eccleſiæ perniciem inflammaretur. 4. Patet vel Orientalibus Episcopis perſuaſiſſimum fuiſſe, fidei & diſciplinæ incolumitatem à primæ Sedis auctoritate aptam religatamque pendere: & ſubſcriptiones quicumque meritò improbari, quæ illi diſplicerent: probari, quæ placerent. Ita enim Conſtantinopolitanus Episcopus primùm nihil nouare decreuerat ſine Sede Apoſtolicâ: deinde ſcribere compulſus, paruit neceſſitati, ſed iurata hæc ſibi conditione, vt chirographum ſuum reciperet; ſi hæc Romanus Episcopus non probaret. Ita Alexandrinus, ita cæteri Episcopi ſubſcribere coacti, ad Sedem Romanam continuò libellos dedere, coactos ſe ab Episcopo Conſtantinopolitano

contestantes; sed & id insinuantes, vt Episcopi Constantinopolitani, ita & sua omnium chirographa, ab vno illius nutu pendula nutare, vnoque illius dissensu irritanda. 5. Patet nutu Apostolicæ Sedis, eiusque inclinatione & Occidentem & Orientem in has subscriptiones actum esse. Nam ante Synodum non subscribere Orientales, nisi eâ conditione, si ea Episcopo Romano probarentur, ab eo interpositâ, qui omnes ad scribendum reliquos compulit. Nec iidem in Synodo consentire, nisi antè Imperator docuisset, damnata à Vigilio ipso esse tria Capitula. Occidentales verò tandiu damnationi trium Capitulorum obluſtati sunt, quandiu ducem habuere Pontificem Romanum. Vbi huic dispensatio allubuit, in eam sensim omnes concessere. Ita enim summa rerum, & consiliorum finis, exitusque perpendi debet, in quem omnes tandem consentiunt, & inde negotiis aptanda, temperandaque iudicia nostra sunt: non ex dubiis quibusdam verbis, aut consiliis in angulo susurratis, abiectisque ex animo mox eorum ipsorum, qui vacillarunt antè aliquandiu, quàm certum & destinatum quid amplecterentur. Ita sanè in Synodo de diuortio Lotharij & Theutbergæ habita, vt refert Nicolaus I. epist. 58. *Cùm Episcopi qui conuenerant, subscriberent eadem gesta, imò per ea flagitium roborarent: ventum est ad quendam fratrum & Coëpiscoporum nostrorum, qui tantum vsque ad nostram deliberationem subscripsit eadem gesta seruanda. Quod cernentes Teugaudus & Guntharius, arrepto cultello, omne quod Antistes prouidus ad deliberationem nostram seruandum esse descripserat, rasescere, nomine solo Episcopi relicto.*

Postremò denique, vt præcurrere non debet vnquam Imperator episcopalibus definitionibus, sed succurrere: accedere, non præcedere: ita vbi synodicè quid definitum est, obstrepere posthac, & extorquendis subscriptionibus contrariis aduersari non debet. Ita Basiliscus tyrannus Encyclicis suis in orbem sparsis Concilium Chalcedonense damnari fecit *quingentorum circiter Episcoporum*

XV. Nec aduersus res semel definitas chirographa extorquere debet Princeps.

subscriptione, ut refert Euagrius lib. 3. cap. 5. Longè aliter Leo Imperator omnium orbis Episcoporum subscriptionibus Concilium Chalcedonense confirmari curauerat: itemque post Iustinus. Vnde Rusticus Ecclesiæ Romanæ Diac. Cardinalis in disputatione aduersus Aceph. *Licet numero superat uniuersas Chalcedonensis Synodus, toties cunctarum Ecclesiarum consonâ sententiâ confirmata est, tam per encyclicas epistolas regnante Leone, quàm per libellos sacerdotum forsàn duorum millium & quingentorum, imperante Iustino, post schisma Petri Alexandrini & Acacij Constantinopolitani.* Cum laude enim Imperator semper Canones sequitur, & exequitur: cum dedecore semper anteuerit, aut euertit.

XVI. Post subscriptiones omnis iam ex animo excutienda est priorum suspicionum nube-cula.

Quod autem post subscriptionem pergunt adhuc quidam scrupulosis indulgere suspicionibus, & residere fæces adhuc aliquas haustarum semel opinionum, vel ne haustarum quidem, sed falsò affictarum, imaginantur; importuna ista quidem est non iam suspicionum, sed calumniarum effrænitās. Amarulentè suprà Hieronymus de trium hypostaseon procacibus defensoribus expostulabat, *Confiteor, ut volunt: non placet. Subscribo, non credunt. Vnum tantum placet, ut hinc recedam.* Nec enim expressius vllum aut indubitatiū conscientiæ & fidei argumentum, vel imperauit vsquam Ecclesia, vel hæreticâ perfusi fuligine detrectarunt, quàm subscriptionem. Idem suprà de Origenis fautoribus: *Hoc vel maximè cauent, nequando contra auctorem suum eorum scripta teneantur. Facile dicunt cum iuramento, quod postea alio soluant perituri. Ad subscriptionem tergiversantur, queruntque suffugia.* Itaque subscriptio extremum erat & veluti peremptorium cauterium, quod vel hæresi, vel hæreseos infamiæ aut suspicioni exurendæ adhibebat Ecclesia, quod vel hæretici, vel suspecti summopere, & vltra iuramentum etiam refugebant. Vnde idem item: *Si quando urgeri ceperint, & aut scribendum eis fuerit, aut exeundem de Ecclesiâ, &c.* Nec sum nescius, quid Basilii epist. 59. Occidentalibus scri-

bendum scribat, *Ne sine discrimine quorumvis communionem ex Oriente venientium accipiant: nec cuius sub prætecto orthodoxæ doctrinæ, fidei formulam scribenti, adstipulentur. Nam isto pacto deprehendentur cum adversariis facientes, qui eadem sæpènumquàm verba prætexunt quidem, inter se verò pugnant, ut qui plurimum diuisi, dissidentesque fuerint. Nec hoc tamen Basilij testimonio vel fides subscriptionum eneruatur, vel authoratur suspiciosorum hominum importunitas. Largiamur id enim, ut verba dare potuerint Occidentalibus Orientales: utpote peregrinarum stropharum rudibus, & inexpertis: at Orientales Orientalibus, Occidui Occiduis imponere non poterant: Basilio Orientales sui fucum non faciebant: quomodo enim potuisset de eorum fraudulentia Occidentales commonefacere? Deinde cum, ut aiebant suprâ Patres Chalcedonenses, Basilius ipse literas de fide scriberet, & Coëpiscoporum eliceret subscriptiones: his utique ille non dubiam fidem adiciebat. Adde quod eorum Basilidis protelandas monet ab Occidentalibus subscriptiones, qui in Oriente ab orthodoxorum communione execti erant. Denique subscriptiones vel fidei confessiones eas improbat ibi Basilius, quas sui ipsi Marte, non sine fuce proinde scriptitabant; nequaquam eas verò quæ ab orthodoxis Episcopis adversus vafritiem & artes sectariorum temperabantur, atque ut ipse concludit, κατὰ τὸν τύπον τῆς ἐκκλησίας, iuxta formulam ecclesiasticam. Alioqui quo Nicæni Patres ab Eusebianis, quo Chalcedonenses consilio & fructu ab Eutyrianæ dementiæ affinibus aut suspectis, quo Hispanienses Pontifices adversus Priscilliani, Afri & Romani adversus Pelagij, Galli adversus Pelagianarum reliquiarum venena subscriptiones exigent, ut suprâ memoravimus: quo à Græcis omnibus Hadrianus Papa; quo, ut ne longum faciam, omnes penè Synodi, Patresque hanc unam esse voluerint amissam fidei probandæ, aut eiurandæ hæreseos, si postea æquè locus superfit suspitionum vel calumniarum iniquitati? Vide quid Leo præci-*

piat epist. 85. & 86. ad Nicetam Aquilei. Episc. de Pelagiani erroris suspectis, ut qui ex Pelagianorum consortio ad Ecclesiam redissent: *Damnent apertis professionibus sui superbi erroris auctores, & quidquid in doctrinâ eorum uniuersalis Ecclesia exhorruit, detestentur: omniaque decreta synodalia, quæ ad excisionem hærescos, Apostolica Sedis confirmant auctoritas, amplecti se, & in omnibus approbare, plenè & aperte, & propriâ manu subscriptis protestationibus eloquantur.* Hæc accuratissima est, & solertissima, omnibusque Ecclesiæ Catholicæ Synodis ac Pontificibus hætenus usurpata fidei sincerissimè profitendæ, & abstergendæ vel hærescos, vel suspicionis diligentia.


XVII. Subscriptiones apertæ, puræ, plenæ, simplicesque esse debent, ut nihil in animis residere suspicionum sinant.


Ex antedictis denique emergit id quoque, solemne & usitatissimum fuisse, fidei formulis subscribi citra additamentum ullum, aut citra eiusmodi saltem, quo vetus confirmaretur, aut noua crearetur illis suspicio, quorum gratia & æstimatio subscriptione recolligebatur, siue confirmabatur. Sic Basilius suprâ docebat, fucum facere aduersarios Ecclesiæ, dum in subscribendo eadem sæpenumerò verba prætulerunt, pugnant verò ut qui maximè. Et ita hæresis, per ipsorum scripta, quæ prætulerunt & obicere solent, incantatos seducit. Sic & Hieronymus aiebat, Origenis admiratores nimios, ubi vel exeundum de Ecclesiâ, vel aduersus eum scribendum imperitabatur, *mixas strophas egisse. Sic verba temperant, sic ordinem vertunt, & ambigua quæque concinnant, ut & nostram & aduersariorum confessionem teneant, ut aliter hæreticus, aliter Catholicus audiat.* Et idem ad eundem Pammachium adu. error. Orig. *Aus simpliciter nostra fateatur, aut aperte defendat aliena. Nolo verborum ambiguitates; nolo mihi dici, quod & aliter possit intelligi. Reuelatâ facie gloriam Domini contemnemur. Claudicabat quondam & Israëliticus populus in utroque pede. Elias qui interpretatur Fortis Domini: Usquequo, ait, claudicatis in utroque vestigio? Si Dominus est Deus, ambulate post eum: si autem Baal, sequimini eum. Et ipse Dominus de Iudeis, Filij alieni mentiti sunt mihi, filij alieni inueterauerunt, & claudicauerunt à semitis suis.*

Certe si hereseos nulla suspicio est, ut cupio & credo, cur non verbis meis meum sensum loquitur? Quam ille simplicitatem vocat, ego malitiam interpretor. Persuadere mihi vult, quod parè credat: parè ergo & loquatur. Hæc Hieronymus aduersus Ioannem Hierosolymitanum Pontificem, monachis de fide suspectum & purâ simplice confessione illis se purgare fastidientem. Vt idem Episcopis & amplius iuris esse in alios quoslibet intelligas. Et rursum: Quæ ista simplicitas est, quasi super ova & aristas inter theatrales prastigias pendenti gradu incedere, ubique dubium, ubique suspectum? Putes eum non expositionem fidei, sed figuratam controuersiam scribere. Etiam si bene credit, & circumspicere & timide loquitur, suspensionem mihi facit nimia diligentia. Qui ambulat simpliciter, ambulat confidenter. Stultum est frustra infamiam sustinere. Obiicitur ei crimen, cuius non habet conscientiam. Ergo crimen quod totum pendes in verbo, neget confidenter, ac liberè faciat inuidiam aduersario suo. Sic ille inuidiam facit Origenis defensoribus, confessiones & subscriptiones eas concinnantibus, quibus suspensiones de suâ fide magis confirmarent. Sic & Leo supra ab illis qui Pelagianâ ignominia laborabant, exercebat plenas, & apertas, & propria manu subscriptas protestationes. Nihil in verbis eorum obscurum, nihil inueniatur ambiguum. Quoniam nonimus hanc istorum esse versutiam, ut in quâcumque particulâ dogmatis execrandi, quâ se à damnatorum societate discreuerint, nihil sibi sensuum suorum existiment esse non saluum. Cumque omnes diffinitiones suas ad subrepentem facilitatem improbare se simulent, atque deponere; hoc sibi totâ arte fallendi, nisi intelligantur, excipiunt, ut gratia Dei secundum meritum dari accipientium sentiantur. Et infra: Qui correctos se videri volunt, ab omni suspitione se parcent; & obediendo nobis, probent se esse nostros. Figuratis portò & ambiguis confessionibus iudibrio habere Ecclesiam, sequaces suos olim prædoceuerat Pelagius ipse, de quo Augustinus lib. de pecc. Origen. cap. 21. Itaque & ista eius verba Romam pro magis eius purgatione transmissa, tam sunt ambigua, ut possint eorum dog-

*mati prabere latibula, unde ad insidiandum profiliat hereticus
 sensus. Et ipsi Papæ Zosimo penè imposuerat Pelagius,
 sed Afrorum industriâ fraudes eius nudatæ sunt: Visus
 est ad tempus aliquid dicere, quod fidei Catholica conveniret:
 sed illam sedem usque in finem fallere non prevaluit. Fallebat
 autem ille hoc potissimum fuco, quòd se literis Innocen-
 tij Papæ assentiri testaretur, Quibus de hac re dubitatio tota
 sublata est: ut ait Augustinus idem lib. 2. ad Bonif. c. 3.
 Sed ex Africa ad Zosimum venerunt literæ, id continen-
 tes, Non sufficere hominibus tardioribus & sollicitioribus, quòd
 se generaliter Innocentij Episcopi literis consentire fatebatur: sed
 aperit eum debere anathematizare, quæ in suo libello prava po-
 suerat. Itaque parum fuit subscribere literis Innocentij,
 etsi illis omnis dubitatio tolleretur: sed ad amoliendas
 hominum suspiciones, opus fuit, libelli ipsius obliqua &
 prava eiurari: alioqui videri posset, non tam suam sen-
 tentiam Innocentij literis accommodasse, quàm Inno-
 centij literas in suæ obliquitate sententiæ captivas tra-
 xisse. Quid æquius in speciem, quàm quòd Ariani dete-
 stari se simulabant solam offensionem vocis τῶ ὀυνοῦ,
 quam Antiocheni Patres non ita pridem proscripserant?
 Et tamen per illos cuniculos veritas subvertebatur, teste
 Hieronymo, vbi suprâ: Et Ariani multo tempore propter scan-
 dalum nominis οὐνοῦν se damnare simulabant, venenaque er-
 roris circumliniebant melle verborum. Sed tandem coluber se tor-
 tuosus aperuit; & noxium caput, quod spiritus totius corporis te-
 gebatur, spiritali macrone confessum est. Quibus ex omnibus
 id sanè efficitur, vel fidei formulis ab episcopali colle-
 gio trutinatis ita purè & simpliciter subscribendum esse,
 quod posteriori ævo magis obtinuit: vel quod olim erat
 frequentius, ita plenam & apertam suo cuique sensu scri-
 bendam esse confessionem, ut omnis vel obtusioribus,
 vel perspicacioribus amputetur suspicio: ut in libello Le-
 porij olim presbyteri liquet, de quo Facundus Herm.
 lib. 1. cap. 4. Scripsit libellum satisfactionis Leporius ad Gal-
 los Episcopos, quem venerabiles Patres, Anrelinus atque Au-
 gustinus*

gustinus & ceteri sic probauerunt, ut ad faciendam veritatis fidem, suas ei subscriptiones adicerent. Epistolæ Leonis Chalcedone, & alibi Synodis subscribentes Episcopi, multa sæpe addidêre, sed quibus fidei confessio, eiusque authoris, siue Pontificis, siue Concilij, mens & consilium magis, magisque roboraretur. Exceptiones & derogantes clausulæ appositæ sunt aliquando, sed illæ nimirum ubi necessitati magis, quàm voluntati parebatur, & tum ad summorum Antistitum authoritatem religatæ sunt. Sic enim Vicarij Romanæ Sedis subscripsere octauæ Synodo, usque ad voluntatem Hadriani summi Pontificis. Sic Episcopus, de quo suprà synodico decreto de diuortio Lotharij Regis & Teutbergæ subscripsit, usque ad deliberationem Nicolai Papæ I. Sic ante Quintam Synodum Constantinopolitanus Episcopus damnationi Capitulorum subscripsit, *Hac conditione, ut chirographum suum reciperet, si hæc Romanus Episcopus non probaret*: teste Facundo Herm. lib. 4. cap. 4. Sed & civitatum aliarum Episcopi, qui cùm scribere compellerentur, palam reclamauerunt contra magnam Synodum fieri; & post subscriptionem Stephano Romano Diacono libellos dederunt, Sedi Apostolicæ transmittendos, consistentes in eis, quòd à Constantinopolitano Episcopo coacti subscriberent. Itaque alterutrum necesse est, vel ea adscribere, quibus iuuetur Pontificum, qui præscribere, sententia, & quibus vel ipsi possint subscribere: vel ea excipere, quibus superiorum & summorum Pontificum authoritas dominetur. Alioqui præposterum est, quorum ut cælitùs institutorum iudicum & Magistrorum decretis subscribas, tuo illos ipsos magisterio, iudicioque, & eorum decreta subiugare.






DISSERTATIO XIII.

IN CONCILIVM ARELATENSE ET LVGDVNENSE

An. 475.

SYNOPSIS.

Quid de his Synodis sentiendum: & an illa Fausti Reiensis Episcopi doctrina suffragata sint? De Fausti doctrinâ & opusculis censura Pontificum, Patrumque. Vsq̃ue ad num. X. An fuerint aliqui Prædestinatiarii heretici? Propius à vero abest, nullos fuisse: aut si qui fuerint, simpliciores illos, & incantos fuisse quosdam, nequaquam hereticos. Num. XI. XII. XIII. Quo animo esse debeamus in huiusmodi tardiores, & ad ardua contumaciter hebetes, ex Augustino, & aliis Patribus, ex Romanis Pontificibus & Synodis. Vbi & eidem navi imponendos ostenditur Faustum, Castianum, & alios quibus Semipelagianorum additum est nomen: ita ut eorum quidam sanctitate præcipui fuerint, & alicubi religioso cultu decorentur. Vsq̃ue ad num. XXX. Complura alia eiusdem rei exempla referuntur, numeris quatuor sequentibus. Denique Zosimus Papa eidem sententiæ ex Augustino consonus ostenditur: ubi tria quadam subnotantur ad occupandas difficultates opportunissima. Num. XXXV.



HARVM Synodorum vnus meminit Faustus Reiensis Episcopus, libris duobus de gratiâ & libero arbitrio, quos in præfatione maximè ad Leontium Arelatensem Episcopum & Arelatensis Synodi

I. De his Synodis
quid sentiendū.

Iii ij

Præsidem, scriptos ipsemet testatur ex iussu & gustu harum Synodorum. His conueniunt epistolæ Fausti eiusdem & Lucidi presbyteri, ad eorundem errorum condemnationem pertinentes.

De his ergo Synodis ita sentio vel consentaneas illas Fausto fuisse, & in eas refundi debere, quæ de Fausto summi Pontifices & Ecclesiæ Patres censuere: vel ab eo dissensisse, & ita nil superesse nobis, quod de illis dicamus, cum de illis vnus scripserit, & mendaciter scripserit Faustus: vel nusquam eas coaluisse, & omnino confictas à Fausto fuisse, quod audaciùs fortasse, quàm prudentiùs affirmaretur: vel denique non vbique delirasse Faustum; eique vel sana sapienti, vel insana insectanti quandoque dogmata, concinere potuisse Synodos orthodoxas. Quò fortasse magis propendebunt, qui non facilè, nec nisi inuictissimis argumentis discedendum pensitabunt à fide maiorum de Synodis.

II. De Fausti doctrinâ & opusculis censura Pontificum Romanorum.

De Fausto sanè ita Gelasius Papa statim in Concilio Romano pronunciauit: *Opuscula Fausti Rhegiensis Galliarum apocrypha*. Cùmque orbem vniuersum Catholicum graui offensione perculissent hæc Fausti opuscula, de iis possessor Episcopus Africanus Hormisdam Papam consulit in hunc modum: *Cùm quorundam fratrum animus de codice Fausti cuiusdam, natione Galli, Rhegina ciuitatis Episcopi, qui de diuersis rebus, & frequentius de Gratiâ Dei, disertè visus est disputare: ne scandalum moueretur aliis, ut se habent humana studia, in contrarium renitentibus: me crediderunt de hoc ambiguo consulendum. Dixi quidem, ea quæ à tractatoribus pro capiti proprii ingenij disputantur, non ut canonica recipi, aut ad synodaliū vicem pro lege seruari: sed habere nos certa, scilicet quæ veteri lege, vel nouâ conscripta, & generalibus sunt Patrum decreta iudiciis. Hæc autem quæ Antistites diuersi conscripserunt, pro qualitate sui, sine præiudicio fidei, solere censeri. At cùm hæc, ut ipse subiicit, excusatio plerisque videretur, non absolutio ambigui, de eo Pontificem consulit: Quæso, ut consulentes, quæ de præfati authoris dictis vi-*

deantur, auctoritate Apostolica responsionis agnoscant: & maxime quod filij quoque vestri, Magistri militum, Vitalianus & Iustinianus, precipue super hac re, rescripto beatitudinis vestra similiter informari desiderant. Concusserat ergo Orientem ipsum nouitas, & insolentia dictorum Fausti. Certo persuasum fuit Possessori, nulla illum iuuari synodali auctoritate. Has ergo Synodos aut nesciuit, aut contempsit. At Hormisda Pontifex epist. 70. ita rescribit: *Neque Faustum recipi, neque quenquam, quos in auctoritate Patrum non recipit examen Catholica fidei, aut ecclesiastica disciplina, ambiguitatem posse gignere, aut religiosis praeiudicium comparare.* Ita ille non peruersam tantum de Gratia sententiam Fausti concerpit, sed & disciplinae ecclesiasticae aduersam de morientium sera poenitentia austeritatem, quam & Auitus Viennensis, ut mox dicemus, insectatus est, & ex residua illarum Galliae partium tetricitate forsau ipse Faustus hauserat, & quanquam tot Pontificum decretis, ut alibi retulimus, inuictam, abdicare in totum detrectarat. Sed ut ea res habeat, pergit ibidem Pontifex: *Cum Christiana fides canonicis libris, & synodali- bus praeceptis, & Patrum regularibus constitutis, stabili & inconcusso termino limitetur.* Addit denique de gratia Christi audiendam Ecclesiae Romanae & Augustini doctrinam: *De libero tamen arbitrio & gratia Dei, quod Romana, hoc est, Catholica sequatur & asseneret Ecclesia, licet in variis libris B. Augustini, & maxime ad Hilarium & Prosperum possit agnosci, &c.* Vbi rursum perstringitur Faustus, qui cum tribulibus suis in hos maxime extremos, eosque asperiores Augustini libros solebat stomachari.

In has cum incidisset Hormisdæ epistolas Ioannes Maxentius, eas quidem procacissime & impudentissime lancinavit, tanti Pontificis esse inficiatus: at quod ad rem istam attinet, responsione sua i. prolixam instituit collationem librorum Fausti cum supra laudatis Augustini libris, & cum Scripturis, ut ita clareat libros Fausti esse hereticos. Sicque confundantur omnes, qui eos hactenus de-

III. De iisdem
iudicium Ioan-
nis Maxentij.

Iii iij;

ferunt Catholicos, quorum princeps & author est Possessor Africanus Episcopus. Summatim aduersis quasi frontibus collidi Augustinum & Faustum ita docet: Augustinus ita humanum arbitrium liberum docet, ut illuminatio, virtus & salus illi à Christo & per Christum, & cum Christo sit. Faustus verò ita liberum Christianum arbitrium docere conatur, ut illuminatio, virtus & salus, non à Christo, sed naturâ sit. Quo operosissimè demonstrato, tandem ita concludit: Eat nunc Possessor, & adhuc in perniciæ propriâ, & eorum qui sibi consentiunt, defendat Fausti libros catholicos, &c. Ait tamen mox causari Possessorem, non legisse se nisi octo priora primi libri capitula. Quanquam ex suprâ relatis Possessoris verbis proclivius sit æstimare, alieno fuisse ipsum animo à scriptis Fausti; non audacter tamen in ea strinxisse censuram, sed eâ de re consuluisse Sedem Apostolicam: & interim censorium mucronem sustinuisse.

IV. Item Auiti
Vicen. Episcopi.

Eandem Fausti, tum de tardâ in extremis pœnitentiâ, tum de Christi gratia sententiam, illic duriores, hîc molliores quàm par esset, insectatus est Auitus Viennensis Episcopus epist. 4. ad Gondobadum Regem: ubi & Faustum vocat *ortu Britannum, habitaculo Regiensem*. Quo de suis Gallis optimè meritis est Auitus, dum abstergit à Gallia istud dedecus, & in Britanniam, in Pelagij patriam ablegavit hominem, Pelagianæ fuliginis reliquias præferentem. Britannum fuisse affirmat & Sidonius lib. 9. ep. 9. Quod an de Britannis Gallis intelligi debeat, viderint alij. Vtraque gens una est Britannorum. Ita sanè constaret quod alij Gallum, alij Britannum distant, si Gallus Britannus esset. Sed constabit idipsum, si ut ait Auitus, & affectatiùs exprimit, ortu Britannus sit, habitaculo Regiensis.

V. Item Fulgentii,
Episcoporum Africae, & Facundi Hermiani.

Sed ante alios Fulgentius Ruspensis Episcopus, aduersus Fausti vafritiem decertavit. Quo de Ildorus in lib. de viris illustribus: *Fulgentius Afer, Ecclesie Ruspensis Episcopus, &c. Scripsit multa, è quibus legimus de gratiâ Dei & libero arbitrio libros Responsionum septem, in quibus Fausto*

Gallie Regiensis urbis Episcopo, Pelagiana prauitati consentienti respondens, obnititur profundam eius destruere calliditatem. Item epistola synodica Episcoporum Africae in Sardinia exulantium: Vnus ex nobis tribus libris respondit. Qui aduersus duos libros Fausti Galli septem libros edidit: quos cum recensueritis, agnoscetis protinus, quemadmodum memorati Fausti commenta veritati contraria, Catholica fidei penitus inimica, discussio prodidit, ratio manifesta conuincit, authoritas diuina compressit, & precedentium Patrum consona prorsus attestatio confutauit. Adde Ferrandum in vita S. Fulgentij cap. 28. Ut etiam libri duo, quos Faustus Episcopus Galliarum contra Gratiam subdolo sermone composuit, fauens occultè Pelagianis, sed tamen Catholicus videri volens, Constantinopoli assensus plurimis fratribus, ab B. Fulgentium probandi dirigerentur. Quibus respondit, &c. Item Facundus Hermianensis Episcopus initio libelli contra Mocianum: Sic aliquando etiam Faustus Gallus in questione liberi arbitrij, malè intellectis & incongruè adhibitis ipsius B. Augustini sententiis, fallebat, & in assensionem sui erroris inducebat incantos. Qui tamen à sanctæ memoria Fulgentio Ruspensi detectus, atque conuictus est. Et ne cui bilem moueat quod Augustinus ita scripserit, ut ex eo malè intellecto transuersi acti sint tam multi in errorum auia: subiicit ibidem: Quid autem in hoc miramur? Neque enim melius loqui potuit Augustinus, quam Propheta, quam Apostoli & Euangelista: quorum verbis similiter malè intellectis, & incongruè adhibitis, tam multi haeretici suos defendere conantur errores.

Cæsarius quoque Arelatensis Episcopus, sanctitatis & doctrinæ famâ præstantissimus, scriptis Faustum exagitauit: exagitauit & Synodus Araus. secunda, tacito nomine, sed dogmate toto eius tot telis, quot Canonibus impetito confectoque. Cæsarius quidem teste Gennadio, aut Gennadij continuatore, de gratiâ & libero arbitrio edidit testimonia diuinarum Scripturarum, & sanctorum Patrum iudiciis munita, ubi docet nihil hominem de proprio aliquid agere boni posse, nisi cum diuina gratia prauenerit. Quod opus etiam Papa Felix per

VI. Cæsarii Arelatensis, & complurium Gallie Episcoporum, & quidem longè præstantiorum.

*Possennius in Ap-
par.*

suam epistolam roboravit, & in latinus promulgavit. Quæ contra Faustum scripta fuisse, liquebit ex doctissimi Sirmundi iudicio de Synodo Arausicana secunda, cui præfuit Cæsarius. Ita ergo ille in præfat. in hanc Arelatensem Synodum: *Prædestinatiani de prædestinatione ita differebant, quasi fatalem quandam necessitatem efferret, &c.* Cui absurdo, quia nonnullis quorundam librorum suorum sententiis vim munire, aut vim addere sanctus Augustinus quorundam in Galliâ Episcoporum aliorumque iudicio videbatur, ab illo propterea, cum in cæteris maximi facerent, vehementer hæc in parte distidebant. At contra, qui pro sancti Augustini placitis cum Prospero dimicabant, eius aduersarios quod natura humana plus æquo tribuere viderentur, ut Semipelagianos insimulabant. Quæ notâ in his etiam libris suis Faustus non caruit. Nam & à Gelasio Papa hoc nomine inter apocryphos relati sunt, & ab Auito Viennensi atque Fulgentio, & aliis pluribus oppugnati. Cæterum gravi ac diuturna contentioni, quæ sanctissimos, ac doctissimos utrimque viros in Galliâ centum amplius annos exercuit, finem postea tandem attulit Synodus Arausicana secunda, quæ totam de gratiâ & libero arbitrio controuersiam ex sancti Augustini sententiâ composuit. Quo patet in Synodo Arausicana Faustum causâ cecidisse, ut qui Augustino, & Gratia necessitati illudere machinatus fuisset.

VII. Adonis
Vienn. & Lupi
Ferrari.

Adde his Adonem Viennensem in Chronico ad an. 492. Faustus ex Abbate Lirinensis monasterij apud Regium Gallia Episcopus factus, Pelagianum dogma destruere conatus, in errorem labitur. Vnde qui eius sensus in hæc parte catholicos prædicant, sicut Gennadius de viris illustribus scribens, omnino errant. Ita enim liberum arbitrium tam Augustinus, quam cæteri Catholici in Ecclesiâ Dei docent, ut illuminatio, virtus & salus, illi à Christo, & per Christum, & cum Christo sit. Faustus vero iste ita liberum Christianum arbitrium docere conatur, ut illuminatio eius, virtus & salus, non à Christo sed à naturâ sit. Contra hunc scribit lucidissimâ fide B. Auitas Viennensis Episcopus, eius redarguens errorem. Similiter & Ioannes vir eruditus, Antiochenus Presbyter. Sic ille Ioannis Maxentij laudes

des celebrans, & verba ipsa superiùs descripta excerpens. Lupus quoque Abbas Ferrariensis epist. 111. Faustum *in faustum* vocat. Et epist. 112. *Faustum postulanti, non quem refellit Augustinus, sed quem notat in decretis Gelasius.* Et in Collect. de tribus qq. q. 3. *Taceat Faustus, & similiter sentientes, loquantur cum suis consortibus Hieronymus & Augustinus. Conticescant ranae, dum Cælum tonat.*

Atque vt à Græcis penè exorsus, in Græcis desinam, sic denique Petrus Diaconus, & alij cum eo Græci, in opusculo de Incarn. & Grat. ad Fulgentium, & alios Africæ Episcopos destinato, paulò ante finem: *Quorum omnium sanctorum Patrum imbuti doctrinis, anathematizamus Pelagium & Celestium, simulque etiam Iulianum Edanensem, & qui illis similia sapiunt; præcipuè libros Fausti Galliarum Episcopi, qui de Monasterio Lirinensi profectus est: quos contra prædestinationis sententiam scriptos esse non dubium est. In quibus non solum contra horum omnium sanctorum Patrum, verum etiam contra ipsius Apostoli contradictionem veniens, humano labori subiungit gratiæ adiutorium; atque totam omnino Christi euacuans gratiam, antiquos sanctos non eâ gratiâ, quâ & nos, secundum quod docet beatissimus Petrus Apostolus: sed natura possibilitate saluatos impiè profitetur.*

Cùm ergo confixa fuerit Fausti doctrina censorio mucrone tot summorum Pontificum, Gelasij, Hormisdæ, Felicis: tot sanctissimorum doctissimorumque Antistitum, Auiti, Fulgentij, Facundi, Isidori, Cæsarij, Adonis: tot aliorum gloriâ doctrinæ ecclesiasticæ præcipuorum, Ioannis Presbyteri Antiocheni, Petri Diaconi, & sociorum eius: cùm Africa, Europa, Asia: cùm Oriens, Occidensque ad eius damnationem coniurauerit; quis Synodos aliquas ei suffragatas esse facile concesserit? 2. Maxime cùm Possessor, cùm Hormisdæ negent synodicas vllas Fausto suffragari definitiones. 3. Maxime cùm Genadius, cùm Sidonius Apollinaris in laudes Fausti plùs nimio effusi ambo, & doctrinæ eius admiratores, de harum Synodorum suffragio nec meminerint. 4. Maxime

VIII. Petri Diaconi & aliorum Græcorum. ●

IX. Ex quibus emicat, quid de Fausti doctrinâ, quid de his Synodis sit censendum.

K K K

cùm Auitus, Cæsarius, Ado earundem regionum Episcopi aduersus Faustum ita scripserint, vt nullas à se Synodos vnà oppugnari existimarint. 5. Maximè cum harum Synodorum ante Hincmarum solus Faustus meminerit, cuius *profunda calliditas* ab Isidoro notatur. 6. Maximè cum Arausicana Synodus secunda nullas anteriores, & infestas sano dogmati definitiones impetat, aut vel verbo commemoret: nec satagat eum exaggerare Episcoporum suorum numerum, qui destruendæ duplici retrò Synodo sufficiat. Imò alteri harum Synodorum Episcopi triginta affuisse iactantur, & tamen Arausicana præualuit, cui non plures quàm quatuordecim affuere.

X. Itemque de
epistolis Fausti,
& Lucidi.

Sirmund. histor.
Prædest. c. 7.

Iam quod ad epistolas pertinet Fausti ad Lucidum, & Lucidi ad Faustum, nihil illis cum Conciliis supramemoratis commune est. Nam subscriptiones tam ipsius Lucidi, quàm decem Episcoporum appositas ad Fausti epistolam, fatetur Sirmundus additas contra fidem Codicis Hincmariani, & plurium antiquorum optimorumque codicum, spuriasque & alienas esse. In illis enim Codicibus sola extat ipsius Fausti subscriptio, & sola iuxta Sirmundum extare debet. Quæ cum ita sint, iam id superest, vt vel mera ista sit fabula, à Fausto, id est, vt à Baronio vocatur, à versipelli vulpeculâ conficta: vel grafatio hæc eius fuerit in misellum hunc Presbyterum: vel denique vnus Fausti hæc laus eximia fuerit, ouantis scilicet de simplicitate eius, qui, instar aliorum quorundam, vt infra ostendetur, minùs cautè, & ideo nimis durè de gratiâ Christi sentiebat.

XI An fuerint
reuera aliqui
Prædestinatiani
hæretici? Sapien-
tia Arausicanæ
Synodi in huius-
modi quæstioni-
bus.

An fuerint autem aliqui Prædestinatiani hæretici, qui fatalem impingerent prædestinationem, inexorabilemque in hos damnationis, in alios salutis necessitatem inter eruditos controuertitur. Nobis Arausicanæ Synodi sapientia admirationi solet esse, quæ erroribus anathema illis, sano dogmati facem accendisse contenta, superuacaneam istiusmodi quæstionem protelauit. Ita enim can. 25. *Aliquos ad malum diuina potestate prædestinatos esse,*

non solum non credimus: sed etiam si sunt, qui tantum malum credere velint, cum omni detestatione illis anathema dicimus. Prophanum dogma proscribunt, eius quoque sectarios si qui sint, inurunt: an prorsus aliqui sint, minus solliciti: imò nullos esse, magis propensi. Nam si quos esse suspicarentur, eos perscrutari, ut sanarentur, utque ne alios suo contagio inficerent, instimularet charitas & sollicitudo episcopalis. Si qui autem istiusmodi tamen essent, non ideò vlla minus suspicacibus Episcopis inhæreret macula. Etenim, ut ait Facundus lib. 3. cap. 3. Aliud est ideò hereticum excusare, quòd catholicus putetur: & aliud ipsam heresim approbare, atque defendere. Quemadmodum aliud est, ideo accusare Catholicum, quòd hereticus putetur: & aliud improbare ac reprehendere Catholicam fidem. Nam potest castitatis approbator atque dilector, non approbatâ fornicatione, fornicatorem, dum in personâ fallitur, approbare: & non improbatâ castitate, castum, dum in personâ similiter fallitur, improbare. Postremò quòd promptissimè concedunt, sicut non ideo Eutychiani sui dogmatis crimine defenduntur, quia putantes antiquos Patres id credidisse, quod ipsi pessimè credunt, approbant eos, quorum fidem impugnant. Ita non ideo sancto Anatolio Eutychiani dogmatis crimen impingendum est, quod Dioscorum vel putavit, vel excusavit, quasi à culpa Eutychiani dogmatis alienum: cum ipsum dogma Eutychianum confutaverit, atque damnauerit. Et lib. 6. cap. 1. Aliud est, cum de personâ falsò aliquid creditur; aliud cum de ipso Christianæ fidei fundamento malè sentitur. Et cap. 4. Contingit nonnunquam inter unius sententiæ viros, ut cum de rebus ipsis, quæ in questione sunt, idem sapiunt, de se tamen inuicem aliud suspicentur; vel cum à dicente minus aperitur verbis, quod corde conceptum est: vel ab auditoribus minus inspicitur dicentis intentio. Discernenda est autem impietas quâ de Deo malè creditur, ab ignorantia, quâ quisque aliter de suo proximo, tanquam homo de homine suspicatur. Et si forsè videtur hominis de homine culpanda suspicio, approbanda tamen est intentio, quâ veritas fidei, quam de Christo habemus, asseritur. His argumentis exemplisque facile

adducimur, ab hac de factis & personis quæstione supersedere, cum de orthodoxo dogmate suscipiendo, de portentosa fatalis prædestinationis necessitate explodenda omnibus hinc & inde conueniat. Illud quoque placet Facundi, si qui ut nimium suspiciosi culpandi sint, cæteros tamen in danda illis venia clementes esse debere, & eorum etiam in fidei sinceritate tuenda zelum approbare.

XII. Propius à vero abest nullos fuisse.

Obiter illud tamen addemus, procliuius fuisse Patres Arausicanos, ut nullos esse crederent istiusmodi Prædestinatianos hæreticos, cum ad eos vestigandos adeo non excubauerint. 2. Imò cum eam ipsam notam quasi sibi ipsis impactam à quibusdam, sedulo absterferint, *non solum non credimus, sed si qui sint, &c.* 3. Augustinus paucis ante obitum annis, & post eum Prosper ac Fulgentius sibimetipsis adscriptas ab aliquibus indoctis has absurditates dogmatum, quæ Prædestinatianis tribui solent, studiosè confutarunt: non vnquam autem ipsi aliquos infectati sunt Prædestinatianos hæreticos, ut in diuersam Pelagianæ dementiæ & nihilò minùs pestiferam insaniam deficientes. 4. Qui aliquas opinabantur olim cum Fausto esse fatalis & libero arbitrio exitialis necessitatis assertores, ij Augustino ipsi oblique aduersabantur, vel palam maledicebant, ut de Massiliensibus, de Gennadio, & aliis tunc non paucis compertum est. 5. Qui cum Fausto esse venditarunt Prædestinatianos hæreticos, ij ferè cum Fausto etiam videntur in eâ ipsâ de prædestinatione & gratiâ quæstione, apud multos catholicos tractatores malè audisse. Vnum refero suffragium Ecclesiæ Lugdun. aduersus Ioannem Scotum: *Vnam ponit hæresin Pelagianorum, liberi arbitrij sine gratia commendatione. Alteram gratia solius, &c. Secunda hæresis, quam dicit esse gratia solius, quæ sit, vel fuerit in Ecclesiâ, quæ ita prædicauerit solâ Dei gratiâ hominem saluari, ut liberum hominis negaret, vel destrueret arbitrium: nobis minimè compertum est, &c. Quæ est ista secunda hæresis, tam incognita, tam noua,*

Bibl. PP. Tom. 4.
Part. 1. p. 264.

& inaudita, quæ libero arbitrio denegato, solius gratia sit prædicatrix? Nisi quia, ut nobis videtur, disputator iste, vel B. Augustinum latenter quasi hæreticum accusat, &c. aut certe eos qui secundum eius venerabilem & Catholicam doctrinam nunc de gratiâ Dei sentiunt, & docent, quasi minùs illius dicta intelligentes, hæreticos vocat, &c. Hæc de causâ nobis videtur, quod callidissimè omninò & versatissimè velut hæresin solius gratia posuerit, nec tamen auctorem vel sectatores eius ullâ significatione manifestauerit. Quod si ita est, quid aliud, quàm Ecclesiam nostræ temporis accusat? &c. Denique non posuit hanc hæresin, aut Pelagianam, sed postea, id est, à temporibus sancti Augustini usque nunc. Nec potest inueniri toto hoc tempore, quod fuit inter illum & nos, aliquam talem hæresin in Ecclesiâ extitisse, nisi quod vel ipsum B. Augustinum, vel nos qui eum sequimur, istius erroris accusat.

Sed etsi fuissent aliqui istiusmodi, cum nusquam accusati palam, nusquam confessi, vel conuicti: nusquam contumaces fuerint, aut fuisse certò probentur: ergo non alij ij fuerunt, quàm aut ipsissimi vindices ecclesiastici dogmatis, iniquis vexati suspicionibus: aut simplices aliqui, qui altitudini dogmatis Catholici impares, aliqua circa illud hallucinabantur, sed quæ non præfractâ tamen, & hæreticâ defensitabant contumaciâ. In horum numero simpliciorum erant illi, sub Valentino Abbate Monachi, ad quos scripsit Augustinus lib. de gratia & libero arbitrio. In exordio enim statim huius operis Augustinus præfatur, multa se hætenus scripsisse aduersus eos qui obtentu tuendi liberi arbitrij, gratiæ maiestatem labefactatum eunt: *Sed quoniam sunt quidam, qui sic gratiam defendunt, ut negent hominis liberum arbitrium: aut quando gratia defenditur, negari existiment liberum arbitrium: hinc aliquid scribere ad vestram charitatem, Valentine frater & ceteri qui Deo seruitis, compellente mutua charitate curavi. Nunciatum est enim mihi de vobis, fratres, ab aliquibus qui in vestra congregatione sunt, & ad nos inde venerunt, per quos & ista direximus, quod de hac re dissensiones in vobis sint. Et in*

XIII Si qui fuerint in hoc errore, non tam hæretici, quàm simplices illi, & imperiti fuerunt.

epist. ad Valentinum idem Augustinus : *Venerunt ad nos duo iuvenes, Cresconius & Felix, de vestra congregatione se esse dicentes, qui nobis retulerunt monasterium vestrum nonnullâ dissensione turbatum, eò quòd quidam vobis sic gratiam prædicent, ut negent hominis esse liberum arbitrium: & quod gravior est, dicant, quòd in die iudicij non sit redditurus Deus unicuique secundum opera eius.* Homines ergo isti minimè mali, sic gratiam prædicabant, ut libertatem perimerent. Quibus duriores illi concionatores copulari fortasse possunt, quos obiurgat Augustinus ipse, qui prædestinationem & gratiam Dei illam electorum propriam & specialem, *improbissimè, importunissimè, incongruentissimè* ita populorum auribus ingerebant, ut summinùs mendacio, certè sævitiâ quâdam & immanitate eloquij, infirmos quosque offenderent. Vide lib. de bono persever. cap. 22.

XIV. Quo animo in huiusmodi tardiores, & contumaciter obesos esse debeamus ex Augustino.

Verùm ut hos postremos sileam, quibus ut austeritatem intempestivam mitigare, ita erroris suspicionem abigere satis egit Augustinus loco citato : ad illos redeo, qui non minùs Catholici, sed minùs acuti, ita exardabant in gratiæ defensionem, ut libero arbitrio minùs consulerent. De his quid sentire debeamus, docet nos Augustinus lib. de Grat. & lib. arb. cap. 1. Nempe vilitatissimam hanc esse Catholicorum complurium simplicitatem, qui cùm non sint ferendo ponderi veritatis, multa titubant, multa imperitè & ridiculosè somniant: quibus non hæretici, sed infirmi esse produntur, & à fortioribus tolerandi sunt, donec in nido authoritatis ecclesiasticæ plumescant, lacte fidei & bonis moribus roborentur; reueletque illis tandem Deus arcana, ad quæ priùs cæcutiebant. Ita Apostolus in re simili, ita ex Apostolo Augustinus. *Itaque dilectissimi, ne vos perturbet huius questionis obscuritas. Moneo vos primùm, ut de iis quæ intelligitis, agatis Deo gratias. Quidquid est autem, quòd pervenire nondum potest vestra mentis intentio, pacem inter vos & charitatem servantes, à Domino, ut intelligatis, orate. Et donec vos ipse perducatur ad ea, quæ nondum intelligitis, ibi ambulate, quòd*

peruenire potuistis. Hoc admonet Apostolus Paulus, qui cum dixisset, nondum se esse perfectum: paulò post ait, Quotquot ergo perfecti, hoc sapiamus: id est, ita nos esse perfectos, ut nondum ad perfectionem, qua nobis sufficit, venerimus. Continuòque subiunxit, Et si quid aliter sapitis, hoc quoque vobis Deus reuelabit. Verumtamen in quod peruenimus, in eo ambulemus. Ambulando quippe in quod peruenimus, & quò nondum peruenimus, peruenire poterimus: Deo nobis reuelante, si quid aliter sapimus, si ea quæ iam reuelauit, non relinquamus. Quo Apostoli & Augustini documento nihil temperatius, nihil sapientius, nihil ad charitatem inter Ecclesiæ filios impuberes & immaturos alendam opportunius dici potuit. Obserua autem illud pertinere, non ad exertiores tantum mysticæ Theologiæ sensus, sed ad ipsa fidei vulgatissimæ capita, cuiusmodi est, quod gratia non iugulet libertatem. Qui enim hîc titubabant fratres, non ut hæretici infamantur continuò, sed ut imperiti erudiuntur, & tolerantur, donec hoc quoque Deus illis reuelet.

Quibus fidem faciet Facundus Hermian. lib. 12. c. 1. Si nunc Ecclesia, quadam Christi schola est; omnesque fideles eius, Christi dicuntur esse discipuli: nec quisquam potest veraciter dici discipulus, qui non aliquid discit: neque discitur, nisi quod ignoratur: proculdubio aut docilis ignorantia non facit hæreticum: aut omnis Christi discipulus erit hæreticus. Et quis iam Catholicus esse dicetur, si omnis qui de Christianâ religione aliquid discit, hæreticus est dicendus? Quòd si etiam credantur aliqui, sic omnia didicisse, ut nihil iam possint habere, quod discant: quia tamen aliquid ignorabant, antè quàm discerent: ex hæreticis videbuntur facti Catholici. Atque ita colligitur, ut nullus inueniatur in Ecclesiâ Christi, qui non aut esse, aut fuisse perhibeatur hæreticus. At hoc dicere vel putare, cum impiissimum, tum etiam nimis absurdum est. Scire igitur debemus, quòd hæreticum non faciat ignorantia, qua doctrina veritatis contumax non est: sed potius obstinata defensio falsitatis. Decerpit mox eadem, quæ suprâ ex Apostolo Augustinus. Addit Carnales Corinthios non potuisse capere complura:

XV. Item ex Facundo Hermian. li.

Christo ipsi familiares & sanctissimos viros, & mulierculas, complura de ipso sequiùs credidisse, Cum ipsi Apostoli aliquando fuerint in fide imperfecti, nunquam tamen heretici. Cumque adhuc parum de Christo crederent, magnam potestatem acceperunt spirituum immundorum, &c. Si illi qui presentem habebant ipsam in corpore veritatem, potuerunt absque crimine secùs aliquid de illo, minusve sentire: cur hæresis crimini deputeretur, si quisquam in Ecclesiâ, pietate pradius, obedientia deuotus, subiectus & habilis ad discendum, aliter de illâ senserit, quod reprehensum corrigere sit paratus? Quocirca omnes qui in discipulatu sunt veritatis, & semetipsos rationi dociles, & subiectos authoritati præbent Ecclesiæ; si aliter sapiant de his quorum fide mundantur, vel propter incapacem suam intelligentiam, vel minùs rem animaduertendo quàm opus est, impiè proculdubio tanquam hereticos arbitrantur. Etsi ergo hæretica sint, quæ quidam sentiunt, non heretici tamen sunt qui ita sentiunt, quia intùs & in radice quâdam penitiori, consentiunt Ecclesiæ authoritati. Et quanquam propter incapacem suam intelligentiam, per diu forsan oblucentur vera insusurrantibus, Catholico grege & nomine nequaquam tamen excidunt: quia non contumaci adversùs Ecclesiæ authoritatem luctâ, sed animi hebetudine reluctantur.

XVI. Huius disciplinæ circa carnales, & tardos fundamenta.

Sunt ergo in Ecclesiâ triplicis admodum generis homines, ut idem ibidem subiicit: Sicut ergo sunt perfectiores quidam, qui magno sapientia dono, praevalent mente contemplari, quæ tantummodo creduntur ab aliis in vita perfectis: ita multi sunt imperfecti in Ecclesiâ Christi, & tamen in servandâ eius unitate perfecti: qui cum per ignorantiam suam in plurimis errent, in nullo tamen errare credunt Ecclesiam, cuius se confidunt unitate saluari, &c. Sicut ergo non ideo quorundam perfectorum in fide spernendus est inferior gradus, quod non possunt intellectu capere veritatem, quia hoc sublimioris gradus alij possunt: ita nec ipsi spernendi sunt, qui licet imperfectæ fidei fuisse videantur, quia non in omnia, quæ tam multa & magna continet Christiana religio, sicut dignum est, animum potuerunt

potuerunt intendere: animo tamen vera & recta esse in Ecclesia fide non dubitauerunt, ut in ea perficiendi manerent. Ac per hoc ita credentes, iuxta quendam gradum & ipsi videntur in fide perfecti: qui se perficiendos ex unitate Ecclesie crediderunt. Et accuratè hos gradus tres dispergens, atque consocians, Illi ergo excellentiore gradu intelligentie pradi ipsam rem cuius in futurum reuelatio plena seruetur, quantum in hac vita concessum est, euoluerunt attingere. Illi etiam tantummodò perfecti, ad eam propius accesserunt. Isti verò inferiores, quos tertio gradu posuimus, quanquam per aliquod longius internallum, ad idem tamen aspiciunt, & illuc habent veniendi propositum. Et ne insolescere possint aduersus hanc quasi faciem simplicium, non mediocres, sed vel sublimes illi & primores: & ipsos aliquando incautos alicubi titubare docet, & solo fidei ecclesiasticæ sinu eodem suscipi, ac contineri. Qui si hæretici indicentur, quota pars nobis, non dicam de omni plebe, sed de ipsis Ecclesiarum prapositione relinquatur, quæ Catholica debeat indicari? Cum & illos excellentioris intelligentie, necessitate suscepti officij per ardua gradientes, nonnunquam lapsos, sinus pietatis excipiat, quâ se authoritati subdunt Ecclesie, cuius magistri sunt, ut non gloriatur omnis caro in conspectu eius.

Quæ si summatim conglobare voles, liquebit hos de quibus agimus, etsi mendacio irretitos nefario, catholico tamen nomine & Ecclesie sinu nequaquam excusos esse. 1. quia istiusmodi erant Apostoli ipsi ante Passionem Christi & euectionem eius in celos, cum tam bruti, tam duri hebescebant ad ea arcana, quæ inculcabat Christus; qui eis tamen interim, & sacramenta, & Ecclesie totius gubernacula committebat. 2. Istiusmodi erant carnales, infirmique, de quibus crebrò Apostolus, quibus reuelatum iri spondet multa fidei capita, si in iis ambulent quæ complexi iam sunt. 3. Istiusmodi ferè sunt turbæ populorum, Ecclesiam Catholicam toto orbe implentium, quas certum est in plerisque de Deo, & de totâ religione hebescere, & ineptire: ac si pertendas instillare fidei

XVII. Summa
capita huius doctrinæ.

sinceritatem, resilient: & inexpugnabili quâdam non pertinaciâ, sed imperitiâ reluctabuntur. Quocirca sinendi sunt in nido fidei alas charitatis nutrire, & ita conualescere, ut quod tunc non possunt, quandoque possint in auras liberiores veritatis euolare. 4. Istiusmodi sunt quandoque & optimates ipsi, Antistitesque Ecclesiæ, qui necessitate suscepti officij per ardua gradientes, etsi intelligentiæ lumine fulgeant, labuntur tamen interdum, quia homines sunt: quia sapientes, non natura sapientiæ sunt: quia salubrius est in ignorantia, quàm in superbiæ abrupta impingere. 5. Istiusmodi fuit vel Augustinus, qui aliquando de fidei dono sensisse se profitetur, quod sentientes postea notauit erroris. 6. Istiusmodi penè necessariò sunt omnes Catholici, qui utique Ecclesiæ & Christi discipuli cum sint, discunt quæ nesciebant; aut si iam non discunt, didicere. Et tamen dum discunt, dum vel falsa dedocentur, vel docentur vera, non hæretici aut esse aut fuisse criminandi sunt. 7. Tam multa & tam magna continet Christiana religio, ut in omnia animum intendere, prout dignum est, aut si intenderint, capere possint, vel incredibiliter pauci, vel nulli penitus. Omnes ergo necessum est lapsuros alioqui & elidendos, Ecclesiæ autoritatis gremio excipi. 8. Illi ipsi in fide imperfecti, perfecti quodammodo sunt, dum in Ecclesiâ credunt nonnisi vera credi, & eam intemeratam Ecclesiæ fidem medullitùs amplectuntur, suam esse fidem profitentur, suæ cuiusque opinationi anteponunt. Hac ergo communi & vniuersali credulitate, exuunt, & eiurant stirpitùs priuatos errores, quos euelli eis alioqui pertinax ignorantia, aut stupor mentis non sinit.

XVIII. Idem censendum de Fausto & aliis, quibus Semipelagianorum nomen inuritur. Calliginem & tarditatem illam suis

Similiter autem philosophandum de Fausto, de Casiano, de Massiliensibus presbyteris, de reliquis omnibus Augustini & Augustinianæ, id est, Romanæ & Catholicæ de gratiâ doctrinæ obtrektoribus, quibus nonnulli solent Semipelagianorum nomen, infamiamque impingere. Horum enim etsi sensa, scriptaque à fidei veritate

longè abluderent, ipsi tamen Catholici prorsus, & erant, & à Catholicis Patribus habebantur.

se, non hæresin.
Vel potius indo-
ctos fuisse ipsos,
non hæreticos.

Et primùm quod ad Faustum spectat, quo de præsertim agitur in harum elucidatione Synodorum, pensiculatiùs reuolue elogia eius antè congesta, ubique perspicies, scripta eius inuri, personæ ignosci. Catholici indubitatissimè sunt complusculi, quorum opera Gelasius apocrypha censuit. Possessor in eadem naui locat Faustum, ac reliquos Catholicos tractatores, quorum scripta ad indubiam fidei amussim non statim adhibeantur. Idem Hormisdæ Pontificis iudicium de Fausto fuit. Ioannes Maxentius etsi flagrantissimo succensus odio, libros Fausti contendit esse hæreticos, indignatur aduersus eos, qui ut Catholicos propugnabant: de Fausto ipso litem ne mouet quidem. Ita Auitus, Fulgentius, Isidorus, errores Fausti, non Faustum hærescos insimulant. Ado perspicuè negat eius sensus esse Catholicos.

XLX. De Fausto
id declaratur.

Sed vniuersim ad omnes asperitatem Augustinianæ doctrinæ allatrantes, quî afficiatur, afficique nos iubeat Augustinus ipse, operæ pretium est animaduvertere. Sic ergo ille lib. de prædest. sanct. cap. 1. ad Prosperum & Hilarium, qui de eorum querelis ad ipsum rescripserant.

Videre mihi videor eos fratres, eo modo esse tractandos, quo tractauit Apostolus, quibus ait: Et si quid aliter sapitis, hoc quoque vobis Deus reuelabit. Adhuc quippe in questione caligant de predestinatione sanctorum. Sed habent unde si quid in eâ aliter sapiunt, hoc quoque illis reuelet Deus, si in eo ambulent, in quod peruenierunt. Propter quod Apostolus cum dixisset, si quid aliter sapitis, hoc quoque vobis Deus reuelabit. Verumtamen, inquit, in quod peruenimus, in eo ambulemus. Peruenierunt autem et si fratres nostri, ut credant cum Ecclesiâ Christi, peccato primi hominis obnoxium nasci genus humanum; nec ab isto malo, nisi per iustitiam secundi hominis, aliquem liberari. Perueniunt etiam, ut præueniri voluntates hominum Dei gratiâ faveantur, atque ad nullum opus bonum, vel incipiendum, vel perficiendum sibi quenquam sufficere posse consensiant. Retenta

XX. Idem de aliis omnibus ex Augustino astructur, utque in eos affici debeamus.

ergo ista in qua perueniunt, plurimum eos à Pelagianorum errore discernunt. Proinde si in eis ambulent, & orent eum, qui dat intellectum: si quid de prædestinatione aliter sapiunt, ipse illis quoque reuelabit. Hos ergo, non aliter, quàm Aduermetinos Monachos, ab hæresi procul esse, à Pelagianis plurimum discerni arbitratur Augustinus: & quanquam in aliquo caligent, quanquam in prædestinatione minùs sapiant, hoc illis à Deo reuelatum iri. Et idem denique ad calcem libri de bono perseverantiæ: *Qui legunt hæc, si intelligunt, agant Deo gratias: qui autem non intelligunt, orent, ut eorum ille sit doctor interior, à cuius facie est scientia & intellectus. Ego autem, cum per eos qui meos labores legunt, non solum doctior, verum etiam emendatior fio, propitium mihi Deum agnosco: & hoc per Ecclesia doctores maximè expecto, si & ipsorum manus venit, dignenturque nosse quod scribo. Quæ nisi ad Catholicos homines non peroraret Augustinus. Et lib. de bono persever. cap. 17. Neque enim Pelagiani sunt, ut aduersus istam perspicuam veritatem durâ & hæreticâ perversitate contendant, &c. Et cap. 24. Hoc donum Pelagianis optamus, ut habeant: istis autem nostris, ut plenius habeant. Oremus, ut Deus gratiam etiam det inimicis nostris, Pelagianis, maximèque fratribus & dilectoribus nostris, intelligere, &c.*

XXI. Item ex
Hilario.

Nec ab his multum dissentiebat, etsi paulò acrius exarserat Hilarius in epist. ad Augustinum, quâ prolixè narrat quæ Massilia, & aliis etiam locis in Galliâ venelabantur, aduersus longè plurima Augustinianæ de gratia Theologiæ capita: Sunt ex parte tales persona, ut his consuetudine ecclesiasticâ laicos summam reuerentiam necesse sit exhibere. Quod quidem ita curauimus Deo iuvante seruare, ut cum opus fuit, non taceremus, &c. Tua sanctæ prudentia est dispicere, quid factò opus sit, ut talium & tantorum superetur, vel temperetur intentio. Cui ego iam parum prodesse existimo, te reddere rationem, nisi & addatur authoritas, quam transgredi infatigabiliter contentiosa corda non possint. Et infra: Non solum absentia tuâ crucior, verum etiam perniciem quorundam,

qui non tantum manifesta respuunt, verum etiam non intellecta reprehendunt, &c. ut potius infirmitatem meam, quam tales parum patienter fero, notabilem purem. Tales ergo doctrinae Augustinianæ aduersarios, etsi infatigabiliter contentiosos ostendit esse, tamen patienter ferendos censet, suæque infirmitati succenset aduersus eos feruidius quandoque excandescenti: summam reuerentiam illis, & à se, & à laicis omnibus necessariò dependi declarat debere; denique etsi rationibus expugnari non possint, auctoritate tamen Ecclesiæ fractum iri non dubitat, utpote catholicæ matris filios.

Prosper quoque in epist. ad Augustinum, de istis imperitè, non hæreticè contumacibus, & contumaciter imperitis, ita meminit: *Multi seruporum Christi, qui in Massiliensi urbe consistunt, in sanctitatis tuæ scriptis contrarium putant Patrum opinioni, & ecclesiastico sensui, quidquid in eis de vocatione electorum secundum propositum Dei disputasti. Et cum aliquandiu tarditatem suam culpæ maluerint, quam non intellecta reprehendere, &c. recensito beatitudinis tuæ libro de Correctione & Gratiâ, auersiores, quam fuerant, recesserunt. Quorum tam abrupta dissensio primum propter ipsos metuenda esse ne tam clavis, tamque egregiis in omnium virtutum studio viris, spiritus Pelagianæ impietatis illudat: ne simplices quique apud quos horum magna est de probitatis contemplatione reuerentia, hoc tutissimum sibi aestiment, quod audiunt eos, quorum auctoritatem sine iudicio sequuntur, asserere. Tantâ verborum honorificentia non prosequeretur homines à fide alienos: timet illis, ne illudantur tandem hæresis Pelagianæ præstigiis, si ea auersari pergant ardua de prædestinatione decreta, quibus reliqua contexta sunt omnia; sed illudi iam eos non putat, id supra negavit Augustinus. Explanato autem prolixius toto Massiliensium de gratiâ placito, subiicit: *Possumus quidem ad non credendum esse constantes, sed ad auctoritatem talia sentientium non sumus pares. Quia multum nos & vitæ meritis antecellunt, & aliqui eorum adepti super summo sacerdotis honore supercminent. Nec**

XXII. Item ex Prospero.

facile quisquam præter paucos perfectæ gratiæ intrepidus amator, tantis superiorum disputationibus ansus est contraire. Ex quo non solum his qui eos audiunt: verum etiam ipsis qui audiuntur, cum dignitatibus crevit periculum. Dum & multos reverentia eorum, aut inutiles cohibet silentio, aut incurioso ducit assensu: & saluberrimum ipsis videtur, quod penè nullius contradictione reprehenditur. Tanta admiratio probitatis & auctoritatis in hæreticos homines non conferretur; at ne infirmitas in hæresin desciscat, neve reliquæ Pelagianæ pravitatis ex his initiis repullulascent, periculum esse, & enixè præcauendum, nec tacet Prosper, nec nos dissimulamus. Addit: *Quia plerique non putant Christianam fidem hac dissensione violari, quantum periculi sit in eorum persuasione, patefacias.* Imminet enim periculum, ne infirmitatis iis, quæ cum fide coniunctissima & indiuulsa sunt, fides ipsa tandem collabascant. Et infra: *Speramus non solum tenuitatem nostram, disputationum tuarum presidio roborandam, sed etiam ipsos, quos meritis atque honoribus claros caligo istius opinionis obscurat, defecatisimum lumen gratiæ recepturos, &c.* Adde eruditionem humilibus, adde increpationem superbis, &c. Intelligent perventurum ad sectionem, quod habuerit perseverantem tumorem. Et Hilarius ergo & Prosper urgebant tales summâ auctoritate frangi, & sectionis comminatione perterrefieri. Clementior Augustinus statim respondit, tractandos istiusmodi, non aliter quàm ut infirmos illos, quibus Apostolus non mucronem intentavit resecaturum, sed spem profectus, & diuinæ ad vltiora revelationis ostendit.

XXIII. Rursus
ex Prospero.

Rursum idem Prosper in exordio opusculi adversus Collat. de iisdem Augustini, & Gratiz per eum constitutæ calumniatoribus: *Quorum intus interstrepens domestica malignitas non minus spernenda esset, quàm foris latrans hæreticorum loquacitas: nisi eiectis extra ovile dominicum lupis, sub nomine obium suffragarentur, essentque eiusmodi, ut nec ordo eorum in Ecclesiâ, nec ingenia despicienda videantur.* Vides ut domesticos hos esse agnoscat, etsi præter opinionem hæ-

reticis patrōcinarentur. Et infrā minū mirum ait, si inuideant & obtrectent Augustino, videlicet per Augustinum Ecclesiæ Pelagiani, qui exulare à veritate, quàm ciues esse Ecclesiæ maluerunt. Nostri autem concorporales & participes gratiæ Christi, cur de his armis, quibus communis fides est defensata, causantur? En vt concorporales & participes nostros agnoscat illos, communis fidei cōsortes. *An verò novorum Censuram ita se norma exactior temperavit, &c.* Nouos & imperitos censores obiurgat, Catholicos esse non negat. Et cap. 3. relatis Cassiani verbis sic insurgit: *Doctōr Catholice, cur professionem tuam deseris? Cur ad fumosam falsitatis caliginem relictā serenissimæ veritatis luce denolueris?* Et cap. 32. lacinioso textu Collatoris exscripto, exclamat: *Quis hac predicari à Catholicis inter Catholicos crederet? &c.* Itane à cunctis Ecclesiæ filiis spiritus scientiæ & pietatis abscessit, &c. Sed ipsā totius operis peroratione nihil enucleatius: *Sufficienter demonstratum est, reprehensores sancti Augustini & vana obicere, & recta impugnare, & praua defendere. Quorum tamen, dum adhuc non sunt à fraternā societate diuisi, toleranda magis est intentio, quàm desperanda correctio: vt donec Dominus per Ecclesiæ Principes & legitimos iudiciorum suorum ministros hac qua per paucorum superbiam, & quorundam imperitiā sunt turbata, componat: nobis Deo adiuuante sit studium, quietā, modestāque patientiā, odiis dilectionem reddere, & ineptorum vitare conflictus.* A fraternā autem societate diuisos istiusmodi, quis scripsit, quis audiuit vnquam? Imò diuidendos vbi Augustinus censuit, vbi non potius contradixit? Etsi enim & ipsi, & doctrinæ eius Catholicæ intemperantissimè obloquerentur, & contrā statuerent oppidò multa & elaborata, docerentque & scriberent: responsionibus Augustini, non tantum non mansuescerent, sed magis efferarentur: tolerandos tamen censuit, & habendos, vt illos, quibus Paulus diuinæ ad ampliora reuelationis spem fecit.

Reliquis etiam idem Prosper libellis, obtrectatorum Augustini, & suorum, eorundem, nempe de quibus su-

XXIV. Imperi-
tisistis purgare
se satagebant

Patres, non ipsos
acculare hære-
ticos.

præ, sapissime imperitiam, calumniam, invidiam incu-
sat, nusquam hæresin. Quin imò Augustini ea in re imi-
tator, non tam ad eorum accusationem, quàm ad sui de-
fensionem armatur. In præfat. ad obiect. Vincent. *Qui-
dam Christiana, ac fraterna charitatis obliti, in tantum ext-
stimationem nostram quoquomodo student ledere, ut suam se e-
nertere, nocendi cupiditate, non videant, &c. Sensus nostri, &
fidei, quam contra Pelagianos ex Apostolica Sedis auctoritate
defendimus, verba ponemas: ut agnoscant impiarum profana-
rumque opinionum nullum cordibus nostris inhaesisse vestigium.*
Et in præf. ad Capit. Gall. *Doctrinam Augustini quibusdam
visum est, aut intelligendo aut intelligi eam nolendo reprehendere.*
Eam à calumniis purgaturum se suscipit. Denique in e-
pist. ad Ruffinum: *Cui Augustino, inter tot certaminum pal-
mas, inter tot triumphorum coronas, quidam nostrorum, quod
de ipsis multum dolendum est, occultis sed non incognitis susur-
rationibus obloquuntur.* Tum accingitur ad amoliendas à
sanctissimo viro has calumnias: & denique ait: *Conside-
ergo, quoniam hac contradictio, sicut in aliis mundi partibus,
ita in his regionibus conquiescet.* Ita sanè contingit frequen-
ter, ut suspecti purgent se potius infirmis fortes, quàm
fortibus infirmi. Infirmitas enim & domi & foris cæcu-
riens, titubans, fastidiosa est. Fortitudo autem charitatis
sibi etiam iniuriosa est, seque extenuat, ut infirmis me-
deatur.

XXV. Quàm
pertinaces illi ef-
fent in imperitiâ
suâ.

Nec Hilarius, nec Prosper, nec alij complures aduer-
sus criminatores Augustini obmutescabant. Etenim ibi-
dem Prosper ait, *In ipsis his locis, in quibus adversus eum
querimonia concitatur, esse propitio Deo plurimos, qui ad perce-
ptionem Evangelica Apostolicaque doctrina, saluberrimis eius
disputationibus imbuuntur, & quotidie in membris corporis
Christi, inquantum ea ipse multiplicat, dilatantur.* Scripserat
& in sui defensionem Augustinus. Augustini memoriam
& doctrinam consecrauerat Cælestinus, ut infra dicemus.
Et in quibus tamen pertinax illa residebat adhuc non hæ-
resis, sed falsitas & imperitia indomita, toleranda, non
execanda

execanda ab unitate Ecclesiæ sanctissimis Episcopis videbatur. Ita enim Africani Episcopi in synodicâ suâ ab exilio Sardinia scriptâ: *Vos itaque dilectissimi fratres, per gratiam Dei estote stabiles, & immobiles, ac tenentes veram fidem: exhibere fratribus aliter sentientibus charitatem. Nec de aliquo desperetis. Quia qui hodie veritatem in aliquo non agnoscit, potest cras Deo reuelante cognoscere. Oremus pro eis, ut Dominus operetur in eis, &c.* Pra omnibus studium gerite, libros sancti Augustini, quos ad Prosperum & Hilarium scripsit, memoratis fratribus legendos ingerere. Et mox opera Fulgentij commendantes, aiunt: *Ceterum vnus ex nobis, illis omnibus, qua memoratos fratres aduersus gratiam & predestinationem intimastis vel sentire vel dicere, tribus libris sufficienti disputatione respondit. Vides vt fratrum nomine dignentur imperitos disputatores istos, & Deo reuelante sperent, in quod nondum peruenerunt, peruenturos.*

Arausicana porro secunda Synodus nec transuersum vnguem ab illâ Patrum clementiâ deflexit. Continuo enim sic ordiuntur: *Pervenit ad nos esse aliquos, qui de gratiâ & libero arbitrio per simplicitatem minùs cautè, & non secundum fidei catholica regulam sentire velint. Tunc aiunt capitula quadam à se proponi, ad docendos eos, qui aliter quam oportet sentiunt, &c. ut qui huc usque non sicut oportebat, de gratiâ & libero arbitrio credidit, ad ea qua fidei Catholica conveniant, animum suum inclinare non differat.* Simples & minùs cauti vocantur, qui pridem secus senserant, non hæretici; etsi non secundum fidei catholicæ regulam senserant. Ideo nullo feriuntur anathemate, non scinduntur ab Ecclesiæ unitate, non pœnitentiæ laici vlli addiuntur, non Clerici gradu aut pontificio excutiuntur. Denique can. 25. & ultimo, purgant se infirmis fortes, & ferreæ necessitatis portentosam criminationem deprecantur Episcopi Synodi huius. Quod tanto admirabilius sanè est, quòd iam olim Augustinus, Prosper, Hilarius, iam Fulgentius, iam Africani synodicè Episcopi, iam Cælestinus & Hormisda Pontifices, iam Oriens, Occi-

XXVI. Arausicana Synodus eandem secuta mediocritatem.

densque conspirauerant aduersus pugnaces istos liberi arbitrij patronos; & tamen adhuc illi bellaturientes, scriptis etiam commentariis, vt Faustus, Gennadius, & Cassianus, inepta delicta promulgantes: nihilo secius tamen, vt fratres habentur, & *per simplicitatem minus caute*, aliter quàm oportet sensisse excusantur. Vsq̃ue adeo prolixa & infinita quædam dispensatio venturis sæculis præmonstrabatur, ad inexpugnabilem hanc simplicitatem infirmorum ferendam.

XXVII. Item
Bonifacius II.
Papa, & Ecclesia
Lugdunensis.

Et Bonifacius II. Pontifex in epistolâ ad Cæsarium, quâ Arausicanam confirmat Synodum, paulò austerius has vocat *reliquas Pelagiani erroris ineptias: vetusti erroris reliquias*: nullâ tamen præterea acriori censurâ dilanci-
nat aliquos Episcopos Galliarum, qui cùm cætera iam bona ex Dei acquiuerint gratiâ prouenire, fidem tamen, quâ in Christo credimus, natura esse volebant, non gratia. Insanum errorem fusè insectatur, eius tenaces Episcopos nullâ grauiori sententia, aut vel comminatione perstringit, quin de iis in posterum melius ominatur: *Contra reliquas Pelagiani erroris ineptias, quas illa videtur epistola continere, quam à quodam tibi mandasti sacerdote transmissam, respondendum non diximus: quia speramus de misericordiâ diuinâ, quòd ita per ministerium tuæ fraternitatis atque doctrinam, in omnium quos dissentire mandasti, dignabitur cordibus operari vt, &c.* Pontifex non aliud, quàm spem sibi esse rescribit, vt Deus in eorum cordibus vberiore gratiæ suæ lucem, ad gratiæ ipsius intelligentiam irradiet. Et Ecclesia Lugdunensis nono sæculo tenax eiusdem sententiæ, lib. de tribus epistolis: *Querimoniâ & perturbatione magnorum & sancto- rum apud Gallias virorum, qui disputationibus in tantum per- moti fuerunt, & quodam radio affecti, vt predestinationis sen- sam, qui constanter predicabatur, vel quasi falsum, vel quasi periculosum potius tacendum esse indicarent. Sed nec tantâ per- turbatione fidelium auocari potuit Augustinus, &c.* Vbi ad mar- ginem hæc adnotauit compiler Bibl. PP. to. 4. p. 2. *Ex hoc habetur Semipelagianos non fuisse hereticos, sed Catholicos.*

Sed Synodis, Pontificibusque in hanc præiuerat indulgentiam Cælestinus Papa, à Prospero & Hilario exstimulatus, epistolâ ad Gallicanos Episcopos scriptâ, qua Augustinum meritis effert laudibus, Presbyteros obiurgat, *qui indisciplinatas quæstiones mouebant, prædicabant aduersantia veritati.* Nihil grauius tamen, quàm illis *silentium imponi* decernit. Ita enim cum Catholicis simplicibus, etiam pertinaciter imperitis, non autem cum doctis hæreticis agitur.

XXVIII. Huius indulgentiæ olim dux Cælestinus.

Vtque caligo rei huic offusa diligentius expungatur, aduerte ex Augustino suprâ laudato, audaculis his censoribus duo quædam persuasissima fuisse, catholicæ fidei palmaria, ex quibus religata penderent cætera: nempe & peccato ~~parentali~~ obnoxios nasci omnes homines, itemque voluntates hominum Dei gratiâ præueniri, vt nec incipere quid boni, nec perficere queant, sine eius adminiculo. His duobus implicata sunt cætera rectæ fidei capita, etsi id illi minùs aduerterent. Similiter illi aduersùm quos disputat Bonifacius II. Papa, bona omnia opera Gratix imputabant. At inde nascebatur istud quoque, vt fides quæ bonorum operum exordium est, & palmam inter animi nostri interiora bona opera obtinet, Gratix adscribatur. Quod ibidem Pontifex ita arguit: *Illos qui præcedente fide, cætera volunt gratia deputare, suâ professione constringimus, vt multò magis dono gratia etiam fidem cogantur adscribere, præter quàm nihil est boni, quod secundum Deum quilibet valeat operari: sicut B. Apostolus dicit, Omne quod non est ex fide, peccatum est. Quod cum ita sit, aut nullum bonum gratia deputabunt, si ei fidem subtrahere moliantur: aut si quod bonum esse dicunt de gratiâ, ipsa necessario fides erit gratiæ deputanda.* Postremò ij aduersùm quos Cælestinus scribit: *ea tantummodo sequi, & probare consentientur, quæ sacratissima B. Apostoli Sedes contra inimicos gratia Dei per ministerium Prasulum suorum sanxit & docuit.* Ex hoc porro vno capite contexebatur tota fidei orthodoxæ series de gratia, etsi illi secus opinarentur. Etsi ergo priua-

XXIX. Tantæ in tam pertinaciter errantes indulgentiæ causa retegitur.

tas opiniunculas suas puerili, & pueriliter contumaci simplicitate garrere solerent; quia tamen summam ipsam rectæ fidei cum tota Ecclesia complectebantur, qua continebatur opiniuncularum illarum eiuratio, quia decreta Sedis Apostolicæ reueriebantur; ideo infirmis fratribus, non hostibus fidei annumerabantur, incitabanturque duntaxat, *ut in quod peruenerant, in eo ambularent*: ita enim fore ut aliquando id quoque, in quod nondum peruenerant, assequerentur.

XXX. Hic defenditur nonnullorum istiusmodi spectata sanctitas.

Ergo si de Hilario Arelatensium Episcopo, si de Vincentio, si de Cassiano, de Gennadio, de Sidonio Apollinari, si de Fausto acerbius quid aliquando excidit magnis viris, id æqui bonique consulendum est, & in doctrinam, in quam incautè & per simplicitatem incurrerant, non in personas refundendum. Ita fiet ut non inuideamus, non obtristemus spectatæ eorum complurium sanctitati, cui & Augustinus & Prosper ipsi applaudebant. Nec magnopere satagemus, an ante obitum acquieverint saniori doctrinæ. Cum ad Arausicanæ saltem usque Synodi tempora, inter Catholicos numerari non desierint.

XXXI. Complura alia eiusdem rei exempla. Puta in Anthropomorphitis ex Epiphanio, & Augustino.

Nec nulla sunt alibi eiusdem exempla indulgentiæ. Nam ut author est Epiphanius hæresi 70. num. 8. Audiani seu Anthropomorphitæ Deo humanam appingebant effigiem: rusticitati autem eorum id, non hæresi tribuebatur: *Illorum dogmata proposuimus, quæ simplici quodam ratione, ac pertinaci contentione studio turpiter assueverant*. Audis pugnacitatem non hæretici, sed tardioris, & obtusi animi. Et num. 14. *Illud de Dei imagine interpretandum putant simplici quidam ratione, κατὰ τὸ ἰσχυρόν*. Quocirca neq; ea de causa, sed alia longè diuersissima, ait Epiphanius illos ab Ecclesia & scissos esse primùm, & semet abscidisse. Quin quod semet absciderint, in schisma potius, quàm in hæresin illos censet impegisse. Vnde & Augustinus lib. de hæres. hæ. 50. *Audiant quos appellat Epiphanius, & schismaticos, non hæreticos vult videri*:

alii vocant *Antropomorphitas*, quoniam Deum sibi fingunt cogitatione carnali, in similitudinem imaginis corruptibilis hominis, quod rusticitati eorum tribuit Epiphanius, parcens eis, ne dicantur heretici. Eos autem separasse se dicit à communione nostrâ, culpando Episcopos diuites, & Pascha cum Iudeis celebrando. Quamuis fuit; qui eos in Aegypto Ecclesie Catholica communicare assenserent. Vides quid sentiat Epiphanius, nec Augustinus ab eo dissentiat.

Sed operæ pretium erit audire quid de sanctissimis, & indoctissimis tamen monachis narret oculatus rerum omnium testis Cassianus Collat. 10. cap. 2. Theophili Alexandrini Episcopi solennes epistola commearunt, quibus cum denunciatione paschali, contra ineptam quoque *Antropomorphitarum* haresin longâ disputatione differtit, eamque copioso sermone destruxit. Quod tanta est amaritudine ab universo propemodum genere monachorum, qui per totam provinciam Aegypti morabantur, pro simplicitatis errore susceptum: ut è contrario memoratum Pontificem, velut haresi gravissimâ depravatum pars maxima seniorum ab universo fraternitatis corpore decerneret detestandum: quod scilicet impugnare Scriptura sancta sententiam videretur, negans omnipotentem Deum humana figura compositione formatum, cum ad eius imaginem creatum Adam Scriptura manifestissimè testaretur. Denique & ab his qui erant in Eremo Scythi commorantes, quique perfectione ac scientiâ, omnibus qui erant in Aegypti monasteriis præminebant, ita est hac epistola refutata: ut præter Abbatem Paphnutium nostræ congregationis Presbyterum, nullus eam ceterorum presbyterorum qui in eadem Eremo aliis tribus Ecclesiis præsidebant, nec legi quidem, aut recitari in suis conventibus prorsus admitterent. Quis autem sanctissimos istiusmodi monachos & alios ubique terrarum ut credere par est, tarditate ingenij, sed pietatis quoque cumulo certantes, hæreticis accenseret? Etenim illi ut c. 3. subditur, non errabant; nisi imperitiâ solâ & simplicitate rusticitatis. Vnde mox ibidem senex quidam omni virtutum genere consummatus, & ab eo tandem errore extricatus, eiulabat in hunc mo-

XXXII. Item ex
Cassiano.

M m m iij

dum: *Heu me miserum! Tulerunt à me Deum meum; & quem nunc teneam, non habeo, vel quem adorem, & interpellem, iam nescio.* Et sanè quotusquisque fidelium vulgi non pari hodie ludibrio vexatur interdum?

XXXIII. Item
in Tertulliano.

Eòdem refertur quod Augustinus hæresi 86. ait Tertullianum sensisse, animam esse corpus *effigiatum*; Deum corporeum, non *effigiatum*. Addit autem, *Nec tamen hinc hæreticus creditur factus.* Et rursum: *Non ergo ideo est Tertullianus factus hæreticus.* Posset enim quoquo modo ut idem ibidem ait, putari, corporis vocabulo significasse, quidquid substantivum & solidum est, non vacuum & inane. At ea est humanior Augustini interpretatio, quæ vereor ut omnibus approbetur, & vel ipsi Tertulliano; qui cum animam nugatur corpus *effigiatum*, plus satis expromit, quid corporis nomine intellexerit, quod certa effigie circumscripsit.

XXXIV. Item
in Synesio, & aliis.

Quid de Corinthiis dicemus, quorum aliqui fidem & spem resurrectionis exuisse videbantur, ut tanto æstu adversus eos Paulus digladietur? Quid de Synesio, qui cætera callentissimus humanæ diuinæque sapientiæ, resurrectionis fidei suffragari se posse disertissime inficiatus, ad Episcopatum nihilò seciùs abreptus est? Nempe in his, ut & in Apostolis ante Spiritûs sancti vberiore allapsus, æque in resurrectionis sententiâ & in aliis non paucis titubantibus, non hæresis, sed infirmitas hæcerat animi, stupentis & hebescentis ad diuinorum sublimitatem. Euagrius lib. 1. cap. 15. *Synesio persuadent, ut licet nondum doctrinam de resurrectione carnis admisisset, neque ita censere vellet, salutari regenerationis lanacro tingeretur, & iugum susciperet sacerdotij. Rectè admodum de eo augurantes, quod hæ res alias eius virtutes sequerentur: diuinaque gratia nihil pateretur in eo desiderari. Quæ spes illos minime frustrata est.* Vide hæc de re Synesij ipsius epistolam 105. prorsus mirabilem. Quid de illis porro, quos tam creber exagitaui Augustinus, qui Christianos Catholicos saltem, etsi omnium scelerum colluione contaminatissimam egis-

sent vitam, fabulabantur temporalibus tantum pœnis subactum iri, & in die iudicii donandos sanctorum precibus, vnaque in cœlestem patriam euehendos? Nunquam his sanctus Pater vel vno verbulo maculam aspersit hærescos. Enchir. ad Laurent. c. 67. De illis censet in hunc modum: *Qui hoc credunt, & tamen Catholici sunt, humar. a quadam beneuolentiâ mihi falli videntur.*


Penè nos suffugerat Zosimus Papa, qui Cælestium, Pelagiumque Catholico agminis propemodum reddiderat, cum ab iis audisse se putaret, non tam quid erraret, quàm quid dubitarent, quid doceri cuperent. Vnde Augustinus lib. 2. ad Bonifac. cap. 3. *Cum hoc Cælestius in libello suo posuisset, inter illa duntaxat, de quibus se adhuc dubitare & instrui velle conf. ssus est: in homine acerrimi ingenij, qui profectò si corrigeretur, plurimis posuisset, voluntas emendationis, non falsas dogmatis approbata est. Et propterea libellus eius Catholicus dictus est, quia & hoc Catholica mentis est, si qua fortè aliter sapit, quàm veritas exigit; non ea certissimè definire, sed detecta, ac demonstrata respuere. Non enim hæreticis, sed Catholicis Apostolus loquebatur, ubi ait, Quotquot ergo perfecti, hoc sapiamus: & si quid aliter sapitis, hoc quoque Deus vobis reuelabit. Hoc in illo factum putabatur, quando se literis beate memoriae Papæ Innocentij, quibus de hac re dubitatio sua sublata est, consentire respondit. Vbi obserua. 1. religioni nobis esse & pudori, plùs sapere quàm Augustinum. Quod ergo ille Zosimo laudi vertit, id absit vt conserpamus. Cæterum non hîc modò, sed frequentissimè Augustinus, vt suprâ eluxit; imò & Patrum Senatus ingens, Apostoli Pauli legens vestigia, ei assensus est doctrinæ & indulgentiæ, quâ fretus Zosimus Cælestium excusabat interim magis, quàm purgabat. 2. His imperfectis, de quibus suprâ, veniam dari, ne hæreticis immisceantur, quòd præ se id ferant, literis se & doctrinæ Pontificum subscribere, etsi eam interim minùs capiant. Eo Cælestius & Pelagius Zosimo se commendarant. Eo istiusmodi omnes superiùs Facundus iu-*

XXXV. Z. simus
Papa de cœlestium
superiorem fel-
cit, & eâ fultur
ipse: ubi & tria
quædam magni
momenti subno-
tantur ad rele-
candos difficul-
tatum nodos.

uabat, quod *semetipsos rationi dociles, & subiectos authoritati praebeant Ecclesia*: quod cum per ignorantiam in plurimis errant, in nullo tamen errare credunt Ecclesiam, cuius se confidunt unitate saluari: quod licet non in omnia, quae tam multa & magna continet Christiana religio, sicut dignum est, animum potuerunt intendere: animo tamen vera & recta esse in Ecclesia fide non dubitauerunt, ut in ea perficiendi manerent. Nemo ergo praetextu antè disputatorum, aduersus Ecclesiae doctrinam contumacius certari posse, & absurdas foueri opinionunculas pertimescat: cum id tam sedulò praestructum fuerit, hanc illis vnus patere indulgentiae ianuam, qui in nullo errare credunt Ecclesiam. 3. Itaque non quorumlibet est, ut sibi; sed Ecclesiae iudicium, atque arbitrium est, ut quibus conducit, & quandiu conducit, haec infantiae blandimenta, haec dispensationis lenocinia adhibeantur. Ista enim iam non simplicitas, sed calliditas: non rusticitas & hebetudo, sed simulatio & impudentia foret, simplicitatem praetendere, rusticitatem allegare, ad errandi fallendique licentiam assequendam. In exemplis suprapositis emicabat, totam dispensandi prudentiam, potestatemque non errantibus, sed vni Ecclesiae moderandam, regendamque incubuisse. De Caelestij vafritie Zosimus ab Afris tandem admonitus, ne illam quidem confessione deinceps contentus, ait, quā se Innocentij literis inhaerere simulauerat, nisi sigillatim suos recantaret errores. Denique quibus defensionem supra adornauius, illi eo omnes fuere animo, quo Augustinus, teste Facundo, lib. ii. cap. 6. ad subscribendum vel Ecclesiae, vel cuique recta monenti pronissimus, sicubi erraret. Sed de Augustino rectè sic audis, cuius animum professio sua declarat: de aliis autem quā ratione sic credas? Quasi vel ipse qui contradicit, certum habeat, quod hoc alij quoque non dixerint: tanquam omnia omnium legerit, omniumque meminerint. Aut vel ipse animus Augustini ideo talis fuit, quoniam taliter est locutus: & non potius quoniam talis fuit, ideo est locutus: ac per hoc, etiamsi nihil tale dixisset, idem tamen esset habitus

habitus animi, ad corrigendum, quod iustè offenderet, præparati. De quo si etiam sic bene sentiremus, & pium proculdubio esset & verum, quanquam videretur incertum. Hoc igitur & de aliorum animis sentiamus, quia interim pium est, vel si videatur incertum. Quòd si & malè de illis sentiamus, hoc quoque certum non erit, sed certa impietas erit. Melius ergo est, ut de duobus illud eligamus incertum, in quo certa pietas adprobetur: quàm hoc incertum, in quo impietas certa damnetur. Hunc sapiendi modum singulis nobis delineat Facundus: at Ecclesiæ ipsius si qua in aliquos iudicia, si qua fulmina coruscaverint: præposteræ cuiusdam temeritatis ac dementiæ fuerit, Ecclesiæ ipsi errorem affingere, ut eos tuearis, qui eo vno defendi se posse scuto sperauerunt, quòd se, scriptaque sua Ecclesiæ subiecerint, quam in nullo errare confitebantur.





DISSERTATIO XIV. IN CONCILIVM ROMANVM VTRVMQVE

SVB FELICE II. PAPA.

Anno Christi 483. 484.

SYNOPSIS.

Prima Sedis hoc privilegium adferitur, iudicandi de cæteris Patriarchis, etiam sine generali Synodo.

I. Prima Sedes de omnibus, & de ipsis Patriarchis iudicat.

NON potest opportuniùs vsquam alibi pertractari quæstio, quæ ad potestatem summi vnus per-
tinet in Ecclesiâ Pontificis, ad cæteros omnes etiam Patriarchas iudicandos, deponendosque. Ipsum enim à nullo alio Patriarchâ posse similiter iudicari, deponive, consequenter elucidabitur in commentandis mox Romanis sub Symmacho Papa Synodis. Quæ duo quidem summa capita sunt eius principatûs, quem in summo causarum ecclesiasticarum Iudice suspicimus, ut de omnibus iudicet, & à nemine iudicetur.

II. Synodi œcumenicæ non possunt cogi toties, quoties agitando sunt de Patriarchis iudicia.

Cùm toto igitur Oriente hæresin Eutychianam summi Antistites Constantinopolitanus, Alexandrinus, Antiochenus, & Imperatores ipsi, vel clam fouerent, vel palam disseminarent, conclamata erat fidei & Ecclesiæ ipsius Christianæ incolumitas: nisi Apostolica & prima Sedes Petri eam authoritatem, eam fidei firmitatem inconcussam à Christo consecuta esset, quâ & fidei hostes

amouerentur, & Ecclesia ab impendente eximeretur exitio. Cædibus & graſſationibus hæreticorum occurri non poterat, niſi vel per Synodum œcumenicam, vel per primam Eccleſiæ Sedem. Non poterat tunc coaleſcere Synodus œcumenica, cùm Zenon Imperator, cùm Alexandrinus, cùm Antiochenus Patriarchæ aduerſarentur rectæ fidei, cùm Acacius CP. his conuiueret. Ergo ſpes vna ſalutis erat in primâ Sede, Synodi œcumenicæ vi-ces ſupplente. Qui ergo hanc illi poteſtatem inuident, id nimirum ſuperest, vt fidem & Eccleſiam huiusmodi peſtibus dilaniandam, & impunè proterendam permittant.

Ideo & Ioannes Alexandrinâ Sede pulſus Romano Pontifici aduerſus Acacium libellos dedit. Felix epist. 6. ad Acacium: *Ad libellum fratris & Coëpiſcopi mei Ioannis, qui te grauiſſimis obiectionibus impetuit, in Apoſtolicâ Sede ſecundùm Canones reſpondere diſſidens, obiecta firmasti. Et in libello citationis ad eundem miſſo per Vitalem & Miſenum: Superueniens Coëpiſcopus noſter Ioannes, fugatus ab hæreticis peruaſoribus Sedis Alexandrina, libellum nobis, quem ſancta memoria deceſſori meo parauerat, porrigendum ingeſſit. Quem morem, maioris ſui beata memoria Athanaſij exemplo, & priorum noſtrorum, non potuimus refutare. Et ideo ad hæc, quæ propoſita eſſe cognoſcis, apud beatum Petrum Apoſtolum, cui preces in nobis oblatas peruides, & quem ligandi atque ſol-
nendi à Domino poteſtatem ſumpſiſſe non potes diſſiteri: & in conuentu fratrum & Coëpiſcoporum noſtrorum reſpondere ſeſtina. Et in libello quem Felix idem decreto Concilij ad Zenonem miſit: Aduerſus quem, Acacium, in conuentu mihi ab eo, Ioanne Alex. Epico, libellus oblatuſ eſt, vt idem Acacius, ſicut eccleſiaſticis neceſſe eſt, & veſtris legibus fieri dicet, ad hæc, quæ de ſe peruidis intimari, apud beatiffimum Petrum Apoſtolum diluere obedienter procuret, nec ullo modo exiſtimet differendum. Qui ſi quemadmodum confi-
dimus, bene conſcius eſt, Apoſtolicum non debet iudicium cum conſacerdotibus ſuis & moderationem abijcere, &c. Vides 1. Epicoſum ſe-*

III. Probat ex
epist. Felicis Pa-
pæ.

cundæ Sedis Episcopo primæ Sedis libellum porrexisse aduersus Episcopum CP. 2. Ibi inhæsisse vestigiis, & exemplis Athanasij ad Iulium Papam confugientis. 3. *Ecclesiasticis legibus* causam Acacij à Pontifice Romano cognitam, exauthorationis sententiam in eum contortam esse. 4. Quia Petro ligandi soluendique potestas cælitus collata est.

IV. Probatur idem ex epist. Gelasij Papæ. Summa fastigia probationum.

Grauitè tulerunt Acacij in Sede Constantinopolitanâ successores, extra œcumenicam Synodum ab Apostolicâ Sede damnatum illum fuisse. Ita enim Gelasius epist. 4. *Euphemium miror, si ignorantiam suam ipse non perspicit: qui dicit Acacium ab uno non potuisse damnari.* Vt suæ ergo Sedis iura tueatur Gelasius, aduertamus animum. Respondet ergo 1. Acacium non nouæ hærescos architectum fuisse, sed Entychianam refouisse, ita in Chalcedonensi Synodo damnatum fuisse, cuius executrix suo more & iure est Sedes Apostolica: nec Synodi œcumenicis opus est, ut executioni mandentur placita Synodorum œcumenicarum. 2. Appellationes toto ex orbe ad Sedem Apostolicam Canonibus concessas esse, & iam antè ipso etiam approbatore & executore Acacio solius Apostolicæ Sedis autoritate deiectos fuisse Timotheum Alexandrinum, Petrum Antiochenum, Petrum, Paulum, Ioannem, & alios. Ergo his exemplis tam salutiferis Ecclesiæ, & tam necessariis authoratam Sedis Apostolicæ potestatem, æquè in ipsum Acacium insurgere potuisse. 3. Ioannem Alexandrinum Episcopum fidei & pietatis assertorem, Sede suâ ab Imperatore pulsum, neminem queri: ab Apostolicâ Sede restitutum, Græculos conqueri. Peruersum id & præposterum. Illud lamentandum, hoc gratulandum. Si enim in Ecclesiæ perniciem potest Imperator pios eiicere Præsules, scelestos intrudere, & Synodos œcumenicas prohibere: quin possit summus Pontifex citra Synodi œcumenicæ operam pios redintegrare, impios euertere? 4. Vt inferiores à superioribus, clericos ab Episcopis, Episcopos à Metropolitanis, hos ab Exarchis: ita cæterarum Sedium summos Antistites apud pri-

nam Sedem & examinari, & iudicari posse. Ita enim iudiciorum ordo inconuulsus postulat. 5. Reuolutis superiorum temporum monumentis, Synodi vniuersalis operâ, restitutos à sola Apostolica Sede fuisse, orthodoxis omnibus & piis gratulantibus, Athanasium, Chrysostomum, Flavianum, & alios principalium Ecclesiarum Præfules. 6. Vt Athanasij & Chrysostomi ætate, ita nunc, etsi optatissimum fuisset, non tamen potuisse vniuersalem Synodum congregari. Etenim Oriens omnis, & Imperator ipse cum Acacio in erroris defensionem conspirabat. Ergo vel actum erat de salute Ecclesiæ, vel præter œcumenicam Synodum, tot ex capitibus pendulam, tot inexpugnabilibus obicibus interseptam, aliud à Christo compendiosius & explicatius præsidium in Sede Petri diuinitus constitutum est. Nunc verba ipsa Gelasij ascribamus, maiestatis & virium vtique plùs habitura.

Primum ergo ita insurgit epist. 4. *Itane non perspicit secundum formam Synodi Chalcedonensis Acacium fuisse damnatum? &c. Acacius quippe non fuit noui vel proprii inuentor erroris, ut in eum noua scita prodirent, sed alieno facinori suâ communionem se misuit.* Et epist. 8. *Cum Chalcedonense Concilium damnauerit Eutychem, detestandi furoris authorem; non satis habuit, nisi ut pariter eius quoque consortem Dioscorum ceterosque percelleret. Hoc igitur modo successores eorum Timotheum, Petrum, atque alterum Antiochenum Petrum, non viritum propter singulos quosque rursus. factò Concilio, sed Synodi semel acta regula consequenter elisit.* Et Epist. 13. *Maiores nostri diuinâ inspiratione præcauerunt, ut quæ contra vnamquamque heresim coacta Synodus, pro fide, communionem, ac veritate Catholicâ atque Apostolicâ promulgasset: non sinerent post hæc nouis retractationibus mutilari; ne prauis occasio præberetur, quæ medicinaliter fuerant statuta, pulsandi: sed authore cuiuslibet insanie, ac pariter errore damnato sufficere iudicarunt, ut quisquis aliquando huius erroris communicator existeret, principali sententiâ damnationis eius esset obstrictus.* Tum Sabellium, Arium, Macedonium, Eunomium, Nestorium vna Synodo damna-

V Aduersus priscarum hæreseon fautores nullâ nouâ opus est Synodo.

tos cum errore suo fuisse ostendit, ut eadem sententia posteros omnes eodem constrictos errore innodaret.

VI. Sedes Apostolica executrix est Synodorum generalium.

Oecumenicarum autem Synodorum executricem esse præ cæteris Sedem Petri, ita mox docet: *Confidimus, quod nullus iam veraciter Christianus ignoret, uniuscuiusque Synodi constitutum, quod uniuersalis Ecclesia probauit assensus, non aliquam magis exequi Sedem præ cæteris oportere, quam primam: quæ & unamquamque Synodum suâ autoritate confirmat, & continuatâ moderatione custodit: pro suo scilicet principatu, quem beatus Apostolus Petrus Domini voce perceptum, Ecclesiâ nihilominus subsequente, & tenuit semper, & retinet. Et infra: Quod Sedes Apostolica, ut decuit, antiquâ traditione custodiens, non Synodum duxit iterandam, sed in eius prauaricatore pellendo hanc eandem Synodum potius exequendam. Et infra: Ponamus tamen, etiamsi nulla Synodus præcessisset, cuius Apostolica Sedes rectè fieret executrix, &c. Et paulò ante finem: Plurimorum in Italiâ catholicorum congregatiō sacerdotum, non tanquam noua Synodus contra veterem, primamque cognouit; sed potius secundum tenorem veteris constituti, particeps Apostolica executionis effecta est. Itaque executrix est Sedes Apostolica synodicarum generalium constitutionum, ob diuinitus Petro collatum principatum, & in eius executionis societatem adsciscit sibi Synodos, & Episcopos alios.*

VII. Executor est & quilibet Episcopus, sed in obnoxios sibi.

Quapropter quòd epistolâ 4. Gelasius infimis etiam Episcopis communicauerat hanc potestatem, id modestum desiderat interpretem. *Quod non solum Prasuli Apostolico facere licet, sed cuiusque Pontifici, ut quolibet, & quemlibet locum, secundum regulam hæreseos ipsius antè damnata, à catholicâ communione discernant. Est enim iuris & muneris Episcopi cuiuscumque, obnoxios sibi quosque, si cui prædamnatae consenserint hæresi, ab Ecclesiæ communione sequestrare. Nam pro eâ, quæ sibi concredita est, Ecclesiæ portione, executor est Episcopus quilibet synodorum decretorum. At Prasul Apostolicus, ut prima Sedis Antistes, & pro suo principatu, quem Petrus*

Domini voce percepit, non oues tantum, sed Pastores, & summos summarum Ecclesiarum Pastores, si contagio hæreseos afflati fuerint, segregare potest, ut Synodorum œcumenicarum vniuersalis & summus executor.

Secundò idem Gelasius ad hunc modum argumentatur epistolâ 4. *Nobis opponunt Canones, &c. Ipsi sunt Canones, qui appellationes totius Ecclesiæ ad huius Sedis examen voluerunt deferri. Ab ipsâ vero nusquam prorsus appellari debere sanxerunt. Ac per hoc illam de totâ Ecclesiâ iudicare, ipsam ad nullius commeare iudicium, &c. In hac ipsâ causâ Timotheus Alexandrinus, & Petrus Antiochenus, Petrus, Paulus, Ioannes, & ceteri, non solum unus, sed plures utique nomen sacerdotij præferentes, solâ Sedis Apostolicæ sunt authoritate deiectioni, cuius rei testis etiam ipse docetur Acacius, qui præceptionis huius exiit executor. Et epist. 13. Hoc tenore etiam Timotheus Elurus, atque ipse Alexandrinus Petrus, qui secundam certè Sedem quoquomodo tenuisse videbantur, non repetitâ Synodo, sed authoritate tantummodò Sedis Apostolicæ, ipso quoque Acacio postulante, vel exequire, probatur esse damnatus. Ut olim ergo Cyrillo Alexandrino postulante, & exequire, Nestorius Constantinopolitanus à Romano Antistite damnatus fuerat: ita vicissim nunc Acacio Constantinopolitano, Timotheus, & Petrus Alexandrini: & denique Ioanne Alexandrino libellos dante, Acacius Constantinopolitanus, à Sede Apostolicâ damnati fuere. Atque ita moderante omnia summo Christo, & ad salutem Ecclesiæ suæ sæculorum turbulentos vertices contorquente, rerum ipsa necessitas compulit secundas per orbem maiestates, seu Sedes Patriarchales cæteras, dum copia Synodi œcumenicæ non passim datur, dum sese & fidem tueri aliter non possunt, ad primæ Sedis Petri tribunal confugere, eius iudicium postulare.*

Tertiò ita se, maioresque suos tuetur Gelasius epist. 4. *Quâ ipsi Synodo, vel secundum cuius Synodi formam, Alexandrinum Ioannem de Ecclesiâ, cui ordinatus fuerat, expulerunt? Qui nullis causis evidentiis, nec antè convinci, nec postea pro-*

VIII. Iam complures Patriarchas ante Acacium deiecerat Sedes Apostolica, ipso Acacio hortatore.

IX. Aliquos nefarie Imperator deiecerat sine Synodo. Ergo debet Pontifex & sine Synodo pos-

se restituere, vel
deicere, ut sua-
ferit æquitas.

*uocans, etiam in iudicio competenti, potuit accusari. Quod si di-
cunt, Imperator hoc fecit: hoc ipsum quibus Canonibus, quibus
regulis est præceptum? Cur huic tam prano factò consensit Aca-
cius, cum authoritas diuina dicat, Non solum qui faciunt pra-
ua, reos esse, sed etiam qui consentiunt facientibus? An secun-
da Sedis Antistites & tertia, ceterique bene sibi consi-
sacerdo-
tes depelli debuere: & qui religionis exitit inimicus depelli non
debit? Et epist. 13. Dicatur de Alexandrino & Antiocheno
Episcopo, certis ex causis Principem magis illa, qua gesta sunt,
non Acacium præcepisse. Sed Principi Christiano decuerat sugge-
rere sacerdotem, maximè cuius familiaritate & fauore foveba-
tur, saluam fore de eiusdem iniuriâ, contumeliæque vindictam;
tantum ut Ecclesia sineret Christianus Princeps regulas custo-
diri, &c. & sicut semper esset effectum; ac diuina pariter leges,
humanaque censerent, ut sacerdotali Concilio de sacerdotibus in-
dicia prouenirent, &c. Hic variorum subtextit exempla Pon-
tificum, qui intrepidè retulerunt Principes legibus ec-
clesiasticis derogantes. An qui in hominem Imperatorem pec-
casse dicebantur, nulla interveniente Synodo delicti debuerunt:
& in Deum, qui summus & verus est Imperator, Acacium de-
linquentem, secundum Synodum, qua hac est damnata perfidia,
non oportebat expelli?*

X. Nam Syno-
dum tunc cogi
nec per Impera-
torem licebat,
nec per alios.

Non fuisse autem sibi integrum, Synodum conuoca-
re vniuersalem, refragante Imperatore, & consentaneo
ipsi penè Oriente toto. epist. 13. *Etiamsi nulla Synodus præ-
cessisset; cuius Apostolica Sedes rectè fieret executrix: cum qui-
bus erat de Acacio Synodus ineunda? Nunquid cum his qui iam
participes tenebantur Acacio, & per Orientem totum, Catholicis
sacerdotibus violenter exclusis, & per exilia diuersa relegatis,
socij euidenter existebant: communionis externa prius se ad hac
consortia transfrentes, quàm Sedis Apostolica scita consulerent?*
Ex quo vides & tunc & sexcentis aliàs abrumpi spem
omnem Synodi vniuersalis: cumque interim ea tamen
incurrant momenta rerum, & discrimina, quibus suc-
currere non possit, nisi par authoritas; hanc necessariò
iugem & inconuulsam in primâ Sede Petri constitui, imò
constitutam

constitutam agnosci à Christo, æternitatem Ecclesiæ suæ omnipotenter & sibi consentaneè olim præfundante.

Nam si œcumenicæ Synodi copia fuisset, illam Sedes Apostolica expetisset utique; quæ quantum licuit, Occidentalium Episcoporum, qui soli ferè supererant Catholicæ fidei, & libertatis consortes, Synodum congregavit, in eâque de Acacio cognovit. Ibidem: *Quia orthodoxis ubique deiectis, & hæreticis tantummodò, eorumque consortibus iam relictis in Oriente: Catholici Pontifices, aut residui omnino non essent, aut nullam gererent libertatem: plurimorum in Italia Catholicorum Sacerdotum congregatio, rationaliter in Acacium sententiam cognovit fuisse prolatam: qua congregatio facta Pontificum, secundum tenorem veteris constituti, particeps Apostolica executionis effecta est. Ut satis appareat Ecclesiam Catholicam & Sedem Apostolicam, quia alibi iam omnino non posset, ubi potuit, & cum quibus potuit, nihil penitus omisisse, quod ad fraternum pertineret pro intemerata & sincera communione tractatum.* Synodorum quippe coalitione, id est, numerosiore Senatu suffragatorum, & potestatis, sententiæque suæ sequacium, non dolet, non obscuratur, sed exultat, magisque & magis rutilat Sedis Apostolicæ splendor.

XI. Cum non daretur copia œcumenicæ, coacta est à Pontifice Italica Synodus.

Quartò ex Sedium ordine ita idem Pontifex pugnat, epist. 13. *Quoniam hunc Ioannes secunda Sedis Antistes gravibus pulsaret obiectis, ad primæ Sedis audientiam cohortatus est, Romanus Prasul, vel venire debere, vel mittere. Licet enim Synodus iteranda non esset, tamen congrueret, ut cuiuslibet civitatis Episcopus primæ Sedis iudicium non vitaret, ad quod conuenerat secunda Sedis Antistes, qui nisi à primâ Sede non posset audiri. Præcipuè qui præiudicatis animis nullâ Synodo à Gracis fuisset exclusus: etiam apud eos causam suam nec posset omnino dicere, nec deberet. Quia ab inferioribus Episcopis potior, nisi à primâ Sede, sicut dictum est, vel discuti potuisset, &c. Et infra: Cur ipse Ioannem, quem suis literis impetebat, qualemcumque secunda Sedis Episcopum, in prima Sedis B. Petri Apostoli iudicio confutare despexit, &c. ad quod secunda Sedis*

XII. Constituto Sedium ordine, necessum est, ut prima de aliis iudicet.

cerneret venisse Pontificem; quod Anatolius Constantinopolitanus Episcopus missis legationibus pro sua personâ fecisse monstratur? His accommodatissimè philosophabatur suprâ Cyrillus, & Synodus cum ipso Ephesina, & pro Sedium ordine iudicia instruenda esse decernebat.

XIII. Iam olim absque Synodo plures à Rom. Pontifice restituti vel deiecti sunt summarum Sedium Episcopi.

Quintò superiorum tractu temporum per sæpe non suæ magnitudinis cupidine, sed alienæ salutis charitate urgente, extorquente necessitate, & ita Deo magis quàm homine explicante principatum Petri, absque Synodis restitutos, vel deiectos excipit Gelasius à Romanis Pontificibus summos Episcoporum apices. Epist. 13. *Sed nec illa praterimus, quòd Apostolica Sedes frequenter more maiorum, etiam sine ullâ Synodo procedente, & absolvendi quos Synodus iniquè damnauerat, & damnandi nullâ existente Synodo, quos oportuit, habuerit facultatem.* Tum Athanasij, Chrysostomi, Flauiani exempla profert, quos Apostolica Sedes, quia non consensit Synodis Græcorum, eos damnantibus, absoluit: Dioscorum secundæ Sedis Antistitem, sua auctoritate damnauit: Ephesinam secundam Synodum, non consensiendo submouit. Et cum deiiciendi per sæpe sint ij ipsi, qui Synodum conuocari prohibent, & ideo prohibent ne deiiciantur: malè consultum esset Ecclesiæ Christi, nisi constans & perpetua regnaret in Ecclesiâ potestas primæ Sedis, Synodi vices & vires suppletura.

XIV. In maioribus istiusmodi causis frustra conati Romani Pontifices Concilia generalia congregare, eorum vicem supplere.

Sextæ responsionis testimonia superioribus sunt inserta, constatque superiorum documentis atatum, in potestate non fuisse Pontificum Romanorum Reipublicæ Christianæ consulentium, vt œcumenica Synodus in causâ Athanasij conflueret; aduersantibus nimirum Orientalibus, & secedentibus. In causâ similiter Chrysostomi, lapidem omnem mouit Innocentius, vt œcumenicum coiret Concilium; sed irritus cecidit conatus; cum Orientales Episcopi, qui Chrysostomum damnauerant, & Imperator ipse Arcadius reluctaretur. In causâ perinde Flauiani, ad illius reuocandam damnationem, & totam prædatorix Synodi tragediam soluendam, om-

ni ope enisus est Leo Papa, vt Theodosius Iunior Synodum generalem in Italiâ cogi pateretur, nec tum impetravit. In causâ ergo similiter complurium Pontificum seu Alexandrinæ, seu Antiochenæ, seu Constantinopolitanæ Ecclesiæ, seu fidem oppugnantium, & deponendorum, seu pro fide certantium & restituendorum, cum cogi œcumenicam Synodum per eos quorum intererat, non liceret: Sedes Apostolica in Italicæ, seu Occidentalis Synodi conuentu, in vicem Synodi œcumenicæ, innocentes restituit, reos damnauit; applausere omnes vbique boni, applausit Catholica vbique tum & post Ecclesia, consensuque suo vniuersalis Synodi instar effecit.

Vides vt iura iuribus accumulet Gelasius, & respon-

tionum aliarum aliis substructarum quasi molibus quibusdam congestis opprimat aduersarios. Ad deiiciendos enim gradu suo Patriarchas, Sedi Apostolicæ, vt opus sit Synodo, sed negat nouâ opus esse. Veteris enim Synodi executor Romanus Pontifex, non nouam hæresin, sed nouum veteris hæresis sectarium, vel fautorem iure deponet. 2. Etsi opus esset noua Synodo, negat tum cogi potuisse. 3. Conuocatam ait tunc fuisse Synodum, qualis potuit per tempora, ex Episcopis Italiæ. 4. Negat omnino opus fuisse, vel tunc; vel aliâ Synodo generali, vt Sedes prima de secunda, vel aliis Sedibus cognosceret. Idque probat 1. exemplis superiorum ætatum in causa Athanasij, Chrysostomi, Flauiani, & aliorum complurium. 2. Quia Canones Sedi Apostolicæ concesserunt apellationes ex omni Ecclesia. 3. Quia secundæ Sedis iudex non potest esse, nisi prima. 4. Quia non semper potest, imò plerumque non potest omnino congregari Concilium vniuersale. 5. Quia Acacius, Cyrillus, Athanasius, Cæcilianus, alique Episcoporum vertices agnouere sapissime, minimè necessariam esse Sedi Apostolicæ congregationem Synodi, vt ab ea restituerentur, vel defenserentur, vel ex aduerso discingerentur, ac eiiceren-

XV. Summa & concordia doctrinæ Gelasij,

O o o ij

tur summarum Sedium infellores. Concipiunt hæ responsiones, nec prioribus posteriores dissonant; etsi quod in prioribus quasi vltro donabatur, cautiùs in posterioribus retractetur, vt moris est disputantibus.

XVI. Rursus de
necessario Sediũ
ordine, & de ne-
cessitate Capitũ
constituendi.

Sed quod erat palmare in hac causa, principum nempe Sedium ordo, & primæ in cæteras omnes imperium, vide rursus, vt iterum ab eodem Gelasio confirmetur, in tract. quem Sirmundus edidit, in append. Cod. Theodos. p. 182. *Secunda enim Sedis Antistitem nec expellere quisquam, nec reuocare, sine prima Sedis assensu, vel potuit, vel debuit. Nisi fortè confuso iam ordine rerum atque turbato, nec prima, nec secunda, nec tertia Sedes debeat observari, vel suscipi, secundum antiqua statuta maiorum: & sublato capite, vt videmus, omnia membra vario inter se compugnent certamine: fiatque illud, quod de populo scriptum est Israel: In illo tempore non erat dux in Israel: unusquisque, quod placitum erat in oculis suis, faciebat. Qua enim ratione vel consequentia aliis Sedibus defendendum est, si prima beatissimi Petri Sedi antiqua & vetusta reuerentia non deferatur, per quam omnium Sacerdotum dignitas semper est roborata atque firmata: trecentorumque decem & octo Patrum inniæto & singulari iudicio vetustissimus iudicatus est honor? Vtpote qui Domini recordabantur sententiam, Tu es Petrus, & super hanc Petram, &c. Fœdissima rerum colluies, & intestina rixa identidem corpus Ecclesiæ deformabit, sublato capite, & ordine turbato Sedium. Præsulibus enim summarum Ecclesiarum aliis alios exurbantibus, hæreticis Catholicos eiicientibus, Catholicis supinitate sua Ecclesiam prodentibus, Imperatoribus fidem & Chalcedonensem Synodum oblitterare studentibus: in hac perturbatissima rerum omnium iactatione, vna salutis anchora fuit Sedes Petri. Hæc temerè eiectos restituit, populos alienarum Sedium hæc damnauit, hæc territauit Principes Ecclesiam infestantes, hæc pacem tandem reuexit Ecclesiis. Qui huius principatui inuidet, quid nisi de Ecclesiæ sospitate dolet? Nec aliter vel Athanasij, vel Chrysostomi, vel Flauiani, vel Aca-*

cij, Petri, & aliorum eiusmodi tempore, constare potuit salus reipublicæ Christianæ, quàm vt episcopatibus Sedibus aliis alias, maioribus minores regentibus, & iudicantibus, omnibus vna emeretur Sedes Petri prima, quam singulari patrocínio tuiturum se Christus suscepit, cæteras consequenter tuituram.

Sed illud observa, quòd Gelasius indiscriminatim coniunctimque principatum primæ Sedis, & summi in Ecclesia Iudicis acceptum fert *antiquitati*, item *inuitò & singulari iudicio* Nicænorum Patrum: & *Christi sententiæ*, Petro Ecclesiam suam superstruentis. Nempe *antiquitas* illa à Christo ipso initium ducit, cuius oraculo Nicæni, & aliarum Synodorum Patres obsecuti sunt in primæ Sedis priuilegio amplificando. Sublato quippe Capite existit rixa, interitusque membrorum. Non capite truncam; non seminecem Christus peperit Ecclesiam suam. Ibidem ergo mox idem: *Quare igitur ad Petrum tam frequens Domini sermo dirigitur? Nunquid nam reliqui sancti, & beati Apostoli non erant simili virtute succincti? Quis hoc audeat affirmare? Sed vt Capite constituto schismatis tolleretur occasio, & vna monstraretur compago corporis Christi, quæ ad vnum caput gloriosissimâ dilectionis societate concurreret, & vna esset Ecclesia, vnaque domus vnius Domini & Redemptoris, in quâ de vno pane, & de vno calice nutrireretur.* A Christo ergo ipso Caput constitutum est in Petri Sede, à Christo sublata schismatis occasio, ea antiquitas est huius priuilegij, huic antiquitati diuinæ institutionis canonicæ leges obsecundant.

Nam quòd caput Ecclesiæ sit Christus, quòd caput humanæ reipublicæ sit Deus, sed inconspicuum, & ab aspectu refugum: non id ad abigendum, præuertendumve schisma satis est. Proteruus enim quisque capiti se consentire iactabit, & tumultuabitur interim, susdeque verteret omnia. Ergo prætereà opus est Caput conspicuum constitui in vnaquaque domo, prouinciâ, regno; in vnaquaque, in vniuersâ denique Ecclesiâ. Quo iure enim maio-

XVII. Primatum Romanæ Sedis antiquitati tribuere, perinde est, ac diuinæ institutioni.

XVIII. Si Caput Ecclesiæ diuinitus institutum est, summi quoque Iudicis potestas diuinitus ei concessa est.

478 • DISSERTATIO DECIMAQUARTA

res imperitabunt minoribus, nisi & ipsi maiori alicui, & tandem maximo, seu primo morigerentur? Caput est Christus singularem Ecclesiarum, suo tamen conspicabili capite, & iudice illis est opus Episcopo. Ita & vniuersæ Caput est Christus Ecclesiæ, & Iudex; at quia subductus ille in cætos est, vicarium & aspectabile caput ab ipso constitutum est. Ibidem Gelasius: *Postremo æquum est, ut qui alios libenter, & competenter vultis habere subiectos, cedatis & ipsi antiquo more maioribus, ut confidenter imperare possitis minoribus vestris. Duodecim certe fuisse Apostoli, paribus meritis, parique dignitate suffulti. Cumque omnes æqualiter spiritali luce fulgerent, unum tamen Principem esse ex illis voluit Christus, eumque dispensatione mirabili in dominam gentium Romam direxit, ut in præcipuâ vrbe, vel primâ primum & præcipuum dirigeret Petrum. Ibi sicut doctrina virtute sublimis emicuit, ita sanguinis gloriosâ effusione decoratus, æterno hospitio conquiescit; præstans Sedi, quam ipse benedixit, ut à portis Inferi nunquam pro Domini promissione vincatur, omniumque sit fluctuantium tutissimus portus. Paribus meritis, pari quodammodo dignitate, æqualiter spiritali luce fulgentes annuit fuisse Apostolos, esse Episcopos, sed à Christo tamen constitutum vnum ex illis principem, primum, præcipuum, & in primâ ac præcipuâ vrbe Cathedram illi fixam, ut sicut maiores de minoribus, ita de maioribus hic omnium primus iudicaret. Quo nihil simplicius, nihil inuictius. Nam capite sublato, quod refugium, in idem incurrent, imò in discrimen longè deterius, ut non vnus, sed plures sint summi, plures sint primi, plures summi iudices, plura capita; ex quo quanta tumultuatio consequatur, nemo non videt. Ergo antiquo more, id est, ut ipse aperte interpretatur, Christi instituto morigerendus est, ut de summis Sedibus iudex sedeat Petrus, in suâ adhuc conquiescens, adhuc viuens Sede, præstansque ei, ut à portis Inferi nunquam vincatur, ideoque cæteris fluctuantibus, ne demergantur penitus, portus sit tutissimus. Quòd si refugiant fateri, singulis ergo cathedris*

episcopalibus annuant, quod vni negant: aut totam Ecclesiam à portis Inferi perfringi posse contra Christi promissionem fateantur.

Cuiusdam autem summæ potestatis & iurisdictionis argumentum istud fuisse, quâ prima Sedes cæteras antecelleret, & iudicaret, etsi cauillationibus suis fucum facere nitatur nuperus, idemque doctissimus Nouatorum: meridiana ipsa luce euentius est. Nam 1. vt *minoribus & subiectis* imperant suis Episcopi: ita arguit Gelasius Acacium, cæterosque, *maioribus*, hoc est, Sedi Petri esse debere subiectos. 2. Nonnisi *Capite constituto* tolli posse schisma cum Hieronymo argumentatur, & caput constitutum à Christo esse Petrum: Petrique successores: at Capituli in membra summa potestas & iurisdictionis est. 3. Ordinem Sedium seruandum docet, vt primæ assurgat secunda, huic tertia, & sic deinceps; alioqui ima summis permixtum iri. Ordo hic autem ad iudicia pertinet, & de iudiciis hîc agebatur. 4. Querebantur Græci sine Synodo deiectum Acacium. Respondet Gelasius *pro principatu* suo Sedem Petri executricem fuisse Synodi Chalcedonensis. Quod vtique iurisdictionis est. Episcopus enim quisque in obnoxios sibi synodalia exequitur decreta. 5. Respondet rursus in Italicâ Synodo deiectum esse Acacium, quia tunc non alia potuit congregari. Ergo synodica autoritas tota in illa residebat Synodo, quæ tunc cogi potuit. 6. Respondet idem sæpius Synodo nulla habita Pontifices Romanos & nocentibus ademisse, & infontibus restituisse proprias Sedes. Id palàm est iurisdictionem sonare. 7. Pessimè cum Ecclesia comparatum est, si vt tunc contigit, Episcopis patriarchalium propè omnium Sedium à fide desciscentibus, Imperatoribus duces se in eam defectionem præbentibus, vtrisque spem omnem Synodi generalis suffocantibus, nulla supersit vîquam potestas aut iurisdictionis, quæ tantis Ecclesiæ vulneribus mederi queat. 8. Denique idem Gelasius epist. ad Episc. Orientales, de maiorum Sedium Episcopis agens:

XIX. Ex damnatione Acacii summa potestas primæ Sedis inuicissimè arguitur.

Append. Cod.
Theod. p. 198.

Cum constet semper, aut Sedis Apostolica autoritate huiusmodi personas, aut discussas, vel esse purgatas, aut sic ab aliis quibus compescebat Episcopis absolutas, ut tamen absolutio earum à Sedis Apostolica consensione penderet. Aperta hinc iurisdictio, cui omnis alia iurisdictio famulatur.

XX. Idem colligitur ex aliorum Pontificum epistolis.

Nunc strictim aliqua carpam ex aliorum Pontificum epistolis in eandem sententiam. Simplicius epist. 4. ad Zenonem aduersus Timotheum Alexandrinæ Sedis peruasorem, & cruentum contaminatorem: *Perstat in successoribus suis hac eadem Apostolica norma doctrina, cui Dominus totius curam onus iniunxit, cui se usque in finem sæculi minime defuturum, cui portas inferi nunquam prænalituras esse promisit; cuius sententiâ, quæ ligarentur in terris, solui non posse testatus est, nec in calo.* Ita spem rescicare nititur restituendi per Concilium vniuersale Timothei. Et epist. 5. ad Acacium, instans ut prohibeatur œcumenica Synodus, qua se restituendum Timotheus comminabatur: *Miseriordia Dei, cuius est causa, non defuit, ut Timotheus, qui ab vniuersali Ecclesiâ sacerdotalibus sententiis, & imperialibus constitutis iuste fuerat segregatus, ad Ecclesiam tuæ dilectionis, vel ad fidelium domorum limina non permetteretur accedere. Quem conuentus nouos pro se didicimus comminari, resolui existimantem, quod de se vniuersalis decreuit autoritas, &c. Vocem facienda Synodi fac respui, &c. Hortor ut modis omnibus facienda Synodi peruersorum conatibus resistatur, &c.* Vbi perspicis quàm non conduceret in causa Acacij Synodum cogi generalem, quæ in Timothei negotio tam enixè deprecanda fuit; sed utrobique executricem Synodi Chalcedonensis Sedem Apostolicam, vices supplere nouarum Synodorum. Cum autem Catholicum Alexandrinis Episcopum Zenon restituisset, grates agit Simplicius ep. 10. nempe secundum beatum Paulum Apostolum, *Ecclesiarum omnium curam sustinens, &c.* Epistola vero 11. ait Timotheum Catholicum Alexandrinæ Sedi redditum, quod metu percitus antè recitasset inter altaria nomen Dioscori, scriptis ad se literis, remissionem ipsius erroris expetisse. Sed &

Idem

Idem Timotheus exemplum libelli satisfactionis eorum, quos à Catholica fidei veritate Timothæus & Petrus utrique damnati, damnationis errore traduxerant, veniam postulantes, ad nos pariter destinavit, sacerdotali pietate lapsis subuenire desiderans, quod divina miserationis intuitu, quæ neminem vult perire, refutabile non putamus. Hic Petri successorem patet, ut cui totius ouilis cura iniuncta sit, ut qui gerat sollicitudinem omnium Ecclesiarum, ut cui se promiserit Dominus non defuturum usque in finem sæculi, omnium etiam summarum Sedium curam obisse, arbitrum fuisse remissionis & veniæ, summis Episcopis & quibuscumque à fide lapsis annuendæ. Nec huic potestati subscripsit tantum Alexandrinus Timotheus, sed & Acacius CP. ita ad Simplicium scribens: Sollicitudinem omnium Ecclesiarum secundum Apostolum circumferentes, nos indefinenter hortamini, quamvis sponte vigilantes ac præcurrentes. Sed vos divinum zelum solito demonstratis, statum Alexandrina Ecclesia certius requirentes, ut pro paternis Canonibus suscipiatis laborem, stillantes sudore pro his, sicut semper est approbatum.

Quibus concinens Felix III. Papa Simplicij successor, XXI. De eodem.
in primâ ad Acacium epist. sic orditur: *Postquam ministerij quod regebat Simplicius, ad meæ humilitatis officium gubernacula pervenerunt, in diversas generalis Ecclesiæ curas, quas ubique terrarum cunctis populis Christianis summi Pastoris voce delegante, beatissimus Petrus Apostolus peruigili moderatione dispensat, continuo me sollicitudo maxima, quæ & prædecessorem meum incessanter urgebat, tam Alexandrina urbis, quam status fidei totius Orientalis regionis excepit. Vniuersalem prorsus Petro vindicat iurisdictionem. Idem epist. 6. pronunciat Acacium sancti Spiritus iudicio, & Apostolicâ auctoritate damnatum. Et in epist. ad Zenonem Imp. Hac ego, reuerendissime Princeps, beati Petri qualiscumque vicarius, non auctoritate velut Apostolica potestatis extorqueo, sed tanquam sollicitus Pater fidenter imploro, &c. Et in epist. ad Flauitiam Episcopum Constantinopolit. Dum ad Apostolicam Sedem regulariter destinatur tui honoris exordium, per quam largiente*

*Append. Cod.
Theod. p. 143.*

P p p

Christo omnium solidatur dignitas sacerdotum. Quod ipse dilectionis tue litera Apostolorum summum, Petramque fidei & celestis dispensatorem mysterij creditis sibi clauibus beatum Petrum Apostolum confitentur. Cùmque Acacianæ communionis contagia eradi præcepisset, subdit: Non hoc velut imperiosus impono, sed ut conscientiam meam conuenienter expediam, ne commissæ vobis diuinitus oues, non sine vestro discrimine, quod absit, perire sinantur. Sublucet & Imperatorem & Episcopum CP. de imperiosâ Sedis Apostolicæ autoritate inuidiam ipsi fecisse. Sed quis non intelligit veris assentiendum sit, fidem euertere molientibus, an defendentibus? licentiam grassandi amplificantibus, an cohibentibus? Obicem inexpugnabilem summæ autoritatis, quo fides & Ecclesia sospitatur, disicere molientibus, an propugnantibus? Conspirant sanè Nouatores nostrorum temporum inopini cum Eutychanis, & Eutychanæ communionis tenacibus, quando vno cum ipsis impetu & consilio arcem illam Apostolici principatûs laceßunt, quâ vnâ Eutychanæ reliquiæ fractæ, dissipatæque sunt. Quamquam autem premerent, & humanitate plurimâ temperarent tunc Romani Episcopi, suum, hoc est, Petri principatum, non tamen vnquam dissimularunt.

XXII Idem efficitur ex Liberato & aliis historicis.

Conueniendi nunc nobis, qui rerum tunc temporis gestarum monumentis literarum memoriam ad nos propagarunt. Liberatus in breuiario Nestorianæ & Eutychanæ causæ, cap. 18. de Ioanne illo eodem Episcopo Alexandrino, qualicumque, sed Catholico tamen agens: *Ioannes Talata electus de Sede Alexandrinâ propter Petrum Moggun, ingressus est ad Calendionem Patriarcham Antiochenum. Et sumptis ab eo intercessionis synodicis literis, Romanum Pontificem Simplicium appellauit, sicut & beatus fecit Athanasius: & suasisit scribere pro se Acacio Constantinopolitano Episcopo. Et quidem ad hoc Simplicius preparati animi & voluntatis fuit. Ergo ad Iulium appellauerat olim Athanasius, seu quod in idem recidit, ad eum ut ad summum causarum ecclesiasticarum iudicem, & Canonum defensor-*

rem confugerat. Ergo consultu & ope tertiæ Sedis, secunda Sedes primam appellat. Num hæc iurisdictio non est? Pergit ille: *Acacius susceptis epistolis Simplicij, rescripsit ei, quia Ioannem quidem Alexandria ignoraret Episcopum, Petrum verò Moggum suscepisset in communionem, in Zenonis Principis Vnitivo: & quod hoc citra eius gefisset sententiam, propter unitatem Ecclesiarum, Principis iustione. Simplicius verò suscipiens huiusmodi literas, contristatur aduersus Acacium: eique rescribit, quòd non bene fecerat, præter sententiam Apostolica Sedis, ad communionem hæreticum hominem suscipiens. Summam fidei & communionis Catholicæ administrationem vendicauit sibi semper, vt vides, Sedes Apostolica. Quod obscurius si sit in priori tumultuatione Orientalis Ecclesiæ, in causâ fuit tempestas acerbissima, & perturbatio rerum omnium desperatissima. Functo interim Simplicio succedit Felix. Ioannes verò Talaia habens Episcopi dignitatem remansit Roma, cui Papa Nolanam dedit Ecclesiam, &c. Abscefferunt quidam à Petri Moggi communionem, & Romam nunciauerunt Papa Romano, vnde rescriptum est Acacio, & obedire noluit, &c. Et infra: Cùm per quinque annos sæpius fuisset admonitus Acacius, vt de statu Alexandrina Ecclesiæ sollicitudinem sancti Papa releuaret, nihil vnquam respondere dignatus est. Et tandem: Vbi ad plenum detectus est Acacius hæreticus, Papa Felix in literis suis synodicis ad Acacium, sic posuit: Peccasti, ne adicias & de prioribus supplica. Susceptis his Acacius literis perseuerat, neque recedens à communione Petri, neque suadens ei palam suscipere Chalcedonense Concilium, & tomum Papa Leonis. Hæc cognoscens Papa Felix, damnationem scriptam misit Acacio, &c. Qui tamen vsque ad mortem patrocinate Imperatore remansit sacrificans. Caligat in meridie, quisquis hîc non videt vniuersalem, & in omnes orbis Ecclesias iure suo se porrigentem iurisditionem, idque in salutem Ecclesiæ alioqui labascentis. Nec potuisse declinari vim, & pondus huius iurisditionis, nisi patrocinate Imperatore, qui tunc & fidem dilapidabat, & hæresin perspicuè tuebatur.*

XXIII. De eo-
dem ex Euagrio.

Euagrius lib. 3. cap. 18. *Cum libelli Felici à Ioanne con-
tra Acacium, quod contra Ecclesie ritum cum Petro communi-
cauerat, deque aliis facinoribus ab eo contra Canones admissis,
dati erant: mittuntur à Felice ad Zenonem Vitalis & Misenus
Episcopi, ut eius authoritate tum Concilium Chalcedonense con-
firmaretur: tum Petrus ut hereticus Episcopatu pelleretur: tum
denique Acacius mitteretur ad ipsum Felicem, rationem de re-
bus, quas Ioannes ei obiectasset, redditurus. Et mox: Cyrillus,
qui Acoëmetis praeerat, mittit ad Felicem, quò eum, cum tam
gravia peccata contra veram fidem admissa essent, insimularet
tarditatis. Et iterum: Extant epistola tum à Cyrillo, tum ab
aliis Monasteriorum Constantinopolis prepositis, tum ab Epi-
scopis & Clericis Ægypti contra Petrum, utpote hereticum, &
eos qui cum eo communicabant. Et cap. 21. Crevere res ista ser-
mone Symeonis monachi Acoëmetæ, missi à Cyrillo ad Felicem.
Nam Misenus & Vitalis ab eo facere reprehensi, propterea quòd
cum hereticis communicant, idque cum nomen Petri palam in
sacris tabulis recitaretur. Quòdque eà ratione multi simplices
homines in errorem ab hereticis inducerentur, qui affirmare non
dubitarunt, Petrum ab Episcopo Romano in communionem ad-
missum esse. Subiicitur sententia Concilij Romani in Mi-
senum & Vitalem vibrata, item in Petrum hereticum, iam
pridem sacra cathedra sententiâ condemnatum, denique in
Acacium. Prominent & hinc vestigia legitimæ iurisdictionis,
1. cum libelli porrigantur à secundæ Sedis Episcopo
aduersus Acacium. 2. Cum citetur Acacius, ut rationem
reddat de obiectis criminibus. 3. Cum à clericis mona-
chisque Constantinopolitanis culpetur tarditatis Felix
Papa, ut qui contator sit, & legitimâ potestate uti, ne-
cessarioque summi Iudicis munere fungi tandiu cesset.
4. Cum Episcopi Ægyptij aduersus populatorem secun-
dæ Sedis ad primæ Sedis confugiant Antistitem. 5. Cum
denique causam fidei inclinatam incumbere Romano
Episcopo vni, intelligant fideles omnes tum Constanti-
nopoly, tum in Ægypto; & didito in vulgus falso rumo-
re, Romanam Ecclesiam Petro communicare, creduli*

huic famæ simpliciores quique, statim ei communicare incipiant, quos in id flagitium non inflexerat Sedium Orientalium authoritas.

Iam prodeat Breuiculus historiæ Eutychianistarum à Simundo editus, seu Gesta de nomine Acacij. Concinnunt omnia cum suprâ decerptis ex Breuiario Liberati. *Defuncto Timotheo Episcopo Ioannes æconomus, Catholicus à Catholicis ordinatur Episcopus. Qui cum de consuetudine maiorum ad Apostolicam Sedem synodica scripta misisset: superueniente Vranio subadiuuâ, & contra Iannem iam Episcopum sacra Principis deferente, ab Episcopatus illius confirmatione Papa suspensus est. Et quia in iisdem sacris de restituendo Petro, quem ipse damnauit, fecerat mentionem, hæc pars omnino est abnegata. Vnde videtur clementissimus Imperator assensus. Cum ergo sanctæ memoria Papa Simplicij nihil toriens ad Acacium directâ, propter Alexandrina Ecclesiæ quietem & Catholica fidei integritatem scripta proficerent, superuenit idem sanctus Ioannes Episcopus, qui sicut debebat, ab Apostolica Sede susceptus est. Nam & priores eius similiter Romana Ecclesiæ tempore persecutionis suffugium poposcerant. Et infra memorat missos à Felice Constantinopolim legatos, sub hac instructione, ut Petrus de Alexandrinâ pelleretur Ecclesiâ, & ut libello sancti Ioannis Episcopi Alexandrini responderet Acacius. Denique habitâ Synodo Felix Vitalem & Misenum ab officio & communione suspendit, Acaciumque damnauit. Cuius damnationis executionem non processuram renitente Imperatore faciliè coniectans, illam ita conclusit, sancto Spiritu exequente. Iurisdictionis argumenta nec obscura hæc sunt. Nam 1. electus in Episcopum Alexandrinum confirmari ab Apostolica Sede ambit ipse, intercedit Imperator; sententiam aliquandiu librat Sedes Apostolica. 2. Iam inuaserat insidebatque Sedem Alexandrinam Petrus, & tamen adhuc Acacius, adhuc Imperator de eo restituendo apud Romanum Pontificem instabat. Nempe donec ab Apostolicâ Sede confirmaretur, adulter, non sponsus erat Ecclesiæ. 3. Ioannes more maiorum suorum, more Athanasij ad*

XXIV. Ex breuiculo historiæ Eutychianorum.

Romanam Ecclesiam confugit, quod idem est ac si cum Liberato dictum esset, *Appellavit*. 4. Citatur, damnaturque Acacius in eadem Synodo cum Vitali & Misco. Vbi iurisdictio vna & indiscreta patentissimè cernitur.

XXV. Ex libro Pontificum.

Liber Pontificum Romanorum in Simplicio: *Sub huius Episcopatu venit relatio de Gracia, ab Acacio Constantino-politano Episcopo, & affirmavit Petrum Alexandrinæ urbis Eutychianistam hereticum, factâ petitione ab Acacio Episcopo, chirographo eius constructâ. Eodem tempore fuit Ecclesia prima, hoc est, Sedis Apostolica executrix. Tunc Simplicius hoc audiens damnauit Petrum Alexandrinum, eò quod Acacius innumera-bilia mala affirmabat, ita tamen, ut pœnitentia reseruaret tem-pus. In Felice & Gelasio synodicè damnatum Acacium perhibet. Quæ etsi temporum ordini non satis consent, Apostolicæ tamen Sedis iurisditionem apertè produnt, Nec te moueat, si antè per diu fluctuati sunt Orientales Catholici, quàm ad Romanam confugerent Sedem. Nam Eutychianis & Episcopis & Principibus vbique furiantibus, in tanta rerum omnium vertigine minùs mi-rum est, si consilij inopes diu vacillarint. Sed tum de-mum & sibi & Concilio Chalcedonensi consuluerunt, cum in tutissimum se recepere portum Romanæ Ecclesiæ. Vnde Anastasius historiæ Græcæ interpres: *At verò, qui erant ex regia vrbe, necnon & de Oriente, deprecati sunt Fe-licem Romanum Episcopum, significantes Acacium esse malorum authorem. Inter quos & Ioannes Alexandrinus eadem dicens, Romam profectus est.**

XXVI. Refelli-tur exceptio No-uatorum, Aca-cium retinuisse Sedem post dam-nationem.

Perinsulsum est autem, quod regerunt Nouatores, nec Acacium à munere suo & Sede depulsum esse, nec Ioan-nem Alexandrinæ Cathedræ compotem factum, nec iu-risditioni huic Romani Episcopi, vel Principem, vel Episcopos Orientis paruisse. Iamdudum cespitant in eo Sectarij, quod facta & iura non dispeſcunt, exitialia & salubria Ecclesiæ consilia nihil discriminant: imò quæ-cumque fidei orthodoxæ, & Ecclesiæ, & Synodorum œcumenicarum aduersarij ausi, molitique sunt, aduer-

sus vindices earundem & patronos, ea ipsi lambunt, ea suspiciunt & amplexantur. Contempnere Sedis Apostolicæ autoritatem Petrus Alexandrinus, Acacius Constantinopolitanus, Zenon, Anastasius, aliique: sed iidem fidei Catholicæ & Synodo Chalcedonenſi terga vertere; utque impunè hoc possent, illud ausi sunt; qui si Sedi Romanæ obsecuti essent, à fide & Synodo œcumenicâ utique non defecissent.

Ad hæc, non metienda sunt ex improborum iudicio vel contumaciâ, potestatum ecclesiasticarum iura: sed ex fidelium, ex proborum sensu, ex Ecclesiæ ipsius vniuersalis consensu, ex posteritatis limpidiore censurâ post enubilitas intestinorum dissidiorum tenebras. Itaque accipe quæ de his disſerat Facundus Hermian. aduersus Mocianum: *Nam & cum Acacius Constantinopolitanus Episcopus aliquid aduersus autoritatem Synodi Chalcedonenſis auderet, solâ inimicis ipsius Synodi communionem permisit; prævidens Apostolica Sedes, quòd sicut exitus docuit, hæc remissio ad destructionem Concilij memorati pertenderet, (postea quippe Zeno Imperator, qui eis communionem præberi mandauerat, à minoribus ad maiora prosiliens, ipsum Concilium promulgato spreuit edicto:) eundem Acacium quamvis prædicto Zenone resistente, damnauit. Qui mortuus quoque per libellos ordinandorum Episcoporum nunc usque damnatus est.* Subdit à communionem Apostolicæ Sedis alienos fuisse Orientales omnes, quia Zeno Sedis Apostolicæ decreta contemnens, Acacio communicabat, itemque Anastasius Imperator, donec principis Iustini temporibus, Acacij damnationi subscriberent. Subiicit rursum, Ecclesiam Romanam reconciliaſſe Orientis Ecclesias, & eas in communionem sub debita satisfactione recepisse: non autem Ecclesias Orientis Romanam Ecclesiam reconciliaſſe. Item Apostolicam Sedem, non ipsam pro factò schismate fuisse culpabilem, non schismaticos fuisse Occidentales: Sed ex aduerso Apostolicam Sedem aliis culpam dimisſiſſe: Et infra rursus eximie commendat, in Chalcedonenſis Concilij causâ, dudum nobis præbitum in Acacio à sanctis Prasulibus Apostolicæ Sedis

XXVII. De eodem ex Facundo Hermian. Victore Tununenſi, & Theophane.

exemplum: uniuersalis Ecclesia consensione firmatum. Vbi vides non id ponderandum, quòd Acacium damnante Apostolicà Sede tueatur Zeno; sed quòd resistente Zenone damnet Acacium Sedes Apostolica. 2. Non id quod Zenon, Anastasius, & alij istiusmodi ab Acacij damnati communione non se abrumpant; sed quòd mortuus quoque Acacius per libellos ordinandorum post centum fere annos adhuc damnabatur. 3. Non id quod Orientis Ecclesiæ annis quadraginta extorres fuerint à Romanæ Ecclesiæ communione, sed quòd cogentibus nefariis Principibus fuerint ad id compulsæ; quòd eam communionem sæpe ambierint, nec impetrarint: quòd eam tandem annitente Iustino consecutæ sint subscribendo damnationi Acacij: quòd non ipsis Romana Ecclesia, sed ipsi Romanæ Ecclesiæ reconciliati sint: quòd nonnisi sub debita satisfactione in communionem recepti sint: quòd interim schismatici fuisse agnoscantur. 4. Non id denique spectandum quod alicubi, aliquandiu, ab aliquibus vituperandis hominibus spreta sint decreta Sedis Apostolicæ; sed quòd ab orthodoxis interim etiam in Oriente in pretio, Occidentalibus semper omnibus in honore fuerint, serenatâ denique Repub. Christianâ, uniuersalis Ecclesiæ consensione firmata sint. His accedat Victor Tununensis in Chronico: Felix Romana Ecclesia Prasul Monachis & Clericis per Orientem, Ægyptum, & Bithyniam commorantibus scribit, ut Petrum Alexandrinum Episcopum Chalcedonensis Synodi obtrectatorem, & eius communicatores tanquam hereticos vitent. Et rursus mox: Orientales Episcopi præter paucos per Henoticum Zenonis, communione atque consensu polluti, Petri Alexandrini, Petri Antiocheni, & Acacij Constantinopolitani Episcoporum, Synodo Chalcedonensi renuntiant. Et rursus: Acacius Constantinopolitanus Episcopus literis Felicis Romana Ecclesiæ Prasulis admonitus, ut à damnatorum Synodi Chalcedonensis communione atque societate abstineat, legatos eius custodia mancipat. Et mox: Acacius Constantinopolitanus, Petrus Alexandrinus, Petrus Antiochenus Episcopi, Chalcedonensis

Chalcedonensis Synodi inimici, à Felice Romana Ecclesia Praesule & Synodo in Italiâ factâ, damnantur: & ipsa damnatio Acacio Constantinopoli legatis missis per monachos monasteriorum Achimitenfium, Bafiani, atque Pij ingeritur. Et denique: Petrus Antiochenus sub damnatione moritur, &c. Acacius Constantinopolitanus Episcopus sub damnatione moritur, &c. Petrus Alexandrina incubator Ecclesie sub damnatione moritur.

Coniuratas vides in excidium Chalcedonensis Synodi cum ipso Imperatore pestes, post damnationis sententiam Romanâ ex arce intortam, incubare quidem adhuc Orientalibus sedibus, sed omnes tamen sub damnatione mori. Itaque Victori Episcopo ne in mentem quidem venit, dolere aut sentire contemptam sententiam Apostolicæ Sedis: sed illam persuasissimè ratam, & nullâ humanâ vi infirmandam, fidenter pronunciat, omnes eâ perculsos, sub damnatione obiisse. Quibus & hæc ex Theophanis Chronographiâ quadrant præclarissimè: *Orientis Episcopi cum Acacio per literas conquesti sunt, quod Mongò communionis consortium impertisset. Ille spretis eorum monitis, Mongum eundem in communionem admittere impudentissimè cunctos compulit. Cines autem regia urbis & cuncti Orientales Felicem, qui post Simplicij obitum Romanam Sedem tenebat, supplices adierunt, & malorum omnium authorem incusauerunt Acacium. Interea Ioannes Antiochiæ Praesul hac eadem denunciâns, Romam ingreditur. Felix itaque Synodo in Coryphæi Apostolorum Petri templo coactâ, Zenoni & Acacio literis significat, ut Petrum Mongum seu hereticum Alexandria eiiciant. Narratâque mox legatorum Felicis defectione, addit: Felix cognitis legatorum suorum gestis, Ecclesia dignitate eos detecit, Acacioque parem depositionis sententiâ scripsit.*

Si paucos enim nebulonès, si præsentia tempora, si **XXVIII. De**
 nubila procellarum perpendas tantum; & inde suspen- ^{codem.}
 das iudicium; in eandem calumniarum voraginem præcipitatis indubiè œcumenica omnia penè Concilia, &
 ipsam Ecclesiam Christianam. Quanti enim & quandiu

illudere Nicænæ Synodo, & Ephesinæ primæ & Chalcodonensi? Imò in contemptum Sedis Apostolicæ, nec Acacius, nec Petrus Episcopi, nec Zenon, nec Anastasius Imperatores efferbuerunt, nisi ut impuniùs Chalcedonensem Synodum detestarentur. Exordia ipsa Christiani nominis quanto, & quàm diuturno habita sunt ludibrio? Sed perfregit tandem portas Inferi Ecclesia, sæculorum decursu crebrescens & conualescens; victrices de mendacio triumphauere plaudentibus posteris Synodi œcumenicæ; vltæ est iniurias Apostolicæ Sedis religiosa posteritas, suamque illi etiam in antecessum refudit authoritatem *uniuersalis Ecclesiæ consensio*. Non ad has ergo temporis & loci tantas angustias coartandus est animus noster, oculusque de fide luminatus: sed in vniuersalis Ecclesiæ æternitatem infinitatemque quandam latissimè explicandus est. Ita Nicolaus I. cùm in exemplo consimili iactaret Michaël Imperator nequiquam damnatum ab eo Photium, restitutum Ignatium, epist.

9. *Sed dicis, ô Imperator, etiam sine consensu nostro, Photium & Ecclesiam retenturum, & Ecclesiæ communionem habiturum: Ignatium verò nihil per nos meliorationis adepturum. At nos è diverso credimus, quòd Ecclesia Christi sacros Canones & præcipuè Nicænos, non tradat obliuioni, præcipientes videlicet, ut hi qui abiiciantur, ab aliis non recipiantur. Credimus etiam, quòd diu membrum incolume non subsistat, hærens membris Capiti non hærentibus. Postremò credimus quòd cætera membra, si tamen affectant viuere, Caput quandoque sequantur. Et infra: Quoi quot autem in ipsa communionem Sedes Apostolica tenuit, aut dum viuerent, ab Ecclesiâ sunt vniuersali recepti, aut postmodum ab eâ summâ celebritate retenti. Præterea illos in quorum damnatione non consensit, singulari prerogatinâ dissoluit. Petrum à Simone Mago contemptum, Victorem ab Asianis interferit. Felix quoque Papa Constantinopolitanum Acacium non solum deposuit, verum & insolubilibus anathematis vinculis innodauit. Sed adeo est contemptus, ut idem Acacius, mundi Rectorum tuitione protectus, etiam nonnullis Ro-*

manis Pontificibus decedentibus, & officio sacerdotali iuxta præcedentem consuetudinem fungeretur: & exceptis paucis, omnium Orientalium communione frueretur. Contemptum huic suæ Sedis non dissimulat, non extenuat, sed vltro etiam exaggerat Nicolaus, nempe vt redundaturum ad incrementum gloriæ. Nam licet serò, licet post multos sudores, mundus totus tamen quodcumque ea defendit, quæ Petrus contra Simonem defendisse dignoscitur: ea damnat, quæ illum damnasse describitur. Similiter quod ad Victorem attinet, Ecclesia tota nunc cum illo sapit, & quod fecit, laude prædicat dignum. Et denique quod ad Acacium pertinet, Propitio Christo, Sedis Apostolica Pontificibus indefessè certantibus, à Catholicis ingi fustigatione remotâ, tandem aliquando ad B. Felicis sententiam est Ecclesia tota conuersa. Et quia prædictus Acacius non est inuentus superstes, consequenter nomen eius in Ecclesiâ taceri sancitum est. Sed & tu, Imperator Orithodoxe, de ipso nunc cum Sede Apostolicâ sapis, qui si illo tempore fuisses repertus, pro eo contra eam, vt & in hac causâ, fuisses fortasse accensus. Vniuersim enim Christus, Ecclesia, Synodus œcumenica, Sedes Apostolica, fides, veritas ipsa denique oppugnari potest, expugnari non potest: obnubilari potest aliquandiu, non extinguui. Imò tantò splendidior tandem diradiat, quò densioribus nebulis aliquandiu se circumfundentibus delituit. Sed quia veritas tegi funditus humanis non potest conatibus, &c. Idcirco Sol iustitiæ radios suos fortasse mittens, & nebulam dissipauit erroris, & veritatis paulatim lumen ostendit. Sicque demum quantum illi defensores Ecclesiæ rectè sapuerint, & isti nequiter oberrauerint, tandem euidenter innouit. Et epist. 10. idem: Ita vt contra singulos errores in Ecclesia exortos prior hac Ecclesia secundum primatûs sui auctoritatem sententia terminum dederis. Et ita demum vniuersalis Ecclesia, licet aliquando per aliquantulum temporis in quibusdam relictata sit, quæ illa tamen probauit, quandoque probaueris: & quæ illa refutauit, ipsa refutauerit. Plura inferiùs in huius rei confirmationem coaceruabimus, vbi sub Hormisdâ Pontifice, & Iustino Principe

exequemur Constantinopolitanæ Ecclesiæ cum Romanâ refartam concordiam.

XXIX. Eadem
Papæ potestas in
iudicandis Pa-
triarcharum cau-
sis arguitur ex
Gregorio Ma-
gno.

Nunc pauca liber ex Gregorio Papâ addere, ut ex ipso liqueat, quâ Romano Pontifici Antistites summarum, seu patriarchalium Sedium, & quodammodò adæquentur, & tamen subiiciantur. In his enim verbis Gregorij lib. 7. epist. 65. ingens sibi præsidium Nouatores sui erroris imaginantur, quibus reapse potius eorum pertinax inscitia nudatur. Sic enim Gregorius de Primate Byzacenq; in Africâ: *Nam quod se dicit, Sedi Apostolica subiaci, si qua culpa in Episcopis inuenitur, nescio quis ei Episcopus subiectus non sit. Cum verò culpa non exigit, omnes secundum rationem humilitatis aequales sunt.* Et rursus idem lib. 7. epist. 30. ad Eulogium Episcopum Alexandrinum: *Indicare vestra beatitudo studuit, iam se quibusdam non scribere superba vocabula, quæ ex vanitatis radice prodierunt; & mihi loquitur, dicens, Sicut insistis. Quod verbum Inflationis, peto, à meo auditu remouete; quia scio, quis sum, qui estis. Loco enim, mihi Fratres estis: moribus, Patres. Non ergo iusti, sed quæ utilia visa sunt, indicare curavi. Non tamen inuenio vestram beatitudinem, hoc ipsum, quod memoria vestra intuli, perfectè retinere voluisse. Nam dixi, nec mihi vos, nec cuiquam alteri tale aliquid scribere debere; & ecce in præfatione epistola, quam ad me ipsum, qui prohibui, direxistis, superba appellationis verbum, vniuersalem me Papam dicentes, imprimere curastis. Quod peto, dulcissima mihi sanctitas vestra ultra non faciat. Quia vobis subtrahitur, quod alteri plusquam ratio exigit, præbetur. Ego enim non verbis quæro prosperari, sed moribus. Nec honorem esse deputo, in quo fratres meos honorem suum perdere cognosco. Meus namque honor est, honor vniuersalis Ecclesiæ. Meus honor est, fratrum meorum solidus vigor. An ergo dum exæquat sibi Gregorius cæteros Patriarchas, imò Episcopos, Sedis suæ principatum & summi Iudicis potestatem sibi abrogat? Minimè gentium.*

XXX. Summa
doctrinæ Grego-
rij.

Nam r. Eulogij ipsius Alexandrini nequaquam aspernanda sententia est, cuius præclara eruditionis & pon-

tificia fortitudinis monumenta neminem prætereunt. Ille enim à Gregorio iussum se interpretatus est, ne vniuersalis Patriarchæ nomine decoraret, vel inflaret potius Episcopum CP. & veluti iussus morem gessit, & iubenti se paruissse professus est; & ipsum denique vniuersalis Papæ nomen Constantinopolitano Episcopo abiudicatum, Gregorio vendicauit. Ita officij sui numeros implere se arbitratus est Eulogius, intercessit autem Gregorius, vt ne vltos ipse humilitatis numeros præteriret. 2. Fratres sibi ait Gregorius, & æquales esse Patriarchas cæteros, sicut nimirum Cyprianus, Leo, Ambrosius, Gelasius, Hieronymus, reliquos Apostolos Petro exæquarunt. At iidem tamen ipsi ibidem continuo, vt anteuenteretur schismatis occasio, Caput necessario constitutum à Christo fuisse definiunt. Ergo illa æqualitas ita temperanda, vt Caput membris emineat; nec solo nomine, sed eâ omni, quam nomen Capitis insinuat, potestate muniatur ad schisma amoliendum, quod sola vtique nominis vel confensus gloria non propulsaret. Nam summis inter se quandoque concertantibus Episcopis, Athanasio & Eusebio, Cæciliano & Maiorino, Chrysostomo & Theophilo, Flauiano & Dioscoro, Ioanne Talaida & Acacio: intestinam hanc & internecinam membrorum suorum constitutionem componere nequaquam potis erit Petrus Petrique Sedes, nisi totâ capitis maiestate, & iurisdictione cumuleretur. 3. In prælaudatis verbis ambitionem solam nominum deprecatur Gregorius, non potestatem. *Iustus* verba, *vniuersalis* nomen repudiat. Non iuber, sed vtilia indicare curat. Negat vniuersalis nomen sibi præscribendum, at supremos Antistitem totius orbis apices admonet officij sui, peccantes obiurgat, territat. Gloriam ergo vocum inanem spernit, retinentissimus interitui potestatis suæ. 4. Cumque *superba vocabula* recitaret Ioannes CP. Episcopus, videtis complures ad eum Gregorij eâ de causâ increpatorias, & comminatorias epistolas. Inde plus satis intelliges, quantum sibi potestatis

in omnes orbis Episcopos iure suo vendicaret. Itaque ut Africani Patres in Archiepiscopi, ita Gregorius in Vniuersalis vocabulo, solam nominis insolentiam, nouitatem, arrogantiamque detestabatur, non legitimam potestatem. Quamquam vtriusque vocis adhaerentem tunc ex nouitate inuidiam, & superbiæ speciem, consuetudo tandem & vetustas absterferit. 5. Disertissimè Gregorius l. 7. epist. 64. *Nam de Constantinopolitana Ecclesiâ quod dicunt, Quis eam dubitet Sedi Apostolica esse subiectam? Quod & piissimus Dominus Imperator, & frater noster Eusebius eiusdem ciuitatis Episcopus assidue profitentur.* Hæc ille iis responder, qui querebantur, quasi *Ecclesiam Constantinopolitanam disponeret comprimere.* 6. Vbi culpa non exigit, ait Gregorius æquales esse, sed omnes Episcopos, sed secundum rationem humilitatis. Ergo non Patriarchæ tantum exæquantur Romano Antistiti, sed omnes prorsus Episcopi & Metropolitanis, & Primatibus & Patriarchis. Illa porro æqualitas nihil officit iurisdictioni metropolitice aliorum in alios. Nam quis tantum scelus affingat Gregorio? Quis ab eo ordinem ecclesiasticæ disciplinæ, ab Apostolis, à Synodis constitutum labefactari deliret? Ergo nec Patriarcharum cum Romano Præfule æqualitas, huius in illos iurisdictionem & metropoliticum ius infirmabit. 7. Ideo cautè Gregorius æquales pronunciauit omnes Episcopos, non secundum potestatis, sed secundum humilitatis rationem. Etsi ergo potestate dispares, humilitate pares sint. Et ea est humilitatis indoles, ut exæquet inæquales, non maiorem potestatem præfocando; sed premendo gloriam, & vbi nihil opus est, autoritatem dissimulando. Ita Christus secundum humilitatis rationem, non venit ministrari, sed ministrare: & in medio Apostolorum erat, sicut qui ministrabat. Potestate tamen immaniter eminebat. Ita Magistros & Patres vocitari vetuit, nempe quò factum deiiceret, non quò saluberrimum, & his nominibus coniunctum amputaret imperium. Vnde abrogato fastu, & resecto supercilio,

XXXI. Quo
sentit dicat Gre-
gorius, æquales
esse omnes Epi-
scopos, vbi cul-
pa non exigit.

non imperium tantum, sed & nomen ipsum Patris & Magistri in Ecclesiâ retentatur, sicut & Iussionis & Vniuersalis. Vbiq̃ue enim id valet, vt præcepti non sonus, sed sensus: non cortex, sed medulla teneatur. 8. Tum æquales ait Gregorius omnes esse Episcopos, *quando culpa non exigit*. Ergo quando culpa exigit, tunc inæquales necessario sunt, vt peccantes à maioribus corripiantur; & non resipiscant, animaduertantur. At quando in culpam prolabitur quis, non tunc ista demum emergit inæqualitas. Nec enim quo facinore alteri illinitur culpa, alteri auctoritas culpæ vltrix paratur. Sed quæ, cum culpâ nullâ prouocaretur, latitabat, & humilitatis nubilo splendorem suum premebat potestas superior: ea emicat tum demum, & profilit, cum sceleri obluendum est. Denique non tantum opprimenda est culpa, superioris manu iurisdictionis, postquam ebullit: sed & eiusdem metâ occupanda, & præuertenda est. 9. Ideo scitè Gregorius, si qua culpa in Episcopis inuenitur, nescio quis Sedi Apostolicæ subiectus non est? Omnes ergo orbis Episcopi, infimi, perinde & summi, dum in culpâ sunt, tunc ei subiiciuntur. An ergo tunc subiici incipiunt? Nihil insulsius fingi potest. Sed vt Paulus ait, iustis non esse legem positam, sed iniustis, cum vtrisque lex imminet, & iustitiæ præceptrix, præmiatrixque: & iniustitiæ dehortatrix, vltrixque. Et idem Paulus: *Principes non sunt timore boni operis, sed mali. Vis autem non timere potestatem? Bonum fac. Dei enim minister est tibi in bonum. Si autem malum feceris, time. Non enim sine causâ gladium portat. Quamquam ergo bonis per æquè & malis dominetur Lex æterna, Lex humana, Deus, Princeps; iustus tamen quodammodò sub lege non est, nec timore agitur, sed ipse sibi lex est, & vltro ad bonum sese agit. Si quando autem peccet, tunc sub lege, & sub legis executore magistratu est, nempe terrente, struente, puniente. 10. Cum Christus dominationis inuidiosum supercilium ab Ecclesiâ suâ sustulit, cum dominari in Cleris Episcopos ve-*

tuere Apostoli, cum Clericorum in laicos regimen humilitas Christiana temperat: non tamen ordo & disciplina proteritur, non maiorum in minores sollicitudo & potestas strangulatur. Itaque incolumi & intaminata humilitatis norma, quàm clerici de laicis, Episcopi de Clericis, Metropolitæ de Episcopis, de Metropolitæ Patriarchæ: tam de Patriarchis ipsi Romanæ Sedis Pontifex, pro sua potestate & legitima iurisdictione iudicabit. Vna in his omnibus vel valet, vel infringitur regula. Ideoque Gelasius opusculo de anathemate sapienter prorsus pronunciat, *Cum de secunda Sedis ageretur Antistite, nec ab inferiore qualibet, sed a primâ Sede, iurè possit absolui. Inferior quippe potiorē adsoluere non potest. Sola ergo potior inferiorem conuenienter absoluit. Proinde inferioris loci Pontifices, quia nullatenus se nouerant potiorē sibi sine primâ Sede se posse resolvere, præcipue quem eius sententia nouerant obligatum: prauaricatoriâ absolutione, non illum penitus exuerunt, sed se prauaricatione potius reuerunt.*

XXXII. Superiora ex Gregorio ipso egregie illustrantur.

Dilucescet rursus mens Gregorij, ex Ioanne Diacono, qui l. 4. vitæ eius cap. 29. verbis circa quæ desudamus, hæc præloquitur: *Autoritatem quorumlibet summorum Pontificum Gregorius auctoritatis suæ magnitudine nullo modo minuebat, quin potius multipliciter roborabat. Et quamuis inter culpabiles auctoritatem sui prioratûs agnosceret, tamen inter insontes Episcopos se præbebat prorsus æqualem. Quæ mox illustrat Ioannes doctrinâ Gregorij ipsius in lib. curæ pastoralis. Liquet quod omnes homines natura æquales genuit: sed variante meritum ordine, alios aliis culpa postponit. Ipsa autem diuersitas, quæ accessit ex vitio, diuino iudicio dispensatur, ut quia omnis homo æquè stare non valet, alter regatur ab altero. Et infra idem Gregorius: Potestatem rectè dispensat, qui sollicitè nouerit, & æqualem se cum illâ ceteris cernere, & tamen se peccantibus zelo ultionis anteferre. Petrus auctore Deo, Ecclesiæ principatum tenens, à bene agente Cornelio immoderatius se venerari recusauit, dicens, Ego ipse homo sum. Sed cum Ananiæ & Sapphiræ culpam reperit, mox quan-*

tâ

ta potentia super ceteros excreuisset, ostendit. Quibus superior nostra commentatio mirifice confirmatur. Non Romani enim Pontificis modò, sed omnium prorsus Antistitum, imò & publicorum Magistratum, Regumque, & Imperatorum principatum complectitur illa Gregorij regula: omnes homines naturâ aequales genitos, alios aliis culpâ postpositos esse: hanc diuersitatem, quæ ex vitio accessit, diuino iudicio dispensari, ut alij regantur ab aliis. Itaque quisquis piè imperat, citra compugnantiam, & æqualem se cogitat cæteris, & tamen peccantibus anteferre se zelo vltionis nouit. Nec hinc subruuntur fundamenta politicæ potestatis, quæ diuino iudicio & nutu constituta est ad ordinandas peccantium ruinas: nedum episcopalis, nedum primæ Sedis, quæ auctore Deo, Ecclesiæ principatum tenet; & ubi culpam reperit, (quam non cuiuslibet est vlcisci, ne aliorum in alios hæc non prouida potestas sit, sed tumultuaria grassatio) tunc non adipiscitur, sed ostendit quantâ potentia super ceteros excreuerit. Vides ut hebescant aduersarij Ecclesiæ, tum maximè cum acutuli sibi videntur in doctrinâ Gregorij; cuius ne corticem quidem lambere, nedum medullam gustare & sapere potuerunt.

Non libuit hinc autem priorum memoriam temporum reuoluerè, quòd suis sigillatim locis ostensum sit, nusquam ritè suis Sedibus maiorum gentium Episcopos vel excuti potuisse, vel restitui, nisi Sedis Apostolicæ iudicio. Quod ut summam perstringam, ita perspicuè Augustinus de Cæciliano Carthaginensi Pontifice, epist. 48. *Cum apud Imperatorem vltro Cæcilianum accusassent Donatista, quem primè utique apud collegas transmarinos conuincere debuerant, &c. Et lib. de vnit. Eccles. c. 2. Restabat utique ut Episcopi transmarini, quæ pars maxima diffundebatur Ecclesiæ Catholica, de Afrorum Collegarum dissensionibus indicarent. Transmarinos Episcopos nemo, nisi valde hospes in Augustini libris, & veteris disciplinæ rudis, aliud quàm Romani Pontificis Synodum interpretabitur. Sed suam ipse*

XXXIII. Anteriorum Patriarcharum, Cæciliani, Dionysii, Athanasii, Petri, Chrysostomi, Nestorii, Flauiani, Ioannis exempla obiter replicantur.

R r r


sententiam elucidat Augustinus, epist. 162. *Cum posset Cæcilianus non curare conspirantem multitudinem inimicorum, cum se videret & Romana Ecclesia, in quâ semper Apostolica Cathedra viguit principatus, & veteris terris unde Euangelium ad ipsam Africam venit, per communicatorias literas esse coniunctum, ubi paratus esset causam suam dicere, si aduersarij eius ab eo illas Ecclesias alienare conarentur. Et mox: De collegis agebatur, qui possent aliorum collegarum iudicio, præsertim Apostolicarum Ecclesiarum, causam suam integram referuare. Et in Psalm. 86. Cæciliani accusatorem obiurgans: Noluit Cæcilianus exire ad maiores tuos, & sic seruauit causam suam orbi terrarum: quomodo tu seruaſti Concilio Numidiarum. Si innocentem te reddidit Sedes Bagaitana: quanto potius illum Sedes Apostolica? Et infra: Tū purgaſti te apud Bagai? Purgauit se ille in transmarino iudicio. Consensit huic iudicio vniverſus orbis terrarum. Quibus ex omnibus id nimirum eniteſcit, orbis terrarum, Transmarinum, Sedis Apostolicæ iudicium, vnum idemque eſſe, cui causam suam referuauit, à quo purgatus est Cæcilianus. Quibus gemella sunt ista de Athanasio & Petro Alexandrinis Episcopis, Sedi suæ similiter Apostolicæ Sedis, Italiæ & Occidentis iudicio aſſertis, ex epistolâ Ambrosij & cæterorum Episcoporum Italiæ Synodi ad Theodosium Imper. Sicut & sanctæ memoriæ Athanasius & dudum Petrus Alexandrina Ecclesiæ Episcopi, & Orientalium plerique fecerunt, ut ad Ecclesiæ Romanæ, Italiæ, & totius Occidentis confugiſſe iudicium viderentur. Vbi & mox censent de controuersia duorum CP. Episcoporum, eſſe debere in vrbe Rom: nostrum, Orientaliumque Concilium. Neque enim indignum videtur, ut Romana Ecclesia Antistitis, finitimorumque & Italicorum Episcoporum debeant subire tractatum, &c. Verique nimirum exploratissimum erat, Athanasio inquam, & Petro, quod ipsemet prodidit Athanasius, Dionysium prædecessorem suum apud cognominem Romanum Pontificem, & accusatum fuisse, & causam suam scriptâ apologiâ profecutum eſſe. Parco refricare, quæ superioribus dissertationibus vberius sunt disceptata, Chry-*

*Append. Cod.
Theod. ep. 5.*

*L. de decret. Nic.
can. Synodi Et de
sent. Dionysii.*

solum Concilio œcumenico & Innocentio causam
 suam reseruasse, & ab isto restitutum esse: Nestorium &
 ante Synodum, & per Synodum ipsam Ephesinam vna po-
 tissimum Cælestini Papæ autoritate discinctum esse:
 Ioannem Antiochenum Romani Præfulis iudicio in ea-
 dem Synodo esse reseruatum: Flavianum CP. Episcopum
 ab Ephesina secunda Synodo ad Leonem Papam prouo-
 casse, & ab eodem restitutum esse ante Synodum Chalce-
 donensem. Et ne longum faciam, neve exemplorum serie
 fastidium creëm, regulam ipsam de Constantinopolitano
 Episcopo iudicando repetam ex Theodoro Studitâ, qui eo
 scribebat æuo, quo reliquos Patriarchas Orientales longo
 post se Constantinopolitanus reliquerat interuallo. Sic er-
 go ille l. 2. ep. 129. *Fieri nullâ ratione potest, ut coalescat hac Ec-
 clesia, non consentientibus quinque Patriarchis. Quod si roget quis-
 piam, quo pacto id fieri possit? Si excedant, inquam, Ecclesiis Dei
 heterodoxi, & propriam Sedem recipiat Nicephorus sacer Patriar-
 cha. Qui cuncto eorum conuentu, cum quibus certamen sustinuit;
 si fieri non potest, ut ab aliis Patriarchis adsint vicarij; (quod certe
 fieri potest, si velit Imperator Occidentalem interesse, cui & potestas
 summa defertur Synodi œcumenica) attamen pacem conficit & con-
 iunctionem, Synodicas suas ad primæ Sedis Præsulem mittendo.
 Quod si hoc minimè probet Imperator, deflexitque, ut ipse ait, à
 veritate Nicephorus Antistes: mittenda est ad Romanum ex utra-
 que parte legatio, & inde fidei accipienda certitudo. Vbi vides
 conuenienter nostris suprâ placitis, vbi Patriarcharum cau-
 sa ventilatur, in votis esse Synodum œcumenicam, quin-
 que Patriarcharum præsentiam, vel legatis nobilitandam. Si
 eius non fiat copia, vnum primæ Sedis Præsulem vices eius
 & munia implere, fidem dictare, de Patriarchis decernere.
 Quippe ut ait Hincmarus Rhemensis Præsul Concil. Du-
 ziac. 1. part. 2. cap. 26. *Apostolica Sedes omnium est Ecclesia-
 rum in toto orbe terrarum mater & magistra; cuius Pontifex Pa-
 triarcha est Patriarcharum, & Primas Primatum.**





DISSERTATIO XV.

IN

CONCILIA ROMANA

SVB SYMMACHO PAPA,

Anno Christi 500. 501. 502. 503.

SYNOPSIS.

Astruitur illud Prima Sedis privilegium, ut à nemine iudicetur: congestis argumentis ex his primam Synodis, itemque ex Apologetico Ennodij. Num. I. II. III. IV. Ex Auito Vienneſi Episcopo, & Ecclesie Gallicanae consensu. Num. V. VI. In œcumenicâ Synodo parem vim habent ea argumenta. Num. VII. Divini iuris ex fontibus scaturit hæc prerogativa. Num. VIII. Idem evincitur exemplo aliorum Pontificum, Damasi, Sixti, Pelagij, Leonis, Paschalis, Hadriani, usque ad num. XIII. Alia argumenta ex Nicolao I. Hadriano II. Synodo octava. Num. XIV. XV. XVI. Cassa Synodus in Ioannem XII. Num. XVII. Rursus Gallicana consensus Ecclesie & Germanica. Num. XVIII. XIX. Incansâ Schismatis & Hærescos paulo aliter sentiendum. Num. XX. XXI. Tenetur Pontifex suspensiones diluere, & se purgare. Num. XXII. XXIII. Sententia Gersonis & Nicolai de Cusa expenditur. Num. XXIV. XXV. Antedictorum omnium confirmatio ex Gregorio Papa I. Num. XXVI.

I. Primam Sedem à nemine iudicari, probatur primò ex Synodo Romana sub Symmacho.



UPERIVS disputatis de summi Pontificis iudiciariâ in omnes, & in summos maximè Episcopos potestate, coniuncta est hæc quæstio, an à quoquam ipse possit iudicari. Primam autem Sedem à

nemine iudicari, statim profitentur Synodi tertiæ Romanæ sub Symmacho Patres. Causante enim Theodorico Rege, ad se de Papa Symmachi actibus horrenda fuisse perlata; & in Synodi oportere, si vera esset inimicorum eius obiectio, indicatione constare: Excipiunt Episcopi, Ipsum qui dicebatur impetitus, debuisse Synodum convocare, &c. Nec antedicta Sedis Antistitem minorum subiactuisse iudicio, in propositione simili, facile forma aliqua testaretur. Respondit Princeps, Ipsum quoque Papam in colligendâ Synodo voluntatem suam literis demonstrasse: quod & Symmachus ipse mox confirmavit, & auctoritatem ordinis corrigendi, sicut poscebant ecclesiastica statuta, in omnium, qui ibidem convenerant, Episcoporum præsentia se dare professus est. Quanquam autem præsto esset Symmachus causam dicere in Synodo, affectu purgationis suum culmen humilians, sævitiâ & cædibus aduersariorum prohibitus est. Quocirca Episcopi, respondente Rege, In synodali esse arbitrio, in tanto negotio sequenda præscribere, nec aliquid ad se præter reverentiam de ecclesiasticis negotiis pertinere: totam causam Dei iudicio reseruarunt, arbitrio divino dimiserunt, Symmachum Ecclesiæ restituerunt.

Verum cum in Synodos istas, & in illud Primæ Sedis privilegium, ut à nemine iudicaretur, invidia & maledicentia conflagrasset, Apologeticum scripsit Ennodius Ticinensis postea Episcopus, è quo carpere hæc breviter non pigebit. Faceffat, qui in vobis est, pruritus iste linguarum. Non nos B. Petrum, sicut dicitis, à Domino cum Sedis privilegiis, vel successores eius, peccandi iudicamus licentiam suscepisse. Ille perennem meritum dotem, cum hereditate innocentia misit ad posteros. Quod illi concessum est pro ætænum luce, ad illos pertinet, quos par conversationis splendor illuminat. Quis enim sanctum esse dubitet, quem apex tanta dignitatis attollit? In quo si desint bona acquisita per meritum, sufficiunt, quæ à loci decessore præstantur. Aut enim claros ad hæc fistigia erigit, aut qui eriguntur, illustrat. Prænoscit enim, quid Ecclesiarum fundamento sit habile, super quem ipsa moles innititur. Illa itaque iudicij superioris experts impatiensque

II. Probatur
item ex Apolo-
getico Ennodii,

summitas, non impunitatem scelerum, sed innocentiam conciliat. Nam *Petri successor, fundamentum Ecclesie, is super quem ipsa moles innuitur, ut præclarus & innocuus, vel eligatur, vel electus euadat, interest ad Prouidentiam Christi, pro Ecclesiâ suâ excubantis. Et rursus aduersus eos, qui mussitabant in hunc modum: Si vera est Episcoporum assertio, Sedis Apostolica Præsulem minorum nunquam subiaccuisse sententiæ, cur ad iudicium districta conuentione productus est?* Respondet annosam cauillatorum istorum infantiam vel hoc vno Scripturæ verbo retundi posse: *Nunquid gloriabitur securis contra eum, qui secat in eâ? &c.* Addit & Christum, & in Christi sectatoribus præcipuos quosque, maximè Athanasium, etsi innocentia suâ sibi confcios, iudicio se tamen humano vtrò inclinasse: *Redemptor noster iudicium, quod inter se & vineam suam optat euenire, magis implorat. Sanctus Athanasius ad coronæ præmium iunxit, quod de dignitate submisit: & ante calestem de absolutione sententiâ, personam rei innocentia bonus aestimator impleuit. Sic enim Christi milites sudore suo honorum sibi incrementa parturiunt, dum concessa fætigia celsiore humilitate castigant. Sed quamuis beatum Athanasium Romano Antistiti, quantum nosse datur, imparem locus ostendat, factò tamen in negotio comparantur. Ille præsto fuit iudicibus: iste quantum & vos dicitis, aduocauit. Ille intentatam discussionem, ut Dei famulus, non refugit: iste triumphi sui spem in discussorum collectione constituit. Sed quid his longius collationibus immoremur? Iudicia & iste voluit, armauit, attraxit, ingressus est: & quod posset fidelia corda doloris iusti aculeis excitare, venerando Concilio auctoritatem etiam contra se, si mereretur, indulxit. Ergo ut Athanasius innocentia præsidio fretus, minorum aliquando se sponte subiecit iudicio: ut Petrus & Paulus, imò ut Christus, ut Deus, etsi & innocentia, & auctoritate supra omnem humani iudicij aleam collocatus, sponte tamen suâ iudiciariam in se prouocauit examinationem: ita Symmachus Athanasio loco maior, Petri & Pauli successor, Christi optimi maximi vicem gerens,*

authoritatem etiam contra se Concilio indulget.

Cauillantibus rursus: *Quare Papa Synodum conuocauit, ut de criminum eius obiectione cognosceret? Quomodo de causâ primitus tractabatur, cum necdum haberet Synodus firmitatem?* III. Rursus ex
coâcm.
 Respondet Ennodius: *Hinc eramus nempe dybî, quia non habebat Synodus firmitatem. Transibat negotij qualitas auditu- rum. Et plus adhuc remanserat in reuerentiâ pulsati, quàm esset in nostri integritate collegij. Denique ne pergant huic Primæ Sedis priuilegio succensere, ita illud munire satagit diuinæ patrocini institutionis. Dico latorem iuris, definitionis suæ, nisi velit, terminis non includi. Et nisi Princeps fastigij summa moderetur, frustra ad illud, quod dederit, ius vocatur. Aliorum fortè hominum causas Deus voluerit per homines terminare: Sedis istius Prasulem suo sine questione reser- uauit arbitrio. Voluit B. Petri Apostoli successores calo tantum debere innocentiam, & subtilissimi discussoris indagini inuiola- tam exhibere conscientiam. Nolite estimare eas animas de in- quisitionibus non habere formidinem, quas Deus præ ceteris suo reseruauit examini. Non habet apud illum reus de allegationis nitore subsidium, quando ipso factorum utitur teste, quo iudice. Dices forsitan, omnium animarum talis erit in illâ disceptatione conditio. Respondebo, vni dictum, Tu es Petrus, & super hanc Petram ædificabo Ecclesiam meam. Et, Quæcumque solueris super terram, erunt soluta & in calo. Et rursus sanctorum voce Pontificum, dignitatem Sedis eius factam toto orbe venerabi- lem, dum illi quidquid fidelium est, ubique submittitur: dum totius corporis Caput esse designatur. De quâ mihi videtur di- ctum per Prophetam, Si hæc humiliatur, ad cuius fugietis an- xilium? & ubi relinquetis gloriam vestrâ? Denique quasi ex ipso Petri ore hæc pertonat: Filij hominum usquequò graues corde? Vt quid diligitis vanitatem, & queritis menda- cium? Scitote quoniam mirificauit Dominus sanctum suum. Quid stabilita Christi manibus cupitis fundamenta sabruere? Quid canum possessionis genium, illius qui per culpas inuenie- rit, ariete pulsatis: & diuisione ecclesiastici gregis, nonis me: & post carnem passionibus subingatis? &c.*

Vbi aduerte 1. prærogativæ huius, ut nullius nisi Dei iudicio sublit Prima Sedes, originem derivari à Christi voce, à Petri merito, à Capitis dignitate. Christus enim illis verbis, *Tu es Petrus, &c. Quaecumque ligaveris, &c.* omnem Petriq. superstruendo Ecclesiam subiecit, non præfecit: eique indulgit, ut ligaret, non ut ligaretur. Petri item dignitas innocentix comes propagata in successores eius est, in quibus ipse quasi superstes vivit usque, iudex utriusque, non iudicandus. Denique Capitis est, suo membra, non se membrorum iudicio subiugare.

2. Canum possessionis genium, sanctorum voces Pontificum obtendi ab Ennodio, vel à Synodis potius Romanis, quibus constet nullum unquam Romanorum Pontificum Synodi ullius examine subactum fuisse. Itaque privilegio diuinitus concessio, præscriptio etiam accedit.

3. Cum nulla rata sit, & germana Synodus, nisi à Romano Præsule conuocetur, confirmeturque, quâ demum in Synodo legitime in ipsum inquiretur? An mendicata enim ab ipso authoritas, in ipsummet retorquebitur? An per Synodum à se collectam & authoratam, iudex ipse erit idem, qui reus? 4. Quæ leges ecclesiasticæ, qui Canones depromuntur in disceptandâ Romani Præsulis causâ, cum cassi & inutiles sint, nisi ab ipso sanciantur, vel confirmantur? At frustra Princeps ad illud, quod dedit, ius vocatur: nec lator legis lege constringitur, nisi volens lubensque.

5. Etsi de summo Pontificatu certamen esset, etsi & argumentis & telis densissimis impeteretur Symmachus, etsi iniquissimo vteretur arbitrio Principis. Catholicâ ab Ecclesiâ alieni: causam tamen obtinuit, consensitque Synodo Theodoricus, primæ Sedis causas Deo iudici reservandas.

6. Aut quibuscumque in quolibet permittenda est iudicandi potestas, & ita mox intestino cæcoque tumultu collidentur ima summis: aut obtinebit, quod hactenus ubique gentium per leges à naturâ magistrâ hominibus informatas obtinuit, ut minores maiorum iudicio subiaceant, non vicissim. At inde

inde illud nascitur, vt maiores tandem ipsi iudices vni summo iudici conspicuo sistantur, cui denique imminet inconspicuus iudex Deus. Hoc postremum consultius sanè est, & ad dissidia cohibenda opportunius. 7. Quòd iudicio Dei referuantur Petri hæredes, non ad scelerum licentiam inultam pertinet. An impunè enim peccare suspicabimur eum, qui Deo vtitur factorum & teste & iudice? Quin perpendimus quantò formidolosius sit humano iudicio diuinum? 8. Peccanti Pontifici non venia datur iudicij, sed mora. Non arcetur districtio, sed differtur. Paci autem Ecclesiarum moras donare quis abnuat? Et has moras pensabit vtrique diuini acerbitas iudicij. 9. Hæc Capitis nostri gloria in corpus omne redundat. Nam si qualibet Synodo possit Princeps exauthorare summum Ecclesiæ Pontificem, quantam hinc vniuersali Ecclesiæ ominabimur seruitutem? Quantam canonicæ libertatis stragem? Perstrinximus id iam alibi, quod alibi copiosius edisseremus, Omnium Ecclesiarum priuilegia & libertates aduersus sæcularis iurisdictionis torrentem, non alio ferè præsidio niti & constare, quàm inconcusso Sedis Apostolicæ priuilegio. Ergo si hæc Sedes humiliatur, ad cuius fugietis auxilium? Ne Ennodij autem, vel Synodi Romanæ eam fuisse sententiam tibiingas, assentiebatur Christianus orbis vniuersus; imò inclinatio in Sedem Apostolicam deuotione superabat. Id de Gallicana Ecclesia docebit nos Auitus Viennensis Episcopus, & inde ductâ coniecturâ cæterarum Ecclesiarum consensionem faciliè assequemur. Ad Senatores ergo Urbis scribens epist. 31. se nomine vniuersæ Gallicanæ Ecclesiæ scribere ita præfatur: *A cunctis Gallicanis fratribus meis, ad hoc ipsum non minùs per mandata, quàm per literas oneratus, quacumque à vobis omnes ambimus, vnus suggerenda suscepi.* Tum causam ipsam aggreditur, *Dum de causâ Romana Ecclesia anxianimi ac trepidi essemus, utpote nutare statum nostrum in laceßito vertice sentientes: quos omnes vna criminatio vtrique sine inuidiâ mul-*

V. Idem ostenditur ex epistola Auiti, & Ecclesiæ Gallicanæ consensu.

et tendinis percusserat, si statum Principis obruisset: perlata est sollicitudini nostra ab Italiâ in exemplaribus sacerdotalis formæ decreti, quam de Papa Symmacho apud Urbem collecti Italiæ Antistites ediderunt. Quam constitutionem licet observabilem numerosi reuerendique Concilij reddat assensus, intelligimus tamen sanctum Symmachum Papam, si sæculo primùm fueras accusatus, Consacerdotum suorum solatium potius asciscere, quàm recipere debuisse iudicium. Quia sicut subditos nos esse terrenis potestatibus iubet arbiter cali, Staturos nos ante Reges & Principes in quacumque accusatione prædicens: ita non faciliè datur intelligi, quâ vel ratione, vel lege, ab inferioribus eminentior iudicetur. Conquerantur ergo alij de Romanæ Synodi propensione, & reuerentiâ in Symmachum, & in Apostolicum priuilegium: expostulat ex aduerso Ecclesia Gallicana de nimia penè Synodi Romanæ licentiâ: & proficitur 1. in vertice suo statum omnium Episcoporum laceffi, & nutare: statu & criminatione Principis multitudinem omnem Episcoporum implicari. 2. Principe sæculi in iudicium vocante Symmachum, parere quidem debuisse Pontificem, cùm Christus, cùm Apostolus fauuituros in Ecclesiam Reges prædixerit: at Episcopos Pontifici ad solatium, non ad iudicium accurrere debuisse. 3. Præter rationem, præter leges esse, ab inferioribus eminentiorem iudicari.

VI. Rursus indidem.

Et confestim ibidem Auitus: Nam cùm Apostolus clames accusationem vel in Presbyterum recipi non debere, quid in præcipuum generalis Ecclesiæ, criminationibus licere censendum est? Quod Synodus ipsa venerabilis laudabili constitutione prospiciens, causam quam, quod saluâ eius reuerentiâ dictum sit, penè temerè susceperat inquirendam, diuino potius seruauit examini: perstringens tamen prout breuiter potuit, nihil vel sibi, vel gloriosissimo viro Theodorico Regi, de his quæ Papa dicebantur obiecta, paruisse. Quibus cognitis, quasi senator ipse Romanus, quasi Christianus Episcopus obiector, &c. ne minùs diligatis in Ecclesiâ vestrà Sedem Petri, quàm in ciuitate apicem mundi. Si profundo illo tractatus vestri consilio rem vide-

tis, non ea tantummodo, qua Roma geritur, causa cogitanda est. Sed in sacerdotibus ceteris potest si quid forte vacaverit, reformari. At si Papa Vrl is vocatur in dubium, Episcopatus iam videbitur, non Episcopus vacillare. Vbi cernis 1. Synodum Romanam non debuisse tantum causam Romani Episcopi Deo reservare, sed ne illam quidem suscipere inquirendam. 2. Si Paulus suis quoque presbyteros muniuit privilegiis, num Episcopus, num *præcipuus generalis Ecclesie* nullis gaudebit supra Presbyteros, supra etiam Episcopos? Peruersum id fuerit, summos privilegiis destitui, à quibus & infimi ea extorquent. 3. Sedes Petri in Ecclesia eo est loco, quo apex mundi in Vrbe. Vtrobique de Principe nemo iudicat. Quanquam enim Ambrosius scribat Imp. Valentiniano epist. 32. *Cum præscripsisti alius, præscripsisti & tibi: Leges enim Imperator fert, quas primus ipse custodiat.* Idem tamen in Psal. 40. sic ait: *Ipse etsi legibus quasi Rex, non teneretur humanis, Deo tamen obnoxium se pro peccatis suis esse cognoscit.* Et in Psal. 118. Oct. 16. *Etsi Rex leges in potestate habet, ut impune delinquat; Deo tamen subditus est, qui nulli debet. Imò plus ipse debet, cui plus commissum est.* 4. Cum exordium & origo Episcopatus sit Petrus, Petrique sedes, in Symmacho non Episcopus, sed Episcopatus periclitabatur. Nam vacillante capite, corpus totum labascit. 5. Denique ut idem subdit, *Reddet rationem, qui ouili dominico præest, quâ commissam sibi agnorum curam administratione dispenset: ceterum non est gregis Pastorem proprium terrere, sed iudicis.* Decretum porro illud Romanæ Synodi quod ab Auito perstringitur, istud est: *Decernimus ut Symmachus Papa Sedis Apostolica Præsul, quantum ad homines respicit, quia totum constat diuino arbitrio fuisse dimissum, sit immunis & liber, &c.* quod & adhuc in ea Synodo legitur, quæ quarta & Palmaris inscribi debet.

Porro illud in antedictis effulgebat, ne in vniuersali quidem, siue œcumenicâ Synodo Symmachum iudicari potuisse. Quæcumque enim vel ab Ennodio, vel ab A-

VII. Nec in œcumenicâ Synodo de primâ Sede iudicium ferri potest.

uito, vel à Concilio ipso Romano dicta sunt, ea parem vim habent aduersus Synodi œcumenicæ iudicium. Nam 1. Synodus Romana non suam excusauit infrequentiam, non Episcoporum paucitatem, non vniuersalis Synodi congregatione opus esse dixit, sed absolute Deo reseruauit. 2. Et qui de Synodi Romanæ decreto mussabant, non illis in mentem veniebat, saltem vniuersalis Synodi coalitionem implorare. 3. Quod impune peccaturos causarentur, qui nullo humano coërentur iudicio, id peræquè amoliebatur Synodi vniuersalis sententiam. 4. Quod Ennodius ait, Petri, eiusque successorum id esse priuilegium, vt innocentiam cælo tantum debeant, non debebunt ergo vel œcumenicæ Synodo. 5. Non inultum fore idem pollicetur, si quid peccet Romanus Antistes. An quod iudex futura sit Synodus œcumenica? An potius quod Deo teste, eodemque iudice peccet? 6. Non auferri ait, sed differri de peccante Pontifice iudicium. An ad œcumenicam vsque Synodum? Imò ad diuinum vsque examen. 7. Æquè œcumenica Synodus à Pontifice conuocanda & confirmanda est. Quare nec in ipsum, nisi ab ipso impartitam distringet authoritatem. 8. Æquè œcumenica Synodus membrorum collectio est, etsi longè plurium. Quorum non est de suo vertice iudicare. 9. Æquè œcumenica Synodus ouile & grex est, etsi numerosior. Nec gregis est de Pastore iudicare, sed iudicis. 10. Nihilò fecius in generali ac in particulari Synodo, ab inferioribus eminentior iudicabitur. 11. Nihilò minùs non Episcopus, sed Episcopatus ipse vacillabit: & in lacerato vertice status episcopalis in discrimen vocabitur. 12. Æquè in œcumenicâ Synodo frustra Princeps in ius vocabitur quod ipse dederit; nec legi suæ, nisi lubens subii-ciatur. 13. Æquè in œcumenicâ Synodo, si primæ Sedis vanescant priuilegia, cæterarum prærogatiuarum Sedium, quæ ab illâ proficiuntur & conseruantur, pariter inanescunt. 14. Denique si diuini iuris est, quod cum cæ-

rerorum hominum causæ per homines terminentur: Sedis istius Præsulem Deus suo sine quæstione reservauit iudicio: aduersus iuris diuini sanctionem nec œcumenica Synodus dimicabit.

Quod autem non cano tantum possessionis genio, non Canonum constituto, sed iure diuino fultum inconcussumque stet istud primæ Sedis priuilegium, iisdem ferè authoribus & testimoniis liquet. Nam 1. non Romana Synodus, non Ennodius, non Auitus Canones ullos, vel Synodos promit huius authores prærogatiuæ. Et Ennodius quidem in operosissimo Synodi Apologetico Canones profert, ad alia quædam iuris ecclesiastici capita roboranda. Auito quoque Canonum peritiam defuisse nemo cordatus facile suspicabitur. Cum ergo ne Sinuessanam quidem Synodum in causâ Marcellini Papæ tam accommodatam, tam peremptoriam vsquam hîc laudari videamus: nondum fortè ea fabula tunc quidem excusa fuerat. 2. Vix aut nec vix potest istiusmodi priuilegium cuiquam, à Synodo vel Canone ullo indulgeri. An potest enim Ecclesia suum ipsa ius ciurare? An potest potestatem suam obruere? An potest non posse, quod potest? An potest antiquitas posteritati, hoc est, Ecclesia sibi ipsi derogare? Saltem reuocare posset, quod concessisset antè: & diffingere opus ipsa suum. Atque ita etsi non iudicaretur fortè, iudicari tamen posset ab inferioribus eminentior. 3. Vt diuino iure prima est Sedes, ita diuino iure id obtinet, vt ne inferioribus subiiciatur. Diuinâ enim, & naturaliter nostris mentibus anticipatâ lege cautum est, vt regantur & iudicentur à minoribus maiores, non vicissim. 4. Quòd non sit gregis pastorem proprium terrere, sed iudicis: quòd qui ouili dominico præest, rationem reddat Domino, non gregi: diuini id instituti est. 5. Quòd vertex sit Sedes Petri, in quo status ipse Episcoporum lacessatur: quòd Princeps sit, in quo non Episcopus, sed Episcopatus impetatur: diuinæ id quoque originis est. 6. Vbi hæc quasi ex Petri ore in-

VIII. Et hoc diuini iuris priuilegium est.

510 DISSERTATIO DECIMAQVINTA

tonat Ennodius : *Scitote quoniam mirificauit Dominus sanctum suum. Quid stabilita Christi manibus capitis fundamenta subuertere?* His satis aperte Christi institutionem significat. 7. Vbi idem rursus gannientibus diuino iudicio sistendos omnes aliquando Episcopos, & eisdem tamen interim ecclesiasticum examen subire: excipit *Vni dictum, Tu es Petrus, & super hanc petram, &c. Quaecumque solueris, &c.* Satis dilucidè diuino ex fonte hanc dotem primæ Sedis haurit. 8. Hoc Ennodius vult Petri fuisse priuilegium, & ab eo in hæredes transfusum. Et garrientibus aduersariis, ergo peccandi licentiam effrænem à Domino indultam Petro, negat ille indultam peccandi licentiam à Domino, indultam astringit innocentiam, vel innocentiae reuerentiam.

IX Idem rursus probatur ex Synodo Romanâ, in causa Damasi.

Append. Cod. Theodos.

Nunc ad alia festinemus eiusdem speciei exempla. Vrsicini accusationibus impetitum olim fuerat caput Damasi Papæ: subornati accusatores, impacta crimina, ea fraude videlicet, ut dum causam dicit, qui in omnibus iudex fuerat constitutus, nemo esset, qui de lapsis, vel ceriè de factiosis posset Episcopatus inuasoribus indicare; ut ad Gratianum Imperatorem scribit Synodus Romæ in eam rem collecta. Et ibidem infra: *Memoratus frater noster Damasus, quoniam in suâ causâ vestri tenet insigne iudicij, non fiat inferior his, quibus etsi aqualis est munere, prerogatiuâ tamen Apostolica Sedis excellit, ut iudiciis publicis videantur esse subiecti: quibus sacerdotale caput lex vestra submonuit, &c. Ad predicandam Episcopi conscientiam seuerioribus se dedit ipse iudiciis sacerdotum, à quibus non nominis, sed etiam morum ratio pensatur, &c. Accipite aliud quoque, quod vir sanctus vestra magis conferre pietati, quàm sibi prestare desiderat; nec derogare cuiquam, sed principibus arrogare. Quoniam non nouum aliquid petit, sed sequitur exempla maiorum; ut Episcopus Romanus, si Concilio eius causa non creditur, apud Concilium se imperiale defendat. Nam & Silvester Papa à sacrilegis accusatus, apud parentem vestrum Constantinum causam propriam prosecutus est. Et de Scripturis similia exempla suppeditant, quod cum à Præ-*

IN CONC. ROMANA SVB SYMMACHO. 511

sede Paulus Apostolus vim pateretur, Cæsarem appellauit, & ad Cæsarem missus est. Ergo ex Ambrosij, ex totius Romanæ Synodi sententiâ, peruersum id erat, & aduersariorum fraude expugnatum, *ut causam diceret, qui in omnibus iudex fuerat constitutus.* Eo non obscure innuitur hoc primæ Sedis ius. 2. Idem non dubitandum astrui circumspectis his infra vocibus, vbi dicitur *Damasus senioribus se dedisse ipsam iudicis Sacerdotum*: nempe ad diluendas vel leuissimas suspicionum nubeculas. 3. Si autem Concilio non creditur episcopali causa Episcopi Romani, id orant ut saltem ne apud Præsides vel Magistratus, sed apud Imperiale Concilium ea examinetur. Quod dispensatiuè dici indubium est. Suboffenduntur enim, quod eius causa Concilio episcopali non credatur. Deinde aiunt expressè Damasum id petentem, non sibi præstare, sed Principi: Principi id arrogare. Ad hæc iudiciis publicis Gratianus exemerat sacerdotale caput. At Concilium Imperiale seu Consistorium numerari utique debet non inter sacra & ecclesiastica, sed inter ciuilia & publica iudicia. Adde quod Paulus non appellauit ad Cæsarem, nisi cum vim pateretur à Præside. Ne in iuris ergo regulam rapiatur illico, quod vis expressit. In discrimina enim se graui non rarò demergunt, qui fugitant grauiora. Denique suprâ edisseruit in pari negotio Auitus Viennensis, quomodo Apostoli & Episcopi starent ante Reges & Præsides, ab illis iudicandi. Nimirum quod & Ennodius docuit, iure remisso, & rationibus temporum accommodato, vti Christus ad sæculare tribunal vocatus est. 4. Denique aiunt Romanæ vrbis Episcopum, cæteris Episcopis etsi æqualem munere, sed *prærogatiuâ Sedis Apostolica* excellentiorem, vberioribus gaudere debere priuilegiis.

Ex Synodo quoque, quâ non diiudicatio, sed purgatio Sixti III. Papæ facta est, aliqua delibanda. Impacto enim illi per calumniam stupro Chrysogonitis consecratae, *Augustus & mater eius suspenderunt se à communione, &c. Sixtus sciens, quod ab eius communione multus populus se*

X. Item ex Synodo Romana in causa Sixti Papæ.

segregaret, venit in basilicam beati Petri Apostoli, dicens, Si delicta mea contra me sunt semper, probatio quare non sit. Et cepit omnis urbana plebs clamare, ut dicta eius Augustus & Clerus urbis Roma probarent examine. Et congregauit Valentinianus uniuersum Senatum urbis Roma. Et Sixtus congregauit Presbyteros urbis Roma & Clerum, nec non & monasteria seruorum Dei, &c. Introiuit Epiphanius Presbyter, & dixit cum lacrymis, Fiat probatio, ut Ecclesia non maculetur. Respondit Maximus Exconsul, & dixit: Non licet aduersus Pontificem dare sententiam. Respondit Sixtus, & dixit: Quanquam in meo arbitrio sit, iudicet, an non iudicet: tamen meo iudicio non abscondatur veritas. Tandem surrexit Augustus, Et dedit in arbitrio Sixti Episcopi, ut iudicaret iudicium suum. Et discesserunt cum Augusto omnes. Hic aduertis 1. præcurrere ipsum Pontificem, ut sui purgandi sibi fiat copia, non ad id ab Augusto, non à populo cogi. 2. Synodum seu Cleri cœtum ab ipso conuocari, non ab Augusto. 3. Vna ab Augusto congregari Senatum, ut purgatio hæc intelligatur esse, non iudicium. 4. Id totum eò spectare, ut iniquis suspicionibus non maculetur Ecclesia: non ut legitimæ iurisdictioni campus aperiatur. 5. Primum profligare Exconsulem & contestari, quod non liceat aduersus Pontificem dare sententiam. 6. Profiteri Sixtum ipsum, in suo arbitrio esse, iudicetur, aut non iudicetur. 7. Augustum & Senatum omnem suffragari. 8. Id totum confirmat epistola Sixti III. Scitote me criminari à quodam Basso, & iniuste prosequi. Quod audiens Valentinianus Augustus, nostrâ auctoritate Synodum congregari iussit. Et factò Concilio cum magnâ examinatione satisfaciens omnibus, licet enadere satis potuissem, suspicionem tamen fugiens, coram omnibus me purgavi. Cuius tamen epistolæ fides nutat.

XI Item ex spontanea purgatione Pelagii.

Et hæc quidem ante Symmachi Papæ tempora. Postea autem rursus Pelagius Papa primus, cum velut mortis Vigilij Papæ reus obliquis rumoribus laceraretur, ita se purgauit, ut narrat liber vitæ Pontificum. Et monasteria, & multitudo religiosorum & sapientum nobilium subduxerunt se

se à communione eius, dicentes, quia in morte Vigily Papa se immiscuit, ut tantis pœnis affligeretur. Eodem tempore Narses & Pelagius Papa consilio inito, datâ litaniâ, à sancto Pancratio, cum hymnis & canticis spiritalibus, venerunt ad sanctum Petrum Apostolum. Qui Pelagius tenens Euangelia, & crucem Domini super caput suum, in ambonem ascendens, satisfecit cuncto populo, & plebi, quia nullum malum peregisset contra Vigiliū. Ita ergo ille sine figurâ iudicij infamiam effricuit iniquissimè sibi illisam.

Eodem penè ritu innocentiam & maiestatem suam tuitus est Leo III. de quo hæc narrat Anastasius in eius vitâ. Fecit Rex Carolus congregari in Ecclesiam Petri Apostoli Archiepiscopos seu Episcopos, Abbates, & omnem nobilitatem Francorum atque Romanorum, &c. ut crimina, quæ aduersus Pontificem dicta fuerant, examinarent. Qui uniuersi Archiepiscopi, & Episcopi, & Abbates unanimitè audientes, dixerunt, Nos Sedem Apostolicam, quæ est caput omnium Dei Ecclesiarum, iudicare non audemus. Nam ab ipsâ nos omnes, & Vicario suo iudicamur, ipsa autem à nemine iudicatur, quemadmodum & antiquitus mos fuit. Sed sicut ipse summus Pontifex censuerit, canonicè obediemus. Venerabilis verò Præsul inquit: Prædecessorum meorum Pontificum vestigia sequor, & de talibus falsis criminationibus, quæ super me nequiter exarserunt, me purificare paratus sum. Alia verò die in eadem Ecclesiâ & eodem cœtu, amplexus sacra Christi quatuor Euangelia coram omnibus ascendit in ambonem, & sub iureiuranda clara voce dixit, Quia de istis falsis criminibus quæ super me imposuerunt, scientiam non habeo, nec talia egisse me cognosco. Et hoc peracto omnes Archiepiscopi, Episcopi, &c. dederunt laudem Deo. Nec absimilis fuit Paschalis I. purgatio, qui geminæ exdis suspitione aspersus, coram legatis Ludouici Pij, se ab huius pacti communione, cum magno Episcoporum numero, iureiurando purgauit, ut loquitur Eginhardus.

Minus pompatica, præclarissima tamen fuit ea ratio, quâ se Hadrianus II. apud eundem Anastasium purgauit, cum suspectus esset quibusdam, quasi acta Nicolai Papæ

XII. Item ex Synodo Romanorum & Gallorum, in quâ se Leo III. purgauit: itemque Paschalis.

XIII. Item ex purgatione Hadrianii.

reuocaret. Eâ enim de causâ *suspenderant se ab eo per dies aliquot quidam Græcorum, & aliarum Gentium seruorum Dei, per id tempus Roma commorantium.* Quibus ille ad refectio- nem vocatis, & post epulas in faciem procidens, ita velut *Patribus, Fratribus, Filis* satisfecit, ut cuncti famuli Domi- ni, videlicet *Hierosolymitani, Antiocheni, Alexandrini, ac Constantinopolitani, quorum aliqui legationibus mundi Princi- pum* fungebantur, *distinto stupore attoniti*, ad agendas Deo gratias proruperint.

XIV. Idem mul-
tipliciter à Nico-
lao Papa I. pro-
batur.

Prolixè versatus est in hac causa Nicolaus Papa I. ep. 8. ad Michaël. Imp. vbi istud velut à Syluestro sancitum refert: *Neque ab Augusto, neque ab omni clero, neque à regi- bus, neque à populo, iudex indicabitur.* Refert & illud Sy- nodi Sinuessanæ ad Marcellinum Pontificem, ultro sce- lus confessum: *Tuo ore indica causam tuam, non nostro iudicio, &c. Prima Sedes non indicabitur à quoum.* Refert & alia his indubitiora. Nempe illud Pelagij Papæ ad Re- gem Francorum, obiurgantis, *quod Sabaudum Arelatensem Episcopum, cuius Ecclesia in regionibus Gallicanis Primatus pri- uilegio & Sedis Apostolica vicibus decoratur, ad petitionem Epi- scopi ab ipso ordinati, in iudicium sequentis ciuitatis Episcopi, quod nullâ ecclesiasticâ lege vel ratione conceditur, indicandum inuississet occurrere.* Illud quoque Gregorij Papæ I. Clero Mediolonensis Ecclesiæ; *iudicari a vobis ultra non debet Prelatus. Sed tanto nunc subtiliter indicandus est, (dum eligi- tur) quanto postmodum indicandus non est.* Illud etiam Dio- nysij Areopagitæ ad Demophilum, qui etiam in causa pie- tatis delinquentem sacerdotem, *nefas sancit à minoribus vel ab inferioribus iudicari.* Illud item, quod de Sixto Papa iam retulimus. Illud præterea, quod alibi ex Cyrillo, Syno- doque Ephesina exscripsimus, de Ioanne Antiocheno expostulantibus, quod in maiorem Sedem, nempe secun- da in tertiam iudicium arripuisset. Illud quoque in Sy- nodo Chalcedonensi relatum de Dioscoro secundæ Se- dis Episcopo, qui in primæ Præsulem Leonem aggressus esset anathema iaculari. Illud item moris ecclesiastici

inde scaturientis, Hodieque in Ecclesiâ Romanâ, quæ magistra est omnium Ecclesiarum, imprætermisè id servatur, ut nullus sacerdos, maiore suo non innuente consacerdote, cuilibet rei benedicere nitatur. Sed & anterior stans ad pronunciandum aliquam lectionem, benedictionem quidem postulat, sed ei quilibet inferior non audet penitus benedicere. Illud item de Symmachii impetitione, cum Theodoricus hærescos Ariana fæce pollutus Papam Symmachum usque ad damnationem multis hunc accusantibus impetere, voluisset, & quotquot potuit ex Liguriâ, Aemiliâ, Valeriâ, & ex diversis regionibus, atque de Sicilia insulâ Episcopos Romam colligi præcepisset. Episcopos subdit totum Deo referuasse, & his verbis singulos subscripsisse: Ego huic statuto nostro, in quo totam causam Dei iudicio commissimus, subscripsi. Quæ ille omnia eo consilio coaceruat, ut Ignatij CP. depositionem infirmet, in obnoxiorum eius potestati Episcoporum Synodo decretam. De quo rursus epist. 12. Quid nequius aut periculosius, quàm ut discipuli manus in magistrum iniiciant? Filij viperas imitantes, parentem proprium quantum in ipsis est, interficiant? eique maledicere, à quo benedicti sunt: eum proicere, à quo ad singulorum graduum honorem prouecti sunt?

At cum in Nicolaum ipsum Papam Photius CP. anathema & fulmen stupeum vibrare tentasset, eâ de re in Synodo Romanâ conquestus est successor eius Hadrianus II. ubi & hæc pronunciauit, quæ cum totâ Synodo relecta sunt in octauo Concilij œcumenici sess. septimâ. Si quidem Romanum Pontificem de omnium Ecclesiarum Præsulibus iudicasse legimus: de eo verò quemquam iudicasse non legimus. Licet enim Honorio ab Orientalibus post mortem anathema sit dictum: sciendum tamen est, quia fuerat super hæresi accusatus, propter quam solam licitum est minoribus maiorum suorum motibus resistendi, vel pranos sensus liberè respuendi. Quamvis & ibi nec Patriarcharum, nec cæterorum Antistitum cuiquam de eo quemlibet fas fuerit proferendi sententiam: nisi eiusdem primæ Sedis Pontificis consensus præcessisset autoritas. Quibus ea subiicit, quæ suprâ de Symmacho: item de Ioanne Antio-

XV. Item ex Synodo Romanâ sub Hadriano II. aduersus Photium.

SIG . DISSERTATIO DECIMAQVINTA

cheno, idcirco damnato, quia Cyrillum anterioris, id est, Alexandrina Sedis Antistitem damnare non metuit. His subnectitur Concilij suggestio, in qua hæc habentur: Dominus dicit, Non est discipulus super magistrum. Præcipit Apostolus, ut omnia secundum ordinem fiant. Quomodo ergo temeratores isti non sunt facti supra magistrum, quando aduersus Apostolicam Sedem, quæ cæterarum quoque Sedium magistra est, etiam os iniurias euomens aperuisse probantur? Quomodo secundum ordinem omnia facta sunt, quandoquidem ordine præposito, de primo secundi, & de antelato posteriores quique conuicia potius, quàm iudicia composuisse narrantur? Tum Ioannis Antiocheni referunt exemplum, itemque Dioscori, sine restitutione damnati, quorum cum esset posterior, se anteriori prætulit.

XVI. Item ex octaua Synodo oecumenica.

His octaua ipsa Synodus succinuit, quæ act. 10. Photium damnat, quia anathematizare præsumpsit beatum Papam Nicolaum, & omnes communicatores eius: ita ut ex hoc etiam vniuersos, qui sub celo erant, Pontifices & sacerdotes, id est, & cæteras Patriarchales Sedes, & omnem sacrum catalogum, qui sub ipsis degit, sub eodem comprehenderet anathematise. Erant enim omnes certissimè communicatores prælati Pontificis. Et in epist. encyclicâ eiusdem Synodi: Præsumpsit synodale imaginari iudicium, &c. deposuit inuerecundè, & anathemati submisit beatum Papam Nicolaum, & omnes illi communicantes: neque summitati eius, neque quod magis est, Ecclesie, quæ à finibus vsque ad finem constat, ullo modo parcens, quæ videlicet illi magno Pontifici proculdubio communicabat. Sed nihil magnificentius Canone ipso Synodi huius octauæ vigesimo primo. Sed nec alium quemcumque oportet conscriptiones contra sanctissimum Papam senioris Romæ, & verba complicare & componere, sub occasione quasi diffamatorum quorundam criminum, quod & nuper Photius fecit, & multò antè Dioscorus. Quisquis autem tantâ iactantiâ & audaciâ usus fuerit, ut secundum Photium vel Dioscorum in scriptis, vel sine scriptis, iniurias quasdam contra Sedem Petri Apostolorum Principis moueat, equalem & eandem, quàm illi, condemnationem recipiat. Porro si Synodus

uniuersalis fuerit congregata, & facta fuerit etiam de sanctâ Romanorum Ecclesiâ quavis ambiguitas & controuersia: oportet venerabiliter & cum conuenienti reuerentiâ de propositâ questione sciscitari, & solutionem accipere, aut proficere, aut profectum facere, non tamen audacter sententiam dicere contra summos Senioris Romæ Pontifices. Obserua hîc 1. in œcumenicâ Synodo legi, eiusque actis acta inferi Synodi Romanæ sub Hadriano, eoque illam confirmari, quæ ad hoc vnum collimabat, vt prima Sedes à nemine iudicari posse intelligeretur. 2. Non posse excommunicari ferè Romanum Pontificem, quin Ecclesia vniuersa, quæ illi, vt capiti suo membrorum compago, communicat, & indiuisè conglutinetur, eidem pænæ mancipetur. At nihil scelestius, nihil alienius, quàm Ecclesiam catholicam excommunicari, id est, sui ipsius communionem ipsam interdici. Vt excommunicari ergo non potest Ecclesia, quæ communio ipsa est, ita nec communionis centrum. Et in Leone, ac Nicolao patuit, quem exitum habeat excommunicatio aduersus communionis fontes ipsos vibrata. 3. Ait Synodus temperare debuisse Photium, à bruto fulmine in Nicolaum eiaculando, vt parceret tum Ecclesiæ vniuersæ, tum *summitati eius*. Est enim Petrus, *Apostolorum principalissima summitas*, vt in eâdem Encyclicâ legitur: tenet *Sedem Petri* Romanus Præsul, vt in Canone dicitur vigesimo primo. Ergo propter summitatem, seu quia prima Sedes est, nullius subest iudicio. 4. In Canone isto cùm Patriarchalium quinque Sedium ordo & priuilegium fanciatur, solius Romanæ Sedis hæc adferitur prærogatiua, vt non à Dioscoro, non à Photio, non à quoquam alio examinari possit. 5. Ibidem non nisi in œcumenicâ Synodo disceptari finitur ambiguitas quolibet exorta circa primam Sedem, nempe vbi ipsa per vicarios saltem suos aderit, & prærit, adeoque auctoritatem ipsa aduersum se dabit. Nequaquam autem cæteris patriarchalibus thronis id condonatur, vt in eos non inquiratur nisi in œcumenica Synodo. Præluxerat autem

Hadrianus II. vbi monuerat Honorium Papam in sexta Synodo fuisse damnatum, sed tum demum, cum eiusdem primæ Sedis Pontificum consensus & autoritas præcellisset. 6. Denique in œcumenica etiam Synodo, si qua nascatur de primâ Sede controuersia, *Oportet venerabiliter & cum conuenienti reuerentiâ sciscitari, & solutionem accipere, & proficere, non audacter sententiam proferre contra primam Sedem.* Quod, oro te, quid aliud est, quàm vt prima Sedes purget se & satisfaciat, non iudicetur: vt factitatum est à Sixto, Symmacho, Pelagio, Leone, Hadriano II.

XVII. Irrita Synodus Romana, quæ Ioannem XII. Papam exauthorauit.

Quocirca Illustrissimus Petrus de Matca Ecclesiasticæ disciplinæ penetralia omnia altissimè perscrutatus, non immeritò lib. de Concord. pag. 114. consensit Baronio, Ioannis XII. exauthorationem ab Otthone Imperatore & Synodo Romana tentatam an. 963. cuius acta extant apud Luitprandum, nullius omnino esse momenti. Atque adeo inter dictata Gregorij Papæ VII. hoc circumfertur, *Quod à nemine indicari debeat Romanus Pontifex.* Et Petrus Damiani in disput. adu. Reg. & defens. Eccl. Rom. suggillat Synodum Germanorum, quæ Papam damnarat: additque: *Damnatio Papæ tam gravis & inexplicabilis est, ut non humano, sed diuino dumtaxat sit tractanda iudicio.*

XVIII. Ex Iuone idem fusè disputatur.

Denique Iuo Carnutensis Episcopus luculentissimè prorsus epist. 235. de Paschali Papa, qui in laïcorum inuestituras extorto priuilegio consenserat, ita sermonem sententiamque temperat. *Eorum sententiam, qui inuestituras laïcorum defendere volunt, schismaticam iudico, &c. Et quia verenda Patris debemus potius velare, quàm nudare, familiaribus & charitatem redolentibus literis admonendus mihi videtur Papa, ut se iudicet, aut factum suum retractet. Quod si fecerit, referamus Deo gratias, & gaudeat nobiscum omnis Ecclesia, qua grauius languet, dum caput eius laborat, tantâ debilitatum molestiâ. Si autem in hoc languore insanabiliter ægrotauerit, non est nostrum indicare de summo Pontifice. Habe-*

mus enim Evangelicam sententiam, quæ securos nos facit, Super Cathedram Moysi sederunt Scribae & Pharisei, Quæ dicunt, seruate & facite. Secundum verò opera eorum nolite facere. Vult enim hæc sententia, præcepta præsidentium ad cathedram pertinentia, obedienter impleri: etiam si tales sint, quales erant Pharisei: non eos factiosâ conspiratione à suis Sedibus remoueri. Si verò ea præcipiant, quæ sint contra doctrinam Evangelicam, vel Apostolicam, ibi non esse eis obediendum exemplo docemur Pauli Apostoli, qui Petro sibi prælato, non rectè incedenti ad veritatem Euangelij, in faciem restitit, non tamen eum abiectit. Vbi enim succumbunt humana iudicia, diuina est expetenda misericordia. Et epist. 238. idem Iuo, nec non & Vualo Parisiensis, Ioannes Aurelianensis, alique prouinciæ Senonensis Episcopi ad Ioannem Lugdunensem Archiepiscopum, à quo inuitati fuerant ad Synodum, qua factum Paschalis Papæ discuteretur; rescribunt in eandem sententiam. Sic Petrus trinam negationem trinâ confessione purgavit, & Apostolus mansit. Sic Marcellinus Pape deceptus à prophanisthurificauit; & tamen à fratribus minimè indicatus, post paucos dies martyrio coronari promeruit. Sic Aaron in cremo moram faciente Moysè in monte propter importabilem populi seditionem; vitulum fusilem fieri permisit, quem populus insipiens adorauit, cum tamen non esset seductus à populo, ut Dominum esse crederet, vel diuina cultura reuerentiam ei exhiberet. Meruit tamen veniam tantus excessus, & Domino iubente per manum Moysi ad summum sacerdotium est sublimatus. Sic Moyses ipse Dominum offendit, &c. Et infra: Ad hæc non videtur nobis utile consilium, ad ea Concilia conuenire, in quibus non possumus eas personas, contra quas agitur, condemnare, vel iudicare. Quia nec nostro, nec ullius hominum probantur subiacere iudicio, &c. Excusamus innocentiam nostram, quâ & principales Ecclesiæ clauis nolumus potestate suâ priuare, quacumque persona vices Petri habeat, nisi manifestè ab Evangelicâ veritate discedat. Callentissimus iuris canonici, nec non & Gallicanæ disciplinæ Iuo, cum Coëpiscopis suis enucleatissimè depromit, quid hæc de causa iam olim ab A-

uito & à cæteris antecessoribus suis hâussissent Galliæ Episcopi, quid in posteros de hoc Romanæ Sedis priuilegio deriuassent. Peropportuna sunt autem quæ ab eo constipantur exempla: Moysis, qui etsi in Deum peccarit, nullius tamen quam Dei iudicium expertus est, nec excidit sacro principatu: Aaronis, qui in vituli propudium consensit, & nihilo sequius sacerdotio inauguratus est: Petri, quem Paulus increpuit, non abiicit: Scribarum & Phariseorum, quos Christus docentes audiri, peccantes contemni iussit, cathedrâ eiici vetuit. Diuino denique, humanoque iure cautum insinuant, ut de superioribus ne inuadant inferiores auctoritatem iudicandi; adeoque nemo iudicet de Sede Petri, quæ *principales habet Ecclesia clauēs.*

XIX. Consensus denique Ecclesiæ Gallicanæ in Comitibus Bituricensibus sub Carolo VII. itemque Germanorum.

Pet. de Marca lib. de Concord. Sac. & Imp. pag. 115.

Sed illustriori testimonio non potest Ecclesiæ Gallicanæ in hoc negotio sensus constantissimus declarari, quàm iudicio Comitiorum Bituricensium sub Carolo VII. Francorum Rege. Etsi enim decreta cætera Basileensis Concilij ferè amplexi essent Galli, exauthorationi tamen Eugenij Papæ non vnquam consensere: & hâc velut ambigûâ responsione Basileensem Synodum non tam mitigarunt, quàm eluserunt. *Nempe apud viros graues dubitari, num illa depositio & subsequens electio sint ritè, instè, & canonicè, & legitimè celebrata. Et an congregatio Basileensis tunc sufficienter representauerit Ecclesiam vniuersalem, ad tam arduos actus exercendos. Ideo Rex, quia non est sufficienter informatus super prædictis, persenerat, & manet in obedientiâ domini Eugenij, in quâ nunc stat.* Adde quæ narrat Bertoldus in Append. ad Hermannum ad annum 1085. de Synodo Quintilineburgensi aduersùs Henricum à Pontifice excommunicatum habitâ: *Quidam Babembergensis Clericus, nomine Cunibertus, Romani Pontificis primatui derogare volens, in mediam Synodum se contulit, asserens, Romanos Pontifices hunc sibi primatum ascripsisse, non aliunde concessum hereditasse, videlicet ut nullus de eorum iudicio iudicare debeat, nec illi alicuius iudicio subiaceant. Qui cum apertè à totâ Synodo*

modo confusaretur, præcipue tamen à quodam laico conuictus est, per illud Evangelicum, *Non est discipulus supra Magistrum.* Cum enim hoc generaliter in omnibus ecclesiasticis ordinibus observandum deputetur, ne maior à minore iudicetur: quia hoc Vicario sancti Petri denegare potuit, quia omnes Catholici pro Domino & Magistro venerantur? Adde & ista ex Philippi de Imperio cum Otthone certantis epistolâ ad Innocentium Papam III. scriptâ apud Rainaldum an. 1206. num. 16. *Si nos in aliquo vos, vel Romanam Ecclesiam offendisse videmur, nos pro honore Domini nostri Iesu Christi, cuius vicem in terris geritis, & ob reuerentiam B. Petri Principis Apostolorum, cuius vicarius estis, & ob salutem nostram, nos ad satisfaciendum vobis supponimus. Si verò vos in aliquo nos, vel imperium lesisse videmini, conscientia vestra super iis vos relinquitur. Cum enim nos pie credamus, & ante passionem, & post passionem D. N. Iesum Christum B. Petro claves regni celorum contulisse, & tradidisse ius ligandi, atque soluendi; scimus, & protestamur, quod vos qui in locum suum cum plenitudine potestatis successistis, in huiusmodi articulis ab homine non estis iudicandus, sed iudicium vestrum soli Deo reservatur, cuius iudicium & examen, quod sibi soli debetur, nobis non quaerimus usurpare. Ex his abundè claret Francorum in Germaniâ consensus.*

Qui ergo aduersus ista cristas erigere posteriores conati sunt scholæ doctores, illi à constantissimâ, & ab ipsis usque incunabulis coalitâ Ecclesiæ Gallicanæ doctrinâ, & pronissimâ in Sedem Apostolicam reuerentiâ, immane quantum deuiarunt. Danda tamen venia est, si antiquitatis incuriosiores, ut ea ferebat ætas, & diutini inter binos ternosque Pontifices schismatis tædio affecti, nec pacem Ecclesiæ, nisi à Concilij supra Pontifices auctoritate & iudicio decretorio efflorescere posse persuasi, in has Apostolico privilegio infestas eieci potius, quàm appulsi sunt opinionationes. Et quidem, cum inter duos aliquos, aut plures de Pontificatu altercantes dubia nutat Ecclesia, consentaneum est, ut Synodico ipsa

XX. In causâ Schismatis, de dubio Pontifice longè alia ratio est.

iudicio istis sese expediat ambagibus ; & non de Apostolica, ac prima Sede , sed de eius inuasoribus sententiam ferat. Quod tunc autem extundit necessitas , non debet licentiosius effundi. Sed ea de re copiosius alibi, vbi nempe in Concilio Constantiensi commentando euincemus , illos ipsos qui synodico iudicio Pontifices substernere enixi sunt, etsi quandoque contentionis aestu longius sint abrepti , in has tamen se tandem recepisse priscæ modestiæ lineas , vt schismatis tempore tantum cogerentur dubij nimirum Pontifices Concilij iudicium experiri.

XXI. In causa
nem hærescos.

Præterea autem in causa hærescos publicè professæ, posse de Pontifice ferri iudicium , in confesso est apud omnes Catholicos doctores. Id paulò suprà confessus est Hadrianus Papa in Romana Synodo , vbi agnoscit iure ab Orientalibus anathema dictum esse Honorio Papæ, quia fuerat super hæresi accusatus, propter quam solam licitum est minoribus maiorum suorum motibus resistendi : vel prauos sensus liberè respuendi. Id confessus est & Iuo suprà : *Principales Ecclesiæ clauis nolumus potestate suâ priuare, quæcumque personæ vices Petri habeat, nisi manifestè ab Euangelica veritate discedat.* Id confessus ante istos est Bonifacius martyr, ex cuius dictis hæc refert Gratianus d. 40. *Si Papa sua & fraternæ salutis negligens deprehenditur, inutilis & remissus in suis operibus, &c. innumerabiles populos catervatim secum ducit primo mancipio gehennæ, cum ipso plagis multis in æternum vapulatueros. Huius culpas istis redarguere præsumit mortalium nemo, quia cunctos ipse indicaturus, à nemine est indicandus : nisi deprehendatur à fide denique.*

XXII. Tenetur
tamen Pontifex
sese purgare in
Synodo.

Spontanea tamen purgatione teneri Pontifices amoliri suspiciones calumniasque sibi impactas , superioribus exemplis abundè patefactum est. Vbi illud obseruatum, non populum, non clerum, non Episcopos Ecclesiæ catholicæ hanc necessitatem inflixisse primæ Sedis Præsulibus , sed ipsos sua sponte occupasse , & Synodi populi que conuentum vel postulasse priores, vel indixisse, vt

infamiam temerè sibi aspersam eluerent. Ita Marcellinus Synodum Sinuessanam congregauit. Sixtus & postulauit Senatum colligi, & Synodum ipse conuocauit. Symmachus, vt coiret Concilium, assensus est Theodorico, & illi in seipsum auctoritatem dedit. Pelagius & Hadrianus vltro ipsi sese purgare præuerterunt. Leo Gallos Romanosque ad suæ purgationis pompam frequentissimos collegit.

Si ignominiam porro non sibi tantum, sed vniuersæ Ecclesiæ affricatam contaretur aut aspernaretur Pontifex expiare canonica purgatione: enimvero tunc moneri ipsum, & ad id impelli posse indubium est. Ita innuit Synodus 8. can. 21. suprà laudato, vbi traditur in exorta de Romano Pontifice controuersia, oportere, *sciscitari, & solutionem accipere*. Ita Sixtus, Pelagius, Hadrianus ad sese purgandos quodammodo compulsi sunt, Imperatorum, Nobilium, Vulgi secessione, & eorum communionis derectatione. Ita Iuo superius epist. 235. *Familiaribus & charitatem redolentibus literis admonendus mihi videtur Papa, vt se indicet, aut factum suum retractet*. Ita Petrus Damiani Gregorij Magni vestigiis insistens, in tractatu quem de Correptione Episcopi & Papæ inscripsit: Petri exemplo rem conficit: *Si igitur iste cum à discipulis culparetur, auctoritatem quam in sanctâ sortitus fuerat Ecclesiâ, voluisset obtendere, respondere potuerat, vt Pastorem suum oues quæ sibi commissa fuerant, reprehendere non auderent. Sed si in querelâ fidelium potestatis suæ titulum obiecisset, profectò Doctòr mansuetudinis non fuisset. Non ergo eos Privilegij sui auctoritate repressit, sed humili potius satisfactione placauit. Et tanquam solus ipse ad faciendam fidem non sufficeret, etiam testes adhibuit, Venerunt, inquit, mecum & sex fratres isti.*

Quibus & ista addes si voles ex Gersone, paulò austeriora, & ad superiorum ingenium humanius emollienda. *Iudaizabat olim Petrus per dissimulationem: Paulus ei restitit in faciem. Introducebat Petrus rem nouam in Ecclesiâ Dei, cum ad Centurionem gentilem intrauit. Subortum est mur-*

XXIII. Si contaretur Pontifex infamiam ab Ecclesia detergere, moneri & virgeri posset.

XXIV. Sententia Gersonis non multum ab his abluens.

Lib. de Auserib. Papa cap. 12.

324 DISSERTATIO DECIMAQVINTA

mur in Ecclesiâ, ita ut compulsus sit Petrus doctrinam insequi, quam tradidit scriptis, ut scilicet paratus esset coram totâ Ecclesiâ rationem reddere de eâ, quæ in ipso erat, fide & spe, alioqui non sibi credidisset Ecclesia. Quanto fortius & rationabilius possunt duo contendentes diffamati apud bonos & graves de schismate, de periurio, de hæresis suspicione, compelli rationem reddere, si se cognouerint innocentes. Sic Symmachus, sic B. Marcellinus, sic ipse Gregorius, sic alij plures iudicium subiere Concilij; nequaquam ex humili condescensione, sicut fingunt aliqui, sed ex debito & obligatione. Quorum multos, quia Concilium non reperit conuictos de crimine, reliquit causam eorum, examine iudicis Dei terminandam. Aduerte 1. exasperatum fuisse Gersonis animum, calamumque absurditate suorum temporum, & dubiorum Pontificum schismaticisque pertinacis importunitate; atque ideo plurimum degenerasse illum à clementia & reuerentia tot congestis suprâ testimoniis adprobata Damiani, Iuonis, Præfulumque omnium Senonensis Prouinciæ: Antistitum Gallicanorum, qui cum Leone & Carolo affuere Romanæ Synodo: Auiti, & Episcoporum ea ætate Gallicanam Ecclesiam administrantium. Antiquitas ergo horum & diuturnitas & numerus anteponi sanè debet nouitati, & paucitati, per abrupta molienti sese extricare à schismate implicatissimo. 2. Gersonem de ea specie verba facere, cum duo contendentes diffamati prætereà sunt de schismate & hæresi. 3. Debitum & obligationem sese purgandi proficisci posse, non tantum ex iuris & Canonum regulis, sed ex humilitatis, & charitatis legibus, quibus sine piaculo obluetari nemo potest. 4. Reservatos esse diuino iudicio eos Pontifices, quos Synodus de crimine non potuerat conuincere, nimirum quia, ut suprâ demonstratum, authoritatem ipsimet in seipsos Synodo permiserant.


XXV. Itemque
Nicolai de Cusa.


Adde his si voles Cusanum, qui lib. 2. Concord, cap. 20. circa finem: *Hodie autem quia vniuersalis Ecclesia, eben, ad solam Patriarchatum Romanum redacta est, & quod quondam*

Patriarchale generale tantum, & subiectum Romano Pontifici fuit Concilium, hodie est vniuersale, vniuersam Ecclesiam representans: hinc, cum hoc nouum sit, dubitatio exorta est. Quare hoc sacrum Concilium absque passione cum summa mansuetudine se habere debet in ordine ad Romanum Pontificem: non se ex privilegio vniuersalis Concilij in tantum erigat, de quo potius dolendum esset, quod obliuiscatur subiectionis patriarchalis, in qua semper fuit, secundum quam in Papam fidelem nihil posset. Præclare hinc multa, non omnia. Nam si Concilium Patriarchale in Patriarcham fidelem nihil potest, perinde nihil poterit in Præsidem suum Synodus œcumenica. Ecquid enim causæ erit quamobrem nec Episcopus, nec Metropolitæ, nec Primas, nec Patriarcha fidelis deponi possit, nisi in Synodo superiore & à maiore iudice: nec idem priuilegij competat primæ Sedi?

Antedicta omnia egregiè illuminabit Gregorius Magnus epist. 39. lib. 9. ab exemplo Petri: Certè Petrus potestatem regni celestis acceperat: ut quæque in terra ligaret, &c. Et quia ex admonitione Spiritûs ad Cornelium gentilem fuerat ingressus, contra eum quæstio à fidelibus facta est, &c. Et tamen idem Apostolorum primus querele fidelium non ex potestate, sed ex ratione respondit: causam per ordinem exposuit, &c. Si enim cum à fidelibus culparetur, authoritatem quam in sanctâ Ecclesiâ acceperat, attendisset; respondere poterat, ut Pastorem suum oues, quæ ei commissæ fuerant, reprehendere non auderent. Sed si in querelâ fidelium, aliquid de suâ potestate diceret, profectò doctior mansuetudinis non fuisset. Audis querelam, non accusationem in Petrum. Audis potestate ex litis concessâ, à subeundo ouium iudicio pastorem immunem. Audis mansuetudine inclinari potestatem: nec impleri numeros officij, nisi impleantur & humilitatis.

XXVII. Antedictorum confirmatio, ex Gregorio Papâ primo.





DISSERTATIO XVI.

IN SYNODOS

CP. ET ROMANAM

Anno Christi 518. 520.

SYNOPSIS.

Romanum Pontificem communionis Catholice cardinem esse probatur ex his Synodis, & toto schismate Acaciano. Ex epistolis Romanorum Pontificum, Orientalium Episcoporum, & Archimandritarum, usque ad num. XI. Ex gestis Constantincpoli in reconciliatione Græcorum, ex epistolis Iustini & Iustiniani, num. XII, XIII, XIV. Consensus Ecclesie Gallicane, Hispanice, Africane cum Romanâ in negotio isto schismatis Acaciani, usque ad num. XIX. Alia ad idem argumenta ex legibus Principum. XX. XXI. Eadem Romana communionis necessitas ex Hieronymo, Augustino, Ambrosio, Prospero, Optato, Gregorio, Alcuino, Ratramno, Hincmaro, Lanfranco, usque ad num. XXVII. Argumenta alia ex Nicolao de Cusâ. XXVIII. De Meletio Antiocheno Episcopo, circa quem magis trlicantur aduersarij, inquiritur operosius: & conglobatim quanti Orientales semper fecerint Romanæ Ecclesie communionem ex Synodis œcumenicis, ex Irenæo, Cyrillo, &c. usque ad num. XXXIII.

I. Romanum Pontificem centrum esse, & cardinem Catholice communionis, probatur ex



VSQVAM alibi tempestivius ea ventilabitur quæstio percelebris, de Catholice communionis cardine & centro, in Ecclesie Romanæ Pontifice collocando. Cùm enim Acacio & superstiti &

extincto, post Romanæ arcis fulmina in eum vibrata, & Imperator & Oriens penè vniuersus communicare non destitisset, seseque adeo eodem, quo ille, contaminasset Eutychianæ non hærescos, sed communionis contagio: intemeratæ Catholicæ communionis custos vnus, & inexpugnabilis defensor fuit Romanus Pontifex; ad quem adeo reliquæ omnes Ecclesiæ recolligere se tandem compulsæ sunt; & à pestiferi schismatis baratro ad eum, velut ad inuictissimum ecclesiasticæ vnitatis & intaminatæ communionis verticem se reuocare.

his Synodis, &
toto schismate
Acaciano.

Id efficiemus primùm ex literis Gelasij, qui Euphemio Constantinopolitano Episcopo Catholicæ fidei vindici acerrimo, sed Acacij memoriæ communicatori, condescensione quadam iactanti tolerandam Acacij memoriam, ne pax Ecclesiæ scinderetur, ita rescribit epist. 1. *Condescensibilem me, & optimâ dispositione reuocare posse concordiam consequenter adnectis. Optima illa est Ecclesiæ Catholica atque Apostolica dispositio, ad meliora proficiendo conscendere, non ad inferiora descendendo deficere. Cum dicis condescendere nos debere vobiscum, interim iam vos aut descendere aut descendisse monstraris. Vnde à Catholicâ Apostolicâque communionem ad hereticam damnatamque prolapsos vos videtis, cognoscitis, non negatis: & non solum vos in infimis iacere delectat, sed etiam in superiore manentes Sede vultis impelli. Et infra: Hoc non est condescendere ad subueniendum, sed euidenter ad inferna demergi, &c. In hæc abrupta deduci nec possumus, nec debemus, qui præstante Deo nostro sinceram puramque paternæ traditionis fidem communionemque retinere, & ab omni præuicatorum contagione discretam, etiam intentato periculo mortis, optamus; eligentes, si Deus velit, qualibet alia perpeti, quàm causas incidere damnationis aternæ, &c. Sed Acacius, inquis, nihil contra fidem, &c. Quasi non sit deterius, & non ignorasse veritatem, & tamen communicasse veritatis inimicis. Quod denique causaretur Acacij nomine abolito tumultuatur plebes Euphemius: Quisnam hoc in Ecclesiâ Dei possit audiri? Cum vique pastorem sequi grex debeat ad pascua salu-*

II Ex epistolis
Gelasii Papæ ar-
gumenta crua-
tur.

taria reuocantem, non per devia gregem pastor errantem. Dic mihi, grex pro te, an tu pro grege redditurus es rationem? Certè si vobis hoc placet, multo magis nobis est causa instior, qui populum Romanum à fide illà suà, laudabili maiorum traditione perceptà declinare non sinentem, nos penitus libenter audiuimus: si vos Constantinopolitanam plebem ab hæreticà communione discedere recusantem non vultis offendere. Vides hîc 1. in vnâ Romanâ & Occidentali consequenter Ecclesiâ Catholicam communionem superfuisse illibatam. 2. Eius cardinem, eius arbitrum fuisse Romanum Pontificem. 3. Condescensionem ab aliis Ecclesiis venditatem, ab illo vno exufflari. 4. Salutis æternæ iacturam incurrisse, qui à Catholica Romanæ Ecclesiæ communione secedebant.

III. Ex epistolis
Episcoporum Dardaniæ ad eundem.

Episcopi autem Dardaniæ in suo ad Gelasium rescripto, *Saluberrima Apostolicus vestri precepta, quâ oportuit deuotione suscepimus, &c. beatissime Pater Patrum. Desiderij enim & voti nostri est, iussionibus vestris in omnibus obedire, &c. Eutychetis, & Petri, Acaciique, & omnium sc̃tatorum eius atque consortium, velut quadam pestifera contagia, ante vestram quoque vitauimus iussionem, & multo magis nunc post admonitionem Sedis Apostolicæ, &c. Et si qui fortè prauâ intentione, quod neque arbitramur, neque optamus, à Sede Apostolica se crediderint segregandos, ab eorum nos alienos esse. consortio profitemur: quoniam Patrum in omnibus custodientes precepta, & inuiolabilia sacrosanctorum Canonum instituta sc̃tantes, Apostolica & singulari illi Sedi vestre, communi fide & deuotione parere contendimus. Non in fidei ergo tantum sed communionis etiam disceptatione, iussionibus Sedis Apostolicæ pareant omnes Episcopi, necessum est. 2. Apostolica & singulari illi Sedi parere iubent Patrum Canonumque instituta. 3. Refugienda eorum omnium communio, qui se ab Apostolica Sede crediderint segregandos. Vertex ergo & moderator Catholicæ communionis est vnus præ cæteris Romanis Præsul. Vnde ad eundem Gelasius ep. 3. Quia errorem quidem fœsentur, sed cā sibi putant communionem Catholicam conditione laxandam, ut nomina eorum qui prauaricati*

prauaricati sunt, illis in Ecclesia recitare sit licitum, &c. dilectionem vestram non desistimus admonere, ut tales modis omnibus excludantur: vobisque cum Sede beati Apostoli Petri, sicut à Patribus nostris est tradita illibata communio, atque ex omni parte inconcussa perduret. Fons ergo in omnem orbem illibatae communionis, & ex omni parte inconcussae Sedes est Petri.

Idem Gelasius epist. 4. Si quod nunc pretendunt à Romana Ecclesia se sunt diuisuri, id iamdudum fecisse monstrantur. Quippe ubi primùm defecere ad hæreticam communionem, illico & eadem operâ defecere à communione Catholica, atque adeo ab eius defensorice Romanâ Ecclesiâ. Et infra: Ineptias suas sibi seruent, nisi resipiscant potius, cogitantes Christi vocem non esse superfluum, qua confessioni beati Apostoli Petri inferni portas nunquam prauersituras asseruit. Quapropter non veremur, ne Apostolica sententia resoluator, quam & vox Christi, & maiorum traditio, & Canonum fulsit auctoritas, ut totam potius Ecclesiam ipsa diiudicet. Interminabatur Oriens secessionem ab Ecclesiâ Romanâ vniuersalem, atque adeo sententiæ in Acacium latae vacationem. Ridet cassos impetus inconcussa Pontificis fiducia, freti voce Christi, Petro principatum & victoriam fidei olim polliciti.

IV. Rursum ex Gelasio.

Non ergo causæ soli victoriam, sed & Sedis suæ privilegio vendicat Gelasius. Vtrumque ergo inuicta ea Sedes est, & quòd fidei communionisque Catholicae inuictissimam causam tueatur: & quòd ipsa Petri Sedes sit, cui victoriam de portis Inferi Christus despondit. Concatenata hæc sibi inuicem sunt, & indiuulsis nexibus coherentia, causæ æquitas, & Sedis inuicta auctoritas. Nec enim Christus inuictam illi Sedi tribuerit virtutem, quæ errori & perfidiæ seruire posset. Nec fidem idem suam, quam inexpugnabilem esse decreuerat, nisi inexpugnabili defensori potuit committere. Itaque insuperabiles hæ geminae arces, præsidio sibi sunt vicissim, & inaniter insulsissimeque à Nouatoribus colliduntur. Vincit enim

V. Ex eodem rursus ostenditur non soli causæ æquitati, sed & Sedis auctoritati, & vtriusque cognitioni victoriam tribuendam.

X x x

veritas, quia ultro inuicta est, & quia inuicta utitur defensore. Vincit inuictissime Prima Sedes, & quia ipsi desponsa victoria est, & quia causam tuetur Inuictam. Idem Gelasius epist. 8. ad Anastas. Imp. *Et si cunctis generaliter Sacerdotibus recte divina tractantibus, fidelium convenit corda submitti: quanto potius Sedis illius Praesuli consensus est adhibendus, quem cunctis Sacerdotibus & divinitas summa voluit praeminere, & subsequens Ecclesia generalis iugiter pietas celebravit? Vbi pietas tua evidenter advertit, nunquam quolibet penitus humano consilio elevari se quenquam posse illius privilegio vel confessioni, quem Christi vox praeulit universis, quem Ecclesia veneranda confessa semper est & habet Primatem. Impeti possunt humanis praesumptionibus, quae divino sunt constituta iudicio, vinci autem quorumlibet potestate non possunt. Non solum, ut vides, causae aequitatem, sed eius defensoricis Sedis Apostolicae firmamentum, etiam Christi promissione suffultum, praetendit. Et ibidem infra: *Hoc est, quod Sedes Apostolica magnopere cauet, ut quia mundo radix est Apostoli gloriosa confessio, nullam rimam pravitatis, nullam prorsus contagione maculetur. Nam si, quod Deus avertat, quod fieri non posse confidimus, tale aliquid proveniret, unde cuiquam resistere auderemus errori? vel unde correctionem errantibus posceremus? Proinde si pietas tua unius civitatis populum negat posse pace componi: quid nos de totius orbis terrarum sumus universitate facturi, si quod absit, nostram fuerit pravaricatione deceptus? Si in Apostolica ergo Sede fidei & communionis fax extingueretur, non esset unde rursus accendi posset, atque adeo toto ex orbe evanesceret. Ideo, ut fieri istud posterius non potest, ita nec illud prius, ex quo istud nascebatur. Itaque & inuicta regnat veritas, & inuictissimo incumbit, inspiratque divinam suam vim propugnatori. Refellit mox susurros Orientalium Episcoporum, non ista ad eos scripta à Sede Apostolica fuisse, superbam illam esse, & arrogantem. Etenim per Acacium rescriptum esse omnibus: *Apostolica verò Sedis auctoritas, quod cunctis seculis Christianis Ecclesia praelata sit universa, & Canonum serie pa-***

ternorum, & multiplici traditione firmatur, &c. Habet hoc qualitas saepe languentium, ut ipsi accusent magis medicos, &c. Si nos superbi sumus, quia animarum remedia convenientia ministramus: quid vocandi sunt, qui resulant? Itaque & æquitati causæ, & primæ Sedis authoritati infractæ victoriam adrogari, & Gelasius profitebatur, & aduersarij ipsi, etsi reniterentur, sentiebant.

Exprimi idem poterat ex epistola 1. Felicis III. ad Zenonem Imp. *Quoniam adhortationem meam dixistis onerosam, in vestro relinquo deliberationis arbitrio, utrum beati Apostoli Petri, an Alexandrini Petri cuiquam sit eligenda communicatio. Vbi non causam causæ, sed personam personæ, & Sedem Sedi, in negotio communionis præponit. Et epist. 4. ad eundem, de recens creato Constantinopoli Episcopo: Eum ipsum, de cuius Pontificio gloriâmini, dum ad beati Petri Apostoli Sedem suâ refert dignitatis exordium, iam suâ dedisse gaudeo moderationis indicium, &c. Et qui in sacerdotij perhibetur prouectus officium, optat illi fulciri, unde Christo cupiente profluit cunctorum gratia plena Pontificum. Cuius etiam literarum me refouet intentio, quâ & summum Apostolorum beatum Petrum Petram fidei esse non tacuit, & eidem mysteriorum clauis traditas fuisse celestium prudenter struxit; utque nobiscum circa orthodoxam fidem consentientem haberet assensum: quò amplius unanimis redderetur, expetiit. Ambiebat ergo Episcopus, ambiebat Imperator Constantinopolitanus communionem Apostolicæ Sedis, quod ea Sedes esset Petri, unde iubente Christo manat Episcopatus exordium. Neuter impetrabat, nisi Acacij & Petri Alex. nomina delerentur. Eadem Felix inculcat epist. 5. ad Flauitiam ipsum Episc. CP. illud ingeminans, non esse præferendam beati Apostoli Petri consortio Alexandrini Petri societatem. Et ep. 6. ad Thalassium Archimandr. CP. Sicut per professionem Catholicam Sedis Apostolica formam secutus es, ut te à damnatâ communione suspenderes: ita beati Petri sequi debes exemplum, ut quando eius authoritate fuerit relata communicatio, tunc eis etiam tuum noueris miscendum esse consortium,*

VI. Item ex epistolis Felicis III. Papæ. Append. Cod. Theod.

&c. Expectet ergo dilectio tua Sedis Apostolica iussione, & sic Ecclesia Constantinopolitana sacrâ se communione coniungat, se in participatione beati Petri, & Catholica veritatis desiderat permanere. Igitur ubique Apostolica, ubique Petri Sedes ostentatur, ut regula inerrabilis fidei & communionis Catholica. 2. Id ipsos malè habebat Episcopos & Principes nouæ Romæ, quod Sedis Apostolicæ communione carerent, etsi conscij sibi satis superque essent fidei orthodoxæ: ideo communionem illam vel eblandiri, vel extorquere omni ope moliebantur. 3. Vel ciues ipsi & monachi Constantinopolitani non tam de Episcopi sui, quàm de Romanus Pontificis communione satagere debebant, & præ hac illam contemnere. 4. Et in hoc Ecclesiarum dissidio, cùm Romana summum iuris rigorem sectaretur, Orientales aliter iura interpretarentur, vel dispensatione utendum censerent; non Synodus œcumenica, sed Sedes ipsa Romana inconcussæ autoritatis pondere rem confecit, & cæteras omnes ad se tandem reuocauit Ecclesias.

VII. Rursum ex
epist. Gelasii.
Append. Cod.
Theod. p. 184.
103.

Et rursus Gelasius: Quâ ratione maiores nostri reuerendi illi Ecclesiarum Magistri, clarissimæque illa populi Christiani lumina, quos merita virtutum suarum usque ad confessionis gloriosissimas palmas, & martyrij fulgentes extulere coronas, ad illam Sedem, quam Princeps Apostolorum sederat Petrus, sui sacerdotij sumpta principia repleti Christi charitate mittebant; sua inde soliditatis gravissima firmitatis roboramenta poscentes. Ut per hanc speciem omnibus appareat, verè unam esse per omnia & indissolubilem Christi Ecclesiam. En ut ad Petri Sedem religet, religatamque semper fuisse ostendat Catholicæ communionis unitatem: suffragante ipso martyrum sanguine. Cùm autem Orientalium aliqui cauillatoriâ exceptione abuterentur, non innotuisse sibi, quid Sedes Apostolica de Acacio Petroque decreuisset, ita illis obstruit os: Ecce tanti Catholici sacerdotes in hoc ipso se indicant, quid Apostolica Sedes censuerit cognovisse, constanterque probasse retinendum, quod communionem Catholicam reservantes, & eos

qui Apostolica Sedi communicarent, elegere consortes: & illos quibus Sedes Apostolica decreuerat minimè communicare, usque ad persecutionis incursus, renuere consortes. Certè quæ Sedes Apostolica decreuerat, Orientalibus Episcopis non innotuisse iactatur. Unde ergo tot tantique Pontifices unum idemque cum Sede Apostolicâ sentientes, eamque probantes apta religioni sacrosanctæ veraque sanxisse, quæ non solum sequenda sibi iudicauerunt, sed etiam usque ad persecutionem viriliter exerenda? Non pauci ergo ex Orientalibus Episcopis Romanæ Ecclesiæ communioni indiuiduè inhæserant, nec ab eâ, vel persecutionem seuitiâ, potuerant diuelli.

Veniamus ad Symmachum, cuiusque epist. 7. ad Anastasium Imp. missam, infractæque eiusdem constantiæ tēstem: *Dicis quod mecum conspirante Senatu, excommunicauerim te, &c. Nos non te excommunicauimus, Imperator, sed Acacium. Tu recede ab Acacio, & ab illius excommunicatione recedis. Tu te noli miscere excommunicationi eius, & non es excommunicatus à nobis. Si te misces, non à nobis, sed à teipso excommunicatus es.* Itaque sentiebat ipsemet Anastasius, excommunicationem illam veram esse, quod Romanæ Ecclesiæ communio ei cæterisque Acacij communicatoribus denegabatur. Tum queritur quod militari manu eos qui se à contagione perfidorum multis temporibus abstinere delegerint, in prauaricata communionis consortia detestanda compelleret: quodque in illis regionibus cunctæ prorsus hæreses opiniones suas habeant publicè licentiam profitendi: sola Catholica communionis libertas putetur ab iis, qui se religiosos existimant, subruenda. Itaque sanguis etiam impendebatur Catholicæ communioni tuendæ, quam Romana Sedes profitebatur. Denique vt centro communionis Catholicæ se consentire testarentur, Omnes Catholici Principes, siue cū imperij gubernacula susceperant, siue cū Apostolica Sedi nouos agnouerunt Prasules institutos, ad eam sua protinus scripta miserunt, vt se docerent eius esse consortes. Scribitur & epistola 8. eiusdem Symmachi ad Episcopos Confessores Orientis, nempe pro Apostolica communione certantes. Et epist. 9. ad

VIII. Rursum ex
epist. Symmachi
ad Anast. Imp.

Orient. Si quis salutem propriam cogitans, servare cupit Apostolica iudicia, cum à Praefatorum se labe sejunxerit, nostræ communionis se noverit sine dubitatione participem. Quia si ab eorum, quos Apostolica Sedes damnavit, non se societate removerit, sciat nullo colore, nullo figmento, nullâque calliditate ecclesiastica se custodia posse subrepere.

IX. Ex epistola Orientalium Episcoporum ad Symmachum.

Sed huic contexta Orientalium ad Symmachum epistola, evidentissimè proderet, quanto in salutis exitio, quantâ in schismatis ruinâ se iacere intelligerent, quandiu à Romanæ communionis beneficio alienati erant: *Hac diximus, sanctissime, ausi supplicare, non pro perditione unius ovis, neque pro perditione unius drachmæ, sed pro amicâ nobis salute, non Orientalium partium tantum, sed trium propè plagarum habitabilis mundi, redemptarum pretioso sanguine agni Dei, sicut docuit beatus gloriosorum Apostolorum Princeps, cuius Cathedram beatitudini tuæ credidit Christus optimus Pastor; quem imitatus festina ad adiuvandum nos, &c. Quia non in ligando tantum potestas est tibi data, sed in soluendo quoque diu vinctos ad imitationem magistri, &c. Ne maiori tristitiâ absorptis nobis à Satana videamini pertulisse dispendium. Non enim ignoratis eius ingenium, qui quotidie à sacro doctore tuo Petro doceris oves Christi per totum habitabilem mundum creditas tibi pascere, non vi, sed sponte coactas: qui cum Paulo clamas nobis subiectis, & dicis: Non enim dominamur vobis in fide, sed cooperamur in gaudio. Et statim ibidem: Quare deprecamur dirumpi novum chirographum nostrum, sicut Christus vetus illud in cruce dirupit, &c. Si unus homo peccavit, quare toti Synagoga, aut magis toti habitabili mundo per anathema divinus furor incumbit? &c. Quare nos à vobis aestimamur hæretici, & in anathemate sumus nos, qui amplectimur illam epistolam Leonis, & Synodum Chalced. &c. Per illum qui cunctam iudicat terram, ne perdas iustum cum impio, nec equaliter iudicentur à te orthodoxi & hæretici. Testantur mox aliquos statuisse ab Acacianâ communione secedere, & in exilia potius proficisci, sed ne Ecclesiæ confestim suæ hæreticis proderentur, substituisse & dissimulare. Ompino autem*

& qui videntur communicare orthodoxi, & qui se à communione abstinere, omnes post Deum tua lumen visitationis & assumptionis operimur. Quare festina innare Orientem, ex quo vobis duo gaudia dei lumina Petrum & Paulum ad illuminationem totius mundi Salvator direxit. Denique ita deploratissimum Ecclesie suae morbum dolent: Non est vlcus, aut macula, neque plaga tuens, sed totum vlcus est à pedibus vsque ad caput, &c. Vos iam boni medici, festinate ad curam resolutorum ecclesiastici corporis membrorum. Agnoscunt Orientales scilicet anathemate implicatos, non alio, quàm quòd exortes essent communionis Apostolicæ Sedis. 2. In vniuersum orbem posse Pontificem primæ Sedis iactare hæc anathematum iacula, vel reuocare. 3. Hanc potestatis amplitudinem à Petri primatu & successione efflorescere. 4. Desperatissimæ Orientis Ecclesie mederi vnum posse Apostolicum Præfulem. 5. Non Synodum flagitant, non de æquitate sententiæ eius, non de potestate ambigunt, sed indulgentiæ & veniæ plusculum eblandiri laborant.

Iam Hormisda Pontificales infulas indepto, nihil intentatum reliquit Anastasius Imperator, & cum eo Oriens vniuersus, vt ab eo pacem suis Ecclesiis exprimeret, interpositâ etiam Romani Senatûs autoritate. Suis in Orientem legatis Pontifex mandauit, ne sacram, ne ciuilem etiam cum Græcis mensam communicarent, ante crasa infausta nomina. Ad eundem Archimandritæ & Monachi pene innumeri secundæ Syriæ ab hæreticis diuexati, rescribunt in hunc modum: Quoniam Christus Deus noster Principem Pastorum, & doctorem, & medicum animarum constituit vos, &c. deprecamur condoleatis iussu pro corpore laniato, nam Caput estis omnium, & vindicetis fidem contemptam, Canones conculcatos, &c. Imitatores estote Domini, qui de calo super terram aduenit quærere ouem errantem, Petrum illum Principem Apostolorum, cuius Sedem ornatis: & Paulum, qui est Vas electionis, qui circumueñtes orbem terrarum illuminauerunt, &c. Mercenarij Pastores, videntes

X. Ex epist. Archimandritarum Orient. ad Hormisdam Papam.

Post Epist. 11.
Hormisda.

lupos aduenientes, dimittunt oues dissipari. Vobis autem veris Pastoribus & Doctoribus, quibus cura pro salute omnium commissa est, occurrit ipse grex cognoscere suum Pastorem, &c. Anathematizamus omnes proiectos & excommunicatos à vestra Apostolica Sede: Nestorium, &c. Eutychem, Dioscorum, &c. nihilominus & Acacium eorum communicatorem, & omnes qui unum illorum hereticorum defendunt. Nihil magnificentius excogitari potuit, ut Caput, & Pastor vniuersæ per orbem Ecclesiæ significetur esse Romanæ Ecclesiæ Antistes, vertexque fidei, & ecclesiasticæ cardo unitatis.

XI. *Ux epistolis Græcorum Antistitum, & Hormisdæ Papæ mutuis.*

Post Epist. 18. Hormisdæ.

Epist. 19.

Post Epist. 11.

Euecto autem postea ad Imperiûm Iustino Catholico Principe, haud mora Orientales Episcopi, & in primis Ioannes Constantinopolitanus ad pacem ab Hormisdâ impetrandam erupere. Ioannes quidem ad Hormisdam scribit, *Scribere igitur, Apostolice, & rescripta suscipere dignemini, &c. Tuam sanctitatem, & orthodoxas Ecclesias animo amplector, unâ tecum in veritate sentiens, & unâ tecum sperans, &c. Quoniam pacem vestram amplectimur, & de unitate sanctarum Dei Ecclesiarum curamus, rogamus vos pacificos viros destinare, & vestra dignos Apostolica Sedis, qui debeant satisfacere, & satisfactionem nostram suscipere. Rescribit inter alia Pontifex, Quid restat, nisi ut Sedis Apostolica, cuius fidem te dicis amplecti, sequaris etiam sine trepidatione iudicia. Et mox: Libellum, cuius continentia subter annexa est, à charitate tua subscriptum ad nos dirige, ut sue conscientie formidine unam communionem habere possimus. Eadem legatis mandauit in commonitorio; ut nemini communicent, nisi Acacio damnato: eorum autem Episcoporum regie urbis, qui ob defensionem Chalcedonensis Synodi exilio deportati sunt, saltem abrais nominibus de diptychis. Quid præstitum sit, declarat Ioannes ipse Episcopus Constantinopolitanus in suo ad Hormisdam inscripto libello: *Unâ tecum cum veritate sentiens, omnes à te repudiatos hereticos, renuo & ego, pacem diligens. Sanctissimas enim Dei Ecclesias, id est, superioris vestra, & nouellæ istius Romæ unam esse accipio, illam Sedem Apostoli Petri, & istius Augustæ ciuitatis unam**

unam

unam esse definitio. Tum Synodos amplectitur, damnatos damnat, subiungitque, *Quia non potest pratermitti Domini sententia dicentis, Tu es Petrus, & super hanc petram edificabo Ecclesiam meam. Hæc quæ dicta sunt, rerum probantur effectibus, quia in Sede Apostolicâ inuiolabilis semper Catholica custoditur religio. Et infra: Quapropter sequentes in omnibus Sedem Apostolicam, & prædicans omnia, quæ ab ipsâ decreta sunt: propterea spero in unâ communione vobiscum, quam Apostolica Sedes prædicat, me futurum; in quâ est integra Christiana religionis & perfectâ soliditas. Promittentes in sequenti tempore sequestratos à communione Ecclesiæ Catholicæ, id est, in omnibus non consentientes Sedi Apostolicæ, eorum nomina inter sacra non esse recitanda mysteria. Vides suæ dignitatis retinentissimum Ioannem Constantinopolitanum Episcopum, primæ tamen Sedis autoritate fractum succumbere, & eius iussis obtemperare. 2. Libello fidei & communionis Catholicæ, quem prima Sedes dictauerat, subscribere diu renisum Orientem, & iugum subire. 3. Profiteri Orientales non dogmata tantum, sed iudicia Sedis Apostolicæ incontanter sibi subeunda, & in eâ Sede centrum regulamque & fidei & communionis residere. 4. In Apostolicâ Sede inuiolabilem semper custodiri Catholicam religionem, perfectamque eius soliditatem. 5. Id privilegij efflorescere ex eo Christi ad Petrum verbo, *Super hanc Petram edificabo Ecclesiam meam.* 6. A communione Ecclesiæ Catholicæ alienos esse, qui non consentiunt in omnibus Sedi Apostolicæ. De causis enim quibuscumque infinitæ quædam & seri & protrahi poterant lites. Paci ergo firmandæ necessum fuit, fidei & communionis amissum vni alicui eminentissimæ Sedi alligari, & omnium maximè conspicuæ.*

Et rursus in Suggestione Germani & Ioannis Episcoporum, aliorumque Hormisdæ in Orientem legatorum: *Quis explicet, quas voces, vel in laudem Principis, vel in Sedis vestre totius populi cætus, & Cleri fauor emisit?* Erasa narrantur nomina Acacij & sequacium eius, Anastasij item

XII. Ex rebus gestis Constantinopoli, in reconciliatione Græcorum.

Y y y

Post Epist. 40.
Hormisdæ.

& Zenonis, ut cunctis in Apostolicam partibus communionem fidemque convenientibus perfectè, sicut pridem fuerat, omnibus membris capiti suo connectatur Ecclesia. Et mox in suggestione Dioscori; Episcopus Constantinopolitanus in Palatio consuepcepit à nobis libellum, & in primis quasi tentauit epistolam potius facere, quàm libellum. Sed non post multa certamina hoc conuenit, præmium modicum facere, & subiungere mox libellum, quemadmodum vestra beatitudo dictauit. Subscriptio ab eodem facta est libello conueniens, &c. Episcopi diuersarum ciuitatum; quanti inuenti sunt, libellum similiter obtulerunt, &c. Pari modo & omnes Archimandrita fecerunt. Apud quos Archimandritas & certamina nos habuisse suggerimus, dicentibus illis, sufficit quia Archiepiscopus noster fecit, nos factum eius sequimur. Quid amplius? Post multa certamina ipsi quoque conuicti, libellos modis omnibus obtulerunt. Sequitur Iustini Imp. ad Hormisdam epistola, subscriptum nuncians à Ioanne libellum, Sacerdotes Unitatem Trinitatis ipsos quoque unitate colere mentum: erasa diptychis nomina Sacerdotum omnium, qui primi contra constituta venerant Apostolica: vel successores erroris facti sunt. Item quidquid Hormisdæ per beatissimos suos sacerdotes annuit peragendum, propitiâ diuinitate, effectui cuncta sociata sunt. Ex his & superioribus testimoniis abundè patescit, omnibus tum orthodoxis persuasissimum fuisse, omnes per orbem Ecclesias tam latè disseminatas, in vnum tamen corpus, in vnamque communionem conuenire debere. Alioqui quid tantoperè vel Imperator, vel Ioannes, vel Clerus Populusque Constantinopolitanus, vel Oriens satagebat de suâ cum Romano Præsule concordia, eiusque communionem adipiscendâ? At vnum non potest ex omnibus Ecclesiis compaginari corpus, nisi Capite constituto: non potest vna constare omnium membrorum communio, nisi fons eius & radix in Capite collocetur. Ut enim præmonui, quâlibet exortâ controuersâ implacatæ feruebunt lites, nec vnquam inducent in animum alij aliis concedere: dispensatione vtendum illi contendunt,

contrà hī dicent: donec capitis authoritas intestinam discordiam componat.

Cū porro Ciuitates Orientis aliquæ pertinaciùs nomina retentarent Episcoporum suorum, non eorum, quos nominatim Hormisda expunxerat, sed aliorum eodem consortio attaminatorum: nec viderentur, nisi cruentissimis præliis posse ab hac contumaciâ dimoueri: utendum hīc veniâ & dispensatione apud eundem Hormisdam instantissimè prosequuntur Iustinus Princeps, Constantinopolitanus Episcopus; Iustinianus tum Comes, post Imperator. Ut communionis Catholicæ custodem arbitrumque, & adhibendæ vel protelandæ circa eam dispensationis moderatorem fuisse Romanum Antistitem hinc rursus indubitatissimè constet. Iustini epist. sic habet: *Cetera clementiore quodam indigent moderamine, in neminibus Antistitem, non eorum, qui specialiter enumerati sunt in epistola, quam sanctitudo tua nobis destinasse noscitur, sed aliorum, quorum memoriam maxima ciuitates diligunt, in quibus floruisse noscuntur superstites. Quapropter legatis quidem tua sanctitatis nulla fuit licentia mandati renorem egrediendi, cum quo directi sunt. Omnis autem finis negotij vestro iam tantum pendet arbitrio. Ut solus pacem concludere debeat, qui prima rei commouit exordia. Et Iustinianus: Pars Orientalium non exiliis, nec ferro, flammisque compelli potest, ut Episcoporum nomina post Acacium defunctorum condemnet. Quæ difficultas generali concordie moras innecit. Sanctitas itaque vestra calidius inspirata, temporum, rerumque qualitatem consideret, &c. Ne persecutionibus ac cruore, sed patientiâ sacerdotali populum Domino nostro concilietis. Ne dum volumus animas lucrari, & animas multorum perdamus & corpora. Errores etiam diuturnos lenitate, clementiaque conuenit emendari, &c. Vide eadem de re & Epiphaniij Constantinopolitani Episcopi relationem ad Hormisdam, itemque aliam de electione suâ, in quâ hæc habet: Est mihi oratio magnopere uniri me vobis, & diuina amplecti dogmata, quæ ex beatis & sanctis Discipulis & Apostolis Dei, præcipuè summi Petri Apostolorum,*

XIII. Ex epistolis Iustini & Iustiniani.

Post Epist. 67. Hormisdæ.

Sedi sanctæ vestra sunt tradita, & nihil eis pretiosius æstimare, &c. Et infra: Ecclesiis sub me hac prædico, festinans per omnia eas mihi & vestra beatitudini vinculo charitatis adunari. Quas omnino oportet esse unitas, & inuiolabiles, & corpus unum communis Apostolica Ecclesia perpetuò custodire, &c. Quos vestra Apostolica Sedes condemnans in sacris diptychis recitare non iussit, eos nec ego inter sacra facio nominari mysteria. Vides & hinc non singulatim quasque Ecclesias posse sibi de orthodoxa sua fide supplaudere, sed necessario in vnam cum aliis per orbem omnibus communionem consentire, & huius Catholicæ communionis vinculum, & administrum esse primæ Sedis Antistitem. Ideo enim quos ille communionem sacra mouet, ubique terrarum eiiciuntur. Ideo Episcopi alij omnes non sibi ipsis tantum suas particulares vincire satagunt Ecclesias, sed Romano quoque Præsuli, ut vertici totius corporis. Ideo, ut infra dicemus, ubique terrarum in diptychis nomen Papæ coruscet.

•XIV. Quid sentiendum de Ecclesiis, quæ contumaciùs omnia suorum Episcoporum retinuerunt.

Porro quod Orientis Ecclesiæ aliquæ præfractiùs reluctatæ sint, patet exinde non statim facta quælibet in iuris legem trahi posse. Nam Iustinus, Epiphanius, Iustinianus confitentur errare illas Ecclesias; nihil intentatum se reliquisse, ut illas ad salubriora reuocarent consilia; venia tamen sibi potius, quam ferro utendum videri. Ergo iura sancienda sunt ut hinc, ita & passim alibi, non ex quorundam contumacium obstinatione insuperabili, non ex conniuentia piorum, sed ex eorum exemplis, sententiisque, quibus ecclesiastica omnis applausit posteritas, quorum pietate fidei & communionis Catholicæ causa defensata & propagata est. Quorum enim oblitterati nomina non patiebantur, eorum ut summum eadem erat causa, atque Euphemij, Macedoniique Episcoporum urbis regię, qui pro Ecclesiæ Catholicæ fide certauerant, exiliaque fortiter pertulerant. At horum quoque obducta sunt nomina, Romanæ & Constantinopolitanæ Ecclesiæ Synodique consensu. Ergo hinc

potius iuris regulæ sunt exprimendæ. Vbi exertissimè elucet, quantum momenti sit in communione Ecclesiæ Romanæ, quantum in eius iactura dispendij, cum nec exiliis pro fide & præliis fortiter exantlatis elui possit macula eius contemptæ.

Quid maioribus interim nostris visum sit, seu Gallicanis Episcopis, de hoc Romanæ cum Orientali Ecclesiâ certamine, indagare operæ pretium est. Ita ergo Auius Viennensis Episcopus epist. 87. ad Hormisdam Papam, suo & Gallicanorum Episcoporum nomine percontabundus, scribit, illo præmisso: *Eutychetis igitur, Nestoriique damnatio, quos iam dudum per beatissimos decessores sanctæ Sedis vestra calcanit auctoritas, ad notitiam iam pridem nostram, Apostolicæ ad nos diligentia prouisione perlata est. Reliqua enim inde neçuntur. Si riuuli fidei Catholicæ à Romano fonte ad nos defluant, ut & leges communionis indidem manent. Solâ hæc causâ seruos vestras, filios meos, Alexium Presbyterum, & Venantium Diaconum, totius provincie Viennensis nomine, quæ Ecclesiæ ad me pertinenti ab uniuersis decessoribus vestris & Apostolicâ Sede commissæ est, cum presentis famulatûs paginâ destinavi. Per quos oracula beatissima responsionis agnoscam, utrum feruor schismatum præfisorum, qui intra Constantinopolitanam urbem vitio perniciosæ obstinationis exarserat, cuique, quod magis dolendum est, Alexandrinam vel Antiochenam Ecclesiæ dicitis illigatas, verbis Christo fauente docentibus, dignâ fueris correctione restitutus. Addit præterea: Diversorum sic à relatione comperimus, de reconciliatione vel concordia Romana Ecclesiæ iactare se Græci. Quod sicut amplectendum, si veraciter dicitur: ita metuendum est, ne callidè simuletur. Denique quàm suspensi omnes Galliarum Episcopi essent ad inclinationes Sedis Apostolicæ, ita docet: Quasumus ergo seruisso meo cuncti, ut quid filius vestris, fratribus meis, id est, Gallicanis, si consular, respondere debeam instruatis. Et quia securus, non dicam de Viennensi, sed de totius Gallia deuotione pollicor, omnes super statu fidei vestram captare sententiam. Vides in fidei &*

XV. Idem confirmatur ex consensione Ecclesiæ Gallicanæ in hoc negotio schismaticis Acaciani.

communione disceptatione Gallicanam vniuersam Ecclesiam incubuisse authoritati primæ Sedis, illi absolutissime & incontanter acquieuisse. 2. Etsi Alexandrina, & Antiochena, & Constantinopolitana Ecclesia aduersus Romanam coniurata insurgeret: fidenter tamen ab Episcopis Gallis pronunciari, fœdum illud esse schisma, & ab Ecclesiâ Catholicâ deuiare, quicumque à Romanâ dissentiant. 3. Quàm curiosi, & appetentes essent Orientales communionis Romanæ, inde liquidum, quod suam cum Hormisdâ concordiam iactarent, & vererentur Galli, ne callida esset ea simulatio, quâ suam communionem suffurarentur. 4. Vno docente Pontifice, restinguendum schisma sperabat cum Gallis Auitus. 5. Super statu fidei tota pendebat Gallia à sententia Pontificis, & oppressas à Synodis duabus œcumenicis hæreses geminas, autoritate eius prædecessorum oppressas sentiebat.

XVI. Rursus in-
didem.

Quàm securus autem de Gallicanæ Ecclesiæ in Romanam deuotione ageret Hormisdâ, ita ad Auitum rescribens ipse significat. *Breuitè silentium nostrum, quod dilectio mordet vestra, purgamus. Nam quod non sæpius nostra admonitio vos frequentat, de conscientia vestra & fidei stabilitate confidimus. Sollicitudo impendenda fortasse sit dubiis, satis est vitanda indicasse perfectis.* Deinde circumscriptarum Constantinopoli ipsi Ecclesiarum reditum in Romanæ Sedis communionem annunciat: *Vt autem quæ sint partium earum studia possitis agnoscere: plures Thracum, licet prosequendum incursum atterantur, in nostra tamen communione persistunt, scientes fieri fidem per aduersa clariorem. Dardania & Illyricus vicina Pannoniæ, à nobis, ut sibi Episcopi ordinarentur, expetiit. In tantum se à consortio perdisorum separare gaudentes, ut remedia quaerent, dummodò commune cum transgressoribus nihil haberent. Epiri Metropolitanus, hoc est, Nicopolitanus Episcopus cum Synodo suâ nuper segregatus ab impiis, ad Apostolicam communionem deprompta, qua efficeret, professione se contulit. Vide & epist. Gelasij ad Rusticum Lugd. Episc. Spicileg. tom. 5. pag. 581.*

Nec dispar fuit Hispaniensis Ecclesie in Petri Sedem veneratio. Ita enim epist. 51. scribit Hormisda ad omnes Hispanie Episcopos. *Inter ea quae notitia nostra Idan- nes frater & Cōepiscopus noster, studio ecclesiastica utilitatis, ingessit; hoc quoque pro affectu Catholicae fidei, & Apostolica Scdis veneratione consuluit; quo ordine ex Clero Gracorum venientibus tribui deberet sancta communio. Propter causam scilicet Acacij à predecessoribus nostris pro haeticorum communione damnatis in quā qui se ab eius contagione non diuidunt, à nobis à communione habeantur excepti. Laudo propositum viri, hoc zelo circa fidem & Apostolica instituta feruentis, ut nec per ignorantiam quidem quenquam cæno alieni erroris pateretur immergi. Ipsa est enim fidei innocentia, ut prouideat, ne vel casu possit errare. Et paucis interiectis: Nos autem libellum misimus, sub quo si quis communionem vestram de Orientalibus clericis poposcerit, ad eam posset admitti, secundum quam & de Thracie, & Scythia, Illyricique partibus, vel Epiri veteris, sed & secundum quod de Syria multos iam constat esse susceptos, gaudentes ad recta confluere, & deuia declinare. His subtexit libellum illum ipsum, quem per legatos Constantinopolin misit, cui Ioannem CP. Episcopum subscripsisse paulò antè recitauimus.*

XVII. Item ex consensione Ecclesie Hispanien-
sis.

Liberatus in Breuiatio cap. 18. damnatum narrat à Felice Acacium, Patrocinnante Imperatore usque ad mortem remansisse sacrificantem. Tunc separauit se Sedes Apostolica à Constantinopolitanā. Interea autem, Calendion Archiepiscopus Antiochenus deponitur. Accusatur in aperto, tanquam indenotus Principi, mittens populum in rebellionem cum Ello, latenter autem, quia se non suspenderet à Felice Papa, & Ioannis communionem. Moritur interim Acacius, & ordinatur post eum Flauitas presbyter, qui non consensit sine Romano Episcopo inthronizari. Sed transmisit Synodicam Papæ Romano Felici. Tum pertexit seriem Episcoporum, qui Alexandrinam, Antiochenam, Constantinopolitanam, Hierosolymitanam Sedem occupauere usque ad Iustinum Principem, eosque propemodum omnes Eutychianā fuligine imbutos fuisse

XVIII. Item ex consensione Afrorum.

demonstrat. Vtpote à capite suo dissidentes, & à fidei communionisque principatu, in erroris auia facile dilabebantur. Et Victor Tunon. in Chron. *Iustinus Imperator Orientales, propter prauos Pontifices, Acacium quondam C.P. Petrum Antiochenum, & Petrum Alexandrinum Episcopos, pristino errore implicitos, Occidentalibus Antistitibus sub digna satisfactione coniungit; redituque facit Synodi Chalced. decreta, Zenonis & Anastasij Principum temporibus abdicata. Dissertius autem Africanæ sententiam Ecclesiæ propalabit Facundus Hermian. Episc. aduers. Mocianum: Cum Acacius C.P. aliquid aduersus authoritatem Synodi Chalcedonensis auderet, non equidem decreto cum anathemate constituto, sed solâ inimicis ipsius Synodi communionem permissâ: Prævidens Apostolica Sedes, quod sicut exitus docuit, hac remissio ad destructionem Concilij memorati pertenderet, (postea quippe Zeno Imperator, qui eis communionem præberi mandauerat, à minoribus ad maiora proficiens, ipsum Concilium promulgato spreuit edicto) eundem Acacium, quamuis prædicto Zenone resistente, damnavit. Qui mortuus quoque per libellos ordinandorum Episcoporum nunc usque damnatus est, &c. Quia igitur prædictus Zeno, Sedis Apostolica decreta contemnens, prædicto Acacio communicabat, & omnes Ecclesias in sui regni finibus constitutas idem facere compellebat; Anastasio deinde in Imperium & in presumptionem similem succedente, omnis Oriens præter admodum paucos, qui in illâ multitudine oculi latebant, à communionem Sedis Apostolica, per 40. ferme annos usque ad tempora Iustini remotus permansit. Et cum quidam per istud tempus eiusdem partis Episcopi, communionem Sedis Apostolica sibi & suis Ecclesiis postularent, non impetraverunt, donec Principis Iustini temporibus Acacij damnationi subscriberent. Et mox: Quid igitur? Nunquid per tot annorum spatia non est inuentus quisquam in Romanis sacerdotibus, à Felice Acacij damnatore usque ad Hormisdam, qui Orientis reconciliauit Ecclesias, inter quos fuerat etiam beatus Gelasius, in sanctitate vitæ atque scientiâ per uniuersum mundum celebrioris fama gloriâ prædicatus, non est inuentus vel in Romano Clero, Christianâ plebe inibi consistente,*

sistente, vel in cunctis Occidentalibus Ecclesiis, &c. Denique quod alibi retuli, subdit Romanam Ecclesiam *reconciliasse sibi alias Ecclesias, eas in communionem sub debitâ satisfactione recepisse, aliis pro facto schismate culpabilibus culpam dimisisse, &c.* Hic elucet 1. Africanam Ecclesiam perinde ut reliquas omnes Occidentales pro Ecclesiâ Romanâ aduersus Orientales militasse. 2. Exitiale authoribus hoc schisma fuisse, quo per annos 40. Orientales caruere Sedis Apostolicæ, & consequenter Occidentalium omnium communione. 3. Non magni sanè faciendum esse, si per diu, si multi, si Orientalium omnium Ecclesiarum Præsules summi & ipsi Principes contemnant Sedis Apostolicæ iudicia, & communionem. Sed id perpendendum, inde iura & exempla sancienda esse, quod post quadraginta annos resipiscunt, errores suos recantant, sub libelli satisfactione matri Ecclesiæ Petri recolliguntur. Quod argumenti genus iam sæpius adhibitum est, sæpius posthac adhibendum erit, quod eadem vertigine rotentur semper hæretici, errantibus, quàm palinodiam cantantibus plùs fidei adiicientes. 4. Et illo annorum quadraginta schismate grassante, Eutychiana lues Ecclesias & Sedes Orientales pene omnes populata est; ut indo patefcat, quàm prouidè Romani Antistites à communionē hæreticorum ad eorum perfidiam lubricum fore & præcipitem lapsum præsenferint: quamque necessaria singulis etiam remotissimis foret Ecclesiis communio cum Sede Petri, cuius alieni hæreticis statim deliramentis implicabantur. 5. In illo rerum æstu si qui se in bonam frugem reciperent, & quicumque demum omnes sub Iustino resipuerunt, illis id vnum ante omnia cordi erat, id omni contentione ambibant, ut Sedis Apostolicæ communionem reciperent. Nam ut Acacij, ut sequacium eius maculosâ se communionē abluerent, illud sanè ipsi refugiebant potiùs, id deprecabantur, id penè inuictis extortum est; sed tanti communionem Sedis Romanæ fecere, tanti eam momenti duxere ad æternam salutem

Z z z

XIX. Item ex alius argumentis.

suam, ut eam damnatione etiam charorum sibi capitum redimerent. Non ergo sola damnati Acacii æquitas, sed communionis cum Capite Ecclesiarum cupiditas, & conscientia necessitas ad hanc concordiam Orientales tandiu reluctatos artauit. 6. Nec aliam in causam refundi potest tam contumax Orientalis Ecclesiæ defectio à Romanâ, quàm in Zenonis, Basilisci, Anastasii Principum perfidiam. Id ex omnibus eorum temporum scriptoribus nitet. Ideo statim Iustino ad imperij gubernacula prouecto, hoc est, obice amoto tyrannorum, statim reuixit, respirauitque in Apostolicæ Sedis communionem Ecclesia Constantinopolitana, quasi ipsa sibi, indolique suæ restituta. Ex comparatione autem Zenonis & Anastasii cum Iustino, liquidum est, utris exemplis utendum sit ad contemnendam, vel ad omnibus anteferendam Petri Sedis communionem. 7. Denique ne tempestate quidem illâ hæreticorum Principum Ecclesias Orientales perpopulante, ad repere Romanæ communioni destitute Episcopi Acaciani. De Flauita audiuius suprà Liberatum. De reliquis compluribus fidem faciunt annales sacri, & epistolæ ipsæ Pontificum. Macedonius urgente in damnationem Chalced. Synodi Imperatore, dixit, *nihil se facturum sine vniuersali Synodo, cui Magna Roma Episcopus præsideret: ut docet Theodorus Lector l. 2.* Denique ut scribit Eua-
grius lib. 3. cap. 21. *cum Vitalis & Misenus Constantino-
poli communicassent memoriæ Petri Alexandrini damna-
tæ, eâ ratione multi simplices homines in errorem ab hæreticis
inducti sunt, affirmantibus Petrum in communionem ab Episco-
po Romano receptum esse.* Usque adeo vel populo ipsi Con-
stantinopolitano præiudicatum erat, Catholicos esse, qui-
bus Pontifex Romanus communicaret. Quod & ex læti-
tiæ æstu proditur, quo efferbuit in occursum Legatorum
Hormisdæ plebs Clerusque Constantinopolitanus.

XX. Alia ad i-
dem argumenta,
ex lege olim Gra-
tiani & Theodo-

Accedamus iam ad alia huius doctrinæ præsidia, stri-
ctim tantum attingenda. Gratianus & Theodosius Ma-
gnus hoc edicto quæ regula, quæ scatebra sit Catholicæ

communione declarant. *Cunctos populos, quos clementia nostra regit temperamentum, in tali volumus religione versari, quam diuinum Petrum Apostolum tradidisse Romanis religio* si in causâ Ari-
norum.
Cœl. Theod. l. 16.
c. 1. l. 1. *que nunc ab ipso insinuata declarat, quamque Pontificem Damasum sequi claret, & Petrum Alexandria Episcopum. Hos Christianos Catholicos dici iubent, reliquorum conciliabula Ecclesias appellari verant.* Vides quo ex centro communionem & fidem Catholicam deriuent? Nempe ex fide & Sede Romanâ Petri Apostoli, & Damasi eius successoris: cui & Petrus Alexandrinus subiungitur, vt Marci successor, & Petri discipulus, & Damasi consentaneus, ad quem confugerat, à quo & restitutus fuerat, denique Orientalibus proximior, quorum fides propiori hac amissi erat expendenda. Cum mox ergo lege sequenti Ecclesiæ tradi ibid. l. 3. iubentur iis, qui communione fruuntur Nestarij CP. Timothei Alexandr. Pelagij Laodicensis, Diodori Tarsensis, & aliorum complurium, qui ibi singulis è Diœcesibus nuncupantur: non id eò pertinet, vt tam multi cardines ecclesiasticæ communionis constituentur, sed vt propè esset, nec longè requirendus, cuius arbitrio vel consensu Ecclesiæ concederentur. Distat enim inter vtramque hanc legem 1. quod priori inconcussum subternitur fundamentum, *Petri Apostoli religio Romanis tradita, & usque nunc ab ipso insinuata.* Secunda arbitraria est, nullo diuino, nullo Apostolico documento fulta. 2. Prior latissimè patet, & vniuersalem complectitur Ecclesiam, primam in Occidente, secundam in Oriente Sedem designans. Posterior solius Orientalis Ecclesiæ curam agit. 3. Vt in quolibet Episcopatu, in qualibet prouincia constitui centrum vnitatis conducit, nec satis est tamen, sed in qualibet etiam diœcesi necessum est: ita necesse est & in vniuersa Ecclesia. Ergo cum antè ex Gratiani lege, de qua infra copiosius agetur, traditæ essent iis Ecclesiæ, qui fide & communione Damasi gauderent: posteriori lege complures potuere Episcopi indigitari, vt fidei & communionis Catholicæ censores, vtpote qui antè ipsi Ro-

manæ se vnitati Ecclesiæ conglutinatos approbassent.

Idè lege, com-
munionis.

4. Ad Gratianum Imperatorem scripserat Synodus Aquileiensis, & in ea Ambrosius, aduersus Vrsicinum Romanæ Ecclesiæ se intrudentem; Arianorum communione inmaculatum illum fuisse, & *quomodo fieri potest, ut eum quem societati eorum insertum vidimus, non etiam assertorem perfidia iudicemus?* Quod etiamsi de foret, tamen totius orbis Romani Caput Romanam Ecclesiam, atque illam sacrosanctam fidem Apostolorum, ne turbari sineret, obsecranda fuit clementia vestra. Inde enim in omnes veneranda commonitionis iura dimanant. Et ideo petimus & rogamus, ut obripiendi ei adimere dignemini facultatem. Et hinc quoque fides & Sedes Petri, totius videlicet orbis Romani Caput, & ex qua ad omnes iura dimanant, declaratur, quàm inaccessa sit hæreticorum communione sorditatis.

XXI. Ex Iustini-
ani sacra ad
Ioannem Papam.
Cod. l. l. Tit. l.
l. 8.

Nihil in hanc rem luculentius edicto Iustiniani ad Ioannem Papam: *Reddentes honorem Apostolica Sedi, & ut decet Patrem, honorantes vestram beatitudinem, omnia qua ad Ecclesiarum statum pertinent, festinamus ad notitiam deferre vestra sanctitatis. Quoniam nobis semper fuit magnum studium, unitatem vestra Apostolica Sedis, & statum sanctarum Dei Ecclesiarum custodire, qui hætenus obinet & incommotè permanet, nullâ intercedente contrarietate. Ideoque omnes sacerdotes vniuersi Orientis tractus & subiicere & unire Sedi vestra sanctitatis properauimus, &c. Nec enim patimur quidquam, quod ad Ecclesiarum statum pertinet, quauis manifestum, & indubitatum sit, quod mouetur; ut non etiam vestra innotescat sanctitati, quæ Caput est omnium sanctarum Ecclesiarum. Hæc Iustinianus tum Imperator, adunationi Ecclesiarum colophonem imponere laborans, cui Comes idem antè fundandæ & promouendæ insudauerat. Spectas hinc autem Apostolicam Sedem Caput esse Ecclesiarum omnium: ideo ceteras ei omnes etiam Orientis Ecclesias & vnien- das & subiiciendas esse; nec quidquam in Ecclesia citra eius conscientiam esse mouendum. Ioannes sanè Papa Iustiniano rescribit: *Charitatis studio edocti ecclesiastici di-**

sciplinis, Romana Sedis reverentiam conservatis, & ei cuncta subiicitis, & ad eius deducitis unitatem: ad cuius authorem, hoc est, Apostolorum primum, Domino loquente praeceptum est, Pasce oves meas. Quam esse omnium verè Ecclesiarum caput, & Patrum regula, & Principum statuta declarans. Declarant, non constituunt, quod Domini voce constitutum supra dixit.

Iam audiendus Hieronymus ad Damasum: *Quoniam* *vetusto Oriens inter se populorum furore collisus, indiscissam Domini tunicam, & desuper textam, minutatim per frustra discerpit, &c. Ideo mihi Cathedram Petri, & fidem Apostolico ore laudatam censui consulendam, &c. Beatitudini tuae, id est, Cathedra Petri communione conficior. Super illam Petram adificatam Ecclesiam scio. Quicumque extra hanc domum agnum comederit, prophanus est. Si quis in arcâ Noë non fuerit, peribit regnante diluvio, &c. Non novi Vitalem, Meletium respuo, ignoro Paulinum. Quicumque tecum non colligit, spargit: hoc est, qui Christi non est, Antichristi est, &c. Dignare scripta transmitti: simul etiam, cui apud Antiochiam debeam communicare, significes. Quia Campenses cum Tharsensibus copulati, nihil aliud ambiunt, quam ut autoritate communionis vestra fulti, tres hypostases cum antiquo sensu pradicent. Et epistolâ sequenti ad eundem: Monachorum circa manentium antiqua in me surgit autoritas. Ego interim clamito, si quis Cathedra Petri iungitur, meus est. Meletius, Vitalis, atque Paulinus tibi habere se dicunt. Possem credere, si hoc unus afferret. Nunc autem duo mentiuntur, aut omnes. Idcirco obtestor beatitudinem tuam, per crucem Domini, ut qui Apostolos honore sequeris, sequaris & merito, &c. ut mihi literis tuis apud quem in Syriâ debeam communicare, significes. Noli despicere animam, pro quâ Christus mortuus est. Cum duplici Oriens dissidio scinderetur, cui ex tribus Antiochiæ Episcopis communicandum esset, & tresne in Deo hypostases, an una hypostasis & tres personæ dicendæ essent: ad Cathedram Petri, ad Damasum confugit Hieronymus, nempe ut ad fidei & communionis Catholicæ fontem il-*

XXII. Idem vincitur ex Hieronymo.

limem. Primum ergo etsi in utroque illo vado æstuarē se, & alternare professus, Catholicum se tamen clamat, quia Damaso iungitur fide & communione. 2. Doceri se à Damaso flagitat, cui ē tribus Antiochenis Episcopis communicandum sit. Moderator ergo & regula catholicæ communionis erat Damasus, ut & dubij docerentur, quibus communicandum; & quandiu dubitarent, in eius communione conquiescerent. 3. Tres ipsi Antiocheni Episcopi certatim se iactabant cum Damaso communicarē. Intelligebant nempe ipsi momentum victoriæ in eo pendere. Et de vno eorum id si constitisset, ab hoc ambiguo absolutus fuisset Hieronymus. 4. Similiter & trium hypostaseon assertores, *nihil aliud ambibant*, quàm ut Damasi *communione auctoritate fulti*, sententiæ suæ publicandæ licentiùs indulgerent. 5. Totius prærogatiuæ huius origo ex Cathedra Petri, ex fide Apostolico ore laudata: hæc enim arca Noë est; hæc domus vna, intra quam agnus comeditur; hæc Petra, supra quam ædificatur Ecclesia. Qui in tantā luce cæcutiunt, nā sua illos exoculauit obstinatio. Nam complures alij passim erant Episcopi, extra schismatis suspensionem, suā singuli in vrbe Cathedram soli assecuti, & eo sensu Cathedram Petri obtinentes; & nullum horum, tametsi loco proximiorē, nec tantā precum ambitione conueniendū, compellat Hieronymus; sed solum Damasum, cum quo de Cathedra contenderat Ursicinus: ut quem solum intelligat, plenē Cathedram Petri tenere, & fidem Apostolico ore laudatam, nempe Romanam: solum certatim ambiri à Vitali, Meletio, & Paulino: solum ab vnus vel trium hypostaseon Patronis prehensari, ut eius nutu inclinetur victoria. Et rursus idem Hieronymus aduersus Ioannem Episcopum Hierosolymitanum ad Theophilum: *Præterea quod scribit nos pergere tecum Romam, & Ecclesia communicare ei, à quā videmur communione separati: non est necesse ire tam longē, & hic in Palæstinā eodem modo ei iungimur.* Et infra in aliā rursus ad Theophilum epist.

Scito nobis nihil esse antiquius, quàm Christi iura seruare, semperque meminisse Romanam fidem Apostolico ore laudatam, cuius se esse participem Alexandrina Ecclesia gloriatur. Et in epistolâ ad Marcum Presbyterum Celedensem, aduersus eosdem trium hypostasicon confessionem extorquere importuniùs imminentes, Aut si eis placet, hæreticum me cum Occidente, hæreticum cum Ægypto, hoc est, cum Damaso, Petroque condemnent. Et in lib. de Script. Eccl. de Marcello Ancyrano Episcopo differens, illum præfatus accusatum hæreseos à multis, ait, Porro ille defendit se non esse dogmatis, cuius accusatur, sed communionem Iulij & Athanasij Romana & Alexandrina urbis Pontificum se esse munitum. Vbi vides etiam ex suâ cum Petro Alexandrino Episcopo communionē, fidem Catholicam sibi vindicare, & approbare aduersariis: sed nimirum quia Romanæ conueniebat Alexandrina, & Romanam Apostolico ore laudatam fidem sectabatur, seu Arianis, seu Origenistis inimicam.

Augustini sententia æquè expedita est. Nam epist. 162. ait Cæcilianum, *potuisse non curare conspirantem multitudinem inimicorum, cum se videret, & Romana Ecclesia in quâ semper Apostolica Cathedra viguit principatus, & ceteris terris unde Euangelium ad ipsam Africam venit, per communicatorias literas esse coniunctum: ubi paratus esset causam suam dicere, si aduersarij eius ab eo illas Ecclesias alienare conarentur. Viden, ut Cæciliano suffragetur aduersus conspirantes Donatistarum cateruas communio cum Ecclesiis transmarinis, & ante alias cum Romana Ecclesia, in qua semper Apostolicæ Cathedræ viguit principatus? Quia enim illi Ecclesiæ communicabat Cæcilianus, non communicabant Donatistæ, ille vicit, hi causa ceciderunt. Porro ut præsidio erat Cæciliano communio cum aliis Ecclesiis, & maximè cum Romana: ita singulis orbis Episcopis aduersus schismatum procellas subsidio semper esse debuit communio eius Ecclesiæ, in qua semper Apostolicæ Cathedræ viguit principatus. Ex quo nãnas Nouatorum ridebis prolixius. Num enim & hîc A-*

XXIII. Ex Augustino, & Ambrosio.

postolicam Petri Cathedram omnibus Ecclesiis principantem, ita ut in Hieronymi verbis, audebunt detorquere ad alienissimos sensus? Idem contra Lit. Petil. l. 2. c. 51. *Cathedra ubi quid fecit Romana Ecclesia, in qua sedet Petrus, & in qua hodie Anastasius sedet? Vel Ecclesia Hierosolymitana, in qua Iacobus sedet, & in qua hodie Ioannes sedet, quibus nos in Catholica unitate coniectimur, & à quibus vos nefario furore separastis? &c. Ait Dominus, Cathedram Moysi sedent, qua dicunt, facite, &c. Hac si cogitaretis, non propter homines quos infamatis, blasphemaretis Cathedram Apostolicam, cui non communicatis. Et hinc vides, quam constanter obiectet hæreticis suam secessionem à Cathedris Ecclesiæ principalibus, quarum communione carent; maximè autem & ante alias etiam Apostolicas, à Romanâ, nempe in qua sedet Petrus. Cypriani mentem elucidauimus supra. Prodeat hinc Ambrosius in Serm. de obitu fratris. Baptismi cupidus Satyrus, aduocauit ad se Episcopum, nec ullam putauit nisi vera fidei gratiam: percontatusque ex eo est, utrumnam cum Episcopis Catholicis, hoc est, cum Romanâ Ecclesiâ conueniret. Et fortè ad id locorum in schismate erat regionis illius Ecclesia. Lucifer enim se à nostra tunc temporis communione scinxerat. Hinc perspicis, cum Catholicis Episcopis communicare, non aliud esse, quam cum Ecclesiâ Romanâ.*

XXIV. Ex Prospero.

Et Prosper lib. de Dimidio temporis cap. 5. *Ab Apostolorum consortio alieni inueniuntur omnes hæretici, qui relicta pace communionis, & Panis unius Dei, & Apostolorum, in suis non Ecclesiis, sed plateis predicant; & eorum memoriis non communicant; separati à toto, Catholicum sibi nomen adsciscunt. Cum in ipsâ Hierusalem Iacobus & Stephanus primus martyr, Ioannes apud Ephesum, Andreas & ceteri per totam Asiam, Petrus & Paulus Apostoli in urbe Româ gentium Ecclesiam (in qua Christi Domini doctrinam erudierunt,) pacatam, unamque posteris iradentes, sanguine, memoriisque suis, ex dominicâ passione sacrarunt. Huius generali Ecclesiæ communicans, Christianus est Catholicus. Ab hac segregatus, hæreticus est. Ecclesias complures Apostolicas enumerat, sed vnâ cæteris eminentem,*

eminentem, quam primus Apostolorum; quam alter secundum illum primus; quam Gentium Ecclesiam, quasi ceteri Apostoli Iudaicas tantum fundassent: quam non fundarunt solum Apostoli, sed suo sanguine consecraverunt: quam suis memoriis adhuc illustrent. Cum ergo communicandum sit *generali Ecclesia*, ut Christianus quis sit *Catholicus*, accommodatissimum est, ut ne per singulas discurrat, vel Ecclesiarum vertici communicet, vel cuilibet cum vertice communicanti. Idem Prosper iuxta ac Augustinus debellati Pelagiani dogmatis laudem uni præ ceteris vendicat Apostolicæ Sedi; abscissosque ab Ecclesiæ corpore eius defensores. Ex aduerso autem Cælestini Papæ verba & auctoritatem depromit idem Prosper ad propulsandos Augustini obrectatores. *Augustinum sancta recollectionis virum pro vitâ suâ atque pro meritis, in nostrâ semper communione habuimus.* Quibus in verbis Cælestini satis est præsidij ad sinistræ suspicionis rumores omnes ab Augustino, eiusque libris summouendos.

Optatus alibi laudatus, qui lib. 2. ait: *Negare non potes scire te, in urbe Româ Petro primo Cathedram Episcopalem esse collatam, in quâ sederit omnium Apostolorum Caput Petrus, &c. In quâ unâ Cathedrâ unitas ab omnibus seruaretur, ne ceteri Apostoli singulas sibi quisque defenderent, &c. Petro successit Linus, Lino Clemens, &c. Damaso Sirigijs hodie, qui noster est socius, cum quo nobis totus orbis commercio formatarum in unâ communionis societate concordat. Quid his apertius? Etiam Apostoli in vna Petri, nempe Capitis sui cathedra unitatem seruare debebant, ne singulas sibi quisque defenderent Ecclesias; vnde & Apostolorum successores Episcopi Petri Successori Romano Episcopo per totum orbem communionis societate concordant. Denique apud Gregorium Magnum lib. 10. epist. 31. hæc ciurandæ hæreseos formula præscribitur Episcopo redeunti: *Prona voluntate ad unitatem Sedis Apostolica diuinâ gratiâ duce reuersus sum, &c. Sub ordinis mei casu & anathematis obligatione, promitto semper me in unitate sanctæ Catholicæ Ec-**

XXV. Ex Optato, & Gregorio Magno.

*clesia & communione Romani Pontificis per omnia perman-
surum.*

XXVI. Ex medijs
zui Scriptoribus
maximè Gallica-
nis, Alcuino, Ra-
tramno, Hinc-
maro, Carolini
item volumina
compilatoribus.

Medio ævo Alcuinus lib. de diuinis Officiis cap. 40. *Quòd verò post generalem Ecclesia commemorationem adiungi-
tur: Vnà cum famulo tuo Papa nostro, ipsius ecclesiastici corpo-
ris unitas fortius commendatur. Quia religionis cultum sic De-
minus instituit, ut in beatissimo Petro Apostolorum summo prin-
cipaliter collocaret: atque ab illo, quasi quodam capite, dona sua
vellet in corpus omne manare. Vnde constat ab vniuersi orbis
communione separatos esse, sicut B. Pelagius docet, qui qualiter
dissensione, inter sacra mysteria, Apostolici Pontificis memoriam
secundùm consuetudinem non frequentant. Et Antistite nostro.
Sicut enim vniuersalis Ecclesia commemoratio propter unitatem
societatis & pacis coniungitur commemorationi Apostolici Ponti-
ficis: ita dignum & religiosum est, ut singule Ecclesia comme-
morationem subiungant Antistitam, probantes se per illam ora-
tionem seruare cum eis unitatem spiritus in vinculo pacis. Igi-
tur ex ipsa prece Sacerdotum ad altare, quâ nihil magis
sacrosanctum, constat cuique fidei enitendum esse, ut
non solum cum Episcopo suo, sed & cum Ecclesia Ca-
tholica, adeoque cum Romano Pontifice communicet,
capite vniuersæ Ecclesiæ, & successore Petri, in quo reli-
gionis cultum Christus principaliter collocavit, & ab ipso, quasi
quodam capite, dona sua in corpus omne manare iussit. Verùm
iuuabit Gallorum longè plurium Antistitum sententiam
ediscere ex voluminis Carolini lib. 1. cap. 5. B. Hierony-
mus vir diuinis legibus, & multarum linguarum peritiâ erudi-
tus, dum Bethlehemiticis moraretur in aruis, & à B. Papâ Da-
maso Roma posito de difficilibus consuleretur questionibus: cum
pro causâ fidei versa vice consuluisse dignoscitur: & siue tacen-
darum siue dicendarum hypostaseon, & quibus in Orientalibus
partibus communicare debeat hamillimis apicibus, ut apices ac-
cipiat, deprecatur. Mira res. Interrogat, à quo interrogatur:
consulit, à quo consulitur: qui magistrum se in interpretandis
diuinis Scripturis sentit, in causis fidei venerandi Pontificis se
discipulum minime erubescit: & cui sacra legis questionum ne-*

xus enodat, utrum hypostases dicere debeat, & quibus in Oriente communicare, efflagitat. Vnde datur intelligi, sanctos & eruditos viros, per diuersas mundi partes, predicationis & scientie lampade coruscantes, non solum à sancta Romana Ecclesia non recessisse: sed etiam tempore necessitatis ob fidei corroboracionem ab ea adiutorium implorasse. Quod regulariter omnes Catholica debent obseruare Ecclesia, ut ab ea post Christum ad muniendam fidem adiutorium petant, quæ non habens maculam, nec rugam, & portentosa haresum capita calcat, & fidelium mentes in fide corroborat. A cuius sancta & veneranda communione multis recedentibus, nostra tamen partis nunquam recessit Ecclesia. Vbi vides fidei & communionis cognationem. Vides Hieronymum etsi ecclesiasticæ totius sapientiæ penu quoddam inexhaustum, & ab ipso Romano Pontifice in cæteris quæstionum nexibus consuli solitum: in causis fidei tamen, & quibus communicare oporteat, vicissim se discipulum profiteri Romani Pontificis, & Romanæ Ecclesiæ, ut quæ non habet maculam, neque rugam: ut quæ post Christum ad muniendam fidem adeunda est. Vides in Hieronymo, & Augustino, quem Romanæ ipsum etiam Ecclesiæ communio aduersus posthumas calumniatorum inimicitias tutata est: in utroque inquam isto Ecclesiæ sydere explenduisse, quid inter apicem eruditionis & apicem authoritatis intersit. Vides denique nusquam Gallicanam Ecclesiam à Romanæ Ecclesiæ communione recessisse. Et Rattramnus contra Græcorum opposita lib. 1. cap. 1. Quod culpæ nitantur Græci, non solum Romanam, verum omnem Latinam Ecclesiam, &c. Nonne se hæreseos prauitate condemnant, & ab Ecclesia communione remouent? Et lib. 2. cap. ult. Cur à communione se diuidunt Græci, quam semper tenuere maiores? &c. Sciant quia cum Romanis suos quæque iudicent maiores: & dum Romanos sua cupiunt communione priuare, se pariter excommunicent à suorum societate maiorum: & nulli probentur Ecclesiæ communicare Catholicæ, dum Romana communione sese faciunt alienos. Hoc factum cuius sit mali, citò considerent, & errorem corrigere suum non differant;

To. 2. Opusc. 17.
pag. 258. 259. &
Opusc. 41. p. 693.
698.

ne si Romanis communicare noluerint, ab universa Ecclesia Catholica se paveant excommunicandos. Quid explanatius dici potuit? Adde his Hincmarum, quo nullus iuris ecclesiastici arcana penetralia altius rimatus est. Is ad Nicolaum Papam scribens sibi subiratum: *Modis omnibus quantum Deus donaverit, providere studebo, ne à communione Sedis Apostolica, quod absit, quolibet modo extorrem me ultimus dies, qui mihi incertus est, & subito venire potest, inueniat. Et paulò post: Qui quare Dominus in Evangelio Centurionis fidem laudet, dicens, Dic verbo, & sanabitur puer meus: intelligit, quam operatorium sit Episcopi, imò sicut in Paulo, in se loquentis Christi: quanto magis Pontificis Apostolica Sedis verbum, & quam obedienda sit ipsius præceptio, etiam sine vlla admirationis adiectione cognoscit. Idem ad Hadrianum Nicolai successorem scribit summopere se exhorruisse, quod in se vnum tantam comminationem intenterit, nempe de abscindenda participatione communionis suæ, nisi sequestraret se à communione & consortio Caroli Regis in obstinatione suâ persistentis: cum reliquos Episcopos in eadem causâ positos Pontifex tantum monuerit, increpaverit, redarguerit, instruxerit.*

XXVII. Ex Lanfranco ut Ecclesia Romana sit totum, & membrum eadem Ecclesiæ Catholicæ.

Denique Lanfrancus Cantuariensis Archiepiscopus in Concilio an. 1072. ex Guillelmo Malmesbur. lib. 1. de Gestis Pontificum Anglorum, hæc peroravit, ad huius rei, quam versamus, elucidationem accommodatissima. *Præterea quod valet in toto, valet in parte. Quod valet in maiori, valet in minori. Romana Ecclesia quasi totum est omnium, cætera Ecclesiæ quasi eius partes. Sicut enim quodam intuitu homo est genus individuorum suorum, & tamen in unoquoque individuo inest totius hominis tota proprietas: ita quodam respectu Sedes Romana est genus, & totum omnium Ecclesiarum: & tamen in unaquâque Ecclesiâ totius Christianæ fidei tota regnat integritas. Ipsa est maior omnium Ecclesiarum, & quod in ea valet, debet & valere in minoribus. Ita ille longè alium in scopum collimans. Sed eo constituto, quod Sedes Romana sit quasi genus & totum omnium Ecclesiarum:*

non secus quam Caput, membrum cum sit, membrorum tamen omnium quodammodo totum est, & totius instat ac vice est: inde dilucidum fit, qui vniuersæ Ecclesiæ communionem vel frustretur, vel potiatur, quisquis Ecclesiæ Romanæ pace vel gaudet, vel spoliatur.

Nec ab his abludit Nicolaus de Cusa epist. 1. *Sensibilem Ecclesiam sensibile Caput habere conuenit, & ob hoc Caput huius Ecclesiæ sensibile est Pontifex, qui ex hominibus assumitur, in quo est hac ipsa Ecclesia complicatiue, ut in primo vno Confessore Christi. Petrum autem primum Christi Confessorem scimus inter homines, & ob hoc Petrus à confessione Petra quæ Christus est, nomen accipiens, complicatam in se Ecclesiam explicauit, verbo doctrinæ, primò omnium. Ita ergo totum Ecclesiarum est Sedes Petri, quæ caput omnium, omnes complicans in sese, omnes ex se explicans: atque ita in consortium suæ communionis omnes pertrahens. Et epist. 2. ad Bohemos: Iubet Augustinus si scire velis, an in Ecclesiâ existas, hæc vestiges ratione, si cathedra Romani Pontificis adhareas, quæ per continuas successiones in Petrum continuatur, &c. Cum populus adharens Pontifici, particularem constituat Ecclesiam, & cum unus sit per orbem principatus, qui suo priori adherere debeat: Romanæ scilicet Sedi: erit necessario Catholica Ecclesia illa, quæ primæ Sedi Petri adheret. Et licet sæpe multi schismatica diuisione ab illâ Romanâ Ecclesiâ recesserint; nunquam tamen fuit, quin maior fidelium numerus in unitate illius Romana Ecclesiæ, ex fidelibus & primo Episcopo compactæ, perseveraret. Quare in eâ nostra salutis necessaria remansit hætenus & remanebit veritatis columna. Huius stabilis veritatis exempla plura legimus, quoties alia Ecclesiæ, maxime Constantinopolitana à fide errauerit; & ab ipsâ Romanâ, fatuâ presumptione se absiderit; & demum ad unitatem ipsius & obedientiam reducta sit. Ita de Alexandria & aliis Patriarchalibus Sedibus paria plura inueniet. Nullum tamen eorum de Romanâ Ecclesiâ, aut quod ipsa unquam à fide errauerit, aut per quamcumque Sedem fuerit reducta, comperiet. Sed sicut alia ab ipsâ aliquoties recesserunt, in erroremque ceciderunt: ita per princi-*

XXVIII. Argumenta ex Nicolao de Cusa ad eandem Romanæ communionis necessitatem.

patum fortissimum Petri, debiles demum confortati in fide, ad eius unionem reducti sunt. Unde infallibilitatis refugium est, in unione esse cum Principe in Ecclesia, qui omnis principatus spiritualis, tam Petri inter Apostolos & Indaos, quam Pauli inter gentes successit, utrinque potestatem habet. Vbi perspicis totum hoc à Petro priuilegium in eius Sedem redundare, seu à verbo Christi Petro principatum largientis inter Apostolos. 2. Sæpe & Constantinopolitanam & Alexandrinam, & alias Sedes, Ecclesiasque illis adunatas, à Romana Ecclesia secessisse; sed & ipsas tunc plerumque à fidei orbita deflexisse, & tandem ad unionem cum Romana matrice Sede resipiscentes properasse. 3. Nunquam Romanam, ceu à fide, vel ab unitatis ecclesiasticæ compage diuulsam, ab aliis Sedibus reuocatam emendatamque fuisse. 4. Quamuis quatuor alia Sedes aliquando à Romana descuerint, ut in Acaciano furore, multò maiorem tamen fidelium multitudinem toto in orbe in consensione Romanæ Ecclesiæ permansisse, atque ita eandem semper exitisse Catholicam Ecclesiam ac Romanam. Nam Occidens solidus Romanæ Sedi indiuulsis nexibus semper adhaerebat. Orientis autem complusculi semper Episcopi, Clerici, Monachi, fideles, antiquæ fidei & communionis tenaciores, ab Orientalibus ipsius Exarchis & Patriarchis suis, quàm à Romano Pontifice malebant diuelli: eaque in causa, nec sanguini aut vitæ parcebant. 5. Et ita alibi ex Gelasio & Nicolao Pontificibus ostensum, solo Romanæ Sedis dissensu vel consensu, seu Romanæ communionis concessione vel abscissione, Synodos sententiasque Orientalium olim vel ratas, vel irritas habitas esse. Cæcilianus, Athanasius, Chrysostomus, Flavianus, Africæ atque Asiæ communionem exturbati, Sedibusque eiekti, intra suæ illos communionis gremium Romana usque fouente Ecclesia, & Catholici semper & Episcopi habiti sunt; idque vel ipsæ etiam, quæ eos damnauerant, Sedes tandem confiteri sunt compulsa. Ex aduerso Acacius, Petrus, Euphèmius, Timo-

theus, Macedonius Romanæ communionis gratia expoliati, tametsi tota illis Orientalis Ecclesia communicare pertinacissimè contenderet, expuncti tandem vbiq̃ue terrarum fuere sacris fastis. Nec aliter fides æquitasque seu per Orientem, seu per Occidentem, nisi hoc Romanæ communionis vinculo, potuit contineri. 6. Ideo Cusa-

XXIX. Superiora omnia ex Irenæo confirmantur.

nus rectè ait, *infallibilitatis refugium* esse, vt in vnione sit quis cum Petri & Pauli succellore, hoc est, cum vniuersâ ex Iudæis & Gentibus sociatâ Ecclesiâ. Quod vt maioris adminiculo authoritatis fulciatur, & à recentioribus ad antiquos scriptores, abs Latinis ad Græcos, nos referamus, vnus huic disputationi in cumulum accedat Irenæus, & Gallos suos antiquissimo & sincerissimo illo Apostolicorum temporum lacte imbuat. Ita ille l. 3. c. 3.

Quoniam valde longum est in hoc tali volumine, omnium Ecclesiarum enumerare successiones: maxima & antiquissima & omnibus cognita, à gloriosissimis duobus Apostolis Petro & Paulo Roma fundata & constituta Ecclesie, eam quam habet ab Apostolis traditionem & annunciatam hominibus fidem, per successiones Episcoporum peruenientem vsque ad nos, indicantes, confundimus omnes eos, qui præter quàm oportet, colligunt. Ad hanc enim Ecclesiam, propter potentio-rem principalitatem, necesse est, omnem conuenire Ecclesiam, hoc est, eos qui sunt undique fideles, in quâ semper ab his qui sunt undique, conseruata est ea, quæ est ab Apostolis, traditio. Omnem Ecclesiam conuenire, hoc est, communicare necesse est Romanæ Ecclesie, ob potentio-rem principalitatem, quia videlicet fundata est à gloriosissimis duobus Apostolis Petro & Paulo, ideoque maxima est, antiquissima & omnibus cognita: & omnes heterodoxi, ex eo quod huic Ecclesie dissentiant, confunduntur.

Vnum video à Nouatoribus prætentari maximè Meletium Antiochenum Episcopum, qui cum exors Romanæ communionis excessisse viuis iactetur, non Catholici tantum nominis gloriâ, sed & sanctitatis eximiâ laude floruit tamen, & vel ipsius Ecclesie Romanæ suffragio

XXX Obicitur à Nouatoribus Meletius Antiochenus Episcopus.

celebratur. Ex aduerso autem Paulinum Meletij in eadem Sede æmulum, & Græci Patres conuitiis proscidere, & Romana Ecclesia nullo defunctum honestauit encomio, etsi dum in viuis ageret, suæ communionis consortem. Gregorius Nyssenus orat. in funere Meletij habita in Synodo II. œcumenica, memorata charitate Ecclesiæ Antiochenæ in sponsum suum Meletium, & mox, in exilium eo actō, viduitate: subdit, *tam multum temporis intercesserat, cum quidam adulterandi animo, immaculatum lectum coniugalem aggreditur. Sed sponsa non poterat corrumpi. Vbi sponsum Meletium, adulterum Paulinum vocat.* Chrysostomus autem hom. de anathemate: *Putatisne rem parui momenti esse, ante iudicem, ante iudicij tempus aliquem condemnare? Anathema enim omnibus modis à Christo separat. Ad hæc quid respondent illi malitiâ potentes? Hereticus, aiunt, ille factus est, inhabitantem habet Diabolum, aduersus Deum iniustitiam loquitur, multos in profundam perditionis abdit eloquentiæ suæ efficaci suadela & deceptione, & propter hoc à Patribus eiectus est, maximè huius magister, qui partem Ecclesiæ abscidit, Paulinum vel Apollinarem designantes.* Quantis ex aduerso præconiis cumularit Meletium Chrysostomus, nulli incompertum est. Cum vel maxime Martyrologio Romano memorentur Nyssenus & Chrysostomus, Meletium eximiis & meritis laudibus exornasse.

XXXI Quid de eo referat Theodoretus?

Illud ergo accuratiùs hîc perscrutandum, an Romanæ communionis Ecclesiæ expers fuerit Meletius. Et Theodoro primùm accommodandæ aures, qui lib. 5. hist. c. 2. de Gratiano hæc scribit. *Imperij quasi primitias omnium gubernatori Deo obtulit. Nam conscripsit legem, quæ inebat tum Pastores eiectos in exilium redire, suisque gregibus restitui; tum sanctas Ecclesias tradi his, qui Damasi communionem amplexarentur. Hic Damasus Episcopus Romanus fuit, &c. qui quoad eius fieri poterat, doctrinam Apostolicam assidue tutatus est, &c. Vt autem ea lex maiorem haberet auctoritatem, misit ducem Saporem, &c. Et cap. 3. Quamquam verò istud mandatum apud singulas gentes sine contentione conficiebatur; tamen*

tamen Antiochie, discordia flamma incensa est. Doctrina Apostolica propugnatores erant in duas partes diuisi. Quarum una statim post insidias contra Eustathium magnum comparatas, Arianam nequitiam detestata, conuentus separatim egit, Paulinumque habuit Antistitem. Altera post Euzoiu ordinatum Episcopum, ab impiis Ariani se una cum Meletio viro insigni segregans, sapientissimâ Meletij doctrinâ gubernata est. Porro Apollinarius Laodicensis alteri iam parti se ducem præbuit, qui tamen pietatis personam induebat, & doctrina Apostolica patrocinium suscipere videbatur: paulo post tamen se eiusdem aduersarium esse palam prodidit. Et infra: Aduentante Antiochiam Sapore, cum legem Gratiani ostendisset, Paulinus se à partibus Damasci stare constanter affirmat. Idem quoque affirmat morbo erroris sui occultato Apollinariis. At diuinus ille Meletius se & quietè gessit, & ab eorum contentione continuit. At Flavianus qui tunc ex numero adhuc presbyterorum erat, duce Sapore audiente, ad Paulinum sic verba facit: Si Damasci communionem, ô amice, amplecteris, nobis tua & illius doctrina consensum manifestè commonstra. Nam ille unam Trinitatis usiam confitetur, tresque hypostases palam prædicat: at tu hypostasem trinitatem tollis. Deinde ad Apollinarem: Demiror te tam manifestè veritati repugnare, cum certò scias, Damasum virum sanè admirabilem, affirmare perfectam nostram naturam à Deo Verbo assumptam esse, &c. Denique Meletius Paulinum compellat his verbis. Quoniam & mihi istarum ovium procuracionem commisit Dominus, & tu aliarum suscepisti curam, ipsæque oves inter ipsas vera pietatis communione consentiunt: greges, ô amice, concordia vinculis coniungamus, & contentionem de primatu dirimamus, &c. Ponamus in Sede librum Euangelij, & utrimque nos sedeamus. Quod si ipse prius è vita abiero, tu solus, amice, gregem moderaberis. Sin autem tibi illud contigeris, ergo rursus curam ovium pro virili geram, &c. Paulinus non acquieuit, &c. Dux Sapore eorum quæ utrimque dicta erant, iudex constitutus, magno Meletio Ecclesiæ tradidit, Paulinus autem ovium quas ab initio à reliquis segregauerat, Antistes permansit. His addenda quæ ex epist. Hieronymi ad Damasum supra descripsimus.

celebratur. Ex aduerso autem Paulinum Meletij in eadem Sede æmulum, & Græci Patres conuitiis proscidere, & Romana Ecclesia nullo defunctum honestauit encomio, etsi dum in viuis ageret, suæ communionis consortem. Gregorius Nyssenus orat. in funere Meletij habita in Synodo II. œcumenica, memorata charitate Ecclesiæ Antiochenæ in sponsum suum Meletium, & mox, in exilium eo acto, viduitate: subdit, *Iam multum temporis intercesserat, cum quidam adulterandi animo, immaculatam lectum coniugalem aggreditur. Sed sponsa non poterat corrumpi. Vbi sponsum Meletium, adulterum Paulinum vocat.* Chrysostomus autem hom. de anathemate: *Putatisne rem parui momenti esse, ante iudicem, ante indicij tempus aliquem condemnare? Anathema enim omnibus modis à Christo separat. Ad hæc quid respondent illi malitiâ potentes? Hereticus, aiunt, ille factus est, inhabitantem habet Diabolum, aduersus Deum iniustitiam loquitur, multos in profundam perditionis abdit eloquentiæ suæ efficaci suadela & deceptione, & propter hoc à Patribus eiectus est, maximè huius magister, qui partem Ecclesiæ abscidit, Paulinum vel Apollinarem designantes.* Quantis ex aduerso præconiis cumularit Meletium Chrysostomus, nulli incompertum est. Cum vel maxime Martyrologio Romano memorentur Nyssenus & Chrysostomus, Meletium eximiis & meritis laudibus exornasse.

Tom. I. pag. 911.

XXXI Quid de eo referat Theodoretus?

Illud ergo accuratiùs hîc perscrutandum, an Romanæ communionis Ecclesiæ expers fuerit Meletius. Et Theodoreto primùm accommodandæ aures, qui lib. 5. hist. c. 1. de Gratiano hæc scribit. *Imperij quasi primitias omnium gubernatori Deo obtulit. Nam conscripsit legem, quâ iubebat tum Pastores eiectos in exilium redire, suisque gregibus restitui; tum sanctas Ecclesias tradi his, qui Damasi communionem amplexarentur. Hic Damasus Episcopus Romanus fuit, &c. qui quoad eius fieri poterat, doctrinam Apostolicam assiduè tuatus est, &c. Vt autem ea lex maiorem haberet auctoritatem, misit ducem Saporem, &c. Et cap. 3. Quanquam verò istud mandatum apud singulas gentes sine contentione conficiebatur; tamen*

tamen Antiochiæ, discordiæ flamma incensa est. Doctrina Apostolica propugnatores erant in duas partes diuisi. Quarum una statim post insidias contra Eustathium magnum comparatas, Ariam nequitiam detestata, conuentus separatim egit, Paulinumque habuit Antistitem. Altera post Enzoium ordinatum Episcopum, ab impiis Ariani se una cum Meletio viro insigni segregans, sapientissimâ Meletij doctrinâ gubernata est. Porro Apollinarius Laodicensis alteri iam parti se ducem præbuit, qui tamen pietatis personam induebat, & doctrina Apostolica patrocinium suscipere videbatur: paulo post tamen se eiusdem aduersarium esse palam prodidit. Ex infra: Aduentante Antiochiam Sapore, cum legem Gratiani ostendisset, Paulinus se à partibus Damasci stare constanter affirmat. Idem quoque affirmat morbo erroris sui occultato Apollinarius. At diuinus ille Meletius se & quietè gessit, & ab eorum contentione continuit. At Flavianus qui tunc ex numero adhuc presbyterorum erat, duce Sapore audiente, ad Paulinum sic verba facit; Si Damasci communionem, ô amice, amplecteris, nobis tua & illius doctrina consensam manifestè commonstra. Nam ille unam Trinitatis usiam confitetur, tresque hypostases palam predicat: at tu hypostasem trinitatem tollis. Deinde ad Apollinarem: Demiror te tam manifestè veritati repugnare, cum certò scias, Damasum virum sanè admirabilem, affirmare perfectam nostram naturam à Deo Verbo assumptam esse, &c. Denique Meletius Paulinum compellat his verbis, Quoniam & mihi istarum ouium procuracionem commisit Dominus, & tu aliarum suscepisti curam, ipsaque oues inter ipsas vere pietatis communionem consentiant: greges, ô amice, concordia vinculis coniungamus, & contentionem de primatu dirimamus, &c. Ponamus in Sede librum Euangelij, & utrimque nos sedeamus. Quòd si ipse prius è vita abiero, tu solus, amice, gregem moderaberis. Sin autem tibi illud contigerit, ergo rursus curam ouium pro virili geram, &c. Paulinus non acquieuit, &c. Dux Sapore eorum quæ utrimque dicta erant, index constitutus, magno Meletio Ecclesiæ tradidit, Paulinus autem ouium quas ab initio à reliquis segregauerat, Antistes permansit. His addenda quæ ex epist. Hieronymi ad Damasum suprâ descripsimus.

XXXII. In cau-
sa Meletij splen-
duit Ecclesiæ Ro-
manæ principa-
tus & communio-
nis eius necessi-
tas, cuius exors
non fuit Mele-
tius.

Palam est ergo 1. quamvis lex Gratiani superius rela-
ta, Ecclesias dari iubeat communicatoribus Damasi Ro-
mani, & Petri Alexandrini Episcopi: solius tamen Da-
masi meminisse Theodoretum, & toto Oriente solius Da-
masi communionem in laude & dignitate fuisse. Usque
adeo Petri Apostoli quàm Petri Alexandrini dignitas &
Sedes venerabilior omnibus orthodoxis erat, quod &
Gratiani lex insinuauerat. 2. Inane est, quod garrunt re-
giæ urbis suæ Episcopum à Gratiano cæteris antelatum.
Nam disertè ipse in suâ lege Petri Apostoli rationem à se
haberi memorat, & Theodoretus, Flavianus, Meletius
in ea re suprâ Damasi laudes celebrant, non regnâtricis
urbium Romæ. 3. Peræquè insulsum est, quod iidem
blatterant, ideo Damasi communionem hoc honestatam
priuilegio, quòd cum constaret euidentius de fide Tri-
nitatis rectè sentire. Nam primò quidem illud ipsum est
summum Romanæ Sedis decus, quòd eius fides intami-
nator & splendidior toto orbe radiaret, non sub Dama-
so tantum, sed iam inde à Synodi Nicænæ æuo, & postea
similiter aduersus Macedonij, Nestorij, Eutychetis no-
uitates; cum cæteras omnes Sedes suo subinde contagio va-
ria hæresum monstra afflauerint. Deinde cum de fide Tri-
nitatis digladiarentur omnes Orbis Episcopi, & in sectas
tam difformes scarentur: quæ constabat limpidiores fidei
laucis manare ab ore Damasi, nisi ex præiudicio Sedis
eius? Ad hæc erant & alij complures in Oriente etiam
orthodoxi Episcopi. Adde quod nec Damasus usquequa-
que arrideret omnibus Orientalibus orthodoxis, ut qui
tres hypostases in Deo confiteri, vel respueret, vel con-
taretur; tres malens personas affirmare, hypostasis autem
nomine essentiam significare vnâ. 4. At quoniam post
Synodum Alexandrinam constabat, eam nominum ma-
gis quàm sententiarum rixam esse, ideo toto Oriente *sine*
contentione Damasi se communioni adhærescere professi
sunt Catholici omnes Episcopi. Vbi autem inuenies,
Orientalis alicuius Episcopi communionem, Occidenta-

libus & ipsi Romanæ Sedi ostensam, præscriptamque fuisse, veluti amissim, ad quam eorum fides recta expendere-
 tur? 5. Communicare se cum Damaso Meletius ipse professus est, cum eius fidei se subscribere, cum Paulini eius communicatoris fidei se suasque oves consentire dixit, cum denique Ecclesias à Sapore recepit, ex vi utique legis, Damasi communicatoribus tradi eas sancientis. 6. Idem Hieronymus in epist. ad Damasum perhibet: *Meletius, Vitalis, atque Paulinus tibi harere se dicunt, possem credere, si hoc unus assereret. Nunc autem duo mentiuntur, aut omnes.* Et in epist. priori ad eundem: *Non novi Vitalem, Meletium respuo, ignoro Paulinum. Quicumque tecum non colligit, spargit; hoc est, qui Christi non est, Antichristi est.* Vtique adeo enim de Damasi communione confidebat, seque venditabat Meletius, ut illum à Paulino nil discernere posset Hieronymus, etsi illis ipsis in regionibus iamdiu degeret, & eo scrupulo pungeretur iam olim. 7. His quæ à Theodoro narrata sunt, assuenda sunt hæc ex lib. 5. cap. 5. *Diximus antea Paulinum Antiochia Episcopum propter eximiam pietatem in exilium minimè eiectum esse. Meletium primum à Iuliano in patriam uersum, deinde cum à Valente denuo esset relegatus, regnante Gratiano reuocatum. Qui cum rediret Antiochiam, Paulinum reperit iam senio propè confectum. Confestim itaque omnes qui fauebant Meletio, operam dedit, ut cum Paulinò Sedis Episcopalis particeps fieret. Cum autem Paulinus diceret contra Ecclesiæ Canones esse, ut quisquam ab Arianis ordinatus ad Sedem Episcopalem participandam admitteretur; populus vi rem conficere statuit. Atque in Ecclesiâ quâdam in suburgiis sitâ illum in Sede Episcopali collocant. Subiicit tandem utrisque conuenisse, ut candidati Sedis Antiochenæ sex omnino, inter quos Flavianus erat, inreiuando astringerentur, ut nemo illorum Episcopatus administrationem tum capesseret, cum alteruter ex his duobus, Meletium dico & Paulinum, è viuis exiret: sed ei soli qui superesset, demortui locum obtinendi faceret potestatem. Ita pacata ea discordia est. Ob quam causam qui à Lucifero stabant, ab Ec-*

564 DISSERTATIO DECIMASEXTA

*clesiâ recessere, quod Meletius ab Arianis ordinatus, ad Episcopatum admissus esset. Et infra cap. 9. Meletius decessit è vita. Qui addicti ei erant, à Paulino gubernari noluerunt: sed in locum eius Flavianum constituere. Unde populus de integro dissidere cepit. Et propterea Ecclesia Antiochena denno non propter fidem, sed propter Episcopos diuisa fuit. Manifestum ex his est, Meletio & Paulino, & vtriusque gregi refartam fuisse tandem concordiam, reuectamque pacem eâ lege, ut alteri præmortuo vnus succederet alter superstes. Ergo cum per illud pacis serenum Meletius ex hac mortali vitâ migrarit, communione utique Damasi Ecclesiæque Romanæ ad mortem vsque gauisus est. 8. Eadem totidem ferè verbis describit Sozomenus lib. 7. cap. 3. At cap. 10. Meletij morte & sepulturâ memoratâ: *Eugitur in illius locum Flavianus præter datum insinrandum. Adhuc enim Paulinus in vivis erat. Ex eo igitur maxima rursus perturbatio Antiochenam Ecclesiam corripuit. Ac plurimi se à Flaviano communione abstraxerunt, & priuatim sub Paulino conuentum egerunt. Quin & ipsi inter sese sacerdotes ob hanc rem contendebant. Atque Egyptij quidem, & Arabici, & Cyprij velut ob Paulinum iniuriâ affectum stomachabantur. Syri verò Palestini, ac Phœnices, tum etiam ex Armeniis, ex Cappadocibus, ex Galatis, ex Ponticis plurimi pro Flaviano stabant. Non minimè autem indignatus fuit Episcopus Romanus, & cum eo cuncti sacerdotes Occidentales, & Paulino quidem cœ Episcopo Antiochiæ consue- tas scribebant epistolas, quas Synodales appellant, ad Flavianum verò silentium agebant. Et hinc vides Damasum Meletio communicasse, saltem post illam cum Paulino initam concordiam, legemque de reciproca successione: nec nisi post Meletij mortem sublecto Flaviano recaluisse sopitas dissensiones: & ne tum quidem Flaviano ademptam funditus Ecclesiæ Romanæ communionem; sed eius præuaricationem silentio solo, & literarum synodicarum denegatione tum vindicatam. Si Flaviano autem, qui nefariè successerat, communicabatur: multò magis antè Meletio, qui iure successurus admittebatur. 9. Et**

Theodoretus quidem Meletio, Flauianoque inclinatio-
 quàm par esset, pacem illam Meletij Paulinique filet, &
 iuramentum à Flauiano ipso interpositum, & violatum :
 & idem tamen lib. 5. cap. 23. prodit placatos tandem Oc-
 cidentis Episcopos, *promisisse se simultatem deposituros; &*
legatos, qui à Flauiano mitterentur, admissuros. Quà re intel-
lectâ, Flauianus Episcopos quosdam illustrissimos, presbyteros
etiam Antiochia & Diaconos Romam misit. In quâ legatione
principem locum tenebat Acacius Episcopus Berrhæa oppidi Sy-
riæ, vir omnium ore ac sermone passim celebratus. Qui unâ cum
ceteris Romam aduentans, inimicitias ad decem & septem an-
nos continuatas extinxit, Ecclesiisque pacem restituit. Quâ re
audita, Aegyptij quoque odia sedato, sunt concordiam amplexati.
 Ergo quod suprà ex Facundo Hermianensi adnotatum
 est, non Romana Ecclesia Antiochenæ, sed Antioche-
 na Romanæ pacem pleniorē ambiit, impetrauit, mis-
 sique legatione amplexata est: & tenuissimum illud ex-
 communicationis vestigium, quod literarum & legato-
 rum interruptione constabat solâ, cum in reliquis omni-
 bus illæsa perpetuaretur communio, ambitiosè expun-
 xit. 10. Ad fidem nihil hæc certamina attinuisse aduerte-
 runt Scriptores suprà laudati, & nemini non exploratis-
 simum est. Nullâ Romanæ Sedis Synodive sententiâ im-
 petitum esse vel Meletium vel Flauianum; perinde ex
 iisdem certum est. Nusquam ergo abrupta ab his est ec-
 clesiastica Romanæ Sedis communio. Quin imò in Ca-
 puanâ Synodo an. 489. id decretum est, *ut omnibus per*
totum Orientem daretur communio Catholicam consentibus fi-
dem: ut ait Ambrosius epist. 78. de causâ autem inter
Flauianum & Euagrium Paulini successorem cognosce-
ret Theophilus Episcopus Alexandrinus. Eâdem etiam
epistolâ Ambrosius Fratrem Flauianum identidem appel-
lat, idque vnum maximè Theophilo commendatum esse
vult, ut seruetur impetita pacis gratia inter vniuersis. Adde
legem Gratiani suprà laudatam de solâ Damasi fide om-
nibus amplexandâ meminisse, cui quoniam coniunctissi-

ma communio est, eam de communione Damasi interpretatus est Theodoretus. Nec iniuriâ. Cùm Patres Concilij Chalcedonensis in Prosphonetico ad Marcianum hæc confirmant: *Damasus quoque Romana urbis decus ad iustitiam, litteris ad Paulinum datis, dispensationis sacramenta patefecit; admonens, ut his quæ bene sunt decreta, si qui communionis suæ participes velint esse, consentiant.* 11. Minus ergo mirandum, si Orientales Episcopi sanctissimi quique Meletio communicarent, cùm & ille præ se ferret communionem cum Damaso suam, & nihil de fide ambigeretur, & possent satis bellè in eadem vrbe duplicis gregis curam gerere duo Episcopi; quod alioqui præter Canones est, necessitate dispensari cogente. Porro, si non facta tantùm, sed iura trutinari libeat, constat Meletium ab Arianis ordinatum in initiis Episcopatus sui claudicasse. Constat Eustathianos qui Paulino obaudiebant, longè inculparissimum fuisse Ecclesiæ Catholicæ Antiochenæ agmen. Constat denique Flavianum infracti Sacramenti culpam nunquam satis eluere potuisse. Ideo Athanasius, cuius iudicio assentiendum utique est, Paulino semper communicavit, ut apud Facundum Hermian. lib. 2. cap. 2. monachi Nitriæ testantur, in epistolâ adversus Apollinarem scriptâ: *In tantum nos contempsit, ut auderet suis litteris accusare irreprehensibilem & religiosissimum Archiepiscopum Antiochiæ Paulinum, qui semper communicavit ter beato Papa nostro Athanasio, & omnibus in Occidente orthodoxis Episcopis.* Qui idem Facundus lib. 8. cap. 5. ex Domni Antiocheni Episcopi epistolâ refert, & approbat dici sanctam Meletium, à cuius nomine Arianos nos Meletianos appellant. Domni autem verba hæc sunt: *Dei autem homo sanctus Meletius, à quo appellationem habent apud nos Apostolicorum custodes dogmatum: Meletianos enim nos vocant Arj sectatores.* Itaque & Paulino & Meletio perinde fauet Facundus, fauebat Athanasius, fauit Oriens, Occidensque: etsi ob illam de Episcopatu concertationem, legari & literæ formatæ non ab utroque ubique admit-

terentur : quod saluo fidei & communionis Catholicæ vinculo vtrumque fieri posse nemo non videt, & disertè ex Ambrosio docuit Synodi Capuanæ decretum. Quod autem Theophilus nec Euagrio, nec Flauiano *communio- nem sociasset*, vt Ambrosius eadem epistola 78. testatur: id contigerat quia & Euagrii causa vacillabat, vtpote qui ab vno Paulino esset ordinatus, vnde ibidem ait Ambrosius, *utramque aliena magis ordinationis vitiis, quàm suis bonis fretum fuisse.* 12. Quin & Basilus ipse omnium Princeps in causa Meletij aduersus Paulinum tuenda, non tamen à Paulino abhorruit, vbi illum Damasi literis munitum intellexit; illum autem Meletio aduersari ita interpretatus est, quod eius causam, vtpote tam procul, minùs exploratam haberet. Epist. ad Terentium:

Non admiror istud. Quidam enim omnimodò ignorant ea, quæ in istis sunt partibus. Quidam autem etsi videntur scire, concertando magis, quàm veritatem dicendo, eis referunt, &c. Veruntamen quia nullum accusamus, oramus autem magis ad omnes habere charitatem, & maximè ad domesticos fidei, congratulamur iis; qui apporsauerunt de Româ literas: & si magnam aliquam & venerabilem habent eorum testificationem, & oramus illam veram esse, & ex operibus ipsis confirmari. Non autem propter hoc pessimus nobismetipsis aliquando suadere, quia Meletium ignoremus, vt eam, quæ sub ipso est, Ecclesiam obliuiscamur, &c. Vtrique ergo, etsi Meletio impensius, bene se velle docet Basilus: quodque Meletio minùs studeat Damasus, id tribuit mendacio rumorum ad eum perlatorum, & surreptioni partium. 13. Ita & Nazianzenus vtrisque partibus se communicare non obscurè demonstrat orat. 32. quæ Constantinopoli est habita coram 150. Patribus: *Quomodo sacrum hoc bellum feram? Quomodo hos aduersis ibi: onis insidentes, atque aduersas in pascendo grege partes fouentes conectam, populumque cum ipsis abruptum, &c. Nec populum solum, sed etiam orbis terræ segmenta, eodem cum dissidentibus affectu commota, ita vt iam in duas contrarias partes Oriens, Occidensque secreti atque diuisi sint; nec*

*iam minùs animorum & voluntatum, quàm finium segmen-
ta esse videantur? &c. Senectutis me pudet, cum aliorum ne-
mine censeor, qui à Christo salutem accepi. Et paulò ante fi-
nem, Vale Oriens & Occidens, pro quibus & à quibus oppa-
gnamur; testis ille est, qui pacatos nos reddet, si nonnulli seces-
sionem meam imitentur. Non enim Dei quoque auctoritatem fa-
cient, si thronis cesserint: sed supernam cathedram habebunt,
his multo sublimiorem, & tutiorem. Quibus adde quæ in
carmine de vita sua prosequitur, quantum studij scilicet
posuerit, ut functo Meletio successor ne daretur: sed
Paulinus iam grandævus sineretur Antiochenam solus
Ecclesiam administrare. Palàm hinc est concordie illum
studuisse, Meletianorum & Eusthathianorum nomina pe-
rinde abhorruisse ac dissidia, atque ab Oriente Occiden-
teque oppugnatum esse, quod pro utroque ipse pugna-
ret. Ita enim vsuuenit, ut qui utrique fauet parti, utram-
que aduersam experiatur.*


XVXII. Rur-
sus de Meletio,
& Paulino, &
conglobatim,
quanti fecerint
Orientales Ro-
manæ commu-
nionem Eccle-
siæ.

Quæ cum ita habeant, frustra sunt Nouatores, cum
exemplo vnico Meletij feroçiunt aduersus Romanam
Ecclesiam, ut eius communionis exortes probent san-
ctitatis nihilò secius laudem assecutos esse. Constat
enim ex antedictis Meletio superstiti communicasse
Romanam Ecclesiam, & Romanæ fautores Ecclesiæ
in Oriente. Quod autem Gregorius Nyssenus adul-
terum appellet eum qui exulantis pro fide Meletij Se-
di incubabat, nequaquam id ad Paulinum pertinet;
sed vel ad Euzoium, qui Arianorum, vel Apollina-
rem, aut potius Vitalem, qui suorum & ipse grega-
lium Antiochiæ Episcopatum gerebat. Statim quippe
Nyssenus hæreticæ perfidiæ meminit, quæ Meletio
reluctabatur. Chrysostomus autem non suis ille ver-
bis Paulinum exagitat, sed eorum quos ipsemet acer-
bissimè obiurgat, ut malitiâ potentes, ut anathema
passim in quemlibet illidentes, quos ab hac petulan-
tiâ laborat toto hoc tractatu detertere. Denique cum
Damasi communionem ita Meletius, & Vitalis, Pau-
linusque

linusque iactarent, ut vel Hieronymus ipse ambiguus in eâ re esset: eâdem in rerum caligine, poterant & alij viri sancti vel obrectare Paulino, vel Meletio impensius suffragari. Cordatissimi autem quique ita paci studebant, ut utrique interim in fidem Catholicam consentienti communicarent. Ita videtur affectus fuisse Nazianzenus, ita Epiphanius hæresi 73. & 77. ita denique Athanasius epistola ad Antiochen-
ses: Omnes igitur qui vobiscum pacificè agere volunt, in primis autem illos qui in veteri Ecclesia congregantur, & qui ab Arianis redierunt, elicite ad vos; & veluti patres, filios assumite; ut Magistri & tutores recipite: coaptantes vos interim dilecto nostro Paulino, eiusque sociis, nihilque ab illis exigatis, quàm ut execrentur Arianorum hæresin. Vide & inter epistolas Cyrilli Alexandrini Episcopi, epistolam Acacij Berrhææ Episcopi ad Cyrillum ipsum: *Beatus Paulinus etsi tres Hypostases dicere recusaret palam, verè tamen & virtute eadem sapiebat, eadem sentiebat.* Et omnino quanti fecerint Orientales Romanæ communionem Ecclesiæ, patuit ex Cyrillo Alexandrino scribente damnatum à Cælestino & Romana Synodo Nestorium, horum itaque decreto modis omnibus parendum est illis, qui à totius Occidentis communione excidere noluerint: scribente, *qua illi iudicauerunt, si qui omnino constituimus. Veremur namque, ne à tantorum virorum communione excidamus.* Patuit ex ipsa Ephesina Synodò, scribente, Cælestini sententiâ in abdicationem Nestorij se cogi. Patuit ex Chalcedonensi Synodo Damasum laudante, quòd fidei suæ adglutinari iuberet, *si qui communionis suæ participes esse velent:* Dioscorum execrante, quòd ultra omnem suam nequitiam, excommunicationem Leoni Papæ intorsisset, cui Christus *custodiam vineæ* mandauerat. Patuit in cæteris Synodis, Sexta, Septima, Octava, ubi non recto tantùm fidei dogmati à quo deuiauerant, sed Romanæ etiam Ecclesiæ communioni se restitui

Græci laborauerunt. Patuit in Oâtaua maximè Synodo, vbi nugantes Photiani Episcopi, multos Sede Romana damnante absolutos, absolvente damnatos fuisse, à Metrophane Orientalium Episcoporum longè doctissimo refutati sunt. Patuit in Athanasij denique, Petri, Chrysostomi, Flauiani causa, & complurium istiusmodi, quos præter fas damnatos, Romana Sedes restituit, vel vno maximè communionis suæ beneficio, vt superiùs demonstratum est.





DISSERTATIO XVII.

IN CONCILIVM

ARAVSICANVM II.

Anno Christi 529.

SYNOPSIS.

Sedis Apostolica authoritas in fidei disceptationibus apud Gallos. Decreta huius Synodi ex Augustini sententiis & penè verbis ipsis contexta, Patribus tamen promiscuè vendicantur. Mira quoque in rebus fidei definiendis sobrietas. Quàm multa Theologica opulencia supellex, etsi à fide defluat, etsi cum fide cohereat, in fidei tamen formulas non est intrudenda. Hac definiendi parcitas, hac Patrum prorsus omnium concordia, veluti gemina stabilienda inter Theologos pacis in questionibus de Gratiâ Christi fibula, prolixius pertractatur, illustraturque maximè ex Celestini Papa olim epistolâ ad Gallos, & ex Florentino nuper Concilio.

RECURRE ad ea, quæ commentati sumus in Synodos Arelat. & Lugdun. an. 475. Reuolue & in Carthaginensem, Milouitanamque Synodum aduersus Pelagianos notata. Hinc enim patefcet, quantæ in authoritatis arcem euadat Synodus etiam prouincialis, cui Sedes Apostolica inuietum robur addit. Illinc autem aperitur clementia huius Synodi Patrum, qui secus de gratiâ & libero arbitrio sentientes, quàm castigata fidei amussis iubeat; nullâ inurunt gra-

I. Synodi huius
authoritas quan-
ta.

uioris cauterij censurâ , quàm vt *per simplicitatem minùs cautè* sensisse dicantur : & pene plus laborant seipso iniquioribus suspicionibus lacesitos excusare , quàm accusare aduersarios.

II. Sedis Apostolicæ quanta autoritas in fidei disceptationibus apud Gallos.

Quod autem *secundum admonitionem , & auctoritatem Sedis Apostolicæ , capitula ab Apostolicâ Sede transmissa , quæ ab antiquis Patribus de sanctarum Scripturarum voluminibus in hac præcipuè causâ collecta sunt , ab omnibus observanda proferruntur , & subscribenda*. Vides 1. quantum tribuatur in causâ fidei oraculis Sedis Apostolicæ , à quâ capitula transmittuntur vetustissimam litem peremptura , statim Episcopi ab omnibus observanda proponunt , manibus suis subscribunt ; illis omnes *animum inclinare* nè differant , edicunt. 2. Cæsarius , Eucherius , aliique non pietate tantum , sed eruditionis famâ spectatissimi ita obsecundant definitionibus primæ Sedis , Gallicanæ Ecclesiæ disciplinam utique non nescientes. 3. Nec pura putaque Sedis Apostolicæ verba , sed suas etiam Episcopi sanctissimi explanationes , sibi , Cleroque , & laicis etiam amplexandas subscribendasque repræsentant. Vnde paulò ante calcem cap. ult. *Quia definitionem antiquorum Patrum , nostramque , quæ suprà scripta est , non solum religiosis , sed etiam laicis medicamentum esse , & desideramus , & cupimus : Placuit , ut eam etiam illustres & magnifici viri , qui nobiscum ad præfatam festinitatem conuenerunt , propriâ manu subscriberent*. Et Bonifacius II. in epistola ad Cæsarium Arelatensem huius Synodi confirmatrice : *Fraternitatem tuam habitâ conlatione , cum quibusdam Sacerdotibus Galliarum , iuxta fidem gaudemus sensisse Catholicam. In his scilicet , in quibus uno , sicut indicasti , consensu definierunt , fidem quâ in Christo credimus , gratiâ diuinitatis praueniens conferri. Adicientes etiam , &c.* Quapropter supra scriptam confessionem vestram consentaneam Catholicis Patrum regulis adprobamus. Vbi singulis penè vocibus significatur , non absolutissimè & ieiunè capitulis Româ missis subscriptum esse , sed ipsos Galliæ Episcopos conlationem habuisse , definisse , confessionem scripsisse , quam Sedes Apo-

stolica confirmarit; quæ utique non sua ipsius verba Episcoporum manibus subscripta sollicitaretur confirmare. 4. Sed quia tamen doctrinæ summam dictauerat Sedes antè Apostolica, quia definitioni episcopali auctoritatem eadem adcumulauit, hinc gloria in primum tota refunditur fontem. Æquè alibi notauimus Africanarum Synodorum aduersus easdem Pelagianas pestes iacula, à Sede Petri intorta fuisse, Patribus iisdem de causis visum esse. 5. Ita demum conquievere certamina, centum iam annis in Gallicanæ Ecclesiæ gremio certata. 6. Laici ipsi subscribere adacti, ut verbis suprà relatis liquescit: nempe ut *laicis etiam medicamentum* istud adhiberetur. 7. Nemini in mentem venit, eorum qui causâ cadebant, mussare de paucitate Episcoporum huius Synodi, vel de Sedis Apostolicæ auctoritate ineluctabili in fidei quæstionibus terminandis: aut ad Synodum œcumenicam prouocare. Si quem tam dira libido incessit, aut castigauit ipse semetipsum, aut tam frustrâ fuit, quàm cùm olim in Synodis particularibus, & Romæ damnati Pelagiani, generales Orientis Occidentisque Synodos incassum suspirarent. 8. Cùm antiquos Patres, ut authores suæ huius doctrinæ, venditat semel iterumque hæc Synodus, Augustinum præ cæteris suspicit. Ex quo & pleraque decerpit verbis totidem, omnia certè eius sententiis consonantissima canit. Nec aduersarij ipsi infensum sibi pugnare Augustinum dissimulabant. Ergo non solo doctrinæ pondere, aut doctissimorum Patrum nomine opprimendi sunt visi, qui à rectâ delirabant semitâ; sed ineluctabili primæ Sedis maiestate. Quid enim Augustino doctius, cælestius, inuiatius? Sed ita vel sponte suâ, vel infelicitate suâ cæcutiunt homines, ut de doctrinâ disputandi finem nullum faciant. Ergo pondere auctoritatis alicuius inexpugnabilis conterendi sunt.

Synodo porro isti Arausicanæ per Sedem Apostolicam confirmatæ, quam incōstanter deinceps assurrexerint III. Quantum posterius huic Sy-

nodo arrogarint
ex Hincmaro.

omnes orthodoxi, declarat Hincmarus Rhemensis l. de prædest. pag. 48. *Ideo dicuntur electi, quia de massa perditionis sunt gratia electi, nullum habentes meritum antequam eligantur, quorum electio ipsa est Dei misericordia, sicut in Arausicanâ Synodo, cui beatus Casarius ex delegatione Sedis Apostolica præsedit, & capitula ab Apostolicâ Sede directâ, subscribenda & tenenda omnibus protulit. Et pag. 134. Nunc si à sanctâ Arausicâ Synodo, cui sanctus Casarius ex delegatione Sedis Apostolica præsedit, discrepemus in aliquo, videamus. Tum viginti quinque capitula Synodi huius compendiosius substringit, ac proficitur se à reuerendâ & venerandâ atque Catholicâ prolixitate tantorum doctorum, nec in aliquo deniasse Et pag. 145. Videat si in aliquo à Catholicâ fide, & expositione Synodi Arausica discordauimus. Et in epist. ad Karolum Regem præfixa huic operi, de Sycophantis conqueritur, qui eius doctrinam ita traducerent, quasi contra sanctorum Patrum sensa in Africanâ & Arausicâ Synodo sensisset. Nec omitti sine piaculo potest, quod pag. 142. rursus idem tradit, Benè sanctus nouerat Casarius, qui ex delegatione Sedis Apostolica, huic Synodo præsedit Arausica, quid sanctus Augustinus de libero arbitrio primo homini dato in lib. de Correp. & Grat. dixerat, quemque in libris de prædestinatione Sanctorum, & de bono perseuerantia ad prædecessorem suum Hilarium scriptis commemorat. Quem etiam librum compar, & socius illius sanctus Prosper se habuisse non tacet, in epistolâ ad Augustinum, dicens: Librum de correptione & gratiâ plenum diuina auctoritatis emitteres, quo in notitiam nostram delato. Et credendum est, quia sanctus Prosper, Hilario, eundem librum, quem se habere dixit, coniuncto & familiari suo non negauerit. Vnde & beatus Casarius quæ hinc sanctus Augustinus dixerat, succedens in ordine suo sancto Hilario, non ignorauit. Ergo Augustini de gratiâ doctrinam sincerissimam, & illam maximè clarissimam, quam posterioribus suis lucubrationibus edisseruit, Casarius Arelatensis à prædecessore suo Hilario ad se transmissam: & velut hæreditariam hac in Synodo propalauit. Ideo hanc Africanis Conciliis æqui-*

parat Hincmarus, & ab eâ deuiantem non aliter, quàm à fide Catholica deficientem detestatur. Similiter Valentina Synodus eodem tempore, can. 6. *Fide plenâ fatemur, quod sanctissimi Patres, auctoritate sanctarum Scripturarum nobis tenendum reliquerunt: quod Africana, quod Arausica Synodus professi est: quod beatissimi Pontifices Apostolica Sedis Catholicâ fide tenuerunt.*

Et non abs re Hincmarus ex illis maximè posterioribus, iisdemque vehementioribus Augustini libris Arausicanos Canones expromptos affirmat. Superstite enim ipso Augustino emerferant isti asperioris eius doctrinæ criminatores, ab eoque fuerant his opusculis confutati. Sed usque adeo inermis sapientia contemnitur à peruicacibus, ut centum annorum curriculo totam illam Augustinianæ Theologiæ lucem auersati fuerint, donec auctoritate Synodi, & Sedis Apostolicæ deterriti, quod intelligentiâ non poterant, fide complecterentur. Mirari porro subit, quod Augustini verba ipsissima, & sensa ubique sequatur Synodus, nominis eius nec semel meminert. Sed semel & iterum *antiquorum Patrum* hanc esse doctrinam affirmat, itemque *Sedis Apostolicæ*. An ergo inuidiam quæ in Augustinum nominatim ebullierat, eo modo propulsant? An suo exemplo sanciant, nunquam vnus alicuius seorsum sensum, sed omnium ubique Patrum consensionem ab Ecclesia magnifere? An Augustinum antiquis Patribus consentire, ab iisque quod hauserat, posteris infudisse significant; ideoque etsi eius verba magis, cæterorum tamen peræquè placita à se renouari?

Illud denique non piguerit fortasse obseruare, etsi acumine præpollerent, etsi peruicaci & diutissima decertatione omnes de gratia & libero arbitrio quæstiones vexassent Gallicani ea tempestate doctores: hæsisse tamen illos intra quosdam limites, ultra quos longè & effusissimè spatiata est posterorum, nempe scholæ doctorum, curiositas. Omnes perpende articulos, ad popularem etiam intelligentiam omnes sunt accommodati. Nimirum

IV. Canones eius plerique ex posterioribus & eliminatoribus Augustini scriptis.

V. Quàm modesta hoc xuo fidelium curiositas, postea effuderit se effrenius.

peccatum Adæ in nepotes traici & animæ quoque officere: non voluntate gratiam, sed gratiâ voluntatem antequeniri: initium fidei à gratia proficisci: cogitationis bonæ fontem à gratia deriuari, & id genus alia. Nusquam ibi autem subtiliores illæ quæstiones, quæ iuniorem scholam occuparunt; voluntatis per gratiam adiutæ consensio in bonum, voluntati adsignanda sit, ut efficaciter sese: an gratiæ, ut voluntatem inuictissimè determinanti? Prius ad bona opera Deus, & ita ad gloriam: an antè ad gloriam prædestinet, & tum ad bona merita? His & aliis innumeris supersedetur, etsi copiosius de gratia definia- tur, quàm vsquam alibi. Et *inuictissimè* quidem à gratia agi voluntatem dixerat Augustinus, non id tamen hîc inculcatur. Quo magis patet, multa subtilioribus scho- læ indagationibus permittenda esse, quæ in fidei normam, & in synodicas definitiones non sint inducenda. In his enim spinosioribus quæstionibus quàm implacata iam- diu prælia? At in Arausicana hæc placita omnes conspi- rant. Ita enim par est, vnitatis vinculo omnes fideles constringi.

VI. Eandem de-
finiendi sobrie-
tatem olim Cæ-
lestinus Papa
præmonstrarat.

Non aliter Cælestinus olim Papa Gallorum Presbyte-
rorum iurgia, & efferuescentes aduersus reconditiorem
Augustini doctrinam concertationes sedare adgressus: ca-
pitula quædam eius nunc epistolæ annexa destruxit, aut
approbavit certè; quæ breuem quidem, & expeditam,
dilucidamque complectantur Catholicæ de Gratiâ sen-
tentia summam: ad intimiores autem illas, & minutio-
res quæstionum calliditates haudquaquam descendunt,
quæ iam tunc cœperant ventilari. Perpende ex epistolis
Prosperi & Hilarij ad Augustinum: ex eiusdem etiam
Prosperi responsionibus ad capitula Gallorum, ad obie-
ctiones Vincentianas, ad Collatorem, quanta & copia,
& moles disputationum aduersus Augustinum efferbuis-
set: tumque refer te ad Cælestini capitula, & paucula
attingi, eaque enodatissima, vulgique ferè viribus co-
aptata comperies; reliqua intacta præteriri, aut his paucis
velut

velut principiis alligata insinuari. Non ista, ut quibusdam in consimili specie improbè quandoque suspicari libet: non ista, inquam, Sedis Apostolicæ indiligentia est, non affectata caligo: non lucis penuria, aut parcitas, seu invidia est: sed Ecclesiasticæ Theologiæ sapientia, sui semper similis, & in omnibus œcumenicis Synodis constantissimè usurpata fidei sobrietas. Quid enim quatuor œcumenicæ priores Synodi, nisi consubstantialitatem Verbi & Spiritûs sancti cum Patre, vnamque in duabus naturis Christi hypostasim definierunt? Nihil vberius hac sobrietate, nihil hac parcitate locupletius. Tractatores ecclesiasticos latius luxuriare consentaneum est, fidei formulas succincta decet breuitas & popularis penè perspicuitas.

Nec me clam est, vix ac ne vix quidem ea capitula à Cælestino conscripta dici posse. Et ipsâ Conciliorum editione, hæc prænotantur: *Non videtur dubitandum, quin sequentia sint Prosperi: tam sunt similia & argumento & stylo eius scriptis: libro certè contra Collatorem capita quadam attingit, non dissimiliter atque hic leguntur.* In antiquioribus editionibus Cælestino similiter abiudicabantur his verbis: *Sequentia undecim capita videntur potius ab alio quodam interposita, quàm esse ipsius Cælestini Papæ.* Sanè huius capitum compilationis in epistolâ ipsâ Cælestinus non meminit. Item creber hîc Innocentius, creber Zosimus allegatur, nusquam prædecessores appellantur, quod solent tamen Romani Pontifices, & quod ipse in epistolâ suâ Cælestinus usurpat. Denique ipsamet verba fidem faciunt, ab alio quàm à Romano Pontifice exaratam esse hanc formulam: *Magistris nostris, tanquam necessarium modum excesserint, obloquuntur: eaque tantummodo sequi & probare profitentur, quæ sacratissima beati Apostoli Sedes Petri per ministerium Prasulum suorum sanxit, & docuit. Necessarium igitur fuit diligenter inquirere, quid rectores Romana Ecclesiæ de heresi, quæ eorum temporibus exorta fuerat, indicauerint, &c. ita ut etiam Africanorum Conciliorum quasdam sententias iungeremus, quas*

VII. An Cælestini sint, quæ eius nomine circumferuntur Capitula de gratia.

Dddd

utique suas fecerunt Apostolici Antistites, cum probarunt. Quæ tota præfatio sapit prorsus alium quemvis Scriptorem, non Romanum Antistitem. Idem produnt hæc ad calcem verba: *Quidquid secundum prædictas regulas Apostolica Sedis nos scripta docuerunt.*

VIII. Eius nomine iam olim insigniebantur.

Cælestini tamen nomine iam olim insigniebantur hæc capita: & quidem iam tunc, cum Petrus Diaconus ex Oriente Romam cum sociis missus, lib. de Incarnatione & Gratia ad Fulgentium scripto cap. 8. post relata quædam Innocentij Papæ verba, subdebat: *His congruè beatissimus Cælestinus in epistolâ ad Gallos datâ: Cum enim, inquit, sanctarum plebium, &c.* tum tria vltima horum capitum exscribit. Quin Hormisda Pontifex in epist. ad Possessorem missa ad ea videtur alludere, *De arbitrio libero & gratiâ Dei, quid Romana, hoc est, Catholica sequatur & seruet Ecclesia, licet ex variis libris B. Augustini, & maxime ad Hilarium & Prosperum abundè possit agnosci: tamen & in scriniis ecclesiasticis expresse capitula continentur, quæ si ibi desunt, & necessaria creditis, destinabimus.* Quæ alia enim coniectabimus Capitula in scriniis ecclesiasticis Romanis de gratiâ & libero arbitrio? Denique exhinc Ecclesia Lugdunensis, Hincmarus, alique scriptores ecclesiastici indubitanter Cælestini nomine scriptum illud induere. Nec mirum, cum in Codice Canonum Ecclesiæ Romanæ, inter decreta Cælestini Papæ, Capitulis illis, præfixæque Cælestini epistolæ primus vendicaretur locus. Vide Hincmarum de prædest. cap. 22. & alibi.

IX. An à sancto Prospero scripta sint.
Tom. p. 441.

At à Prospero conscripta fuisse illa Capitula, ut coniectura sit: vereor, ut authoritas adsit. Hincmarus videri posset ita sensisse lib. de non trina Deitate, *Contra decreta Cælestini Papæ, ex cuius delegatione beatus Prosper hinc exortam hæresin per auctoritatem Scripturarum, & doctrinam beati Augustini reuocit, & compressit in Galliis.* Decreta hinc dicuntur Cælestini ea capitula, de quibus hinc agitur, nempe in Codice Canonum Decretis eius intertexta. At delegatio Prosperi à Sede Apostolica quò pertinuerit, explo-

raturum facit alibi Hincmarus: *Prædestinationum heresis auctoritate Papæ Calistini, ex delegatione ipsius, per sanctum Prosperum in Galliis est remota.* Et lib. de prædest. cap. 3. *Ali-* Pag. 432.
ter quàm beatus Prosper, ex delegatione sedis Apostolica, iussu sancti Calistini definivit. Et paulò suprà: *Legatus Romana Ecclesia, fidelisque eius interpret beatus Prosper.* Quæ magis trahenda videntur ad ea, quæ Prosper variis respondit objectionibus; vbi Prædestinianos Hincmari tum explosit, cum austeritatem illam, & sæuitiam vel detrectauit, vel emolliuit, quam ex Augustini scriptis nonnulli exprimebant. Nec inficiandum tamen est, *Legatum Romana Ecclesia, legatione Calistini toties ornatum Prosperum,* conuenientiùs quàm quenquam alium, hac gloria coonestari, vt ea scriberet, quæ Cælestini nomine authorarentur. Pag. 24.

Quæ si ita habeant, tantò maior incesset admiratio Theologicæ huius sobrietatis. Quàm abstrusas enim, & intricatas Prosper quæstiones disceptauerit in variis aduersus Augustini æmulos opusculis, nemo nescit: de prædestinatione, de reprobatione, de voluntate Dei in omnium salutem beneficâ, de Christi sanguine omnium redemptioni impenso, de prædicatione & gratia omnibus oblata, & de sexcentis id genus aliis. Et idem tamen, vbi à liberiore illo Theologicarum disputationum campo in breuiorem fidei gyrum se recipit, vbi Pontificis Romani nomine & vice sacra, fidei formulam scribit: tùm verò illo perpaucâ, haud abstrusâ, sed penè obuiâ, & Christianæ pietati familiaria sancit; sequestratâ, vel his tantum, ceu principiis, inuisceratâ omni illâ Augustinianæ Theologiæ opulentiâ, quæ nisi longo anfractu, & per spineta ac salebras adiri non potest. Nec fas tamen cuiquam est à doctrina Prosperi prolixius disputata deuiare: cum & hanc ex Cælestini delegatione, si fides Hincmaro, conscripserit: sed longè aliud est, Theologicum stadium percurrere, aliud à fidei symbolo seu breuiario non discedere. Denique augeſcet etiam hæc ad-

X. Quanta in his
 siue Prosperi, siue
 Cælestini sobrietate.

miratio, si pristinam eius animo refricaueris asperitatem aduersus Augustinianæ doctrinæ allatratores. Ita enim ad Augustinum ipsemet aduersus illos scripserat: *Adde eruditionem humilibus, adde increpationem superbis, &c. Intelligant perueniendum ad scctionem, quod habuerit persenerantem tumorem.* Et cont. Collat. c. ult. *Huiusmodi hominum prauitati, non tam disputationum studio, quam authoritatum priuilegio est resistendum: ut de prostrati dudum dogmatis corpore nullum membrum sinatur assurgere.* Confidit mox fore, ut sicut anteriores Ecclesiæ Romanæ Pontifices, *lupos abegere manifestos, ita Sixtus depellat occultos.* Ita ille & inter & post Cælestini tempora fræuebat priuatim; at cum Cælestini sustinebat nomen & personam, mansuescebat utique, neminem abscindebat, facilem fidei regulam temperabat.

XI Rursus de eadem moderatione, & de discrimine fidei capirum, arque Theologicarum disceptationum.

Sed siue Prosper, siue quicumque demum alius vicarium Cælestino Pontifici calamum commodabat: erat ille indubiè Augustiniani & nominis & dogmatis tam studiosus, quam qui maximè. Circumgestabat etiam ille totam Apostolicæ Sedis authoritatem, hoc est, summam & inuidissimam. Atque adeo in potestate habebat aduersarios, suæque de illis victoriæ arbiter ipse erat, quò illam usque vellet effundere. At vide, quàm paucà, quàm plana, & explicata ad fidei necessitatem vocet. Reliqua huic regulæ subiiciat: *Profundiores verò difficilioreque partes incurrentium quæstionum, quas latius pertractarunt, qui hæreticis restiterunt: sicut non audemus contemnere, ita non necesse habemus astringere: quia ad consistendum gratiam Deo, cuius operi ac dignationi nihil subtrahendum est: satis sufficere credimus, quidquid secundum prædictas regulas Apostolica Sedis nos scripta docuerunt: ut prorsus non opinemur Catholicum, quod apparuit præfixis sententiis esse contrarium.* Catholicæ ergo fidei vinculum, ad has regulas duntaxat astringitur. Quod ex satis sufficiat. Sunt prætereà *profundiores & difficiliore*. quæ incurrunt, quæstiones. Circa eas hæc nobis præfigitur regula: *ne audeamus contemnere, non necesse habemus astringere.* Etenim veluti ex latere incurrunt, & ex occasione tan-

nūm pertractantur, nec à Synodis, vel summis Pontificibus definiuntur, sed *latius pertractantur* ab iis, qui hæreticis restiterunt: ideo in fidei breuiario *non necesse* est eas astrui. Si quis tamen eas *contemnit*, multò magis si quis infamat, si quis exagitat & refellit, huius vituperatur *audacia*. Nam præter fidei regulam, sunt & alij officiorum fines, quibus circumscribenda est sapiendi cupiditas. Et incidentium harum quæstionum paternis tractationibus suus etiam honoris & obsequij modus tribuendus est; seu propter earum cum ipsis fidei regulis cognationem: seu ne eorum *qui hæreticis restiterunt*, merita laudesque temerè minuantur.

Huic Cælestini clementiæ applausit S. Remigius, & Ecclesia Lugdun. in lib. de tenenda veritate Scripturæ, cap. 12. prolato etiam testimonio alterius libelli, de tribus epistolis, ab eadem Ecclesia editi: *Cum ergo hæc duæ opiniones in præfato libello, de hac re propositæ & expositæ fuissent: subiunctum est protinus valde utiliter & dictum; Quolibet quis acquiescat modo, non est hæreticum, nisi contentione hæreticum fiat. Similem quoque sententiam B. Papa Cælestinus, de quibusdam profundioribus quæstionibus in decretis suis posuit, dicens de eis: Quæ sicut non audemus contemnere, ita non necesse habemus astruere.* Augustinianæ de gratia sententiæ austeritatem toto hauserat pectore Remigius cum sua Ecclesia: ut omnibus est compertissimum, qui eius scripta utcumque attigere. Nequaquam tamen abhorrebat ab hac Cælestini humanitate, imò & Augustini; qui ut alibi perstrinximus, haud passus est resecari eos, quorum imbecillitas ab eius aliquot dogmatum asperitate resilliebat: haud vnquam ita, suam toto animo combibi voluit, ut aliorum Ecclesiæ Patrum doctrina fastidiretur. Sed quando huc delati sumus, pergamus porro hanc & Arausicæ Synodi, & Cælestinianæ definitionis modestiam, eiusdem Remigij, & Ecclesiæ Lugdunensis suffragio, & exemplo illustrare. Cum ergo de voluntate Dei omnes homines ad salutem prouehente sermo esset, quæ non

XII. Par moderatio postea fuit sancti Remigij, & Ecclesiæ Lugdunensis.

postrema est profundiorum illarum & difficilium questionum: atque circa eam aliarum & aliarum Patrum sententiae essent in medium prolatae, illae austerius, hae clementius voluntatem Dei interpretantes; sic Remigius hortatur: *Sit ergo inter nos etiam de hac re istiusmodi pia cautela & moderatio, quatenus & sanctis Patribus debitus seruetur honos: & quolibet quis acquiescat modo ex illis sensibus, qui de hac sententia ab eis positi sunt, non iudicemus esse haereticum. Sed potius vitemus contentionis malum, per quod etiam de pacificis & ecclesiasticis sensibus potest, qui contentiosus esse voluerit, haereticum efficere, quod sentit. Itaque in rebus talibus cohibeamus nos ipsos salubri moderatione: ut nec contemnere audeamus, nec quasi necessario affirmare conemur: memores semper illius Apostolicae sententiae, Si quis autem videtur contentiosus esse, nos talem consuetudinem non habemus, neque Ecclesia Dei. Et antè Carolus Magnus in Capitul. lib. 7. cap. 28. 29. Non debere quenquam ad iniuriam Doctorum vindicare doctrinam, &c. Profundiores quaestiones nec contemnenda sunt, nec penitus asserenda.*

XIII. Ex iisdem ostenditur, ut contentione quid haereticum fiat: & quam non deceat pro aliis Patribus, Patrumve sententiis adversus alias vel alios litigare.

Astruendae sanè huic sobrietati accommodatissima ista sunt, sed vereor, ut eorum ponderi ferendo simus. Quò enim evadent tam familiares contentiones, quibus & Patres & sensus alios aliorum autoritate ac mole obruere aestuamus, si per contentionis malum, etiam de pacificis & ecclesiasticis sensibus potest, qui contentiosus esse voluerit, haereticum efficere, quod sentit? Itane potest quis ecclesiasticos sensus tueri, adeoque verissimos: & eos tamen ita exasperare diuersorum, non tamen vero aduersorum sensuum, Patrumque his suffragantium, repudiatione, ut haereticum efficiat, quod sentit? Ita mihi quidem sonant verba Remigij. Haereticum est enim, non tantum falsa astruere, sed etiam vera destruere. Itaque qui vera sic astruit, ut vera etiam destruat: ille haereticus non iniuriā audit. Et quanquam non capiat, ut haec vera sibi clam consentiant: etsi eorum compugnantiam videre sibi videatur, venia tamen exortem facit contentionis malum.

Idem rursus ibidem mox rationem aliam suppeditat rei eiusdem, permagni & ipsam momenti. *Legamus ergo pacificè; & quantum Dominus donat, intelligamus dogmata ecclesiasticorum virorum; nec pro aliis doctoribus adversus alios litigemus. Quia & ipsi inter se pacifici, unusquisque in suo sensu abundauerunt, alius quidem sic, alius verò sic: expectantes fideliter atque humiliter, quod Apostolus promittit dicens: Et si quid aliter sapitis, hoc quoque vobis Deus revelabit. Nam qui non tranquille & pacifice moderatur quod sentit, sed statim paratus est ad contentiones, dissensiones, & scandala: etiamsi non habeat hæreticum sensum, certissime habet hæreticum animum.* Viden ut quanquam absit hæreticus sensus, subest tamen quandoque hæreticus animus, nempe ad dissensiones & scandala præceps; & veritatem quidem, sed inimicâ veritati pugnacitate, & eâ qua hæresis solet, impotentiâ atque insaniâ defendens? Exemplo statim res elucidatur. Cum enim dicat Apostolus, velle Deum *omnes homines saluos fieri*: hîc Patrum aliqui volunt, *omnes* intelligi *omnia genera hominum, omnium scilicet sexuum, conditionum, ordinum, dignitatum.* Ait autem Remigius, *Quid habet hæc intelligentia inconsequens, aut contrarium veritati?* Alij *omnes de universo genere humano generaliter & indifferenter* intelligunt. Et ibi Remigius, *Quid habet, inquit, mali, aut periculi etiam ista intelligentia?* Quanquam enim specie tenus hæc collidantur, in recessu tamen consentiunt. Et ambo sibi, & iste videlicet, & ille, licet diversa sentientes, fideliter atque unanimiter concordant. Et rursus eadem Lugdunensis Ecclesia lib. de tribus epistolis cap. 13. duplici similiter præmissa sententia, alia duriore, alia humaniore, de voluntate Dei omnium hominum salutis aspirante: subdit: *Quæ omnia cum tam obscura sint, & tam profunda atque perplexa, nollemus inter fratres & charissimos nostros aliquid de his contentiosè ventilari, vel temerè defini: sed potius quod in eis certum est, sine dubitatione defendi: quod autem etiam inter magnos diverso modo, sed non diversa pietate sentientes, ambiguum atque incertum remansit, etiam apud*

nos & reuerenter honorari; quia *centrum* eorum videtur esse falsum, vel fidei contrarium. Et magis in talibus inquietos & contentiosos ad tranquillitatis & sobrietatis modestiam pronocari: quàm pro inusitatis & minùs elucetibus rebus aliquem immoderatâ austeritate ac seueritate damnari. His non oscitanter perlectis, impensius, vt opinor, miraberis, & Celestini & Arausicanæ Synodi sapientiam, quibus in fidei definitione visum est supersedendum his quæstionibus tam profundis, atque perplexis, in quibus Theologi & olim & postea sensere diuerso modo, sed non diuersa pietate, adeoque nihil sensere falsum, vel fidei contrarium. Adeoque qui in his immoderatâ seueritate, atque austeritate damnandi abutitur, is non immeritò ipse damnabitur, vt qui per contentionis malum, etiam de pacificis & ecclesiasticis sensibus, hereticum efficere potuerit, quod sentiebat: aut vt qui etiam si fortè non habuerit hereticum sensum, certissimè habuerit hereticum animum.

XIV. Et mitioribus & durioribus Patrum sententiis assentiendum esse: idque exemplis declaratur.

Et idem Remigius iterum cum Ecclesia Lugdunensi lib. de tribus epist. cap. 14. disputationem adgreditur de morte Christi pro omnibus adita, & præmissis cæteris ea de re Augustini, aliorumque Patrum sententiis, ita tandem concludit; *Quod si inueniuntur aliqui Patrum, qui etiam pro impiis in suâ impietate permansuris Dominum crucifixum dicant, &c. Si placet, sicut & nobis multùm placet, vt etiam istorum sententia ex pietate veniens, propter pacem & venerabilem pietatem beatissimorum Patrum non renuatur: nullâ ergo contentione pro aliis aduersus alios litigetur: non vna sententia pro alterâ damnetur. Et quia verè fieri potest, vt ignorantiam, vel imperitiâ nostram in hac re aliquid lateat; nihil temerè definiatur: vt quolibet quis acquiescat modo, non sit hereticum, nisi contentione hereticum fiat. Et rursus cap. 24. de Deo volente omnes homines saluos fieri, commendata Augustini interpretatione, subiicit: *Et licet alij quidam sancti & venerabiles Patres simpliciter illa Apostoli verba accepisse inueniantur; utrorumque tamen sententia fuerat honoranda: nec, vt iam superius dictum est, vna pro alterâ damnanda. Quia & il-*
la*

la ex diuinâ authoritate vera esse monstratur: & ista quâdam piâ ratione non abhorrere à veritate fideliter creditur. Tum reflectitur iterum sermo ad pretium Christi sanguinis pro omnibus fusi; Iam illud de domini. i. sanguinis pretio, quod pro his tantum qui credere voluerint, datum sit, manifestum est, sicut supra satis ostendimus eorundem beatorum Patrum sententiâ. Vnde etsi inuenti sunt alij æquè Patres, qui illud gloriosum pretium, etiam pro nunquam credituris, & in suâ impietate perituris datum esse non abnuant; melius, ut credimus, utrique honorarentur, nec pro aliis alij damnarentur. Quia & illud manifestè diuinâ authoritate firmatum est: & istud, si piè sentitur, non est abnuendum. Et cap. 25. rursus de Dei voluntate saluifica, & mitiori, & imitiori Patrum sensu perstricto, ait: Ne propter istum ille damnetur, sed potius utrique sensui propter veracem & piam Patrum authoritatem fideliter obediatur. Et denique cap. 27. denuò de morte Christi: Quod si & aliqui Patrum pro omnibus omnino hominibus Dominum passum intellexerunt; honoretur & iste velut pius sensus: dummodo ille prior qui est certissimus, & diuinâ veritate firmatus, nullâ presumptione contemnatur: vel, quod est grauius, damnetur.

Atque ut ne diutiùs ambigas, quinam ex Patrum Senatu mitioribus his suffragentur sententiis, illam dubitationem expunget, atque antedictis noua adminicula adiiciet Lupus Seruatus, præclarus eiusdem æui scriptor, & Augustinianæ ipse quoque doctrinæ præcipuus admirator. Sic ergo ille quæst. 3. seu de redemptione sanguinis Christi: Quidam velut blasphemum vehementer execrantur & damnant, quod derogetur plurimum Redemptori, nisi generaliter omnes homines redemerit. Nos autem saluâ fide causam ita in medio relinquamus, ut si quilibet eundem sanguinem Redemptoris prodesse aliquid etiam perditis valeant demonstrare: non solum resistamus nihil, verum etiam libenter in eorum sententiam transeamus. Nam si Sol cecos non illuminet, tamen fouet: Cur non potentior Sol, tametsi non saluat suo merito excacos atque damnatos: tanti præij merito puniat mitius? Et

Eccc

XV. Græcorum de Gratiâ Scriptorum clementia cum Augustino non pugnat.

586 DISSERTATIO DECIMASEPTIMA

paucis interpositis: *Verum ne me irridendum, & respuendum pronuncient, quibus placet omnes siue bonos, siue malos indifferenter à Christo redemptos: ponam unum, quod cum eis faciat testimonium, & eos omnes, ut opinor, in gratiam reduxero. Ioannes Constantinopolitanus doctrinâ & sanctitate iuxta insignis Episcopus: Ut gratia Dei pro omnibus gustauerit mortem, sic exposuit: Qualiter gratia pro omnibus gustauerit mortem non pro fidelibus tantum, sed pro uniuerso mundo. Et ipse quidem pro omnibus mortuus est. Quid autem si non omnes credant? Id quod suum erat, impleuit. Vbi & mediocritati aureæ vehementer nobiscum fauet, & illas clementiores de voluntate Dei omnium saluificâ, de Christi morte omnium salutis dicata, de gratia denique diuina sententias, Chrysostomi esse docet, adeoque Græcorum, Chrysostomi ferè sequacium; ut Latinos sileam eos saltem, qui Augustini æuum antecessere.*

XVI. Antedictorum conclusio, Pacis & veritatis vias expeditiores indigitans.

Ex quibus illud manifestè elucescit, peruersum esse, quòd quidam Patres Patribus collidunt, Orientalibus Occidentales, Græcis Latinos, Augustino Chrysostomum, Augustino posteriores Latinos anterioribus: quasi intestino inter se & implacato sententiarum dissidio belligerentur; ac necesse sit, optare, quorum transfuga, quorum commilito esse velis. Quo nihil in re Theologicâ insolentius. Eccubi enim in tam spatiofo ecclesiasticæ fidei ac doctrinæ campo, ita Patres inter se conflantur? Aduersus cæteras hæreses vna omnium conspi ratio, vna acies est. Quin ergo & aduersus Pelagianas insanias consentire sibi omnes existimantur? Quæcumque supersunt acta Synodorum, maximè generalium, ea peruolue; vbique Patrum concentum præ se fert Ecclesia, nusquam rixam aut dissidia. Cælestinus maximè & Arausicana hæc Synodus indiscriminatim non alicuius aut aliquorum seorsim, sed *Patrum* sententiæ inhærendum, nempe ut nusquam dissonanti, tradunt. Incurren- tium quoque extra fidei substantiam quæstionum eluci- dationem, nec contemnendam, nec necessariò astruen-

dam, Cælestinus vniuersim peti monet ab iis, qui hæreticis resistunt. Ita & Remigius aiebat, sanctis Patribus seruandum honorem, & sicubi illi diuersa sentiant, salubri utendum moderatione, vt nec contemnere audeamus, nec quasi necessario affirmare. Nec enim pro aliis doctoribus aduersus alios litigandum, quippe & ipsos esse inter se pacificos: vbi maximè hinc & hinc videntur conflictari, ambos sibi licet diuersa sentientes, fideliter atque vnanimiter concordare. Si quid inter magnos Patres diuerso modo, sed non diuersâ pietate sentiatur, ambiguum id remanere debere, & reuerenter honorari. Etiam vbi alij plurimâ eruditionis copiâ, alij simpliciter, quadam piâ ratione, vel pietate, diuersum quid sentiunt, utrorumque sententiam honorandam: Etenim melius utrique honorantur; nec pro aliis alij damnantur: item utrique sensui proper veracem, & piam Patrum auctoritatem obediendum. Hic modus est, hæc via explicatissima, non fouendæ tantum pacis & charitatis, sed fruendæ etiam veritatis, ad quam per charitatem intratur. Sæpe enim quid contentione hæreticum sit: sæpe per contentionis malum etiam de pacificis & ecclesiasticis sensibus hæreticum quid efficitur. Illud quoque etiam atque etiam pensiculandum, quia verè fieri potest, vt ignorantiam vel imperitiam nostram in hac re aliquâ lateat, ideo nihil temerè definiendum, nempe à priuatis tractatoribus. Nam Sedis Apostolicæ definitionibus quantum & hæc Synodus & Remigius cum suâ Ecclesiâ venerationis impenderit, in aperto est. Postremo huc Concilia, huc Pontifices, huc Patres nostra studia impeilunt, vt industriam, operamque omnem non in discordiâ Patres inter serendâ, sed in eorum mutuâ inter se pacem rimandâ ponamus. Si fallat nos autem clandestina eorum inter se concordia, hebescere potius acumen nostrum intelligamus, quàm totam hallucinari ecclesiasticam antiquitatem, huius concordie testem & admiratricem. Hoc saltem argumento reuincamus istos fabulosæ discordie authores, quod non Græcos tantum Latinis, Chrysostomum Au-


gustino, Latinos anteriores posterioribus, sed ipsum sibi Augustinum iuuenem seni, imò senem seni committunt, & ipsius aduersus ipsum armis librisque dimicant. Nimirum recti tramite semel omisso, per auia iam aguntur præcipites; & quo ipsi intus laborant diuidio, eo orbem omnem æstuario sibi fingunt.

XVII. Pacis viatutissima, Patrum concordia; ex Concilio Florentino.

Vtque pulcherrimo res ista finiatur exemplo, aliqua hinc decerpam ex Georgij Scholarij orat. 3. ad Concilium Florentinum, quibus aperitur ea ratio, quæ in eâ Synodo ad Græcos Latinæ Ecclesiæ conciliandos necessariò tandem inita est. Cùm enim Græcorum contumacia suæ tantùm gentis Patribus assurgeret, qui processionem Spiritus sancti à Filio, quia subobscurius docent, refellere eis videbantur: Latinorum autem Patrum id enucleatissimè docentium auctoritatem detrectaret: non alio ferè potuit consilio pax, fideique vnitas constitui, quàm pace retro Patribus ipsis vtriusque gentis redditâ, & pari vtriusque reuerentia, vt à se mutuò nihil discrepantibus, adsignata: *Non erunt porrò Scripturæ quidem pronuntiata concilianda inter se, vt maximè oportet; eorum verò interpretes, aut ubi ea elucidant, aut ubi de illis disputant, in oppositas sententias distrahendi: Sed par in illos quoque nauanda beneuolentia, nullique deneganda illa obseruantia, quæ omnibus debetur. Nam si hos quidem recipiendos atque in honore habendos, alios verò censuimus reiiciendos: putantes inter se illos pugnare; nihil frui nobis licebit reuerentiâ, quâ Scripturas honoramus: interturbatâ pace Scripturarum per apparentem pugnam Doctorem, &c. Discrepantia crimen ab eis ad Scripturas vel inuiti transferemus, & Spiritui sancto adscribemus, à quo Scripturæ manarunt; & illos quidem examinasse omnia rectè atque prudenter, Scripturam verò illis dedisse causas pugne arbitrari-mur. Ad hæc sapientiores nos, sanctioresque illis ostendemus, si veritatem quidem Scripturarum nos assequi possumus, & cum aliis Doctores concordare: ipsi verò neutrum sunt assecuti & opinati sunt quæ non oportebat, & bellum cum fratribus perpetuum susceperunt. Quæ tanta pernicies vt ab ipsis fidei cer-*

uicibus propulsetur, subdit: *Etsi viderentur Sancti digladiari inter se, aut certè sermonibus oppositis de rebus propositis vterentur: ne sic quidem esset difficile eos inter se conciliare, verborumque pugnam tollere per convenientiam sensus. Non enim deessent nobis ad hoc via quedam & praeclara inuenta, quae subministrat ubertas Philosophica, si vellemus apparentes oppositiones diluere cum adminiculo veritatis. Nunc autem non ita se habere sanctorum scripta omnes videmus: sed multa illis tranquillitas est, & emittunt nobis eminus concordia radios. Quod si quid etiam in illis discrepantiae mixtum est, superficiei tenus illud est, atque in speciem. Et paulò infrà longè præstantissimè: Mibi videtur nihil posse tutius contingere hominibus, qui se existimant reddituros rationem vitae pariter ac opinionis. Quamuis enim ita futurum esset, ut à veritate aberraxemus; idonea tamen nobis esset apud Deum excusatio: quod pacem habere voluerimus post longa dissidia, depositisque controuersis in unam omnes ire sententiam. Cum verò nobis ipsis non consideremus, ad Scripturas accurrerimus, & Doctores. Apparente verò in iis etiam discrepantiâ quâdam: considerauerimus nullum esse posse vestigium pugnae & erroris in illis, qui sunt Spiritus Dei afflatu edocti: volentesque omnibus aequè conseruare opinionem sanctitatis, conciliatores potius, quàm iudices ipsorum sederimus: & illi quidem à nobis, quoad eius fieri potuit, in unam redacti concordiam, postea verò & nos uniti fuerimus: delectaque à nobis hac pacis via, uti tutior aliis, multa & manifesta habentibus coniuncta pericula. Tempero mihi, ne plura accumulem. Et hîc porrò agitur de Græcorum, Latinorumque Patrum concordia, nostraque inde religata pace. Quæ ego hætenus attigi, quæ ad disciplinam pertinent. Dogmata enim ipsa enucleare non huius quidem est opusculi institutum.*





DISSERTATIO XVIII.

IN

SYNODVM ROMANAM

Anno Christi 532.

SYNOPSIS.

In dubiis fidei questionibus, consulenda Sedes Petri, eique assentiendum est. Ostenditur id primum exemplo Orientalium, Romanos Pontifices percontantium, an Vnus de Trinitate passus: An Maria propriè & veraciter Dei mater dici deberet. Hormisda Papa in his dispensatio, & consensus cum Ioanne successore adversus Heterodoxorum calumnias declaratur. Vsq̃ue ad num. XVII.

Tum uniuersim demonstratur ex sanctis Patribus, consulendam in fidei discepsationibus maximè Sedem Apostolicam, eiusque iudicio standum esse. Vsq̃ue ad num. XXIX.

Longè plures hareses auctoritate Romani Pontificis principaliter contritas esse, prolixâ enumeratione euincitur, vsque ad num. XXXV.

Græcorum consensus in hoc primæ Sedis privilegio constituen- do, vsque ad num. XLIII.

Galliscanorum Conciliorum, Pontificum, Scriptorumque unanimis ad idem consensus: tum antiquissimorum, tum mediæ ævi, tum denique iuniorum, vsque ad Constantiensis Synodi tempus: cum eorum pauci quidam secus sentire ceperunt; nec suam ipsi tamen dissimularunt, & nouitatem, & paucitatem. Vsq̃ue ad num. LXXVI.

Etiamnunc & iam olim unam apud Occidentales maximè om-

res, & Gallos ipsos Antistites haberi, Romani Pontificis, atque Ecclesie uniuersae, hoc est, Capitis & Corporis vim, sententiam, auctoritatem. Vsq̃ue ad num. CI.

Occurrentes quidam scrupuli amouentur; tota hac doctrina ad summum quadam religatur fastigia: denique ne defensoribus quidem ipsis seu privilegiorum seu libertatum quarumcumque refugiendam esse hanc sententiam ostenditur. Vsq̃ue ad calcem.

IN ambiguis circa fidem quaestionibus, relatum esse toto ex orbe ad Sedem Apostolicam: & quod illa definisset, etiam ante Synodum oecumenicam, inconcussa fide in Catholicum dogma receptum esse, hoc manifestissime exemplo patebit. Cum enim in Oriente disceptaretur, an vnus de Trinitate passus dici deberet: ea de re ad Hormisdam relatio missa est à Iustino Imperatore, Iustiniano Comite, & Epiphanio Episcopo Constantinopolitano.

I. In dubiis circa fidei consulenda Sedes Petri, eique auscultandum.

Et primò quidem ita consulitur Pontifex, vt in eam, quam ille amplexus fuerit partem, omnes consensuros indubium sit. Ita enim Iustinianus ad Hormisdam: *Illud etiam magis magisque deposcimus, vt tua sanctitas concepta gratia celesti, qua pretendunt Orientales Episcopi, tractare dignetur, eorumque fidei competentem praebeere consensum. Nobis enim videtur, &c.* Sibi videri ait, vnum de Trinitate passum: & mox; *Rogamus igitur reuerendissime salutantes, vt iudicij futuri memores, causam taliter ordinetis, ne quid dubitationis relinquatur in posterum.* Et rursus idem ad eundem, eadem solui dubia flagitans, de nominibus quorundam Acacianae communionis Episcoporum, & de vno in Trinitate passo: *Ostendat tunc Apostolatus, quod Petro successit Apostolo, quoniam Dominus à vobis utpote summis pastoribus exacturus est vniuersorum salutem, qui poterant esse salui firmitate concordia. Nos enim finitis capitulis, de quibus scripta suscepistis, ultra non patiemur à quoquam controuersiam religionis in republica nostra moueri: nec vestram sanctitatem conuenit audire superflua concertantes.* Et idem Iustinianus ad eundem

II. Probatum id primò exemplo Orientalium Hormisdam Pontificem consulendum.

Post epist. Horm. 71. 76. 65.

Post. ep. 76.

Horm. *Quidam predicant Christum pro nostra salute crucifixum unum de Trinitate debere predicari. Quod si suscipiendum sit, paterna pronissione reverentia vestra cautissimo suo rescripto quid sequi, quidve super hoc evitare debeamus, nos certiorare dignetur. Quoniam verba videntur facere dissensionem. Nam sensus inter catholicos omnes unus esse probatur. Imponite igitur vobis semel susceptum laborem, etiam in hoc predecessores vestros sequentes: & de hac intentione liberos nos properatè reddere & securos. Hoc enim credimus esse Catholicum, quod vestro religioso responso nobis fuerit intimatum. Et Hormisda ipse ep. 79. ad Iustinum Imp. quâ incarnationis arcanum prolixè referat, ita orditur, Inter ea quæ ad unitatem Ecclesiæ pertinentia, in literas contulistis: hac quoque cura fidei, cui multipliciter vos studere declaratis, adiecit, ut aliquorum preces perfrendæ ad humilitatis meæ notitiam iungerentur, quibus vel quid questionis oriretur agnoscerem: vel ad summonendum proposita consultationis ambiguum responsum à me religiosa scientia conveniens redderetur. Decretorium ut vides iudicium, cui omnes deinceps acquiescerent, expectabatur à Sede Petri.*

III. Rursus de eodem ex epist. Iustiniani Imperatoris.

Et rursus idem Iustinianus ad imperium iam prouectus, ad Ioannem II. Papam ita eadem de re scribit: *Manifestum facimus sanctitati vestræ, quod pauci quidam infideles & alieni, sanctæ Dei Catholica atque Apostolica Ecclesiæ contradicere iudaicè atque apostolicè ausi sunt; adversus ea quæ ab omnibus Sacerdotibus secundum vestram doctrinam rectè tenentur, &c. negantes Christum incarnatum atque crucifixum, unum esse sanctæ Trinitatis, &c. Omnes verò sacerdotes sanctæ Catholica atque Apostolica Ecclesiæ, & reuerendissimi Archimandrita sanctorum sequentes vestram sanctitatem, & custodientes statum & unitatem sanctarum Dei Ecclesiarum, quam habent ab Apostolicâ vestra sanctitatis Sede, &c. uno consensu confitentur unum esse sanctæ Trinitatis, &c. Omnes sacerdotes sequentes doctrinam Apostolicæ Sedis vestræ ita credunt, & confitentur & predicant, &c. Petimus ergo vestrum paternum affectum, ut vestras ad nos destinetis literas; & ad sanctum alma huius verbis Patriarcham fratrem vestrum, quoniam & ipse scripsit ad vestram sanctitatem,*

Et tatem, festinans in omnibus sequi Sedem Apostolicam beatitudinis vestra; manifestum nobis faciatis, quod omnes, qui praedicta rectè consentiunt, suscipit vestra sanctitas: & eorum qui Iudaicè ausi sunt rectam denegare fidem, condemnat perfidiam. Plus enim ita & circa vos omnium amor, & vestra Sedis crescit auctoritas: & qua ad vos est unitas sanctarum Ecclesiarum, inturbata seruetur, quando per vos didicerint omnes beatissimi Episcopi, eorum qua ad vos relata sunt, sinceram vestra sanctitatis doctrinam. Hæc ille cum sui quidem prærogatiuâ suffragij, & ex præiudicio communis fidei, omniumque Orientis Episcoporum consensionis: sed consultabundus tamen refert ad Romanam Sedem, ut ad caput Ecclesiarum, ab eius responso pendet, & pendere omnes Orientis Ecclesias significat: ei omnes assensuros: eius doctrinæ, quidquid hætenus senserint, consensisse profiteretur.

Responsione suâ Ioannes edictum Iustiniani eâ de causâ promulgatum confirmat: Comperimus, quod fidelibus populis proposuistis edictum amore fidei pro submouendâ hereticorum intentione secundum Apostolicam doctrinam, fratrum & Coepiscoporum nostrorum interueniente consensu; quod quia Apostolica doctrina conuenit, nostrâ auctoritate confirmamus, &c. Hæc est vera nostra fides, hæc certa religio, hoc beata recordationis Patres omnes, Prasulesque Romana Ecclesia, quos in omnibus sequimur, hoc Sedes Apostolica & inconcussè custodinit. Huic confessioni, huic fidei quisquis contradictor extiterit, alienum sanè à communione, alienum seipsum ab Ecclesiâ indicauit esse Catholicâ. Addit Cyrum & alios Acoëmetas Romæ deprehensos, in errore suo pertinaciter hærentes: se obseruantem ea, qua ab ipsorum sunt statuta Pontifice, minimè eos in suâ communione recepisse, & ab omni Ecclesiâ Catholicâ esse iussisse alienos. Auitæ ergo fidei præiudicio, imò & consensionis suæ decreto frui interim potuerant Orientales Episcopi, eorumque instinctu potuerat Imperator edictum fidei promulgare; id enim totum laudat Pontifex: dum supremum tamen ad tribunal Petri omnia referrentur, & eius decretoria expectaretur sententia. Quo-

IV. Item ex responsione Ioannis Papæ.

Ffff

circa rursus idem Ioannes epist. 3. *Iustinianus Imperator filius noster, de his tribus questionibus orta certamina fuisse signavit, Vtrum unus ex Trinitate Christus & Deus noster dici possit. An Deus Christus carne pertulerit, impassibili Deitate. An propriè & veraciter mater Domini Dei nostri Christi Maria semper virgo debeat appellari. Probauimus in his Catholicam Imperatoris fidem, & ita esse Prophetis & Apostolicis, & Patrum exemplis euidenter ostendimus. Tum syluam testimoniorum constipat.*

V. Vnum de Trinitate passum dici, nunquam damnauit Hormisda.

Quod autem repudiasse primum illam propositionem de vno in Trinitate passo, & eius defensores Monachos Scythas auersatus esse Hormisda Pontifex visus fuerit: ideoque à Ioanne Maxentio exagitatus sit, & à nuperis Seditariis passim traducatur: id quoque vt excutiat, retro flectenda tantisper vestigia sunt. Igitur & à Possessore Episcopo Africano Constantinopoli agente, & à Monachis Scythis Romam profectis, eâ de re Hormisda consulebatur. Rescripsit verò ille Possessori ea, quibus non falsam, sed nouam propositionem auersabatur, eiusque vindices non vt errori, sed vt curiositati, & rixandi libidini implicatos obiurgabat. *Nunquam apud eos charitas, nunquam pax, vna pertinacis cura propositi, rationi velle imperare, non credere. Contemptores authoritatum veterum, nouarum cupidi questionum, & alia in eum sensum. Et in epist. 79. ad Iustinum Imp. Quid est, quod emergentibus Nestorij & Eutychetis venenis paterna omisit instructio? &c. Reuoluantur decreta synodica, & beati Papa Leonis conuenientia sacra fidei constituta. Quid ergo post illum fontem fidelium statutorum, quid amplius, si tamen fidei terminum seruat, quamlibet curiosus scrutator inquirat? Nisi fortè manu quisquam dubitare, quàm credere: certare, quàm nosse: sequi dubia, quàm seruare decreta. Et mox de incarnatione ea copiosè disputat, ex quibus illius propositionis emicat veritas; quâ tamen, quia nouitatis ergo tumultuationes excibat, abstentum esse, curiositati-que frænones iniici mallet.*

VI. Ex Ioanne

Et ipse Ioannes Maxentius confitetur, circa eam pro-

positionem nihil responsi dedisse: eius authores, ut litium nouarum satores abhorruisse. Nam contra præfatam Hormisdæ epistolam sic disputat; quam Hormisdæ esse, vel falsus, vel fallens negat: *Ambigo quomodo illa sacerdotales literæ approbandæ sint, quæ nullâ luce radiant veritatis: nec aliquam in se doctrinam continent rationem. Nam qui quemlibet quasi errantem obiurgat, nec instruit quid sequatur, non benivolus lector ostenditur, sed criminator inuidus denotatur. Et paucis interpositis: Quod monachis responsum quarentibus Romanus Episcopus dare omnino distulerit, eosdemque post multa pericula maris longique itineris vexationem, nec non etiam prolixæ temporis afflictionem, quo eos apud se detinuit, vacuos & sine vlllo effectu, ad has partes venire compulerit, quod omnibus penè Catholicis notum est, nec ipsi queunt hæretici denegare, &c. Et mox: Si ut dicit, rationi congruit respondere consulas, cur ipse nullatenus acquieuit dare responsum interrogatus? &c. Si ut sequens adiunxit, nihil est aptius studioso religionis, quàm inquisitio veritatis: quomodo inferius nouarum cupidos quæstionum accusat, veritatis inquisitores? Cur denia vitare volentes, iter per quod graderentur, noluit edocere? Ergo nec literarum, nec viuæ vocis oraculo, responsum vllum aut definitionem protulit Hormisdæ, solam insatiabilem & nouarum in dies propositionum litiumque seminatricem infectatus est curiositatem; quo nihil tum erat consultius, cum illam propositionem alij in alios raperent sensus; & ita illam vel inurerent, vel absoluerent; & in vna fide starent quidem, sed verborum ambiguo illuderentur.*

Maxentio ipso
id ostenditur.

Quanti autem facerent Sedis Apostolicæ oraculum isti ipsi Monachi, declarat idem mox Maxentius: *Pro hac solâ sententiâ Scytharum monachos constat ad Romanum fuisse profectos Episcopum, sicut omnibus Catholicis notum est, non solum in hac regiâ urbe, verum etiam in vniuersâ Italiâ. Nam & ipsi hæretici, ad hoc ubique hanc ipsam, cui respondimus epistolam, proferunt, quatenus & sapediectis monachis inuidiam concitent, & omnes quasi ex autoritate eiusdem Romani Episcopi prohibeantur Christum Filium Dei vnum confiteri ex Trinitate.*

VII. Maxentius
& Scythæ Mo-
nachi quanto in
pretio habuerint
oraculum primæ
Sedis.

Ffff ij

Sed quis hanc sententiam Catholicam non esse ausus est profiteri, quam uniuersa veneratur & amplectitur Dei Ecclesia? Confidenter enim dicere audeo, non quod si per epistolam, sed quod si viuâ voce hic in presenti positus idem Romanus prohiberet Episcopus, Christum Filium Dei confiteri, unum ex sanctâ & indiuiduâ Trinitate, nunquam eidem Dei Ecclesia acquiesceret. Nunquam ut Episcopum Catholicum veneretur: sed omnino ut hereticum penitus execraretur, &c. Sed absit ut ex qualibet parte, Catholica professioni Romanus Episcopus contradicat. Ergo Constantinopolin Romæ postposuerant, & tam longi itineris marisque tædia pertulerant Monachi, Romæ quatuordecim menses sustinuerant, opperientes responsum Sedis Apostolicæ, utique ut illi cederent. Quo ille enim alioqui labor? 2. Vtrimque ambiebatur consensus Romani Præsulis, ut omnes quasi ex autoritate Romani Episcopi frangerentur. 3. Ea indubiè sententia Catholica est, quam uniuersa amplectitur Dei Ecclesia: sed absit ut ex qualibet parte Catholica professioni Romanus Episcopus contradicat. Quâ utrâque propositione nihil video certius, nihil constanter dici. Primò id Catholicum esse dogma, quod uniuersa amplexatur Ecclesia. Secundò nunquam contigisse, nunquam fore ut contingat, Romanum Episcopum à sententiâ uniuersæ Ecclesiæ deuiare. Christo nempe ita Ecclesiam suam sospitante, ut concinat caput corpori, corpus capiti. 4. Si quid præter fidem doceret Romanus Pontifex, non acquiesceret illi Ecclesia. Adeoque ubi uniuersa illi acquiescit Ecclesia, indubium est Catholica docuisse; & ita hæreseos se immergit profundo, si qua paucitas non consentiat Pontifici docenti & consentaneam habenti Ecclesiam Catholicam, extra etiam œcumenicæ Synodi congregationem. Et ne quis dissentire posse Romanam Ecclesiarum magistram ab orthodoxâ fide inde arguetur, quod si dissentiret, tum illi non consensura dicitur Ecclesia uniuersa: aduerte quid Paulus, quid ex Paulo doceat nos Vincentius Lirinensis. Commonit. 1. c. 12. Licet aut. nos, inquit, aut Angelus de

celo euangelizet vobis, praterquàm quod euangelizauimus vobis, anathema sit. Quid est, quod ait, Sed licet nos? Cur non potius, Sed licet ego? Hoc est, etiamsi Petrus, etiamsi Andreas, etiamsi postremo omnis Apostolorum chorus euangelizet vobis, praterquàm quod euangelizauimus, anathema sit. Parum est. Etiamsi Angelus, inquit, &c. Non quia Sancti, caelestesque Angeli peccare iam possint: sed hoc est, quod dicit: Si etiam, inquit, fiat, quod non potest fieri: quisquis ille traditam semel fidem mutare tentauerit, anathema sit. Non infrequens est ea disputandi ratio, quæ largitur id fieri, quod non potest fieri.

- Et quanquam maledicentissimo scripto Maxentius ^{VIII. Rursus de eodem.} Hormisdam Pontificem, eiusque epistolam proscindat, suæ tamen illum sententiæ astipulatorem esse euincit. Non aliter enim victoriam sibi constare posse sentit, nisi consensu Sedis Petri illam assequatur. Absit ut ex qualibet parte Catholica professioni Romanus Episcopus contradicat. Nunquam enim Scytharum monachos, quos non simplici sermone, sed etiam scriptis Christum Filium Dei vnum ex Trinitate nouerat confiteri: per quatuordecim penè menses, quandiu eos ibi detinuit, communicare sibi permisisset, si ut hæretici volunt, hanc prædicationem Catholica fidei contrariam indicaret. Qui etiam, ut se à prauitate proprii legati purificaret, multis idoneis viris presentibus, Romanum virum glorios. mag. mil. deprecatus est, quatenus sua verba piissimo Imperatori insinueret, quæ huiusmodi fuere: Nisi Christum Filium Dei, qui pro nobis passus est in carne, vnum esse ex sanctâ & indiuiduâ Trinitate fuerit confessus Dioscorus, pelago demergatur. Valde multis igitur & præualidis argumentis euincit Maxentius fidei Monachorum Scytharum consensisse Hormisdam.

Quin & Dioscorum ipsum, quem legatum Constanti- ^{IX. Assensus ei propositioni Hormisda declaratur. Et de variis eius sensibus.} nopolin eâ de re miserat Hormisda, quemque ut aduersatum iis, qui vnum ex indiuiduâ Trinitate dicerent Christum, effrenatissimâ maledicendi licentiâ insectatur Maxentius: fatetur idem ipse tamen assensum esse, ut vna persona Christus ex Trinitate diceretur. Ecce autem

Efff iij

qui vnam ex Trinitate personam confitebatur Christum, vnum ex Trinitate dicere pigritaretur Dioscorus: non id erat causæ vt calumniatur putidissimè Maxentius, quòd personam sustineret & ageret Dei Verbi, velut in mimo, cùm Deus Verbum non esset: sed audienda à Ferrando Diacono verissima rei eius causa. Sic enim ille in epist. ad Seuerum Scholasticum, feruente harum concertationum æstu, scripsit num. 9. *Videndum reor diligentius, cur Dominus Iesus Christus vnus esse de sanctâ & indiuiduâ Trinitate nimis cautè à quibusdam negetur. Tribus enim modis, quantum mea fert opinio, sententia huius suspecta redditur propositio. Primus modus est, ne ideo Christus vnus de Trinitate predicari putetur, vt alius ipse, alia Trinitas de quâ vnus esse dicitur, inculcetur. Velut cum de Patre esse Filium credimus, alius est proculdubio Filius, alius Pater de quo est Filius. Secundus modus est, ne fortasse vnus de Trinitate fraudulenter insimetur, propter hoc videlicet, vt non eius humanitas, sed diuinitas predicetur esse passibilis. Tertius modus est, ne queratur, quid vnus? Vt si Gabrielem vnum ex Angelis, Petrum vnum ex hominibus esse dixeris: & rogeris, quid vnus? respondebis vtique, vnus Angelus, vnus homo: Cùm verò dixerimus Christum vnum de Trinitate, interrogati, Quid vnus? non possumus dicere, vnus Deus, quia Trinitas illa non est Deorum, &c. Non possumus respondere, vnus Filius: quia Trinitas illa non est Filiorum. Hos ergo scopulos reformidabant, qui vnum de Trinitate Christum grauabantur dicere, adeoque nullâ grauiori censurâ notandi erant, quàm quod nimis cautè verba trutinarentur, vt hæreticorum dolosos calles declinarent.*

Quibus autem placebat vnam de Trinitate personam potius, quàm vnum de Trinitate dici Christum, postremæ huic difficultati occurrere illi gestiebant. Nec enim salebrosâ illâ poterant illaqueari interrogatione, Quid vnus? cùm vnam personam dicere præcepissent. His ergo consequenter Ferrandus fauet: *Et si dicitur ita dici, vnus Dominus Iesus Christus de sanctâ Trinitate, tanquam si*

dicatur una persona : rectissime hoc dicitur ; sed conuenientius modò , si hoc ita videtur , una persona , quàm vnus dicitur : ne parum intelligentibus aut malè suspicantibus scandalum procuretur. Nemo cordatus Ferrando , quàm Maxentio plus fidei commodandum negabit in hoc negotio.

Porro hinc quoque Hormisdæ sapientia admiranda impensius venit , qui solam nouitatem & iurgiorum se-
mentem in hac propositione & eius architectis auersatus
erat. Ex Maxentio enim , Ferrando , aliisque eius æui
scriptoribus explorata sunt prælia , tunc Inter Catholicos
super hac re decertata ; vtrisque hinc & inde alias ex aliis
distinctiunculas , sensuumque minutias comminiscen-
tibus , & implacata ferentibus iurgia. Nam vt Ferrandus
mox docet , quidam eorum qui vnum de Trinitate Chri-
stum pernegabant , confitebantur vnum esse ex sancta
Trinitate. Vsque adeo acumen ingenij humani , vbi plùs
æquo indulget sibi , inaudita subtilitatum monstra quæ-
dam parturit ; vt plerumque longè satiùs sit , quod Hor-
misda cupiebat , in totum ab his temperari. Cui dispen-
sationi suffragatur ad calcem eius epist. Ferrandus : *Vnde
desistendum à contentionibus reor , expectandum potius persua-
dens , patienterque hanc dubitationem ferendam ; donec vniuer-
salis Ecclesia auctoritate vel pronuncietur suscipienda , vel pro-
datur abiicienda. Nec enim fides vera , si de hac sententiâ tacea-
tur , minùs predicabitur ; aut nisi per hanc sententiam roboretur ,
minùs firma existimabitur. Cùm etiamsi ita esset , sequi nos A-
postolica verba plùs deceret , vbi nobis dicitur , verumtamen in
quod peruenimus , in eo ambulemus. Et , si quid aliter sapitis ,
hoc quoque vobis Deus reuelabit. Ad hoc peruenimus , scire Do-
minum Iesum Christum ex duabus , atque in duabus substantiis ,
vel naturis vnâ habere personam. Hoc teneamus , hoc sapia-
mus , hoc predicemus. Et si quadam verba minùs cantè profera-
mus , vel plùs fortè solliciti taceamus , velut si quid aliter sape-
remus , hoc quoque Deus nobis reuelabit. Quo sapientiæ tem-
peramento nihil pulcrius. Obserua hîc autem hanc in-
ter Catholicos hinc & inde homines exarsisse controuer-*

X. Sapientissima
Hormisdæ dis-
pensatio in tanto
conflictu Catho-
licorum super a-
liis & aliis sensi-
bus eius propo-
sitionis.

siam, peccasse Maxentium, & si qui cum eo alij diuersas partes sectantibus illinebant hæreseos infamiam. 2. Superfederi in totum potuisse hac propositione, nec ex eius silentio vllum in fidei incolumitatem imminere potuisse periculum. 3. Probos omnes Ferrandi similes, ita alternasse, vel ita se vni parti addixisse, vt tamen dubitationem illam patienter ferendam scirent, & Ecclesiæ vniuersalis definitionem opperiendam. 4. Catholicè utroque de Verbi inhumanatione sensisse, de verbis altercatos esse; cum huic propositioni alij sensus Catholicos illigarent, alij hæreticos subesse suspicarentur; vtrisque conueniret de sensibus Catholicis vel hæreticis, de eorum ad hæc verba alligatione disconueniret. Itaque vt summum culpari non poterant vtriuslibet, nisi quod *illi nimis cautè, nimis sollicitè tacerent, hi minùs cautè prædicarent quædam verba.*

XI. Ex Ferrando Sedis Apostolicæ præ cæteris fuit definire in fidei causâ.

Sed vt standum in his fuisse iudicio Sedis Apostolicæ intelligas, idem Ferrandus initio eius epistolæ: *Loquantur & prædicent, quibus honor sacerdotij docendi auctoritatem tribuit, nos discere parati sumus, docere alios non præsumimus. Interroga igitur, siquid veritatis cupis audire, principaliter Apostolica Sedis Antistitem; cuius sana doctrina constat iudicio veritatis, & fulcitur munimine auctoritatis. Interroga plurimos per diuersa loca terrarum Pontifices. Consulendi sunt utique omnes Episcopi de fide, utpote à Deo constituti Ecclesiæ Doctores: sed consulendus principaliter Apostolicæ Sedis Præsul, quod eius sana doctrina constet iudicio veritatis, & fulciatur munimine auctoritatis.* Itaque cum idem addat id sequendum, quod *vniversalis Ecclesiæ auctoritas* definierit, non disiungitur vniversalis Ecclesiæ & Sedis Apostolicæ, seu corporis & capitis auctoritas, doctrina, oraculum. De Synodi vniversalis conuocatione nec vno verbo meminit Ferrandus.

XII. Cur Catholici quidam circa hanc propositionem fluctuarent,

Et rursus idem Ferrandus epist. ad Anatol. n. 12. *Suspiciones suas inaniter rodit, quisquis bene dicta, dum malè conatur intelligere, calumniari potius, quàm doceri studet. Vnum de*

*de Trinitate passum Nestorianis non immeritò displicet, Introd-
 ducere enim quartam personam volunt, cui accidisse aestimant
 passionem. Euty-~~chianis~~ autem vnum de Trinitate passum, non
 rectè placet, si tamen placet. Duplex enim natura insinua-
 tur per vnum de Trinitate & passum. Ad mēdendum
 scrupulis, annuit mox dici vnum, hoc est, vnam perso-
 nam de Trinitate, passum carne. Et in hac quidem parte mos
 gerendus est talibus. Et si sic audire desiderant, sic etiam loqui
 nos conuenit. Addamus verba manifesta, ne occasionem demus
 interpretationi malitiosa; putemurque aliud credere, quàm sen-
 timus. Et quidem ita intelligeretur inter Catholicos, etsi
 non ea verborum diligentia adhiberetur. Libenter tamen
 exigi à me patior, quod ultro reddere sum paratus. Incontan-
 ter profert lingua, quod retinet conscientia. Quæ sanè vides,
 vt Maxentij impudentiam obtundant. Et infrà num. 16.
 Nec mouere quempiam debet, si verè hanc sententiam, sicut à
 quibusdam dicitur, Eutychetis protulit Apocrisarius in Chalce-
 donensi Concilio. Sape etiam per ignorantes loquitur veritas.
 Patres autem nostri in Concilio positi, sensum loquentis, non
 verba considerantes, nec illum propter hanc sententiam pronun-
 ciauerunt Catholicum, nec ipsam sententiam Catholicis tunc inse-
 rere definitionibus voluerunt, ne viderentur intellectum loquen-
 tis potius adprobasse, quàm verba. Mirabiliter tamen Spiritus
 sanctus postea fideles admonuit, etiam per hanc sententiam re-
 uinci Eutychianistas, in qua duarum plena est predicatio natu-
 rarum. Vides quàm non temerè quidam circa eam pro-
 positionem suspensi hærent, assensumque sustinerent,
 quàm tot mali sensus ambibant, quàm Eutychiani vt si-
 bi propitiam venditabant passim, quæ ipsius ab Eutychet-
 is Apocrisarij ore rapta, & eius veneno imbuta sentie-
 batur. Denique num. 15. sic ille ad patrem Catholicos re-
 uocat: Omnis ergo Catholicus, aut vnum de Trinitate passum
 simpliciter audiat, simpliciter dicat: aut loquens cautè, non ta-
 men infideliter, vnam personam de tribus passam fateatur; nec
 ideo quempiam iudicet hereticum, qui vnum de Trinitate passum
 illo sensu dicit, quo etiam ipse vnam personam de tribus passam*

veraciter dicit: simulque ambulare viam Domini properemus, pacem tenentes.

XIII. Item circa
aliam de Mariâ
propriè & vera-
citer Dei matre.

Eodem tenore idem aliam tunc sententiam magnâ contentionum tempestate iactatam, de Mariâ *veraciter & propriè Dei matre* dicendâ, pertractat. *Frustrâ expauescit quisquis aestimat, consubstantialem diuinitati Matrem futuram, si veraciter & propriè Maria mater fuerit Dei.* Et in fine epistolæ, eos qui fidenter has prædicant geminas sententias, multis onerat monitis, ne quod hæreseos virus iis aut occultant, aut occulere existimentur. *Ille autem qui has dubitat proferre sententias, si cuncta quæ solent sub hæretico latere sensu, manifestis absolutisque sermonibus audierit refutari, careat suspicionibus, omittat contentiones; & de cætero unum de Trinitate possum, vel Mariam propriè Dei matrem esse sic accipiens, quomodo dicitur à Catholicis, etiamsi aliter hoc affirmare nistantur hæretici, doctoribus orthodoxis aures simplices præbeat.* Hæc sanè sunt hominis non de fide tantum, sed de pace & charitate Catholicâ bene merentis, & Hormisdæ nobis adprobantis consilia.

XIV. Ex Facundo Herm. ostenditur salvo fidei vinculo de his propositionibus certatum utrumque esse ob varios sensus eorum.

Eodem prorsus consilio Facundus Hermianensis Episcopus utramque hanc quæstionem inter Catholicos salvo fidei vinculo disceptari docet. Nam lib. 1. cap. 1. *proximè demonstrat ex Concilio Chalcedonensi utramque decerptam esse propositionem.* Et cap. 3. *Sanè tacendum non arbitror, quod sint etiam Catholici, qui sicut credimus, nescientes hoc antememoratâ Synodo confirmatum, superflue contra de-verbo contendunt.* Quia videtur eis, quod dici non debeat *unum de Trinitate pro nobis crucifixum, sed potius unam de Trinitate personam.* Tum easdem refert & diluit suspensiones de illito propositioni huic veneno; demonstratoque *unum & unam personam de Trinitate idem sonare, aptiusque etiam unum dici, quod Nestoriani personæ nomen ad dignitatis fucum solum trahant; subdit: Ideo hanc religiosam & necessariam vocem suscipientes, qui de verbo superflue contendebant, ita iam nobiscum Nestorianos urgere debent & premere, ut non tantum unam ex Tripitate personam dicant,*

quod illi malè interpretantur: sed etiam vnum ex Trinitate possum, quod nullà fraude possunt eludere.

Quod verò de hâc aliâ quæstione, an veraciter & propriè dicenda foret Dei genitrix Virgo, ad Sedem Apostolicam relatum sit, ita narrat Liberatus breuiarij c. 20. *Ad Ioannem Apostolica Sedis Prasulem missi sunt ab Imperatore Iustiniano Hypatius Ephesiorum Episcopus, & Demetrius à Philippis, consulere Sedem Apostolicam, contra legatos Acoemitarum Cyrum & Eulogium, negantes esse confitendum beatam Mariam verè & propriè Dei genitricem, & vnum de Trinitate incarnatum & carne passum. Sed Papa Ioannes nobis ibi positis, hoc confitendum epistolâ suâ firmanit, & Imperatori direxit. A cuius communione discedentes Roma quidam Monachi, Acoemitarum legatos secuti sunt, & vsque nunc hanc de Christo confessionem non suscipiunt. Ab Imperatore & quidem per Episcopos insignes consulitur Romanus Pontifex in dubiis fidei capitibus.*

XV. Ex Liberato ad Sedem Apostolicam ut ad fidei regulam relatum.

Vt denique exploratissimum fiat nunquam à confitentibus vnum de Trinitate passum abhoruisse Hormisdam Pontificem, nec à Ioanne postea definitum esse, secus atque ille sensisset: audiendus est à Vigilio Christianitatis Catholicæ status, inter has conflictationes. Catholicos enim hinc & inde, solis digladiatos verbis, vnâ porro & constantissima fide deuinctos fuisse, sic ille docet lib. 2. contra Eutychen: *Hæc multi orthodoxorum minus attendentes, aut attendere nolentes, vel discernere non valentes, in duas sese partes non diuersitate sententia, sed vocis professione diuiserunt: ut id quod eodem modo credunt, eodem modo pronunciare formident, inutili profectò atque superfluo timore: ut iure illud propheticum eis possit aptari, illic trepidauerunt, ubi non erat timor. Nam plerique orthodoxorum, sensum vtrarumque naturarum cum Catholicè exponant, Catholicè retineant: ideo tamen duas nolunt dicere naturas, ne secundum Nestorium duas putentur fateri personas à confessione vtriusque nature non corde, sed voce tantummodo recedentes. Quodam enim circuitu expositionis vtuntur, ut duas se credere ostendant, sed duas*

XVI. Ex Vigilio Catholici hinc & inde erant, qui de his altercabantur, & hærescos maculam sibi vicissim illinebant.

nudo sermone non pronunciant. Et paucis interiectis: Rursus alij timentes, ne Apollinaris & Eutychetis dogma incurrant, volunt dicere Deum passum & mortuum, cum unam credant eius esse personam: & hunc eundemque Deum fateri & hominem. Si ergo unus est, sicuti est, cur eum formidas dicere passum, quem non formidas credere unum? Ecce sunt timores inanissimi, & sollicitudines vanæ, quæ fecerunt orthodoxos hæreticorum sibi nomina impingere; dum voce expromi palpat, quod expressius corde clamatur. Qui enim nolunt duas ore fateri naturas, quas fidei expressione defendunt, Eutychianistæ reputantur, cum non sint. Item qui duas unius Christi naturas publicè profitentur, Nestoriani putantur esse, cum non sint; & videas eos luctuosos quibusdam, & omni lamentatione dignis insultationibus, hæreticorum nomine se inuicem accusare. Tu, inquit, Eutychianus es, & Tu Nestorianus es: Apostolica sententia in totum obliti, dicentis, Videte, ne cum inuicem accusatis, ab inuicem consumamini.

XVII. Regula
in his verborum
conflictibus ob-
seruanda.

Hinc colliquescit 1. in hoc conflictu pugnatum esse verbis, non sententiis, idque inter Catholicos hinc & inde homines. 2. Cum res ipsa ad fidem nihil attineret, quibus verbis fidem suam exprimerent, satius utique fuisse temperare tota illa contentione, & tanta redimere atque prævertere odiorum & maledicentiarum incendia, quod Hormisdæ consilium fuerat. 3. Verborum usum & significantiam penes multitudinem vulgi hominum esse. Itaque ubi de fide conueniebat, dimicabatur autem de vocibus, & eorum vi atque significato: consultius fuisse prorogari sententiam, & moras trahi, dum ipso conflictu excuderetur scintilla aliqua lucis, & ipsa populorum doctorumque inclinatione, propositionum istarum significatio eliquaretur. Nam si abruptè Hormisdæ definisset, unum ex Trinitate passum esse, id nimirum ingruerat periculi, ne ij apud quos ea verba crudius quid, & Eutycheti affinius significabant, scinderentur à reliquo Ecclesiæ corpore. At ubi diutino disputationum certamine, constitit, defensores huius propositionis per hæc

verba nihil Eutycheti suffragari velle: tum eius cruditas & insolentia mitigari cœpit in animo eorum, qui prius aduersabantur; & tunc citra discrimen fidei & pacis, definiri à Ioanne Papâ potuit, quod omnes sequerentur. 4. Cùm non possint non subinde conflagare id genus alia iurgia de vocibus magis, quàm de rebus, vel de rebus etiam ipsis: nec statim, nec semper queat cogi Synodus; id nimirum expeditissimum est, quod Iustinus, quod Iustinianus, quod Orientis, quod Occidentis Episcopi exemplo suo sanxerunt, quod antecessorum exemplo imitati sunt, quod Ferrandus disertè monuit suprâ: *ut principaliter Sedis Apostolicæ Antistes interrogetur, cuius sana doctrina fulget indicio veritatis, & fulcitur munimine authoritatis.* Nec alias satis consultum esset Ecclesiæ incoluntati à Christo in tantâ Episcoporum, qui & ipsi consulendi sunt, turbâ, & non raro dissonantiâ.

Nunc obiter perlustrandi antiquiores Patres, ut de fidei ambiguis quæstionibus percontandos nobis doceant Episcopos, ceu Apostolorum Sedis & doctrinæ successores; sed *principaliter* Sedis Apostolicæ Pontificem, Petri Apostolorum Verticis successionem præfulgentem: eiusque definitione standum esse. *Age iam qui voles curiositatem melius exercere in negotio salutis tuæ, percurre Ecclesias Apostolicas, apud quas ipse adhuc Cathedra Apostolorum, suis locis præfidentur: apud quas ipsæ authenticae literæ eorum recitantur, sonantes vocem & representantes faciem uniuscuiusque. Proxima est tibi Achaia? Habes Corinthum. Si non longè es à Macedonia, habes Philippos, habes Thessalonicenses. Si potes in Asiam tendere, habes Ephesum. Si autem Italia adiacet, habes Romam, unde nobis quoque authoritas præsto est. Felix Ecclesia, cui totam doctrinam Apostoli cum sanguine suo profuderunt: ubi Petrus passioni dominicæ adequatur, ubi Paulus Ioannis exitu coronatur; ubi Apostolus Ioannes posteaquàm in oleum igneum demersus, nihil passus est, in insulam relegatur. Videamus quid didicerit, quid docuerit, cum Africanis quoque Ecclesiis confeceraverit, &c.* Hæc Tertullianus lib. de præscrip. aduer-

XVIII. Vniuersim iam ex Patribus demonstratur, consulendū in dubiis fidei quæstionibus Romanum Præfulem, & eius iudicio standum. Et primum ex Tertulliano, & Optato.

sus omnes hæreses philosophatur? Omnes quidem Episcopos, maximè Apostolicarum Sedium, sed præ cæteris omnibus commendans sectari Romanæ Cathedræ Pontificem; tum quod ibi Apostolorum apices cum sanguine doctrinam profuderint, tum quod inde in circumiacentia regna fides lata & propagata sit: & inde eâ de causâ, semper eliminanda: maximè cùm Sedes aliæ Apostolicæ defecerint. Optati verba iam descripsi supra & expendi, vbi cùm communionem totius Ecclesiæ Catholice ad Romanam Ecclesiam, ceu ad Caput, religat, ab eodem quoque vertice necesse est fidem suspendat, à communione Catholicâ sponte suâ indiuulsam.

XIX. Item ex Hieronymo.

Hieronymus aduers. Vigilant. *Malè facit ergo Romanus Episcopus, qui super mortuorum hominum Petri & Pauli secundum nos ossa veneranda, secundum te vilem pulvisculum, offert Domino sacrificia? Et non solum vnius urbis, sed totius orbis errant Episcopi, qui ingrediuntur basilicas mortuorum, &c.* In negotio fidei ingens authoritas singulorum Episcoporum, longè maxima & singularis Romani Antistitis. Et in epistolâ ad Demetriadem aduersus Origenistas, *Anastasius vir ditissima paupertatis & Apostolica sollicitudinis, statim noxium perculit caput; & sibilantia Hydria ora compescuit.* Et ibidem aduers. Pelag: *ut sancti Innocentij, qui Apostolica Cathedra, & supradicti viri successor, & filius est, teneas fidem.* Ita ille sine œcumenicis Synodis, compressos Origenis & Pelagij errores demonstrat Sedis vnius Apostolicæ auctoritate. Et in Apolog. aduers. Ruffinum: *Et tamen miror, quomodo probauerit Italia, quod Roma contempsit? Episcopi susceperint, quod fides Apostolica condemnat?* Et in epist. ad Theoph. *Scito nihil nobis esse antiquius, quàm semper meminisse Romanam fidem, Apostolico ore laudatam, cuius se esse participem Alexandrina Ecclesia gloriatur.* Et in epistola ad Marcum presb. aduersus eos qui ei vt hæretico obloquebantur: *Si eis placet, hæreticum me cum Occidente, hæreticum cum Ægypto, hoc est, cum Damaso, Petroque condemnent.* Et rursum in Apolog. aduers. Ruffin. de Origenis defenso-

ribus verba faciens: *Non valet apud eos super Origenis damnatione Episcoporum authoritas? Quid faciens epistola Theophili Episcopi? Quid Papa Anastasij in toto orbe haeticum persequentes?* Et ibidem: *Si veb parvam schedulam contra me Romani Episcopi, aut alterius Ecclesiae protuleris, omnia quae in te scripta sunt, mea crimina confitebor.* Et in epist. ad Pammach. & Marcellam, *Pradicationem Cathedrae Marci Euangelistae, Cathedrae Petri Apostoli suâ pradicatione confirmet.* Attendis hic 1. omnium prorsus Catholicæ communionis Episcoporum & Ecclesiarum sententiam magni fieri, & interrogari in dubiis. 2. Nunquam turbæ cæterorum immisceri Romanum Præsulem, sed vt eximium & principaliter consulendum, secerni. 3. Cùm Apostolicæ etiam Cathedrae memorantur, suum tamen supra illas Petro, vt omnium magistro, priuilegium vendicari. 4. Origenistas & Pelagianos nullâ tum œcumenicâ Synodo damnatos damnandosve ostendi, abunde enim esse, vt ab Episcopis, vt ab Apostolica Sede damnentur. 5. Indissociabilem esse Episcoporum totius orbis, & Romanæ Cathedrae sententiam. Etsi enim aliqui paucissimi dissentire & errare queant Episcopi, vniuersitas tamen ipsa Episcoporum & Ecclesiarum orbis Capiti suo semper concinuit.

Superest, quam de industria seposui, eximia epistola eiusdem Hieronymi ad Damasum, ad hoc quod sigillatim tractamus negotium, accommodatior: vbi non tam fidei caput, quàm verborum confessio ita inter Catholicos controuertebatur, vt calumniam hæreseos mutuò sibi illinerent. Cùm enim Hypostaseos nomen aliis naturam, aliis personam sonaret, inde Orientalibus trium, Occidentalibus vnius aridebat hypostasis confessio, fide consona, vocibus dissona. *Trium hypostaseon nouellum à me homine Romano nomen exigitur. Qui quaso ista Apostoli prodidere? Quis nouus magister Gentium Paulus hæc docuit? Interrogamus, quid trës hypostases posse arbitrentur intelligi? Tres personas subsistentes aiunt. Respondemus nos ita credere. Non sufficit sensus, idem nomen efflagitant: quia nescio quid veneni*

XX. Rursus ex
eodem.

in syllabis latet. Clamamus, si quis tres hypostases, aut tria en-
hypostata, hoc est, tres subsistentes personas non confitetur, ana-
thema sit. Et quia vocabula non ediscimus, haeretici iudicamur.
 Hic satis copiosè in hypostaseos nomine philosophatur, totâ sæcularium in scholâ literarum nihil aliud esse hypostasin, quàm vliam: Arianos trium hypostaseon confessione perfidiam suam suffulcire; alia id genus multa effundit, & addit tamen: *Discernite, si placet, obsecro; non timebo tres hypostases dicere, si iubetis, &c. Taceantur, si placet, tres hypostases, & una teneatur, &c. Aut si rectum putatis tres hypostases cum suis Interpretationibus debere nos dicere, non negamus. Sed mihi credite, venenum sub melle latet, &c. Bene interpretantur hypostasin, & cum id, quod ipsi exponunt, habere me dicam, haeticus iudicor. Quid tam anxie vnum verbum tenent? Si sic credunt, ut interpretantur, non damno quod retinent. Si sic credo ut ipsi sentire se simulant, permittant & mihi meis verbis suum sensum loqui. Quamobrem obtestor beatitudinem tuam, per Crucifixum, per hominison Trinitatem, ut mihi epistolis tuis, siue tacendarum, siue dicendarum hypostaseon detur auctoritas, &c. Campenses cum Tharsensibus haeticis copulati, nihil aliud ambiunt, quàm ut auctoritate communionis vestra fulti, tres hypostases cum antiquo sensu prædicent.* Patet controuersiam inter orthodoxos de verbis fuisse, magis quàm de sententiis: & quia ut comparati sunt homines, concreta sunt quodammodo verbis sensa, permixti videbatur esse momenti, non tantùm ad fidei, sed ad vocum etiam vnitatem Catholicos omnes compaginari, ne sub ambiguo vocum illuderent heterodoxi. 2. Abhorrebat animus Hieronymi vehementissimè à trium hypostaseon confessione, & tamen si iubeat Damasus, eam se amplexurum confitetur. 3. Nec Hieronymus tantùm, sed Orientales omnes Episcopi, communionem ambibant cum Damaso, aut communionis famam; ut sub eius auctoritate tres hypostases dicerent. Clamabat Hieronymus, *si quis Cathedra Petri iungitur, meus est.* Eidem Cathedræ Petri, idest, Damaso se hære Meletius,

tius, Vitalis, & Paulinus, certatim affirmabant persuasi victoriam fidei ad eos inclinaturam, qui eius compotes essent. 4. Contatio Damasi hac in re tunc peræque necessaria, ac postea Hormisdæ, ut diutino flictu & quasi attritu voces expolirentur, & ipsa hominum inclinatione in vnum magis, quàm in alium sensum impellerentur. Ideo cautè Facundus lib. 6. c. 5. *Aliquando in divinâ Trinitate Catholici quidam tres hypostases accipere noluerunt, quamvis tres personas acceperint; nec ideo sunt à viris sapientibus hæretici indicati, quoniam comperti sunt, non in re, quæ illo nomine significabatur, sed potius in ipso nomine, quo significabatur, offendi.*

Ambrosij concors sententia, ex Siricij Papæ primùm epistolâ ad Ecclesiam Mediolanensem illustranda venit. Ergo cum hæresis Ioviniani latiùs serpsentem urbem depasceretur, & scriptis etiam libris palàm pugnaret, ad fidei auitæ defensorem primarium, hoc est, ad Romanum Præsulem Catholici confugere. Vnde Siricius ep. 2. *A fidelissimis Christianis viris, genere optimis, religione præclaris ad meam humilitatem subito Scriptura horrida videtur esse delata, ut sacerdotali iudicio detecta, diuina legi contraria, spiritali sententiâ deleteretur. Facto ergo presbyterio, constitit doctrina nostra, id est, Christiana legi esse contraria. Vnde Apostolicum secuti præceptum, qui aliter quàm quod accepimus annuntiabant, omnium nostrum tam Presbyterorum & Diaconorum, quàm etiam totius cleri una suscitata fuit sententia, ut Iovinianus, Auxentius, Genialis, Geminator, Felix, Plotinus, Martianus, Ianuarius & Ingeniosus, qui incentores noua hæresis & blasphemia inuenti sunt, diuinâ sententiâ, & nostro iudicio in perpetuum damnati, extra Ecclesiam remanerent. Quod custodituram sanctitatem vestram non ambigens, hæc scripta direxi, per fratres & compresbyteros meos, Crescentem, Leopardum, & Alexandrum, qui religiosum officium fidei possint Spiritu adimplere feruentes. Hæc Siricius; ad quem Ambrosius & cæteri Mediolan. Prouinciæ Episcopi in hunc modum: *Recognouimus literis sanctitatis tuæ boni Pastoris excubias, qui**

XXI. Item ex
Ambrosio.

H h h h

diligenter commissam tibi ianuam serues, & piâ sollicitudine Christi onile custodias, dignus quem oues Domini audiant & sequantur. Et quia hâsti oniculus Christi, oues facile deprehendis, &c. Insertâque aduersus Iouiniani deliramenta breui disputatione, aiunt: *Credatur Symbolo Apostolorum, quod Ecclesia Romana intemeratum semper custodit & seruat. Et infra, nouellam impietatem execratus est Imperator, & omnes qui illos viderunt, quasi quadam contagia refugerunt. Sicut eccleses sunt fratres & compresbyteri nostri Crescens, Leopardus & Alexander, sancto feruentes Spiritu, qui eos omnium execratione damnatos, Mediolanensi ex vrbe quasi profugos repulerunt. Itaque Iouinianum, Auxentium, &c. quos sanctitas tua damnauit, scias apud nos quoque secundum iudicium tuum esse damnatos. Vbi obserua 1. grassantes Mediolani hæreticos non apud Ambrosium primò, sed apud Siricium accusari, à viris genere optimis & religione præclaris eorum scripta pestifera Romanæ censuræ offerri. 2. Et errores & authores ipsorum à Siricio primùm damnari, sententiam hanc ad Episcopos Mediolanensis prouinciæ custodiendam dirigi, executores eius simul mitti tres Ecclesiæ Romanæ presbyteros, ad officium fidei implendum Spiritu feruentes. 3. Congratulari Ambrosium Siricio, quod onilis nempe vniuersi & cæteris quoque Episcopis crediti curam gereret, & pro omni Ecclesia excubaret. 4. Secundum iudicium Siricij, quos ipse damnauerat, Mediolani damnatos esse. 5. Tres illos E. R. Presbyteros incontanter executos esse Sedis Apostolicæ sententiam, & Iouinianum cum gregalibus suis Mediolanensi ex vrbe pepulisse. 6. Imperatorem & Laicos omnes Iouiniani dogmata protinùs execratos esse. 7. Etsi omnes Catholicæ Ecclesiæ Symbolo Apostolorum, vt fidei orthodoxæ breuiario subscribant, singulariter tamen hoc arrogari Ecclesiæ Romanæ, quod intemeratum illud custodiat. 8. Facto presbyterio, id est, in Presbyterorum suorum & Diaconorum & Cleri sui cætu Siricius hæc perfecisse: & Iouinianum exinde toto ex orbe suis cum mendaciis assecclisque effugatum esse, & tan-*

dem euauisse, nemine inter hæc perstrepente, non rite damnari, non extinguere hæreses, nisi Synodi œcumenicæ autoritate. Quod autem ait Ambrosius intemeratum custodiri ab Ecclesia Romana Symbolum Apostolorum, id quo attineat, docet Ruffinus in exposit. Symboli: *Cre- do in Deum Patrem omnipotentem: in diuersis Ecclesiis aliqua in his verbis inueniuntur adiecta. In Ecclesiâ tamen urbis Ro- ma hoc non deprehenditur factum, quod ego propterea esse arbi- tror, quod neque hæresis ulla illic sumpsit exordium.*

Augustini non minùs aperta sententia est. Sermone 2. de verbis Apost. *Prorsus ubi tales inueneritis, occultare noli- te. Redarguite contradicentes, & resistentes ad nos perducite.* *Iam enim de hac causâ duo Concilia missa sunt ad Sedem Apo- stolicam, inde etiam rescripta venerunt. Causa finita est, uti- nam aliquando finiatur error.* Et lib. 2. Operis ult. aduers. Iulian. num. 103. *Quid adhuc queris examen, quod apud Apo- stolicam Sedem iam factum est? Quod denique iam factum est in episcopali iudicio Palestino? Ergo hæresis ab Episcopis non adhuc examinanda, sed coercenda est potestatibus Christianis.* Ita ille aduersus Pelagianos, non tam Africana, etsi nu- merosa & frequentissima & vniuersalia Concilia extollit in arcem ineluctabilis autoritatis, quàm Sedem Aposto- licam. Suggillat porro persæpe Iulianum, & alios eius- dem vesaniæ patronos, examen nouum prouocantes, & Synodum œcumenicam. Vide quæ de ea re disputet l. 4. ad Bonifacium c. ult. ubi ostendit, rarissimas fuisse hære- ses, quæ Synodi œcumenicæ congregatione opprimendæ fuerint, *multo atque incomparabiliter plures ubi exortæ fue- rant, ibi damnatas, inde per cæteras terras deuitari po- tuisse.* Idem Augustinus l. cont. epist. Fund. cap. 4. *Ten- net me in Ecclesiæ gremio, ab ipsâ Sede Petri Apostoli, cui pa- scendas oues suas post resurrectionem Dominus commendauit us- que ad presentem Episcopatum successio Sacerdotum.* Et in Psalm. Con. part. Don. *Numerate sacerdotes vel ab ipsâ Sede Petri: & in ordine illo Patrum, quis cui successit, videre: ipsa est pe- tra, quam non vincunt superba Inferorum porte.* Vbi victri-

XXII. Item ex Augustino: à quo & Zolmi Papæ prior indulgentia in Cælestium æ- quissimè defendi defenditur.

cem mendacij veritatem perpetuari vides in Sede Petri, & inde hæreticis compendiosè demonstrari, ne per Ecclesiam vniuersalem toto orbe effusam semper necesse sit longo anfractu eos circumduci. Quod autem post Zosimi epistolas ad Africanos Episcopos, Cælestij, Pelagii-que, & libelli confessionis à Pelagio exarati defensatri-ces: non idem exclamarit Augustinus, atque post rescri-pta antè Innocentij, Pelagianæ hæreseos iugulatoria: *Causa finita est, error utinam aliquando finiatur*: multa mihi qui- dem videntur interesse capitalia omnino discrimina. Post particulares enim Synodos, post Apostolicæ Sedis his consonas, dogmaticasque epistolas Christiano orbe toto euulgatas, & in fidei auctoritatem receptas: si qua noua vndecumque & illis subinfensa prodeant decreta, his uti- que non statim ac præproperè subscribendum est. Fides enim vna, atque irreformabilis est. Post primam ergo, canonicamque fidei definitionem, quâ causa finitur, er- rorque finiendus est: si quid vel re inimicum, vel specie subaduersum strepat, id aut confestim repudiandum est, aut prouidâ cunctatione excutiendum, priscæque conci- liandum veritati. Ita ergo Augustinus post peremptorias Innocentij Episcopalia Concilia confirmantis definitio- nes, Zosimi epistolas nescio quid sequius in speciem præ- ferentes, expendit & interpretatur clementius, lib. 2. ad Bonifac. cap. 3. ne à præcessoris literis dissentiant. *Sine villo vitio peccati originalis hominem nasci, cum Cælestius in suo libello posuisset, inter illa dumtaxat, de quibus se adhuc du- bitare, & instrui velle confessus est: in homine acerrimi iudicij, qui profectò si corrigeretur, plurimis profuisset, voluntas emen- dationis, non falsitas dogmatis approbata est. Et propterea libel- lus eius Catholicus dictus est, quia & hoc Catholica mentis est, si qua fortè aliter sapit, quàm veritas exigit, non ea certissimè definire, sed detecta ac demonstrata respuere.* 2. Quàm constan- ter enim Zosimus nec latum vnguem deflecti se sineret à sententiâ Innocentij, & fide, palàm facit idem Augu- stinus, imò ipsemet apud Augustinum l. de pecc. Orig.

cap. 7. Egit Papa Zosimus cum homine, quem falsa doctrina ventus inflauerat, ut ea qua illi à Diacono Paulino fuerant obiecta damnaret: atque ut Sedis Apostolicæ literis, qua à sancta memoria suo præcessore manauerant, praberet assensum. At ille noluit quidem Diaconi obiecta damnare: sed B. Papa Innocentij literis non est ausus obistere: imò se omnia, qua Sedes illa damnaret, damnaturum esse promisit. Igitur cum & Zosimus serio, & Cælestius simulatè Innocentij definitioni adhæresceret: nihil necessum erat ab Augustino iterum canonicam causam finitam, finiendum errorem; non enim alia causa emerferat, non alia eiusdem causæ vel aliena definitio.

3. Non in fidei enim, sed in personarum questione variauerat, & Africanas Synodos vellicabat Zosimus. Id perspicuum faciunt eius epistolæ, eo de argumento scriptæ. Queritur fidem habitam esse Lazaro & Heroti accusatoribus, *absentibus in absentes*, quibus nec loci sui ratio vitæque constabat: qui multa in fratres & Cœpiscopos iam machinati sint: gaudendum esse, quod quos falsi indices criminabantur, à nostro corpore, & à Catholica veritate nunquam fuerint diuulsi: Purgatos Catholicâ confessione Cælestium, Pelagiumque inculcat, non Innocentianæ vel Africanæ fidei definitioni demendum quid vel addendum. Et Augustinus totam hanc interpretatur esse nimiam etiam fortassis clementiam in personas, non in fide vacillationem lib. cod. cap. 7. cum Cælestius Innocentij literis assensus esset, *ita velut phreneticus, ut requiesceret, tanquam leniter solus est, &c. resipiscendi ei locus sub quadam medicinali sententiæ lenitate concessus est, &c.* Et lib. 2. ad Bonifacium cap. 3. *Illæ ingenia quamuis nefando errore peruersa, non tamen contemptibilia, cum studiosè corrigenda potius, quàm facile damnanda viderentur, aliquantò lenius, quàm seuerior postulabat Ecclesiæ disciplina, tractata sunt.* Parco plura aceruare. Cum ergo in causæ definitione nihil nouatum esset, cum in personarum tantum examine lenitati tantum ultra modum esset indultum, non erat locus eidem voci, *Causa finita est, finiatur error.* 4. Et ip-

sam quoque de personis sententiam Zosimus non definitivam pertulerat, sed quasi suspenderat & ampliauerat ad bimestre saltem spatium. *Vnde in presenti causâ nihil praecox, immaturumque censuimus, sed innotescere sanctitati vestrae super absolutâ Cælestij fide nostrum examen, &c.* Quare intra secundum mensem aut veniant, qui presentem redarguant aliter sentire, quam libellis & confessione contexit; aut nihil, post hac tam aperta & manifesta quæ protulit, dubij, sanctitas vestra resedisse cognoscat. Hæc ille ad Africanos Episcopos. Et Augustinus de peccato originali cap. 7. *Velut phreneticus, ut requiesceres, tanquam leniter foras, à vinculis tamen excommunicationis nondum est creditus esse solvendus. Sed interposito duorum mensium tempore, donec rescriberetur ex Africa, resipiscendi ei locus sub quadam medicinali sententia lenitate concessus est.* Non poterat igitur causa finita exclamari, quam Zosimus ipse comperendinauerat, & religauerat quodammodo ab Afrorum responsione. Pergit Augustinus. *Sed postea quàm ex Africano Episcoporum Concilio rescripta directæ sunt, quid fuerit consecutum, ut iustissimè in eum sententia proferretur, cuncta legite, quia cuncta transmisimus.* Et ibidem cap. 8. *Fefellit iudicium Palæstinum Pelagius, propterea ibi videtur esse purgatus: Romanam verò Ecclesiam ubi eum esse notissimum scitis, fallere usquequaque non potuit, quamvis & hoc fuerit utcumque conatus: sed ut dixi, minimè valuit.* Recoluit enim beatissimus Papa Zosimus, quid imitandus praecessor eius de ipsis senserit gestis. *Attendit etiam quid de illo sentiret predicanda in Domino Romanorum fides, &c.* Nec ut Palæstina ergo Synodus, hoc est, nec in factis & personis tunc falli potuit usquequaque Zosimus, qui rem ampliauit ad Afrorum usque responsionem, qui interim à vinculo excommunicationis Cælestium non credidit solvendum. Quandiu ergo innodatus sacris vinculis gemebat Cælestius, quis causam finitam, quis purgationem eius dixisset perfectam? 5. Quoniam verò ex heterodoxis nonnulli hinc Zosimo sunt insidiati, ut erroris maculam illi appingerent; præterquam quod ea suspicio ex superioribus

abundè difflata videri potest, adde ex eodem Augustino, lib. 2. ad Bonifacium. cap. 3. *Tot & tantis inter Apostolicam Sedem & Afros Episcopos currentibus & recurrentibus scriptis ecclesiasticis: etiam gestis de hac causâ apud illam Sedem Celestio presente & respondente confectis, quam tandem epistola veneranda memoriae Papa Zosimi, quæ interlocutio reperitur, ubi præceperit oportere credi sine ullo vitio peccati originalis hominem nasci? Nusquam prorsus hoc dixit, nusquam omnino conscripsit. Et mox: Si quod absit, ita tunc fuisset de Celestio, vel Pelagio in Romanâ Ecclesiâ indicatum, ut illa eorum dogmata, quæ in ipsis, & cum ipsis Papa Innocentius damnaverant, approbanda & probanda pronunciarentur: ex hoc potius esset prænarrationis nota Romanis Clericis inurenda. Nunc vero cum primitus B. Papa Innocentij literæ, Episcoporum literis respondentes Afrorum, pariter hunc errorem, quem conantur isti persuadere, damnaverint: successor quoque eius sanctus Papa Zosimus hoc tenendum esse, quod isti de parvulis sentiunt, nunquam dixerit, nunquam scripserit: insuper etiam Celestium se purgare molientem ad consentiendum supradictis Sedis Apostolica literis crebra interlocutione constrinxerit; profectò quidquid interea lenius actum est cum Celestio, servatâ duntaxat antiquissima, & robustissima fidei firmitate, correctionis fuit clementissima suasio, non approbatio exitiosissima pravitatis. Et quod ab eodem Sacerdote postea Celestius & Pelagius repetitâ auctoritate damnati sunt, paululum intermisit, iam necessario præferenda ratio sinceritatis fuit, non prænarratio prius cognita, vel nova cognitio veritatis. Tum Zosimi interrogationes subiicit, quibus Celestium illaqueavit, constrinxitque assentiri literis Innocentij, quibus apertissima originalis labis confessio continebatur. Si quibus autem minùs sapit hæc Augustini ratio, & interpretanda Zosimi clementiæ clementia, næ illi non Augustini, sed sui ipsorum stomachi, palatique insulsiatatem produunt. Sacerdotale enimverò istud est, id Episcopo, id Theologiæ Christianæ apici, id sanctitatis culmini, id Augustino consentaneum, non insidiosè, non odiosè quasque explorare*

*Vossius de hæresi
Pelagiana lib. 1.
cap. 20.*

vel insectari labeculas, non si quid ad punctum temporis obrepatur summo Antistiti, illico tragœdias agere, & conuitiari: sed hominis in homines animum inducere, leuiuscula si fors errata dissimulare, non circumstantias quasque, sed rei summam exitumque perpendere, denique humanitatem paulò prolixiùs adhibitam, lubentiùs & quadam humanitatis vice excusare. Malim equidem isto nos Augustini animo, isto sentiendi, scribendique temperamento imbui, quàm superbo ipsum fastidio & tetricitate infici. Certè Augustini de Zosimo sententiæ Africani omnes tunc Episcopi adglutinati erant, quorum ille fax erat, ingeniumque. Vnde eodem prorsùs animo, ad Zosimum illi rescribere, non conuitia, non obliquas de ipso suspensiones ingessere vllas. Quod tantò impensius admirandum est, quod illos semel, iterumque Zosimus aculeatis pupugerat literis, & ipsum maximè Augustinum, quasi præcox, & inconsideratum de Cælestio, Pelagioque iudicium exeruissent. Sin minùs ab vno Augustino, saltem ab Africanorum Episcoporum tam frequenti, tam inclyto tunc maximè Senatu, dedoceri debuerant Nouatores suam in Apostolica Sede arrorendâ contumaciam. Denique Augustinum sequutus Prosper, Zosimum cæteris permiscuit Romanis Pontificibus, de debellatis Pelagianis lauream & triumphum assecutis. Quid quod Pelagij libellus Confessionis, non Zosimo tantum imposuit, sed post Caroli Magni tempora, omnibus propè doctõribus orthodoxis, vt non eos quidem suis erroribus inquinaret, sed vt ab illis benignâ interpretatione emacularetur, & vel Hieronymo, vel Augustino etiam adscriberetur ipsi? Id vir doctissimus luculentâ nuper dissertatione patefecit. Ab erroris ergo criminatione tum Zosimum necesse est, quàm posteriores hos omnes Catholicos doctores absolui. Denique & postremò si minùs arridebat Nouatoribus tanta illa Augustini in Zosimo purgando indulgentia: Facundo saltem Hermianensi manus darent, cuius hîc verba adscribenda sunt nobis

nobis ex lib. 7. cap. 3. Inuenient Timotheum Apollinaris discipulum, à B. Athanasio per ignorantiam temporibus B. Damasi Sedi Apostolica velut orthodoxum commendatum, atque ab ipso Papâ Damaso sine cobibentiâ heresis simpliciter esse susceptum. Inuenient etiam Pelagium heresiarcham in iudicio Palaſtinorum Episcoporum, qua contra Christi gratiam sentiebat, operientem, prauasque sententias suas versutiâ interpretantem, per eandem ignorantiam absolutum. Inuenient postremò B. quoque Zosimum Apostolicæ Sedis Antistitem contra sancti Innocenti decessoris sui sententiam, qui primus Pelagianam heresim condemnauit, fidem ipsius Pelagij, eiusque complicitis Celestij, (quem in Ecclesiâ Carthaginensi conuictum, atque appellantem Apostolicam Sedem, & ipse gestis discusserat,) tanquam veram & Catholicam laudantem: insuper etiam Africanos culpantem Episcopos, quòd ab illis heretici crederentur: cum necdum ipsis Africanis Episcopis dolos eorum multò manifestius detegentibus, memoratos Pelagium & Celestium putaret orthodoxos. Et tamen nec Athanasium, nec Damasum, nec illos Palaſtinos Episcopos, nec Zosimum hereticos credit Ecclesia, quia de hereticis bene senserunt: sed potius pro merito suæ fidei Catholicos indicat, & honorat. Quoniam non debet crimini deputari simplicium, non intellecta versutia malignorum. Ad hanc saltem mediocritatem infringant se, qui Damasum quoque criminati sunt.

Prospero autem quid locupletius? Constantissimè enim non tam episcopalibus Synodis, etsi frequentia, sanctitate, eruditione Antistitum suorum longè præstantissimis, quàm Sedi vni Apostolicæ summam laudem vindicat & authoritatem debellati Pelagij. Corruisse enim Pelagium ait, lib. contra Collat. cap. 41. Quando bona memoria Innocentius nefandi erroris caput Apostolico mucrone percussit. Quando Pelagium ad proferendam in se suosque sententiam Palaſtinorum Episcoporum Synodus coartauit. Quando Africanorum Conciliorum decretis beata recordationis Papa Zosimus sententiæ suæ robur adnexuit: & ad impiorum detruncationem gladio Petri dexteram omnium armanit Antistitem. Quando sanctæ memoriæ Papa Bonifacius piissimorum Imperatorum Catholica

XXIII. Item ex
Prospero, & Pe-
tro Chrysologo.

deuotione gaudebat, & contra inimicos gratia Dei non solum Apostolicis, sed etiam regiis utebatur edictis, &c. Unde & venerabilis Papa Celestinus, sciens damnatis non examen iudicij, sed solum pœnitentia remedium esse præstandum, Celestium quasi non discusso negotio audientiam postulantem, totius Italia finibus iussit extrudi: adeo & præcessorum suorum statuta & decreta synodalia inniolabiliter seruanda censebat, ut quod semel meruerat abscindi, nequaquam admitteret retractari. Addit & in Scotiâ insulâ, & in Ephesinâ Synodo, & in Galliâ oppressas esse quasdam eorundem errorum reliquias vnâ eiusdem Cælestini autoritate. Et in præfatione seu cap. 1. eius operis, ait oppugnando Augustino, in vno cunctis, ac præcipuè Apostolica Sedis Pontificibus iniuriam fieri. Et in præfat. ad Obi. Vincent. Sensus nostri & fidei quam contra Pelagianos ex Apostolica Sedis autoritate defendimus. Et rursus contra Collat. cap. 10. ex sensu Pelagianorum ita argumentatur, Errauerunt Orientales Episcopi, &c. Errauerunt Africana Episcoporum Concilia, &c. Errauerunt ducenti quatuordecim Sacerdotes, qui in epistola quam suis constitutionibus prætulerunt, ita Apostolica Sedis Antistitem B. Zosimum sunt allocuti: Constitimus in Pelagium atque Celestium per venerabilem Episcopum Innocentium de beatissimi Apostoli Petri prælatam manere sententiam, &c. Errauit sacrosancta B. Petri Sedes, quæ ad vniuersum orbem Papa Zosimi sic ore loquitur: Nos tamen, &c. Errauerunt Africani Episcopi, ad eundem Papam Zosimum rescribentes, illud quod in literis tuis quas ad vniuersos curasti esse mittendas, &c. Et infra cap. 44. Confidimus à Deo præstandum, ut quod operatus est in Innocentio, Zosimo, Bonifacio, Celestino, operetur in Sixto: & in custodiâ dominici gregis, hæc sit pars gloria huic reservata Pastori, ut sicut illi lupos abegere manifestos, ita hic depellat occultos. Et Carm. de Ingratis:

Pestem subeuntem prima recidit
Sedes Roma Petri, quæ Pastoralis honoris
Facta Caput mundo, quidquid non possidet armis,
Religione tenet: &c.

*Tu causam fidei flagrantius Africa nostra
 Exequeris, tecumque suum iungente vigorem
 Iuris Apostolici solio, fera viscera belli
 Conficis, & lato prosternis limite victos.
 Conuenere tui de cunctis urbibus almi
 Pontifices, geminoque senum celeberrima cœtu
 Decernis, quod Roma probet, quod regna sequantur.*

Aduerte hîc 1. tot inter Episcoporum Concilia, vnis Romanis Pontificibus palmarem adseri extinctæ hæreseos laudem. 2. Romam *Sedem Petri* identidem inculcari, vt indigiteretur veluti fons principatûs in Episcopatu fidei. 3. Zosimi & aliorum Pontificum decreta in omnem Christianum orbem emissâ, eaque vniuersali authoritate præcelluisse Africanis ipsis Conciliis. 4. Reapse & tempore longè priores in Pelagiana portenta insurrexisse Africanos Patres, ingenioque & calamo Augustini fulminasse, Zosimo ne obreperetur, laborasse; principatum tamen huius victoriæ & ab Augustino & à Prospero Apostolicæ Sedi constantissimè adrogari. 5. Examen, audientiam, Synodum Orientis & Occidentis postulabant damnati Pelagiani, frustra fuere. Ephesinæ irrepsere Synodo, ibi illos quoque cum confœderatis Nestorianis Cælestinus prostrauit, vt ait Prosper cap: 41. contra Collat. Cyrillo nempe, *Apostolico auxiliatus gladio*: & carm. de Ingratis, Ephesinæ germanæ Synodo nec qui audirentur, dignos visos ait, vt qui iam Romæ damnati essent:

*Clara Ephesos, non passa suis consistere tectis
 Vasa ira, & morbi flatus, & semina mortis.*

Quibus consentiunt adprime hæc pauca ex Petro Chrysologo in epist. ad Eutychem, part. 1. Conc. Chalced. cap. 15. *In omnibus hortamur te, vt his quæ à B. Papa Romanæ ciuitatis scripta sunt, obedienter attendas. Quoniam B. Petrus qui in propria Sede & viuit & presidet, præstat quarentibus fidei veritatem: Nos enim pro studio pacis & fidei, extra consensum Romanæ ciuitatis Episcopi causas fidei audire non possumus.*

XXIV. Item ex
Fulgentio.

Fulgentius verò nequaquam ab his dissentit. Nam lib. de Incarnatione & Gratiâ cap. 11. de fidei dogmate disputans, ait: *Quod duorum magnorum luminarium, Petri scilicet, Paulique verbis, tanquam splendentibus radiis illustrata, eorumque decorata corporibus, Romana quæ mundi cacumen est, tenet & docet Ecclesia, totusque cum eâ Christianus orbis, & ad iustitiam nihil hesitans credit, & ad salutem non dubitat confiteri. Petri & Pauli verbis irradiari, mundi cacumen esse, ideoque quæ tenet & docet Romana Ecclesia, ea ab omni Christiano orbe doceri & teneri, palàm hîc est. Vnde non vllius nisi Romanæ autoritas Ecclesiæ à Fulgentio ad fidei dogma fulciendum adstruitur.*

XXV. Ex Ennodio Ticinensi.

Ennodius Ticinensis Episcopus dict. 6. de hæreticis & Synodo, grassationes Eutychianorum in Oriente diu lamentatus, demum addit: *Proinde fratres, manentem in supernis Petrum, & adhaerentem beato Petro tenere sententiam: quia nos munda Ecclesia, & non habentis maculam, optamus unitatem.*

XXVI. Item ex
Ferrando Carthag. & Facundo
Hermian.

Ferrandi Carthaginensis Diaconi sententiam suprâ propalauimus. Facundus autem lib. 2. cap. 6. in trium capitulorum disceptatione, quibus fidem Synodi Chalcedonensis concuti aiebant alij, alij negabant, *Adhuc dicunt, quòd de tantâ suâ presumptione Ecclesiam quoque Romanam consuluerunt, & nunc sententiam B. Vigiliij Prasulis eius expectent, &c. Verùm experientur quantum illos suspicio sua fefellerit. Quia ille non in destructionem paternæ sententiæ, sed potius in defensionem atque vltionem, primam accepit & maximam potestatem: nec aliquid contra veritatem, sed pro veritate plus ceteris suis consacerdotibus potest. Vtrimque ergo Vigiliij consensus, tanquam rectæ fidei & victoriæ tessera ambibatur: utrique mox vicissè visi, quia utrisque assentiri alias & alias visus ipse est: quibus denique refragatus est, ij Leonis Papæ autoritatem Synodi Chalcedonensis confirmatricem ostentauere. Et lib. 4. cap. 3. Hoc est autem mirabile, ut postquam horum condemnationem fecerunt, dicerent quòd Ecclesiam Romanam consulerent, & sen-*

sentiam Vigilię eius Præsulis expectarent. Cui quantum ad illos attinet, non permiserunt censere, quod senserit, &c. Et lib. 12. c. 2. Vigilio Leonem committens & anteferens, sed Romanę Sedi principem in fidei negotio locum tribuens, *Quis huius Romani Antistitis granitatem non prädices? Splendet equidem proculdubio, ubicumque Sol esset: sed in cælo Sol longè honoratius, longèque decentius, ubi locus eius est summus, & congruus vniuersis pariter illustrandis; ne multos deferat, cum declinat ad aliquos. Denique tantâ libertatis atque rationis eius auctoritate permotus religiosissimus Princeps, supernuacuum, quin potius multis nocituram cupiditatem deponit: & tanquam pacis filius, hoc & ipse sequitur, quod eligendum ratio demonstravit. Ille tamen velut aternâ lege præfixus in quodam sua dignitatis & fidei firmamento, sic luce veritatis irradiat, & quasi clarissimâ tubâ suę auctoritatis intonat, &c. Fidei Catholicę calo, & veluti firmamento, Sedis Apostolicę defixum Præsulem describit Facundus, vt ex loco summo & congruo vniuersis illustrandis, veluti Sol quaquaversum irradiet.*

Cæterum huc quoque complura vergunt eorum, quæ alibi superius prolixè sunt disputata. Nam 1. cum in præfatione Synodi Constantinopolitanę I. ostensum est confirmari à Sede Apostolica Synodos œcumenicas, & ita demum œcumenicas euadere. 2. Cum in elucidandâ Chalced. Synodo demonstratum est, Sedem Petri præfisse semper Synodis œcumenicis, & fidem antè dictasse: 3. Cum in causâ Pelagianorum tractandâ, Synodisque aduersus eos Africanis, patefactum est, Prouinciales aut Exarchicas Synodos, à Sede Apostolicâ femel approbatas, in arcem inuadere ineluctabilis auctoritatis, & in fidei dogma recipi: 4. Cum communionem Sedis Apostolicę coniunctissimam esse declarauimus cum fide Catholicâ, & vtriusque pariter quoslibet vel exortes fieri, vel compotes; his omnibus sanè implicatum erat & caput istud, Sedis Apostolicę eiusque Præsulis doctrinam, orbi Christiano promulgatam, à fidei Catholicę amussi nunquam deuiasse.

XXVII. Ex præfundatâ superius doctrinâ idem efficitur multipliciter.

XXVIII. Item ex eo, quod longè plures hæreres sine Synodo œcumenicâ opprimebantur.

Ad hæc cum ex Augustino disertissimè expressum supra sit, & annales sacros vel primoribus labris delibanti constet, longè plures hæreres nullâ œcumenicâ Synodo profligatas esse, longè plures nullâ profligari potuisse aut debuisse; cum rursus exploratissimum sit, quandiu nulla colligitur vniuersalis Synodus, summum controuersiarum ecclesiasticarum cognitorem, arbitrumque esse Romanæ Cathedræ Antistitem: nemo non sentit, & penè tangit, quid ex his ita præstructis exoriat. Quippe cum plerumque non debeat, cum persæpe non possit, cum rarissimè debeat & possit fatigari, & cogi vniuersalis Ecclesia in Synodum; pullulascant autem lites de fide hæreresque densissimæ: certissimo erroris discrimini committitur Ecclesia, nisi extra Synodi subsidium, inconcusso alio quopiam, nempe Apostolici è Sede Petri oraculi præsidio muniatur. Et ut affecti sunt animi fidelium toto orbe sparsorum, ubi quid primùm in fidei dogmate ambigitur, ad Petri Sedem oculos coniiciunt omnes, eius nutum explorant, inde pendent; anticipato in eorum animis hoc præiudicio, quod illa tenet, tutissimè se amplecti. Quod cum ita comparatum sit, inde nimirum id efficitur, ut si vsquam laberetur fides Romana, Ecclesiæ pariter vniuersæ fides corrueret. Cum non possit ergo vniuersa labi Ecclesia, nec Romana potest, cui se vniuersa commisit.

XXIX. Ostenditur complures hæreres Pontificis Romani maximè autoritate contritas esse. Primò de Origenistis.

Et hætenus quidem quascumque perstrinximus hæreres, in earum damnatione antesignanam fuisse Romanam Sedem ostendimus. Paucas alias, vel de iisdem pauca hîc alia addo in cumulum.

Origenistas Anastasius damnauit epist. 3. ad Ioannem Hierosol. Episc. scripta: *Absit hæc ab Ecclesiâ Romanâ, nequaquam Catholica disciplina. Nequaquam profectò eneniet, ut aliquâ hoc admittamus ratione, quod iure meritoque damnamus. Quapropter in toto orbe Christi Dei nostri diffusa prouidentia, probare dignabitur, probare nos omnino non posse, quæ Ecclesiam maculent, &c. Mihi ceriè cura non deerit, Euangelij si-*

dem circa meos custodire populos, partesque populi mei per quaque spatia terrarum diffusas, quantum possum, literis conuenire; ne qua prophana interpretationis origo surrepat, &c. Assertæ aduersus hæc portenta gloriam fidei palmarem locupletissimis Hieronymi testimoniis suprâ adsignauimus Anastasio. Quibus hæc adde. In epist. ad Pammach. adu. error. Orig. *Quisquis es assertor nouarum dogmatum, queso te, ut parcas Romanis auribus, parcas fidei, quæ Apostoli voce laudata est. Cur profers in medium quod Petrus & Paulus edere noluerunt? Et mox: Ipse Origenes in epistolâ, quam scribit ad Fabianum Romanæ urbis Episcopum, pœnitentiam agit, cur talia scripserit. Et in Apolog. aduers. Ruffinum, mentione facta supralaudatæ Anastasij epistolæ, subieci exemplum eius, ut si non vis audire fratrem monentem, audias Episcopum condemnantem. Et in alia aduersus eundem Apolog. In epistolâ sancti Papæ Anastasij lubricus extisisti; & turbatus, in quo figas pedem, non reperis. Modò enim dicis à me esse compositam. Nunc ab eo ad te debuisse transmitti, cui missa est. Rursus iniustitiam ad te scribentis arguis, etiamsi scripta sit ab illo, siue non scripta, ad te nihil pertinere testaris, qui prædecessoris eius habeas testimonium, &c. Non est leue, quod tibi impingit tantæ urbis Pontifex, &c. Siricij iam in Domino dormientis profers epistolam, & uiuentis Anastasij dicta contemnis, &c. Romana urbis iudicium fugis, &c. Et in epist. ad Pammach. & Marcell. Prædicationem Cathedra Marci Euangelistæ, Cathedra Petri Apostoli suâ prædicatione confirmet. Quanquam celebri sermone vulgatum sit, beatum quoque Anastasium latitantes in suis foveis hæreticos persecutum, eiusque litera doceant, damnatum in Occidente, quod in Oriente damnatum est. Cui multos imprecamur annos, ut hæreseos rediniua plantaria, per illius studium longo tempore arefacta moriantur. Urget inculcatissimè Hieronymus hæreticum esse, quod damnauit Theophilus Alexandrinus, cuius damnationem confirmauit à Cathedra Petri Anastasius; nec Ruffinus, etsi nulla non capteret effugia, tantæ authoritatis pondus detrectare audet; sed alio se quasi patrocinate tuctur Romano Pon-*

tifice. Usque ad Synodum autem in suspendio rem esse debere, neutri in mentem venerat.

XXX. Item de Ioviniano.

Iovinianistas Siricij maximè Pontificis decreto prostratos fuisse suprà ostensum est. De consanguineis eorum Heluidianis idem coniice ex Hieronymo in Apol. pro libris adu. Iovinian. *Dum adhuc viveret sancta memoria Damasus, librum contra Heluidium de beata Maria perpetuâ virginitate scripsimus, in quo necesse fuit nobis ad virginis beatitudinem predicandam, multa de molestiis dicere nuptiarum. Num vir egregius, & eruditus in scripturis, & virgo Ecclesia virginis doctor, aliquid in illo sermone reprehendit?*

XXXI. Similiter de Pelagianis.

Pelagianos Romanæ Sedis fulmine percussos æternùm iacuisse, prolixè suprà explanatum: adde & extrema hæc verba Pelagij libelli ad Innocentium Papam transmissi, successori eius Zosimo exhibiti: *Hæc est fides, &c. in quâ si minus peritè, aut parum causè aliquid fortè positum est, emendari cupimus à te, qui Petri & fidem & Sedem tenes. Sin autem hæc nostra confessio Apostolatus tui iudicio comprobatur, quicumque me maculare voluerit, se imperitum, vel malevolum, vel etiam non Catholicum, non me hereticum comprobabit. Et Cælestinus Papa in epist. ad Episcopos Gallix, de Augustini doctrinæ obtrectatoribus, vel in contextu illi capitum indiculo, Cum Pelagium atque Cælestinum anathematizare non dubitent, magistris tamen nostris tanquam necessarium modum excefferint, obloquuntur: eaque tantummodo sequi, & probare profitentur, quæ sacratissima beati Apostoli Sedes contra inimicos gratiæ Dei per ministerium Prasulum suorum sanxit & docuit. Necessarium igitur fuit diligenter inquirere, quid rectores Romana Ecclesiæ de hæresi, quæ eorum temporibus exorta est, indicauerint: ita ut etiam Africanorum Conciliorum quasdam sententias ingeremus, quas etiam suas fecerunt Apostolici Antistites, cum probarunt. Et ad calcem: Satis sufficere credimus, quidquid secundum prædictas regulas Apostolica Sedis nos scripta docuerunt: ut prorsus non opinemur Catholicum, quod apparet præfixis sententiis esse contrarium. Viden ut Augustino, ut Africanis Conciliis minùs assurgant Galli obstinatior;*

tiores; at Apostolicæ Sedis oraculo non ipsi tantum, sed & Pelagius inclinet assensum? Vides ut exerce Catholicum pronuncietur, quod approbarit: hæreticum, quod refutauerit Sedis Apostolicæ Præsul? Vides ut nec hæreticis, nec Catholicis veniret in mentem, sustinendam esse assensionem, donec œcumenica Synodus conueniret?

Priscillianistarum insana deliramenta Romanâ potissimum ex arce, fulminibusque Petri vicarij disiecta fuisse, suprà suo loco patuit. Adde & epist. 93. Leonis Papæ I. Merito Patres nostri, sub quorum temporibus hæresis hac nefanda prorupit, per totum mundum instanter egere, ut impius furor, ab vniuersâ Ecclesiâ pelleretur: quando etiam Principes mundi ita hanc sacrilegam amentiam detestati sunt, ut authorem eius, ac plerosque discipulos legum publicarum ense prosternerent. Non sustinebatur assensio, non Synodus œcumenica expectabatur suspensis animis, cum erroris authores sectatoresque primarij obtruncabantur. Mox sigillatim capita omnia monstrosæ hæreseos perlustrat sanctus Pontifex, & configit, subiicitque, ad Turibium Asturicensem Episcopum scribens: *Habeatur inter vos Episcopale Concilium, ut secundum ea, quæ ad tua consulta respondimus, plenissimo disquiratur examine, an sint aliqui inter Episcopos, qui huius hæreseos contagio polluantur; à communione sine dubio separandi, si nefandissimam sectam per omnium sensuum prauitates damnare noluerint, &c.* Ad tuæ dilectionis sollicitudinem pertinebit, ut nostræ ordinationis auctoritas ad prædictarum prouinciarum Episcopos deferatur. Debellati in Hispania portenti huius gloriam huic Leonis epistolæ aperte adscribit Synodus Bracharensis prima, in quâ hæc Lucretius Metropolitæ Bracchar. primum pronunciat: *Eo tempore, quo in his regionibus nefandissima Priscillianæ secta venena serpebant, beatus Papa urbis Romanæ Leo, qui quadragesimus fere exiit Apostoli Petri successor, per Turibium notarium Sedis suæ, ad Synodum Gallicie contra impiam Priscilliani sectam scripta sua direxit. Cuius etiam præcepto Carthaginenses, &*

XXXII. Item
de Priscillianis.

Tarraconenses Episcopi, Lusitani quoque, & Bæitici, facto inter se Concilio, regulam fidei contra Priscillianam heresim cum aliquibus capitulis conscribentes, ad Balconium, tunc huius Bracharensis Ecclesie Prasulem direxerunt. Vnde quia & ipsum præscripta fidei exemplar cum suis capitulis præ manibus hæc habemus, pro instructione ignorantium, si vestra placet reuerentia, recitetur. Omnes Episcopi dixerunt: Valde necessaria horum capitulorum est lectio, ut dum simplicioribus quibusque pristina sanctorum Patrum statuta panduntur, abominata iam olim à Sede beati Petri Apostoli, & damnata Priscilliani heresis figmenta cognoscant. Etsi & aliæ Synodi concrepauerant aduersus Priscilliani portentosa figmenta, etsi Hispanienses ipsi Episcopi regulam fidei cum aliquibus capitulis conscripserant in Concilio plenario, seu plurium prouinciarum: antefertur tamen his omnibus, & maioris est ponderis sententia Sedis B. Petri Apostoli & Leonis. Itaque Petri Sedes præit, & subsequitur: Episcopi regulas fidei iuxta illius dictata conscribunt, & subscribunt: at magisterij decus palmare Apostolico semper folio vindicatur.

XXXIII. Item
de Arianis, Ma-
cedonianis, Ne-
storianis, & Eu-
tychianis.

Arianos, Macedonianos, Nestorianos, Eutychianos, etsi œcumenicis Synodis obtriti sint, & ante Synodos tamen & post, ab Apostolicâ Sede damnatos principaliter & conculcaros fuisse, illud argumento est: quod pestes illæ omnes Orientem totum, & Orientis Patriarchales ipsas Sedes diutissimè & impotentissimè populatæ sint: ab Occidente, cui propius Sedes Petri adsplendescibat, penè exularint. De Arianis fidem facit Socrates lib. 2. cap. 22. Cinitates Græcia, Illyrii, & cæterarum orbis partium ad Occidentem vergentium tumultu & perturbatione propterea caruere, quod inter se concordarunt, decisioque de fide in Concilio Nicæno tradita apud ipsos semper dominata sit. Et Sozomenus lib. 3. cap. 12. Ecclesia versus Solem obcurrentem sita, quoniam Patrum decretis ritè gubernata erat, omnino à contentione libera fuit. Nam quamuis Auxentius Episcopus Mediolani, & Valens & Ursacius ex Pannonia oriundi, impensè laborarent, opinionem Arii in illam imperij partem traducere: tamen illo-

rum conatus haudquaquam successit ex animi eorum sententiâ. Quandoquidem Sedis Romana Antistes, & alij Episcopi ac sacerdotes studiosè præcauerunt, & illius haresis germina amputarunt. De Macedonianis alibi dictum est, quorum nec afflavit quidem Occidentem vesania. Nec nisi Damasi autoritate & consensu, atque Occidentalium illi consentaneorum Constantinopolitana I. Synodus in robur œcumenici Concilij excreuit. De Nestorianis à Cælestino Principe confossis, nemo nisi valde hospes, & rudis rerum Ecclesiæ ambigit. Adde & ex epist. 2. Sixti Papæ ad Ioannem Episcopum Antiochenum, qui nonnihil ea in parte titubauerat, & tandem resipuerat: *Expertus es negotij presentis euentu, quid sit sentire nobiscum. Beatus Apostolus Petrus in successoribus suis, quod accepit, hoc tradidit. Quis ab eius se velit separare doctrinâ, quem ipse inter Apostolos primum magister edocuit?* De Eutychianis longè exploratissima res est, cum & errorem, & erroris parentem latrociniali Ephesinâ secundâ Synodo approbatum, principalium Orientis Episcoporum consensione & subscriptione subnixum, imperatorio etiam præsidio armatum, Leo primus ante & per Chalcedonense Concilium prostrauerit. Quâ de re fusissimè supra.

Monotheletas Orientalibus Ecclesiis, & Patriarchalibus Sedibus incubantes, omniaque diu & impune depascentes, Petri Sedes prima & sola damnauit, Occidentine adrepere quidem passa est, ab Oriente tandem ipso eliminauit. Quocirca non ad Sedis suæ ostentationem, sed ad publicam salutem ita Agatho ad Imperatores scribit act. 4. Synodi 6. *Petri adiuuante præsidio, hac Apostolica eius Ecclesia nunquam à veritatis viâ in qualibet erroris parte deflecta est; cuius auctoritatem, utpote Apostolorum omnium Principis, semper omnis Catholica Christi Ecclesia, & vniuersales Synodi fideliter amplectentes, in cunctis secuta sunt, omnesque venerabiles Patres Apostolicam eius doctrinam amplexi, &c. Et in epist. eiusdem, & vniuersarum Synodorum subiacentium Synodo Apostolici throni, idem ex omnium Occidentalium*

XXXIV. Item
de Monotheletis.

consensu habetur: *Vera fidei splendidissimum lumen, ex veri luminis fonte, tanquam ex radio vivifici fulgoris, per ministros beatum Petrum & Paulum Apostolorum Principes, eorumque discipulos, & Apostolicos successores, gradatim usque ad nostram parvitatem, Dei opitulatione servatum est, nullâ heretici erroris tetrâ caligine tenebratum, nec falsitatis nebulis confectum, &c.* Hæc est perfecta nostra scientia, ut terminos Catholica atque Apostolica fidei, quos usque adhuc Apostolica Sedes nobiscum tenet & tradit, totâ mentis custodiâ conseruemus: Subdunt hæc eadem in Occidentalium omnium Romano Concilio sub Martino Papa decreta fuisse, iis se medullitîs inhærare, mitti à se ad œcumenicum Concilium illam, quæ universorum est per septentrionales vel occidentales regiones Episcoporum suggestionem, in qua Apostolica fidei confessionem præbavimus, non tanquam de incertis contendere, sed ut certa atque immutabilia compendiosâ definitione proferre. Sed quid in hanc rem expressius epistolâ trium Africæ Conciliorum ad Martinum Papam missâ, in causâ eorundem Monothetarum, & lectâ in secreto 2. Synodi Lateran. sub eodem: *Magnum & indeficientem omnibus Christianis fluentem redundantem, apud Apostolicam Sedem, consistere fontem, nullus ambigere possit; de quo rivuli prodeunt affluenter, universum largissimè irrigantes orbem Christianum; cui etiam in honore beatissimi Petri, Patrum decreta peculiarem omnem decrevere reverentiam, in requirendis Dei rebus, quæ omnino & sollicitè debent, maximè verò iusteque ab ipso Prasulum examini vertice Apostolico; cuius vetusta sollicitudo est tam mala damnare, quàm probare laudanda. Antiquis enim regulis sancitum est, ut quidquid quamvis in remotis, vel in longinquo positis ageretur provinciis, non prius tractandum vel accipiendum sit, nisi ad notitiam almae Sedis vestrae fuisset deductam: ut huius authoritate, iuxta quæ fuisset pronuntiatio, firmaretur; indeque sumerent cetera Ecclesia, velut de natali suo fonte predicationis exordium, & per diversas totius mundi regiones, puritatis incorrupta maneat fidei sacramenta salutis. Sospitas & dei dilucidè accepta fertur Sedi Petri, nec ad œcume-*

nicas Synodos ablegantur omnes Ecclesiæ, fidei fluentia hausturæ; sed ad indeficientem & redundantem Cathedræ Apostolicæ fontem, vt iisdem penè verbis olim Innocentius Papa primus præcinuerat.

Iconomachorum hæresi ante œcumenicam Synodum Romanos Pontifices obstitisse, anathema illisuisse, nequaquam in suspenso fidem vsque ad Synodos fuisse, meridianâ ipsâ luce manifestius est, vt infra declarabitur, disert. 21. Et ne longum faciam, cæteras Ecclesias, etiam Patriarchales & plurima & fœdissima affligere hæresum examina, & tandem à Catholicæ Ecclesiæ compage auulsere: Petrus in sua Sede immortaliter viuens & docens, confirmauit fratres suos, vacillantes tenuit, lapsos reuocauit, irreuocabilitèr insanientes damnauit; Occidentales & propiores, & additiōres sibi, à fide deficere vsquequaque non fuit: in eâ quæ ante ducentos paulò minùs annos, Occidentem ipsum discerpserat, defectione, proximiora sibi quæque regna ab interitu fidei seruauit; successores suos nullâ passus est hæreseos contagiosâ doctrinâ sordidari. Vnde merito, & iure Ioannes VIII. epist. 75. ad Regem Bulgar. *Ingemiscimus mærentes, ne si fortè Gracos secuti fueritis, cum illi in diuersas hæreses & schismata solito more ceciderint: vos quoque cum ipsis in erroris profunda ruatis, &c. Interroga seniores tuos, & dicent tibi, si aliquando Graci sine hac, vel illâ hæresi fuerint; & cum non inuenieritis eos ab aliquâ hæresi aliquando liberos extitisse, oportet vos eorum fraudes & consortia fugere, &c. In eis sæpe Prasule Constantinopolitano vel Imperatore, aut plerumque utroque auctore facti hærescos, plures qui sub ipsis sunt, adulatione, aut certè timore illis efficiuntur consimiles: &c. Credimus autem, quod iam non vos lateat Apostolicam B. Petri Sedem, nunquam ab aliis Sedibus reprehensam: cum ipsa alias omnes, & præcipuè Constantinopolitanam sæpissimè reprehendens, aut ab errore liberauerit, aut certè, in his qui resipiscere noluerunt, sententiæ suæ iudicio condemnauerit. Et epist. 76. Sanctam Romanam Ecclesiam B. Petrus in hac fide fundatâ proprio sanguine*

XXXV. De Iconomachis.

cum Paulo, Domino Deo consecrauit & dedicauit, &c. Sicut aqua nunquam potest alibi tam munda vel tam limpida quemadmodum in fonte, unde originem protrahit, inueniri: ita & fides nunquam omnino poterit alibi tam pura, vel tam nitida reperiri, sicut in Ecclesia nostra viuario: ubi tam non tecta perstillantia, quibus litigiosa mulier, id est, haeretica prauitas comparatur: sed ille palorum clauiger ubertim & purissimè congregauit, qui ex ipso fonte vino hanc celitus hausit, & limpidissimam conseruandam mandauit. Quæ suprà dissert. 16. Nicolaus de Cusa, præ oculis habuisse, atque expressisse videtur.

XXXVI. De primæ Sedis priuilegio isto apud Græcos in Synodis venditato, & cur?

Et illud quidem omnibus in œcumenicis Synodis, Pontificumque Romanorum epistolis, maximè ad Orientales destinatis, obseruare est; fidenter & copiosè à Romanis, vel Occidentalibus venditari priuilegium Apostolicæ Sedis Romanæ, quæ nunquam errarit in fide, errantes semper reuocauerit: at Orientales Episcopos, maximè principalium Sedium, ac præ cæteris vrbis Regiæ, ad hæc plerumque frigere, conticescere, aut obliquè aduersari, non tamen palàm refragari vnquam. Atque ibi aduerte 1. permaximi esse momenti vel solam Occidentalium omnium conspiracyonem, qui legatis & epistolis coniunctissimis intererant, & docebant in Synodis Orientalibus. 2. Nunquam apertè Græcos reluctatos esse, assensos videri non semel: tot & tantis affirmantibus ipso saltem silentio suo acquieuisse. 3. Primarias omnes hæreses in Oriente, in ipsis ferè principalium Ecclesiarum Sediumque visceribus exortas, ibi diutius hæsisse, nullam in Romanâ Sede, vel Ecclesiâ. 4. Per Romanæ Sedis Pontifices ab hæresi ad rectam fidem iterum atque iterum reuocatas fuisse singulas & vniuersas Orientis Patriarcharum Ecclesias, nusquam ab ipsis Romanam. 5. Non iactantiæ id fuisse, quod inculcatissimè suæ Sedis inerrantiam venditarent Romani Præsules Orientalibus, exitu ipso commonstratum est. Quod enim ægrè, aut ne ægrè quidem inducerent in animum suum, huic priuile-

gio Petri, Petrique Sedis subscribere, inde nimirum in varia iam olim errorum abrupta transfuſi acti sunt; inde vix vt reſiſcerent, adducti: inde irreuocabili tandem ruinâ præcipitati sunt. Intererat ergo & ad ipſorum & ad totius Eccleſiæ incolumitatem, Petri Sedem fidemque inuictiſſimam oſtendi, cui ſi acquieſcere Orientales adducti eſſent, non tandiu Ariana illos vel ante vel poſt Nicænam Synodum iactaſſet procella; non Macedoniana, non Neſtoriana, non Eutychiana lues tam immaniter eorum viſcera depaſta eſſet: non Monothelitarum, non Iconomachorum cladibus attriti fuiſſent: non ante hæc omnia de Paſchate & de baptiſmo hæreticorum tam inutiliter afflicti; non poſt hæc omnia ab ipſo Catholice Eccleſiæ corpore deſperatiſſimo auſu ſe ipſi abſcidiſſent. His ſtragibus Occidentem ſubduxit Petri Sedes ſibi morigerum, his pertinacia ſua Orientem immerſit. Nemini oculato, cordato nulli hæc leuia videbuntur argumenta, quæ tam conſtanti ſæculorum decurſu, & Eccleſiæ Chriſti ſponſæ adminiſtratione cælitus diſpenſatâ, nituntur. 6. Synodi œcumenicæ his malis mederi non potuerunt, ſeu quod cogi nequierint, ſeu quod dum Synodus procrastinatur & expectatur: magnæ quippe molis eſt, totam Eccleſiam in vno quopiam loco præſentare; interim tam altas agat radices vis morbi, vt extirpari deinceps nequaquam poſſit. Itaque etiam vt plurimum Synodis vale dixere, & obuerrere terga, qui Romanis Pontificibus prima mali ſemina vitari edicentibus minùs obſequebantur.

Ne autem ex ſola Græcorum diſſenſione, & infeliſſimo eius exitu, ad conſentiendum priuilegio primæ Sedis argumenta aucupemur: eorum non paucos proferre licet, qui & ipſi cum Occidentalibus ſuffragati ſint. Irenæi verba iam ſuperiùs deſcripſi. Planiſſima ibi aduerſus omnes hæreſes præſcriptio occurrit, non longo circuitu ſingulas perlustrans Eccleſias, non ex omni Eccleſiâ Synodum conuocans; ſed compendioſiùs ſolam adiri

XXXVII. Græcorum Patrum ſuffragia ad hoc ipſum.

iubens Romanam Ecclesiam, Petri & Pauli doctrinâ pariter & sanguine fundatam: eoque Principem & eminentissimam omnium Ecclesiarum. A quibus non abludit Athanasius epist. ad solitarios: *Ne Liberio quidem Romano Episcopo pepererunt Ariani, nulla reverentia ducti, vel quod Sedes illa Apostolica esset, vel quod Roma Metropolis esset Romania, vel quod eos Apostolicos viros in suis epistolis nominassent, &c.* Nam cum Liberium vidissent orthodoxum, & esorem quidem Arianica secta, studiosum verò in hoc, ut cunctos ab eâ heresi retraheret, ista secum impij cogitarunt. Si Liberium in nostram traxerimus, omnes breui superabimus, &c. Vides ut vel hostibus Ecclesiæ præiudicatum id esset, Romanæ & Apostolicæ Sedis Pontificem omnes admirari, omnes lubentissimè in negotio fidei audire & sequi. Theodoretus epist. 113. ad Leonem Papam: *Si Paulus præco veritatis, tuba Spiritûs sancti ad magnum Petrum se contulit, ut iis qui Antiochia de legali conversatione ambigebant, explicationem ab illo referret; multò magis nos humiles & pusilli ad Apostolicam Sedem vestram recurrimus, ut Ecclesiarum ulceribus remedia à vobis accipiamus. Vobis enim primas in omnibus tenere convenit. Multis siquidem prerogativis ornatur Sedes vestra, &c.* Præcipuè autem illam fides ornat, cuius testis idoneus est divinus Paulus clamans, *Fides vestra annuntiatur in universo mundo. Quod si statim post suscepta salutaris predicationis semina, mirabiles hos fructus uberrimè protulit: predicanda, quæ in ea nunc viget, pietati quanam par esse queat oratio? Habet præterea communium Patrum Magistrorumque veritatis Petri & Pauli sepulcra, fidelium animas illuminantia. Quorum beatissimum ac divinum par in Oriente quidem exortum est, & radios quæquæ versum diffudit; sed in Occidente vita occasum ultro subiit, atque inde nunc orbem univèrsam collustrat.* Et epist. 116. ad Renatum Presbyterum: *Oro sanctitatem tuam, sanctissimo Archiepiscopo persuadeat, ut Apostolica autoritate utatur, & ad Concilium vestrum aduolare precipiat. Habet enim sanctissima illa Sedes Ecclesiarum, quæ in toto sunt orbe, Principatum multis nominibus: atque hoc ante omnia, quod ab heretica*

ticâ tæbe immunis mansit, nec ullus contraria sentiens in illa sedis, sed Apostolicam gratiam integram conseruauit. Nemini Latinorum Romanæ Sedis laudibus addictissimo occurrere quidquam potuit magnificentius. Et quidem si tempora spectes, quibus scribebat ista Theodoretus, non illi modo, sed omnibus Orientis Episcopis orthodoxis hanc insedisse sententiam comperies. Cum enim latrocinio Ephesino implicatæ essent primariæ Orientis Sedes, & huic impietatis eluuiioni vna supernataret Sedes Romana; vna velut arca Noë, fidei & Ecclesiæ Catholicæ salutem circumferret: quid de seipsis aliud, quid de Romano Præsule sentire poterant Orientales, nisi quod reties iam, & tandiu & tunc euidentissimè experiebantur, se in lubrico stare & lapsare identidem, illum oratione Christi communitum esse, ne fides eius deficeret, utque fratres suos confirmaret? Id vnanimi suffragatione conrestiti sunt Orientales omnes Episcopi, cum epistolæ Leonis ad Flavianum, etiam ante Chalcedonensem Synodum subscribere. Vnius enim Leonis auctoritatem ea præ se ferebat epistola. Et tamen ei subscribebant, quicumque post Ephesinam secundam; ante Chalcedonensem Synodum, Catholicos se haberi gestiebant.

Sed vnde hanc exorsi sumus disputationem, nisi à Græcorum percontatione, quâ Petri Sedem adiere, vnusne Trinitatis passus dici, propriè & veraciter Dei mater Maria prædicari deberet? Audi rursus in eâ causâ epistolam Iustiniani Imperatoris ad Agapetum: *Ante tempus in hac regiâ urbe nostrâ quorundam de causâ fidei exitit morbosa contentio: quam nos congruè respuentes interpositio edicto repressimus. Et quia studij nostri est, emergentes huiusmodi causas, ad Apostolica Sedis vestra referre iudicium, &c.* Cui rescribit Agapetus, *Cupio, &c.* *Tuæ pietatis epistolam de fidei vestra expositione, à præcessore nostro Ioanne roboratam, nostrâ quoque auctoritate firmamus, laudamus, amplectimur: non quia laicis auctoritatem prædicationis admittimus, sed quia studium fidei vestra Patrû nostrorum regulis conueniens confirmamus atque roboramus.*

XXXVIII. Rursum Græcorum consensus ex his relationibus de vno ex Trinitate passo, &c.

XXXIX. Item
ex disceptatione
de tribus capitu-
lis.

Veniamus ad trium Capitulorum disceptationem, ubi Orientales adversus imperatoriae potestatis iniuriam, & errandi in Chalcedonensis Synodi fide discrimen, vno se maximè tuebantur, quem sibi despondebant, Romani Antistitis consensu. Audi Facundum lib. 4. cap. 4. Menas Episcopus Constantinopolitanus *contentus à Stephano Ecclesiae Romanae Diacono, cur priori sententia sua contrarius, acquiesceret his quae antè culpanerat, & de quibus se nihil acturum sine Apostolica Sede promiserat; sub eâ se conditione cessasse, & iuratum sibi fuisse respondit, quòd chirographum suum reciperet, si hac Romanus Episcopus non probaret. Sed nunquid sine propria manu Romano Episcopo non probante, recipiat, nihilque illi quod metuit, de humano iudicio contingat: ideo sententiam Dei iudicis atque ultoris effugiet? &c.* Zoilus quoque Alexandrinae urbis Antistes, cum Romanum Episcopum venire cognosceret, obviam illi ad Siciliam misit, conquerens necessitate se ad ipsius decreti affirmationem fuisse compulsum: quod hic ei postquam venit, idem Romanus Episcopus in facie palam, nobis quoque inter alios praesentibus, exprobravit. Et infra: *Iam verò de aliarum Ecclesiarum Episcopis quid loquamur, qui & cum scribere compellerentur, palam reclamaverunt contra magnam Synodum fieri: & post subscriptionem memorato Stephano Romano Diacono libellos dederunt Sedi Apostolica transmittendos, consentientes in eis, quòd à Constantinopolitano Episcopo coacti subscriberent.* Perspicuum ex his est, Episcopos Orientales, etiam ipsos Episcoporum apices, in eâ controuersia quae fidem Chalcedonensi Synodo constitutam labefactare videbatur, à nutu Romani Antistitis pendulos alternasse, ut cum illo quidvis & sub illo duce probarent, vel improbarent.

XL. Ex Maximo
Martyre, & So-
phronio Episco-
po Hierosolym.

Et rursus Maximus Martyr in causa Monothetarum, ut refertur à Genadio Patriarcha Constantinopolitano, in defens. Concil. Florent. cap. 5. num. 8. Maximus, inquam, in disput. cum Theodosio Caesare Episcopo: *Quoniam pupugit vos, ut exciperetis sanctorum Patrum voces, ut Canon docet, Romam de hac re scribite, &c. Synodali peti-*

tiene ad Romanum Pontificem transmissa: & omnino si reperiat
 tur ratio Ecclesiastica, qua id concedas ob rectam fidei confessio-
 nem, conuenite super hoc inter vos. Et idem Maximus in di-
 sput. cum Pyrrho, patrociniū Vigilij & Honorij Pon-
 tificum Romanorum sibi adesse fingentes Monotheletas
 luculentè refellit, & futilem exufflat calumniam, vt in-
 fra suo loco dicemus. Eximius eiusdem Apostolicæ do-
 ctis vindex præfulserat aliquantò antè Sophronius Ponti-
 fex Hierosolymitanus, vt refert Consult. 2. Concilij La-
 teran. sub Martino Stephanus Episcopus ab eo Romam
 aduersus Monotheletas ablegatus. Hæc autem præloqui-
 tur Stephanus, *Annunciemus hæc omnia Sedi summa vestra
 & principali, ad medicinale consilium emersi vulneris. Quippe
 quoniam hoc potestatiue olim & ab antiquis facere per Aposto-
 licam, siue Canonicam consuevit auctoritatem, dum aperta lu-
 cubratione non solum clauēs regni calorum credita sunt ei, atque
 ipse tantummodo ad aperiendum eas Princeps Apostolorum me-
 ruit Petrus: sed etiam & pascere primus iussus est oues Ecclesia
 Catholica, &c. Et iterum ipse præcipue ac specialiter firmam præ
 omnibus habens in Dominum Deum nostrum & immutabilem
 fidem, conuertere aliquando & confirmare exagitatos consortes
 suos & spiritales meruit fratres, utpote dispensatiue super omnes
 ab ipso, qui propter nos incarnatus est Deus, potestatem acci-
 piens & sacerdotalem auctoritatem. Quod utique sciens beata
 memoria Sophronius, &c. Tum verba profert Sophronij,
 Romam ipsum amandantis: Quotocius ergo de finibus terra
 ad serminos eius deambula, donec ad Apostolicam Sedem, ubi
 Orthodoxorum dogmatum fundamenta existunt, peruenias: non
 semel, non bis, sed multò sæpius aperiens sacris viris ibidem
 consistentibus omnia secundum veritatem, qua in istis partibus
 mota sunt: & non quiescas instantius expetens atque exorans
 eos, donec ex Apostolicâ prudentiâ, qua in Deo est, ad victo-
 riam iudicium perducere debeant, & nouiter introductorum dog-
 matum perfectam faciant secundum Canones destructionem.*

In imaginum quæstione Stephanus ab eodem Genna-
 dio ibidem num. 10. profertur, Pseudosynodum Græco-

XLI. Ex Step-
 hano Martyre, &
 Theodoro Stud.

rum Iconoclastarum hoc argumento refellens, *Quo pacto Oecumenica appellabitur Synodus, in quâ Romanus Præses non præfuit? Sine cuius assensu non licet res ecclesiasticas ordinare?* Ita inclytus Martyr. Et infra sect. 16. refertur ab eodem Theodorus Studita in epistolâ ad Paschalem Papam: *Audi Apostolicum caput, à Deo electe, Pastor Omnium Christi, Clauiger regni calorum, Petra fidei per quam adificata est Catholica Ecclesia. Nam tu es Petrus, Petri sedem exornans & gubernans, &c. Huc ades, ab Occidente exurge, Tibi dixit Christus, Et tu quandoque conuersus, confirma fratres tuos.* Et idem Theodorus in eadem epist. *Vos igitur verè illevis fons, ac sincerus, iam inde ab initio vera fidei. Vos ab omni hereticorum procellâ longè positi: securus totius Ecclesiæ portus. Vos à Deo electa ciuitas ad salutis refugium.*

XLII. Inculcant
Græci penes
quinque Patriar-
chia esse priuile-
gium non erran-
di.

In octaua autem Synodo videntur quidem Græci ed-
vergere, vt summa definiendi potestas, sit penes quin-
que Patriarchales Sedes. Act. 5. Bahanes ad Photium: *Loquere domine Photi, quodcumque habes iustitia opus: totus mundus hîc est. Ne claudat viscera sua sancta & vniuersalis Synodus. Quo namque vis ex hoc confugere? Romam? Ecce à Roma: In Orientem? ecce ab Oriente hîc adsunt.* Et act. 6. Me-
trophanes: *Posuit Deus in firmamento cali tanquam quædam magna luminaria, videlicet quinque Patriarchalia capita in illuminationem totius terra.* Et infra Basilii Imp. *Quos dicitis, ab aliis Patriarchis restituti sunt, &c. Vestrum autem casum & vulnora nullus ecclesiasticorum Medicorum sanauit, neque aliquis Patriarchalium capitum.* Et act. 7. Bahanes: *Dicite unde estis, de calo estis, de abyssu estis? An de terrâ, in quâ nos degimus? Ostendite hâc horâ, quia siue hæresis mota est, siue schisma emerfit, in qualibet parte, & sensis aliquis extra quatuor Patriarchia, & saluatus est, & audio vos. Hodie quatuor Patriarchia, imò verò quinque condemnatione condemnant vos, quid vobis videtur ad hæc? Est qui adiunget vos? Et act. 8. idem Bahanes: *Quò fugies, aut quò ibis? Posuit Deus Ecclesiam suam in quinque Patriarchiis, & definiuit in Euangelis suis, vt nunquam aliquando penitus decidant, eò quòd**

capita Ecclesie sint. Etenim illud quod dicitur, *Et porta inferi non preualebunt aduersus eam*, hoc denunciat. Quando duo ceciderint, currunt ad tria; cum tria ceciderint, currunt ad duo. Cum vero quatuor forte ceciderint, unum quod permanet in omnium capite Christo Deo nostro, reuocat iterum reliquum corpus Ecclesie.

Si Græcas hinc artes & versutias suspicari nullas libeat, nihil moror. Istud enim unum, quod quatuor alia ab erroris baratro reuocauit Patriarchia, non potes nisi Romanum intelligere. Itaque non defultorium est istud priuilegium, ut vicissim alia aliis labentibus subsidio sint; sed ist Romano constanter defixum solio. Etenim nusquam Sedes alia Patriarchalis Romanam hæresi contaminatam purgauit; Romana cæteras omnes, nunc singulas, nunc vniuersas fidei rectæ restituit. Imò petrarò Sedes aliæ aliis ab hæresi reducendis insudare, sed Romana in id vel sola, vel prima & præcipua incubuit. Ad hæc in causâ Photij quæ tunc controuertebatur, nemo nescit vnâ præ cæteris Romanam expiandæ Constantinopolitanæ Ecclesie curam induisse: reliquas ei subscripsisse duntaxat. Ergo quinque Patriarchalium Sedium consensio ita interpretanda venit, ut Romanæ obsequantur aliæ. Id act. 1. eiusdem Synodi confitetur Syncellus Ecclesie Hier. *Ideo Patriarchalia capita in mundo posuit Spiritus sanctus, ut in Ecclesia Dei pullulantia scandala per ea exterminentur. Igitur cum presidens & præcedens Sedes senioris Romæ nequaquam receperit Photium, nec etiam Orientis tres throni, &c.* Et Anastasius Bibl. in præfat. ad hanc Synodum: *Cum Christus in corpore suo, quod est Ecclesia, tot Patriarchales Sedes, quot in cuiusque mortali corpore sensus locauerit: profecto nihil generalitati deest Ecclesie, si omnes illæ Sedes vnius fuerint voluntatis; sicut nihil deest motui corporis, si omnes quinque sensus integræ communisque fuerint sanitatis. Inter quas videlicet Sedes, quia Romana præcellit, non immerito visui comparatur: qui profecto cunctis sensibus præminet, acutior illis existens, & communio- nem; sicut nullas coram, cum omnibus habens.* Præclarissimè

LXIII. Quo id sensu capiendum.

& Georgius Scholarius hoc argumentum profecutus est in orat. 3. ad Conc. Florent. *Illud etiam considerare vos oportet, Ecclesiam ita esse à Domino in tuto adificatam, ut porta inferi nunquam sint adversus eam praevalitura, bareses inquam contra veritatem insurgentes, &c. Esse verò Dei Ecclesiam quinque Sedes Patriarcharum, & eas qui illis subiacent, tum Synodorum Canones, tum longa eius consuetudo, & ipsa rerum natura declarat. At hæc quæ capienda, palam facit series, exitusque Synodi Florentinæ; quâ id nimirum perfectum est, ut ad fidem & pacem Romanæ Sedis reuocarentur aliæ quatuor. Vnde idem paulò suprâ: Pugna illis eris cum totâ prorsus Ecclesiâ, eruntque ab universâ separati. Nam ubi Constantinopolitana Ecclesia unâ cum tribus aliis coniuncta fuerit Romana, nulla Catholica Ecclesia pars extrâ manet, &c. Vides ut reliquas Romanæ reuinciat. Ita & quod in vitâ Tarasij Patr. CP. narratur Paulus & ipse Patr. CP. paulò antequam à vita abiret, dixisse: Recuso esse pastor cætus heretici, & statui potius habitare sepulcrum, quàm esse obnoxius anathematibus sacra quaternionis Sedium Apostolicarum. Compertum est Romanæ soli fas tum fuisse anathema impingere Sedi Constantinopolitanæ, ab eâque unâ ad imaginum honores restaurandos regiam urbem esse reuocatum. Denique Constantinopolitanam & Hierosolymitanam Patriarchalem Sedem, tam nuperas, & ambitu multo euectas quis hoc donavit priuilegio? Alexandrina & Antiochena verò suam cum Romana Sede cognationem, suam ab eâ defluam potestatem, nec ipsæ dissimulabant. Postremò cum quatuor aliæ irreuocabili iam lapsu afflictæ, elisæque sint, id necessum est, ut penes Romanum Patriarchicum caput, tota illa iam residcat prærogatiua; imò tota semper resedisse æstimetur, quod nunquam cecidit; non penes alia, quæ decidua toties, & recidua, desperatissimo tandem demersa sunt exitio.*

XLIV. A Græcis ad Gallos descenditur, & recentiorum, aliquot

A Græcis ad Gallos descendamus, quorum prius iuniores aliqui percontandi sunt, ut eorum sententia ad antiquiorum Gallicanæ Theologiæ optimatum normam ex-

pendatur. Ergo Ioannes Gersonius lib. de Exam. Doctrinarum, confid. 2. *Examinator iuridicus doctrinarum fidem tangentium Papa supremus est in terris, post generale Concilium, vel cum ipso. Quoniam supremus in omni politia, iuris habet dubia circa politiam emergentia determinare, vel interpretari, vel declarare, cum appositione pœnarum in rebelles, &c. Porro non sequitur, Papa potest in definiendo fallere, vel falli, igitur non est index idoneus: sicut in aliis patet instantia. Concluditur tamen ex hac radice, duplex veritas. Prima quod determinatio solius Papa in his quæ sunt fidei, non obligat, ut præcisè est talis ad credendum. Alioquin staret in casu, quod quis obligaretur ad contradictoria, vel ad falsum contra fidem. Secunda veritas est, quod sententia Papæ ligat omnes fideles ad non dogmatizandum contrarium, nisi per illos, aut apud illos qui manifestum contra fidem deprehendunt errorem: & scandalum grande fidei suo silentio fieri, si non opponerent se, cognoscunt. Quod si fieret persecutio sententiarum & pœnarum contra eos, sciant beatos esse, quæ persecutionem patiuntur propter iustitiam. Superest quoque remedium Concilij generalis, &c. Idem ille compluribus aliis locis. Iacobus Almainus lib. de Nat. Ciu. & Eccles. Dominio: Potestas est maior perfectione in Ecclesiâ, quàm in summo Pontifice. Est enim in Ecclesiâ indeuialiter, ita quod errare non potest in his quæ sunt fidei, & bonorum morum, &c. sed in summo Pontifice est deuialiter. Ex quo infertur corollarie, quod determinatis per summum Pontificem non est necessario credendum, (quamuis non sit oppositum publicè dogmatizandum,) nisi manifestum sit ex sacris literis, ex reuelatione aut determinatione Concilij determinantis, aut per Concilium necessario credendum. Ioannes Maior, alique Parisiensium maximè doctorum in eandem sententiam descendere.*

disSENSIO refertur
primū.

Ad id nunc indagandum adgredimur, an in hanc de primæ Sedis definitionibus opinionem iunioribus his præiuerint vetustiores Gallicanæ Ecclesiæ Antistites & doctores. Aduersus Arium & Macedonium Orientalibus Ecclesiis tam exitialiter incubantes, Sedes Petri Occi-

XLV. Gallorum antiquiorū conspiratio pro isto Petri Sedis priuilegio.

Tom. 2. p. 262.

dentem adeoque Galliçanas Prouincias contutata est, vt suprà ostensum, vtque ex ipso Ioanne Gersonio facile firmabitur, cuius hæc sunt verba in serm. coram Alexandro Papa habito in die Ascens. *Gratos mala tempestas à Sede Petri disiectas, non modò schismatis, sed nonnullius etiam hæresis maculâ fædauit. Latinitas ipsa purior & immaculatio Sedem habet Petri, pro cuius fide ne deficeret, specialiter orauit ille, qui in omnibus exaudieritis est pro sua reuerentia. Sedes Petri Occidentem ab hæresi liberat, quid seipsam? hæresin nullam sapit, num aliquam docebit?*

XLVI Testimonia Synodorum Galliæ complurium de Nestorianâ & Euty-
chianâ lue per Romanos Pontifices extinctâ.

Aduersus Nestorianam & Euty-
chianam insarriam, longè euentius est, solo primæ Sedis magisterio Gallos in-
nixos sterisse. Id ipsum clamitant in Synodicâ ad Leo-
nem Papam scripta, vbi de eius ad Flavianum epistola hæc habent: *Qua Apostolatûs vestri scripta, ita vt Symbo-
lum fidei, quisquis redemptionis sacramenta non negligit, tabu-
lis cordis adscripsit; & tenaci, quò ad confundendos hæreticorum
errores paratior sit, memoria commendauit, &c. Doctrina post
Deum vestra debet fidelis, vt constanter teneat, quod credebatur:
debebit etiam infidelis, vt à perfidiâ suâ, agnitâ veritate, di-
scedat; & Apostolica institutionis luce perfusus, erroris sui tene-
bras derelinquat. Denique grates Deo agunt, quod tanta
fidei, tantaque doctrina, Apostolica Sedis, vnde religionis no-
stra fons & origo manauit, Antistitem dederit. Ita illi nulla
ratione habita Synodi generalis. Et Auitus Viennensis
Episcopus ad Hormisdam Papam: *Eutycheus igitur, Ne-
storiique damnatio, quos iamdudum per beatissimos prædecessores
sancta Sedis vestra calcantis auctoritas, ad notitiam iampridem
nostram, Apostolica ad nos diligentia prouisione, perlata est. Nec
Ephesinæ, nec Chalcedonenis Synodi meminit, Aposto-
licæ Sedis auctoritate calcatas hæreses perhibet. Quod
ne incogitanti excidisse putes, imò vt nomine Episcoporum
Galliæ ita scriptum ne ambigas, accipe Canonem
primum Synodi Aurel. 5. *Nefariam sectam quam sacrilegus
condidit Eutycheus, vel si qua à venefico sunt prolata Nestorio,
quas etiam sancta Sedes Apostolica sancta condemnat, similiter*
&**

& nos easdem cum suis authoribus damnamus, &c. Et Synodo Aruernensi an. eodem 549. can. 1. Nefarias sectas sacrilegi Eutychetis, & Nestorij, quas sancta Sedes Apostolica condemnat, nos quoque cum earum authoribus & sectatoribus pariter anathematizamus. Vides in damnanda hæresi qualibet, quanti faciant Sedis Apostolicæ autoritatem: nec necesse putent Synodos œcumenicas ostentari.

Aduersus Pelagianos & Pelagianâ fuligine oblitos Augustini obtrectatores, qui Galli plerique erant, nemo tam peregrinus est, cui non sit exploratissimum, sola Sedis Apostolicæ autoritate, & definitione statum esse. Prosper si Aquitanus, si Regiensis Episcopus extitit, Augustini eâ quoque in parte æmulator, solis primæ Sedis rescriptis iure damnatos errores inculcatissimè affirmavit, & incassum ad generalia Concilia Cælestianos prouocare. Idem à Cælestino expressit, vt Galli Augustino obloquentes comprimerentur. Galli ipsi aduersus Augustinum latrantes, solis se Apostolicæ Sedis de gratiâ definitionibus stare iactabant. In rescripto Cælestini suprâ ostensum, hæreticum adseri, quidquid his suis definitionibus obstreperet. Cumque nec centum annorum spatio vsquequaque detumuisset illa contentio, Cæsarius demum Arrelat. Episcopus, in Arausicana Synodo, capitula quadam ab Apostolicâ Sede transmissa ab omnibus observanda protulit, & subscribenda; quibus lectis, qui huc vsque non sicut oportebat, de gratia, & libero arbitrio credidit, ad ea, qua fidei Catholica conveniunt, animum suum inclinare non differat. Erant illæ quæstiones difficultatum sentibus impeditissimæ, diuturnis præliis vexatæ; sed Apostolicâ tamen Sede semel oraculum suum effundente, iam ex Augustino causa terminata est; iam ex Prospero vltiorem audientiam postulantes, Cæsareis edictis summouentur, & solùm iubentur vertere: iam ex Cæsario & Arausicanâ Synodo, capitulis à Sede Apostolica transmissis, non silentij tantùm religio, sed subscriptio, sed fidei & animi inclinatio debetur. Adde ex Cypriano in u. Cæsarij apud Surium,

XLVII. Item de Pelagianâ.

642 DISSERTATIO DECIMA OCTAVA

Quorum intensionibus vir Dei Casarius dedit veram & evidentem ex traditione Apostolica rationem. Nam beata memoria Bonifacius Romana Ecclesie Papa eadem colluctatione comperta, calcata intensione iurgantium, prosecutionem sancti Casarii Apostolica auctoritate firmavit. Cassianus certè, quàm obuiis vlnis amplectenda essent primæ Sedis decreta, ita patefecit lib. 3. cap. 12. de Incarn. Petrum Apostolum ita commendans; Interrogemus summum illum & inter discipulos Discipulum, & inter magistros Magistrum, qui Romana Ecclesia gubernaculum regens, sicut fidei habuit, ita & sacerdotij principatum. Quanquam autem non prorsus acquieuerint Galli Augustinianis & sententis & libris vsque ad Arausicanam Synodum: Cælestini tamen epistolæ vehementer assentiebantur, aut assentiri se simulabant, callidâ eam interpretatione frangentes; eaque anteriores, non postremos Augustini libros authorari cauillantes. Vnde Prosper l. cont. Collat. cap. ult. præmisso ex Cælestini epistola Augustini encomio: Contra istam, inquit, clarissima laudationis tubam, contra istam sanctissimi testimonij dignitatem, audeat quisquam maligna interpretationis murmur emittere, & perspicua sincerissimaque sententia, nubem obliquæ ambiguitatis ostendere: ut scilicet quia in epistolâ Papa librorum pro quibus actum est, non expressus est titulus, hinc eos appareat non probatos; & istam in sanctum Augustinum laudationem pro anteriorum scriptorum meritis fuisse collatam. Abutebantur autem Galli cauillatores verbis ipsis Cælestini epistolæ, Desinat incessere nouitas vetustatem: quasi noua & postrema Augustini scripta, quibus antiquæ Patrum doctrinæ & prioribus suis ipsius lucubrationibus inaudita & durissima quædam addiderat, hinc exauthorarentur. Eò vir doctus retulit verba Vincentij Lirinensis Common. 2. cap. 43. Aliquis! fortasse addubitet, quinam sint illi, quos habere prohibeat Cælestinus liberum pro voluntate sermonem: vetustatis prædicatores, an nouitatis adinuentores. Ipse dicat, & dubitationem legentium ipse dissoluat. Sequitur enim: Desinat, inquit, si ita res est; id est, si ita est, ut apud me quidam vrbes & provin-

*cias vestras criminantur, quod eas quibusdam nouitatibus consentire noxiâ dissimulatione faciatis. Desinat itaque, inquit, si ita res est, incessere nouitas vetustatem. Ergo hæc fuit beati Cælestini beata sententia, ut non vetustus cessaret obruere nouitatem: sed potius nouitas desineret incessere vetustatem. An adhuc tunc Vincentius in eodem cum obrectatoribus Augustini luto hæreret, aliorum esto iudicium. Hanc certè ludificationem elidere conatur Prosper eodem loco consequenter: *Maneat planè, inquit, maneat ista conditio, ut horum librorum nouitas repudiata videatur, si in eadem causa eiusdem viri dissensit antiquitas: & ut inutile aut incongruum indicetur, quod ab his, quæ contra Pelagianos condidit, dissonans inueniatur. Ita libros de prædestinatione sanctorum & de bono perseuerantiæ, quos allatrabat calumnia, ut à Sede Apostolica non probatos; superioribus, quos continuò enumerat, consentire Prosper affirmat, adeoque pariter approbatos esse. Agnoscant calumniatores supersuò se obiscere, quod his literis non speciale, neque discretum testimonium sit perhibitum, quorum in cunctis voluminibus norma laudatur. Apostolica enim fides, quod à præcognitis sibi non discrepat, cum præcognitis probat: & quod iudicio innegit, laude non diuidit. Certatim ergo hinc & inde decretis Sedis Apostolicæ incumbabant. Et Gennadius in Catalogo virorum illustrium, Innocentius urbis Romæ Episcopus scripsit decretum Occidentalium & Orientalium Ecclesiarum, aduersus Pelagianos datum: quod postea successor eius Zosimus latius promulgauit. Et infra: Xystus urbis Romæ Episcopus, decretum Synodi aduersus Nestoriam volumine describens, ad Orientis & Occidentis Ecclesias dedit. Et ibidem: Xystus successor Cælestini ad ipsum Nestorium & ad Orientis Episcopos, aduersus errorem eius succidendum, sententias direxit. Ita Gallicanus scriptor summam profligatæ geminæ hærescos laudem, & vniuersalem definiendi authoritatem vni Apostolicæ Sedi assignat.**

Aduersus Monothelitas non Concilij œcumenici, quod
serum utique, sed Concilij Lateranensis sub Martino, &

XLVIII. Item
de Monothelita-
rum.

Sedis Petri doctrinâ Galli pugnarunt, ut res ipsa clamat. Interim sanè dum Græcis eo errore dementatis liberet Synodum cogere, an fas erat luxuriare & indulgere suo quemque iudicio, aut infidelitatem suam doloso dissimulare silentio? Cui hoc priscorum Antistitum vel cogitare subiit? Et quis non videt periculosa rem esse plenissimam alex, cum Concilia œcumenica non potuerint tandiu colligi nisi consensu Imperatorum: his non rarò hæresi astipulantibus, & Synodos vel procrastinantibus, vel opprimentibus, suæ interim vnumquemque potestati permitti, ut fidem vel perfidiam ex suâ libidine fingeret, & diffingeret? Denique ubi sexta Synodus Constantinopolin conuocata semel fuit, confluxere Romam Occidentales Episcopi frequentissimi, inde legatos & epistolas ad Synodum œcumenicam direxere. Ad manum sunt epistolæ, evolve, excute, scrutare si lubet, nusquam dubios, nusquam ancipites, nusquam veluti suspensos ex decretorio Synodi œcumenicæ oraculo: sed suæ fidei tenaces, & Martini Papæ Concilium, Sedis Apostolicæ indefectibilem prædicantes fidem videbis Occidentales & in iis Gallos Episcopos. Et sanè cum œcumenicis Conciliis in Oriente congregari solitis, rarissimi interessent Occidentalium: cum fidei antiquæ multò, quàm Græci, retinentiores fuerint Latini: in promptu est, cur minùs penderent nostri ab Orientalium Synodo, ut cui paucissimi adessent, ut quâ ipsi minus indigerent, ut qui Sedis Apostolicæ magistrâ voce propiùs erudirentur; ut qui Orientali Synodo fidem magis dictarent, & præirent, quàm obaudirent; ut qui Romæ priùs Occidentale agerent Concilium, vel plura sigillatim hîc illic Concilia celebrarent, fidemque suam indubij scriberent, & in Orientem missitarent cum primæ Sedis Synodicis, non examinandam, sed amplectendam. Quòd si satis exploratum fuisset recentioribus his Theologis, à sua illa opinione forsitan nonnihil deflexissent. Sed quid apertius ep. Martini Papæ I. ad Episc. Traiectensem Amandum de Sy-

nodo Romana aduersus Monoth. Hæreticorum scelerosa conscripta Apostolico mucrone Patrumque definitionibus condemnauimus: ut cognoscentes vniuersi errorem qui in eis continetur, nullatenus maculentur. Vnde prauidimus volumina synodaliū gestorum in presenti vobis dirigere vnà cum Encyclica nostra. Studeat fraternitas tua, eadem omnibus innotescere, ut tam abominandam hæresin nobiscum execrentur, atque synodali conuentione omnium fratrum & Cœpiscoporum nostrorum partium illarum effectâ, scripta vnà cum subscriptionibus vestris nobismet destinanda concelebrent; confirmantes atque consentientes eis, quæ pro orthodoxa fide & destructione hæreticorum vesania nuper exorta à nobis statuta sunt. Quam Martini & Synodi sub eo Romanæ definitionem, quàm obuiis amplexata sit vlnis Ecclesia Gallicana, etiam ante Sextam Synodum; quàm Catholicam & necessariò profitendam eam fidem intellexerit; quàm certò Martyrum honoribus Martinum ipsum pro eâ occumbentem prosecuta sit; declarat præclarissimus scriptor vitæ sancti Eligij Nouiomensis Episcopi, sanctus Audoenus Episcopus Rotomagensis, lib. 1. cap. 33. 34. Martinus sollicitè ac viriliter pro hac causâ inuigilans, imoque pugnans, multa probra, & aduersa ab hæreticis sustinebat: vnde tandem permotus, cum & Imperatorem & plures cerneret eorum adsertionibus obsecundare: congregauit Concilium Sacerdotum, compefscendi causâ, imò delendi huius prauitatem dogmatis. In quo Concilio omnibus Orthodoxis consentientibus, edidit contra hæreticos fidem magnificè valde atque accuratè: quam etiam cum subiunctâ epistolâ Galliarum partibus destinauit. Et mox narrato Martini martyrio: Non est inferior gloria, sed potius excellentior, sustinere martyrium pro eo, ne scindatur Ecclesia fallacis hæreticorum, quàm est illa, ne immoletur idolis, impulsu Paganorum. In Paganorum namque persecutione unusquisque tantum pro suâ animâ, in hæreticorum verò pro vniuersali patitur Ecclesiâ. Et idcirco eum potiorē dixerim. Ita Galli ante generalem Synodum, in definitiones Sedis Apostolicæ affecti erant. Quod idem manifestum fiet ex Adone Vien-

nensi in Chronico, vbi merito laudum præconio effertur Martini eiusdem Papæ Synodus, & mox martyrium *pro Catholicâ veritate Apostolicè* aditum; itemque postea ab Agathone sub Pogonato Principe missos ad Synodum sextam legatos, *iussosque remissis disputationibus Philosophicis pacifico colloquio de verâ fide perquirere, datis eis de bibliothecâ Constantinopolitanâ Catholicorum Patrum, quos petebant, libellis.* Quæ Agathonis verbis alludunt, affirmantis eam Synodum habendam, non ad dubium dogma hinc & hinc ventilandum, sed ad Græcos Catholicam seu Latinam fidem docendos, pristinumque errorem suum dedocendos.

XLIX. Item de
Iconomachorû.

Aduersus Iconomachos in officio Gallicanas Ecclesias non retinuit, nisi Apostolicæ Sedis reuerentia. Græcanticas enim Synodos, & ipsam œcumenicam Synodum septimam, etsi falsis delusi rumoribus, nemo nescit, quantis Galli contumeliis prosciderint. Copiosius quidem eâ de re alibi se dabit locus disputandi. Interim compertissimum est Gregorij Papæ primi doctrinæ, & Hadriani authoritati Gallos addictiores multò fuisse, quàm nomini & famæ Concilij vniuersalis. Quippe qui Synodo non affuissent Nicænæ. An affuissent, an assensu essent legati pontificij, ignorarent. Quid decretum ibi esset, eos falleret. Et in summa hac ignoratione rerum in Synodis Orientalibus gestarum, versatos plerumque, & Gallos, & Hispanos, & Anglos fuisse, ex monumentis rerum ecclesiasticarum liquidum est: nec nisi à Sede Apostolicâ earum acta suscepisse. Vt propè necesse esset, eos Petri Sedi, vt familiariùs, ita propensius in hære.

L. Item de Eli-
pandi & Felicis
hæresi.

Ad Elipandi & Felicis Hispanorum Antistitum deliria, à Gallis potissimum exagitata, decursus nos ipse temporum & rerum peruehit. De capitibus ad fidem spectantibus certamen erat. Famosi Antistites vtrimque pugnabant, & Sedium splendore spectabiles. Neutrâ tamen ex parte concrepuit, aut vel vno verbo insonuit, non posse fidei Catholicæ dogma constitui, cuius necessitate

constringeretur omnium fidelium assensio, nisi œcumenica Synodus conueniret. Audi ex aduerso Hadrianum ad Episc. Gall. & Hispan. *Quoniam feruenti succensus zelo fidei Carolus Magnus, ea quæ contraria orthodoxæ fidei Hispaniarum de confinis allata sibi persensit, nostris curauit summâ pernicitate obtutibus presentari: B. Petri amore feliciter obstrictus, non renuit illi honorem debitum exhibere, &c. ex auctoritate Sedis Apostolicæ, pro causâ siquidem orthodoxæ fidei, æquum ratumque duximus respondendum: & eos nî resipiscant, definit, à gremio Ecclesiæ alienos, & ultirici cum sequacibus suis vindictâ plectendos. Et Synodus Francoford. in Sacrosyllabo: Eos qui post hanc saluberrimam definitionem, quam plenaria Synodus sancto afflata Spiritu, concorditer subtili sinceritate terminauit, falsissimis eorum assertionibus siue clam, siue in publicâ voce præbuerint adsensum, simili eos sententia vindictâ sancimus esse plectendos; reservato per omnia iuris privilegio summi Pontificis, domini & patris nostri Hadriani, primæ Sedis beatissimi Papæ. Et Carolus ipse in epist. ad Elipandum: Ad beatissimum Apostolicæ Sedis Pontificem de hac noua intentione ter quaterque direximus missos, scire cupientes, quid sancta Romana Ecclesiæ Apostolicis edocta traditionibus de hac respondere voluisset inquisitione. Addit præterea varias eâ de re Synodos suâ operâ collectas esse in Anglia, Italia, Germania: Post hanc verò correptionem, siue admonitionem Apostolicæ auctoritatis, & synodalis vnanimitatis, si non resipiscitis ab errore vestro, scitote omninò vos pro hæreticis haberi. De Synodo œcumenica altum silentium. Pontifex primæ Sedis, episcopales aliquæ Synodi definiunt, concordant: omnibus conuenit, hæreticorum albo inscriptum iri, qui reluctabitur.*

De eodem Felice damnato in Concilio Ratisponensi, Iona Aurelianensis in lib. aduersus Claud. Taurin. *Eiusdem Caroli Principis iussu in unum coacti Episcopi, adhibita etiam sanctæ Romanæ Ecclesiæ auctoritate, eundem Felicem damnauerunt; imò cum authore sui erroris Nestorio, quem imitatus est, perpetuo anathemati mancipauerunt. Et annales Franco-*

LI. Decadem ex
Iona Aurelian.
Et Dungalo.

rum sub Ludouico conscripti: *Congregato apud Reginum Episcoporum Concilio, auditus est & errasse conuictus, ad praesentiam Hadriani Pontificis Romam missus, ubi etiam coram ipso haeresin confessus est, atque abdicauit: quo facto ad ciuitatem suam reuersus est.* Id ergo insidebat Gallis, causas fidei in Episcopalibus Conciliis definiri posse, ita tamen ut ad Sedem Apostolicam referretur, cuius peremptorio denique terminarentur iudicio; cui qui non obaudirent, hæreticorum numero essent. Adde & Dungalum, contra eundem Claud. Taurin. initio ferè operis: *Cum beata memoria Carolus vigilantissimus Catholica fidei tutor & propugnator, nequissima caput vipera, in magistro huius erroris Felice, sibilantis contra unitatem Ecclesiae, Apostolica authoritatis prauauidâ ferreâque confregerit virgâ.*

LII. Ex Alcuino.

Aduersus eundem Felicem Alcuinus lib. 7. priscam illam Gallorum de Romana Sede consensionem identidem prodit: *Nos Romana plus authoritate, quàm Hispana veritate adsertionis & fidei nostra fulciri desideramus: licet nec illa reprobemus, in his tamen quæ Catholicè dicuntur. Vnusquisque in hoc se refutandum sciat, in quo ab vniuersali dissentit Ecclesia. Romana igitur Ecclesia, quæ à Catholicis & rectè credentibus sequenda esse probatur, &c.* Viden ut Romanam Ecclesiam & sequendam ab omnibus Catholicis, & eandem cum vniuersali, seu vniuersali semper consentaneam esse docet? Et idem ipse lib. 1. aduersus Elipandum: *Vestri erroris secta, prasidente Rege Carolo, prasente Felice, in loco qui dicitur Reginisburg, & synodali authoritate Sacerdotum Christi, qui ex diuersis Christiani Imperij partibus conuenerant, eterno anathemate damnata: imò & à beata memoria Hadriano Papa qui tunc temporis Romana Ecclesia Apostolica authoritate rexerat Sedem, funditus exterminata; donec idem Felix infelicitè, ad vestras rediens partes, sopitos infidelitatis cineres, vobis exhortantibus, resuscitare intendit.* Particularibus Synodis & decreto Pontificio non acquieuit Felix, Gallis hæreticus eâ de re habitus est, etsi nullâ Synodo œcumenicâ sit proscriptus. Præterea suo more Africanam imitante Gallicanâ

licanâ Ecclesiâ, vt in Pelagio & Cælestio olim, ita nunc in Elipando & Felice, etli variâ, & ex pluribus prouinciis Synodi confluerint, non in eas tamen, sed in Sedem Apostolicam redundat principalior gloria exterminatâ funditus hæreseos. Et ipse Felix in confessione fidei suæ apud eundem Alcuinum: *In Synodo Romana præsentente Leone Apostolico, & cum eo ceteri Episcopi numero LVII. residentes, & plerique Presbyteri, ac Diaconi cum eis, in domo B. Petri Apostoli: &c. Quorum auctoritate veritatis, & totius Ecclesiæ vniuersalis consensu conuicti, meliori intellectui eorum, quàm nostro, quem prius sequebamur, &c. ad vniuersalem Ecclesiam Deo fauente ex toto corde nostro reuersi sumus, non quolibet simulatione, seu velamine falsitatis, sicut dudum, quod Deus scit: sed vt dixi, vera cordis credulitate, & oris professione. Inculcat mox creberrimè se assentiri vniuersali Ecclesiæ, quam nempe in capite suo repræsentari, & totam adesse cernebat; nec fas esse sibi putabat alibi quærere, & œcumenicam in Synodum conuocare. Rursum denique idem Alcuinus epist. 70. alia de re quapiam scribens; Ne schismaticus inueniatur, non Catholicus, sequatur probatissimam sanctæ Romanæ Ecclesiæ auctoritatem, vt vnde Catholica fidei initia accipimus, inde exemplaria salutis nostræ semper habeamus. Ne membra à capite separentur suo, ne clauiger regni celestis abiiciat, quos à suis deuissè cognoueris doctrinis. Vbi vlla vsquam vestigia silentij & simulationis illius, vbi vel umbra incredulitatis dissimulatæ, aut spei occultæ ad Synodum œcumenicam suspirantis?*

Aduersus eundem Felicem Paulinus Aquileiensis Pontifex, Gallicano & ipse obnoxius Caroli magni Imperio, lib. 1. hæc habet superioribus adprimè consona. *Si sancta Dei Ecclesia in toto orbe est diffusa, ergo nequaquam in illis est, quia illi non sunt in toto orbe. Si verò in illis est, etiam tunc in toto orbe non est. Quia illi contraria toti orbi fingunt nomina, de humanitate Christi Dei nostri, qui est caput Ecclesiæ. Porro nos intra terminos Apostolica doctrina, & sanctæ Romanæ Ecclesiæ firmiter stamus. Illorum probatissimam sequentes aucto-*

LIII. Ex Paulino Aquileiensi: & ex Gallis libri Carolini scriptoribus: item ex Gallis Episcopis Conuentus Parisiensis sub Ludouico Pio.

Nnnn

ritatem, & sanctissimis inherentes doctrinis, &c. Et hinc uniuersalem Ecclesiam à Romana non discriminat; nec unquam inter huius & illius fidem discrepare quidquam auctor est. Et lib. 7. aduersus eundem, *Præsules Hispaniarum inducis, quos tu orthodoxos dicis, sed in his quas posuisti orationibus, indubitanter haeretici esse dignoscuntur. Nos Romanam plus autoritate, quam Hispanam veritate, &c. ut supra iisdem verbis ex Alcuino descripsimus. Accedant & Galli scriptores, ac confarcinatores libri Carolini aduersus Synodum de imaginibus. Sic ergo illi lib. 1. cap. 6. Quamuis sancta Romana Ecclesia ceteris Ecclesiis à Domino praelata, & à fidelibus consulenda sit, prosequamur. Praesertim cum non ab aliis Scripturis, nisi ab his, quas illa inter Canonicas recipit, testimonia sint sumenda: nec aliorum doctorum, nisi eorum qui à Gelasio vel aliis illius sanctae Sedis Pontificibus suscepti sunt, dogmata sint amplectenda. Prolata autem Augustini sententia, in Canonicis Scripturis Ecclesiarum Catholicarum quamplurimum auctoritatem sequendam: inter quas sane illae sint, quae Apostolicas Sedes habere, & epistolas accipere meruerunt. Pergunt porro: Nam cum hic cunctis per orbem constitutis Sedibus Apostolicas generaliter praefertat Sedes, multo magis illa omnibus praeferenda est, quae etiam ceteris Apostolicis Sedibus est praelata. Quid autem ad fidei doctrinam magis pertinet, quam Scripturarum, Patrumque delectus? Et rursus: Hac sancta fidei munita armis, & à fonte lucis, & origine bonitatis salutaribus satiata fluentis, & horrendis atrocibusque haeresum obsistit monstris, & melliflua praedicationis pocula Catholicis per orbem ministrat Ecclesiis. Laudant mox Hieronymum, qui de tacendis vel dicendis hypostasibus Damasum consuluit. Unde datur intelligi, sanctos & eruditos viros per diuersas mundi partes praedicationis & scientiae lampade coruscantes; non solum à sancta Romana Ecclesia non recessisse: sed etiam tempore necessitatis ob fidei corroborationem ab ea adiutorium implorasse. Quod regulariter omnes Catholica debent observare Ecclesiae, ut ab ea post Christum ad muniendam fidem adiutorium petant, quae non habens*

maculam nec rugam, & portentosa heresum capita calcat, & fidelium mentes in fide corroborat. Hæc pendenda sunt, prolixius ibidem inculcata, non si quid illdem obiter incoctius excidit. Porro illud magni præcipue pendendum, quod qui Nicænæ Synodo secundæ tam audacter conuitiabantur, Apostolicæ tamen Sedis auctoritatem detrectare nunquam ausi sunt. Et conuentus Parisiensis Episcopi sub Ludouico Pio in eadem causâ imaginum cap. 16. Sicut dignum & iustum est, ut præcunte spiritus sancti virtute, illa talia correcturus, & ad viam veritatis sanctissimo moderamine reducturus, primus in hominibus arbitet occurat, quem Deus omnipotens in Sede Apostolicâ collocare dignatus est: ut solus non suâ abusione, sed sanctorum Apostolorum auctoritate vniuersus Papa dicatur, scribatur, & ab omnibus habeatur. Et infra in eâ, quam confinxere, Romani Pontificis epistolâ ad Græcos: Apud omnes huius sanctæ Occidentalis Ecclesiæ, quæ se auctoritate B. Apost. Petri & Pauli fidei, spei, & charitatis sumpsisse exordium gloriatur, ita hætenus ab omni heresi illibata nunc usque conseruata est; ut non solum ipsa ad quodlibet erroris diuerticulum minimè declinaret: sed potius omnes à recto fidei tramite quoquo modo deuiantes, per orthodoxos eorundem successores toto orbe terrarum ad rectitudinem patiens reuocaret. Testis huius rei non quilibet angulus, sed orbis terrarum vniuersus: quia quotiens tales per mundum persecutiones motæ sunt, quæ ad periculum fidei vniuersalis Ecclesiæ imminere præstabantur: ob inueniendam, inuentamque conseruandam Catholicæ fidei veritatem, semper hoc vniuersalis Ecclesiæ, præsentis ob huius sanctitatem Sedis Pontifice, aut ceriè cum consensu illius verbis vel literis porrecto, corrigere, correctumque ad conseruandum statueret consuevit. Vbi non ita vitata est verborum structura, quin subluceat, quid Galli de primæ Sedis auctoritate in causis fidei terminandis consentirent. Vniuersalem enim Nicænâ de imaginibus Synodum, retractari, emendarique debere urgebant, non suâ, non alterius maioris Synodi, sed Romanæ Sedis vnius auctoritate.

LIV. Pro eodem
primæ Sedis pri-
uilegio, testimo-
nia Hincmari, in
causâ Gottescal-
ci.

Hincmarus iam Rhemenſis Episcopus Gallicanorum & canonum, & morum, & dogmatum callentiſſimus prodeat, nec proiectæ in Sedem Apostolicam assentationis cuiquam nisi insulſiſſimo suspectus. Is ergo in epistolâ ad Carolum Regem, præſultrice operis operosiſſimi de prædestinatione, hæc scribit: *Et si divinis & authenticiſ Scripturis, & Catholica atque Apostolica Ecclesia, sanctæque Romana Sedis fidei & orthodoxorum Patrum, sensibus, qui eidem sanctæ matri Ecclesia præſederunt, & qui ab eadem Apostolicâ Sede Romanâ nobis in Canone recipiendi dati sunt, sensum nostrum in eisdem capitulis expressum concordari, demonstrare poterimus, agere veraciter, humiliter, & devotè studebimus. Quia aliorum ad stipulandum nostra Catholica intelligentia sensum, sententias recipere, nec proferre volumus: cum constet illud esse verum atque Catholicum, quod ipsa mater omnium Ecclesiarum, & universalis Ecclesia duxerit ad probandum.* Hæc ille de canone quem conscripsit Gelasius Papa, ut mox diserte tradit. Vides hîc vniuersalem & Romanam Ecclesiam aut vnâ esse, aut indiuiduis nexibus colligari. Vides Gelasianum Canonem, quasi vniuersalis Ecclesiæ autoritate fultum, ostentari. Vides in culmen auctoritatis non recipi Patres ullos, nisi quos Romana Ecclesiarum magistra commendauerit. Vides denique Catholicum id esse, quod Ecclesia Romana probarit. Subdit mox illis quoque assurgendum esse posterioribus scriptoribus, utputa, Bedæ, Theodoro, Alcuino, Paulino, qui prioribus consonent, & *Quorum fidem ac doctrinam Apostolica Sedes Romana non solum benignissimè acceptavit, verum & multis laudibus extulit; sicut in scriptis ipsius sanctæ Sedis invenimus, quæ Ecclesiæ nostræ ab eadem Ecclesiarum matre acceperunt, tempore diuine memoriæ Caroli Imperatoris; quando Synodus pro cognita infidelitate Felicis est habita, & ad Romanam Ecclesiam velut ad apicem Ecclesiarum transmissa.* Et hæc quidem Hincmarus aduersus Fulgentij libros excipit, qui in Gelasiano Canone prætermittuntur. Iure, an iniuriâ, nil nostra nunc quidem interest. Nec enim de Fulgen-

nio nunc disputatur. Sed Gallicanæ Ecclesiæ reuerentia hinc emicat lucidissimè in doctrinæ Catholicæ examine. Eadem replicat Hincmarus operis ipsius de prædest. c. 3. *Si aliter Fulgentius dixit, quàm Augustinus, & aliter quàm Propper ex delegatione Sedis Apostolica iussu sancti Celestini definiuit, aliterque quàm ipsa sancta Sedes Apostolica, dicta suscepit ac dici voluit, ipse viderit.* Et statim cap. 4. *Sequimur autem quæ Catholica & Apostolica nos docet, sancta Romana Ecclesia, quæ nos in fide genuit, Catholico lacte aluit, vberibus celo plenis ad solidum cibum nutrit, disciplina orthodoxa ad perfectum virum perduxit, & ad alios instruendum suâ probatione instituit, atque in doctrinali cathedra, fautore & adiutore Domino, sublimando constituit.* Quibus quæso quid elegantius, quid vehementius dici potuit? Quid recentiorum, de quibus suprâ, Gallorum nouitati pugnantius? Profert mox verba Innocentij primi epist. ad Decent. iubentis id omnes sequi Ecclesias, quod Romæ docuit & tradidit Petrus, à quo vel à cuius successoribus profeminatæ sunt omnes Occidentales Ecclesiæ: *Oportet hoc eos sequi, quod Ecclesia Romana custodit, à quâ eos principium accepisse non dubium est.*

Idem Hincmarus infrâ in eadem palæstra desudans, suamque doctrinam vendicans ab infamiâ hæreseos, quâ ab aliis Episcopis, nec paucis, nec obscuris aspergebatur, hæc habet cap. 24. *Necesse est nobis ex orthodoxorum scriptis ostendere, si Catholica fidei capitulum istud à nobis excerptum valeat conuenire. Consulentes ante omnia, sicut & prima est in toto orbe omnium Ecclesiarum mater, sanctam Catholicam & Apostolicam Romanam Ecclesiam. Quoniam privilegium quod Hierusalem quæ olim dicta est ciuitas Iustitiæ, & mater ciuitatum, propter infidelitatem & negationem Filij Dei perdidit; hac confessione beati Petri promeruit, dicentis, Tu es Christus, &c. Et sicut illa quondam Hierusalem ciuitas sancti munita est angelorum custodiâ, usque dum propter incredulitatem & duritiam cordis sui audiuit ab eis, Transeamus ab his sedibus: & à Salvatore suo, Ecce relinquetur vobis domus ve-*

LV. Alia eiusdem testimonia.

stra deserta: ita & ista illustrata permanet & protecta orationibus gentium magistri, dicentis, Testis est mihi Deus, &c. quod sine intermissione memoriam vestri facio in orationibus meis. Quae non ab homine, neque per hominem, sed per Dominum Iesum Christum, sicut Petrus & Paulus Apostolatum, ita & hac sancta Sedes omnium civitatum meruit principatum. Et aliquantis in doctrinae suae confirmationem intertextis, Pius, devotus, atque Catholicis hoc potest, & hoc debet sufficere, quod omnium Ecclesiarum mater sancta Catholica atque Apostolica docet Romana Ecclesia. Ipsa enim ut mater nos Christo genuit, nos religione nutrit, nos doctrinam instruxit. Nos sicut in sancto Petro à Christo firma Petra accepit, doctores instituit, & Catholico lacte nutritos, & ad virum perfectum perducit, ad docendum alios informavit. Exhiberentur iure merito haec tam magnifice ab Hincmaro debuccinata, si Sedis Apostolicae placita aliquando erroris laqueis irretirentur, nec ex illis certum Hincmarus vel quisquam alius peteret doctrinae vel infirmatae, vel roboratae argumentum. Vide & quae capite 38. disputat de communionis concentu cum fide, utque fide conveniant necessario, quicumque unius communionis vinculo constringuntur. Quocirca ut communionis, ita fidei Catholicae vertex sit Romana Ecclesia necesse est.

LVI. Item eiusdem in causa divorcii Lotharii, Regis. Item Annalium Metensium.

Idem denique Hincmarus in alio opusculo, & negotio longe diuersissimo, de divorcio Lotharii & Theutb. in praefat. quid sibi quid Gallis animi essent, ita aperit: De omnibus dubiis, vel obscuris, quae ad recta fides tenorem, vel pietatis dogmata pertinent, sancta Romana Ecclesia ut omnium Ecclesiarum mater & magistra, nutrix ac doctrix est consulenda, & eius salubria monita sunt tenenda. Nusquam prorsus, nusquam frigida illa distinctiuncula silentij vel assensus ad decreta Sedis Apostolicae adhibendi: nusquam vel suspicio inuocandae Synodi oecumenicae, nec antè deponendae ex animo contumaciae. Quibus adde Annales Metenses ad an. 865. Tregauanus & Guntharius Romam proficiscuntur, ut Coepiscopos suos ostenderent Ecclesiastica atque Apo-

stolica exercuisse decreta. Stultitia elogio denotandi, qui illam Petri Sedem aliquo pravo dogmate fallere posse arbitrati sunt: quæ nec fessit, nec ab aliqua hæresi unquam falli potuit.

Diuturnæ illi sanè controuersie, quæ circa Gottescalchi monachi doctrinam illo sæculo ferbuit, finem imposuisse visus quibusdam est Nicolaus primus. Etenim Hincmarus ipse epist. 24. de Guntberto desertore monacho, *Sicut mihi dictum est, quasi ipsius Gottescalchi reclamationem vult perferre ad Dominum Apostolicum. Et infra: Dicitur Gottescalcus multos habere fautores, sicut habuit Dominum Prudentium, qui in annali gestorum nostrorum Regum, quæ composuit ad confirmandam suam sententiam, gestis anni Dom. Incarn. DCCC. LIX. indidit dicens: Nicolaus Pontifex Romanus de gratia Dei & libero arbitrio, de veritate gemina predestinationis & de sanguine Christi; ut pro omnibus credentibus fusus sit, fideliter confirmat & Catholicè decernit. Quod per alium non audimus, nec alibi legimus. Vnde quoniam ipsa gesta, quibus hæc conscripta sunt, iam in plurimorum manus deuenerunt, necesse est, ut taliter de hoc, Domino Apostolico suggeratis, ne scandalum inde in Ecclesiâ veniat, quasi ipse, quod absit, talia sicut Gottescalcus, sentiat. Hæc ille ad Egilonem Senonens. Episc. Romam delegatum. Ex quo liquidum fit, verisque Episcoporum Gallie partibus persuasissimum fuisse, non alio, quàm Romani Antistitis consensionis momento & pondere victoriam huc vel illuc deflectendam. Hincmaro in Sede Rhemensi successere Fulco & Heriuæus, quorum multa extant apud Flodoardum lib. 4. propensissimæ in Sedis Apostolicæ obsequium obseruantie documenta. Sed cum de fide tunc nihil ferè certatum sit, vnum hoc carpiam ex cap. 14. de Heriuæo: *Ad petitionem Vuittonis tunc Rotomagensis Episcopi collecta ex diuersis auctoritatibus sanctorum Patrum 23. capitula, qualiter ipsi Normanni tractari deberent, eidem Archiepiscopo delegauit. Insuper etiam Romanum Pontificem super huiusmodi negotio consulere studuit. Ad cuius consulta, quæ circa gentis huius conuersionem exequenda forent, insinuare non destitit. Et rursus Hinc-**

LVII. De exitu
contentionis Got-
teschalcae. Suf-
fragia item Ful-
conis & Heriuæi
Rhemensium E-
piscoporum, nec-
non & Prudentii
Episcopi Tricaf-
ani.

maro corpius & aliquantulum aduersatus in aliis, sed hâc in parte consonus Prudentius Tricassinus Episcopus in epist. ad eundem Hincmarum, negat *ullo conamine euelli posse doctrinam Augustini, cum eam & Apostolica Sedis sublimitas, & totius Ecclesie Catholica unitas autoritate concordissimâ approbarint, ac roborarint. Adeo ut nullus ei singulariter, verum vniuersitati Ecclesie Catholicae cum eâ, & in eâ queat obniti. Si enim aduersam fidei orthodoxa in quoquam conspiceret, nequaquam eam Romana Ecclesia Antistes venerabilis Innocentius cum totius orbis Episcopis suscepisset.* Dehinc suffragia aggerat in laudem Augustini, Pontificum Romanorum Innocentij, Zosimi, Bonifacij, Cælestini, Leonis: conuenienter nostris placitis Sedem Apostolicam & Ecclesiam Catholicam nequaquam dissocians; huius sententiam illius oraculis expromens; vtriusque *authoritate concordissimâ, & regulâ vtrique indeclinabili, non quorumlibet, sed ipsorum Ecclesie Patrum doctrinam expendens, & confirmans.* Quâ in sententiâ versabantur tunc omnes hinc & inde Gallicani scriptores; non aliis fidem addicendam scriptoribus, quàm quos Romana Ecclesia authorasset.

LVIII Testimo-
nia Lanfranci in
causa Berenga-
rij, & Hugonis
Lingonensis E-
piscopi.

Aduersus Berengarianam hæreseos rediuium toties mon-
strum, non alio Gallicana Ecclesia pugnauit clypeo,
quàm Sedis Synodique Romanæ. Itaque Berengarius
ipse in Synodo Romanâ an. 1059. à Pontifice Nicolao II.
damnatus, iusiurandum fidei emisit, in quo hæc inter cæ-
tera, *Consentio sanctæ Romanæ Ecclesie, & Apostolicæ Sedis
& ore, & corde profiteor de Sacramento dominica mensæ eam
fidem me tenere, quam Dominus & venerabilis Papa Nicolaus,
& hac sancta Synodus autoritate Evangelicâ & Apostolicâ te-
nendam tradidit, mihi que firmavit.* Et Lanfrancus in Ar-
chiepiscopum Cantuariensem prouectus ex Abbate Ca-
domensi, ideoque iure merito inter Gallicanos doctores
recensendus, in opusculo de Euchar. Sacram. ita Beren-
garium obiurgat: *Et cætera quidem à beata memoria Nicolao
totius Christiani nominis summo Pontifice, & à centum trede-*
cim

cum Episcopis Rome audita, examinata, atque damnata sunt. Tu quoque inclinato corpore, sed non humiliato corde ignem accendisti, librosque peruersi dogmatis in medio sancti Concilij in eum coniecisti, iurans fidem à Patribus, qui presentes erant, traditam te inuiolabiliter seruaturum, &c. Et infra: Quem Humbertum, dum contra Catholicam veritatem scripsisse asseris, non ipsum solum, sed & Romanos Pontifices, Romanam Ecclesiam, multosque sanctos Patres redarguis: incurrisque in illud, quod beati Doctores, si non iisdem verbis, eisdem tamen sententiis multis in locis concorditer astruxerunt, hæreticum esse omnem hominem, qui à Romanâ & vniuersali Ecclesiâ in fidei doctrinâ discordat. Et infra: Traditus in reprobum sensum, sanctam Romanam Ecclesiam vocas Ecclesiam malignantium, Concilium vanitatis, Sedem Satanae. Et hoc impio ore garruisti, quod garruisse nemo legitur, non hæreticus, non schismaticus, non falsus aliquis Christianus. Subdit Sedem Petri vel hæreticis ipsis honori fuisse: Denique ipse Dominus dixit, Tu es Petrus, & super hanc petram ædificabo Ecclesiam meam, & porte inferi non praualebunt aduersus eam, &c. Quæ tamen de Pastoribus sancta Ecclesia dicta esse credantur, & à quibusdam Catholicis exponantur: præcipue tamen de Romanâ Ecclesiâ intelligenda esse sacri Canones & Pontificum decreta testantur. Denique ad calcem illius operis prolixius disserit de Ecclesiæ Catholicæ toto terrarum orbe diffusæ autoritate in fidei decretis, vt à quâ certum esset desciscere Berengarium, dum à Synodi Romanæ & summi Pontificis definitione resiliret. Idque intelligebat vel ipse Berengarius, qui Gallus sanè erat. Nec enim à Romana Sede ad Catholicæ Ecclesiæ Synodum vniuersalem prouocabat, sed aiebat, vt refert paulò ante finem Lanfrancus, *Prædicatum est Euangelium in omnibus gentibus, credidit mundus, facta est Ecclesia; crenit, fructificauit: sed imperitiâ male intelligentium postea errauit, & perit: in nobis solis, & in iis qui nos sequuntur, sancta in terris Ecclesia remansit.* Huc enim tandem euadit Romanæ Sedis iudicij detrectatio. Similiter & Guitmundus Archiepiscopus Auerfanius l. 3. aduersus

eundem ex Ecclesiæ Catholicæ orbem omnem completentis consensione ineluctabile promit argumentum, à quo Romani Antistitis maiestatem non dissociat. *Augustinus dicit, Si omnis terra domus Dei, qui non haret omni terra, ruina est, non domus, &c. Nostra Ecclesia Catholica per beatum Leonem Papam hæc Berengariana figmenta mox suo exortu damnavit. Deinde per hunc ipsum qui nunc præest Gregorium Papam, &c. in Concilio Turonensi convicit, &c. Reversumque aliquantò post ad vomitum suum agente Nicolao Papâ in Concilio generali Roma iterum confutavit, &c. Ita Romanam ab uniuersali, ut os à capite, caput à corpore nusquam sinit dissociari. His adde Hugonem Lingon. Episc. in tract. contra Berengarium, post opera Lanfranci edito: *Quâ in re uniuersalem Ecclesiam scandalizas, &c. Ne præsumas singulariter sentire quod uniuersitas non assentit. Et tandem, Abiecta unitate, de parte extolleris. Itemque Durandus Abbas de corpore & sanguine Christi part. ult. Multa absurda fideique Catholica aliena alienus declamavit, inter quæ Romanam Ecclesiam, caput videlicet totius Christianitatis, multa temeritate hæretico vocabulo denotavit. Mox Concilio Parisiensi decretum narrat, ut Berengarius cum sequacibus suis ubicumque conuenirent, eo usque obsiderentur, donec aut consentirent Catholica fidei, aut mortis pœnas luituri caperentur.**

LIX. Item suffragatio Petri Damiani, & Gratiani.

Alienum non erit & Petrum Damiani Gallis permiscere, quibus nonnullâ familiaritate fuit deuinctus. Ille ergo lib. 1. epist. 20. *Si eos sacri Canones hæreticos notant, qui cum Romanâ Ecclesiâ non concordant: quid tu, &c. Et lib. 3. epist. 1. Petrum præ cæteris mortalibus de toto terrarum orbe conditor orbis elegit, cui Cathedram magisterij principaliter in Ecclesiâ tenere perpetuo privilegij iure concessus; ut quisquis diuinum aliquid & profundum nosse desiderat, ad huius præceptoris oraculum doctrinamque recurrat, &c. Quid mirum si sacerdos licet sanctitate conspicuus, licet eloquiis diuinis vehementer instructus, ad Apostolorum Principis magisterium misit, ad quem etiam Angelus docendi gratia primitias gentium Cornelium de-*

finavit. Paulus quoque, qui non ab hominibus, sed à Iesu Chri-
 sto & Deo Patre fuerat factus Apostolus, atque ab authore sa-
 pientia sufficienter instructus, ad Petri tamen magisterium venit;
 & non in transcurso, sed per plurimos dies apud eum in celesti
 scholâ permansit. Dignum ergo fuit, ut ad Sedem illius vestra
 sancta prudentia soluendam dirigeret questionem; ad quem &
 ignarus fidei vir angelicus mittitur, & à quo Apostolus etiam,
 qui iam à Deo instructus fuerat, plenius eruditur. Idem à Cle-
 ricis Mediolanensibus hoc iusiurandum fidei recepit, *Pro-* Tom. 3 opusc. 5:
fiteor me eam fidem tenere, quam sacrosancta sepiem Concilia,
& quam beatissimi Pontifices Romani ad diversos datâ pradi-
catione lucidissima veritatis exposuerunt. Et infrâ Petrus ipse,
Nos si quid errauimus, ad Petri magisterium corrigendi libenter
accedimus, & retractationis opprobrium non veremur. Hac est
enim illa, ut ita loquar, officina fabrilis, cui nimirum is, qui
Fabri dicebatur filius, praesidet; ad cuius regulam omnis merito
moneta reducitur; ad cuius rectitudinis lineam, quidquid vssiam
deprauatum fuerit, reformatur. Et in Gratissimo c. 34. ipse
qui vice Petri claves tenet Ecclesiæ, ipse potissimum aduersus
nouum dogma consurgat, & introductores prauitatis digna sen-
tentia iaculo conficiat. Et cap. 39. copiosam disputationem
ita claudit, Nos non proprias allegationes perimuliter astruen-
tes, sed synodalibus decretis humiliter obtemperantes; Apostoli-
cæ Sedis edictum vel quod iam promulgatum est, sequimur, vel
si quid ad hoc elimatius atque salubrius in posterum statuendum
est, obedientiam profiteamur. Vt sicut à beatis Apostolis Euange-
lio cornuante nascentis fidei rudimenta percepimus, ita deinceps
ab Apostolicis viris traditam omnem viuendi vel sentiendi re-
gulam teneamus, &c. Authoritate Sedis Apostolicæ me contentum
esse decreui, ut quidquid ei synodali fuerit censura praefixum,
hoc mihi proculdubio sit authenticum, hoc ceriè canonica videa-
tur auctoritatis vigore subnixum. Et in Gomorrhiano c. 26.
luculentè idem declarat, ut oraculo Sedis Apostolicæ lu-
bentiùs omnes acquiescant, quorum ipsi accersenda sit
consultatio. Petimus, & humiliter imploramus, ut clementia
vestra, si dicere fas est, sacrorum Canonum decreta, quæ tamen

vobis notissima sunt, solerter inspiciat; spirituales & prudentes viros ad consultum huius necessaria indagacionis adscribat; nobisque super his capitulis ita respondeat, ut omnem de nostro pectore dubietatis scrupulum tollat. Neque hoc dicere idcirco presumimus, ut ad hoc, Deo auctore, sufficere solam profunditatis vestra peritiam ignoremus; sed ut dum sacra authoritatis testimonium adhibetur, dum plurimorum iudicio & consensu res geritur, perversorum hominum querela, quæ fortassis è diuerso mutire non erubesceret, sopiatur. Non enim facile patet querela, quod multorum iudicio constituitur. Sape autem sententia, quæ ab uno considerata iuris æquitate depromitur, ab aliis præiudicium deputatur. Hæc ille ad Romanum Pontificem. Quid attinet Gratianum laudare, cuius decretum tantum fecere Maiores nostri? Is sanè tum alibi frequenter hoc Romanæ Sedis decus astruit, tum maximè 24. q. 1. c. 14. 15. 16. Aliud, quàm Romana Ecclesia, neque sentire, neque docere permittitur, &c.

LX Anselmi te-
Rimonia.

Anselmi quoque in Cadomensis Abbatiæ tandiu comorati doctrina ex ipso Gallicanæ Ecclesiæ sinu hausta esse non iniuriâ censebitur. Ita ergo ille in l. de Incarn. Verbi ad Urbanum II. Papam cap. 1. *Quoniam diuina prouidentia vestram elegit sanctitatem, cui vitam & fidem Christianam custodiendam, & Ecclesiam suam regendam committeret: ad nullum rectius alium refertur, si quid contra Catholicam fidem oritur in Ecclesiâ, ut eius authoritate corrigatur: nec ulli alij tutius, si quid contra errorem respondetur, ostenditur, ut eius prudentiâ examinetur. Quapropter sicut nulli dignius possum, ita nulli libentius præsentem epistolam, quàm vestra destino sapientia; quatenus si quid in eâ corrigendum est, vestrâ censurâ castigetur: & quod regulam veritatis tenet, vestrâ authoritate roboretur. Quæ nonnisi ad indeflexam veritatis amissum rectè dicuntur.*

LXI Iuonis Car-
nutensis, Arnul-
phi Lexouienfis,
Hildeberti Tu-
ronensis, & Ful-

Iuo Carnutensis Episcopus nunc conueniendus est nobis. Cùm enim in Concilio Viennæ habito à Guidone eius vrbs Episcopo decretum esset in hunc modum, *In-*
uestituram Episcopatum & Abbatiarum de manu laicâ, sancta

Romana Ecclesia auctoritatem sequentes, haresin esse iudicamus. Scriptum illud seu privilegium, quod à Domino Paschali Papa violenter Henricus Rex extorsit, in virtute sancti Spiritus damnamus, &c. Cùm Guido ipse ad Paschalem scripsisset, Dictante sancto Spiritu inuestituram omnem rei ecclesiastica de manu laicâ, haresin esse iudicauimus. Scriptum illud quod Rex à vestrà simplicitate extorsit, damnamus. Nequaquam hæc Iuoni cæterisque Galliarum Episcopis sunt probata. Inuitanti enim Ioanni Episcopo Lugdunensi ad Synodum de istiusmodi rebus tractaturam, respondet Iuo epist. 238. suo & Vualonis Parisiensis, Ioannis Aurelianensis, cæterorumque Senonensis Prouinciæ Episcoporum nomine: Paschalem componens Marcellino, Aaroni, Moyfi qui peccarunt, non ex animi sui sententiâ, sed coacti: Paulo Apostolo, qui dispensatiuè discipulum circumcidit: addit, Principales Ecclesia claves nolumus potestate suâ priuare, quacumque persona vices Petri habeat, nisi manifestè ab Evangelica veritate discedat. Et infra: Hunc excessum non tantum non accusamus, sed dictante ratione approbamus, si imminente strage populi, paternâ charitate, cum nonnullo vulnere suo se tantis periculis voluit obicere, ut maioribus morbis posset sincerâ charitate subuenire. Et tandem: Postremò quod quidam inuestituram haresin vocant, cùm haresis non sit, nisi error in fide, &c. fides cordis est, &c. Inuestitura verò illa, de quâ tantus est motus, in solis est manibus dantis & accipientis, qua bona & mala agere possunt, credere vel errare in fide non possunt. A quibus nec Ioannes ipse Lugdunensis Episcopus dissentiebat, ad Iuonem rescribens, Licet exteriores inuestituras per laicos factas non satis propriè haresis nomine censeamus: sentire tamen ac defendere fieri debere, indubitata haresis est. Omnes ergo ad absoluendum ab haresis suspicionem Pontificem conspirabant, tum quòd exteriores tantum inuestituras per vim sibi extorqueri passus esset, non ipsarum ius quasi canonicum: tum quòd laudabili dispensationi id adsignari posset: tum denique quòd ne Conciliis quidem generalibus id arrogatur, ut vbi vis arma-

berti Carnoten-
sis Episcoporum.

ta ingruit, in errorem nunquam impellantur. Quibus adprime concinunt, quæ prodidit Abbas Vſpergenſis de Concilio Lateranenſi an. 1116. ubi damnante Paſchali ſuum illud priuilegium, *Bruno Signinus Episcopus*, aliis exorſus eſt, *Gratias Deo*, qui D. Paſchalem Papam audiuimus, proprio ore damnantem illud priuilegium, quod prauitatem & hæreſin continebat. Ad hæc quidem cauillatores ſubiunxit, Si priuilegium illud hæreſin continebat, qui illud fecit, hæreticus fuit. Ioannes autem Caietanus, ad hæc commotius Signino reſpondit, Tunc Romanum Pontificem hæreticum appellas? Scriptum quod fecit Dominus Papa, malum quidem fuit, ſed hæreſis non fuit. Et alter quidam adiecit, Imò ne malum quidem fuit, quia ſi liberare populum Dei bonum eſt, &c. Ad hæc patientia Domini Papa horrendo hæreſis nomine pulſata, expergeſcenda eſt, & manu ſilentium indicens, dixit, Eccleſia iſta nunquam hæreſin habuit, imò hîc omnes hæreſes conquaſſata ſunt. Hîc Ariana hæreſis, Sabelliana, &c. contrita eſt. Pro hæc Eccleſiâ orauit cum dixit, Ego rogaui pro te Petre, ut non deficiat fides tua. Emicat ex his Gallos id temporis, quàm Italos ad reuerentiam & admirationem Sedis Apoſtolicæ propenſiores fuiſſe. Arnulphus autem Lexouiſis Episcopus, ſuam & Eccleſiæ Gallicanæ ſententiam ita expreſſit epist. 19. ad Alexandrum Papam, propulſatâ teterri mi ſchiſmatis caligine, orbi radiantem: *Benedictus Deus*, qui Eccleſiam ſuam, immaculatam ſcilicet ſponſam dilecti filij ſui mirabili ſemper benignitate diligit & conſeruat. Licet enim aliquibus ipſam aliquando vexari patiatur iniuriis: facit tamen cum tentatione prouentum, ut poſſit ſuſtinere: nec unquam portas inferi aduerſus eam præualere permittit, &c. Præualuit in athletâ Dei veritas falſitati, &c. Deus deiexit hæreticum, &c. Dominus ſublimauit cornu Chriſti ſui, ut in eo unitas Eccleſiæ reformari poſſet, & regnum ipſius omnibus dominari. Hæc ille de Innocentio antecellore, ſtatim Alexandro his non imparia ominatur: *Redibit ſerenitas*, & modica hæc ad radios veri Solis nebula diſſoluetur: redintegratâ unitate Catholicâ, ab omni parte pedibus veſtris vniuerſitas fidelis occurret, &c. Ego

minor licet omnibus, non minore tamen gaudio quam ceteri, gloriam vestrae promotionis amplector, & vos Apostolum Christi, Petri vicarium, Pastorem & Episcopum omnium, qui Christiano nomine censentur, agnosco, & vobiscum Catholicam profiteor unitatem. Et epist. 21. de Ecclesiâ Gallicanâ: *Benedictus Pater misericordiarum, qui Ecclesiæ Gallicanæ solitam misericordiam benignus impendit, ut eam semper & agnitione veritatis illustres, & pedes eius à iustitiæ tramite nullatenus aberrare permittat. Sicut enim omnes quos ad oppressionem Romanæ Ecclesiæ rabida Teutonici furoris pronexit invidia, virtus altissimi manifesta deiecit: sic omnibus quos deuotio Gallicana suscepit, victoriam semper contulit & triumphum. Cumque multis constet ceteras regiones abundasse portentis: sola Gallia monstra non habuit; sed sinceritate fidei, doctrinæ veritate, virtutum quoque titulis, & plurimâ operum exhibitione præfulsit. Vbi vides in causâ schismatis, quæ hæresi coniunctissima est, Ecclesiam Gallicanam singulari suâ cum vero Pontifice conglutinatione id esse consecutam, ut monstra non habuerit, sinceritate fidei, doctrinæque veritate præfulserit. Et aliquantò antè Hildebertus Turonensis Archiepiscopus epist. 65. ad Honorium I. Papam, prouincialis Synodi suæ acta ab Apostolicâ Sede roborari, & irretactabili firmitate perpetuari postulans: *Hac igitur vobis, sancte Pater, significanda censuimus, quatenus acta canonicè vestra confirmare dignetur auctoritas: & datis ad Episcopos literis communiter exhortari omnes, ut quacunque eis facienda sanximus & docenda, ipsi quoque cum Christo facere studeant & docere, &c. Non grauemini confirmatione Apostolicâ roborare, ac prohibere, ne quis omnino rescindere, vel aliquâ ex parte minuire præsumat. Perspiciis regulas faciendorum & docendorum in Conciliis Episcopalibus fixas, ne temerè refigantur, necessum esse, obliuari quodammodo Sedis Apostolicæ auctoritate. Et his vetustior Fulbertus Carnot. Episcopus ep. 22. 48. aliisque compluribus, etsi nulla tum his de fide strepebat, satis tamen superque prodidit, quantum deferret definitionibus eius, cui totius Ecclesiæ cura commissæ est.**

LXII. Bernardi
suffragiū in cau-
sa Abaelardi.

Epist. 188.

Bernardus suo iam loco prodit, Gallix decus immen-
sum. Sic ergo ille ad Cardinales & Episcopos Curix Ro-
manæ: *Nulli dubium est, quin ad vos specialiter spectet tolle-
re scandala de regno Dei, surgentes succendere spinas, sedare
querelas, &c. Pro Hur & Aaron stat zelus & auctoritas Ro-
mana Ecclesiæ super populo Dei. Ad eam merito referimus non
questiones, sed lusiones fidei, &c. Legite si placet librum Petri
Abailardi, &c. Et siquidem iudicatis me iuste moueri, moue-
mini & vos. Ac ne frustra moueamini, agite, pro loco quem te-
netis; pro dignitate, quâ polletis; pro potestate, quam accepistis;
quò qui ascendit usque ad celos, descendat usque ad inferos.*
Et epist. 189. ad Innocentium Papam, ad quem à Conci-
lio Senonensi Abaelardus appellarat, *Verum tu, ô Succes-
sor Petri, iudicabis, an debeat habere refugium Sedem Petri,
qui Petri fidem impugnat. Tu amice Sponsi, providebis quomo-
dò liberes sponsam à labiis iniquis & linguâ dolosâ, &c. Opor-
tet hæreses & schismata esse, ut qui probati sunt, manifesti fiant.
Et schismate quidem iam Dominus probauit te, & cognouit te.
Sed ne quid desit corona tua, &c. hæreses surrexerunt. Itaque
ad consummationem virtutum, & ne quid minus fecisse inue-
niamini à magnis Episcopis antecessoribus vestris, capite nobis,
Pater amantissime, vulpes, quæ demoliuntur vineam Domini,
donec paruula sunt. Ne si crescant & multiplicentur, quidquid
talium per vos non fuerit exterminatum, à posteris desperetur.
Quamquam non iam paruula nec paucula, sed certè grandinosa-
la & multa sint, nec nisi in manu forti vel à vobis extermina-
buntur. Vide mores, vide leges Gallorum. A Synodo Se-
nonensi prouocat Abaelardus non ad œcumenicum Con-
cilium, sed ad Romanum Pontificem. Hæreses scriptis
eius aspersas damnauit Senonensis illa Synodus, gloriam
tamen extinctæ & exterminatæ exorientis sectæ Bernar-
dus vni Innocentio reseruat. Si ab illo contrita non fue-
rit, ait à posteris desperatum iri. Sed quid apertius his
rursus eiusdem ad eundem verbis epist. 190. *Oportet ad
vestrum referri Apostolatum pericula quaque, & scandala emer-
gentia in regno Dei, & præsertim quæ de fide contingunt. Di-
gnum**

gnum namque arbitror ibi potissimum refarciri damna fidei, ubi non possit fides sentire defectum. Hac quippe huius prerogativa Sedis. Cui enim alteri aliquando dictum est, Ego pro te rogaui Petre, ut non deficiat fides tua? Ergo quod sequitur, à Petri successore exigitur: Et tu aliquando conuersus, confirma fratres tuos. Id quidem modò necessarium. Tempus est, ut vestrum agnoscatis, Pater amantissime, principatum, probetis zelum, ministerium honoresis. In eo planè Petri impletis vicem, cuius tenetis & Sedem; si vestrà admonitione corda in fide fluctuantia confirmatis, si vestrà autoritate conteritis fidei corruptores. Et sub finem, Cùm non aliud esset quod agerem pro iniuria fidei, quam dolebam: opera mihi pretium arbitror, si illum monui, cuius arma potentia Deo ad destructionem in contrarium assertionum, ad destruendam omnem altitudinem extollentem se aduersus scientiam Dei, & in captiuitatem redigendum omnem intellectum, ad obsequium Christi. Et hæc Bernardus non tantum suo, sed & Gallicanæ totius Ecclesiæ nomine, sensu, ac præiudicio. Vnde apud eundem Rhemensis Episcopus ad Innocentium rursus Papam, memoratâ appellatione Abaelardi; *Episcopi qui propter hoc in vnum conuen-* Epist. 19^a
rant, vestra reuerentia deferentes, nihil in personam eius egerunt; sed tantummodo capisula librorum eius, à sanctis Patri-
bus condemnata, ne morbus serperet, medicinali necessitate ab-
iudicauerunt. Quia ergo homo ille multitudinem trahit post se,
& populum qui sibi credat, habet: Necesse est ut huic contagio,
celeri remedio occurratur. Serò enim medicina paratur, cùm ma-
la per longas inualuere moras. Processimus in hoc negotio, quo-
usque ausi sumus. Tuum est de cetero, beatissime Pater, prou-
idere, ne in diebus tuis aliquâ heretica prauitatis maculâ decor
Ecclesiæ maculetur. Tibi commissæ est Sponsa Christi, amice Spon-
si: tuum est tandem uni viro virginem castam exhibere Christo.
 Quod sapius animaduersum est suprâ, id in hoc quoque eminet negotio, hæreticos perinde ac Catholicos plùs multò arrogare Sedi Apostolicæ, quàm Synodis Episcopalibus. Ita affectus erat Abaelardus: Idem animi erat ipsis Episcopis, qui ne suspicione quidem vllâ exoriente

Epist. 194.

de Synodo œcumenicâ, pestiferæ hæreseos debellatorem vni Sedi Petri deberi consentiebant. Postremò denique Innocentius ipse ad Episcopos Galliarum rescribens, laudato zelo quo in nouitatis damnationem conflagrauerant, subdit: *Nos itaque, qui in B. Petri Cathedrâ, cui à Domino est dictum, Et tu aliquando conuersus confirma fratres tuos, licet indigni residere conspiciamur: communicato fratrum nostrorum, Episcoporum, & Cardinalium consilio, vniuersa Petri peruersa dogmata, sanctorum Canonum auctoritate cum suo authore damnauimus, eique tanquam hæretico perpetuum silentium imposuimus. Vniuersos quoque erroris sui sectatores, & defensores, à fidelium consortio sequestrandos, excommunicationisque vinculo innodandos esse censemus.*

LXIII. Multiplex inde argumentatio exprimitur.

Aduerte hîc porro 1. *silentium* perpetuum & tanquam hæretico imponi: si *perpetuum*, si vt *hæretico*, non illud ergo, quod suâ in officinâ, hætenus inauditum, fabricarunt Gersonius, & consentanei eius Theologi: vt quod ad tempus, & cum fiducia fidei Catholicæ simuletur. 2. Si res ita haberet vt illi fabulantur, & hæreseos ab Episcopis & Pontifice damnati, possent de fidei Catholicæ conscientia sibi blandiri, possent à Concilio œcumenico post absolui: præposterum & immane esset, eos omninò damnari, vt hæreticos extrudi à septis Ecclesiæ, & seuiuissimè diuexari. Quàm propudiosum enim Ecclesiæ, eos proscribere ac infamare, quos postea absolui posse, & innocentes comperiri sciret? 3. Ideo Patres Synodi Senonensis cum Petrus ad Sedem Apostolicam prouocasset, ab eo notando temperarunt. Ergo & Synodo œcumenicæ reseruanda essent potius, quàm temerè præcipitanda iudicia, quæ post emendarentur. 4. Cum rarissimi in causis fidei à Pontificis sententia appellauerint ad Synodum œcumenicam, & ita omnis prorsus Ecclesia Catholica his assensa sit decretis primæ Sedis de fide: si potuit illis hæresis subesse, potuit & Ecclesia Catholica eo errore illaqueari, quod dictu nefas. An ergo in potestate fuit hominum, vt iniquè damnati à Pontifice, non appellarent,

& ita Ecclesiam omnem demergerent in hæreseos baratrum? 5. Sed cùm rarissimæ possint & debeant Synodi colligi œcumenicæ, an poterunt interim omnes sibi suppalpari intus in animo suo, & opiniones ab Episcopis & Pontifice explosas retentare? Vt amant omnes hausta semel animo præiudicia; & Scripturis Patribusque ea concinere sibi mentiuntur, nemo non sentit, quanta hîc errandi aperiatur fenestra. 6. Cùm sit Pontificis Synodos œcumenicas conuocare, & persuasum illi sit iam olim ab exordio Ecclesiæ, nullas ad fidei & hæreseos certum iudicium necessarias esse œcumenicas Synodos; quis non vider, quantum in periculum Ecclesia Catholica conii-ciatur, si steterit Gersonij sententia? 7. Nec dissimulare possunt Gersonianæ doctrinæ sectatores suam paucitatem præ infinitâ fidelium doctorum indoctorumve multitudine, quibus persuasissimum est, in fidei dogmata recipi, quidquid Sedes Petri definierit. Ergo si quid à fide dissonum à Sede Petri definiri aliquando posset, hæc omnis Ecclesiæ Catholicæ multitudo in errorem abriperetur: & Ecclesia suo Catholicæ nomine excideret, ad eximiam illam paucitatem artata, quod absit. Vt alia ergo decissent præsidia, vel hoc vno inconcussa hæc constaret primæ Sedis prærogatiua non errandi, quod illi vniuersa se totam implicuit, commisitque penitus Christi Ecclesia; & quàm ipsa errare nequit, tam errare nequit, quem sequitur. 8. Tardum videbatur Senonensis Synodi Patribus, Abaelardi sectam Romæ percelli, ne eâ morâ conualesceret lues, & seram postea medicinam vinceret malum adultius: quid si sustinenda sint longa Conciliorum generalium ex orbe toto tædia? quanta interim facient incrementa, nouatores, immemores silentij, &, vt sua promulgent placita, ad Ecclesiæ incolumitatem interesse persuasi? 9. Donatæ sunt Synodi œcumenicæ aliquando ad frangendam vel sic hæreticorum indomitam pertinaciam. Sed eo exitu qui sacros annales euoluentibus manifestus est. Ariani, Macedoniani, Nestoriani, Eutychia-

ni, & id genus alij, aliquantò ferè procaciùs post Synodum infanire, quàm ante. Nestoriani & Pelagiani Cælestino non cesserant, nec Ephesino Concilio cessere. Eutychiani Leonis decreta suggillauerant, Chalcedonensem Synodum sannis dirisque persecuti sunt. Ita Monothelæ, Iconomachi ut Pontifices, ita Synodos ludibrio habuere. Nostra ætate in Tridentinum Concilium virulentiam suam noua hæreseos colluuius impotentius effudit. Catholicis porro vix vnquam concessa sunt Concilia œcumenica erudiendis, aut placandis; ut qui Episcopalis Conciliis vel Pontificiis decretis protinus obsecuti sint. 10. Si quos autem moueat, quod prioribus Ecclesiæ sæculis rariora extent vestigia priuilegij huius Sedis Apostolicæ. Aduertant illi multò obscuriora, imò nulla prorsus extare œcumenicarum Synodorum. Ut quæ ante Nicænam nec habitæ sint, nec haberi potuerint. Cum ergo tot ebullierint interim hæresum pestes, cum Ecclesia Catholica aduersus earum mendacia munienda fuerit, vna superest Episcoporum, & eius, qui principatum Episcopatus tenet, autoritas, quæ tunc præsidio fuerit, & semper sit, & vsque futura sit; cum Synodorum congregationi perinde nunc intercedere possit sæcularium Principum potestas. 11. Quocirca id denique elucet, solâ Ecclesiæ vniuersalis autoritate opprimi & schismatum & hæresum nouitates omnes, siue illa in Synodum coëat, siue eo labore supersedeat. Episcopi enim Ecclesiæ Catholicæ etiam in particularibus Synodis auctoritatem Ecclesiæ vniuersalis præ se ferunt, suisque conciliant statutis, quandiu illis Ecclesia eadem vniuersalis non intercedit, quandiu silet, & silentio suffragatur. Multo magis primæ Sedis Pontifices, vbi ab Ecclesia consuluntur, vbi definiunt, vniuersalis eiusdem Ecclesiæ auctoritatem præstant, adiiciuntque decretis suis, ut qui Caput sint Ecclesiæ, ut qui Ecclesiæ personam representent, ut qui gerant Sacramentum Ecclesiæ, ut qui non tam suo quàm Ecclesiæ totius nomine pronuncient,

ut quibus se Ecclesia committit & immiscet, ut quorum fidei incumbunt vniuersi fideles, ut denique quos Ecclesia sequitur, quæ errantem sequi potest neminem vniuersa.

Petrus venerabilis Abbas Cluniac. lib. 4. epist. 4. ad eundem Innocent. Papam narrat Abaelardum Cluniaco transisse: *Quasiuimus, quò tenderet. Granatam se vexationibus quorundam, qui sibi, quod valde abhorrebat, nomen heretici imponebant; maiestatem Apostolicam se appellasse, & ad eam confugere se velle respondit. Laudauimus propositum, & ut adnotum & commune refugium confugeret, admonuimus. Iustitiam Apostolicam, quæ nulli vnquam etiam extraneo, vel peregrino defuit, sibi non defuturam diximus. Misericordiam ipsam, ubi ratio postularet, sibi occursum promissimus. Donique in gratiam Sedis Apostolicæ Petrum Petrus recolligit. Et hinc vides litem de fide apud Petri tribunal rite dirimi. Quod eodem æuo in Angliâ firmabat Ælredus ordinis Cisterciensis Abbas in cap. 14. Isaïæ: *Hæc est Ecclesia, quam primitiuorum sanctus vocat Apostolus, cuius plenitudo potestatis in ipsius principe, primo de Oriente transmigrans in Occidentem, auctoritate Spiritûs sancti in Romanâ resedit Ecclesiâ. Hæc est Romana Ecclesia, cuius interest consulere omnibus, iudicare de omnibus, omnibus providere. Quidquid ipsa statuerit, suscipio; approbo, quod approbauerit; & quod damnaverit, damno.**

LXIV. Petri Cluniacensis testimonium, & Ælredi Rhicualvensis in Angliâ Abbatis.

Bernardi & Episcoporum Gallix consensus nihilo obsecurior in causâ Gilberti Pictauensis Episcopi eluxit. Eam in Rhemensi Concilio coram Eugenio III. Papâ & Cardinalibus disceptata. Quos cum erranti potius quàm errori fauentes videret Bernardus, quatuor conscripsit fidei suæ capitula, totidem Gilberti capitulis aduersa, & cum Archiepiscopis, Episcopisque Gallix subscripsit. Eo exarsere Cardinales, & ad Eugenium conquesti sunt, *Sed quid fecit Abbas tuus, & cum eo Gallicana Ecclesia? Quâ fronte, quo ausu ceruicem aduersus Romanæ Sedis primatum & apicem erexit? Hæc est enim sola, quæ claudit, & nemo aperit: aperit, & nemo claudit. Ipsa sola de fide Catholicâ discurrere ha-*

LXV. Bernardi rursus & Ecclesie Gallicanæ suffragatio in causâ Gilberti Porret.

bens, à nullo, etiam absens, in hoc singulari honore praiudicium pati potest. Sed ecce Galli isti, etiam faciem nostram contemnentes, tanquam finitura sententia ultimam manum apponendo, nobis inconsultis fidem suam scribere presumpserunt. Certè si in Oriente, utpote Alexandria & Antiochia coram omnibus Patriarchis huiusmodi tractaretur negotium, nihil firmam stabilitate solidum sine nostrâ valeret definiri auctoritate: quin imò iuxta antiquorum Patrum instituta vel exempla, Romano servaretur examini terminandum. Hanc querelam Pontifex cum apud Bernardum deposuisset, Ille humiliter & cum reuerentiâ respondit, Se vel Dominos Episcopos nihil de prefatis capitulis definisse: sed quia ab Episcopo Pictauino audierat, ut fides sua scriberetur: idcirco quia solus nollet, illorum auctoritate ac testimonio simpliciter se, quod sentiret, exposuisse. Hocque tam humili quàm modesto ipsius responso, prædicta Cardinalium indignatio conquieuit; ita tamen ut prefatum scriptum tanquam inconsultâ curiâ prolatum, velut auctoritatis pondere carens, pro Symbolo in Ecclesiâ, quod in Conciliis contra hæreses congregari fieri solet, non haberetur. Hactenus Otto Frising. c. 56. qui addit, De primo tantum Romanus Pontifex definiuit, &c. Episcopus verò præmissam summi Pontificis sententiam reuenter excipiens, &c. Summam & ineluctabilem definiendi auctoritatem, vides, cui deferat Ecclesia Gallicana.

LXVI. Idem ex
Goffrido Monacho
in vitâ Bernardi.
Lib. 3. de vitâ
Bernardi c. 51.

De his audiendus rursus Goffridus Monachus Clara-
uall. & notarius Bernardi: Communi consilio à Patribus decem provinciarum, aliis autem Episcopis & Abbatibus plurimis, dictante viro Dei, novis dogmatibus opponitur Symbolum novum: cui etiam subscribuntur nomina singulorum, ut eorum videlicet omnium, sicut fides irreprehensibilis, sic irreprehensibilis zelus innotescat. Ita demum Apostolico iudicio, & auctoritate uniuersalis Ecclesie error ille damnatur: Episcopus Gillebertus, an eidem damnationi consentiat, interrogatur: consentiens publiceque refutans, qua prius senserat & affirmauerat, indulgentiam ipse consequitur. Maxime quod ab initio cautum fuisset, eâ lege eandem ingredi disputationem, ut promitteret sine ullâ obstinatione, sese pro Ecclesia sancta arbitrio, correcturum liberè suam

opinionem. Vt quid id cauebatur, vt quid cedebat Gilbertus, si definitioni synodali & pontificiæ error illulisse, & inde in omnem Ecclesiam effundi poterat? Quin saltem in œcumenicâ pòst Synodo retractantur hæc omnia, ne præproperè in hæresin Ecclesia vniuersalis consenserit? Sed nusquam eâ de re laboratum hætenus.

Gaufridus his accedat Monachus Cistertiensis in epist. ad Cardinalem Albanensem de his scriptâ, vbi de Concilio Rheimensi disserens ait: *Postquam diutius disputatum est, sub eo tenore discessum est, ut dicerent Domini Cardinales, quia ecce audiuimus quæ proposita sunt, deinceps iudicabimus, qualiter debeant definiri. Quod verbum eatenus mouit corda multorum, ut sequenti die apud sanctum Bernardum conuenirent Archiepiscopi decem, Episcoporum quoque, ac Abbatum, & Magistrorum plurima multitudo. Et quia iudicium sibi soli videbantur reseruasse, quos nouerant ferè omnes errantis potiùs, quàm erroris fautores: prouidère oportere cum capitulis illis Gilberti Episcopi, suæ etiam fidei Symbolum mitti, ut scirent plenius unde iudicaret, &c. Et electa sunt tres persona, Episcopi duo, & Sugerius Abbas sancti Dionisi, qui eandem scripturam Domino Papa & Cardinalibus præsentarent; & dicerent eis, Offerimus & nos vobis nostram confessionem, ut non de parte, sed de partibus iudicetis. Tenetis confessionem hominis illius scriptam, conuenit ut teneatis & nostram. Verumtamen ille vobis sub hoc tenore tradidit suam, ut paratus esset corrigere, si quid vobis aliud videretur: nos eiusmodi conditionem penitus excludentes, sic vobis nostram offerimus, ut noueritis, quod in hoc sumus, in hoc persequerabimus, nihil penitus mutaturi. Quibus Papa respondit, quod ab eadem confessione eorum in nullo prorsus Romana Ecclesia dissentiret, & si stare aliqui visi fuerant pro personâ, sed non stabant aliquatenus pro doctrinâ, &c. Ibidem dominus Papa autoritate Apostolicâ, de assensu rotius Ecclesie qua conuenerat, capitula ipse damnauit. In fide suâ nihil vacillabant, nullo dubitationis lubrico lapsabant Galliarum Episcopi, iudicij tamen summam potestatem Romanæ Ecclesiæ tribuunt: de effugio ad Syno-*

LXVII. Item et
Gaufridi Monachi
epistola ad
Cardin. Alban.

dum œcumenicam nec suspicio vlli nascitur.

LXVIII. Rursus
de iudicio Abae-
lardi & Gilberti,
ex eodem & ex
Otthone Frising.
genſi.

Idem ipſe infra paucis perſtringit Abaelardum, Cuius libellos pia memoria Innocentius Papa ſecundus in vrbe Româ, & in Eccleſiâ beati Petri incendio celebri concremauit, Apoſtolicâ authoritate hæreticum illum denancians. De quo & Goffridus Monachus Claræuall. lib. 3. vitæ Bern. cap. 5. In grandi Concilio Senonenſi, Abaelardus, nec volens reſpiſcere, nec valens reſiſtere ſapientiæ, & ſpiritus, qui loquebatur, ut tempus redimeret, Sedem Apoſtolicam appellauit, &c. Nichilominus Eccleſia quæ conuenerat, dimiſit hominem, multauit abominationem; à perſona abſtinens, ſed dogmata praua condemnans. Quando verò Petrus ille refugium inueniret in Sede Petri, tam longè diſidens à fide Petri? Et ipſum ergo authorem eadẽ ſententiâ cum erroribus ſuis Apoſtolicus Præſul inuoluens, hæreticumque denunciâns, ſcripta incendio, ſcriptorem ſilentio condemnauiſ. Quibus adde Otthonem de ſancto Blaſio, in appendice ad Otthonem Frising. Petrus Baiulardus hæreſin Arianam reſuſcitare molitur. Contra quem venerabilis Abbas Bernardus velut contra hoſtem Eccleſiæ inſurgens, viuâ voce ſcriptiſque ipſum magnificè conuincens, hæreticum probauit, ſcriptiſque eius ſynodaliter examinatis ab Apoſtólico, & damnatis, ipſi de cætero ſilentium impoſuit. Ita c. 2. at c. 3. ruruſum de libris Gilberti: Eugenius Papa Synodum Epiſcoporum congregauit, &c. Liber Gilberti in nonnullis à vera fide viſus eſt diſcrepare, & ideo ſynodaliter reprobatuſ & damnatuſ eſt; Epiſcopo libri ipſius authore humiliter conſentiente, ipſumque ore proprio damnante. Et Ottho ipſe Frising. Epiſcopuſ lib. 1. de geſtis Frider. Imp. cap. 57. Epiſcopuſ verò Gilbertuſ præmiſſum ſummi Pontificis ſententiã reuerenter excipiens, Archidiaconi ſuis in gratiam receptis, cum ordinis integritate & honoris plenitudine, ad propriam diœceſin remeauit. Nempe vt antè cap. 46. perhibuerat, Gilbertuſ à duobus Archidiaconis ſuis, tanquam contra Catholica normam Eccleſiæ doctrinam inſtituens, ad ſummi Pontificis, Romæque Sedis examen, interpoſitâ appellatione vocatur. Et iidem cap. 47. de Abaelardo: Bernardo authore, primò ab Epiſcopis Galliæ, poſt à Ro-

mano Pontifice, Petro Abaelardo silentium impositum fuit. Et cap. 48. in Senonensi Concilio, dum de fide sua disinteretur, seditionem populi timens Abaelardus, Apostolica Sedis praesentiam appellauit. Constantissimè, ut vides, non ad Synodum vsquam prouocatur oecumenicam, sed ad Sedem Apostolicam, ab omnibus Gallicanâ consuetudine & modestia imbutis.

Bernardus iterum epist. 174. plurima argumentatus aduersus festum diem Conceptionis Deiparæ, ut à Lugdunensibus præproperè innouatum, hæc tandem subiicit: *Si sic videbatur, consulenda erat prius Apostolica Sedis auctoritas, & non ita precipitaster atque inconsultè paucorum sequenda simplicitas imperitorum, &c. Quæ autem dixi, absque præiudicio sanè dicta sint sanius sapientis. Romana Ecclesia præsertim auctoritati, atque examini totum hoc, sicut & cætera quæ eiusmodi sunt, uniuersa reseruo: ipsius, si quid aliter sapio, paratus iudicio emendare.*

LXIX. Iterum ex Bernardo ipso scribente de festo Conceptionis Deiparæ.

Petrus Cellensis lib. 6. epist. vlt. in eodem versatur argumento: *Est auro locus in quo conflatur, & habet argentum venarum suarum principia, Sedem Petri & curiam Romanam, quæ clauis celi principaliter tenet. Hæc Sedes Petri, id est, Petra in quâ Moyses residet, videlicet Lex Dei immaculata, conuertens animas, fragosa quæque hæreticorum Conciliabula elidit, atque allidit; profanas vocum novitates refecat, & rescindit; superflua confodit & ingulat; hiantia & ecliptica complet, & illustrat. Utinam saluâ veritatis auctoritate, lance communis Concilij, hæc domina & moderatrix totius Christianitatis, Conceptionem Virginis librasset & approbasset, & à mari vsque ad mare hanc propagasset; Sole, id est, Apostolico, & Luna, id est, Romana Curia præeunte, tam securè, quàm expeditè in lumine vultus eorum gressus meos ponerem, & disponerem; ex hoc videns vitare lubricum, & sequi solidum, & securum. Et eadem de re lib. 9. epist. 10. Virginem laudas, & ego laudo. Prædicas sanctam, & ego, &c. Si verò extra communis monete formam, vis fabricare aliam, quam non approbaueris Sedes Petri, cuius est approbare vel improbare ordinem vniuersalis Eccle-*

LXX Suffragatio Petri Cellensis, Petri Blesensis, Ioannis Salibertiensis, Stephani Tornacensis.

sia, pedem sisto, & terminos constitutos non transgredior. Quæ controuersia etsi ad disciplinam attinebat, illigatam illi tamen fuisse & fidei causam, exploratum est. Quibus adde paucula hæc ex Petri Blefensis epistolâ 99. ad Urbanum Papam: Domus Dei quæ in lapide adiutorij super fundamentum Apostolorum stabilita est; à Petro, & successoribus eius formam semper eruditionis & statum incolumitatis accepit. Quod enim stipiti rami, quod capiti membra, quod radij Soli, quod fonti rinuli, hoc Apostolica Sedis eminentiæ debent Ecclesie omnes, quas ubique terrarum religio Christiana fundauit. Cui præmittendus fuerat Hugo de sancto Victore, de Sacram. lib. 1. cap. 43. Papa dicitur, quia Pater Patrum. Vniuersalis dicitur, quia vniuersa præest Ecclesie. Hic quoque Apostolicus appellatur, quia Principis Apostolorum vice fungitur. Eius officium est, &c. Canones etiam pro tempore ad utilitatem Ecclesie promulgare, vel immutare, &c. Totam Ecclesiam vice Christi gubernare. Itaque Papa vicem & locum Christi tenet, Episcopi Apostolorum. Ioannes Salisberiensis ad Carnotensem demum suffragio meritorum ingentium prouectus Episcopatum, liberaliter passim Romanæ Sedis dotibus amplificandis indulget. Stringam ex eo hæc pauca. Ad Alexandrum Papam epist. 193. Clamamus ad Successorem Petri, Vicarium Crucifixi, &c. Ius est veras exprimere voces, præsertim apud eum, qui amator est, & patronus veritatis, & cuius ministerio Spiritus sanctus totius falsitatis fragmenta condemnat. Et ad eundem epist. 220. Recurrebant filij Israël ad tabernaculum fœderis, ubi sancta Sanctorum seruabantur, id est, mandata Dei, quæ cunctis iustificationibus antecellunt, & opportunitatibus suis conueniebant Moysen & Aaron, Sanctos Domini. Et miseris Cantuariensibus, ad quos inter Deum & se mediatores confugiendum est, nisi ad Romanam Ecclesiam, ubi viget diuina legis custodia, & totius sacerdotij principatus? Nam si illa post Deum decreuerit saluare nos, continuo liberabimur. Si manus erexeritis, sternetur Amalech; & qui vos Pharaoni dedit in Deum, deciciet omnes aduersarios Ecclesie à facie vestrà. Vniuersim valent ista; & quæ tunc disceptabantur liber-

tatis Ecclesiasticæ capita, eorum nonnulla est cum fidei dogmate consanguinitas. Quocirca eodem forsan referri posset & hoc, ex epist. 190. Stephani sanctæ Genouefæ prius Abbatis, postea Episcopi Tornacensis, ad eos qui priuilegia indulta à Petri Sede conuellebant: *Examen istud reseruate summo Pontifici, qui solus habet potestatem & condendi novos Canones, & exponendi veteres, & interpretandi priuilegia sua, & corrigendi aliena.*

Gallis non immeritò & sanctus Thomas annumerabitur. Is ergo 2. 2. q. 1. art. 10. ita philosophatur: *Nova editio Symboli necessaria est ad euitandum insurgentes errores. Ad illius ergo auctoritatem pertinet editio Symboli, ad cuius auctoritatem pertinet finaliter determinare ea, quæ sunt fidei, ut ab omnibus inconcussâ fide teneantur. Hoc autem pertinet ad auctoritatem summi Pontificis, ad quem maiores & difficiliiores Ecclesiæ quæstiones referuntur, ut dicitur in decret. lib. de bapt. c. Maiores. Vnde & Dominus Petro dixit, quem summum Pontificem constituit, Ego pro te rogaui, Petre, ut non deficiat fides tua; & tu aliquando conuersus confirma fratres tuos. Et huius ratio est, quia una fides debet esse totius Ecclesiæ. Quod seruari non posset, nisi quæstio fidei exorta determinetur per eum, qui toti Ecclesiæ præest: & sic eius sententiâ à totâ Ecclesiâ firmiter teneatur. Et ideo ad solam auctoritatem summi Pontificis pertinet noua editio Symboli, sicut & alia omnia quæ pertinent ad totam Ecclesiam, ut congregare Synodum generalem, & alia eiusmodi. Vbi illud enitescit, nullam inter Pontificem & generale Concilium pugnam, nullam æmulationem feruere, sed summam ex aduerso concordiam & societatem. Vna enim vtriusque, vna Ecclesiæ Catholicæ auctoritas est, seu capite & linguâ tantum quod sentit, eloquatur: seu toto corpore & membrorum omnium concentu idem alsonet. Vnde & in responsione ad secundum mox idem, docet non potuisse veteres Synodos eam posterioribus Conciliis abrogare potestatem, aduersus novas hæreses noua conscribendi symbola; non nouam, sed veterem fidem explicantia manifestius: Vnde*

LXXI. Adiungitur Gallis sanctus Thomas Scholæ Parisiæ lumen.

pertinet ad summum Pontificem, cuius auctoritate Synodus congregatur, & eius sententiâ confirmatur. Toties autem congregari Synodus generales, quoties nouæ iugulandæ sunt hæreses, ineptum, impossibile, & à moribus Ecclesiæ hætenus alienissimum non nesciebat sanctus Doctor.

LXXII. Alia eiusdem testimonio.

Quod multò splendidius fiet ex alio eiusdem luculentissimo testimonio, de potentia q. 10. art. 4. ad 13. ubi pro Latinâ Ecclesiâ aduersus Græcorum querimonias ita decernat: Sicut autem posterior Synodus potestatem habet interpretandi Symbolum à priore Synodo conditum, ac ponendi aliqua ad eius explanationem, ut ex prædictis patet: ita etiam Romanus Pontifex hoc suâ auctoritate potest, cuius auctoritate solâ Synodus congregari potest, & à quo sententiâ Synodi confirmatur, & ad ipsum à Synodo appellatur. Quæ omnia patent ex gestis Chalcedonensis Synodi. Nec est necessarium, quod ad eius expositionem faciendam vniuersale Concilium congregetur, cum quandoque id fieri prohibeant bellorum dissidia: sicut in Sextâ Synodo legitur, quod Constantinus Augustus dicit, quod propter imminencia bella vniuersaliter Episcopos congregare non potuit. Sed tamen illi qui conuenerunt, quedam dubia in fide exorta, sequentes sententiâ Agathonis Papæ determinauerunt, scilicet quod in Christo sint due voluntates, & due actiones. Et similiter Patres in Chalcedonensi Synodo congregati, secuti sunt sententiâ Leonis Papæ, qui determinauit Christum esse in duabus naturis post incarnationem. Vides hic 1. ipsarum ex Synodorum testificatione, varios incurrere obices, ne Synodi colligantur, adeoque ad perimendas hæreses subinde pullulantes, alio quopiam veritatis oraculo opus esse. 2. Nec secundam, nec sextam, nec alias fortè plures iure æstimatum iri œcumenitas Synodos, nisi ex Pontificis Romani, & Ecclesiarum ei proximius adhærentium, & quasi concretarum confessione, vel antegressâ, vel consecutâ. 3. Si loco Synodi generalis subroganda sit vicaria & perpetua auctoritas aliqua, non aliam, quàm Romanæ Ecclesiæ excogitari posse, cuius est Synodus & conuocare & confirmare. 4. Cum vel maximè, ut ait

sanctus Doctor, appelletur à Synodo generali ad Pontificem. Nempe ut nunc quidem interpretari licet, alibi fusiùs eà de re disceptaturis, quia sine Pontifice Romano, nunquam verè œcumenica Synodus est: Et frustra eius nominis gloriam aucupatæ sunt aliquæ Synodi, sine eo vel contra eum congregatæ. Nusquam enim illis vniuersa consensit vel præsens Ecclesia, vel postera. 5. Tanto maioris est autem momenti hæc argumentatio B. Thomæ, quod Latinam, id est, Catholicam ibi tueretur aduersus Græcos Ecclesiam, quæ solius Romani Pontificis auctoritate, citra generalem Synodum, in symbolum, adeoque in dogma fidei susceperat Spiritûs sancti à Filio processionem.

Denique idem rursus 2. 2. q. 11. art. 2. ad 3. *Postquam ea essent auctoritate vniuersalis Ecclesia determinata, si quis tali ordinationi pertinaciter repugnaret, hæreticus censeretur. Quæ quidem auctoritas principaliter residet in summo Pontifice. Dicitur enim 24. q. 1. Quoties fidei ratio ventilatur, arbitror omnes fratres nostros & Cœpiscopos, nonnisi ad Petram, id est, ad sui nominis, & honoris authorem referre debere. Contra cuius auctoritatem, nec Hieronymus, nec Augustinus, nec aliquis sanctorum doctorum suam sententiam defendit. Vnde dicit Hieronymus ad Damasum Papam, &c. Subtexit, & Hieronymo adscribit verba superius relata Pelagij ad Innocentium, quibus fidei se, & Sedi Petri emendandum substernebat. Thomæ comes indiuiduus adsit Bonauentura. Iste ergo l. 1. d. 11. art. 1. q. 1. eandem Latinorum aduersus Græcos causam defensitans de processione Spiritûs sancti ex Filio: horum superbiam notat, quia cum reputarent se sciolos, & vocati non fuerunt: noluerunt profiteri, quid non erat per eos inuentum. Notat & pertinaciam, quia suam sententiam defendere ausi sunt, & auctoritati Ecclesie Romanae obviare: & ideo facti sunt hæretici, quia negant fidei veritatem: & schismatici, quia recesserunt ab Ecclesia unitate. Criminationes verò Græcorum, quòd Symbolum nouum condiderimus, cum Synodi œcumenicæ id olim vetuerint, ita*

LXXIII. Item rursus alia: item Bonauenturæ, A-lensis, exterorū-que Gallicanæ Scholæ Magi-strorum, denique Ioannis de Parisiis.

exufflat: *Potest dici, sicut dicit Anselmus, quod nouum edidimus, quod quidem facere potuimus. Quia Romana Ecclesia plenitudinem potestatis à Petro Apostolorum Principe acceperat, inquam nulla Patrum sententia nec interdictum ponere, nec arrire potuit, nec ei praiudicare, nec ligare eam ad aliquid. Et rursus ibidem continuò: Similiter dicunt nos schismaticos, quia à nobis incipit diuisio: cum enim hoc vellemus asserere, noluimus eos vocare. Et ad hoc responderi potest pro Latinis, quod eos vocare non fuit opportunum, quia Ecclesia sine eis hoc poterat: &c. & quia erat periculosum, quia quod pro certo habendum erat, periculum erat ducere in dubium. Alienissima sunt hæc omnia, non tam Bonauenturæ, quam totius Latinæ Ecclesiæ responsa, ab eorum opinione, qui fidei definitiones à solis iactant hauriendas esse œcumenicis Synodis, non à Romanâ Ecclesiâ. Vnde Alensis Parisinæ & ipse Scholæ non iniuria accensendus quæst. 43. memb. 4. Quoniam igitur & necessitas coquebat, & ratio nulla prohibebat, & vera fides hoc admittebat: fiducialiter asseruit Latinitas, quod confitendum & credendum esse cognoscebat. Quod autem quaritur, quare hoc Græcorum Ecclesiæ consensu factum non est: respondemus, quia nimis erat Latinis difficile Græcorum Episcopos ad consulendum de hac re colligere: nec erat necesse, unde non dubitabant, in questionem adducere. Quæ enim Ecclesia est, quæ per amplitudinem unius Regni dilatatur, cui non liceat aliquid secundum rectam fidem constituere, quod in conuentu populi utiliter legatur, aut cantetur? Quantiò magis licet Romanis hoc constanter proferre, in quo gentes & omnia regna quæ Latinis vtuntur literis, pariter concordant? Vsq; ad Florentinæ Synodi tempora ab hac defensionis ratione non discessisse Latinos Theologos, in promptu est, cum non aliis possent machinis retundere Græcorum congressiones. Henricus à Gandauo in summa, art. 54. q. 6. negat excusari posse Græcos secus sentientes, postquam cœpit Ecclesia Latinorum contrariari. Nec Okamus ipse inficias ire potuit, in 1. d. 11. quin ex determinatione Ecclesiæ contra Græcos tenendum sit, Spiritum sanctum à Filio proce-*

dere. Durandus à sancto Porciano in eandem d. ait, dissentire Græcos à nobis & errare: Magistro visos non errare, quia nobiscum sentiunt re, verbis dissentiunt, dum concedunt Spiritum sanctum esse Filij. Gabriel Biel in eandem d. 11. *Non concedunt Græci Spiritum sanctum procedere à Filio, &c. Contra quos est determinatio Ecclesia in c. Firmiter de sancta Trinitate.* Et mox: *Hæc conclusio est fidei & determinationis Ecclesie, ideo inconcusse tenenda.* Ioannes Maior Scholæ Parisiensis Theologus in eandem d. 11. non acquiescit Magistro, aienti verbis tantum Græcos à nobis dissidere: *Non est verisimile de Græcis post determinationem Ecclesie, quod haberent disputationem vocalem cum Latinis, sed realem:* sed Anselmo lib. de processione Spiritus sancti cap. 4. neganti: *Græci nobiscum non consentiunt Ecclesie, & istud patet, quia cum interdum nobiscum protestati sint se velle capere determinationem matris Ecclesie, & illi adherere: protinus reuertentes in regionem suam per aliam viam, ad priorem reuersi sunt vomitum.* Et paulò antè: *Testimonium efficax huius conclusionis colligitur de summa Trinitate & fide Catholica lib. 6. cap. fidei ubi sic habetur: Fideli ac deuota, &c. Hoc professi est hæcenus, &c. Predicat sancta Romana Ecclesia mater omnium fidelium & magistra, &c. Hoc sacro approbante Concilio damnamus, &c. Parco reliquos Scholæ Theologicæ Magistros aceruare, vnum contentus adieciisse Ioannem de Parisiis, lib. de Potestate Regiæ & Papali cap. 3. Vna est omnium fidelium Ecclesia, vnus populus Christianus. Et ideo sicut in qualibet diœcesi vnus est Episcopus, qui est caput Ecclesie in illo loco, vel populo; ita in totâ Ecclesiâ, & in toto populo Christiano, est vnus summus Episcopus, Papa scilicet Romanus, Petri successor. Nam post corporalem subtractionem præsentia corporalis Christi, conuenit interdum circa ea, quæ sunt fidei, quæstiones moueri: in quibus propter diuersitatem opinionum vel sententiarum divideretur Ecclesia, quæ ad sui unitatem requirit fidei unitatem, nisi per vnius sententiam Ecclesie unitas seruetur. Hic autem principatum huiusmodi habens est Petrus, successorque eius, non quidem synodali ordinatione, sed ex*

680 DISSERTATIO DECIMA OCTAVA

ore Domini, qui Ecclesia sua noluit deficere in necessariis ad salutem. Et infra: Ne propter diversitatem controuersiarum unitas fidei destruat, necesse est unum esse superiorem in spiritualibus, per cuius sententiam controuersie terminentur. Ita ille nihil ab hac inueteratâ Gallorum fide deteritus, aut auocatus importunâ illâ, in cuius tempora incidit, Bonifacij VIII. & Philippi Pulcri rixâ.

LXXIV. Idem ostenditur ex decretis Pontificum in Gallia omnino receptissimis.

Observat autem non abs re sanctus Thomas, & in veteris iuris seu Gratiani decreto, & in noui, seu in Gregorianis decretalium libris, id expressè declarari, quod nunc expenditur, nempe ex Innocentio I. *Quous fidei ratio ventilatur, omnes Episcopos ad Petri Sedem referre debere, quod per totum mundum possit Ecclesiis omnibus in commune prodesse.* Et ex Innocentio IV. *Maiores Ecclesia causas, praesertim articulos fidei contingentes, ad Petri Sedem referendas esse, &c.* Quibusdam igitur questionibus, quas contra Catholicos haeretici mouerant, nos postulas respondere. Hæc ille ad Arelatensem Archiepiscopum. Nusquam hic mentio Concilij, quod nec habitum est ullum aduersus Pelagianos, & Petrobrusianos, seu nouellos alios paruulorum baptisimi inficiatores. Quæstione ad Petri Sedem relatâ, ab ea manat definitio, quæ per totum mundum omnibus Ecclesiis in commune profit. Has porro Pontificum decretales epistolas, etiam nunc, sed & olim Gallicani Antistites osculati sunt, & in eas sacramento etiam Doctores quique adacti. Frustrâ ergo pauculi in angulis mutiunt; attendendum est, quod in propatulo: & de Gallicanæ Ecclesiæ sensu, æstimandum est, temperandumque iudicium, ex iis quæ publicâ authoritate & à longè pluribus geruntur. Etiam nunc enim eosdem retentat mores Ecclesia Gallicana in dubiis circa fidem emergentibus, quos olim sub Carolo Magno, in cuius Capitul. lib. 7. cap. 187. refertur, ortâ dubitatione de Chorepiscopis: *Quod inrigium cum enucleatiùs discutere voluissimus, placuit nobis ex hoc Apostolicam Sedem consulere, iubente canonica authoritate atque dicente, Si maiores causa in medium fuerint deuoluta, ad Sedem*

dem Apostolicam, ut sancta Synodus statuit, & beata consuetudo exigit, incontanter referatur. Ita Galli olim, ita etiam nunc publicè & palam sentiunt, ita degunt, his decretis astringi se sentiunt.

Atque ut cursim perlustrem compluscula Gallicanæ de re istâ sententiæ documenta, atque exempla: in causâ Arnulphi Rhemorum Archiepiscopi, sub Hugone & Roberto Regibus, ita Synodus Episcopalis ad Ioannem Papam scripsit: *Non sumus nescij, beatissime Pater, iamdudum oportuisse nos expetere consulta sanctæ Romanæ Ecclesiæ pro ruinâ atque occasu sacerdotalis ordinis, &c. Tandem ad monstrâ perdisissimæ hominis expergefacti, imus in sententiam Domini, dicentis: Si peccaueris in te frater tuus, corripe, &c. Dic Ecclesiæ. Si Ecclesiam non audierit, sit tibi sicut Ethnicus & Publicanus. Adesso, Pater, ruenti Ecclesiæ, & sententiam ex sacris Canonibus promulgatam, vel potius ab ipsâ veritate prolata, profer in medium. Sentiamus in vobis alterum Petrum, defensorem, & corroboratorem Christianæ fidei. Perat sancta Romana Ecclesiæ sententiam damnationis in reum, quem vniuersalis damnat Ecclesiæ, &c. ut sciamus & intelligamus, cur inter ceteros Apostolatum vestrum præferre debeamus. Ita suspiciunt Romanum Antistitem, ut alterum Petrum, defensorem & corroboratorem Christianæ fidei: cui, ut Ecclesiæ personam & maiestatem gestanti, cum dicitur, Ecclesiæ dicitur: cuius vox, tonitru est ipsum & fulmen Ecclesiæ vniuersæ; ut damnanter Ecclesiæ vniuersâ, Ecclesiæ Romana sententiam ferat. At sub Hentico I. Rege, cum Constantinopolitani Antistitis artes obreperent Romano Præsuli Ioanni, & id ebblantirentur, ut Romani Pontificis consensu liceret Ecclesiam Constantinopolitanam in suo orbe, sicut Roma in vniuerso, vniuersalem dici, & haberi: his ut tradit Glaber lib. 4. cap. 1. obiurgatoriis Ioannem Papam epistolis perstrinxit Vuillelmus Abbas, monasterio S. Benigni à S. Maiolo Cluniacensu Abbate præfectus, acer ingenio, & insignis prudentiâ, idcirco summum in Palatiis Regum ac caterorum Principum obtinens locum: teste eodem Glabro, lib. 3. cap. 5. Ita ergo*

LXXV. Serues exemplorū, quibus in Galliâ constat ducentis ante Gersonium annis à Sede Petri definitas esse questiones omnes fidei, summâ & inconcussâ auctoritate.

Collect. Quercet.
tom. 4. pag. 108.

Ibidem pag. 41.

ille inter cetera ad Pontificem: *Est fama rei, quæ erga nos accidit; de quâ qui audiens non scandalizatur, non se longè ab amore superno disparari. Quoniam licet potestas mani imperij, quæ olim in orbis terrarum Monarchis nunc per diuersa terrarum innumeris regatur sceptis: ligandique in terrâ & in calo potestas, dono inuiolabili, sit in Magisterio Petri. Ita tunc Occidentales omnes, & li maximè pro amplitudine Sedis Romanæ, ut suâ bi propriâ, aduersus Orientalium procaces insultabant; & Magisterio Petri, ut qui dono inuiolabili vnus stitutus à Christo esset vniuersalis Magister, omnem Christianum orbem substernere laborabant. At sub Philippi Augusti Rigordus auscultandus nobis occurrit, ubi proditos Amalrici Clerici Carnotensis errores: Cùm omnibus Catholicis vniuersaliter contradiceretur, de nece accessit ad summum Pontificem; qui auditâ eius propositione vniuersitatis scholarium contradictione, sententiam contempsit. Rediit ergo Parisius: & compellitur ab vniuersitate fieri ore, quod in contrarium prædictæ opinioni suæ sententia ore dico, quia corde nunquam dissensit. Mox eius memoria memorat, asseclasque eius synodicè Parisiis damnatæ & à Senatu Regio addictos viuicomburio: exhumat ipsam, & Synodi sententiâ excommunicatam, in pace Ecclesiæ, ut putabatur, fuisse sepultam. Mirum indum ista dissentiunt à suspicionibus Gersonij supplanatis. Hæc enim ad annum spectant 1209. atque eadem Amalrici damnatio posterior in Concilio œcumenico Lateranensi sub eodem Innocentio III. ad annum Retro flectenda paulisper vestigia ad annum 1179, ut author est Matthæus Parisius, Alexandri Papæ scolari relatum fuit, quod Magister Petrus Lombardus quibusdam scriptis suis ab articulis fidei deuiant. Vnde tunc Senonensis Archiepiscopo literas sub hac formâ dicitur: Alexander Episcopus, seruus, &c. Cùm in nostra olim præsentia constitutus, tibi viuâ voce iniunximus, ut supradictis tuis Parisiis ubi assitis ad abrogationem doctrinæ*

quondam Parisiensis Episcopi, quâ dicitur, quod Christus secun-
dum quod homo, non est aliquid; omnino intenderes, & ef-
ficacem operam adhiberes. Inde siquidem est, quod fraternitati
iuxta per Apostolica scripta mandamus, quatenus quod tibi cum
presens esses, praecepimus, suffraganeos tuos Parisios conuoces,
& unâ cum illis & aliis viris religiosis & prudentibus, tradi-
tam doctrinam studeas penitus abrogare: vniuersis firmiter &
districte iniungens, quod doctrinam illam de cetero nequaquam
docere praesumant, sed ipsam penitus detestentur. Nec ad Ma-
gistri, nec ad Episcopi defensionem quisquam strinxit
calamum aduersus iudicium Apostolicæ Sedis in Acade-
miâ Parisiensi; ut nihil postea opus fuerit idem renouari,
vel confirmari iudicium in Concilio Lateranensi an.
1215. quod iniustus est Ioachimus Abbas Florensis, quod
dum Petrum Lombardum exagitaret, grauibus & ipse
illaqueasset sese erroribus. Damnata tamen ibi magis lu-
cubratio Ioachimi, quam persona, propterea quod om-
nia scripta sua Apostolica Sedes iudicio approbanda, seu etiam
corrigenda mandasset, dictans epistolam, quam propriâ manu
subscripsit, in quâ firmiter confisetur se illam fidem tenere,
quam Romana tenet Ecclesia, qua cunctorum fidelium, dispo-
nente Domino, mater est & magistra: ut habent acta Sy-
nodi illius generalis. Rursus autem ut Vuillelmi de san-
cto Amore & consentaneorum eius liber ab Alexandro
IV. proscriptus sit, doceat nos Cantipratenfis: *Qui liber*
qualiter citatus & vocatus ad Curiam & praesentiam summi Pon-
tificis dictis Magistris, damnatus sit & combustus, non solum in
ipsâ Curia, sed & Parisiis coram vniuersitatis multisitudine co-
piosa, scire poterit, qui collationes & disputationes legeris pra-
cipue contra Magistros quatuor in capite aduersarios. Et idem:
Dicti Magistri Fratrum aduersarij beneficiis & dignitatibus
omnibus sunt priuati, donec iurauerunt mandato Papa coacti,
renocare Parisiis & in aliis ciuitatibus, & locis verecunde pra-
dicacionis eorum, quidquid contra dictorum Fratrum ordines
implicite, vel explicite euominissent. Et rursus annum 1277-
cum Stephanus Parisiensis Episcopus censorio mucrone

Reinaldus ad an.
1256. num. 21. 24.
& 1259. num. 27.
28. 29. 30.

Idem ad an. 1277.
num. 9. 10.

confixisset aliquos Philosophastros, inauditis stridentes argutis, & nonnulla cauillantes vera esse secundum Philosophiam, non secundum fidem Catholicam: rescripsit ad eundem Stephanum Ioannes Pontifex eius nominis XXI. *Relatio nimis implacida nostrum nuper turbauit auditum, quod Parisiis ubi fons viuus sapientia salutaris abundanter huc usque scaturit, suos riuos limpidissimos fidem patefacientes Catholicam, usque ad terminos orbis terra diffundens; quidam errores in praeiudicium eiusdem fidei de nouo pululasse dicuntur. Volumus itaque, tibiue auctoritate praesentium districte precipiendo mandamus, quatenus diligenter facias inspicere, vel inquire, à quibus personis & in quibus locis errores huiusmodi dicti sunt, siue scripti. Et quae didiceris, siue inuenieris, conscripta fideliter nobis per tuum nuncium transmittere quam citius non omittas.* Rursus ad annum 1277. quae ad Ægidij Romani damnationem spectant, ediscemus ex epistolâ Honorij IV. Papæ ad Episcopum Parisiensem datâ: *Licet dilectus filius Fr. Ægidius Romanus de ordine fratrum Eremitarum sancti Augustini, olim Parisiis vacans studio, aliqua, sicut intelleximus, dixerit, & redegerit in scripturam, quae beata memoria Stephanus Parisiensis Episcopus, praedecessor tuus per seipsum examinans, & per Cancellarium Parisiensem eius temporis, & per alios Theologica Facultatis Magistros examinari faciens, censuit reuocanda; & ea minime reuocavit, quin potius variis rationibus nixus fuerit confirmare. Nuper tamen apud Sedem Apostolicam constitutus, humiliter obtulit, se paratum reuocanda, quae dixerat siue scripserat, reuocare pro nostra arbitrio voluntatis. Iubet ergo ut Parisiis fiat ea reuocatio solenni more. Cuius demissionis gratiâ idem Ægidius postea ad Bituricensis Cathedrae Pontificatum euectus est. Internecina quædam inter Bonifacium VIII. & Philippum Pulcrum Galliae Regem conflagrauit discordia; nec tamen ab hac Galli primigeniâ suâ in Petri Sedem fidemque obseruantiam desciuere vel in ipso irarum aestu. Ita enim Philippus ipse Rex ad Clementem V. scripsit haud multò post: nempe an. 1310.*

Idem ad an. 1285.
num. 76. 77.

Absit à regiâ perennitate, in questione fidei quidquam, quod vestra sanctitas, maximè sacro approbante Concilio deciderit, in aliquod unquam dubium reuocare. Idipsum mox totidem verbis contestantur Galli Proceres. Et infrà excipientibus Romanis non posse de Bonifacio, quem Galli hæreseos insimulabant, inquiri, nisi in Concilio generali: respondunt Galli: *Non queritur de hæresi Papa quondam, ut Papa, sed ut priuata persona. Nec ut Papa potuit esse hæreticus, sed ut priuata persona. Nec unquam aliquis Papa, in quantum Papa, potuit esse hæreticus. Et ideo cùm de eius mortui hæresi queritur, non habet congregari Concilium generale. Estis enim vos, Pater sanctissime, Iesu Christi vicarius, totum corpus Ecclesie representans, qui claves regni calorum habetis. Nec congregatum totum generale Concilium sine vobis, & nisi per vos posset cognoscere.* Progrediamur hinc ad annum 1321. quo Ioannes è Poliacò Parisiensis doctor peruersa aliqua effutiuit de confessionibus apud Sacerdotes Monachos factis, & de potestate pontificia ad priuilegia istiusmodi largienda. Ita in eum detonuit Ioannes XXII. Auenione sedens, Gallus ipse, & Gallorum Cardinalium frequenti senatu cinctus: *Omnes articulos & quemlibet eorum tanquam falsos & erroneos & à sacrâ doctrinâ deuios, antiberitate Apostolicâ condemnamus, & reprobamus de Fratrum nostrorum consilio.* Obsecutus est Pontifici Ioannes è Poliacò, tum in scholis, tum in sacris concionibus publicè errorem eiurans. Pontificiæ autem tum causæ & Romani Throni prærogatiuæ patrocinati sunt præ cæteris tunc Heruæus & Petrus Paludanus, non suo magis, quàm gentis suæ instinctu; erant enim ambo Galli. Iam verò anno 1322. cùm famigerata illa æstualet concertatio de paupertate Christi, Apostolorum, Monachorum, atque de rerum mobilium & immobilium dominio & usu: & Nicolai IV. atque Ioannis XXII. Pontificum doctrina videretur in speciem, & à perduellibus iactaretur quasi aduersâ fronte collidi: tum Cardinalium cætus omnis, qui ut præmonui, utque eorum temporum scriptores fi-

*Hist. de diff. en-
tre Bon. VIII. &
Phil.*

Ibid. p. 399. 411.

*Rainald. ad an.
1321. n. 10. 37.*

Rainald. ad an.
1322. num. 67.

dem faciunt, Galli erant omnes propemodum, tum Academia Parisiensis strenuè pro Ioanne Pontifice dimicauit aduersùs Fratricellos, hæreseos illi maculam aspergentes etsi nec hi Ioannem, nisi quâ Nicolao prædecessori suo aduersantem, in crimen vocarent. Vnius hâc adscribam Vitalis Episcopi Alban. & Cardinalis pro causa pontificia scribentis exordium. Cùm ex decreto Gratiani protulisset illam Pelagij contestationem, se totùm Sedi, fideique Petri & eius vicarij committentis vel emendandum, vel defendendum: hæc addit: *Prædictum Capisulum duo continet euidenter, quæ in protestatione meâ volo includi. Primum est, quod si in dictis meis forte aliquid ponam minùs providè, incautè, vel indiscretè, omnia per Christi vicarium corrigantur. Secundum est, quod quidquid per eundem Christi vicarium fuerit determinatum de prædictâ questione & de quibuscumque aliis, maximè ad fidem pertinentibus, omnia volo simpliciter & indubitabili fide tenere: promptè & liberè confiteri.*

Apud eandem an.
1323. num. 38. 55.
62. 63.
Bibl. PP. tom. 4.
part. 1. pag. 935.

2bid. pag. 946.

Consule si vacuum est, & Academia Parisiensis scriptum eâ in quæstione prolixum & perelegans, pugnantia specie tenus Pontificum decreta ita concilians, vt neutri error affingatur. Rursus extant *Propositiones M. Ioannis de Vlricuria, Romæ primùm damnata, dein publicè per eum in Vniuersitate Parisensi reuocata, an. Chr. 1348.* Et ad calcem sententiæ in eum latae, *Magister Nicolaus de Vlricuria dicere debeat altè & intelligibiliter, quod propter istos articulos, & propositiones per eum reuocatas, & multos alios articulos falsos & hæreticos, eius epistola & libelli combusti fuerunt, &c. Iurabit in præsentia nostrâ ad sancta Euangelia, quod nunquam tenebit, aut docebit, clam vel palam, &c.* Et rursus habetur rescriptum *schedulae renocationis quorundam articulorum Fr. Dionisij Soulechat, Ordinis F. Minorum, publicè in disputationibus solennibus per eum semel atque iterum facta, Parisiis & in Curia Romana. An. 1365. & 1369.* Et infra: *Hæc omnia prædicta dictus Fr. Dionysius iterum Auenione in præsentia Magistri Guillelmi Romani, Lectoris sacri Palatij Apostolici, & aliorum nouem Magistrorum in Theologia Paris. reuocauit, &*

ad sancta Dei Evangelia iurauit se appellationem, quam interposuerat, non profecturum: ac conclusiones predictas & corollaria tanquam falsa & erronea, & hæretica abiurauit, secundum tenorem reuocationis alias per eum factæ Parisiis. Quæ eadem paulo prolixius exequitur ipsemet Pontifex Urbanus V. in literis ad Ioannem Cardin. olim Episcopum Bellouacensem. In hoc exemplorum aceruo, vnum vides Pseudomonitoriam prouocantem, utpote Michaëlis Cæsenatis ducis quondam sui fœda legentem vestigia; qui à Pontifice ad Ecclesiam appellauerat, quam ipsam mox in prostibulum calumniabatur degenerasse. Sed vtrumque tandem suæ & hæreseos, & appellationis pœnituit. Ceteri omnes decretis Pontificiis, non aliter quàm vt decretoriis Ecclesiæ vniuersæ & veritatis definitionibus subscribere: urgente & impellente ipsa maximè cunctatores Parisiensi Academia. Nec ad silentium modò aut dissimulationem, sed velut ad certarum hæreseon eiurationem omnes & Pontificia, & Magistrali, & Regia demum conspirante autoritate compulsi sunt. Vt ne suspicari quidem possim, quibus documentis, aut quo vno saltem maiorum suorum exemplo potuerit Gersonius suam suffulcire opinionem. Quin eius potiùs infucatum candorem admirationi habendum censeo, sui dogmatis nouitatem nusquam dissimulantis. Reuocandus hîc saltem est, qui nos effugerat Petrus Bertrandi Episcopus Eduensis & R. E. Cardinalis, in tractatu de Orig. & vsu Iurisd. q. 2. *Inter Christianos necessaria est spiritalis potestas, quam Christus dedit beato Petro, quando ei commisit regimen vniuersalis Ecclesiæ. Origo huius potestatis immediatè fuit à Deo, videlicet à Christo, tradente eam certæ personæ, scilicet Petro, pro se & suis successoribus, à quibus derivatur in alios, &c.* Et quæst. 3. *Cùm predictam iurisdictionem habeat Papa sine limitatione loci & personarum, ideo omnes Christiani ubicumque sint, debent ei obedire: ceteris verò Prelatis, Episcopis, & Archiepiscopis, & Patriarchis in territoriis seu diocesis sibi commissis tenentur obedire omnes Christiani manentes in eis.* Et in-

Rinald. ad an.
1368. num. 17.

Bibl. PP. T. n. 4.
part. 1.

frà, *Prelatorum ut sunt Papa & Episcopi, est iudicare de omnibus personalibus hominum, per quas possunt deniare à sua peccando contra quantumque materiam, siue contra art. fidei & sacramenta, siue contra bonos mores.* Et infrà: *Ch. prædictam potestatem dedit Ecclesia in beato Petro & successoribus eius. Quod sæpicule repetit. Et hinc vides post an. Christi 1330. in Gallia Petro & successoribus eius: ciorum de fide potestatem deferri vel à Christo p. delatam agnosci, quàm in omnem prorsus Eccle. Christianam exerceat.*

LXXVI. Galli
ipti qui secus sen-
tiunt, & nouita-
tem & paucita-
tem suam non
dissimulant.

Sed quod locupletius testimonium, quàm ipsorum
buscum certamen est, suo se telo configentium:
profitentur, hanc suam, suæve priuatim scholæ opin-
nem esse, & eam quidem nuperrimè excitatam? E-
enim auctoritatem & nouitas, & paucitas sua. Al-
nus lib. de potest. Eccl. cap. 15. *Conclusio est, quam*
Doctores omnes Parisienses & Galli, quod potestas Papa est
iecta potestati Concilij. Ioannes Maior, de *Autoritate*
clesiæ, Duo sunt modi oppositi dicendi, quorum unus ten-
pam esse supra Concilium vniuersale, hunc modum aliqui
nalium tenuerunt, & tenent communiter Thomista, &
ut asseritur, nulli fas est oppositum tueri. Alium modum
nostra Vniuersitas Parisina à diebus Concilij Constantiensis
tata est; sic quod in eâ, qui prædictam viam tenuerit, in
po cogitur eam reuocare. Et infrà, Nostra facultas à diebu-
cilij Constantiensis, in quâ plures exercitatos habebis The-
quam in duobus vel tribus regnis, sic hanc partem fover
nulli licuit asserere oppositum probabile. Ioannes Gerson
excommunicatione: Si dicatur, quod potest à Papa se-
pellatio ad Concilium generale. Dixerunt olim ante Con-
generale Pisanum & Constantiense, quod hoc nullo modo
& allegant iura sua pro se valde, sicut eis videtur, express-
constanter nunc asseritur, quod est hæresis damnata per ca-
tionem Concilij Constantiensis. Et in lib. de Potest. E-
confid. 10. Posuerunt isti Papalem auctoritatem supra
lium, aut saltem non imparem. Est autem certum apud eo-

Tom. 1. p. 348.

Tom. 1. p. 357.

par in parem, & minor in superiorem non habet imperium. Benedictus autem Deus, qui per hoc sacrosanctum Constantiense Concilium, illustratum diuina legis lumine, dante ad hoc ipsum vexatione presentis schismatis intellectum, liberauit Ecclesiam suam ab hac pestifera perniciosissimaque, doctrinâ, quâ semper manente perseuerasset semper schisma nutrium ab eâ. Suos ergo ipsimet confitentur natales, scilicet nuperos: & limites, valde angustos: si ecclesiasticæ antiquitatis, & vniuersalitatis ratio ineatur. Scholam, non Ecclesiam: Parisinam, aut vt ipsis largiamur, quod ad libitum sumunt, Gallicanam, non Catholicam: post Constantiense demum Concilium, non antè sensisse ita affirmant; nec sponte eo, sed vi quadam delatam, cum non aliter ex schismatis illius pestiferi laqueis extricari se posse arbitrantur: cum ad dubios vel spurios Pontifices fas esset eam sententiam coartare. Prius autem vel ipsi non dissimulant inauditam hanc fuisse in Ecclesia Christi constitutionem Pontificis & Concilij, Capitis & Corporis. Denique ne vel ipsam Scholam Parisiensem constantissimè in eâ sententiâ deinceps perstitisse, aut etiamnunc perstare imaginæ, accipe quæ Petrus Aurelius de libello Richerij disserat: *Quod Sorbona partem maximam, & eam* Part. I. p. 149.
quæ in Facultate dominatur, Richeriano libello astipulari faciunt, non iudicio loquuntur, sed odio & maleuolentia instincti; cum ex tota rei huius ab initio serie, clarissimè pateat, eam paucis semper placuisse, præsertim vt in tam numerofo cætu. Quod ex eo perspicere licet, quia nullum unquam extitit decretum Facultatis, quo doctrina isti seu expressè, seu tacitè tribnatur auctoritas, &c. Contrà nemo nescit Richerium ipsam, ex quo doctrinam suam non probari vidit, à conuentibus Facultatis perpetuò recessisse, ne quempiam offenderet. Et mox: Accedit quod & Richerius ipse palam professus est, omnes eius libelli propositiones, earumque expositiones sanctæ Sedis Apostolicæ, & Ecclesiæ Catholicæ ac Romanæ iudicio subicere, paratumque emendare, quidquid emendandum indicaretur. Hac eius declaratio & olim ab ipso edita, & nuper apud eminentissimum Cardinalem Richelium

SSSS

renouata, & extremo Spiritu, quem Catholicè emisit, apud Confessorem confirmata, & ad hoc illustrissimi Archiepiscopi Parisiensis iussu vulgata, quanto suis errores purgare potuit, &c. Tanta ergo illa paucitas in dies minuitur magis & magis: nouitas sua sponte defluit & vanescit: primipilis nempe ipsis titubantibus, & Catholicæ consuetudinis torrente abreptis ut opuscula ipsa sua eo de argumento edita, Sedis Apostolicæ iudicio emendanda subiiciant. Interim sanè inauditum est à Pontificis definitione circa fidem ad Concilium prouocatum esse, vel à scholâ Parisiensi, post Constantiense etiam Concilium. Ad solas enim fidei definitiones tuendas collimat istarum dissertationum series; ne omnia tumultuariè permiscerentur, quæstionibus aliis in alium locum sepositis.

LXXVII. Cleri Gallicani conspiratio pro definitionibus Sedis Apostolicæ aduersus Lutheranos.

At Ecclesia Gallicana, seu Episcoporum & Cleri comitia immane quantum ab eiusmodi opinionibus abhorruerint & etiam nunc abhorrescant. Antequam Concilium Tridentinum conueniret, post Leonis X. Hadriani VI. & Clementis VII. diplomata in orbem Christianum euulgata, nemo nescit Lutheranos non aliter execrationi fuisse, quàm ut hæreticos, vndique proscriptos, extremis suppliciis in sacro & ciuili foro affectos fuisse. Et illi tamen ad Concilium prouocabant. Etenim inter complures alias, hanc quoque propositionem inussit Leo X. *Si Papa cum magna parte Ecclesiæ sit, vel sic sentiret, nec tiam erraret, adhuc non est peccatum, aut hæresis contrarium sentire, præsertim in re non necessariâ ad salutem, donec fuerit per Concilium vniuersale, alterum reprobatum, alterum approbatum.* Laudatur in generali decreto Concilij Senonensis habiti an. 1528. diploma Leonis aduersus Lutheranos libros, *Intelleximus nonnullos Martini Lutheri libellos perniciosos iampridem cum suo authore à sanctissimis Pontificibus Leone Papa, & Hadriano, nec non & Clemente Papâ moderno damnatos: Tum eos sub pœna excommunicationis latæ sententiæ prohibet à quoquam comparari; circumferri, &c.*

Sed illud ante omnia inculpi omnium animis peruelim, quod suprà disertis verbis sanctus Thomas significabar, *hereticos censeri pertinaciter repugnantes auctoritate vniuersalis Ecclesie determinatis, & eam auctoritatem principaliter resistere in summo Pontifice, contra cuius auctoritatem nec Hieronymus, nec Augustinus, nec aliquis sacrorum doctorum suam sententiam defendit.* In eo enim sita est tota hallucinatio Catholicorum doctorum, paucorum aduersus plures, non uorum aduersus veteres, ipsorummet aduersus seipsos intestino dissidio altercantium: quod auctoritatem vnā, indiscretam, & indiuiduam Pontificis & Episcoporum, Sedis Apostolicæ & Ecclesiæ Catholicæ, Papæ & Concilij, Capitis & Corporis dissecare & sibi collidere ausi sint. Ex aduerso autem id obtinuit à cunabulis Ecclesiæ, id obtinet etiam nunc, & ipsis cernentibus ac mirantibus obtinet inuictissimè, vt vna illa sit Ecclesiæ Catholicæ nunc per caput solum, nunc per corporis concentum cum capite sese exerens, vna, inquam, & indiuisa auctoritas. Non alia enim, non minor, non maior, sed vna indiscretaque residet in Ecclesiæ corpore & in capite auctoritas. Ideo inexpiabilia post ducentos ab hinc annos visa sunt conflagrare bella inter Pontifices & Synodos, sed in doctorum scholis; nam reapse vbi semel illud dubiorum Pontificum schisma sedatum est, nulla Synodus à Pontifice, nullus Pontifex à Synodo dissidere visus. Ali-
 bi Dissert. 12. ad Concilium Chalcedonense protuli testimonia Synodorum, & Pontificum aduersus Lutheranos sæuientium, ita vt etiam ante Synodum œcumenicam, & Pontifices Romani, & Gallicanæ Synodi auctoritatem vniuersalis Ecclesiæ solis Apostolicæ Sedis decretis hæcenus exertam intentarent hæreticis; & contumaces, statutis in hæreticos pœnis, cum vniuersæ Ecclesiæ consensu insectarentur. Nec Concilium cogi detrectat Pontifex, sed ita vt vel ante Concilium habeantur hæretici, & horrori sint, qui ipsam Concilij auctoritatem in Ecclesiæ & Concilij capite præcipiunt aspernari. Adde

Ssss ij

LXXVIII. Papæ & Ecclesiæ, Pontificis & Concilij vna & indiuisa auctoritas est, vna sententia. Ex epistola Clementis VII.

ad supradicta, hæc ex epist. Clementis VII. ad Franciscum I. Gallie Regem, an. 1533. 4. Non. Ianu. *Cum serenissimus Cæsarem quanquam pro sua inclinata pietate omnia conatum, tamen in Conuentu Augustano, nihil remediij ad hæresin Lutheranam in Germaniâ tollendam præ illorum obstinatione, afferre potuisse audiremus, solumque Concilij generalis remedium à nostris prædecessoribus in casu simili usitatum, & ab ipsis Lutheranis postulatam, superesse videremus, &c.* Ergo & ante Concilium Lutherani vocantur, non Christiani Catholici; hæretici appestantur; obstinationis ergo culpantur; & Pontifex, & Cæsar ad eos abolendos omnem lapidem mouent: non velut doctores habent ambiguo in vado laborantes, & quibus ante Concilium liceat citra notam dubitare. Denique hæreticis *postulantibus*, non Catholicis indulgetur Concilium, vt vel hoc extremum tentetur eorum peruersitatis frangendæ remedium. Nam vbi & Catholici postularunt, non sibi, sed Lutheranis postularunt: aut si sibi, ad mores, non ad fidem synodicis instrui decretis optauerunt. Ita enim Rex Christianissimus in Commonitorio Oratoribus suis Tridentum misso, an. 1562. *Quoniam omnes qui in Concilium Tridentinum conueniunt, eandem omnino religionem professentur, neque ex eâ quidquam in dubium renocandi, ulli potestas, aut voluntas est: videri possit hæc de religione adeo sollicita, & diligens disputatio ac censura, non solum superuacanea, sed etiam ad Catholicos qui in dogmatibus Ecclesia Catholica constanter permanent, parum pertinere. Vides vt Catholicos, nihil ambigere testificetur, quod in Concilio definiri postulent.*

LXXIX. Item
ex Florentina
Synodo.

Eodem vergit & Florentina Synodus, constantissimè propugnans additamentum Symbolo factum solâ Romani præcipuè Pontificis autoritate, Græcis inconsultis. Itaque quod suprà astruebat eâ in causâ sanctus Thomas, id tota amplectitur Synodus hæc. Nimirum Græcorum silentio approbatum, quod Latina duce Romano Pontifice præcipiebat Ecclesia de processione Spiritûs sancti definire: atque ita vnâ esse Romanæ, & totius Eccle-

liz consensionem. Sess. sept. Nec vos debetis conqueri de
 Romanâ Ecclesiâ, quod non accesseritis ad illam Symboli ex-
 plicationem. Quid opus erat vos convocare, qui sciebatis optimè,
 quod Romana Ecclesia canebat, & predicabat; nihil tamen re-
 pugnabatis, sed cum illâ coniuncti eratis? Imò sanctus Maxi-
 mus Romanam excusat Ecclesiam, ut iniuriâ ab Orientalibus ac-
 cusatam, &c. Si temporibus Maximi eo modo canebatur à Ro-
 manâ Ecclesiâ, qui fuit temporibus sexta Synodi, nec vos igitur
 hoc latet, nec potestis dicere hoc factum esse vobis nihil scienti-
 bus, &c. Photius qui fuit hostis Romana Ecclesia, & acriter in-
 nectus est aduersus Nicolaum & Hadrianum, nunquam illos
 accusauit ob additamentum in Symbolo, &c. Hormisdas fuit an-
 te quintam Synodum. Is scripsit epistolam, cui subscripsit Ioan-
 nes Episcopus Constantinopolitanus, & omnes illius temporis Pa-
 tres Orientales. Est autem in illa epistola perspicuè positum, Spi-
 ritum sanctum à Filio procedere, &c. Rem adeo manifestam,
 tacendo comprobastis. Et in respons. Iosephi Methon. Episc. Post C. ut. Floren-
 aduersus Libellum Marci Ephesini, Latini pro suâ defen- tinum.
 sione respondebant tibi per Archiepiscopum Rhodi, quod nequa-
 quam Ecclesia Romana, nec additamentum origo fuerit divisio-
 nis & pugne. Neque enim solum ante schisma Ecclesiarum, ap-
 positum erat Symbolo, sed ante ipsas Synodos œcumenicas, septi-
 mam dico, & sextam, ut testatur confessor Maximus, &c.
 Imò potius ostenditur Orientalibus explanationem hanc fuisse ac-
 ceptam, quandoquidem non dissidebant. Et infra verba ipsa
 profert Maximi. Adde huc maximè spectantem Confes-
 sionem Iosephi Patriarchæ Constantinopolitani, extre-
 mum iam agentis spiritum, ibid. sess. 25. Quoniam ad fi-
 nem vita mea perueni, soluturus iam commune debitum, Dei
 gratiâ scribo sententiam meam, & subscribo aperte vniuersitati
 filiorum meorum. Omnia igitur quæ sentit, & quæ dogmatizat
 Catholica & Apostolica Ecclesia Domini nostri Iesu Christi sc-
 nioris Romæ, ipse quoque sentio, & iis me acquiescentem do,
 ac dico.

Et ne nuper editæ plus fidei adiicias historiæ Conci- LXXX. Item ex
 lii Florentini, accipe eandem argumentationem ex Ra- Ratramno Mo-
 nacho. nacho.

SSSS iij

tramno Monacho Corbei. aduersus eosdem Græcos scribentis : lib. 2. cap. 2. *Nunquid maiores vestri nescierunt, quemadmodum de Spiritu sancto Romana ferebat Ecclesia? Nec tamen aliquando à Romana Sedis communione sese remouere, scientes Catholica fidei veritatem fore, quod tenet & prædicat, nec merito reprehensioni patere, quod sanctarum Scripturarum auctoritate consistit.* Et lib. eodem cap. ult. post multa ex libro Paschasij E. R. Diaconi de Spiritu sancto decerpta, *Cum de Spiritu sancto Romanam sentire, sicut hodie sentit, Ecclesiam probarit, nullo modo tamen ostendit, in tali fide permanentem ab Orientalibus Ecclesiis vel aliquando fuisse diuisam, vel unquam diuersa de Spiritu sancto sensisse, vel docuisse. At nunc mirandum quid arguant noni dogmatis reperiiores? Cur à communione se diuidant, quam semper tenere maiores? Sciant quia cum Romanis suos quoque indicent maiores. Et dum Romanos sua cupiunt communione priuare, se pariter excommunicent à suorum societate maiorum: & nulli probentur Ecclesie communicare Catholica, dum Romanam communione sese faciunt alienos. Hoc factum cuius sit mali considerent, & errorem corrigere suum non differant, ne si Romanis communicare noluerint, ab vniuersa Ecclesia se paueant excommunicandos.* Et lib. 3. cap. 1. vniuersalis Ecclesie auctoritate Græcos vrget vehementissimè: *Dabo tibi gentes hereditatem tuam; &c. Dominabitur à mari vsque ad mare, &c. Nusquam istic vel Græcos vel Constantinopolin meminit; nec tamen vsquequaque præterit, quoniam eos in vniuersalitate concludit: Specialitatis prærogatiuam sustulit, ne insulentur: in generalitate ponit eos, ut humilientur: quatenus nouerint se totius corporis Ecclesie non fore quantitatem, sed portionem: & venerentur Matrem à Solis ortu in occasum regali magnificentia sublimem, cuius se gaudeant esse filios, non gloriantur fore patres.* Denique lib. 2. cap. 2. rursus tam licuisse Romanæ Ecclesie adfirmat illud addere, quàm licuit Constantinopolitanæ primæ Synodo aliud prius de Spiritu sancto adiungere. *Nec enim conuincere potestis maiorem ciuitatis Constantinopolitana auctoritatem, quàm ciuitatis Romana, qua caput est omnium Ecclesiarum;*

quod maiorum tam vestrorum, quàm nostrorum testimonio comprobatur. Sed neque centum & quinquaginta Episcoporum tanta constat auctoritas, ut vniuersis totius orbis Episcopis prescribere possit, ut quod illis licuit, non liceat tam Romano Pontifici, quàm vniuersis Christi Ecclesiis.

Vides ut Rattamno concinuerit sanctus Thomas, vtrique Synodi Florentinæ Pontifices: imò ut Ecclesia ipsa sibi concinat, ut vno intus Spiritu veritatis vegetata. Obserua hinc autem 1. id censerì, à Græcis confirmatum esse fidei dogma, cui non intercesserint; cuius defensori Ecclesiæ communicauerint. Id enim valet vniuersim, ut tacito Ecclesiarum consensu, perinde ac collectâ Synodo decreta quælibet etiam abstrusissima firmantur. In tantâ enim Synodorum paucitate, & tam vbere copiâ fidei Christianæ, non aliter potest vniuersalis auctoritas huic conciliari. 2. Quod silentio, ceu muto assensu Orientales huic dogmati accessisse æstimarentur, inde factum, ut post hac non possent resilire; nec rem in integrum restitui, synodicoque subiici examini tanquam ambiguam, postulare. 3. Quod Romana Ecclesia definierat, Spiritum sanctum à Filio procedere, id tam cupidè Hispanos, Gallosque in primis, atque Occidentales omnes amplexatos esse, ut de eo nullus ambigeret, de eo synodicè inquirei nemo posceret, conquerentes Græcos nemo non auersaretur. 4. Quantum Constantinopolitanæ Synodo quæ secunda œcumenica est, tantumdem Romano Pontifici & Occiduis Episcopis ad definiendum vendicatur. Nam nec illa œcumenica euasit Synodus, nisi ex consensu Occidentalium: & istud igitur Pontificis & Occidux Ecclesiæ placitum œcumenicâ auctoritate induetur, ex mero Orientalium silentio. 5. Cùm ergo vel Gersonius assentitur definienti Pontifici non obstrependum, non obloquendum secus esse, viderit, an silentium istud regulæ ecclesiasticæ consensionis loco haberi non iubeant. 6. Denique in his omnibus planum est, vnâ & indiscretam semper haberi Romani

LXXXI. Item ex vniuersâ Ecclesiæ Latinæ aduersus Græcos per plura sæcula concertatione, variis hic exemplis illustrata, & testimoniis Hugonis Etheriani, Barlaami, Calceæ, Nili.

Pontificis & Ecclesiæ vniuersæ tum auctoritatem, tum fidei definitionem: quod Pontificiis de fide decretis adhærescat Ecclesia indiuulsè. Etenim vix certò constare potest, quis Romanorum Præfulum confessioni fidei primus intinuerit processionem Spiritus sancti à Filio. Damasus id tribuit Manuel Calecas. Sed certis argumentis contrarium efficitur. Præierint potius Hispani, Gallicæ. Vnum id constat, præisse Latinos, consentiente utique Romano Antistite: & Capitis auctoritate indui, ac censer, quod eius nutu membra perfecerunt. Utque indubitatiùs liqueat, nusquam Synodi copiam factam esse Græcis, ut veluti de incerto dogmate, de eo controuerteretur, quod Romanæ Ecclesiæ iam fuerat præiudicatum: sed ut Romanæ priùs fidei iugum subeuntes, ita demum in synodicâ veluti pompâ solenniùs reconciliarentur: euolue literas Germani Constantinopolitani Episcopi ad Gregorium IX. cum vtraque Ecclesia veritatem vendicaret, ad Scripturarum speculum prouocantis: cui restripit Pontifex, quod *Paulus in Petro auctoritatis officium recognoscens, & ideo ad eum tanquam Prælatum, & Euangelij dominici fontem venit Hierosolymam; & postmodum cum ipso & aliis secundum reuelationem contulit Euangelium, ne in vacuum curret, vel ecurrisset. Sic reuolet antè in sinum matris Romanæ scilicet Ecclesiæ Episcopus Constantinopolitanus cum suis: Tunc enim non ut mercenario, sed ut filio reuertenti occurrens Pater, primam stolam proferet, occidetque vitulum signatum, & generale conuiuium faciens vniuersis Christi fidelibus, cum exultatione annuntiabit & gaudio, quod & frater & filius, qui mortuus fuerat, iam reuixit; & dragma, quæ perierat, est inuenta: & sic te in gremio matris Ecclesiæ cum honore recepto, veritatem manifeste videbis in speculo puritatis, quam Ecclesia Latina seruat in fidei unitate, quæ non recipit maculam, neque rugam. Ante Synodum iubet adiri Petrum, tanquam primum Euangelij fontem: iubet redire filium erronem, & drachmam perditam inueniri: & tunc demum Concilium, veluti*

Rinaldis ad an.
1232. num. 49. 51.
55.

luti solenne congratulationis epulum instrui: veritatem autem non in *Scripturarum* modò, sed in *Ecclesia Latina speculo* inspicì, *quæ non recipit maculam, neque rugam*. Nec multò post Apostolici Nuntij Constantinopolim missi, *Idem ad an. 1133. n. 9. 13.* Germano ad Synodum similiter prouocante, hæc ipsi re-
 ferunt: *Cæpit Imperator conferre nobiscum, sub quâ formâ potest Patriarcha & Ecclesia Græcorum reconciliari Ecclesia Romana? ad quod dedimus tale responsum: Hoc modo posset reconciliari, si crederet hoc quod credit Ecclesia Romana. Et rursus idem: Hoc scitote, quia Dominus Papa & Ecclesia Romana non dimittet unum iota de fide suâ.* Postea verò Alexander IV. Græcos ipsos docet manus dedisse Apostolico huic privilegio; *In Conciliis primam Sedem, primam subscribendi vicem, &c. In quæstionibus fidei si quæ ibidem emerferint, præ aliis dare sententiam, suæque voluntatis proferre iudicium; quod dummodo euangelicis & canonicis non obuiet institutis, obedienter ceteri suscipient & sequentur.* Quocirca de iisdem Græcis mox expostulat, quod in quæstione de processione Spiritûs sancti à Filio, causarentur, quod definitioni eius in Concilio Græca non acquiesceret Ecclesia, nisi quod definitum esset per *Scriptura authentica testimonium, vel diuinum oraculum* comprobaret. Non enim videbatur rationabilis causa, quâ Græca Ecclesia monebatur, ut definiendi potestatem, quam Romanum Pontificem habere non negat in ceteris fidei articulis, velit eum in hoc uno articulo non habere. Aliquantò etiam *Idem ad an. 1167. num. 48. 50.* disertius Clemens IV. & ipse Gallus, Gallicanæ Curia Regiæ, inde & Ecclesiæ ingens decus, suam hanc prærogatiuam prosecutus est in fidei formulâ, quam Palæologo Imperatori Græco unitatis cupido prælineauit: *Romana Ecclesia sicut præ ceteris tenetur fidei veritatem defendere; sic & si quæ de fide suborta fuerint quæstiones, suo debet iudicio diffinire.* Cumque Romanam omnem fidem compendiò edisseruisset, & inter cætera capita processionem Spiritûs sancti à Filio: addit demum; *Porro præscriptam purissimam, certissimam, & solidissimam orthodoxa fidei veritatem, euangelica doctrina consonam, à sanctis Patribus tradi-*

T t t t

tam, & Romanorum Pontificum in suis Synodis definitione firmatam: sicut nec decet, sic nec volumus nouæ discussioni ac definitioni subiacere: ipsam quasi per hoc quomodolibet contra f. & licitum in dubium renocando. Ideoque licet in præfata scripturâ de conuocatione Concilij ageretur: licet tu per tuas literas Concilium in terrâ tuâ conuocari petieris: nos tamen nullo modo proponimus Concilium ad discussionem seu definitionem huiusmodi conuocare. Non quod cuiusquam faciem vereamur, vel eandem sacrosanctam Romanam Ecclesiam Græcorum superari prudentiâ timeamus: sed quia prorsus indecens foret, imò nec licet, nec expedit in dubium renocari præmissam vera fidei puritatem, tot sacra pagina autoritatibus, tot Sanctorum roboratam sententiis, tot Romanorum Pontificum stabili definitione firmatam: pro cuius defensione, si necesse foret, parati essemus subire martyrium. Tum hortatur, si qua Græcos circa Romanam fidem dubitationis caligo offuscet, peritiores aliquos Romanam mittant; Tam plenè, donante Domino, satisfacemus eisdem, quod amoto cuiuslibet dubitationis scrupulo, fidei veritatem agnoscent. Nec Concilium detrectat, sed quo fructu, indicat in hunc modum: Quod si postquam taliter supra positam tu, idemque Clerus, & populus veritatem fidei susceperis, & professi fueris, & ad obedientiam, ut præmissimus, eiusdem veneritis matris vestra; Concilium per Sedem ipsam ad locum, qui ad hoc eidem Sedi videatur idoneus, conuocari petieris, ad charitatis vinculum inter Latinos & Græcos federe perpetuo roborandum: legatos super hoc ad nos poteris destinare, quibus responsum dabitur, quo tuum desiderium satiari poterit, & debeat. Ne quis autem Græcorum affectus induat, & duriusculum Romanæ Ecclesiæ consilium quiritetur: etsi iam Occidentales omnes in idem multo sæculorum interuallo conspirasse demonstraui, idoneosque fideiussores protuli, Rattramnum, Anselmum, Thomam Aquinatem, Bonauenturam, Alensem: nunc quidem vnum prætereà adicio, qui & Gallis, & omnibus omnium instar sit futurus, Ludouicum Gallorum Regem, eius nominis IX. sanctitatis laude & cultu spectatissimum. Cùm enim illum sua-

rum cum Ecclesia Romana controuerfiarum Palæologus arbitrum delegiffet: ille, vt testatur Purpuratus Romanorum Cardinalium Senatus, *Seditum prosequens ad fidei augmenta propositum, & ad prefatam Romanam Ecclesiam consuetam non omittens deuotionis affectum; sed prudenter attendens, ac humiliter cognoscens, quod suum non erat, tale in eodem negotio, quod specialiter pertinere dignoscitur ad eiusdem Sedis examen, etiam ad ipsius Imperatoris instantiam, officium usurpare: consiliè respondit, quod in eodem negotio huiusmodi partes nequaquam assumeret: sed pro ipsius salubri consummatione apud eandem Sedem ad quam id pertinet, libenter instaret.* Ita purpurei Ecclesiæ Principes vacante Sede: in quam iussus Gregorius X. literis ad eundem Michaelē Palæologum datis eadem Clementis IV. & Cardinalium responsa totidem verbis confirmat: cumque œcumenicam Synodum indiceret, ad eam quidem Græcos inuitat, sed ita tamen, vt prius schisma & errores detestentur apud Sedem Romanam, tumque plenius & solidius omnia ad vñionem pertinentia compleantur. Paruere Græci, & ante Lugdunensem Synodum tum Constantinopoli, tum legatis literisque ad eandem Synodum missis illam fidei confessionem amplexati sunt, quam Romani Pontifices præscripserant: & inter cetera; *Sicut præ ceteris tenetur Romana Ecclesia fidei veritatem defendere: sic & si qua de fide suborta fuerint quæstiones, suo debent iudicio definiri, &c. Ore & corde constitemur, quod verè tenet & fideliter docet & prædicat sancta Romana Ecclesia inuiolabiliter obseruare eandem professionem: & in eà omni tempore perseruare.* Ita & Latini omnes, qui Synodo intererant, & Græci, qui accessere eidem, in vnā coaluere tandem sententiam, sine nouā Synodo, citra versatile quæstionum examen, priscis Romanæ Ecclesiæ definitionibus acquiescendum esse: & vel coeunte tunc Synodo ob causas qualeslibet, ne vel sic quidem nouo examini locum dari necessariò debere. Percurrenti autem spatiosum æquor annalium Ecclesiæ posteriorum, occurrabunt subinde luculentissima monu-

700 DISSERTATIO DECIMA OCTAVA

menta exoticarum gentium, in eandem cum Romanis fidei societatem vel colligentium, vel recolligentium se; quibus omnibus illa eadem confessio verbis pene iisdem, eadem Romanæ Sedis in fide definiendâ authoritas profitenda fuit. Vbi nobis Christi prouidentiam & charitatem in Ecclesiæ suæ & Sponsæ castitate & propagatione contemplantibus, non licet esse tam curiosis, vel tam suspicacibus, ut aliud quàm sincerum veritatis lumen videamus. Et cum rursus Barlaamus Constantinopoli in Occidentem legatus vrgeret, *in generali Concilio articulus de processione Spiritûs sancti per disputationes & concertationes concordaretur inter Latinos & Græcos*: responsum est à Benedicto XII. *non esse decens, nec expediens, sic clarum, determinatum, & definitum articulum fidei, nunc per nouas disputationes, vel altercationes, vel alias quomodolibet in dubium reuocare*: æquius esse mitti à Græca Synodo aliquos, qui cum aliis viris sapientibus & doctis per Sedem Apostolicam deputandis, non per modum disputationis vel concertationis, sed instructionis quoad Græcos ipsos salutifera, habeant maturos & diligentes tractatus. Cum ergo postea Cantacuzeno Græcorum Imperatori indulset Clemens VI. œcumenicam colligi Synodum, *ὀικονομικῶς* id factum, nempe cum *veritas orthodoxa non reuocanda in dubium esset à Catholicis, sed exponenda Schismaticis, argumentisque Theologicis confirmanda*: ut ait doctissimus Annalium Baronij continuator. At cum Synodi spem præmatura Clementis mors intercepisset, congregandam Synodum negauit Urbanus iisdem de causis, quibus Benedictus. Et rursus Eugenius IV. humaniora Clementis consilia secutus, Synodum concessit Græcis, & Florentiæ celebrauit. Hæ fuerunt quasi alternæ vices stricti & remissi iuris. Stricto impensius se dediderat & Martinus V. Græcos absolutissime *sub illa fide, quam sancta Ecclesia Romana tenet, ad vñionem inuitans*: non aliter quàm Bohemos hæreticos audire se paratum Sigismundo Regi Roman. scripsit, *Ita scilicet, si venirent parati, stare nostra determinationi, nobis & Ecclesiæ de cætero parituri. Sic*

Apud Rainald. ad
an. 1339. n. 19. 25.
27. 32. 34. 35.

Idem ad an. 1350.
n. 31. 1352. n. 24.
1369. n. 1.

Idem ad an. 1411.
n. 9. 1417. n. 10.

enim erat hæreticis audientia concedenda, non discussionis, & disputationis gratiâ, sed informationis & instructionis eorum. Quin Idem ad an. 1431. n. 21. 24. 25.
 & Eugenius ipse testatus est sexcenties Synodum Græcis condonari reuocandis ad fidem & unitatem Ecclesiæ Romanæ: conquestus idem de Basileensibus Patribus, Bohemos hæreticos ab illis fuisse inuitatos Basileam ad disputandum & contendendum super articulos in Conciliis generalibus, & per processus Apostolicos tam solemniter condemnatos, in iniuriam authoritatis Apostolicæ, sacrorumque Conciliorum: quamuis & ipsi Basileenses obtenderent accitos Bohemos informationis & instructionis tantum gratiâ. In ipsâ postremò Eloquentinâ Synodo, quomodocumque affecti essent Græci, & antiquas iactarent, liberaeque Synodos; amplexabantur tamen illos Latini, quasi venissent, omni dimissâ incredulitatis pertinaciâ, ut veritatem cognoscerent: ut ait Andreas à sancta Cruce: eorum argumentis respondebant, *tanquam iuxta doctrinam beati Petri, parati reddere rationem omni petenti, de ea quæ in nobis est fide: illis congratulabantur, ut qui firmè quingentis annis ab Apostolica Sede, & Romana Ecclesia diuisi fuerant, & nunc in vnâ veritatis professionem purè conuenirent.*

Et ante hæc omnia in conflictu Anselmi Havelburgensis Episcopi, à Lothario Imperatore ad Calo-Ioannem C. P. Imperatorem missi anno Christi 1138. cum Nechite, aliisque Græcorum eruditissimis: his ad nauseam vsque ingerentibus, communi Concilio disceptanda fuisse fidei dogmata, non à Romano Pontifice occupanda; *Si enim* Centuriat. cont. 12. c. 9.

Romanus Pontifex in excelsò throno gloriæ suæ residens, nobis tonare, vel quasi proicere mandata sua de sublimi voluerit: & non nostro Concilio, sed proprio arbitrio, pro beneplacito suo de nobis, & de Ecclesiis nostris indicare, imò imperare voluerit; quæ fraternitas, seu etiam quæ paternitas hæc esse poterit? &c. Quid vobis Scripturarum scientia? quid Magisteriam doctrinæ: disciplina? quid sapientum Græcorum nobilissima ingenia? Sola Romani Pontificis authoritas, quæ sicut tu dicis, super omnes est, vniuersa euacuat. Solus ipse sit Episcopus, solus magister,

Tccc iij

Ecce Romanam Ecclesiam ego tecum veneror, sed non tecum per omnia sequor: nec ex necessitate per omnia sequendam arbitror: Ita Græculis in fide etiam iam tum claudicantibus, teste Bernardo: & declivi eo gradu in præceps euntibus: summatim contrà excipiebat Anselmus, nullà vnquam hæresi Romanam Ecclesiam, cæteras frequentissimè conspurcatas fuisse: quod nec Græci detrectare poterant, sed qua fellis & odij amaritudine delibuti erant, hanc non fidei constantiam, sed vel imperitiam, vel hebetudinem, vel diuinorum indiligentiam atque incuriam interpreta- bantur. Contrà rursus Anselmus: Statuta Romana Eccle- siæ, per Deum, & à Deo, & post Deum proximo loco authori- tatem obtinuerunt, in uniuersâ per totum mundum Ecclesiis. Et rursus circa annum 1177. Hugo Etherianus, Thuscus, in tractatibus Constantinopoli scriptis & ad Alexandr. III. inscriptis, lib. 3. c. 16. Si Constantinopolitana Synodus Nicæno adiecit Symbolo, In Spiritum Dominum & viuificantem, & ex Patre procedentem: Si Chalcedonensis Synodus quoque Constan- tinopolitana addidit Synodo, perfectam in humanitate, perfe- ctum in humanitate, &c. nullâ reprehensione nullâque calumniâ notandus est antiquioris Romæ Antistes, quod causâ interpreta- tionis dictionem vnâ, Ex Filio procedere Spiritum: sancto- rumque plurium Episcoporum, scientissimorum Cardinalium con- sensu habito apposuerit. Licuit enim ei, semperque licebit fratres confirmare, decreta edere, cudere interpretationes, sicubi aliquid obscure scriptum sit. Et aliquantis interpositis, Nequaquam licet calumniari sanctissimam, & magnam, omniumque Princi- pem Romanam Ecclesiam, quasi aliam fidem conscripserit, aut composuerit, aut docuerit. Nam neque offert, neque perdocet, ne- que aliud tradit Symbolum, si editum à sanctis Patribus inter- pretatur: non perpetuens fidem labefactari, apud quos semper effulsit. Quæ licet Primatum habeat, attamen humiliat seipsam, respondendo, quod Chalcedone celebrata Synodus quondam se ca- lumniantibus respondit. Iniuste, inquit, arguor, dum non fi- dem, sed memoriam renouo. Non apposui, non ademi Symbolo, si dictionem occultam manifestavi. Sic ille Pontificiam æquè

Bibliotheca PP.
Tom. 9. pag. 545.
546.

& Synodicam authoritatem explicat in fide condenda, id est, explananda: nec enim aliter nouum cuditur Symbolum, nisi dum vetus aperitur. Et c. 17. *Æquum igitur est, ratum habere, quod tanta Ecclesia decernit: quod tantus Pontifex enunciat: sine quo viror calami omnis ecclesiastica traditionis arescit.* At verò Barlaamus Hieracensis Episcopus de vnione vtriusque Ecclesiæ circa annum 1303. vt autumant, varias scripsit epistolas, quarum ex primâ strictim hæc delibo. *Cum diuina prouidentia nihil inordinatum dimittat, omnisque multitudo ordine per se careat, nisi reducatur ad vnum principium. Pluralitas enim principiorum & carentia principij, similis sunt inordinationis. Romana gentis vniuersa multitudo sub vno est ordinata principio: Ecclesiâ videlicet Romanâ & eius Prasule, quem omnes honorant, non tanquam armis & vi, sed tanquam à Domino Christo ordinatum, &c. illius mandata cum omni reuerentiâ omnes non tanquam Apostolica tantum, verum etiam dominica scripta recipiunt & adorant. Et nihil ita durum ab eo iubetur, vt non quietè parati sint ad implendum, & omnes ab illo corrigi sua & retractari suscipiunt.* Pergit ex aduerso percensere lernam quandam malorum ebullientem *ἐκ τῆς ἀναρχίας, siue πολυαρχίας Græcorum.* Et in epist. 2. *Quod in machina vniuersi contingit, quod quæ longinquius à Deo distant, procliuiora sunt ad peccandum, & minus determinata, & mutabiliora: quæ verò propinquiora sunt, eadem in bono permanentiora, & stabiliora, & magis determinata: idem in Ecclesia etiam profectò contingit. Plurimæ enim & deterrimæ hæreses in partibus magis à Romanâ distantibus ortæ sunt: Roma verò vel propè authores hæresum facti non sunt. Matre enim Ecclesiarum omnibus veritatis radios emittente, profectò continebat propinquiores magis, quàm longinquiores clariùs illuminari.* Hæc Christiano pectori, calamoque accommodatior est ratio, quàm quæ suprâ à Itomachantibus Græcis effutiebatur. Ita prorsus vt apud Eusebium, quandiu Apostoli orbem superstites illustrarunt, erubuit ortus hæreses euomere: at illis hinc demigrantibus, illæ cæteruatim erupere. Et rursus Barlaa-

Bibliotheca PP.
Tom. 3. pag. 861.
866. 867. 877.
886.

Eusebius l. b. 3. c.
32. ex Hæg. si. p. 0.

mus: *Et ex illâ quidem Ecclesiâ nulla hæresis superioribus temporibus ortam habuit: nulla verò aliunde ortarum occidit sine illius providentiâ, &c. Nam etsi aliquis semel illorum Pontificum alicui hæresi assensus est; sed non in longum, aut de longo huius remedium. Statim enim eadem Ecclesiâ aduersa: ei, illorum oratione, Sede simul & vitâ priuatur. Et in aliâ rursus epistolâ copiosius aduersùm Græcos disputans, excito etiam illo dubio, an soli etiam Romanæ Ecclesiæ fides necessario mancipanda sit: an totius Ecclesiæ, siue Concilij generalis authoritas præterea desideretur, hæc habet: *Necessarium autem arbitror adhuc & illud tibi ostendere, quod licet tria dixi superius esse, quæ coegerunt me credere & ex Filio Spiritum sanctum procedere: hoc est, multos magnorum sanctorum hoc apertissimè tradere: Matrem Ecclesiarum hoc semper dicere: Per generale etiam Concilium hoc fuisse affirmatum: tamen quodlibet horum sine aliis per se visum, non habens reliqua duo opposita, satis se habere considero, ut idipsum credatur. His ad vnguem quadrant, quæ alibi ex Nilo Thessalonicensi Archiepiscopo suos gregales propugnante decerpimus, & eadem prorsus tela contra Romanam, atque Occidentalem, adeoque contra Catholicam Ecclesiam aciente, atque eiaculante; quæ inopini retractant, sibi que prodesse posse hallucinantur illi ex nostratibus, ad quos hanc dissertationem adornauimus, & illis suffarcinauimus argumentis, quæ Latini vbique gentium & omni æuo aduersùm Græcos exerrantes distrinxere. Denique Manuel Calecas lib. 4. de Process. Spiritûs sancti contra Græcos: *Damasus Romanus tunc Episcopus coaëto Concilio Symbolo adiecit ex Filio procedere Spiritum sanctum, &c. Nec mirandum est Romanum Episcopum Ecclesiæ Principem, ipsum conuocato Occidentalium Episcoporum Concilio illud decreuisse. Nam si prouincia sæpe singula Concilia celebrauerunt, eis que authoritas derogata non est: multò sanè magis hoc ille potuit, cum omnibus circum se Episcopis, qui pastor primus, & Ecclesiæ totius Pater, vniuersalisque Christianorum omnium iudex esse comprobatur; Apostolicâ hunc antiquitate Principem supremum appellante: decretisque***

Supra Dissert. 12.
num. 3.

cretisque regiis ipsum statuentibus, ac rebus ipsis ita esse clamantibus: Et quo sine impossibile profectò est ecclesiastica negotia tractari, &c. Nempe ab illà Ecclesià nulla unquam de fide sententia manauit, quam ut blasphemam & noxiam Ecclesia nunc omnis damnet, seu anathematizet: quando ingentes fluctus plurimæque naufragia contra Ecclesiam fuere. Et mox: Si igitur sine illo (Romano Prasule) possibile non est, ecclesiastica decerni: ad ea decernendum, cum paucis aut cum pluribus conveniat, minimum refert, &c. Subdit cum Græci à schismate ad Romanam Ecclesiam se recolligerent, tria ab illis expressa esse, quorum extremum istud erat, *Vt Romanam Ecclesiam in ecclesiasticis dogmatibus matrem fidelium atque magistram, sanā semper fide esse crederent.* Et infra rursus: *Consideranda vobis est Ecclesia nostra dignitas, qua nunquam de fide, nisi congrua senserit, ac statuit: & qua sola, vobis omnibus ceteris circa fidem naufragantibus, non solum nihil passa est huiusmodi, verum & iacentes ceteras erexit Ecclesias.*

Quin & in ipso Constantiensi Concilio idem cernere est. Nam act. 19. in abiuratione Hieronymi Pragensis hæc habentur: *Consensio autem sancta Romana Ecclesia, & Apostolica Sedi, & huic sacro Concilio; & ore ac corde profiteor in omnibus ad religionem Christianam pertinentibus, prout ipsa Romana Ecclesia & Apostolica Sedes, & hoc sacrum Concilium profitentur.* Quæ formula solennis tot antè sæculis usurpata, & etiam nunc vsitata, non potest, non debet sophisticis cauillationibus contaminari: sed suæ simplicitati permittenda sanè est, & infucatæ pietatis sensibus æstimanda. Ad hæc aduertamus animum ad sententiam eiusdem Synodi in Viclephum latam: *Insuper quia autoritate sententia & decreti Romani Concilij, mandatoque Ecclesie & Sedis Apostolica, processum fuit super condemnatione Ioannis Vicleph, &c. Declarat hæc sancta Synodus, definit, & sententiat eundem Ioannem Vicleph fuisse notorium hæreticum, pertinacem, ac in hæresi decessisse. Decernitque corpus eius exhumari, &c.* Extraordinariè hæc Synodus causam omnem Viclephi retractauit, confirmavitque sententiam anteriorum

LXXXII. Item ex Concilio Constantiensi, ubi refertur confessio Viclephi, Hufsi, & Hieronymi Pragensis.

Vuuu

Pontificum: sed ita ut etiam tandiu ante Synodum præmortuus Vuiclephus ob solam Sedis Apostolicæ definitionem declaretur contumax hæreticus, in hæresi mortuus & exhumandus. Quid quod & Vuiclephus ipse, cum Catholici hominis umbram saltem adhuc, larvamque affectaret, ad Urbanum VI. hæc scripsit, referente eruditissimo Annalium Ecclesiasticorum continuatore Rainaldo an. 1378. num. 116. *Gaudeo planè detegere cuicumque fidem meam, & specialiter Romano Pontifici: quia suppono, quod si sit orthodoxa, ipse fidem meam humiliter confirmabit: & si sit erronea, emendabit, &c. Suppono iterum quod Romanus Pontifex cum summus Christi vicarius in terris sit, ad illam legem Evangelij inter viantes maximè obligatur: & si in istis errauero, volo humiliter etiam per mortem, si oporteat, emendari: & si in personâ propriâ ad votum potero laborare, vellem præsentiam Romani Pontificis humiliter visitare.* Sic ille tunc, quia nemo repente fuit turpissimus. Eosdem peruoluta annales, passim perspicies Vuiclephi dementiâ correptos quoslibet, post Episcopales Synodos, & Romanæ Cathedræ oracula, ad expuendam hæresin cogi, vel regis edictis igni ferroque deleri ante œcumenicam ullam Synodum: hoc est, ante Constantiensem, quæ aliis de causis ubi confluit, ex occasione tantum ad Vuiclephi causam deflexit. Sed & ipse Ioannes Hus apud Rainaldum ad an. 1412. è luto suo tantisper emergens, confitetur nullo erroris mendacio illudi posse Ecclesiam, *fundatam tam firmiter supra firmam Petram, quod porta inferi non possunt aduersus eam quomodolibet prævalere.* Et apud eundem ad an. 1413. Magistri Studij Pragensis solenniter protestantur aduersus Vuiclephum, quod quilibet eorum *sub iuramento suo sentit & credit, vult sentire & credere, sicut Romana Ecclesia, & non aliter: cuius Romana Ecclesia Caput est. Papa, Corpus verò collegium Cardinalium, manifesti ac veri successores in officio ecclesiastico beati Petri Principis Apostolorum, & collegij aliorum Apostolorum Christi.* Item *Ut quilibet ex supradictis, in omni materia ecclesiastica & Catholica, fateatur esse standum fidei,*

sententia, & definitioni Sedis Apostolicæ, & Ecclesiæ Romanæ superius nominatæ. Hæc paulò ante Synodum Constantiensem.

In Lugdunensi Concilio Gregorius X. Papa, quàm non inuisa sibi Concilia, quàm optata etiam sint, ita significat in epist. indictionis: *Ad quod cum nos sufficere non posse sciamus, leuamus oculos nostros ad montem Dei, unde opportunum nobis prouenire auxilium & humiliter petimus, & deuotè speramus. Et quia in his adhiberi remedium interest generaliter omnium, nos cum fratribus nostris aliisque viris prudenter, exacto & frequenti tractatu prahabito, prout tanta necessitatis instantia exigebat, de ipsorum consilio generale Concilium, sicut imitatione digna sanctorum Patrum consuetudo laudabilis, longaque observationis exemplum nos instruit, opportuno tempore decreuimus congregandum. Qui hæc ad infirmandam Pontificis solitariam ante Concilium potestatem adglomerant, non videntur mihi quidem Pontificis mentem assecuti. Optat enim, colligit, commendat Pontifex Concilium generale, non quasi hætenus fas fuerit hæsitare, sed ut qui errabant, qui peribant, qui hæresi nefandæ immersi erant, quia solius Pontificis vocem detrectabant exaudire, eiusdem cum Synodo œcumenicâ eandem fidem inculcantis exertiore voce, & quasi tonitruo quodam expergeriant. Ibidem enim declaratur ruina magna periculum in subtractione populi Græcorum, qui à Sedis Apostolicæ deuotione, ac obedientiâ se subtraxit, &c. Lugendum occurrit, quod per subtractionem prædictam à Sedis eiusdem unitate subtractos, & in denio positos, grandis culpa mors afficit; quod sancta vniuersalis Ecclesiæ membra tam nobilia, eadem grauis admodum & dispendiosa subtractio tanto tempore mutilauit, &c. Per Concilij salutiferam executionem virtus Altissimi, eliminatis erroribus, roboratâ fide, reductis errantibus, reintegratâ eiusdem fidei unitate, &c. scissuras uniat, ruinas impleat, &c. Ergo & ante Concilium errabant, fidem conculcabant, corpus Ecclesiæ vniuersalis sciderant, qui se ab Ecclesiæ Romanæ sequestrauerant vinculo, peribant.*

LXXXIII. Item
ex Concilio Lug-
dunensi sub Gre-
gorio X.

Vuuu ij

LXXXIV. Item
ex Innocentio
III.

Innocentius III. generalis Concilij auctoritatem in summo locat fastigio, Regest. lib. 15. epist. 104. ad Philippum Regem Francorum, cuius negat per euangelicas leges dissolui posse coniugium: *Si super hoc absque generali deliberatione Concilij determinare aliquid tentaremus, præter diuinam offensam, & nundanam infamiam, quam ex eo possemus incurrere: forsan ordinis & officij nobis periculum immineret; cum contra præmissam veritatis sententiam nostra non possit auctoritas dispensare.* Et serm. 3. de consecrat. Pontificis: *In tantum mihi fides necessaria est, ut cum de cæteris peccatis Deum iudicem habeam, propter solum peccatum, quod in fide committitur, possem ab Ecclesiâ iudicari.* Proficetur nihil se posse contra fidem & legem euangelicam: si qua illaquearetur hæresi, id enim potest priuatim, ut mortalis quisque, tum ab Ecclesiâ & Concilio posse se iudicari. Sed ita hoc Innocentij dictum, sicut illud Pauli, si ipse vel Angelus de cælo præter iacta fidei fundamenta, adulterinum quid superstruere voluerit: ita, inquam, interpretandum, ut hæc tamen nunquam euentura certò sciatur, idem ipse Innocentius perspicuè docet in epist. ad Episc. Constantinopolitanum: *Ego pro te rogavi Petre, &c. Ex hoc innuens manifestè, quod successores ipsius nullo unquam tempore deuiarent, sed renocarent magis alios, & confirmarent hesitantes: propter hoc sic ei confirmandi alios potestatem indulgens, ut aliis necessitatem imponeret obsequendi.* Non negat ergo si deuiarent à fide, tunc à Concilio iudicandos Romanos. Præfules: sed negat deuiaturos, idque diuinâ sponcione ratum esse tradit, ideoque eis ut pareatur, impositam esse necessitatem omnibus fidelibus. Et paulò infra ad componendas Græcorum ruinas conuocandum spondet Concilium; *Ex prædictis apparet, quod Ecclesia Romana, non tam constitutione synodica, quam diuinâ, Caput & Mater omnium Ecclesiarum existat, & ideo, nec pro disparitate rituum, nec dogmatum diuersitate differre debueras: quin nobis sicut tuo capiti secundum antiquum & canonicum statum benignius & deuotius obedires, cum certa non sint pro dubiis relinquenda: Nos*

Gesta Innoc. III.
p. 42.

tamen pro multis necessitatibus ecclesiasticis disposuimus, auctoritate Domini, generale conuocare Concilium, & synodalem celebrare conuentum: ad quem si vocatus à nobis iuxta ipsius Imperatoris permissionem concurreris, cum hac dogmata sint, quae nostris literis requisimus: vel sicut membrum ad caput, & ad matrem filia reuertaris, Ecclesiae Romanae reuerentiam & obedientiam debitam impensurus: te sicut fratrem charissimum, & precipuum membrum Ecclesiae, benignè & hilariter admitteremus, &c. Euidētissimè & ante Synodum par incumbit necessitas, nec in dogmate à Capite & matre omnium Ecclesiarum dissidendi. Et paulò antè: Ecclesia duabus ex causis vniuersalis vocatur. Dicitur vniuersalis Ecclesia, quae de vniuersis constat Ecclesiis, quae Graeco vocabulo quoque Catholica nominatur. Et secundum hanc acceptionem vocabuli Ecclesia Romana non est vniuersalis Ecclesia, sed pars vniuersalis Ecclesiae, prima videlicet & precipua, veluti Caput in corpore; quoniam in ea plenitudo existit, ad ceteras autem pars aliqua plenitudinis derivatur. Et dicitur vniuersalis Ecclesia illa una, quae sub se continet Ecclesias vniuersas. Et secundum hanc nominis rationem, Romana tantum vniuersalis Ecclesia nuncupatur, quoniam ipsa sola singularis praeiulio dignitatis ceteris est praelata. Sicut & Deus vniuersalis Dominus appellatur, non quasi iam diuisus in species aut specialissimas, aut etiam subalternas, sed quoniam vniuersa sub eius dominio continentur. Ex quo patet diuelli non posse Ecclesiam vniuersalem, hanc ab illà, ipsam à semet, corpus à capite, & ideo non rarò indiscriminatim vtramque velut vnam vsurpari, vt Christi & Ecclesiae, Capitis & Corporis vnam esse vocem, vnam Personam Patres obseruant. Graecos porro etiam ante Synodum, haereticorum in numero ducendos esse, quod à fide & communione primae Sedis defecissent, idem rursus Innocentius tradit reg. 15. epist. 18. Thessalonicensis Ecclesia à deuotione Sedis Apostolica se subduxit, per schisma illud diuinum, quo Ecclesia Graecorum à viâ veritatis ad erroris innium declinavit. Et reg. 16. epist. 105. Ad conseruandum mysterium unitatis, vnum Petrum Dominus Caput

*instituit & Magistrum, cui Oves Christi, dicente Domino, Pasce oves meas, sunt sine distinctione commissæ; alienis ab ovili dominico reputatis, qui Petrum in suis successoribus non agnoscunt esse Pastorem. Ab hac unitate Græcorum Ecclesia quondam diuertens, & Petri magisterio se subducens, exiit ovile dominicum, post greges sodalium euagando: & sic quæ primò sanis affluebat doctrinæ, & pene magistra vocari poterat propter tempus, errorum postmodum circumfusa caligine, cæpit plurimum indigere, rursus diuini eloquij rudimenta mendicans. Ut cominus autem inspiciamus locum ipsum Innocentij, quem importunè obtrudunt: non obscurum est, hac arte enixum illum esse extricare se ab urgentissimis maximi Regis petitionibus. Porro quod sibi licere negat, nec Concilio œcumenico fas est, euangelicas & diuinas leges dispensando infringere. Itaque si eiusmodi quidpiam non iam Pontifex machinaretur, sed Synodus vniuersalis, ut illi ordinis & statûs periculum immineret; ita huic orthodoxi omnes, conuitia ut prostibulo, ut mæchorum Synodo ingererent. Sed consentaneo euangelicis legibus Synodi iudicio delinietur fortassis Princeps, qui sententiâ vnius Pontificis, veluti præiudicio exasperaretur. Ita apud Rainaldum anno Christi 1266. Iacobus Rex Arragonum repudiandæ leprosæ coniugis, & alterius ducendæ copiam à Clemente IV. postulans, repulsam passus est, & hoc paulò crudius responsum accepit: *An credis si omnes Regine per mundi climata constituta, leprose fierent: daremus Regibus ob hanc causam, licentiam cum aliis mulieribus contrahendi? Scias pro certo, quòd omnes & singuli paterentur repulsam, etsi domus regia nullâ prole superstitè, in radice prorsus arescerent, & in ramis. Quod non dicebatur tamen, nisi ad rerundendam precum impudentiam. Et apud eundem an. 1307. Clemens V. Philippi Francorum Regis preces ad Bonifacij VIII. velut hæretici damnationem molestius ingestas ludificari similiter conatus est; rem ad Concilium reiciens Viennæ celebrandum, quo à Bonifacij memoriâ infandum hæreseos crîmen detersum est.**

De Paschali II. suprà diximus. Quibus addē eius in LXXXV. Item
 Concil. Lateran. 2. Confessionem fidei, ab Vespergenſi ex Paschali II.
 relata, *Amplector omnem diuinam scripturam, &c. sanctos
 Canones Apostolorum; quatuor vniuersalia Concilia, sicut qua-
 tuor Euangelia, decreta sanctorum Patrum Romanorum Ponti-
 ficum, præcipuè decreta Domini mei Papa Gregorij VII. & bea-
 ta memoriae Papae Vrbani. Quæ ipsi laudauerunt, laudo: quæ
 ipsi tenuerunt, teneo: quæ confirmauerunt, confirmo: quæ dam-
 nauerunt, damno.* Vides vt Conciliis generalibus subiun-
 gantur decreta Romanorum Pontificum, & vtrisque pe-
 rinde fides addicatur.

Gregorij VII. sententiæ quædam describuntur lib. 2. LXXXVI. Item
 post epistolam 55. ex quibus has paucas de Romano Præ- ex Gregorio VII.
 ſule decerpo: *Quòd nulla Synodus absque præcepto eius debet
 generalis vocari. Quòd nullum capitulum, nullusque liber cano-
 nicus habeatur absque eius auctoritate. Quòd sententia illius à
 nullo debeat retractari, & ipse omnium solus retractare possit.
 Quòd Romana Ecclesia nunquam errauit, nec in perpetuum,
 Scripturâ testante, errabit. Quòd Catholicus non habeatur, qui
 non concordat Romanæ Ecclesiæ.* Quæ ideo necesse fuit hic
 adscribere, quia scriptores aliqui vtuntur eius authorita-
 te, vt Pontificem Concilio subternant, quod nempe ab
 eo non subiiciatur Pontifici Concilium. Quo nil alienius
 dici potest. Nam cum absque Pontificis præcepto vetat
 Synodum generalem dici; cum eius sententiam à nullo
 retractari posse, omnium ab ipso posse statuit: cum errare
 ipsum vsquam negat, oro te, an Pontificem Concilio
 subiicit? Sed ideo ille hæc abstinuit comparatione, imò
 conflictatione, quod necdum in mentem venisset Catho-
 licis vllis hominibus, Pontifices & Concilia mutuò col-
 lidere. Quin ex aduerso Gregorius alia & alia per annos
 singulos Concilia meditabatur, & quantum facultas ade-
 rat, cogebat, ad ea omnes orbis Episcopos colligebat,
 vt quorum auctoritatem suæ non infestam, sed coniun-
 ctissimam, & auxiliarem accedere intelligebat.

Leo IX. epist. 5. ad Petrum Antiochenum Episcopum LXXXVII. Item
 ex Leone IX.

Dominicò & omnium Patrum concordi decreto inuolabiliter cunctis in toto orbe terrarum Ecclesiis, sancta Romana & Apostolica Sedes caput praponitur, ad quam maiores & difficiliorese cause omnium Ecclesiarum definiende referantur. Sic omnia veneranda Concilia, sic leges humane promulgant, sic rex regum Christus confirmat, &c. Nimirum solus est Petrus, pro quo se regasse Dominus asserit, ut non deficiat fides tua, & tu aliquando, &c. Qua venerabilis & efficax oratio obtinuit, quod hactenus fides Petri non defecit, nec defutura creditur in throno illius in seculum seculi, sed confirmabit corda fratrum variis concutienda fidei periculationibus, sicut usque nunc confirmare, non cessauit. Et epist. 6. ad Michaël. Patriarch. CP. Quid hoc monstri est, frater charissime? Romana Ecclesia Caput & Mater Ecclesiarum, membra & filias non habet? Et quomodo potest dici Caput & Mater? Credimus enim propter quod & loquimur, atque constanter profitemur; Romana Ecclesia adeo non est sola, vel sicut tu putas, una, ut in toto orbe terrarum, quacumque natio dissentit superbe ab eâ, non sit iam dicenda vel habenda Ecclesia aliqua, sed omnino nulla: quin potius Conciliabulum hereticorum, aut conuenticulum schismaticorum & Synagoga Satanae. Non patitur vnâ vel solam dici Romanam Ecclesiam, sed cum cæteris omnibus orbis Ecclesiis nexu indiuiduo constringit, ut Matrem cum filiis, Caput cum membris. Interim illi ut Matri & Capiti & inerrantiam, & maiorum omnium causarum cognitionem, & iudicium decretorium adscribit, siue ad earum definitionem filias cum matre coalescere necesse sit, siue tanto labore sit supersedendum, consensu tacito filiarum cum Matre matris omnia gesta roborante.

LXXXVIII.

Item ex Leone
III.

Leo III. quoque obiicitur, sed æquè inauspicatò. Nam in colloquio Romano cum Gallis legatis, vrgentibus nempe ut Symbolum etiam cantaretur cum hoc additamento, Filioque, & optatissimum fore, ut id Symbolo œcumenicæ ipsæ Synodi adiecissent, Respondit Leo: Sicut non audeo dicere, non benefecisse, si fecissent: quia proculdubio sicut cætera quæ vel omiserunt, scientes utique, & non

tam

tam humanâ , quàm diuinâ illuminati sapientiâ fecerunt : Ita quoque non audeo dicere , istud eos nobis minùs intellexisse , perpendisse cur dimiserunt , vel cur dimissum , ne ultra mitteretur , sicut & cætera , prohibuere . Tu & tui , videte quid sentiatu de vobis . Nam ut ego me illis non dico præferam , sed etiam illud absit mihi , ut coquare præsumam . Ita ex Zimaragdi ad Carolum Magnum epistola apud Baronium . Hoc animo omnes fuisse priuatim Pontifices erga Concilia , nullus dubito . Hæc enim , ut ibidem præmittitur , fuit collatio , vel potiùs disputatio , nequaquam diiudicatio , vel definitio Pontificia . Et infrà Leo , quod non affirmando , sed vobiscum pariter tractando dico . Et paulò suprâ : Quod non imperando , sed ut priùs permittendo dicimus . 2. De fide hic non vertebatur , sed de cantu ecclesiastico : an cani etiam publicè Symbolum cum illo additamento conducere . 3. Nam quòd ad fidei dogma pertineat , & salutis eorum qui huc vsque possunt assurgere , intersit , ut credant à Filio Spiritum sanctum procedere , idem Leo frequentissimè ibidem contestatur ; quod tamen sine Concilij generalis decreto , ex solâ Petri Sede in omnem Occidentalem orbem peruaferat . 4. Annales Francorum audi ad eum annum , & perdisces , quàm in omnibus ad fidem attinentibus , ad solam Apostolicam Sedem arrecti fuerint , & sequaces tunc maiores nostri , nequedum istis excantati Pontificum & Conciliorum dissidij rumoribus . Imperator Arduenâ Aquisgranum reuersus , mense Octobri Concilium habuit de processione Spiritûs sancti . Quam quæstionem Ioannes quidam Monachus Hierosolymis primus concitauit . Cuius definienda causâ Bernarius Episcopus Vormatiensis , atque Iesse Episcopus , & Adclardus Abbas Monasterij Corbeia , Romam ad Leonem Papam missi sunt . Huc vsque spectat , & definit Concilium Episcopale in Gallia , ut Romam mitantur Episcopi ad Leonem , rei definienda causâ .

Ac ne longiùs regrediar , abundè ex his enitescit , insolentissimum & olim inauditum fuisse , quod nuper comminisci cœperunt pauci quidam doctores , Sedis Aposto-

LXXXIX. Rur-
sus ex Hincma-
ro, Alcuino, Bc.
da.

T. m. 1. pag. 681.
6-9.

licæ & Ecclesiæ vniuersæ dissidium. Quicumque olim damnati fuere *Ab Apostolica Sede, & vniuersitate sunt totius mundi Episcoporum vt erronei condemnati: vt ait Hincmarus lib. de diuort. Loth. & Teutb. Vtque idem paulò antè ex epistola Gelasij Papæ approbauerat, id sequendum esse dignoscitur, quod Apostolica Sedes irrefragabiliter teneri decreuit, vel plura seu maioris auctoritatis Concilia statuerunt.* Et Alcuinus lib. 1. aduersùs Felicem, Felice aiente se credere *Ecclesiam Catholicam toto in orbe diffusam, per Apostolorum predicationem in Christo Domino velut solidâ Petrâ fundatam:* excipit ipse ex aduerso, *Si sancta Dei Ecclesia in toto orbe est diffusa, ergo nequaquam in illis est, quia illi non sunt in toto orbe.* Porro nos intra terminos Apostolica doctrina. & sanctæ Romanæ Ecclesiæ firmiter stamus. Et toto pene operis contextu huc tandem reuoluitur, vt extra Catholicam Ecclesiam esse probet Felicem, quem particulares tantùm Synodi, & Sedes Apostolica profligauerat. Et Beda lib. 3. hist. cap. 29. *Intellexerat enim Osui, quamuis educatus a Scottis, quia Romana esset Catholica & Apostolica Ecclesia.*

XC. Ad obiectionem ex Gregorio Magno petitam respondetur.

Gregorij Magni patrociniū iactitant, quo tamen perimuntur. Sic enim ille lib. 4. epist. 38. ad Ioannem Episcopum Constantinopolitanum: *vniuersalis nomen insolentius vsurpantem: Nos quidem in quos talis tantaque per ausum nefarium culpa committitur, seruamus, quod veritas præcepit dicens, Si peccauerit in te frater tuus, &c. Si te non audierit, dic Ecclesiæ, &c. Ego itaque per responsales meos simul & his verbis humilibus hoc, quod in totâ Ecclesiâ peccatur, corrigere studui, nunc per meipsum scribo. Quidquid facere humiliter debui, non omisi. Sed si in mea correptione despicior, restat, vt Ecclesiam debeam adhibere. Quod planè à re quam tractamus, totum alienum est. Num enim de fide contentio erat inter Gregorium & Ioannem? Num de fidei prauaricatione verba Christi Patrum quisquam interpretatus est? An ibi etiam Synodos prouinciales & vniuersales ex verbis Christi scrutabuntur? 2. Illa verba, si peccauerit in te frater tuus, his Gregorius notauit, nos in*

*quos talis tantaque culpa committitur: quo sensu pium erat, ne in suâ causâ Gregorius iudicem solus ageret, & suas iniurias vlcisceretur. 3. Num Christus per illa verba, dic Ecclesiæ, vniuersalem Ecclesiam synodicè congregari toties voluit, quoties contumax quispiam fidelium contubernio eliminandus est? Quis tam immaniter desipit? Quisquis Episcopus fidelem quemlibet scelerosum anathemate percellit, dicit Ecclesiæ. Ergo & Gregorius anathema interminatur illis verbis, quod fieri non potest, nisi dicatur Ecclesiæ. 4. An possunt vel ipsi sibi confingere vel somniare, quod de Synodo œcumenicâ colligenda cogitarit Gregorius aduersus Ioannem Constantinopolitanum? Qui potis fuisset? Ea potestas penes Imperatorem adhuc erat. Sed vbi istiusmodi exemplum in Ecclesiæ annalium tam spatioso ambitu? 5. Episcopos & Metropolitanos compluries Gregorius sacris summouit. Toties verbis Christi peræquè obsequendum fuit, peræquè obsecutus est, toties dixit Ecclesiæ. An vsquam Synodum generalem indixit? 6. Vbi Episcopus excommunicaturus quempiam, dicit Ecclesiæ, sibi imprimis dicit. Nec enim quasi ab Episcopo ad Ecclesiam prouocatur, sed tota extremi & peremptorij illius iudicij autoritas & potestas penes vnum Episcopum est. 7. Nec in Christi verbis, nec in Gregorij epistolâ, nec in vsu Ecclesiarum familiarissimo, post primam & iteratam correptionem quidquam superest dubitationis, ad cuius quasi detergendam caliginem copiosiori cœtu totius Ecclesiæ opus sit. Sed qui reus iam compertus est semel & iterum, quia culpam pertinacitate exacerbat, tertio & terribilius conuenitur, vt vel sic resipiscere suadeatur. Ita de Gregorio igitur æstimandum. Ita & hodierni Pontifices sentiunt. Nam in Concilio Lateranensi sub Leone X. ita in Orat. 1. synodali peroratum est: *Si qui fortè Pontificem ipsam per se inermem parui pendere ausi sunt, Synodi autoritate, Principumque & nationum consensu & studiis instructum metuere & vereri consueverunt.* Tum omnes retro Pontifices*

Synodis magna & optima quæque moliti pernumerantur.
8. Gallicani ipsi Episcopi suprâ num. 75. synodicè congregati, Arnulphi Episcopi Remensis flagitia se *Ecclesia dicere* affirmabant, cum ea ad Romanum Pontificem animaduertenda deferrebant. Vide verba ipsa ibi exscripta. Vide exemplum consimile apud Rainald. an. 1203. n. 56.

XC1. Ad eos qui inutiles ergo fore Synodos arguantur, respondet Melchior Canus.

Quibus non incongruè & ista subiiciemus ex Melchior. Cano lib. 5. de auct. Concil. cap. ult. ut eorum diluatur querimonia, qui Synodos inutiles ominantur fore, si Pontifex in fidei causâ iudex sit summus & firmus. *Primum enim Romanus Pontifex non temerè & stultè, sed consideratè atque sapienter habet fidei controuersias definire, aduocando scilicet consiliarios, vel plures, vel pauciores iuxta rei de qua differitur grauitatem. Iuuant enim Patres Concilij summi Pontificis fidem, atque doctrinam. Vnde in Concilio Hierosolymitano cum facta esset magna conquisitio, Petrusque sententiam dixisset nullo sacrarum literarum testimonio fulcitam: Iacobus probauit eam quidem additis testimoniis Prophetarum. Adiecit etiam, quasi de suo, legem maximè necessariam de abstinentiâ ab Idolothytis, fornicatione, suffocatis & sanguine. Ita enim diuina procuratio in Ecclesiam se fundit, ut membra præcipua tamen si à capite ipsa pendeant, caput tamen tueantur & iuuent. Facit quoque Concilium plausibiliorem populo fidem, propter acceptissima multorum testimonia atque iudicia. Nam & leges quæ communi optimatum consensu & rogantur & feruntur, libentius populus accipit, quàm si à Rege solo ederentur. Quamobrem Beda lib. retract. in actis Apostolorum prudenter sanè monuit Paulum contulisse cum Apostolis aliis Euangelium, quod predicabat in gentibus, solerter in Concilio disquirens, an rectè de legalium cessatione doceret. Non quod ipse de hac re, inquit, aliquid dubitaret, sed ut mentes dubitantium Apostolicâ Synodi auctoritate firmarentur.*

XCII. Ex eodem astringitur rursus variis argumentis auctoritas ineluctabilis definitio-

Et idem rursus lib. eodem cap. 4. hæc habet ad superiorum illustrationem peropportuna: *Nec expedit nec tolerabile est singulis hæreticis condemnandis singulas Synodos generales cogere. Cum ergo Ecclesia sua Deus prospexerit in necessa-*

riis, nimirum ad haereses priuatas in provinciis refutandas, Concilia provincialia satis erunt, si erunt modò summi Pontificis auctoritate roborata. Præterea quoscumque eiusmodi Concilia damnare, Ecclesia eos semper explosit. Errare igitur illa in fide nequeunt. Et infra: Quod actorum 15. congregatum legitur, hoc non generale, sed provinciale Concilium fuit. At non minor fides habita est Petro præsidenti, quàm si esset Synodus generalis. Et paulò post: Certè Concilia nisi sint peculiariter reprobata, communi Ecclesie vel silentio, vel etiam implicito consensu commendantur, si ad Ecclesiam communem notitiam perueniunt. Non enim sit aliquo pacto verosimile, ut Concilij provincialis toto orbe vulgati haeresim Ecclesia diu dissimulauerit. Error enim cui non resistitur, approbatur, d. 83. c. error. Vbi vides & Pontificum & Conciliorum provincialium decretis, ex silentio Ecclesie vniuersalis, æcumenicæ Synodo parem accedere auctoritatem. Quibus & ista adde ex doctissimo Duallio, part. 2. q. 2. de infall. Rom. Pont. Diligentissimè obseruandum est, ut aliquod dogma, tanquam hæreticum habeatur, non esse necessariam Concilij generalis celebrationem, sed sufficere summi Pontificis condemnationem, unà cum acceptatione totius Ecclesie per orbem diffusa. Licet enim decretum Pontificis quatenus ab eo solo promanat, de fide non sit, cum eius in decernendo infallibilitas fide Catholica minimè constet, ut supra declarauimus: nihilominus si hæc condemnatio ab vniuersali Ecclesia licet diffusâ, & non coactâ in Concilio approbetur, iam nemo citra fidei detrimentum ei potest contradicere. Est enim de fide Ecclesiam, non tantum ut congregatam in æcumenico Concilio, sed ut diffusam per orbem errare non posse. Et infra, Tantam in Ecclesia obtinere debuit summus Antistes potestatem, quanta ad unitatem Ecclesie retinendam est necessaria. Atqui ad hanc unitatem necessaria est infallibilitas definiendi. Aliter enim non possent lites & dissensiones, quæ circa fidem in dies emergunt, componi, cum Concilia generalia rarò & cum maximâ difficultate cogantur, & hoc tempore in tantâ Regum Christianorum emulatione vix ac ne vix quidem celebrari possunt. Et inferiùs quæst. 3. ad-

num Sedis Apo-
stolicæ.

XCIII. Item ex
Duallio.

uertit, *Infallibilitatem Ecclesiae & Pontifici à Christo esse concessam, sed diuerso modo (de Concilio generali non loquor.) Illa quidem passiuè, quatenus nempe vi promissionum Christi, & perpetua Spiritus sancti assistentia, falsum pro vero nunquam poterit acceptare. Huic autem actiuè, quatenus nunquam pro vero falsum in definiendo obtrudet, & id quidem virtute & efficacia orationis Christi, &c. Hac autem duplex infallibilitas maximam fidei Catholica firmitatem arguit. Nam si per impossibile Pontifex in definiendo falleretur, Ecclesia tamen illius errore non inficeretur. Et si similiter per impossibile Ecclesia falsum pro vero coleret, summus tamen Pontifex huiusmodi falsitatem suâ definitione quamprimum damnet. Dixi verò, si per impossibile, quia quod alterutrum horum falsum pro vero definias, nunquam potest contingere. Ex quibus abundè patet, indiuidua quàm sit Capitis & corporis, Pontificis & Ecclesiae vniuersae fides atque authoritas, quamque vtrique terga vertat, qui alteri minus est obsequens.*

XCIV. Item ex
Petro Aurelio.
Pag. 98. 134.
212.

Nec ab his dissonat Petrus Aurelius, qui part. 1. *Haereticis non paucis similiter contigit, ut nimirum ab vnius provinciae aut regni Episcopis damnati sint, ceteris consensu solum tacito, non synodaliū decretorum authoritate suffragantibus. Sic enim Eusthathianos quos Synodus Gangrensis damnauit, non legimus ab aliarum provinciarum Conciliis aperitè deinde damnatos. Idem Aërianis, Collyridianis, aliisque contigit, quos praeter locorum ubi exorti sunt, Episcopos, non constat ab aliarum regionum Synodis reiectos esse; sed vniuersali Ecclesia consensione, qua sensim sine sensu inoleuerit, exauthoratos. Et infra effusè indignatur in eum qui velut ex Cardinalis Perronij suffragio pronunciauerat, Censuras & anathematismos vim in animos hominum non habere, nisi ab authoritate prorsus infallibili proficisci credantur. In quem ita perorat: Nullam ergo vim habebunt in animos hominum anathematismi censuraeque Episcoporum, quia Episcopi prorsus infallibiles non sunt? Nullam vim habebant anathematismi S. Cyrilli Alexandrini, quia infallibilis ab eo fidei non erant? Per te igitur rectè illos ut inuitiles frivolosque respuebant Nestorius, Theodoretus, ceterique malorum*

*partium gregales? Nullam vim habebant Alexandri Alexandria
 Episcopi, Synodique Alexandrina in Arium anathemata? Flavianus
 in Eutychetem? Africanorum Patrum in Pelagium? Dictum
 ergo Perronij de rebus dubiis & problematis capi, cuiusmodi
 erat de quo tractabat tum, non quo Episcoporum de iis decreta
 impunè sperni possint. Sed vim habere negavit, quâ sibi fidem certam & minimè dubitabilem in ani-
 mis hominum, quasi fidei statuta concilient, nisi infallibili au-
 thoritate condantur, quæ est Ecclesiæ Catholica potestas, vel in
 capite residens, summo Pontifice: vel in corpore, Concilio œcu-
 menico, ut ipse paulò post exponit. Non autem negavit habere
 vim, quâ honorem sibi & observantiam à Catholicis hominibus
 exposcant, ne palam labefactari vel infringi possint contrariis as-
 sertionibus, sine superbo scelere, ac pernicacia, nisi infallibili,
 maioriq̃ue auctoritate solvantur: quamvis internam animi fidem
 certam fixamque iis adhibere nihil necesse sit, donec iudicio ple-
 niore confirmantur. Interea tamen dandus iis quoque consensus
 animi, nec temerè ab eorum norma recedendum, nisi perspicua,
 testata, & indubitata ratio occurrat. Hoc enim Christiana virtus
 & Christiani animi officium ac moderatio precipit, ut iis quos
 celestium rerum duces nobis dedit Deus, ante omnes & ante om-
 nia regendos nos, docendosque præbeamus, nisi ab eodem ipso
 Deo, à quo iis subiuncti sumus, ab iisdem audiendis, clara pe-
 nitus minimeque ambigua rationum auctoritatumque luce reuo-
 cemur. Hæc illæ de Episcoporum decretis, de Romano
 autem Pontifice alibi, Sicut dubitantibus provincialibus Epi-
 scopis iubet Antiochenus Canon consuli vicinos; ita post vici-
 nos accersitos, si provinciales nihilò minùs dubitarent, neque
 convenire possent, quod in rebus dubiis & gravissimis factu per-
 facile est; minimè dubium est quin eadem opera consuli vellet
 maiores alios, ac denique supremam omnium Petri Sedem, fidei
 & unitatis ecclesiasticæ caput, cuius Præsulibus concessa est præ-
 cipua gratia & potestas fratres suos confirmandi, &c. Nam de-
 bitus à nobis Deo honor postulat, ut constitutos ab eo in terris
 ordines veneremur, & exquirenda mentis ac lucis ipsius, quas
 nobis reliquit vias, gradatim sequamur. Porro Episcopis qui*

720 DISSERTATIO DECIMA OCTAVA

Patres sunt, doctoresque Christianorum is superior proximusque ad consulendum doctor est, qui Pater Patrum, Doctor Doctorum, Episcopus Episcoporum est constitutus: ut quemadmodum ipsos potissimum alij audire debent, ita ipsi illum, solum ordinarium magistrum à Deo sibi praepositum. Id haustum ait è veteri lege, quâ Deus sanxerat, Ut quidquid difficile atque ambiguum oriretur, ad religionis suae verticem, atque ad Sacerdotes Levitici generis, supremumque iudicem Dei templo presidentem conferret se, & illius sententiam audiret. Hic perspicis 1. episcopalibus etiam de fide definitionibus, venerationem deberi, & animi assensionem, nisi perspicua, testata, & indubitata ratio contrâ suadeat, seu clara penitus, minimeque ambigua rationum auctoritatumque lux: at contra tam perspicuam claramque penitus & minime ambiguum lucem ac rationem, rarissimum utique est, nec ferè credibile est, ut Synodi provinciales quidquam definiant, nisi iam haereticum hauserint virus Episcopi, & à Catholicâ Ecclesiâ apertè desciverint. 2. Multò plus honoris & fidei summo Pontifici adiciendum esse, ut qui Doctor doctorum & ordinarius magister Episcoporum à Deo constitutus sit, gratiaque speciali roboratus ad confirmandos fratres: & eius gradum tenens Pontificatumque, quem lex divina iubeat in dubiis consuli, & audiri. 3. In dubiis Pontificem consulendum esse ab episcopalibus Synodis, tanquam ordinarium magistrum: & ex consequenti audiendum. Nam ad extraordinaria oracula, seu ad Concilia œcumenica num toties recurrendum erit, quoties dubia & perplexa excitabuntur? Ita pessimè prospectum esset Ecclesiæ. 4. Consensione tacitâ Ecclesiæ vniuersalis accedere pondus ineluctabile auctoritatis, & œcumenicæ Synodi non dissimile, definitionibus etiam provincialium Synodorum. Pontificis ergo de fide decretis vix aut nec vix potest non conciliari hæc consensio tacita vel expressa totius Ecclesiæ; cum illis suffragari & assentiri omnes debeant, quos perspicua, penitus clara, minime ambigua lux, & ratio non reuocat. Quæ sanè si Pontificem non reuocat

reuocat à definiendo, nec multitudinem Christianorum reuocabit ab assentiendo; hoc est, si nulla huiusmodi occurrat Pontifici definienti, nulla occurret prorsus fidelibus assensuris.

Quòd verò Pontifices aliquos errasse memorant, si vi aut cupiditate, vel insitiâ in errorem contendunt priuatim actos esse, non facile id quidem largiar, non satis firma ad id efficiendum argumenta proferri solent. Sed nunc quidem nihil moror. Id vnum urgemus, nil definisse Pontifices fidei aduersum. Non ergo vertitur, quid crediderint, sed quid docuerint. Quos docuisse aliena quæpiam à fide blatterant, suo sigillatim loco purgabimus. Adde & Concilia œcumenica alioqui futura, errasse etiam aliquando, v. g. Ariminense, & Ephesinum secundum. Sed, vt his statim vniuersa Christi Ecclesia intercessit palàm; quibus autem intercessum non est, iis inconcussa fide adhærescimus: ita si quid præposterum Pontifex docens Ecclesiam definiret, reclamaret Ecclesia vniuersa; atque adeo vbi non reclamat protinùs & palàm Ecclesia, vtrique assentitur, vtrique definitioni Pontificiæ certum & inuictissimum robur inesse vel sentit, vel facit, vel potius & sentit & facit. Ideo Duuallij sententiam à nostrâ nil discrepare interpretamur hætenus, quod indiscretam cum velimus Pontificis & Ecclesiæ causam atque authoritatem: nec negemus tamen magis popularem, videri & plausibiliorem Ecclesiæ personam: perinde nobis est Pontifici definienti, seu Ecclesiæ vniuersæ consentienti fides deuouetur: illius enim definitioni huius consensus confestim conciliatur: vt liquebit perlustranti omnium hætenus sæculorum mores suprâ enarratos.

Idque vt mihi quidem videri solet, momenti plurimùm habet ad pacem Ecclesiæ, inter tot æstuantem in hoc negotio altercationes, alendam. Nam nec Pontifices nimis importunè extundere satagunt, vt infallibiles habeantur; cum vt vt id inficiantur aliqui, ipsis definientibus sit.

XCV. Ad exempla Pontificum, qui iactantur errasse.

XCVI. Quàm modeste Pontifices suum hoc privilegium ostendant, & quàm id Ecclesiæ salubre sit.

Yyy

adglutinetur vniuersa Ecclesia, cuius iam fidem inexpugnabilem modestus audientiusque prætendunt: vt suprà Leonem X. imò omnes Pontifices audiuimus, & consentaneos illis scriptores ecclesiasticos, Catholicæ totius Ecclesiæ fidem ostentare, cùm solus Pontifex esset elocutus. Nec vicissim à Pontificis definitionibus desciscunt, vel qui eorum infallibilitati aduersantur; quippe qui Ecclesiæ saltem vniuersæ autoritate in officio retineantur indeclinabiliter, nec ad Concilium prouocare, vbi sola fidei controuersia exarserat, vnquam adgressi sint. Itaque tota eorum refragatio clancularia est, in angulis musfitat, furtiuas vexat schedulas; ne è latebris suis in publicum prodeat, ne hactenus à Constantiensi Concilio post qualemlibet Pontificum de fide constitutionem eruperit vel semel Concilij prouocatrix, obstitit Sol Ecclesiæ splendidissimus, cuius autoritatis Pontificibus deuinctissimæ radio opprimuntur.

XCVII. Quàm clementer sentiendum de Catholicis doctoribus sequitis sententibus.

Quod etiam temeritatis & erroris maculâ absoluit Duuallius eos, qui errare posse in docendo Pontifices pronuntiant, nec id abnuerim. Quanquam enim tam perspicua, & tam inconcussa illis omnium retro sæculorum ante Constantiensem Synodum traditio infesta sit: quantum aduersus nuperas tot hæreses sibi non discors Ecclesiæ disciplina refragetur: clementius tamen habendi sunt, tum quòd Pontificias constitutiones saltem Ecclesiæ Catholicæ contemplatione adducti venerantur: tum quòd aliud in Ecclesiâ, quàm in Scholâ; aliud moribus, quàm calamis sequantur. Abrepti enim torrente quodam vniuersitatis fidelium toto orbe effusæ, ad Pontificiorum de fide decretorum venerationem pariter impelluntur, nec penitus illibentes. Vt summum ergo, quod non semel iam suprà astruximus, his illi accensendi sunt, qui *minus* cautè & *simplicius* aliquid opinantur; nec Catholico nomine excidunt, quibus simplicitas sua patrocínio est. Nam vtrumque sibi docti videri soleant, non possunt tamen non valde hospites & peregrini in antiquissimâ Ec-

clesiæ & vniuersæ, & in primis Gallicanæ doctrina ac disciplina existimari, qui tam longè ab illâ deuiant; & nuperis dumtaxat, nec Ecclesiæ vbique terrarum approbatis documentis, nouellam suam opinionem communiunt.

• Utque ne Cusanum patiamur abire elinguem, et si ille paulò diuersa alibi scripserit, in epistola tamen 2. ad Bohemos hæc habet Augustino suo cum primis gemina. Nam Petrum Augustinus identidem prædicat personam Ecclesiæ totius sustinuisse, omnium dixisse nomine, Tu es Christus Filius Dei viui, omnium Dei sacerdotum vice audisse, Tu es Petrus, & super hanc Petram ædificabo Ecclesiam meam. *Cum illud unus pro omnibus dixerit, & hoc cum omnibus tanquam personam gerens ipsius unitatis acceperit. Ideo unus pro omnibus, quia unitas est in omnibus: ait ille tract. 118. in Ioan. Ecclesiam ut par est, sponso, corpus capiti indissociabiliter deuinciens, non exitiali conflictu collidens. Et Cusanus similiter: Nec est opus hoc loco inuestigare, an ideo veritas infallibilis sit in Ecclesiâ, quia ad Sedem illam unitur, tanquam à Sede riuus ille veritatis privilegialiter emanet: vel quia Episcopatus ille Ecclesiam amplectitur, ideo Episcopatus ille ab Ecclesia infallibilitatem fortitur: aut neutrum horum: quoniam puto, quod hoc non sit ad nostrum propositum necessarium. Licet credam ex mutua adherentia exurgere infallibilitatem, sicut esse humanum ex unione anima & corporis, uti Cyprianus dicit, Ecclesiam esse in Episcopo, & Episcopum in Ecclesiâ. Ita & hic primatus amplectitur Ecclesiam, sine qua non est, & ab quam est: Ecclesia amplectitur principem, sine quo una non est, nec persistere potest sine scissurâ in unitate. Quæ quidem unitas est de essentiâ Ecclesiæ, ut primatus propter unitatem conseruandam; ut ait Hieronymus, Petro primatum traditum. Addit mox Principem, ceu formam, ab Ecclesiâ, velut materiâ educi, hoc est; eligi: Nam in Ecclesiâ quadam apparet materialitas, inquantum subiectiuè consideratur ad regimen Principum: & in primatu formalitas; ut ex ipsis, tanquam ex materiâ & formâ, constitutur infallibilis*

XCVIII. Cusanus rursus vnam esse Concilii & Pontificis, indiscretamque vocem docet.

Y y y ij

*illa Ecclesia Catholica, quasi ex utroque confurgens. Vnde est Ecclesie vniuersalis infallibilitas, passiuè & m-
liter in membris Ecclesie omnibus, actiuè & for-
seu in Pontifice, seu in Synodo generali, sese ex-
prout ex re fuerint, nullo autem diuortio distoc-
Vnde & Melchior Canus lib. 5. qui est de auth. c-
cap. 5. Ecclesie auctoritatem eam nunc appello, quæ Syn-
etiam generalium & summi Pontificis est. Hac enim
res prorsus, ut non multum differat inter Ecclesiam, Conc-
Sedisque Apostolica iudicia. Propterea quod connexa
colligata sunt: quemadmodum esse videmus humanum c-
caput. Itaque ut corpus in capite sibi imperat, & in
bris obaudit sibi caput; ita Ecclesia vniuersa in Pon-
ce definit, Pontifex in Ecclesia sibi assentitur, quæ
Ecclesia in Episcopo, Episcopus in Ecclesia est. In
autem rixas sibi veluti somniant inter Pontificem
nientem, & Ecclesiam respicientem. Nusquam
stiusmodi iurgia, nisi in ipsorum cerebro.*

XCIX Ad eos
qui Pontificem
non satis operæ
posuisse in re ex-
aminandâ ca-
uillantur.

Quoniam autem ludificatoria hac exceptione a-
tur præfractiores aliqui, quod Pontifex non satis
ac diligentiam posuerit in re examinanda, adeoque
rare potuerit, cui si consultiores aliquos sibi adse-
& acriorem nauasset operam, utique crederetur. C-
hunc ut eiciat Melchior Canus loco supra lauda-
ueramus. *Quæ res ut de Conciliis quoque dicatur,
omnino causæ eadem. Nec enim existimare debemus, s-
solum Pontificem, cum dormierit, errare: cum non do-
verum dicere: Patres autem siue dormiant, siue vigilen-
per rectâ ingredi, & clausis, quod aiunt, oculis, vel in
obscura cernere. Quamobrem siue Pontificem, siue Con-
diligentiam in fidei causâ finiendâ in dubium vocant, ce-
se est, omnia Pontificum iudicia ac Conciliorum infirm-
mox ibidem: Deus disponit suauiter omnia, simulque
& finem, & media ad finem necessaria. Nec dubita-
quod in rebus naturalibus contingit, ut qui dat finem,
sequentia ad finem. Itaque præstat semper Pontifex, qu-*

est: praeſtatque Concilium, cùm de fide pronunciant: caditque cauſa, ſi quis è noſtris aliter exiſtimat. Quemadmodum enim ſi Chriſto Petrus diceret, Ego rogaui pro te Petre, ut non deficiat charitas tua: ceriò certius intelligeretur, diligentiam, curam, vigilias, preces, ceteraque auxilia opportuna illi impetraſſe, quae ſunt ad charitatis conſervationem neceſſaria: ita cùm dixit, Ego rogaui ne deficiat fides tua, proculdubio intelligimus, id à Patre ſuo conſecutum, ut quae ad rectum de fidei quaſtione iudicium oportere, ea aſſent Petro omnia, ſive à Deo, ſive ab homine expectarentur. Et infra: Si ſemel haereticis hanc licentiam permitimus ut in quaſtione vocent, num Eccleſia iudices eam diligentiam & curam exhibuerint, quae opus erat, ut quaſtio viâ & ratione finiretur: ecquis adeo cecus eſt, qui non videat, omnia mox Pontificum Conciliorumque iudicia labefactari. Et denique, Rogo, an fideles his qui de fidei quaſtione indicabunt, tantisper parere debeant, dum eorum negligentia innoſceſcit Eccleſia. Parere debent, aiunt. Iam igitur eo tempore errantibus iudiciis errabit Eccleſia. Sine vitio ſuo, inquis, Eccleſia tunc errabit. Agnoſco. Sed ut dictum eſt, ne hunc quidem errorem admittere in Eccleſiâ Dei debemus. Quid quod ſi ſemel de diligentia iudicum dubitamus, nouum examen, iudiciumque ſemper recens poſtulabimus, ut de diligentia adhibita, vel non adhibita cenſatur. Quae eadem breuius perſtrinxi. Duuallius pag. 241. & 302. 303. Huc refer luculentum teſtimonium Petri Damiani ſuprà iam adſcriptum, Gomorrh. cap. 26. hortantis Romanum Pontificem, ad ſcrupuloſarum difficultatum complanationem, ſacros Canones ut conſulceret, & prudentes viros ad conſultum huius neceſſariae indagatiſſimae adſciſceret: addentis autem poſtremo id, quo & conſulentiſſimae pietas, & dignitas Pontificij oraculi vehementeſſime illuſtraretur: Neque hoc dicere idcirco preſumimus, ut ad hoc, Deo auctore, ſufficere ſolam profunditatis veſtrae peritiſſimam ignorem. Sed ut dum ſacra auctoritatis teſtimonium adhibetur, dum plurimorum iudicio & conſenſu res geritur à peruerſorum hominum querela, qua forteſtis è diuerſo mutire non exubeſceret, ſopiaſur. Non enim facile patet querela: quod multorum

indicio constituitur. Sape autem sententia, quæ ab uno
ratâ iuris æquitate depromitur, ab aliis præiudicium dep

C. Rursus ex Fer-
rando non posse
discerni, & col-
lidi sibi Ecclesiæ
æ Pontificis au-
thoritatem.

Atque ut in quo videor plures videre crispant
sum, frontemque caperantes, id magis magisque
planetur, vnam esse Pontificis, Concilij & Ecclesiæ
uersalis infallibilitatem: aliqua rursus in eam rem
mulabo. Præclarè Ferrandus in epist. ad Pelag. &
tol. *Uniuersalia Concilia præcipuè illa, quibus Ecclesiæ
consensus accessit, secunda autoritatis locum post canonice
tenent. Et mox: Concilia quæ vetustas firmavit, & con-
druota posteritas, obedientiam de nobis exigunt, nullam
quentes dubitanti necessitatem. Et infra: Quæ finiunt
cantibus Episcopis sanctis, & ad B. Petri memoriam per
diligentiùs examinantur, atque firmanantur, sequenda
nenda sunt, amplectenda sunt. Et infra rursum, Ana-
gem Patris tui, & ne spernas consilium matris tuæ. Lex
fulget in canonicis libris. Consilium matris in uniuersis
consiliis continetur; ubi præter illos qui statuunt, quæ
sunt, nullus cogitur ultra subscribere. Sufficere enim iudicium
plenam confirmationem, si perducta in notitiam totius
nullum offendiculum moueant, vel scandalum fratribus
postolica fidei conuenire firmentur, Apostolica Sedis
consensu. Vbi vides triplicem statuendi de fide con-
dique potestatem, in Ecclesiâ synodicè collectâ, in
Ecclesiâ per orbem diffusâ, in Ecclesiâ Capiti suo in-
tâ: ut vna autem hæc Ecclesiâ est, ita vna auctori-
tas vna infallibilitas. Itaque citra vllam inuidiæ vel
suspicionem, citra vllum de palmâ & principatu in
hæc vna trinaque potestas vicissim & reciproce si-
fidio est. Nam & Synodi priorem Ecclesiæ confer-
confirmant, & Synodorum statuta posterior Eccl-
tius conspiratio corroborat. Similiter Pontificis
examine & assensu conualescunt Concilia cecur-
& decretis Pontificum subsecuta aliquando Con-
neralia lumen & pondus autoritatis accumularu-
nique Ecclesiæ toto orbe rutilantis lux & fides*

eum statutis firmitatis luminisque incrementum & debet & confert vicissim. Summa horum trium pax, nulla conflictatio, nulla æmulatio. Vnum Ecclesiæ corpus, capite & membris compactum; membra raro loci, semper spiritus & vnitatis vinculo constricta continens, constat & concinit sibi, nec se sibi committi patitur. Itaque in Concilio Ecclesia toto orbe sparsa representatur, & Ecclesia toto orbe sparsa perpetui & iugis instar habet Concilij. Frustra ergo alteram alteri, imò ipsam sibi collidis. Similiter Pontifex ut caput, non suam, sed totius corporis fidem vocemque promit; & totum Ecclesiæ corpus, quod capitis sui, hoc est, suo sensu & ore protulit, hoc amplectitur. Consensio denique totius Ecclesiæ ex Ferrando tunc statutis accessisse interpretanda est, cum *nullum offendiculum vel scandalum* mouetur, id est solo silentio, ut sæpe monuimus: & *consensu Apostolica Sedis*; quia non omnibus promptum est, oculos in vniuersum orbem circumferre, & Ecclesiæ consensionem explorare: ideo compendiosum est, Caput vnum maximè conspicuum consulere, & ex eo totius ediscere Ecclesiæ conspirationem.

Ita & Facundus lib. 7. aduertit nondum tantam prius fuisse Ephesinæ primæ Synodi authoritatem, quanta post fuit, *tantis dissentientibus qui moniti fuerant, simul in ipsum Concilium conuenire*; Item *Cum necdum etiam iudicio magna Chalcedonensis Synodi firmaretur*. Denique, *Et ipsa multum roboris ad authoritatem addit antiquitas*. Et ex eodem suprâ relato, Synodi ipsius Chalcedonensis placita hortante Marciano, Episcopi Synodorum prouincialium longè plurimarum notâ consensione firmauere. Non deerat Synodo œcumenicæ suum ab exordio robur. Sed vires viribus, iura iuribus non superuacaneum est accumulare, ad fatigandam plerumque, & expugnandam hominum contumaciam. Itaque & Synodus Synodo, & antiquitati posteritas, & maioribus nepotes consensione suâ firmitatem exaggerant; & inexpugnabilem licet authorita-

Cl. Item ex Facundo.

P. 2. 297.

tem inexpugnabiliorem efficiunt: nec in his imaginandi gradus maioris, & minoris, sibi que discordis, ac semper pugnacis potestatis. Sed ex aduerso vna vbique oculis animi & fidei oblicienda est Ecclesia, noua & vetus, iuuenis & antiqua, eadem nunquam noua, & nunquam vetus, sibi indeclinabiliter consentiens, sibi aliis & aliis nominibus artibusque, apud imbecilles & minùs morigeros, auctoritatem extiuens.

(H. Summa ca-
pituli in vnam
conspicitur,
cubus vna effi-
ciunt, aut non di-
spat. Pontificis &
œcumenicæ Sy-
nodi auctoritas.
Vbi & minime
aqua difficulta-
tem distinguen-
tur.

Nec cui autem incogitantius fortè verbosiores istas dissertationes præteruolanti, videatur vna Pontificis & Synodi auctoritas dictitari crebriùs, non item probari; probationum dissipata huc & illuc capita, & veluti fastigia, inuabit hoc loco constringere in vnum, atque oculis subiicere. Ita ergo Christus ipse, Augustino & Patrum Senatu sexcenties testificante, totam Petro inclusit Ecclesiam, ipsum, id est, in ipso & ipsum & Ecclesiam, & fidei præconium, & Petreæ inconcussam stabilitatem, & celestium clauium potestatem, & Sacerdotij infulas, & diuinam denique omnem complicituit opulentiam: in vno nempe & vniuersitatem & vnitatem præformans; non lites, non iurgia de primatu præseminans, sed præfocans; quod Augustino & aliis Patribus persuasissimum fuit, nusquam hinc vel suspicatis vllum Ecclesiæ & Pontificis conflictum, sed Petri inter Apostolos principatum, Ecclesiæ cum ipso vnitatem indubitanter auguratis. 2. Ita inter Apostolos ipsos constabat, seu Petrus cælesti oraculo admonitus bipatentes Ecclesiæ fores Gentibus aperiendas censeret: seu ipsorum quilibet non sine tacito aliorum, & maximè eorum qui videbantur esse Columnæ, potissimum verò Petri consensu, quidpiam in Ecclesiis administrandis seorsim sciscerer: seu communi tractatu, siue œcumenico quasi Concilio eadem ipsa confirmarent: promiscuè prorsus hæc omnia, & pari honore habenda. 3. Ita Synodi ipsæ vniuersales sensere, cum Romanum Præfulem sibi, vti Caput membræ præesse & præfuisse dixerunt. Quam vna enim Capitis & mem-
brorum

brorum vita ac substantia est, tam authoritas dignitasque vna & indissociabilis. 4. Ita eadem Synodi, cum Romanum Antistitem, ut Patrem, se ut Filios profiterentur, vnam Ecclesiæ domum, vnam sub vno Patrefamilias beneuolentiam, consensionem, & omnium denique indiuiduam societatem clamant. 5. Cum rareret & debeat & possit colligi Synodus œcumenica; incidant autem interea eiusmodi rerum discrimina, quibus illico, & pari cum synodicâ potestate obuiandum sit: parem synodicæ, vel synodicam ipsam potestatem, necessum est Principi Sedi demandari, ab eâque perenniter administrari, suffragante vnâ reliquo episcopali collegio. Ita olim Iulius, Innocentius, Leo, Felix, Gelasius, Martinus, Gregorius, alique Romani Pontifices, in fide tuendâ, in Episcopis restituendis, & causis istiusmodi aliis profligandis, tantam prorsus, quantam Synodi vniuersales, quas cogi tunc nefas fuit, vel non statim fuit, potestatem exeruere. 6. Post Synodum certè, tota eius exequendæ, vel ad veniam emolliendæ authoritas penes vnam maximè Petri Sedem fuit, ut prælibatum suprâ est, ut alibi copiosè disseretur. At potestas legumatrix, executrix, dispensatrix, vel vna, vel non dispar est. Ideo suprâ Cælestinus, Leo, Agatho, Hadrianus Synodis generalibus suorum decretorum executionem mandabant: & vicissim alibi Synodi Pontificibus. 7. Quid illud, quod cum Synodo prouinciali si quid definit Petri Cathedra, in indubium fidei dogma id euadere, omnes penè consentiunt? Nonne tunc œcumenicam authoritatem prouinciali decreto ut adiiciat, obtineat & circumferat ipse Pontifex, necessum est? 8. Hactenus à reipublicæ Christianæ iactis fundamentis non aliter longè plures damnatæ, extinctæque sunt hæreses, quàm earum damnationem vel decernentibus, vel decretam à particularibus Ecclesiis Synodisque, postea confirmantibus Matribus & Originalibus Ecclesiis, & Romanâ maximè, in quâ, teste Augustino, semper viguit Sedis Apostolicæ.

principatus. Usque adeo autem par ista erat, eademque cum œcumenicâ Synodicâ potestas, ut collectæ Synodi œcumenicæ easdem hæreses tametsi adhuc ferocientes iteratò proscribere plerumque supersederint. 9. Oecumenicæ Synodi quo instinctu impetuque collectæ sint, si attendas, aliquas perspicies penè ex redundanti congregatas, cum subinuita tanto strepitu fatigaretur Ecclesia, gnara se citra Synodum vel consequi idem posse, vel iam consecutam. Secunda ad alias magis causas, quàm ad fidem coaluit, nec ut œcumenica coaluit. Tertia ad Principis vnus consilium confluxit, cum & Cælestinus, & Cyrillus, & ipse Antiochenus quodammodo Ioannes Nestorij vesaniam prædamnassent. Aduersus Eutychetem nihil opus esse Synodo, & Flavianus Constantinopolitanus, & Leo Romanus consenserant. Quintam principali vi vnus penè Iustinianus coëgit. Sextam nec Pogonatus ipse ut œcumenicam congregauit: Romani autem Pontifices per Lateranensem sub Martino, & tot alias, abundè perfecterant, ne cœtu œcumenico opus esset. Septimam vni Ecclesiæ Constantinopolitanæ coisse, cum aliæ Sedes omnes ab Imaginum cultu non recessissent: & vnus admodum sæculi curriculo, nec in Oriente, nec in Occidente inter œcumenicas locatam esse infra docebimus. Octaua priuatis tantùm Ecclesiæ CP. vulneribus curandis impensa est. Ut hæ denique, & non aliæ, putà Romana sub Damaso, Lateranensis sub Martino, Romana rursus sub Gregorio, & cæteræ istiusmodi in album œcumenicarum referrentur, species magis & pompa effecit, quàm momentum & pondus. De his enim, perinde ut de quatuor primis, dici posset cum Gregorio, Euangeliorum instar esse has Synodos, seu fidem his Synodis definitam. 10. Itaque cum secunda, quinta, sexta, septima, ex particularibus penè Synodis in œcumenicas euaserint consensione accedente Sedis Apostolicæ: cum Synodos omnes generales indicat, confirmetq; vna principaliter Sedes Apostolica; quis hinc non perspicit œcumenicam illam authoritatem Capiti

concretam, capiti cum vniuerso corpore communem?
 11. Cùm ante Tridentinam Calvinianorum, ante Florentinam Græcorum, ante Constantiensem Vuiclephi, ante Septimam Iconomachorum, ante Sextam Monotheletarum, ante Quartam Eutychetis, ante Tertiam Nestorij & Pelagianorum errores ita prædamnasset Sedes Apostolica, vel Occidente toto, vel Occidentis parte maximâ sibi succinente: vt in œcumenicâ postea Synodo non potuerint veluti dubiæ & ancipites hinc & inde disceptari quæstiones illæ, sed vt indubiæ confirmari sine retractatione, aut cum eiusmodi retractatione, quæ non ad ambiguitatem dispungendam, sed ad veritatis certæ lucem cumulandam pertineret: quis non hinc exprimit id, quod vltro elicitur, vim œcumenicæ & ir retractabilis definitionis extra Synodum œcumenicam, etiam penes Petri Cathedram residere? 12. Ideo à Pontifice ad Synodum non prouocatur in fidei causis; & si quando prouocatum est, illa potius fuit supplicatio; illud fuit Reuisionis, non Appellationis iudicium. Nimirum ab ipso ad ipsummet prouocari non potest propriè, potest supplicari: ipsemet autem est, qui & ante Synodum, & in Synodo causas cognoscit. Ideo & tunc non à Pontifice tantum ad Synodum, sed ad futurum etiam Pontificem, & ad ipsummet melius informatum prouocabatur. Vsq̃ue adeo exploratum erat, synodicum tribunal non aliud esse, quàm ipsummet summi Pontificis, sed pompaticum & splendidissimum. 13. Vnum similiter est Episcopi cuiuslibet cum Parochiæ suæ, Metropolitanæ cum Prouinciæ, Primatis seu Patriarchæ cum Diœceseos suæ Synodo tribunal, vnum iudicium. Omnes quippe isti crescentium per varios gradus Synodorum præsides, & Synodi quisque suæ vicem suppleant, dum ea colligatur: & vicem implent, sicubi aut si quando ea colligi desierit: nec ab ipsis ad suas, sed ad superiores Synodos prouocatio est. Quin ergo & pari prerogatiuâ, pari cum suâ, hoc est, cum œcumenicâ Synodo, compaginatione fruatur Sedis Apostolicæ principatus diuinitus institutus? Et quidem tantò æquius, quod Synodi

Z z z z ij

episcopales & metropolitica ordinariè ac frequentissimè possunt, & per Canones debent colligi: œcumenicæ autem nonnisi extraordinariè & infrequentius possunt congregari: eoque magis egent vicario & perpetuo Magistratu, à quo suppleantur. Vbi vnam autem & indiscretam Capitis & Corporis, Pontificis & Ecclesiæ, siue Synodi œcumenicæ auctoritatem esse toties ingeminaui, dialecticas equidem tricas, argutiasque ab his sensu utique deprecandas. Alioqui nec Synodus & Ecclesia, hoc est, nec ipsa sibi Ecclesia, vna eademque erit. Ariminensem, Mediolanensem, Ephesinam secundam Synodum à Pontificibus reprobatae oggeres? At reprobatae sunt & ab Ecclesiâ Catholicâ. An ergo Synodus & Ecclesia vnum non est? Est enim uerò, sed vera & modesta, non latrocinialis Synodus; hoc est, est omnino, si modò sit Synodus, non prostibulum. Quintam Synodum Vigilio diu conflictatam aies, adeoque Synodi & Pontificis maiestatem longè diuersam, & quandoque aduersam? Imò nec Synodus fuit œcumenica, quandiu aduersatus est illi Vigilius, Occidente vniuerso succinctus. Itaque ita Vigilius Synodo, ut Ecclesia Ecclesiæ, Occidentalis Orientali collidebatur. Et tamen vna est Ecclesia. De Constantiensi & Basileensi Concilio specialis suo loco dissertatio instituetur. At Pontifex Synodos confirmat, infirmatque? Respondeo, tantò certius vna, eademque vtriusque vis & potestas est. Deest enim Synodo vis œcumenica, nisi hanc Sedes Apostolica semet adglutinando adglutinet. Ita prorsus & Ecclesia Catholica, posteritasque confirmat Synodos assensu, fide, moribusque suis: etsi Synodus, imò eò quòd Synodus & Ecclesia vnum quid est. Ita Synodi alia alias confirmant, cùm Ecclesia vna per ætatum lapsus varias agitet Synodos. Etsi auersis autem vestigiis insistere videatur, eodem tamen contendit atque conspirat hæc duodeuigesima dissertatio cum quartâ superiore. Ibi hæreses inurebant Synodi particulares, vel sine Synodis Ecclesiæ, cæterarum Ecclesiarum,

& ante alias accedente Apostolicæ Cathedræ consensione: hîc decreta fidei condit Sedes Apostolica, cui indissociabiliter adglutinata cohæret Collegij Episcopalis & Ecclesiastici corporis vniuersa compago. Vna vtrouque profligandi erroris, & fidei sancienda ratio, vna potestas, vna veritas. Ne quæras, vtri seorsim, Pontifici an Ecclesiæ, Synodove ea prærogatiua adsit, cum nusquam seorsim fuerint, nusquam dissenserint, nisi inter peregrinam hyporheseon inaudita figmenta. Ne quæras vtri à Deo, quia vtrique à Deo, vtpote vna, vtpote vni illa assignata dos est. Ideo cum à nobis alterutri arrogata est, alteri adeo non abrogabatur, vt ad nauseam vsque inculcauerimus cum Cypriano epist. 69. *Esse Ecclesiam plebem Sacerdoti adunatam: & Pastori suo gregem adhaerentem: Episcopum in Ecclesiâ esse, & Ecclesiam in Episcopo.* Nobis certè non arbitrarías comminiscuntibus hypothesés, sed rerum retro gestarum memoriam reuoluentibus talis semper occurrit Pontifex cum Ecclesiâ, Ecclesia cum Pontifice in fide statuendâ. Vsque adeo vt Apostolicæ Cathedræ priuilegio tota se induerit Occidentalis Ecclesia in epist. 125. Episcoporum Romæ congregatorum ad Pogonatum Imp. *Ipsam Catholicæ fidei splendidissimum lumen, ex veri luminis fonte, tanquam de radio vniuersi fulgoris per ministros beatum Petrum & Paulum Apostolorum Principes, eorumque discipulos & Apostolicos successores, gradatim vsque ad nostram paruitatem, Dei opitulatione seruatum est, nullâ heretici erroris tetra caligine tenebratum.* Ecclesiæ Occidentalis præ Orientali inconcussam fidem, suæ acceptam ferunt indiuulsæ cum Sede Apostolicâ consensioni. Quibus ita præluserat Augustinus: *An ideo contemnendos*

AR. 4.
Sjn. 6.

L. I. con. Iul.
cap. 4.

rem tuam Pelagianis laqueis exuisses. Quid enim potuit vir ille sanctus Africanus respondere Conciliis, nisi quod antiquitus Apostolica Sedes, & Romana cum ceteris tenet persenerantur Ecclesia, &c. Non est ergo cur pronoces ad Orientis Antistites, quia & ipsi utique Christiani sunt, & utriusque partis terrarum fides ista una est, quia & fides ista Christiana est. Et te certe Occidentalis terra generavit, Occidentaliu regnerant Ecclesia.

CIII. Supraposita de Concilio & Pontifice doctrina ostenditur nihil officere Libertatibus Gallicanis: ex ipsis eorum Patronis. Et primò ex Petro de Marca.

In censura librorum de Libertat. Eccl. Gall. anno 1639.

Lib. 3. cap. 7. in Synopsi.

Nunc mihi deprecandam sentio eorum excandescentiam, qui pro Gallicanis Libertatibus velut ex officio certant. Procul amandandos enim, qui has Ecclesia Gallicanae servitutes, potius quam libertates promiscuè & proteruè interpretantur: esse autem vera quadam, & gloriosissimi Regis nostri iura, & Gallicana Ecclesia privilegia, Clero Gallicano pronus lubensque acquiesco: quibus ut nulla aetas, nulla auctoritas derogavit: nec nos derogare, aut ea conuellere volumus, aut intendimus. At concussa videbuntur aliquibus hæc libertates, concussa iura, concussa privilegia, sollicitato eo, cui inniti existimantur, fundamento: nimirum, minorem esse Concilio Pontificem, & ab isto ad illud ritè prouocari. Hanc ergo obiectionem, hanc criminationem nullo opportuniùs, nullo efficaciùs propulsabimus patrocínio, quàm eorum ipsorum, qui cùm seculari ac senatoriâ claterent purpurâ, studia calamosque suos harum libertatum tuitioni dicauerunt. Non mea ergo, sed ipsamet illorum allegabo verba, sensa, argumenta. Familiam ducat Petrus de Marca, Ordinarius sacri Consistorij Consiliarius, & in supremo Navarra Senatu Præses, dum hæc scriberet, libro de Libertatibus Ecclesie Gallicanae, siue de Concordiâ Sacerdotij & Imperij, inscripto. Sic ergo ille, omnium eruditorum iudicio, nulli secundus in hoc argumento, nulli non antehabendus. Confutatur communis opinio, quæ docet præcipuam libertatum regulam hanc esse, ut Concilium æcumenicum superius Romano Pontifice dicatur. Quamuis hac sit Schola Gallicana sententia, non est una ex Libertatibus Gallicanis. In foro perinde est, si summus Pontifex æquo vel superiori iure cum Conciliis utatur. Vbi id tantum

*expenditur, an noua rescripta noceant Ecclesia Gallicana. Et
 mox: Solet à plerisque pragmaticis hoc ferè præcipuum constitui* *Ibid. c. 7. n. 1.*
*Libertatis Gallicanae theorema, Concilium æcumenicum superius
 esse summo Pontifice: unde sequatur nihil à Sedis Apostolica
 Prasulibus tentari posse quod Synodorum generalium definitioni-
 bus aduersetur, &c. Attamen si cum bonâ Magistrorum veniâ,
 id quod sentio, liberè profiteri liceat: existimo libertates Eccle-
 siæ Gallicana hoc axioma non omnino niti. Qui Romani Pon-
 tificis odium in has libertates concitant, id præcipuè urgent, eas
 aliâ ratione constare non posse, quàm Apostolica Sedis dignitate
 in eo maximè imminutâ, quod Pontifex Concilij generalis au-
 thoritati subiiciatur. Attamen hac sententia, &c. in foro apud
 nos non disceptatur: qui libertates perinde tuemur, si de Con-
 cilij generalis nonis decretis, ac si de Romani Pontificis constitu-
 tionibus agatur. Quin etiam receptos mores & consuetudines Ec-
 clesiæ Gallicana nostro vsui commodas adeo retinemus, ut eisi
 canone Concilij generalis destituamur, quò illa firmata sint: ta-
 men ab iis nobis discedendum esse non censeamus. Quibus ex
 argumentis inuictissimis tandem id concludit: Quare non
 est, quod hæreamus in eâ regulâ, quæ Romanis stomachum mo-
 uet, & quæ rebus nostris non prospicit, ut par est. Fruatur sum-
 mus Pontifex, aut æquo iure cum Conciliis generalibus, aut su-
 periori: illud vnum in foro expendetur, an noua Constitutio,
 vel nouum Rescriptum rebus Gallicanis consulat, aut noceat. Si
 receptos Canones, vel receptos mores infringat aliquo pacto, eius
 ratio non habebitur, nisi consensu publico accedente. Sic ille
 mutantis, sibi ipsi infestat, & Romanis stomachum mo-
 uentis sententiæ fundamentum amouet; aliudque postea
 suggerit, eò firmitus, quòd plurium consensu fulciatur.
 Sed quia Theologis & nostris interpretibus placuit, aliam quo- *Ibid. lib. 3. c. 15.*
 que difficultatem attingere, scilicet, quid agendum sit, si Re- *n. 2.*
 scripta ita Canones & disciplinam violent, ut in apertum Chri-
 stiana Reipub. detrimentum cedant: referendam duxi eoràm sen-
 tentiam: quæ adeo apud illos certa est, ut in eam ex æquo con-
 sentiant utrinque opinionis vindices; tum qui pro Pontifice
 stant in controuersia de Conciliorum authoritate, tum illi qui*

- Concilium Pontifici preferunt. Afferunt omnes eo casu reuerenter agendum cum Romanâ Sede, ita tamen ut executio Rescriptorum suspendatur. Non quod aliquis, inquit, Caietanus, possit esse index Papa, aut authoritatem habeat in illum, sed per modum defensionis. Cuiuslibet enim est ius ad resistendum iniuria, & impediendum, defendendumque. Tum Caietano plures astipulatores accumulatur, additque: Quae sic interpretanda sunt, ut inde argui non possit defectus authoritatis in summo Pontifice, sed defectus intentionis, ut loquuntur nostri. Et idem*
- Lib. 4. c. 1. n. 4.* ipse infra: *Primis temporibus Ecclesiae Gallicanae libertas in eo viguit, ut nova decreta discerneret: & si qua aut Canonibus antiquis aduersarentur, aut receptis moribus, consensum suum rebus novis non praeberet: hacque ratione sine tumultu, & servatâ semper Apostolica Sedis reuerentiâ, decretorum executionem impediret. Supersedeo exemplis & probationibus adscribendis, quas ille coaceruat. Et infra: Perstabat adhuc idem*
- Ibid. cap. 9. n. 1.* *usus in Gallia, an. 1226. per solum dissensum Regis, Episcoporum, & Procerum, libertates suas inente Ecclesiâ Gallicanâ.*
- CIV. Rursus de eodem ex eodem.* Iam verò quod ad appellationes attinet, sic rursus ille: *Primus omnium qui appellatione usus est ad futurum Concilium, prodit sese apud Historicos Fridericus II. Imperator. Qui ad Concilij cognitionem evocatus à Gregorio IX. & ab Innocen-*
- Ibid. cap. 17. n. 4.* *tio IV. Thaddaeum Legatum ad Concilium Lugdunense misit, anno 1245. Hic post exceptiones Friderici propositas, cum ferendam videret ab Innocensio depositionis sententiam: appellavit pro eo ad Concilium proximè futurum generalius. Et paulò*
- Cap. 17. n. 1. 2. 3.* *suprà: perstricto obiter dissidio Bonifacij VIII. & Philippi Pulcri; Tum Guillelmus de Plesseiano ut se tutum à Bonifacij censuris praeberet, futurum Concilium generale appellavit, & futurum Papam Catholicum, & Sedem Apostolicam. Et mox ait, hanc novam rationem in Ecclesiam inuectam, ab iis qui se Romana Curia censuris premi existimabant; scilicet Appellationem à Papa decreto ad futurum Concilium. Novam dixi, quia nunquam in Ecclesiâ admissa fuit provocatio à Papâ ad Concilium: licet aliquando remedio quodam extraordinario, Sedis Apostolicae iudicium in maiori Synodo instauratum fuerit, Quod illi facile*

cile concedens, quibus perspecta est antiqua disciplina. Et paucis intertextis: Aliquando ad procurandam Ecclesie tranquillitatem, Imperatorum rescripto Apostolica Sedis iudicia in maiori Synodo instaurari contigit, in qua per Legatos Romanus Episcopus intererat. Quae ratio longè differt ab appellatione. Vt enim inquit Hermogenianus Iurisconsultus: Appellatio iniquitatis sententiae querelam, in integrum verò restitutio erroris proprii veniae petitionem, vel aduersarii circumventionis allegationem continet. Deinde Iudex à quo appellatur, de appellatione non cognoscit: sed is à quo supplicatur, instauratum iudicium peragere potest. Denique eruditi viri Andreæ Duuallij hæc verba adscribit: *Maneat itaque hoc* Ex part. 4. quæst. ult. *ratum & constans, omnem à summo Pontifice ad Concilium siue futurum, siue præsens appellationem, esse prorsus illicitam: idque siue Papa sit infra, siue supra Concilium. Dices, Principes & Respub. grauiter nonnunquam conqueri, se à Pontificibus graues iniurias pati, nullumque ad has depellendas efficacius remedium esse, præter prouocationem ad Concilium generale. Respondeo non licere propterea ad Concilium prouocare; cum Principes sibi suisque rebus possint aliâ viâ consulere, scilicet non obediendo mandatis Pontificiis: imò si aliter non possunt sibi succurrere, strenuè prudenterque resistendo, & cum eâ moderatione, quam superiori quæstione, ubi de iniquis & Ecclesie perniciosis dispensationibus, assignauimus.*

Si quos dignitatis ratio, si collegij honos, si tantæ eruditionis fama minùs moueat, mouebit illos, ut spero, probationum vis, & ipsa causæ, cui consultum volunt, incolumitas. Nam 1. quidem si libertas Gallicana perinde refellit noua Conciliorum generalium statuta, atque decreta Pontificum, pristinis suis legibus, moribusque refragantia: alienum prorsus est eam illi sententiae superstrui, quâ Concilio Pontifex subiicitur. Discors enim ipsa sibi, Concilio Pontificem & subiicit & exæquat: Et quidem verbo subiicit, re exæquat: cum aduersus vtriusque noua decreta ex æquo pristinos suos mores propugnat. 2. Si aduersus nouitatem decreti pontificij maio-

CV. Ex antedictis duodecim exculpuntur argumenta, quibus hæc doctrina ostenditur nihil obstrepere libertatibus Gallicanis.

Aaaaa

rem prouocas Concilij œcumenici authoritatem: hanc consequenter tibi legem indicis, hunc necessitatis induis laqueum, vt Concilij decretorium subeas iudicium, eiusque sententiâ stes. Itaque Gallicanæ libertatis dimidia pars vno hoc verbo à suis ipsismet defensoribus præter mentem detruncatur. 3. Non omnia Gallicanæ libertatis capita aliquo Conciliorum generalium statuto nituntur. Pleraque Gallicanarum Synodorum antiquis legibus, vel receptis tantùm moribus contineri dicuntur. Non ergo pro Conciliorum maiestate aduersùs Pontifices, sed pro antiquitate aduersùs nouitatem quorumcumque, seu synodaliū, seu pontificiorum statutorum decertat libertas Gallicana. 4. Conciliorum Constantiensis & Basileensis decreta, non pura & mera, sed quibusdam *modificationibus* temperata amplexari sunt Maiores nostri, vt infra docebitur: nempe quasi ad Gallicanos mores vsusque castigata. Ergo cū his Conciliis, veluti munimentis quibusdam maximè se iactent vindices Gallicanarum libertatum: vel in his ipsis tamen experiuntur, exæquari quodammodo Concilia Pontificibus, & parē circa horum illorumque decreta exeri libertatem. 5. Quid quod Pragmaticæ Sanctioni ad Constantiensia & Basileensia decreta contemperatæ, vale diximus tandem; & Concordatis solâ Pontificis authoritate, regioque consensu munitis acquieuius? Nonne palam est, hīc saltem desisse nos, Concilia Pontificibus anteponere? 6. Quid Tridentinum Concilium memorem? Eius compluribus decretis nequedum Gallicana se coaptauit disciplina: nec tamen superius aliquod œcumenico Concilio tribunal, aut quasi generalius Concilium appellauimus. 7. Ante Fridericum II. intentatæ, inauditæque prorsùs fuerant appellationes à Pontifice ad Concilium. Huius & initij, & initiatoris suppuderet Gallicanas libertates. Has enim ante octingentos annos viguisse, & ab vsque Caroli magni regno ad hoc æuum perdurasse, tum Scriptores ceteri, tum Oratores Regis Christianissimi ad Concilium Tri-

dentinum missi frequentius inculcarunt. 8. Quin & Fridericus ipse non à Pontifice tantum ad Concilium, sed & à Concilio generali ad generalius postea prouocauit. Expertus videlicet deo coniunctam indiuiduamque Pontificis & Concilij authoritatem, vt à Pontifice ad Concilium, non aliud sit, quàm à Pontifice ad Pontificem Concilij Præsidentem prouocare. 9. Quod senserunt & Galli sub Philippo Pulchro Rege, cum primum in vocem appellationis eruperunt *ad Concilium, & ad futurum verum & legitimum summum Pontificem, & ad illum, vel ad illos, ad quos de iure fuerit appellandum: supponentes se protectioni diuina, & BB. Petri & Pauli, & dicti Concilij generalis, ac Sedis Apostolicæ, & futuri veri & legitimi summi Pontificis.* Et rursus Vuillelmus de Nogareto post obitum Bonifacij: *Appello ad Sedem Apostolicam, ad totamque Dei Ecclesiam congregandam, & ad summum Pontificem futurum legitimum, seu ad eum, quem melius valeam appellare.* Nempe conserta hæc illis, & penè concreta non immeritò videbantur omnia, Pontifex, Sedes Apostolica, Concilium, Ecclesia, Pontifex præsens, Pontifex futurus. Ideo & promiscuè hæc habebant. 10. Nec tunc tantum veluti rudes adhuc & inexperti harum appellationum, utpote nouarum, & à Friderico nuper dedicatarum, ita indiscriminatim appellabant: sed & postea sapissime. Vnde & Ludouicus XI. Oratoribus suis mandauit, *Si opus fuerit, appellare ab ipso summo Pontifice malè consulto, ad eundem summum Pontificem benè consultum, seu proximum futurum Concilium vniuersalis Ecclesiæ.* Ita an. 1478. At an. 1484. Procurator Generalis prouocauit & appellauit ad sanctissimum dominum nostrum Papam Sixtum minus debite consultum, ad ipsum melius consulendum: aut ad illum, vel illos, ad quem, seu quos de iure prouocare & appellare mihi licet. Et an. 1491. Vniuersitas Parisiensis: à sanctissimo domino nostro Papa Innocentio VIII. minus debite consulto, ad seipsum melius consulendum: & ad sanctam Sedem Apostolicam etiam melius consulendam: nec non ad sacrosanctam Synodum vniuersalem celebrandam, illumque vel

Preuves des libertés de l'Egl. Gall. c. 13. n. 5. 7. 9.

Ibid. n. 13.

Ibid. n. 15.

Ibid. n. 16.

Ibid. num. 18. &
6. 21. n. 19.

illos ad quem, seu ad quos de iure pronocare & appellare nobis licet, pronocamus & appellamus. Et an. 1501. Capitulum Parisiense prouocat ad Papam melius consulendum, vel consultum, & sacrosanctam Synodum vniuersalem primò celebrandam. In his prouocationibus non sunt comminiscendi gradus potestatis maioris & minoris, superioris & inferioris. Nec enim pontifex idem seipso meliusculè consulto, vel præcessor successore suo minor, inferiorve est. Ita & Pontifex Synodusque non præponi postponive sibi necessario debent: sed vtrique potestati, vt à Christo institutæ assurgitur, & sub prouocationis nomine supplicatur. Vt enim à Pontifice ipso ad ipsummet, vel ad successorem: ita à Pontifice ad Synodum supplicatio erat, etsi prouocatio dictitaretur: vnde vtrumque fiebat promiscuè.

11. Luculentiùs id fiet exemplo Cleri Hispaniensis, an. 1532. prouocantis, id est, supplicantis aduersus diploma Hadriani VI. Papæ, quo se grauari existimabat: *Cum inde nasci non debeant iniuria, unde iura nascuntur; ad supplicationis remedium nobis recurrendum est: & à præfato sancto D. N. Papæ non bene informato, ad eundem melius informandum, supplicandum est. Idcirco nos, &c. ab eodem D. N. P. Hadriano VI. non bene informato ad eundem melius informandum supplicamus: & à R. D. Archiepiscopo, quatenus dictæ exactio- nis executore præsenso, &c. appellamus, &c.* Supplicant Pontifici, prouocant ab executore rescripti pontificij.

12. Non malè mereri ergo de patriis libertatibus æstimandi sunt, qui tutioribus, certioribus, antiquioribus & minùs inuidiosis eas superstrui iubent fundamentis: nec his committi litibus inter Concilium & Pontificem, atque prouocationibus; de quibus omnium postremus, idemque longè doctissimus libertatum Patronus ita censuit: *Hanc non esse vnā ex libertatibus Gallicanis; in foro perinde esse, si summus Pontifex a quo vel superiori iure utatur cum Conciliis: libertates Gallicanas hoc axioma non niti: non est quod hæreamus in eā regulā, quæ Romanis stomachum mouet, & rebus nostris non prospicit, ut par est: fruatur summus Pontifex aut*

Ibidem c. 23. n. m.
29.

aquo iure cum Conciliis generalibus, aut superiori, &c. Nunquam in Ecclesiâ admissâ fuit provocatio à Papâ ad Concilium. Sed quod in regio habetur diplomate, de pontificiâ & regiâ potestate suis utrâque finibus & officiis discretâ: idem de Synodicâ, & Pontificiâ sentiendum, utramque à Deo institutam, utramque à Deo pendulam, neutram *ibid. c. 37. n. 13.* *alteri vel praponendam, vel postponendam, vel adequandam, vel omnino componendam; sed alteram alteri coniunctissimam existimandam: quod comparationibus invidia quædam ultro adhærescat.*

Strictim & alios delibabo Gallicanarum defensores libertatum. Petrus Pithæus in breuiario Gallicanarum Libertatum c. 5. *Etsi Pontifex supremus habeatur in rebus spiritualibus, in Galliâ tamen locum non habet potentia infinita & absoluta; sed circumscribitur Canonibus & Regulis antiquorum Conciliorum in hoc regno receptis. Et in eo maxime consistit libertas Gallicanæ Ecclesiæ, ut disertis verbis Vniuersitas Parisiensis pronunciat, &c. Audin' supremam, absolutam, infinitam potestatem Pontificis? In Galliâ tamen reuinctam antiquis Canonum vinculis, & decretis priscorum Pontificum. Ibi nec verbum sonat de lite & victoriâ Concilij supra Pontificem. Nempe cum & Pontificis infinita supremaque potestas agnoscat. Nempe cum Galliæ ea sit prærogatiua & peculiaris libertas: quæ ad alias peræquè effunderetur gentes Christianas, si ex diminutâ infra Concilium auctoritate Pontificis scaturiret. Ea enim ratio, ea libertatis scaturigo æquè ad omnes permaneret. Et infra cap. 41. *Etsi in Synodis nihil sine Pontificis auctoritate definiri potest, non tamen existimatur ille vniuersali Concilio superior esse, sed eius decretis ligatur, ut Ecclesiæ sponsa Christi imperiis, &c. Et c. 42. Ecclesiæ Gallicanæ non omnes indiscriminatim admisit Canones & Epistolas Decretales, sed eas quæ antiquo Corpore Canonum usque ad Gregorium II. continentur. Negat superiorem esse Concilio Pontificem, & nos toties negauimus, quoties hac comparatione, hac rixâ nouâ, olim inauditâ, inuidiosâ, inutili supersedendum esse incul-**

CVI. Idem efficitur ex aliis defensoribus libertatum.

cauimus. Ligari Pontificem Canonum Synodaliū nexibus asserit, in id & ipsi assentiuntur Pontifices, & nos altero harum dissertationum tomo rem istam ita speramus elucidandam, ut nec de pontificiā maiestate quidquam decerpatur, & legitimis tamen libertatibus antiquorum Canonum tenacioribus fiat satis. Nec tamen de principatu ambitiosa contentio recalescit, aut superior inde Synodus Pontifice efficitur. Ligantur enim & Synodi aliarum Synodorum, ligatur & Ecclesia suis ipsa legibus, ligantur & Pontifices suis, ligantur denique successores antecessorum Pontificum decretis; ne ut Paulus ait, secum conflictabunda authoritas, quæ struxit, destruat: quæ finxit, diffingat. Nec tamen in hac exemplorum strue, minor aut inferior est, qui legibus teneantur. Denique authore Pithæo, Gallia vno tenore erga Synodos generales, Pontificesque, utrorumque leges, non omnes admisit, veterum authoritate novas declinavit. Sic ille Petro de Marca præsulor. Iisdem inhæret documentis Iacobus Capellus, libertatum & ipse patronus insignis. *Primò licet Papa habeat plenitudinem potestatis; tamen si sine necessitate aut communi utilitate discedat à iure sanctorum Patrum, aut contra dispenset: non est fidelis dispensatio, sed crudelis dissipatio secundum Bernardum.* Tum complura alia subnectit capita, quibus id vnum pertendit, ligari Pontificem Conciliorum & anteriorum Pontificum decretis; nec in perniciem Ecclesiæ, vel regnorum scandalum, vel citra utilitatem aut necessitatem dispensare posse: illā Pontificis cum Concilio conflictatione prorsus abstinet: gnarus Gallicanæ libertatis exercitio æquari potius Concilia Pontificibus, cum & nova Conciliorum statuta, eodem quo decreta Pontificum Novitatis fastidio repelluntur. Eandem triuit orbitam longè doctissimus Antonius Hormannus, solo antiquitatis usu, ac iure aduersus novitatem libertates has omnes suffulciens. Et post Constantiensem ac Basileensem Synodum perhibet ille quidem vexatam fuisse quæstionem illam,

*Libertez de l'Egl.
Gall. an. 1639.
pag. 41.*

*Ibidem pag. 14.
197. 308. 309.
322. 323.*

an superior sit Papa Concilio, Sorbonicis negantibus, Legistis aientibus, teste Gersonio ipso, quia nempe hi tantum respiciunt decretales cum glossis, allegationibus & concordantiis. Superfedis Tridntinos Patres, mox ait eâ questione attingendâ: & tandem concludit, *ne facile dirimi posse litem illam; & eiusmodi grandes ac generales quaestiones persape consultius in suspendio retineri: conducibilem esse moderatam libertatem, sed deprimi plus a quo pontificiam dignitatem, periculosum id verò esse. Quæ eruditissimi viri verba plus satis produnt, quàm immaniter ille abhorreret à libertatibus patriis tam inconstanti lubricæque doctrinæ committendis. Nec ab horum vestigiis deflexit Guido Coquille: In Galliâ excogitata est ratio hac honesta cohibendum conatum, quibus corruptela in Ecclesiam inueheretur: non velut ab abusu appellando à concessione rescriptorum pontificiorum: in Pontifice enim agnoscitur Supremitas in negotiis ecclesiasticis: sed tanquam ab abusu pronocando ab executione eiusmodi rescriptorum: ita in impetrantes culpa derivatur, concedentis honori parcitur, par utilitas decerpitur. Solius etiam antiquitatis præsidio pugnat Leschassierius, prætendens cum Carolo V I. Gallorum Rege, ius commune antiquum, antiquos Canones, statuta antiquorum Patrum: cum Carolo V II. statuta sanctorum antiquorumque Patrum: cum sancto Ludouico dispositionem iuris communis, sacrorum Conciliorum Ecclesia Dei, & statutorum sanctorum antiquorum Patrum. Nouellum illud iurgium prorsus silet, ut cassum & inutile: cum intersit, non quæ superior & maior, sed quæ antiquior sit autoritas: & minor, si modò vetustior, antehabeatur maiori, sed iuniori. Prolixius torquet hanc litem de pari vel dispari Concilij & Pontificis potestate Miltotius; exulceratus nimirum eorum iniquitate, qui Pontificem Synodo anteferre cunctantibus, vel detestantibus hæreseos notam passim tum aspergebant. Quam ille contumeliam strenuè propulsat.*

Quod autem monuit Hotmannus temperatum esse in Tridentino Concilio ab hac controuersia attingendâ:

Gall. Or ce point n'est pas prest à vider. Et telles grandes & générales questions sont souventes fois bien à propos tenues en suspens.

ibid. pag. 415.

Gall. Ce n'a pas esté en appellant comme d'abus de l'obtoy de tels récris du Pape; pource que l'on reconnoist en luy une souveraineté aux affaires de l'Eglise: mais en appellant comme d'abus de l'exécution de tels récris, &c. Ibid. pag. 501.

Ibidem. pag. 546. usque 573.

CVII. Ex Gallorum consensu, tempore Triden-

tinæ Synodi idem
exprimitur.

*Memoires pour le
Concile de Trente.
Paris. an. 1654.
pag. 116. 118. 119.
121.*

*Ibidem pag. 135.
172. 173. 174. 181.*

*Ibid. pag. 240.
242. 248.*

*Ibid. pag. 280 381.
382.*

operæ pretium erit, paulò accuratiùs id expendere, & monumenta ea ipsa euoluere, quæ non ita pridem Parisiis eâ de re in lucem publicam exiere. Et primò quidem communionis vsum sub vtraque specie, à Pontifice exprimere enisi sunt Galli, qui obsecundaturus sperabatur illico, *ut qui intelligerent rem esse iuris positivi, & consequenter non minorem suam ad id præstandum, quàm Ecclesiæ uniuersæ potestatem esse*: ut ait Orator Regius: quâ de re nemo nescit, quid anterior Galliarum vsum, quid Constantiensis Concilium iuberet: & tamen eam dispensationem ab vno Pontifice eblandiendam decreuerat Clerus Gallicanus, consenserat Rex; eam à Pontifice ad purpurati Consistorij iudicium referri ægrè tulit Regius Legatus. Et sæpicule quidem vota verbaque eruperunt ad Pontificem Canonum antiquorum obseruantiaæ astringendum: nusquam autem ad Concilij vim supra Pontificem extollendam. Quin Oratores Gallicani testati sunt, in eo locari à se *principale fundamentum authoritatis Concilij, quod ad Christiana Reipublica commodum suam in illud Pontifex ipse authoritatem transtulisset*: nec enim ad scholasticas has altercationes Concilio inuehendas, vllò se commonitorio à Parisiensibus Doctoribus instructos fuisse. Alibi etiam omni se ope declinaturos spondent, ne illa controuersia promatur de superiori vel inferiori potestate Concilij & Pontificis: lubenter assensuros, ut Pontifici tribuatur *suprema potestas in vniuersali Ecclesiâ*. Siluit ergo nostrorum maximè assensu illa tunc quæstio, & inde Concilio pax atque authoritas creuit, quod suam ipsi Pontifex, & vicissim suam ipsum Pontifici definiendi & statuendi potestatem accumulauit; ut suprâ laudatus aduertebat Hotmannus, Pium IV. Concilij iudicium esse voluisse, *etiam de rebus Sedis Apostolicae proprie reservatis*. Quâ suâ cum Concilij Patribus conspiratione, confessi sunt nostrates tunc Galli, disputationes illas Scholæ claustris cohibendas esse, nec ad Concilia vel rerum ecclesiasticarum tractationem vocandas; quibus nihil conducibilius, nihil op-
tius

ratius esse potest summâ Capitis & Corporis totius Ecclesiæ charitate & conglutinatione.

Denique ipsâ illâ Philippi Pulcri ætate, quâ de patriis libertatibus incaluerunt atrociores pugnae, Pontificis tamen & Concilij de principatu altercatio adhuc ferè conticescebat. Laudauius iam suprà Gallorum tunc voces ad Romanum Pontificem : *Non habet congregari Concilium generale. Estis enim vos, Pater sanctissime, Iesu Christi vicarius, totum corpus Ecclesiæ representans, qui clauis regni calorum habetis. Nec congregatum totum generale Concilium sine vobis, & nisi per vos posset cognoscere. Quæ utcumque videantur quibusdam Pontificem Concilio antepone-
nere : nobis tamen nec antepone-
re, nec supponere videntur, sed componere, ac conglutinare : ut quoniam aliquando non necesse est, non conducit Concilia coalescere : tum suam & Ecclesiæ, ut vnâ eandemque Pontifex potestatem exeret ; Ecclesiæ totius consensione, seu nullâ intercessionem consecutâ, Concilij æcumenici instar habituram. Vide sis, quæ cum Galli philosophabantur de Cælestini Pape resignatione, quam ut Bonifacij impeterent Pontificatum, infirmare gestiebant. De Romani Pontificatus præcellentia quadam incredibili & diuinâ nihil vsquam magnificentius calamo vel mente comprehendendi potuit. Pleraque eò recidunt, quod resignare non potuerit Pontifex, quo nemo superior. Quis erit ille tam vesano spiritu ductus, qui dicat Pape Romano, quantumcumque volenti & consentienti, etiam & committenti expressè, posse non tantum per solum collegium Cardinalium, sed nec per omnes homines, neque per vniuersale Concilium, imò & per omnem Clerum insimul congregatum, adimi posse subditos, quos Deus commisit pascendos, & confirmandos ? &c. Quis renunciationem & cessionem Romani Pontificis, cum cessione & renuntiatio coram suo superiori habeat fieri, si ad ipsam fiendam procederetur, ut superior acceptabit ? &c. Ideo cum omni certitudine tenendum est, absolutionem Romani Pontificis à Papatu, renunciationem, & per quencumque alium actum omnino*

CVIII. Item ex Gallorum consensu sub Philippo Pulchro Rege.

Suprà n. 75.

Hist. du diff. de Ben. VIII. & Phil. Pag. 34. 35. 451. &c.

Pag. 456. 458.

L. de potest. Reg.
& Caput c. 24.

impossibile fore, nisi per mortem, cum placuerit Deo: quoniam nec ipse seipsum, nec suus par, dato quod inueniretur, quod non est dare possibile, & multò minus suus inferior, aliquatenus ipsum absoluerè potest. Has aliasque & genus rationes exussauit contrariæ tunc sententiæ patronus, idemque Gallicanæ libertatis propugnator eruditissimus Ioannes à Parisiis: nec tamen vel ad renunciationem, vel etiam ad depositionem, necessarium exaggerauit Concilij supra Pontifices principatum. Verba eius sunt: *Sed ad deponendum decet, quod fiat per Concilium generale: ut patet d. 21. c. Non autem. Vbi dicitur, quod conuocatum fuit Concilium generale ad depositionem Marcellini. Credo tamen quod simpliciter sufficeret ad depositionem huiusmodi Collegium Cardinalium. Quia ex quo consensus eorum facit Papam loco Ecclesiæ, videtur quod similiter possit eum deponere, si quidem fuerit causa rationabilis, &c.* Et infra, ut assensu Prælati & Ecclesiæ initur spiritale coniugium, ita dissensu solui posse, nisi prohiberetur per superiorem, docet: *Et quia de Papæ non inuenitur prohibitum, sicut de Episcopis inferioribus; ideo Papa potest resignare & deponi, sine auctoritate cuiuscumque superioris.* Et mox: *Potest nihilominus adhuc responderi ad hoc argumentum, & ad alia quadam: quod ubi apparet manifestè causa rationabilis, sicut ubi est defectus manifestus, supponitur consensus & auctoritas Dei ad renunciationem & depositionem, sicut in eius confirmationem supponitur.* Inferiùs tamen vno strictim verbo attingit hanc quætionem, sed obiter & trepidè, atque ita ut ad alia statim subsidia recurrat: *Quod ergo dicitur, quod Papatus est summa virtus creata, & sic non potest auferri: Respondeo, licet sit summa virtus in personâ, tamen est ei equalis, vel maior in Collegio, siue in totâ Ecclesiâ. Vel potest dici, quod potest deponi à Collegio, vel magis à generali Concilio, auctoritate diuinâ, cuius consensus supponitur & præsumitur ad eum deponendum, ubi apparet manifestum scandalum, & incorrigibilitas ipsius præsentis.* Et denique: *Ad decimam rationem, quod nulla dignitas ecclesiastica post legitimam confirmationem tolli potest, nisi per superiorem: Responsio: Planum*

est, quod hoc intelligitur de dignitate, qua confirmatur per superiorem. Sed ascensus Papa sine superiore, confirmatio eius est: & ideo descensus eius sine superiore, cessio est. Vbi perspicis 1. principatum Concilij seu Ecclesiae supra Pontifices, vno verbo perstringi, nec in eo momentum rei locari. 2. Dubitanter inclinari maiorem Pontifice esse Ecclesiam, vel æqualem; & vtrumque perinde esse. 3. Collegio Cardinalem vice totius Ecclesiae, vt ibi ait, idem iuris permitti. 4. Denique in id totis viribus incumbi, vt etsi superiorem non habeat Pontifex, & cedere tamen, & aliquo etiam casu deponi possit. Qua de re nos alibi. Sed eo consilio ista à nobis hinc sunt delibata, vt palam fieret, viris doctis ad quallibet extricandas difficultates solenne fuisse, nequaquam illam adhibere de superiore Pontificibus Concilij autoritate sententiam; sed alia potius munimenta: de quibus in posterioribus, nostroque æuo propioribus Conciliis illustrandis dicemus.

Sed largiamur id etiam, vt isto potissimo & necessario nitantur Gallicanae libertates fulcimento; id rursus moneo, non tam flagitasse libertatum defensores, vt superior esset Pontifice Synodus; quàm intercessisse, ne Synodo superior esset Pontifex. Cuiusmodi eorum conatui nihil nos reluctati sumus, quin etiam obsecundauimus non mediocriter, omnem de superiori gradu contentionem pro virili sedare enixi. Porro idem illi consequuntur, si modò non sit superior Pontifex, ac si esset inferior. Conculcare enim Conciliorum leges non poterit, quibus superior non erit: sicut nec antecessorum decreta irritare poterit, quibus inferior non est. Ergo Regij Senatûs tonitrua in eos persæpe crepuerunt, qui Pontificem Concilio superiorem, qui Pontificem supra omnem Ecclesiam à Deo constitutum prædicarent: nusquam in eos qui ita Pontificem Synodumque conferebant, & consociarent, vt illum tamen synodicis, maiorumque suorum decretis deuinctum agnoscerent. Quin

CIX. Altera aperit concordia huius doctrinae cum Gallicanis libertatibus: quod hæ non tam superiorem Pontificem Synodum esse iubeant, quàm vetent inferiorem esse.

imò quicumque inuidiosius, ut minorem & inferiorem Concilio subesse Pontificem deprædicant: non aliud illi moliuntur, quàm ut synodicis Canonibus eum astringant. Atqui id consequi fas erat, citra odium, citra inuidiam, citra pontificiæ dignitatis imminutionem; ita Synodorum generalium decretis Pontificem obligando; sicut illorum obligatur, quibus inferior non est, prædecessorum suorum, sanctorum Ecclesiæ Patrum, prouincialium ubique receptorum Conciliorum statutis. Quocirca hac iam mihi maior verborum, quàm rerum controuersia videtur superesse. Modò enim ligetur legum vinculis, ita ut non dispense nisi aut inuitante utilitate, aut cogente necessitate, non est lis cienda Pontifici de statu suo & dignitate, nullo nostro emolumento, solo pacis & concordie fastidio.

C X. Tertia concordie ratio panditur: etsi Gallicanæ libertates subiicerent necessario Pontifices Synodis: ad disciplinam & consuetudines, non ad fidei decreta id totum pertineret. Quod pluribus argumentis demonstratur.

Verùm ut operosius detergeamus illam imminutam Gallicanæ libertatis maculam; id donemus etiam, inferiori esse & dici Concilio Pontificem: nihil de supra constitutæ doctrinæ veritate labascit. De solis enim fidei definitionibus pontificiis disceptari etiam atque etiam contestati sumus: libertas autem Gallicana, quanta quantæ est, non in fidei, sed in disciplinæ campis liberioribus spatatur. Id nomen ipsum clamat. Libertas enim in disciplinæ & consuetudinum varietate quadam infinita iactatur. Fides vna necessario, sui que similis ubique & semper existit. Gallicana autem quæ libertas est, eadem non est cæterarum Christianarum gentium: ac fides vna omnium est. Vnus enim Dominus, vna fides. Itaque quo cæteras Christianæ Ecclesiæ partes superamus, id nequaquam ad fidei negotium pertinet. Alij enim aliis liberiores esse possumus, alijs alias vindicare libertates, alijs nempe aliam arrogare disciplinam, non alijs autem aliam fidem amplexari. Quin etiam ab hac fidei inuariabili vnitæte, velut ab immobili quodam cardine tota disciplinæ varietas religatur. Vna enim Regina est, & ideo circumamicta va-

rietatibus. Vna fides, eò præclarior, quòd illà discipli-
 na & consuetudinum libertate non discerpitur. 2. Si an-
 tedieta replicentur, imò si omnia excutiantur de Galli-
 canis libertatibus exarata monumenta, id certò compe-
 rietur, nusquam de fide certatum, nusquam de fidei dog-
 mate litem motam esse Pontifici, quoties pro libertate
 Gallicanâ conferta pugna est. Nunquam à pontificia fi-
 dei definitione, vel à Sorbonicis, vel ab Vniuersitate Pa-
 risiensi, vel ab Ecclesiâ Gallicanâ, vel à supremâ Parla-
 menti Curiâ ad Concilium appellatum est. Et antequam
 hæc prouocationes vsurparentur, quandiu solo dissensu
 Gallia suas tuebatur consuetudines, nusquam Pontifi-
 cis & Romanæ Sedis fidei vel definitioni dissensu quali-
 cumque suo reluctata est. Quod argumenti satis est, vt
 ne duo hæc longè disiunctissima permisceantur. 3. Et ne
 antedieta omnia, vel quæ Confarcinatores ingentium de
 libertatibus Gallicanis voluminum conglomerarunt, ea
 ad legentium nauseam refricem: vnum & alterum sug-
 gero, Hincmarum & Bernardum. Copiosissima & aper-
 tissima vtriusque congeimus suprà testimonia, pro de-
 finitionum fidei pontificiarum autoritate inconcussâ: ac
 nemo nescius est, & nos suo loco pandemus, quanta &
 quàm diserta apud vtrumque inconcussæ synodaliū Ca-
 nonum autoritatis, & germanarum libertatum docu-
 menta refulgeant. Horum ergo vestigia lambere nobis
 votum studiumque fuit. 4. Constantiensi & Basileensi Sy-
 nodis accepta fertur illa de superiore Pontificibus Con-
 cilio doctrina. At illæ geminæ Synodi solam expolire di-
 sciplinam, solam promouere reformationem studuerunt.
 Decreta vtriusque de subiiciendo Synodis Pontifice, con-
 ceptis verbis ad solam Canonum obseruantiam ac re-
 formationem referuntur. Sicubi fidei vox sonet, ex re-
 rum verborumque contextu patet, fidem latiùs exponen-
 dam, vt cui schisma inter Pontifices exitium afferret. In
 Constantiensi causa Vuiclephi retractata est: sed ita ta-
 men, vt sola Romanæ Synodi damnatione percussus Vui-

elephus, & ante generalem Synodum præfunctus, in hæresi mortuus, & exhumandus declaretur. Denique Constantiensium & Basileensium decretorum interpretatio, ex ipsa rerum tunc & temporum conditione haurienda est. Nec enim Synodis moris est, definitiones suas in incertos euentus eiaculari, sed virginti temporum accommodare necessitati. At verò illa tunc temporis procella non in fidem Ecclesiæ, sed in mores, in disciplinam grassabatur. 5. Et illa sanè Conciliorum frequentia, quæ Constantiensibus, quæ Basileensibus Patribus, quæ Gallis maximè cordi erat, quæ prouocationibus ad Concilia flagitabatur, meræ reformationi in Capite & in membris ab omnibus destinabatur. Quin & ipsa Tridentina Synodus, etsi tunc quidem nouellæ hæreses toto pene Christiano orbe, & apud Gallos densissimæ restagnarent: vel à Gallis tamen ipsis non tam ad fidei definitiones, quàm ad morum emendationem necessaria existimabatur, vt suprà ostensum, vt mox ampliùs ostendendum: à cæteris autem etiam Catholicis non ad fidei quasi dubia exoluenda, sed ad hæreticorum contumaciam vel extraordinario hoc remedio refringendam exposcebatur. 6. Quid autem de sancti Thomæ, angelici scholæ magistri sententiâ, & de iurato in eius verba discipulorum agmine dicemus, quæ permagna est Thologiæ Parisiensis scholæ portio? Quantò fatius est, tot tantosque libertatibus patriis suffragatores conciliare? Atqui illi pro pontificiis de fide diplomatis coniurati pugnant. Tutissimum ergo est, ita libertates defendere, vt ne illas cum tanto & tam domestico Doctorum cunco collidamus. Parco recentiores scholæ Parisinæ flores recensere. Duuallium, Gamachzum, aliosque, quos Patriæ iuribus & priuilegiis infestos fuisse, non facile dixerim, non reuerè crediderim. 7. Quid quod vbi de merâ fide manarunt pontificia rescripta, ipsæ amplissimæ Parlamenti Curie, ipsa Regiæ aulæ penetralia obuiis quasi vlnis amplexata sunt fidei regulam: nec vlla vllum inde suis li-

bertatibus creari posse periculum suspicio pupugit? Est prorsus, quod eorum vicem doceamus, & animi, fideique inconstantiam; qui ubi nunc pronos in amplectendis promulgandisque, nunc morosos & austeros in excutiendis, rutinandisque Pontificum rescriptis, vel de pontificiâ autoritate doctrinis vident Reges, Procuresque, ac Senatores Regios: de religione & fide ipsâ malè suspicantur; sæcularis imperij flatu aut reflatu alternare, & quasi vertigine quadam rotari huc illucque ecclesiasticam doctrinam putant: & quæ fixa sunt semel, refigi contrâ posse non desperant. Hæc animi leuitas, hæc imbecillitas fidei ex merâ nascitur incogitantia, inscitiâque Ecclesiasticæ Theologiæ. Non Reges Christianissimi, non Iudices amplissimi sibi dissentiunt, non secum conflictantur. Sed alia est fidei, alia disciplinæ conditio. Ibi obsequium, hîc libertas locum habet: ibi pronitas animi, & deuotio explicatur; hîc libertatis cura suspensior, & suspiciacior hæret. Hæc compendiaria ratio est imaginariæ illius pugnæ, & suspicionis iniquæ diluendæ; fiduciamque certius arrigendæ in Christi optimi maximi providentiam, de Ecclesiæ suæ fide & castitate ludos agi haudquaquam sinentis. 8. Ut verò liquidius fiat, quam non pugnet, & nil posse contra Canones Synodicos moliri Pontificem, quod libertatis Gallicanæ vindicesurgent: & Pontificum tamen de fide constitutionibus certam constare veritatem: recurat animo priscos Pontifices utrumque frequentissimè, se nimirum & Custodes Canonum, & Fidei Magistros professos esse. Ad nauseam penè utrumque decantatum occurrit in priscorum, in mediæ ætatis, in nuperorum Pontificum epistolis. Et utrumque, ni fallor, cognatum sibi, coalitumque est. Ut prima, videlicet Sedes, quæ fidei, eadem Canonum custos sit: ut Apostolica Cathedra & in fide dictandâ, & in vita componenda principetur: ut Petri Magisterium mentem fide, mores certis regulis imbuat: vna eademque & doctrinæ & sanctitatis ad doctrinam contempera-

Thuanus l. 5. p. 151.
ad an. 1542. &
lib. 26. p. 780. ad
an. 1560.

Conference des
Ordonn. l. 1. c. 1.
p. 1. §. 1.

ta scatebra. 9. Stupor quorundam & auersatio fortassis
vanesceat, hoc perpenso, cum ante centum annos nouel-
la hæreseos venena serperent impuniùs, *Parisiensis Sena-*
tus decreto edictum esse, ut Christiana Religionis formula à Sor-
bonicis Theologis conscripta, Regiæque lege comprobata, domi-
nicis diebus in templis publicè coram populo recitaretur. Item
postea constitutum ut quisque fidei professionem ederet iuxta
formulam à Sorbonicis Theologis ante annos 18. præscriptam, &
in Senatu promulgatam. Qui recusarent, vitâ & bonis multa-
rentur. Necdum Tridentina Synodus perfecta tunc fue-
rat, necdum Galli eius initiis consenserant. Formulam
fidei Sorbonici Theologi conscribunt: Rex, Senatus,
comprobant, promulgant. Subscribere omnes adiguntur,
detrectatores spoliantur vita & fortunis. Non extinctæ,
ne sauciatæ quidem sunt Libertates hoc Sorbonico fidei
decreto. Quid si Pontifici, si Principi Cathedræ tantum-
dem saltem permittatur? Quanquam & illa fidei formu-
la non absurdè tantas has vires coniiceretur à Pontificum
constitutionibus grassantium tunc errorum peremptrici-
bus mendicasse; nec id ipsa dedignaretur. Si dicas tam
apertam & expeditam tunc fuisse fidei causam, ut non
ampliori indagine opus esset: Reponam & ego, quod
Verbum, quod Spiritus sanctus, cum Patre vnus sit Deus;
quod vna persona, quod duplicis naturæ sit Christus,
tam clara & familiaria hæc esse rudimenta fidei Christia-
næ; nec dissimiliter de aliis Catholici dogmatis partibus:
ut hæc fidei decreta ex limpidissimis Romanæ Ecclesiæ
fontibus facillimè hauserit, & in reliquas Ecclesias effu-
derit summus Pontifex, princeps in episcopatu fidei. Non
aliud enim est illud priuilegium, quod tam inuidiosè qui-
dam dilancinant, quàm quod ut Sorbonicis tunc docto-
ribus licuit fidem Ecclesiæ, in qua debebant, conscribere:
ut quibuslibet Episcopis fas est, fidem quam lacten-
tes suxere, lactentibus instillare populis: ita ius fasque est
Pontifici Ecclesiæ antiquissimæ, principalissimæ, matri-
cis omnium Ecclesiarum, & ipsarum Matricum Matri-
cis,

cis, fidem in Ecclesia sua, vt in originali scatebra purius manantem effundere, & in orbem deriuare. Porro ille Capitis & Corporis Ecclesiæ concentus est, illa Spiritûs sancti Ecclesiam vniuersam vegetantis informatio & vnitas, vt vocem fidemque Capitis sui, veluti suam, propriamque ecclesiastici corporis compago vniuersa agnoscat, teneatque. Nec enim imperiosa opus est Capitis potestate, vt membra Capiti consentiant: id ipsa felicius præstat eorum indoles, vita, & Spiritûs veritatis inspiratio. Quocirca nec Pontifices in fidei dogma suam inerrantiam inuexere, contenti tot sæculorum experimento, concentu intimo, & cælestis Spiritûs vegetatione, sponte sua, membra Capiti semper in fidei decretis concordasse. 10. Hæc Romanorum & Parisiensium germana videtur esse concordia. Quod illustrius fiet, si hæc ex Nauarro antè promamus, quæ ex eo decerpserunt Libertatum Compilatores: *Non est consilium in præsentia definire, cui principalis potestas ecclesiastica fuerit à Christo collata, an Ecclesie toti, an verò ipsi Petro; propter illam maximam discordiam Romanorum, & Parisiensium. Illi enim tenent Petro & successoribus datam esse hanc potestatem, atque ideo Papam Concilio esse superiorem. Ii verò quibus Gerson adheret, totam datam esse toti Ecclesie, licet exercendam per unum, atque ideo in aliquos saltem casibus Concilium esse supra Papam. Quarum illa, scilicet Romanorum, videtur placuisse sancto Thoma, &c.* Quæ ille alibi quoque iterat, aliaque subtexit, quibus rem videatur ad Canonum & disciplinæ synodicæ obseruantiam reuocare. Consule, si per otium vacat, loca ipsa; de disciplina quæstionem verti perspicies. Alioqui si de fide ageretur, non posset alia Romanorum, alia Parisiensium esse sententia. Sed cum vtraque gens in fide consentiat secum, & cum Capite Ecclesiæ conspicuo: minùs mirum est, si altera alteri minùs congruat in disciplinæ & consuetudinum varietate: & Romani Pontificis constitutionibus disciplinam regentibus additiores sint Romani, quàm Galli. Si diuersas enim à Synodali-

Preuves de l'hereticez de l'Église Gall. c. 12. n. 10.

bus leges alicubi inuexit Pontifex, vñsque confirmavit, atque ibi videatur Pontifex eâ de causâ Conciliis superior, quid adeo nouum aut insolens istud videtur? Nonne & aduersus synodicas leges sæpicule libertas Gallicana repugnat, diuersosque suos retentat mores? Si rursum alicubi ita mordicùs retinentur priscarum Synodorum regulæ, vt nec Synodorum generalium posteriora, nec Pontificum noua aliqua decreta admittantur: atque ita ibi videantur eatenùs Pontifices minores Synodis, videantur æquè nouæ Synodi minores antiquis: nonne Gallicana hæc erit libertas, & mera disciplinæ versatilitas? Mera ergo ista consuetudinum pugna est, & ideo nec pugna est; sed pugnæ umbratilis fuco quodam perlita, & hoc ipso lætior concordia. Sola consuetudinum varietas, sola verborum discrepantia est, cùm hic superior, illic inferior Synodis iactatur Pontifex: qui consultiùs fortasse, nec superior, nec inferior diceretur, sed disciplinam sua sponte versatilem suo ingenio permittere: & in authoritate pontificia dispensanda Synodos ipsas œcumenicas imitari; quarum nonnullas leges libertas Gallicana etsi reueretur, non tamen sequitur, quibus tamen se superiorem nequaquam venditat. Sed vbi de re conuenit, in verborum vñu clementes esse debemus. Denique vbi aiebat Nauarrus, ex Gallorum sententia, *in aliquot saltem casibus* eminere Concilia Pontificibus: eò pertinere illud posset, vt in fidei quæstionibus non semper Concilia Galli desiderent.

CXI. Gallicanæ libertates superiores Pontifice Synodum censentes, ad Canones & disciplinam, non ad fidei decreta spectare ostenduntur, ex ipsis Philippo Pulchri temporibus, & testi-

Sed ad ipsos iam properemus libertatum defensores, vt has argumentationes ex ipsa eorum officina depromptas esse reuincamus. Ordinem ducet suo quodam iure Philippus Pulcher cum Optimatibus suis, quos suprà audiuius ita Pontificem alloquentes: *Absit à Regiâ perennitate, in quæstione fidei quidquam, quod vestra sanctitas, maximè sacro approbante Concilio deciderit, in aliquod vnquam dubium reuocare.* Vides curiosè distingui, *in quæstione fidei.* Ecce ibidem rursus: *Nec vt Papa, potuit esse hæreticus. Nec vn-*

quam aliquis Papa, in quantum Papa, potuit esse hereticus. monitis aliis com. pluribus. Suprà num. 75.
 Non ergo ista obstrepunt libertatibus Gallicanis. His ac-

cedat suppar Ioannes de Parisiis, strenuus & ipse vindex libertatum, qui etiam perstrinxit suprà Synodum generalem eminere Pontificibus: ac definiendæ tamen fidei decretoriam potestatem idem ipse adseruit Pontificibus:

Post corporalem subtractionem Christi convenit interdum, circa ea quæ sunt fidei, quæstiones moveri; in quibus propter diversitatem opinionum vel sententiarum divideretur Ecclesia, quæ ad sui unitatem requirit fidei unitatem; nisi per unius sententiam Ecclesiæ unitas servaretur. Lib. de pot. Reg. & Pap. c. 3.

Hic autem principatum eiusmodi habens, est Petrus, successorque eius. Plura superius ex eodem carpsimus. Hæc Dominicanæ familiæ alumnus eximius, Lib. de l'Egl. Gall. p. 459. s. 8.
 nuperis libertatum defensoribus commendatus, Thomi-

sticæ totius sententiæ & scholæ cum germanis Galliæ libertatibus idoneus conciliator. Nec multò post, cum de Dei visione beatifica ante corporum resurrectionem digladiarentur hinc & inde Theologi & Iuristæ: Parisienses Theologi magno agmine hæc ad Regem præfati sunt, antequam suam ea de re sententiam expedirent:

Attendentes specialiter id, quod ab ore vestro audivimus, quod nihil in hac materiâ quærebatis, quod tangere posset sanctum Patrem & dominum nostrum Ioannem Dei prou. sacres. Rom. ac uniu. Ecclesiæ summum Pontificem, cuius sumus deuoti serui, ac filij: quin imò sicut filius eius deuotissimus honorem suum in his & aliis zelabatis: aduertentesque quod multorum fide dignorum relatione audiuimus, quod quidquid in hac materiâ sua sanctitas dixit, non asserendo, seu opinando protulerit, sed solummodo recitando: considerantesque, &c. Prouen des libertez de l'Egl. Gall. c. 35. n. 18.
 Tum teste Nangiaci Continuatore, Rex Pontifici scripsit: quatenus sententiam Doctorum de Parisiis, qui melius sentiunt, quid debet teneri, & credi in fide, quam Iuristæ, alique Clerici, qui parum aut nihil sentiunt de Theologiâ, approbaret; & quod sustinentes contrarium corrigeret. Al an. 1332.

Quibus nihil potest magis consentaneum pontificio huic priuilegio cogitari. Nunc audiendus nobis Thomas de Corfellis, Doctor Parisiensis, Ibid. c. 12. n. 4.

Ucccc ij

& Nuncius Basileensis Concilij ad Regem Christianissimum: Ita pro Concilio aduersus Pontificem ille disputat: *Quod allegant Petrum esse Caput Ecclesie, hoc idem Basileense Concilium concessit, etiam de Ecclesia congregata. Nam & in una responsione sua dicit: Ipse erit Concilij Caput, ipse quidem primus est in Concilio: & ultra dicimus, quod ipse habet interpretari Canones Conciliorum, in eis dispensare, & etiam eos mutare, si tempus & opportunitas id faciendi adueniant: hac tamen debet facere, ad intentionem Concilij, hoc statuens propter publicam salutem. Non enim est ei data potestas in destructionem, sed in adificationem. Et sic nihil negamus de privilegio Sedis Apostolica, &c. Sed si velit vii proprio iudicio in contrarium uniuersalis Concilij & intentionis eius, & quod si Concilium statuat aliquid pro salute publica, ipse uniuersaliter eodem tempore statuat in contrarium, ut si Concilium statuat electiones fieri sublati reservationibus, &c. ipse statuat in contrarium omnes Ecclesias Cathedrales reservari: sic reiiciendo voluntarie Canones sacros: hoc quidem ei facere non competit. Unde & quod habeat supremam auctoritatem in Ecclesia, non negamus: sed quod habeat illam supra totam Ecclesiam, ita ut habeat praeferre iudicium suum iudicio totius Ecclesie congregatae, hoc non creditur. Vides quæ Thomæ, imò quæ Basileensis Concilij mens fuerit, cum inferiorem dixit Pontificem Concilio: nempe Pontificem potestate sua abuti non posse in destructionem, quæ data est in adificationem: non posse voluntarie reiicere Canones, etsi eos dispensare & mutare etiam possit, si utilitas eluceat, si necessitas urgeat: non posse praeferre iudicium suum iudicio totius Ecclesie congregatae, quod nec Pontifices ulli, ut reor, licere sibi voluerunt. Si quando enim Synodis refragati sunt, eas nequaquam uniuersales, nequaquam totius Ecclesie congregationes ob infrequentiam suam existimauerunt. Sed illud enitescit, totum illum Concilij primum supra Pontifices, ad Canones & disciplinam attinere. Quocirca idem consequenter: *Quod verò dicit proponens ex aduerso, quod est assidentia reprobata, si quis dicat**

Sedem Apostolicam errare posse: dicitur, quod adhuc est maior diffidentia, si quis dicat vniuersalem Ecclesiam legitime congregatam errare posse. Nec aliquis diffidit, quod Papa in suis sententiis errare possit, si non velit agere contra ea, qua in sententiis & in scriptis sanctorum Patrum & Conciliorum definita sunt. Sed nihilominus Papa Urbanus dicit, quod ubi aperte Dominus, & omnes Apostoli, & eos sequentes sancti Patres, (quod de Conciliis exponitur) aliquid definierunt, ibi nouam legem dare non potest: & quod si destruere nititur ea, qua illi definierunt, non sententiam dare, sed errare conuincitur. Itaque ad hunc sensum plane concedimus, quod errare non potest in sententiis suis: & quod intelligitur tunc dare sententiam, cum non destruit ea, qua in sententiis & in scripturis sanctorum Patrum & Conciliorum definita sunt: neque faciliter praesumitur, quod ea destruere vellet, nisi constaret de contrario. His plura & locupletiora nemo desiderare potest. Perpicue enim confitetur Pontificem in sententiis suis errare non posse, nisi aperte Conciliorum definitionibus aduersetur, uti tunc aperte Basileensi Synodo Eugenius videbatur aduersari. Sed ubi non aperte labefactantur Pontificis constitutionibus Conciliorum dogmata: ubi non ita constat, quod Pontifex destruere velit synodales definitiones, sicut tunc constabat Eugenium Basileensibus aduersari, ibi praesumitur Pontifex non errare. Nec Concilia porro ipsa certam nobis fidem sui ingenerarent, si ipsa secum ita palam colliderentur.

Et antequam vltcrius prouchar, si Gersonio, si alij cui-
libet in mentem venit, contingere posse ut in definiendo fidei dogmate, hinc vniuersa Ecclesia, seu Concilium
oecumenicum, inde ex aduerso sentiat Pontifex: & tunc ille posse Pontificem solitarium, non posse Ecclesiam
vniuersam errare constituat: cuiusmodi videtur hic attigisse hypothesein Thomas de Corcellis: cuiusmodi fortassis à multis scholæ magistris supponitur: ego verò profiteor, in hac verbosissima dissertatione, nec verbum quidem vnum scripsisse, quod ad eam controuersiam spe-

CXII. Qui pontificia de fide decreta vexant, plerique abstractam & otiosam ventilant hypothesein.

et. Id contigisse vnquam hactenus, vehementer nego. Omnibus enim historię ecclesiasticę paginis obuius sit nobis semper Pontifex, agmine & suffragio suffultus vel omnium, vel longè plurimorum Catholicorum Antistitum, quoties de fide tractatum est. Non est autem nostri instituti, abstractas & in scholastico otio enatas, non in actu rerum exortas sectari controuersias: sed accommodatè ad historicam fidem, quæstiones in Ecclesia tot sæculis voluentibus excitatas edisserere. Quanquam id facile à cordatis omnibus impetrabitur; quod tanta decedentium & succedentium ætatum intercapedine non contigit, id fore vt non contingat, fiduciam penè indubiam adesse.

CXIII. Rursus ex nuperis de-
fensoribus liber-
tatum ostenditur,
illis non officere
pontificiam in fi-
de definiendâ au-
thoritatem.
*Libertez de l'Egl.
Gall. pag. 312. 313.
314.*

*Pag. 357. 354. 355.
358. 360. 391.*

Ad iuniores libertatum assertores descendo. Præfulget inter illos Antonius Hotmannus suprâ iam laudatus. Censet ille Ecclesias alias ab aliis, & ab ipsa Romana discrepare posse consuetudinum vsu libero, *citra dissidium ab unitate Ecclesie, & à principatu Romana Sedis. In primatu Romana Cathedra vinculum esse unitatis ecclesiasticæ, propter omnium membrorum compaginationem cum Capite. Si Capite enim orbetur Ecclesia, tum Antistites quilibet sparsim per orbem suæ solertia indulgebunt, & ad libidinem suam propositiones alias & alias pugnantesque in Ecclesiam inuehant, atque ita religionem Catholicam dissipabunt.* Non potuit expressiùs ipsissima Ioannis de Parisiis sententia explanari. Probat ille quod in Conuentu Turonensi an. 1510. decretum est aduersùs Iulium II. Pontificem, *Subtrahere se ab obedientiâ Romani Pontificis licere, non in totum, nec indistinctè, sed pro tuitione tantùm ac defensione iurium suorum temporalium.* Addit ex Concilio Ephesino, Victore Vticensi, Gregorio Turonensi Catholicam Religionem iam olim Romanam appellitari solitam: denique id certò constare, *vnquam Ecclesiam Gallicanam, aliam à Romanâ fuisse.* Amplissimam ille alibi potestatem donat Pontifici Romano decernendi de Religione, sic tamen vt consuetudinum libertas Gallis Sarta rectaque seruetur. Ex Fulber-

to enim : Nos non offendit obseruantia diuersitas , ubi fidei non scinditur unitas. Sed neque in hoc scandalizamus , si audimus diuersam obseruantiam , sed non diuersam fidem in Christi semper Ecclesiis extitisse. Stat enim regina Ecclesia , à dextris Regis sui in vestitu deaurato , circumdata varietate. Quibus *ibid. pag. 409.* concinit Guido Coquille , Gentes omnes sponte concessisse in *410.* Sedis Romana obsequium , tum ob memoriam B. Petri , tum quòd Romana Ecclesia à doctrina per Petrum disseminata castitate nunquam descinerit , tum denique quòd Christus supra firmitudinem fidei Petri Ecclesiam suam fundauerit. Quocirca Catholica Religio , Apostolica etiam & Romana nuncupatur. Non quòd fides nostra urbi Roma per sese sit affixa , sed quòd cum Romam dicimus , in mentem venit eius fidei , quam Petrus Roma seuit Romanus ipse Episcopus : & quam Romani Pontifices eius successores retinuerunt. Hoc semel iacto constantissimo Romanæ Sedis fundamento , tanto postea ille securius pro Gallicanarum libertatum defensione certat. Otiosum foret reliquos producere. Omnes pro sola disciplinæ veteris libertate conspirant. Nihil urgent , nihil efficiunt , quòd fidei iugum eiusdem libertatis obtentu excutiat , aut vel concutiat. Illi ipsi nuperrimi horum omnium Compilatores , quid sibi esset consilij , prodidere , his ad singulorum operum exordia præfixis sententiis. Ex Can. ult. Concilij ephes. *Placuit sanctæ & vniuersali Synodo , seruari unicuique prouincia pura & inuiolata iura , quæ iam inde ab initio habet , secundum antiquam consuetudinem.* Ex Hieronymi epist. 28. *Vnaquæque prouincia abundet in suo sensu : & præcepta maiorum leges Apostolicas arbitretur.* Ex Greg. I. I. epist. 41. *In unâ fide nihil officit Ecclesiæ consuetudo diuersa.* Ex Basilij epist. 70. *Vnum iam crimen est , quòd vehementer punitur , si paternas quis traditiones diligenter obseruet.* Ex August. epist. 86. *In his rebus de quibus nihil certi statuitur scripturâ diuinâ , mos populi Dei vel instituta maiorum pro lege tenenda sunt.* Et alia id genus complura fronti opusculorum prætexta sunt , quæ à fidei ingenio abhorrere , & ad consuetudinum iura coartari de-

*Premiers des livres
de l'Egl. Gall.
6. 10. 12. 13.*

*Thuanus lib. 35.
pag. 265. ad an.
1563.*

*Memoires pour le
Conc. de Trente
pag. 496. 286. 289.
299. 303. &c.*

bere exploratissimum est. Evolve quæ ipsimet in caput 10. 12. 13. coniecere, vbi Conciliorum & Pontificum causa expenditur, omnia perspicies ad Canonum observantiam, nihil ad fidei decreta collimare. Concilia autem quibus maximè fructibus pariendis necessaria duxerint maiores nostri, clarebit dilucidè ex oratione Gallicani Oratoris ad Patres Tridentinos: *Siquidem centum quinquaginta anni elapsi sunt, ex quo Reges nostri petierunt à Pontificibus ecclesiastica disciplina iam tum labentis restitutionem, missis Oratoribus ad Synodum Constantiensem, Basileensem, Lateranensem, & Tridentinam, &c. Quorum orationibus nihil aliud esflagitatum, quàm ut de Ecclesiæ ministrorum emendandis moribus seriò ageretur: & tamen adhuc nobis ieiunandum & flendum est, non ut Iudæis quinto & septimo mense, sed totos iam ducentos annos, atque utinam non trecentos, & multo amplius. At inquiunt, vobis abundè satisfactum est tot anathematis, ac dogmatum decisionibus. Et certè fatemur, si aliud pro alio solvere innito creditore ius est, nobis satisfactum esse: sin minus, adhuc creditores sumus, quos nunquam anathemata & dogmatum definitionem postulasse scitis. Testes appello vos, illustrissimi legati, quibus septuagies septies hoc ipsum prædiximus, &c. Et in eiusdem orationis Apologiâ: Cum diximus nos reformationem tantum, non etiam dogmata petiisse, non etiam diximus, ut Religionis Catholica præcipua capita, & de quibus est hodie tanta controuersia, perpetuò incerta esse debeant. Verum cum in illis sit inter Catholicos homines consensus, existimamus à corruptis moribus, qui sunt omnium hæresum fons & origo, esse incipiendum. Usque adeo & ante Synodum œcumenicam Catholicis omnibus conveniebat de dogmate orthodoxo, cum solis hæreticis lucta erat: aut hæretici audiebant, quibuscum lucta erat: nec Concilij dogmata conscripturi necessitas impendebat, nisi ad hæreticos suffundendos: Catholicis nempe omnibus præfixæ fidei Ecclesiarum suarum retinentissimis, & principaliter Romanæ, omnium Ecclesiarum magistræ. Quod ipsum sexcentis aliis locis posset confirmari indidem de prom-*

depromptis. Vbi experimento ipsoliquet, hominum persæpe sententiam ex vitâ magis, quàm linguâ: ex gestis certius, quàm verbis censendam esse. Qui enim in scholastico puluere, quasi risandi gratiâ, non aliter certum quid de hæretico, vel Catholico dogmate constare, nisi generalis Concilij constituto increpitant: illi ipsi & olim & etiamnum Sorbonicis, Episcopalibus, primæ Sedis de fide decretis citra vel ante generale Concilium annuunt, subscribunt, contumaciter renitentes hæreticorum elogio notari assentiuntur; nec vllum hinc patriis libertatibus creari periculum quiritantur, vt quæ non fidei vinculum abrumperet, sed consuetudinum liberam varietatem intelligantur affectare. Denique edictis ipsis in Parlamento registratis, Regum Francisci I. & Henrici II. hæretici censentur, quicumque nouant quidpiam constitutionibus synodalibus, & papalibus aduersum, seu Sedis Apostolicæ.

Conference des Ordon. l. 1. c. 1. p. 1. §. 2. Preuies des libertez de l'Egl. Gall. c. 28. n. 15.

Haftenus ergo geminum concordia cum germanis Gallicani Regni libertatibus propugnaculum astruximus: concluso hoc & perfecto: & eâ sententiâ de superiore Pontificibus Concilio illas minimè fulciri: & vt eâ fulcirentur, eam tamen non ad fidei capita, sed ad Canonum custodiam, consuetudinumque libertatem necessariò restringi. Vnum video, quo plerique impingantur, offendiculum. Si certa fides pontificiis de fide decretis adhibeatur, posse illis quandoque tantam Pontificum in Reges & regna vendicari ac definiri potestatem temporalem, vt de libertatum sospitate conclamatum sit. Hoc terriculamento mirum est si docti viri moueantur. Num de Concilio enim generali non potest idem ipsum obiectari? Si possit Pontifex, num non poterit & Synodus id ipsum sancire? At Synodo interceditur? Æquè interceditur & Pontifici, id ne definiat. At rursus aies, procul esse Synodos ab errore & procul fore, quo Regum legitima à Deo ordinatorum, vnoque Deo minorum, vt ait Tertullianus, iura pessumdarentur: respondeo a quo iure dici, ab eo

CXIV. Exploditur eorum exceptio, qui pontificiam de fide definiendi potestatem temporali Regum supremoque imperio periculosam esse posse opinantur.

procul esse, proculque fore Pontifices. Itaque quos imminutum cunct, inopini exquant Synodis Pontifices: & iura Regum quibus consultum volunt, imprudentes pari Synodorum iniuriæ obiectant, dum Pontificibus subducunt. Si enim ideo non potest Pontifex ea iura deterere, quia minor est Synodo; Synodus ergo, quæ nullo minor est, id poterit. Caterum ab annis iam sexcentis quoties Sacerdotium Imperio collisum est; quia causæ illæ communes erant: in generalibus Synodis à Pontificibus tractabantur: inde in Teutonicos maximè Principes sevitum est. Non est ergo rei huius invidia à Synodis abstergenda, & solis illinenda Pontificibus. 2. Nuperrima Synodi Tridentinæ gesta ac monumenta peruolanda sunt. Ibi sexcenties comperietur, ut nihil intentatum reliquerint Galli, ne quid patriis iuribus, vel moribus receptis derogaretur, Regumque prærogatiuis. Si quid ibi perstrictum, vel delibatum visum est nihilominus, hætenus interceditur, non prouocatione ad maiora tribunalia, sed dissensu. Si à Pontifice eiusmodi quid pertentante, prouocatum fuisset ad Synodum Tridentinam: tunc conuenienter necessitas inevitabilior incubuisset, & ultro prouocata, standi iudicio Patrum Tridentinorum. Suis ergo se laqueis irretiunt, qui hos tuendarum libertatum sectantur anfractus. 3. Vel inuitis ergo id extorquetur, hanc totam esse non fidei, sed disciplinæ & consuetudinum causam: ex quo id nimirum efficiunt, ut non omnia de his statuta Conciliorum etiam generalium statim admittantur, etsi illorum fidei decretis subscribatur incunctanter. Quin igitur & in Pontificum causâ definitiones fidei & consuetudinum secernunt; & ex fidei unitate necessitatem obsequij, ex consuetudinum diuersitate libertatem quandam exurgere posse intelligunt. Nam ut ut cauillentur decreta morum & disciplinæ in iuris quæstionem, adeoque in fidei causam rapi posse: illud tamen fixum immotumque stat, longè diuersissimam esse fidei disciplinæque substantiam: ibi unitatem & necessitatem

Thuanus l. 19. p. 267. 268. &c. ad an. 1563. Memoires du Concile de Trente pag. 302. 306 307. 311. 342. &c.

obsequij; hinc varietatem & libertatem modestam locum habere: adeoque particularibus regnis & gentibus Christianis nefas esse aliam fidem, fas esse aliam quandoque à matricibus Ecclesiis & œcumenicis Synodis, nec ipsis dissentientibus, sectari disciplinam. 4. Ab ecclesiasticâ sobrietate denique est, inauditas comminisci hypotheses, & Theologica dogmata superstruere illis consiliis, quæ extremæ forsan necessitatis telo exprimerentur. Satis illud nobis superque est, si sapiamus ad sobrietatem, quod tanto sæculorum lapsu, nihil Synodi, nihil Pontifices in fidei dogmata transferre decreuerunt, quod legitimæ & cælitus ordinatæ supremæ Regum potestati officiat. Excubabit peræquæ posthac Dei clementia, ne quid nouum & insolens statuatur. Ne importunis ergo commentis nostros animos fatigemus. Alioqui perinde posset aliquis detestabiles & huic aduersas comminisci hypotheses, & tunc quæ consilia capeffenda forent rimari. Sed facessant à nobis hæc commentorum portenta. Apage has intemperias infandarum quæstionum. Pacis Regni & Sacerdotij hæc curiositas parum amica est. Satius est meliora de Antistitum, Principumque concordia ominari. 5. Ecquid, oro, causæ est, quamobrem cum ab annis amplius quadringentis tot Gallicani Scriptorum tuendis libertatibus insudarint: nulli occurrerit tam bella argumentatio? Est enim illa ante aliquot annos enata, & furtiuè illusa chartis, non ad temporalem propugnandam Regum supremamque potestatem: cui in tantâ Sacerdotij tunc & Regni concordia, nihil imminere periculi, nihil timeri poterat: sed ad spiritalem Pontificis auctoritatem infirmendam, cuius tunc in fide constituendâ vigori, clanculum aliqui, quia palam refragari non poterant, obloquebantur. Itaque euidentissimè hinc liquet, has de exitiali Regibus pontificiâ inerrantiâ suspensiones, non ad consulendum temporali Regum, sed ad insidiandum spiritali Pontificum imperio erupisse. Alioqui prodebat olim regiam maiestatem Ludouicus IX. idemque & sanctitatis, & defensæ

libertatis ergo spectatissimus, quando suprà num. 81. Græcum Imperatorem de fide cum Romanâ Sede certantem, eiusdem Sedis arbitrio obsequi hortabatur. Prodebat Philippus Pulcher, prodebant Gallicani Magnates, cum *in fidei questione*, quod definisset Pontifex, in dubium vocari posse negabant: cum Pontificem, ut priuatum, non ut Pontificem, hæreticum esse posse: cum illum instar habere Concilij vniuersalis clamabant. Prodebant Franciscus I. & Henricus II. suprà num. 113. cum hæreticorum numero haberi sanciebant vniuersos, nouantes quidpiam aduersum constitutionibus synodalibus, & papalibus, seu Sedis Apostolicæ. Prodebat regij imperij defensionem, quam susceperat Ioannes de Parisiis, cum pontificio oraculo controuersias fidei terminandas censebat. Prodebant Theologi Parisienses, cum diuersam suam à Ioanne XXII. de Dei visione sententiam protulerunt, tum demum, cum eis constitit, *quidquid in eâ materiâ sua sanctitas dixerat, non asserendo seu opinando, sed solummodo recitando protulisse*. Prodebat Thomas de Corcellis, cum annuebat Pontifices erroris immunes esse, si modò Conciliis generalibus aperte non reluctentur, ut Eugenius Basileensi. Prodebant Tridentinæ Synodi tempore Galli omnes, prisce fidei retinentes, quam rara vel nulla Concilia sanxerant. Prodebant hanc libertatum maximam defensores libertatum Pithæus, Hotmannus, Coquilus, Leschassierius, cum merè spiritali Pontificum potestati nihil detrahebant: cum Catholicam fidem non aliam, quàm Romanam: cum Romanos Præsules à Petri fide nunquam deuiasse: cum totam libertatem Gallicanam, canonicam esse, & priscorum Canonum obseruatione niti consentiebant. Prodebant nuperrimi ipsi Compilatores libertatum, quos toties ostendimus, soli consuetudinum libertati patrocinos esse. Prodebat Petrus de Marca, cum stare libertates incolumes affirmabat, etsi æquo, vel superiori iure cum Concilio generali Pontifex uteretur. Prodebat denique Regium Consistorium,

cùm pontificia de fide diplomata promulgabat. Vides quàm insidiosa sit libertatibus hæc argumentatio, quæ defensoribus suis omnibus illas nudat: quàm contumeliosa, quæ Regibus, Principibus, Senatoribus, Scriptoribus proditionis imprimit ignominiam: quàm improvida denique, quæ tot populos, tot Theologos vbique terrarum & in ipsâ Galliâ authoritati pontificiarum, de fide sanctionum addictissimos, in libertates istas obarmat. Quamò æquius est clanculariæ & volaticæ scriptiunculæ anonymum scriptorem contemnere, germanas & Regibus ipsis, doctisque approbatas libertatum tuitiones sequi; illis odia amoliri, conciliare amicitiam tot vbique populorum, Theologorumque, pontificiis de fide statutis deuinctissimorum? Postremò denique non absurdè forsàn istud quoque adicietur: insolentissimâ illâ hypothesi datâ, tunc vsui fore illam ipsam, quam suprà semel iterumque concessimus, nec à Pontificibus ipsis damnatam monuimus, de Pontificum inertantiâ liberam vltro citroque disputandi facultatem, citra Catholicæ fidei dispendium. Cùm enim fide Catholicâ ratum non sit, nunquam à fide deflectere decreta Romanæ Ecclesiæ Pontificisque Romani: perinde hæc vnâ dubitandi licentiâ, veraretur in dogma fidei recipi, quodcumque aduersus temporalem Regum supremitatē Pontifices edixissent. Haud scio, an eò referri debeat, quòd suprà censebat Hormannus, arduas has quæstiones in suspendio relinqui, & nutare, conducibilius esse. Esset sanè, quod ad laudem summi Numinis assurgeremus, cui non primordia tantum illuminationis nostræ, sed tenebrarum etiã nostrarum reliquæ vsui sunt: cui & scientia & nescientia ipsa nostra famulatur: cui mala bene vertere, lucem è tenebris elicere solenne est: dum contorquet profunda torrentis in vsus suos: & fluxum sæculorum ordinat turbulentum, vt ait aliâ in re Augustinus. Itaque fidei pudicitia vtrumque præsidio est, & quod plerique Romanæ Ecclesiæ, vt primariæ matri, & illimiori cuidam origi-

Lib. 9. Confess.

¶ 1.

ni indubitanter inhærescunt: & quod de illo matricis Ecclesie, Pontificisque privilegio nonnulli hæsitando, tantò suspensorem, trepidioremque cogunt esse Pontificem; ne quid eiusmodi sanciat, à quo Ecclesiam Catholicam abhorrescere posse præfagiat. Hactenus de Gallicanis libertatibus, sed genuinis, quibus Clerum Gallicanum suffragantem suprâ retuli: non illis, quas *impiis sententiis & prophanis vocum novitatibus* quidam referere, ut ipse annuit Petrus de Marca, in præfatione libri de Concordia: quorum adeo libros ait, *Decreto sacri Consistorij, & sententiis Episcoporum damnatos*. Quocirca id necessariò iam moneo, eos libros eatenus tantùm à me prolatos, ut libertatibus me non aduersarum esse ostenderem, non ut eorum me astringerem ubique sententiæ.

CXV. Aliquot
rursus dubia di-
lucuntur circa pon-
tificium in fide
decedendâ prin-
cipatum.

Suprà dissert. 4.

Si dicas autem verbis, quàm rebus splendidiora hæc esse, quæ de primæ Sedis privilegio ad terminandas fidei quæstiones disputata sunt. 1. Cum & particularibus Synodis, & sine Synodo Ecclesiis, Episcopisque id olim iuris morisque fuisse ostenderimus, ut hæreses novellas damnarent, atque ita profligarent, ut ad Synodos œcumenicas rarissimè recurrendum esset. 2. Cum ad eum modum ipsas quoque particulares Ecclesias, Episcoposque constet præisse Synodis generalibus, & quasi prælineasse quod sequerentur: ut Concilio Nicæno Alexandrum & Alexandrinam Synodum contra Arium: Ephesino 1. Cyrillum & Alexandrinum Concilium contra Nestorium: Sextæ Synodo Sophronium, & Hierosolymitanum Concilium contra Monotheletas. 3. Cum fide certam fixumque non sit, errare non posse definientem Pontificem: atque ita possit quisque hanc dubitandi deerrantiâ Pontificis, & dissentienti consequenter ab eius definitionibus usurpare licentiam. 4. Cum Ecclesie potius vniuersæ & vni adseratur infallibilitas, ut cui hæc prærogatiua non possit citra iacturam fidei Catholicæ detrahi; atque adeo cuius vni consensus seu expressa per Concilium œcumenicum, seu tacita per solam offensionis vel intercessio-

nis cessationem, cogat vel inuitos quosque pontificiis decretis inclinari. 5. Cùm denique concentus ille Ecclesiæ vniuersæ cum Capite, consensusque cum eius de fide sanctionibus, inuariatus quidem & constantissimus sit obseruatus; sed ita tamen, vt non tam ab imperioso Capitis dominatu proficisceretur, quàm ab intima Capiti, Corporique vniuerso vitæ ac sapientiæ cælitùs inspiratæ communione. Respondeo Corporis vniuersi & principalium membrorum ornamentis amplificari, non extenuari Capitis maiestatem. Illa enim fidei exuberantia, qua particulares Ecclesiæ, Synodi, Episcopi obortas hæreses sæpissime sine generali Synodo obruebant; exundabat, scatebatque primordialiter ab Apostolicis & originalibus Ecclesiis, quæ alias ex se effuderunt, & tandem ab ipsâ Matricum Matrice Ecclesiâ Romanâ, seu Petri fide. Sux itaque & primordiali origini; & perpetuæ cum originali Petri fide atque Ecclesiâ communioni, hanc fidei suæ integritatem, hanc authoritatem debebant. 2. Præisse Synodis generalibus Alexandrum, Cyrillum, Sophronium, cum particularibus suis Conciliis compertum est: ipsam etiam Romanam Ecclesiam tempore anteuenerint: nihil moror: sed principatû & maiestate Principem in Episcopatu fidei Romanum Præsulem cæteris anteisse, non semel monui. Vt cumque enim riuuli fontem & membra caput anteueniant, radiique Solem: sed sola originis authoritate, præ & principatur illa Ecclesia, quæ cæterarum vti radix matrixque est. 3. Etsi inter fidei Catholicæ dogmata descriptum illud non sit, Romanæ Ecclesiæ fidem, Pontificemque docentem nunquam errare posse; particulares tamen omnes Ecclesiæ, maximèque Occidentales ita imbutæ, ita propensæ sunt, Petri fidem à Christo, Romanam fidem à Paulo firmatam, laudatamque sectari: in fidei dubiis Apostolicam Sedem consulere, & auscultare: in tantâ Conciliorum generalium raritate, difficultate, impossibilitate vt toties colligantur, quoties noua hæresis emergit, anti-

quam fidem ab Ecclesiâ antiquissimâ, & principali origine reperere: ut quisquis à Romanæ Cathedræ fide, aut fidei sanctione defecit, nec resipuit, in hærescos baratrum tandem præceps ierit: quisquis Romanæ fidei & communioni indiuulsis inhæsit vinculis, hæreticæ potæ exors putusque perstiterit. Non semper enim necesse est, non semper expedit Synodos generales coalescere. Tot ergo & penè innumeræ hæreses nullo vnquam Concilio generali damnatæ, siue antequam damnarentur, sectarios suos nihilo secius certâ infamiâ, certoque exitio implicuere: quia Ecclesiarum, & Romanæ inter eas principantis fides contemnebatur. 4. Longè incluctabilius est quidem dogma de incorruptibili Ecclesiæ vniuersæ fide: sed fidei suæ sinceritatem particulares omnes Ecclesiæ, quarum collectio Ecclesiarum implet Catholicam, non illubentes acceptam ferunt radici & origini suæ, Romanæ Ecclesiæ, suæque cum ea irreuocabili communioni. Itaque formæ abroganda non est exundantis fluminis gloria, & puritatis laus. Porro vniuersalis Ecclesiæ, seu particularium omnium Ecclesiarum fines perlustrare atque explorare sententiam, ad fidei regulam indagandam, operosum id est, & Nouatorum ludificationibus obnoxium. Ideo Irenæus suprâ admonebat, necessario utendum esse compendio, & ad onerandos pudore omnes hæreticos, vnâ Romanam Ecclesiam adeundam, ut ex eâ, non eius tantum, sed vniuersæ Ecclesiæ fides perdiscatur. 5. Redundat illud in maiorem Capitis laudem, quod vniuersa membrorum compago, & ingenio instinctuque suo, & cælesti impulsu, ita agitur in eius obsequium, fideique consensionem: ut ab eius fide nunquam dissentiat. Meritum Petri, fides oratione Christi roborata, Cathedra Apostolici magisterij, eò pluris debet fieri, quod citra seruitutis inuidiam, & libenter & indeclinabiliter ei omnes Ecclesiæ adhærescunt. Non seruitus enim illa est, sed pietas, adeoque libertas, quo discipuli Magistro, Capiti membra obsequuntur, cælesti Spiritu vitam

vitam fidei & sapientiæ, non solùm eandem Capiti & membris, sed etiam per Caput membris, & ipsis in Caput suum membris reuerentiam insinuante,

Musitant nonnulli, silentij saltem religione, forsan animi etiam consensu acquiescendum Sedis Apostolicæ definitionibus de fide; non tamen eas antè in fidei dogma euadere, quàm Concilio generali confirmantur. Mirum est si tam pingui errore impediri possint viri eruditi. Quanti enim ante Tridentinam & Constantiensem Synodum Catholico nomine & vitâ & fortunis multati sunt? Quantæ hæreses nullo vnquam generali Concilio notatæ sunt? Quantæ generales Synodi vetustas & obsoletas hæreses, nullâque œcumenicâ à Synodo proscriptas damnare abstinerunt? Nec Synodorum generalium necessitati hæc officiunt. Nec id enim dissimulabimus, tunc necessario coisse generales Synodos, si quando pestiferis erroribus adglutinati essent principalium Sedium Pontifices, aut ingentes populorum turbæ. Sic olim aduersus Paulum Samosatenum Antiochiæ Episcopum, quanta maxima tunc potuit, celebrata est Synodus. Sic Nicæna indulta est Synodus, populorum, Episcoporumque multitudini Arianis laqueis irretitæ. Ruffinus lib. 1. c. 1. *Cùm Alexander Episcopus naturâ lenis & quietus assiduâ commotionibus Arium cuperet à prauo incepto & assertionibus impiis renocare: nec tamen res ex sententiâ procederet, quòd plerisque iam contagio pestifera assertionis infecerat, non solùm apud Alexandriam, verùm & per alias vrbes, prouinciasque dispersi, &c. Quæstio latius innotescit, sermo usque ad aures religiosissimi Principis peruenit. Tum ille ex Sacerdotum sententiâ apud urbem Nicæam Episcopale Concilium conuocat. Sic Nestorio Constantinopolitano, sic Dioscoro Alexandrino Antistiti Ephesina & Chalcedonensis Synodi donatæ sunt. Sic Sexta & Septima Græcis Episcopis, & numero, & Sedium prærogatiua, & populorum frequentia spectabilibus. Sic Augustinus lib. 4. ad Bonif. c. vi. Synodorum necessitatem ingruere aliquando non negat, rarò id contingere.*

Eccc

CXVI. Multa in fidei arcem recipi ante Concilia generalia, & necessaria tamen quandoque esse Concilia ostenditur.

asserit. *Quasi nulla hæresis aliquando sine Synodi congregatione damnata sit. Cum potius rarissima inueniantur, propter quas damnandas, necessitas talis existerit: multoque sint, atque incomparabiliter plures, quæ ubi existerunt, illis improbari, damnarique meruerunt, atque inde per ceteras terras deuitanda innotescere potuerunt. Exstitit ergo aliquando necessitas, sed quod ad hæresum causam attinet, rarissima: nimirum ubi hæresis increbuerat, latissimeque serpserrat: alioqui vno quopiam loco non egressa, ibidem velut in cunabulis suis præfocabatur sine Synodo, & inde per ceteras terras deuitanda innotescerebat.* Et lib. 1. Operis ultimi cont. Iul. n. 9. Pelagianis Synodum generalem postulantibus, aut saltem collationem, quali causa Donatistarum fuerat tractata iterum, respondet: *Quod propter Donatistas factum est, eorum violentissima turba fieri coegerunt, &c. quales vos turbas Deus auertat ut habeatis: Deo tamen propitio non habetis.* Et operis prioris adu. eundem l. 2. c. 1. Donatistarum furor occupauerat Africam totam, nec predicari à Catholicis veritatem contra suum patiebatur errorem, violentis aggressionibus, latrocinationibus, &c. Et ibidem mox ait, Collationem illam Donatistis potius renitentibus infligendam; at Maximianistis enixè flagitantibus negatam: *Cupiebant enim exiguitatem suam nomine saltem certaminis consolari. Nec sperabant victoria gloriam, sed famem requirebant Collationis, quia multitudinis non habebant.* Denique ibidem paulò antè ad eosdem Pelagianos ita habet: *Vestra apud competens iudicium communium Episcoporum modò causa finita est. Vbi enim communes Episcopi Synodum, vel iudicium agitarunt, eorum decreto causa finitur.* Et Athanasius similiter lib. de Synodis: *Nicana Synodus non temerè habita est, ut quæ habeat grauissimos usus & legitimam rationem. Syri enim, Cilices, Mesopotamiani in causâ festi claudicabant, atque unà cum Iudeis Pascha celebrabant, & iam tum Ariana hæresis suos propugnatores habebat, qui eam defenderent, & qui piis insidias facerent, Eusebianos scilicet. Atque ea causa fuit, cur vniuersus orbis in Concilium coiret.* Vbi & populorum examina, &

culmina Episcoporum in causâ esse perspicis Synodi congregandæ.

Sed nihilò tamen seciùs ante Synodum œcumenicam legitimè proscripta etiam tunc erat hæresis, seu decreto summi Pontificis, seu particularium Synodorum, aut Ecclesiarum calculo, Ecclesiæ vniuersæ consensione firmato: nec ad Synodum tanquam ad rei dubiæ ventilationem, sed ad certi veluti dogmatis plenioris confirmationem ventitabatur. Quocirca illa *necessitas*, quam insinuabat Augustinus, non ad dogmatis certam definitionem, quasi sine Synodo generali eam Ecclesia adipisci neutiquam possit: sed ad populorum pertinet & optimarum sedandos furores, ut qui Synodi œcumenicæ lubentiùs acquiescant vel populari deliberationi, vel splendori ac potentiaë explicatori. Alioqui enim nec Capiti nec corpori Ecclesiæ certam veritatis conscientiam, ac fidei promulgandæ potestatem vel adimere, vel extenuare possunt populorum aliquot, vel procerum intemperia. Num pendebit enim vel Pontificis, vel particularis Synodi definitio, & in veri falsique, certi aut incerti confinio alternabit, donec vel annuant, vel abnuant Christianæ reipublicæ membra omnia? An quia Pelagio paucissimi & ex Episcopis & ex plebibus consensere, ideo constantissima fuit & Romanorum Præsulum & Africanarum Synodorum sententia: si plures, nutasset? Immaniter hoc à vero distat. Idèò etsi utcumque excusatiorem, non tamen à labe purum censuit Cyprianum Augustinus, qui ante Concilium plenarium à Stephani & collegarum definitione discessit. Ideo nec culpæ omnino vacui, qui ante Nicænam Synodum à Paschatis ritu Catholico deuiarunt. Ideo & in Concilio Romano sub Miltiade ita Donatistæ resipiscentes suis in Clero infulis gradibusque frui permitti sunt, ut hæc dispensatio esse & venia iuris significaretur, adeoque in hæreseos vel schismatis ignominia antè illi demonstrarentur iacuisse. Ideo nec forsan omnibus condonata sunt œcumenicæ Synodi, qui numero


& splendore sectatorum pollebant. Num Marcioni enim, num Cerdoni, num Manichæo? Denique trecentis annis ne condonari quidem aut colligi potuerit. Ideo Augustinus Pelagianos ab Occidentalium iudicio ad Orientales & ad œcumenicum Concilium appellantes obiurgatione istâ suffundebat lib. 1. cont. Iulianum cap. 4. *Puto tibi eam partem Orbis sufficere debere, in quâ primum Apostolorum suorum voluit Dominus gloriefissimo martyrio coronare.* Ideo Cyrillus Alexandrinus suprâ damnationi Nestorij & Nestoriana dementiæ per Cælestinum promulgatæ & Romanam Synodum, necessariò subscribendum aiebat, aut Occidentalium omnium Ecclesiarum communione cendum: idque ante Ephesinam Synodum. Ideo ante Chalcedonensem Synodum epistolæ Leonis, quâ Eurychiani dogmatis damnatio confirmabatur, Oriens iam, Occidensque subscripserat. Ideo sexta Synodo, itemque septima post œcumenica anathema compluribus velut hæreticis iniustum est, qui ante œcumenicæ Synodi coalitionem insanire aduersus fidem, simul & vivere desierant. Idem nihilò obscurius est in reliquis deinceps Conciliis: sed in Florentino longè evidentissimum. Sed illud Sextæ & Florentinæ Synodo commune est, illud præclarissimum, quod cum vel longè plures, vel omnes Orientalium regionum Episcopi, Patriarchæ, populi in alienum dogma declinassent, cum Imperator Græcus ante œcumenicæ Synodi deliberationem negaret in fidei dogma suscipi quidquam posse: peruenit tamen Romana Ecclesia, nec Synodo œcumenica absolutissimè opus esse; & ubi illa concessa, collectaque fuit; non vi de re dubiâ enucleandâ, sed velut de inconcusso decreto confirmando magis magisque disceptari. Quæ si sæculò fuerint animo mandata, tum eorum retegetur hallucinatio, qui nusquam necessarias esse posse Synodos œcumenicas arbitrantur. Ad solam illi intuentur fidei indagationem, quæ Pontificum decretis, & Ecclesiæ vniuersæ per orbem sparsæ suffragio abundè dilu-

cescere potest. Sed alia incidunt discrimina, quibus vix ac nec vix potest nisi per Synodos generales obuiari: vti superioribus exemplis patefactum est, nempe cum Pseudosynodus Ephesina per Chalcedonensem obliteranda fuit; cum tot Græcorum aduersus imagines spuria Concilia septimæ Synodi splendore obducenda fuere: cum Constantinopolitanus Patriarcha cum permagna Orientis portione à Monotheleticis deliramentis in sinum fidei ecclesiasticæ fuit reuocandus per sextam Synodum: Græci similiter per Florentinam. Pluribus tempero, genus ipsum indigitasse contentus. Sunt & præter fidei causas, etiam schismatum, & corruptelarum tantæ quandoque pestes, quantis opprimendis tota necessariò concurrere & collaborare debet Ecclesia: cuiusmodi maximè necessitas maiores nostros annis abhinc ferè trecentis visa est sollicitos habuisse. Cautissimum igitur est, inter extremos hinc & hinc scopulos medium iter fulcare: vt nec semper, nec nunquam necessariæ sint Synodi vniuersales. Olim quippe etiam à Pontificis summi decreto nunquam prouocabatur ad Concilium: *Tamen aliquando ob bonum pacis instaurabatur iudicium Sedis Apostolicæ: quod differt ab appellatione, &c. Indicia aliquot renouata, post Romanæ Sedis sententiam. Quod aliquando tamen fieri noluerunt summi Pontifices, &c. Aliquando ad procurandam Ecclesiæ tranquillitatem, Imperatorum rescripto, Apostolica Sedis indicia in maiore Synodo instaurari contigit: in quâ per Legatos Romanus Episcopus intererat. Tradit quippe Augustinus, post Romanam Synodum de Donatistis rursum cognouisse Arelatense Concilium: Quibus verbis rem gestam describit, non autem regulam præscribit; quâ in omnibus causis vti liceat, nempe instauracionem omnium iudiciorum Apostolicæ Sedis in Synodo vniuersali, quemadmodum plerique contra veterum sententiam sibi persuaserunt, &c. Causam Acacii, iterato iudicio, in Synodo œcumenicâ discussi passus non est Gelasius, neque ceteri Pontifices, quamuis schismate eam ob rem violata esset unitas Ecclesiæ: qua sub Iustino Principe restituta est, cedentibus Græcis*

*Petrus de Marca.
Conc. l. 4. c. 17. in
Syn. & n. 2. 3.*

Auctoritati Romanae Ecclesiae. Quamvis dicantur hîc Synodi
ob bonum pacis, & ad procurandam Ecclesiae tranquillitatem
 concessæ: adeoque velut ex dispensatione: non eleua-
 tur tamen earum necessitas. Quæ maior enim, aut ine-
 xorabilior necessitas, quàm paci & tranquillitati Ecclesiae
 consulendi? Dispensatio autem adeò non expungit ne-
 cessitatem, ut ex aduerso ea sit demùm laudatissima di-
 spensatio, quæ donatur vtilitati euidenti, vel *urgenti ne-*
cessitati.





DISSERTATIO XIX.

IN

SYNODVM V. OECVMENICAM

CONSTANTINOPOLITANAM II.

Anno Christi 553.

SYNOPSIS.

*In defensione trium Capitulorum nunc arripiendâ, nunc ab-
iiciendâ, ostenditur Vigily Papa non inconstantia, sed dispen-
satio, & pacis amor, uero nunquam iniuriosus. Vsq̃ue ad num. VII.*

*Etsi possit fontibus ignosci, non posse tamen in fontibus vel scri-
ptoribus, vel scriptis anathema illidi ex dispensatione: nec po-
tuisse trium Capitulorum damnationi factâ subscribi, nisi mani-
festatâ, vel utcumque creditâ veritate. Vsq̃ue ad num. XIII.*

*Quinta Synodi memoriam alicubi aliquandiu sileri, indultum
à Romanis Pontificibus, ex necessariâ tunc saltem dispensatione,
ubi regnorum & populorum strages anteuertendæ erant. Vsq̃ue
ad num. XXVI.*

*Proferuntur argumenta, quibus vniuersim in rebus facti &
personarum errare posse Synodos œcumenicas probant aliqui. Con-
trâ euincitur damnationi synodica errorum authorumque accom-
modandam necessariò consensionem, ubi Synodis subscribitur. Vsq̃ue
ad num. XXXIX.*

*Sequestratis aliis factorum & personarum questionibus, osten-
ditur Synodorum œcumenicarum, siue Ecclesie vniuersalis indi-
cia ad librorum damnationem spectantia, non posse deinceps re-
tractari, aut in contrarium flecti, prolixè & ex hac ipsâ Syno-
do. A num. XXVII. ad XLV.*

*Idem rursus multis argumentis perficitur: & quàm infelici-
ter clementibus interpretationibus enitantur purgare libros ab Ec-
clesiâ damnatos. Percurruntur anteriorum & posteriorum tem-
porum exempla complura: quibus liquet damnatorum librorum
vindices, errorum infamiam non eis unquam effricuisse, sed ipsis
sibi quandoque affricuisse. Vsq̃ue ad num. LXVII.*

*Quid de Agobardo, Baronio, Bellarmino, aliisque ingentis
fama viris sentiendum sit, qui damnatos ab Ecclesiâ libros ali-
quos defensitari posse senserunt. Vsq̃ue ad num. LXXX.*

*Adeos qui rogitant, an de fide sit, haresin hoc libro contineri?
Quàm latè quandoque pateat nomen fidei & harescos. Quàm
facile suspectos haresum habeat Ecclesia defensores librorum, qui-
bus eas inesse ipsa indicat. Harescos suspicio. vel accusatio, quàm
non temerè ulli impingenda, quàm anxie, à quolibet propulsan-
da. Vsq̃ue ad num. XC.*

*Ad eos, qui rogitant humanâ, an divinâ fide constet hanc
haresin hoc libro contineri. Quàm aliena sit à perpetuâ Ecclesiâ
& Synodorum hætenus omnium tutissimâ, doctissimâque simpli-
citate. hac cavillandi lascivia. Vsq̃ue ad num. XCIV.*

*Vigilij Papa & Romana Sedis principatus quantum resplen-
duerit in hac Synodo aduersus Novatores. Vsq̃ue ad n. CLI.*

*Defensores Capitulorum eruditi, quàm nullo privato studio,
nullâ acuminis sui fiduciâ, sed solâ agerentur tuenda Chalcedo-
nensis Synodi cupiditate. Scrupuli aliqui amouentur. Vsq̃ue ad
calcem.*

I. Vigilius Papa
in negotio trium
Capitulorum huc
& illuc versatilis,
non inconstans
sed dispensatione,
& amore unitatis

PURGANDA primùm nobis videtur inconstan-
tiae labes, quam affinxere plerique Vigilio Pa-
pæ; consiliorum eius varietatem, in arripienda
nunc, post abiicienda trium capitulorum defensione,
non medullitùs & in recessu, sed specie tenus pensitan-
tes. Cordatis enim non paucis ex aduerso dispensatio hæc
fuisse censetur, ad omnes prudentiæ numeros expensa,
& summa tuendæ pacis atque unitatis ecclesiasticæ con-
stantia. Quippe cum intelligeret Vigilius versatilem hanc
esse controuersiam: & quo illa cumque erumperet,
nihil

nihil periculi orthodoxæ fidei, quam hinc & inde certatim tuebantur omnes, creari; integrum ille sibi non iniuria duxit, nunc huc, nunc illuc inclinare: & eo nimirum vergere, vbi maior spes allucesceret sarciendæ concordæ, cui vni securum de fide Catholica seruire fas erat. Itaque cùm anno Christi 546. Iustinianus Imperator damnationi trium Capitulorum Mennam CP. & alios Patriarchas cum Episcopis subscribere coëgisset; euocatus Vigilus; & anno 547. urbem regiam ingressus, Mennam & alios Capitulorum damnatores à communione suspendit, Iustinianum ad ea damnanda vim inferentem constanter spreuit. At anno 548. idem pacis studio inflexus, Iudicatum ad Mennam, quem rogatu Theodoræ Augustæ in communionem receperat, protulit; in quo Theodorum Mopsuestenum cum dogmatibus suis, Ibæque epistolam, & scripta Theodoretæ damnabat, *saluâ Synodi Chalcedonensis reuerentiâ*. Hæc prima alternatio est necessariæ accommodata dispensationi.

Nam & increpari Orientales Episcopos primùm par erat, temerè imperatoriis edictis iussisque obsecutos, cùm vel maximè plerique eorum contra Concilium Chalcedonense has instrui machinas suspicarentur. Et vbi quomodocumque assensi sunt Orientales omnes damnationi Capitulorum, tum & illis accedere Pontificem atque Occidentales consultum erat, ne secessione pertinaci schisma conflaretur. Itaque Vigilus & Capitula damnauit, vt Orientales sibi conciliaret; & saluam esse iussit Concilij Chalcedonensis reuerentiam, ne exasperaret Occidentales: atque ita medium se vtrisque velut sequestrem pacis interposuit. Hanc dispensandi sapientiam commendarunt Italiæ Clerici in epistola Legatis Francorum Constantinopolim proficiscentibus directâ: *Veniens Constantinopolim beatissimus Papa Vigilus, Magis autem ut quod verius est dicatur, propè violenter deductus, ceperunt ibi ipsum expectare, vt damnationem aliquorum Capitulorum faceret, per quam sancta Synodus Chalcedonensis, modis omnibus*

II. Prima progressio eius dispensationis.

Conc. Gall. t. 6. p. 274.

FFFF

*Idem rursus multis argumentis perficitur: & quàm infelici-
ter clementibus interpretationibus enitantur purgare libros ab Ec-
clesiâ damnatos. Percurruntur anteriorum & posteriorum tem-
porum exempla complura: quibus liquet damnatorum librorum
vindices, errorum infamiam non eis unquam effricuisse, sed ipsis
sibi quandoque affricuisse. Vsq̃ue ad num. LXVII.*

*Quid de Agobardo, Baronio, Bellarmino, aliisque ingentis
fama viris sentiendum sit, qui damnatos ab Ecclesiâ libros ali-
quos defensitari posse senserunt. Vsq̃ue ad num. LXXX.*

*Adeos qui rogitant, an de fide sit, haresin hoc libro contineri.
Quàm latè quandoque pateat nomen fidei & hareses. Quàm
facile suspectos haresum habeat Ecclesia defensores librorum, qui-
bus eas inesse ipsa indicat. Hareses suspicio, vel accusatio, quàm
non temerè ulli impingenda, quàm anxie, à quolibet propulsan-
da. Vsq̃ue ad num. XC.*

*Ad eos, qui rogitant humanâ, an divinâ fide constet hanc
haresin hoc libro contineri. Quàm aliena sit à perpetuâ Ecclesia
& Synodorum hætenus omnium tutissimâ, doctissimâque simpli-
citate, hac cauillandi lasciuia. Vsq̃ue ad num. XCIV.*

*Vigilij Papa & Romana Sedis principatus quantum resplen-
duerit in hac Synodo adversus Nouatores. Vsq̃ue ad n. CII.*

*Defensores Capitulorum eruditi, quàm nullo privato studio,
nullâ acuminis sui fiducia, sed solâ agerentur tuenda Chalcedo-
nensis Synodi cupiditate. Scrupuli aliqui amouentur. Vsq̃ue ad
calcem.*

I. Vigilius Papa
in negotio trium
Capitulorum huc
& illuc versatilis,
non inconstans
sed dispensatione,
& amore unitatis

PURGANDA primùm nobis videtur inconstan-
tix labes, quam affinxere plerique Vigilio Pa-
pæ; consiliorum eius varietatem, in arripienda
nunc, post abiicienda trium capitulorum defensione,
non medullitùs & in recessu, sed specie tenus pensitan-
tes. Cordatis enim non paucis ex aduerso dispensatio hæc
fuisse censetur, ad omnes prudentiæ numeros expensa,
& summa tuendæ pacis atque unitatis ecclesiasticæ con-
stantia. Quippe cum intelligeret Vigilius versatilem hanc
esse controuersiam: & quo illa cumque crumperet,
nihil

nilhil periculi orthodoxæ fidei, quam hinc & inde certatim tuebantur omnes, creari; integrum ille sibi non iniuria duxit, nunc huc, nunc illuc inclinare: & eo nimirum vergere, vbi maior spes allucesceret sarciendæ concordia, cui vni securum de fide Catholica seruire fas erat. Itaque cùm anno Christi 546. Iustinianus Imperator damnationi trium Capitulorum Mennam CP. & alios Patriarchas cum Episcopis subscribere coëgisset; euocatus Vigilus; & anno 547. urbem regiam ingressus, Mennam & alios Capitulorum damnatores à communione suspendit, Iustinianum ad ea damnanda vim inferentem constanter spreuit. At anno 548. idem pacis studio inflexus, Iudicatum ad Mennam, quem rogatu Theodoræ Augustæ in communionem receperat, protulit; in quo Theodorum Mopsuestenum cum dogmatibus suis, Ibæque epistolam, & scripta Theodoretæ damnabat, *saluâ Synodi Chalcedonensis reuerentiâ*. Hæc prima alternatio est necessaria accommodata dispensationi.

Nam & increpari Orientales Episcopos primùm par erat, temerè imperatoriis edictis iussisque obsecutos, cùm vel maximè plerique eorum contra Concilium Chalcedonense has instrui machinas suspicarentur. Et vbi quomodocumque assensu sunt Orientales omnes damnationi Capitulorum, tum & illis accedere Pontificem atque Occidentales consultum erat, ne secessione pertinaci schisma conflaretur. Itaque Vigilus & Capitula damnauit, vt Orientales sibi conciliaret; & saluam esse iussit Concilij Chalcedonensis reuerentiam, ne exasperaret Occidentales: atque ita medium se vtrisque velut sequestrem pacis interposuit. Hanc dispensandi sapientiam commendarunt Italiae Clerici in epistola Legatis Francorum Constantinopolim proficiscentibus directâ: *Veniens Constantinopolim beatissimus Papa Vigilus, magis autem ut quod verius est dicatur, propè violenter deductus, ceperunt ibi ipsum expectare, vt damnationem aliquorum Capitulorum faceret, per quam sancta Synodus Chalcedonensis, modis omnibus*

II. Prima progressio eius dispensationis.

Cont. Gall. 1. b. p. 28. 294.

Fffff

solueretur. Sed cum Papa Vigilius in hac parte non vellet adhibere consensum, iam tunc talis violentia facta est, ut publice in conuentu clamaris; Contestor quia etsi me tenetis captiuum, beatum Petrum Apostolum captiuum facere non potestis. Postea tamen tractatu habito praedictus Papa Vigilius, sub aliqua dispensatione ipsam causam ordinauerit; sollicitè monendo, ne per occasionem aliquam, supradicta Synodus pateretur iniuriam. Et quamuis nec hoc quod Papa fecerat, acquieuerunt Afri, & Illyriciani, atque Dalmata, &c. Vides infractam primò Pontificis aduersus minas irasque regias constantiam. Vides inflexum postea, non terroribus ingeminatis, sed tractatu habito. Vides causam ab eo ordinatam sub aliqua dispensatione. Vides demptis illis qui nominatim restitisse eius dispensationi perhibentur, Italos, Gallos, reliquosque Occidentales acquieuisse.

III. Altera eiusdem progressio.

At cum Afri, Illyrij, Dalmatæ in defensione trium Capitulorum perstarent; & Rusticus, ac Sebastianus Diaconi à Vigilio defecissent, eumque ut Chalcedonensis Synodi desertorem toto Occidente infamarent; an. Christi 549. & 550. per epistolas docuit Vigilius, Iudicato suo nihil derogari Concilio Chalcedonensi, Diaconis transfugis abrogauit ministerium; & urgente Iustiniano, ut absolute ac sine mentione Synodi capitula damnaret, rem ad Concilium generale deferri persuasit: receptoque interim cum aliorum Episcoporum manibus Iudicato, omnem deinceps usque ad Concilium de Capitulis quaestionem, annuente Principe, interdicit. Audiendi rursus Clerici Italiae in supra laudata epistola, alterius huius dispensationis pracones; qua emissa Capitulorum damnatio, in suspendio haberi iussa, & ad silentium reuocata, donec Synodus oecumenica colligeretur. Et quamuis nec hoc quod Papa fecerat, acquieuerunt Afri, & Illyriciani, atque Dalmata Sacerdotes recipere; tamen cepit iterum beatus Papa Vigilius ad hoc compelli, ut absolute ipsa capitula sine Synodi Chalcedonensis mentione damnaret. Sed Papa non acquiescens hoc facere, & videns se nimium ingravari, dixit serenissimo Principi, Veniant hic fratres nostri ex omnibus provinciis quini,

aut seni Episcopi ; & quidquid sub tranquillitate tractatu habito omnibus visum fuerit, cum pace disponemus : quia sine consensu omnium ista, quæ & Synodum Chalcedonensem in dubium venire faciunt, & scandalum fratribus meis generant, solus facere nullatenus adquiescam. Ex Africa ergo & Illyrico Episcopos Princeps euocauit, & prestitit Deus, ut hac ratione sanctus Papa Vigilius Constitutum, quod in ipsa causa fecerat, publicè in conventu reciperet ; denuncians, si quis Græcorum Episcoporum usque ad vniuersalis Concilij tractatum de ipsis capitulis aliquid fecisset, aut facientibus acquievisset, à communione Sedis Apostolica alienus existeret. Quoniam frequenter ipsi Episcopi Græci ad voluntatem Principis damnauerant ipsa capitula, unde causa mota est, sed beatissimus Papa manus eorum ab Imperatore receperat. Optatissimum fuerat ut omnes priori Vigiliij dispensationi seu Iudicato assentirentur, quo & Græcis Capitulorum damnatio, & Latinis Chalcedonensis Synodi reuerentia confirmabatur : sed cum nec hi, nec illi omnino acquiescerent, nihil conducibilius fuit, quàm ut ex vtrisque coiret Synodus, & communi tractatu res fineretur. Itaque nulla hîc inconstantia sententiæ, nulla vacillatio fingenda est.

Rursum an. Ch. 551. Iustinianus, instigante Theodoro, edicta in capitulorum damnationem contra interdictum proponit. Vigilius reclamationem, & excommunicationem in eos indicit, qui assensum præbuerint. Iram Principis ebullientem multiplici fuga declinat, in Basilicam S. Petri, inde Chalcedonem ad S. Euphemiam. Anno denique 552. edictis sublati à Iustiniano, libellisque fidei & pœnitentiæ oblatis à Meana, Theodoro, & aliis, Chalcedone relicta rediit Constantinopolin. Vbi inuictum animi robur, & sui nusquam dissimilem constantiam necesse est nos mirari. Anno postremum 553: indicitur Synodus quinta generalis, cui abnuens interesse Vigilius, ut suam scripto sententiam expromeret, Constitutum edidit, resumpta trium Capitulorum defensione. Damnanti autem Capitula Synodo non assentiens, in exilium pellitur. Clerici.

Efffff ij.

IV. Rursus eiusdem inconcussa animi constantia.

Italix in supramemorata epist. Constantinopoli ceperunt iterum B. Papam Vigilium compellere, ut si Afri, atque Illyriciani, vel Dalmata Episcopi nollent, ipse cum Græcis Episcopis eadem capitula condemnaret. Sed beato Papa Vigilio nullatenus acquiescente, edicta ex nomine imperiali tam in Ecclesiâ Constantinopolitanâ, quàm in locis diuersis suspendi fecerunt, per quæ eadem capitula damnarentur. Quo factò beatus Papa omnes Episcopos admonuit, dicens, Quicumque edictis istis consensum præbere voluerit, sciat se ab Apostolica Sedis communione suspensum. Sed & sanctus Datus Mediolanensis Episcopus contestationem omnibus sub magna vociferatione deposuit, Ecce ego & pars omnium sacerdotum, inter quos Ecclesia mea constituta est, id est, Gallia, Burgundia, Spania, Liguria, Æmylia, atque Venetia contestor, quia quicumque in edicta ista consenserit, suprascriptarum provinciarum Pontifices communicatores habere non poterit. Quia constat apud me edicta ista sanctam Synodum Chalcedonensem & fidem Catholicam perturbare. Hic perspicis longè plures Occidentis Episcopos, nempe Gallos, Hispanos, Italos Vigilij dispensationi consensisse. At cum eidem refragarentur & Græci, & non pauci Occidentales, id demum superavit Vigilio, ut omiſſa œconomia, ad ingenium rediret; & quò semper fuerat propensior, tria Capitula damnari vetaret. Itaque ipse Vigilus epist. 15. Episcopos Clericosque ita se contestatum ait, *Rogo piissimum Principem, ut edicta sua, quæ iussit appendi, remouere dignetur, & Constitutum commune expectare: id est, ut scandalizati Episcopi Latina lingue ad Synodum veniant, aut certè remota omni violentiâ suas scripto declarent sententias. Quòd si fortè preces vestras audire noluerit, vos nulli rei prebeatis assensum, quæ ad diuisionem tendit. Iure ergo in omnem se partem vertebat, ut scandalizatis Latinis Episcopis mederetur. Quid æquius autem, quam scissam Ecclesiam coire in Synodum, vel scripto liberas proferre sententias, quod & ipse pro sua parte virili fecit Vigilus; & ita in commune aliquid consuli, quod pacem orbi Christiano resarciat?*

Sed suæ ipse adsertor dispensationis Vigilus prodeat, in Encyclicâ de damnatione Theodori. *Nos longanimitatem nostram divinâ largitate concessam, tam circa te, quam circa ceteros seductos abs te, penè hoc quinquennio elapso ostendimus. Primum quidem in eo quod pro scandalo refranando condescendentes quorundam animis, quos aliqua dispensatione credidimus temperandos; quia tu iam eos pluribus annis inquietissimus stimulator accenderas; quadam pro tempore medicinaliter existimauimus ordinanda: tali scilicet conditione, ut omni in posterum perturbatione sopitâ, nihil ultra nec verbo, nec literis quisquam facere ex eadem causa presumeret. Audis longanimitatem, condescensionem, dispensationem, temperamentum, medicinalem ordinationem, necessariam utique, ut mox ait, scandalizata fraternitati. Et mox, Hac omnia bona desideria nostra, qua pro pace Ecclesia proculdubio militabant, &c.*

V. Sux ipse dispensationis defensor Vigilus.

Synodo autem interesse & assentiri primum respuit Vigilus, quod ut ibidem ait, *Africanorum, & eorum maxime presentiam requireret, quorum fuerat scandalizata fraternitas: quod illa scilicet omnia fuissent, fraternæ collationi, & tranquillo Episcoporum reseruanda iudicio. Itaque subduxit se Synodo, cui & grauem nimis imminere cernebat Principis potestatem, tot ante præiudiciis, tot contumeliis expertam: & abesse Occidentales Episcopos, quorum maxime scandalo prospiciendum fuerat. Quocirca Episcopis ad Synodum inuitantibus respondit Vigilus, ut ipsimet referunt, Non posse unâ nobiscum conuenire, eò quod plurimi quidem hîc sunt Orientales Episcopi, pauci verò cum eo. Quod autem excipiebant Orientales, Ne enim in sanctis quatuor Synodis multitudo Occidentalium Episcoporum inuenta est unquam, sed duo vel tres Episcopi, & certi Clerici: Præposterum id quidem erat. Nam pauci illi Occidentalium Synodorum legati erant, earumque consensionem in earumdem hæresum exterminium perferebant in synodicis epistolis, atque ita vniuersalem Græcorum Synodo concordiam & œcumenicam conciliabant auctoritatem. Hîc autem dissentiebat à Græcis totus Occi-*

V I. Cur Synoda non interfuerit,

Syn. 5. aff. 2.

dens, & dissensu suo Græcanicam Synodum quodammodo irritabat. Denique Vigilij dispensationem & incredibilem quandam sapientiæ temperiem illud arguit, quod extremo Constituto suo etsi promat sententiam illam suam, cui medullitùs semper inhæserat, de non dammandis capitulis: abstinere tamen ab anathemate vel intorquendo, vel interminando. Conscius nempe nihil interesse, utram in partem declinetur, dum scandala sileant, & pax redintegretur Ecclesiæ.

VII. An ei tandem subscripserit.

Postremo tandem ab exilio redux Vigilius subscripsit quintæ Synodo, ut non obscuris colligitur testimoniis; subscribere indubitatissimè successores eius Romani Pontifices, & ita Occidentalis denique omnis Ecclesia; quæ videri posset summa quædam dispensationis & extrema laus. Quod subscripserit ipse Vigilius, innuit Sexta Synodus in Prosphnetico ad Const. Imp. act. 18. *Vigilius post hæc Iustiniano piissimo consonuit, & quintum Concilium constitutum est; ut eorum opuscula, quæ latenter reperta sunt repleta abominatione, anathematizarentur.* Euagrius autem lib. 4. cap. 34. *Vigilius per litteras consensit Concilio, non tamen interesse voluit.* Idem asserunt Photius, Zonaras, Cedrenus, aliique. Id denique illustrissimus Petrus de Marca perucit, erutâ è tenebris, quæ hætenus delituerat, epistolâ ipsâ Vigilij, quâ Capitulorum damnatio confirmatur. Disertissimè idem testatur Eustathius Presbyter in vita Eutychij Patriarchæ CP. c. 22. *Nemo unquam nisi magni huius ac diuini viri tempore quatuor simul Patriarchas conuenisse meminit. Itaque cunctis dubitationibus & controuersis non violentiâ, nec necessitate, aut partium studio atque affectione, sed demonstrationum aut cohortationum vi dissolutis, summa pax & magna tranquillitas in Dei Ecclesiâ est consecuta. Quatuor autem Patriarchæ sunt hi. Vigilius veteris Roma, Eutychius hic noua Roma, Apollinarius Alexandria, Dominus Antiochiæ. Qui tanquam unum in corpus ex quatuor elementis conflati, unanimes, idemque sentientes, manus inter se coniunxerunt, &c. Quadruplicem & auream quodammodo quan-*

dam magnam catenam conficientes, in templum Dei ingressi sunt, &c. Quatuor hi flumines qui egrediuntur à Paradiso, &c. Horum consensu & coniunctione, Dominus Deus currum Pharaonis & exercitum eius proiecit in mare, delectos haresum fautores, triumque capitum impietatem demergens. Cum igitur ex quatuor Pastorum concordia, rectoque sensu factum esset unum ovile atque unus pastor, discesserunt ad suas singulis civitates. Quibus postremis maximè verbis refellitur illa exceptio, qua cæteris testimoniis suprà relatis occurri potest, concordiam illam Vigilij à Græcis ostendi, quam in Synodo ipsa vendicarunt, Iudicato videlicet eius testificatam, & Synodo anteriorem.

*Cum Vigilius ergo, Pelagius sanè indubitatissimè, & Gregorius aliique Pontifices Romani, ac demum Occidentales consenserint quintæ Synodo: idne dispensationi tantummodo, an elucidatæ veritatis iudicio adscribendum est? Memini, quid vir doctus scripserit: *Præstat utilitas publica privata; & ut dogma sanum in Ecclesia obtineat, quam ut unus aliquis fortè tantum olim errans, aut etiam per calumniam hæresis notâ aspersus, parcente Ecclesiâ eius memoria, bonum retineat nomen. Censetur in eiusmodi permissum tantum, si quid materialiter, ut vocant, accidit mali. Quod nec innocens, iamque regnans cum Deo, ut est ordinatè affectus, canonicè illatum detrectaverit. Pergitque pluribus asserere, posse ut fidei & utilitati Ecclesiarum publicè cautum sit, mortuis etiam immerentibus & calumniam passis hærescos anathema impingi ex dispensatione.**

*Quod attinet tamen ad hoc negotium, potuisse in eo explicari dispensationem, ut vel nocentibus ignoscere-
tur; nequaquam autem, ut innoxiiis canonica imprime-
retur infamia; nec nisi elucidatâ veritate, potuisse dam-
nationi trium Capitulorum, seu quintæ Synodo subscri-
bi, sanior & ipsissima Romanorum Pontificum sententia
est. Vigilius quippe ipse in primis in epist. ad Eutychium
quintæ Synodi confirmatrice, eius definitioni se tandem
consentire ait, *reuelante Domino, & veritate inuestigatâ, &c.**

VIII. An ex di-
spensatione pos-
sit immerentes
damnari.

Pro actis 6. Syno-
di, pag. 86.

IX. Negatur pos-
se, etsi possint
merentes non
damnari.

Pudori esse non debere, cum ea, quae ab initio omissa, studio deinde veritatis inveniuntur, &c. Patres, & maxime Augustinum propria scripta retractasse; & illa quae omiserat, ac deinde inuenerat, addidisse. Varia hic ex Theodoro Mopsuesteno decerpit errorum portenta, & ita illi anathema dicit, itemque Theodoretum in Cyrillum scriptis & Ibae epistolae. Et demum addit, Quin etiam quencumque, qui crediderit, aliquo ullo tempore ea capitula debere suscipi, vel defendi, vel conatus fuerit hanc presentem condemnationem subvertere, simili anathemati subiscimus. Omnis hic execratio non dispensationi, sed inuestigatae veritati tribuitur, & tribuenda docetur.

X. Rursum probatur non potuisse anathema dici tribus capitulis, nisi manifestata veritate.

Idem luculentissimè Pelagius Papa exequitur epist. 7. ad Episcopos Istriae, qui diutina Latinorum omnium, & ipsorum Romae Pontificum conflictatione, schismatis sui pertinaciam obumbrabant. Quos acutè ipse, & solidè indidem reuincit: *Res quae promovere vos ad consensum debuit, à consensu vos ipsa diuellit. Latini quippe homines & Graecitatis ignari, dum linguam nesciunt, errorem tardè cognouerunt. Et tantò eù celerius credi debuit, quantò eorum constantia, quousque verum cognoscerent, à certamine non quieuit. Quorum consensum certè fraternitas vestra despiceret: si ausu precipiti, prius quàm verum cognoscerent, consensissent. At postquam diu ab eis laboratum est, & longo tempore ad iniurias usque certatum, hinc vestra fraternitas penset, quia tot labores repente non relinquerent, nisi quae vera sint, agnouissent. Sola veritatis luce victos cessisse vides, alioqui non cessuros. Quod illustrat mox exemplo Pauli Apostoli, cuius pristina reluctatio veritati Euangelij suffragatur. Non fregisset enim tam indomitam Pauli contumaciam, nisi ineluctabile quoddam lumen veri: Fidem enim cui tanto prius tempore restiterat, postmodum sine magna rationis certitudine non tenebat. Ita & Petro tanto impensiùs credendum fuisse ait, Gentibus Ecclesiam pandenti, quod antea ipsemet restiterat; Si igitur in trium Capitulorum negotio, aliud cùm veritas quareretur, aliud autem inuentà veritate dictum est:*

cur

cur mutatio sententiae huic Sedi in crimine obiicitur, qua à cuncta Ecclesiâ humiliter in eius authore veneratur? Non enim mutatio sententiae, sed inconstantia sensûs in culpâ est. Quando ergo ad cognitionem recti intentio incommutabilis permanet, quid obstat, si ignorantiam suam deferens, verba permutet? Subiicit Dei ipsius perpsepe non mutari consilium, sed sententiam; & ipsummet Saülis regno inuncti poenituisse. Tum coaceruat operum damnatorum testimonia meritò confixa.

Accedat his Gregorius Papa I. lib. 6. epist. 31. *Historiam Sozomeni Sedes Apostolica suscipere recusat, quoniam multa mentitur, & Theodorum Mopsuestia nimium laudat: atque usque ad diem obitus sui magnum doctorem Ecclesiae fuisse perhibet. Restat ergo ut si quis illam historiam recipit, Synodo quae pia memoria Iustiniani temporibus facta est de tribus Capitulis, contradicat. Qui verò huic contradicere non valet, illam historiam necesse est ut repellat. Vides quintae Synodo non posse contra quenquam dicere; contra autem dici, si laudibus Theodori fides adiiciatur. Et idem ipse in ep. ad Episc. Hiberniae. In Synodo in qua de tribus Capitulis actum est, aperte liquet nihil de fide conuulsum esse, vel aliquatenus immutatum; sed sicut scitis de quibusdam illic solummodo personis est actitatum; quarum una, cuius scripta euidenter à rectitudine Catholica fidei deuiabant, non iniuste damnata est.*

Incausum ergo cauillantur aliqui potuisse seu Istros, seu Hibernos, seu Afros, seu quosuis alios trium prius Capitulorum defensores, & quintae Synodo subscribere, & Ecclesiae unitati recolligi; etsi suam illam non exuerent opinionem, atque errasse Synodum in illa definitione sentire pergerent, ut quae ad facta & personas, non ad fidem pertineret. Si res enim ita haberet, ecurr Vigilius, Pelagius, Gregorius inuestigata demum veritate Ecclesiam Romanam Synodo consensisse inculcant? Cur Sedes Romana & Occidentalis Ecclesia tot labores exhausit & ærumnas, dum sibi veritas dilucesceret, si erranti in facti iudiciis Synodo fas erat subscribere, & tantas

G g g g

XI. Idem efficitur ex Gregorio Papa.

XII. Aduersus eos, qui Quintae Synodo subscribi posse putant, & errasse tamen credi.

lucrari calamitates? Eccur nec Istriae, nec Hiberniae, nec Africae Episcopis vnquam in tam diutina iactatione, scintillauit hæc scholasticæ distinctionis lux, vt tam breui compendio schisma sedarent? Eccur Pelagius, Gregoriusque, & alij Pontifices, tam luculentis tractatibus & epistolis bellaces schismaticos expugnare aggressi, non vnquam tam bellam pacis restituendæ artem, & tam expeditam explicuere?

XIII. Rursus
contra eosdem.

Vtrisque enim, Pontificibus inquam, & Schismaticis illud conueniebat, illud erat persuasissimum, nec dam-nari potuisse authores, librosve authorum vllos, nisi exploratâ veritate; nec Synodo eos damnanti subscribi, Ecclesiæve Synodum amplexanti communicari, nisi ab iis qui in his omnibus liquidam veritatem radicare certò scirent, aut vtrumque crederent. Vnde Anastasius Bibliothecarius in Sergio Papa ad an. 632. *Huius temporibus Aquileiensis Ecclesiæ Archiepiscopus, & Synodus qua sub eo congregata est, qui sanctum quintum vniuersale Concilium utpote errantes, suscipere diffidebant: eiusdem beatissimi Papa monitis atque doctrinis instructi, conuersi sunt; iidemque venerabile Concilium cum satisfactione susceperunt. Et qui prius sub erroris vitio tenebantur, doctrinâ Apostolica Sedis illuminati, cum pace consonantes veritati, ad propria relaxati sunt. Vides non recolligi, nisi suscipientes Concilium: non suscipere autem, nisi monitis & doctrinis instructos, doctrinâ Apostolica Sedis illuminatos, consonantes veritati.*

XIV. Argumen-
ta, quibus effici
videtur, filii in
totum potuisse me-
moriam quintæ
Synodi à Catho-
licis. Primum ex
Gregorio Papa.

Vnum video nobis obiectari ante alios Gregorium, qui filii in totum posse memoriam quintæ Synodi infir-
nuer, lib. 3. epist. 37. ad Constantium Episcopum Medio-
lanensem: *Quod autem scripsistis, qui epistolam meam regi-
na Theodolinda transmissere minimè voluistis, pro eo quod in
eâ quinta Synodus nominabatur, si eam exinde scandalizari
posse credidistis, rectè factum est, vt minimè transmitteretis.
Vnde nunc ita facimus, sicut vobis placuit, vt quatuor Synodos
solummodo laudaremus. De illa tamen Synodo, qua in Constan-
tinopoli postmodum facta est, qua à multis Quinta nominatur,*

scire vos volo, quia nihil contra quatuor sanctissimas Synodos constituerit, vel senserit. Quippe quia in eâ de personis tantummodo, non autem de fide aliquid gestum est. Nos tamen, sicut voluistis, ita fecimus, ut eiusdem Synodi nullam memoriam faceremus. Sed & de Episcopis, quæ scripsistis, prædictæ filia nostra regina scripsimus. Ne scandalizetur regina, nec verbum ad eam facit de quinta Synodò. Posset addi & epist. 2. lib. 5. vbi Mariniani Episcopi, quasi Synodo Chalcedonenſi infesti oblocutoribus, non aliud satisfactionis ergo responder, quàm quatuor ipsum Synodis adhærescere. Et lib. 7. epist. 5. ad Brunechildem reginam Francorum, schismaticorum imperitiam execratur, profiteturque aduersùs eorum sycophantias, se & Ecclesiam vniuersam Chalcedonenſi Synodo penitissimè assentiri. Recurre si voles & ad epist. 12. Pelagij Papæ primi, ad Childebertum Francorum regem, vbi eadem dispensatione videntem audies, & confitentem, Constantinopoli quadam capitula extra fidem fuisse agitata, de quibus longum est, ut epistolari possint complecti sermone. Hoc breuiter ad sanandum animum vestrum, vel omnium fratrum & Coepiscoporum nostrorum in Gallia regionibus consistentium, faciendum esse perspeximus, dicentes anathematizare nos, quicumque ab illa fide declinauerit, quam Papa Leo & Chalcedonenſe Concilium suscepit. De quinta Synodo nil præterea disserit, aut satagit Gallis inculcare Regibus & Episcopis. Et epist. 16. ad eundem, pro auferendo suspicionis scandalo, mittit, ut rogatus fuerat, tomum Papæ Leonis, & suam ipsius fidei confessionem. Et epist. 13. ad Episcopos Thuscix, ab vniuersali Ecclesiâ diuulsos scripta, nihil aliud quàm schismatis fœditatem impropert, ne cui possit fidei suæ remanere suspicio, proficitur se amplecti quatuor generales Synodos & ipsam maximè Chalcedonenſis Synodi & Leonis fidem. Denique epistola 14. quæ encyclica est ad vniuersum populum Dei, aduersùs suspensiones in suam fidem concitas, quatuor similiter Synodos amplecti se testificatur, de quintâ tacet, Theodoretum & Ibam Catholicis annu-

merat. Adde Cassiodorum, qui quatuor laudat Synodos, quintam silet.

XV. Item ex
Conciliis Hispani-
æ.

Itaque in Italiâ, & Galliâ videtur ipsorum assensu Pontificum Romanorum, quatuor Synodorum explenduisse, quintæ autem memoria silentio & latebris penè sepulta iacuisse. Iam in Hispanias iter moliamur. Concilium Bracharense II. an. 572. quatuor Synodos generales nominatim commendat, quintam omittit. Toletanum III. an. 589. coaluit, in quo primùm fidei tomus à Rege porrectus legitur, quo post adorata quatuor Concilia additur, *Omniū quoque orthodoxorum venerabilium sacerdotum Concilia, quæ à superscriptis sanctis quatuor Conciliis fidei puritate non dissonant, pari veneratione obferuo.* Et Synodus ipsa in fidei suæ confessione, cap. 11. *Quicumque aliam fidem & communionem Catholicam præter Ecclesiasticam universalem esse crediderit, illam dicimus Ecclesiam quæ Nicani, Constantinopolitani, Ephesini primi, & Chalcedonensis Concilij decreta tenet pariter & honorat, anathema sit.* Idem sonat & c. 19. 20. 21. Ac rursum cap. 22. *Qui Concilia omnia Episcoporum orthodoxorum, consona Conciliis Nicano, Constantinopolitano, primo Ephesino, & Chalcedonensi non recipit, anathema sit.* Conc. Toletan. XI. XII. XIII. quatuor similiter Conciliorum fidem limpidissimam veneratur. Conc. Tolet. XIV. an. Christi 684. acta Sextæ Synodi à Romano Pontifice ad se transmissa suscipit, *ut consona Nicana quidem, Constantinopolitana, vel Ephesina fidei; Chalcedonensi verò tam vnta, ut ipsis verbis edita vel libata.* Et ideo supradicti acta Concilij intantum à nobis veneranda sunt, & recipienda constabunt, in quantum à premisis Conciliis non discedunt, &c. Post Chalcedonense igitur Concilium, hac debito honore, loco & ordine collocanda sunt, ut cuius glorioso themate fulgent, ei & loci & ordinis coaptentur honore. Itaque præter silentium affectatius, videri posset quinta Synodus loco moveri, & in quintum locum nomenque post Chalcedonensem Synodum subrogari illa, quæ Monotheletas prostravit. Leo sanè secundus cùm ad Hispanos de subscribendis Synodi

sextæ actis scriberet, disertam de quinque generalibus aliis Synodis fecerat mentionem. Denique Tolet. XV. an. 688. quatuor tantum Synodi commemorantur priores: Itemque Tolet. XVI. an. 693. vbi tamen subiicitur *reliquorum Conciliorum* edicta suscipienda.

Consentaneum his habemus Iſidorum Hispalensem l. XVI Item ex Iſidoro Hispal. 6. Orig. c. 15. vbi cum singillatim encomium quatuor rexuisset Synodorum, adiecit, *Hæ quatuor sunt Synodi principales, fidei doctrinam plenissime prædicantes: sed & si quæ sunt Concilia, quæ sancti Patres Spiritu Dei pleni sanxerunt, post istorum quatuor authoritatem, omni manent stabilita vigore.* Et rursus in Chronico, *Iustinianus Acephalorum hæresin suscipiens, omnes in regno suo Episcopos, tria Chalcedonensis Synodi capitula damnare compellit.* Et idem ipse in l. de Viris Illust. c. 4. *Theodorus Mopsuestena urbis Episcopus, ita clarè copiosèque scientia doctrina refulsisse refertur, &c. Hunc Acephalorum Episcopi in præiudicio Chalcedonensis Concilij, Iustiniano Principe compellente, damnare post mortem cum Iba & Theodoro Episcopis censuerunt. Dum constet eum laudabilium virorum testimoniis clarissima Ecclesiæ doctorem fuisse.* Et c. 31. *Iustinianus Imperator condidit rescriptum contra Illyricianam Synodum, & aduersus Africanos Episcopos, Chalcedonensis Synodi defensores perverso studio, in quo tria Capitula damnare contendit.* Et c. 32. *Facundus Afer Hermianensis Ecclesiæ Episcopus, duodecim libros pro defensione trium Capitulorum scripsit, quorum stylo elicit, præfata tria Capitula in præscriptione Apostolica fidei & Chalcedonensis Synodi impugnatione fuisse damnata.* Vide & caput 38. de Victore Tunnensi Episcopo, eorundem capitulorum propugnatore inexpugnabili.

Ex his omnibus illud primum efficitur, quod antea expugnare nitēbāmur, non posse infligi seu scriptis seu scriptoribus anathema, nisi hæreseos vel erroris eorum conscientia & veritate elucidatā. Non Galli enim, non Hispani, non Itali abhorruissent tandiu à quintā Synodo, si amplecti se illam tutò posse existimassent, saluā æstimatione, quam habebant de tribus Capitulis, & quam ex

XVII. Non posse damnari nisi promeritis quæquæ, seu librum, seu scriptorem.

Chalcedonensi Synodo haussisse sibi videbantur. Haec-
nus ergo explosisse illos sufficiat, qui Synodo subscriptio-
nem & reuerentiam adhiberi posse, ac iuramenti etiam
professionem blatterant, tametsi interior animi assensio
sustineatur, aut omnino abscindatur.

XVIII. Itali qui-
dam, Galli & Hi-
spani subalieni
à quintâ Synodo
esse sinebantur,
ex dispensatione,
ex Pelagio Papa.

Sed illud iam extricandum est, quî Itali, & Galli, sed
Hispani maximè, quanuis tandiu quintam Synodum ne-
scierint, aut horruerint, à catholicæ tamen vnitatis
vinculo non exilisse existimentur. Recurrit nimirum il-
lud, quod adstructum est iam suprâ: ex dispensatione
non posse quidem immerentibus irrogari, sed posse me-
rentibus non irrogari damnationem. Dispensationis au-
tem hoc totum fuisse, ne videamur temerè diuinasse, do-
cebit nos author omni exceptione maior Pelagius primus
epist. 14. encyclica ad omnem Ecclesiam, hoc est, ad
eorum sanandam ægritudinem, qui inanibus de læsa fide
suspicionibus, à sinu Ecclesiæ dissiliebant: *Et possemus qui-
dem totius causæ rationes ad sedandos rumores hominum, diui-
nâ nobis cooperante misericordiâ, fiducialiter explicare: nihil-
que contra fidem Patrum, contraque quatuor Synodorum firmi-
tatem, ullatenus esse tantatum lucidissimis probationibus de-
monstrare: magisque id actum, ut memoratarum Synodorum
firmitas aduersus omnes inimicos immobili soliditate consisteret.*
*Sed quia hoc his, qui lacte potius, quàm solido cibo nutriendi
sunt, necessarium esse non duximus: ut sicut Doctor gentium
dicit, inter perfectos loquenda sit sapientia. Hoc interim quod
etiam parulis abundè sufficiat, ad notitiam omnium deferen-
dum esse perspeximus. Id autem est ut fidem meam, &c.* Sub-
iicit hanc fidei suæ summam, se indiuulsè adhærere qua-
tuor Synodis, maximè Chalcedonensi, omnes ab illis ab-
solutos, sibi orthodoxos esse. Huius ergo dispensationis
*lacte, non solido sapientia cibo veluti parulis succurrendum
esse docet, ut quintæ Synodi rationes, & præsidia ibi ad fi-
dem muniendam instructa sileat; admoneat autem & per-
suadeat, nihil contra Chalcedonensem Synodum tentatum
esse: ut ne eo prætextu ab Ecclesiâ se quisquam diuellat.*

Idem dispensationis argumentum exculpitur ex epistola 5. Pelagij II. ad Episcopos Istriz: *Facile sentietis quantum sit periculum pro superfluis quaestionibus, & haeticorum defensione capitulorum, tandem ab vniuersali Ecclesiâ segregari. Et mox: Quam ante Dominum poteritis habere fiduciam, quando nullum scandalum generari vobis de fidei nostra integritate cernentes, tantis temporibus ob superfluas quaestiones ab Ecclesiâ Dei, qua una est, & à fraternâ charitate vos diuidi curatis. Et tandem, Dirigemus à quibus plenissimam satisfactionem capiatis: ne amplius anima simplices diuise à sanctâ Ecclesiâ pro superfluis quaestionibus tam longâ obstinatione remaneant. Iterum iterumque superfluas esse has quaestiones admonet, nec simplicibus hinc offendiculum obiiciendum. Dispensatoriè ergo supersederi poterat à superfluarum rerum mentione, nec simplicitas omnium vbiq; fidelium his erat ambagibus implicanda.*

XIX. Rursus de eodem ex Pelagio.

Sed & Gregorius in laudatâ ad Constantium Mediolan. Episc. epistolâ, remissione vtendum & veniâ, & œconomico silentio fatetur, ne regina Theodelinda scandalizetur. At idem ipse eâdem epistolâ ostendit, si quis Episcopus iuraret non esse à se damnata tria Capitula, cum ab vniuersali Ecclesiâ alienum fore. *In grani vos maxime esse perspeximus, maxime propter Episcopum & ciues Brixia; qui vobis mandant, vt eis epistolam transmittatis, in qua iurare debeatis, vos tria Capitula minime damnassee. Quod si decessor fraternitatis vestra Laurentius non fecit, à vobis queri non debet. Si autem fecit, aut cum vniuersali Ecclesiâ non fuit, aut cautionis suae iuramenta transcendit. Sed quia eundem virum sua credimus sacramenta seruasse, atque in unitate Ecclesiæ Catholicae permansisse, dubium non est, quod nulli Episcoporum suorum iurauerit, se tria Capitula minime damnassee. Suadet mox Brixienlibus vt satisfaciat, & scandalum amoliat; rescribat, à se recipi quos recepit: damnari, quos damnauit Concilium Chalcedonense, libros authoresque. Vbi perspicis ad reginam & ciues adhiberi œconomicam taciturnitatem; & quintam sileii Synodum: quod super-*

XX. Idem probatur ex Gregorio Papa.

fluis eos inferere nihil prodesset, obesset quandoque : ac Episcopum Mediolanensem defectionis ab Ecclesiâ reum fore , si trium Capitulorum damnationem reuocasset.

XXI Idem perficitur ex Cyrillo Alexandrino.

Huc quoque spectat Cyrilli Alexandrini epistola ad Acacium Melitenæ Episcopum de Theodoro Mopsuesteno, cuius iam tum scriptis & nomini anathema quidam præfestino zelo intentabant. Dispensatiuè autem Cyrillus abstinere ab anathemate intorquendo debere censet, ne paci ecclesiasticæ scandalum exciteretur. *Conspingentes quæ Nestorij sunt odisse, alio iterum ea introducunt modo; quæ Theodori sunt, admirantes, certè aequalem, magis verò multo peiorem morbum impietatis habentia. Nec enim Theodorus Nestorij fuit discipulus, sed iste illius; & velut ex vno loquuntur ore, & unum male doctrina ex suo corde euomunt venenum.* Tum obiurgat eos, qui Theodorum Athanasio, Basilio, aliisque patribus consonantia docuisse mentiebantur. At idem rursus in epistolâ ad Proclum Episcopum C. P. eadem de Theodori pestiferâ doctrinâ præfatus, subiicit, *Sciat tua sanctitas, quòd prolata apud sanctam Synodum expositione ab eo composita, sicut dicebant qui protulerunt, nihil sanum habente; reprobauit quidem eam sancta Synodus, utpote peruersis plenam intellectibus, & Nestorianam impietatem quasi effluentem: his verò condemnatis qui sic sapiunt, nullam viri memoriam fecerat oikonomia: nec ipsum nominatim anathemati subiecit propter oikonomiam, ne quidam ad existimationem viri respicientes, sese ipsos ab Ecclesiis separarent. Dispensatio verò in his opima res est, & sapiens.* Non Cyrilli igitur tantum, quæ permagna utique est, sed Ephesini primi Concilij autoritate dispensatum olim id fuerat, ut Theodoro fulminando abstineretur, etsi illum constaret pleno ore Nestorianum virus eructasse. Quin ergo & Occidens hanc amplexaretur obuiis, ut aiunt, vlnis dispensationem, quæ Cyrillo, quæ Ephesinæ, quæ Chalcedonensi postea Synodo arriserat? Et vbi Romanus Pontifex cœperat quintæ Græcorum Synodo adglutinari, quin perge-

pergeret Occidentis pars ingens eandem retentare dispensationem, si non posset citra scandalum damnari suis in Ecclesiis tria Capitula experiebatur? Itaque si in Oriente prius potuit sine scandalo damnari triceps illud monstrum, quàm in Occidente; debuit illic prius damnari, quàm istic. Si in Italia ut Romano Pontifici proximior & sequacior, antè potuit, quàm in Gallia, praeuerti discrimen scandali; debuit & ibi antè damnatio trium Capitulorum promulgari. Si in Hispania, ut in extremos orbis Occidui fines proiecta, non potuit nisi aegrè & tardissimè sanari scandalum ab hac damnatione pullulaturum; diuturnior ibi dispensatio retinenda fuit. Ita porro rem habuisse, ipse saeculorum rerumque gestarum decursus prodidit. Hæc ergo tanta, & tam in speciem discors varietas, ad vnum & eundem religata cardinem fuit, ut nefaria scripta & nomina, ubi sine scandalo possent, damnarentur: ubi sine scandalo non possent, aut nondum possent, non omnino, aut nondum proscriberentur.

Sed ex re erit adscribere quæ consequenter differit XXI. Rursus ex eodem.
 Cyrillus: *Si adhuc in viuis esset Theodorus, & suffragari vellet iis, quæ ipse scripsit, anathema etiam in propria persona subisset. Quoniam verò ad Deum abiit, sufficit ut ego puto, ea quæ absurdè ab ipso scripta sunt, reiici ab iis qui rectè sentiunt, cum in eius incidunt libros; cum ulterius progredi tumultuum occasiones nonnunquam parias. Et per alium verò modum anathematizatis & eiectis Nestorij blasphemias, unà cum eis eiecta sunt & quæ illius sunt, plurimam habentia ad ista consonantiam. Et siquidem hoc agerent indubitanter per Orientem, nullumque esset tumultum inde sperare, dicebam utique nullum esse impedimentum, nunc exigi eos etiam in scriptis hoc facere: Si verò, sicut scribis Ioannes Antiochie Episcopus, eligant utique magis comburi, quàm aliquid eiusmodi peragere; quare flammam sopitam resuscitamus, sedatosque tumultus, non opportunè commouemus; ne forsitan unquam ultima primis peiora inueniantur? Et hæc dico vehementer increpans, quæ scripsit Theodorus, timens verò futuros propter eam rem à quibusdam tumultus.*

H h h h h

Ampliatio hæc quædam est dispensationis, ut non tantum à nomine Theodori inurendo abstinatur, sed ne doctrinæ quidem eius damnationi subscribere cogantur, qui cogi ad id sine tumultuationis & schismatis discrimine non possunt. Quod nimirum sufficiat ad hos in officio & fidei Catholicæ sinu continendos, ut Nestorianam lucem detestentur, qua & Theodoriana continetur. Similiter ergo Romani Pontifices ad quosdam primum Italos, plures Gallos, Hispanos longè plurimos fidei & unitatis vinculo constringendos, abunde id esse duxerunt, ut in Nestorij dogmate proscribendo, tria quoque capitula eo implicata inopini proscriberent: quando aliud tum impetrare per pacis charitatem non licebat. Si quis autem adhuc stupeat, tam diuturno silentio & dispensationi consensisse Pontifices; reponendum ei rursus erit, quod Cyrillus Theodori damnationem urgentibus iubet inculcari; *potest etiam iis qui hac petierunt, Dispensatio rei enarrari: ut quiescere malint, quàm Ecclesiis scandali occasionem præbere.*

XXII. Subscribebant quodammodo damnationi trium Capitulorum, qui eorum damnatrici Ecclesiæ Catholicæ communicabant.

Nec ea tantum ratione Hispani, Gallicque trium Capitulorum damnationi subscribebant taciti & inopini, quòd Nestoriano inserta errori ea erant: sed illa etiam contemplatione, quod Ecclesiæ uniuersæ, & specialiter Romanæ, quæ tria damnabat Capitula, communicarent. Cum enim secessissent ab Ecclesiæ Catholicæ communione, qui tria Capitula præfractius defendebant: hi ex aduerso annuebant utique eorum damnationi, qui eius authoribus & sequacibus communicabant. Et hæc rursus quædam est via & ratio dispensationis, cum non importuna vis inferitur, sed clementi indulgetur aliquid interpretationi. Ita Cyrillus idem ad Maximum Diaconum Antiochenum, vetat exigi à Nestorij olim fautoribus, ut ei disertè & coram renuntient: remissiùs enim agendum, ut cum fidelibus conueniendo, eo testentur se præteritorum poenitentiam affici. *Perpendat æquitas tua, utrum tandem qui dicuntur conuenire, palam atque impudenter*

Nestoriana & sentiant, & cum aliis etiam loquantur. An aliquando quidem cauteriatam habuerint conscientiam, nunc autem ideo conueniant, quod ipsos pœnituerit erratorum, quibus semel abrepti fuerant, pudeat autem fortasse lapsum suum fateri. Silet enim ferè tale quiddam iis qui decepti sunt, vsuuenire, &c. Oeconomia gratiâ, ne nimia utamur diligentia in eos qui resipiscunt. Res enim magnâ indiget dispensatione. Etsi igitur ^{μὴ ἀναθεωροῦμεν} fateri nolint lapsum suum, indulgendam veniam illis cense-^{mus}ret, qui palàm cùm Nestorio sentire & garrere desierint, confluant autem in Ecclesiæ Catholicæ Synaxes. Per Catholicos autem Episcopos licuisse defensoribus Capitulorum, imò vim adhibitam fuisse, ut ab Ecclesiæ communionem non discederent, etsi à damnatione Capitulorum assensionem suam sustinere, vel etiam alienare pergerent: colligunt quidam ex his Facundi verbis: Cùm constitue-^{L. 1. cap. 3.}rint, ut si quis non anathematizat memoratam venerabilis Iba epistolam, anathema sit: considera, quaeso, cuius lenitatis, cuius confusionis est, atque dedecoris, ut nos sibi communicare compellant, permanentes in eâ sententiâ, quâ non solum anathema ei non dicimus, sed etiam negamus esse dicendum. Quibus contrâ occurrimus in hunc modum. Primò ut communicare cum Ecclesia Catholica compellerentur, ea quidem vis inferebatur à damnatoribus Capitulorum: ut autem permanerent in eâ sententiâ, qua damnari ea posse negarent, non ea licentia à Catholicis indulgebatur, sed mera illa erat defensorum contumacia, & Facundi interpretatio. Nec aliud sonant verba ipsa Facundi: cui permanentes idem sonat, ac permanere certos, non permanere permissos. Alioqui nec in quintæ Synodi ^{Actis} tam prolixis, nec in Vigilij, Pelagij, Gregorijque epistolis tam frequentibus, & tam copiosis vllum existeret verbum, quò huiusmodi copia dissentendi & communicandi concedatur, qua tamen nihil crebrius inculcandum, quia nihil tempestiuus fuisset. 2. Eo autem colore illudit, vel illuditur Facundus, quòd Catholici ad communionem tantùm expressè vrgerent: cui nempe

Hhhhh ij

implicatam esse reliquam omnem consensionem intelligebant ipsi, confitebantur aduersarij. Itaque quibus persuasum erat communione cum damnatoribus Capitulorum contineri eorundem damnationem, vt Facundo & omnibus qui secesserunt, persuasum fuisse vides: illis vna maximè omnium plausibilis atque popularis ingerenda erat vel extorquenda communio. Damnatio enim Capitulorum eos exulcerauerat: causa communionis nec in quæstionem venerat: ergo cùm vtrique conferta communi præiudicio esset, huius lenocinio illius asperitas mitigabatur. 3. Iniquum ergo est ex vnico testimonio, & quidem aduersarij, & quidem in contrarium sensum æquè versatili, colligere rem tanti momenti, quam Pelagius, Gregorius, aliisque Antistites, qui in Schismaticis reuocandis tantopere desudarunt, sexcenties debuerant inculcare, si per veritatem & conscientiam licuisset. At ex aduerso Pontifices isti ad nauscam vsque ingerunt, & congestis testimoniis extundunt id, vt manifestæ veritati, hoc est, Capitulorum damnationi consentiatur. 4. Sententia Facundi & omnium eius asseclarum ea erat, vibrato anathemate in tria Capitula, & in eorum vindices, ipsam Synodum Chalcedonensem fauciatam esse, & anathematizatam. Nec enim tanta de sensu Capitulorum sano vel insano, atque de Chalcedonensi Synodo eorum propugnatrice vel oppugnatrice controuersia feruebat. An ergo copiam fecissent Catholici assertoribus Capitulorum *in eâ sententiâ permanere*, damnatione Capitulorum damnatam esse Chalcedonensem Synodum? 5. Quin defensores Capitulorum exemplo Vigilij complures hæretica esse Capitula confitebantur, damnari vetabant tamen, ne eadem infamia respergeretur Synodus Chalcedonensis. An ergo & his veniam fecissent Catholici Antistites permanendi in ea sententiâ? An concessissent, Ecclesiam, cui communicarent, proditæ & infamatæ Chalcedonensis Synodi insimulari? Necessum erat utique eam Ecclesiam, cuius communio prehensaretur,

à tam nefariæ proditiōis suspiciōe absolui.

Vt remissione porro vteretur Ecclesia in eos, qui Synodo in Oriente, & in Ecclesiâ iam Romanâ promulgatæ non diserte & expresse consentirent, multæ præterea causæ suberant. Nec enim de fide noui quidquam definitum fuerat: sed prisca dogmata erant confirmata, quibus & ipsi ex animo hærebant. Deinde per summam vim & imperatoris dominationis impotentissimam audaciam, canonum maiestas & Ecclesiarum libertas fuerat violata. Consule sis Facundum, Liberatum, epistolam Cleri Romani legatariis Francorum datam, epistolas ipsas Vigiliij Papæ, & monumenta illorum temporum omnia. Exasperatæ his contumeliis mentes, mitigandæ pedetentim erant, non ad repentinum assensum præcipitandæ. Ad hæc aliquandiu dissenserat Synodo iam terminatæ Vigilius, fortassis & ante assensum viuis excesserat. Serò Romana ipsa Sedes accesserat quintæ Synodo. Consentaneum ergo erat & ingentibus Galliarum atque Hispaniarum Ecclesiis tempus similiter prorogari, & moram condonari diuturniorem, dum truculentæ tempestatis æstus deferuesceret, fluctus dubitationum & suspicionum sedarentur. Non erat vllius culpæ affinis aut Vigilius, aut Sedes Romana, dum sustinebat assensum suum, quia œcumenica non erat Synodus, cui ipsa nondum robur addebat. Ita Gallicanis, Hispaniensibusque Ecclesiis nondum œcumenica videbatur fortassis Synodus, quam consensione sua nondum fecerant œcumenicam. Quippe ut olim particulares Galliæ, Hispaniæ, aliarumque Occidentis regionum conueniebant Synodi, & conspiratione sua præbant accedenti postea Græcanico Concilio; & ita vniuersali Ecclesiæ totius concentu consurgebat œcumenici autoritas Concilij: ita nunc præiuit Græcanica Synodus, cui subinde aliæ & aliæ consecutæ Synodi Occidentales accessere; ut omnium ex vnanimi suffragatione existeret, atque emereret œcumenicum Concilium.

Nec negotium debet facessere consensus Sedis Apo- XXIV. Annue-

H h h h h i j

XXIII. Causæ
multiplices huius
tum dispensatio-
nis.

bant huic dispensationi summi Pontifices.

Lib. 3. epist. 37.

XXV. Dispensationi istiusmodi locus est, ubi multitudinis & populorum strages praevertendae sunt: ubi & obiectio ex Victore Tunon. prompta deluitur.

stolicae, quasi statim eius accessione oecumenicam auctoritatem assecuta sit quinta Synodus: & proinde statim abrumpere contationem suam Galli & Hispani debuerint. Contra enim, clementiam uti licuit & veniam, quam ipsa ultro Sedes Apostolica ingerebat. Nec enim, ut ex Pelagij utriusque & Gregorij magni epistolis supra relatis dilucidum est, quintae Synodo subscribere, oecumenicis eam annumerare Conciliis, tria Capitula verbis conceptis quenquam damnare adhuc cogeant Romani Praefules. Quin illud vnum eblandiri satagebant, ne quis eos vel Ecclesiam Catholicam calumniaretur, fidei orthodoxae, vel Chalcedonensi Synodo derogasse; neve eo praetextu ab unitate Ecclesiae vniuersalis semet abrumperet. Ideo quatuor Synodos semper illi seorsim laudant effusissimè, tum illam quoque nuperam à calumniis laborant vindicare. Ideo Gregorius disertè illam nihil de fide egisse admonuit. Ideo Pelagius superfluas fuisse has quaestiones persæpe affirmavit. Ideo rursus Gregorius alicubi non quintam dixit, sed quintam à quibusdam dici aduertit. Remissius utique & oeconomicè agendum erat, ut paulatim mansuescerent efferatae hominum mentes; & tandem laudarent eam Synodum, cuius laudatricem Ecclesiam Romanam & Catholicam amplexabantur. Ideo denique nusquam ad Hispanos vel Gallos Pelagius & Gregorius, sed ad Istros & Hibernos prolixas elucubrauerunt apologias quintae Synodi: quod hi ab ea & eius sectatrice Ecclesia secessissent; illi eam silebant, ab illa clandestinis suspicionibus subalienati erant, illam tamen in Ecclesiae unitate eam sectante sectabantur.

Nec statim potest quisque blandiri sibi; & prout collibuerit, vel quintam Synodum, vel aliam quancunque definitionem totam Ecclesiam receptissimam aspernari. Nam illi tum necessariò locus est dispensationi, cum populorum strages antevertendae sunt: item cum Pontificum vel Synodorum decreto, vel tolerantia sancitur haec venia: non ubi priuatus quisque libidini praefractae licen-

tiam arrogat. Innocentius in decretis cap. 56. *Quod necessitas imperavit, in pace etiam Ecclesie constituta non possunt presumere. Ut saepe accidit, quoties à populis aut à turba peccatur, quia in omnes propter multitudinem non potest vindicari, inultum solet transire.* Et Augustinus epist. 63. *Non asperè quantum existimo, non duriter, non modo imperioso, ista tollantur: magis docendo, quàm inbendo; magis mouendo, quàm minando. Sic enim agendum est cum multitudine peccantium. Seueritas autem exercenda est in peccata paucorum.* Et lib. 3. contra Parmen. cap. 2. tum quemque percellendum anathemate docet, *ubi periculum schismatis nullum est, item, Quando cuiusque crimen, ita notum est omnibus, & omnibus execrabile apparet, ut vel nullos prorsus, vel non tales habeat defensores, per quos possit schisma contingere.* Et ex Apostolo id confirmat, qui ait, satis esse correptionem, quæ fit à multis. *Neque enim potest esse salubris à multis correptio, nisi cum ille corripitur, qui non habet sociam multitudinem. Cum verò idem morbus plurimos occupauerit, nihil aliud bonis restat, quàm dolor & gemitus.* Et infrà: *Si contagio peccandi multitudinem inuaserit, diuina disciplina serena misericordia necessaria est. Nam consilia separationis, & inania sunt, & perniciofa, atque sacrilega; quia & impia & superba fiunt: & plus conturbant infirmos malos, quàm corrigant animosos bonos.* Quibus constat necessariò à Præfulibus annuendam eam dispensationem multitudini & tantorum vniuersitati populorum. Hâc veniâ interim gaudebat, florebatque sanctitate Theodorus Cabarsussitanus Episc. qui defensor trium Capitulorum, exilio ad urbem regiam eo die & mense quo Iustinianus, moritur; & iuxta confessores, quibus Vgnericus Vuandalorum rex linguas absciderat, sepelitur. Ut narrat circa finem Chronici Victor Tunonens. si fides tamen illi ubique habenda, partes suas etiam post synodaliter in Africâ exclusum à Catholicâ communione Vigilum miraculis attollenti.

His iuuat calculum adiacere præstantissimi annalium Ecclesiæ Parentis, ad an. 556. n. 1. 2. 3. & ad an. 572. n. 13. Adeo visi sunt exhorruisse Occidentales Antistites ferè omnes,

XXVI. Eius dispensationis necessitas ex Baronio confirmatur,

& alterius dispensationis genus perstringitur.

aliam œcumenicam Synodum post quartam admittere: ut nec potuerit Pelagius reperire Episcopos Romæ, à quibus consecraretur: atque opus fuerit Presbyterum Ostiensem, quod nunquam antea accidisset, loco Episcopi munus illud obire, ipso Pelagio ita iubente. Quantum enim auersati fuerint Quintam Synodum Occidentales, vel ex Cassiodoro & aliis possumus intelligere; qui licet à communione Catholica: nunquam defecerint, nec eandem quintam Synodum aliquando damnarint: eam tamen silentio praterierunt, &c. Neminem moueat, si Cassiodorus recensens œcumenicas Synodos, de quintâ Synodo nullam habuerit mentionem, sicut & sanctus Gregorius aliquando fecisse visus est, &c. Sic Cassiodorus fecisse cognoscitur, & aliquando etiam sanctus Gregorius Pape, atque Patres Concilij Braccharensis II. &c. Idem alij plures fecisse noscuntur, cum tamen eidem non contradicerent. Vides consensum Sedis Apostolicæ in tam necessariam dispensationem, ubi nihil sibi iure sumit singulorum libido: sed nutus regnorum obseruantur, seu ingentium Ecclesiæ vniuersæ membrorum: quorum vnitati fouendæ nulla nimia, nulla non necessaria dispensatio est. Præter urgentem autem necessitatem, quâ extorquetur quodammodo: euidenti etiam utilitate exoratur salubris dispensatio: sed ita demum, ut huius quoque iudicium, arbitriumque penes Catholicos Antistites sit; non à priuato quolibet, non Episcopali Collegio refragante temerè vsurpandum.

XXVII. Argumenta afferuntur, quibus id conuincitur efficere, ut in questionibus facti errare posse & Synodos & Ecclesiam credatur.

Verùm inde sibi dissentienti libertatem aucupantur, quod ubi de fide nil definitur, ubi de factis tantum & personis fertur iudicium, ne ipsa quidem vniuersalis Ecclesia, adeoque nec Synodus œcumenica prærogatiuam sibi arrogat non errandi. Augustinus enim ait, lib. 2. de bapt. cont. Donat. c. 3. Et ipsa Concilia, quæ per singulas regiones & prouincias fiunt, plenariorum Conciliorum authoritati, quæ fiunt ex vniuerso orbe Christiano, sine ullis ambagibus cedere; ipsaque plenaria sæpe priora posterioribus emendari, cum aliquo experimento rerum aperitur, quod clausum erat, & cognoscitur quod latebat, sine ullo typho sacrilega superbiæ, sine ulla

*ulla inflata cervice arrogantia, sine ulla contentione liuida inuidia, cum sancta humilitate, cum pace Catholica, cum charitate Christiana. Et Innocentius III. in epist. ad Petrum Compostell. Archiep. & apud Gratianum: Quotiescum-
 que in gestis Conciliorum discors sententia inuenitur, illius Concilij magis teneatur sententia, cuius aut antiquior, aut potior extat autoritas. Non inconcussam ergo assensionem flagitant, quæ retractari, emendari, & in contrariam partem reuocari possunt. Ideo & Pelagius in epist. 7. ad Episcopos Istriae solius fidei definitionem in Chalcedonensi Synodo factam, irretractabilem esse ex oraculo Leonis Papæ primi demonstrat, reliqua omnia ad noui incudem examinis reuocari posse. Cùm verò subiicitur à Leone, Quidquid præter speciales causas synodaliū Conciliorum ad examen episcopale defertur, potest aliquam diiudicandi habere rationem: aperte nobis licentia tribuitur, ut quidquid illic extra fidei causas de personis gestum est, retractetur. Specialis quippe synodaliū Conciliorum causa est fides. Quidquid ergo præter fidem agitur, Leone docente ostenditur, quia nihil obstat, si ad iudicium reuocetur. Et infra à Thalassio Cæsarææ Cappadociae Episcopo, qui affuerat Chalcedonensi Synodo, solam eius Synodi de fide constitutionem, non reliquam gestorum synodaliū sarraginem, relatum esse ad Cappadociae Ecclesias cùm retulisset, inde concludit, nec vituperat, Præter causam fidei nihil de Synodo in veneratione Thalassium tenuisse: hoc quod ultra fidem gestum est, nec ipsum qui fecit Thalassium tenuisse. Et Gregorius lib. 2. ind. 11. epist. 54. Sancta Chalcedonensis Synodus usque ad definitionem fidei & prolationem Canonum de generalibus causis locuta est. Nam post prolationem Canonum specialia Episcoporum certamina sepius curauit. Ex quo argumentatur tria Capitula quæ ad speciales has causas & pugnas Episcoporum pertinebant, nouo examini potuisse subterni. Denique vno etiam nunc & iam olim calculo in id conspirant Magistri scholæ Theologicæ, ut in controuersis factorum & personarum dirimendis, & Pontifex, & Synodus, & Ecclesia*

ipsa vniuersalis aberrare à vero quandoque possit. Quocirca irreuocabilem his decretis fidem non necessariò adiciendam esse.

XXVIII. Offer-
atur non posse
quemquam, &
contra Synodo
quintæ dicere, &
subscribere.

Verùm si licentiam facimus à generalium Concilio-
rum, & speciatim ab huius quintæ Synodi decretis dis-
sentiendi seu palam, seu clam; quorsum attinebit con-
fessio fidei, qua Synodos generales amplecti & sequi nos
profitemur? Cùm de factis tantùm & personis hæc quin-
ta Synodus definierit, vbi illam te sequi iuras vel scribis,
num id sine periurio potes, qui animo intus dissentis?
Cùm ipsa te Ecclesia ad iurandum vel subscribendum
adigit, num eadem copiam interim facit dissentendi?
Quid hoc monstri est? An Ecclesia & non sequi permit-
tit, & ad eam sequendam te iuramento adigit? Cùm
quinta Synodus id definiat, & id vnum definiat, *Si quis
defendit impium Theodorum, & impia eius conscripta, & non
anathematizat ea & impia eius conscripta, & omnes qui susci-
piunt & defendunt eum, &c. talis anathema sit. Si quis defen-
dit impia Theodoretæ conscripta, &c. & non anathematizat ea
& eos qui similia eis sapuerunt, anathema sit:* vbi huic Sy-
nodo vel iuramento, vel manu subscribis, si talium scri-
pta defendis, quomodo non tuo te ipse anathemate in-
nodas? Defendis enim, & anathema in defensores vibras.
Vigilius similiter in epistola quintæ Synodi, vel potius
damnationis Capitulorum confirmatrice, *Quinetiam quem-
cumque, qui crediderit aliquo vlllo tempore ea Capitula debere
suscipi, aut defendi: vel conatus fuerit hanc presentem condem-
nationem subvertere, simili anathemati subicimus.* Et mox:
*Quæ verò aut à me aut ab aliis ad defensionem prædictorum
 trium Capitulorum facta sunt, presentis huius scripti nostri de-
finitione euacuamus.* Esto vt Capitula damnet, qui ita sen-
tit: at vt defensores eorum damnet, si fas est defendere,
id inconcinnum & insolens est. Aut si fas est damnare
defensores, nefas est defendere.

XXIX. Idem o-
stenditur ex fidei

Sed quorsum in omnibus posthac fidei confessionibus,
solenne & vñtatissimum fuit, non Synodos tantùm ab-

solutissimè laudare, sed omnes ab iis damnatos damna-
 re, si nulla istiusmodi damnationibus assentiendi incum-
 bit necessitas? Sophronius in epist. synodicâ, quæ lecta
 est act. 11. Synodi sextæ, cùm tria Capitula sigillatim
 execratus esset, *Uniuersales sanctas quatuor amplector Syn-*
dos, super his verò & hanc quintam honoro & veneror, & cun-
cta earum lubenter recipio, tam in dogmatibus, & diuersis do-
ctrinis, quamque hæreticorum anathematibus & definitionibus.
Vnde & comprobo atque suscipio, quos susceperunt & probau-
runt. Et anathematizo atque abicio, quos anathemati subiece-
runt, & abiectos à sanctâ nostrâ Catholicâ Ecclesiâ censuerunt.
 Ita Episcopus Hierosolymitanus. Et in Octaua Synodo,
 act. 10. *Post lectos Canones lecta est eiusdem octaua œcumeni-*
ca Synodi definitio, quæ symbolum fidei professionemque de si-
ptem prioribus Synodis, & anathema eorum, quos illa Synodi
damnarunt, completitur. Beda lib. 4. histor. cap. 17. hæc
 refert ex Synodo sub Theodoro Cantuar. Archiep. *Susce-*
pimus sanctas & uniuersales quinque Synodos, &c. anathemati-
zamus corde & ore quos anathematizauerunt, & quos susceperunt,
suscepimus. Et in Gallicanâ non aliter Ecclesiâ, Adalbertus
 Morinorum Episcopus ordinandus, hanc ante Hincmaro
 metropolitano confessionem porrigit: *Sex denique sanctas*
& uniuersales de fide Synodos, quas sancta & Apostolica Eccle-
sia recipit, me recipere & venerari profiteor. Nicanam videli-
cet, &c. item Constantinopolitanam temporibus Vigilâ, &c.
Item Constantinopolitanam sub Agathone, &c. Hos autem qui-
 cumque ab eisdem sanctis Patribus in memoratis Synodis vel
 postea similiter per Spiritum sanctum sentientibus, diuersis vic-
 bus, literis diuinitus inspiratis damnati leguntur, eandem ve-
 nerandam Patrum authoritatem sequens condemno. Et in Con-
 cilio Tricassino II. an. 878. Hincmarus Archiepiscopus Re-
 morum respondit, *Secundum sacros Canones Spiritu Dei condi-*
tos & totius mundi reuerentiâ consecratos, quos Apostolica Sedes
per B. & dominum nostrum Papam & Romana Ecclesia omnium Ec-
clesiarum mater damnat, damno: quos anathematizat, anathema-
tizo: quos excommunicat, excommunicatos habeo: &c. Et Leo

confessionibus o-
 lum vtriusque.

Papa IX. epist. 5. laudatis quatuor generalibus Conciliis itemque tribus aliis *pari modo*, addit: *Quidquid supradicta septem sancta & uniuersalia Concilia senserunt & collaudauerunt, sentio & collaudo: & quoscumque anathematizauerunt, anathematizo*. Similiter Gregorius VII. lib. 8. epist. 1. post quatuor Conciliorum, & tandem quinti etiam commendationem, *Cunctas verò quas prefata veneranda Concilia personas respuerunt, respuo: quas venerantur, amplector: quia dum uniuersali sunt consensu constituta, se & non illa destruit, quisquis praesumat, aut soluere quos ligant, aut ligare quos soluunt. Quisquis ergo aliud sapit, anathema sit*. Et apud Zonaram Nicephorus CP. Episcopus ad Leonem Papam: *Predictas Synodos œcumenicas suscipio, &c. demum quoscumque Ecclesia Catholica recipit, illos ego quoque recipio: & quoscumque illa auersatur, illos & ego itidem auersor*. Et iuris Oriental. lib. 6. in Symboli cautione à Metropolitanis præstandâ tempore ordinationis: *Recipio sanctas & uniuersales septem Synodos, &c. Omnes quos recipiunt, recipio: quos auersantur, auersor*. Cùm ergo ubique terrarum in uniuersa Ecclesia Catholica id inualuerit, cùm id sacris regulis consonum prædicetur, cùm in id iurati sint omnes Episcopi inter ipsa consecrationis solennia, ut damnet quisque damnatos à Synodis: quis sibi integrum putet damnatos à Synodis absolueret? aut quos ore & manu damnare cogitur, mente purgare? Aut quis talia in Ecclesiam Christi sponsam & veritatis magistram irrepere potuisse sacramenta & authorari putet, quibus homines periurio implicarentur? Denique cùm tot iam interlapso sint sæculorum volumina, eccur non aliquis vnus saltem emerfit, qui reliquos synodicè damnatos damnaret: Theodorum, vel Theodoretum, vel alium istiusmodi quempiam exciperet, & innoxia vel sensisse, vel scripsisse proclamaret? Si hanc venerationem maiores nostri hætenus per tanta annorum spatia synodicis istiusmodi sententiis dicauere, ecquid nos audaculi ab eorum religione desciscimus?

XXX. Item ex His adde legem illam & consuetudinem vetustissimam

nam, ut non errores tantum, sed authores ipsi configerentur synodicis decretis, & configendi ab edentibus fidei professionem præciperentur. Quod superuacaneum prorsus fuisset, & periuriorum laqueis implicatissimum, si licuisset quoad has quæstiones ab Ecclesiæ vniuersalis sententia discrepare. Leo I. epist. 2. *Ut damnarent Manicheum cum prædicationibus & discipulis suis, publicâ in Ecclesiâ professione, & manûs suæ subscriptione compulimus.* Et epistola 3. de quibuscumque hæreticis resipiscentibus, *Prius errores suos & ipsos authores eorum damnari à se sine ambiguitate fiteantur.* Vide & epist. 85. & 86. de Pelagianæ sectæ reliquiis, *Damnent apertis professionibus sui superbi erroris authores, &c.* Et Cælestinus Papa epist. ad Synodum Ephesinam, post damnationem Nestorij, *Habent se resistunt, copiam reuertendi; quod his solis non permittitur, quos propriè cum authoribus hæreseos, omnium fratrum constat subscriptione damnatos, &c.* *Se in nostro collegio nouerint non futuros, nisi secundum Ecclesiasticum & Christianorum Principum constitutum, damnata cum authoribus, sociisque damnantes, se profiteantur Catholicos Sacerdotes.* Iustinianus in decreto fidei: *Nicana Synodus eos qui impiam Arii sectam colunt, sine nomine anathematizauit. Quæ autem Constantinopoli congregata est, impiam Macedonij hæresin similiter condemnauit. Sed tamen sancta Dei Ecclesia & post mortem Arium & Macedonium nominatim anathematizat.* Quæ ille ut mortuis anathema incuti posse, nos eo promimus, ut errores authoresque vna damnationis sententia conteri solere constet. Huc refer quæ suprà in Nicenam, in Ephesinam & in Chalcedonensem Synodum commentati sumus, ubi patefactum est, non paucos erroris damnationi subscripsisse, qui authorem non ita sensisse opinarentur; quique ecclesiastica tandem autoritate compulsi sunt, authoribus quoque ipsis nominatim anathema impingere, ut Ario Eusebiani, (apud Socratem, causati prius se restituisse Synodo, cum eius fidem oscularentur, quod ab eadem fide Arium dissidere non putarent: L. 1. cap. 10.

more solenni dam-
nandi cum erroribus
authores.

Conc. Ephes. part.
3. cap. 20.

19. & apud Nicephorum l. 8. c. 18. 43.) Nestorio Theodoretus & alij, Ægyptij Eutycheri. Cùm hætenus ergo solenne fuerit Ecclesiæ Catholicæ Synodisque, non erroribus tantùm, sed ipsius authorum nominibus execrationem indicere: qua ex rima putant aliqui sibi hanc posse affluere licentiam damnatos authores absolucendi, hoc est, damnatricem eorum Ecclesiam & priscas omnes Synodos condemnandi? Nam etiam quibus aderant non errorum, sed personatum defensores, ut Arium, Nestorium, Eutychetem: etiam ante damnationem præmortuos & damnauit Ecclesia, & damnare compulit.

XXXI. Idem ex
more damnandi
libros.

Libros maximè ipsos hæreticorum proscribere curæ fuit Patribus, Synodisque omnibus. In eam rem exomnis vigilauit sollicitudo Imperatorum & Pontificum. Nestorij libros, item Arii, Theodorique quidam erroribus liberabant, ut alibi dictum: in eos tamen ut hæreseos fomites peræquè lex sacra & publica sæuit. Vide Conciliorum omnium generalium acta. Vide & Nomocanonem Photij tit. 12. c. 3. Ecclesia ergo quæ sibi hanc potestatem vendicat libros inurendi hæreticos, nulli potestatem facit, eosdem deinceps defendendi. Cùm vel maximè autem Ecclesia conuenit vniuersa, vel sine conuentu synodico, vniuersa nihilo secius detestatur aliquem librum, ut seminarium prophanæ hæreseos: num eundem approbandi cuilibet etiam doctissimo potestatem facit? Quorsum enim vniuersa conuenit, examinat, definit Ecclesia, si per ipsam mox licet contrà vel dicere, vel sentire? Nec doctrinæ priuatam opulentiam potest quisquam prætendere. Quantula enim hæc est, priuata cùm sit, præ vniuersali totius Ecclesiæ sapientia? Præ luce Spiritus sancti Ecclesiam circumfluente, quantilla est singulorum fax? Soli Ecclesiæ quis lumen ingenioli componat, quis præponat? Audiant hac delusi suæ sagacitatis insania Augustinum l. 2. de Bap. contra Donat. c. 5. *Ideò plerumque doctioribus minùs aliquid reuelatur, ut eorum patiens & humilis charitas in qua fructus est maior, com-*

probetur : vel quo modo teneant unitatem , cum in rebus obscu-
 rioribus diversa sentiunt : vel quo modo accipiant veritatem ,
 cum contra id quod sentiebant , declaratum esse cognoscunt. Au-
 diant saltem Facundum Hermianensem Episcopum , hæc Lib. 8. cap. 9.
 de Ecclesiâ synodicè collectâ edocentem , quæ de eâdem
 ubique sparsâ , eodem iure dici possunt , utpote & ipsâ
 pariter erroris insolentissimâ : *Vbi sunt duo vel tres congre-
 gati in nomine meo , ibi sum in medio eorum : nam fideliter in-
 vocatus non solum à sacerdotibus , sed ab omni populo suo , cu-
 ius fides & expectatio ex illorum auctoritate dependet : dat om-
 nibus congregatis unum cor & animam unam , ut nullus eorum
 suam velut esse sententiam , nisi quæ fuerit veritatis. Quoties
 ibi doctiores indoctioribus , & plures paucioribus , illo eorum me-
 dio , cedunt ? Quotiens etiam per nescientes , scienter operatur
 ipse qui potest omnia facere supra quam petimus , aut intelligi-
 mus ? Ita ille cum de tribus Capitulis , id est , de facto-
 rum & personarum , ut volunt , quæstionibus res ageretur.
 Porro non Synodo tantum , sed Ecclesiæ maximè suæ to-
 to orbe terrarum diffusæ Christus promissit , quod nobiscum
 sit omnibus diebus usque ad consummationem sæculi ; qui cum
 sit omnipotens veritas , mentiri nullatenus potest , ut idem
 ibidem subiicit. Audiant rursus eundem Facundum l. 10.
 c. 1. regulam figentem emendandi Synodorum iudicij : Si
 suspensiones iudiciorum sententiam dicent , nihil omnino est , quod
 non aliter atque aliter iudicetur. At isti volunt iudicari tantam
 Synodum per tantes annos tantâ uniuersalis Ecclesiæ pace firma-
 tam : & nihil quod cognoscamus , sed hoc solum afferunt , quod
 pro suo nos velint arbitrio suspicari. Ergo si cupiunt , ut cum
 illis hanc Synodum ego quoque reprehendam , tale aliquid ad
 eam destruendam idoneum requirant , ac proferant , quod tam
 certum mihi sit , quàm certum mihi est esse me. Qui ab Ecclesiâ
 libros dampnante dissentiant , utuntur argumentis tam
 certis , quàm certi sunt esse se ? Et argumenta si qua tam
 certa & euidencia suppeterent , an ea Ecclesiam præteri-
 rent ? Audiant quid Marco Ephesino responsum sit à Io-
 sepho Methonensi Episcopo : *Superbâ de seipso opinione de-**

In Append. Cont.
 Florent.

In Append.

ceptus, putasti uniuersâ te Synodo prudentiorem & doctiorem esse; quod extrema dementia argumentum est, unum scilicet hominem antecellere uniuersis. Esto si unum cum uno conferas, id enim credibile est; at uniuersâ Ecclesiâ congregatâ unum hominem esse prastantiorem, omnino impossibile est. Alioquin & Arius, & Eunomius, & reliqui generalium Conciliorum hostes hoc ipsum dicent. Audiant quid in Concilio Basileensi ad Bohemos peroratum sit: Quis maior vobis honor contingere potest, quàm quod sponsa Christi, & regina adstans à dextris eius iudicet inter vos? Quæ maior certitudo veritatis, quàm quod discipula Spiritûs sancti sententiam pronunciet? Quem unquam fidiorem iudicem inuenire poteritis, quàm amantissimam matrem vestram? Nolite ergo disputando laborare, nec contendendo verbis alter alterum lacerare. Quid vos multitudine librorum oneratis? Cur diuersorum magistrorum sententias in medium affertis? Cur intelligentias vestras humanis inquisitionibus ac subtilitatibus defatigatis? Ecce in medio vestri adest Magistra vestra, cui Spiritus Domini sensus, mysteria, & arcanâ aperit Scripturarum. Non mihi opus est iudicando, ut legis peritos aduocem, aut bibliothecas perscruter. Nullius horum consilio opus habeo, cui Dominus consulit. Charitas Domini meum semper intellectum illustrat, & agnus meus Iesus Christus ante me lucernam defert. Quæ omnia non ad solas fidei, sed ad omnes Ecclesiæ vniuersæ doctrinales definitiones spectant. Vbiq; enim Sponsa Christi est, & Spiritûs sancti plenitudinem circumgestat, & in medio eius est Christus, & illi vnum aliquem se anteferre insolentissimæ versanix est. Adde quod ipsis fidei iudiciis coniunctissima est librorum censura. Nam & Marcus Ephesius, & Bohemi, & omnes denique hæretici non de fide tantum, sed & de sensu antiquorum Patrum cum Ecclesiâ Catholicâ altercabantur. Quibus adeò si largiaris, ut in librorum ab antiquis tractatoribus conscriptorum sententiâ enucleandâ aberrare posse Ecclesiam Catholicam sentiant: prohibere vix iam poteris, quin traditionem sibi vendicent, veritatis fidissimam interpretem.

Sed

Sed & hoc ipsum Synodi quintæ iudicium, etsi ut volunt, in factis tantum & personis versatum sit, vniuersalis tamen Ecclesiæ autoritate coruscasse, adeoque Christianum neminem ab eo dissentire potuisse, docet Pelagius Papa I. epist. 3. *De Liguribus atque Veneticis & Istris Episcopis quid dicam? Quos idonea est excellentia vestra, & ratione & potestate reprimere; & dimittitis eos in contemptum Apostolicarum Sedium de suâ rusticitate gloriari. Cum siquid eos de iudicio vniuersalis Synodi quod Constantinopoli nuper actum est, fortè mouebat: ad Sedem Apostolicam, quomodo semper factum est, electis aliquibus de suis qui dare & accipere rationem possent, dirigere debuerunt: & non clausis oculis corpus Christi Dei nostri, hoc est, sanctam Ecclesiam lacerare. Nolite ergo dubitare huiusmodi homines principali vel iudiciali auctoritate comprimere. A iudicio vniuersalis Synodi & Ecclesiæ totius dissentire non sinit; cogit aut doceri quæ nesciunt, aut sæculari potestate coerceri. Et ad eundem Narsetem Comitem epist. 5. vetat eos ad aliam suspirare Synodum, quasi instaurari alia diligentior possit eiusdem rei disceptatio, sed quod ignorant, doceri, vel comprimere. Nec licuit aliquando, nec licebit particularem Synodum congregare. Sed quotiens aliquibus dubitatio nascitur, ad Apostolicam Sedem pro recipiendâ ratione conueniant: aut si fortè ita obstinati & contumaces extiterint, ut doceri non velint, eos ab eisdem Apostolicis Sedibus aut attrahi ad salutem quoquo modo necesse est, aut secundum Canones, per seculares comprimere potestates. Similiter Gregorius I. 4. epist. 49. ad Episcopos Istriæ: Hortor, dilectissimi fratres, ut ad me venire debeatis, dummodo ratione perceptâ, à concordia sancta vniuersalis Ecclesiæ dissensio vos nulla dissociet, &c. Et seu ad consentiendum mihi cor vestrum misericordia diuina compunxerit, sine quod absit, in eâ vos durare dissensione contigerit, ad propria vos relaxare curabimus. Et ita constantissimè summi Pontifices Pelagius vterque & Gregorius, à iudicio quintæ Synodi dissentire neminem, vel ad aliam Synodum prouocare passi sunt; sed quod iam vniuersalis Ecclesiæ consensio-*

XXXII. Item ex Pelagio Papa ad satisfactionem omnium dubios vocante, non dissentium annuente.

K k k k k

ne irretractabiliter definita res esset, contra bacchantibus vnam superesse voluere medicinam, ut docerentur & eis satisfaceret; aut obstinati regiâ potestate contererentur.

XXXIII. Item ex eo quod Pontifices ideo aiebant in quinta Synodo tractari de tribus capitulis potuisse, quod quæ de iis statuta erant in Chalcedonensi Synodo, Leo non confirmasset.

Quod vel hinc etiam dilucidius fiet, quodd de tribus Capitulis ideò renouari examen potuisse in Synodo quintâ restati sunt, quoniam quæ de illis Synodus Chalcedonensis prælibauerat, ea confirmare Leo Papa recusaue-
rat; ac proinde ea dici non poterant Synodi œcumenicæ, vel vniuersalis Ecclesiæ iudicia: cuiusmodi sola sunt irretractabilia. Pelagius in epist. ad Episcopos Iſtriæ, ex epistolis Leonis Papæ decerpit segetem vberriamam testimoniorum, quâ ostendit, nihil se omnimodo de Chalcedonensi Synodo suscipere, nisi quod de solâ fide gestum fuerat, &c. Postquam nihil aliud Synodi nisi fidei definitionem recepit, quid est aliud, nisi quod cetera, quæ illic specialiter mota sunt, refutauit, &c. Ipse Leo sicut multiâ superius epistolarum eius attestatione docuimus, gesta multiplicia causarum specialium reprobando, auctoritatem Synodi in solâ fidei definitione constrinxit, &c. Quidquid ergo præter fidem agitur, Leone docente ostenditur, quia nihil obstat, si ad iudicium reuocetur, &c. Epistolam Iba licenter unusquisque reprehenderet, etiamsi Episcopi in eodem Concilio residentes suis illam subscriptionibus approbassent. Quia postquam beato Leone scribente, ius retractandi & diiudicandi conceditur, etiamsi quæ esse poterat, eorum qui interfuerant, in priuatis negotiis auctoritas, vacuatur. Nec aliter epist. 5. Necesse est vos omnes epistolas synodales sollicitè vigilanterque percurrere, ut euidentius agnoscatis, quia sancti Patres nihil aliud de Chalcedonensi Synodo in suis epistolis firmauerunt, nisi ut inuiolabilis fidei definitio seruaretur. Profert mox verba Leonis qui ait, se assensum esse Synodo, In solâ videlicet fidei causâ, quod sæpe dicendum, propter quam generale Concilium & ex precepto Christianissimorum Principum, & ex consensu Apostolica Sedis placuit congregari. Ex mox Pelagius, Priuatas causas quæ illic post definitionem fidei actæ sunt, non solum minimè confirmauit, sed & retractari atque

diindicare permittit. Ergo tamen de factis & personis hæc agitata essent iudicia in Synodo Chalcedonensi : retractari tamen neuiquam possent , nisi Leo Papa ea refutasset , adeoque œcumenicæ Synodi auctoritatem hac in parte detraxisset.

Ex aduerso autem ut irretractabilia esse ostenderet Facundus Chalcedonensium Patrum de tribus Capitulis iudicia : à Leone Papa illa demonstrare laborabat confirmata fuisse. *Absit ut ille vir sanctus licitum sibi putaret, quod non expedire cernebat : & magni sui certaminis palmam, postquam vicit, amitteret. Quid enim iam integrum, vel quid constare potest immobile, si tanti Concilij sententia vel sicut imperfecta suppleri, vel sicut dubia, rursus discussi videretur ? Non autem in solâ fidei dubitatione vel definitione Conciliorum valet auctoritas : verum etiam in omnibus quæ pro pacis & unitatis observantiâ, cuius maxima sapientibus cura est, modeste ibi fuerint ac bene composita. Et infra : Et reuera quis erit contentionum atque certaminum finis, si de his quæ totius Ecclesiæ consensione firmata sunt, semel licuerit ferre iudicium ? Cur enim non rursus ipsum iudicium indicetur ? Et ideo prudentissimus vir Leo, nullam penitus dâns occasionem querentibus, denunciabat, dicens, nihil prorsus de bene compositis retractetur, &c. Si verò beatissimus Leo, quanvis recentioris Concilij, & nullâ antè sui decessoris assertione defensi, quidquam in disceptationem renocare non est passus : quomodo ab aliis creditur quartus decimus successor eius sanctus Vigilius, nouum posse aliquid indicare ? Idem rursus copiosè prosequitur Facundus l. 12. c. 2. Vtrisque ergo hinc & inde id conueniebat, qualiacumque demum essent illa tria Capitula, non posse de his quæ totius Ecclesiæ consensione, quæ Leonis Papæ suffragio firmata essent, rursus iudicium iterari : non debere ipsa iterum iudicia iudicari : sed in eo dissidebant, quòd à Leone Papâ, atque aded ab Occidua, proindeque ab vniuersali Ecclesia, hi affirmarent, illi pernegarent confirmata fuisse decreta Synodi Chalcedonensis de tribus Capitulis : adeoque ad nouum examen trahi potuisse isti*

XXXIV. Item ex eo quod ex aduerso defensores trium Capitulorū aiebant, agi de iis non potuisse in quinta, de quibus in quarta fuerat definitum, & à Leone confirmatum.

Lib. 2. cap. 6.

- Hicerent, contra illi dicerent. In istiusmodi ergo etiam Ecclesiae totius definitionibus, ne defensores quidem trium Capitulorum eam sibi dissentienti & ad noua reuocandi examina indulgebant licentiam. Ergo Theodori scripta, Ibae epistolam, Theodoretianas in Cyrillum, si ab aliqua primùm, putà à quinta Synodo, damnata fuisse, & Romani Praesulis accessisse consensum, Facundus vel eius gregales tunc audissent, protinus subscribendum & sibi & omnibus esse nequaquam ambigerent.

XXXV. Item ex
Ferrando Carth.

Id dilucidè iterum ex Ferrando Carthaginensi Diacono constabit. Qui epist. ad Pelagium & Anatolium, n. 6. de epistola Ibae quam contendit in Chalcedonensi Synodo laudatam fuisse: *Si tunc aliquis accusator epistola, cuius Catholica esse dictatio claruit, ad maiora iudicia pronocaret, appellationi forsitan secundum consuetudinem locus pateret. Sed quo iret? aut ubi maiores reperiret in Ecclesia indices? ante se habens in legatis suis Apostolicam Sedem, qua consentiente, quidquid illa definivit Synodus, accepit robur inuictum? Et mox: Vniuersalia Concilia, praecipue illa quibus Ecclesiae Romanae consensus accessit, secunda auctoritatis locum post canonicos libros tenent, &c. Quae sinuntur indicantibus Episcopis sanctis, & ad B. Petri memoriam perducta, diligentius examinantur atque firmanur, sequenda sunt, tenenda sunt, amplectenda sunt: in retractatione sub qualibet pietatis occasione teneri non debent. Et tandem regulis in ea iactatione tenendis hanc cæteris praefert, Vt Concilij Chalcedonensis vel similium eius nulla retractatio placeat: sed quae semel statuta sunt, intemerata seruentur. Ergo & Patroni Capitulorum tunc procul abhorrebant ab hac quorundam hodie opinione, posse exerrare & Pontificem, & Synodum oecumenicam, & Ecclesiam vniuersalem in diiudicatione librorum, & proinde quamuis quinta Synodus Theodori vel Theodoretianos libros saltem aliquos confixerit, & prima Sedes consenserit, posse non Ecclesiam modò, sed quemlibet Theologastrum eius infirmare iudicium. Contra*

enim Facundus, contrà Ferrandus statuta etiam hoc genus synodalia retractare vetant, *sequi, tenere, amplecti* iubent, non priuatos tantùm, sed Ecclesiam ipsam: Romani autem Pontifices & Catholici omnes in id ipsum conspirabant. Denique idem Ferrandus ibidem: *Concilia quæ vetustas firmavit, & custodiuit deuota posteritas, obedientiam de nobis exigunt, nullam relinquentes dubitandi necessitatem.*

Idem emicat ex aliâ Romanorum Præsulorum exceptione: qui tria Capitula in controuersiam vocari posse, & in quintâ Synodo damnari potuisse respondebant, non quod errare, in suo de iis iudicio potuisset quarta Synodus, & posterioris esset Concilij errata prioris emendare, sed quod de iis actum esset, finitâ iam & terminatâ Synodo Chalcedonensi, nempe post actionem sextam, in qua velut ad calcem Synodi Canones assuuntur. Pelagius II. in epist. ad Episc. Istr. *Quia verò in actione sextâ fidei causa perficitur, ipsa Episcoporum omnium generali subscriptione declaratur, &c. Vnde & in causis post specialibus, nudis tantummodo verbis loquuntur, atque ea quæ decernentes dixerant, nullâ suppositâ subscriptione firmauerunt, &c. Actione sextâ clamarunt Episcopi, Supplicamus dimitte nos, pie Imperator, dimitte nos, &c. Quia verò & apud eosdem Episcopos qui in Chalcedone resederunt, in veneratione Synodus nonnisi usque ad fidei definitionem fuit, per hoc aperte ostenditur, quod plerique Græci antiquiores codices, continere Synodum nonnisi in sex actionibus subiunctis Canonibus demonstrantur, ut omnino cetera quæ privato studio fuerant mota, non habeant. Et Greg. I. 3. epist. 37. De Synodo illâ, quæ à multis quinta nominatur, scire vos volo, quia nihil contra quatuor sanctissimas Synodos constituerit, vel sanxerit; quippe quia in eâ de personis tantummodo, non autem de fide aliquid gestum est, & de his personis de quibus in Chalcedonensi Concilio nihil continetur, sed post expressos Canones factâ contentio, & extrema actio de personis ventila est. Et lib. 7. epist. 54. Sancta Chalcedonensis Synodus usque ad definitionem fidei & prolationem Canonum de generali-*

XXXVI. Item ex alia exceptione Roman. Pontificum de iis in quinta agi potuisse, de quibus actum non fuerat, nisi Chalcedon. Synodo terminata iam post act. 6.

bus causis locuta est. Nam post prolationem Canonum specialia Episcoporum certamina sopire curavit. Epistolam verò, quam in eâ reverendissimus Ibas denegat suam, quòd in extremâ parte Synodi iaceat, agnoscis. Vides quàm nunquam his Patribus in mentem venerit arrogare licentiam vel sibi, vel, Ecclesiæ, nedum priuatis quibuscumque, authores librosque vel absoluendi quos damnasset, vel damnandi quos absoluisset œcumenica Synodus. Ideo & Pelagius I. ep. 14. ut se in amplectenda Synodo quinta nihil quartæ obloqui significet, profitetur se quicumque à quatuor Conciliis absoluti sunt, esse orthodoxos habiturum, &c. Omnes quos damnauerunt, habere damnatos; quos receperunt, inter orthodoxos venerari.

XXXVII. Item ex quinta ipsa Synodo constanter affirmante tria Capitula à se damnari, quòd non sint absoluta, imò damnata sint iam in Chalcedonensi.

Patres verò Quintæ Synodi paulò aliâ rem aggressi sunt viâ. Nam Capitula euicere nusquam in Chalcedonensi Synodo vel leuissimè approbata fuisse: & etiam nunc à se damnari & absolui eosdem, quos Chalcedonensis Synodus damnasset, vel absoluisset: nec vnquam tunc subiit cuiusquam animum tam fœda exceptio, potuisse Synodum Chalcedonensem in iudicio istiusmodi hallucinari. Itaque Collat. 3. tractationi trium Capitulorum ita præfatur: *Sanctas quatuor Synodos suscipimus, & omnes condemnatos à prædictis sanctis quatuor Conciliis, tanquam condemnatos habemus.* Et collat. 6. Synodus dixit, *Contraria per omnia est epistola quam Ibas scripsisse dicitur, definitioni quam pro recta fide sancta Chalcedonensis Synodus pronunciauit. Vnde & procedentes omnes coegerunt Ibam anathematizare Nestorium, quem vindicabat impia epistola, & insuper impia eius dogmata, & subscribere definitioni quam pro fide exposuerunt, ad refutanda certè ea quæ prædicta epistola vindicat. Et hæc fecerunt pro nullo habentes ea quæ ab vno vel duobus pro eâdem epistolâ dicta sunt, qui & ipsi eiusdem omnibus facti voluntatis, Ibam susceperunt, cum pœnitentiam egisset, & Nestorium anathematizasset, & subscripsisset definitioni ab eodem sancta Concilio exposita. Ita illi à Chalcedonensi Concilio propulsant studiosissimè calumniam approbatæ Ibæ epistolæ. A quo im-*

probatam potius demonstrant ex eo, quod Ibam compulerit, Nestorio & eius dogmati anathema dicere, fideique definitioni subscribere. Quod ab vno autem vel altero Episcopo laudibus affecta sit epistola, non id statim vniuerso Concilio adscribendum. Et in collat. 8. *Sed quia Theodori & Nestorij impiorum defensores alio modo machinabantur confirmare eorum personas & impietatem, & dicebant istam impiam epistolam, qua defendit Theodorum & Nestorium & eorum impietatem, susceptam esse à sancto Chalcedonensi Concilio: necessarium esse putauimus per omnia ostendere, liberam esse sanctam Synodum ab impietate qua in epistolâ continetur, &c.* Et mox: *Illud omnibus facimus manifestum, quod nec partes interlocutionum vnius vel secundi, quibus vtuntur Theodori & Nestorij sequaces, praterire sustinuimus: sed istis & aliis omnibus interlocutionibus in medio prolati, & his qua eis continentur consideratis, inuenimus, quod non aliter passi sunt predictum Ibam suscipere, priusquam exegissent eum, Nestorium & impia eius dogmata, qua in epistolâ vindicantur, anathematizare. Et hoc fecerunt tam alij religiosi Episcopi predicti sancti Concilij, quam illi duo quorum interlocutionibus quidam vti conantur.* Procul ergo discesserant Patres isti ab eorum sententia, qui vel generalibus Synodis errorem obrepere posse nugantur, in scriptorum examine librando.

Ergo alias alij sectarentur rationes purgandæ Chalcedonensis Synodi, omnibus tamen & Orientalibus & Occidentalibus Episcopis conueniebat, in istis etiam quæ factorum & personarum dicuntur quæstionibus, non posse quæ semel in vna Synodo definita fuerint, retractari in alia & euerri. Itaque schismatici quidem vociferabantur, approbata in Chalcedonensi Concilio tria Capitula non potuisse in quinta Synodo damnari: reponebant orthodoxi ideo in quinta damnari potuisse, quod in quarta non essent approbata. Non fuisse autem approbata Chalcedone ea Capitula, alij aliis rationibus prosequabantur, quibus tamen nulla interest consistatio. Constare enim potest quod & Leo Papa nequaquam illa de

XXXVIII. Ita orbi Christiano vniuerso constabat sententiam Synodi Chalcedonensis de tribus Capitulis non posse ab aliâ vllâ Synodo emenda-

ti.

privatis causis iudicia confirmavit: & generalem Synodum actio sexta terminavit: & illi ipsi qui adhuc Chalcedone post finitam Synodum conveniebant ad Episcoporum causas sopiendas, hanc epistolam minimè approbarint.

XXXIX. Quæ
Concilia dicat
Augustinus, pos-
se priora à poste-
rioribus emen-
dari.

Nec tamen Augustino obloquimur, clamanti *ipsa plenaria sæpe Concilia priora posterioribus emendari, cum aliquo experimento rerum aperitur, quod clausum erat, & cognoscitur quod latebat.* Perspicuum est enim non eo hæc collimare, ut in librorum examine hallucinari possint Concilia plenaria, & priora à posterioribus emendari: quippe cum in ea re locum non habeant nova rerum experimenta. Sed de eiusmodi causis differit sanctus Pater, quæ ita in Conciliis quibuscumque definiuntur, ut si nova post, quæ prius latuerant, aperiantur experimenta, seu argumenta scelerum, & instrumenta, tunc necesse sit renouari iudicium, & in contrarium fortassis reflecti sententiam. Ita alibi Augustinus, Cæciliano anathema vel post mortem infigendum clamat, si qua nova quæ hætenus fefellerant, eius recedantur crimina: tametsi ille & Romano & Arelatensi plenario Concilio purgatus fuisset. Epist. 50. *In causa Cæciliani, cui crimina obiecerunt, quæ nec potuerunt probare, nec possunt, se ab Ecclesiâ Catholicâ, hoc est, ab unitate omnium gentium diuiserunt. Quamvis etsi vera essent, quæ ab eis obiecta sunt Cæciliano, & nobis possent aliquando monstrari, ipsum iam mortuum anathematizavimus.* Hæc sunt experimenta in dies emergentia, ubi possunt monstrari crimina, quæ prius probari non potuerant. Ita Arelatense plenarium quodammodo à posteriori Concilio emendaretur. Quamvis vel tunc nec ipsum Arelatense Concilium errasse dici posset. Vbi enim nulla vel allegabantur, vel probabantur crimina, nimirum quia latebant, non errabat sententia quæ absolueret: imò errasset, nisi absolueret. Vnde apud Rinaldum ad an. 1311. num. 54. de Templariorum Ordine in Concilio Viennensi per errorem, ut quidam volunt, extincto, hæc habet MS. Vaticanum: *De Templariorum extinctio ne*

injectione videtur modeste loquendum, ita ut non conferatur culpa in Pontificem; cum constet ipsum & Concilium fecisse iudicium secundum allegata & probata. Ad hæc cum ait Augustinus ipsa plenaria Concilia sæpe priora posterioribus emendari: ad œcumenicas Synodos vix potuit intueri. Ecqua enim ævo Augustini potuerant œcumenica Concilia à posterioribus emendari? Num Nicæna Synodus à Constantinopolitana? At quis nescit, quanto Nicæna cæteris antister? Deinde num illud sæpe dici posset? Nec in futurum regulam figit Augustinus, sed quid fiat, & sæpe fiat, perhibet. Per plenarias ergo, non œcumenicas tantum, sed vel transmarinas, vel vniuersales Afris vñtatas intelligit. Vnde lib. 2. de bapt. contra Donat. cap. 9. Si Concilium Cypriani attenditur, huic est vniuersa Ecclesie posterius Concilium praponendum. Nam & Concilia posteriora prioribus apud posteros praponuntur, & vniuersum partibus inre optimo praponitur. Vides ut priora à posterioribus Conciliis emendari sinat, nempe in disciplinæ magis, quàm fidei causâ; & priora vniuersalia Africana, cuiusmodi fuerant illa Cypriani, de rebaptizandis hæreticis, à posterioribus Ecclesie vniuersæ. Alioqui constat indubitatissimè, quod Romanus Pontifex Martinus I. elocutus est in act. 1. Concilij Lateran. Sancta Chalcedonensis Synodus definiuit: hoc est dicere, omnium Sanctorum chorus. Quoniam quod una sanctorum Patrum Synodus iudicare videtur, tam omnes Synodi, quàm vniuersi omnino confirmare Patres noscuntur, vtpote in vno eodemque verbo fidei vicissim sibi per indissolubilem consonantiam concordantes. Nempe vbi nulla lapsu temporum è latibulis suis profiliunt experimenta.

At in epistolarum, commentariorum, librorumque diiudicatione, eccunde noua aduolabunt posteriori Synodo experimenta? Quin ex aduerso tantò scriptorum quorumlibet sensus & intelligentia tenebrescit magis magisque, & fallere potis est, quantò lapsus temporum alios mores, & voces, vocationumque significationes dissimiles inuehit. Quanquam ergo magnopere assentiar Ni-

XL. Non posse ab vniuersa Ecclesia damnatos libros vnquam absolui. Penultimè ex Ferrando Diacono. Vnde ab aliis facti quæstionibus hæc circa librorum examen

lato limite discernuntur.
 Disput. de materia
 Conc. gener.
 pag. 61.

colao de Clamengis, ita aienti: *Licet Ecclesie militantis auctoritas sit maxima, qua fundata supra firmam Petram, conuelli non potest: & aduersus quam porta inferi nunquam preualere potuerunt; non illi tamen nos oportet, ut videtur, triumphantis Ecclesie titulos adscribere, ut infallibilis sit, aut impeccabilis: qua saepe, ut nosti, & fallit, & fallitur; non dico in his qua fidei sunt: cum Christus ad mortem properans, de illa ad Petrum dixerit: Petre rogamus pro te, ut non deficiat fides tua: sed in aliis qua vel facti sunt, vel morum, vel iudiciorum: in quibus propter circumstantiarum infinitam varietatem ac multitudinem, perdifficile est optimi medium semper attingere: ab aliis tamen facti quaestionibus, in quibus aberrare quandoque potest Ecclesie iudicium, propter infinitam varietatem circumstantiarum, tardius quandoque, vel nunquam in lucem emergentium: haec de libris iudicia latissimo interuallo secernenda existimo, ut nulli circumstantiarum caligini, nulli testimoniorum fraudulentiae obnoxia: ut ad doctrinam & fidem funditus spectantia: cum & fides sanciri & haereticis configi non soleat, non ferè possit, nisi verbis, propositionibus, tractatibus, libris consignata. Ideo nusquam hactenus cum tot annorum curricula effluerint, cum tot librorum millia censorio mucrone confossa sint, vel semel contigit, ut Synodus posterior prioris de quolibet libro sententiam reuocaret. Quod vniuersum referri potest quod Ferrandus in epist. ad Pelag. & Anat. disputat pro tribus Capitulis, quae probata fuisse Chalcedone autumabat. Eadem nos æquius multò disseramus de Theodori, Ibae, Theodoretis scriptis indubiè à Quinta Synodo damnatis. Vox adempta volentibus malè adsumpta defendere, quomodo iterum restituatur? Quis erit post tantos ac tales Pontifices negotij iam peracti nouus & idoneus cognitor? Ex quibus mundi partibus aut ciuitatibus meliores antiquis Episcopis congregabuntur Episcopi, quibus potestas detur sententias emendare maiorum? Vel quâ spe confidenter adsumant aliqui definire, videntes taliam virorum iudicia repente cassari? Quomodo successoribus nostris poterit placere,*

quod agimus: si per nos docebuntur, irritum facere, quod praecessores suos gessisse cognouerint? Vnde hac noua cautela? Nunquid post Papam Leonem, Anatolium, Maximum, Iuuenalem, vel ceteros illius temporis sacerdotes nullus fuit, ex eorum successoribus, qui legeret attentius & intelligeret, epistolam venerabilis Iba Episcopi malè Synodo insertam fuisse? Habeo dicere, si retractentur Chalcedonensis decreta Concilij, de Nicanà Synodo cogitemus, ne simile periculum patiatur. Quibus & damnatores applaudebant Capitulorum, eo vno dempto, quod ea Chalcedone approbata vsquam fuisse inficiabantur. Liquet hinc autem synodicè vel damnatos postea absolui, vel purgatos postea condemnari non posse libros. 1. Quod nec meliores, nec eruditiores se maioribus suis posterì venditare debeant. 2. Quod si maiorum minores, horum rursus iudicia posteriores euertent, & ita sursum deorsum voluentur in Ecclesià res omnes, & nihil vsquam fixum ratumque erit. 3. Quod ipsius etiam Nicænæ Synodi de Arij libris conuelli poterunt decreta, & refigi quæ fixa hætenus credebantur omnia.

Et idem ibidem: Non expedit antiquorum Patrum, qui Chalcedonensi interfuisse Concilio, vituperari deliberationem, retractari iudicium, mutari sententiam. Ne Synodus venerabilis apud omnes Ecclesias Orientis & Occidentis, perdat subito reuerentiam suam; nec possit in definitionibus fidei robur inflexibile custodire, si cæperit ex aliquâ parte fragilis aut reprehensione digna conuinci. Quidquid semel statuitur in Concilio & congregatione sanctorum Patrum, perpetuam debet obtinere iugiter firmitatem. Et mox, Totum Concilium Chalcedonense verum est. Quidquid ibi dictum, gestum, indicatum nouimus atque firmatum, sancti Spiritus operata est ineffabilis atque secreta potentia. Quibus in eandem sententiam plura addensat, ut mihi quidem videtur, præualida. Nam si generalis Synodus aberrat in diiudicatione libri vel commentarij, seu doctrinæ eo contentæ, quid iam fidei Synodis habebitur? Si Synodus illum absoluit, cuius nullum crimen probatur, quia tunc latet: eundem post alia denu-

XLI. Item ex
codem.

dato & probato crimine damnet conuictum: nihil id de Synodi maiestate & fide decerpit. At si libros Synodus prolixo perfuncta examine vel hæreticos pro Catholicis, vel Catholicos pro hæreticis habeat: Quanta erit ista eius caligo, quanta vertigo Episcoporum, quanta Ecclesiæ magistræ infamia? Sed nonne illud ipsum est *veritas*, idem Spiritus sancti lumen, idem cæleste oraculum, quo & fides à Synodo generali prædicatur, & perfidia libris inspersa proscribitur?

XLII. Rursus ex eodem.

Et rursus idem, si qua nobis oriatur circa proscriptos à Synodis libros dubitatio, quæ diluenda ea sit, docet: *Uniuersalia Concilia præcipuè illa, quibus Ecclesia Romana consensus accessit, secunda authoritatis locum post Canonicos libros tenent. Sicut legentibus Scripturam diuinitus inspiratam, non licet aliquid reprehendere, quamvis minimè valeant altitudinem cælestis oraculi comprehendere. Sed pius lector & quod non intelligit, credit; ut quod credit, mereatur intelligere. Sic omnino nec aliter Concilia qua vetustas firmanit, & custodiuit denota posteritas, obedientiam de nobis exigunt, nullam relinquentes dubitandi necessitatem. Cum igitur tam certò damnari quinta Synodus libros Theodoretæ in Cyrillum, quàm à quartâ absolutos errans putabat Ferrandus: si quis minus intelligit, quo iure aut qua veritatis luce damnati sunt, credat, ut mereatur fide intellectum. Nec id homini Christiano & Theologo nouum, credere, ut intelligat; non intelligere, ut credat.*

XLIII. Item ex Facundo.

Facundus eadem occinit lib. 5. cap. 4. *Neque enim est alia Conciliorum faciendorum utilitas, quàm ut quod intellectu non capimus, ex authoritate credamus: & sicubi ratio minus occurrerit, fides, ne labamur, citò succurrat. Nam si post decretum disceptare licuerit, ut dicatur, prius probetur epistola illa, quòd recta sit, ut credatur fuisse suscepta, non est quare iam Concilia congregentur: nec terminata, imò nec terminabiles dicantur quæstiones, quarum probatio semper exigitur. Cur enim non dicatur similiter, probetur prius, quod unius essentia sint Pater & Filius, ut credatur hoc Nicæno Concilio terminatum.*

Augustini doctrinam auidissimè combiberat Facundus. Non nesciebat, aliqua esse facta, quæ ita nunc latere, post patescere possent, vt inde Synodi posteriores prioribus derogarent. At in librorum examine & iudicio semel instituto synodaliter, negat idem constantissimè Ecclesiam vel Synodos generales alternare posse. Et tota tunc, vt sæpius iam inculcauimus, sentiebat Ecclesia; quæ ided, vt quintâ in Synodo damnari possent, pernegabat in quartâ purgata fuisse capitula. Alioqui vt pergit Facundus, *Quæstionibus vniuersis in antiquo statu manentibus, non solum nihil Synodorum constitutionibus absolutum esse videbitur: sed etiam ad perpetuandas lites, quæstionum in eis reseruata memoria. Et ided non idem modus esse debet atque ordo quarendi, post definitionem Concilij totius Ecclesia consensione firmati, qui fuit ante definitionem. Tunc enim ratio poscebat, vt si orthodoxa probaretur ista epistola, suscipienda iudicaretur à Synodo: nunc autem ratio poscit, vt si suscepta probetur à Synodo, iudicetur orthodoxa. Hanc obseruantiam tenentibus, nihil nobis praualebit hereticorum calliditas, si iudicare non presumamus, quod intelligere non valeamus.*

Sed audienda nobis sedulò est quinta ipsa Synodus collat. 8. vt aliena dediscamus præiudicia, & sincerum orthodoxæ Theologiæ lac sugamus ex ipsis virginis Ecclesiæ vberibus. Cùm ergo de damnandis trium scriptorum lucubrationibus diuturnum iam examen sæuisset, ait tandem opus esse, vt definitio communiter ab omnibus nobis præbeatur fidei rectæ conueniens, &c. Nec enim iustum esse ampliùs scandalum pro tribus istis capitulis crescere, & Dei Ecclesiam conturbari, &c. Licet enim sancti Spiritus gratia & circa singulos Apostolos abundaret, vt non indigerent alieno consilio ad ea quæ agenda erant: non tamen aliter voluerunt de eo quod mouebatur, si oporteret gentes circumcidi, definire, priusquam communiter congregati, diuinarum Scripturarum testimoniis vnusquisque sua dicta confirmauerunt, &c. Vnde, visum est Spiritui sancto & nobis, &c. Sed & sancti Patres qui per tempora in sanctis quatuor Conciliis conuenerunt, &c. Nec

XLIV. Idem probatur ex quinta Synodo.

822 DISSERTATIO DECIMANONA

enim potest in communibus de fide disceptationibus aliter veritas manifestari, cum unusquisque proximi adiutorio indiget, &c. Et ipse Dominus dicit, si duo ex vobis conuenerint, &c. Disceptationem & definitionem hanc suam ad fidem pertinere agnoscunt. Fidei enim officium est, errores libris insertos explorare & exurere. Ad hoc suum iudicium, accersunt induuntque sibi illam auctoritatem & lucem, quam Apostoli, quam priores Synodi œcumenicæ præ se ferebant, erroris nesciam. Ad sua hæc decreta Synodica, adaptant verba Christi, Si duo vel tres congregati fuerint in nomine meo, ibi sum in medio eorum: Itemque Apostolorum: Visum est Spiritui sancto & nobis. Nec iniuriâ. Nec enim de fide propriè in eâ palmari Synodo quidquam Apostoli nouum decreuere. Denique nusquam in hac Synodo dispescuntur aut dispesci sinuntur errores authoresque errorum, vel sectarij errorum librorumque quibus error afflatus iudicatur. Vnde tandem concludunt, In memoriâ tenentes promissiones de sanctâ Ecclesiâ factas, quod porta inferi non preualebunt aduersus eam, &c.

XLV. Rursus ex eadem.

Quocirca & eadem Synodus imponi non posse certa in istiusmodi etiam iudiciis Synodo cuilibet œcumenicæ, fidenter pronunciat ad finem collat. 5. Ex his quæ Theodoretus impiè conscripsit, miranda est subtilitas sancti Chalcedonensis Concilij. Sciens enim eius blasphemias, prius quidem multis sæpius vsa est contra eum exclamationibus. Postea verò non aliter eum suscepisset, nisi anathematizasset Nestorium & eius blasphemias: pro quibus antea scripsit defendens eas. Et si minùs scripta hæc Theodoreti improbasset Synodus Chalcedonensis, de ea id sentiendum utique foret, quod de Cyrillo; qui Theodori libros penè tunc damnauit, cum ne damnarentur, soli indulsit dispensationi. Vnde Synodus hæc quinta, coll. 8. Apparent Patres non liberantes anathemate Theodorum, sed dispensatiuè talibus quibusdam vtentes verbis, propter defensores Nestorij, & eius impietatis, ut ab huiusmodi errore eos abstrahentes, ad perfectum deducerent, & docerent, non solum discipulum impietatis Nestorium addicere,

sed etiam doctorem eius Theodorum. Tum exempla dispensationis à Paulo repetunt, ut prædictum fuerat collat. 5. Si propter dispensationem aliquid Patres dixerunt, ut separarent ab errore Nestorij tunc defensores eius, tamen quoniam nec susceperunt dicta illorum, & tempus quod dispensationis indigeret, præterit, &c. Sicut Paulus cum ad tempus concessisset Circumcisionem Hebraeis, nec non etiam ipse circumcidisset propter dispensationem Timotheum: Postea verò quod est perfectum docens, ad Galatas ait, si circumcidamini, Christus nihil nobis prodest. Et mox: Per ista docet Apostolus quòd interdum dispensatio per congruum tempus prodest, & interdum efficit lesionem ad temporis qualitatem. Cum enim opus est ignorantes vel errantes docere, tunc maxima dispensationis utilitas est. Quando verò in doctrina perfectionis tempus est, tunc relinquentes patientiam ad perfectionem dogmatum pervenimus. Ex quibus clarescit, quod contendimus, ex dispensatione posse meritam damnationem sustineri & prorogari; non autem immeritam inferri aut præcipitari: nec errare Synodos, seu pro meritis damnent, seu ex dispensatione non damnent libros quoslibet fidei aduersos.

Indidem illud emergit, quòd damnatorum librorum defensores, non ut in facti aut personæ quæstione hallucinabundos, sed ut proscriptæ doctrinæ instauratores Ecclesia persæpè detestatur. Ided in verbis suprà relatis nusquam Synodus quinta rem aliter interpretata est, quàm quòd Theodori & Ibae epistolæ, & Theodoretæ adversus Cyrillum scriptorum Patroni, hæreticæ pariter patrocinentur impietati. Idem evidentissimè explendescit ex collatione 8. per totum, ubi defensionem librorum istiusmodi & impietatis illis implicatæ promiscuam semper & indiscretam habent: seu illam aliqui arriperent, seu Synodo Chalcedonensi impingerent. Itaque non potuisse ea capitula approbari à Synodo Chalcedonensi, inuictissimè argumentantur, quòd non potuerit tanta impietas Synodo persuaderi, quam suo etiam ipsa execrata est fidei decreto. Similiter in anathematismis collationi huic octa-

XLVI. Damna-
torum librorum
defensores, per-
sæpe ut errorum
etiam Patronos
auersatur Eccle-
sia.

ux attextis, id vrget, id vnum molitur Synodus non posse libros istos à quoquam defensari, nisi hærescos patrono. Et vix aliter sanè fieri potest. Persuaso enim & constituto hoc semel, hæresin Nestorianam opusculis illis contineri, vt Synodo erat persuasissimum: vix poterant non ei videri hæreticæ sectatores peruersitatis, quicumque opusculis eiusmodi fauebant. Nec enim illud magni pendebar, quòd iidem Nestorio & eius doctrinæ anathema à se dici clamitarent: Nam primò generalibus id genus professionibus vtuntur persæpè hæretici, nec fides illis habetur, quòd iis mox derogent specialium errorum pertinaciâ. 2. Nestorij doctrinam ab iis verbo tenus damnari interpretabatur Synodus, reapse autem, defensione operum quibus propugnatur, defensari. 3. Longè pronius erat credere, per Nestorij doctrinam, aliud quid ab iis intelligi & damnari, non quòd damnabat Ecclesia: quam tam prolixas & enucleatas Theodori & Theodoreti lucubrationes alio & recto sensu ab iis intelligi, non insano illo, quem Ecclesia auersabatur. 4. An Ecclesia Christi vsque eò flocci se fieri à filiis suis patietur, vt impunè ab iis infametur, etiam vniuersa, & Synodaliter collecta, & operoso examine perfuncta, & clamitetur non intelligere, non assequi sententiam operum Theodori & Theodoreti, tam prolixè & tædiosè differentium? Hoccine imponi potest iudici controuersiarum & doctrinarum omnium, commentariis semper aliquibus inscriptarum, à Deo constitutæ? Nec vsque adèd insaniebant defensores tunc trium Capitulorum, vt priuatam suam sagacitatem anteferrent iudicio & perspicaciæ Ecclesiæ vniuersæ. Sed Ecclesiam Ecclesiæ, Synodum Synodo componebant, & decreto Chalcedonensis Synodi contumeliam fieri verabant, vt longè plurimis antè allatis & infra referendis testimoniis constar.

XLVII. Refellitur ineptum delirium, anathemata quintæ Synodi

Quòd verò somniarunt aliqui, anathemata quintæ Synodi, non in Catholicos trium Capitulorum recto sensu expositorum defensores, sed in hæreticos eorundem hæretico-

retico sensu intellectorum vindices cuibrari, nihil potest alienius effutiri. Nam ex Liberato, Facundo, Ferrando, ex Vigilij & aliorum Pontificum epistolis manifestissimum est, eam concertationem totam inter Catholicos conflagrasse. Liquet priuatis simultatibus Pelagij Romani Diaconi, & Theodori Cæsariensis in Cappadocia Episcopi excitatum in Ecclesia illud incendium. Liberatus cap. 23. *Pelagius amulus existens Theodoro Cæs. Capp. Episc. volens ei nocere, eo quòd esset Origenis defensor, flagitabat à Principe, ut Origenes damnaretur, &c. Rursus illi callida fraude rogauerunt eum, ut dictaret librum in damnationem trium Capitulorum, &c. Cætera uerò quæ subsequenter in Episcopis, & Catholicâ Ecclesiâ ab eodem Principe facta sunt, quomodo consentientes Episcopi in trium damnationem capitulorum muneribus ditabantur, vel non consentientes depositi in exilium missi sunt, vel aliqui fugâ latitantes, in angustiis felicem exitum suscepunt, quoniam nota sunt omnibus, puto nunc à me silenda. Illud liquere omnibus credo, per Pelagium Diaconum, & Theodorum Cæsarea Capp. Episcopum hoc scandalum in Ecclesiam fuisse ingressum. Quod etiam publicè ipse Theodorus clamitauit, se & Pelagium viuos incendendos, per quos hoc scandalum introiuit in mundum. Vides à Catholicis in Catholicos in Ecclesiâ Catholicâ excitatam & bacchatam esse tragediam, de hæreticis nec verbum vnum fieri. Liquet rursus solâ Chalcedonenſis Synodi autoritate certatum esse in defensionem trium Capitulorum: in eam se quinta Synodus quoque curam maximè arrexuit, vt quartam Synodum tribus Capitulis infestam esse peruinceret. Inter Catholicos ergo pugna conferebatur. Liquet Catholicos solos pro tribus scripsisse Capitulis, non hæreticos, Liberatum, Ferrandum, Facundum, Vigilium Papam aliquando. Liquet Catholicos homines in multis regionibus Occidentis in trium Capitulorum defensione pertinaces, etsi à Nestorianâ hæresi abhorrerent, confossos se à quintâ Synodo intellexisse, ideoque secessionem ab Ecclesiâ Catholicâ fecisse. Liquet & ex Facundo, & ex Victore Tu-*

M m m m

nonensi & aliis non Nestorianos, sed Catholicos Capitulorum defensores variis post Synodum exiliis ab Imperatore affectos fuisse. Liquec nec primus nec alterum Pelagium, nec Gregorium Papam, qui tandiu desudarunt in schismaticis his recolligendis Ecclesiæ, id quod peropportunum fuisset, vnquam potuisse, quintæ Synodi anathemata non nisi in eos furere, qui libros huiusmodi hæretico sensu intelligerent, nequaquam verò in eos, qui rectum illis quoquomodo affingerent intellectum. Liquec cum tot Hispani, Galli, Ligures, Veneti, Istri, Afri, Hiberni, nonnihil vel omnino alieni fuissent à quintâ Synodo, & eam tandem sint amplexati, neminem illorum contestatum memorari vsquam, quod eius Synodi anathemata eos tantum percellant, qui libros & hæreticum in libris sensum propugnarint: neminem discriminis quidquam interposuisse inter hos & alios ab aliis Synodis confixos tractatus. Vide autem vt Facundus hæc anathemata exponat l. 3. c. 1. *Ipsa subscriptionis formula, qua data est in condemnationem Theodori, non aliud videtur ostendere, cum dictum est, Si quis non anathematizat Theodorum Mopsuestia & eius dogmata, anathema sit: Quod in nullius hæretici damnatione meminimus contigisse, vt illi quoque anathema essent, qui ei anathema non dicerent. Siquidem multorum hæreticorum multos & dogmata latent, & nomina, qui anathema esse non debent, quoniam non anathematizant eos, quos nesciunt. Et l. 7. c. 7. præfatus, quàm magnificè de Theodoro sensisset Ioannes Chrysostomus, addit: Si anathema est, qui Theodorum Mopsuestia non dicit anathema, etiam Ioannes Constantinopolitana clarissimus antistes Ecclesiæ, & confessor fortissimus veritatis, anathema est. Et infra: Nunquid & Gregorius Nazianzenus & Ioannes Constantinopolitanus, & alij quos memorauimus, ac memoraturi sumus, Patres Nestoriano morbo dicentur obsesti, quia non solum Theodorum non abdicant, verum etiam prohibent abdicari? Aut & ipsos nouo nomine, & hæcenus inaudito Theodorianos quisquam vocare præsumet? Quod si nullus hoc audet, cur alios, qui tenentes*

eorum Catholicam fidem, sententiamque seruantes, non audent in praeiudicium Synodi Chalcedonensis damnare Theodorum, Theodorianos vocant? Et l. 2. c. 1. Si communicemus eis, qui nobis iam anathema dixerunt, &c. Ipsis quoque turpe videri debuit, communicando nobis, anathema, quod in nos decreuerunt, in semetipsos ultro conuertere. Usque adeò omnes prorsus trium Capitulorum defensores configebantur his anathematum iaculis, quantumuis Catholicum nomen, sensumque prætenderent: ut inuidiosius quidem, sed tamen augureretur Facundus, confossum iri, etià illos qui nominis quidem, nedum dogmatis Theodori-conscij sunt: etià illos qui antè viuis abierunt, quàm damnaretur Theodorus: etià denique Chrysostomum ipsum, & Nazianzenum, qui Theodoro olim studuerant. 2. Quarit Facundus, an Chrysostomus etià Nestoriano morbo obsessus dicendus sit, qui ab anathematizando Theodoro tantopere abhorruit. Ergo omnes prorsus etià Catholico nomine se iactantes, à damnatoribus Capitulorum denigrabantur ut Nestoriano morbo obsessi, nisi eorundem damnationi subscriberent. Et inde est, quòd anathemata in Nestorij sequaces, in Theodori & dogmatum eius propugnatores torquentur; quia Theodori scripta, cum Nestorianam luem passim redolerent Synodo, non poterant eorum sequaces non ei videri eodem contagio laborare. 3. Ideò à damnatoribus Capitulorum Theodoriani appellabantur eorum defensores; nouo nomine & haëtenus inaudito, quo nempe Catholico nomine spoliarentur. At Nestorianos ab Ecclesià olim abscissos & Catholici gregis nominisque extorres, nihil attinuisset, Theodorianos, quasi nouo infamiae incremento, appellitare. Ideò quos Theodoriano nomine, & dedecore onerabamus, illi nos vicissim Necrodioctas vocitabant. Ut scilicet Catholici nominis dignitate exturbarentur, qui quocumque demum alio dehonestarentur vocabulo. 4. Quorsum verò & Sedes Apostolica per Vigilium Papam & omnes Latinarum prouinciarum Principes, tam diu, & tam

fortiter restitissent, ut ait Pelagius Papa, damnationi Capitulorum, si Nestorianum duntaxat dogma anathemate perculerat Synodus; copiam autem fecerat tuendorum Capitulorum; dummodo Catholico sensu, de quo conueniebat, donarentur? Si veteres tantum Nestorianos Synodus impetiuerat, ecurr totus Occidens cum Synodo altercabatur? 5. Quorsum ibidem & alibi sæpè Pelagius, Gregoriusque confitentur, tum se quintæ Synodo acquieuisse, tum acquiescendum fuisse, *cum errorem cognouerunt, cum verum cognouerunt, cum qua vera sunt, agnouerunt: inuenta veritate?* An prius nescierant Nestorianam dementiam, quibuscumque demum libris illita ea sit, omnibus anathematum diris execrandam, meritòque in quintâ Synodo execratam fuisse? Tam turpi ignorantia caligare non potuerant. Sed Nestorianum virus tribus Capitulis esse infusum, & œcumenicæ Chalcedonensi Synodo non posse Capitulorum approbationem attribui, istud verò est quod nescierant, & quandiu nescierant, Synodo ea sub anathematis comminatione decernenti indignabantur: inuenta veritate, Synodo manus dederunt. 6. Quamlibet autem excandescat Facundus, & inuidiam faciat, nihil nouatum est in decernendo anathemate non anathematizantibus tria Capitula. Quoties enim prius Synodi vel errori, vel auctori, librove cuiuslibet anathema occinuerunt, eodem anathemate implicuere consequenter vniuersos Synodicæ sententiæ aduersarios. Itaque anathema Ario dicere, perinde est, ac Arij sequacibus, Ario anathema dicere respuentibus, eundem anathematis insigere mucronem. Quàm constat igitur id fuisse quintæ Synodi decretum, tria Capitula Nestorianæ impietatis veneno delibuta esse, & ideo execranda: tam constat id Synodo fuisse consilij, ut qui ea non execraretur, execrationi esset ipse. 7. Adde quòd vituperanda iure merito illa foret inconstantia, si Nestorianis Ecclesiam suggillantibus, quòd Nestorium detestaretur, & tria Capitula tamen Nestorio consentanea approbantem

Chalcedonensem Synodum lamberet, & foueret: Ecclesia Catholica seu quinta Synodus contrà reponeret, tria Capitula Nestorio consona esse, sed in Chalcedonensi Synodo refutata esse, nedum approbata: at interim clam Catholicis copiam faceret secus sentiendi, & Catholica esse illa Capitula, & in Chalcedonensi Synodo fuisse confirmata. Ne orthodoxa, ne œcumenicæ Synodo tantam leuitatis, aut simulationis ignominiam affricemus, vt sententiam quasi vestem duplicem habeat, forensam alteram, alteram domesticam: aliudque crepet ad hostes, aliud clam filiis insusurret. 8. Similiter Eutychianis Chalcedonensem Synodum abominantibus, eo maximè obtentu, quòd Nestorianam in tribus Capitulis perfidiam authorasset: occurrit ex aduerso Synodus quinta, & inesse quidem Capitulis Nestorianum virus, sed illud Chalcedonenses Patres detestatos esse demonstrat. Inconstanter ergo & inconsideratè prorsus filiis suis postea Ecclesia Catholica secus sentire permetteret, nempe Catholica Capitula, atque Chalcedonensi Synodo non ingrata fuisse. Hanc simulationem quantis, oro, conuiciis & Nestoriani, & Eutychiani incessissent? 9. Sed quò illa pertinet diligentia quintæ Synodi, in coaceruandis Theodori scriptorum & impietatum testimoniis, & in immensam penè molem extruendis? An vt Nestorianis, an vt Eutychianis persuadeatur Nestorio illum prælusisse? At vtrisque de eo constabat. Ergo eius rei fidem orthodoxis expugnare satagebat, quorum non pauci hætenus Theodorum in pretio habuerant. Cùm autem summo conatu atque labore id esset perfectum, vt non Nestorianis, non Eutychianis, sed hætenus orthodoxis approbaretur Theodori scripta Nestorio esse consentanea: vtrique Synodica mox anathemata in eos perstrepunt, qui Synodi consilio aduersabuntur. 10. Ecquando autem coaluit Synodus noua fulminandis tantùm veteribus & cariosis hæreticis? Nestorianis Ephesina, Eutychianis Chalcedonensia fulmina abundè & plus satis erant conterendis. Noua hæc

ergo quintæ Synodi tela in nouam aliquam monstri speciem destinanda sunt: in eos scilicet, qui Theodori tuendi specie Nestorium ex orco reducent. Porro his compressis, & nemine in Ecclesiâ Capitula posthac defendente, memine Chalcedonensibus Patribus approbata fuisse dicente, querimoniam Nestorianorum & Acephalorum opprimuntur. Denique perspicuè Facundus in se sui que similes anathemata quintæ Synodi illisa sentit & confitetur.

XLVIII. Persepe & in varios errores labuntur, qui sibi videntur in questione tantum facti liberâ, ab Ecclesiâ dissidere.

Sed & illud quoque non omittendum, illos non raro variis erroribus illaqueatos fuisse, qui sibi videbantur in facti tantum questione liberâ à Catholicâ Ecclesiâ dissidere. Gregorius lib. 7. epist. 54. *Perversi homines qui trium Capitulorum occasione reperta, Ecclesiasticam disciplinam fugiunt, de suis carnalibus actibus reprehendi pertimescunt, subesse Sedis Apostolicæ preceptis nolunt, & nos quasi de fide reprehendunt, quam ipsi nesciunt. Et dum neque in fide recti sunt, neque in bonis operibus intenti, student ut certare pro fide videantur. Et Pelagius II. epist. 5. Facile sentietis, quantum sit periculum, pro superfluis questionibus, & hæreticorum defensione Capitulorum, tandiu ab uniuersali Ecclesiâ segregari.* Anastasius Bibl. in Sergio, ait redisse Aquileienses ad unitatem Ecclesiæ, qui prius errantes, prius sub erroris vitio tenebantur. Ideo queritur Facundus se suosque à Synodi defensoribus Theodorianos vocari, lib. 7. cap. ult. & alibi. At vicissim ipse Catholicos ut *Necrodioctas* seu mortuorum insectatores vocat. Nam in epist. nuper editâ, hæc habet. *Theodorus ab istis iam nouo hæresis nomine crimineque cauteriatis, id est, Necrodioctis siue Porcianistis damnatus est.* Et infra: *Si hæresin fecerunt hi sicut docuimus, damnando viuos & mortuos.* Nempe mortuorum iudicem nonnisi Christum, Apostolis ligandi concessam potestatem nonnisi in terrâ pertendebat. Et habebat suffragatores ut sibi videbatur, multos Pontifices Canonesque. Itaque hæreseos infamiam & ipsi Ecclesiæ, & ipsis Ecclesia aspergebat, etsi in facti tantum concertatione videantur discrepasse. Vides ergo quò res

Spicil. tom. 3.

IN QUINTAM SYNODVM OECVMEN. 831

ea euadat, & in quantum se discrimen coniiciant, qui ipsi Ecclesiam, & quos Ecclesia Veritatis columna hæreseos infimulat.

Sed non paucos in errorem agit sua humanitas, ut molliori interpretatione vel Theodoretæ in Cyrillum scripta, vel Honorij Papæ epistolam ab hæreseos nota liberent, & in rectum sensum traducant, atque adeò in iis confodiendis aberrasse generales Synodos suspicentur. Sed cum interpretando iisdem opusculis vel rectus, vel distortus possit appingi sensus, nostrumne oro est, post tot interposita annorum stadia, an eorum qui suppres erant, rectam & legitimam interpretationem vindicare? Rectè Iustinianus in edicto fidei, *Solent hæretici ut simplices decipiant, vocibus quidem uti quæ ab orthodoxis pie dicuntur, rectum autem earum intellectum & expositionem ad suam impietatem transferre. Quoniam interdum eadem voces, quando bene exponuntur & intelliguntur, cum pietate sunt: quando autem malè ab hæreticis intelliguntur, & proferuntur, impietatem habent.* Exemplum statim profert Nestorij, cuius confessionis verba perinde imposuissent simplicioribus, & si nunc promantur, orthodoxæ fidei plenam confessionem continent. Iugulata tunc tamen iure fuere, quando propius & penitus inspeciebatur præsentis bestiae fraudulentia. Itaque Nestorium duas quidem naturas & unam personam dicentem, non consistentem autem earum unitatem secundum hypostasim, Ephesina prima Synodus non suscepit, sed condemnauit. Noua tunc & à Cyrillo primùm excogitata erat vnionis *ἡνωσις* nomenclatura. Quo plenior videri tunc potuisset professio vnus in Christo personæ, & naturæ duplicis. Et tamen iure vel tunc damnata est. Ergo præsentium, quàm posterorum interpretationi assurgendum potius est.

Et quisquis Theodoretæ in Cyrillum scripta absoluit, is Nestorij reliquias operibus Cyrilli intertextas, oro etiam atque etiam, perlegat. Equè proclive erit & his Catholicos conciliare sensus. Idem de Eutychetis scriptis

XLIX. Quam præposterum clementi interpretatione damnatos libros in rectum sensum reuocare.

L. Tam possent Nestorii, quàm Theodoretidamnata opera interpretando moliri.

832 DISSERTATIO DECIMANONA

si qua superessent, contingeret. Vnde & olim non pauci ut Socrates docet, & etiam nunc ex heterodoxis nonnulli, Nestorij, imò & Eutychetis apologias scriptitarunt. Usque adeò clementiâ hâc interpretandi omnem labefactare audebunt antiquitatis & authoritatis Ecclesiasticæ maiestatem. *Lutherus apertè profitetur imperitos esse, qui Christum hominem omnipotentem faciunt. Et alibi defendit, Nestorium & Eutychetem non errasse, nisi in modo loquendi. Ut ait Ianssenius Episcopus post Iprensis in Spongia pag. 130. alludens ad Lutheri Conc. de Natal. Dom. & lib. de Concil.*

II. Quàm per-
uersè dicatur Ec-
clesia vniuersa ci-
care in diudica-
tione vocû, pro-
positionum, li-
brorum,

Prior Samosatenus aut Sabellius vocem *consubstantialis* nefando sensu polluerat: quem postea absterfit Synodus Nicæna, quem denique ei rursus adultera interpretatione æquè peruersum affricare tentauit Eusebius Cæsariensis Episcopus. An ergo nobis id sumemus, ut non Ecclesiæ authoritatem, sed alios quosuis sequamur, aut nostram ipsorum libidinem, in eius vocis quæ per sese anceps & libera est, significatione defigendâ? Quod in voce non licet, nec in propositione licet. *Nam unam naturam Verbi incarnatam* olim contaminato sensu Apollinaris dixerat: Athanasio postea & Cyrillo atque Ecclesiæ Catholicæ placuit effricare ab ea propositione Eutychianum vitus, & orthodoxum illi sensum illigare. Ambigua est ad vtrumlibet & versatilis textura mera verborum. An ergo integrum nobis esse censebimus, eam rursus propositionem significatione hæreticâ inquinare, & repudiare? Eadem causa est & huius propositionis, *Vnus de Trinitate passus est*. Hæretici Catholique circa eam atrocissimè & diutinè digladiati sunt. Ob maculosos sensus appictos vel à Catholicis aliquando respuebatur. Visum est postea consultius maculas illas ablucere, & Catholicos ei ac venerandos restituere intellectus. Num & hîc liberum nobis esse volumus, non Ecclesiæ, sed nostro arbitrio stare? Vides quanta hinc gliscat licentia. Nec sum nescius, propositiones aliquas peculiare & solitarias magis pendere ab arbitrio

bitrio Ecclesiæ, ut sensus earum determinet, quàm opusculorum particulas, quarum significatio ex antedictis & consequentibus non vaga & libera, sed certa fixaque defluit. At quousque iudicium Ecclesiæ excurrere sinemus? An in singulis concludemus verbis, ut τὸ ὁμολογῆσαι? An ad propositiones usque indulgebimus spaciari? Quot igitur adnumerabimus verba, intra quorum ambitum se iactet? Num si plures nectat propositiones, de errore periclitabitur? Quid enim libellus, nisi plurium contextio propositionum est? Itaque per aduersarios licebit Ecclesiæ citra erroris periculum, propositiones singulas seorsim & absolutas distringere: si cuius verò libelli plures versus, aut vnum caput, aut plura capita adgrediatur excutere, nimirum periculum erit, ne non assequatur sensum, & brutum atque inane vibret fulmen. Sed quid de confessione fidei quam vel Nicæna, vel Constantinopolitana, vel Chalcedonensis Synodus edidit longo verborum circuitu: num potuit Ecclesia in hoc sermonis prolixioris anfractu à vero & orthodoxo, quem mente gestabar, sensu diuertere? Si verba enim, si verborum commissuras, si propositionum contextus, si antecedentium & consequentium concordiam non ita in alienis opusculis tener, quin errore aliquo illudi possit: quid in suis? Si hæretica potest putare Theodori verba, cum Catholica sint: quin possit & sua Catholica putare, tametsi hæretica sint? Num potest ipsa quidem plures propositiones in Catholicum sensum indubitatissimè conglomerare; non potest autem, an alius conglomerauerit, certò diiudicare? Sed quid de Cyrilli, verbi gratiâ, & Leonis epistolis æstimabimus? His enim ut orthodoxæ fidei regulis Ephesina & Chalcedonensis Synodi subscribere. An licet nunc refricare obsoleta prælia, & eas ipsas epistolas in controuersiam reuocare? An potuit Ecclesia Catholicas iudicare epistolas & in omnem Christianum orbem Synodica auctoritate promulgare, tametsi illæ hæreticum in recessu sensum aliquem, quem Ecclesia minùs aduer-

tebat, fouerent? Si potest enim eo in facto errare Ecclesia, ut hæreticos esse iudicet libros, qui Catholicæ reapse fidei congruunt tamen: quin posset & in hoc simillimo errare facto, ut Catholicos esse iudicet, in quibus tamen hæresis delitescit? In tanta olim aduersus Cyrilli & Leonis epistolas conflictatione, quis Catholicus hæc effutiri, hæc vel animo fingi passus est?

III Exemplo Pelagii ostenditur, in damnandis libris, suæ Ecclesiam, non scriptoris ipsius interpretationi credere, & perspicacit.

Suis ipse Pelagius opusculis & propositionibus inde decerptis atque notatis Catholicos sensus affingebat. At Catholici tunc Episcopi censuerunt, non eius, sed suum esse, interpretari sensum verborum, & vel authoris ipsius commentitias explanationes refellere. Augustinus lib. de Gestis Pelagij cap. 1. Pelagij loco recitato, *Synodus dixit, Tu hoc edidisti Pelagi? At ille respondit, Ego quidem dixi, sed non sicut illi intelligunt. Non dixi, non posse peccare, &c. Hoc audito Synodus dixit, Non sunt aliena ab Ecclesiâ, quæ dicta sunt à Pelagio. Planè aliena non sunt, quæ respondit; illud verò quod de libro eius prolatum est, aliud sonat. Sed hoc Episcopi Græci homines & ea verba per interpretem audientes discutere non curarunt. Et cap. 2. ait compelli Pelagium fateri, vel se nunc à pristinâ peruersitate correptum, vel si rectè senserit, eius sententiæ non se circumspecta verba possuisse, & ideo fidem suam esse approbandam, librum emendandum. Vides Ecclesiam Synodumque longè synceriores esse interpretem librorum quorumlibet, quàm authores ipsos, nedum amicos, aut sectarios authorum. Et ep. 95. Si hunc esse suum librum negat, aut eadem in libro loca non contendimus, anathemet ea, &c. Et infra: Anathemet Pelagius scripta sua, aut si sua esse negat, aut scriptis suis ab inimicis suis dicit immissa, quæ sua negat, anathemet ea, &c. Et rursum lib. de gestis Pelagij cap. 14. Pelagius respondit, Hæc utrum Calestij sint, ipsi viderint, qui dicunt ea Calestij esse, ego verò nunquam sic tenni, &c. Vtrum ea Pelagius, an Calostius, an uterque, an neuter illorum, an alij sine cum ipsis, sine sub nomine illorum senserunt, siue adhuc sentiant, sit dubium vel occultum: satis tamen hoc iudicio declaratum est, esse dam-*

natum, & Pelagium simul fuisse damnandum, nisi hoc etiam ipse damnet. Vides quid possit esse dubium vel occultum, nempe an quis quid scripserit, vel senserit: quæ verò scripta sunt, quem sensum habeant, nec author seu scriptor ipse consulitur, sed iudicat Synodus; ita ut quamquam aliud, puta rectum aliquid sensisse & scribere voluisse ipsum constaret, post synodicam tamen sententiam cogeretur confiteri, *se non circumspecta verba posuisse & librum emendandum*. Vide & c. ult. itemque 29. *Nisi ea qua contra Dei gratiam posuisse in libris suis idoneorum testium fide probatur, confessus anathematizaverit, ac deinde contra hac ipsa scripserit, ac disputaverit, nequaquam his, quibus plenius notus est, videbitur esse correctus*. Ad hoc testes idonei accersuntur, ut liqueat quem authorem esse libri, non ut de libri sensu pateat. Vide & quæ suprà ex Innocentio Papa in eandem rem dicta.

Atque ut ad recentiora veniam, Abaëlarci errores à Concilio Senonensi, & Innocentio II. damnatos fusè suprà narratum. Audi Goffridum lib. 3. c. 5. vitæ sancti Bernardi: *In medium scripta Abaëlarci prolata sunt, & erroris capitula designata. Demum illi optio data est, aut sua esse negandi, aut errorem humiliter corrigendi, aut respondendi si posset obiciendis sibi rationibus pariter, & sanctorum testimonis Patrum*. Vides quorum optio detur, non utique alio sensu libros suos interpretandi. Et tamen ille ut notat Ortho Frisingensis, *Apologeticum scripsit, prædictorum capitulorum partim verba, ex toto autem sensum negans*. Num purgari ideò potuit Abaëlarci, etsi damnatorum capitulorum partim verba, ex toto sensum negaret? Manet æternumque manebit à Bernardo, à Synodo Gallicanâ, à Summo Pontifice dictata in eum sententia. Et in Apologetico quidem suo Abaëlarci non mediocris modestiæ speciem præ se tulit. *Scripsi fortè aliqua per errorem, quæ non oportuit; sed Deum testem & iudicem innoco, quia in his de quibus accusor, nil per malitiam, aut per superbiam præsumpsi, &c. Quod si uspiam per multiloquium excessi, nunquam opportuna defensio*

LIII. Idem ostenditur exemplo Abaëlarci.

Abaëlarci. Opera. p. 110. & 119.

me effecit haeticum, &c. Tum nefaria inurit dogmata, quæ negat se scripsisse, negat in suis reperiri scriptis: ait à suis verbis & sensu remota esse: nempe quia Capitula errorum ex eius libro sententiarum decerpta iactabantur, cuiusmodi vllum à se scriptum esse pernegat: cum nunquam liber aliquis qui Sententiarum dicatur, à me scriptus reperiatur. Sed sicut cetera contra me Capitula, ita & hoc quoque per malitiam vel ignorantiam prolatum est. Sed ultra hos qualiscumque sobrietatis limites effusissimè peruagata est Petri Berengarij Scholastici Pictaviensis maledicentia, in apologiâ pro Abaëlardo præceptore aduersus Bernardum Claravallensem scriptâ. Sic enim Bernardum absterfo pudore compellat: *Corrogatis undique Episcopis eum in Senonensi Concilio haeticum pronunciaſti, &c.* Post prandium allatus est liber Petri, & cuidam præceptum est, ut voce clamosâ Petri opuscula personaret. At ille & Petri odio animatus, & vitis germine irrigatus, &c. Post aliqua Pontifices insultare, pedem pedem applodere, ridere, nugari conspiceres: ut facile quilibet iudicaret, illos non Christo vota persolvere, sed Baccho, &c. Sic iudicant verba luminis cæci, sic virum sobrium damnant ebrj, sic contra organum Trinitatis differunt calices facundi. Pudet me impudentissimæ scriptionis lacinias hîc assuere: sed proderit vel hoc exemplo palàm fecisse, quò demum erumpat damnatorum librorum defensio. Post effusa ergo virulentissimæ linguæ venena, pergit: *Vnus ex ipsis nomine Bernardus Abbas, cum esset Pontifex Concilij illius, prophetavit dicens, Expedi nobis ut unus exterminetur homo à populo, &c.* Et mox: *Intra tot itaque & tantas angustias deprehensus Abaëlardus, ad Romani examinis confugit asylum. Filius sum, inquit, Romana Ecclesia. Volo causa mea quasi impij iudicetur: Casarem appello.* At Bernardus Abbas cuius brachio fidebas. *Præsulum multitudo, non dixit ut Præses qui tenebat Paulum in vinculis, Casarem appellasti, ad Casarem ibis: sed, Casarem appellasti, ad Casarem non ibis. Renunciavit enim qua gesta fuerant Apostolico: & statim à Romanâ Sede literâ damnationis in Petrum per Gallicanam Ecclesiam*

*Ibidem. pag. 101.
& 109.*

volauerunt. Damnatur taliter os illud, promptuarium rationis, tuba fidei, hospitium Trinitatis. Damnatur proh dolor! absens, inauditus, & inconuictus. Ita ille & in Bernardum, & in Episcopos, & in Romanam Sedem furit, quòd absens, inauditus & inconuictus damnatus sit Petrus Abaelardus. Et mox: Quidquid intestinus odiorum furor, quidquid implacabilis amentia turbo rosares in Petrum, quidquid iniqua conflaret emulatio, censura Apostolica sobrium nunquam dormire deberes acumen. Sed facile deuiat à iustitiâ, qui plus hominem, quàm Deum timet in causâ. Verumque illud est, quod per propheticum organum sonat, omne caput languidum, à plantâ pedis usque ad cervicem non est in eo sanitas. Cumque Catholicum Abaelardum ex intextâ eius fidei confessione probasset, Bernardum rursus obiurgat: Deberet ergo refugium apud Sedem Petri inuenire, si non illecebra tui eloquij clausissent viscera misericordie Ecclesie Romana. Tum descendit ad Indiculum Capitulorum erroneorum, quem summatis compilauerat Bernardus, ne breuiter volentibus attingere summam rei, onerosum esset ire per spatiosos saltus voluminum Abaelardi. De eo sic ille: Horum quadam, fateor, Petrus & dixit & scripsit. Quadam verò neque protulit, neque scripsit. Quae autem dixerit & quae non dixerit: & quàm Catholicâ mente, ea quae dixerit, senserit: secundus arrepti operis tractatus Christianâ disputatione ardens & impigrè declarabit. Vides ut damnata Capitula perneget partim ex verbis, omnino ex sensibus Abaelardi constare. Sed & ipsum Berengarium postea fædi irritique conatûs pœnituit. Itaque in epistola ad Episcopum Mimatensem in sui iam defensionem, vel in palinodiam potiùs hæc scribit: Dam-^{ibid. pag. 320. & 321.}naneras Abaelardum praeceptorem meum Bernardus, & vocem eius sine audienciâ strangulauerat. Eram ea tempestate adolescens, nondumque impuberes malas nubes lanuginis abumbrabat, &c. Sed cur, inquiunt, expleto primo volumine, secundum, ut spondederas, non texit? Quia processu temporis meum sapere creuit, & in sententiam Abbatis pedibus, ut dicitur, iui. Noli esse Patronus Capitulorum obiectorum Abaelardo, quia

*et si sanum saperent, non sanum sonabant. Postquam igitur, in-
quiunt, à secundo libro manus torpuit, quare primum non rasi-
sti? Fecissem hoc, inquam, nisi cassa esset industria. Remane-
rent enim vina exemplaria, qua iam per totam Franciam &
Italiam cucurrerunt. Prius illud suum pro Abaëlardo apo-
logeticum donari postulat & ignosci ætati tum immatu-
ræ & præferuidæ: percupere se, illud radi ex hominum
memoria, si qua id posset: incremento ætatis accreuisse
sapientiam, & iam à se, æquè ut à Bernardo damnari
damnata Abaëlardi Capitula: quia etsi utcumque huma-
nitate interpretandi, vel violentiâ potiùs, *sanum sapere* vi-
deri possent: tamen *non sanum sonarent*, ideoque nec sa-
num sapere sibi viderentur æquè ut Bernardo, *in cuius*
sententiam pedibus inerat. Illud nimirum superest, ut qui
damnatis opusculis defensiones concinnant, his demum
sua audacia aliis defensionibus purganda sit. Ut mox con-
stabit exemplo Otthonis Frisingensis.*

LIV. Ex Gilberti
Porretani, item-
que Vuillelmi à
sancto Amore.

Gilberti similiter Porretani doctrinam Concilio Rhe-
meni à Gallicanis Episcopis & Eugenio tertio Summo
Pontifice damnatam, Ortho Frisingensis Episcopus con-
gestis in eundem Porretanum laudibus, temerè & præ-
festinè damnatam censuisse videri poterat. Ergo is ut au-
thor est Radeuicus Canonicus Frisingensis l. 2. c. 11. ex
hac vita migraturus, etiam hunc post res testamento dis-
positas, historiarum codicem *manibus suis offerri precepit*,
eumque literatis & religiosis viris tradidit: ut si quid pro sen-
tentiâ magistri Gilberti dixisse visus esset, quod quempiam pos-
set offendere, ad ipsorum arbitrium corrigeretur, seque Catholica
fidei assertorem iuxta sancta Romana, imò & universalis Ec-
clesia regulam professus est. Deinde multa prius cordis contritio-
ne & humili confessione reatum suum recognoscens, sumptis sa-
crofanctis mysteriis spiritum reddit. Non defuere prorsus,
qui Synodicè damnatos defenderent, sed & ipsos sui pu-
duit & pœnituit tandem consilij. Veniamus ad Vuillel-
mum de sancto Amore, Theologiæ Parisiensis, Sorboni-
cæque domûs Doctorem, cuius cum liber *de periculis no-*

nissimorum temporum Romæ damnatus esset à Pontifice & Cardinalibus, operæpretium est expendere, quatenus ille sibi licere voluerit, defensionem damnati commentarij tentare. In responsionibus ad obiecta, hæc ille impacta sibi, & à se refutata scribit: Item dixit, quòd super istis pe- Pag. 103. 105. 106.
 tebas Concilium generale. Respondeo, Dixi quòd si aliquis vel- 109.
 let se opponere, quo minùs deberent predicari pericula nouissi-
 morum temporum, & quòd minùs essent illa pericula predicanda
 qua dicebam: paratus essem super his subire definitionem Eccle-
 siastici iudicij, aut Concilij provincialis, aut Concilij generalis.
 Mox ait contra literarum, Româ aduersùs ipsum impe-
 tratarum priuationis beneficij, rumores quosdam, Magistros
 Scholares appellasse, ponentes se sub protectione Romana Ecclesia.
 Et infra rursus in Concilio Rhemenfis & Senonensis pro-
 uinciarum, Parisiis celebrato, vocatum affuisse se ait,
 errores & falsitates se prædicasse constanter negantem, offe-
 rentem per Scripturas probaturum quacumque prædicauerat: pa-
 ratum vel corrigere, vel reuocare, quæcumque Concilium corri-
 genda decerneret, vel reuocanda. Vbi perspicis, quàm enixè
 propulsauerit Vuillelmus calumniam sibi intortam, quòd
 Concilium generale appellasset: quàm non disiungeret
 Romanam Ecclesiam à Concilio generali: quàm deni-
 que in damnatione librorum aduersùs Romani Pontificis
 sententiam non rebellaret, qui Concilio etiam provin-
 ciali se absolutissimè emendandum permittebat. Id eui-
 dentiùs effulgebit ex calce illius opusculi: De libello au- Ibid. pag. 109.
 tem, qui dicitur reprobatus à Domino Papâ, & cuius editio mi- 110.
 hi imponitur: dico quòd cum Prælati Francia sollicitati, ut ca-
 nerent Ecclesia Gallicana sibi commissæ à periculis nouissimorum
 temporum: requisississent Magistros Parisienses, ut auctoritates
 diuina & canonica Scriptura de hac materiâ loquentes collige-
 rent & in scriptis traderent, quia non poterant vacare inspectio-
 ni librorum: Ego unâ cum aliis Magistris & Scholaribus Theo-
 logia & Magistris decretorum collegi auctoritates prædictas, &c.
 Sed volumen mutatum fuit quinques successinè, magis & magis
 corrigendo, quadam addendo, quadam subrahendo, quadam ve-

rò determinando. Et secundum quod perpendere potui, inspiciendo volumen illud, quod vos mihi Domini mei Cardinales respiciendum dedistis, volumen illud, secundum quod possum recolligere, fuit tertia compilationis: quæ postmodum mutata fuit bis, & correctæ, addendo, subtrahendo, declarando. Nescio tamen utram in isto volumine quod mihi inspiciendum dedistis, quidquam additum vel subtractum fuerit per vitium falsitatis. Vnde si Dominus Papa modum & formam illius compilationis reprobavit, (nam authoritates divinas ibi contentas, ut ipsemet conficitur, noluit, nec intendit:) sententiæ suæ non resisto, sed obediō: credens firmiter, quod si quartam vel quintam compilationem earundem authoritatum vidisset, non eas reprobasset, sed potius approbasset. Vbi adverte meram illam propemodum fuisse compilationem testimoniorum ex Scripturis & Patribus. 2. Iussu Episcoporum confarcinatam. 3. A compluribus Doctoribus Theologiæ & Decretorum. 4. Urgente maximè Prædicatorum familiâ damnatam Romæ, iam non ab Episcopis, non à Magistris defendi: quin imò id excipi, ab ipsis authoribus antè emendatam. 5. Nec aliter poterat fieri, cum in unaquaque Compilationum dictarum, in principio supponeretur ipsa Compilatio correctioni Ecclesiæ, id est Domini Papæ, & aliorum Prælatorum, quibus competit authoritas corrigendi. 6. Inculpato idè esse prosequitur auctores reprobatae compilationis, cum quidquid Papæ displicuit, defensare non velint. Et post interiecta Augustini verba, sua aliqua recantantis, adiicit: Igitur Patres sancti, ego & alij socij mei, eadem competenter dicere possumus de Compilationibus supradictis, ut qui primas non potuissimus habere partes sapientiæ, nihil impænitendum dicendo; saltem secundas haberemus modestiæ, quod displicuerat corrigendo. 7. Cum Romanæ censuræ cauterio emarcuisse intelligeret Vuillelmus illas omnes de periculis nouissimorum temporum compilationes: doctrinam suam in aliud operosius opus congeffit, cui nomen fecit, *Collectiones Scripturæ sacre*. Et statim: *Hanc autem Compilationem, seu Scripturarum Collectionem correctioni Summi Pontificis & aliorum authoritatem corrigendi*

Ibid. pag. 117.

corrigendi habentium, per collationem Catholicam, si eis placue-
 rit, facienda, supponimus humiliter & deuotè. Et rursus ad *Ibid. p. 484. 485.*
 calcem operis eadem verba iterat, additque: ut per eos
 corrigantur, si quæ fuerint corrigenda; vel abrogentur, si quæ
 fuerint in eis abroganda: cum tanquam homines minùs intelli-
 gendo errare possimus. Non enim nos ipsos ita perversè amamus,
 ut alios in prædictis sententiis idèò errare velimus, ut error
 noster lateat. Apud eundem leges in præpositâ præfatione *Ibid. Præf. pag. 65.*
 seu Apologiâ, quid de postremo hoc opere Clemens IV.
 ad Vuillelmum scripserit, cum leuiter & raptim lectitan-
 do degustasset, sensissetque inhærentem adhuc prioris li-
 belli saporem. 8. Et ibidem rursus legere est libellum il-
 lum per Nuncios S. Ludouici Francorum Regis ad Pa-
 pam delatum Romam: excussum ibi à quatuor Cardi- *Ibid. p. 41. 63. 67.*
 nalibus, partim Dominicanis, partim acerrimis Mendi-
 cantium fautoribus: multa afficta libro, quæ abessent:
 Vuillelmum absentei damnatum, indicta causa, nullis
 præuiis monitionibus. Vnde Bullas subreptitias ominatur
 fuisse Pseudo-Philalethes Apologiæ Vuillelmi artifex, à
 Vuillelmi ipsius sententia & verecundia suprâ laudata,
 reuerentiaque in Sedem Apostolicam alienissimus. 9. Nec
 aliter Vuillelmus poterat, ut qui libellum ab aduersariis
 elaboratum, nempe *Euangelium aeternum*, à Romano Pon-
 tifice damnari curauerat: de quo ait ipse: *Certum est, quòd* *L. de Pericul. no-*
iam predicaretur, nisi esset aliud quod detineret. Quid autem *uiff. temp. pag. 32.*
detineat, scitis, nimirum imperium Petri, & eorum qui tenent
loca Apostolorum, nimirum Episcoporum. Et similiter de li-
 bro Abbatis Ioachimi in responsionibus ad obiecta: *Item* *In respons. ad ob-*
dixit, quòd liber Abbatis Ioachimi, qui continet multas ha- *iecta. pag. 95.*
refes, non potest damnari Romæ, quia plures sunt ibi defensores,
qui defendunt eum. Respondeo, Non sic dixi. Sed cum ego &
quidam alij pradicaſſemus contra errores reperiſ in libris, qui
dicuntur eſſe Abbatis Ioachimi, & diceret nobis populus, quare
non procurabamus illos errores apud Sedem Apostolicam repreha-
ri: idèò dixi, quòd de illis erroribus iam aliqui erant damnati,
ut intellexeram: reliqui verò non poterant ita citò inſpici ad

Ooooo

damnandum, tum propter magnitudinem & multitudinem illorum: tum etiam propter multiplicem eorum occupationem, quia libri habebant alios defensores. Quibus abundè persuadet Vuillelmus, non semper generali Concilio opus esse ad errorum, librorumque inuersionem: Episcopalibus Synodis vel Romanæ Sedis rescriptis eos defigentibus morigerandum omnino esse, nec cauillatoriis defensionibus tempus calamumque conterendum.

L V. Item Ioannis Huss.

Referti eò forsitan posset & librorum Ioannis Hus proscriptio in Concilio Constantiensi facta, ubi sess. 15. hæc habentur. *Quos libros Ioannes Hus fatetur se composuisse, verumtamen quòd ad articulos ex dictis libris in suis responsionibus præcisè non respondit, sed certis modificationibus & limitationibus.* Et infra habentur verba ipsa Ioannis Hus, *De articulis extractis de meis libellis, saltem qui sunt debitè extracti, dico, quòd quicumque ex illis includit aliquem falsum sensum, illum detestor.* Et sess. 21. in sententiâ definitiuâ aduersus Hieronymum de Pragâ, *Asserens se in libris Ioannis Vuicleff, & Ioannis Huss nullam unquam hæresin vel errorem legisse, in quibus constat plures errores & hæreses contineri.* Et sess. ult. suspectum quenlibet in hoc negotio, interrogandum statuunt, *Verum credat quòd condemnationes Ioannis Vuicleff, Ioannis Huss & Hieronymi de Pragâ, factæ de personis eorum, libris & documentis per sacrum generale Constantiense Concilium, fuerint ritè & iustè factæ, & à quolibet Catholico pro talibus tenenda & firmiter asserenda. Item utrum credat, teneat, & asserat Ioannem Vuicleff de Angliâ, Ioannem Huss de Bohemiâ, & Hieronymum de Pragâ, fuisse hæreticos, & pro hæreticis nominandos, ac deputandos, & libros & doctrinas eorum fuisse & esse peruersos, propter quos & quas & eorum pertinacias per sacrum Concilium Constantiense pro hæreticis sunt condemnati.* Vides quantis factorum & personarum, maximè autem librorum iudiciis confessio fidei Catholicæ astringatur. Ita & Ioannes Vuicleph apud Vualsinghamium in hist. Angl. ad annum 1378. *doctrinam indoctam* Marsilij de Padua, & Ioannis de Gandauo ludifi-

catoriis interpretationibus obducebat, reducebatque, ut ibi ad Oxoniense Studium conqueritur Gregorius Papa, *districtè mandans, quatenus conclusiones & propositiones in bonis operibus & fide malè sentientes, licèt eas proponentes, sub quadam verborum siue terminorum curiosa implicatione nitantur defendere, de cetero non permittatis asseri, vel proponi.* Et infrà idem Vualsinghamus intextâ Vuiclephi propositionum ab ipsomet concinnatâ Apologiâ: ait: *Hoc modo idem versipellis Ioannes Vuicleph, ponendo intellectum in suis nefandis propositionibus, delusit suos examinatores, Episcopos derisit & euasit. Quæ omnes si simpliciter caperentur, secundum modum, quo ipse in scholis & in publicis disputationibus eas protulit, hereticam proculdubio sapiunt prauitatem. Non enim circumlocutionem aliquam iis immiscuit, quando eas laicorum auribus instillauit.* Et idem rursus ad an. 1382. cùm complusculas Vuiclephi propositiones damnasset Archiepiscopus Cantuariensis cum cætu Sapientum: ait Cancellarium Oxoniensem & alios Vuiclephi fautores diu restitisse: *Qui tandem post multas tergiversationes, imponendo duplicem sensum in eisdem, & cauillationes diuersas: coacti sunt licèt inuiti, simpliciter proferre sentire suum de præmissis, factâ prius protestatione, quòd vellent & intenderent esse humiles & fideles filij, & Ecclesiæ in omnibus obedire, &c. Concesserunt igitur cunctas præmissas conclusiones, intelligendo eas, prout verba sonant, fore vel hæreticas, vel erroneas, iuxta quòd dominus Archiepiscopus & Magistrorum cætus plena deliberatione definièrat de eisdem.* Hæc Vualsinghamus.

Et audiendus hic sanè Ioannes Gersonius. Concilium generale potest dammare propositiones multas cum suis authoribus, licèt habere glossas aliquas vel expositiones vel sensus logicales veros possint. Hoc præcticatum est in hoc Concilio de multis articulis & Vuiclephi & Ioannis Hus. Quorum aliqui poterant de vi Logica vel Grammatica defensionem aliquam recipere, ut in articulis qui sunt indefinittè positi, &c. vel qui possent ad aliquem sensum verum trahi, si seorsum ponerentur. Sed Concilium hoc solerter attendit quia iuxta Hilarium, intelligentia doctorum

LVI. Rursus eiusdem ex Ioan Gersonio.

Tom. 1 p. 150. 151.

ex causis est assumenda dicendi. Iterum illud Augustini, Libris verbis utuntur philosophi, & in rebus ad intelligendum difficillimis offensionem piarum aurium non pertimescunt. Nobis autem scilicet Theologis ad certam regulam loqui fas est. Tamen si ergo aptari possit rectus aliquis sensus, nonnullæ tamen propositiones damnandæ sunt, 1. quia & malo infici sensu possunt. Nec enim Theologis Christianis peræque ut Ethnicis philosophis fas est, effræni libertate verborum uti, sed ad certam regulam loqui cogimur. Quantumcumque ergo ex antecedentibus exprimi posset recta sententia alicuius propositionis, si eam tamen nefario aliquo sensu conspurcatam & offendiculis creandis idoneam iudicer Ecclesia, illam iure vtrique meritissimo proscribet. 2. Etiam castam alioqui propositionem, ex antecedentium tamen consequentiâ vitiosam iudicare potest Ecclesia. Ecclesiæ ergo acquiescendum seu ex antedictorum tenore, seu ex verborum per sese ipsorum absolutâ absurditate propositionem quamlibet inurat.

LVII. Item Ioannis Parvi in Concilio Constant.

To. 1. p. 354. 379.

Et idem alibi, has ineptias exufflat, tum à Ioannis Parvi defensoribus quibusdam euulgatas: *Quod nulla propositio quæ potest ad aliquem sensum verum trahi vel apponi, etiam de vi Logica vel Grammatica, debet condemnari, maxime iudicio fidei. Quod propositio habens duos sensus, unum verum & alium falsum, nullo modo debet iudicio fidei reprobari, etiam si fuerit scandalosa vel piarum aurium offensiva, vel ad errorem inductiva.* Et idem rursus in Concilio Constantiensi hanc narrat quorundam calumniam: *Calumniantur alij secundo, quod assertiones istæ sunt infideliter & perperam præfato magistro Ioanni Parvi per amulos attributæ.* Et mox Gersonius idem, *Porro non secus evenit in hoc Concilio, dum assertiones absque assertentis nomine nunciatae sunt, quod versum vidimus in grande præiudicium causæ fidei & Catholicae veritatis, quia non ita potuit intelligentia dictorum ex causis assumi dicendi.* Itaque defensores Ioannis Parvi illas quas Constantiense Concilium absolutè & sine authoris nomine damnarat propositiones, falsò ei attribui iactabant; & cum recto sensu

gaudere possent, eo à se retineri, & omnino satius fuisse, eas non damnari in Concilio. At Gersonius damnationis factæ & Synodi defensor duo ex aduerso efficere nititur, eas damnandas fuisse & si bono aliquo sensu donari possent à molliori interprete: & conducibilius futurum fuisse, ut citato nomine authoris & libri damnarentur, quo certius ex antecedentium enucleatione exculperetur sensus damnatæ propositionis. Igitur adeò non abroganda Synodis est certissima illa sagacitas, propositiones à libris decerpenti, & in authorum proprio sensu configendi: ut ex aduerso nusquam apertius dilucescat sensus damnatæ propositionis, quàm ubi à Synodis damnatur, ut excerpta aliquo ex libro, & in ipsissimo authoris sensu.

Et rursus idem paulo post, *Veniamus ad sextam calumniam, dicentium, quod assertiones istæ sunt satis exponibiles ad aliquem sensum verum. Respondemus negativè, si iuxta regulam Hilarij, intelligentià dictorum ex causis assumatur dicendi: combinando scilicet conclusionem cum præmissis & præmissas cum probationibus ad inuicem. Caterum etsi verum esset id quod allegatur de exponibilitate ad aliquem sensum verum, nibilo minus propter casus longè plures falsissimos & notoriè scandalosos, redderentur condemnanda. Et rursus ibidem continuo, Respondemus alteri calumnia, quæ à veritate vacua, per numerositatem conatur enincere, dicens assertiones istas plures habere defensores, quàm oppugnatores, sunt idcirco veræ vel saltem opinabiles. O fallacissima & hereticis atque erroribus fauens calumnia? Non insequeris, inquit lex, multitudinem ad faciendum malum. Quare? Quia stultorum & etiam malorum infinitus est numerus. Nibilo minus si ad numerum & meritum placet attendere, non dubitamus multo plures atque gravioris authoritatis nos habere, tam in hoc sacro Concilio, quàm alibi. Vbi rursus elucet autoritas Synodi in sensu authorum expromendo & conterendo: quodque nulla aduersus Ecclesiæ Catholicæ seu Synodi maiestatem excipi potest secus sentientium multitudine. Tum aliam rursus exufflat*

LVIII. Rursus eiusdem ex Ioan. Gersonio. Idem ibid. pag. 181. 182.

calumniam, quâ hæc dictabant spectare non ad iudicium fidei, sed ad causam sanguinis.

L. I X. Item ex
Conc. Constant.
Idem ibid. pag.
413. 414.

Et apud eundem denique legitur schedula ex parte Parisiensis Episcopi ex Concilio Constantiensi missa ad Magistros scholæ Parisinæ, continens propositiones extraneas ex quaternionibus magistri Ioannis Parni, &c. Quarum evasionem aliqui, dicentes, quod illæ assertiones possunt exponi rationabiliter, addendo glossas aliquas, &c. Addunt pro regulâ, quod nulla propositio damnanda est, quæ potest trahi ad bonum sensum. Sed illa responsio cum suâ additione perniciosissima est, & contra omnem Ecclesiasticum ritum, quia sic fundabant se heretici, prout vidimus in Vicleff & Huss, qui dum urgebantur, confugiebant ad glossas.

LX. Idem effici-
tur exemplo Au-
gustini de Roma
in Conc. Basil.

Ad Concilium nunc Basileense deuehamur, cuius sessione 22. damnatur Augustinus de Româ: Sacrosancta generalis Synodus libellum quendam editum à magistro Augustino, vulgariter dicto de Româ, Archiepiscopo Nazareno, cuius primus tractatus de sacramento unitatis Iesu Christi & Ecclesiæ, siue de Christo integro intitulatur. Secundus de Christo capite, & eius intyto principatu. Alius de charitate Christi circa electos, & eius infinito amore. Tanquam non sanam & erroneam in fide doctrinam continentem, cum suis defensoriis damnat & reprobât. Et potissimè scandalosam illam, erroneam in fide, in ipso libello contentam, quam pia fidelium aures sine horrore audire non possunt, videlicet, Christus quotidie peccat, & ex quo fuit Christus, quotidie peccauit. Quamuis de capite Ecclesiæ Christo Iesu saluatore nostro dicat se non intelligere, sed ad membra sua, quæ cum Christo capite unum esse Christum asseruit, intelligentiam eius esse referendam dicat. Sanum & pium author ipse suo scripto vendicabat sensum, & ab ipsa Synodo laudatum: damnatur tamen propositio ut erronea in fide, damnatur liber, damnantur in eius defensionem elucubrata quælibet commentaria. Accumulatis autem eiusdem notæ propositionibus aliis, addit Synodus, Ne igitur per huiusmodi doctrinam in errorem quempiam fidelium prolabi contingat, districtè præcipit, ne quisquam præfati libelli do-

doctrinam & praesertim suprascriptas propositiones damnatas ac reprobatas, ac etiam eius tractatus defensorios docere, predicare, defendere, aut approbare praesumat. Eos autem qui secus egerint, tanquam haereticos & alias animaduersione canonicâ puniendos decernit. In nullo autem per hac derogare intendit, dictis aut scriptis sanctorum doctorum in praenominatis materiis loquentium. Quin imò ea recipit, & amplectitur, iuxta eorum veram intelligentiam, per eos aut alios Catholicos doctores in Theologicâ scholâ communiter expositam & declaratam. Additur personæ authoris, qui doctrinam suam determinationi Ecclesiae submisit, nihil praesudicari. Etsi Patrum verba secutus videretur Augustinus iste, etsi ipsemet rectum sensum libellis suis adieret, etsi defensiones prolixas concinnaret, proscripti sunt tamen eius omnes libri; & eorum defensores si qui emergerent, tanquam haereticos illos haberi decretum.

Recurrere iam iuuabit ad antiquiores, & eos maximè scriptores, quorum defensionem arripere nonnunquam Catholici quidam viri, tametsi synodica iam in eos tela contorta essent. Priscilliani meminit Hieronymus in Script. Eccles. *Hic usque hodie à nonnullis Gnostica, Basilidis & Marcionis haereseos accusatur, defendentibus aliis non ita eum sensisse, ut arguitur. Nec adiicit suum Hieronymus eâ de re iudicium, tametsi praemiserit, Edidit multa opuscula, de quibus ad nos aliqua pervenerunt. Huiusmodi illi erant Priscilliani defensores qui in Concilio Toletano I. eius & doctrinae & libris & nomini anathema dicere coguntur. Symphosius Episcopus dixit, & cum accepisset chartulam de scripto recitavit, Omnes libros haereticos & maximè Priscilliani doctrinam, iuxta quod hodie lectum est, ubi innascibilem Filium scripsisse dicitur, cum ipso authore damno, &c. Comasius Presbyter ex chartulâ legit, Priscillianum huius dicti authorem cum ipsius dicti peruersitate, & quos malè condidit libros, cum ipso authore condemno. Id ipsum plures alij confessi sunt. Subiicitur autem, Herenas clericos suos sequi maluerat, qui sponte nec interrogati Priscillianum Catholicum sanctumque mar-*

LXI. Priscilliani
olim similes de-
fensores quàm
malè audierint.

tyrem clamassent, atque ipse usque in finem, Catholicum hunc esse dixisset, persecutionem ab Episcopis passum. Quo dicto omnes sanctos, iam plurimos quiescentes, aliquos in hac luce durantes, suo iudicio deduxerat in reatum. Ideo hunc statim sacerdotio submouent cum sociis clericis Episcopisque. Et Idatius in Chronico: In ciuitate Toleso Synodus Episcoporum contrahitur, in quâ Symphosius & Diſtinus & alij cum his Gal-lacia Provincia Episcopi, Priscilliani sectatores, haresim eius blasphemissimam cum adsertore eodem professionis sua, subscriptione condemnant. Legitur & post Concilium Tolet. II. epistola Montani Episcopi Toletani ad fratres territorij Palentini, Perditissimam Priscillianistarum sectam, tam actis, quam nomine à vobis precipue nouimus honorari, &c. Vnde quaſo, vt perfidiam cum authore damnantes, regulam fidei teneatis, &c. Et in Concil. Brachar. I. an. 563. varia errorum monstra describuntur, & Priscilliani sigillatim esse admonentur, vt damnari pariter cum authore ab omnibus debeant. Denique Ildefonsus Toletanus Episcopus antecessoris sui Montani elogium texens lib. de viris illustribus cap. 3. hæc habet, *Amatores quoque Priscilliana secta, licet non operarentur eadem, quia tamen memoriam eius amore retinerent, abdicat & exprobrat, commemorans, quod in libris beatissimi Turibij Episcopi ad Leonem Papam missis, eadem Priscillianorum haresis detecta, conuicta, atque decenter maneat abdicata.* Hæc ille alludens ad epistolam Montani suprâ libatam. Hinc perspicis defendentes Priscillianum non ita sensisse vt arguitur, facile eò delabi vt ipsi cum Priscilliano sentiant: nec aliò posse inclinari iudicium Ecclesiæ, quam vt errori eos suffragari suspicetur, qui suffragantur libris, quibus inesse errorem ipsa exploratum habet. Non immeritò autem eos Synodus detestatur, qui Priscillianum absoluentes, Episcopos orbis Christiani omnes qui eius damnationi subscribere, vnâ damnationis sententiâ inuoluunt.

LXII. Origenis non errorum, sed scriptorum de-

Origenis defensores ab Augustino memorantur, nec ullius insimulantur hæreseos, lib. de hæres. cap. 43. vbi sententiâ

sententiâ Epiphaniij de Origene & eius mendaciis adscri-
ptâ, ipse subiicit: *Hæc quidem de Origene Epiphanius refert,* defensores, quàm
male audierint o-
lim apud Augu-
stinum.
*sed defensores eius dicunt Origenem, Patrem & Filium & Spi-
ritum sanctum unius eiusdemque substantia docuisse, neque re-
surrectionem repulisse mortuorum. Sed qui eius plura legerunt,
contradiciunt. Sunt & alia huius Origenis dogmata, quæ Ca-
tholica Ecclesia omnino non recepit, in quibus nec ipsum falso ar-
guit, nec potest ab eius defensoribus excusari, maxime de pur-
gatione & liberatione, ac rursus post longum tempus ad eadem
mala resolutione rationalis uniuersa creatura. Dicit præterea ipse
Origenes quòd Filius Dei sanctis hominibus comparatus veritas
sit, Patri collatus mendacium. Et quantum distant Apostoli Chri-
sto, tantum Filius Patri. Agnoscit sanctus Pater defenso-
res Origenis, sed improbat, dum minus versatos in eius
operibus ostendit, & ab eis qui plura eius legerunt, refelli:
2. dum alia refert eius dogmata, explosa ab Ecclesia, ubi
non possit à defensoribus suis excusari. 3. Non adeò insanie-
bant Origenis defensores, ut ea ipsa opuscula eius tue-
rentur, quæ Ecclesiæ displicebant, sed pauca eius lege-
rant, & hæc tuebantur: qui plura quàm illi legerant, ex
his errores eius inuictissimè demonstrabant. Denique ne-
que dum tunc Synodus generalis vlla in eius operum
examen incuberat.*

Sed quatenus à viris Catholicis defenderetur Orige-
nes, ab Hieronymo docebimur epist. ad Pammach. &
Oceanum de error. Orig. Falsata ab hæreticis causaban-
tur eius scripta. Itaque insaniam dogmatum inesse con-
fitebantur, nec oculos exculpebant Ecclesiæ Christi, hæ-
resum certos indagatores, ut sibi eos vnus vendicarent:
sed ab hæreticis postea hæc inspersa esse sinceris antè li-
bris Origenis cauillabantur. Quos tamen ipsos suggillat
Hieronymus, *Solus inuentus est Origenes, cuius scripta in to-
to orbe falsarentur: & quasi ad Mitridatis literas, omnis ve-
ritas vno die de voluminibus illius raderetur. Si vnus viola-
tus est liber, num uniuersa eius opera quæ diuersis & locis &
temporibus edidit, simul corrumpi potuerunt? Ipse Origenes in*

LXIII. Et apud
Hieronymum.

PPPP

epistolâ quam scribit ad Fabianum Romana urbis Episcopum, pœnitentiam agit, cur talia scripserit: & causas temeritatis in Ambrosium refert, quod secretò edita, in publicum protulerit. Et quid adhuc ἀπολογου̃σιν aliena esse, quæ displicent? Tolerabilius id multò, ut quæ damnabat Origenis Ecclesia, ea ab hæreticis inserta dicerentur, & ita pariter damnerentur, quàm ut ea & Origenis esse, & Catholica esse, & ab Ecclesiâ non intelligi, ideoque damnari blatterarentur.

LXIV. Rursus
apud eundem.

Et in Apolog. adu. Ruffin. Videamus quibus argumentis probare nitatur, Origenis ab hæreticis scripta vitiosa, &c. Hac defensionis perturbatione nec Marcion, nec Manichæus, nec Arius, nec Eunomius accusari poterunt: quia quidquid nos ab his impiè dictum obiecerimus, discipuli respondebunt, non à magistris suis ita editum, sed ab inimicis suis esse violatum. Hoc genere & iste ipse tuus liber, tuus non erit: & meus liber non erit meus, sed tuus, &c. Nec id ergo patitur sanctus Pater, quod multò tamen erat leuius. Cumque vendicaretur Martyr Pamphilus Origenis apologeticum lucubrasse, quo non errores propugnaret, sed propulsaret: hanc à Martyre maculam propulsat Hieronymus, & concinnatum ab Eusebio Arianae sectæ signifero illud Apologeticum docet: adiicit autem, *Sed concedamus ex superfluo, ut Pamphili sit, sed necdum martyris. Antè enim scripsit, quàm martyrium perpeteretur. Et quomodo, inquires, martyrio dignus fuit? Scilicet ut martyrio deleret errorem: ut unam culpam sanguinis sui effusione purgaret. Quanti in toto orbe martyres antequam caderentur, variis subiacere peccatis? Defendamus ergo peccata, quia qui postea martyres, prius peccatores fuerunt. Quibus aduertere animum eos oportet, qui Catholicos iactant habitos, nec hæreseos notâ inuitos, qui ita Origenem tuebantur, ut erroribus ipsum explicarent, non implicarent seipsos. Id enim illi ante eius toto orbe euulgatam damnationem moliti sunt, & de eo ipso conatu apud sanctos Patres malè audierunt.*

LXV. Et apud
totam Ecclesiam.

Nihilo secius autem adigebantur & errori & auctori

eius Origeni anathema dicere, nullâ ratione habitâ istiusmodi tergiuersationum. Idem Hieron. ibidem: *Hoc enim vel maximè cauent, ne quando contra authorem suum eorum scripta teneantur. Facile dicunt cum iuramento, quod postea alio soluant periurio. Ad subscriptionem tergiuersantur, quaruntque suffugia. Alius, Non possum, inquit, damnare, quod nemo damnauit. Alius, Nihil super hoc à Patribus statutum est; ut dum totius orbis prouocatur autoritas, subscribendi necessitas differatur. Quidam constantius, Quomodo, inquit, damnabimus, quos Synodus Nicæna non tetigit? Quæ enim damnauit Arium, damnasset utique & Origenem, si illius dogmata reprobares. Hoc argumento nec Valentinus, nec Marcion, nec Cataphryges, nec Manichæus damnari debent, quia Synodus Nicæna eos non nominat, quos certè ante Synodum fuisse non dubium est. Quòd si quando urgeri ceperint, & aut scribendum eis fuerit, aut excutendum de Ecclesiâ, miras strophas videas. Sic verba temperant, sic ordinem vertunt, & ambigua quæque concinnant, ut & nostram & aduersariorum confessionem teneant, ut aliter hæreticus, aliter Catholicus audiat. Vbi vides & istos defensores Origenis auctoritati orbis totius Christiani vel Synodo Nicænae seu œcumenicæ concessuros fuisse, nec ulterius effrenatam in istiusmodi etiam quæstionibus licentiam vsurpaturos. Vides rursus etsi interpolata cauillarentur ab hæreticis volumina Origenis: & ipsum, non errores tueri se profiterentur, adeoque nec à Catholico nomine excidissent; non immeritò tamen vel errorum defensionis suspectos Ecclesiis fuisse, ac proinde compulso ad subscribendas fidei Catholicæ formulas: ubi conduplicatis tergiuersationum suarum artibus, suspensiones Ecclesiæ de ipsâ eorum fide confirmabant.*

Accedat & Seuerus Sulpitius defensoribus Origenis propitius, ut qui maximè, nec eorum tamen audaciam procaciorē & errorem dissimulans. Etenim Dial. 1. *Alexandria fœda inter Episcopos atque monachos certamina gerantur, ex cā occasione, quia congregati in vnum sæpius sacerdotes frequentibus decreuisse Synodis videbantur, ne quis Ori-*

LXVI. Ad idem
testimonia Seue-
ri Sulpitii.

PPPPP ij.

genis libros legeret aut haberet, qui tracta. v. sacrarum Scripturarum peritissimus habebatur. Sed Episcopi quadam in libris ipsius insanius scripta memorabant, quae assertores eius defendere non ausi, ab hereticis potius fraudulenter inserta dicebant, & ideo non propter illa quae in reprehensionem nemini merito vocarentur, etiam reliqua esse damnanda; cum legentium fides facile posset habere discrimen, ne falsata sequeretur, & tamen Catholicè disputata retineret. Non esse autem mirum, si in libris neotericis & recens scriptis fraus haeretica fuisset operata, quae in quibusdam locis non timuisset incidere Evangelicam veritatem. Aversum hac Episcopi obstinatiùs recitantes, pro potestate cogebant, recta etiam universa cum praeiis & cum ipso authore damnare, &c. Mihi autem ex illius libris quadam curiosius indaganti admodum multa placuerunt; sed nonnulla deprehendi in quibus illum prava sensisse non dubium est, quae defensores eius falsata contendunt. Ego miror unum eundemque hominem, tam diversum esse à se potuisse; ut in eà parte quae probatur, neminem post Apostolos habeat aequalem: in eà vero quae iure reprehenditur, nemo deformius doceatur errasse. Et paulò post, Ex partium studiis orta seditio est, quae cum reprimi Sacerdotum auctoritate non posset, suo exemplo ad regendam Ecclesiae disciplinam praefectus assumitur, cuius terrore dispersi fratres, &c. Illud me admodum permovebat, quod Hieronymus vir maximè Catholicus & sacra legis peritissimus, Origenem secutus primo tempore putabatur, quem nunc idem precipuè, vel omnia illius scripta damnaret. Nec verò ausus sum de quoquam temerè iudicare. Praestantissimi tamen viri & doctissimi ferebantur in hoc certamine disidere. Sed tamen siue illud error est, ut ego sentio, siue haeresis, ut putatur: non solum reprimi non potuit multis animadversionibus Sacerdotum, sed nequaquam tam latè se potuisset effundere, nisi contentione creuisset. Addit Posthumianus non se diu Alexandria potuisse consistere, etsi ab Alex. Episcopo prolixè exceptum, quòd ibi recens fraternae caritatis feruebat invidia. Nam etsi fortasse videantur parere Episcopis debuisse, non ob hanc tamen causam, multitudinem tantam sub Christi confessione viventem, praesertim ab Episcopis oportuisset affligi.

Aduertis vt reor p̄tamicum defensoribus Origenis Posthumianum extitisse, ideoque ei saltem fidem habendam. 2. Quæ damnabant Episcopi, & ipsos damnasse, sed falsata ab hæreticis & Origenis libris mendaciter inserta clamitasse. 3. Institisse tamen Episcopos, vt vniuersa Origenis, *cum prauis & cum ipso autore damnarent.* 4. Ipsius Posthumiani iudicio ipsos *parere Episcopis debuisse.* 5. Eiusdem iudicio, *errorem* hunc fuisse eorum, qui contumaciùs Origenem defenderent. 6. Etiam *hæresin* ab aliis vulgò putatam: ab ipsis nempe Episcopis, & Ecclesiâ, Episcoporum sententiæ adhærescente. 7. Maximè Catholicum & sacræ legis peritissimum prædicari Hieronymum, qui hanc vtique hæresin putabat. 8. Malum istud contentione creuisse. Id enim Origenis defensores consecuti sunt tandem, non vt sententiam Ecclesia recantaret, non vt errore confosio de autore & libris liberum esse sineretur disputare, sed vt quinta tandem Synodus cogeretur aduersus totum Origenem. Quod veluti prælagiebat Hieronymus in epist. ad Pamm. & Ocean. de eius error. *Ipsè si adhuc viueret Origenes, irasceret vobis fautoribus suis, & cum Iacob diceret, Odiosum me fecistis in mundo.*

Quo autem iure defensores Origenis non erroris tantum à Posthumiano, sed hæreseos ab Episcopis infimularentur, patuit quintæ huius Synodi temporibus, cum vt ait Liberatus c. 23. Ad Pelagium R. E. Apocrisarium, *venerunt monachi ex Hierosolymis, portantes capitula de libris Origenis excerpta, volentes agere apud Imperatorem, vt Origenes damnaretur, cum illis capitulis.* Igitur Pelagius amulus existens Theodoro Casarea Cappadocia Episcopo, volens ei nocere, eo quod esset Origenis defensor, vnâ cum Menna Archiepiscopo Constantinopolitano, flagitabat à Principe, vt iuberet fieri quod illi monachi supplicabant, vt Origenes damnaretur, ipsaque capitula, talia docentia. Annuuit Imperator facillimè, gaudens se de talibus causis iudicium ferre. Sic damnationi Origenis toto orbe subscriptum subdit. Defensores autem istos Origenis, non personæ tantum, sed errori etiam indul-

LXVII. Origenis personæ* defensores in defensores eadem dogmatis euasisse liquet ex quinta Synodo.

fisse, docebit nos Facundus l. 1. c. 2.* *Inquietus & impudens hæreticorum Spiritus, sæpe frustratus cùm Chalcedonensis decreta Concilij subvertere niteretur, inuenit desideratam occasionem ex furore quorundam, qui sub nomine Christiano latenter in Ecclesiâ gentile Origenis dogma sectantur, &c. Cùm & Domitianus Ancyrensis Episcopus provincia prima Galatie, qui fuit ipsius Origeniana hæresis manifestus assertor, per libellum quem ad beatissimum Papam Vigilium scripsit, Deo extorquente confessus est, quod eius complices Origeniani cùm viderent non se posse proprium dogma defendere, neque sibi quidquam spei de conflictu restare, ad violationem eorum quæ contra Origenem gesta sunt, hæc Ecclesiæ scandala commouerunt. Vide & l. 4. c. 4.* Dilucidum hîc est, quò hæc erumpat tandem damnatorum librorum defensio, ut non Scriptores extricentur, sed lectores defensoresque vel inopini vel lubentes illaqueentur damnatis erroribus, etsi Catholico palliati nomine ac schemate. His enim Episcopis *sub nomine Christiano latenter in Ecclesiâ gentile Origenis dogma sectantibus* consentiebant & monachi complures, illorum ut par est credere, soboles, qui personæ vel libris, non errori fauere Origenis olim videri volebant. Cyrillus in vita magni illius Euthymij apud Surium, *Cùm congregata fuisset Constantinopoli quinta sancta Synodus, & Origenis & Nestorij dogmata fuissent ab eâ percussa anathemate, & qui nouam Lauram tenuerant Origenista fuissent expulsi illinc, & fideles orthodoxique Patres rursus in eam migrassent, &c. Vide & Euagrium Origenianâ luc laborantes monachos perstringentem.*

LXVIII. Contra obiectantur complures & vetusti & iuniores damnatorum Scriptorum Patroni.

Inuidiosè autem nobis obiectant permagnos olim viros, ingentis etiam famæ neotericos, qui Theodoretî, qui Origenis patrocinium sumpserint. Et pro Theodoro quidem, ne Scholæ Parisinæ annuos ferè aliquos Palæstritas recenseam, qui pro eius scriptis aduersus Cyrillum ab hæresi purgandis decertant, omnium instar esse possunt sæculi huius splendidissima lumina Petauius & Sirmundus, apertissimi iidemque validissimi Theodoretî

defensores, Sed his præluxerat Agobardus Lugdun. Episc. ante annos ampliùs octingentos, aduersus Felicis dogma hæc scribens. *Cùm utrumque, id est, Nestorium & Eutychen veritas fidei abiciat, quæ medium inter eos tenet locum, B. Cyrillus eiusdem veritatis defensor, Alexandrinus Antistes, dum vellet corrigere prauitatem Nestorij, propter obscuritatem verborum utpote subtilissima rei, offendit B. Ioannem Prasulem Antiochenæ Ecclesiæ & eos qui cum illo erant: factaque est diuisio inter Antiochenam & Alexandrinam Ecclesiam. Rogatus est autem ab Antiochenis Theodoretus Cyri Episcopus, ut ageret aduersum B. Cyrillum: & mirum in modum dum utrique essent Catholici, id est, & Antiocheni, & Alexandrini, B. Cyrillus dum putatur esse hæreticus, quod non erat, inuentus est à Theodoro inter Nestorium hæreticum & Cyrillum Catholicum mediæ locus. Vnde idem Theodoretus pugnans pro veritate, ageret contra veritatem, qui dum istis Catholicis placeret, illis displiceret. His adiungunt & Romanâ purpurâ & eruditione præstantissimos Baronium & Bellarminum, qui sextam Synodum in epistolâ Honorij, & ipsâ adedò Honorij personâ damnandâ, si verè damnauit, aberrare à vero, utpote in facti quæstione palam prædicant, cum compluribus aliis. Quid de Origene? Sixtus Senensis aliique deinceps plures scripta eius ab erroris & hæreseos accusatione vendicarunt. Nec tamen hætenus quisquam his non authorum tantum, sed librorum etiam synodicè damnatorum defensoribus asperxit ignominiam vel erroris vel hæreseos, ut qui hæreses ipsas execrentur, eas autem talibus libellis contineri pernegent, quæ facti quæstio est. Et quantos sanè olim ex sanctis Patribus ac Romanis Pontificibus inueniemus, illis patrocinos esse & scriptoribus & scriptis, quibus postea succensuit Ecclesiæ, & hæreseos cauterium infixit? Quid Basilio Cæsariensi, & Gregorio Nazianzeno castigatus? Illi tamen teste Soctate l. 4. c. 21. *Origenis libros sibi collegere, ex illisque exercitati contra Arianos strenuè dimicauere. Cumque Ariani Origenis libros ad eorum dogma confirmandum adducerent, illi eorum coar-**

85 • DISSERTATIO DECIMANONA

guerunt inscitiam, perspicueque ostenderunt eos Origenis mentem & sententiam neutiquam intellexisse. Sicui sublesta sit Socratis de Origene fides, at Athanasium nemo nescit Origeni ab Arianæ sectæ invidiâ tutando operam calamumque dicasse. Si tunc poterant, quin nunc quoque possint, eadem Origenis scripta eo sensu & legi & intelligi & exponi, prorsus Catholico, quo ab Athanasio, Basilio, Nazianzeno. Si errarunt autem illi, in facto errarunt, non in fide: & cum talibus errare cui non innoxium, inculpatumque sit?

LXIX Respōdetur primò à sanctis Patribus non esse defensos, nisi quos & quia nondum damnasset Ecclesia,

Respondetur primò, qui Origeni antè patrocinati sunt, quàm Synodicè in Ecclesiâ proscriberetur, nullius eos culpæ reos agi posse. Possunt enim dispensatiuè multa excusari per diu, quæ postea abolescente dispensandi necessitate, necessum ex aduerso sit damnari. Quin imò & Athanasius & Basilius vnâ ab authoritate pendebant Ecclesiæ in istiusmodi clementiâ suâ, vt ne damnarent quos nondum damnasset Ecclesia. Indidem ergo cogimur eosdem damnare, quos prædamnauit Ecclesia, si Athanasium & Basilium sequimur. Facundus l. 10. c. 5. *Quamuis nostris auribus dura & ad excusandum difficilia defendere non refugit Athanasius; & prius eorum authorem Dionysium Alexandrinum per hoc voluit esse purgatum, atque ab Ariano- rum crimine alienum, quòd ipse non sicut Arius cum viueret, de impietate fuerit accusatus, aut de Episcopatu deiectus: neque velut hæresin defendens, de Ecclesiâ sicut ille discesserit, sed in eius permanferit unitate: deinde melius hæc ipsa interpretari conatus est.* Itaque non ingenij sui acumen, non sua libido, sed authoritas Ecclesiæ, quæ Dionysium Alexandrinum tametsi Arianæ hæresi cum suffragari iactarent, damnare abstinerat, Athanasium impellebat, vt Dionysij scripta purgare humaniori interpretatione niteretur. Et mox, tametsi verba ipsa Dionysij specie tenus Ario videantur alludere, *Non quod in verbis sonat, debemus attendere, sed credere potius de Ecclesia Christi, quam regit ipse qui sanguine suo redemit, quoniam nisi hæc bona intentione proferret, aut*
aliis

*aliis eius dictis auferretur offensio, sine dubio Dionysius in ea non maneret Episcopus. Igitur Athanasius cuius tota vita martyrium fuit, auctoritati se subdit Ecclesia, & quòd Dionysio communicauit usque in finem, hoc solum indicat eius purgationi sufficere, ita ut illum pro talibus dictis, non condemnare dico, verum nec leuiter culpae praeferat. Sequamur ergo cum Athanasio vnam maximè auctoritatem Ecclesiae, & ex eius sententia praeuolente Scriptores & libros quoslibet vel absolua-
mus vel condemnemus. Idem de Basilio idem mox sentit, Gregorium Thaumaturgum à Sabellij praestigiis tuer-
te: Cùm propterea Athanasius & Basilius Dionysium atque Gre-
gorium à criminibus talibus tantisque defendant, quòd in Eccle-
sia pace defuncti sunt. Vide & l. 11. c. 8.*

Athanasius etiam ipse vna se incitari maximè Ecclesiae auctoritate testatur ad Dionysij scripta defendenda: vt ex verbis eius liquet quæ Facundus idem recitat l. 10. c. 5. Calumniari volunt illi viro, & non attendere, quòd neque ab aliis Episcopis de impietate accusatus est, aut de Episcopatu de-
iectus, sicut isti ex clericatu; neque ille velut haeresin defendens de Ecclesia discessit, sed in eadem defunctus est, & memoria eius nunc usque cum Patribus celebratur, & nomen eius scri-
ptum est. Si enim aliquid istorum sentiret, vel de his quæ scrip-
psit, excusationem non faceret, sine ambiguitate etiam ipse simi-
lia pateretur. Tum accedit ad dictorum Dionysij clemen-
tem elucidationem. Igitur Athanasius cùm hoc animo esset, praedamnati ab Ecclesia auctoris verba nunquam excusaret, qui hæc Dionysij idèò defendebat, quòd nullâ Ecclesiae censurâ iniusta adhuc fuissent. Exulabat ergo procul ab eius mente illa distinctio quaestionum facti & iuris in hoc negotio examinandorum librorum.

Postea verò quàm notati ab Ecclesia fuere libri aliqui, huius obtentu distinctiuncula, à quoquam sanctorum Pa-
trum defensatos fuisse, inauditum prorsus est. Quod ipsum in tanta annorum serie, in tanta librorum damnatorum farragine, momenti satis habet, vt existimemus nequa-
quam ideo sibi fas esse duxisse. Origenis, Nestorij, Pri-

LXX. Idem of-
tenditur ex A-
thanasio.

LXXI. Nemo
Patrum, nemo v-
nequaquam lau-
datorum damna-
tis libris postea
fauit.

scilliani, Theodori, Theodoreti scriptis etiam post intortam Synodici mucronis censuram, fauisse adhuc aliquos scimus, fauisse Patres nescimus, aut in Patrum & Magistrorum Ecclesiae numero habitos fuisse negamus; quin praeposteros potius fautores, exagitados ab Ecclesia sui decreti retinentissimam fuisse non nescimus. Origeni studere Ioannes Hierosolymitanus, Rufinus & alij id genus, palam notati in Ecclesia: non Hieronymus, non Epiphanius, non Chrysostomus, non Augustinus. Nemo sanctorum & probatorum Patrum tam improbo labori & lasciuienti acumini indulgit, ut Scriptorum verba alios in sensus detorqueret, quam qui vniuersali Synodo & Ecclesiae alluxissent. Alioqui tota nobis concordia & maiestas Ecclesiae foedaretur, emergentibus in dies cauillatorum cuneis, qui sophisticè pugnacitate omnia fixa refrigerent, damnata probarent, probata reproarent, errore eiurato facta sola à se prætenderent retractari.

LXXII. Respon-
detur ad Agobar-
dum Theodoreti
Patronum.

Agobardum sanè, esto, ut Patrum choro includamus. Sed Ioanni Antiocheno impensiùs quam par est, cum studere, ex superiùs disputatis abundè elucet. Deinde si verba eius adendas, Cyrillo penè lubentiùs, quam Ioanni culpam affricat. Catholicos hinc & inde certasse, nihil abnuq. Sed lato discrimine. Nam cum Cyrillo Synodus œcumenica & Ecclesia. Cum Ioanne Nestorius & Pelagiani Episcopi. Ioannem denique & sequaces eius quis nescit, quanta infamia pseudosynodi tentatae, oppugnatae Synodi, defensati Nestorij, Ecclesiae post absolutam Synodum penè laceratae obscurauerit? Quae omnia in Theodoreto redundant. Itaque non satis accurata est horum apud Agobardum narratio, utpote aliò properantem. Deinde nec Theodoreto is parcit omnino. Nam laudi non est, *inter Nestorium haeticum & Cyrillum Catholicum medio stetisse loco*: nam, qui cum Catholico fidei defensore non erat, qui ab eo dissentiebat, fin minùs haeticè, certè malè sentiebat. Laudi non est, *pugnantem pro veritate, agere contra veritatem*. Si excusare libet enim

quia pro veritate, libebit & accusare quia contra veritatem. Laudi non est *dum istis Catholicis placeret, illis displicere*: Catholicis enim displicuisse, pudendum est, maxime illis qui inculpatæ sunt fidei sequaces, ut illis placeas, quorum nutat existimatio, quorum vix dum grassatio conquieuit. Denique dum anathematismos Cyrilli in Synodo & in vniuersâ approbatos Ecclesiâ insectatur, nonne ipsam insectatur Ecclesiam, & non tam Cyrillo, quàm Ecclesiæ vniuersæ Apollinarismum impingit? Nec enim distinctione vsus est Theodoretus, ut anathematismis duodecim aliam Ecclesia, aliam Cyrillus fidem insinuatam vellet. Quî poterat autem opportuniùs Nestoriana insania propugnari, quàm si Catholica doctrina quâ expugnabatur, Eutychetis seu Apollinaris contagio laborare infamaretur? Etsi autem œconomicè & prolixiore indulgentiâ possent excusari utcumque hæc Theodoreti aduersus Cyrillum scripta, tanto tamen magis non debent, quanto post concordiam etiam initam ab eo sunt exarata. Vnde Theodorus Lector l. 2. *Post conciliationem cum Orientalibus Theodoretus contra duodecim capita Cyrilli scripsisse fertur*. Vide & Theodoreti ipsius epist. 143. vbi non putat ullos esse qui dicant *duos filios* in Christo: & epist. 112. quæ post conciliationem scripta videtur, & in accusatione versatur adhuc Cyrilli anathematismorum.

Respondetur rursus non singulorum qui errare, & in errorem imitatores suos possunt pertrahere, sed Ecclesiæ ipsius vniuersæ consilia & gesta pensanda nobis esse, & ad imitationem præstituenda. Damnatos porro semel vnanimi Episcoporum conspiratione libros quoslibet, (ne iniuri autem quidem potest numerus eorum qui damnati sunt,) imò ne vnum quidem postea inueniemus ab Ecclesia purgatum esse ex illis: aut de eo purgando vel deliberatum esse, vel potestatem hanc & curam cuiquam esse mandatam. Vsque adèò in Ecclesiæ etiam hoc genus decrevis nusquam reperitur *est & non*, sed merum & constantissimum *est*. Si semel enim hanc illa fenestram

LXXIII. Nusquam Ecclesia suâ de damnatis authoribus iudicii hæcenus mutauit.

aperuisset, quid deinceps fixum, quid statum in fidei doctrina foret? Ut summum ergo priuatorum curiositati, & luxurianti vitiligandi prurigini materiam parant, qui acumen ingenij conterunt in opusculis quæ damnauit Ecclesia ad alias interpretationes impellendis: non Ecclesie seruiunt, cuius retractandæ sententiæ non vllam spem residuam esse sinunt tot anteactorum sæculorum exempla.

LXXIV. Euer-
tuntur fundamē-
ta aduersariorū,
& quibus in re-
bus emendari
queant Concilia à
Conciliis.

Respondetur iterum & Baronium & Bellarminum, & ceteros omnes neotericos, qui damnatis opusculis defensionem instruxere, eo præsidio suum ipsos conatum obumbrasse, quod Ecclesie imponi possit iis in rebus, quæ *hominum testimonis* comprobantur. Omnes ad vnum excute, eo vno nituntur fundamento, & decantatissimo Augustini testimoniò, posteriora anteriorum erroribus mederi posse Concilia, vbi quæ latebant, noua reteguntur *rerum experimenta*. Atqui iam animaduertimus primò, ne tum quidem forsan errare Ecclesiam, quin imò potiùs erraturam, nisi his allegatis testimoniis ita pronunciatet. Deinde in quo rei cardo vertitur, istud est, *hominum testimonia*, *rerum experimenta* locum non habere vllum in examine librorum trutinandò. Saus illis locus suumque pondus est in causis seu civilibus, seu criminalibus ventilandis; at in tractatorum opusculis excutiendis testimonia & experimenta omnia ex ipsismet opusculis expiscanda sunt. Et si qua aliunde possent affulgescere, ecqua, oro te, vel de Honorij epistola, vel de Theodoretì suspectis opusculis experimenta nobis & testimonia exhiberentur, quæ Patres quintæ vel sextæ Synodi fessellissent? Nonne in tam prolixo sæculorum decursu intercidissent potiùs, & nos iam præterirent, quæ illos non præteribant testimonia, ad huiusmodi examen necessaria? Denique hunc scopum habet axioma tum Augustini, tum quod sibi isti proponunt, non vt Ecclesia Ecclesie, Synodus Synodo, iunior seniori, priori posterior eo deroget, quo iisdem probationibus allegatis aliud & diuersum quid iudicet: sed vt diuersis nouisque testimo-

niis atque experimentis expromptis diuersam quoque sententiam temperet. Id modestiam Ecclesiae, id sapientiae decet sobrietatem. Vnum id suspicor non sine veri colore dici posse, si cuius scriptoris alia quæpiam repræsentarentur scripta, quæ Ecclesiam vel Synodum aliorum eius librorum damnatricem præterissent, tum hæc noua fore testimonia, quibus authoris intentio & sententia melius dilucesceret, & inflicta damnatione absolueretur. Quamquam vel tunc satius forsitan esset, & hos absolui, & illos horum dissimiles damnari libros, quia non vna semper sibi constat hominis sententia. Sed Honorij, sed Theodoretæ nulla nobis noua se stiterunt monumenta, quæ Patres quintæ sextæque Synodi non præmanibus habuerint. Magni ergo viri dum præiudicio suo seruiunt, fundamento etiam suo sunt excussi, quo sibi videbantur niti, & nullo nouo testimonio prolato nouam protulere sententiam.

Sed & illud admonendi iidem sunt, non cuiuslibet, sed plenario Concilio copiam fieri ab Augustino Concilium plenarium emendandi. Viderint ergo quò iure id sibi arrogent, quod plenario Concilio & quidem ut præcellentiſſima & summa quædam prærogatiua vendicatur. Ita ut suprâ ostensum, Athanasius, Basilus, ita Facundus, alique trium Capitulorum defensores, ita eorundem oppugnatores Episcopi Ecclesiae authoritatem vnam ut ducem certissimam, ut faciem splendidissimam sequebantur, aut sequendam sibi consentiebant, non priuati aciem ingenij, aut pessimam magistræ & in-præceps semper ducem, præsumptionem.

Respondetur rursus antè damnatorum operum defensoribus illud saltem aptandum, quod sibi Hieronymus aptauit, cum Origenis post damnati defensor prius extitisse euulgaretur. In epist. ad Pammach. & Ocean. de err. Orig. *Secunda post naufragium tabula, culpam simpliciter confiteri. Imitati estis errantem, imitamini & correctum. Errauimus iuuenes, emendemur senes. Iungamus gemitus, lacrymas*

LXXV. Nec nisi à Conciliis, non à priuatis, Concilia emendanda.

LXXVI. De defensoribus antè damnatorum operum excusatio culpæ, non immunitas querenda, exemplo Hieronymi, & Pampili.

copulemus. Si Origenem nunquam sequutus sum, frustra infamare me queritis. Si discipulus eius fui, imitamini penitentem. Credidistis confitenti, credite & neganti. Illud saltem aptandum quod de Pamphilo martyre idem paulò post scribit, qui pro Origene Apologeticum scripsisse dicebatur. Nam etsi Pamphilus non errores tueretur, sed alium in sensum raperet Origenis verba, scripti tamen huius Apologetici maculam diligenter ab eo amolitur Hieronymus, illudque ut germanam prolem parenti suo restituit Eusebio Arianorum Principi. Sed concedamus ex superfluo, ut Pamphili sit. Sed necdum martyris. Antè enim scripsit quàm martyrium pateretur. Et quomodo, inquires, martyrio dignus fuit? Scilicet ut martyrio deleveret errorem. Ut unam culpam sanguinis sui effusione purgaret. Quanti in toto orbe martyres antequam caderentur, variis subiucere peccatis? Defendamus ergo peccata, quia qui postea martyres, prius peccatores fuerunt.

LXXVII. Magnus & sanctis viris ex ignorantia & errore saepe obripitur;

Respondendum item de his saltem id quod de Paschasio Ec. Rom. Diacono librorum de Spiritu sancto autore laudatissimo, qui ut ait Gregorius lib. 4. Dialog. c. 4. *in ea contentione qua inardescente zelo fidelium inter Symmachum atque Laurentium facta est, ad Pontificatus ordinem Laurentium elegit: & omnium post unanimitate superatus, in suam tamen sententiã usque ad diem sui exitus perstitit, illum amando atque praefendo, quem Episcoporum iudicio praesse sibi Ecclesia refutavit. Hic itaque cum temporibus Symmachi Apostolica Sedis Praefulis esses defunctus, eius dalmaticam feretro superpositam, daemoniacus tetigit, statimque sanatus est. Narrat mox ut idem post multum temporis in penali loco visus sit à Germano Capuensi Episcopo, quia in parte Laurentij contra Symmachum senserat, & inde tandem liberatus. Quia enim non malitiã, sed ignorantie errore peccaverat, purgari post mortem à peccato potuit: ut subdit Gregorius.*

LXXVIII. Alia eiusdem rei exempla,

Respondendum de his quod Beda lib. 3. hist. Angl. cap. 4. censet de sancto Columba, eiusque discipulis, Pascha alieno tempore celebrantibus, sanctitate tamen & miraculorum gloriã præclaris. Quo in errore perman-

serunt vsque ad annum 717. Christi. Verùm quia gratiâ charitatis feruere non omiserant, huius quoque notitiam rei ad perfectum percipere meruerunt, iuxta promissum Apostoli dicentis. *Etsi quid aliter sapitis, & hoc quoque Deus vobis reuelabit.* Et cap. 17. cùm miracula post mortem viri plura memorasset, scripsit hac de persona & operibus viri præfati, nequaquam in eo laudans aut eligens hoc, quod de obseruatione Pasche minus perfectè sapiebat, imò hoc multum detestans, sicut in libro quem de temporibus composui, manifestissimè comprobaui. Sed quasi verax historicus simpliciter ea, quæ de illo siue per illum sunt gesta describens, & quæ laude sunt digna in actibus eius, laudans, studium videlicet pacis & charitatis, continentia & humilitatis, animum ira & auaritia victorem, &c. Hac in præfatio Antistite multum complector, & amo, quia nimirum hac Deo placuisse non ambigo. Quod autem Pascha non suo tempore obseruabat, vel Canonicum eius tempus ignorans, vel suæ gentis auctoritate, ne agnitum sequeretur, deuictus, non approbo nec laudo. In quo tamen hoc approbo, quia in celebratione sui Pasche non aliud corde tenebat & venerabatur, quàm quod nòs, &c. Et cap. 25. aliis Catholicum seu Romanum, aliis erraticum Pascha celebrantibus, Hæc dissonantia Paschalis obseruantia, viuente Aidano, patienter ab omnibus tolerabatur, qui patenter intellexerant, quia etsi Pascha contra morem eorum qui ipsum miserant, facere non potuit, opera tamen fidei, pietatis & dilectionis, iuxta morem omnibus sanctis consuetum diligenter exequi curauit. Et mox ad contumaciores errabundi Paschæ defensores ita Vuilfridus ibidem perorat: *Illos Dei famulos & Deo dilectos non nego, qui simplicitate rusticâ, sed intentione piâ Deum dilexerunt. Neque illis multum obesse Pascha talem teor obseruantiam, quandiu nullus aduenerat, qui eis instituti perfectioris decreta quæ sequerentur, ostenderet. Quos vsique credo, si quis tunc Catholicus ad eos calculator adueniret, sic eius monita fuisse secuturos, quomodo ea quæ nouerant, ac didicerant Dei mandata, probantur fuisse secuti. Tu autem & socij tui si audita decreta Sedis Apostolica, imò vniuersalis Ecclesia, & hæc literis sacris confirmata sequi contemnitis,*

absque ullâ dubietate peccatis. Etsi enim Patres tui sancti fuerunt, nunquid vniuersali quæ per orbem est, Christi Ecclesia horum est paucitas uno de angulo extrema insula præferenda? Etsi sanctus erat & potens virtutibus ille Columba vester, imò & noster, si Christi erat, num præferri potuit beatissimo Apostolorum Principi? Cui Dominus ait, Tu es Petrus & super hanc Petram ædificabo Ecclesiam meam. Vide & lib. 5. cap. 16. 19. 22.

LXXIX. Rursus expenduntur ea exempla sanctorum virorum per errorem dissentientium ab Ecclesia.

Vertebatur hæc quæstio in re ad facta magis quàm ad fidem attinente, & ad fidem multo utriusque minus spectante, quàm librorum quorumlibet spectet iudicium. Et tamen alij Catholico & Apostolicæ Sedis & Ecclesiæ vniuersalis nomine ac patrocinio fulciebantur, alij eodem oppugnabantur. 2. Si quis autem Catholicum Pascha gentis suæ auctoritate denictus non sequeretur, non negatur ille quidem sanctitate & miraculis florere potuisse, sed in illo tamen est *quod non laudet, quod non approbet, quod detestetur* cum venerabili Beda pius & Catholicus quisque. 3. Si cuius autem sanctitas & miraculorum gloria spectatissima est, in eo tamen hæc aduersus Ecclesiæ decreta obstinatio non laudatur, non approbatur, detestationi est, si pœnas etiam post mortem dat & quidem diuturnas: quid de illis opinandum, qui ab isto sanctimonix & miraculorum splendore procul sunt? Si tanta enim charitatis & sanctimonix copia culpam hanc obliterare hic non potuit, quanta ea culpæ grauitas est? Nemo sibi tum, aut si quis, nã ille perperam sibi blandiebatur de hac factorum & fidei distinctiuncula. A Catholicis porro fidentissimè inculcabatur sequenda indiscriminatim non Columbæ, non tot aliorum pietatis & miraculorum laude perillustrum, sed Petri, sed Apostolicæ Sedis, sed Ecclesiæ vniuersalis auctoritas. 4. Similiter quod de Columbâ, & tot aliis viris sanctissimis Beda, id nos de Baronio, de Bellarmino, de aliis damnata opuscula defendentibus: quanti quanti hi sint, num maiores sunt Sede Apostolica, & Synodo vniuersali quinta & sexta, & Ecclesiâ

clesia vniuersali, quæ hæc opuscula damnat, & defensores eorum damnat? 5. Et dispensatiuè hanc seu rusticitatem, seu obstinationem tolerauit per diu Sedes Apostolica in Scotis, Pictonibus & aliis Semibarbaris gentibus: num nobis id sumemus, vt eandem indulgentiam effundamus in quoslibet? Num Quartadecimanos perperam olim damnatos, perperam hæreticis accensitos calumniabimur? Non nostrum id est, sed Ecclesiæ Catholicæ, limites figere iuris remissioni, vel rigori. Vbi autem imminet & vrget Ecclesiæ vel Sedis Apostolicæ autoritas, tum aliquos refragari, & quorumlibet patrocinio abuti, id sanè non laudandum, non probandum, id etiam *multum detestandum est*. Vnde & idem Beda in vita sancti Cuthberti cap. 39. hæc extrema eius ad suos verba refert, *Cum illis, qui ab unitate Catholica pacis, vel Pascha non suo tempore celebrando, vel perversè viuendo aberrant, vobis sit nulla communio.*

Instant porro & percontantur, hoccine de fide sit, Nestorianam hæresin hoc huius, puta Theodoret, libro contineri? Poteritne hæreseos reus agi, qui Nestorianum dogma detestabitur, sed illud libro hoc contineri pernegabit? Respondeo hanc hæresin hoc libro contineri à quintâ Synodo definitum, & in huius libri defensores anathema cuiuslibet: quintæ Synodo ab omnibus Catholicis & debere subscribi, & reapse subscribi. Id abunde esse, vt anathema declinare malimus, quàm de fidei & factorum distinctionibus litigare. 2. Quintæ Synodo auctoritatem ab omnibus posterioribus œcumenicis accessisse Conciliis, & fidei confessionibus; in quibus & illa confirmata est, & in hos libros anathema ingeminatum sexcenties. Catholicæ simplicitati & veritatis charitati aduersari eos, qui interminatis litibus mendacia inferere fatagunt tot Synodis, & earum anathemata incurrere lubentes periclitantur. 3. Vt de fide id non sit, decretum tamen Synodi est œcumenicæ, adeoque venerandum, osculandum: ne insolentissimi supercilij sit, si quis se plus

LXXX. Respondetur interrogantibus, an de fide sit hanc hæresin hoc libro contineri.

Rrrrr

vniuersali Ecclesiâ, & tot Synodis, & tot sæculorum consensione sapere existimet. 4. Vt de fide id non sit, sed nonnisi à plenario Concilio plenarij Concilij decretum emendari fas est, teste Augustino. 5. Vt de fide id minus sit, sed nouis rerum experimentis & hominum testimoniis recentibus opus est, vt prius iudicium mutetur. Quæ noua his autem circa damnatos libros experimenta, quæ testimonia affulserunt, quæ quintam sextamque Synodum præterierint? 6. Vt de fide id minus sit, sed complura exploduntur & eiiciuntur ab Ecclesiâ, quæ ad mores, quæ ad disciplinam tantum pertinent. Quattadecimani, Rebaptizatores, Nouatiani, Hydroparastatæ, & eiusmodi alij sectarij innumerabiles arcana fidei vix attingebant. Albo tamen hæreticorum inscripti sunt. 7. Nec abuti hæreseos nomine dicas eos, qui tales texunt hæreticorum catalogos. Illis enim Paulus ipse patronus præsto est, qui authore Chrysostomo, & idoneo sanè interprete, ait, *Oportet in vobis hæreses esse, &c. Hic attendite, quia non de articulis fidei dictum est, Oportet inter vos hæreses esse, sed de discordiâ & sectis circa mensam. Subdit enim modum hæreseon: Igitur cum conuenitis in eundem locum, non licet dominicam cœnam manducare. Et Hom. 27. in epist. 1. ad Corinth. Nam & oportet hæreses esse, vt & qui probati sunt, manifesti fiant in vobis. Hæreses hic vocans, non eas quæ sunt dogmatum, sed horum schismatum.* 8. Eiusmodi Paulini instituti sequax Ecclesia, Nicolaïtarum, Neophytorum, Simonianorum, Inuestiturarum, Romanæ Ecclesiæ vel dignitatem allatrantium, vel bona inuadentium, & id genus alias hæreses damnauit complures; non vsqueadeò scrupulosè rimabunda, quid propriè hæresis, quid error, quid schisma, quid superbum tantum, non hæreticum, quid stultum, non schismaticum esset; sed promiscuè hæreticum aliquando interpretata, quidquid aduersus Catholicæ Ecclesiæ sensum & imperium contumaciter tumultuaretur. 9. Quandoque etiam disertè expressum est, hæreseos in dogmate crimen abesse, cum tamen à communione Ec-

LXXXI. Quam
latè quandoque
pateat nomen
hæreseos.
Tom. 3. serm. 21.
pag. 312.

clesiæ Catholicæ abscissio intentaretur. Ita suprà ostendimus, Catholicos impudentiæ obuiasse Tertulliani, qui non fidei irrettractabilis, sed versatilis disciplinæ causam agi prætexebat. Ita declaratum etiam superius, à Patribus Synodi Diospolitanae notatum esse *stultiloquium*, à quo fortassis abesset hæresis teste Augustino. Ita in decretis Generalis Synodi Lateran. sub Innoc. III. cap. 2. *Reprobamus etiam & damnamus peruersissimum dogma impij Almarici, cuius mentem sic Pater mendacij excacauit, ut eius doctrina non tam hæretica censenda sit, quam insana.* 10. Perdifficile semper sanctis Patribus visum est, & salebrosum definire, quid hæresis nomine capiendum veniat. Audi Augustinum in præf. lib. de hæres. seu in epist. ad Quodvultdeum. *Cum ambo, Epiphanius & Philastrius, id vellent facere, quod à me petis, quantum tamen inter se differant, de numero sectarum interim vides. Quod utique non euenisset, nisi aliud uni eorum videretur hæresis esse, & aliud alteri, &c.* Proculdubio in eâ questione ubi disceptatur quid sit hæresis, non idem videbatur ambobus. Et reuera hoc omnino definire difficile est. Et ideo cauendum, cum omnes in numerum redigere conamur, ne prætermittamus aliquas, quamuis hæreses sint: aut annumeremus aliquas, cum hæreses non sint. Sexcentis aliis locis Augustinus hanc definiendæ hæreseos difficultatem spinosissimam sibi videri testatus est. Basilij tripartitam distinctionem alibi retuli: qui schismaticis annumerat eos, quos Augustinus, aliique penè omnes hæreseos cauterio inurunt. In his ergo ambagibus quid conducibilius, quàm ab ore & nutu pendere Ecclesiæ, & ubi illa hæreticam imprimit infamiam, eius authoritati subscribere?

Adde 11. loco, si hos hæreticorum agmini includendos fuisse dicatur, quòd non in facto tantùm, sed in iure ex quo facta profluunt, hallucinarentur: quòd v. g. non emerent tantùm Spiritum sanctum, sed emendi ius & fas esse sentirent: pœnitentiam non tantùm respuerent, sed nec dari iure posse gannirent mœchis lapsisque: imagines non modò abiicerent, sed nec eas coli, vel haberi

LXXXII. Late-
re occultas hære-
seos fibras.

per leges diuinas posse censerent. Vereor ut istud certò satis de omnibus suprà memoratis constare possit. Quæ enim huius distinctionis vestigia in antiquis monumentis, vel quæ probabilitas, in Quartadecimanis, in Hydroparastatis, in Simonianis, in Romanæ Ecclesiæ expilatoribus? Hi aliique complures in factis hærebant, ad iuris contemplationem assurrexisse dicuntur, sed nuper, nec probantur. 12. Demus id etiam ut hæretici dicantur, quòd iuri etiam obstreperent, caliginem illam omnem Augustini, Basilique, & antiquorum Patrum, circa eliminatam hæreticæ opinionis significationem discusserit noua iuniorum istorum fax; num nemo pari acumine rimari iuris aliquam scintillam poterit in hac circa factum pugna? Quid si iuris maiestatem ab eis imminui existimet quis, quòd Ecclesiæ potestatem abrogent librorum examinandorum: quòd censuras Ecclesiæ in scriptores & eorum scripta, floccifieri doceant, dum errori faciunt obnoxias: quòd libros hæreticos condemnandi certum adimant Ecclesiæ iudicium: quòd Synodos œcumenicas errare posse sentiant, ut in alienis scriptionibus diiudicandis, ita in suis fidei confessionibus conscribendis? quòd paucis denique plus solertiæ & sapientiæ inesse credant sibi, quàm diffusæ per orbem Christianum vniuersitati? 13. Quid si eos cò hæreticos, & non in facto tantum licentiosos, sed in iure iniuriosos clamet quis, quòd Pontifici & Episcopis hanc hæresin esse promulgantibus, ipsi contrà nitantur: quòd hæreticam pronuncient Ecclesiam, dum rem facti in fidei dogma trahi ab ea criminantur? quòd vniuersitati Episcoporum orbis, & Synodo etiam œcumenicæ, hæreticum quid esse, & ita declinandum pronuncianti, ipsi putent excipi à paucis, contraque dici posse, hæreticum non esse, quòd facti quæstio sit?

LXXXIII. Ecclesia errorem inesse libris: indicans, illius suspectos habet horum patronos.

Adde iterum & loco 14. persuasam semel & quidem Synodico examine Ecclesiam Catholicam, hæretico veneno delibutos esse quosdam libros, vix fieri posse, quin librorum istiusmodi defensores hæreticis accenseat. Nam

quòd hæresin ore tenus & verbis generalibus detestentur, fraudulentum videri id potest & simulatum; nec tanti pendendum, quanti id, quod prolixas & elucubratas hæreseos explanationes amplexentur. Itaque vel fallere vel falli ipsos fortassis crederet, nam & non raro falluntur ipsi, qui perspicaciæ suæ plus æquo fidunt: & eos ne fallantur, vel inuitos importuna aliquando Ecclesiæ charitas, sed materna, extricare satagit. 15. Et quidem exulare potest hæc suspicio à nonnullis, quorum scopus aliò perspicitur vergere. Honorio Pontifici Romano ignominiam erroris laborant abstergere Baronius & Bellarminus. Idèò epistolam eius, quàm austero, & eo quo sexta Synodus animo excutere debuerant, humaniori tractant pollice, & ad rectos sensus trahunt: itaque culpæ hos poterit quis nimij in defensando Honório studij, & minoris in Synodos œcumenicas obseruantix, itemque non satis accuratæ diligentix in dignoscendis Synodorum iudiciis, quæ ob emergentia noua vel rerum experimenta, vel hominum testimonia emendari possunt, idque ab aliis tantum plenariis Synodis: nequaquam autem hos Monothetarum hæresi clam astipulari nisi insanus suspicabitur. Ita & Galliarum Episcopi olim si quintæ Synodo minùs fidebant, si tribus Capitulis fauebant, non poterant tamen in crimen iure à quoquam vocari, quasi pestem Nestorianam clam in sinu gestarent, lamberentque in scriptis Theodori & Theodoreti. Cùm hæc scripta ne in manus quidem eorum venissent vnquam; sed ea in Chalcedonensi Synodo approbata rati, illorum damnatione hanc Synodum violari, & eo tandem pacto Nestorianam & Eutychianam impietatem reuiuiscere existimabant. Vide apud Quercetanum Tom. 1. epistolam Nestorij Episcopi sanctissimi ad Iustinianum Imperat. nomine Episcoporum Gallix: (Nisi si melius Sirmundus hanc epistolam retulit ad posteriora tempora Iustiniani, quibus in hæresin lapsus est Incorrupticolarum.) *Nestorij & Eutychetis iam anathematizata scilicet, ut te de ipsa interimeres,*

To. 1. pag. 185.

quis imperavit? &c. Ne dicas vel in corde tuo, Feci, feci, Vici, vici. Victus es & vinctus, sed inde unde filius Diaboli & inimicus iustitiae. Nam notum tibi sit, quod tota Italia, integra Africa, Hispania vel Gallia coniuncta, nomen tuum, cum de perditione tua plorant, anathematizant. Itaque adeo non in Theodoretis scriptis Nestorianum amabant dogma, ut quasi refricanti illud Iustiniano per eius scriptorum, Chalcedone ut putabant probatorum, damnationem, anathema dicerent. Istiusmodi igitur implicatae libris quos defensant haereseos, suspectos habere non potest Ecclesia. At si mero quis studio in Theodorum vel Theodoretum, vel quemvis alium, damnanti eorum libros Ecclesiae refragetur, persuasa his libris haeresin contineri Ecclesia, suspectos non iniuriâ forsan habebit tales ut haereseos etiam fautores, nec alienis eorum interpretationibus seu cauillationibus fucum sibi fieri patietur. Itaque videbuntur ipsi sibi haeresin detestari, librum purgare, in facto tantum ab Ecclesia dissidere: videbitur autem sibi Ecclesia iure librum ut haereticum damnaſſe, libri defensores haeresin verbo tenus execrari, eandem reipsa ut in libro delitescentem amplecti, ludificationibus suis potius quam interpretationibus occultum virus obumbrare. In hac sententiarum pugna neminem fallit, quis cui cedere & accedere debeat.

LXXXIV. Refellitur exceptio canonis, nec Scripturis, nec traditione constare hunc errorem his libris contineri,

At, inquires, nullâ scripturarum autoritate, nullâ maiorum traditione à cunabulis Ecclesiae Christianae ad nos propagatâ, edocti sumus, hanc haeresin hoc Theodoretis libro contineri. Ergo nullâ fidei necessitate cogimur id credere. Respondeo Catholicum dogma his vocibus contineri, Consubstantialis, vna natura Verbi incarnata, vnus de Trinitate passus: quâ Scripturae voce, quâ traditionis origine reuelatum diuinitus est? Quae porro declarauit Ecclesia Catholicam fidem his vocibus contineri, eadem declarauit his Theodoretis scriptis haeresin inuolui. 2. Symbolo Nicæno, vel Constantinopolitano, expositione fidei Chalcedonensis Concilij, epistolis Cyrilli & Leonis Ephesi & Chalcedone subscriptis, sincerum orthodoxarum

fidei dogma, nullam autem hæresin describi, quæ Scripturæ, quæ traditionis ab ortu Christiani nominis cœptæ autoritas reuelauit? Si quis de dogmate Catholico conueniat, sed ab eo tractatus istos discrepare contendat, num in libera facti quæstione dissentire existimabitur? 3. Esto ut aliquando possit Ecclesia hanc non hæresin, sed superbiam & contumaciam interpretari, alias quàm ipsa exponat expositiones libri cuiuslibet sectantium; sed poterit & iure suo existimare hanc superbiam hæreticum aduersus œcumenicæ Synodi autoritatem animum ali: vel hanc contumaciâ, non librum tantum, sed ipsam hæresin propugnari, etsi aliud ore tenus prætexatur. Tutissimum est ergo credere, effuso cælestis sapientiæ lumine collustrari Ecclesiam, & ad fidei dogma statuendum: & ad verba, quibus illud expromatur, deligenda: & ad opuscula, quibus illud impetitur, explodenda: & ad opusculorum horum, perinde ac dogmatis hæretici defensores auersandos. Consequentia enim & concatenata hæc sunt. 4. Dogmata ipsa seu sensa diuinitus reuelata sunt. Verba autem seu contractius seu copiosius explanando dogmati necessaria, subinde & alia prius, alia posterius accedunt, sic tamen ut ex delectu Ecclesiæ, indiuisè iam dogmati cohæreant. Si verba ergo ipsa tantum, siue tractatus laceßas, quibus vel fidem vel hæreses contineri decreuit Ecclesia, videberis forsan tu tibi litigare de verborum tantum significatione; videberis forsan nec immeritò Ecclesiæ, ludicro hoc prætextu, ipsam fidem, quæ non potest nisi verbis aliquibus explicari, parricidalibus pugiunculis, eo detestabilius, quo occultius confodere. 5. Nemo nescit, quàm multa etsi propriè ad diuinæ fidei reuelationem referenda non sint, ita tamen cum reuelatis cohærere capitibus, ut illis conuulsis, hæc collabascant. Melchior Canus l. 6. c. 8. *Concilium Nicanum in fide non errasse, aut Chalcedonense, aut Ephesinum, nullis sacris libris, nec in Apostolorum traditionibus explicatum est. Sed id solum, Concilia in Spiritu sancto le-*

LXXXV Quàm multa reuelausindiuisè cohærescant, ex Melchiorre Cano, & Petro Aurelio.

gitimè congregata errare non posse. At quòd Concilium Nicaenum, Chalcedonense, Ephesinum legitimè coacta fuerint ex diuina reuelatione non creditur. Creditur tamen ex humanâ fide & traditione historia fide digna, per quam habemus, eas Synodos indicentibus & confirmantibus veris Ecclesie pastoribus ex vniuerso orbe conuenisse. Vnde licet earum rerum certitudo ac veritas, qua in eiusmodi Conciliis descripta sunt, ex duobus quasi principiis pendere videatur, quorum alterum reuelatum à Deo est, Concilia videlicet legitimè congregata certissima veritatis esse: alterum verò solâ certitudine naturali credatur, per ea qua Scriptores graues & incorrupti memoria prodidere. At hæreticus eris, qui negarit earum Synodorum scita atque decreta, non aliter ac si negaret Euangelium. Et consequenter ibidem: Quòd Sacerdotes nostra huius ætatis à veris Episcopis ritè fuerint ordinati, non est sacris literis proditum: sed res gesta potius est, qua ex verbis & animo consecrantium pendeat. Ex hoc igitur principio quod humana certitudine tenemus, videlicet hos Sacerdotes ritè initiatos esse, illud pendere necesse est, an in Ecclesia nunc sit verum Eucharistia Sacramentum. Quod qui inficiaretur, hunc Ecclesia existimaret hæreticum. Et statim rursus: Ad eundem modum, qui negarit Romanum Pontificem eandem habere potestatem, quam Petrus à Christo accepit, fidei aduersarius censendus est, quanquam ex Euangelio nihil aliud proximè colligatur, quàm Petri successores eundem habere cum Petro principatum. Quia si huic Euangelicæ conclusioni illam addas, Episcopum Romanum esse Petri successorem, quam ex historiis & traditione virorum grauium accepimus, manifestè colligitur Romanum Episcopum & cæteris Episcopis superiorem esse, & eandem habere in Ecclesia potestatem, quam habuit Petrus. Qui dissentire in istiusmodi factis ab Ecclesia Catholica perterderet, illum vir doctissimus, illum experientia ipsa docet, non ceruicosum modò, aut superbum, vel insanum, sed hæreticum habitum iri. Quod hac tergiversatione dogma ipsum quasi per cuniculos impeti sentiat Ecclesia.

6. Liber & alia eiusdem rei exempla promere à Petro Aurelio viro vsquequaque doctissimo, pro epist. Gallic. Antist.

Antist. *Quidquid Ecclesie consensui aduersatur, semper erroneum, non semper hereticum, Deique verbo contrarium est. Quia non omnis Ecclesie consensus certo Dei verbo, Scripturæque continetur, aut fidem prorsus Catholicam continet, etsi certitudinem habeat omni humanâ maiorem, ideoque illi obstrepere sit erroneum. Beatam Virginem Deiparam corpore simul & animâ in calum inisse, verissima doctrina est, Ecclesia consensu fulta, non tamen omnino Catholica fides: nec qui eam neget, ut erroris reus, sic hæreseos erit, aut Dei verbo refragabitur, in quo ea de re nihil exstat. Multa sunt eiusmodi que nec aperte Scripturis insunt, nec aperte definita fidei dogmata, quamuis fidelium consensu nitantur. Ita suprâ Posthumianus apud Suerum Sulpitium quam alij hæresin, ipse clementiùs errorem dicebat, Origenis non errores, sed libros aduersus conspirantem Ecclesiæ auctoritatem defendentium. Quàm non semper autem illa adhibeatur hæreseos & erroris diligentior distinctio, suprâ perstrinximus.*

Haftenus ita librare sententiam enixus sum, ut me-
mor essem eius quod Gregorius nos monet l. 9. indict. 4. epist. 39. *Quia verò sunt multi fidelium qui imperito zelo succenduntur, & sæpe dum quosdam quasi hæreticos insequuntur, hæreses faciunt: eorum infirmitati consulendam est: & ratione & mansuetudine sunt placandi. Illis quippe sunt similes de quibus scriptum est, Testimonium illis perhibeo quòd amulationem Dei habent, sed non secundum scientiam. Item Nazianzenus Orat. 26. Illud saltem tibi impera, ut fratrem non condemnes, nec timiditati impietatis nomen imponas, &c. Multam diuque antè versandus & contorquendus est animus, multa ferenda, quàm ut alium impietatis damnemus. Non idem est stirpem, aut breuem quandam & caducum florem euellere, atque hominem excindere. Imago Dei es, & imaginem quoque Dei alloqueris. Iudicium quoque subibis, qui iudicas: & quidem alienum feruum iudicas & quem alius moderatur. Hæc ad fideles pertinent, qui neminem præcipiti iudicio hæreseos insimulare debent, sed Episcoporum expectare sententiam, & ab eâ pendere, ut qui moderentur clauum Ecclesiæ: siue*

LXXXVI. Ne-
mini faciliè hære-
sis impingenda.

SSSS

illi dispensatimè velint *errorem* eorum, qui libros damnatos defendunt, dissimulare: siue iuris vigore utantur, & hæreseos suspectos etiam habeant.

LXXXVII. Nemo in suspitione hæreseos patiens esse debet, vel cavillator. Si nulli facile allinatur, si cupidè à quolibet abstergatur hæreseos suspicio, præclare cautum erit paci Ecclesiarum: si denique Episcopali iudicio mos geratur.

Alioqui manet altâ mente nobis repositum, quod docet Hieronymus in epist. ad Pammach. adu. error. Ioh. Hierosol. *Nolo in suspitione hæreseos quenquam esse patientem, ne apud eos qui ignorant patientiam eius, dissimulatio conscientia iudicetur, si taceat.* Et paulò antè: *Certè si hæreseos nulla suspicio est, ut cupio & credo, cur non verbis meis meum sensum loquitur? Quam ille simplicitatem vocat, ego malitiam interpretor. Persuadere mihi vult, quod purè credat: purè ergo & loquatur. Et siquidem unum verbum vel unus sensus esset ambiguus, si duo, si tres, ignorantia veniam iribuerem: nec ea quæ aut obscura vel dubia sunt, de certis & perspicuis æstimarem. Nunc verò quæ ista simplicitas est, quasi super onas & aristas inter theatrales præstigias pendenti gradu incedere, ubique dubium, ubique suspectum? Putes non expositionem fidei, sed figuratam controuersiam scribere. Vides ut non cuilibet Catholicum se profitenti, statim credatur: utque de dogmate ipso fidei suspecti, dubiique haberentur librorum Originis defensores, ideoque indissociabiles cum libris errores defendere iudicaretur. Hæc duo si mordicus teneantur, ut nulli facile illinatur hæreseos suspicio, illita anxie & sedulò abstergatur: ingens excitabimus & paci Ecclesiarum publicæ, & priuatæ nostræ existimationi, salutique munimentum. Cùm ergo paulò superius multiplices aperiebam fontes suspicionum, quibus hæresis ignominia aspergerentur defensores librorum ab Ecclesiâ damnatorum: non id agebam, ut omnes temerè & præfestinè his suspicionibus indulgerent, & alienam temeritatem suâ imitarentur magis, quàm vlciscerentur. Sed duplex ille nobis scopus obuersabatur: ut à damnatorum librorum defensione deterrentur, qui hæreseos suspicionem & exinde sibi imminere multiplicem, & omni ope impendioque eam fugiendam esse non nesciunt: utque Synodicis, Pontificiisque decretis compluribus defen-*

sio pararetur, quibus pari audacia atque imperitia dicam dicunt aliqui, quòd ab illis facti quæstio in causam rapiatur hæreseos. Non priuatorum est ergo, sed Antistitum Ecclesiæ præire in hæc iudicia: & suspicionum habenas laxare, vel inhibere, vt pacis Ecclesiasticæ & veritatis ratio iusserit. Suspicionum quippe, rei sponte suâ tam lubricæ & ancipitis, operosissimum est clauum regere, modum tenere. Paris est discriminis, illis nunquam & semper, minùs æquo & plus nimio se addicere. Pontificum ergo ea sit sapientia & potestas, vice Christi Ecclesiam & fidem administrantium: cæterorum est à Pontificum sententiâ non discedere. Alioqui conclamata est Ecclesiæ fideique concordia. Sunt certæ hæreses, sunt & suspensiones hæresum. Sunt iniquæ, sunt & æquissimæ suspensiones: sunt leues, sunt graues, sunt & grauissimæ. Non repugnandum tantum est malo, sed & occurrendum: non adulto, & conspicuo solum, sed & latenti atque orituro morbo medicina condienda est. Dissimulari aliquando aliquæ suspensiones possunt, non omnes, non semper. Dispensationi locus est, est & rigori iuris tempestiuus. In hoc ergo salo tam incerto, quis tempestatum finis, si vel in aliena criminanda, vel in sua defendenda fama singuli non aliam, quàm suam sequi ducem perendant præsumptionem? Vna in his salutis anchora, Pontificalis authoritas, & Iudicum Magistrorumque à Deo designatorum sententia. Dispensatio & clementia Pontificibus optari, suaderi, exorari potest: imperari, vel extorqueri non potest: vt quæ persæpe necessaria, persæpe utilis, nonnunquam exitio sit. Exitiale autem semper sit, greges pastoribus, magistris discipulos, reos vel actores iudicibus legem dicere, & vim inferre. Ne in fidei autem negotio vel minima quæque aspernemur.

In id enim vergit illud Chrysostomi hom. 1. in c. 1. *LXXXVIII. In fidei negotio nec*
epist. ad Galat. Et volunt subuersere Euangelium Christi. At- minima asper-
qui vnum duntaxat aut alterum præscriptum induxerant, cir- naada,
cumcisionem & dierum obseruationem innotantes. Verum vt

SSSS ij

ostenderet, quod pusillum quiddam perperam admixtum, totum corrumpit, dixit subverti Evangelium. Quemadmodum enim in monetâ regiâ, qui paulum aliquid amputavit de impressa imagine, totum numisma reddidit adulterinum: ita quisquis sana fidei vel minimam particulam subverterit, in totum corrumpitur, ab hoc initio semper ad deteriora procedens. Vbi sunt igitur qui nos ut contentiosos damnant, eo quod cum hæreticis habemus dissidium, diffidentque nullum esse discrimen inter nos & illos, sed ex principatus ambitu proficisci discordiam? Et mox: Hoc ipsum igitur est omnium malorum causa, quod ob pusilla non indignamur. Ob id enim maiora scelera subierunt, quod minoribus debita correctio non adhibetur. Vide & hom. 34. in epist. ad Hebr. Si circumcisione, si dierum observatione subvertebatur Evangelium, quid tota librorum hæreticorum eluione in Ecclesiam inundante, & portam latissimam illi pendentibus his Theologis, qui facti liberam quæstionem cauillantur, an libris illis contineatur hæresis, eaque in re obrepere errorem Ecclesiæ potuisse? Quantumlibet enim solam sibi copiam flagitent dissentendi, nec contra se quidquam vel dicturos spondeant, vel scripturos, futilia hæc sunt effugia. Nam primò in tam proluxa hætenus serie & sæculorum & Synodorum & Patrum, ubi hanc, oro, vel petitam, vel impetratam licentiam usquam inuenient, dissentendi à iudicio Synodi œcumenicæ, doctrinas librosque examinantis? Vsurpatam, sat scio, inuenient non impetratam, non concessam: & usurpatoribus semper impendentem ignominiam. 2. Quid in Ecclesiæ & Synodi dedecus effutiri turpius potest, quàm utcumque neruos omnes contendat, exhaustasque lumen suum omne Ecclesia Catholica in libro quopiam examinando: fas adhuc esse occinere, hanc facti quæstionem esse, & à quolibet usurpari posse potestatem contrà iudicandi? 3. Silentij huius sui quæ, oro, fides, quæ constantia erit, cum eorum patrociniū prætendant sibi, qui palàm & coram errasse sextam Synodum in Honorij, quintam in Theodoretī vel Ori-

LXXXIX. Ad eos qui silentio solo venerandas gant has Ecclesiæ definitiones.

genis scriptis damnandis, errasse Synodos posthac omnes in Honorij, Theodoretī & Origenis damnatione comprobanda, non sentiunt tantum, sed in propatulo prædicant & scriptitant? Cur silentij legem subeunt, à qua abhorruere, quos patronos sequuntur? an horum loquacitatem culpant? cur exemplo eorum vtuntur, quos non culpare non possunt? An solam horum dissentiendi licentiam tenere volunt? At scriptitare quod dissentas, nonne id refellere iam est? Dissensionis sanè contestatione, non aliter quàm refutatione, Ecclesia offenditur.

4. Sed nemo non intelligit, silentium istud simulatione paulatim vanescente vanescere, & in propatulo tandem definitiones de Honorio, de Theodoretō, de Origene oppugnari. An tandiu tenenda hæc silentij religio, quandiu feruent iurgia; quorum ubi calor deferbuit, tum impunè Synodico decreto obrectabitur? An ergo & Synodi & Ecclesiæ autoritas aliquando exaggeratur, & post inanescit? An potius vna & eadem, inexpugnabilisque cum sit, pari semper prosequenda est religione, non illâ simulatâ, sed genuinâ: & animi consensionem, non inanes oris sonos complectente.

Quod porro rogitant, diuina id, an humana fide constet, reprobata communi consensu hæresin hoc libro contineri: id sanè desperatissimæ causæ extremum & pudendum effugium est. Cui enim subiit tam dira libido tricandi, vt de Arii, Nestorij, Eutychetis & aliorum hæreticorum opusculis damnatis, litigaret, diuina an humana fide horum damnationi inhærendum esset? Quis de Paschæ, de aquæ calici instillandæ, & de tot aliis id genus constitutionibus synodicis, controuersiam fecit, hoc obtentu, quodd minus liqueret, diuina an humana fide his esset subscribendum? Quid si pari iure roget quis, Nicæno, Constantinopolitanoque symbolo, & epistolâ Leonis ad Flavianum, vel Chalcedonensis Synodi prolixiore definitione Catholicum dogma contineri, diuinâ an humanâ constet fide? Apagæ has argutias, Patribus no-

X C. Ad eos qui rogitant, diuinâ an humanâ fide hæc constent,

stris & melioribus sæculis inauditas. Quintæ enim Synodo quis hac vnquam exceptione illulit, nisi posteriore hoc & degenerare æuo, cùm licentiosa disputandi pruriginē, non pauca Christiani mysterij arcana perē in ludibrium venerunt? Reuocanda in vsum si qua fieri potest, illa maiorum nostrorum simplicitas, his quæstionibus inimica.

XCI. Ad conf.
dem.

Esto, vt cum Aurelio dicamus, his non Catholicam prorsus fidem contineri, sed includi tamen *certitudinem omni humanā maiorem, ideoque erroneum esse huc obstrepere*. Esto, vt cum Melchiore Cano dicamus quædam esse humano tantum fulta testimonio, quibus tamen ob inuiduam cum rebus fidei concatenationem quisquis obloquitur, hæreseos reus agatur. An Ecclesiæ Christi ne humanam quidem fidem arrogabunt? Quanta porro sunt, quæ tamēsi muliercularum tantum authoritatibus credamus, inconuulsa tamen nostris in animis sunt, familiarum & hæreditarym arcana, & id generis quàm multa,

XCII. Ad conf.
dem.

Sed quanquam scholæ iunioris Magistri hæc distinctionum subtilitates quandoque erudito in otio suo vtiliter sectati sint, id certò nobis liquet, sanctos Patres olim & eorum sequaces etiam nunc Episcopos, seu synodicè, seu solo Spiritus sancti vinculo adunatos, ad eas nunquam inclinasse, vel Canonicas definitiones accommodasse. Ecquā enim vsquam in Synodo discriminatum id reperies, vel quā in fidei Catholicæ confessione, seu formula publica, seu subscriptione, quid diuina, quid humana fide tenendum sit? Quia ex aduerso, vt supra constitit, in omnibus Synodis, in omnibus fidei confessionibus, indiscriminatim & decretis fidei & hæreticorum seu authorum seu librorum damnationi simul & semel subscriptum est. Distinctione vtantur, vt volent, in scholastico suo otio, at Synodus quælibet, at Ecclesia suorum inuiolabiliter morum tenacissima, vt olim, ita & nunc errores scriptoresque promiscuo anathemate confixit,

- configi à fidelibus imperauit. Nihil hac simplicitate tutius, nihil maiestati Ecclesiæ conuenientius.

Quid si illud refricem, quod alibi delibauimus, diuino iure & diuina autoritate ipsum Ecclesiasticum ius & morem quodammodo radiare? quòd ab Euangelico & diuino iure proximè fluat, eiusque splendore toto perfundatur. Et quod suprà Ferrandus in hoc ipso de damnandis libris, seu tribus Capitulis negotio, monuit, *Concilia secunda autoritatis locum post Canonicos libros tenere: utque in his, ita in illis: Si quis non valeat altitudinem celestis oraculi comprehendere, quòd non intelligit, credat, ut quod credit, mereatur intelligere.* Et quod Facundus lib. 12. cap. 2. *Si quam reuerentiam deferimus etiam Synodalibus institutis, ab Ecclesiâ uniuersali receptis, in omnibus quæ obscura in eis, & ad intelligendum difficilia reperimus, diuinam voluntatem cognoscere atque approbare debemus.* Et denique quod Chrysostomus serm. in eos qui Pascha ieiunant: Nicænæ Synodi definitionem de Paschæ die, utique in re facti verstantem, religiosa tamen quadam muniens autoritate: *Atque ex his athletis collecta tum fuerat Synodus uniuersa. Ergo qui fidem temporibus adeò difficilibus non prodiderant, hi propter dierum obseruationem dissimulatione uitæ potuerunt? Vide quid agas dum tantos Patres condemnas, adeò fortes, adeoque sapientes. Nam si publicanum condemnans Phariseus omnia bona perdidit, quæ habebat: quâ veniâ dignus, quâ defensione censeberis, qui aduersus tot doctores Deo charos, idque iniuriâ & contra rationem insurgas? Non audisti Christum dicentem, ubi duo vel tres sunt in nomine meo congregati, ibi sum in medio eorum? Quid? Si ubi duo tresue sunt, medius est Christus: ubi trecenti ac multo plures aderant, multo magis aderat, omniaque decernebat. At tu non illos tantum condemnas, sed & orbem terrarum uniuersum qui sententiam illorum comprobauit.*

XCIII. Quilibet Synodorum decreta quamproximè ad diuinum ius accedunt.

Tom. 5. pag. 707.

Atque ut finem tandem huic dissertationi ponamus, id rursus ex Facundo adnotabimus, non Theodoro, non scriptori ulli tantopere vel ipsum, vel commilitones eius

XCIIV. Nullum Scriptorem priuato affectu forenebant defenso-

res trium Capi-
tulorum.

Spicil. rom. 3. pag.
118.

studuisse, sed Synodo Chalcedonensi, quæ disertis ver-
bis trium Capitulorum meminerat: hâc illæsa, facile pas-
suros damnari Theodorum. Adu. Mocian. sic ille: *Nam
cùm dixi, Ego enim fateor simpliciter beatitudini vestra, non
pro Theodori Mopsuesteni damnatione, me à communione con-
tradicientium subtraxisse: hoc enim vel si approbandum non sit,
ferendum tamen existimo. Nec tantam causam esse iudico, pro
quâ deberemus à communione multitudinis segregari; doctrina
Augustini memorem me fuisse monstravi.* Causæ Chalcedo-
nensis Concilij se cauisse mox declarat. Et ille quidem
tum ibi, tum alibi multitudini Episcoporum capita dam-
nantium, illudic quasi Hilarij, quem Augustino compo-
nit, exemplo. Vnde in epist. *Andite quod etiam sanctus Hi-
larius Episcopus confessor & doctus egregius, quibusdam Epi-
scopis tempore Constantij Imperatoris, quo sic Ariani sub nomine
paci & regis peruaferant uniuersas penè totius orbis locales Ec-
clesias, sicut nunc Eutychiani siue Acephali, de hac re scribat,
&c.* Et tota sanè hac epistola, itemque libro ad Mocia-
num, in omnem partem se versat idem Facundus, ut eo-
rum machinas dissipet, qui ipsum ad communionem Ec-
clesiæ Catholicæ reuocabant, à qua nunquam recedendum
esse Augustinus tam constanter docuisset. Excipiebat au-
tem ipse ut vno verbo dicam, errasse in fide damnatores
Capitulorum: ideoque non se, sed illos antè à commu-
nionem, & fide Ecclesiæ Catholicæ scēssisse: non posse
autem quenquam communioni eorum, nisi & fidei so-
ciaretur. Vbi vides quò euadant tandem ista dissidia: ut
Ecclesiæ fidei illudatur & authoritati.

XCIV. Defenso-
ribus vim infere-
bant damnatores
ut secum com-
municarent, &
ita clam damna-
tioni consenti-
rent.

Ut verò ex eadem Facundi epistola liquet, est, Sy-
nodi sectatores seu Catholici Capitulorum defensoribus
vim inferebant, ut secum communicarent; quòd extra
Catholicæ Ecclesiæ communionem, decocta sit spes to-
ta salutis. Hi renuebant, communioni indissociabilem
fidem iactantes. Illi fidem se eandem cum Chalcedonen-
si Synodo tenere & sequi clamabant, de tribus verò Ca-
pitulis liberum esse à Synodo dissentire, nec semel vlli
eorum

eorum dicere excidit. Itaque quasi concessio, una communione unam etiam de praefatis sententiam promitti, ad secum, id est, cum Ecclesia Catholica communicandum cogeant. Facundus in epist. *Non erubescunt miseri ore sacrilego, atque impudenti procacitate dicere, se unam cum non damnantibus fidem tenere, &c.* Et mox, *Neque tantummodo verbis mendacibus in errorem traduentes, sed violentis insuper persecutionibus ad consentiendum sibi, vel communicandum quos potuerint pertrahendo cogentes.* Vides ut consentire & communicare idem reputet. Quò videtur trahendum & id quod apud Hincmarum legitur Opusc. 55. c. c. 48. ex nescio quibusdam in hoc dissidio subornatis decretis Apostolica Sedis, quando Vigilius ex Apostolico, post multa & terribilia praestita sacramenta, in heresim lapsus Constantinopoli detinebatur, &c. Sic semper habuit omnis Ecclesia, quia qui in una communione consentiunt, uno dogmate, una charitate, uno tenentur assensu. Sicut enim communio & ex omnibus offerentibus una fit, & una redit in omnibus, non parte corporeâ sed virtute divinâ: sic unanimitas per omnes illic communicantes excurret. Nec nobis iam dicas, Ergo si criminosus sit sacerdos, crimen redundat in populos. Aliud est enim quod committitur: aliud quod etiam predicatur. Priuatum est, quod ab uno quoque committitur: commune verò sit Ecclesia, quod publice predicatur, tantorumque sacerdotum manu subscribitur. Et sicut tu absolui non potes, si contraria ore prae dicas, contraria uno eodemque tempore manu subscribas: sic ipsa omnium vestrum collectio absolui non potest, si contraria dicat & contraria faciat, id est, si communicez sacerdoti à cuius predicatione & subscriptione dissentit. Sicut enim os tuum & manus tua unius eiusdemque corporis membra sunt: ita unius eiusdemque Ecclesiae membra sunt sacerdotes & populus, siue cum Catholicis Catholicus, siue cum non fidelibus infidelis. Haec cum altissimas egissent radices in eorum animis qui tria Capitula primum defendebant, ubi postea patuit ea ab vniuersitate Episcoporum orbis damnari, à cuius communione nefas erat excidi: inde nimirum compulsi sunt quibus communicare necessum

T t t t

erat, iis etiam consentire. Ideo Pelagius vterque & Gregorius ad suam & Ecclesiæ vniuersalis communionem inuictissimis argumentis omnes reuocant, dissentiendi licentiam nec verbo attingunt. Quin imo rationem, satisfactionem, veritatem, dubiorum elucidationem promittunt, nusquam ut in facti disceptatione Quintam Synodum à Quarta discrepare, & alterutram errare potuisse concedunt. Gregorius lib. 4. epist. 49. *Deus qui latatur in unitate fidelium, & reuelat querentibus veritatem: cordibus vestris aperiat quanto vos desiderio in gremio cupiam sancta vniuersalis Ecclesia contineri, & in eius manere unitate concordēs, &c. Ego satisfacere vobis de quibus dubitatis paratus sum, &c. ita vobis satisfactio mea interiùs inhaerebit, &c. Ea quæ quatuor Synodi sapuerunt, ita & nos sapimus, &c. Ut ad me venire debeatis, dummodo ratione percepta, à concordia sancta vniuersalis Ecclesiæ dissensio vos nulla diffociet.* Satisfactio porro ne fingi quidem alia potest, quàm quæ suis & Pelagij epistolis ab eodem Gregorio intexta prolixius est, Nestorianum virus tribus Capitulis infusum esse, nec illa vnquam à quartæ Synodi Patribus approbata fuisse. Et l. 7. ep. 54. *Hoc studiosius cogitet tua dilectio, ne errorem schismaticorum sequens, à sancta vniuersali Ecclesiâ diuisa possit inueniri. Et quid tot labores proderunt, si in unitate fidei inuenta non fuerit, &c.* Hæc ille, præfatus paulò antè nihil quartæ Synodo obstrepuisse eam, quæ post illam generaliter facta est. Et lib. 10. epist. 37. Firmino Episcopo Istrix gratulatur, quòd cor eius Deus illustret, ut deserto erroris obscuro, ad cognitionem lucis & viam redeat veritatis: quodque eum diuinitatis gratia ad unitatem Ecclesiæ, à quâ pertinacium & imperitorum hominum instinctu disunctus fuerat, reuocauit. Et lib. 2. epist. 36. ad Episc. Hiberniæ, *Ut de tribus Capitulis animis vestris ablata dubietate possit satisfactio abundanter infundi, librum quem ex hac re sancta memoria decessor meus Pelagius Papa scripserat, vobis utile iudicavi transmittere. Quem si deposito voluntaria defensionis studio, puro vigilantique corde sepius volueritis relegere, eum vos per omnia secuturos, & ad unitatem*

nostram nihilo minus reuersuros esse confido. Porro autem si post huius libri lectionem in eâ quâ estis deliberatione persistere uolueritis, sine dubio non rationi operam, sed obstinationi vos dare monstratis. En quò desineret illa satisfactio, ratio, ueritas unitatis reconciliatrix futura, ut libro Pelagij seu epistolæ acquiescerent, tria Capitula ut hæretica rite damnata ostendenti, nec vel ullam rimam liberæ dissensionis aperienti. Et lib. 2. epist. 10. Id decet, ad unitatem sanctæ Ecclesiæ remeare, &c. antè professus erat de personis de quibus post terminum Synodi Chalcedonensis aliquid actum fuerat, Iustiniani temporibus ventilatum esse, ita tamen ut nec fides in aliquo violaretur, nec de eisdem personis aliquid aliud ageretur, quàm apud eandem sanctam Chalcedonensem Synodum fuerat constitutum. Non fidei tantum, sed & de personis factæ definitioni Chalcedonensi quintam Synodum congruere prædicat. Vide & lib. 3. epist. 4. 14. 34. & lib. 8. epist. 36. Ubique constantissimè ad unitatem Catholicam reuocat, contestatus ab eâ quatuor Synodos honorari, quoscumque illæ damnant, damnari; quoscumque absolunt, absolui: adeoque nihil quintam Synodum quartæ conflictari. Et ne longum faciam, suprâ laudatas, aliasque peruolue epistolas Pelagij Papæ primi & secundi, ita ubique ad communionem vniuersalis Ecclesiæ compelli uidebis Capitulorum defensores, ut persuadeantur antè, nec in fidei, nec in personarum seu librorum iudicio, quidquam per Synodum quintam quartæ derogatum esse: adeoque ipsa communione cum Ecclesiâ Catholicâ, quintæ etiam Synodo quodammodo subscribi. Et Africam quidem ipsâ communicandi maxime cum Ecclesiâ Romanâ necessitate, ad consentiendum quintæ Synodo perductam statim fuisse, coniectura inde existit satis firma, quòd nec primus, nec alter Pelagius, nedum Gregorius de illis ad unitatem reuocandis legantur laborasse. Idem multò certius de Galliâ & Hispaniâ constat.

Quibus si illud adiicias, ne Eutychanis quidem vel Nestorianis compescendis atque sanandis illud Ecclesiam

XCVI. Nufquam tunc auditum in libro-

Tttt ij

rum iudiciis er-
rare Ecclesiam.

condonasse, ut fateretur in factorum seu librorum iudi-
ciis hallucinari potuisse quartam Synodum; inde magis
magisque persuadeberis ab hac tum opinatione alienissi-
mam fuisse Ecclesiam Catholicam: Suum enim in Chal-
cedonensem Synodum odium Acephali hoc obumbra-
bant prætectu, quòd ea in tribus Capitulis Nestorianam
hæresin authorasset. Ex aduerso Nestoriani immani stu-
dio Chalcedonensem eandem extollebant Synodum,
quàm suæ vesaniæ in tribus Capitulis descriptæ suffraga-
tam mentiebantur. Expeditissimum id fuisset utrisque re-
fellendis, si excepissent Catholici, Synodos etiam œcu-
menicas in librorum iudicio hallucinari quandoque pos-
se, ut hæreses sibi videre videantur ubi nullæ sunt; ibi
nec suspicentur, ubi delitescunt. Sed nec quintæ Syno-
di Patribus, nec tot eius defensionem aggressis Antisti-
tibus id vnquam in mentem venit.

XCVII. Quo
sensu verum sit,
liberam hanc esse
quæstionem, &
non de fide, sed
de personis.

Vbi ergo iidem Pontifices inculcant nihil *de fide*, de
Capitulis quibusdam *extra fidem, de personis tantummodo*,
nihil aliud nisi de personis aditatum esse in quintâ Synodo;
vbi & nos suprâ sapissime liberam hanc fuisse controuer-
siam admonuimus, ut nihil periculi crearetur fidei or-
thodoxæ, quocumque rei exitus verteret: non id age-
batur, ut definitioni quintæ Synodi seu damnationi ho-
rum librorum consentire vel dissentire liberum esset. Hoc
enim operosè satis, & ut arbitror, inuidiissimè refutatum
est. Sed eò illa pertinebant ut Ecclesiæ ipsi liberum es-
set, vel dispensatiuè abstinere à damnandis illis libris,
vel eosdem ex iuris vigore damnare. Damnari enim pos-
sunt, quia hæresum portentis scatent: possunt & non qui-
dem probari aut defendi, sed omitti, ut apertissimè Cy-
rillus suprâ relatus, & Vigilius Papa docebat: quia dam-
natâ hæresi, non statim necessariò impetus faciendus est
in authores & libros omnes eâ imbutos. Quocirca minùs
assentior equidem Leontio act. 6. de Sectis, dispensatio-
nem interpretanti, quod Iustinianus damnari curauerit
Theodoretum & Ibam, ut hæsitantes hæreticos vel sic

deliniret. Respondemus Iustinianum hoc fecisse κατ'οικονομίαν. Nam quia videbat horum causâ Hesitantes Synodum auersari, perfecturum se putabat ut iis anathematizatis Synodus reciperetur: ideoque duos anathematizandos duxit, quanquam minimè anathematizatos oportuit, ut omnes ad unionem redigeret. Hanc igitur ob causam illos anathemati subiecit. Verùm ne sic quidem adducti sunt hesitantes, ut Synodum reciperent. Oeconomix seu iuris remissioni nemo id adscripserit, quod aliqui, maximè verò innoxij damnentur; sed id potius, quòd vel noxij non damnentur. Oeconomix ergo magis erat, quòd ut idem Leontius antè dixerat, nec Cyrillus, nec Cyrilli imitatrix Chalcedonensis Synodus, vel Theodori scripta damnauerat, vel Theodoretum sua ciurare adgerat. Cyrillum patenter audiuius suprâ dispensationi hoc vendicantem. Si id dispensationi, quod Iustinianus ergo fecit, iuris austeritati adsignandum.

Paucis nunc ad Nouatores conuertamur, qui ingens maieitati Sedis Apostolicæ & principatui vulnus inflictum esse blatterant hac quinta Synodo, quæ sine Vigilio & ipsi aduersam protulit definitionem, quæ demum ad eò non ab ipso auctoritatem accepit, ut ipsum potius auctoritate sua fregerit, ut sibi cederet. Contrà autem nusquam euidentius patuit, quàm à nutu atque inclinatione primæ Sedis propenderent huc vel illuc definitionum & Synodorum Ecclesiæ momenta. Nam ut Facundus auctor est l. 4. c. 4. violento Principis iussu coactus Menas subscribere capitulorum damnationi, se nihil acturum sine Apostolicâ Sede promiserat: cumque subscripsisset, Stephano Ecclesiæ Romanæ Diacono sub eâ se conditione cessisse, & iuratum sibi fuisse respondit, quòd chirographum suum reciperet, si hæc Romanus Episcopus non probaret. Item Zoilus Alexandrinæ Ecclesiæ antistes, cùm Romanum Episcopum venire cognosceret, obuiam illi ad Siciliam misit, conquerens se necessitate ad ipsius decreti affirmationem fuisse compulsus. Ceteri Episcopi, post subscriptionem eidem Stephano Romano Diacono libellos dederunt, Sedi Apostolica transmittendos, consiten-

XCVIII. Principatus Sedis Apostolicæ in hoc certamine.

tes in eis quod à Constantinopolitano Episcopo coacti subscriberent. Vides ut tametsi potestate imperatoria in præceptis raperentur, à nutu tamen se profiterentur pendere Vigilij. Et ibid. c. 3. *Hoc est autem mirabile, ut postquam horum condemnationem fecerunt, dicerent quod Ecclesiam Romanam consularent, & sententiam Vigilij eius præsulis expectarent.* Et l. 2. c. ult. *Si Leo quidquam in disceptationem renovare non passus est, quomodo ab his creditur quartus decimus successor eius sanctus Vigilius novum posse aliquid indicare?*

XCIX. Rursus de
eodem.

Quid quod Vigilus ipse, ut ait Gregorius l. 2. epist. 36. *In urbe regia constitutus, contra Theodoram Augustam, & Acephalos damnationis promulgavit sententiam.* Idem ut supra ostensum, in urbem regiam ingressus, statim Menam & alios Capitulorum damnatores à communione suspendit. Cumque rem prorogari ad Synodum œcumenicam placuisset, & præter datam fidem Imperator edicta promulgasset per quæ tria capitula damnarentur: edixit contra Vigilus, ut aiunt Clerici Italiae in epist. datâ Legatariis Francorum, *Quicumque edictis istis consensum præbere volueris, sciat se ab Apostolica Sedis communione suspensum.* Et tandem edicta ipsa amoveri peruvicit.

Venio ad ipsam Synodum, cuius act. 1. extat Sacra Iustiniani, quâ Vigilium consensisse damnationi trium Capitulorum ex ipsis eius epistolis probat, ut eodem compellat & Synodum. Extat & mox epistola Eutychij Vigilium ad Synodum inuitantis, ut ipso *Præsidente* de Capitulis inquiratur; illud sanè præfati, *Suscipere se & amplecti epistolas præsulum Romanae Sedis Apostolicæ, tam aliorum, quàm Leonis de fide scriptas.* Quid ipsa Legatio ad Vigilium missa omnium Patriarcharum & septemdecim Metropolitanorum, singularis membrorum in caput suum venerationis significatio quàm elegans est? Actione rursum 7. Iustinianus ut calcaria subdat ad Capitulorum condemnationem, & verbo & scriptis à Vigilio ea iam sæpius damnata testatur, *Ut etiam ea quæ sæpius ab ipso facta sunt, ad condemnationem trium Capitulorum, vos audientes,*

alacriores efficiamini, &c. Et collat. 8. Synodus ipsa pronuntiatura definitionem suam, prius id contestatur, *Vigiliam tam sine scriptis, quam in scripturis tria Capitula condemnasse.*

Sed & ipse Vigilius impetratis à Principe viginti dierum induciis intra quos sententiam suam scriptis explicaret, Pelagium Diaconum ad Episcopos misit, ut eos moneret, ne ante promulgationem sententiæ suæ quidquam ipsi præuenterent definire, *antiquum & regularem custodientes ordinem, ne ante nostræ, hoc est, Sedis Apostolicæ cui per Dei gratiam præsidemus, promulgationem sententiæ quidquam proferre tentarent, unde scandali rursus, quæ sopita fuerat, oriri posset occasio.* Ut in eius Constituto habetur. Quid quod in epistola per illustrissimum Petrum de Marca euulgata, nec verbulo saltem vno Synodum quintam commemorat: quod nempe non exæquato ut conuentum fuerat, Occidentalium cum Orientalibus numero habitaret, eique ea de causa ipse nec accessisset, nec consensisset? At tria Capitula Vigilius suo decreto & suæ sedis autoritate condemnat, Synodi vitia dissimulans & vlciscens hoc suo silentio. Nec fractum se autoritate Synodi cessisse, sed veritatem quæ prius latebat, sibi alluxisse sæpius testificatur.

Sed cum damnationi trium Capitulorum & Synodo aduersaretur cum Romano Pontifice totus Occidens, non dum ea utique tunc poterat œcumenica Synodus existimari, à qua tanta Ecclesiæ portio & abfuiſſet, & dissideret. Cum ergo induerit illa tum demum œcumenici Concilij autoritatem, cum Occidentalis Ecclesiæ accrevit ei consensus, quis huius vel signifer vel author fingi potest alius, quam Romanus Pontifex? Testatum id faciunt epistolæ Romanorum Præsulum quoquoersus sparsæ, quibus denique ij etiam qui secessionem fecerant, recollegerunt se in matris sinum Catholicum.

Idem vehementius etiam persuadebitur Origenis damnatione, quæ cum & ante Synodum & in Synodo facta

C. Iterum de eodem.

CI. De eodem rursus.

CII. Item ex Origenis damnatione.

fit, vnius præ cæteris authoritati Vigilij vendicatur. Casiodorus diu. Lect. l. 1. c. 1. *Origenem licet tot Patrum impugnet authoritas, presenti tamen tempore & à Vigilio viro beatissimo Papâ constat denuo esse damnatum.* Vide & Eua-
grium l. 4. c. 37. cuius & hoc præclarum est, nequem
nimium obstupefaciat ista Episcoporum tunc inter se
tam animosa & maleuola concertatio, *Deum totius boni
fontem, hac omnia præclare administrasse, ut hinc & inde pro-
fana & impia reuicerentur.*

CIII. Non faue-
bant tribus Capi-
tulis nisi Latini,
quia Græcæ lin-
guæ ignari.

Haftenus porro nequaquam omnes de factis & perso-
nis Synodicas disceptationes complexi sumus : sed eas
duntaxat, quæ in librorum examine & censura versaren-
tur. In cæteris enim ut quæ ab hominum testimoniis,
rerumque experimentis in dies nouè emergentibus pen-
deant, nefas est ab Augustini, nefas à iuniorum Theo-
logorum consensu deuiare. At in his quæ sana librorum
vel insana rimantur dogmata, nil testimoniis hominum,
nihil nouis datur experimentis. Nisi si meminisse velis
Pelagij qui Latinos homines utpote *Gracitatis ignaros* in
defensione trium Capitulorum diu hallucinatos aiebat :
& Vigilij qui in Constituto se *Græcæ lingua ignarum* fuisse,
nec nisi vicariâ operâ potuisse gestâ Chalcedonensis Con-
cilij perlegere confiteretur. His quippe antè opinantibus
tria Capitula Chalcedonensi Synodo approbata fuisse,
cuius gesta omnia non legerant : post ex accuratiori co-
rundem lectione patescere potuit, actione sexta finem
Synodo impositum fuisse, & ideò haftenus eam à Leone
Papa esse confirmatam & irretractabilem proinde haben-
dam : de tribus verò Capitulis postea actum esse iis con-
uentibus, qui nec maiestatem œcumenicæ Synodi, nec
Leonis confirmationem, nec irretractabilem adeò autho-
ritatem præ se ferant. Potest vtrumque nouum istud vi-
deri *experimentum*, ad quod fortassis Gregorius alludit,
cùm dissentire quintæ Synodo conqueritur complures eo
quòd *non legant.* Hoc nouo experimento Latini priùs de-
fensores trium Capitulorum ea damnare adducti sunt.
Nec

Nec enim, ut iam monui, ipsa per sese Capitula seu libros damnatos, syllabatim trutinari, & vel inuitos captiuosque trahere contortis interpretatiunculis ad rectum sensum laborabant, nisi vnus & alter; sed Chalcedonensis Concilij vel approbationi, vel dispensationi constanter inhærendum existimabant. Quin Facundus ipse suprâ testatus est, si de solâ Theodori damnatione verteretur, nihil se refragaturum: sed cauendum esse Synodo Chalcedonensi, cuius in non damnando Theodoro o-scitantiam suggillaturi erant Acephali.

Itaque illa personarum & factorum quæstio, non in eo vertebatur, an hæreticus sensus Theodori & Theodoretî & Ibæ scriptis contineretur: sed an horum scripta seu nomina, in Chalcedonensi Synodo essent damnata, vel approbata, vel dispensatiuè prætermissa, itemque an mortuis in pace Ecclesiæ infligi postea deberet anathema. Reuolue animo quæ suprâ ex Romanis Pontificibus adscriptimus, eo in vno desudare comperies, ut Chalcedonensi Synodo euincant non fuisse hæc Capitula authorata. Eodem referuntur quæ ex Ilidoro Hispalensi & aliis retulimus. Idem patet ex Leontio Scholastico qui act. 6. de sectis, damnari non debuisse, dispensatiuè tantum damnata fuisse ait tria Capitula, nefarios illis errores inesse non diffitetur. Vigilius ipse Papa in Constituto, etsi damnari vetet tria Capitula, sexaginta tamen articulos ex Theodori libris decerptos iterum atque iterum execratur, & hac vna ratione eius damnatione abstinendum censet, quod dispensatiuè ea abstinuerit Cyrillus, Proclus, Ephesina, & Chalcedonensis Synodus; quod denique Romani Pontifices ita iubeant, Romani mores ita ferant, non aliis mortuis, quàm quibus viuus, communionem vel denegari, vel impartiri. Theodoretî scripta in Cyrillum, adeò non subtilitate interpretandi ab erroris suspicione liberat Vigilius, ut ea dicat ab ipso Theodoreto Chalcedone vbi Nestorio & eius dogmati dixit anathema, *fuisse sine dubitatione damnata*: aut iudicasse Synodum eum nihil

CIV. Defensores
trium Capitulorum
plerique, eorum
tamen doctrinam
cum Ecclesiâ
damnabant.

Vuuu.

rale fecisse, id est, duodecim Capitula non refutasse: aut imitandum Cyrilli exemplum sibi proposuisse, qui concordiae cum Orientalibus initæ tempore, ea tanquam si acta non fuissent, pacis amore, silentio dereliquit: Postea autem iubet Vigilius Theodoretæ nomini parci, sed interim quacumque scripta vel dogmata eius cuiuslibet nomine prolata, sceleratorum Nestorij atque Eutychetis manifestantur erroribus consonare, anathematizamus atque damnamus. Itaque qui Theodoretæ defensitanda nunc incautiùs scripta suscipiunt, non aduertunt, ne olim quidem ab ullo ad eum modum defensa fuisse, cum contentionis ferueret æstus; sed vel ab ipsis defensoribus suis fuisse damnata, si vnum demas Facundum, qui ex consequenti tantum, ut eorum sensum defenderet, impulsus est, quod ea sine strage Synodi Chalcedonensis damnari non posse autumaret. Græci omnes qui ea legerant & intellexerant, damnabant; Latini qui nec legerant, utpote Græcitatæ ignari, defendebant, solo ex rumore Chalcedonensis Synodi, quam nec plerique legerant.

¶ V. Refellitur eorum obiectio, qui Synodi generalis iudicium de doctrinâ librorum emendari aliquando posse nugantur.

Insidiosum est autem, quod triciantur damnatos etiam ab œcumenicâ Synodo libros, retractari rursus posse, & ad noui examinis libram expendi, ac si fors, à priori damnatione absolui: idque probant ex Leonis Magni epistolâ 62. itemque ex Pelagij Papæ epist. ad Episcopos Istriz. Ita enim Leo: *Siquid sanè ab his fratribus, quos ad sanctam Synodum vice meâ misi, præter id quod ad causas fidei pertinebat, gestum esse perhibetur, nullius eris penitus firmitatis, quia ad hoc tantum ab Apostolicâ Sede sunt directi, ut excussis hæresibus, Catholica essent fidei defensores. Quidquid enim præter speciales causas Synodali Conciliorum ad examen Episcopale deferitur, potest aliquam diiudicandi rationem habere, si nihil de eo est à sanctis Patribus apud Nicaam definitum.* Quibus exscriptis Pelagius hæc subiicit: *Apertè nobis licentia tribuitur, ut quidquid illic extra fidei causas de personis gestum est, retractetur. Specialis quippe Synodali Conciliorum causa est fides. Quidquid ergo præter fidem agitur, Leone*

docente ostenditur, quia nihil obstat, si ad iudicium reuocetur. Vniuersum ergo hinc ominantur, non irretractabile, atque adeò non immutabile, non infallibile esse iudicium quodcumque, quòd extra speciales Synodaliū Conciliorum causas, id est, præter fidem extiterit. Tamen si enim ibi Leo de Anatolij ambitu & ambitioso canone verba faciat: vniuersalis est tamen illa regula, Specialem Synodorum causam esse fidem, cætera omnia posse ad iudicium reuocari. At respondeo ex aduerso, Leo specialem Synodorum causam in vna fide collocat, vt approbet Legatos à se ad Synodum pro causa fidei tantum directos, adeoque cætera quæcumque decreta à se non confirmari, à se irritari, *nullius penitus esse firmitatis.* Perlege suprà laudatam Pelagij epistolam, innumera ibi Leonis testimonia constipata inuenies, in idem conuergentia: in irritum mitti, non confirmari, quidquid præter fidem Chalcedone actum est: quia ad fidem statuendam tantum, & conuocata est ea Synodus, & Legati Sedis Apostolicæ ad eam directi sunt, nempe quia vna est Synodaliū Conciliorum causa, fides. Parco tam multiplices Leonis locos adscribere: summatim Pelagius illis relatis: *Ipse namque Leo, sicut multà superius epistolarum eius attestazione docuimus, gesta multiplicia causarum specialium reprobando, auctoritatem Synodi in solâ fidei definitione constrinxit.* Vna ergo est ea ratio, non dissecanda, retractari ista potuisse iudicia, quia à Sede Apostolica confirmata non fuerant, non fuerant autem confirmata, quia ad fidem illa non pertinebant, & ad fidem tantum Synodus coaluerat, Legati Sedis Apostolicæ eò confluerant: Synodus denique & Legati ad fidei negotium duntaxat confluerant, quia specialis Synodorum generalium causa est fides. 2. Ibidem Pelagius retractari posse, nempe extra fidem esse centies inculcat *pruata negotia, iudicia de personis.* At iudicium & damnationem librorum hæreticorum nemo cordatus reuocauerit ad priuata iudicia, siue ad iudicia de personis. Publica enim ista sunt, & ad omnes


Ecclesias, ad fideles vniuersos, ad fidem ipsam attinentia iudicia, quibus verba, propositiones, contextus, libri hæreticorum proscribuntur, hoc est, ipsæ hæreses. Quæ enim vsquam hæreses damnatæ, nisi verbis, propositionibus, scriptiunculis, libris comprehensæ? 3. Ergo librorum hæreticorum damnatio, non ad priuata negotia, non ad iudicia de personis, sed ad ipsa fidei iudicia, eoque ad speciales Synodorum causas pertinet. Ideò in Synodis generalibus vno semper iudicio fides & scriptum, quo contineretur, authorata: hæresis & scriptum quo contineretur, exauthorata. Vno fides, & Symbolum Nicænum; vno fides, & Symbolum Constantinopolitanum: vno fides, & epistolæ atque anathematismi Cyrilli: vno fides & epistola Leonis approbata est iudicio, ac subscripta. Vno vicissim iudicio hæreses librique hæreticorum damnati, nec seorsim vsquam hæc agitata. Ideò nec Romana vnquam Ecclesia retractari postulauit iudicium sextæ Synodi de Epistolis Honorij. Ideò multò minùs retractari hætenus passa est Ecclesia iudicium de quocumque libro damnato, nihilò plùs quàm de quacumque hæresi: post tot lapsus sæculorum. Quantum enim uerò dedecoris hinc redundaret, si alia rursus Synodus colligenda esset, quæ examineret, an prior œcumenica Synodus assecuta esset mentem nouelli alicuius scriptoris. Nempe quòd ad examinis Synodici diligentiam, vel incuriam spectat, ea peræquè fidei atque librorum causas complectitur. 4. Nec istud quod reficari potuisse instabat Pelagius, de libris erat, sed de factis aliis, vel personis vel disciplinæ capitibus iudicium. Replicat enim ipse identidem ea esse de personis iudicia. Idem non semel Gregorius. Quæstio enim illa vertebatur, an damnari deberent vel possent Capitula, quæ non damnasset Synodus Chalcedonensis? an mortuis, an in pace Ecclesiæ fato præfunctis anathema illidendum esset? An reuera Synodus Chalcedonensis tria Capitula probasset, vel improbasset, vel præterisset? An Leo has quoque extremas penè lacinias gestorum

Chalcedonensium confirmasset, ita vt ad examen retrahi non possent? Hæc extra fidei causam erant, hæc disciplinæ magis erant, factorum, personarum. His ex obliquo incidebat alia quæstio, an reapse hæretica essent Capitula. Sed de eâ nullum ferè certamen erat. Hæretica enim esse, etiam eorum defensores, omnes propemodum consentiebant, aut non altercabantur. Consule rursus præfatam Pelagij epistolam, ex parte Istorum Schismaticorum multa occurrent congesta præsidia ad arcendam Capitulorum damnationem, ex Leonis, ex Anatolij, ex Orientalium literis mendicata, & ad id omnia prorsus conspirantia, quòd Chalcedonensi Synodo nihil addi, nihil detrahi fas sit. Ad hæreticæ autem sententiæ, velut perperam Capitulis affictæ propulsionem, nec testimonium vel argumentum saltem vnum expromitur. Vnde Pelagius ipse ad causam Theodoretì descendens, ait: *Disquisito secundo Capitulo, tertium superest: quòd tanto debemus in breuitate constringere, quanto & vos nobis hac in re non credimus resultare.* Illa ergo conglobatio testimoniorum ex Theodori & Theodoretì nefandis scriptis corraforum apud quintam Synodum & epistolam Pelagij, eo magis pertinebat, vt hæretica scripta non potuisse probari, imò improbata reipsa fuisse Chalcedonensibus Patribus, vel diuturniorem circa ea dispensationem iam ferendam non esse demonstraretur: de quo omnes prorsus Capitulorum defensores litigabant: quàm vt hæretica esse Capitula euinceretur, de quo paucissimi contentiosum funem trahabant. Tamen ex consequenti id quoque emergeret emolumentum, vt & hi postremi, paucique reuincerentur. §. Hinc cautissimè Petrus de Marca, vir nunquam sine singulari nominis elogio nobis memorandus, in diss. de quintâ Synodo hæc aduertit num. 20. *Ex epistolis Vigily & Pelagij colligere licet vnâ & alterâ regulam apprimè vtilem, &c. Earum prima est, Fidei Canonem mutari non posse, &c. Secunda in aliis causis extra fidem, id est, in capitibus disciplina,*

894 DISSERT. XIX. IN QUINTAM SYN. OECVM.

qua versantur non solum in facto, sed etiam in iure, veritatem nunc latere, nunc aperiri, &c. Fides itaque & doctrina inuariabilis, irreformabilis est: disciplina autem versatilis. Librorum autem censuram quis sobrius ad disciplinam retulerit? Quid magis ad doctrinae, fideique iudicia hactenus pertinere visum, quam fidei vel haereseos symbola, expositiones, confessiones, libellos, libros excutere, interpretari, confirmare, damnare?





DISSERTATIO XX.

IN

SYNODVM VI. OECVMENICAM

SEV

CONSTANTINOPOLITANAM III.

Anno Christi 680. 681.

SYNOPSIS.

Inquiritur in Honorij Papa damnationem. Refelluntur, qui acta huius Synodi falsata causantur. Num. I. II. III.

Refelluntur iterum, qui Synodum, ut in re facti, errasse canillantur. Num. IV. V.

Refelluntur tertio, qui etsi immerentem, dispensatiue damnatum suspicantur. Num. VI. VII.

Respondetur Honorij epistolae priuatas & familiares fuisse, nec pertinuisse ad Cathedram; ideoque damnari potuisse, quia & errare. Quod multis coniecturis munitur. A n. VIII. ad XVII.

Respondetur iterum, non tam haeresi, quam dispensationi studuisse Honorium; quae quia impronida & inauspicata, proditio fidei habita est. Multa ad id argumenta, multa item congeruntur, exempla consimilis in doctrinae fidei dispensationis, sed feliciores plerumque exitus nata. A num. XVIII. ad XXXI.

Anastasio Bibliothecario Apologia pro Honorio expenditur, & ad regulas à sanctis Patribus fixas renocatur. Usque ad calcem.

PRÆLIBATA ferè iam alibi cætera sunt, quæ ad huius elucidationem Synodi disceptari poterant. Vnam hinc residuam, eamque peregregiam versare controuersiam animus est, de Honorio Papa hæ-

I. Status questionis de Honorii damnatione.

resecos damnato. Itaque nihil odio, nihil gratiæ partium dabitur; studium omne veritati certabit.

II. Refelluntur
qui acta huius
Synodi adultera-
ta causantur.

Nam quod reapse perfectâ Honorij epistolâ, hæreseos illi inusta ignominia sit; non autem à Theodoro Episcopo CP. adulterata sint acta Synodi, & loco Theodori à Synodo damnati, Honorij nomen subrogatum, emundioris iam ferè omnes naris homines consentiunt. Theodorum enim ob hæresin Monotheletarum vel ante Synodum exauthoratum fuisse, vel à Synodo proscriptum, nullo authore, nullo certo argumento constat. 2. Ad hæc si Theodorum cupido inuaserat nomen suum ex albo damnatorum expungendi, id tutius poterat & facilius, si à nomine Honorij substituendo, hoc est, si ab Occidente vniuerso in suæ imposturæ euulgationem & vindictam ciendo abstineret. 3. Adde quod etsi perfacile est, Theodori & Honorij nomina totidem ferè syllabis literisque compacta permutare; at operosissimum, adeoque impossibile penè erat, germanis Synodi actis ipsam Honorij epistolam, eiusque examen & damnationem infarcire, & huc illucque locis plusquam duodecim Honorij Papæ & Episcopi Romani nomen meritumque interserere, ut nunc in actis legitur. 4. Præterea non alia saltem Theodorus adulterare acta potuisset, quàm quæ in Patriarchio CP. seruabantur. At in more positum id erat, ut generalium Synodorum acta quinque describerentur, & singula singulis Patriarchis destinarentur exemplaria: quâ tandem illa Theodori corruptela in cæterorum Patriarcharum, & maximè in Romanum exemplar irrepsisset. Expressissimè autem in hac ipsa Synodo act. 18. *Sanctum Concilium dixit, Petimus à domini potestate instructâ à Deo, ad maiorem orthodoxæ fidei stabilitatem & confirmationem, ut subscripta exempla definitionis relecta, præsentē vestrâ serenissimâ potestate, edantur quinque Patriarchalibus sedibus, unâ cum piâ vestrâ subsignatione. Et mox: Piißimus Imperator exempla definitionis cum subsignatione mansueta eius serenitatis præbuit quinque Patriarchalibus Sedibus.* Hæc gesta sunt super-

stite

stite Georgio, necdum Theodoro post illum in vrbis Regiæ Sedem reuocato. Quibus ergo præstigiis in Romanum exemplar grassari potuit postea Theodorus? 5. Nulla usquam deinceps Romæ querela, nulla expostulatio perstrepit de actis Synodi interpolatis, de supposititia Honorij damnatione. Non Leo II. qui acta Synodi confirmavit, de adulterio illo vel mussare legitur: non Legati Romani, qui Synodo affuerant: non ex eis Ioannes saltem Eccles. Roman. tum Diaconus, postea Pontifex, nomine Ioannes Quintus: non vllus deinceps Pontificum Romanorum: non denique Anastasius Bibliothecarius, tantæ eruditionis vir, & actorum ipsorum compos, & purgandæ Honorij memoriæ cupidissimus. 6. Sed Constantinus ipse Pogonatus, quî tam exitiali fraudulentæ assensus esset, ille & à Synodo, & à scriptoribus æui illius, & ab ipsis Romanis Pontificibus nullo non laudis genere cumulatissimus?

Sed nullis argutiis declinari possunt Leonis II. Papæ, qui Agathonî successit, epistolæ. Ita enim ille ad Constantinum Imperatorem in confirmatione Synodi, *Anathematizamus noui erroris inuentores Theodorum Pharanitarum Episcopum, Sergium, Pyrrhum, Paulum, Petrum, CP. Ecclesia insidiatores magis, quàm Præsules: Nec non & Honorium, qui hanc Apostolicam Ecclesiam non Apostolicæ traditionis doctrinâ illustravit, sed profanâ traditione immaculatam maculari permisit. Et epist. 2. ad Episc. per Hispan. constitutos: Aeternâ damnatione multati sunt Theodorus Pharanitanus, Cyrus Alex. Sergius, &c. cum Honorio, qui flammam hæretici dogmatis, non ut decuit Apostolicam authoritatem, incipientem extinxit, sed negligendo confouit. Et epist. 5. ad Erui-gium Regem Hispan. Et unâ cum eîs Honorius Romanus, qui immaculatam Apostolicæ traditionis regulam, quàm à predecessoribus suis accepit, maculari permisit. 2. Et in Septima Synodo Act. 3. Tarasius Patriarcha CP. in epistolâ ad Patriarchas Orientales, Theodorus item Hierosolymitanus Præsul in Synodicâ; & act. 6. eiusdem Synodi Epi-*

III. Alia aduersus eisdem argumenta.

Xxxxx

phanius nomine Synodi Pseudosynodum Græcorum refellens; denique act. 7. Synodus ipsa in fidei definitione Honorium cæteris Monotheletarum signiferis à sexta Synodo damnatis accensuit. 3. Rursum Octavâ Synodo act. sept. legitur Romani Concilij sub Hadriano II. Pontifice Romano contra Photium habiti series, ac præ cæteris hæc allocutio Pontificis: *Si quidem Romanum Pontificem de omnium Ecclesiarum Prasulibus iudicasse legimus, de eo verò quenquam iudicasse non legimus. Licet enim Honorio ab Orientalibus post mortem anathema sit dictum: sciendum tamen est, quia fuerat super hæresi accessus: propter quam solam licitum est minoribus, maiorum suorum moribus resistendi, vel prævios sensus liberè respuendi. Quamvis & ibi nec Patriarcharum, nec cæterorum Antistitum cuiquam de eo quamlibet fas fuerit proferendi sententiam, nisi eiusdem primæ Sedis Pontificis consensus præcessisset autoritas.* Denique Synodus ipsa 8. in fidei profess. act. 10. Honorium cum reliquis Monotheletis omnibusque hæreticis vno anathematis fulmine adurit. Aderant, præerant & summa potestate fruebantur in utrâque hac œcumenicâ Synodo Legati Pontificij; nec intercedunt tamen, nec vel vnco verbulo reclamant Romanos Pontifices synodicis fulminibus imperuios & immunes esse. Ergo iam nil mirum, si & in Sextâ Synodo damnationem Honorij non sint deprecati, non vetuerint Romanæ Ecclesiæ legati. 4. Sed esto, ne sexta Synodus Honorium perculerit, at Septima & Octava illum configi potuisse credidere, illum cum hæreticis aliis confixere. Nulla hîc depravatorum à quoquam gestorum suspicio. At perinde est à Sextâ Synodo damnatum esse, atque à Septimâ & Octavâ vel damnatum, vel damnari posse creditum esse. 5. Sed quâ tergiuersione professio Hadriani tam dilucida eludetur? Confitetur & damnatum & super hæresi accusatum fuisse, & autoritate ipsa Romanæ Sedis subnixam fuisse illam dicendæ in Honorium sententiæ potestatem. Quorsum attinet epistolas Leonis secundi concutere, & inanibus cavillis eorum fidem

solicitare. Num Leonis & Hadriani non potuit eadem esse sententia, eadem priuilegij primæ Sedis interpretatio? An nuperis scriptoribus antiquior vel exploratior fuit primæ Sedis prærogatiua, & Honorij fama, quàm Hadriano II. ? Non tanto Pontifici, non vlli anteriorum, vel posteriorum Romanorum Præsulum, qui in suæ Sedis honore tutando tam accurati, tamque vehementes fuere, in mentem venit suspicari, quàm isti post octingentos annos olfecere imposturam? Anastasius Bibliothecarius in præfatione ad Octauam Synodum falsationes Synodorum generalium à Græcis tentatas persequitur: nihil de Sextâ falsatâ meminit. Item in præfatione Collectanecorum. Otiosum esset plura damnationis Honorij congregare testimonia. Vnum id vniuersim constat, omnes deinceps fidei confessiones, omnes hæreticorum catalogos reliquis Monotheleticæ perfidiæ Patronis Honorium permiscuisse. Quo in argumento tantumdem pene est momenti, atque in Sextæ Synodi autoritate. Nam etsi tunc minimè damnatus fuisset Honorius, damnari saltem potuisse in Synodo generali Romanum Pontificem, ex hac tantâ omnium vbique & Synodorum & Pontificum consensione claresceret.

Suas sibi conscij, vt suspicor, labare coniecturas, compendiosorem aliam defensitandi Honorij viam ineunt. In facti nimirum quæstione errasse sextam Synodum, & Catholicæ Honorij epistolæ hæreticam infamiam illeuisse. Istud quoque effugium potius, quàm responsum paris nouitatis coarguere licet. Ecce enim Leo II. in epistolâ maxime illâ, quâ sextam hanc Synodum confirmat, non hanc potius amplexus est expeditiorem vtrique rationem, Romanæ Ecclesiæ ab hæreseos macula tuendæ? Nam ille nihilo remissiùs, quàm prædecessores sui, Romanæ Sedis istud egregium non errandi priuilegium venditat, & tamen confiterur iure anathematizatum Honorium, cuius proditione & negligentia immaculatæ Sedi macula inusta est. 2. Ecce Hadrianus II. in Romanâ

IV. Refelluntur
secundò, qui Synodum in re facti
errasse cauillantur.

Xxxxx ij

Synodo non hoc compendium sectatus est, ut, quod instituerat, perficeret, Romanam Ecclesiam eiusque Præsulem à nullo iudicari posse? Ut quid & super hæresi accusari damnarique Romanos posse Pontifices confiterur? Aut si accusari damnarique possunt super hæresi, quorsum attinet, ne damnatus iure fuerit Honorius, laborare? Procliuius est fateri, iure damnatum, quem damnari potuisse confiteris, quàm œcumenicæ Synodo mendacij fœditatem impingere. 3. Quantum verò dedecoris aspergitur vniuersæ Ecclesiæ, si semel, si iterum atque iterum ad Septimam, Octauamque Synodum collecta, errori illi & temerariæ Honorij damnationi dicatur subscripsisse? Num adeò obesi, adeò obrusi fuere illi omnes trium Synodorum generalium Patres, ut nulli olfacerent acutulas istas & commodiores Honorianæ epistolæ interpretationes? Pudet me contumeliæ sanctissimis Episcopis, fidei & Ecclesiæ Christianæ parentibus, irrogatæ, ubi excutisse omnes & in meridianâ luce vniuersi caligasse dicuntur. Nam si perspicuum & indubium est, in epistolâ Honorij Catholicos eminere sensus, an tot & tanti, an vniuersales Synodi in re perspicuâ & indubiâ hallucinari potuere? Si obscurum autem & ambiguum est, quin maiorum potius prælucentem auctoritatem, quàm nostram sequimur præsumptionem? 4. Romani deinceps Pontifices æquè post, atque ante sextam Synodum conspiratissimè suam Sedem ab omni semper hæreseos maculâ puram immunemque fuisse contenderunt. Nec vllus tamen vnquam eorum vel damnatorum numero eximit Honorium, vel erroris sextam Synodum insimulauit, vel denique falsata illius acta conquestus est. Ergo conciliandæ huius Romani Præsulis prærogatiuæ cum Honorij proscriptione, audaces istas & nouellas artes aut nesciere, aut repudiauerunt, & alias ab his diuersas antetulunt, de quibus inferiùs. Quid de Humberto Cardinali sentiemus, qui in celeberrimâ aduersus Græcos altercatione, Nicenæ Libellum refellens, sextæ Synodi

synopsin quandam explicat, in eaque cum Sergio, Pyrrho, & Paulo, Honorium quoque prostratum eodem damnationis telo recenser?

Et quod cuilibet apertum est, posse clementi interpretatione epistolam Honorij ad Catholicos sensus inclinari, & quod de una voluntate ibi disputatur, ad solam referri humanitatis Christi naturam: quod duplex eliminatur voluntas, ad depravatæ voluntatis seu cupiditatis carnalis abactionem exponi: id antiquos Scriptores minimè fallebat. Nec tanti acuminis res ista eger. Ita enim Maximus Martyr in disput. cum Pyrrho, ita ipsomet authore ante ipsum Ioannes Papa Honorij mentem explanavit. Ita ergo Maximus: *Quis fuerit fide & auctoritate dignus epistola huius interpres, qui eam ex personâ Honorij scripsit, adhuc superstes, & qui totum Occidentem cum aliis virtutibus, tum dogmatibus fidei Christianæ illustravit; an ij qui Constantinopoli, quæ ex corde erant, loquebantur? Qui hanc composuit. Is igitur ipse cum ad d. Constantinum Imperatorem ex personâ rursus sancti Papæ Ioannis de hac epistolâ scriberet, dixit, unam voluntatem diximus in Domino, non Diuinitatis eius & Humanitatis, sed solius Humanitatis. Cum enim Sergius scripsisset, quod quidam duas voluntates in Christo contrarias dicerent, diximus Christum non duas voluntates contrarias habuisse, carnis inquam & Spiritûs, sicut nos habemus post peccatum; sed unam tantum, quæ naturaliter humanitatem eius signabat. Hoc autem ita esse, argumentum euidentius est, meminisse membrorum & carnis, quæ quidem de diuinitate illa accipi non permittunt. Vide & ipsius Ioannis IV. Papæ epistolam à Sirmundo inter Anastasij Biblioth. Collectanea editam: pari acumine patrocinantem Honorio; eiusque epistolæ Catholicos sensus appingentem. Hæc Ioannes Papa, hæc Maximus, sed ante Synodum. Post sextam autem Synodum non Latinorum, aut Græcorum quisquam, non Romanorum Pontificum, aut aliorum deinceps usque ad nostrum hoc æuum fas sibi duxit huic indulgere interpretandi clementiæ, & Honorio per œcu-*

V. Nec antiquos P.P. fallebat, posse Honorij verba clementi interpretatione excusari.

Xxxxx iij

menicæ Synodi dedecus consulere. Itaque ante Synodum & Pontifices & priuati epistolas Honorij ab hæresis suspicione abstergere conati sunt. Post Synodum damnationi earum omnes acquievere. Quod inuidiissimi habet argumenti momentum, ut constet, nec ipsos Pontifices Romanos, etsi de suæ Sedis honore anceps quaestio verteretur, adgressos vnquam esse, aut fas esse sibi voluisse, œcumenicis Synodis libros vel commentarios quoslibet damnantibus obluſtari.

V I. Refelluntur
tertiò, qui etsi
immerentem, dis-
pensatiuè dam-
natum aiunt.

Spretis his duobus diuerticulis, tertium istud alij tentauere. Tametsi Catholicè sensisset, scripsissetque Honorius: quòd eius tamen autoritate & scriptis abuterentur Monotheletæ in sui patrociniũ dogmatis, damnari illum potuisse salubri dispensatione: ea videlicet compensatione, quòd ita fides Catholica aduersus obrectatores muniretur. Etenim in Romana Synodo sub Martino Papa, perlegitur Pauli Constantinopoli Episcopi epistola, Sergij & Honorij autoritate niti Monotheletarum commentum aientis. Et in hac sexta Synodo, in præactis extat epistola Constantini Imperatoris ad Agathonem Papam, aientis Patriarchas Constantinopoleos & Theopoleos enixos esse, Vitaliani Papæ nomen e diptychis eiicere, *asserentes Honorium memorari in diptychis propter honorem Apostolica Sedis antiqua Roma; nam non acquiescere, ut memorentur Patriarcha, qui postmodum fuerunt in prædictâ sanctâ Romanâ Ecclesiâ, &c.* Et act. i. Macarius vexillifer Monotheleticæ factionis causatur, nihil à se nouatum, sed ea prædicari, quæ hauisset, à Sergio, Pyrrho, &c. nec non & Honorio, qui fuit Papa antiqua Roma. Ut funditus ergo subruerentur munimenta omnia nouellæ hærescos, epistolæ ipsæ Honorij, tametsi illis temerè incumberent, proterendæ fuere.

V II. Argumen-
ta aduersus hanc
dispensationis
causam.

Sed & hîc recurrunt eadem argumentorum spicula. Nam Leo & Hadrianus, alique Romani Pontifices, Anastasius, Humbertus alique Romanorum Pontificum iurati vindices, ne vel semel quidem, vel leuissimè de ista

purgandi Honorij solertia cogitauere. 2. Quin Leo dispensationi huic perspicuè renititur, cùm negligentia, cùm simulationis, & proditiōis Honorium reum agit, eoque iure damnatum agnoscit. Hadrianus similiter non aliam, quàm accusationis hæreseos causam suspicatur. 3. Præpositum omnino hoc consilium extitisset damnandi ex dispensatione Honorij, vt sua hæreticis omnia labefactarentur præsidia. Quantò enim consultius fuisset, epistolas Honorij à calumnia vindicare, & tanto patrociniō ferocientes pudescere hæreticos? Quid hæreticis in erroris sui peruicaciam altius immergendis opportunius, quàm epistolas orthodoxas pariter damnare, & ita committere, vt suos quoque commentarios illi nihilo secius orthodoxos, etsi damnari sentiant, interpretentur? Quorum autem vniuersim proscriptiōni librorum vel authorum consentient heterodoxi, si semel percrebuerit hoc Catholicis doctoribus certum & præiudicatum esse, posse nimirum etiam immerentibus, etiam orthodoxa sapientibus omnia hæreseos maculam & damnationem inuri ex dispensatione? 4. Longè aliter Hincmarus I de non Trinâ Deitate: *Nec sacra Concilia pepercerunt Episcopis nominatissimarum sedium, videlicet Alexandrina, Antiochena, Hierosolymitana, Constantinopolitana, Nicædia. Insuper & Honorium magna Roma Papam, quia contra fidem sensisse, & præuè sentientibus consensisse deuictus & euidentissimè comprobatus est, sicut in sexta Synodo inuenitur, etiam post mortem anathematizauerunt, in hoc saculo manifestatâ culpâ, iusto Dei concordantes iudicio, quod iam egerat in occulto. Nam si idem Honorius hoc in præsentī saculo non meruisset, & cum ipso merito de hoc saculo non exisset, sibi potius, quàm illi nocerent, maledictum inculantes, non iudicio iustitia, sed liuore vel temeritate. Non dispensatio ergo, sed vel liuor vel temeritas est, anathema immerenti vel scripto vel scriptori infigere; eoque non patientis innocentia, sed inferentis audacia vulneratur. At Honorius detectus & euidentissimè comprobatus est contra fidem sensisse, sicut in sexta Synodo inuenit Hinc-*

Tom. I. pag. 446.

marus, nequaquam rerum istiusmodi rudior aut indiligentior explorator.

VIII. Responde-
tur Honorij epi-
stolas priuatas &
familiares fuisse,
nec ad Cathedram
pertinuisse:
ideoque damnari
potuisse, quia &
errare.

Propiùs igitur à vero abest, confossum fuisse nomen Honorij in hac Synodo, quòd non vt Pontifex primæ Sedis, sed vt priuatus quilibet malè sensisset de fide; & has Epistolas non ex Cathedræ Petri oraculo, publicandas per omnem Ecclesiam & fidei magistras futuras dictasset, sed clam ex priuato tum sensu suo, ad eum à quo interrogabatur, scriptitasset. Posse enim hæreseos labe inquinari, & ita accusari damnarique eum qui in Cathedra Petri sedet, quod ita priuatim sentiat, etsi non ita publicè doceat, Catholici prorsus omnes sentiunt, si vnum & alterum demas. Consentiunt omnes & in id, quod docet Rusticus E. R. Diaconus in Disput. con. Aceph. *Dei Ecclesia familiaribus non intendit, neque hypomnesticis, neque iis quæ ad vnum, & domesticum fiunt: sed his quæ ad Synodos, aut à Synodis dogmaticè, & publicè, & definitiuè, de his quæ in questionem veniunt, conscribuntur.* Priuatas autem has fuisse Honorij epistolas, & vt priuatum malè sentientem, non vt Pontificem praua promulgantem dogmata inustum illum fuisse, multis perficitur documentis. Primò enim vnius Honorij nomine inscribuntur illæ epistolæ, cùm eo quo moris esset nihil de fide vel à Romano Pontifice nisi Synodicè definiri. Atque vt anteriora omitтам tempora, quibus longè frequentiores erant Synodi, nec maioris quidquam momenti tentabatur sine Synodo; ad hæc ipsa Monotheleticæ sectæ exordia calamum reuoco. Ioannes qui bimestri tantum Seuerini Pontificatu interiecto, successit Honorio Papæ, Synodicè rem definiuit. Vnde libelli Synodici author c. 130. *Ioannes Papa qui Honorio Monotheleta successerat, diuinâ & sanctâ institutâ Synodo, Sergium, Cyrum & Pyrrhum anathematizauit: duasque voluntates & operationes Domini & Dei nostri Iesu Christi predicauit: & ad Davidem atque Heraclium Heraclij filios typum piæ doctrinæ postea transmisit.* Et idem continuò c. 131. *Pyrrhus ad proprium reuensus est vomitum, quod cùm B. Theodorus qui*
Ioanni

Ioanni successerat, intellexisset, vniuersâ Ecclesiâ conuocatâ & sepulchro Apostolorum Principis Petri occupato, diuino etiam calice postulato, ex tremendo & vinifico sanguine Christi, atramentis affundens, propriâ manu depositionem eius & eorum qui cum ipso communicarent, exarauit. Et c. 132. 133. duas similiter collaudat Romanas Synodos, Martini qui Theodoro, & Agathonis qui Martino successerat, nouorum dogmatum nouatorumque fulminatrices: in vtraque fidei definitionem scriptam disertè asserit. Quin ergo & Honorij aliqua Synodus, vel Synodica prostat definitio, cum quatuor successorum eius totidem extent Synodi, Synodicaque de fide constitutiones? Nimirum ille priuatim quod sensit, scripsit: hi vt Pontifices, quid sentiendum esset, definierunt.

Quin & Primates Africani, Stephanus Nuhidiæ, Re- paratus Mauritanix, Victor Carthaginis Synodos totidem collegisse ibidem memorantur c. 127. 128. 129. *Sergium, Pyrrhum & Paulum anathematizasse, duas Christi voluntates & operationes definisse, ac predicasse.* Quin ergo & Honorij Synodus aliqua ostenditur? Adde triplici hâc Synodo Africanâ, perinde ac quadruplici superiùs Romanâ, Sergio, Cyro, Pyrrho anathema illidi, non item Honorio. Quo nihil peruersius, si peræquè Honorius hæreticam definitionem euulgasset. Sed ex aduerso cum Honorius priuatas tantum misisset epistolâs ad Sergium in Orientem, ne rumor quidem eius rei Occidentem peruagatus erat, vnde eius nomini non iniuriâ parcebatur.

IX. Alii argumentis ostendunt, primatas suas epistolâs.

Nam libelli eiusdem Synodici c. 121. & 122. Sergius X. Item alii, Constantinopolitanam geminam Synodum: c. 123. Cyrus Alexandrinam: & rursus c. 125. Pyrrhus Constantinopolitanam Synodum coëgisse proditur, vnamque voluntatem & operationem docuisse. Quilibet ergo horum hæresin suam dogmatizauit, exposuit, roborauit Synodicè. Honorius ibidem Monotheleta scribitur fuisse. De vlla eius Synodo ne verbum quidem. Constat ergo non vt Pontificem malè definisse, sed vt priuatum immaturas cogi-

Yyyy

tationes inconsideratiùs effudisse. Ita & Theophanes in Chronographiâ, Synodos laudat aliorum Romanorum Pontificum in hac causa, Ioannis, Theodori, Martini, Agathonis, nequâquam Honorij.

XI. Et aliis rur-
sus.

His adde quæ suprà ex Maximo retulimus de Ioanne Papa Honorium purgante, ex eius Amanuensis conscientia & interpretatione. Erubuisset, ut reor, tantus Pontifex, Synodicam prædecessoris sui epistolam & fidei definitionem privato & impari interprete dehonestare. Potest enim Amanuensis de privati scriptoris sententia utcumque, non potest nisi per deridiculum de Synodi mente testificari. Deinde priuata utique epistola ea est, cuius interpretes non suppetit, nisi notarius. Nam si de fide trutinatus fuisset libellus, aliquanti saltem vel Episcopi, vel presbyteri Cardinales & Cleri Romani apices adsciti essent in eius examen: & de eius deinde interpretatione non ignobile testimonium dicerent. Quibus lucis non nihil affunderetur ex verbis Augustini, exequentis ut Zosimo Papæ penè obrepserint, nec tamen *usquequaque* imponere potuerint Cælestius & Pelagius l. 2. de Pecc. Orig. c. 8. *Fecit iudicium Palaestinum Pelagius, Romanam verò Ecclesiam fallere usquequaque non potuit. Recoluit enim B. Papa Zosimus, quid imitandus prædecessor eius senserit. Attendit etiam quid de illo sentiret predicanda in Domino Romanorum fides, quorum aduersus eius errorem pro veritate Catholicâ studia consonantia concorditer flagrare cernebat. Et infra c. 17. Quia cum ita sint, profectò sentitis in tam nefandi erroris aucthores Episcopalia Concilia & Apostolicam Sedem, uniuersamque Romanam Ecclesiam, Romanumque Imperium rectissimè fuisse commotum. Et l. 2. ad Bonifacium c. 3. Sed si, quod absit, ita tunc fuisset de Cælestio vel Pelagio in Romanâ Ecclesiâ iudicatum, ut illa eorum dogmata quæ in ipsis & cum ipsis Papa Innocentius damnauerat, approbanda & tenenda pronunciarentur; ex hoc potius esset prauaricationis nota Romanis Clericis inurenda. Vides pronuncianti ex Cathedrâ Pontifici adesse Romanam Ecclesiam, predicandam Romanorum fidem, uni-*

versam Romanam Ecclesiam, Romanos Clericos, ita ut in hoc etiam redundatura esset, siqua obreperet, prauaricationis macula. Non ita Honorius scripsit. Nec nos fugit, quod Marcellinus Comes in Chronico scripsit, epistolas Papæ Leonis aduersus Eutychen de verâ Christi incarnatione datas, à Prospero Aquitanico dictatas credi. Nec excidère nobis laudes quibus ornatur à Maximo Martyre scriptor epistolæ Honorianæ. Sed longè aliud est, ex Synodi, vel Ecclesiæ, vel Cleri sui conscientia & deliberatione, atque ex priuato tantum sensu consilioque conscribi epistolas, quicumque demum ad has, vel illas contexendas adhibeatur.

Ad hæc nullus Occidentalium de Honorio quidquam effudit querelarum. Ne vnus quidem eius epistolæ vel sententiæ autoritate ad sectam Monotheletarum deflexus est. Non sub ipso, non sub Seuerino, non sub Ioanne & Theodoro eius successoribus, vel Romæ, vel in Italiâ, vel in Africâ, vel in Occidente denique vllus contagio nouellæ sectæ imbutus vsquam comparet. Quæ stare planè non possunt, nisi priuatim ad Sergium missas, toti autem Occidenti & Romanæ ipsi vrbi atque Ecclesiæ incompetas fuisse confiteamur. Romano chim Pontifice rectè, an sequiùs de fidei quæstionibus definiente; & ex suggestu Pontificiæ Cathedræ pronunciante, extra fidem est, conticescere totum Occidentem & ipsam Romam, & neminem prorsus vel secus hiscere vel gratulari. Huc refer, quæ iam sæpe superiùs adnotata sunt de epistolis Anastasij, Innocentij, Zosimi, Leonis ad fidem attinentibus, nec ad vnum aliquem priuatim, sed in orbem Christianum, in Occidentem, in Orientem missis. Nihil vsquam istiusmodi de epistola Honorij.

Accedit quòd in ipsa sextæ Synodi act. 12. epistola Honorij non aliunde, quàm ex Scrinio Patriarchali Ecclesiæ Constantinopolitanæ promitur, autographa ipsa Latina, cum Græcâ interpretatione. Ad vnum ergo Sergium missa, ab eoque recondita fuerat in Archiuo Ecclesiæ.

Y y y y ij

XII. Aliæ ad id coniecturæ.

XIII. Aliæ ser-
sus.

Adde quòd eadem act. 12. & 13. Honorij non aliud quàm epistola, autographa & authentica epistola appellatur, non vnquam Synodica epistola. At Sophronij, Sergij, Macarij, aliorumque Synodicæ epistolæ, synodicaque opuscula, iterum iterumque appellitantur: *Concilium dixit, Retractantes dogmaticas epistolas, quæ à Sergio, tam ad Cyrum, quàm ad Honorium; similiter & epistolam ab Honorio ad eundem Sergium rescriptam.* Et infrà Iudices deposcunt proferri in medium supradictorum *sive Synodica, sive dogmatica opuscula, vel epistolas.* Has ergo ab illis distinguunt. Tum iubet Concilium proferri à Chartophylace *quascumque sive dogmaticas epistolas, sive & alia opuscula dogmatica à Petro, Pyrrho, Paulo, à Cyro, & Theodoro Pharanitâ.* Antè autem damnatus fuerat Honorius *ob scripta ab eo facta:* quæ nec synodica, nec dogmatica dicuntur. Ex aduerso autem statim laudatur Synodica Sophronii. Priuatas ergo fuisse Honorij has epistolas Synodus ipsa declarat.

XIII. Idem arguitur ex aliis probationibus.

Adde quòd verba ipsa sententiæ in Honorium dictæ idem insinuant. *Anathematizari prauidimus & Honorium, eò quòd inuenimus per scripta, quæ ab eo facta sunt ad Sergium, quia in omnibus eius mentem secutus est, & impia dogmata confirmauit.* Ergo ad Sergium priuatim scripta erat ea epistola, non ad Orientem, non ad Ecclesias, vt solent dogmaticæ Summi Pontificis de fide epistolæ. Deinde & hic, & in Prosphonetico, Sergij mentem secutus dicitur; at Synodica vel dogmatica Romani Pontificis epistola, vtpotè summi in fide Dictatoris, non sequeretur ducem Sergium, sed antecederet. Denique in Edicto Pogonati, quo Synodus confirmatur, similiter post Theodorum Pharanitam & Sergium memoratur Honorius, *ve harescos fautor, concursor, confirmator, nequaquam vt author & dux.*

XIV. Et ex ipsâ epistolâ Honorij.

Ipsa quoque Honorij epistola tenebras suas vltro & priuatum colloquium prodit. Nec enim vsquam de Synodica vlla, vel communi cum Episcopis, aut cum Clero Ecclesiæ suæ deliberatione meminit. Quin potius

semel iterumque ibi inculcatur, nihil in Ecclesiâ momenti quidquam vel roboris habiturum: nisi *Synodali examine* trutinetur. Ergo publicâ autoritate semetipsam expoliat hæc scriptiuncula, quæ Synodali tantum examinationi iubet animos & obsequium inclinari, eaque se frustrari confitetur.

Præterea nihilo segniores fuere, aut trepidiores Romani Præsules, in prædicanda Sedis suæ non errandi prærogatiua, post Honorium atque ante. Euolue epistolas Theodori Papæ, Martini, qui Synodum Lateranensem collegit, Agathonis, Leonis II. & cæterorum deinceps: vbique Romana Sedes nusquam à fidei amussi declinasse, incorruptam orbi Christiano semper propinasse doctrinam fidentissimè prædicatur. Idque non post Honorium tantum, sed & post damnatum in hac Sexta Synodo Honorium, & post ipsam eius damnationis & mentionem & confirmationem. Non inanis est hæc autem, nec discors sibi & conflictabunda iactantia. Apage has suspitionum contumelias à sanctissimis Ecclesiasticorum monumentorum paginis, omni Catholico orbi venerandis. Rixa nimirum illa nequicquam formidata facilè componitur. Inustus est Synodico cauterio Honorius priuato nomine, ob peculiare scriptum; non persona Pontificis, non ob Pontificale, seu profectum ex Cathedra, vel Ecclesiasticâ consultatione responsum. Priuilegium autem non errandi additum est non priuatæ Pontificis personæ, sed Cathedræ Petri, sed Sedi Romanæ, sed Pontifici publicam Pontificis agenti personam, obeunti prouinciam.

Ira enim distinctionem illam Sedis Romanæ, seu Ecclesiæ Romanæ, & Pontificis in ea sedentis, à multis malè vexatam, & in abruptos alienissimosque sensus detortam, castigandam equidem arbitror, & sanissimæ antiquorum Theologorum, ipsorumque Pontificum doctrinæ conciliandam, qua de re aliàs. Lapsus ergo & damnatio in Honorium, non in Sedem Romanam cadit: id

XV. In idem re-
cidit, damnatum
esse Pontificem,
non Sedem ipsâ,
vel Ecclesiam
Romanam.

910 DISSERTATIO VIGESIMA

est, priuata scriptione, non Pontificiâ fidei definitione errauit Honorius, notarique meruit. Hanc distinctionem iam olim Auxilius præstruxit lib. 2. de Ordinatio. Formosi Pont. cap. 18. *Aliud sunt Pontificales Sedes, aliud Præsidentes. Proinde honor & dignitas vniuscuiusque Sedis venerabiliter obseruanda est. Præsidentes autem si deuiauerint, per deum sequendi non sunt. Hoc est, si contra fidem vel Catholicam religionem agere cœperint, in talibus eos nequaquam sequi debemus.*

XVI. Potest & extra Synodos definire Pontifex.

Nec est quod quisquam obganniat, Ergo nisi Synodice pronuntiet Pontifex, quidquid definierit, ei, non Sedi tributum iri, errorique fore obnoxium. Nam eâ in re obsequendum est moribus Ecclesiæ, alio & alio tempore variantibus. Vbi in more positum erat, ut Episcopi, Metropolitani, Primates, Patriarchæ nihil rei maioris adorirentur, nisi Synodicâ prius consultatione libratum: tunc Romani Pontificis illa quoque definitio Pontificia, seu ex Cathedra æstimabatur, quam Synodica antecessit examinatio. Vbi verò Christiano toto orbe rariores confluxere Synodi, & Episcopi cæteri, Episcoporumque vertices non iam Synodica, sed qualicumque alia deliberatione uti cœpere; tunc quoque par est Romani Antistitis illam ex Cathedra & ex priuilegio Petri censi constitutionem profectam, & Sedis ipsius, non Pontificis propriam, quam ea antecesserit deliberatio, quæ in usu est pro tempore, quæque ad alia tum maximi momenti negotia adhiberi solet. Ecce enim summum Pontificem artiori quàm alios addixeris Synodorum seruituti? Adde quod ut supra iam prælibatum, utque suo loco prolixè rursus demonstrandum est, in Synodi nomine non usque adeò morosa fuit antiquitas: & quorumlibet vel Episcoporum, vel Clericorum, maximè doctiorum congregationem cum Episcopo & consultationem, Synodi nomine cohonestauit.

XVII. Personæ ipsi Pontificis il-

Nec rursus oggeras, inde id exprimi, quod non personæ ipsi Pontificis, sed eius quasi senatui alligetur illa

inoffensa semper definitionis autoritas. Contra enim ipsi prorsus Pontifici, sed Pontificem agenti inhæret ea dos, non in privati hominis ærumnas aliquando defluenti. Nam cum geminæ hinc & inde quasi Syrtes imminant, medium tutissimi iter carpimus. Ut nusquam enim labi in hæresin queat is, qui Pontificales occupat insulas, exemplis apertissimis, Pontificum ipsorum sententiæ, Catholicorum propemodum omnium consensio aduersarium est. Ut Pontifex errer, at errare Sedes negetur, quia plebs & Clerus Romanæ Ecclesiæ abhorret ab eo errore, præposterum id quidem est. Cum ita plebi & Clero, hoc est, membris plus indatur sapientiæ, quam Capiti. Cum ex aduerso si quæ sunt dotes corporis & membrorum egregiæ, à Capite illæ deriuari censendæ sint: & *fides Romana*, Pauli elogio consecratæ, sanctis Patribus honori & miraculo habitæ, gloria principalis & palma, ipsi Pontifici, ut Magistro, præ Clericis & Laicis, hoc est, præ discipulis necessario adferatur. Ergo id medium, id ab incurfantibus hinc & inde scopulis tutissimum est, ut Pontifex, quæ Pontifex non errer, hoc est, cum Cleri vel Ecclesiæ suæ ita suffragia, sententiamque expressit, sicut eo tempore familiare est & usitatum, in rebus magni momenti, quæ olim synodicè ventilabantur. Parco hic repetere, quod superiori dissertatione tædulosius prosecutus sum, Pontifici definienti Catholicos per orbem Episcopos ita consensisse hætenus semper, ut vna totius Ecclesiæ vox illa fuerit, vna sententia. At quod nonnullis arrisit, Pontificem cum consensu Ecclesiæ suæ definientem aberrare posse, & tamen Sedem Apostolicam non errare, id verò commentitium & fabulosissimum est ludibrium. Secreta enim à Pontifice, & Pontificio Clero Sedes, inane figmentum est, vacuumque simulacrum, & sine mente sonus.

Atque ut vterius aliquid ad Honorij purgationem tenemus, quantum per œcumenicæ huius Synodi & integritatem & auctoritatem, per Pontifices etiam qui eius

ligata est prærogatiua definiendi.

XVIII. Non tam hæresi, quam dispensationi studebat Honorius,

quæ quia impro-
nida & inauspi-
cata, proditio fi-
dei habita est.

damnationi assensu sunt, licebit: ipsamet eius epistolæ verba enucleatiùs pensiculanda sunt. Dispensationi ergo magis, quàm errori sese Honorium contemperasse, & in-
tempestiuam dispensationem erroris ignominia subia-
cuisse, epistolæ contextus, reique exitus docet, docent
& præstantissimi viri Petrus de Marca Archiepiscopus an-
tè Tolosanus, post denique Parisiensis, alii que nonnulli.
Verba epistolæ hæc sunt, non hæresin astruere, sed æco-
nomico silentio intestinum bellum prævertere idonea,
& nouitates occupare: *Fraternitatem vestram ea scripsisse*
laudamus, nouitatem vocabuli auferentem, quod posset scanda-
lum simplicibus generare. Sic ille ad Sergium contra Sophro-
nium: illum vnâ vel duas Christi voluntates & opera-
tiones dici verantem, pacis alendæ prætextu, clam in-
terim vnâ magis Dei hominisque voluntatem insinuan-
tem: hunc duas apertè prædicantem, nec rumores po-
nentem ante fidei Ecclesiæque salutem. Et infra Hono-
rius! *Non oportet ad dogmata hæc Ecclesiastica retorquere, quæ*
neque synodales apices super hoc examinantes, neque authorita-
tes Canonica visa sunt explanasse, ut vnâ vel duas energias
aliquis præsumat Christi Dei predicare: quas neque Evangelicæ
vel Apostolica litera, neque Synodalis examinatio super his ha-
bita visa sunt terminasse: Et rursus infra: *Vtrum autem pro-*
pter opera diuinitatis & humanitatis, vnâ, an gemina operatio-
nes debeant derivatæ dici vel intelligi, ad nos ista pertinere non
debent, relinquentes ea Grammaticis. Addit repudiandas esse
nouas voces, quæ noscuntur Ecclesiis scandala generare: ne
paruuli, aut duarum operationum vocabulo offensi, Nestorianam
nos vesaniam sapere arbitrentur. Aut rursus si vnâ operatio-
nem censuerimus, stultam Eutythianistarum dementiam fateri
patemur. Denique Sergium hortatur, ut inductam vocis
nouitatem, vnus aut gemina operationis aufugientes, vnum
Christum in geminis naturis diuinitus atque humanitus o-
perantem predicetis. His autem multa interspergit Ho-
noriùs de vnâ Christi voluntate, sed humanitatis sq-
lius, ut qui alterâ careat cæterorum hominum volun-
tate,

rate, carnalibus cupiditatibus per peccatum scatente.

In his perfacile est Honorij mentem deprehendere, non tam hæresi nouæ, quàm inconsultæ dispensationi seruientem: ex cuius successu inauspicatissimo cum permagna per Orientem Monotheletæ incrementa fecissent, hæresis quoque ipsius infamiâ non immeritò aspersus est is, cuius negligentia & imprudentia tantam Ecclesiis labem inuexerat. Vnam voluntatem prædicat Christi Honorius, sed humanitatis. Voluntatem alteram ab eo arceret, sed carnis. Vnum operantem in duabus naturis statuit, diuinitûs & humanitûs: hæc orthodoxa sunt, & duarum voluntatum operationumque confessioni æquiparanda. Dummodo vnus credatur volens & operans in duabus naturis, an duæ præterea dicantur voluntates vel operationes, censer has inutiles esse minutias, has vocum argutias Grammaticis dimittendas, has nouitates verborum tum opprimendas, cum ex eis viderentur illico hæresum bellorumque semina pullulatura. Istud verò non ad aliquid statuendum de fide, vel definiendum pertinet, sed ad suspendendam potiùs definitionem: istud non fidei, sed paci Ecclesiarum temperatur: istud denique non fidei decretum, sed decreti suspendium; denique dispensatio ista est. Quoniam verò hæc dispensatio Sergij & Monotheletarum consilia pestemque fidei aluit, etsi præter authoris mentem, ea proditio habita est.

XIX. Id ex verbis ipsius Honorij exprimitur.

Porro ad hanc incogitantiam, negligentiamque Pontificis, in speculâ Ecclesiarum omnium excubantis, & ad fraudes tamen insidiasque Sergij ac cæterorum Monotheletarum dormitantis, sinentisque iis se illaqueari; ad hanc, inquam, imprudentiam inertiamque Honorij respexisse Patres Synodi huius, Romanosque Pontifices in eo damnando, potiùs quàm ad apertam hæresis professionem, liquet ex ipsis eorum verbis. Nam act. 13. in eum iaculantur anathema, *quia in omnibus Sergij mentem secutus est, & impta dogmata roborauit*. Roborauit enim exitialis silentij non œconomiâ, sed proditione. Et Leo

XX. Idem elicitur ex aliis testimoniis.

Zzzzz

epist. 2. eâdem cum aliis damnatione constringit Honorium: *qui flammam hæretici dogmatis, non ut decuit Apostolicam auctoritatem, incipientem extinxit, sed negligendo confovit.* Et epist. 5. *Immaculatam Apostolica traditionis regulam, quam à prædecessoribus suis accepit, maculari consensit.* Et ep. 1. *Hanc Apostolicam Sedem non Apostolica traditionis doctrinâ illustravit, sed profanâ proditiōe immaculatam maculari permisit.* Constanter ut vides non adulterina prædicatio, sed conniuentia & negligentia Honorij vitio datur, quàm ipse dispensationem interpretabatur imprudens.

XXI. Hinc conciliatur sibi Pontificum & Synodi decreta.

Ita concordabunt Pontifices Romani sibi ipsis, & cum Maximo Martyre. Eorum enim alij Honorij epistolam ante Synodum exemerunt suspicioni hærescos, alij post Synodum damnarunt. Vtrique consentaneè. Nam si verba ipsa epistolæ & dogma assertum spectes, exulat hæresis. Si mollitiem & conniuentiam scribentis, silentiumque vnius vel duarum voluntatum fœdissimo exitu infamatum, subest hærescos suspicio. Similiter Synodus purgatas à summis Pontificibus epistolas, & si humaniorem interpretem nactæ fuerint, nil nisi Catholicum spirantes, censorio telo confodit, non nescia Catholicè eas exponi posse, sed altiùs rimata scribentis supinitatem & conniuentiam, quæ impiæ sectæ incrementis latissimis patrocinata esset.

XXII. Ex alterâ Honorij epistolâ elicitur eadem dispensatio.

Rursum ampliùs enitescit eadem minùs prouida Honorij dispensatio, in alterâ ad Sergium epistolâ, quæ act. 13. minutatim excutitur, vbi & hæc habentur. *Scribentes communibus fratribus, Cyro & Sophronio Antistitibus, ne nouæ vocis, id est, vnius vel geminae operationis vocabulo insistere vel immorari videantur: sed abrasâ huiusmodi nouæ vocis appellatione, unum Christum Dominum nobiscum in utrisque naturis diuinâ & humana prædicent operantem.* Quanquam hos quos ad nos prædictus frater & Coëpiscopus Sophronius misit, instruximus, ne duarum operationum vocabulum deinceps prædicare innitantur, quod instantissimè promiserunt prædictum virum esse facturum, si etiam Cyrus frater & Coëpiscopus noster

*ab unius operationis vocabulo discesserit. Non obscure subru-
tilat consilium tuendæ fidei Catholicæ, dum vnus Chri-
stus in duabus naturis operans retinetur, & interim oino-
vouxas & ab vnus & à duplicis operationis abstinetur
vocabulo. Temperamentum vocum affectabatur, quo &
Nestorianis & Eutychianis diuersa ex parte irruentibus
occurreretur. Denique ipsi apocrifarij Sophronij dispensa-
tioni assentiebantur, si qua fides Honorio.*

Nec insolentes vsque adeò fuere etiam in fidei nego-
tio dispensationes istiusmodi. Sed vbi cautiùs libratae,
& auspiciorem exitum sortitæ sunt, & laudis segetem
quandam auream authoribus suis inuexere. Elegantissi-
mum & huic rei accommodatissimum Basilij Cæsariensis
Episcopi exemplum, qui Spiritum sanctum Deum dice-
re abstinuit aliquandiu: etsi reliquâ prædicatione Deita-
tem eius astrueret: sed Dei vocabulo temperabat, ne
Pneumatomachos concitaret in se, & ad Ecclesiarum in-
uasionem armaret. Audi Nazianzenum dispensationis
huius tum conscius, postea defensorem orat. 20. cum
multi ex eâ offenderentur. *Illi nudam & apertam vocem de
Spiritu sancto quòd Deus esset, arripere studebant: (quod qui-
dem tametsi verum erat, impium tamen illis videbatur) ut eum
quidem cum Theologicâ linguâ cinitate pellerent, ipsi autem Eccle-
siam occuparent, eamque sceleris sui propugnaculum efficerent. At
ille in aliis quidem vocibus à Scripturâ petitis, testimoniisque mi-
nimè dubiis eandem vim habentibus aduersarios comprimebat.
Sed tamen propriam vocem interim usurpare differebat, tum ab
ipsomet Spiritu, tum à sinceris ipsius propugnatoribus in gratia
loco hoc petens, ne hoc suo consilio offenderentur: nec committe-
rent, ut dum vnâ voculam mordicus retinere conarentur, pro-
pter inexplebilem cupiditatem omnia perderent, cunctis à nimi-
rum turbulento tempore, ac distractâ pietate. Ipsos autem nihil
ex eo detrimenti accepturos, si vocabula paululum immutaren-
tur, modò aliis verbis eadem docerentur. Neque enim salutem
nostram in verbis potius, quàm in rebus consistere. At republ.
non posse maiorem perniciem ac pestem offerri, quàm si Ecclesia*

XXIII. Non
multum disparis,
sed felicitioris dis-
pensationis ex-
emplum in Ba-
silio Magno.

Zzzzz ij

ab hæreticis occuparetur. Quæ Basilij dispensatio aliquanto etiam maioris videtur fuisse momenti, quàm Honorij. Superfedere enim à Spiritu sancto Deo dicendo, momentosius aliquid est, quàm à geminâ Christi voluntate & operatione prædicanda temperare. Vt autem Basilius verbis aliis eadem vi præditis Deitatem Spiritûs sancti adstruebat, ita Honorius Christum in utrâque naturâ operantem concionabatur, quo duæ operationes insinuantur non obscurè. Multi in Basilium fremebant quòd fidem proderet, sed oculatiores quique cum Nazianzeno solertiam eius mirati sunt; & secunda Synodus subsequuta, ad eò non Basilium notauit, vt Spiritum sanctum *Domini- num & viuificantem* effari contenta in symbolo: diuinitatem eius insinuauerit magis, quàm disertè expresserit. At Honorio etsi eodem forsitan collincanti, minùs fœliciter cessit.

XXIV. Rursus de eadem ex Nazianzeno: de sacrarum literarum dispensatione multiplici ex Chrysostomo.

Eiusdem œconomix suæ, ac Basilij apologiam similiter texit idem Nazianzenus epist. 26. aduersus eos qui eius *patientiam*; Basilij *proditionem* traducebant, vtrumque *politice magis quàm piè* agere cauillantes. Eadem ferè quæ suprà, replicat. Addit autem: *Præstat œconomiam quandam ad veritatem adhibitam fuisse, nobis videlicet tempori, quasi nebula cuidam nonnihil cedentibus; quàm ut ea ob prædicationis perspicuitatem opprimeretur, &c.* Nec enim in verborum sono potius, quàm in mente & sententiâ veritas sita est. Ecclesia autem graue vulnus acceptura est, si ob vnius hominis eiectionem veritas profligeretur. Hanc œconomiam ij qui aderant, tanquam vanam, & insulsam, ipsosque ludificantem clamoribus insectabantur, vt ignauia nostra potius, quàm orthodoxa doctrina consolentes. Longè enim præstantius esse nostros per veritatem tueri & conseruare, quàm per huiusmodi scilicet œconomiam eos labefactare, nec interim alienos assumere. Itaque vt ibidem subiicit Nazianzenus, non omnibus orthodoxis conuenit *μᾶλλον τιμὸς οὐκ οὐνοῦ μὲν*, quousque œconomia vti conueniat. Ideo quam Basilius & Nazianzenus œconomiam, alij complures Catholici ignauiam inter-

pretabantur. Similiter quam alij ignauiam & prodicionem, hanc Honorius arbitratus est salubrem fore œconomiam. Non nostratum virium, sed Synodi œcumenicæ est, tantas lites componere. Ergo Secunda secundum Basilium, Sexta aduersus Honorium pronunciauit. Tam authentico iudicio orbis vniuersus acquieuit : frustra paucis discrepantibus. Cæterum Basilio in hanc dispensationem viam muniuerat Paulus ipse, adeoque totus sacrarum paginarum contextus : Patrem crebrius, quàm Filium Deitatis nomine, & Filium lubentiùs Dominationis, quàm Deitatis voce condecorans. Ita sanè Chrysostomus hom. 5. de Incompr. *Sed quamobrem, inquis, Paulus Patrem hoc loco Deum appellat, Filium autem Dominum? Non temerè, nec sine causâ facit: sed quòd aduersum Gentilis ageret, qui plurimum Deorum opinione laborabant, &c. Idcirco condescendens imbecillitati eorum, nomine Filium appellat diuerso, quod tamen vim eandem omnino obtineret, &c. Quod idem certè etiam causa fuerat, quamobrem non expressè ac manifestè, sed obscuriùs raròque à Prophetis Filius Dei Iudeis significaretur. Quod enim ipsi nuper errore plurimum Deorum essent liberati, si iterum Deum & Deum audiissent, pro suis ad morbum animi reuertentur. Quapropter frequens id apud Prophetas usurpatum est, unus est Deus, præter quem nullus est alius: non quo secluderent Filium, absit: sed ut hominum imbecillitatem emendarent: ac suaderent antiè plurimum Deorum eicere suspicionem, quàm Filium & hunc Deum predicarent. Iam non Apostolica tantum, sed & diuina hæc dispensatio fuit: quam alioqui permirum & penè incredibile foret eò vsque progredi potuisse.*

Nec ab his dissonat Athanasius, eorum qui Arimini defecerunt, dispensationem magis credi cupiens, quàm defectionem. Itaque qui duces impietatis ipsi non fuere, sed sequaces & vi adacti, eos suis gradibus deiici vetat, in epist. ad Rufinianum: *Visum est dari veniam, habere etiam locum in Clero, maxime quia probabilem defensionem attulerunt, & visum est hoc quodammodo oĩxovopuxĩs factum esse. Affirmarunt enim se non fuisse ad impietatem traductos; ne au-*

XXV. De dispensatione Patrum Ariminensium ex Athanasio: & Græcorum complurium ex Nazianzeno.

Zzzzz iiij

rem quidam à pietate longè alienissimi Ecclesias corrumpere, maluerunt vi cedere, & onus ferre, quàm populos perdere. Hoc autem dicentes, nobis quoque visi sunt dicere probabiliter. Quam Athanasij sententiam, Hieronymi quoque calculo suprà communiuimus. Huc quoque non insulsè referes, quæ suprà in Append. de subscript. attigimus ex Nazianzeno, de Nazianzeni ipsius parente, quem Ariani nefario hæreticoque Chirographo irretiuere; cùm ta. nen ipse illasam mentem, minimèque simul cum attramento in' etiam animam habere creditus sit: tametsi per animi simplicitatem abreptus fuisset, dolumque ob animi sinceritatem ab omni dolo alienam, minimè cauisset. Quin & multi alij, innicti alioqui vi-ri in fraudem impulsu sunt: qui quanquam mente haudquaquam prolapsi fuerint, subscriptione tamen transuersi acti sunt: ac si non flamma, fumi certè participes fuerunt. Hæc Gregorius clementer suo ex ingenio.

XXVI. De Aaronis dispensatione ex eodem Athanasio.

Sed palmare est, quòd idem mox de Aaronis facinorare disputat Athanasius, pari œconomix illud quoque vendicari non dissentiens. Hoc autem dicentes, nobis quoque visi sunt dicere probabiliter, quod ipsi in excusationem adducerent Aaron Moysi fratrem in deserto, prauaricationi populi consensisse: se autem hanc ratione defendisse, Ne populus in Egyptum reuersus in idololatriâ permaneat. Probabile enim videbatur, quòd in deserto manentes possent ab impietate desistere: Egyptum autem ingressi, in seipsis impietatem exercerent, & auerent. Sentis utique non aegrè purgari potuisse Honorium, hac dispensationum non iniqua licentia, cùm ea vel Aaroni ipsi patrocínio sit, teste & laudatore Athanasio, cui subscribere nunquam quenquam pœnitebit.

XXVII. De Hilario Pictauiensi, dñatas ab aliis formulas fidei excusante.

Quid verò de Hilario Pictauiensi Episcopo? Nec enim exeidit animo, quam ille apologiam adornauerit illis Synodis, fideique formulis, quas cæteri passim ferè tum antiqui, tum iuniores scriptores Arianicæ perfidiæ contagione inquinatas criminantur. Nempe & hic dispensationi salutari accepta tulit, eoque non inania laudis duxit esse, quæ alij ad climatissimam fidei amussim, &

ad iuris rigorem exigentes, vt obliqua & distorta repudiarent. Ita prorsus Honorij œconomiam æqui bonique consulere fas fuisset, nisi Synodi œcumenicæ authoritas dominaretur, omnemque priuatis indulgendi coniecturis licentiam præfocaret.

Et antequam ab Ariminensi Synodo penitus discedo, libet & hoc aliud dispensationis laudatissimæ exemplum decerpere, licet non omnibus tum approbatæ. Ita ergo Seuerus Sulpit. l. 2. Cùm conuenissent Arimini Episcopi: *Omnibus annonas & cellaria dari Imperator praeceperat. Sed id nostris, id est, Aquitanis, Gallis & Britannis indecens visum: repudiatis fiscalibus, propriis sumptibus viuere maluerunt. Tres tantum ex Britannia, inopia proprii, publico vti sunt: cùm oblatam à ceteris collationem respuissent: sanctius putantes, fiscum grauare, quàm singulos. Hoc ego Gaudium Episcopum nostrum, quasi obtrectantem referre solitum audini. Sed longè aliter senserim: laudique attribuo Episcopis, tam pauperes fuisse, vt nihil proprium haberent, neque ab aliis potius, quàm à fisco sumerent, ubi neminem grauabant. Ita in utrisque egregium exemplum. A Principe fidei insidiante, & his blandimentis ad perfidiam inescante ali, aliis horrori fuit, aliis non fuit. Vtrisque conscientia suæ candor laudi fuit. Sed id ad fidei substantiam ipsam non attinebat.*

XXVIII. Rursum de alia Ariminensium Patrum dispensatione.

Extat apud eundem dial. 3. aliud dispensationis specimen, quæ Martino totius sanctitatis sacrario & placuit & displicuit. Communicauit enim Ithacianis Episcopis Martinus, *satius astmans ad horam cedere, quàm his non consulere, quorum ceruicibus gladius imminabat. Et mox angelus ad eum hoc se dolore conficientem, Merito Martine compungeris, sed aliter exire nequisti.* Itaque non iam diuersis alia & alia sentientibus, sed eidem sibi dissentienti, placuit displicuitque dispensatio. Quin & angelus ita necessitatem excusat, vt culpam incuset tamen nonnullam. Imo & Deus ipse ea videri potest non delectatus, nec tamen vsquequaque offensus. Nam adhuc energumenos curabat Martinus, sed tardius & gratiâ minore. Vt

XXIX De sancto Martino Ithacianis communicante.

que adeò ambigua sunt hominibus lineæ, ultra quas evagari dispensatio non debet. Et quanquam hæc ex Seuerō exempla ad disciplinam magis, quàm ad fidem pertineant; ex illis nihilo sequiùs dispensationum lubrica & impedita ratio declaratur. Et sanè quamuis ad fidem spectet de Christi voluntatibus & de Spiritûs sancti Deitate sententia: ad disciplinam tamen magis referenda est ipsa fidei prædicationis moderatio, effusior aut parcior, pro temporum & regionum modo. Vnde vtrumque discernens Nazianzenus Orat. 44. *Qui Deum Spiritum sanctum censent, diuini prorsus viri sunt, ac splendido animo præditi. Qui verò etiam appellant, siquidem apud probo iudicio præditos auditores, sublimes & excelsi sunt. Sin autem apud abiectos & humi pronolatos, non sunt οἰκονομῶν: utpote qui luto margaritam, & imbecilla auri tonitruum sonitum; & Solem infirmis oculis, & lacte videntibus solidum cibum committant.*

XXX. Exemplum longè pulcherrimum infirmitatis dispensationis in Paschali 11. Papa.

Cognatius tamen est rei, quam versamus, Paschalis secundi decretum, quo inuestituras sibi à rege Teutonico extorqueri passus est. Huic præuilegio hæreseos etiam dedecus impressere quidam magni hominis præfules, quædam etiam Synodi. Alij vituperium hoc omne abstertere. Quidam denique laudibus prosecuti sunt. Vnus Iuo hic prodibit & suæ & alienæ sententiæ arbiter idoneus. Ita ergo ille epist. 233. *Eorum sententiam qui inuestituras laicorum defendere volunt, schismaticam iudico. Nec ista contra dominum Papam dico, quia quibusdam literis mihi scripsit, se coactum fecisse quod fecit, & adhuc prohibere quod prohibuit, quamuis quadam nefanda quibusdam nefandis scripta permiscerit. Et quia verenda patris debemus potius velare, quàm nudare, familiaribus & charitatem redolentibus literis admonendus mihi videtur, ut se iudicet, aut factum suum retrahat, &c. Si in hoc languore insanabiliter egrotauerit, non est nostrum indicare de Summo Pontifice. Et infra epist. 236. ait se factum Papæ, filiali caritate excusare, &c. Hunc excessum eius non tantum non accusamus, sed dictante ratione approbamus. Si imminente strage populi, paternâ charitate, cum nonnullò vulnere suo*

suo se tantis periculis voluit obicere, ut maioribus morbis posset sincerâ charitate subuenire. Postremò illis explosis, qui hanc hæresin esse clamitabant, concludit, cum ea quæ eternâ lege sancita non sunt, sed pro honestate & utilitate Ecclesie, instituta vel prohibita, pro eâdem occasione ad tempus remittuntur, pro quâ inuenta sunt, non est institutorum damnosa prauaricatio, sed laudabilis & saluberrima dispensatio. Ut ne alios excutiam hæc de re philosophatos, vno in luone triplicem quendam aduertere mihi videor sententiæ gradum. Decretum enim Paschalis appellat primo nefandum, pudendum, retractandum: ni emendetur, insanabilis ægrotationis documentum. Deinde ait illud, filiali charitate excusandum. Denique definit distante ratione approbandum, utpote à paterna charitate, ad præuertendâs populi strages, à laudabili & saluberrima dispensatione profectum. Usque adeò ubi rigor iuris tantillum inflectitur, alternare necesse est hominum etiam sapientum iudicia, iusti temperamenti metas aliis longiùs protollentibus, aliis reuocantibus. Consultò prætermisi, ut quæ suo suprâ loco prolixius explanata sit, Hormisdæ Papæ dispensationem, circa vnum ex Trinitate passum. Silentio ille studuit, æquè ut Honorius. Sed par consilium feliciùs illi, quàm huic cessit. Eodem priuatæ curiositatis impetu possit culpari Hormisda, quo Honorius absolui. Sed delectet nos potiùs quædam sapiendi sobrietas, & iudiciorum Ecclesiasticorum ac synodaliū religio, præsertim post tanta intercurrentium sæculorum spacia, & his aduectam condensatamque caliginem.

Utque ad gyrum Honorianæ controuersie me reflectam, XXXI. Typus consimili dispensationi seruire fingebatur Typus Constantis Imperatoris nomine publicatus. Eius hæc erant verba ut referuntur Consult. 4. Conc. Later. sub Martino Papa:

Quapropter sancimus, nobis subiectos qui consistunt in Orthodoxâ fide, non habere licentiam inuicem à presenti, de vnâ voluntate, aut vnâ operatione, aut duarum voluntatum & duarum operationum qualemcumque proferre altercationem. Hæc autem san-

cimus, nihil aliquid interficientes de piissimis dogmatibus, quæ à Patribus de dispensatione verbi dogmatizata sunt. Sancta Synodus dixit: *Relectus Typus bonum quidem intentum habere dignoscitur; dissonantem autem virtutem intentui continet. Bonum est namque proculdubio & omnibus timentibus Deum desiderabile, cohibere dissensiones & altercationes pro causâ fidei: sed non est utile & bonum, cum malo destruere bonum, id est, cum hæreticis Orthodoxorum Patrum verba & dogmata.* Et infra rursus præstito eo capite, à sanctis Patribus duas & voluntates & operationes Christi prædicari, aiunt, *Propterea intentum quidem bonum existentem Typi laudamus, sed modum ab intentu dissonantem auertimur.* Atqui Typo geminæ propè sunt epistolæ Honorij: eo laudabiles, quòd paci consulant: eo culpandæ, quòd operationes Christi duas vel vnâ iubentes sileri, contumeliosæ sint sanctorum Patrum Schætui, qui duas vt naturas, ita voluntates & operationes vno calculo constituunt. Ideò nusquam Martinus, nusquam Lateranensis Synodus, nec vllus deinceps Pontifex Honorij defensionem aggreditur. In illum enim redundabat Typi damnatio. Qui verò è iunioribus Theologis eius & epistolas & famam tuerisatisegerunt, pia & ipsi intentione Honorij piâ intentionem osculati sunt; sed eminus rem aspicientes, & post sæcula tot interlapso iudicium tantæ litis instaurantes, multa fefellere, quæ Synodi sextæ Patres fallere non potuerunt. Illos enim non latuit, Pontifices ipsos Romanos penè præisse iam sibi, iam in antecessum consensisse in Honorij damnationem, dum defendere illum desissent, dum ad Monotheletarum de eo duce blandientium sibi iactantiam siluissent, dum denique Typum damnassent, exiguo ac penè nullo ab epistolis Honorij intervallo discretum. Et sanè cum Typus, cum Sergij epistolæ complures tam propè ad Honorij scripta alluderent, & sub eius dispensationis vmbra Monotheleticæ insanix pestes tandiu aluissent, latissimeque iam effudissent: non ferè poterant non eodem hæc omnia, mucrone Synodica censure transfigi.

Sed expendenda iam nobis sunt verba Anastasij Bibliothecarii, præfatione in sua ad Ioannem Diaconum collectanea. *Ad manus nostras venire contigit Apologiam quarti Ioannis Romani Pontificis pro Honorio Papâ, à calumniatoribus impetito, quod unam Domini nostri Iesu Christi tantum scripserit voluntatem. Quæ videlicet apologia satis hunc, ut reor, excusabilem reddi, licet huic sexta sancta Synodus quasi hæretico anathema dixerit: & in Dei solius iam iudicio positum reprobationis telo perfoderit. Cum hæreticus non ex erroris tantum deceptione, quantum ex electione non rectâ, & contentiosâ pertinaciâ generetur: Quis autem erit, qui nobis interim dicat, utrum ipse pro certo dictauerit epistolam, de quâ illum anathematizandi fomitem calumniatores susceperunt? Cum ex scriptoris vel indisciplinatione, vel in Pontificem odio, quid contingere tale potuerit. Quamvis non ignoremus, docente sancto Maximo in epistolâ suâ, quam Marino scripsit presbytero, sanctissimum hanc scripsisse Ioannem Abbatem. Hactenus satis sobriè sapit Anastasius, Vbi aduerte vnum ex Romanis Pontificibus apologiam pro Honorio texuisse Ioannem, & quidem longè ante Synodum: non Seuerinum, non Theodorum, non Martinum, etsi huic obiecta sit occasio & penè necessitas: non Eugenium, Vitalianum, Adeodatum, Donum: non Agathonem, etsi his magis liceret ante Synodum. Quod enim ait Agatho in epist. vel suggest. Vnde & Apostolica memoria prædecessores, ex quo nouitatem hæreticam in Christi immaculatam Ecclesiam Constantinopolitana Ecclesie præfules introducere conabantur, nunquam neglexere eos hortari atque obsecrando commonere, ut à prauis dogmatis hæretico errore, saltem tacendo, desisterent. His verbis saltem tacendo, dispensationem Honorij videtur ille quidem attingere, & commendare: sed pleniorẽ Tanè, quàm vnius & alterius verbuli apologiam Honorij facinus desideraret. Aduerte in epist. Honorii controuersias euidentissimè ab Anastasio demonstrari non Synodicas, non dogmaticas, non publicas, sed priuatas & pene furtiuas; utpote quas dubium sit, an Pontifex ipse dictauerit: utpote quarum fortassis omnis error in vnum refundi posset Scriptorem, qui proteruiâ vel*

XXXII. Anastasij Biblioth. defensio Honoriana expenditur, & ex ea confirmantur antedicta.

odio in Pontificem, suum in eas priuatum virus eructasset. Itaque nec sic errasset à Cathedra sua deficiens quid Pontifex. Aduerte 3. longè excusatiùs esse Honorio, quàm eius epistolæ patrocinarì. Nam Honorius potuit epistolam non dictasse, potuit de ea dictata pænituissè, potuit sequacem & morigerum ad monitoris siquis obligisset verba animum gestare. Facta hæc sunt, non iura. In factis potuit Synodo per mendacia testimonia, vel per veracium testium penuriam imponi. Siquid ergo nouæ lucis à nouis exoriretur postea experimentis, posset non procaculus quisque, sed Synodus alia prioris Synodi retractare gesta, & si iuberet veritas eliquatior, emendare. At scriptæ semel epistolæ iudex idonea est Synodus œcumenica; nec ibi locus est superioribus effugiis.

XXXIII. Multa rursus in defensione Honorianâ Anastasij examinantur, & suprapositis regulis adaptantur.

Sed ultra euehitur & præter metas vehitur Anastasius ibidem: *Esto & ipse dictator extitit; quis hinc illum interrogauit? Quis intentionem inuestigauit? Quis hunc corrigere voluit, & ille percontanti aut emendare volenti resistit? Præsertim cum in Euangelio illo in quo dicitur, Nolite iudicare & non iudicabimini, &c. nihil aliud præcipi magnis etiam magistris videtur, nisi ut ea facta quæ dubium est, quo animo fiant, in meliorem partem interpretemur. Sunt quippe quadam facta media, quæ ignoramus quo animo fiant, cum bono & malo fieri possint, de quibus temerarium est iudicare, maxime ut condemnemus. Sed ne videamur tam sanctam, tamque reuerendam Synodum accusare, vel temerè reprehendere, licere nobis opinamur de illâ sentire, quæ sanctos Patres nostros de Chalcedonensi magnâ Synodo sensisse non ignoramus. Quorum unus sanctus videlicet Papa Gregorius, usque ad prolationem tantummodo Canonum hanc suscipiendam fore signauit. Addit & de secunda Synodo. Erubuit tantæ Synodo vir alioqui egregius, & effusiores licentiam patrocinijs magnorum Pontificum excusare laborauit. Incassum omnino. Nam aduerte rursus primò intentionem Honorij non excusari tantum, sed & laudari posse, nec eo tamen clypeo deflecti posse ab eo merita damnationis iaculum. Et Typi enim intentionem laudauit, & Typum tamen ipsum*


damnavit cum Synodo suâ Lateranensi Martinus. An ergo & Martinum & Romanam Synodum iisdem onerabit con-
 vitis? Num per Martini contumelias Honorio consultum
 volet? Si alterum causâ cadere necesse est, satius est pro-
 stratum iacere Honorium, quàm sublimem & Christi mar-
 tyrem deprimi Martinum. Si alterutri dedecus inurendum
 est, conducibilis est, pœnam debitam ille pertulerit,
 quam hic intulerit indebitam. Aduerte 2. nequaquam
 Honorij factum inter illa media referendum esse, quæ ad
 utrumlibet interpretantis gramiâ vel odio declinari possunt.
 Ita enim & Typi damnatio recantanda foret. Sed ut Sy-
 nodus Romana de Typo censeret, ita sexta Synodus de
 Honorij epistolis, perversum esse, nec vnâ, nec duas
 profiteri Christi voluntates & operationes, postquam sancti
 Patres exertissimè duas vociferentur: postquam è duabus
 naturis duæ manifestissimæ effulgescant voluntates & ope-
 rationes: postquam eo ambiguo silentio vnus etiam, vel
 duplicis Christi naturæ profligata olim contentio recale-
 scat; postquam non integra amplius res sit, sed iam Phara-
 nita, iam Sergius, iam Cyrus vel apertè, vel inter has am-
 bages vnâ & voluntatem & operationem deprædicent,
 totumque è baratro reuchant Eutychetem. Aduerte 3. insul-
 sissimam esse extremam Anastasij, qua non Honorium, sed
 seipsum tegit, defensionem. Quod enim Romano Ponti-
 fici licet, num priuato cuiilibet, num præterea cuiquam li-
 cebit, œcumenicas retractare Synodos, & in eis aliquâ sus-
 pendere? Quod vel maximum est primæ Sedis decus at-
 que ornamentum, id sibi, id cuiquam communicatum
 volet Anastasius, & viam ipse aperiet licentiosæ Censo-
 rum catenæ, in sacras Synodos impetum facturæ, inta-
 ctumque nihil relicturæ? Aduerte 4. nec Pelagium ip-
 sum, vel Gregorium in dubium vocasse quidquam eo-
 rum, quæ à quarta Synodo pertractata ac finita fuerant:
 sed quæ in controuersiam tracta post fuisse contenderunt,
 ea nequaquam à Chalcedonensi Synodo, sed post eam
 expletam à quibusdam Episcopis agitata fuisse astruxere.

Iam ergo Anastasius non Pontificibus tantum sese æquiparat, sed longo latoque præfert interstitio. Illi siquæ emendanda duxere, ea *post prolationem Canonum*, adeoque post finem Synodi actitata prius excusarunt, non à Synodo: hic à *sanctâ & reuerendâ Synodo* statutum præfatur, & mox emendat. Aduerte 5. quæ in Græcam Synodum Anastasius blatterat, ea ipso inopino resiliere in ipsos Pontifices. Nam & Leo II. & Hadrianus II. negligentiam, prodicionem, hæresin Honorij confessi sunt, atque execrati. Nec horum epistolæ ullius imposturæ suspectas habuit Anastasius, sicut nec acta sextæ Synodi. An ergo & hos Pontifices reos ager, tanquam temerè de intentione Honorij iudicantes, & malè vertentes, quæ boni consulere & poterant & debebant? Aduerte 6. nec ipsi etiam Anastasio curæ tantopere fuisse, epistolam Honorij, quàm ipsum Honbrium purgare. Et quæ in eius defensionem accumulatur ex quarta & secunda Synodo repetitis exemplis; nec ea ipsa quidquam officere nostræ sententiæ. Nam recantatum nihil est de iis, quæ in quartâ Synodo decreta fuerant, nempe ante prolatos Canones: & quæ de primatu Sedis Constantinopolitanæ in secundâ Synodo fuerant statuta, ea à Græcis tantum tumultuariè magis, quàm Synodicè fuerant acta, Occidentalibus tunc nec præsentibus, nec assentientibus, postea verò enixissimè dissentientibus.

XXXIV. Antedicta confirmantur ex libro, seu professione Pontificum Romanorum.

Denique & Anastasio & aliis Honorij patronis, ne Leonem rursus, ne Hadrianum, ne singulos Romanos Pontifices, sed vniuersos vno agmine constipatos obiciam: liber Pontificum qui inscribitur *Dionysius*, in professione Romani Pontificis, post cæteros hæreticæ nouitatis architectos, Honorium etiam anathemate percellit: *Honorium qui prauis eorum erroribus fauorem impendit*. Vbi conuenienter antedictis, & accommodatè ad Leonis verba, coniuuentia magis, quàm hæresis, vel & hæresis, sed ex coniuuentiâ Honorio impingitur.

•FINIS.



NOMINA

• Typographorum Parisiensium Societatis Regiæ
Librorum Ecclesiasticorum,

SEBASTIANVS & GABRIEL CRAMOISY,
GEORGIUS IOSSE,
DIONYSIVS BECHET,
GVILLELMVS LE BE,
SEBASTIANVS HVRE,
GABRIEL & NICOLAUS CLOPEIAV,
SIMEON PIGET,
PETRVS LE PETIT,
LVDOVICVS BILLAINE,
GODEFRIDVS MARCHER,
FREDERICVS LEONARD,
IOANNES DUPUIS.



